


Marĩp̃ya Kerere
Wereri Turi



New Testament in Siriano

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files dated 29 Jan 2022
1a0774e8-d152-5929-891b-95e0d2238786

Contents

SAN MATEO	1
SAN MARCOS	69
SAN LUCAS	110
SAN JUAN	182
LOS HECHOS	233
ROMANOS	295
1 CORINTIOS	324
2 CORINTIOS	352
GÁLATAS	370
EFESIOS	382
FILIPENSES	392
COLOSENSES	399
1 TESALONICENSES	406
2 TESALONICENSES	412
1 TIMOTEO	415
2 TIMOTEO	423
TITO	429
FILEMÓN	433
HEBREOS	435
SANTIAGO	457
1 SAN PEDRO	465
2 SAN PEDRO	473
1 SAN JUAN	478
2 SAN JUAN	485
3 SAN JUAN	486
SAN JUDAS	487
EL APOCALIPSIS	490

SAN MATEO

Jesucristo ñekūsāmarā āārīturiamurīdea

(Lc 3.23-38)

¹ Jesucristo ñekūsāmarā iripoegue marā āsū āārīnerā āārīmá. Jesucristo, David parāmi āārīturiagu āārīdi āārīmí. David, Abraham parāmi āārīturiagu āārīdi āārīmí.

² Abraham Isaac pagu, Isaac Jacob pagu,
Jacob Judásā pagu āārīdi āārīmí.

³ Judá pūrā Fares, Zara wāikurā āārīnerā āārīmá. Īgūsā pago Tamar wāikudeo āārīmó.

Fares Esrom pagu, Esrom Aram pagu,

⁴ Aram Aminadab pagu, Aminadab Naasón pagu,
Naasón Salmón pagu,

⁵ Salmón Booz pagu āārīdi āārīmí. Īgū pago Rahab wāikudeo āārīmó.

Booz, Obed pagu āārīdi āārīmí. Īgū pago Rut wāikudeo āārīmó.

Obed Isaí pagu āārīdi āārīmí.

⁶ Isaí Israel bumarā opu David pagu āārīdi āārīmí.

David, Urías marāpo āārīdeo merā Salomón wāikugure pūrākudi āārīmí.

⁷ Salomón Roboam pagu, Roboam Abías pagu,

Abías Asa pagu,

⁸ Asa Josafat pagu,

Josafat Joram pagu, Joram Uzías pagu,

⁹ Uzías Jotam pagu, Jotam Acáz pagu,

Acáz Ezequías pagu,

¹⁰ Ezequías Manasés pagu,

Manasés Amón pagu, Amón Josías pagu,

¹¹ Josías, Jeconíasā pagu āārīdi āārīmí. Īgūsā āārīripoere Israel bumarārē Babilonia marā gapu ñeā, Īgūsāya nikūgue āārīnerā āārīmá.

¹² Irasirigu, Jeconías Babilonia nikūgue Salatiel wāikugure pūrākudi āārīmí.

Salatiel Zorobabel pagu,

¹³ Zorobabel Abiud pagu,

Abiud Eliaquim pagu, Eliaquim Azor pagu,

¹⁴ Azor Zadoc pagu, Zadoc Aquim pagu,

Aquim Eliud pagu,

¹⁵ Eliud Eleazar pagu,

Eleazar Matán pagu, Matán Jacob pagu,

¹⁶ Jacob, José pagu āārīdi āārīmí.

José, María marāpu āārīdi āārīmí. María, Jesús masakare taubu “Cristo” wāikugu pago āārīdeo āārīmó.

¹⁷ Abraham merā keopurori, Daviguere marī keotūnumakū, āārīpererā Abraham parāmerā āārīturiarā catorce burigora masāporewāgānerā āārīmá. David merā Īgū parāmerā āārīturiarārē keomakū, Babiloniague Israel bumarārē Īgūsā āāburo dupuyuro keotūnumakū, catorce burigora masāporewāgānerā āārīmá. Dupaturi Babiloniague Īgūsā ejadero puru, Īgūsā parāmerā āārīturiarārē keopurorimakū, Cristo deyoadero puru keotūnumakū, catorce burigora masāporewāgānerā āārīmá doja.

Jesucristo deyoadea

(Lc 2.1-7)

18 Jesucristo deyoaburi āsū waayuro. Īgū pago María, José merā marāpukubo iriyupo. Īgūsā suro merā āārīrikuburo dupuyuro Ōāgū deyomarīgū turari merā nijīpo āārīnugāsiayupo.

19 José igo merā mojōsiabu diayemarē irigū āārīyupū. Irasirigū, igo nijīpo āārīrīrē masīgū, masaka ĩūrōgue igore: “Nērō irideo āārīmó”, ārī weresādūabi, ĩgūsā masībirimakūta igore béobu iriadiyupū.

20 Irire ĩgū gūñaripoe Marīpūre wereboegū, kērōgue ĩgūrē deyoa, āsū ārīyupū:
—José, David parāmi āārīturiagu, Marīare ñerō gūñabirikōāka! Igo, Ōāgū deyomarīgū turari merā nijīpo āārīnugāsiamo. Irasirigū güiro marīrō igo merā mojōsiaka!

21 Igo majīgūrē pūrākugokumo. Īgū ĩgūyarā masakare ĩgūsā ñerī iridea wajare taubu āārīgukumi. Irasirigū ĩgūrē “Jesús”^{*} wāiyegukoa, ārīyupū Marīpūre wereboegū Josere.

22 I āārīpereri Marīpū ĩgūya kerere weredupuyudire gojadorederosūta waayuro. Āsū ārī gojasūdero āārībá:

23 Sugo nomeō ũmū merā āārībirikerego, sugū majīgū pūrākugokumo. Īgū “Emanuel” wāikugukumi, ārī gojasūdero āārībá.[☆]
“Emanuel”, ārīrō: “Marīpū marī merāta āārīmī”, ārīduaro yáa.

24 José kārīadi yobeja, pūpū Marīpūre wereboegū ĩgūrē doreaderosūta María merā mojōsiayupū.

25 Irasirikeregū, igo magūrē pūrākuburo dupuyuro igore marāpokubi irirosū āārīkōāyupū. Igo pūrākūadero pūpū, majīgūrē “Jesús” wāiyeyupū.

2

Masīrīmasā Jesúre ĩārā waadea

1 Herodes wāikugū, Judea nikū marā opū āārīripoe Jesús iri nikūma makā Belēgue deyoayupū. Īgū deyoadero pūpū, abe mūrīriro gapū marā neñukārē ōārō masīrīmasā Jerusalēgue ejañurā.

2 Irogue eja, iri makā marārē sērēñañurā:
—Sugū majīgū deyoadi judío masaka opū āārību, ¿noógue āārīrī? Gūyaa nikūgue gūa āārīmakū, abe mūrīriro gapū neñukāmū ĩgū deyoarire ĩmugū boyopūrorimakū ĩābá. Irasirirā ĩgūrē būremurā aarirā iriabu, ārīñurā.

3 Opū Herodes ĩgūsā irasū ārādeare pébokagu, būro gūñarikūyupū. Āārīpererā Jerusalén marāde gūñarikūñurā.

4 Irasirigū Herodes āārīpererā paía oparārē, Moisés doredeare buerimasādere siiu neeō, ĩgūsārē sērēñayupū:
—Cristo, Marīpū iriubu, ¿noógue deyoabu āārāyuri? ārīyupū.

5 Īgū irasū ārīmakū, āsū ārī yajūñurā:
—Judea nikūma makā Belēgue deyoagukumi. Iripoegue Marīpūya kerere weredupuyudi āsū ārī gojadi āārīmī:

6 Belén wāikūri makāgue sugū Opū deyoagukumi. Īgū Marīpūyarā Israel bumarārē korebu āārīgukumi.
Irasiriro Belén Judea nikū āārīrī makārī watope ubu āārīrī makā āārīkerero, gajī makārī nemorō āārīrokoa, ārī gojadi āārīmī, ārī wereñurā Herodere.[☆]

7 Īgūsā irasū ārīmakū pégu, Herodes masīrīmasārē siiu, masaka péberogue sērēñayupū:
—¿Naásū āārīmakū neñukāmū deyoari? ārīyupū.

* 1:21 “Jesús”, ārīrō: “Marī Opū marīrē taumi”, ārīduaro yáa. ☆ 1:23 Is 7.14 ☆ 2:6 Mi 5.2

8 “Irinugue deyoami”, āri yujamakū pégu, ĩgūsārē Belēgue āsū āri iriuyupu:
 –Iro marārē: “¿Noógue āārĩrĩ, majĩgū deyoadi?” āri sērēñarā waaka!
 ĩgūrē bokajarā, ōōta goedujarika, yure ĩgū āārĩrōrē weremurā! Yude ĩgūrē
 b̄remugū waad̄akoa, āriyupu ĩgūsārē.

9-10 ĩgū irasū ārĩmakū pé, Belēgue waakōāñurā. Maague waamakū,
 neñukām̄, abe m̄rĩro gap̄ boyoadi ĩgūsā dupuyuro waadupuyuyupu, ĩgūsā
 waarí maarē ĩmugū. ĩgūsā neñukām̄rē ĩārā, b̄ro us̄yañurā. Neñukām̄ ĩgūsā
 dupuyuro waa, majĩgū ĩgū āārĩrĩ wii weka dujanugājayupu.

11 Irasirirā iri wiigue ñajārā, majĩgūrē, ĩgū pago María merā āārĩgūrē
 bokajañurā. ĩgūrē ĩā, ĩgū p̄ro ñaduk̄puri merā ejamejā: “Ōātarimi”, āri
 b̄remuñurā. ĩgūsā āiadea kūmarĩrē tūpā: oro, incienso, mirra wāik̄ari s̄rōrĩ
 wajaparire ĩgūrē s̄ñurā.

12 P̄r̄ ĩgūsā kārĩripoe Marĩp̄ kērōgue wereyupu:
 –Mus̄ya makāgue goedujáarā, Herodes p̄ro waarí maarē dujáabirikōāka!
 Gaji maa gap̄ dujáaka! āri wereyupu. Irasirirā gaji maa gap̄ goedujáañurā.

José, María merā majĩgūrē Egiptogue āiduriadea

13 Masĩrĩmasā goedujáadero p̄r̄, Marĩp̄re wereboegu Josere kērōgue
 deyoa, āsū āri wereyupu:

–Yobeka! Majĩgūrē, ĩgū pago merā Egipto nikūgue āiduriwāgāka! Ȳ m̄rē:
 “Dujarika!” āri weremakūgue dujarika! Herodes majĩgūrē āmabu yāmi ĩgūrē
 wējēbu, āri wereyupu.

14 ĩgū irasū ārĩmakū pégu, José yobe, majĩgūrē āi, pago merā ñamita Egiptogue
 waakōāyupu.

15 Herodes okaropā irogue āārĩñurā. Irasiriro Marĩp̄ya kerere
 weredupuyudi Marĩp̄ magūrē ĩgū ārĩdeare gojaderosūta waayuro. Marĩp̄
 āsū ārĩdi āārĩmĩ: “Ȳ magūrē Egiptogue āārĩgūrē siubu”.

Herodes ūma p̄r̄rē wējēbéodoredea

16 Herodes, masĩrĩmasā ĩgū p̄ro goedujáabirimakū ĩāgū, guatariakōāyupu.
 Irasirigu Belén marārē, iri makā t̄ro āārĩrādere ūma p̄r̄gārē
 wējēpeokōādoreyupu. Masĩrĩmasā ārĩdeare gūñagū: “Ōōpāta majĩgū masākumi”,
 āri gūñayupu. Irasirigu pe bojori oparārē, pe bojori doka oparārē
 wējēbéodoreyupu.

17 ĩgū irasiriri Jeremías Marĩp̄ya kerere weredupuyudi gojaderosūta
 waayuro. Āsū āri gojadi āārĩmĩ:

18 Ramā wāik̄rogue b̄ro bujawereri merā dujaritua, orerākuma. Raquel
 parāmerā āārĩturiarā Israel bumarā nome ĩgūsā p̄r̄rē b̄ro orerākuma.
 ĩgūsā p̄r̄rē wējēmakū ĩārā, bujawereduúbirimakū, gajerā ĩgūsārē
 gūñaturamakū irimasĩbirikuma, āri gojadi āārĩmĩ.✧

19 Herodes boadero p̄r̄, Marĩp̄re wereboegu Josere Egiptogue āārĩgūrē
 kērōgue deyoa, āsū āriyupu doja:

20 –Majĩgūrē wējēd̄anerā boapereakōāma. Irasirigu majĩgūrē, pago merā
 Israel bumarāya nikūgue āi dujáaka doja! āriyupu.

21 ĩgū irasū ārĩmakū pégu, José yobe, majĩgūrē, pago merāta Israel bumarāya
 nikūgue āiākōāyupu.

22 José gap̄ Judea nikūgue ejagu, Herodes magū Arquelao wāik̄gu ĩgū pagu
 daḡre gorawayudi āārĩmi, ārĩrĩ kerere pégu, gūiyupu. Irasirigu, kērōgue
 Marĩp̄ ĩgūrē werederosūta Judea nikūrē taria, Galilea nikūgue waakōāyupu.

✧ 2:18 Jer 31.15

²³ Iri nikūguere Nazaret wāikuri makāgue eja, āārīyupū. Irasiro Marīpūya kerere weredupuyunerā gojaderosūta waayuro. Āsū ārī gojanerā āārīmá: “Cristo, Marīpū iriudi Nazaretmūta āārīmi, ārīrākuma masaka”, ārī gojanerā āārīmá.

3

Juan masakare wāīyerimasū buedea
(Mr 1.1-8; Lc 3.1-9, 15-17; Jn 1.19-28)

¹ Iripoere Juan masakare wāīyerimasū Judea nikū masaka marīrōgue ĭgū pūro ejarārē Marīpūyare buenūgāyupū.

² Āsū ārī werenayupū:

—Mūsā ñerō iririre bujawereka! Mūsā gūñarīrē gorawayuka! Mérō duyáa, Marīpū ĭgūyarārē doreri ejaburo, ārī werenayupū.

³ Iripoeguemu Isaiás Marīpūya kerere weredupuyudi, Juan iriburire āsū ārī gojadi āārīmi:

Sugū, masaka marīrōgue buro gainirī merā: “Marī Opū aariburi dupuyuro ĭgū aariburi maarē diayema maa ōārī maa āmurā irirosū diayemarē irika!” ārī weregukumi, ārī gojadi āārīmi.✧

⁴ Juāya surīro camellu poari merā suadea surīro āārīyuro. ĭgūya yūwēñarīdade waibu gasiro merā irideada āārīyuro. Porerōa, mume makānūu marāyare baarikūyupū.

⁵ Jerusalén marā, āārīperero Judea nikū marā, dia Jordán wāikūdiya turo marāde ĭgūrē pérā ejañurā.

⁶ ĭgūsā ñerō irideare bujawere, Marīpūre weretarimakū ĭāgū, ĭgūsārē deko merā wāīyeyupū dia Jordán wāikūdiyague.

⁷ Juan, wārā fariseo bumarā, saduceo bumarā ĭgūrē wāīyedorerā ejamakū ĭāgū, āsū ārīyupū:

—Mūsā āña irirosū ñerā āārā. ¿Noā mūsārē ōōguere aaridoreari? “Marīpū, gūa ñerō iriri waja gūare wajamoābirikōāburo”, ārīrā, ¿yure wāīyedorerā aarari?

⁸ Mūsā: “Gūa ñerō irideare bujawere, gūñarīrē gorawayuabu”, ārīrā, mūsā ñerō irideare piri, ōārī gapūre irika! Mūsā irasirimakū, Marīpū mūsārē wajamoābirikumi.

⁹ Mūsā: “Gūa Abraham parāmerā āārīturiarā āārīmakū, Marīpū gūare wajamoābirikumi”, ārī gūñabirikōāka! Yū mūsārē āsū ārā: “Mūsā gūñarīrē gorawayubirimakū, mūsā Abraham parāmerā āārīturiari wajamāa. Marīpū ĭ ūtāyeri merā Abraham parāmerā āārīturiarā waamakū irimasīmi”.

¹⁰ Mūsā ñerī iririre piribirimakū ĭāgū, Marīpū mūsārē béogukumi. Sugu yukū ñerī dukakūdire ĭā, kōme merā nugūrīgue merāta diti, peamegue soebéorosū mūsārē béogukumi.

¹¹ Mūsā ñerō irideare bujawere, mūsā gūñarīrē gorawayumakū ĭāgū, yū mūsārē deko merā wāīyegukoa. Yū pūru aarigú, yū nemorō turagu āārīmi. Yū gapū ubu āārīgú, ĭgūrē neō sūropebirikoa. ĭgū mūsārē Ōāgū deyomarīgū merā, peame merā wāīyegukumi. Irasirigu Ōāgū deyomarīgūrē mūsā merā āārīnīmakū irigukumi, ñerīrē soebéorosū mūsārē ñerīrē béoburo, ārīgū.

¹² Trigo gasirire korobéogu irirosū āārīmi. Gasirire koro odo, iri yerire baari duripīri wiigue duripīgu irirosū ōārō irirārē ĭgū pūrogu āāgukumi. Gasiri gapūre peamegue soebéogu irirosū ñerō irirārē peamegue béogukumi. Iri peame neō yaribirikoa, ārī werenayupū Juan masakare.

✧ 3:3 Is 40.3

Juan Jesúre deko merã wãiyedea
(Mr 1.9-11; Lc 3.21-22)

¹³ Juan masakare dia Jordán wãikadiyague deko merã wãiyeripoe Jesús Galileague ããrãdi ãgũrẽ wãiyedoregũ waayurũ.

¹⁴ Irogue ejamakũ, Juan ãgũrẽ wãiyedũabiradiyurũ:

—¿Mũ gapũ yũre wãiyerono irigũ yũre wãiyedoregũ aarĩri? ãrĩyurũ.

¹⁵⁻¹⁶ Jesús gapũ ãgũrẽ yujũyurũ:

—Yũre wãiyeka! Marĩrẽ ããrĩpereri Marĩrũ dorederosũta iriro gããmea.

Ãgũ irasũ ãrĩmakũ pégu: “Jáũ”, ãrĩ, Jesúre wãiyeyurũ. Wãiyẽ odomakũ, Jesús diague níadi majãnũgãmakũta, ãmũgasi tũpãkõãyuro. Õãgũ deyomarĩgũ buja irirosũ deyogũ dijari, ãgũ weka ejabekamakũ ããyurũ.

¹⁷ Marĩrũ ãmũgasigue ããrĩgũ ãsũ ãrĩyurũ Jesúre:

—Ĩĩ yũ magũ, yũ maĩgũ ããrĩmi. ãgũ merã bũro usũyáa, ãrĩyurũ.

4

Wãtĩ Jesúre ãrĩmesãdidea
(Mr 1.12-13; Lc 4.1-13)

¹ Pũrũ Õãgũ deyomarĩgũ Jesúre masaka marĩrõgue ããyurũ, wãtĩ ãgũrẽ ãrĩmesãburo, ãrĩgũ.

² Iroguere Jesús cuarenta nũrĩ, cuarenta ñamĩrĩgora baabiriyurũ. Pũrũ ãboakõãyurũ.

³ ãgũ ãboamakũ ããgũ, wãtĩ ãgũ pũro eja, ãsũ ãrĩyurũ:

—Diayeta Marĩrũ magũ ããrĩgũ, mũ turaro merã i ãtãyerire pã duparu waamakũ irika! ãrĩyurũ.

⁴ Jesús gapũ ãgũrẽ yujũyurũ:

—Yũrũyã werenĩrĩ gojadea pũgue: “Baari dita masakare okamakũ iribea. ããrĩpereri Marĩrũyã werenĩrĩ gapũ ãgũsãrẽ okamakũ yáa”, ãrĩ gojasũdero ããrĩbũ, ãrĩ wereyurũ Jesús wãtĩrẽ.

⁵ Pũrũ wãtĩ Marĩrũyã makã Jerusalẽgue Jesúre ãã, Marĩrũyã wii wekague ãĩmũrĩã,

⁶ ãgũrẽ ãsũ ãrĩyurũ:

—Diayeta Marĩrũ magũ ããrĩgũ, yebague parimadijaka! ãgũyã werenĩrĩ gojadea pũgue:

Marĩrũ ãgũrẽ wereboerãrẽ mũrẽ koredoregũkumi, neõ ãtãyegue meẽbejabirikõãburo, ãrĩgũ, ãrĩ gojasũdero ããrĩbũ, ãrĩ wereyurũ wãtĩ Jesúre.*

⁷ Jesús ãgũrẽ yujũyurũ:

—Yũrũyã werenĩrĩ gojadea pũgue: “Bũremurĩ marĩrõ Marĩrũre: ‘Mũ turari merã yũre gajino iri ãmũka!’ ãrĩbirikõãka!” ãrĩ gojasũdero ããrĩbũ, ãrĩ wereyurũ Jesús wãtĩrẽ.

⁸ Pũrũ wãtĩ Jesúre ãmarĩ buúru wekague ãĩmũrĩayurũ doja. Irogue ããrĩpereri i ãmũma makãrĩrẽ, masaka oparidere ãmũpeokõãyurũ.

⁹ Irire ãmũpeo, Jesúre ãsũ ãrĩyurũ:

—Mũ ñadũkũpuri merã ejamejãja, yũre: “Mũ, yũ Opũ ããrã”, ãrĩ bũremumakũ, i ããrĩpererire mũrẽ sĩgũra, ãrĩyurũ.

¹⁰ ãgũ irasũ ãrĩmakũ, Jesús ãsũ ãrĩyurũ:

—Satanás, yũ pũrore wirika! Yũrũyã werenĩrĩ gojadea pũgue: “Marĩrũ direta bũremuka! ãgũ doreri direta irika!” ãrĩ gojasũdero ããrĩbũ, ãrĩ wereyurũ Jesús wãtĩrẽ.

* 4:6 Sal 91.11-12

¹¹ Īgũ irasũ ārimakũ pégu, wātĩ waakõäyupũ. Īgũ waadero purũ, Marĩpure wereboerã Jesũre iritamurã ejañurã.

Jesús Galilea nikũgue masakare buenũgãdea
(Mr 1.14-15; Lc 4.14-15)

¹² Juãrẽ peresu iridea kerere pégu, Jesús Galilea nikũgue waakõäyupũ.

¹³ Iro āārĩrĩ makã Nazarere tariwãgã, Capernaum wãikuri makãgue ejayupũ. Galilea wãikuri ditaru turo āārĩbũ Capernaum. Iri makã Zabulón bumarãya nikũ, Neftalí bumarãya nikũ āārĩunadero āārĩbũ.

¹⁴ Jesús irogue ejagu, iripoeguemu Marĩpuya kerere weredupuyudi Isaías gojaderosũta iriyupũ. Āsũ ārĩ gojadi āārĩmĩ:

¹⁵ Zabulón bumarãya nikũ, Neftalí bumarãya nikũ āārĩunadero, judío masaka āārĩmerãya nikũ āārã. Ditaru turo, dia Jordán wãikudiya abe ñajãrõgue Galilea wãikuri nikũ āārã.

¹⁶ Iro marã, naĩtĩãrõgue āārĩrã irirosũ Marĩpuyare masĩbema. Īgũsã masĩbiri waja peamegue waabonerã āārĩma. Irasũ āārĩkererã, sĩagorire ĩãrã irirosũ ĩgũsãrẽ taubure ĩãrãkuma. Īgũta ĩgũsãrẽ Marĩpure masĩmakũ irigu aarigukumi. Irasirirã boyorogue āārĩrã irirosũ āārĩrãkuma, ārĩ gojadi āārĩmĩ.*

¹⁷ Jesús irogue āārĩgũ, masakare āsũ ārĩ buenũgãyupũ:

–Musã ñerĩ iririre bujawereka! Musã gũñarĩrẽ gorawayuka! Mérõ duyãa, Marĩpu ĩgũyarãrẽ doreri ejaburo, ārĩyupũ.

Jesús wapikũrã waaĩ wẽjẽrĩmasãrẽ siuudea
(Mr 1.16-20; Lc 5.1-11)

¹⁸ Jesús Galilea wãikuri ditaru turogue ejagu, Simõrẽ, ĩgũ pagumu Andrére bokajayupũ. Simõta “Pedro” wãikuyupũ. Īgũsã waaĩ wẽjẽrĩmasã āārĩñurã. Ditarugue ĩgũsãya buidire meeyorã iriñurã.

¹⁹ Jesús ĩgũsãrẽ:

–Nãka, yũ merã! Daporare musãrẽ waaĩ wẽjẽrĩmasã āārĩrĩrẽ piri, Marĩpuya kerere wererimasã āārĩmakũ irigukoa, ārĩyupũ.

²⁰ Īgũ irasũ ārimakũ pérã, mata ĩgũsãya buiriyukure pikõã, Jesús merã waakõãñurã.

²¹ Purũ Jesús yoawayaro waa, Santiagore, ĩgũ pagumu Juãrẽ bokajayupũ. Īgũsã Zebedeo wãikugu pũrã āārĩñurã. Īgũsãya doódirugue ĩgũsã pagu merã ĩgũsãya buiriyukure amurã iriñurã. Jesús ĩgũsãrẽ: “Nãka, yũ merã!” ārĩ siuyupũ.

²² Īgũ irasũ ārimakũ pérã: “Jãu”, ārĩ, ĩgũsãya doódirure, pagure pikõã, Jesús merã waakõãñurã.

Jesús wãrã masakare buedea
(Lc 6.17-19)

²³ Jesús āārĩperero Galilea nikũrẽ judío masaka nerẽrĩ wiirigue buegore-nayupũ. Ōãrĩ kerere, Marĩpu ĩgũyarãrẽ doregu āārĩrĩrẽ bueyupũ. Irasũ āārĩmakũ pũrĩrikũrãrẽ āārĩpereri ĩgũsã pũrĩrĩrẽ tauyupũ.

²⁴ Īgũ irasiriri kerere āārĩperero Siria nikũ marã masĩpereakõãñurã. Irasirirã gajerosũperi sĩrĩrĩ oparãrẽ, pũrĩrikũrãrẽ, wãtẽa ñajãsũnerãrẽ, ñamasĩrĩrĩ oparãrẽ, waamasĩmerãdere Jesús purogue ãĩñurã. Irasirigu āārĩpererãrẽ tauyupũ Jesús.

²⁵ Īgũ irasirimakũ ĩãrã, wãrã Galilea nikũ marã, Decápolis wãikuri nikũma makãrĩ marã, Jerusalén marã, Judea nikũ marã, dia Jordán wãikudiya abe mũrĩriro gapu marã ĩgũ merã waañurã.

* 4:16 Is 9.1-2

5

Jesús buúrugue masakare buedea

¹ Jesús, masaka wárã ìgũ p̄ro ejamakũ ìãgũ, buúrugue m̄rĩa, eja doayur̄. Ìgũ irogue doamakũ, ìgũ buerã ìgũ p̄ro ner̄en̄gãjañurã.

² Ìgũsã ner̄en̄gãjamakũ ìãgũ, Jesús ìgũsãrẽ ãsũ ãrĩ buer̄er̄or̄iyur̄:

*“Ãsũ irirãno usuyama”, ãrĩ buedea
(Lc 6.20-23)*

³ —“Marĩp̄u iritamubirimakũ, ìgũ gããmerĩrẽ irimasĩña marĩbokoã”, ãrĩ gũñarãno, ãm̄ugasigue Marĩp̄u ìgũyarãrẽ dorerogue waarãkuma. Irogue ma ìgũsãya ããrã. Irasirirã usuyama.

⁴ ‘Bujawereri merã ããrĩrãrẽ Marĩp̄u ìgũsãrẽ gũñaturamakũ irigukumi. Irasirirã usuyama.

⁵ “Gajerã nemorõ ããrã”, ãrĩ gũñamerã, Marĩp̄u ìgũsãrẽ: “I nikũrẽ s̄iḡm̄ra”, ãrĩdeare oparãkuma. Irasirirã usuyama.

⁶ ‘Marĩp̄u gããmerĩrẽ iriduarã, ãboarã baaduarã, ñemesiburã iiriduarã irirosũ ããrĩma. Marĩp̄u ìgũsãrẽ iritamugukumi, ìgũ gããmerĩrẽ iriburo, ãrĩgũ. Ìgũsãrẽ iritamugũ, iirĩ, baayapianerã irirosũ ããrĩmakũ irigukumi. Irasirirã usuyama.

⁷ ‘Gajerãrẽ bopoñarĩ merã ìãrãrẽ Marĩp̄u ìgũsãrẽ bopoñarĩ merã ìãgukumi. Irasirirã usuyama.

⁸ ‘Ñerĩ opamerã Marĩp̄ure ìãrãkuma. Irasirirã usuyama.

⁹ ‘Gajerãrẽ õãrõ siuñajãrĩ merã ããrĩmakũ iriduarãrẽ Marĩp̄u ìgũsãrẽ: “Ȳu p̄rã ããrĩma”, ãrĩgukumi. Irasirirã usuyama.

¹⁰ ‘Marĩp̄u gããmerĩrẽ iriri waja, gajerã ìgũsãrẽ ñerõ tarimakũ irisũrã ãm̄ugasigue Marĩp̄u ìgũyarãrẽ dorerogue waarãkuma. Irogue ma ìgũsãya ããrã. Irasirirã usuyama.

¹¹ ‘Ȳure m̄sã buremurĩ waja gajerã m̄sãrẽ ñerõ wereníkerep̄ur̄, m̄sãrẽ ñerõ irikerep̄ur̄, ããrĩpereri gajerosũperi ñerĩ kere ãrĩkerep̄ur̄, usuyaka!

¹² Marĩp̄uya kerere weredupuyunerãrẽ m̄sã dupuyuro ããrĩnerãrẽ ãsũta ñerõ irinerã ããrĩmã. Irasirirã m̄sãrẽ ñerõ irikerep̄ur̄, õãrõ usuyari merã ããrĩrik̄ka! P̄ur̄guere wáro õãrĩ oparãkoã ãm̄ugasiguere, ãrĩyur̄p̄u Jesús.

*I ãm̄uguere Marĩp̄uyare irirã moã, s̄iãgori irirosũ ããrĩma, ãrĩ buedea
(Mr 9.50; Lc 14.34-35)*

¹³ Irasũ ãrĩ odo, Jesús ãsũ ãrĩ buenemoyur̄:

—M̄sã i ãm̄uguere Marĩp̄uyare irirã moã okari irirosũ ããrã. Moã okadea okabirimakũ, dupaturi okamakũ irimasĩbirikoa. Béokõãkoã. Béoadero p̄ur̄, masaka k̄ur̄awasiribéokõãkuma. Irasirirã m̄sã moã okari irirosũ Marĩp̄uyare irinikõãka!

¹⁴ ‘M̄sã i ãm̄u marãrẽ s̄iãgori irirosũ ããrã. Irasirirã Marĩp̄uyare m̄sã irimakũ ìãrã, ìgũrẽ masĩrãkuma. Buúru wekague ããrĩrĩ makãrẽ duúmasĩña m̄ã.

¹⁵ Masaka s̄iãgodirure s̄iãgorã, dupa kũma dokague p̄ibirikuma. S̄iãgo, wii dekogue siukuma, iri wii marã ããrĩpererã õãrõ boyorogue ããrĩburo, ãrĩrã.

¹⁶ I irirosũ m̄sãde Marĩp̄uyare õãrõ iriri merã masakare m̄sã ìgũyarã ããrĩrĩrẽ masĩmakũ irika, ìgũrẽ ãm̄ugasigue ããrĩgũrẽ: “Õãtarigũ ããrĩmi”, ãrĩ buremuburo, ãrĩrã!

Jesús Moisés doredeare buedea

¹⁷ ‘M̄sã ȳure ãsũ ãrĩ gũñabirikõãka: “Marĩp̄u Moisére doreri pídeare, irasũ ããrĩmakũ Marĩp̄uya kerere weredupuyunerã gojadeare béoḡu aarigũ

irikumi”, āri gūñabirikōāka! Irire béogū aarigú meta iribu. Iri āārīpererire keoro iriyuwarikūgū aarigú iribu.

¹⁸ Diayeta mūsārē werea. Ūmūgasi, i nikū āārīrōpāta Marīpū neō mérōgā su wāi īgū doreri pídeare béobirikumi. Āārīpereri īgū: “Āsū irigūra”, ārideare keoro iriyuwarikūgūkumi.

¹⁹ Iri dorerire su wāirē tarinūgārāno, gajerārē: “Gūa irirosū irika!” āri buerā, ūmūgasigue Marīpū īgūyarārē dorerogue īgū īāmakū ubu āārīrā āārīrākuma. Gajerā gapū iri dorerire ōārō irirā, gajerārē īgūsā irirosū iridorerā, ūmūgasigue īgūyarārē dorerogue īgū īāmakū oparā irirosū āārīrākuma.

²⁰ Ire mūsārē werea. Mūsā, Moisés doredeare buerimasā, fariseo bumarā nemorō Marīpū gāāmerīrē iribirikererā, Marīpū īgūyarārē doreroguerē neō waabirikoa.

Jesús masaka guarimarē buedea

(Lc 12.57-59)

²¹ 'Marīpū mūsā ñekūsāmarārē doredeare mūsā pénerā āārībú. Īgūsārē āsū ārīdi āārīmī: “Masakare wējēbirikōāka! Gajigūre wējēdinorē wajamoāka, īgū wējēdea waja!”

²² Yū gapū mūsārē werea. Sugū īgūyagū merā guagū, wajamoāsūgūkumi. Īgūyagūre: “Mū wajamāa”, āri buridagūnorē marī oparā wajamoārākuma. Īgūyagūre: “Waibu irirosū pémasīrī opabea mū”, āri īgūnorē peamegue waamagoegorāa.

²³ 'Irasirirā Marīpūya wiima soepeorogue īgūrē buremurā gajino pírā waa-murā: “Yaagū yū merā guami”, āri gūñabokarā,

²⁴ Marīpūre sīburire píkōā, mūsāyagū pūroque waa: “Yū mūrē ñerō irideare kātika!” āri sērēka īgūrē! Mūsā gāme āmuadero pūru, dupaturi Marīpūya wiigūe mūsā sīduadeare īgūrē sīrā waaka!

²⁵ 'Sugū mūsārē weresādūagū, weresārīrē beyerimasū pūroque mūsārē āīduamakū, mata maague īgū merā waarā, īgū mūsārē weresārīrē āmuka! Īgū merā ōārō āmubirimakū, beyerimasūguere mūsārē weresāgūkumi. Īgū mūsārē weresāmakū pégu, beyerimasū mūsārē suraraguere wia, peresu iridoregūkumi.

²⁶ Diayeta mūsārē werea. Beyerimasū mūsārē wajaridoredeare wajaripeobirimakū, neō mūsārē wiubirikumi.

Jesús: “Gajigū marāpo merā ñerō iribirikōāka!” āri buedea

²⁷ 'Iripoegue marā weredeare mūsā pénerā āārībú. Āsū ārīnerā āārīmā: “Gajigū marāpo merā ñerō iribirikōāka!”

²⁸ Yū gapū mūsārē werea. Sugū nomeōrē ñerō iriduari merā īāgū, īgū gūñarīgue igo merā ñerō irisiami.

²⁹ 'Irasirirā mūsāya koyeru diaye gapūmarū merā īā, ñerō irirā, irirure goreweabéorosū iri ñerō iririre pirika! Mūsā koyerure béomakū, iriru dita dediria. Ñerō iririre pirimerā āārīpereri mūsāya dupū merā peamegue béosūrākoa.

³⁰ Mūsāya diayema mojō merā ñerō irirā, iri mojōrē dititá béorosū iri ñerō iririre pirika! Mūsāya mojōrē béomakū, iri mojō dita dediria. Ñerō iririre pirimerā āārīpereri mūsāya dupū merā peamegue béosūrākoa.

Jesús masakare: “Mūsā marāposā nomerē béobirikōāka!” āri buedea

(Mt 19.1-12; Mr 10.11-12; Lc 16.18)

³¹ 'Iripoegue marā idere ārīnerā āārīma: “Sugū īgū marāpore béoduagu: ‘I waja merā mūrē béoa’, āri gojari pūrē sīrō gāāmea”, ārīnerā āārīmā.

³² Y_u gap_u musārē werea. Sug_u, ĩg_u marāpo gajig_u merā ñerō iribirikerep_u igore béog_u, igore gajig_u merā marāpukumak_u irig_u, igore ñerō irimak_u irikumi. Iras_u āārīmak_u, ĩg_u béodeo merā marāpokug_ude ñerō irig_u irikumi.

Jesús: “Ās_u irig_ura”, ārīrā, Marīp_ure buedea

³³ 'Iripoegue marārē weredeare musā pénerā āārīb_u. Ās_u ārī werenerā āārīmá ĩg_usārē: “Marīp_u wāi merā ās_u irig_ura’, ārīderos_uta marī Op_u ĩūrō keoro irika!”

³⁴ Y_u gap_u musārē werea. Musā gajerārē: “Ās_u irig_ura”, ārīrā, Marīp_ure wāipeobirikōāka! “Ĕmugasima merā ās_u irig_ura”, ārībirikōāka! Ĕmugasi, Marīp_u doaro ubu āārīrō meta āārā.

³⁵ I nik_uma merādere wāipeobirikōāka! I nik_u Marīp_uya nik_u āārā. Irasirio ĩg_u kuraña doanírō iriros_u āārā. Jerusalén merādere wāipeobirikōāka! Jerusalén marī Op_u turatarig_uya makā āārā.

³⁶ “Yaa dipuru merā ās_u irig_ura”, ārī wāipeobirikōāka! Musā iras_u āārīrī merā neō musāya dipuruma poarire ñírīda, o borerida waamak_u irimasībirikoa.

³⁷ “Ās_u irig_ura”, o “Ās_u iribirikoa”, ārīrā, wāipeoro marīrō su diayeta wereka! Wāipeori merā: “Ās_u irig_ura”, ārīrā, wātī gāāmerīrē irirā yāa.

*Jesús masaka ñerō iri gāmirīmarē buedea
(Lc 6.29-30)*

³⁸ 'Iripoegue marā weredeare musā pénerā āārīb_u. Ās_u ārīnerā āārīmá: “M_urē gajig_u m_uya koyerure pátīāderos_uta m_ude ĩg_uya koyerure pátīā gāmika! M_uya guikarure ĩg_u pānuaderos_uta m_ude ĩg_uya guikarure pānu gāmika!” ārīnerā āārīmá.

³⁹ Y_u gap_u musārē werea. Musārē ñerō iridire iras_u ĩākōāka! ĩg_urē ñerō iri gāmibirikōāka! Sug_u musāya wayupārā diaye gap_ure pámak_u, kúgap_uma wayupārādere pádoreka!

⁴⁰ Sug_u m_urē weresārīrē beyerimas_u p_uro āia: “ĩg_uya surírore sīdoreka, ĩg_u y_ure ñerō iridea waja”, ārī weresāmak_u, iriñerē sīka! Iras_u āārīmak_u, m_uya wekamañedere sīnemoka ĩg_urē!

⁴¹ Sug_u surara gajinorē su kilómetro m_urē āiwāgādoremak_u, gaji kilómetro āiwāgānemobosaka doja!

⁴² Sug_u m_urē gajinorē sērēmak_u, sīka ĩg_urē! Gajino m_urē wayumak_u sīka ĩg_urē! “Wayubirikoa”, ārībirikōāka!

*Jesús: “Musārē ĩāturirārē maīka!” ārī buedea
(Lc 6.27-28, 32-36)*

⁴³ 'Gaji iripoegue marā weredeare musā pénerā āārīb_u. Ās_u ārīnerā āārīmá: “Musā merāmarārē maīka! Musārē ĩāturirā gap_ure ĩāturi doo, gāmika!” ārīnerā āārīmá.

⁴⁴ Y_u gap_u musārē werea. Musārē ĩāturirārē maīka! Musārē ñerō werenírārē: “Ōārō āārīburo”, ārīka! Musārē ĩāturi doorārē ōārō irika! Musārē ñerō ārī b_uridamak_u, musārē ñerō irimak_u, ĩg_usāya āārīburire Marīp_ure sērēbosaka!

⁴⁵ Irasirirā Marīp_u ĩmugasigue āārīg_u pūrā āārīrākoa. Marīp_u ñerārē, ōārādere abe asimak_u yāmi. ĩg_u dorerire irirā p_uro, irimerā p_urodere deko merēmak_u yāmi. Irasirirā musāde ĩg_u iriros_uta masakare s_uros_u ōārō irika!

⁴⁶ Musārē maīrā direta maīrā, ĩñeonorē ĩmugasigue wajatabokuri? Romano marā op_ure niyeru wajaseabosarimasāde ñerā āārīkererā, ĩg_usārē maīrārē maīma.

⁴⁷ Musāyarā direta ōārō bokatīrīñeārā, ĩñeeno ōārīrē gajerā nemorō iri bokuri? Marīp_ure masīmerāde ĩg_usāyarārē ōārō bokatīrīñeāma.

48 Irasirirā, Marīpu ūmugasigue āārīgū neō ñerī marīgū āārīrōsūta mūsāde neō ñerī marīrā āārīka! ārī wereyupu Jesús.

6

Jesús oārō iririkumarē buedea

1 Jesús āsū ārī werenemoyupu:

—“Oārīrē irirā āārā”, ārīrā, masaka iūrō mūsā iririre iri imubirikōāka! Mūsā irire irasirimakū, Marīpu ūmugasigue āārīgū mūsā irasiridea wajare sībirikumi.

2 Irasirirā boporārē iritamurā, āārīpererārē werebirikōāka! Irigatorimasā irirosū iribirikōāka! Īgūsā boporārē iritamurā, marī nerērī wiirigie nerēanerā, makā dekogue āārīrā iūrō: “Oārā āārīma”, ārīburo, ārīrā, iri imuma. Diayeta mūsārē werea. Masaka Īgūsārē oārō ārīrī merā wajatari opasiana.

3 Mūsā gapu boporārē gajino sīrā, masaka iāberogue sīka!

4 Marīpu, mūsā irasirimakū iāgū, mūsārē oārō wajatamakū irigukumi.

Jesús Marīpure sērērē buedea

(Lc 11.2-4)

5 'Marīpure sērērā, irigatorimasā irirosū iribirikōāka! Īgūsā marī nerērī wiirigie, makā dekogue masaka iāburo, ārīrā, sērē imuma. Diayeta mūsārē werea. Masaka Īgūsārē iārī merā wajatari opasiana.

6 Mūsā gapu Marīpure sērērā, mūsāya taribugue ñajāa, disipuro bia, gajerā iāberogue Īgūrē sērēka! Īgū deyomarīgū āārīkeregu, mūsā merā āārīgukumi. Irasirigu, gajerā iāberogue mūsā Īgūrē sērēmakū iāgū, mūsārē oārō wajatamakū irigukumi.

7 'Marīpure sērērā, ubu āārīrī werenīrī merā dupaturi sērēdujabirikōāka! Marīpure masīmerā irasū yāma. “Wāri werenīrī merā gua sērēmakū, guare pégukumi”, ārī gūñama.

8 Īgūsā irirosū iribirikōāka! Mūsā sērēburo dupuyuro Marīpu mūsā gāāmerīrē masīsiami.

9 Irasirirā āsū ārī sērērō gāāmea Marīpure:

Gupu ūmugasigue āārīgū, āārīpererā mūrē gopeyari merā bāremuburo.

10 Mu āārīpererārē doreri aariburo. Ūmugasigie marā mu gāāmerō irirosūta i nikū marāde iriburo.

11 Ūmuriku guare baari sīka!

12 Gajerā guare ñerō irideare gua kātirosūta mude gua ñerō irideare kātika!

13 Gua ñerō iridamakū kāmataka! Ñegū guare ñerī ārīmesārīrē tau kāmataka! Mu suguta guare doregu, turatarigu, gua bāremugū āārīnigukoa, ārī sērēka Marīpure!

14 'Gajerā mūsārē ñerō irideare mūsā kātimakū iāgū, Marīpu ūmugasigie āārīgū mūsā ñerō irideare kātigukumi.

15 Gajerā mūsārē ñerō irideare mūsā kātibirimakū, Marīpu mūsā ñerō irideare kātibirikumi.

Jesús bererimarē buedea

16 'Marīpure bāremurā bererā, irigatorimasā irirosū iribirikōāka! Īgūsā bererā, Īgūsāya diapure bujawererā irirosū iri imuma, masaka Īgūsā bererire iāmasīburo, ārīrā. Diayeta mūsārē werea. Masaka Īgūsārē iārī merā wajatari opasiana.

17 Mūsā gapu bererā, mūsā irinarōsūta irika! Mūsāya diapure waakoe, oārō wūapukōāka!

18 Mũsã irasirimakũ, gajerã mũsã bererire masĩbirikuma. Marĩpu gapũ deyomarĩgũ ããrĩkeregũ, mũsã merã ããrĩmi. Īgũ dita mũsã gajerã ĩãberogue iririre ĩãgũ, mũsãrẽ õãrõ wajatamakũ irigũkumi.

*Jesús marĩ ãmũgasigue wajatapurire buedea
(Lc 12.33-34)*

19 'Wári i nikũmarẽ sea neõ duripĩbirikõãka! I nikũma borewiji boakõãrokoa. Boabirimakũ, burua baadediukõãrãkuma. Baadediubirimakũ, yajarimasã ñajãa, yajakõãrãkuma.

20 Irasirirã mũsã ãmũgasima opaburi gapũre gũñaka! Ëmũgasima neõ borewiji boabirikoã. Iroguere burua mũsã opapurire neõ baadediubirikuma. Yajarimasãde neõ ñajãa, yajabirikuma.

21 Mũsã i ãmũma direta: "Opadũakoa", ãrĩ gũñarã, irire bũro maĩrãkoa. Ëmũgasima gapũre: "Opadũakoa", ãrĩ gũñarã, irire bũro maĩrãkoa.

*Jesús masakaya koye sĩagodiru irirosũ ããrĩrẽ buedea
(Lc 11.34-36)*

22 'Mũsãya koye mũsãya gũñarĩguere sĩagodiru irirosũ ããrã. Mũsã õãrĩ koye oparã irirosũ ããrĩmakũ, mũsãya gũñarĩguere õãrõ sĩagoro irirosũ ããrã. Irasirirã Marĩpũyare masĩa.

23 Mũsã ñerĩ koye oparã irirosũ ããrĩmakũ, mũsãya gũñarĩguere naĩtĩãrõ irirosũ ããrã. Marĩpũyare masĩbea. I naĩtĩãrĩ, ñetaria. Irire masĩbirimakũ ñegorãa.

*Jesús: "Niyerure maĩrã, Marĩpũre maĩbema", ãrĩ buedea
(Lc 16.13)*

24 'Neõ sugũ moãboerimasũ pẽrã oparãrẽ moãboemasĩbirikumi. Sugũ opũre maĩgũ, gajigũ gapũre maĩbirikumi, o sugũ opũre bũremugũ, gajigũ gapũre wũjubirikumi. Niyerudere maĩtarigũ, Marĩpu gapũre maĩbemi.

*Jesús, Marĩpu ĩgũ pũrãrẽ korerimarẽ buedea
(Lc 12.22-31)*

25 'Irasirigũ mũsãrẽ ire weregũra. Mũsã ããrĩrikurire gũñarã, "¿Ñeonorẽ baarãkuri, ñeonorẽ iirĩrãkuri, ñeonorẽ sãñarãkuri?" ãrĩ gũñarikũbirikõãka! Marĩ okari gapũ, baari nemorõ wajakũa. Marĩya dupũ, surĩ nemorõ wajakũa.

26 Mirãrẽ ãmarõgue wãrãrẽ ĩãka! Īgũsã baadũarã, otebema. Otedea dukare seabema. Baari duripĩri wiiridere opabema. Marĩpu ãmũgasigue ããrĩgũ gapũ ĩgũsãrẽ baari sĩmi. Mũsã gapũ, mirã nemorõ wajakũtarinũgãa.

27 Mũsã bũro gũñarikuri merã neõ mérõgã masãnemobirikoa. Mũsã irasũ gũñarikuri wajamáa.

28 'Irire masĩkererã, ¿nasirirã mũsã surĩ sãñapurire gũñarikuri? Makãnũma goori masãrĩrẽ gũñaka! Iri moãbirikerero, suabirikerero õãrĩ surĩ sãñarõ irirosũ deyoa.

29 Mũsãrẽ werea. Opũ Salomón surĩ õãrĩ sãñadero nemorõ iri goori gapũ õãrĩ deyoa.

30 Iri goorire Marĩpu õãrĩ goori deyomakũ irikerepũrũ, mérõgã purũ ñãĩdija pereakõãa. Gajinũ gapũ peamegue soebéokõãsũa. Iri mata pereburi ããrĩkerepũrũ, Marĩpu iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ mũsãrẽ õãrõ irigũkumi. Surĩre sigũkumi. Mũsã gapũ ĩgũrẽ mérõgã bũremurĩ opãa.

31 Irasirirã: "¿Ñeonorẽ baarãkuri, ñeonorẽ iirĩrãkuri, ñeonorẽ sãñarãkuri?" ãrĩ gũñarikũbirikõãka!

32 Marĩpũre masĩmerã buro gũñarikuri merã irire ãmanĩkõãma. Marĩpũ ãmũgasigue ããrĩgũ gapũ ããrĩpereri mũsã gããmerĩrẽ masĩsiami. Irire mũsãrẽ sĩgũkumi.

33 Irasirirã, Marĩpũ mũsã Opũ ããrĩrĩrẽ, ĩgũ gããmerĩrẽ, ĩgũ dorerire, ããrĩpereri nemorõ gããmepũrorika! Mũsã irasirimakũ, ããrĩpereri mũsã baa, iirĩburire, mũsã surĩ sãñaburidere sĩwekapeogũkumi.

34 Irasirirã: “¿Naásũ waarokuri ñamigãrẽ?” ãrĩ gũñarikũbirikõãka! Gajinũmarẽ mũsã ñerõ tariburire gũñarikũdupuyubirikõãka! Dapagãma direta gũñaka! Dapagãrẽ mũsã ñerõ tariburi ããrĩsiãa, ãrĩ wereyupũ Jesũs.

7

*Jesũs, gajerãrẽ: “Ñerã ããrĩma”, ãrĩ werewũabirikõãka! ãrĩ buedea
(Lc 6.37-38, 41-42)*

1 Jesũs irire ãrĩ odo, ãrĩnemoyupũ doja:

–Gajerãrẽ: “Ñerã ããrĩma”, ãrĩ werewũabirikõãka! Mũsã werewũabirimakũ ĩãgũ, Marĩpũ mũsãrẽ: “Ñerã ããrĩma”, ãrĩ ĩãbirikumi.

2 Gajerãrẽ: “Õãrõ iribema”, ãrĩ ĩãrõsũta Marĩpũ mũsãrẽ ĩãgũkumi. Gajerãrẽ: “Ãsũ ããrĩma”, ãrĩ ĩãrõsũta Marĩpũ mũsãrẽ ĩãgũkumi.

3 Mũsã ñerõ iridea, koyerugue wãri turu oparosũ ñetariri ããrĩrĩrẽ gũñabirikererã, mũsãyagũ ñerõ iridea, koyerugue nikũyegã oparosũ ããrĩrĩrẽ: “Ñegorãa”, ãrĩ gũñãa.

4 Irasirirã mũsã ñerõ iridea, koyerugue wãri turu oparosũ ããrĩrã, mũsãyagũre ĩgũya koyerugue ããrĩrĩrẽ nikũyegãrẽ: “¿Ãĩbéosi?” ãrĩmasĩbea.

5 Mũsã ñerõ iririkũrã, irigatorikũrã ããrã. Mũsãya koyerugue ããrĩrĩrẽ turu gapũre ãĩbéopũroriro irirosũ mũsã ñerõ iririre piripũrorika! Irasiri odo, mũsãyagũre: “Mu ñerõ iririre pirikõãka!” ãrĩ masĩa.

6 Marĩpũre ñerõ ãrĩ buridarãrẽ ĩgũya kerere werebirikõãka! ĩgũsãrẽ wererã, diayéare õãrĩrẽ sĩrã, o yeseare ñaguĩda wajaparidare sĩrã irirosũ iribokoa. Diayéa guarã, õãrĩ sĩkerepũrũ, gãmenugã kũrĩkõãkuma. Yesea iridare noõ gããmerõ kũrawasiribéokuma. ĩgũsã irirosũ ããrĩrãrẽ, ubugorata Marĩpũya kerere werebirikõãka!

*Jesũs: “Marĩpũre sãrẽrã, ãsũ ãrĩ sãrẽka!” ãrĩdea
(Lc 11.9-13; 6.31)*

7 Marĩpũre sãrẽka! ĩgũrẽ sãrẽmakũ, sĩgũkumi. Õãrĩrẽ ãmarã, bokarãkoa. Wiigũ ñajãduarã oemakũ, Marĩpũ disipũro tũpã ñajãdoregũ irirosũ mũsã sãrẽrĩrẽ pãgũkumi.

8 ĩgũrẽ sãrẽãnorẽ sĩgũkumi. ãmarãno, bokarãkuma. Wiigũ ñajãduarã oerã irirosũ ĩgũrẽ sãrẽmakũ ĩãgũ, ĩgũsãrẽ ñajãdoregũ irirosũ ĩgũsã sãrẽrĩrẽ õãrõ pãgũkumi.

9 Mũsã pũrã pãrẽ sãrẽmakũ, ãtãyere sĩbirikoa.

10 Waaĩ sãrẽmakũdere, ãñarẽ sĩbirikoa.

11 Ñerã ããrĩkererã, mũsã pũrãrẽ õãrĩrẽ sĩmasĩa. Marĩpũ ãmũgasigue ããrĩgũ gapũ, mũsã nemorõ õãrĩrẽ sĩmasĩmi. Irasirigũ ĩgũrẽ sãrẽrãrẽ irire sĩgũkumi.

12 Mũsã, gajerã mũsãrẽ õãrõ irimakũ gããmerõsũta mũsãde ĩgũsãrẽ õãrõ irika! Moissã gojãdea pũgue, Marĩpũya kerere weredupuyunerã gojãdea pũgũdere irasũta iridoredero ããrĩbũ.

*Jesũs eyabiri disipũrore ñajãri keori merã buedea
(Lc 13.24)*

¹³ 'Marĩpu purogue ñajãduarã ãgũyare irika! Irogue ñajãmakũ diasagorãa. Eyabiri disipuro ñajãrõ irirosũ ããrã. Peamegue waaró gapu eyari disipuro ñajãrõ, eyari maarẽ waaró irirosũ ããrã. Iri maarẽ waamakũ diasabea. Irasirirã wãrã masaka irogue waarã yãma.

¹⁴ Marĩpu puro gapure waamakũ diasagorãa. Irasirirã mérãgãta masaka, eyabiri disipuro ñajãrõrẽ, irogue eyabiri maarẽ bokama. Irogue waarã, Marĩpu merã õãrõ ããrĩrãkuma.

Jesús yukure dukã merã ããmasĩsũ, ãrĩ buedea
(Lc 6.43-44)

¹⁵ 'Õãrõ pémasĩka! "Marĩpuya kerere weredupuyurimasã ããrã", ãrĩgatorãrẽ pébirikõãka! ãgũsã oveja guamerã, õãrĩrẽ irirã irirosũ musã purogue ejarãkuma. Irasirikererã, ãgũsã gũñarĩguere diayéa makãnúu marã guarã irirosũ, ñerã ããrĩma.

¹⁶ ãgũsã ñerõ irimakũ musã ãgũsãrẽ: "Ñerã ããrĩma", ãrĩ ããmasĩrãkoa. Poragu iguire dukakubirikoa. Ñaagũde higo wãkũrĩre dukakubirikoa.

¹⁷ Õãdi yukũ õãrĩrẽ dukakua. Ñedi gapu ñerĩrẽ dukakua.

¹⁸ Yukũ õãdi ñerĩrẽ dukakubirikoa. Ñedide õãrĩrẽ dukakubirikoa.

¹⁹ Õãrĩ dukakubiridire pábéo, peamegue soekõãma.

²⁰ Irasirirã: "Marĩpuya kerere weredupuyurimasã ããrã", ãrĩgatorãrẽ ãgũsã iriri merã: "ãrĩgatorikurã ããrĩma", ãrĩ ããmasĩrãkoa musã.

Jesús ããrĩpererã masaka Marĩpu purogue waabirikuma, ãrĩ buedea
(Lc 13.25-27)

²¹ 'Wãrã yure: "Muta ããrã gua Opu", ãrĩkererã, ããrĩpererã ãmugasigue Yuru ãgũyarãrẽ dorerogue ñajãbirikuma. Yuru ãmugasigue ããrĩgũ gããmerĩrẽ irirã dita ãgũ ããrĩrõguere ñajãrãkuma.

²² Yuru ããrĩpererã ñerãrẽ wajamoãrĩnu ejamakũ, wãrã yure: "Gua Opu, muyare masakare buebu. Mu wãĩ merã wãtẽãrẽ béowiu, wãrĩ õãrĩrẽ iri ãmubu", ããrĩrãkuma.

²³ ãgũsã irasũ ãrĩkererũ: "Musãrẽ neõ masĩbiribu. Ñerĩrẽ irirã ããrã musã. Irasirirã yu purore wirika!" ãrĩgũkoa.

Jesús pe wii keori merã buedea
(Mr 1.22; Lc 6.47-49)

²⁴ 'Yu werenĩrĩrẽ péduripĩgũno, yu dorerire irigũno, õãrõ pémasĩgũ ããrĩmi. Sugu ãtãyegue ãkũãrĩ goberi mãñajãa, wii õãrõ núdi irirosũ ããrĩmi.

²⁵ Puru deko merẽ, dia wãro yura, mirũ buro wẽjẽpukerepuru, iri wii ãkũãrõ núdea wii ããrĩsã, neõ mirũabirikoa.

²⁶ Yu werenĩrĩrẽ pékeregu, yu dorerire iribi gapu sugu ãmparogue wii iridi irirosũ ããrĩmi.

²⁷ Puru deko merẽ, dia wãro yura, mirũ buro wẽjẽpumakũ, mata õjẽdija, kõmpereakõãkoa, ãrĩ wereyuru Jesús.

²⁸ ãgũ bue odomakũ, masaka ãgũ buerire pégũkari merã: "Õãtariro buemi", ãrĩ gũñañurã.

²⁹ Moisés gojadeare buerimasã irirosũ buebiriyuru. Sugu doregu irirosũ bueyuru Jesús.

8

Jesús kãmi boagure taudea
(Mr 1.40-45; Lc 5.12-16)

¹ Jesús buúrugue ããrãdi دچارimakũ ããrã, wãrã masaka ãgũrẽ tãyañurã.

2 Sugũ kãmi boagũ Jesúre ãgũ, ãgũ pũro ñadukũpuri merã ejamejã, ãgũrẽ sãrẽyupũ:

—Yũ Opũ, mũ yũ pũrĩrikũrire taudũagũ taumasĩa, ãrĩyupũ.

3 ãgũ irasũ ãrĩmakũ pégũ, Jesús ãgũya mojõ merã ãgũrẽ moãñayupũ.

—Mũrẽ taugũra. Kãmi marĩgũ dujaka! ãrĩyupũ.

ãgũ irasũ ãrĩmakũta, kãmi yariakõãyuro.

4 Irasirigũ Jesús ãgũrẽ ãrĩyupũ:

—Gajerã masakare mũ tariadeare werebirikõãka! Paí pũrogue mũrẽ kãmi yariadeare ãgũrẽ ãmũgũ waaka, ãgũ mũrẽ: “Kãmi marĩgũ ããrĩmi”, ãrĩburo, ãrĩgũ. ãgũ irasũ ãrãdero pũrũ, Moisés gojadea pũgue sãdoredeare sũka! Mũ irire irimakũ ãrã, masaka mũrẽ kãmi yariadeare masĩrãkuma, ãrĩyupũ Jesús ãgũrẽ.

Jesús surara opũre moãboegũre taudea

(Lc 7.1-10)

5 Pũrũ Jesús Capernaugue ejamakũ, romano marã surara opũ ãgũ pũro ejanũgã, ãgũrẽ iritamurĩ sãrẽyupũ:

6 —Gũa Opũ, yũre moãboegũ bũro pũrĩrikũgũ yaa wiigue oyami. Bũari merã bũro pũrĩsũgũ iriami, ãrĩyupũ.

7 Jesús ãgũrẽ ãrĩyupũ:

—ãgũrẽ taugũ waagũra.

8 Surara opũ ãgũrẽ yũjũyupũ:

—Yũ Opũ, yaa wiire mũrẽ: “Ñajãrika!” ãrĩ masĩbirikoa. Yũ ubu ããrĩgũ ããrã. Irasirigũ mũ õõgueta doreri merã yũre moãboegũ tarigũkumi.

9 Gajerã oparã yũre dorema. Yũde gajerã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩyupũ.

10 Jesús surara opũ irasũ ãrĩrĩrẽ pégũ, pégũkakõãyupũ. ãgũrẽ tũyarãrẽ ãsũ ãrĩyupũ:

—Diayeta mũsãrẽ werea. ãrĩ surara opũ Israel bumũ ããrĩbirikeregũ, yũre bũremumi. ãrĩ irirosũ yũre bũremugũ neõ sugũ Israel bumũrẽ bokajabiribũ.

11 Mũsãrẽ werea. Wãrã masaka ãrĩ irirosũ yũre bũremurãkuma. ãgũsã ããrĩperero marã judío masaka ããrĩmerã ããrĩkererã, ãmũgasigue Marĩpũ ãgũyarãrẽ dorerogue eja, marĩ ñekũsãmarã Abraham, Isaac, Jacob merã doa, baarãkuma.

12 Gajerã judío masaka: “Gũa Opũ ããrĩrõgue waamurã ããrã”, ãrĩkererũrũ, ãgũsã bũremubiri waja Marĩpũ ãgũsãrẽ naĩtĩarõgue béodediugũkumi. Irogũre pũrĩsũrã bũro ore, bũjawererĩ merã ãgũsãya guikare kũrĩduũtũrãkuma, ãrĩyupũ Jesús.

13 Irasũ ãrĩ odo, surara opũre ãrĩyupũ:

—Dujãaka mũya wiigue! Mũ bũremurõsũta waarokoa mũrẽ moãboegũre, ãrĩyupũ.

ãgũ irasũ ãrĩripoeta, ãgũrẽ moãboegũre pũrĩrĩ tariakõãyuro.

Jesús, Pedro mũñekõrẽ taudea

(Mr 1.29-31; Lc 4.38-39)

14 Pũrũ Jesús Pedroya wiigue waayupũ. Iri wiigue ñajãgũ, Pedro mũñekõrẽ peyarogue bũro nimakũrikũgo oyagore bokajayupũ.

15 Irasirigũ igoya mojõrẽ moãñayupũ. ãgũ moãñamakũta, nimakũri tariakõãyuro. Iri tarimakũ wãgãnũgã, ãgũsãrẽ baari ejoyupo.

Jesús wãrã pũrĩrikũrãrẽ taudea

(Mr 1.32-34; Lc 4.40-41)

16 Naĩmejāripoe āārĩmakũ, masaka wārā wātēa ñajāsũnerārē Jesús purogue āĩjañurā. Īgũ werenĩrĩ merā wātēa ĩgũsāguere ñajānerārē béowiuyupũ. Irasũ āārĩmakũ, āārĩpererā pũrĩrikurārē tauyupũ.

17 Irire irigũ, iripoeguemu Marĩpũya kerere weredupuyudi Isaias gojaderosũta iriyupũ. Āsũ ārĩ gojadi āārĩmĩ: “Marĩ turabirire, marĩ sĩrĩrē marĩrē taubosamĩ”, ārĩ gojadi āārĩmĩ.

Gajerā Jesúre: “Murē tuyadũakoa”, ārĩdea
(Lc 9.57-62)

18 Jesús wārā masaka ĩgũ puro nerēmakũ ĩāgũ, ĩgũ buerārē:

—Nāka, ditaru sikoepugue taribujarā! ārĩyupũ.

19 Īgũ irasũ ārĩmakũ, sugũ Moisés gojadeare buerimasũ Jesús puro eja, ārĩyupũ:

—Buegũ, mũ noó waaró murē tuyagũra, ārĩyupũ.

20 Jesús ĩgũrē yũjũyupũ:

—Makānũ marā diayéa ĩgũsā kārĩrĩ toreri opama. Mirāde ĩgũsā kārĩrĩ opama. Yũ āārĩpererā tĩgũ gapũ kārĩrĩ opabea, ārĩyupũ.

21 Gajigũ ĩgũ buerire tuyagũ ĩgũrē ārĩyupũ:

—Yũ Opũ, yũboamakũ ĩgũrē yáa odo, murē tuyagũra, ārĩyupũ.

22 Jesús ĩgũrē yũjũyupũ:

—Yũre tuyadũagũ, daporata yũ merā aarika! Yũre bũremumerā, boanerā irirosũ āārĩrāta boanerārē yáaburo, ārĩyupũ.

Jesús mirũ, makũrĩrē toemakũ iridea
(Mr 4.35-41; Lc 8.22-25)

23 Irasũ ārĩ odo, doódirugue ĩgũ buerā merā murĩñajāyupũ.

24 Īgũsā murĩñajāa, taribujaripoe ditarure mirũ bũro waayuro. Makũrĩ doódirure páñajāmiũkõādiyuro. Irasũ waaripoere Jesús gapũ kārĩgũ iriyupũ.

25 Irasirirā ĩgũrē yobeñurā:

—Gũ Opũ, gũare tauka! Marĩ mirĩmurā yáa, ārĩñurā.

26 Īgũsā irasũ ārĩmakũ, Jesús yũjũyupũ:

—¿Nasirirā bũro gũiri mũsā? Yũre mérõgā bũremurĩ opáa mũsā, ārĩyupũ.

Irasũ ārĩgũta wāgānũgā: “Mirũ, makũrĩ iropāta, toeaka!” ārĩyupũ. Īgũ irasũ ārĩmakũ, mirũ, makũrĩde toedijapereakõāyuro.

27 Īgũ irasirimakũ ĩāgũka, āsũ ārĩ gāme werenĩñurā:

—¿Neémũno masakũ āārĩrĩ ĩĩ? Mirũ, makũrĩde ĩgũrē tarinũgābea, ārĩñurā.

Jesús Gadara marārē wātēa ñajānerārē béowiudea
(Mr 5.1-20; Lc 8.26-39)

28 Pũrũ Jesús ditarure taribuja, Gadara marāya nikũgue ejayupũ. Iroque ejamakũ, pērā ũma masāgoberi watopegue āārānerā ĩgũrē bokatĩrĩñurā. Īgũsā wātēa ñajāsũnerā goerā āārĩñurā. Irasirirā iro waarĩ maarē masaka neõ waabirĩñurā.

29 Īgũrē bokatĩrĩ, āsũ ārĩ gainĩñurā:

—Jesús, ũmũgasigue marā Opũ magũ, ¿nasirigũ aarigú yári mũ gũa pũroguere? ¿Īgũ āārĩpererā ñerārē wajamoārĩnũ ejabirikerepũrũ, gũare poyarikamakũ irigũ aarĩri mũ? ārĩñurā.

30 Īgũsā koregue wārā yesea āma baarā irĩñurā.

31 Irasirirā wātēa Jesúre āsũ ārĩ sērēñurā:

—Gũare béowiugũ, sĩsā yeseaguere ñajādoreka! ārĩñurā.

32 —Jáũ, ĩgũsārēta ñajārā waaka! ārĩyupũ Jesús.

Īgũ irasũ āřĩmakũ, Īgũsā pērā ũmaguere āārānerā yeseaguere ñajāñurā. Īgũsā ñajāmakũta, yesea dupaturugue ũma mirēbuāa, ditarugue meébia dijāa, mirĩ boapereakōñurā.

³³ Irasũ waamakũ ĩārā, yeseare korerimasā gũkari merā makāgue ũmadujāa, āārĩpereri Īgũsā ĩādeare, irasũ āārĩmakũ wātēa ñajāsũnerārē waadeare wereñurā.

³⁴ Irire pērā, iri makā marā āārĩpererā Jesús pũroguē waa, ĩgũrē ĩārā, turaro merā Īgũsāya nikũrē wiridoreñurā.

9

Jesús dupũ buadire taudea

(Mr 2.1-12; Lc 5.17-26)

¹ Irasirigũ Jesús doódirugue mũrĩñajāa, ditarure taribuja, ĩgũya makāgue ejayupũ.

² Iroguere sugũ dupũ buadire ĩgũ peyaro merā Jesús pũro āijañurā. Jesús, ĩgũsā ĩgũrē bũremumakũ ĩāgũ, dupũ buadire āsũ āřĩyupũ:

—Gũñaturaka! Yũ, mũ ñerō irideare kātia, āřĩyupũ.

³ ĩgũ irasũ āřĩmakũ pērā, surāyeri Moisés gojadeare buerimasā āsũ āřĩ gũñañurā: “Īgũ werenĩrĩ merā Marĩpũre ñerō werenĩmi”.

⁴ Jesús gapũ ĩgũsā gũñarĩrē ĩāmasĩ, āsũ āřĩyupũ:

—¿Nasirirā yũre ñerō gũñarĩ mũsā?

⁵ ¿Naāsũ āřĩrĩ gapũ diasaberi ĩĩ buadire: “Yũ, mũ ñerō irideare kātia”, āřĩrĩ, o “Wāgānũgā, waaka!” āřĩrĩ gapũ diasaberi?

⁶ Yũ āārĩpererā ĩgũ i ũmũgue āārĩrārē ĩgũsā ñerō irideare Marĩpũ dorero merā kātimasā. Irasirigũ ĩĩ buadire taugũra, mũsārē irire masĩdoregũ, āřĩyupũ. Irasũ āřĩ odo, buadire āřĩyupũ:

—Wāgānũgā, mũ oyaderore āĩ, mũya wiigũ waaka! āřĩyupũ.

⁷ ĩgũ irasũ āřĩmakũ pégũ, buadi āārādi wāgānũgā, ĩgũya wiigũ waakōāyupũ.

⁸ Masaka, ĩgũ irasũ waarĩre ĩārā, ĩāgũkakōñurā. Marĩpũre: “Ōātaria, mũ turari masakũre sĩrĩ”, āřĩ, mũyari sĩñurā.

Jesús Mateore siiudea

(Mr 2.13-17; Lc 5.27-32)

⁹ Pũrũ Jesús iro merā waa, yũre ĩābokami. Yũ Mateo*, romano marā opũre niyeru wajaseabosagũ āārĩbũ. Jesús, yũ moārĩ taribugue doagũre ĩā, yũre: “Nāka, yũ merā!” āřĩmi. ĩgũ irasũ āřĩmakũ pégũ, wāgānũgā, ĩgũ merā waakōābũ.

¹⁰ Pũrũ yaa wiigũ Jesús ĩgũ buerā merā baarĩpoe wārā niyeru wajaseabosarimasā, gajerā ñerō irirāde baarā ejama.

¹¹ ĩgũsā merā ĩgũ baamakũ ĩārā, fariseo bumarā gapũ ĩgũ buerārē sērēñama: —¿Nasirigũ mũsārē buegũ niyeru wajaseabosarimasā, ñerō irirā merā baari? āřĩma.

¹² ĩgũsā irasũ āřĩmakũ pégũ, Jesús āřĩmi:

—Pũrĩrĩ marĩrā kũririmasũrē āmabema. Pũrĩrikurā gapũ ĩgũrē āmama.

¹³ Marĩpũya werenĩrĩ gojadea pũgue ĩgũsā gojadeare buerā waaka! Āsũ āřĩ gojasũdero āārĩbũ iri pũguere: “Yũre bũremurā, waimũrārē wējē soepeomakũ gāāmebea. Gajerārē mũsā bopoñarĩ merā ĩāmakũ gāāmea”, āřĩmi Marĩpũ, āřĩ gojasũdero āārĩbũ. “Ōārā āārā”, āřĩ gũñarārē siiugũ aaribiribũ. “Ñerō irirā āārā”, āřĩ gũñarā direta siiugũ aarigũ iribũ, ĩgũsā ñerō irideare bujawere, gũñarĩrē gorawayuburo, āřĩgũ, āřĩmi Jesús fariseo bumarārē.

* 9:9 Mateo pe wāĩ opayupũ. ĩgũta Levĩ wāĩkũyupũ.

Jesúre bererimarē sērēñadea
(Mr 2.18-22; Lc 5.33-39)

¹⁴ Puru Juan masakare wāyegu buerire tuyarā Jesúre sērēñarā ejama:
—Gua Marĩpurre buremurā berea. Irasū āārĩmakū fariseo bumarāde berema.
¿Nasirirā mu buerā gapu gua irirosū iriberi? ārĩma.

¹⁵ Jesús ĩgūsārē yujumi:
—Sugu mojōsiadi bosenu irimakū, ĩgū siiuanerā ĩgū merā āārĩrā bujawerebirikuma. Puru ĩgūrē gajerā āārĩmakū, bujawereri merā bererākuma†.

¹⁶ Masaka maama suriro gasiro merā buguñerē seretúbirikuma. Irasū seretúmakū, maama gasiro ĩgūsā koeadero puru, tūāneeō, buguñerē wári gobe yeguenemomakū irikoa.

¹⁷ Waimurā gasiri merā iridea ajuri bugu ajurigue maama igui dekore diribirikuma. Irasū dirimakū, maama igui deko pāmu, bugu ajuro sēraturabiri ooreakōākoa. Irasiriro igui deko, ajurode kōmokoā. Irasirirā maama igui dekore maama ajurogue diriro gāāmea, ārĩmi Jesús ĩgūsārē‡.

Jesús Jairo magōrē, gajego nomeō ĩgūya surĩrore moāñagōrē taudea
(Mr 5.21-43; Lc 8.40-56)

¹⁸ Jesús ĩgūsārē wereripoe judío masaka nerērĩ wii opu Jesús puro eja, ñadukupuri merā ejamejā, ĩgūrē ārĩmi:

—Yu magō daporata kōmoakōāmo. Igoe muya mojō merā ñapeogu aarika! Irasirimakū, dupaturi okagokumo, ārĩmi.

¹⁹ ĩgū irasū ārĩmakū pé, Jesús wāgānugā, ĩgū merā waami. Gua ĩgū buerāde ĩgū merā waabu.

²⁰ Gua maague waaripoe sugo nomeō Jesús purupu gapu eja, ĩgūya suriro yuware moāñayupo. Igo pe mojōma pere su gubu peru pērēbejari bojorigora dí wiriri merā pūrĩrikugo āārĩyupo.

²¹ Āsū ārĩ gūñayupo: “ĩgūya surĩrore yu moāñarĩ merā dita yu pūrĩrikuri tarirokoa”, ārĩ gūñayupo.

²² Igo moāñamakū péña, Jesús gāmenugā, igore ĩā, ārĩmi:
—Gūñaturaka! Mu yure buremurĩ opāa. Irasirigo mu pūrĩrikurire tausūa, ārĩmi. ĩgū irasū ārĩmakūta, pūrĩrĩ marĩgō dujamo.

²³ Puru Jesús Jairoya wiigüe ejami. Irogue ñajājagu, majĩgō boadeore yáaburo dupuyuro bayapeorimasārē, gajerā buro ore, gainĩrārē bokaja,

²⁴ ĩgūsārē āsū ārĩmi:
—Wiriaka musā! Majĩgō boabemo. Kārĩgō yámo.

ĩgū irasū ārĩmakū pérā, ĩgūrē burima.
²⁵ Jesús ĩgūsārē wiriadore, boadeo āārĩrĩ taribugue ñajāa, igoya mojōrē ñeāyupu. ĩgū ñeāmakūta masābeja, wāgānugāyupo.

²⁶ Masaka āārĩperero iro āārĩrā Jesús iriadea kerere péperekōāñurā.

Jesús pērā koye ĩāmerārē taudea

²⁷ Jesús iro āārādi wiriamakū, pērā koye ĩāmerā ĩgūrē gaini tuyama:
—David parāmi āārĩturiagu, guare bopoñaka! ārĩma.
²⁸ Jesús, wiigüe ñajāmakū, koye ĩāmerāde ñajāa, ĩgū purogue ejanugāma. Irasirigu Jesús ĩgūsārē sērēñami:

—¿Yu musārē koye ĩāmakū irimasĩrĩrē buremurĩ? ārĩmi.
—Gua Opu, buremua, ārĩ yujuma.

† 9:15 Jesús irire irasū ārĩgū: “Yu sugu mojōsiadi bosenu irigu irirosū āārā. Yu buerā, mojōsiadi siiuanerā irirosū āārĩma. Irasirirā, purugue yu ĩgūsā merā āārĩbirimakū ĩārā, bujawereri merā bererākuma”, ārĩgū irimi. ‡ 9:17 Masaka, iripoegue iririkudeama, maama bueri merā buemorēduamakū ĩāgū, Jesús irasū ārĩmi.

29 Īgūsā irasū ārīmakū pégu, Īgūsāya koyere ñapeomi:
—Musā buremurōsūta musārē ĩāmakū irigura, ārīmi.

30 Īgū irasū ārīmakū, Īgūsā ōārō ĩākōāma. Irasirigu Jesús Īgūsārē ārīmi:
—Yu musārē taurire gajerārē werebirikōāka! ārīmi.

31 Īgū irasū ārīkerepu, āārīperero iro marārē Jesús Īgūsārē iriadeare were-
wasiripeokōāñurā.

Jesús wereníbire werenímakū iridea

32 Koye ĩāmerā āārānerā iri wiire wiriaripoeta, gajerā sugu wereníbi wātī
ñajāsūdire Jesús puro āījama.

33 Jesús Īgūrē ĩā, wātī Īgūguere ñajādire béowiumi. Īgū wātīrē béowiumakūta,
wereníbiradi werenínugāmi. Īgū irasirimakū ĩārā, āārīpererā ĩāguka:
—Marī ōō Israel nikūrē āsū iririnorē neō ĩābiribu, ārīma.

34 Fariseo bumarā gapu Jesúre:

—Ī, wātēa opu turari merā wātēārē béowiumi, ārī werewhama.

Jesús masakare bopoñarī merā ĩādea

35 Jesús āārīpereri makārīrē judío masaka nerērī wiirigie masakare bue-
gorenagū waami. Ōārī kerere, Marīpu Īgūyarārē doregu āārīrīmarē buenami.
Irasū āārīmakū, pūrīrikurārē āārīpereri gajerosūperi sīrīrī oparārē taunami.

36 Masakare ĩāgū, bopoñarī merā Īgūsārē ĩāmi. “Īgūsā bujawererā,
gūñaturamerā, oveja sugu Īgūsārē korerimasū opamerā irirosū āārīma”, ārī
gūñayupu.

37 Irasirigu āsū ārīmi guare Īgū buerārē:

—Marīpuhare neō pémerā, poeque oteri duka buribejadea irirosū wārā
āārīma. Īgūsārē Īgūhare weremurā gapu iri poeere moārīmasā irirosū mērāgā
āārīma.

38 Irasirirā marī Opure iri poe opu irirosū āārīgūrē: “Gajerā mhare
weremurārē iriuka!” ārī sērēka! ārīmi Jesús guare.

10

Jesús pe mojōma pere su gubu peru pērēbejarā ĩgū buedoregu pīmurārē beyede *(Mr 3.13-19; Lc 6.12-16)*

1 Pupu Jesús guare pe mojōma pere su gubu peru pērēbejarā ĩgū buerā
āārīmurārē siiu, guare ĩgū turarire sīmi, āārīpereri pūrīrē tau, wātēa
masakare ñajānerādere béowiuburo, ārīgū.

2 Āsū wāikurā āārībú gua Jesús beyenerā: Simón wāikugu āārīmí. Īgūrēta
“Pedro” wāiyemi Jesús. Simón pagumu Andrés wāikumi. Gajigu Santiago
āārīmí. Īgū pagumu Juan wāikumi. Īgūsā Zebedeo pūrā āārímá.

3 Gajerā Felipe, Bartolomé, Tomás āārímá. Yu Mateo, romano marā opure
niyeru wajaseabosarimasū āārīdi āārībú. Gajigu Santiago, Alfeo magū āārīmí.
Gajigu Tadeo āārīmí. Īgūta Lebeo wāikumi.

4 Gajigu Simón, celote wāikuri bumu āārīmí. Gajigu Judas Iscariote wāikugu
āārīmí. Īgūta Jesúre wējēduarāguere ĩgūrē ĩmubu āārīmí.

Jesús ĩgū buerārē buedoregu iriudea

(Mr 6.7-13; Lc 9.1-6)

5 Jesús guare ĩgū buerā pe mojōma pere su gubu peru pērēbejarārē turarire
sī odo, āsū ārī were iriumi:

—Judío masaka āārīmerā puruguere waabirikōāka! Irasū āārīmakū, Samaria
nikūma makārīguedere waabirikōāka!

⁶ Israel bumarã Marĩpũyare masĩmerã, oveja dedirinerã irirosũ ããrĩrã pũro gapũ waaka!

⁷ Īgũsãrẽ ãsũ ãrĩ wererã waaka: “Mérõ dũyáa, Marĩpũ Īgũyarãrẽ doreri ejaburo”, ãrĩka!

⁸ Pũrĩrikurãrẽ tauka! Boanerãrẽ masũka! Kãmi boarãdere tauka! Wãtẽa masakare ñajãnerãrẽ béowiuka! Yũ turarire mũsãrẽ wajamarĩrõ sĩa. Irasirirã, yũ mũsãrẽ wajamarĩrõ sĩrõsũta wajamarĩrõ Īgũsãrẽ tauka!

⁹ Waarã, neõ niyeru oro, plata, cobrere,

¹⁰ mũsãya aju ãĩabirikõãka! Surí, sapatu mũsã sãñarĩ merã dita waaka! Tuariyukure ãĩabirikõãka! Moãrĩmasã Īgũsã moãrĩ waja merã wajata baama. Irasirirã mũsã masakare bueri waja baari mũsãrẽ sĩrãkuma.

¹¹ Makãrẽ ejarã, iri makã marã: “Ĩta õãrõ irigũ ããrĩmi”, Īgũsã ãrĩgũ pũro dujaka! Mũsã iro ããrĩrõpã Īgũya wiire ããrĩka! Waarãgue iri wiire wirika!

¹² Iri wiire ñajãrã, wii marãrẽ: “Marĩpũ mũsãrẽ siuñajãrĩ sĩburo”, ãrĩ õãdoreka!

¹³ Mũsãrẽ õãrõ bokatĩrĩñeãmakũ, Īgũsãrẽ: “Marĩpũ siuñajãrĩ sĩrĩ merã õãrõ ããrĩrikũka!” ãrĩka! Mũsãrẽ gããmemerã, i siuñajãrĩ merã ããrĩbirikumã.

¹⁴ Mũsãrẽ Īgũsã ñeãbirimakũ, mũsã buerire péduabirimakũ ããrã, Īgũsãya wiire, o Īgũsãya makãrẽ wiriarã, nikũwera mũsãya guburigue tuadeare mojẽbéoka, Īgũsãrẽ wajamoãburire ĩmurã!

¹⁵ Diayeta mũsãrẽ werea. Marĩpũ ããrĩpererã ñerãrẽ wajamoãrĩnũ ejamakũ Sodoma, Gomorra marãrẽ wajamoãrõ nemorõ mũsãrẽ gããmemerãrẽ wajamoãgũkumi.

Jesúre bũremurãrẽ gajerã ñerõ iriburire weredea

¹⁶ Yũre õãrõ péka! Ovejare makãnúũ marã diayéa guarã watopegue iriurosũ ñerã masaka watopegue mũsãrẽ iriua. Irasirirã õãrõ pémasĩka! Īgũsã watopegue ñerõ iriro marĩrõ ããrĩrikũka!

¹⁷ Pémasĩka! Masaka mũsãrẽ Īgũsã oparãrẽ wiarãkuma, mũsãrẽ wajamoãdorerã. Judío masaka Īgũsã nerẽrĩ wiiriguedere mũsãrẽ tãrãrãkuma.

¹⁸ Irasũ ããrĩmakũ, mũsã yũre bũremurĩ waja, Īgũsãya makãrĩ marã oparã pũroque, Īgũsãya nikũ marã oparã pũroque ããrãrãkuma mũsãrẽ wajamoãdoremurã. Irasirirã mũsãrẽ iroque ããrãmakũ, oparãrẽ, judío masaka ããrĩmerãdere yaa kerere wererãkoa mũsã.

¹⁹ Mũsãrẽ oparã pũroque ããrãmakũ: “¿Naásũ ãrĩrãkuri Īgũsãrẽ?” ãrĩ gũñarĩkũbirikõãka! Oparã mũsãrẽ sãrẽñamakũ, Marĩpũ gũñarĩ sĩrĩ merã wererãkoa.

²⁰ Irasirirã mũsã gũñarĩ merã werebirikoa. Marĩpũ, Õãgũ deyomarĩgũ merã mũsãrẽ masĩrĩ sĩrĩ merã werenĩrãkoa.

²¹ Iripoere masaka, Īgũsãyarã yũre bũremumakũ ããrã, Īgũsãrẽ oparãguere wẽjẽdorerã wiarãkuma. Pagũsãmarã Īgũsã pũrãrẽ oparãguere wẽjẽdorerã wiarãkuma. Gajerã, Īgũsã pagũsãmarãrẽ ããturi, oparãguere wẽjẽdorerã wiarãkuma.

²² Irasirirã masaka ããrĩperero i ãmũ marã yũre mũsã bũremurĩ waja mũsãrẽ ããturi doorãkuma. Marĩpũ gapũ yũre piriro marĩrõ bũremugũrẽ taugũkumi.

²³ Su makã marã mũsãrẽ ñerõ irimakũ, gaji makãgue duriwãgãka! Diayeta mũsãrẽ werea. ããrĩpereri Israel nikũma makãrĩrẽ mũsã buegorena odoburo dupuyuro, yũ ããrĩpererã tĩgũ Marĩpũ iriudi i ãmũgue dupaturi aarigũkoa doja.

²⁴ Neõ sugũ buegũ, Īgũrẽ buegũ nemorõ ããrĩbemi. Moãboerimasũde Īgũ opũ nemorõ ããrĩbemi.

25 Sugu buegu ĩgũrẽ buedi irirosũ dujaduamakũ õãgoráa. Moãboerimasũde ĩgũ opu irirosũ dujaduamakũ õãgoráa. Masaka yũre mũsã Opũre: “Ĩ Beelzebú, wātẽa opu ããĩmi”, ãĩrã, mũsã yaarãdere ñerõ ãĩ werenĩrãkuma.

*Jesús: “¿Noãrẽ gũiri merã bũremurõ gããmerĩ?” ãĩ weredea
(Lc 12.2-7)*

26 Irasirirã mũsãrẽ ñerõ iridũarãrẽ gũibirikõãka! ããĩpereri gajerã ĩãberogue irideare, durirogue irideadere pũrugue masĩsũrokoa.

27 Yũ mũsãrẽ masaka péberogue weredeare ĩgũsã pérogue wereka! Yũ mũsãrẽ gajerã ĩãberogue werenĩdeare makã dekogue bũro bũsũro merã wereka!

28 Mũsãrẽ wẽjẽrã mũsãya dupũ direta boamakũ irirãkuma. Mũsãya yũjũpũrãrĩ gapũre boamakũ irimasĩbirikuma. Irasirirã gũibirikõãka! Marĩpu gapũre gũika! ĩgũ gapũ mũsãya dupũ, mũsãya yũjũpũrãrĩrẽ peamegue béomasĩmi. Irasirirã ĩgũrẽ gũiri merã bũremuka!

29 Masaka pẽrã mirã wajarirã, su niyeru tigã, mérõgã wajakũri tigãrẽ sĩkuma. ĩgũsã mérõgã wajakũkererũ, Marĩpu gapũ ĩgũsãrẽ õãrõ koremi. ĩgũsãrẽ: “Boaburo”, ãĩbirikerepũ, neõ sugũgã yebague yuridija, boabemi.

30 Marĩpu ããĩpereri mũsã ããĩrikũrĩre masĩgũ, mũsãya poarire: “Irikũ ããrã”, ãĩ masĩpeokõãmi.

31 Irasirirã gũibirikõãka! Mũsã, mirã nemorõ wajakũa. Irasirigũ Marĩpu mirãrẽ korero nemorõ mũsãrẽ koregũkumi.

*Jesús: “Masakare yũre bũremurĩrẽ wereka!” ãĩrĩdea
(Lc 12.8-9)*

32 Sugu, masaka péuro: “Jesúyagu ããrã”, ãĩ weremakũ, yũde Yũpu ãmũgasigue ããĩgũ péuro ĩgũrẽ: “Yaagu ããĩmi ĩĩ”, ãĩ weregũra.

33 Sugu yũre masĩkeregu, masaka péuro: “Ĩgũrẽ masĩbea”, ãĩ weremakũ, yũde Yũpu ãmũgasigue ããĩgũ péuro: “Yũde ĩgũrẽ masĩbea”, ãĩ weregũra, ãĩmi Jesús.

*Jesús: “Masakare gãme dukawarirãkuma”, ãĩ weredea
(Lc 12.51-53; 14.26-27)*

34 Irasũ ãĩrĩ odo, masakare ãsũ werenemomi:

—Mũsã yũre: “Ĩgũ i ãmũguere aarigũ, masakare siuñajãrĩ merã ããĩmakũ irigũ aarimĩ”, ãĩrĩ gũñabirikõãka! Irasirigũ aarigũ meta iribũ. Yũ ejarita, masakare ĩgũsã basi gãme dukawarimakũ yãa. Irasirirã surãyeri yũre bũremurãkuma. Gajerã yũre bũremumerã gapũ ĩgũsãrẽ ĩaturirãkuma.

35 Sugu yũre bũremurĩ waja, ĩgũ magũ ĩgũrẽ ĩaturigũkumi. Sugo yũre bũremurĩ waja, igo magõ igore ĩaturigokumo. Sugo mũñekõ yũre bũremurĩ waja, igo bepo igore ĩaturigokumo.

36 Irasirirã su wii marã ĩgũsãyagu yũre bũremumakũ ĩãrã, ĩgũrẽ ĩaturirãkuma.

37 Sugu yũre maĩrõ nemorõ ĩgũ pagũsãmarã gapũre maĩtarinũgãgũ, yaagu ããĩmasĩbirikumi. Yũre maĩrõ nemorõ ĩgũ pũrã gapũre maĩtarinũgãgũde, yaagu ããĩmasĩbirikumi.

38 Sugu yũre tũyadũari waja curusague pábiatú wẽjẽsũbu irirosũ ããĩkeregu, neõ piriro marĩrõ yũre tũyanikõãburo. Yũre tũyadũabi, yaagu ããĩmasĩbirikumi.

39 Sugu i ãmũgue ĩgũ okarire maĩgũ, peamegue béosũgũkumi. Gajigũ yũre tũyari waja gajerã ĩgũrẽ wẽjẽkererũ, Marĩpu gapũ ĩgũrẽ taugũkumi, ĩgũ pũrogue ĩgũ merã ããĩburo, ãĩgũ.

*Jesús marĩ ãmũgasigue wajataburire weredea
(Mr 9.41)*

⁴⁰ 'Sugũ musârê yaarârê ôârô bokatîrîñeägũ, yũdere bokatîrîñeãmi. Yũre bokatîrîñeägũ, yũre iriudidere bokatîrîñeägũkumi.

⁴¹ Marĩpu ãgũya kerere weregũre ôârĩ wajatamakũ irigũkumi. Sugũ Marĩpũya kerere weregũ ãârĩrêrê ããmasĩ, ãgũrê ôârô bokatîrîñeägũ, ãgũ irirosũ ôârĩ wajatagũkumi. Sugũ gajigũ ãgũ ôãgũ ãârĩrêrê ããmasĩ, ãgũrê ôârô bokatîrîñeägũ, ãgũ irirosũ ãgũde ôârĩ wajatagũkumi.

⁴² Sugũ ubu ããrĩgũ yũre tũyagũre gajigũ ãgũrê iritamudũagũ deko yũsari tĩãmakũ ããgũ, Marĩpu ãgũdere ôârô irigũkumi, ãrĩ weremi Jesús.

11

Juan masakare wãiyerimasũ ãgũ buerire tũyarârê Jesús puo iriudea (Lc 1.17; 7.18-35)

¹ Jesús guare pe mojõma pere su gubu peru pẽrẽbejarã ãgũ buerârê irasũ ãrãdero puu, Galilea nikũgue ãârĩrĩ makãrĩ marãrê buegorenagũ waakõãmi.

² Juan masakare wãiyerimasũ peresugue ããrĩyupu. Irogue ããrĩgũ, Cristo iriri kerere pẽgu, ãgũ buerire tũyarârê Jesúsre ãsũ ãrĩ sêrẽñarã waaka:

³ —“¿Mũta ãârĩrĩ, Cristo masakare taugu aaribu iriayupu, ãgũsã ãrĩdi, o gajigũre yũrãkuri guã?” ãrĩ sêrẽñarã waaka! ãrĩ iriuyupu.

⁴ Irasirirã, Jesús puogue ejarã, Juan sêrẽnadoredeare ãgũrê sêrẽnama. Jesús ãgũsãrê yũjumi:

—Mũsã pẽrere, mũsã ããrĩrê Juãrê wererã waaka!

⁵ Koye ããbiranerã ôârô ããma. Waamasĩbiranerã waamasĩakõãma. Kãmi boanerã yaripereakõãsũama. Gãmipũ pẽbiranerã pẽakõãma. Boanerãde masãkõãma. Boporã, Marĩpu masakare tauri kerere weremakũ pẽma.

⁶ “Yũre bũremurĩrê piribi, usũyari opagũkumi”, ãrĩ wererã waaka Juãrê! ãrĩmi Jesús.

⁷ ãgũsã waadero puu, Jesús Juãyamarê masakare ãsũ ãrĩ werenũgãmi:

—Mũsã masaka marĩrõgue Juãrê ããrã waarã, gũigũre gũñaturabire ããrã waarã meta irikuyo. ãgũ turabi, mirũ tãborere wẽjẽpubéorosũ ããrĩbemi.

⁸ Irasũ ããrĩmakũ, mũsã ãgũrê irogue ããrã waarã, ôârĩ surĩ sãñagũrê ããrã waarã meta irikuyo. Ôârĩ surĩ sãñarãno oparãya wiirigue ããrĩkuma. Juan ãgũsã irirosũ ããrĩbemi.

⁹ Mũsã irogue ãgũrê ããrã waarã, Marĩpũya kerere weredupuyurimasũrê ããrã waarã iriyo. Mũsãrê werea. Diayeta Juan Marĩpũya kerere weredupuyunerã nemorõ ããrĩmi.

¹⁰ Marĩpũya werenĩrĩ gojãdea pũgue gojasũdero ããrĩbũ Juan iriburire. Irasirigũ Marĩpu ãgũ magũrê ãsũ ãrĩdi ããrĩmi:

Mũ waaburo dupuyuro yaa kerere weredupuyurimasũrê iriugũra mũ waaburore ãmuyudoregu, ãrĩ gojasũdero ããrĩbũ.✧

¹¹ 'Mũsãrê diayeta werea. Juan aariburi dupuyuro neõ sugũ ãgũ nemorõ yaamarê masĩgũ marĩdi ããrĩmi. Irasũ ããrĩkerepuu, sugũ Marĩpu ãmũgasigue ããrĩgũyagu gapũ Juan nemorõ yaamarê masĩgũ ããrĩgũkumi. ããrĩpererã nemorõ ubu ããrĩgũ ããrĩkeregu, masĩgũ ããrĩgũkumi.

¹² 'Juan masakare wãiyedi buenũgãdeapoegueta, daporaguedere masaka ãmũgasigue Marĩpu ãgũyarârê dorerogue ããrĩdũarãrê buro ããrẽ tarimakũ yãma. ãgũsã turari merã ããrĩsãrê peremakũ iridũarã iriadima.

¹³ Juan aariburo dupuyuro ããrĩpererã Marĩpũya kerere weredupuyunerã ããrĩsã gojãdea merã, Moisés gojãdea merã Marĩpu ãgũyarârê doreri kerere werenerã ããrĩmã.

✧ 11:10 Mal 3.1

14 Iripoegue Marĩpu ĩgũya gojadea pũgue: “Yaa kerere weredupuyuri-masũrẽ Elías irirosũ ããrĩbure iriugura”, ãrĩdi ããrĩmĩ. Juan irasũ ãrĩsũdita ããrĩmi. Irire bũremurõ gããmea.

15 Gãmipũrĩ oparã, yũ wererire õãrõ péka!

16 ‘Masaka dapora marã, ¿ñeémarãno irirosũ ããrĩrĩ? Majĩrã makã dekogue ĩgũsã merãmarã merã bira gainĩ doanĩrã irirosũ ããrĩma. ãsũ ãrĩ gainĩma:

17 “Gũa tẽrẽdiru purimakũ, bayabirabũ. Bũjawereri merã gũa bayamakũ, orebirabũ”, ãrĩma.

18 Juan masakare wãiyerimasũ pã baabiri, igui deko pãmudeare iirĩbirimi. ĩgũ irasirimakũ ĩãrã: “Wãtĩ ñajãsũdi ããrĩmi ĩĩ”, ãrĩbũ mũsã ĩgũrẽ.

19 Pũrũ yũ ããrĩpererã tĩgũ baa, iirimakũ ĩãrã: “Baapagũ, iirĩpagũ ããrĩmi”, ãrĩbũ. “Romano marã opũre niyeru wajaseabosarimasã merãmũ, ñerõ irirã merãmũ ããrĩmi”, ãrĩbũ mũsã yũre. Mũsã gũare* bũremubirikererã, gũa iririre ĩãrã: “Marĩpu ĩgũsãrẽ masĩrĩ sĩmi”, ãrĩ masĩbokoã, ãrĩmi Jesús.

*Jesús makãrĩ marãrẽ ĩgũsã ĩgũrẽ bũremubirire weredea
(Lc 10.13-15)*

20 Pũrũ Jesús iroma makãrĩ marãrẽ turimi. ĩgũsã wãri ĩgũ Marĩpu turari merã iririre iri ĩmumakũ ĩãkererã, ĩgũsã ñerõ iririre bũjawerebiri, neõ piribirima. Irasirigũ ĩgũsãrẽ ãsũ ãrĩmi:

21 –Mũsã Corazín marã, Betsaida marãde ñerõ tarirãkoa. Iripoegue marã Tiro, Sidón marã, mũsã ĩũrõ Marĩpu ĩgũ turari merã iri ĩmurõsũ iri ĩmumakũ ĩãrã, ĩgũsã ñerõ irideare piribonerã ããrĩmã. ĩgũsã ñerõ irideare bũro bũjawererire ĩmurã, bũjawereri suri sãña, nitĩrẽ dipuru weka mawasiripeobonerã ããrĩmã. Mũsã gapũ Marĩpu turari merã yũ iri ĩmurĩrẽ ĩãkererã, mũsã ñerõ iririre neõ piribea.

22 Irasirigũ mũsãrẽ werea. Marĩpu ããrĩpererã ñerãrẽ ĩgũ wajamoãrĩnũ ejamakũ, Tiro, Sidón marãrẽ wajamoãrõ nemorõ mũsãrẽ wajamoãgũkumi.

23 Mũsã Capernaum marãde: “Ûmũgasigue mũrĩãrãkoa”, ãrĩ gũñadãa. Iroguere neõ waabirikoa. Boanerã ããrĩrõgue béodijusũrãkoa. Sodoma marãrẽ yũ mũsãrẽ Marĩpu ĩgũ turari merã iri ĩmuderosũta iri ĩmumakũ, iri makã daporadere ããrĩbokoã dapa.

24 Irasirigũ mũsãrẽ werea. Marĩpu ããrĩpererã ñerãrẽ ĩgũ wajamoãrĩnũ ejamakũ, Sodoma marãrẽ wajamoãrõ nemorõ mũsã gapũre wajamoãgũkumi, mũsã ñerõ iririre piribiri waja, ãrĩmi Jesús.

*Jesús: “Yũ pũrogue siuñajãrã aarika!” ãrĩdea
(Lc 10.21-22)*

25 Iripoere Jesús ĩgũ Pagũre ãsũ ãrĩmi:

–Aũ, yũ mũrẽ: “Õãtaria mũ”, ãrĩ, mũyari sĩa. Mũ ãmũgasi marã, i nikũ marã Opũ ããrã. Irasirigũ: “Masĩtarĩngãrã, ããrĩpererire pémasĩa”, ãrĩ gũñarãrẽ mũyare masĩmakũ iribea. Majĩrã irirosũ mũrẽ bũremurã gapũre mũyare masĩmakũ yãa.

26 Aũ, irasũta ããrã. Mũ gããmederosũta mũyari merã irasũ yãa, ãrĩmi Jesús ĩgũ Pagũre.

27 Pũrũ masakare ãsũ ãrĩ werenemomi:

–Yũrũ yũre ããrĩpereri irimasĩrĩrẽ sĩmi. Neõ sugũ masakũ yũ ããrĩrikũrere masĩbemi. Yũrũ dita yũre masĩmi. Neõ sugũ masakũ Yũrũ ããrĩrikũrere masĩbemi. Yũ dita ĩgũrẽ masĩa. Yũ ĩgũrẽ masĩdorerãde ĩgũrẽ masĩma.

28 Mũsã Marĩpũre tũyaduarã nukũrĩ ũũma õerã irirosũ ããrĩrã yũ pũro aarika! Yũ mũsãrẽ siuñajãrĩ sĩgũra.

* 11:19 Jesús: “gũare”, irasũ ãrĩgũ: “ĩgũ basi iririre, Juan irideare”, ãrĩgũ irimi.

²⁹ M_{us}ã y_u iridoreri gapure irika! Y_u iririkurire masika! Y_u musãrẽ bopoñarĩ merã ãã, iritamugũ ããrã. Irasirirã y_u iridorerire irirã, y_u merã õãrõ siuñajãrĩ bokarãkoa.

³⁰ Y_u iritamurõ merã yaare musã irimakũ diasabea. Irasirirã y_u dorerire irirã, nakũbiri kãrãwãririre ããmarõsũ ããrãrãkoa, ãrĩmi Jesús.

12

Siuñajãrĩnũ ããrĩmakũ, Jesús buerã trigo yerire tãrĩdea

(Mr 2.23-28; Lc 6.1-5)

¹ Iripoere judío masaka siuñajãrĩnũ ããrĩmakũ, Jesús trigo otedero watope waamakũ, g_{ua} ãgũ buerã ãboasã, trigo yerire tãrĩ koro baabũ*.

² G_{ua} irasirimakũ ããrã, fariseo bumarã Jesúre ãsũ ãrĩma:

— ããka! ¿Nasirirã siuñajãrĩnũrẽ moãdorebirikerepũ, m_u buerã irasũ yãri? ãrĩma.

³ Jesús ãgũsãrẽ ãrĩmi:

— ¿Iripoeguemu David, ãgũ merãmarã merã ãboagu, ãgũ irideare musã buebiriri?

⁴ ãgũ merãmarã merã Marĩpũya wiigüe ñajãa, Marĩpũ iũrõ peyari pã duparure baadi ããrĩmĩ. Marĩpũ paía ããrĩmerãrẽ: “Iri pã duparure baabirikõãka!” ãrĩdi ããrĩmĩ. David gapũ paí ããrĩbirikeregũ, irire baagu, Marĩpũ iũrõ ãgũ dorerire tarinũgãgũ meta iridi ããrĩmĩ.

⁵ Paía Marĩpũya wiigüe moãrã, siuñajãrĩnũrẽ siuñajãbema. Siuñajãbirikererã, Marĩpũ dorerire tarinũgãbema. ¿Iri buebiriri musã, Marĩpũ Moisére doreri pídea pũguere?

⁶ Musãrẽ werea. Marĩpũya wiire bũremurõ nemorõ y_u gapure bũremurõ gããmea.

⁷ Marĩpũ ãgũya werenĩrĩ gojadea pũgüe ãsũ ãrĩdi ããrĩmĩ: “Y_ure bũremurã waimurãrẽ wẽjẽ soepeomakũ gããmebea. Gajerãrẽ musã bopoñarĩ merã ããmakũ gããmea”, ãrĩdi ããrĩmĩ. Musã irire pémasãrã y_u buerã ñerõ iribirikerepũ, ãgũsãrẽ: “Ñerõ yãma”, ãrĩbiribokoa.

⁸ Y_u ããrĩpererã tãgũ ããrĩsã, siuñajãrĩnũrẽ masaka gajino ãgũsã iriburire doremasã, ãrĩmi Jesús.

Jesús mojõ díweredire taudea

(Mr 3.1-6; Lc 6.6-11)

⁹ Irasũ ãrĩ odo, waa, judío masaka nerẽrĩ wiigüe ñajãmi.

¹⁰ Iro sugũ masakũ mojõ díweredi ããrĩmĩ. Irasirirã fariseo bumarã Jesúre: “Ñerõ yãmi”, ãrĩ weresãduarã, ãgũrẽ sãrẽñama:

— ¿Siuñajãrĩnũ ããrĩmakũ, sugũ pũrĩrikugure taudoreri ããrĩrĩ? ãrĩma.

¹¹ Jesús yujumi ãgũsãrẽ:

— Siuñajãrĩnũ ããrĩkerepũ, musãyagu oveja gobegüe meéñajãmakũ ããrã, ãgũrẽ ãi wiukõãkoa.

¹² Marĩpũ sugũ masakũre, oveja nemorõ maĩtarinũgãmi. Irasirirã siuñajãrĩnũrẽ masakare õãrõ irirã, Moisés doredeare tarinũgãrã meta yãa, ãrĩmi.

¹³ Irasũ ãrĩ odo, mojõ díweredire ãrĩmi:

— M_uya mojõrẽ soeoka!

ãgũya mojõrẽ soeomakũta, gaji mojõ irirosũ õãrĩ mojõ dujabũ.

* **12:1** Deuteronomio 23.25: Moisés gojadea pũgüe ãsũ ãrĩ gojasũdero ããrĩbũ: “Sugũ masakũ gajigũya poegüe waagũ, ãgũya mojõrĩ merã trigo yerire tãrĩ koro baaburo. Wiirimajĩ merã diti ããbirikõãburo”, ãrĩ gojasũdero ããrĩbũ.

14 Īgũ irasirimakũ ĩārã, fariseo bumarã gua wiria: “¿Nasirisĩã, marĩ Jesúre wějērākuri?” ārĩ gãme werenĩñurã.

Iripoeguem Marĩpũya kerere weredupuyudi Jesús ĩgũ iriburire gojadea

15 Jesús ĩgũsã ĩgũrẽ wějẽduarire masĩ, waakõãmi. ĩgũ waamakũ, wárã masaka ĩgũrẽ tuyama. Irasirigu ãārĩpererã pũrĩrikurãrẽ taumi.

16 ĩgũsãrẽ taugu: “Yaamarẽ gajerãrẽ werebirikõãka!” ārĩmi.

17 Jesús irasirigu, Marĩpũya kerere weredupuyudi Isaías gojaderosũta irimi. Āsũ ārĩ gojadi ãārĩmĩ:

18 Āsũ ārĩmi Marĩpũ: “Ĩi yũre moãboegu, yũ beyedi, yũ maĩgũ ãārĩmi. ĩgũ merã usuyãa. Ōãgũ deyomarĩgũrẽ ĩgũrẽ sĩgura. Irasirigu yũ turari merã ãārĩpererã masakare diayema iririre weregukumi.

19 ĩgũ guaseo, gainĩbirikumi. ĩgũ makã dekogue bũro gainĩgorenamakũ neõ pėbirikuma.

20 Turamerãrẽ bopoñarĩ merã ĩã, iritamugukumi. Irasirigu, ĩgũsã miũmerẽñũ biu peaboadiñũ irirosũ ãārĩmakũ ĩãgũ, peabėogu irirosũ ĩgũsãrẽ iribirikumi.

Bũjawererãrẽ gũñaturamakũ irigukumi. Irasirigu, ĩgũsã sĩãgodiru yaubodiru irirosũ ãārĩmakũ ĩãgũ, yaubėogu irirosũ ĩgũsãrẽ iribirikumi. ĩgũ Opũ ñajãburi dupuyuro ĩgũsãrẽ irasirigukumi. ĩgũ Opũ ñajãdero pũrũ, masakare diayema iririre irimakũ irigukumi.

21 Irasirirã ãārĩperero marã ĩgũ doreburire usuyari merã yúrãkuma”, ārĩmi, ārĩ gojadi ãārĩmĩ Isaías.✠

*Jesúre: “Wãtĩ turari opami”, ārĩ werewũadea
(Mr 3.19-30; Lc 11.14-23; 12.10)*

22 Pũrũ masaka wãtĩ ñajãsũdire Jesúre taudorerã ãĩjama. ĩgũ wãtĩ ñajãsũdi: werenĩbi, koye ĩãbi ãārĩmĩ. ĩgũsã ãĩjamakũ ĩã, Jesús ĩgũrẽ taumi. ĩgũ irasirimakũ, õãrõ ĩã, werenĩmi.

23 Āārĩpererã masaka, ĩgũ tarimakũ ĩãgũka, ãsũ ārĩ gãme sěrẽñama:

—¿Ĩi David parãmi ãārĩturiagu masakare taubu meta ãārĩkuri? ārĩma.

24 ĩgũsã irasũ ãrĩmakũ pėrã, fariseo bumarã gapũ ãsũ ārĩma:

—Ĩi wãtẽa opũ Beelzebú turari merã wãtẽãrẽ bėowiumi, ārĩma.

25 Jesús ĩgũsã gũñarĩrẽ masĩsã, ĩgũsãrẽ ãsũ ārĩmi:

—Su nikũ marã ĩgũsã basi dukawari gãmekẽãrã, pėreakõãkuma. Su makã marã, o su wii marã ĩgũsã basi dukawari gãmekẽãrã, pėreakõãkuma.

26 Irasũta wãtẽa opũ ĩgũyarã wãtẽãrẽ bėowiugu, ĩgũ basita ĩgũyarãrẽ dukawari pėreakõãmakũ iribokumi. Irasirigu, ¿noãrẽ dorenemobokuri?

27 Mũsã yũre: “Wãtẽa opũ Beelzebú turari merã wãtẽãrẽ bėowiumi”, ārĩ werewũãa. Mũsã buerire tuyarã gapũ wãtẽãrẽ bėowiurã, ¿noã turari merã bėowiukuri? Mũsã ĩgũsãrẽ: “Marĩpũ turari merã wãtẽãrẽ bėowiuma”, ārã. Irasiriro mũsã yũre werewũari diaye ãārĩbea.

28 Yũ Ōãgũ deyomarĩgũ turari merã wãtẽãrẽ bėowiua. Irasiriro Marĩpũ ĩgũyarãrẽ doreri mũsã pũroguere ejasiãa, ārĩ masĩsũa.

29 ĩrere keori merã mũsãrẽ werenemoguãra. Neõ sugũ masakũ, turaguãya wiire ĩgũrẽ siapũroribirikeregu, ĩgũ oparire ĩmagũ ñajãmasĩbirikumi. ĩgũrẽ siadero pũrugue merẽ ĩgũyare ĩmamasĩkumi, ārĩmi†.

30 Irasũ ārĩ odo, ãsũ ārĩnemomi:

✠ 12:21 Is 42.1-4 † 12:29 Jesús: “Wãtĩ nemorõ turagu ããrã”, ārĩgũ, irasũ ārĩmi.

–Yure gāamemerā, yure ĩaturirā āārīma. Masakare yure siu neōtamumerā, ĩgūsārē waawasirimakū irirā āārīma.

³¹ Mūsārē diayeta werea. Marīpū āārīpereri masaka ñerō iririre, ñerō ārī werenirīdere kātimasīmi. Ōāgū deyomarīgūrē ĩgūsā ñerō ārī werenimākū tamerārē neō kātibirikumi.

³² Yū āārīpererā tīgūrē ĩgūsā ñerō ārī werenimākū, Marīpū irire kātimasīmi. Ōāgū deyomarīgū gapure ĩgūsā ñerō ārī werenimākū, irire neō kātibirikumi. Dapora, i ũmū peredero pūrguedere ĩgūsā irasū ārīdeare neō kātibirikumi, ārīmi Jesús.

*Yukure irigū duka merā ĩāmasīsūa, ārī weredea
(Lc 6.43-45)*

³³ Irasū ārī odo, Jesús gajī keorī merā buenemomi:

–Ōādi yukū ōārīrē dukakua. Nedi yukū ñerīrē dukakua. Yukure irigū duka merā ĩāmasīsūa‡.

³⁴ Mūsā āña irirosū ñerā āārā. Mūsā ñerā āārīsīā, ōārīrē werenimasībea. Marī gūñarōsūta marī werenirī wirikōāa.

³⁵ Ōāgū ōārī gūñarī opami. Irasirigū ōārīrē werenimi. Nēgū ñerī gūñarī opami. Irasirigū ñerīrē werenimi.

³⁶ Mūsārē werea. Marīpū āārīpererā ñerārē wajamoārīnū ejamakū, āārīpereri masaka noó gāamerō werenimoāmadeare ĩgūsārē masīmakū irigukumi.

³⁷ Mūsā ōārō werenīdea waja Marīpū mūsārē: “Waja opabema”, ārīgukumi. Mūsā ñerō werenīdea waja mūsārē: “Waja opama”, ārīgukumi, ārīmi Jesús fariseo bumarārē.

*Masaka ñerā Jesúre Marīpū turarī merā iri ĩmudoredea
(Mr 8.12; Lc 11.29-32)*

³⁸ Pūgū surāyeri fariseo bumarā, Moisés gojadeare buerimasā ĩgūrē ārīma:

–Buegū, Marīpū turarī merā gūare iri ĩmuka! ārīma. “ĩgū irire irimasībi, Marīpū iriudi meta āārīmi”, ārīduarā irasū ārīñurā.

³⁹ Jesús yūjūmi:

–Mūsā dapora marā masaka ñerā, Marīpūre gāamemerā āārā. Mūsā yure Marīpū turarī merā gajino iri ĩmudorea. Mūsā irasiridorekererū, Marīpūya kerere weredupuyudi Jonás iridea direta werēgūra.

⁴⁰ Jonás ũrenū, ũre ñami waaí wágūya paru poekague āārīderosūta yude āārīpererā tīgū ũrenū, ũre ñami yeba poekague āārīgukoa.

⁴¹ Iripoegue Nínive marā Jonás Marīpūya kerere weremakū pérā, ĩgūsā ñerō irideare bujawere, ĩgūsā gūñarīrē gorawayunerā āārīmā. Dapora yū Jonás nemorō masīgū ōōgue mūsā merā āārā. Yū Marīpūya kerere werererū, mūsā ñerō iririkurire bujawerebea. Irasirirā, Marīpū āārīpererā ñerārē wajamoārīnū ejamakū, Nínive marā mūsā dapora marārē: “Ñegorabū”, ārīrākuma.

⁴² Marīpū āārīpererā ñerārē wajamoārīnū ejamakū, sugo iripoeguemo Sabá nikū marā opo mūsā dapora marārē: “Ñegorabū”, ārīgokumo. Yoaromogue āārīkerego, ōōgue i nikūgue aarideo āārīmó, marī ñekūsāmarā opu Salomón wári masīrī merā wererire pégo aarigó. Dapora yū Salomón nemorō masīgū ōōgue mūsā merā āārā. Yū mūsā merā āārīkererū, mūsā gapū yū wererire péduabea, ārīmi Jesús.

*Jesús, wātī dupaturi masakūguere ñajārīmarē weredea
(Lc 11.24-26)*

⁴³ Irasū ārī odo, keorī merā werenemomi doja:

‡ 12:33 Jesús: “Yukure irigū duka merā ĩāmasīsūa”, ārīgū: “Marī, gajerā werenirīrē pérā, ĩgūsā āārīrikurire masīa”, ārīgū irimi.

—Wātī masakuguerē āārādi wiri, p̄ru deko marīrōgue īgū siuñajāburore āmagorenagū waakumi.

⁴⁴ Irore bokabi, āsū ārī gūñakumi: “Ȳu wiridi, yaa wii irirosū āārīmī. Dupaturi ȳu wiridiguereta goeñajāgura doja”, ārī gūñakumi. Irasirigū īgūguere dupaturi goeñajāgū, gajino marīrī wii, ōārō āmu, ooaweadea wiire irirosū bokajakumi.

⁴⁵ Irasirigū gajerā wātēa su mojōma pere gaji mojō peru p̄rēbejarā īgū nemorō ñerārē siiu, īgūsā āārīpererā merā masakuguerē āārīnikōākumi. Irasirigū masakū īgū dupuyuro āārīrikūdero nemorō ñerō āārīkumi. Dapora marā Marīp̄re gāamemerā, ȳre p̄d̄uamerā irasūta ñerō waarākuma, ārīmi Jesús.

Jesús pago īgū pagupūrā merā īgūrē īāgō ejadea
(Mr 3.31-35; Lc 8.19-21)

⁴⁶ Jesús masakare wereripoe īgū pago, īgū pagupūrā merā īgū āārīrī wii disip̄ro ejayupo īgū merā wereníduago.

⁴⁷ Sugū igore īā, Jesúre weremi:

—M̄po, m̄u pagupūrā disip̄ro níama, m̄u merā wereníduarā, ārīmi.

⁴⁸ Īgū irasū ārīmakū p̄egu, Jesús īgūrē ārīmi:

—¿Noā āārīrī ȳpo, ȳu pagupūrā? ārīmi.

⁴⁹ Irasū ārīgū, ḡuare īgū buerārē soepu, āsū ārīmi:

—Īsā, ȳpo, ȳu pagupūrā irirosū āārīma.

⁵⁰ Ȳp̄u ūm̄gasigue āārīgū gāamerīrē irirāno, ȳu pagum̄, ȳu pagumo, ȳpo irirosū āārīma, ārīmi Jesús.

13

Jesús oterimasū keori merā buedea
(Mr 4.1-9; Lc 8.4-8)

¹ Irinuta Jesús wiigue āārādi ditarugue waa, iri ditaru t̄ro eja doami.

² Masaka wārā īgū p̄ro nerēmakū īāgū, doódirugue m̄rīñajāa, eja doami. Āārīpererā masaka ĩmparogue dujanugāma īgū buerire p̄murā.

³ Irasirigū wārī keori merā īgūsārē āsū ārī buemi:

—Sugū oterimasū īgūya oteri yerire meéwasirigū waakumi.

⁴ Īgū meéwasiriwāgāmakū, gaji yeri maague yurikoa. Iro yuriadea yerire mirā eja, baapeokōākuma.

⁵ Gaji yeri ūtāyerikurogue yurikoa. Iro sīmerērōgā nikū āārīmakū, iro yuriadea yeri mata puriadikoa.

⁶ Iri nikū sīmerērōgā āārīmakū, puriñajādi, p̄ru abe asimakū, nugūrī marīsīā, ñāī, boakōākua.

⁷ Gaji yeri pora watopegue yurikoa. Pora gap̄u puritarim̄rīa, oteri gap̄re w̄jēkōākua.

⁸ Gaji yeri ōārī nikūgue yurikoa. Iri yeri puri, ōārō dukakukoa. Suñu cien yeri, gajiñu sesenta yeri, gajiñu treinta yeri dukakukoa.

⁹ M̄sā gāmpūrī oparā, ȳu wererire p̄durip̄ka! ārīmi Jesús.

Jesús buerā īgūrē: “¿Nasirigū keori merā bueri?” ārī s̄rēñadea
(Mr 4.10-12; Lc 8.9-10)

¹⁰ P̄ru ḡuā īgū buerā īgū p̄ro waa, īgūrē s̄rēñabu:

—¿Nasirigū masakare keori merā bueri? ārīb̄u.

¹¹ Jesús ḡuare ȳj̄mi:

—Marīp̄u īgūyarārē doregū āārīrīrē, iripoegue masībirideare m̄sārē masīmakū yāmi. Gajerā īgūrē b̄remumerā gap̄re irasiribemi.

¹² Īgūyare masīrānorē masīnemomakū irigukumi. Irasirirā wáro masīrī oparākuma. Gajerā Īgūrē b̄remumerā Īgūyare masīmerārē Īgūsā mérō masīadideare pémasībirimakū irigukumi.

¹³ Irasirigū yū Īgūsārē keori merā buea. Īgūsā Marīpū iririre ĩakererā, ĩāmasībema. Īgūyare pékererā, péduripíbema. Neō pémasībema.

¹⁴ Irasirirā Marīpūya kerere weredupuyudi Isaiás gojaderosūta yáma. Āsū ārī gojadi āārīmí:

Āsū ārīmi Marīpū: “Yaare pékererā, musā neō pémasībea. Yū iririre ĩakererā, musā neō ĩāmasībea.

¹⁵ Yaa werenírīrē péduabirisīā, musā neō pémasībea. Gānipūrī pémerā, koye ĩāmerā irirosū āārā. Musā irasū āārīmerā, yaare ĩāmasī, ōārō pémasībokoa. Yū pémasīrī sīrīrē oparā yure b̄remubokoa. Irasirigū musārē taubokoa”, ārīmi Marīpū, ārī gojadi āārīmí Isaiás.*

¹⁶ Gua gapure ārīmi:

—Musā gapū pémasīa. Irasirirā usuyáa. Yū iririre ĩārā, yū wererire pérā, yure b̄remua.

¹⁷ Diayeta musārē werea. Wárā iripoegue marā Marīpūya kerere weredupuyunerā, gajerā Marīpūre b̄remunerā musā dapora ĩārīrē b̄ro ĩāduanerā āārādima. Irire ĩāduakererā, irire ĩābirinerā āārīmá. Musā dapora périre b̄ro péduakererā, pébirinerā āārīmá.

Jesús oterimasū keori merā ĩgū bueadeare: “Āsū ārīduaro yáa”, ārī weredea (Mr 4.13-20; Lc 8.11-15)

¹⁸ Irasirirā ōārō péka! Yū oterimasū keori merā bueadeare musārē weregura. Iri āsū ārīduaro yáa. Marīpū ūmugasigue āārīgá ĩgūyarārē doreri kere, oteri yeri irirosū āārā.

¹⁹ Surāyeri masaka iri kerere pékererā, pémasībema. Maa b̄riri maa irirosū āārīma. Iri kerere péadero p̄rū, oteri yeri iri maague yuridea yerire mirā baapeoderosū, wātī aari, ĩgūsā péadideare ěmapeokōāmi.

²⁰⁻²¹ Gajerā masaka ūtāyerikuri yeba irirosū āārīma. Iri kerere pérā, mata usuyari merā: “Ōāgoráa”, ārī gūñama. Irire pékererā, oteri yeri ūtāyerikurogue yuriadero p̄rū, puri, nugūrī puriñajābiriderosū waama. Mérōgā p̄rū ĩgūsā Marīpūyare péduari waja gajerā ĩgūsārē ñerō irimakū ĩārā, o ñerō tarisīā, mata ĩgūyare pirikōāma.

²² Gajerā masaka porakuri yeba irirosū āārīma. Iri kerere pékererā, oteri yeri porakurogue yuriadero p̄rū, pora gapū puritarimurīa wējēderosū, i ūmumarē b̄ro gūñarikuma. Doebiridere b̄ro gāāmenemoma. Irasirirā Marīpūyare kātima. Otediñu duka marīdiñu irirosū dujama.

²³ Gajerā masaka ōārī nikū irirosū āārīma. Marīpūya kerere pérā, ōārō pémasīma. Irasirirā oteri yeri ōārī nikūgue yuriadero p̄rū, puri ōārō dukakaderosū ōārīrē yáma. Surāyeri cien yeri, gajerā sesenta yeri, gajerā treinta yeri dukakurosū irirā āārīma, ārīmi Jesús.

Jesús trigo otedea watopegue ñerī tá oteri keori merā buedea

²⁴ Jesús irasū ārī odo, gaji keori merā guare buemi:

—Marīpū ūmugasigue āārīgá ĩgūyarārē doreri i irirosū āārā. Sugū pooe opū ĩgūya pooegue ōārī yerire otekumi.

²⁵ Su ñami merā āārīpererā kārīripoe ĩgūrē ĩaturigū pooegue eja, ĩgū trigo otedea watopegue ñerī táre otekumi. Ote odo, waakōākumi.

²⁶ Trigo yeri puriwuriadero p̄rū, ñerī táde purikoa. P̄rū trigo dukakukoa. Iri dukakumakū ĩārā, iri pooe opure moāboerimasā ñerī tá āārīmakū ĩāmasīkuma.

* 13:15 Is 6.9-10

27 Irasirirā iri pooe opure wererā waakuma:

—Gua opu, ¿nasiriro òãrĩ yeri direta muya poore otesũdero ããrĩkerepuru, ñerĩ táde puriyuri? ãrĩkuma.

28 Īgūsā irasũ ãrĩmakũ pégu, ãsũ ãrĩkumi:

—Yure iãturigu iri ñerĩ táre otekumi, ãrĩkumi.

Īgũ irasũ ãrĩmakũ pérã, ĩgũrẽ moãboerimasã sërẽñakuma doja:

—¿Ñerĩ táre gua taáseabéorã waamakũ gããmekuri mu? ãrĩkuma.

29 —Taáseabirikõãka! Ñerĩ táre taásearã trigodere duuabokoa.

30 Iri, ñerĩ tá merãta puri masãkõãburo. Trigo ñaĩmakũ, gajerã ðaka seaboerimasãrẽ ãsũ ãrĩ iriugura: “Ñerĩ táre taáseapurori, dupa dotori siaka, irire soemurã! Puru trigore seaka, irire yu duripĩri wiigue duripĩmurã!” ãrĩgura, ãrĩkumi, ãrĩmi Jesús.

Jesús mostaza wãikuri yegã puri masãdea keori merã buedea
(Mr 4.30-32; Lc 13.18-19)

31 Irasũ ãrĩ odo, gaji keori merã buemi:

—Marĩpu ãmugasigue ããrĩgũ ĩgũyarãrẽ doreri sugu masakũ ĩgũya poeegue suye oteriyé mostaza wãikuri yegãrẽ oterosũ ããrã.

32 Iri oteri yegã ããrĩpereri oteri yeri nemorõ mérĩ yegã ããrĩkoa. Irasũ ããrĩkerero, otemakũ, puru yukũ wádi irirosũ puri masãkoa. Irasirirã wárã irigu ðapurigue ĩgũsãya suri suakuma, ãrĩmi Jesús*.

Jesús pã wemasãrĩ morẽrĩ poga keori merã buedea
(Lc 13.20-21)

33 Puru gaji keori merã buemi:

—Marĩpu ãmugasigue ããrĩgũ ĩgũyarãrẽ doreri i irirosũ ããrã. Sugo nomeõ pã duparure iribo, mérõgã pã wemasãmakũ iriri poga merã trigo pogare morẽkumo. Irire wemasãseyaburo, ãrĩgõ, irasirikumo. Irasiriro Marĩpu ĩgũyarãrẽ doreri iri pã wemasãrĩ morẽrĩ poga irirosũ ããrã, ãrĩmi†.

Jesús masakare keori merã buenadea
(Mr 4.33-34)

34 Jesús masakare i ããrĩpereri buerire weregu, keori merã dita buenami. Keori marĩrõ ĩgũsãrẽ buenabirimi.

35 Irasirigu Marĩpuya kerere weredupuyudi gojaderosũta irimi. ãsũ ãrĩ gojadi ããrĩmĩ Jesús masakare wereburimarẽ:

Keori merã weregũkoa. Iri merã weregu, Marĩpu i ãmure ĩridero purugue marã neõ masĩbirideare dapora marãrẽ weregura, ãrĩ gojadi ããrĩmĩ.*

Jesús ñerĩ tá, trigo otedea watopegue puri masãdeare buenemodea

36 Puru Jesús masakare seretu odo, wiigue ñajãmi. Īgũ ñajãmakũ ĩã, gua ĩgũ buerã ĩgũ purogue ñajãa, ĩgũrẽ sërẽñabu:

—Trigo otedea watopegue ñerĩ tá puri masãdea keorire werenemoka! ¿Naásũ ãrĩduaro iriari? ãrĩbu.

37 Gua irasũ ãrĩmakũ pégu, Jesús yujami:

* **13:32** Jesús i kere merã buegu: “Marĩpu ãmugasigue ããrĩg'ũrẽ buremurã mérãgã ããrĩngãkerepuru, purugue gajerã ĩgũsã merã ĩgũrẽ buremunugãmakũ, wárã ããrĩrãkuma; o sugu Marĩpura buremunugãgũ, mérõgã buremurĩ opami. Purugue, mostaza wãikuri yegãrẽ otedero puru yukũ wádi puri, masãrõsũ Marĩpu iritamurĩ merã wáro ĩgũrẽ buremurĩ opagukumi”, ãrĩ buegu irimi. † **13:33** Jesús i kere merã buegu: “Marĩpura buremurã ããrĩperero i ãmugure ĩgũyarãrẽ doregu ããrĩrẽ masakare buerã waamakũ, ããrĩpereri buri marã watopegue wárã irire pé, ĩgũrẽ buremunugãrãkuma; o sugu Marĩpura buremunugãgũ Marĩpu ĩgũyarãrẽ doregu ããrĩrẽ buenígũ, Marĩpu iritamurĩ merã Marĩpu doreri direta iridugukumi”, ãrĩ buegu irimi. ✨ **13:35** Sal 78.2

—Yu ããrĩpererã tĩgũ, iri pooe opũ òãrĩ yeri otedi irirosũ ããrã.

³⁸ Poee gapũ i ùmũ irirosũ ããrã. Marĩpũ ìgũyarãrẽ dorerogue ããrĩmurã gapũ òãrĩ yeri irirosũ ããrĩma. Wãtĩyarã ñerĩ tá irirosũ ããrĩma.

³⁹ Wãtĩ poee opũre ìãturigu irirosũ ããrĩmi. I ùmũ pererĩnũ iri otedea dukare searĩnũ irirosũ ããrã. Marĩpũre wereboerã, poee opũre dukã seaboerimasã irirosũ ããrĩma.

⁴⁰ Iri ñerĩ táre ìgũsã taáseadeare peamegue soebéoderosũta i ùmũ pererĩnũ ejamakũ waarokoa.

⁴¹ Irasũ waaripoe yũ ããrĩpererã tĩgũ, yũre wereboerãrẽ iriugũkoa. Irasirirã ìgũsã masakare ñerĩ irimakũ irirãrẽ, Marĩpũ dorerire tarinũgãrãdere neeõrãkuma.

⁴² Neeõ odo, perebiri peamegue ìgũsãrẽ béorãkuma. Irogue bũro pũrĩsũrã ìgũsãya guikare kũrĩduútũ orerãkuma.

⁴³ Marĩpũ gããmerĩrẽ irirã gapũ ùmũgasigue ìgũyarãrẽ dorerogue ããrĩrã, abe ùmũmũ irirosũ gosewasirirãkuma. Mũsã gãmipũrĩ oparã, yũ wererire péduripĩka!

Jesús wáro niyeru yáapídea keori merã buedea

⁴⁴ 'Gaji mũsãrẽ werea. Marĩpũ ùmũgasigue ããrĩgũ ìgũyarãrẽ doreri i irirosũ ããrã. Sugũ masakũ wáro niyeru gajigũya nikũ poekague yáapídeare bokakumi. Irire bokagũ, bũro mũyayakumi. Irasirigũ ìgũ bokadeare bũro gããmesĩã, dupaturi yáapíkõãkumi doja. Irasirigũ ããrĩpereri ìgũyare gajerãrẽ duakumi. Ìgũ duadea waja merã iri nikũrẽ wajarikumi‡.

Jesús perla wãikũriye keori merã buedea

⁴⁵ 'Gaji mũsãrẽ werea doja. Marĩpũ ùmũgasigue ããrĩgũ ìgũyarãrẽ doreri i irirosũ ããrã. Sugũ wajaririmasũ wajapari yeri perla wãikũri yerire ãma wajaridũakumi.

⁴⁶ Iri yerire ãmagũ, wajapatariri yere bokakumi. Iri yere bũro gããmesĩã, ããrĩpereri ìgũyare duakumi. Ìgũ duadea waja merã iri yere wajarikumi.

Jesús buidi keori merã buedea

⁴⁷ 'Gaji mũsãrẽ werea doja. Marĩpũ ùmũgasigue ããrĩgũ ìgũyarãrẽ doreri, waaí wējẽrĩmasã buidi meéyo, ããrĩpererã waaí ããrĩrãkũ ñeãrõ irirosũ ããrã.

⁴⁸ Ìgũsãya buidire waaí utũrimakũ ìãrã, waaí wējẽrĩmasã ìmparogue tũãmajã, waairé beyekuma. Òãrã waairé ìgũsãya puuirigue seasãkuma. Ñerãrẽ béokõãkuma.

⁴⁹ I ùmũ pererĩnũ ããrĩmakũ, masakare ãsũta waarokoa. Marĩpũre wereboerã òãrãrẽ, ñerãrẽ beyerã aarirãkuma.

⁵⁰ Beye odo, ñerãrẽ perebiri peamegue béorãkuma. Irogue bũro pũrĩsũrã ìgũsãya guikare kũrĩduútũ orerãkuma, ãrĩmi Jesús.

Jesús iripoeguema buerire, maama bueridere weredea

⁵¹ Pũrũ guare sērẽñami:

—¿I ããrĩpererire pémasĩrĩ mũsã? ãrĩmi.

—Éũ, pémasĩã, ãrĩ yũjubũ.

⁵² Gũã irasũ ãrĩmakũ, ãrĩmi:

—Sugũ Moisés gojadeare buerimasũ Marĩpũ ùmũgasigue ããrĩgũ ìgũyarãrẽ doregũ ããrĩrĩmarẽ masĩgũ, wii opũ irirosũ ããrĩgũkumi. Irasirigũ wii opũ, iripoegue ìgũ opadeare, maama ìgũ oparidere ãĩwiugũ irirosũ, maama

‡ 13:44 Jesús i kere merã buegu: “Masakũ ããrĩpereri ìgũyare gããmerõ nemorõ Marĩpũyare gããmegũ ããrĩkumi”, ãrĩ buegu irimi.

buerire, iripoeguema bueridere òãrõ masĩrĩ merã weregukumi, ãrĩmi Jesús guare.

Jesús Nazaretgue goedujáadea
(Mr 6.1-6; Lc 4.16-30)

⁵³ Jesús iri keori merã were odo, iro ããrãdi waa,

⁵⁴ Īgũ masãdea makãgue ejami. Irogue eja, judío masaka nerẽrĩ wiigüe buemi. Masaka, ĩgũ buemakũ péã, pégukakõãma. Æsũ ãrĩ gãme werenĩma:
—¿Noógue bueyuri, ñ iropã masĩbu? ¿Nasirisĩã, iri ĩmurĩrẽ irimasĩyuri?

⁵⁵ Īĩ taboa moãdi magũ ããrĩmi. Īgũ pago María wãĩkũmo. Santiago, José, Simón, Judas ĩgũ pagũpũrã ããrĩma.

⁵⁶ Īgũ pagũpũrã nomede i makã marãta ããrĩma. Īgũ marĩ irirosũ ããrĩkeregũ, ¿nasirisĩã, i ããrĩpererire masĩrĩ? ãrĩma.

⁵⁷ Irasirirã ĩgũrẽ buremudũabirima. Jesús gapũ ĩgũsãrẽ ãrĩmi:

—Ããrĩpererogue sugũ Marĩpũya kerere weredupuyugũre gajerã buremuma. Īgũya nikũ marã, ĩgũya wii marã gapũ ĩgũrẽ buremubema, ãrĩmi.

⁵⁸ Irasirigũ Jesús, ĩgũsã ĩgũrẽ buremubirimakũ ĩãgũ, iri makãrẽ wãri Marĩpũ turari merã iri ĩmubirimi.

14

Juan masakare wãiyerimasã boadea
(Mr 6.14-29; Lc 9.7-9)

¹ Iripoere Herodes Galilea nikũ marã opũ, Jesús iriri kerere péyupũ.

² Irire pégũ, ĩgũrẽ moãboerãrẽ ãsũ ãrĩyupũ:

—Īgũ irire irasũ irigũ, Juan masakare wãiyerimasũta boadigue masãdi ããrĩkumi. Irasirigũ wãri iri ĩmurĩrẽ irikumi, ãrĩyupũ.

³ Juan boaburi dupuyuro Herodes ĩgũ pagũmũ Felipe marãpo Herodías wãĩkũgore ãma, marãpokũmakũ ĩãgũ,

⁴ ãsũ ãrĩdi ããrĩmĩ:

—Mũ pagũmũ marãpore marãpokũgũ, Marĩpũ dorerire tarinũgãgũ yãa, ãrĩdi ããrĩmĩ. Irasirigũ Herodes ĩgũrẽ ñeã, peresu iridi ããrĩmĩ.

⁵ Īgũ Juãrẽ wējẽduadi ããrĩmĩ. Judío masaka gapũ: “Īĩ Juan Marĩpũya kerere weredupuyurimasũ ããrĩmĩ”, ãrĩ gũñanerã ããrĩmã. Irasirigũ Herodes: “Juãrẽ yũ wējẽmakũ yũ merã guabokuma”, ãrĩgũ, ĩgũsãrẽ gũidi ããrĩmĩ.

⁶ Pũrũ Herodes ĩgũ deyoadea bosenu irigũ iridi ããrĩmĩ. Īgũ irasiririnũrẽ Herodías magõ ĩgũ siiuanerã ĩũrõ baya ĩmudeo ããrĩmó. Igo baya ĩmumakũ ĩãgũ, Herodes bureo usuyadi ããrĩmĩ. Irasirigũ igore:

⁷ “Ãrĩgatoro marĩrõ, mũ yũre sērẽrĩnorẽ sĩgũra”, ãrĩdi ããrĩmĩ.

⁸ Īgũ irasũ ãrĩmakũ pégo, igo pagore: “¿Ñeénorẽ sērẽgokuri yũ?” ãrĩdeo ããrĩmó. Irasirigo igo pago sērẽdoreadersũta ĩgũrẽ sērẽdeo ããrĩmó:

—Juan masakare wãiyerimasũya dipurure dititã, soropa wãripa merã ĩgũya dipurure yũre sĩka! ãrĩdeo ããrĩmó.

⁹ Igo irasũ ãrĩmakũ pégũ, Herodes bureo bujaweredi ããrĩmĩ. Īgũ siiuanerã péuro: “Ãrĩgatoro marĩrõ, mũ yũre sērẽrĩnorẽ sĩgũra”, ãrãdi ããrĩsĩã, guyasĩrĩgũ, igore: “Mũrẽ sĩbirikoa”, ãrĩmasĩbiridi ããrĩmĩ. Irasirigũ, igo ĩgũrẽ sērẽrõsũta iridi ããrĩmĩ.

¹⁰ Irasirigũ, ĩgũyagũ surara Juan peresugue ããrĩgũ pũro waa, ĩgũya dipurure dititãdi ããrĩmĩ.

¹¹ Pũrũ soropa merã ĩgũya dipurure ãĩri, Herodías magõrẽ wiadi ããrĩmĩ. Īgũ wiamakũ ñeã, igo pagore ãĩa sĩdeo ããrĩmó.

12 Juan boadero p̄uru, ĩgũ buerire t̄yanerã ĩgũya dup̄ure ãiwãgã, yáarã waanerã ããrĩmã. Yáa odo, Juan boadeare Jesúre wererã ejama.

Jesús cinco mil ãmarẽ baari ejodea
(Mr 6.30-44; Lc 9.10-17; Jn 6.1-14)

13 Juãrẽ wẽjẽadea kerere p̄egu, Jesús doódirugue m̄arĩñajãa, masaka marĩrõgue ḡua ĩgũ buerã merã waakõãmi. ĩgũ irogue waarĩre p̄erã, masaka ĩgũsãya makãrĩrẽ wiri, ĩgũ dupuyuro maague waa, ejasianerã ããrĩmã.

14 Ḡua ditaru gaji koep̄ugue taribujaja, Jesús doódirugue sãñadi majãnugã, wãrã masakare bokajami. Irasiriḡu ĩgũsãrẽ bopoñarĩ merã ĩã, p̄urĩrikarã ĩgũsã ããrianerãrẽ taumi.

15 Naĩmejãwãgãripoe ḡua Jesús buerã ĩgũ p̄uro waa, ãsũ ãrĩb̄u ĩgũrẽ:
—Naĩmejãrõgue yáa. Oõ masaka marĩrõgue ããrã. Irasiriḡu masakare waadoreka! Makãrĩgue ĩgũsã baaburire wajarirã waaburo, ãrãdib̄u.

16 Ḡua irasũ ãrĩmakũ p̄egu, Jesús ãrĩmi:
—Waabirikõãburo. M̄usã ĩgũsãrẽ baari s̄ika! ãrĩmi.

17 Ḡua ĩgũrẽ ãrĩb̄u:
—Su mojõma pã duparu, waaídere p̄erãta opáa, ãrĩb̄u.

18 —Irire yare ãirika! ãrĩmi Jesús.

19 P̄uru masakare tá weka doadoremi. Irasiriḡu su mojõma pã duparure, p̄erã waairé ãĩ, ãmugasigue ĩãmu, Marĩp̄ure: “M̄urẽ us̄uyari s̄ia”, ãrĩmi. ãrĩ odo, iri pã duparure pea, ḡuare ĩgũ buerãrẽ s̄imi masakare gueredoreḡu. Irasirirã ḡua ĩgũsãrẽ irire guereb̄u.

20 Irasirirã ããrĩpererã baayapiakõãma. P̄uru ĩgũsã baadũãadeare pe mojõma pere su gubu peru p̄erẽbejari puuirigora seasã, ut̄udobob̄u.

21 Iro baanerã: nome, majirã keoña márĩrõ ãma direta keomakũ cinco mil gora ããrĩmã.

Jesús deko weka waadea
(Mr 6.45-52; Jn 6.16-21)

22 P̄uru Jesús ḡua ĩgũ buerãrẽ doódirugue m̄arĩñajãdore, ditarugue ĩgũ dupuyuro taribujadoremi. ĩgũ gap̄u irogue dujami dapa masakare seretubu.

23 Seretu odo, buúru wekague suḡta waayup̄u Marĩp̄ure s̄erẽgũ waagũ. Ñami ejaripoe suḡta ããrĩyup̄u iroguere.

24 Ḡua gap̄u ditaru dekogue ããrĩb̄u. Mirũ b̄uro waab̄u. Irasiriro makũrĩ doódirure pátupaukõãb̄u. Irasirirã taribujajabirib̄u dapa.

25 P̄uru ãgãbo wereripoe Jesús ditarugue buaja, ḡua p̄roguue deko weka aarimĩ.

26 ĩgũ deko weka aarimakũ, ḡua ĩgũrẽ ĩãmasĩbirisĩã, ĩãḡukakõãb̄u. Güiri merã: “Masak̄u boadi wãtĩ ããrĩmi”, ãrĩ gainĩb̄u.

27 Ḡua güimakũ ĩãgũ, Jesús ḡuare ãsũ ãrĩmi:
—Gũñaturaka! Ȳuta ããrã. Güimerãta! ãrĩmi.

28 ĩgũ irasũ ãrĩmakũ p̄egu, Pedro ãrĩmi ĩgũrẽ:
—M̄u, ȳu Op̄u ããrĩgũ, ȳure deko weka waa, m̄u p̄roguue aaridoreka! ãrĩmi.

29 —Jãu, aarika! ãrĩmi Jesús.
Irasũ ãrĩmakũ p̄egu, Pedro doódirugue sãñadi dujinugã, deko weka Jesús p̄roguue waami.

30 ĩgũ irasũ waakereḡu, mirũ b̄uro wẽjẽpumakũ ĩãgũ, güigorami. Irasiriḡu mirĩdjaḡu:

—Ȳu Op̄u, ȳure tauka! ãrĩ gainĩmi.

31 ĩgũ irasũ ãrĩmakũta, Jesús ĩgũya mojõrẽ ñeã: “Ȳure mérõgã b̄uremurĩ opáa. ¿Nasiriḡu yare b̄uremuturaberĩ?” ãrĩmi.

³² P_{uru} Jesús Pedro merã doódirugue aari, murĩñajãmakũ, mirũ waadea toeakõãbu.

³³ Irasũ waamakũ ããrã, g_{ua} doódirugue ããrĩrã ñadukupuri merã Jesús p_{uro} eja doa, ãgũrẽ:

—M_u diayeta Marĩp_u magũ ããrã, ãrĩ b_{uremub}.

Jesús Genesaret marãrẽ pũrĩrikurãrẽ taudea
(Mr 6.53-56)

³⁴ P_{uru} taribujaja, Genesaret* wãikuri nikũgue ejabu.

³⁵ Iro marã Jesúre ããmasĩsã, ããrĩpererã iro ããrĩrãrẽ ãgũ ejari kerere wereñurã. Irasirirã ããrĩpererã pũrĩrikurãrẽ taudorerã ãgũ p_{uro}ogue ãñjama. ãgũrẽ ãsũ ãrĩ sãrẽma:

³⁶ —M_{uya} surĩro yuwa direta ãgũsãrẽ moãñadoreka! ãrĩma. Irasirirã ããrĩpererã pũrĩrikurã ãgũya surĩrore moãñanerã ãgũsã sĩrĩrĩ opadeare tarisũma.

15

Masakare ñerã waamakã iririre buedea
(Mr 7.1-23)

¹ P_{uru} surãyeri fariseo bumarã, Moisés gojadeare buerimasãde Jerusalẽgue ããrãnerã Jesús p_{uro} eja, ãgũrẽ sãrẽñama:

² —¿Nasirirã m_u buerã, marĩ ñekũsãmarã iriunaderosũ iriberi? Marĩ ñekũsãmarã baaburi dupuyuro mojõkoederosũ iribema, ãrĩma.

³ Jesús ãgũsãrẽ yuj_umi:

—Y_{ude} m_{us}ãrẽ sãrẽñagura. ¿Nasirirã Marĩp_u doreri gap_{ure} irirono irirã, m_{us}ã ñekũsãmarã iriunadeare yãri?

⁴ Marĩp_u ãsũ ãrĩdi ããrĩmĩ: “M_{up}ure, m_{up}ore b_{uremuka}! Sug_u ãgũ pagusãmarãrẽ ñerõ werenĩgũ wẽjẽdoresũgukumi”, ãrĩdi ããrĩmĩ.

⁵ ãgũ irasũ ãrĩkerer_u, m_{us}ã gap_u masakare ãgũsã pagusãmarãya ããrĩburire buerã, ãsũ ãrã: “Sug_u ãgũ pag_{ure}, o ãgũ pagore: ‘Y_u m_{us}ãrẽ sĩboadeare Marĩp_{ure} sĩpeokõãbu. Irasirig_u m_{us}ãrẽ iritamumasĩbirikoa’, ãrĩmakũ õãgorã”, ãrĩ buea.

⁶ Irasũ buerã, masakare ãgũsã pagusãmarãrẽ iritamubirimakũ, Marĩp_u dorerire ubu ããbéomakũ yãa, m_{us}ã ñekũsãmarã iriunadeare irit_uyadorerã.

⁷ Masaka iũrõ dita õãrõ yãa m_{us}ã. ãgũsã ããberogue ñerõ iririkurã ããrã. Iripoegue Marĩp_{uya} kerere weredupuyudi Isaías diayeta gojadi ããrĩmĩ m_{us}ã irigatorire gojag_u. ãsũ ãrĩ gojadi ããrĩmĩ:

⁸ ãsã masaka ãgũsãya disi merã y_{ure} õãrõ werenĩkererã, ãgũsãya yuj_upũrãrĩgue y_{ure} neõ b_{uremub}ema.

⁹ Irasiriro ãgũsã y_{ure} b_{uremur}ã nerẽrĩ wajamãa. ãgũsã bueri, y_u doreri meta ããrã. Masaka doreri ããrã, ãrĩ gojadi ããrĩmĩ, ãrĩ yuj_umi Jesús fariseo bumarãrẽ.*

¹⁰ Irasũ ãrĩ odo, masakare ãgũ p_{uro} siiu, ãsũ ãrĩmi:

—Y_u wererire õãrõ pãkũĩnũ pãka!

¹¹ Sug_u masak_{uya} disigue baari ñajãri, ãgũrẽ ñegũ waamakũ iribea. ãgũya disigue wiriri gap_u, ãgũrẽ ñegũ waamakũ yãa, ãrĩmi.

¹² ãgũ irasũ ããdero p_{uru}, g_{ua} ãgũ buerã ãgũ p_{uro} waa, ãgũrẽ ãrĩb_u:

—¿M_u masĩrĩ? M_u irasũ ããdeare pãrã, fariseo bumarã guakõãma, ãrĩb_u.

¹³ G_{ua} irasũ ãrĩmakũ, Jesús ãsũ ãrĩ yuj_umi:

—Y_{upu} ãmugasigue ããrĩgũ ããrĩpereri ãgũ otebirideare nugũrĩ merãta duua béog_u irirosũ ãgũsãrẽ béog_ukumi.

* 14:34 Genesaret wãikuri nikũ, Galilea wãikuri ditaru t_{uro} ããrĩyuro. ✧ 15:9 Is 29.13

14 Irasirirā ĩgūsārē irasū ĩākōāka! ĩgūsā Marĩpuyare masĩbirikererā, gajerā ĩgūyare masĩmerārē buema. Irasirirā koye ĩāmerā gajerā koye ĩāmerārē tūādupuyurā irirosū āārĩma. Sugũ koye ĩābi gajigũ koye ĩābire tūādupuyuwāgāgũ, ĩgūsā pērāgueta gobegue meéñajākōārākuma, ārĩmi Jesús.

15 ĩgũ irasū ārĩmakũ pégu, Pedro gapũ Jesúre ārĩmi:

—Gũare wereka! Masakũ ĩgũya disi wiriri keori, ¿naásũ ārĩduaro yári? ārĩmi.

16 Jesús yũjũmi:

—¿Mũsāde pémasĩberi dapa?

17 Āārĩpereri marĩ baari, marĩya disigue ñajāa, parugue waa, pũũ tariw-ereakōāa.

18 Masaka werenĩrĩ, ĩgūsāya disi wiriri āārā. ĩgūsā gũñarĩgue ñerĩrē oparā ñerō werenĩma. Iri ĩgūsārē ñerā waamakũ yāa.

19 ĩgūsā gũñarĩgue ñerĩ oparā āsũ āārĩma. Ñerĩ gũñarā, masakare wējēbéorā, gajigũ marāpo, gajego marāpũ merā ñerō irirā, ũma nome merā, nome ũma merā ñerō gāmebirarā, yajarā, ārĩgatorā, masakare ñerō kere wererā āārĩma.

20 Iri ñerĩ ĩgūsā gũñarĩgue opari, ĩgūsārē ñerā waamakũ yāa. Masaka ĩgūsā ñekūsāmarā iriunaderosū baaburi dupuyuro mojōkoebirimakũ, ĩgūsārē ñerā waamakũ iribeaa, ārĩmi Jesús.

Judío masako āārĩbeo Jesúre bũremudea

(Mr 7.24-30)

21 Pũũ Jesús Tiro, Sidón wāĩkũri makārĩ āārĩrōgue waami.

22 Irogue ejamakũ, sugo nomeō Canaán nikũmo irogue āārĩgō Jesús pũro gainĩjamo:

—Yũ Opũ, David parāmi āārĩturiagu yũre bopoñaka! Yũ magō wātĩ ñajāsũdeo bũro ñerō tarigo yāmo, ārĩmo.

23 Igo irasū ārĩmakũ pékeregũ, Jesús igore yũjubirimi. Irasirirā gũa ĩgũ buerā ĩgũrē ārĩbũ:

—Waadoreka igore! Marĩrē ñerō gainĩ tũyawāgārimo, ārĩbũ.

24 Gũa irasū ārĩmakũ pégu, Jesús igore ārĩmi:

—Yũpũ yũre, Israel bumarā oveja dedirinerā irirosū āārĩrā direta iritamudoregũ iriumi, ārĩmi.

25 Igo Israel bumo āārĩbirikerego, Jesús guburi pũro ñadũkũpuri merā ejamejā, āsũ ārĩmo:

—Yũ Opũ, yũre iritamuka! ārĩmo.

26 Jesús igore yũjũmi:

—Wii opũ ĩgũ pũrā baarire ēma, diayéare ejomakũ ōābea, ārĩmi.

27 ĩgũ irasū ārĩkerepũũ, igo gapũ ĩgũrē ārĩmo doja:

—Yũ Opũ, irasū āārĩkerepũũ, diayéa gapũ wii marā baawasiridijurire baaboema, ārĩmo.

28 Igo irasū ārĩmakũ, Jesús igore yũjũmi:

—Mũ yũre bũremurĩ opataria. Mũ sērērōsũta waarokoa, ārĩmi.

Ĩgũ irasū ārĩripoeta, igo magōguere wātĩ ñajādi wiriakōāyũpũ. Irasirigo tariyupo.

Jesús wārā pũrĩrikũrārē taudea

29 Jesús irogue āārādi waa, Galilea wāĩkũri ditaru tũro tariwāgāmi. Pũũ buúrugue mũrĩa, eja doami.

30 ĩgũ iro doamakũ, wārā masaka ejama. Waamasĩmerārē, koye ĩāmerārē, werenĩmasĩmerārē, poyarimasārē, wārā gajerā pũrĩrikũrārē ĩgũ pũro āĩjarĩma. Irasirigũ Jesús ĩgūsārē taumi.

³¹ Irasirimakū iārā, masaka iāgukakōāma. Werenímasībirinerā werenímakū iārā, poyarimasā āārīñerā tarimakū iārā, waamasībirinerā waamasīmakū iārā, koye iābirinerā iāmakū iārā, iāgukakōāma. Irasirirā Marīpūre: “Marī Israel bumarā Opū, turatarigū āārīmi”, ārī, usuyari sīma.

Jesús cuatro mil āmarē baari ejodea
(Mr 8.1-10)

³² Pūru Jesús guare īgū buerārē siiu, ārīmi:

—Īsā masakare bopoñarī merā iāa. Yū merā unūgora āārīsīama. Īgūsārē baari pereakōāa. Īgūsārē ūa merā īgūsāya wiirigūe goedujāamakū gāāmebirikoa. Īgūsā baamerāta waarā, maa dekota turari perea kōmoakōābokuma, ārīmi.

³³ Īgū irasū ārīmakū, guā īgū buerā īgūrē ārībū:

—¿Nasirisīā, marī ōō masaka marīrōgūe īsā wārā masaka baaburire bok-abokuri? ārībū.

³⁴ Jesús guare sērēñami:

—¿Dīkū pā duparure opari mūsā? ārīmi.

—Su mojōma pere gaji mojō peru pērēbejari duparu, irasū āārīmakū waaí mērāgā opāa, ārī yujūbū.

³⁵ Irasirigū Jesús masakare yebague doadore,

³⁶ su mojōma pere gaji mojō peru pērēbejari pā duparure, waaigādere āī, Marīpūre usuyari sīmi. Odo, pā duparure, waaigādere pea, guare sīmi. Irasirirā guā irire masakare guerebū.

³⁷ Irasirirā āārīpererā irire baayapiakōāma. Pūru īgūsā baadūāadeare su mojōma pere gaji mojō peru pērēbejari puuirigora seasā, utaudobobū.

³⁸ Iro baanerā: nome, majīrā keoña marīrō ūma direta keomakū, cuatro mil gora āārīmā.

³⁹ Pūru Jesús masakare seretu odomakū, doódirugue marīñajāa, Magdala wāikurogūe īgū merā waakōābū.

16

Fariseo bumarā, saduceo bumarā Jesúre Marīpū turari merā iri īmudoredea
(Mr 8.11-13; Lc 12.54-56)

¹ Jesús Magdala wāikurogūe ejadero pūru, fariseo bumarā, saduceo bumarā īgūrē iārā ejarā: “Marīpū turari merā iri īmurīrē irika!” ārīma. “Īgū irire irimasībi, diayeta Marīpū iriudi meta āārīmi”, ārīduarā, irasū ārīma.

² Jesús gapū īgūsārē yujūmi:

—Mūsā ñamika abe ōārō diiañajāmakū iārā: “Ōārī ñami āārīrokoa”, ārā.

³ Boyoripoe ñīpimakū iārā: “Dekonū āārīrokoa”, ārā. Ūmarōmarē iārā: “Āsū waarokoa”, ārī masīa. Irire ōārō masīkererā, inū Marīpū turari merā yū iri īmurī gapūre iārā, neō ōārō pémasībea.

⁴ Dapora marā masaka ñerā, Marīpūre gāāmemerā āārīma. Yūre Marīpū turari merā gajino iri īmudorema. Īgūsā irasiridorekerepūru, Marīpūya kerere weredupuyudi Jonás iridea direta weregūra, ārīmi.

Irasū ārī odo, īgūsārē béowāgā, gajerogūe waakōāmi.

Jesús fariseo bumarā, saduceo bumarā ñerī buerire werede
(Mr 8.14-21)

⁵ Pūru guā ditarugūe taribujarā, pārē kātikōānerā āārībū.

⁶ Irasirigū Jesús guare ārīmi:

—Fariseo bumarā, saduceo bumarā īgūsā pā wemasārī morērīrē ōārō pémasīka! ārīmi.

⁷ Īgũ irasũ ārĩrĩrē gua gapu pėmasĩbiribu. Irasirirā gua basi gāme āsũ ārĩ werenĩbu:

—Marĩ pāre āiribiradeare ĩāgũ, irasũ ārĩkumi, ārĩbu.

⁸ Gua irasũ ārĩrĩrē masĩsĩā, guare sērēñami:

—¿Nasirirā: “Pāre āiribirabu”, ārĩ gāme werenĩrĩ musā? Yure mērōgā bremurĩ opāa musā.

⁹ ¿Musā pėmasĩberi dapa? ¿Yu cinco mil ũmarē su mojōma pā duparure dukawa ejodeare gũñaberi musā? Īgũsā baayapiadero puru, ¿diĩku puuirigora ĩgũsā baadũadeare musā seasā utũudobori?

¹⁰ ¿Puru yu su mojōma pere gaji mojō peru pērēbejari pā duparure dukawa, cuatro mil ũmarē ejodeadere gũñaberi musā? Īgũsā baayapiadero puru, ¿diĩku puuirigora ĩgũsā baadũadeare musā seasā utũudobori?

¹¹ ¿Nasirirā musā yu wererire pėmasĩberi? Yu: “Fariseo bumarā, saduceo bumarā pā wemasārĩ morērĩrē ōārō pėmasĩka!” ārĩgũ, pāre ārĩgũ meta iriabũ, ārĩmi.

¹² Īgũ irasũ ārĩmakũ pērā, gua pėmasĩbu. Pā wemasārĩ morērĩrē ārĩgũ meta irimi. Fariseo bumarā, saduceo bumarā ārĩgatori merā bueri gapare: “Ōārō pėmasĩka!” ārĩgũ irimi.

*Pedro Jesúre: “Mu Cristo āārā”, ārĩ weredea
(Mr 8.27-30; Lc 9.18-21)*

¹³ Puru Jesús Cesarea Filipino wāĩkuri makā purogue waami. Irogue eja, guare ĩgũ buerārē sērēñami:

—Masaka yure āārĩpererā tĩgūrē, ¿naāsũ ārĩ gũñarĩ? ārĩmi.

¹⁴ Gua ĩgūrē yujubu:

—Surāyeri murē: “Juan masakare wāĩyerimasũ āārĩmi”, ārĩma. Gajerā: “Elías āārĩmi”, gajerā: “Jeremías āārĩmi, o gajigu Marĩpũya kerere weredupuyuri-masũ āārĩmi”, ārĩma, ārĩbu.

¹⁵ Irasũ ārĩmakũ, Jesús guare sērēñami:

—Musākoa yure, ¿naāsũ ārĩ gũñarĩ? ārĩmi.

¹⁶ Īgũ irasũ ārĩmakũ pėgu, Simón Pedro ĩgūrē ārĩmi:

—Mu, Marĩpu iriudi, Cristo āārā. Marĩpu okanĩgũ magũ āārā mu, ārĩmi.

¹⁷ Irasũ ārĩmakũ, Jesús ĩgūrē yujumi:

—Simón, Jonás magũ, mu yure yujuri, masaka murē weredea meta āārā. Yuru ũmugasigue āārĩgũ irire murē masĩmakũ yāmi. Irasirigu mu usuyari opāa.

¹⁸ Murē werea. Mu “Pedro”* wāĩkua. I ũtāye weka turari wiire iriboderosũ yu mu merā yaarārē yure bremuturarā āārĩmakũ irigũkoa. Irasirigu wātĩ ĩgũ turari merā yure bremurārē neō tarinũgābirikumi.

¹⁹ Yu murē Marĩpu ĩgũyarārē doreroguema sawire sĩgũkoa, mu irogue-marē iridoreburire. Irasirigu mu Marĩpu ũmugasigue āārĩgũ dorerosũta: “I ũmuguerē āsũ waabirikōāburo”, ārĩmakũ, irire waabirimakũ irigũkumi. Mu ĩgũ dorerosũta: “I ũmuguerē āsũ waaburo”, ārĩmakũ, irire waamakũ irigũkumi, ārĩmi Jesús.

²⁰ Jesús irasũ ārādero puru, guare ārĩmi:

—Gajerā masakare yure: “Marĩpu iriudi, Cristo āārĩmi ĩĩ”, ārĩ werebirikōāka! ārĩmi.

*Jesús ĩgũ boaburire weredea
(Mr 8.31-9.1; Lc 9.22-27)*

²¹ Īgũ irasũ ārĩrĩnu merāta Jesús guare ĩgũ buerārē ĩgũ boaburire werenũgāmi:

* **16:18** “Pedro”, ārĩrō: “ũtāye”, ārĩduaro yāa.

–Yure Jerusalégue waaró ããrã. Irogue marã: judío masaka mürã, paía oparã, Moisés gojadeare buerimasã yure büro ñerõ tarimakã irirãkuma. Yure wējērãkuma. Īgūsã irasirikerepuru, urenü waaró merã Marĩpu yure masũgukumi, ãrĩmi.

²² Īgũ irasũ ãrĩmakũ pégu, Pedro Jesúre yoaweyarogue ãia, ĩgũrẽ ãsũ ãrĩmi:

–Yu Opu, irire ãrĩbirikõãka! Marĩpu, mü ãrĩrõsũ mürẽ waamakũ kãmutaburo. Mü ãrĩrõsũ mürẽ waabirikõãburo, ãrĩmi.

²³ Īgũ irasũ ãrĩmakũ pégu, Jesús gãmenugã, ĩgũrẽ ãsũ ãrĩmi:

–Satanás, yu purore wirika! Mü, Marĩpu yure dorerire iribirimakũ iridũagu yáa. Marĩpu gããmerĩrẽ gũñabea. Masaka gũñarõsũ gũñáa mü, ãrĩmi.

²⁴ Īgũ irasũ ãrĩ odo, gũare ãrĩmi:

–Sugu yure tuyadũagu ĩgũ iridũarire piriburo. Irasirigu yure tuyadũari waja curusague pábiatú wējēsũbu irirosũ ããrĩkeregu, neõ piriro marĩrõ yure tuyanĩkõãburo.

²⁵ Sugu i ãmũgue ĩgũya okari direta maĩgũ peamegue béosũgukumi. Gajigu gapu yure tuyari waja gajerã ĩgũrẽ wējēkerepuru, Marĩpu purogue ĩgũ merã usuyari bokagukumi.

²⁶ Sugu masakũ i ãmũmarẽ ããrĩpereri opakeregu, ĩgũ boari puru waaburi gapure gũñabiri waja peamegue waagú, õãrĩrẽ neõ wajatabirikumi. Irasirigu i ãmũgue opari direta gũñagũ, ĩgũ boadero puru, peamegue béosũgukumi. Irogure ĩgũ wiridũagu i ãmũgue opari merã neõ wajarimasĩbirikumi.

²⁷ Yu ããrĩpererã tĩgũ, Yupu gosewasiriri merã, ĩgũrẽ wereboerã merã i ãmũguere dupaturi aarigú, ããrĩpererã masakare ĩgūsã irideaku keoro wajarigakoa.

²⁸ Diayeta werea yu. Surãyeri müsã õõguere ããrĩrã müsã boaburo dupuyuro yu ããrĩpererã tĩgũ, Opu ñajãmakũ ĩãrãkoa, ãrĩmi Jesús.

17

Jesús ĩgũ deyori gorawayudea

(Mr 9.2-13; Lc 9.28-36)

¹ Su mojõma pere gaji mojõ suru pērēbejarinurĩ puru, Jesús Pedrore, Santiagore, ĩgũ pagumũ Juãrẽ ãmarĩ buúrugue siu mürĩãmi.

² Iri buúru wekague ĩgūsã mürĩjadero puru, ĩgūsã ĩürõ ĩgũ deyori gorawayuakõãyuru. ĩgũ diapu abe ãmũmũ irirosũ gosewasiriyuro. ĩgũya surĩro goseriñe, õãrõ borero waayuro.

³ Irasũ waaripoeta iripoegue marã Moisés, Elías Jesús merã weretamunĩmakũ ĩãñurã.

⁴ ĩgūsãrẽ ĩãgũ, Pedro Jesúre ãrĩyuru:

–Gua Opu, marĩ õõ ããrĩmakũ õãtaridũáa. Mü gããmemakũ, õõguere ure wiigã irigura. Muya wii, Moiséya wii, Elíaya wii irigura, ãrĩyuru.

⁵ ĩgũ irasũ ãrĩ werenĩripoe, õãrõ gosewasiriri mikãyebo ĩgūsãrẽ túbiakõãyuro. Iri yebo poekague Marĩpu ãsũ ãrĩ werenĩmakũ péñurã:

–Ĩ yu magũ, yu maĩgũ ããrĩmi. ĩgũ merã büro usuyáa. Õãrõ péka ĩgũrẽ! ãrĩyuru.

⁶ Irasũ ãrĩmakũ pérã, Jesús buerã büro güiri merã, ejamejã, ĩgūsãya diapurire yebague moomejãkõãñurã.

⁷ ĩgūsã irasirimakũ ĩãgũ, Jesús ĩgūsã puro waa, ĩgūsãrẽ moãña:

–Wãgãnugãka! Gũibirikõãka! ãrĩyuru.

⁸ ĩgũ irasũ ãrĩmakũ ĩürã, gajerãrẽ ĩãbiriñurã. Jesús direta ĩãñurã.

9 Puru buúrugue ããrãnerã dijariñurã. Irogue dijarigu Jesús ìgūsãrẽ turaro merã ãrĩyuru:

—Dapora musã ìãdeare gajerãrẽ werebirikõãka! Yu ããrĩpererã tĩgũ boa, masãdero purugue irire wereka! ãrĩyuru.

10 Ìgũ irasũ ãrĩmakũ, ìgũ buerã ìgũrẽ sërẽñañurã:

—¿Nasirirã Moisés gojadeare buerimasã: “Cristo, Marĩpu iriubu aariburo dupuyuro Elías aaripurorigakumi”, ãrĩrĩ? ãrĩ sërẽñañurã.

11 Jesús ìgūsãrẽ yujuyuru:

—Musã ãrĩrõsũta Elías aaripurorigakumi ããrĩpererire ãmuyubu.

12 Yu gapu ãsũ ãrĩ weregura musãrẽ. Elías ejasiami. Ìgũ ejakerepuru, masaka ìgũrẽ ìãmasĩbirima. Irasirirã ìgūsã gããmerõ iriduarire ìgũrẽ ñerõ irima. Ìgũrẽ iriderosũta yu ããrĩpererã tĩgũrẽ ñerõ irirãkuma, ãrĩyuru.

13 Ìgũ irasũ ãrĩmakũ pérãgue, pémasĩñurã. “Ìgũ: ‘Elías ejasiami’, ãrĩgũ, Juan masakare wãiyedire ãrĩgũ yãmi”, ãrĩ masĩñurã pama.

Jesús ñamasĩrĩrĩ opagure taudea
(Mr 9.14-29; Lc 9.37-43)

14 Puru ìgūsã buúrugue ããrãnerã wãrã masaka puro dijajama. Ìgūsã dijamakũ ìãgũ, sugu masaku aari, Jesús puro ñadukupuri merã ejamejã, ìgũrẽ ãrĩmi:

15 —Yu Opu, yu magũrẽ bopoñaka! Ìgũ ñamasĩrĩrĩ opagu ããrĩmi. Buro ñerõ tarinami. Irasirigu peamegue meêmejãma, diaguedere meébianokõãmi.

16 Irasirigu ìgũrẽ mu buerã purogue ãijadabu. Ìgūsã ìgũrẽ taumasĩbirama, ãrĩmi.

17 Ìgũ irasũ ãrĩmakũ pégu, Jesús yujumi:

—Musã dapora marã, yure buremurĩ opamerã, diayemarẽ neõ pémasĩmerã ããrã. ¿Noópã yoaripoe musã merã ããrĩgukuri? ¿Noópã yoaripoe musã yure buremubirire gũñaturagukuri? Majĩgũrẽ õõ gapu ãirika! ãrĩmi.

18 Ìgũrẽ ãijamakũ, Jesús wãtĩ majĩgũguere ããrĩgũrẽ: “Wirika ìgũrẽ!” ãrĩmi. Jesús ìgũrẽ béowiumakũta, majĩgũ tariakõãmi.

19 Puru gna Jesús buerã gajerã péberogue ìgũrẽ sërẽñabu:

—¿Nasirirã gna gapu wãtĩrẽ béowiumasĩbirayuri? ãrĩbu.

20 Jesús yujumi:

—Musã Marĩpũre mérõgã buremurĩ opasã, ìgũrẽ béowiumasĩbirabu. Diayeta musãrẽ werea. Musã buremurĩ opari mostaza wãikuri yegãpã irirosũ ããrĩkerepuru, i buúrure: “Sõõgue waaburo”, ãrĩ masĩboko. Musã irasũ ãrĩmakũ, i buúru musã dorerosũta waaboko. Marĩpũre buremurĩ oparã ããrĩpererire irimasã.

21 Ìno wãtĩrẽ béowiuduarã, bereri merã Marĩpũre buro sërẽrõ gããmea, ãrĩmi.

Jesús ìgũ boaburire werenemodea
(Mr 9.30-32; Lc 9.43-45)

22 Puru Galilea nikũgue gna waagorenabu. Irogue Jesús gnare ãrĩmi:

—Masaka yure ããrĩpererã tĩgũrẽ ñeã, gajerãguere wiarãkuma.

23 Ìgūsã yure wějërãkuma. Yure wějèadero puru, urenu waaró merã Marĩpu yure masũgakumi, ãrĩmi. “Yure wějërãkuma”, ãrĩmakũ pérã, gna buro bajawerebu.

Marĩpũya wiima ããrĩburire niyeru wajasearire sërẽñadea

24 Puru gna Jesús merã Capernaugue waabu. Irogue ejadero puru, Marĩpũya wiima ããrĩburire niyeru wajaseabosarimasã Pedro puro eja, ìgũrẽ sërẽñama:

—¿Musãrẽ buegu Marĩpũya wiima ããrĩburire niyeru wajariri? ãrĩma.

25 Pedro ìgūsãrẽ yujumi:

–Wajarimi, ārīmi.

Ʋurur Pedro wiigwe ñajāa, Jesúre sērēñaburipoeta Jesús gapur ĩgūrē sērēñapurorimi:

–Simón, ¿naásū gūñarī mur? I ũmur marā oparā masakare niyeru wajaseaduarā, ¿noā gapure wajaseakuri? ¿Īgūsāyarārē, o gajero marā Īgūsāya nikūgue ejanerā gapure wajaseakuri? ārīmi.

²⁶ –Gajero marā gapure wajaseakuma, ārī yururmi Pedro.

Īgū irasū ārīmakū, Jesús ārīmi:

–Irasirigu sugur opur ĩgūyarārē wajaseabirikumi.

²⁷ Marīpurayarā marī āārīkererā, Marīpuraya wiima āārīburire niyeru wajaseabosarārē marī merā guamakū iribirikoa. Irasirirā wajarirākoa. Wejerida āi, ditarugwe waaí wējēgū waaka! Baapurorigure túwea āika! Īgūya disigwe niyeru tire bokagukoa. Ʋurur iriti merā marī pērāyare Marīpuraya wiima āārīburire wajarigur waaka! ārīmi.

18

Jesús sugur gajerā nemorō āārīgūyamarē weredeia
(Mr 9.33-37; Lc 9.46-48)

¹ Iripoere gur Jesús buerā ĩgū puru eja, sērēñabu:

–Ūmurgasigwe Marīpur ĩgūyarārē dorerogure, ¿noā gur watopere āārīpererā nemorō āārīgukuri? ārību.

² Gur irasū ārīmakū, Jesús majīgūrē siu, ĩgūrē gur watopegue āinú, ārīmi:

³ –Diyeta murārē werea. “Majīgū irirosū āārā, gajerā nemorō āārībea”, ārī gūñaka! Murā: “Gajerā nemorō āārā”, ārī gūñarīre gorawayumerā, ũmurgasigwe Marīpur ĩgūyarārē dorerogure neō waabirikoa.

⁴ Sugur ĩgū basi: “Yur ubu āārīgū, majīgū irirosū āārā”, ārī gūñagū, Marīpur ũmurgasigwe āārīgū ĩūrō gajerā nemorō āārīmi.

⁵ Sugur yaagure, ĩi majīgū irirosū āārīgūrē ōārō bokatīrīñeāgū yudere bokatīrīñeāmi.

Gajerārē ñerō irimakū iribirikōāka! ārī weredeia
(Mr 9.42-48; Lc 17.1-2)

⁶ ‘Sugur yure buremurārē ĩi majīgū irirosū āārīrārē ñerō irimakū iriguno, buru wajamoāsūgukumi. Irasiriro ĩgū gajerārē ñerō irimakū iriburi dupuyuro masaka ĩgūrē wāriye ũtāye merā wānugūgue siasiu, wādiyague meéyomakū ōāboko.

⁷ I ũmurguere masakare ñerō irimakū iriri āārā. Irasirirā ñerō tarima. I ĩgūsārē ñerō irimakū iriri āārīnīkōārokoa. Gajerārē ñerō irimakū iriguno gapur ñetariro tarigukumi.

⁸ ‘Irasirirā murāya mojō, o gubu merā ñerō irirā, iri mojōrē, o iri gubure dititā béorosū iri ñerō iririre pirika! Su mojō, o su gubu opakrerā, Marīpur purogue waamakū ōātarirokoa. Ñerō iririre pirimerā gapur perebiri peamegue béosūrākuma. Īgūsā pe mojō, o pe gubu opakrerā, peamegue waamakū ñetarirokoa.

⁹ Murāya koyeru merā ĩā, ñerō irirā, irirure goreweabéorosū iri ñerō iririre pirika! Su koyeru opakrerā, Marīpur purogue waamakū ōātarirokoa. Ñerō iririre pirimerā gapur perebiri peamegue béosūrākuma. Īgūsā pe koyeru opakrerā, peamegue waamakū ñetarirokoa.

Jesús oveja dediridi keori merā buedeia
(Lc 15.3-7)

10 'Neõ sugu ãĩsã majĩrãrẽ ubu ããbẽobirikõãka! Musãrẽ werea. Umugasigue Yũpũre wereboerã ãgũsãrẽ korerã ãgũ merã ããrĩnikõãma, ãgũsãrẽ ãgũ iritamudorerire irimurã.

11 Yũ ããrĩpererã tĩgũ dediribonerãrẽ taugu aarigũ iribũ.

12 'Yũ wererire, ¿naãsũ gũñarĩ? Ovejare korerimasũ cien oveja opagu, sugu oveja dedirimakũ ããgũ, gajerã noventa y nueve ovejare makã tũro ãgũsã baarogue duripikõã, dediriadire ãmagũ waakumi.

13 Diayeta musãrẽ werea. ãgũrẽ bokagu, gajerã noventa y nueve dediribiranerã nemorõ ãgũrẽ usũyakumi.

14 ãsũta Marĩpũ umugasigue ããrĩgũ ãĩsã majĩrã irirosũ ããrĩrãrẽ dedirimakũ gããmebemi, ãrĩmi Jesús.

*“Mũyagu mũrẽ ñerõ irimakũ ãsũ irika!” ãrĩdea
(Lc 17.3)*

15 Irasũ ãrĩ odo, ãsũ ãrĩ werenemomi:

—Mũyagu mũrẽ ñerõ irimakũ, gajerã pẽberogue ãgũ merã irire werenĩka! ãgũ irire õãrõ merã ãmudũagu: “Mũrẽ ñerõ iribũ! Kãtika yũ irideare!” ãrĩmakũ, musã dupaturi usũyari merã gãme wapikũrãkoa.

16 ãgũ irire ãmudũabirimakũ, sugu o pẽrãrẽ siu, dupaturi ãgũ pũro waaka! ãgũsã pẽurogue ãgũ mũrẽ ñerõ irideare wereka! Irasiriro Marĩpũya werenĩrĩ gojadea pũgue doredersũta pẽrã o urerã iri ñerõ irideare wererire pẽdero pũrũ: “Diayeta irasũ waabu”, ãrĩ masĩrãkuma.

17 Mũrẽ ñerõ iridi ãgũsã pẽurogue ãmudũabirimakũ, ããrĩpererã yũre bũremurã merã nerẽ, ãgũsãrẽ ãgũ ñerõ irideare wereka! ãgũsã pẽuroguedere ãmudũabirimakũ ããrã, ãgũrẽ: “Marĩpũre bũremubi, o romano marã opũre ñegũ niyeru wajaseabosarimasũ irirosũ ããrĩmi”, ãrĩ ããka!

18 'Diayeta musãrẽ werea. Musã Marĩpũ umugasigue ããrĩgũ dorerosũta: “I umũguere ãsũ waabirikõãburo”, ãrĩmakũ, irire waabirimakũ irigũkumi. Musã ãgũ dorerosũta: “I umũguere ãsũ waaburo”, ãrĩmakũ, irire waamakũ irigũkumi.

19 'Gajidere musãrẽ werea. Musã pẽrã sũrosũ gũñarĩ merã: “ãsũ Marĩpũre sẽrẽrã!” ãrĩmakũ, Yũpũ umugasigue ããrĩgũ musã sẽrẽrõsũta irigũkumi.

20 Pẽrã, o urerã yũre bũremurã nerẽmakũ, yũde ãgũsã watopegue ããrã, ãrĩmi Jesús.

21 Irasũ ãrĩmakũ pẽgu, Pedro Jesús pũro ejanugã, ãsũ ãrĩ sẽrẽñami ãgũrẽ:

—Yũ Opũ, ¿diũkũgora yaagu yũre ãgũ ñerõ irimakũ kãtigũkuri? ¿Su mojõma pere gajĩ mojõ peru pẽrẽbejarigora ãgũ yũre ñerõ irimakũ kãtigũkuri? ãrĩmi.

22 Jesús ãgũrẽ yũjami:

—“Su mojõma pere gajĩ mojõ peru pẽrẽbejarigora ãgũ yũre ñerõ irimakũ kãtigũkoa”, ãrĩbirikõãka! ãgũ ñerõ irinarikũ kãtika! ãrĩmi.

Jesús sugu moãboerimasũ ãgũ merãmũ ñerõ irideare kãtidũabi keori merã buedea

23 Irasũ ãrĩ odo, keori merã buemi gũare Jesús:

—Irasiriro Marĩpũ umugasigue ããrĩgũ ãgũyarãrẽ doreri ãsũ ããrã. Sugu opu ãgũrẽ moãboerimasãrẽ ãgũsã ãgũrẽ wajamorĩrẽ wajaridorekumi.

24 ãgũsã ãgũrẽ wajamorĩrẽ ãmunũgãripoe gajerã ãgũyarã sugu wãro wãjamogũrẽ ãgũ pũro ããkuma.

25 ãgũ wajamorĩrẽ wajarimasĩbirimakũ ããgũ, ãgũ opu ãgũyarãrẽ: “ãgũrẽ, ãgũ marãpore, ãgũ pũrãrẽ ãgũ opari ããrĩpereri merã gajerãguere duarã waaka!”

ārīkumi. “Irasirigu ĩgūsārē duari waja merā ĩgū yure wajamorĩrē wajarigakumi”, ārīkumi.

²⁶ 'Irasū ārīmakū pégu, wáro wajamogū gapu ñadukupuri merā ejamejā, ĩgū opure buro sērēkumi: “Yū opu, guare gajerāguere duabirikōāka! Yúka dapa! Bopoñaka yure! Murē yu wajamorĩ āārĩpererire wajaripeokōāgukoa”, ārīkumi.

²⁷ 'Irasū ārīmakū pégu, ĩgūrē bopoñarĩ merā ĩā, ĩgūrē wiukumi. “ĩgū wajamodea pereakōāa”, ārĩ, irire kātipeokōākumi.

²⁸ ĩgū irasiriadero puru, wáro wajamodi waa, gajigu ĩgū merāmū ĩgū opure moāboerimasūrē bokajakumi. ĩgū merāmū gapu ĩgūrē mérōgā wajamokumi. ĩgūrē bokajagu, mata ĩgūya wānugūrē buro ñeā: “Murĩgora, yure mu wajamorĩrē wajaripurumuka!” ārīkumi.

²⁹ 'ĩgū irasū ārīmakū, ĩgū merāmū gapu ñadukupuri merā ejamejā, ĩgūrē buro sērēkumi: “Yúka dapa! Bopoñaka yure! Murē yu wajamorĩ āārĩpererire wajaripeokōāgukoa”, ārīkumi.

³⁰ ĩgū buro sērēmakū pékeregū, ĩgūrē yujubirikumi. Irasirigu ĩgūrē peresugue iridorekumi. “Yure ĩgū wajamorĩrē wajaripeomakūgue wiuka!” ārīkumi.

³¹ 'Wáro wajamodi ĩgūrē mérōgā wajamogūrē irasirimakū ĩārā, gajerā moāboerimasā buro bujawereri merā ĩgū iriadea āārĩpererire ĩgūsā opure wererā waakuma.

³² Irire pégu, ĩgūsā opu wáro wajamodire siiu, āsū ārīkumi: “Mu ñetaria. Mu yure buro sērēmakū, mu yure wajamodeare kātipeokōābū.

³³ Yu irasirikereparu, mu gapu mu merāmūrē ĩgū murē mérōgā wajamodeare kātibirayuro. Mu yure wajamodeare yu kātiderosūta ĩgū murē wajamodeadere mu kātimakū ōātariboakuyo. ¿Nasirigu ĩgūrē bopoñabirari mu?” ārīkumi.

³⁴ 'Irasū ārĩ odo, ĩgū merā buro guagu, ĩgūrē peresu irikumi buro wajamoādoregu. ĩgū wajamorĩrē wajaripeobi neō wiribirikumi, ārĩ weremi Jesús.

³⁵ Puru āsū ārīnemomi:

—Yupu ũmugasigue āārĩgū mūsārē irasūta wajamoāgukumi, mūsāyarā ĩgūsā mūsārē ñerō irideare mūsā ōārō merā kātibirimakū, ārīmi.

19

Jesús masakare: “Mūsā marāposā nomerē béobirikōāka!” ārĩ buedea (Mr 10.1-12; Lc 16.18)

¹ Jesús irire wereadero puru, Galilea nikūgue āārādi gua ĩgū buerā merā Judea nikūgue waa, dia Jordán wāikūdiya gaji koepugue waami.

² Irogue waamakū ĩārā, wārā masaka ĩgūrē tūyama. Irasirigu irogue pūrīrikārārē taumi.

³ Irasirimakū ĩārā, surāyeri fariseo bumarā Jesús puro eja, ĩgūrē ñerĩ ĩgū werenimakū iriduarā, sērēñama:

—¿Sugu masakū ĩgū gāāmerō ĩgū marāpore béomakū, marĩ doreri āārīkuri? ārīma.

⁴ Jesús ĩgūsārē yujūmi.

—¿Marĩpūya werenĩrĩ gojadea pūrē buebiriri mūsā? Āsū ārĩ gojasūdero āārībú: “Neōgoraguere Marĩpu i ũmūrē irigu, ũmū, nomeō iridi āārīmĩ”, ārĩ gojasūdero āārībú.

⁵ Āsū ārĩ gojanemosūdero āārībú doja: “Sugu ũmū ĩgū pagūsāmarārē wiri, ĩgū marāpo merā āārīgukumi. Irasirirā ĩgūsā pērā āārīkererā, Marĩpu ĩūrō su duputa irirosū āārīrākuma”, ārĩ gojasūdero āārībú.

⁶ Irasirirā pērā irirosū āārībema. Su duputa irirosū āārīma. Marīpu ĩgūsārē su duputa irirosū āārīmakū iridero puru, gajigu ĩgūsārē gāme béomakū iribirikōārō gāāmea, āārīmi Jesús.

⁷ ĩgū irasū āārīmakū pérā, fariseo bumarā sērēñama doja:

—Mu irasū āārīkerepuru, Moisés gapu āsū ārī gojadi āārīmí: “Sugu ĩgū marāpore béoduagu: ‘I waja merā murē béoa’, ārī gojari pūrē sīrō gāāmea”, ārī gojadi āārīmí. ¿Nasirigu irasū ārī gojayuri? ārīma.

⁸ Jesús ĩgūsārē yujumi:

—Musā ñekūsāmarā Marīpu dorerire iridubirimakū ĩāgū: “Musā marāposā nomerē béomasā”, ārī gojadi āārīmí Moisés. ĩgū irasū ārī gojakerepuru, neōgoragueta Marīpu musā marāposā nomerē béomakū gāāmebiridi āārīmí.

⁹ Musārē werea. Sugo marāpukugo gajigu merā ñerō iribirikerepuru, igo marāpu gapu igore béo, gajegore marāpokugu, igo merā ñerō irigu yámi. Gajigu béodeore marāpokugude igo merā ñerō irigu yámi, ārīmi.

¹⁰ ĩgū irasū āārīmakū pérā, gua ĩgū buerā ārību:

—ĩgūsā marāposā nomerē béo, gajego merā āārīmakū oābea. Irasirirā marāpo marīmakū oābokoa, ārību.

¹¹ Jesús guare yujumi:

—Āārīpererā masaka marāpo, o marāpu marīrāta āārībokatīūbirikuma. Marīpu marāpokudorebirinerā, o marāpokudorebirinerā dita bokatīūmasīma.

¹² Surāyeri ũma marāpokumasībema. ĩgūsā watopegue surāyeri ũma deyoarāgueta poyarimasā āārīnerā nomerē marāpokumasībema. Masaka gajerā ũmarē marāpokumasībirimakū yáma. Gajerā ũma, Marīpu ũmugasigue āārīgú ĩgūyarārē doreguya direta iriduarā marāpokubema. Irasirirā marāpo, o marāpu marīrā āārībokatīūduarā, āsūta āārīnikōāburo, ārīmi Jesús.

Jesús majrāya āārīburire Marīpure sērēbosadea

(Mr 10.13-16; Lc 18.15-17)

¹³ Puru masaka majrārē Jesús puro āijama, ĩgūsārē ñapeo, Marīpure ĩgūsāya āārīburire sērēbosadorerā. ĩgūsā āijamakū ĩārā, gua ĩgū buerā ĩgūsārē bokatīrī: “ĩgūrē garibobirikōāka!” ārību.

¹⁴ Jesús gapu guare ārīmi:

—Majrā yu pūrogu aariburo. Kāmutabirikōāka ĩgūsārē! Ūmugasigue Marīpu ĩgūyarārē dorerogue āārīmurā, ĩsā majrā yure usuyari merā bokatīrīñeārā irirosū āārīma, ārīmi.

¹⁵ Irasirigu majrārē ñapeo, Marīpure ĩgūsāya āārīburire sērēbosa odo, gajerogue waakōāmi doja.

Sugu maamu wari doebiri opagu Jesús merā werenídea

(Mr 10.17-31; Lc 18.18-30)

¹⁶ Puru sugu maamu Jesús pūrogu eja, ĩgūrē sērēñami:

—Ōāgū buegu, yu ũmugasigue perebiri okari opadugu, ¿ñeéno oārīrē irigukuri? ārīmi.

¹⁷ Jesús ĩgūrē ārīmi:

—¿Nasirigu yure: “Ōāgū āārā”, ārīrī? Marīpu suguta oāgū āārīmi. Mu ũmugasigue perebiri okari opadugu, Marīpu dorerire irika! ārīmi.

¹⁸ ĩgū irasū āārīmakū pégu, maamu āsū ārī sērēñami doja:

—¿Dí gapure irigukuri? ārīmi.

Jesús ĩgūrē yujumi:

—Masakare wējēbirikōāka! Gajigu marāpo merā ñerō iribirikōāka! Ya-jabirikōāka! Gajerāyamarē ārīgatorī merā werebirikōāka!

19 Mupɥ, mupore gopeyari merã bɥremuka! Mɥ basi maĩrõsũta mɥ pɥro ããrĩrãrẽ maĩka! ãrĩmi.

20 Ĩgũ irasũ ãrĩmakũ, maamɥ Jesúre ãrĩmi doja:

–Iri doreri ããrĩpererire majĩgũgueta neõ tarinugãbiribɥ yɥ. ¿Ñeéno dɥyari, yɥre yɥ irinemoburi? ãrĩmi.

21 Jesús ĩgũrẽ ãrĩmi:

–Mɥ, Marĩpɥ ĩũrõ ĩgũ dorerire iripeodɥagɥ, mɥ oparire duagɥ waaka! Mɥ duadea wajare boporãrẽ síka! Irasirigɥ ãmugasiguere wári õãrĩ opagukoa. Irasiri odo, yɥ merã aarika! ãrĩmi.

22 Ĩgũ irasũ ãrĩmakũ pégu, maamɥ ĩgũ wári oparire maĩsĩã, bɥro bɥjawereri merã waakõãmi.

23 Ĩgũ bɥjawereri merã waamakũ ĩãgũ, Jesús gɥare ĩgũ buerãrẽ ãrĩmi:

–Diayeta mɥsãrẽ werea. Wári doebiri oparãrẽ Marĩpɥ ãmugasiguere ããrĩgũ ĩgũyarãrẽ doreroguerere waamakũ diasagorãa.

24 Mɥsãrẽ dupaturi werea. Camellu awiru gobegãrẽ ñajãtariweremasĩbirikumi. I nemorõ wári doebiri opagure Marĩpɥ ĩgũyarãrẽ doreroguerere waamakũ diasãa, ãrĩmi.

25 Ĩgũ irasũ ãrĩmakũ pérã, gɥa ĩgũ buerã péguka, ãsũ ãrĩ gãme sërẽñabɥ:

–Iro merẽ, ¿noã gapɥ Marĩpɥ tausũmurã ĩgũ pɥrogue waamurã ããrĩbokuri? ãrĩbɥ.

26 Jesús gɥare ĩã, ãrĩmi:

–Masaka ĩgũsã basi ĩgũsã iriri merã Marĩpɥ pɥrogue waamasĩbema. Marĩpɥ dita masakare ĩgũ pɥro ããrĩmurã waamakũ irimasĩmi. ããrĩpererire irimasĩmi, ãrĩmi.

27 Ĩgũ irasũ ãrĩmakũ pégu, Pedro ĩgũrẽ ãrĩmi:

–Gɥa Opɥ, gɥa murẽ tɥyarã, ããrĩpereri gɥa opadeare pípeokõãbɥ. Irasirirã gɥa gapɥ, ¿ñeénorẽ oparãkuri? ãrĩmi.

28 Jesús gɥare ãsũ ãrĩ yɥjɥmi:

–Diayeta mɥsãrẽ werea. I ãmɥ peredero pɥrɥ ããrĩpereri maama gorawayuripoe yɥ ããrĩpererã tĩgũ ãmugasi gosewasirirogue Opɥ doarogue doagukoa. Yɥ iro doamakũ, mɥsãde yare tɥyarã, pe mojõma pere su gubu peru pẽrẽbejari oparã doarigue doarãkoa. Irasirirã mɥsã Israel bumarãrẽ pe mojõma pere su gubu peru pẽrẽbejari buri marãrẽ dorerãkoa.

29 Yɥ merã waarã, ĩgũsãya wiirire, ĩgũsã pagupũrãrẽ, pagusãmarãrẽ, pũrãrẽ, ĩgũsãya pooerire pípeorã, wári õãrĩ wajatarãkuma. ĩgũsã iro dupuyuro opaderosũ cien nemorõ opanemorãkuma. Irasũ ããrĩmakũ Marĩpɥ merã perebiri okari oparãkuma.

30 Wárã daporare oparã ããrĩrã, pɥrɥguere ubu ããrĩrã dujarãkuma. Wárã daporare ubu ããrĩrã gapɥ, pɥrɥguere oparã ããrĩrãkuma, ãrĩ weremi Jesús gɥare ĩgũ buerãrẽ.

20

Jesús igui pooe moãrã keori merã buedea

1 Irasirigɥ dupaturi Jesús keori merã buemi doja:

–Marĩpɥ ãmugasiguere ããrĩgũ ĩgũyarãrẽ doreri ãsũ ããrã. Sugɥ igui pooe opɥ boyodujimejãripoe ĩgũya pooere moãmurãrẽ siiugɥ waakumi. ãsũ ãrĩkumi:

2 “Sunɥ moãrĩ waja suti niyeru ti wajarigura”, ãrĩkumi ĩgũsãrẽ. Pɥrɥ ĩgũsãrẽ ĩgũya pooegue moãdoregɥ iriukumi.

3 Pɥrɥ goeripoe dupuyuro nueve hora ããrĩmakũ, makã dekogue waa, gajerã moãrĩ opamerãrẽ bokajakumi.

⁴ Īgūsārē bokaja, ārīkumi: “Mūsāde yaa pooere moārā waaka! Keoro wajarigura”, ārīkumi. Irasirirā Īgūya pooegue moārā waakuma.

⁵ Pura pooe opa goeripoe āārīmakū, űamika tres hora āārīmakūdere gajerārē moāadorekumi doja.

⁶ Pura űamikague cinco hora āārīmakū, makā dekoque waakumi doja. Iroque eja, gajerā moārī opamerārē bokaja, Īgūsārē sērēñakumi: “¿Nasirirā dapagārē moābirikererā doaneākōārī mūsā?” ārīkumi.

⁷ “Neō suga guare: ‘Moārā waaka!’ ārībirami”, ārī yujukuma. Irasirigura pooe opa Īgūsārē: “Mūsāde yaa pooere moārā waaka! Keoro wajarigura”, ārīkumi. Irasirirā Īgūsāde Īgūya pooere moārā waakuma.

⁸ ‘Abe űajāripoegue āārīmakū, pooe opa Īgūya pooere siiu moāgūrē āsū ārīkumi: “Moārārē siiu, moārā ejatūnunerārē wajaripurori, Īgūsā ejaburi dupuyuro ejanerārē wajari odo, ejapurorianerārē wajaritūnuka!” ārīkumi.

⁹ Irasirigura, cinco hora āārīmakū moānugānerārē suna moārī wataropā suti niyeru ti wajarikumi.

¹⁰ Īgū irasū wajarimakū ĩārā, moāpurorianerā: “Gua gapure Īgūsā nemorō wajarigukumi”, ārī gūñadikuma. Īgūsādere surosūta wajarikōākumi.

¹¹ Irasū wajarimakū ĩārā, pooe opa merā gua, ĩgūrē ārīkuma:

¹² “Īīsā gua purugue ejanerā gapa su horata moāama. Gua gapa suna oārō moāneākōābu. Buro abe asiripoe moābu. Gua irasū moāneākerepura, surosū wajarikōābu mu”, ārīkuma.

¹³ Īgūsā irasū ārīmakū pégu, pooe opa gapa suga Īgūsā watope āārīgūrē ārīkumi: “Yu merāmu, yu mūrē űerō irigura meta yāa. Yu mūrē: ‘Suti niyeru ti wajarigura’, ārīmakū pégu: ‘Jāu’, āārbu mu. Irasirigura yu āāderosūta mūrē keoro wajariabu.

¹⁴ Irasirigura yu wajariadeare āi, waakōāka! Īrē mu purugue ejadidere mūrē wajariaderopāta wajarigura.

¹⁵ I yaa niyeru āārā. Irasirigura yu gāāmerō wajarimasā. Gajerārē yu oārō sīmakū ĩāgū, ¿yure ĩāturiri mu?” ārīkumi pooe opa.

¹⁶ ‘I keori ārīrōsūta Marīpu Īgūyarā āārīpurorinerārē, Īgūsā pura Īgūyarā āārīrādere surosū oārīrē sīgukumi, ārī weremi Jesús guare.

Dupaturi Jesús ĩgū boaburire weredea

(Mr 10.32-34; Lc 18.31-34)

¹⁷ Jesús Jerusalén waarī maague waagú, guare pe mojōma pere su gubu peru pērēbejarā Īgū buerārē gajerā péberogue siiuwāgā, ārīmi:

¹⁸ —Oārō péka! Marī Jerusalēgue waarā yāa. Iroque yu āārīpererā tīgū, paía oparāguere, irasū āārīmakū Moisés gojadea buerimasāguere wiasūgukoa. Īgūsā yure: “Boaburo”, ārīrākuma.

¹⁹ Irasirirā judío masaka āārīmerāguere yure wiarākuma. Īgūsā yure burida, tārā, curusague pábiatú wējērākuma. Īgūsā yure wējēadero pura, arenu waarō merā masāgukoa, ārīmi Jesús.

Santiago, Juan pago Jesúre sērēdea

(Mr 10.35-45)

²⁰ Pura Zebedeo marāpo igo pūrā Santiago, Juan merā Jesús purogue eja, ĩgūrē sērēbo űadukupuri merā ejamejāmo.

²¹ Igo irasirimakū, Jesús igore sērēñami:

—¿Neenorē gāāmerī mu? ārīmi.

Igo ĩgūrē yujamo:

—Mu, Opa űajāgū, ĩīsā yu pūrā pērārē mu merā doremurā sóoka! Sugure mu diaye gapa, gajigure kúgapa doadoreka! ārīmo Jesúre.

22 Igo irasũ ārimakũ pégu, Jesús igo pūrārē ārimi:
—Musã yure sērērīrē pémasībea. Yũ buru ñerõ tarigũkoa. ¿Yũ ñerõ tarirosũ musãde ñerõ tarirã, bokatiūrākuri? ārimi.

Īgūsã yujuma:

—Bokatĩũkõārãkoa, ārima.

23 Jesús Īgūsārē ārimi:

—Diayeta āārã. Yũ irirosũ musãde ñerõ tarirãkoa. Yũ gapũ musārē yũ diaye, kũgapũ doamurārē beyemasībea. Yũpũ āmusiadi āārĩmĩ irire. Irasirirã Īgũ beyenerã dita yũ diaye, kũgapũ doarãkuma, ārimi.

24 Gũa pe mojõmarã Īgũ buerã gapũ Santiago, Juan Īgūsã Jesũre sērērīrē pérã, Īgūsã merã guabũ.

25 Gũa guamakũ ĩãgũ, Jesús āārĩpererārē gũare siiu needõ, ãsũ ārĩ weremi:

—I nikũ marã oparã Marĩpũre bũremumerã gapũ Īgūsãyarārē dorerã, turaro merã dorema. Īgūsã doka marãde irasũta dorema. Irire masĩa musã.

26 Musã tamerã Īgūsã irirosũ iribirikoa. Musã watopeguere opu āārĩduagu, musārē moãboegu irirosũ āārĩburo.

27 Sugũ musã watopegue āārĩgũ, gajerã nemorõ āārĩduagu, moãboegu irirosũ āārĩburo.

28 Yũde irasũta āārã. Yũ āārĩpererã tĩgũ masaka yure iritamuburo, ārĩgũ meta aaribũ. Yũ gapũ Īgūsārē iritamugũ aaribũ. Irasirigũ wárã masakare yũ boari merã Īgūsã ñerõ iridea wajare wajaribosagu aarigũ iribũ, ārimi Jesús gũare.

Jesús pẽrã koye ĩãmerārē taudea

(Mr 10.46-52; Lc 18.35-43)

29 Pũrũ Jericõgue āārãnerã gũa wirimakũ, wárã masaka Jesũre tũyama.

30 Gũa waarĩ maa tũro, pẽrã koye ĩãmerã doama. Jesús iro tariwãgãrĩrē pẽñarã ãsũ ārĩ gainĩma:

—Gũa Opu, David parãmi āārĩturiagu, gũare bopoñaka! ārima.

31 Īgūsã irasũ ārĩ gainĩmakũ, masaka gapũ Īgūsārē: “Toeaka!” ārima. Īgūsã irasũ ārĩkerepũ, Īgūsã gainĩadero nemorõ gainĩnemoma:

—Gũa Opu, David parãmi āārĩturiagu, gũare bopoñaka! ārima.

32 Īgūsã irasũ ārimakũ pé, Jesús dujanũgãja, Īgūsārē siiu, ãsũ ārĩ sērẽñami:

—¿Ñeonorẽ yũ musārē irimakũ gããmerĩ? ārimi.

33 —Gũa Opu, gũare koye ĩãmakũ irika! ārĩ yujuma.

34 Īgūsã irasũ ārimakũ, Jesús Īgūsārē bopoña, Īgūsãya koyere moãñami. Īgũ moãñamakũta, ĩãkõãma. Irasirirã Jesũre tũyama.

21

Jesús Jerusalẽgue ejadea

(Mr 11.1-11; Lc 19.28-40; Jn 12.12-19)

1 Gũa Jesús merã Jerusalẽgue ejaburo dupuyuro Betfagé wãĩkũri makãgue ejarũroribũ. Betfagé, buúru Olivos wãĩkũri buúru pũro āārĩbũ. Jesús iroguẽ ejaqu, gũa merãmarã pẽrãrē

2 ãsũ ārĩ iriumi:

—Si makã marĩ bokatiũrõ āārĩrĩ makãgue waaka! Iroguẽ ejarã, burra Īgūsã sianúadeore majĩgũ merã bokajarãkoa. Īgūsārē bokajarã, Īgūsã siadeadare kura, āirika!

3 Musārē: “¿Nasirimurã Īgūsārē kurari?” ārimakũ pérã: “Marĩ Opu gããmeami. Dapora wiagũkumi doja”, ārika! ārĩ iriumi.

4 Ire irasũ irigu, Marĩpũya kerere weredupuyudi gojaderosũta irimi. ãsũ ārĩ gojadi āārĩmĩ:

⁵ Jerusalén marārē āsū ārī wereka: “Musā Sión* marā iāka! Musā Opu musā purogue musārē iritamugū aarími.

Ubu āārīgú irirosū burra majīgū weka peyawāgārimi”, ārī gojadi āārímí.✱

⁶ Irasirirā Jesús iriuanerā iri makāgue waa, ĩgū iridoreaderosūta iriñurā.

⁷ Burrore, pago merā Jesús purogue āijamakū, guaya surí wekamarē túwea, ĩgūsā weka peobu. Guā irasiriadero puru, Jesús, majīgū wekague mūrībejami.

⁸ Mūrībeja, Jesús Jerusalēgue peyawāgāmakū iārā, masaka wārā ĩgūsāya weka sāñarī suríre túwea āi, ĩgū waarí maarē sēōpídupuyuma ĩgūrē buremurā. Irasū āārīmakū, gajerā yuku dupuri pūrikurire diti āi, maarē pídupuyuma, ĩgū waarí maa ōārī maa āārīburo, ārīrā.

⁹ Irasirirā ĩgū dupuyuro waarā, ĩgū puru tayarā āsū ārī gainíma:

—Opu David parāmi āārīturiagure usuyari sīrā! Ī Marīpu marīre taugu iriudi ōārō aariburo. Marīpure: “Ōātaria mu āārīpererā Opu umugasigue āārīgú”, ārī, usuyari sīrā! ārīma.

¹⁰ Jesús Jerusalēgue ejamakū, iroque āārīrā ĩāgukapereakōāma. Wārā ĩgūsā basi āsū ārī gāme sērēñama:

—¿Noā āārīrī ĩi? ārīma.

¹¹ Gajerā masaka yujuma ĩgūsārē:

—Ī Marīpuya kerere weregu Jesús wāikugu āārími. Galilea nikūma makā Nazaretmu āārími, ārīma.

*Jesús Marīpuya wiigue duarārē béowiudea
(Mr 11.15-19; Lc 19.45-48; Jn 2.13-22)*

¹² Puru Jesús Marīpuya wiigue ñajāmi. Ñajāa, doebiri duarārē, ĩgūsā duarire wajarirādere bokajagu, ĩgūsārē béowiumi. Niyeru gorawayurimasāya niyeru sāñarī kūmarīrē yomeéwionokōāmi. Bujare dua doanirāya doaripēridere irasūta irimi.

¹³ ĩgūsārē āsū ārīmi:

—Marīpu ĩgūya werenírī gojadea pūgue āsū ārīdi āārímí: “Yaa wii, yare buremurā yare sērērī wii āārā”, ārīdi āārímí. Musā gapu yajarimasāya wii irirosū āārīmakū yāa, ārīmi.

¹⁴ Jesús Marīpuya wiigue āārīripoe koye iāmerā, waamasīmerāde ĩgū purogue ejama. ĩgūsā ejamakū ĩāgū, ĩgūsārē taumi.

¹⁵ Paía oparā, Moisés gojadeare buerimasā gapu ĩgū turari merā iri ĩmumakū iārā, iri wiigue majīrā ĩgūrē: “Opu David parāmi āārīturiagu ōātaria mu”, ārī gainímakū pérā, ĩgū merā guama.

¹⁶ Irasirirā Jesúre āsū ārīma:

—¿Īsā majīrā ārīrērē péri mu? ārīma.

Jesús yujumi:

—Péa. ¿Marīpuya werenírī gojadea pūrē ire buebiriri musā? Āsū ārī gojasūdero āārībú:

Mu majīrārē, mirīrāgārē ōārō usuyari merā mūrē bayapeomakū iribu, ārī gojasūdero āārībú, ārīmi Jesús ĩgūsārē.✱

¹⁷ Irasū ārī odo, ĩgūsārē béowāgā, Betania wāikuri makāgue waakōāmi. Iroque eja, kārīmi.

*Jesús higueraque ñañugāmakū iridea
(Mr 11.12-14, 20-26)*

¹⁸ Gajinu boyoripoe Jesús Jerusalēgue goedujáagu, uaboakōāmi.

* 21:5 Zacarías 9.9: Iripoegue marā Jerusalén wāikuri makārēta “Sión” ārīnerā āārímá. ✱ 21:5 Zac 9.9

✱ 21:16 Sal 8.2

¹⁹ Irasũ uaboagu, maa turo nídi higuera wãikũdire ãgũ, irigu dukare ãmagũ waadimi. Duka marĩbu irigu gapu. Pũrĩ dita ããrĩbũ. Duka marĩmakũ ãgũ, Jesús ãsũ ãrĩmi:

—Igu yukũ neõ dupaturi dukakũbirikoa, ãrĩmi.

Ïgũ irasũ ãrĩrĩ merãta, irigu ñãĩnũgãkõãbu.

²⁰ Irigu irasũ waamakũ ããrã, gũã ãgũ buerã ãgũkakõãbu.

—¿Nasiriro mata irigu ñãlakõãrĩ? ãrĩ sërẽñabu Jesúsre.

²¹ Jesús guare yujumi:

—Diayeta musãrẽ werea. Musã: “Marĩpu ãsũ irimasĩbirikumi”, ãrĩ gũñarõ marĩrõ ãgũrẽ buremurã, yũ irigũre ñãĩmakũ iriaderosũ musãde irimasĩrãkoa. Irigũre yũ iriadero nemorõ diasarire irimasĩrãkoa. Irasirirã Marĩpure: “I buúrure dia wádiyague béoka!” ãrĩmakũ, musã ãrĩrõsũta waarokoa.

²² Musã Marĩpure buremurĩ merã sërẽmakũ, musã sërẽrõsũta Marĩpu musãrẽ irigũkumi, ãrĩmi Jesús.

Judío masaka oparã Jesúsre: “¿Noã murẽ doreri?” ãrĩ sërẽñadea (Mr 11.27-33; Lc 20.1-8)

²³ Pũru Jesús Marĩpũya wiigũ ñajãmi. Ïgũ irogue bueripoe paía oparã, gajerã judío masaka murã ãgũ pũrogue waa, ãgũrẽ sërẽñama:

—¿Noã murẽ doreri, mũ irire irasirimakũ? ¿Noã murẽ: “Ãsũ irika!” ãrĩrĩ? ãrĩma.

²⁴ Jesús ãgũsãrẽ yujumi:

—Yũde musãrẽ sërẽñagũra. Musã yujumakũ, yũde musãrẽ yujugũra.

²⁵ Juan masakare deko merã wãiyemakũ, ¿noã ãgũrẽ wãiyedoregu iriuri, Marĩpu, o masaka? ãrĩmi.

Ïgũ irasũ ãrĩmakũ pérã, ãgũsã basi ãsũ ãrĩ gãme werenĩma:

—¿Naásũ ãrĩ yujurãkuri marĩ? “Marĩpu Juãrẽ doredi ããrĩmĩ”, marĩ ãrĩmakũ, Jesús marĩrẽ: “¿Nasirirã ãgũ weredeare buremubiriri musã?” ãrĩbokumi.

²⁶ ããrĩpererã masaka: “Juan Marĩpũya kerere weredupuyudi ããrĩmĩ”, ãrĩ gũñama. Marĩ: “Masaka Juãrẽ wãiyedorenerã ããrĩmã”, ãrĩmakũ, masaka marĩ merã guabokuma, ãrĩma.

²⁷ Irasirirã Jesúsre ãsũ ãrĩ yujuma:

—Juãrẽ wãiyedoredire gũã masĩbea, ãrĩma.

Ïgũsã irasũ ãrĩmakũ, Jesús ãgũsãrẽ ãrĩmi:

—Musã yũre: “¿Noã murẽ irire iridoreri?” ãrĩ sërẽñadeare yũde musãrẽ yujũbea, ãrĩmi.

Jesús sugũ pũrã pũrã keori merã buedea

²⁸ Jesús irasũ ãrĩ odo, ãgũsãrẽ keori merã buemi:

—¿Naásũ ãrĩ gũñarĩ, yũ ãsũ ãrĩ weremakũ pérã? Sugũ pũrã pũrã opakumi. Sugũre ãsũ ãrĩkumi: “Makũ, igui otedea poogue moãgũ waaka!” ãrĩkumi.

²⁹ “Waabea”, ãrĩ yujukumi. Pũru: “Waagũra”, ãrĩ gũña, poogue moãgũ waakumi.

³⁰ Pũru ãgũsã pagũ gajigu ãgũ magũ pũro waakumi. Ïgũ ãrãderosũta ãgũdere: “Poogue moãgũ waaka!” ãrĩkumi. Ïgũ: “Jãũ”, ãrĩkeregũ, waabirikumi.

³¹ ¿Niĩ gapũ pagũ dorere iriyuri? ãrĩ sërẽñami Jesús.

—Ïgũ moãdorepũroriadi gapũ iriyupu, ãrĩ yujuma.

Ïgũsã irasũ ãrĩmakũ, Jesús ãrĩmi:

—Musãrẽ diayeta werea. Musã romano marã opũre niyeru wajaseabosarimasãrẽ, ãma merã gãmebira wajatarimasã nomerẽ: “Ñerã ããrĩma”, ãrĩkerepũru, ãgũsã gapũ musã nemorõ Marĩpu ãgũyarãrẽ dorerogũre waarãkuma.

³² Juan masakare wāiyedi musārē: “Āsū irika, Marīpū dorerire irirā!” āri buegū aarikerepū, musā īgū buerire neō bāremubiribū. Īsā romano marā opūre niyeru wajaseabosarimasā, ūma merā gāmebira wajatarimasā nome gapū īgū buerire pérā, irire bāremuma. Īgūsā irasirimakū ĩākererā, musā gapū musā ñerō iririre bujawere, musā gūñarīrē neō gorawayubiribū. Īgū buerire neō bāremubiribū, āri mi Jesús.

Jesús ñerā moārā keori merā buedea
(Mr 12.1-12; Lc 20.9-19)

³³ Jesús dupaturi āsū āri werenemomi:

—Gaji keori merā yū weremakū péka doja! Sugū masakū īgūya nikūrē poe opakumi. Iri poeere iguidarire otekumi. Ote odo, iri poeere turore sārīsākōākumi. Iro ūtāyegue igui karabipiri gobere irikumi. Wii ūmarī wiigārē irikumi, iri poeere korerā oārō ĩā koreburo, āri gū. Irasiri odo, gajerārē iri poeere wayukumi. “Yaa oteri dukare deko merā sīrākoa, yū musārē iri poeere wayuri waja”, āri kumi. Irasū āri odo, gajerogue waakōākumi.

³⁴ Pūgū igui ñiripoe ejamakū, īgūrē moāboerārē īgūya poeere moārā pūrogue īgūya oteri dukare deko merā sērēdoregū iriukumi.

³⁵ Iri poeere moārā gapū īgū iriuanerā irogue ejamakū ĩārā, īgūsārē ñerō irikuma. Sugūre būro pá, gajigūre wējē, gajigūre ūtāyeri merā deakuma.

³⁶ Īgūsā irasiriadeare pégū, iri poeere opū gajerā īgūrē moāboerārē īgū iriupūrorianerā nemorō iriukumi. Īgūsā ejamakū ĩārā, iri poeere moārā īgūsādere irasūta ñerō irikuma doja.

³⁷ Īgūsā irasiriadero pūgū, poeere opū īgū magūrē iriukumi. “Yū magū gapūre bāremurākuma”, āri gūñadikumi.

³⁸ Iri poeere moārā gapū īgū magū ejamakū ĩārā, īgūsā basi āsū āri gāme wereníkuma: “Ī pūgūguere i poeere opabu āārīmi. Īgūrē wējēkōārā! Irasirirā marī basi i poeere oparākoa”, āri kuma.

³⁹ Irasirirā īgūrē ñeā, poeere turogue āiwāgā, wējēbéokōākuma, āri mi Jesús.

⁴⁰ Irasū āri odo, judío masaka oparārē sērēñami:

—Iri poeere moārā īgū magūrē wējēadero pūgū, poeere opū irogue ejagū, ¿nasirigukuri īgūsārē? āri mi.

⁴¹ Īgūrē yajūma:

—Īgūsā ñerārē bopoñarō marīrō wējēkōāgukumi. Pūgū gajerārē īgūya poeere wayugukumi. Īgūsā gapū īgū igui oteri dukare deko merā īgūrē sīrākuma, āri ma.

⁴² Īgūsā irasū āri makū, Jesús āsū āri mi īgūsārē:

—¿Musā Marīpūya werenīrī gojadea pūrē ire buebiriri? Āsū āri gojasūdero āārībú:

Suye ūtāye wii iririmasā īgūsā béoadeaye merā gajigū gapū oārō turari wii irigukumi.

Marīpū irasiridi āārīmí. Marī īgū irasirideare ĩārā: “Ōātaria”, āri gūñāa, āri gojasūdero āārībú.*

⁴³ Irasirigū musārē werea yū. Marīpū īgūyarārē dorerogue āārīmurārē īgū oārī sīrīrē musārē sībirikumi. Musārē īgū sīboadeare gajerā īgū dorerire irirā gapūre sīgukumi.

⁴⁴ Sugū i ūtāye weka meémejāgū, mutākōāgukumi. I ūtāye gapū īgū weka meébejaro, īgūrē oārī pogagāgue meémūtūbéokōārokoa, āri mi Jesús. ((Jesús i keori merā weregū: “Sugū yūre gāāmebi wajamoāsūgukumi”, āri gū irimi.))

* 21:42 Sal 118.22-23

⁴⁵ Paía oparã, fariseo bumarã iri keori merã Jesús irasũ arĩ weremakũ pérã: “Marĩrẽ arĩgũ irasũ arĩkumi”, arĩñurã.

⁴⁶ Irasirirã ïgũrẽ ñeãduadiñurã peresu irimurã. Irasũ ñeãduakererã, asũ arĩ gũñañurã: “Masaka Jesúre: ‘Marĩpuya kerere weredupuyugũ aãrĩmi’, arĩma”, arĩñurã. Irasirirã ïgũsãrẽ güisĩã, Jesúre ñeãmasĩbiriñurã.

22

Jesús sugũ mojõsiari bosenu iriri keori merã buedea

¹ Jesús dupaturi gaji keori merã ïgũsãrẽ buenemomi. Asũ arĩmi:

² —Marĩpu ãmũgasigue aãrĩgũ ïgũyarãrẽ doreri asũ aãrã. Su nikũ marã opu ïgũ magũ mojõsiari bosenu irikumi.

³ Irasirigũ opu ïgũrẽ moãboerãrẽ: “Yũ magũ mojõsiari bosenu ïarã aarika!” ïgũ arĩnerãrẽ siudoregũ iriukumi. ïgũsã siiumakũ ïgũsã gapũ: “Waabea”, arĩkõãkuma.

⁴ Irasirigũ opu gajerã ïgũrẽ moãboerãrẽ iriukumi doja. “Yũ siiunerãrẽ asũ arĩ wererã waaka: ‘Yure moãboerãrẽ jaarã wekũare, gajerã jaarã ejorã õãrõ diĩkũrãrẽ wẽjẽdoresiabũ. Aãrĩpereri yũ magũ mojõsiari bosenu baaburi ãmu odosiabũ. Irasirirã: Bosebaarã aarika!’ arĩ wereka ïgũsãrẽ!” arĩ iriukumi.

⁵ ïgũ siiunerã gapũ irire pékererã, bosenu ïarã waabirikuma. Sugũ ïgũya poeegue waakõã, gajigũ ïgũ moãrĩrẽ ïãgũ waakõãkumi.

⁶ Gajerã gapũ opu moãboerãrẽ ñeã, pá, wẽjẽbéokõãkuma.

⁷ ïgũsã irasiririre pégũ, opu burõ guakumi. Irasirigũ ïgũyarã surarare iriukumi, ïgũsãrẽ wẽjẽanerãrẽ wajamoãdoregũ. Irasirirã ïgũyarã surara ïgũsãrẽ wẽjẽpeokõã, ïgũsãya makãrẽ soebéokõãkuma.

⁸ Pũrũ opu gajerã ïgũrẽ moãboerãrẽ asũ arĩkumi: “Yũ magũ mojõsiari bosenu marẽ ãmusiabũ. Yũ siiunerã gapũ ñerã aãrĩsĩã, aaribirikuma.

⁹ Irasirirã aãrĩpererã makã dekoma maarĩgue aãrĩrãrẽ mũsã bokajarãrẽ siiurã waaka!” arĩkumi.

¹⁰ ïgũ irasũ arĩmakũ, ïgũrẽ moãboerã waa, aãrĩpererã ïgũsã bokajarãrẽ: ñerãrẽ, õãrãrẽ siiu, opu ya wiigũe ãiakuma. Irasirirã, ïgũ bosenu iriri taribure uturiakõãkuma.

¹¹ Pũrũ opu ïgũsãrẽ ïãgũ ñajãgũ, sugũre mojõsiari bosenu ma surĩro sãñabire ïãkumi.

¹² Irasirigũ ïgũrẽ asũ arĩ sërẽñakumi: “Yũ merãmũ, ¿nasirigũ mojõsiari bosenu ma surĩro sãñabirikeregũ, ñajãriari mũ?” arĩkumi. ïgũ irasũ arĩ sërẽñamakũ pégũ, ïgũ gapũ yujubirikumi.

¹³ ïgũ yujubirimakũ ïãgũ, opu ïgũrẽ moãboerãrẽ asũ arĩkumi: “Ĩrẽ ñeã, ïgũya mojõrĩrẽ, guburidere sia, ãĩ wiria, naĩĩãrõgũ ïgũrẽ béorã waaka! Irogũ burõ pũrĩsũgũ ïgũya guikare kũrĩduútũ oregũkumi”, arĩkumi, arĩ weremi Jesús.

¹⁴ Irasũ arĩ odo, asũ arĩnemomi:

—Ĩrõ opu keori irirosũ Marĩpu wãrã siiukerepũrũ, ïgũ beyerã gapũ mérãgã aãrĩma, arĩmi.

Romano marã opu masakare niyeru wajasearire Jesúre sërẽñadea (Mr 12.13-17; Lc 20.20-26)

¹⁵ Jesús irasũ arãderõ pũrũ, fariseo bumarã waakõãma. ïgũrẽ weresãduarã: “ïgũrẽ diaye yujubirimakũ irimurã ire sërẽñarã!” arĩ gãme werenĩñurã.

¹⁶ Irasirirã surãyeri ïgũsã buerire tũyarãrẽ, Herodeya bumarã merã Jesús pũrogũ iriũñurã. ïgũsã Jesús pũrogũ ejarã, ïgũrẽ arĩma:

–Buegu, gua mu iririkurire masia. Mu arigatoro mariro werenia. “¿Naásũ gũnarĩ masaka yure?” arĩ gũnarõ marirõ Marĩpuyare diayeta igũsarẽ buea. Opararẽ, ubu aarĩradere aarĩpererarẽ sũrosũta iãa.

¹⁷ Irasirigu guare wereka! ¿Naásũ gũnarĩ mu? Romano marã opu marirẽ niyeru wajasearire marĩ wajarimakũ, ¿õãgorari, o õãberi? arĩma Jesũre.

¹⁸ Jesũs gapu igũsã igũrẽ ñerõ iriduarire masĩsã, asũ arĩmi:

–Irigatorikurã aarã musã. ¿Nasirirã yure ñerõ yujumakũ iriduari musã?

¹⁹ Niyeru tire musã romano marã opure wajariburi tire arĩka! arĩmi.

Ígũ irasũ arĩmakũ pérã, sunu moarĩ waja wajataropã wajakuri tire aĩãma.

²⁰ Ígũsã iri tire aĩjamakũ, igũsarẽ sereñami:

–I tiguere, ¿noãya diapu keori, noãya wãĩ tuuyari? arĩmi.

²¹ –Romano marã opuya diapu keori, igũya wãĩta tuuyãa, arĩ yujuma.

Ígũsã irasũ arĩmakũ pegu, Jesũs igũsarẽ asũ arĩmi:

–Iro merẽ romano marã opuya aarĩrĩrẽ igũrẽ sika! Marĩpuya gapure Marĩpũre sika! arĩmi.

²² Ígũ irasũ arĩmakũ pérã, péguka, igũrẽ piriwãgãkõãma.

*Saduceo bumarã, Marĩpu boanerãrẽ masũburire Jesũre sereñadea
(Mr 12.18-27; Lc 20.27-40)*

²³ Irinurẽta surãyeri saduceo bumarã Jesũs purogue ejama. Ígũsã: “Masaka boanerãgue masãbirikuma”, arĩ buremurã aarĩmã. Irasirirã Jesũre asũ arĩma:

²⁴ –Buegu, Moisés asũ arĩdi aarĩmĩ: “Sugu marãpokudi purã marĩkeregũ igũ marãpore boaweomakũ, igũ pagumu igore dúunorẽgukumi. Irasirirã, igo merã igũ purãkurã, igũ tĩgũ dagu purã irirosũta aarĩrãkuma”, arĩdi aarĩmĩ.

²⁵ Iripoegue gua watopeguere sugu purã su mojõma pere gaji mojõ peru pẽrẽbejarã aarĩunanerã aarĩmã. Ígũsã tĩgũ gapu marãpokũ, purã marĩgũta boakõayupu. Irasirigu igũ dagu dokamũta igũ marãpo aarĩdeore dúunorẽyupu.

²⁶ Ígũde igũ tĩgũ dagu irirosũta purã marĩgũta boakõayupu. Ígũsã pẽrã dokamũde purã marĩgũta boakõayupu. Irasũ dita purã marĩrãta boaperekõañurã.

²⁷ Ígũsã puru igũsã marãpode boakõayupo pama.

²⁸ Ígũsã su mojõma pere gaji mojõ peru pẽrẽbejarã ãma aarĩpererã igore marãpokũñurã. Irasirirã boanerã masãmakũ, ¿niĩno marãpogora aarĩgokuri? arĩ sereñama.

²⁹ Jesũs igũsarẽ yujumi:

–Musã diaye gũñabea. Marĩpuya werenĩrĩ gojadeare, Marĩpu turaridere masĩbea.

³⁰ Boanerã igũsã masãdero puru, igũsã ãmugasigue Marĩpũre wereboerã irirosũ aarĩrãkuma. Iroguere marãpokũbirikuma. Ígũsã purã nomedere nomesubirikuma.

³¹ ¿Marĩpuya werenĩrĩ gojadea pũgue boanerã igũsã masãburire musã buebiriri? Asũ arĩdi aarĩmĩ:

³² “Yũ Abraham, Isaac, Jacob Opu aarã”, arĩdi aarĩmĩ. Irasirirã igũsã boanerã aarĩkererã, Marĩpu merã okarã aarĩma. Irasirigu Marĩpu okarã Opu aarĩmĩ. Boanerã neõ dupaturi masãbirikõãmurã Opu aarĩbemi, arĩmi Jesũs.

³³ Ígũ irasũ arĩmakũ pérã, masaka: “Õãrõ buemi”, arĩ pégukakõãma.

*¿Dĩ gapu Marĩpu doreri gaji doreri nemorõ aarĩrĩ?” arĩ sereñadea
(Mr 12.28-34)*

³⁴ Jesũs saduceo bumarãrẽ igũsã igũrẽ sereñanemomasĩbirimakũ iririre pérã, fariseo bumarã nerẽma.

³⁵ Irasirigu sugu ĩgūsā merāmu, Moisés gojadeare buerimasū Jesúre diaye yujubirimakū iridugū, āsū āri sērēñami:

³⁶ —Buegu, ¿díi gapu Marĩpu doreri gaji doreri nemorō āārĩrĩ? ārĩmi.

³⁷ Jesús ĩgūrē yujumi:

—Muya yujupūrā merā, mu āārĩrikari merā, āārĩpereri mu gũñarĩ merā Marĩpure mu Opure maĩka!

³⁸ I doreri, gaji nemorō āārĩtarinugārĩ āārā.

³⁹ I doreri puruma āsū ārā: “Mu basi maĩrōsūta mu puro āārĩrārē maĩka!”

⁴⁰ Marĩ i pe dorerire irirā, āārĩpereri Moisés doredeare, Marĩpuya kerere weredupuyunerā buedeare irirā yāa, ārĩmi Jesús.

*“¿Noā parāmi āārĩturiagu āārĩrĩ Cristo?” āri sērēñadea
(Mr 12.35-37; Lc 20.41-44)*

⁴¹ Fariseo bumarā irogue nerēanerā āārĩripoe Jesús ĩgūsārē sērēñami:

⁴² —¿Naāsū gũñarĩ musā Cristo, Marĩpu iriudire? ¿Noā magū āārĩrĩ ĩgū? ārĩmi.

—Cristo, David parāmi āārĩturiagu āārĩmi, āri yujuma.

⁴³ ĩgūsā irasū ārĩmakū pégū, Jesús ĩgūsārē ārĩmi:

—David, Cristo ñekū āārĩkeregū, ¿nasirigu Ōāgū deyomarīgū ĩgūrē were-dorederosūta Cristore: “Yu Opū āārĩmi”, ārĩyuri? David āsū āri gojadi āārĩmi:

⁴⁴ Marĩpu yu Opure āsū ārĩmi: “Ōō, yu diaye gapu doaka, yu merā dorebu! Irasiriripoe murē ĩaturirārē mu dorerire tarinugānemobirimakū irigura”, ārĩmi.*

⁴⁵ David, Cristo ñekū āārĩkeregū, ĩgūrē: “Yu Opū āārĩmi”, ārĩdi āārĩmi. ¿Nasirigu, Cristo, David parāmi āārĩturiagu āārĩkerepurū, David ĩgūrē irasū ārĩyuri? ārĩmi Jesús.

⁴⁶ ĩgū irasū ārĩrĩrē pérā, neō ĩgūrē yujumasĩbirima. Irasirirā gũirā, ĩgūrē dupaturi sērēñanemobirima.

23

Jesús fariseo bumarārē, Moisés gojadeare buerimasārē ĩgūsā ñerō iririre weredea

(Mr 12.38-40; Lc 11.37-54; 20.45-47)

¹ Puru Jesús masakare, gua ĩgū buerādere ārĩmi:

² —Moisés gojadeare buerimasā, fariseo bumarā, Marĩpu Moisére doreri pídeare: “Āsū ārĩduaro yāa”, āri wererā āārĩma.

³ Irasirirā ĩgūsā wererire oārō irituyaka musā! ĩgūsā iririkari gapure ĩākũĩbirikōāka! ĩgūsā wererosūta iribema.

⁴ Masakare dorerā: “Āsū irika!” ārĩrā, ĩgūsārē gajino buro nukũrĩ kōātārĩrā irirosū āārĩmakū yāma. Masaka ĩgūsā dorerire bokatĩũbirikerepurū, ĩgūsārē neō iritamubema, ĩgūsā dorerire iriburo, ārĩrā.

⁵ Masaka ĩāmakū dita oārĩrē iri ĩmuma. Marĩpuya werenĩrĩ ĩgūsā gojadea pũrĩ sārĩ kũmarīgā gajerāya nemorō eyari kũmarīgārē ĩgūsāya diapuserorire, ĩgūsāya dukaridere siatúma, masaka ĩgūsārē: “Marĩpuyare oārō masĩma”, ārĩdorerā. Irasū āārĩmakū, ĩgūsāya dipuru peyari gasirore gajerāya nemorō yoari yuradari opari gasire peyama, masaka ĩgūsārē: “Marĩpure bremutarima”, ārĩdorerā.

⁶ Bosenarĩ āārĩmakū, oparā doarigue dita doadũama. Marĩ nerērĩ wi-iriguedere ñajārā, oārĩ doaripēriigue dita doadũama.

* 22:44 Sal 110.1

7 Makā dekoguere masakare òārō b̄remurī merā ĩgūsārē bokatīrī òādoremakū gāāmema. Gajerārē ĩgūsārē: “Ḡare buerā āārīma”, āārīmakū gāāmema.

8 ĩgūsā irasū ārīkerepuru, musā gapu masakare: “Musā ḡare buerā āārā”, āārīdorebirikōāka! Musā sugu pūrāta āārā. Yu musārē buegu suguta āārā.

9 ĩm̄guere neō sugu masakare: “Ḡap̄u āārīmi”, āārībirikōāka! ĩm̄gasigue āārīgū dita Marīpu āārīmi*.

10 Neō sugu musā watopegue āārīgūrē: “Marī opu āārīmi”, āārībirikōāburo. Yu, Marīpu iriudi Cristo, suguta musā Opu āārā.

11 Musā watopegue āārīgū gajerā nemorō āārīgū, musārē moāboerimasū irirosū musārē iritamugū āārīgukumi.

12 Sugu ĩgū basi: “Gajerā nemorō āārā”, āārī gūñagūnorē Marīpu ĩgūrē ubu āārīgū dujamakū irigukumi. Gajigu: “Gajerā nemorō āārībea”, āārī gūñagū gapure Marīpu ĩgūsā opu āārīmakū irigukumi.

13 Musā Moisés gojadeare buerimasā, fariseo bumarā irigatorikurā āārā. Musā bueri merā masakare ĩm̄gasigue Marīpu ĩgūyarārē dorerogue waabonerārē kāmutarā yāa. Musāde iroguere waabirikoa. Gajerā iroguere waaduarādere kāmūtāa. Irasirirā ñerō tarirākoa.

14 Musā Moisés gojadeare buerimasā, fariseo bumarā irigatorikurā āārā. Wapiweyarā nome wajamomakū ĩā, ĩgūsāya wiirire ēmanokōāa. ĩgūsārē bopoñabirikererā, yoaripoe Marīp̄ure sērē ĩmugatoa, masaka musārē: “Marīp̄ure òārō b̄remuma”, āārīburo, āārā. Irasirirā ñerō tarirākoa. Marīpu musārē gajerā nemorō wajamoāgukumi.

15 Musā Moisés gojadeare buerimasā, fariseo bumarā irigatorikurā āārā. Dia wādiyague taribuja, yoaroma makārīgue musā buerire t̄yabure āmarā waāa. ĩgūrē boka, musā bueri merā ĩgūrē musā nemorō perebiri peamegue waabu āārīmakū yāa. Irasirirā ñerō tarirākoa.

16 Musā koye ĩāmerā gajerārē t̄ād̄upuyuwāgāmasīmerā irirosū masakare Marīp̄uyare keoro buebea. Irasirirā ñerō tarirākoa. ĩgūsārē āsū āārī buea: “Sugu: ‘Marīp̄uya wii merā āsū irigura’, āārī wāīpeodeare iribirimakū, waja opabemi”, āārā. Idere āsū āārī buea: “Gajigu: ‘Marīp̄uya wiima oro merā āsū irigura’, āārī wāīpeodeare iribirimakū, waja opami”, āārā.

17 Koye ĩāmerā irirosū Marīp̄uyare diaye gūñamerā, pémasīmerā āārā musā. Marīpu ĩgūya wiire, iri wiima oro nemorō òārī āārītarinugāmakū yāmi. Irasirigu marīrē, ¿dīí gapure b̄remurī merā gūñamakū gāāmerī, orore, o ĩgūya wii gapure?

18 Musā idere āsū āārī buea: “Sugu: ‘Marīp̄uya wiima soepeoro merā āsū irigura’, āārī wāīpeodeare iribirimakū, waja opabemi”, āārā. Idere āsū āārī buea: “Gajigu: ‘Iri soepeoro weka peodea merā āsū irigura’, āārī wāīpeodeare iribirimakū, waja opami”, āārā.

19 Koye ĩāmerā irirosū Marīp̄uyare diaye gūñamerā, pémasīmerā āārā musā. Marīpu ĩgūya wiima soepeorore, marī iro weka peodea nemorō òārī āārītarinugāmakū yāmi. Irasirigu marīrē, ¿dīí gapure b̄remurī merā gūñamakū gāāmerī, soepeorore, o iro weka peodea gapure?

20 Irasirigu sugu: “Marīp̄uya wiima soepeoro merā āsū irigura”, āārī wāīpeogu, āārīpereri iri soepeoro weka peyari merādere wāīpeogu irikumi.

21 Sugu: “Marīp̄uya wii merā āsū irigura”, āārī wāīpeogu, Marīpu iri wiigue āārīgū merādere wāīpeogu irikumi.

* 23:9 Jesús irire ārīgū: “ĩm̄guere neō sugu masakū Marīpu āārīnīgū irirosū māmī”, āārīgū irimi.

22 Sugũ: “Ɛmũgasima merã ãsũ irigũra”, ãrĩ wãipeogũde, Marĩpũ irogue Opũ doarogue doagũ merãdere wãipeogũ irikumĩ.

23 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã oteri mutãrĩgã: menta, anís, comino wãĩkũri baari morẽĩnorẽ sea neõ, ðakawa, pe mojõma diruri irikoa. Sudiru Marĩpũya wiigũ ãĩakoa, ĩgũ dorerire irimurã. Irasirikererã, iri nemorõ õãrĩ gapũre iribea. Diayema iririre, gajerãrẽ bopoñarĩ merã ĩãrĩrẽ, Marĩpũre bũremurĩrẽ neõ iribea. Irasirirã mũsã oterire Marĩpũre síduũro marĩrõ diayemadere irika! Gajerãrẽ bopoñaka! Marĩpũre bũremuka!

24 Koye ĩãmerã gajerãrẽ tũãdupuyuwãgãmasĩmerã irirosũ masakare Marĩpũyare keoro buebea. ããrĩpereri mũsã doreri gapũre irikererã, iri nemorõ doreri gapũre neõ iribea.

25 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masaka ĩũrõgue ðita õãrõ irirã, soropa weka gapũ ðita õãrõ koeadeapa irirosũ ããrã. Irasirirã mũsã basi wãri opadũarã gajerãyare yajarã, iripa poekague koeña marĩrĩpa gurari utũriripa irirosũ ããrã.

26 Mũsã fariseo bumarã, koye ĩãmerã irirosũ, Marĩpũyare pémasĩmerã ããrã. Irasirirã mũsã gũñarĩrẽ gorawayupũrorika, soropa poeka gapũre õãrõ koeadeapa irirosũ ããrĩmurã. Irasirirã, soropa weka gapũdere õãrõ koeadeapa irirosũ ããrĩrãkoa.

27 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masãgoberi irirosũ ããrã. Masaka, iri masãgoberire ãtã majĩrĩ boreri merã õãrõ wũkãdea majĩrĩ merã biamakũ ĩãrã: “Õãrõ deyoa”, ãrĩ ĩãma. Iri õãrõ deyokerepũrũ, poekague boanerãya gõãrĩ, ããrĩpereri ñerĩ boadea sãñakoa.

28 Mũsãde i irirosũta ããrã. Masaka mũsãrẽ ĩãmakũ, õãrã irirosũ ããrã. Irasũ ããrĩkererã, poekague mũsã gũñarĩguere ñerĩrẽ opataria. Irasirirã irigatorikũrã, ñerõ iririkũrã ããrã.

29 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã, iripoegue marã Marĩpũya kerere weredupuyunerãya masãgoberire õãrõ ãmua. Gajerã õãrõ irinerãya masãgoberi weka weanũdeadere õãrõ ãmua.

30 ãmu odo, ãsũ ãrĩ werenĩa: “Marĩ ñekũsãmarã ðarã Marĩpũya kerere weredupuyunerãrẽ wẽjẽnerã ããrĩmã. Gũa ĩgũsã ããrĩdeapoeque ããrĩnerã tamerã ĩgũsãrẽ wẽjẽtamubiribokuyo”, ãrã.

31 Mũsã irire irasũ ãrĩrã, mũsã basita: “Gũa Marĩpũya kerere weredupuyunerãrẽ wẽjẽnerã parãmerã ããrĩturiarã ããrã”, ãrĩrã yãa.

32 Irasirirã mũsã ñekũsãmarã ñerõ iripũroriwãgãriderosũta iriyuwarikũkõãka mũsãde!

33 'Mũsã ñerõ iririkũrã ãña irirosũ ããrã. Mũsã ñerõ iriri waja Marĩpũ mũsãrẽ peamegue béoburire neõ duribirikoa.

34 Irasirigũ yũ mũsã pũrogue Marĩpũya kerere weredupuyurãrẽ, ĩgũyare masĩrãrẽ, mũsãrẽ buerimasãdere iriugũra. Yũ irasũ iriukerepũrũ, mũsã gapũ surãyerire wẽjẽrãkoa. Gajerãrẽ curusague pábiatũ wẽjẽrãkoa. Gajerãrẽ mũsã nerẽrĩ wiirigũe tãrã, noõ ĩgũsã waarĩ makãrĩ waamakũ tũyagorenarãkoa ĩgũsãrẽ ñerõ iridũarã.

35 Irasirirã ããrĩpererã masaka õãrãrẽ wẽjẽdea waja, mũsã waja opãa. Mũsã ñekũsãmarã Abel diayemarẽ iridire wẽjẽpũroriwãgãrĩrã, Zacarĩas Berequĩas magũguere wẽjẽtũnunerã ããrĩmã. ĩgũrẽ Marĩpũya wiima soepeoro Marĩpũ ããrĩrĩ taribu watopegue wẽjẽnerã ããrĩmã.

³⁶ Diayeta musārē werea. Āārīpererārē ĩgūsā wējēdea waja dapora marā wajakurākuma.

*Jesús Jerusalén marārē bujawereri merā weredea
(Lc 13.34-35)*

³⁷ 'Musā Jerusalén marā, Marīpuya kerere weredupuyurārē wējēkōāa. Marīpu iriunerārē ütāyeri merā dea wējēa. Wári yu musārē āgābo igo pūrārē igoya kēdupari merā neeōnūrōsū neeōnú koredhadibu. Musā gapu yu irasū irimakū neō gāāmebiribu.

³⁸ Irasiriro musā āārīrī makā, béodea makā dujarokoa.

³⁹ Diayeta musārē werea. Dapora merāta musā yure ĩānemobirikoa. Puruque musā: “Marīpu iriudi oātarigu āārīmi, oārō aariburo”, āārīague, yure dupaturi ĩārākoa doja, āārīmi Jesús.

24

*Jesús: “Marīpuya wii béosūrokoa”, āārī weredea
(Mr 13.1-2; Lc 21.5-6)*

¹ Jesús Marīpuya wiigwe āārādi wiriadero puru, gwa ĩgū buerā ĩgū puro waa, āsū āārību:

—Īāka i wiire! Ōārī wii, wári wii āārā, āārību.

² Jesús gapu yujumi:

—Musā i wiire daporare ĩādāa. Diayeta musārē werea. I wiima āārīpereri musā ĩādea, i ütāyeride mutādjapereakōārokoa. Neō suye ütāye gajiyē weka weamurīadeade dujabirikoa, āārīmi.

*Jesús: “I ũmū pereburi dupuyuro āsū waarokoa”, āārī weredea
(Mr 13.3-23; Lc 21.7-24; 17.22-24)*

³ Puru Olivos wāikuri buúrugwe eja, irogwe doami Jesús. Iro ĩgū doamakū, gwa ĩgū buerā ĩgū purugwe eja, gajerā péberogwe sērēñabu:

—Guare wereka! ¿Naásū āārīmakū, mū ārāderosū waarokuri? ¿Ñeéno iri ĩmugakuri, mū dupaturi aarigú? ¿Naásū waarokuri, i ũmū pereburi dupuyuro? āārību.

⁴ Jesús yujumi:

—Ōārō pémasīka! Gajerā musārē āārīgatorire pébirikōāka!

⁵ Wārā āārīgatorimasā aarirākuma. “Marīpu iriudi, Cristo āārā yu”, āārīrākuma. ĩgūsā āārīgatomakū pérā, wārā masaka ĩgūsārē buremurākuma.

⁶ Masaka musā puro gāmewējērē pérā, yoarogwe marā gāmewējērē kerere pérā, gukabirikōāka! Irasūta waarokoa. Irasū waakerepuru, i ũmū pereburo dūyarokoa dapa.

⁷ Su bumarā gaji bumarā merā gāmekēārākuma. Su nikū marā gaji nikū marā merā gāmewējērākuma. Masaka wārā uaboari merā boarākuma. Gajerā pūrīriku ñerō tarirākuma. Wári makārīguere nikū ñomerokoa.

⁸ I āārīpereri merā masaka ñerō taripuroriwāgārīrākuma.

⁹ Irasirirā gajerā musārē ñeā, āā, oparāguere ñerō iridorerā wiarākuma. Musārē wējērākuma. Yure buremurī waja āārīpererā i ũmū marā musārē ĩāturi doorākuma.

¹⁰ Irasū waaripoe wārā yure buremuadinerā buremuduúrākuma. Irasirirā gāme ĩāturi doo, ĩgūsā merāmarā āārādinerārē ĩgūsārē ĩaturirāguere wiarākuma.

¹¹ Wārā: “Marīpuya kerere weredupuyurimasā āārā”, āārīgatorākuma. Irasirirā wārā masaka ĩgūsārē buremurākuma.

¹² Masaka iro dupuyuro ñerō iridero nemorō ñerō irirākuma. Irasirirā wārā ĩgūsā gāme maīrē pirirākuma.

13 Īgūsā mūsārē ñerō irikererurū, mūsā yare neō b̄remuduúbirimakū, Marĩp̄ mūsārē taugukumi, Īgū p̄uro āārĩnikōāburo, ārĩgū.

14 Marĩp̄yare wererā āārĩpererā i ūm̄ marārē Īgūyarārē doregū āārĩĩ kerere wererākuma, āārĩpereri bumarā irire masĩburo, ārĩrā. Īgūsā āārĩpererā iri kerere péperedero p̄urū, i ūm̄ pererokoa.

15 'Iripoegue Marĩp̄ya kerere weredupuyudi Daniel i ūm̄ pereburo dupuyuro waaburire āsū ārĩ gojadi āārĩmĩ: “Ñegū Marĩp̄ure ĩaturigū Marĩp̄ya wii ñerĩ marĩĩ wiigue ñajāgukumi”, ārĩ gojadi āārĩmĩ. ((Irasirirā iri wiigue Īgū āārĩmakū ĩārā, i p̄rē buerāno: “I ūm̄ pereburo yāa”, ārĩ masĩrākuma.))

16 Ñegū irogue āārĩmakū ĩārā, Judea nikū marā buurĩgue ūmaduriburo.

17 Sugū Īgūya wii wekague āārĩgū, wii poekague Īgūyare āĩgū ñajābita ūmaduriburo.

18 Sugū Īgūya pooegue āārĩgūde, Īgūya surĩre wiigue āĩgū dujābita ūmaduriburo.

19 Irasū waarĩnarĩrē nijĩpagosā nome, Īgūsā p̄rā mirĩrāgā oparā nomede ñerō tarirākuma.

20 Irasirirā Marĩp̄ure āsū ārĩ sērēka: “Puibure, siuñajārĩn̄* āārĩmakū, ḡare i irasū waabirikōāburo”, ārĩka Īgūrē!

21 Irasū waarĩnarĩrē masaka b̄uro ñerō tarirākuma. Marĩp̄ i ūm̄rē irip̄roridero p̄ur̄e masaka ñerō taridero nemorō ñerō tarirākuma. I Īgūsārē ñerō waaburi neō dupaturi irasū waanemobirikoa.

22 Irasirigū Marĩp̄ masakare i ñerō waarĩre: “Yoaripoe waabirikōāburo”, ārĩgukumi. Īgū irasiribirimakū, neō sugū masakū taribiribokumi. Irasirigū Īgū beyenerārē bopoñasĩā, Īgūsārē ñerō waarĩre: “Iropāta waaburo”, ārĩgukumi.

23 Gajerā mūsārē: “Īāka! Ōōta Cristo āārĩmi”, ārĩmakū pérā, o gajerā mūsārē: “Cristo sōōgue āārāmi”, ārĩmakū pérā, b̄remubirikōāka!

24 Wārā ārĩgatorimasā aarirākuma. Surāyeri: “Ȳu Cristo āārā”, ārĩrākuma. Gajerā: “Marĩp̄ya kerere weredupuyurimasū āārā”, ārĩrākuma. Mūsārē Īgūsā ārĩgatorire b̄remudorerā, wārĩ gajino iri ĩmurākuma. Irasirikererā, Marĩp̄ beyenerārē Īgūrē b̄remuduúmakū irimasĩbirikuma.

25 Iri waaburi dupuyuro ȳu mūsārē weresiāa, irire masĩburo, ārĩgū.

26 Irasirirā gajerā masaka mūsārē: “Cristo sōō masaka marĩrōgue āārāmi”, ārĩmakū pérā, ĩārā waabirikōāka! Gajerā mūsārē: “Īāka! I wiima taribugue āārĩmi”, ārĩmakū pérā, Īgūsārē b̄remubirikōāka!

27 Ȳu āārĩpererā tĩgū gūñaña marĩrō i ūm̄gue dupaturi aarigukoa. Ūmarōgue, abe m̄rĩro gap̄u, Īgū ñajārō gap̄u bupu miārō irirosū aarigukoa.

28 Mimua nerēmākū ĩārā, masaka sugū waib̄u boadi āārĩrōrē masĩkuma. I irirosū ȳu aarimakū ĩārā, Īgūsā wajamoāsūburire masĩrākuma, ārĩ weremi Jesús.

*Jesús āārĩpererā tĩgū: “Āsū aarigukoa”, ārĩ weredea
(Mr 13.24-37; Lc 21.25-33; 17.26-30, 34-36)*

29 Irasū ārĩ odo, ḡare āsū ārĩnemomi:

—Masaka ñerō taririnarĩ p̄ur̄ta abe ūm̄m̄ naĩtĩākōāgukumi. Abe ñamimū boyonemobirikumi. Neñukā ūm̄gasigue āārĩrā yuridijarirākuma. Ūmarōgue marā turarāde naradari merā béosūrākuma.

30 Irasū waaripoere masaka ȳu āārĩpererā tĩgū ūm̄gasigue merā aarimakū ĩārākuma. Irasirirā āārĩpereri i ūm̄ma makārĩ marā ȳu wārĩ Marĩp̄ turari merā, Īgū gosewasiriri merā mikāyebori weka aarimakū ĩārā, gūirā orerākuma.

* 24:20 Judío masaka siuñajārĩn̄, sábado āārā.

³¹ Y_u aarigú, y_ure wereboerārē āārīperero i ũmugueri iriugukoa. Puridiru buro busumakū, ĩgūsā y_u beyenerārē āārīpererogue āārīrārē neeōrākuma.

³² 'Ire m_usā masīburo, ārīgū, higuera_u keori merā weregura. Irig_u pū maamamakū ĩārā: “Bojori waaburo mérōgā d_uyáa”, ārī masīa.

³³ Irig_u waarósūta i āārīpereri y_u ārīrī irasū waamakū ĩārā: “Cristo dupaturi aariburo mérōgā d_uyáa”, ārī masīrākoa.

³⁴ Diayeta m_usārē werea. I āārīpereri y_u ārīrī, dapora marā pereburo dupuyuro irasū waarokoa.

³⁵ Ūmugasi, i nikūde pereakōārokoa. Y_u werenírī gap_u neō perebirikoa. Āārīpereri y_u ārīrōsūta waayuwarikurokoa.

³⁶ Y_u dupaturi aariburin_urē, iri horare neō sug_u masībirikumi. Marīp_ure wereboerā ũmugasigue āārīrāde masībema. Y_u Marīp_u magūde masībea. Y_up_u sug_uta masīmi.

³⁷ 'Noé āārīdeapoe marārē waaderosūta y_u āārīpererā tīgū aariburo dupuyurogārē waarokoa.

³⁸ Iripoere i nikū Marīp_u miūburo dupuyuro masaka ōārō baa, iirí, mojōsia, ĩgūsā pūrā nomerē nomesu āārīrikunerā āārīmá. Noésā doódirugue ñajārīnuguedere irasūta iriníkōānerā āārīmá.

³⁹ Gūñaña marīrō merā wáro deko merē, i nikū mirīpereakōādero āārībú. ĩgūsāde mirīpereakōānerā āārīmá. Irasūta y_u āārīpererā tīgūde gūñaña marīrō merā i ũmugueri dupaturi aarigukoa.

⁴⁰ Irasū waaripoere pērā poeegue moārā āārīrākuma. Sug_u y_ure b_uremugū āiāsūgukumi. Gajig_u y_ure b_uremubi irogueta béowāgāsūgukumi.

⁴¹ Nomede pērā nome ojodaka biurā āārīrākuma. Sugo y_ure b_uremugō āiāsūgokumo. Gajego y_ure b_uremubeo irogueta béowāgāsūgokumo.

⁴² 'Ōārō pémasīka! Y_u m_usā Op_u dupaturi aariburi horare neō masībea m_usā.

⁴³ Ire ōārō masīka! Wii op_u ĩgūya wiire sug_u yajarimasū ñami merā ejaburi horare masīgū, kārīrō marīrō korekumi, ĩgūya wiire ñajāburire kāmutabu.

⁴⁴ Y_u āārīpererā tīgū gūñaña marīrō aarigukoa. Irasirirā, wii op_u irirosū m_usāde y_u aariburire ōārō yúro gāāmea, ārīmi Jesús.

*Jesús pērā moāboerimasā keori merā buedea
(Lc 12.41-48)*

⁴⁵ P_ur_u Jesús gaj_i keori merā guare buenemomi:

—Sug_u moāboegu ĩgū op_ure b_uremugū, pémasīgū āsū irikumi. ĩgū op_u gajerogue waagú, ĩgūrē ĩgūya wiire gajerārē ĩgūrē moāboerārē koredoreg_u píkumi. Irasirig_u ĩgūrē ĩgūsārē baarire keoro siu baadoreg_u píkumi.

⁴⁶ Irasirig_u ĩgū op_u ĩgūya wii goedujajamakū ĩāgū, ĩgūrē moāboegu ĩgū dorederosūta iridi āārīsīā, _usu_uyakumi.

⁴⁷ Diayeta m_usārē werea. ĩgū píderosūta ĩgū keoro irideare ĩāgū, ĩgū op_u ĩgūrē āārīpereri ĩgūyare koredoreg_u pīgukumi.

⁴⁸⁻⁴⁹ ĩgūrē moāboegu ñegū gap_u āsū irikumi. “Y_u op_u mata goebirikumi”, ārī gūñagū, gajerā ĩgū op_ure moāboerārē ñerō pábira, mejārikurā merā iirí baagorenakumi.

⁵⁰ ĩgū irasirigorenarīn_urē gūñaña marīrō ĩgū op_u goejakumi. ĩgūrē moāboegu gap_u: “ĩgū iri hora goegakumi”, ārī masībirikumi.

⁵¹ ĩgū op_u goejagu ĩgūrē moāboegu ñerō irideare pégu, ĩgūrē buro wajamoāgukumi. Irasirig_u irigatorikurārē béorogue ĩgūrē béogukumi. Iroguere ĩgū buro pūrīsūgū ĩgūya guikare kūrīduútú oregakumi, ārīmi Jesús.

25

Jesús pe mojōmarā maamarā nome keori merā buedea

¹ Pꝰꝰꝰ Jesús dupaturi keori merā gꝰare āsū ārī buemi doja:

—Marīꝰꝰ ꝰꝰꝰꝰꝰꝰ āārīgǫ́ ĩgǫ́yarārē doreri āsū āārā. Pe mojōmarā nōome āārīkuma. Su űami ĩgǫ́sāya sīāgori duparu merā mojōsiadire bokatīrīrā waakuma.

² Su mojōmarā nome sīāgori duparu ĩgǫ́sā āāburire ōārō āmuyubirikuma. Gajerā su mojōmarā nome gapꝰ ĩgǫ́sā āāburire ōārō āmuyukuma.

³ Āmuyumerā nome ĩgǫ́sāya sīāgori duparure āākererā, ĩgǫ́sā gorawayuburire ꝰye āābirikumā.

⁴ Āmuyurā nome gapꝰ ĩgǫ́sāya sīāgori duparure āī, gaji ꝰye ĩgǫ́sā gorawayuburire āāikumā.

⁵ Irasirirā, mojōsiadi mata ejabirimakū, ĩgǫ́sārē wꝰja ejamakū kārīakōākuma.

⁶ Pꝰꝰꝰ űami deko āārīmakū, gajerā masaka: “Mojōsiadi aarisiami. ĩgǫ́rē bokatīrīrā aarika!” ārī gainīmakū pékuma.

⁷ ĩgǫ́sā gainīmakū pérā, yobe, ĩgǫ́sāya sīāgori duparure āmukuma.

⁸ ꝰye gorawayuburire āābiranerā nome gapꝰ, gajerā gaji ꝰye āīānerā nomerē āsū ārīkuma: “Gꝰaya sīāgori duparu yariro yāa. Irasirirā mérōgā mꝰsāya ꝰyere gꝰadere sīka!” ārī sērēadikumā.

⁹ Āmuyuanerā nome gapꝰ āsū ārī yꝰjukuma: “Gꝰaya ꝰye mꝰsārē sīmakū, mꝰsārē, gꝰadere ejabiribokoa. Irasirirā ꝰye duarā ꝰꝰro mꝰsā basi wajarirā waaka!” ārīkuma.

¹⁰ Irasirirā āmuyubiranerā nome ꝰye wajarirā waakōākuma. ĩgǫ́sā waadero ꝰꝰꝰꝰ, mojōsiadi ejakumi. ĩgǫ́ ejamakū ĩārā, āmuyuanerā nome gapꝰ ĩgǫ́rē bokatīrīkuma. Irasirirā ĩgǫ́ merā bosenu iriri wiigue ĩārā űajākōākuma. ĩgǫ́sā űajāꝰeremakū, iri wii marā disipꝰrore biakōākuma.

¹¹ Pꝰꝰꝰꝰꝰ ꝰmuyubiranerā nome gapꝰ ejakuma. “Gꝰa Opꝰ, gꝰadere tūꝰāsóoka!” ārīkuma.

¹² ĩgǫ́sā irasū ārīmakū pégꝰ, mojōsiadi āsū ārī yꝰjukumi: “Diayeta yꝰ mꝰsārē masībea”, ārīkumi ĩgǫ́sā nomerē, ārī weremi Jesús.

¹³ Irasū ārī odo, gꝰare ārīmi:

—Yꝰ āārīꝰererā tīgǫ́ dupaturi aariburinꝰrē, iri horadere neō masībea mꝰsā. Irasirirā āmuyunerā nome mojōsiadire bokatīrīrā waamurā ĩgǫ́sāya sīāgori duparure āmuyuderōsū mꝰsāde yꝰ aariburire ōārō āmuyuka! ārīmi Jesús.

Jesús sugꝰ opꝰ ĩgǫ́rē moāboerārē niyeru sīrī keori merā buedea

¹⁴ Irasū ārī odo, gaji keori merā gꝰare ĩgǫ́ buerārē buenemomi doja:

—Marīꝰꝰ ĩgǫ́yarārē doregꝰ, sugꝰ wii opꝰ irosū āārīmi. Wii opꝰ gaji nikūgue waabu, ĩgǫ́rē moāboerārē siiu, ĩgǫ́ya niyerure koredoregꝰ ꝰíkumi.

¹⁵ Irasirigꝰ, ĩgǫ́sārē: “Ōōꝰā merā wajatanemorākuma”, ārī ĩāmasīsīā, ĩgǫ́ya niyeru wajaparī tirire dukawakumi. Sugꝰre su mojōma tiri, gajigꝰre pe ti, gajigꝰre su ti sīkumi. ĩgǫ́sārē sī odo, waakōākumi.

¹⁶ Irasirigꝰ su mojōma tiri opagꝰ, mata iri tiri merā gajino wajari, dua, gaji su mojōma tiri wajatanemokumi. Irasirigꝰ pe mojōma tiri opakumi.

¹⁷ Pe ti opagꝰde irasūta gaji pe ti wajatanemokumi. Irasirigꝰ wapikꝰri tiri opakumi.

¹⁸ Su ti opagꝰ gapꝰ yebague gobe má, iri gobegue ĩgǫ́ opꝰ sīadea tire yāꝰíkōākumi.

¹⁹ Yoadero ꝰꝰꝰꝰ, wii opꝰ goekumi. Goeja, ĩgǫ́ya niyeru tiri merā ĩgǫ́sā wajatanemodeare āmubu, ĩgǫ́rē moāboerārē siiukumi.

20 Irasirigu su mojōma tiri sīsūdi ĩgũ opũ pũrogue eja, pe mojōma tiri ĩgũrẽ wiakumi. “Yũ opũ, su mojōma tiri yũre sĩbũ mũ”, āĩkumi. “Ĩaka! Iri tiri merã gaji su mojōma tiri wajatanemobũ”, āĩkumi ĩgũ opũre.

21 ĩgũ irasũ āĩmakũ pégu, ĩgũ opũ āĩkumi: “Ōāgoráa. Mũ yũre moãboegu ðãgũ āārã. Yũ dorederosũta yũ mérõgã mũrẽ pídea merã ðārõ iriyo. Irasirigu wári yaare koredoregu píguara. Yũ merã āārĩgũ, mũyari merã āārĩka!” āĩkumi ĩgũ opũ ĩgũrẽ.

22 Pũru pe ti sīsũdide ĩgũ opũ pũrogue eja, ĩgũrẽ āsũ āĩkumi: “Yũ opũ, pe ti yũre sĩbũ mũ. ĩaka! Iri tiri merã gaji pe ti wajatanemobũ”, āĩkumi.

23 ĩgũ irasũ āĩmakũ pégu, ĩgũ opũ āĩkumi: “Ōāgoráa. Mũ yũre moãboegu ðãgũ āārã. Yũ dorederosũta yũ mérõgã mũrẽ pídea merã ðārõ iriyo. Irasirigu wári yaare koredoregu píguara. Yũ merã āārĩgũ, mũyari merã āārĩka!” āĩkumi ĩgũ opũ ĩgũrẽ.

24 Pũru su ti sīsũdi gapũ, ĩgũ opũ pũrogue eja, ĩgũrẽ āsũ āĩkumi: “Yũ opũ, mũrẽ moãboerãrẽ bũro turaro merã moãdoregu āārã. Mũ basi moãbirikeregu, ĩgũsãrẽ oterire otedore, ĩgũsãrẽ oteri ðukare seadore, irire mũ basita opáa. Mũrẽ moãboerãya moārĩ merã wajatarire mũ basita opáa. Irire masĩa yũ.

25 Irasirigu mũrẽ gũigu, yebague gobe má, iri gobegue mũya niyeru tire yáapíkõãbũ. ĩaka! I ti āārã mũya niyeru ti”, āĩkumi ĩgũ opũre.

26 ĩgũ irasũ āĩmakũ pégu, ĩgũ opũ āĩkumi: “Mũ yũre moãboegu ñegũ āārã. Térĩkũgũ āārã. Mũ yũre āsũ ārã: ‘Mũ basi moãbirikeregu, mũrẽ moãboerãrẽ oterire otedore, ĩgũsãrẽ oteri ðukare seadore, irire mũ basita opáa. Mũrẽ moãboerãya moārĩ merã wajatarire mũ basita opáa. Irire masĩa yũ’, ārã mũ yũre.

27 Mũ irasũ ārĩgũ, ĩnasirigu, yũ mũrẽ sídea tire niyeru duripĩri wiigue duripĩbiriri? Irogue duripĩmakũ, i wii moārã iri ti merã wáro wajatanemobosabokuma mũrẽ. Irasirigu, yũ goejamakũ, mũ yũre ĩgũsã iriri merã wajatanemobosadeare wiaboakuyo”, āĩkumi ĩgũ opũ ĩgũrẽ.

28 Irasũ ārĩ odo, gajerãrẽ irogue āārĩrãrẽ āĩkumi: “Ĩgũrẽ niyeru tire ěma, pe mojōma tiri opagu gapũre sĩka!

29 Sugũ wári opagu sĩnemosũgũkumi. Irasirigu ĩgũ wári opadero nemorõ opagũkumi. Gajigu opabi ĩgũ mérĩgã opadideare ěmapeokõãsũgũkumi.

30 ĩĩ yũre moãboegu keoro iribire naĩtĩārõgue béokõãka! Iroguere bũro pũrĩsũgũ ĩgũya guikare kũrĩduútũ oregũkumi”, āĩkumi ĩgũsã opũ, ārĩ weremi Jesús.

Jesús i ãmũ marãrẽ wajamoãburire weredea

31 Irasũ ārĩ odo, gũare ārĩnemomi:

–Yũ āārĩpererã tĩgũ, āārĩpererã yũre wereboerã merã i ãmũ marãrẽ doregu aarĩgũ, gosewasiriri merã Opũ doarogue doagũkoa.

32 Yũ irogue doamakũ, yũre wereboerã āārĩpereri buri marã masakare yũ diaye neeõrãkuma. ĩgũsãrẽ neeõ odomakũ, sugũ ejorã koregu ovejare, cabrare boje ðukawanúrõsũ yũ ĩgũsãrẽ ðukawanúgũkoa.

33 Yũre bũremurãrẽ oveja irirosũ āārĩrãrẽ yũ diaye gapũ nũgũkoa. Yũre bũremumerãrẽ cabra irirosũ āārĩrãrẽ yũ kúgapũ nũgũkoa.

34 Yũ irasiriadero pũru, yũ āārĩpererã Opũ, yũ diaye gapũ nĩrãrẽ āsũ ārĩ weregũkoa: “Yũpũ mũsãrẽ ðārõ irisiami. I ãmũrẽ irigũgueta mũsãya āārĩburire ĩgũyarãrẽ doreroguerẽ ãmuyusiami. Irasirirã ĩgũ merã āārĩrã aarika!

35 Yũ mũboamakũ ĩārã, mũsã yũre baari ejobũ. Yũ ñemesibumakũ, mũsã yũre iirĩri tĩãbũ. Yũ mũsã pũro gãmeñajãgũ ejamakũ, yũre kãrĩrõ wayubũ.

³⁶ Surí marĩgũ yu ããrĩmakũ ãrã, musã yũre surĩre sãbu. Pũrĩrikumakũ, musã yũre ãrã ejabu. Peresugue yu ããrĩmakũdere yũre ãrã ejabu”, ãrĩgukoa.

³⁷ Yu irasũ ãrĩmakũ pérã, yu diaye gapu nĩrã Yũpũ: “Õãrã, waja opamerã ããrĩma”, ãrĩ ãnerã yũre sērēñarākuma: “Gua Opũ, ¿naásũ ããrĩmakũ, mu uaboamakũ gua mure baari ejori? ¿Naásũ ããrĩmakũ, mu ñemesibumakũ mure iirĩri tĩãrĩ?”

³⁸ ¿Naásũ ããrĩmakũ, mu gua puo gãmeñajãgũ ejamakũ, kãrĩrõ wayuri? ¿Naásũ ããrĩmakũ, mu surĩ marĩgũ ããrĩmakũ gua mure surĩ sãrĩ?”

³⁹ ¿Naásũ ããrĩmakũ, mu pũrĩrikumakũ, o peresugue mu ããrĩmakũdere gua mure ãrã ejari?” ãrĩrãkuma yũre.

⁴⁰ Ìgũsã irasũ ãrĩmakũ pégu, yu ããrĩpererã Opũ, Ìgũsãrē ãsũ ãrĩ yujugukoa: “Diayeta musãrē werea. Musã sugu yaarã watopegue ããrĩpererã nemorõ ubu ããrĩgũrē õãrõ irirã, yũreta õãrõ irirã iribu”, ãrĩgukoa Ìgũsãrē.

⁴¹ Ìgũsãrē irasũ ãrĩ odo, yu kũgapu nĩrãrē ãsũ ãrĩ weregukoa: “Yũpũ wajamoãsũmurã ããrã musã. Yu puore wirika! Perebiri peamegue waaka! Yũpũ iri peamerē wãtẽa opũ, Ìgũyarã merã ããrĩbuore ãmuyusiami.

⁴² Yu uaboamakũ ãrã, musã yũre baari ejobiribu. Yu ñemesibumakũ, musã yũre iirĩri tĩãbiribu.

⁴³ Yu musã puo gãmeñajãgũ ejamakũ, yũre kãrĩrõ wayubiribu. Surĩ marĩgũ yu ããrĩmakũ, musã yũre surĩ sãbiribu. Yu pũrĩrikumakũ, peresugue yu ããrĩmakũdere musã yũre ãrã ejabiribu”, ãrĩgukoa Ìgũsãrē.

⁴⁴ Yu irasũ ãrĩmakũ pérã, Ìgũsã yũre sērēñarākuma: “Gua Opũ, ¿naásũ ããrĩmakũ, mu uaboamakũ, ñemesibumakũ, gua puo gãmeñajãgũ ejamakũ, surĩ opabirimakũ, pũrĩrikumakũ, peresugue mu ããrĩmakũ gua mure iritamubiriri?” ãrĩrãkuma yũre.

⁴⁵ Ìgũsã irasũ ãrĩmakũ, yu ããrĩpererã Opũ Ìgũsãrē ãsũ ãrĩ weregukoa: “Diayeta musãrē werea. Musã sugu yaarã watopegue ããrĩpererã nemorõ ubu ããrĩgũrē iritamumerã, yũreta iritamumerã iribu”, ãrĩgukoa Ìgũsãrē.

⁴⁶ Puo Ìgũsã perebiri peamegue wajamoãsũrãkuma. Yũpũ: “Õãrã, waja opamerã ããrĩma”, ãrĩ ãnerã gapu Ìgũ puogue perebiri okarire oparãkuma, ãrĩ weremi Jesús.

26

Oparã Jesúre ñeãburire ãmudea
(Mr 14.1-2; Lc 22.1-2; Jn 11.45-53)

¹ Jesús iri ããrĩpererire bue odo, guare Ìgũ buerãrē ãrĩmi:

² —Penu duyãa, pascua bosenu ejaburo. Irire musã masã. Iri bosenu ããrĩmakũ, yu ããrĩpererã tĩgũrē ñeã, oparãguere wiarãkuma, curusague pábiatú wējẽdoremurã, ãrĩmi.

³ Iripoere paía oparã, Moisés gojadeare buerimasã, judío masaka murede Caifás paía opuya wii disipuroma yebague nerẽñurã.

⁴ Iroque nerẽrã, Ìgũsã Jesúre ãrĩgatori merã ñeã, wējẽburire ãmuñurã.

⁵ Irire ãmurã:

—Bosenu ããrĩmakũ, Ìgũrē ñeãbirikõãrã! Masaka marĩ merã guarã, marĩrē gainĩ turibokuma, ãrĩñurã.

Sugo nomeõ Jesúre sãrõrĩ piupeodea
(Mr 14.3-9; Jn 12.1-8)

⁶ Ìgũsã Ìgũrē wējẽburire ãmuripoere Jesús Betania wãikuri makãgue Simón kãmi boadiya wiigie ããrĩmĩ.

⁷ Irogue ĩgũ ããrĩmakũ, sugo nomeõ suru sũrõdiru opago, Jesús pũro ejamo. Igo opadiru “alabastro” wãĩkuri ãtãye merã iridiru, sũrõrĩ wajapari opadiru ããrĩbũ. Jesús baa doanĩripoe ĩgũya dipurure iri sũrõrĩrẽ piupeomo.

⁸ Igo irasũ piupeomakũ ĩãrã, gũa Jesús buerã guarã ãsũ ãrĩbũ:

—¿Nasirigo igo irire irasiriwasiribéokõãrĩ?

⁹ Iri sũrõrĩrẽ duago, wáro niyerure wajataboakumo. Iri niyeru merã boporãrẽ iritamuboakumo, ãrĩbũ.

¹⁰ Jesús, gũa irasũ ãrĩmakũ pégu, gũare ãrĩmi:

—¿Nasirirã igore garibori mũsã? Ire yũre irasirigo, õãrĩrẽ irigo yámo.

¹¹ Boporã mũsã watopeguere ããrĩnĩkõãrãkuma. Yũ tamerãrẽ mũsã merã ããrĩnĩmakũ ĩãbirikoa.

¹² Igo i sũrõrĩ yũre piupeogo, yaa dupũre ĩgũsã yũre yáaburo dupuyuro ãmuyugo irirosũ irigo yámo.

¹³ Diayeta mũsãrẽ werea. Marĩpũ masakare tauri kerere wererã ããrĩperero i ãmũgue waagorenarã, igo yũre irideadere gajerãrẽ wererãkuma, igore gũñaburo, ãrĩã, ãrĩmi Jesús gũare.

*Judas Iscariote Jesúre wějẽdũarãguere ĩgũrẽ ĩmuburire ãmudea
(Mr 14.10-11; Lc 22.3-6)*

¹⁴ Jesús irasũ ãrãdero pũru, sugũ gũa Jesús buerã pe mojõma pere su gubu peru pẽrẽbejarã watopemũ Judas Iscariote wãĩkũgũ paía oparã merã werenĩgũ waayũpũ.

¹⁵ ĩgũsãrẽ ãrĩyũpũ:

—Yũ Jesúre mũsãrẽ wiamakũ, ¿noópã niyeru wajarirãkuri yũre? ãrĩyũpũ.

Ĩgũ irasũ ãrĩmakũ pérã, ĩgũrẽ treinta niyeru tiri plata merã iridea tirire wajariñurã.

¹⁶ ĩgũsã wajarimakũ, Judas: “¿Naásũ ããrĩmakũ ĩgũsãrẽ yũ Jesúre wiamakũ õãkuri?” ãrĩ gũñayũpũ.

*Jesús ĩgũ buerã merã baatũnudea
(Mr 14.12-25; Lc 22.7-23; Jn 13.21-30; 1 Co 11.23-26)*

¹⁷ Pũru pã wemasãrĩ morẽña marĩrĩ baari bosenu pũroririnu ããrĩmakũ, gũa Jesús buerã ĩgũ pũrogue waa, ĩgũrẽ sẽrẽñabũ:

—¿Noógue mũ pascua bosenu baaburire ãmumakũ gããmekuri? ãrĩbũ.

¹⁸ ĩgũ gũare ãrĩmi:

—Jerusalẽgue waaka! Iro mũsã bokajagũre ãsũ ãrĩka: “Gũare buegu mũrẽ ãsũ ãrĩ weredoreami: ‘Yũ ñerõ tariburo mérõgã dũyáa. Pascua bosenu ããrĩmakũ, yũ buerã merã mũya wiigue baagũkoa’, ãrãmi”, ãrĩka! ãrĩmi Jesús.

¹⁹ Irasirirã, pascua bosenu ããrĩmakũ, Jesús doreaderosũta gũa baaburire ãmunerã ããrĩmã.

²⁰ Naĩmejãripoe Jesús gũa ĩgũ buerã pe mojõma pere su gubu peru pẽrẽbejarã merã baa doanĩmi.

²¹ Gũa baaripoe gũare ãrĩmi:

—Diayeta mũsãrẽ werea. Sugũ mũsã watope ããrĩgũ yũre wějẽdũarãguere yũre ĩmugũkumi, ãrĩmi.

²² ĩgũ irasũ ãrĩmakũ pérã, gũa bũro bũjawereri merã sugũno dita ĩgũrẽ sẽrẽñayobũ:

—Gũa Opũ, ¿yũ ããrĩrĩ mũrẽ ĩmubu? ãrĩbũ.

²³ Gũa irasũ ãrĩ sẽrẽñamakũ, gũare yũjumi:

—Yũ merã i pare pã yosa baagũta ããrĩmi yũre wějẽdũarãguere yũre ĩmubu.

24 Marĩpɔya werenĩĩ gojadea pũgue gojaderosũta yu aãrĩpererã tĩgũrẽ waaró yáa. Yure ìmubu gapɔre ñetariro waarokoa. Ìgũ deyoabirimakũ òãboyo, ãrĩmi Jesús.

25 Ìgũ irasũ ãrĩmakũ, Judas Jesúre wějẽduarãguere Ìgũrẽ ìmubu sērẽñami:

—Gũare buegɔ, ¿yu mɔrẽ ìmubu aãrĩrĩ? ãrĩmi.

Jesús Ìgũrẽ yɔjɔmi:

—Éũ, mɔta aãrã, ãrĩmi.

26 Irasũ ãrĩ odo, gɔa baaripoe Jesús pãrẽ ãĩ, Marĩpɔre: “Mɔrẽ usɔyari sĩa”, ãrĩ, pãrẽ pea, gũare Ìgũ buerãrẽ ãsũ ãrĩ gueremi:

—Ire baaka! Yaa dupɔ aãrã, ãrĩmi.

27 Pɔrɔ iirĩripare ãĩ, Marĩpɔre: “Mɔrẽ usɔyari sĩa”, ãrĩ, gũare iripare sũ, ãsũ ãrĩmi:

—Musã aãrĩpererã ire iirĩka!

28 I yaa dí aãrã. Yu boagɔ, dí béori merã wárã masaka ñerõ iridea wajare wajaribosagɔkoa. Irasirigɔ yaa dí béori merã Yɔpɔ Ìgũsãrẽ: “Òãrõ irigɔra”, ãrĩdeare iriyuwarikɔgɔkumi. Irasirigɔ Ìgũsã ñerõ irideare kãtigɔkumi.

29 Musãrẽ werea. Igui dekore marĩ dapora iirĩrosũ yu dupaturi neõ iirĩnemobirikoa. Pɔrɔ Yɔpɔ Ìgũyarãrẽ dorerogue musã merã maama igui dekore iirĩgɔkoa, ãrĩmi Jesús gũare.

*Jesús Pedroro: “Yure masĩkeregɔ: ‘Masĩbea’, ãrĩgɔkoa”, ãrĩ weredea
(Mr 14.26-31; Lc 22.31-34; Jn 13.36-38)*

30 Pɔrɔ Marĩpɔre bayapeo odo, gɔa iri wiigüe aãrãnerã wiria, Olivos wãĩkɔri buúrugue waabɔ.

31 Irogue ejagɔ, Jesús gũare ãrĩmi:

—Dapagã ñami musã aãrĩpererã gũñaturaro marĩrõ yure béowãgãpereakõãrãkoa. Musã irasiriburire Marĩpɔya werenĩĩ gojadea pũgue ãsũ ãrĩ gojasũdero aãrĩbú: “Yu oveja koregɔre wějẽmakũ irigɔkoa. Irasirimakũ, Ìgũyarã oveja ùmawasiriakõãrãkuma”, ãrĩ gojasũdero aãrĩbú.

32 Yu boadigüe masãdero pɔrɔ, musã dupuyuro Galileague waadupuyugɔkoa, ãrĩmi gũare.

33 Ìgũ irasũ ãrĩmakũ pégɔ, Pedro ãsũ ãrĩ yɔjɔmi:

—Gajerã aãrĩpererã mɔrẽ béowãgãkerepɔrɔ, yu gapɔ mɔrẽ neõ béowãgãbirikoa, ãrĩmi.

34 Jesús Pedroro ãrĩmi:

—Diyeta mɔrẽ werea. Dapagã ñami ãgãbo wereburo dupuyuro mɔ yure masĩkeregɔ, ɔrea gajerãrẽ: “Masĩbea”, ãrĩgatogɔkoa, ãrĩmi.

35 Pedro Ìgũrẽ ãrĩmi:

—Yu mɔ merã boabu aãrĩkeregɔ: “Masĩbea”, ãrĩgatobirikoa, ãrĩmi.

—Aãrĩpererã gɔa Ìgũ buerã, Pedro Ìgũ ãrĩrõsũta ãrĩbɔ Jesúre.

*Jesús Getsemanígue Marĩpɔre sērẽdea
(Mr 14.32-42; Lc 22.39-46)*

36 Pɔrɔ Jesús gɔa Ìgũ buerã merã waa, Getsemaní wãĩkɔrogue eja, gũare ãrĩmi:

—Òõta doaka musã dapa! Sõõgüe Marĩpɔre sērẽgũ waagú yáa, ãrĩmi.

37 Irasũ ãrĩ odo, Pedroro, Zebedeo pũrã pěrãguereta siiuwãgãmi. Ìgũ bɔro gũñarikɔ, bɔjawereyupɔ.

38 Irasũ bɔjaweregɔ, Ìgũ siiuwãgãnerãrẽ ãrĩyupɔ:

—Buro bɔjawereri merã kõmoma goero péñakoa. Òõta dujaka! Musãde yu kãrĩberosũta kãrĩmerãta yure yúka! ãrĩyupɔ.

39 Irasũ arĩ odo, yoawayaro waanemo, yebague ãgũya diapure moomejã, Marĩpure asũ arĩ sêrêyupũ:

—Au, yu ñerõ tariburire tauduagu taumasã. Yu irasũ arĩkerepũ, yu gããmerõsũ iribirikõãka! Mu gããmerõsũ gapũ yũre waaburo, arĩyupũ.

40 Irasũ arĩ sêrê odo, urerã ãgũ buerã purogue ejagu, ãgũsã kãrĩrãrê bokaja, Pedrore arĩyupũ:

—¿Nasirirã su horanogãgora musã yũre kãrĩmerãta yumasĩberi?

41 Kãrĩmerãta! Marĩpure sêrêka, wãtĩ arĩmesãrĩrê iribokoa, arĩrã! Musã gũnarĩ merã õarĩrê iridũadãa. Irire iridũakererã, bokatiũbea, arĩyupũ.

42 Irasũ arĩ odo, dupaturi waa, Marĩpure sêrêyupũ doja:

—Au, i yu ñerõ tariburire tauduabi, mu gããmerõsũ irika! arĩyupũ.

43 Purũ ãgũ buerã urerã purõ dupaturi ejagu, kãrĩrãrêta bokajayupũ doja. ãgũsarê wuja purĩtariyuro.

44 ãgũsarê ããkõã, dupaturi Marĩpure sêrêgũ waayupũ doja. ãgũ sêrêaderosũta sêrêyupũ.

45 Purũ ãgũsã purõ eja, arĩyupũ:

—¿Musã siuñajã, kãrĩrã yãri dapa? Yũre ããrĩpererã tĩgũrê ñerãguere ãgũsã wiari hora ejasiãa.

46 Wãgãnuãgãka! Náka, waarã! Yũre wẽjẽduarãguere yũre ãmubu aarisiami, arĩyupũ Jesús.

Jesũre ñeãwãgãdea

(Mr 14.43-50; Lc 22.47-53; Jn 18.2-11)

47 ãgũ irasũ arĩ wereripoe Judas, gũa Jesús buerã pe mojõma pere su gubu peru pẽrẽbejarã watopemũ ããrãdi ejami. Wãrã masaka sareri majĩrĩ, yukũ dukari oparã ãgũ merã ejama. ãgũsã paãa oparã, judio masaka murã ãgũsã iriuanerã ããrĩmã.

48 ãgũsã ejaburi dupuyuro Judas ãgũsarê Jesũre ãmubu asũ arĩ weredi ããrĩmĩ: “Yu ãgũya wayupãrã mimigũta ããrĩgũkumi. ãgũrê ñeãka!” arĩdi ããrĩmĩ.

49 Irasirigu Jesús purõ ejagu, ãgũrê arĩmi:

—Gũare buegu, ¿ããrĩrĩ mu? arĩ, ãgũya wayupãrãrê mimimi.

50 ãgũ irasirimakũ ããgũ, Jesús ãgũrê arĩmi:

—Yu merãmu, ¿nasirigu aarigũ iriari? Mu irigũra, ãrãdeare irika! arĩmi.

Irasiirã masaka Jesús purõ eja, ãgũrê ñeãwãgãkõãma.

51 ãgũsã ãgũrê ñeãwãgãripoe sugũ ãgũ buegu ãgũya sareri majĩrê tũãwea ãĩ, paãa opure moãboegũya gãmipurê ditiã dijukõãmi.

52 ãgũ irasirimakũ ããgũ, Jesús gapũ ãgũrê arĩmi:

—Mũya sareri majĩrê duripikõãka! Sareri majĩ merã gajerã merã gãmewẽjẽrãno, sareri majĩ merãta wẽjẽsũrãkuma.

53 ¿Musã masĩberi? Yũpũre yu sêrẽmakũ, daporata ãgũrê wereboerãrê pe mojõma pere su gubu peru pẽrẽbejari burigora yũre iritamumurãrê iriubokumi.

54 Yu sêrẽmakũ, Marĩpũya werenĩrĩ gojadea pũgue gojaderosũ waabiribokoa, arĩmi Jesús.

55 Irasũ arĩ odo, masakare arĩmi:

—¿Nasirirã sareri majĩrĩ merã, yukũ dukari merã sugũ yajarimasũrê ñeãrã aarirã irirosũ yũre ñeãrã aariri? Ñmurikũ Marĩpũya wiigue yu musãrê bue doanimakũ, musã yũre neõ ñeãbiribũ.

56 Daporare i ããrĩpereri musã yũre irasiirã, Marĩpũya kerere weredupuyunerã gojaderosũta irirã yãa, arĩmi Jesús.

ãgũrê ñeãmakũ ããrã, gũa ãgũ buerã ãgũrê sugũreta ãmaweonũwãgãkõãbũ.

*Jesúre opará p̄rogue ãideia**(Mr 14.53-65; Lc 22.54-55, 63-71; Jn 18.12-14, 19-24)*

⁵⁷ Irasirirã Jesúre ñeãnerã paía op̄ Caifáya wiigüe ãiãñurã. Iri wiiguere Moisés gojadeare buerimasã, judío masaka murãde nerësiañurã.

⁵⁸ Pedro gap̄ yoaweyaro Jesúre t̄yañajãa, Caifáya wii disip̄ro ñajãrõma yebague eja, Marĩp̄ya wiire korerã surara merã doayup̄. “¿Naásũ iriyuwarikurãkuri?” ãrĩgũ, irogue ãã doaníyup̄.

⁵⁹ Paía opará, judío masaka murã, ããrĩpererã opará irogue nerëanerã Jesúre ãrĩgatori merã weresãmurãrẽ ãmarã iriñurã ãgürẽ wẽjẽmurã.

⁶⁰ ãgüsã p̄rogue wárã masaka ãrĩgatori merã ãgürẽ weresãrã ejakererã: “ãgũ i ñerõ iridea waja boaburo”, ãrĩ weresãrĩrẽ neõ bokabiriñurã. P̄ru gajerã p̄rã ãgürẽ ãrĩgatori merã weresãrã ejañurã.

⁶¹ ãsũ ãrĩñurã:

—ãrĩ ãsũ ãrĩmi: “Marĩp̄ya wiire béomasã. Ërenu waaró merãta iri wiire dupaturi iri odomasã”, ãrĩmi, ãrĩñurã.

⁶² ãgüsã irasũ ãrĩmakũ p̄gu, paía op̄ wãgãnugã, Jesúre ãrĩyup̄:

—¿ãgüsãrẽ yujuberi mu? ¿Nasirirã murẽ irasũ ãrĩ weresãrĩ? ãrĩyup̄.

⁶³ Jesús gap̄ yujubiriyup̄. ãgũ yujubirimakũ ããgũ, paía op̄ ãgürẽ ãrĩyup̄:

—Marĩp̄ okanígũ p̄uro diaye wereka! ¿Muta ããrĩrĩ, Cristo Marĩp̄ magũ? ãrĩyup̄.

⁶⁴ Jesús ãgürẽ ãrĩyup̄:

—ãgũta ããrã mu ãrĩrõsũta. Idere musãrẽ werea. P̄ru yu ããrĩpererã t̄gürẽ Ȳp̄ turagu diaye gap̄ doamakũ ããrãkoa. Ëmugasima mikãyebori weka yu aarimakũdere ããrãkoa, ãrĩyup̄.

⁶⁵ ãgũ irasũ ãrĩmakũ p̄gu, paía op̄ ãgũ guarire ãmugũ, ãgũya surĩrore tũãyegue, ãsũ ãrĩyup̄:

—ãrĩ irasũ ãrĩ werenígũ, Marĩp̄re ñerõ ãrĩgũ yãmi. ¿Nasirimurã gajerã ãgürẽ weresãrĩrẽ neõ p̄nemobokuri marĩ? Musã, ãgũ basita Marĩp̄re ñerõ ãrĩrĩrẽ p̄siãa.

⁶⁶ ¿Naásũ gũñarĩ? ãrĩyup̄.

—Marĩp̄re ãgũ ñerõ ãrĩrĩ waja boaburo, ãrĩ yujũñurã.

⁶⁷ Irasũ ãrĩ odo, ãgũ diapure síku eotú, ãgürẽ doteñurã. Gajerã ãgũya diapure pá,

⁶⁸ ãsũ ãrĩñurã:

—Mu Cristo ããrĩgũ, ãrĩbokaka: “¿Noã murẽ pári?” ãrĩñurã.

*Pedro Jesúre masĩkeregu: “Masĩbea”, ãrĩdea**(Mr 14.66-72; Lc 22.56-62; Jn 18.15-18, 25-27)*

⁶⁹ Iri wii poekague ãgüsã irasiriripoere Pedro disip̄ro ñajãrõma yebague doaníyup̄. ãgũ irogue doamakũ, sugo paía op̄re moãboego ãgũ p̄ro eja, ãgürẽ ãrĩyup̄:

—M̄de Jesús Galileamu merã ããrĩdita ããrã, ãrĩyup̄.

⁷⁰ Igo irasũ ãrĩmakũ p̄gu, Pedro ããrĩpererã iro ããrĩrã p̄urogue ãrĩgatori merã:

—Mu irasũ ãrĩrĩrẽ p̄emasĩbirikoa yu, ãrĩyup̄.

⁷¹ P̄ru iri wii turoma sãrĩrõ disip̄rogue waayup̄. Irogue gajego ãgüsãrẽ moãboego ãgürẽ ããgõ, iro ããrĩrãrẽ ãrĩyup̄:

—Jesús Nazaretmu merã ããrĩdita ããrĩmi ããrĩ, ãrĩyup̄.

⁷² Pedro ãrĩgatori merã dupaturi yujuyup̄:

—Marĩp̄ p̄uro diayeta werea. Yu ãgürẽ masĩbea, ãrĩyup̄.

⁷³ M̄rõgã p̄ruta masaka irogue ããrĩrã Pedro p̄rogue waa, ãgürẽ ãrĩñurã:

—Mu diayeta Jesús buerã merãmũta ããrã. Pémasĩrõta ãgũsã irirosũ werenia, ãrĩñurã.

⁷⁴ ãgũsã irasũ ãrĩmakũ, Pedro yũyũyũyũ:

—Marĩpũ péuro diayeta werea. Yũ mũsãrẽ diaye werebirimakũ, Marĩpũ yũre wajamoãburo. ãgũrẽ neõ masĩbea yũ, ãrĩyũpũ.

ãgũ irasũ ãrĩripoeta ãgãbo wereyũpũ.

⁷⁵ Pedro, ãgãbo weremakũ pégu, Jesús ãgũrẽ: “ãgãbo wereburo dupuyuro mu yũre masĩkeregu, urea: ‘Masĩbea’, ãrĩgatogũkoa”, ãrãdeare gũñabokayũpũ. Irire gũñaboka, wiria, bajawereri merã burõ oreyũpũ.

27

Jesúre Pilato pũro ãĩjãdea

(Mr 15.1; Lc 23.1-2; Jn 18.28-32)

¹ Boyodujimejãripoe ããrĩpererã paia oparã, judío masaka mũrã merã nerẽ: “ãsũ iri, Jesúre wẽjẽrã”, ãrĩ ãmuñurã.

² Irasũ ãrĩ ãmu odo, Jesúre sia, ãĩwãgã, Poncio Pilato wãĩkũgũre Judea nikũ marã opũre wiañurã.

Judas Iscariote boadea

³ ãgũsã Jesúre wẽjẽrãkuma, ãrĩrĩrẽ pégu, Judas gapũ burõ bajawereri merã ãgũ Jesúre ãmuadeare gũñayũpũ. Irasirigu treinta niyeru tiri plata merã iridea tiri ãgũsã ãgũrẽ wãjaridea tirire paia oparãrẽ, judío masaka mũrãrẽ wiagu waayũpũ. Irogue eja, ãgũsãrẽ ãrĩyũpũ:

⁴ —Yũ ñetariro iriakubũ. Yũ ñerĩ iribire oparãguere wiadire: “Boaburo”, ãrãñurã, ãrĩyũpũ.

ãgũ irasũ ãrĩmakũ, ãgũrẽ yũjuñurã:

—Mu irasiriadea guaya meta ããrã. Mũya ããrã, ãrĩñurã.

⁵ ãgũsã irasũ ãrĩmakũ pégu, Judas Marĩpũya wiigue niyeru tirire meéwasiribéo, waakõayũpũ. Waa, pũgubudare siasiu, ãgũ basi ãgũya wãnugũrẽ túsãnú, parimadija, boakõayũpũ.

⁶ Paia oparã niyeru tirire sea neeõrã, ãsũ ãrĩñurã:

—I niyeru ãgũsã masakũre wẽjẽburi waja wãjariadea ããrã. Irasirirã i niyerure Marĩpũya wiima duripĩri kũmague pímasĩbirikoa. Marĩrẽ doreri irasiridorebea, ãrĩñurã.

⁷ Pũrũ ãsũ ãrĩñurã: “I niyeru merã diari sorori weagũya nikũrẽ wãjarimakũ õãrokoa. Irasirirã gajero marã õõgue boamakũ, iri nikũ ãgũsãrẽ yãaburi nikũ ããrĩrokoa”, ãrĩñurã.

⁸ Irasirirã masaka iri nikũrẽ: “Dĩ béodea nikũ ããrã”, ãrĩ wãiyema. Dapor-aguedere irasũta wãĩkũkõãa.

⁹ ãgũsã irasirimakũ, Jeremias Marĩpũya kerere weredupuyudi gojaderosũta waabu. ãsũ ãrĩ gojadi ããrĩmĩ: “Israel bumarã treinta niyeru tiri plata merã iridea tirire ãgũrẽ wãjarideare ãĩma.

¹⁰ Irasirirã iri tiri merã diari sorori weagũya nikũrẽ wãjarima. Irasirirã, Marĩpũ yũre: ‘ãsũ irirãkuma’, ãrĩ gojadorederosũta yãma”, ãrĩ gojadi ããrĩmĩ.

Pilato Jesúre sãrẽñãdea

(Mr 15.2-5; Lc 23.3-5; Jn 18.33-38)

¹¹ Pilato, Jesúre ãgũ pũrogue ãgũsã ãĩjamakũ, ãgũrẽ sãrẽñayũpũ:

—¿Mũta ããrĩrĩ judío masaka Opũ? ãrĩyũpũ.

—Mu ãrĩrõsũta ãgũta ããrã, ãrĩ yũyũyũyũ Jesús.

¹² Paia oparã, judío masaka mũrã ãgũrẽ weresãrĩ gapũre yũjubiriyũpũ.

13 Irasirigu Pilato ĩgũrẽ arĩyupũ:

—¿Āārĩpereri ĩgũsã mũrẽ weresārĩrẽ péberi mũ? arĩyupũ.

14 Jesús gapũ neõ yũjubiriyupũ. ĩgũ yũjubirimakũ ĩāgũ, Pilato ĩāgukakõāyupũ.

Jesúre wějẽdoredea

(Mr 15.6-20; Lc 23.13-25; Jn 18.38-19.16)

15 Bojorikũ pascua bosenu āārĩmakũ, Pilato sugũ peresugue āārĩgũrẽ masaka wiudoregũre wiunayupũ.

16 Iripoere sugũ Barrabás wāĩkũgũ peresugue āārĩyupũ. Masaka ĩgũ ñerõ irideare masĩñurã.

17 Irasirigu ĩgũsã nerẽmakũ ĩāgũ, Pilato ĩgũsārẽ sērẽñayupũ:

—¿Nĩ gapũre yũ wiumakũ gāāmerĩ mũsã? ¿Barrabáre, o Jesús: “Cristo” ĩgũsã arĩgũ gapũre? arĩyupũ.

18 Wárã masaka Jesúre bũremumakũ ĩārã, oparã ĩgũrẽ ĩāturisĩã, Pilato pũroque āĩānerã āārĩmã. Pilato gapũ ĩgũsã ĩāturirire masĩkõāyupũ. Irasirigu Jesúre wiuduadiyupũ.

19 Pũrũ Pilato masaka weresārĩrẽ beyerimasũ doarogue doaripoe, ĩgũ marãpo ĩgũrẽ kere iriuyupo: “Ĩgũ diayema irigũre gajerosũ neõ iribirikõāka! Dapagã ñami ĩgũrẽ waaburire bũro goero kēākũbũ”, arĩ kere iriuyupo.

20 Paía oparã, judío masaka mũrã gapũ masakare āsũ arĩdoreñurã: “Barrabáre wiuka, Jesús gapũre wějẽka!” arĩka!” arĩdoreñurã.

21 Pũrũ Pilato masakare dupaturi sērẽñayupũ doja:

—¿ĩgũsã pērãrẽ nĩ gapũre yũ wiumakũ gāāmerĩ mũsã? arĩyupũ.

—Barrabás gapũre wiuka! arĩ yũjuñurã.

22 ĩgũsã irasũ arĩmakũ pégu, Pilato sērẽñayupũ:

—¿Nasirigũkuri yũ, ñĩ Jesús: “Cristo” ĩgũsã arĩgũ gapũre? arĩyupũ.

Āārĩpererã:

—Curusague pábiatú wějẽka ĩgũrẽ! arĩ yũjuñurã.

23 Irasirigu Pilato āsũ arĩyupũ:

—¿Ñeéno ñerĩrẽ iriari ñĩ, mũsã irasũ arĩmakũ? arĩyupũ.

Masaka gapũ dupaturi gainínemoñurã:

—Curusague pábiatú wějẽka ĩgũrẽ! arĩñurã.

24 ĩgũsã ĩgũrẽ péduabirimakũ, ĩgũsã guari merã gainĩmakũ pégu, Pilato dekore āiwāgāridoreyupũ. Iri merã masaka ĩũrõ mojõkoe, āsũ arĩyupũ:

—Ĩrẽ waja opabire wějẽdoreri, yũ doreri meta āārã. Mũsã doreri āārã, arĩyupũ.

25 ĩgũ irasũ arĩmakũ pérã, āārĩpererã masaka āsũ arĩñurã:

—Gũa mũrẽ ĩrẽ wějẽdoreri waja, gũa, gũa pũrã āārĩpererã merã waja oparãkoa, arĩñurã.

26 ĩgũsã irasũ arĩmakũ pégu, Pilato Barrabáre peresugue āārĩgũrẽ wiuyupũ. Pũrũ surarare Jesúre tārãdore, ĩgũrẽ ĩgũsārẽ wiayupũ, ĩgũrẽ curusague pábiatú wějẽdoregũ.

27 Irasirirã surara Jesúre Pilatoya wiima yebague āĩjañurã. Iroque āārĩpererã surarare Jesús pũro neeõñurã.

28 Pũrũ ĩgũya surĩrore túwea āĩ, opũya surĩro irirosũ deyoriñe diariñerẽ ĩgũrẽ sãñurã.

29 Pora merã iriadea berore ĩgũya dipurure peoñurã. Irasiri odo, yukare diaye gapũ moāsua, ĩgũ pũro ñadũkupuri merã ejamejã, ĩgũrẽ āsũ arĩ bũridañurã:

—Bũremurã aarika judío masaka Opũre! arĩñurã.

30 ĩgũrẽ síku eotú, ĩgũsã moāsuaadre tũāwea āĩ, irigũ merãta ĩgũya dipurure pánañurã.

³¹ Īgūrē burida odo, Īgūsā sādea surírore túwea, Īgūya suríro gapure sãñurã doja. Sã odo, curusague pábiatú wējēmurã Īgūrē ãi wiriakõãñurã.

Jesúre curusague pábiatúdea

(Mr 15.21-32; Lc 23.26-43; Jn 19.17-27)

³² Īgūsā Īgūrē ãiwāgārã, sugu masakure Simón wãikugu Cirenemurē bokatĩrĩma. Īgūrē Jesús kõãdea curusare kõãdorema.

³³ Īgūrē irasū ãiwāgārã, Gólgota wãikurogue ãijama. “Gólgota”, ãrĩrõ: “Masaku dipuru boaweadea pero”, ãrĩdũaro yáa.

³⁴ Irogue eja, igui deko sãĩrĩ merã morēdeare Jesúre tĩãdima. Jesús irire iirĩña, pũũ iirĩbirimi.

³⁵ Īgūrē curusague pábiatú ãiwāgũnú odo, surara Īgũ surí sãñadeare: “Ubu ãrĩboka birarã: ‘¿Noãrē dujarokuri?’” ãrĩma, irire Īgūsã basi gãme dukawamurã. Īgūsã irasirirã, Marĩpũya kerere weredupuyudi gojaderosũta irima. Āsũ ãrĩ gojadi ããrĩmĩ: “Yaa suríre Īgūsã basi ãrĩboka bira dukawarãkuma”, ãrĩ gojadi ããrĩmĩ.

³⁶ Irasiriadero pũũ, surara curusa pũro eja doama, Jesúre korerã.

³⁷ “Ĩĩ ãsũ iridea waja boami”, ãrĩrã: “Ĩĩta judío masaka Opũ ããrĩmi”, ãrĩ gojadea majĩrē curusague Jesúya dipuru weka pábiatúma.

³⁸ Pērã yajarimasãdere curusarigue pábiatú ãiwāgũnúma. Sugure Īgũ diaye gapũ, gajigure Īgũ kúgapũ pábiatú ãiwāgũnúma.

³⁹ Masaka Jesús pũro tariwāgãnarã, ñerõ ãrĩ burida, Īgūsãya dipure yure, ãrĩma:

⁴⁰ —Mũ ãsũ ãrĩ werenĩbũ: “Marĩpũya wiire béo, pũũ urenũ waaró merãta iri wiire dupaturi iri odogũkoa”, ãrĩbũ. Irasirigu mũ basi tauka! Mũ diayeta Marĩpũ magũ ããrĩgũ, curusague merã دچارika! ãrĩma.

⁴¹ Irasũta paía oparã, Moisés gojadeare buerimasã, fariseo bumarã, judío masaka mũrãde ãrĩ buridama. Āsũ ãrĩ gãme werenĩma:

⁴² —Gajerã gapure taumi. Īgũ basi gapũ taumasĩbemi. “Israel bumarã Opũ ããrã”, ãrĩmi. Irasirirã, curusague merã Īgũ دچارimakũ ĩãrã, marĩ Īgūrē bũremurãkoa.

⁴³ Īgũ: “Marĩpũre bũremua, Īgũ magũ ããrã”, ãrĩmi. Irasirigu Īgũ ãrĩderosũta Marĩpũ Īgūrē maĩgũ, iritamuburo, ãrĩ buridama.

⁴⁴ Yajarimasã Jesús pũro curusarigue pábiatú ãiwāgũnúũanerãde irasũta Īgūrē ñerõ ãrĩ buridama.

Jesús boadea

(Mr 15.33-41; Lc 23.44-49; Jn 19.28-30)

⁴⁵ Goeripoe ããrĩmakũ, i nikũ ããrĩpererogue naĩtĩãkõãbũ. Ære hora gora naĩtĩãbũ.

⁴⁶ Ære hora ejamakũta Jesús bũro gainĩmi:

—Elí, Elí, ¿lama sabactani? ãrĩmi. Irasũ ãrĩgũ: “Yũ Opũ, yũ Opũ, ¿nasirigu yure béori mũ?” ãrĩgũ irimi.

⁴⁷ Surãyeri irogue ããrĩrã, Īgũ irasũ ãrĩ gainĩmakũ pérã:

—Marĩpũya kerere weredupuyudire Elíare siiugũ yámi, ãrĩma.

⁴⁸ Mata sugũ Īgūsã merãmũ ũmawāgã, igui deko piari yosadea yũsũre yuku yuwague siatú, ãiwāgã, Jesúre iirĩburo, ãrĩgũ, soemuúmi.

⁴⁹ Īgũ irasirimakũ ĩãrã, gajerã gapũ ãsũ ãrĩma:

—Iropãta irika! Elías Īgūrē taugũ aarimakũ ĩãñarã dapa marĩ, ãrĩma.

⁵⁰ Jesús dupaturi bũro gainĩnemo, kõmoakõãmi.

⁵¹ Īgũ kōmomakũta, Marĩpũya wii poekama taribu disipũro kãmutari gasiro ãmarõ gapũ merã yegue dijari, deko merã yeguesiajayuro. Nikũ burõ ñomebũ. Ëtãyeri pagayeride waariakõãbũ.

⁵² Masãgoberi tũpãkõãyuro. Wãrã Marĩpũre bũremurã boanerã masãñurã.

⁵³ Jesús masãdero pũru, ĩgũsã masãgoberigue ããrĩnerã wiria, Marĩpũya makãgue Jerusalẽgue waañurã. ĩgũsã irogue ejamakũ, masaka wãrã ĩgũsãrẽ ãñurã.

⁵⁴ Romano marã surara opũ ĩgũyarã surara merã Jesũre koreanerã, nikũ ñomemakũ, ããrĩpereri irasũ waarĩre ããrã, burõ gũka, gũiri merã ãsũ ãrĩma:

—Ĩĩ diayeta Marĩpũ magũ ããrãdañumi, ãrĩma.

⁵⁵ Wãrã nome yoaweyarogue Jesũre ĩũnĩma. ĩgũsã Galileague Jesũre irita-mugorenanerã nome ããrĩmã.

⁵⁶ ĩgũsã nome watopeguere Marĩa Magdalena wãĩkũgo, gajego Marĩa wãĩkũgo Santiago, Josẽ pago, gajego Zebedeo marãpo ããrĩmã.

Jesũya dupũre masãgobegue pĩdea

(Mr 15.42-47; Lc 23.50-56; Jn 19.38-42)

⁵⁷ Pũru naĩmejãripoe ããrĩmakũ, Josẽ wãri opagũ, Arimatea wãĩkũri makãmu irogue ejami. ĩgũ Jesús buerire tũyagũ ããrĩmĩ.

⁵⁸ Irasirigũ Pilato pũrogue waa, Jesũya dupũre yãabu sãrẽyupũ. ĩgũ ãrĩ sãrẽmakũ pẽgũ, Pilato surarare Jesũya dupũre sĩdoreyupũ ĩgũrẽ.

⁵⁹ Irasirigũ Josẽ waa, Jesũya dupũre ãĩdiju, õãrĩ surĩro gasiro gũrari marĩrĩ gasiro merã ĩgũya dupũre õmayupũ.

⁶⁰ Õma odo, ĩgũrẽ yãabodea masãgobegue pĩyupũ. Iri gobe, maama gobe ãtãyegue mãdea gobe ããrĩyuro. Irogue Jesũya dupũre pĩ odo, wãri majĩ ãtã majĩ merã iro ñajãrõrẽ õãrõ biakõã, waakõãyupũ.

⁶¹ ĩgũ irasiriripoe Marĩa Magdalena, gajego Marĩa merã iri gobe bokatĩũrõ ĩũdoanĩñurã.

Surara Jesũya dupũre pĩdea gobere koredea

⁶² Gajinũ gapũ judĩo masaka siuñajãrĩnũ* ããrĩmakũ, paĩa oparã, fariseo bumarã Pilato pũrogue waañurã.

⁶³ ãsũ ãrĩñurã Pilatore:

—Gua opũ, sõõ ããrĩdi okagugue ãrĩgatorikũgũ ãrĩdeare gua gũñãã. ãsũ ãrĩmi: “Yũ boa, ãrenũ pũru masãgũkoa”, ãrĩmi.

⁶⁴ Irasirigũ mũyarã surarare ãrenũgora ĩgũya dupũre píaderogue kore-doregũ iriuka, ĩgũ buerã ñami merã ĩgũya dupũre yajabirikõãburo, ãrĩgũ! ĩgũsã yajadero pũru masakare: “Jesũ boadigue masãkõãmi”, ãrĩbokuma. Irasiriro ĩgũ ãrĩgatodea nemorõ ĩgũsã ãrĩgatori gapũ ñetarirokoa, ãrĩñurã.

⁶⁵ ĩgũsã irasũ ãrĩmakũ, Pilato yũjũyupũ:

—Jãũ, ĩĩsã yaarã surara õõgue ããrĩma. ĩgũsãrẽ ãĩaka, iri masãgobe gajerosũ waari, ãrĩrã! Irasirirã mũsã bokatĩũrõ ĩgũsãrẽ koredoreka! ãrĩyupũ.

⁶⁶ ĩgũ irasũ ãrĩmakũ, ĩgũsã waa, iri gobe biadea ãtã majĩrẽ õãrõ wĩtãbiatoñurã, masaka ĩgũsã ñajãdeare ããmasĩrãra, ãrĩrã. Irasũ ããrĩmakũ, surarare iri gobere õãrõ koredoreñurã.

28

Jesũs masãdea

(Mr 16.1-8; Lc 24.1-12; Jn 20.1-10)

* 27:62 Judĩo masaka siuñajãrĩnũ, sãbado ããrã.

¹ Judío masaka siuñajārīnu puru, gajinu boyodujimejāripoe gaji semana ñajārīnu ããrīmakū, María Magdalena, gajego María merā Jesúre pídea gobere ãrā waañurā.

² Gũñaña marĩrō nikū buro ñomeyuro. Irasū waaripoe marĩ Opure wereboegu ãmugasigue merā dijari, masāgobere ãgūsā biadea utā majĩrē tũpā, iri maji weka doayuru.

³ ãgū bupu miārōsū òārō gosewasirigu ããrĩyuru. ãgūya surĩro òārō borero ããrĩyuro.

⁴ Surara iri gobere koreanerā ãgūrē ãrā, buro gũiri merā narada, kōmorā irirosū waañurā.

⁵ Puru Marĩpũre wereboegu iroque ãrā waanerā nomerē ãrĩyuru:

—Gũibirikōāka! Yu masā, masā Jesús ãgūsā curusague pábiatú wējēadire āmarā yāa.

⁶ ãgū òōrē mámi. ãgū ãrĩderosũta masāsiami. ãgūya dupure ãgūsā píaderore ãrā aarika!

⁷ Puru mumurō merā ãgū buerārē: “ãgū boadi ããrĩkeregu, masāmi. Masā dupuyuro Galileague waagukumi. Iroque ãgūrē ãrākoa”, ãrĩ wererā waaka! Irire masārē weregu aarigú iriabu, ãrĩyuru Marĩpũre wereboegu.

⁸ ãgū irasū ãrĩmakū pérā, masāgobere ãrā waanerā nome gũikererā, mumurō merā usuyari merā Jesús buerārē wererā ãmadujāañurā.

⁹ ãgūsā ãmadujāarā nomerē Jesús ãgūsārē bokatĩrĩ, òādoreyuru. ãgūrē ãrā, ãgū puro ñadukapuri merā ejamejā, ãgūya guburire ñeā, ãgūrē buremuñurā.

¹⁰ Jesús ãgūsārē ãsū ãrĩyuru:

—Gũibirikōāka! Yaarā yu buerārē: “Galileague waaka!” ãrĩ wererā waaka! Iroque yure ãrākuma, ãrĩyuru.

Surara ãgūsā ããdeare werede

¹¹ ãgūsā nome Jesús buerārē wererā waaripoe surāyeri surara masāgobere koreanerā Jerusalēgue waañurā. Iroque eja, paía oparārē ããrĩpereri masāgobegue waadeare werepeokōañurā.

¹² ãgūsā irasū ãrĩ weremakū pérā, paía oparā, judío masaka marā merā nerēñurā. Irasirirā ãgūsā: “¿Nasirirākuri?” ãrĩ āmu odo, surarare wáro niyerure sĩ,

¹³ ãsū ãrĩñurā:

—Masakare ãsū ãrĩka: “Ñami merā gũa kãrĩripoe Jesús buerā masāgobegue eja, ãgūya dupure yajakōānerā ããrāma”, ãrĩka!

¹⁴ Pilato masā irasū ãrĩ kerere pémakū, gũa ãgū merā werenírākoa, masārē wajamoãbirikōāburo, ãrĩrā, ãrĩñurā.

¹⁵ ãgūsā irasū ãrĩmakū pérā, surara niyerure ñeā, waakōañurā. Puru paía oparā ãgūsārē weredoreaderosũta gajerārē wereñurā. Irasirirā, ãgūsā irasū ãrĩrĩ kerere wárā judío masaka pénerā ããrĩmā. Daporaguedere ãgūsā ãrĩgatodeare buremukōāma dapa.

Jesús ãgū buerārē ãgūyare buedoregu pídea

(Mr 16.14-18; Lc 24.36-49; Jn 20.19-23)

¹⁶ Puru gũa Jesús buerā pe mojōma pere su gubu suru pērēbejarā Galileague waa, buúrugue ãgū gũare waadoredea buúrugue waabu.

¹⁷ Iroque eja, Jesúre ãrā, ãgūrē buremubu. Surāyeri gũa merā waanerā gapu: “¿ãgūta ããrĩkuriye ãrĩ?” ãrĩ gũñama.

¹⁸ Irasirigu Jesús gũa puro aari ejanugā, ãsū ãrĩmi:

—Yuru yure ããrĩpererogue i nikū, ãmugasiguedere dorebure sóosiami.

¹⁹ Irasirirã ããrĩpereri buri marã masakare yaa kerere buerã waaka, ãgũsãde mũsã irirosũta yaa buerire tũyaburo, ãrĩrã! Yũpũ wãĩ merã, yũ wãĩ merã, Ōãgũ deyomarĩgũ wãĩ merã ãgũsãrẽ deko merã wãĩyeka!

²⁰ ããrĩpereri yũ mũsãrẽ doredeare ãgũsãrẽ bueka, irire iriburo, ãrĩrã! Ire masĩka mũsã! Yũ mũsã merã ããrĩnĩkõãgũkoa. I ũmũ pereadero pũrũguedere mũsã merã ããrĩnĩkõãgũkoa, ãrĩ weremi gũare Jesús.

Iropãta ããrã.

SAN MARCOS

Juan masakare wāiyerimasā buedea

(Mt 3.1-12; Lc 1.80; 3.1-9, 15-17; Jn 1.19-28)

¹ Marīpɛ magū Jesucristoya kere wereri, āsū nɛgādero āārībú:

² Iripoegue Isaiás Marīpɛya kerere weredupuyudi, Marīpɛ ĩgū magūrē ārīdeare gojadi āārīmí. Marīpɛ ĩgū magūrē āsū ārīdi āārīmí:

Mɛ waaburo dupuyuro yaa kerere weredupuyubure iriugakoa, mɛ waaburore āmuyudoregɛ.✠

³ ĩgū masaka marīrōgue bɛro gainírí merā āsū ārī weregakumi:

“Marī Opɛ aariburi dupuyuro ĩgū aariburi maarē diayema maa ōārī maa āmurā irirosū diayemarē irika!” ārī gainígakumi, ārī gojadi āārīmí.✠

⁴ Irasirigɛ Juan masaka marīrōgue masakare wāiyepɛroriwāgārīgɛ, āsū ārī werenayupɛ ĩgūsārē:

—Mɛsā ñerō irideare bɛjawereka! Mɛsā gūñarīrē gorawayuka! Deko merā wāiyesūanerā dujaka! Irasirirā mɛsā ñerō irideare kātisūrākoa.

⁵ Āārīpererā Judea nikū marā, Jerusalén marāde ĩgū wererire pérā ejañurā. ĩgūsā ñerō irideare Marīpɛre weretaripeomakū ĩāgū, Juan ĩgūsārē dia Jordán wāikɛdiyague wāiyeyupɛ.

⁶ Juāya surí camellua poari merā suadea āārīyuro. ĩgūya yɛjɛwēñarīda waibɛ gasiro merā irideada āārīyuro. Poreroa, mume makānɛmɛ marāyare baarikɛyupɛ.

⁷ Masakare āsū ārī werenayupɛ:

—Gajigɛ yɛ pɛrɛ aaribu, yɛ nemorō turagɛ āārīmí. Yɛ gapɛ ubu āārīgú, ĩgūrē neō sɛropebirikoa.

⁸ Yɛ mɛsārē deko merā wāiyea. ĩgū gapɛ Ōāgū deyomarīgū merā wāiyegakumi. Irasirigɛ Ōāgū deyomarīgū mɛsā merā āārīnikōāgɛkumi mɛsārē iritamubu, ārīyupɛ.

Juan Jesúre deko merā wāiyedea

(Mt 3.13-17; Lc 3.21-22)

⁹ Iripoere Jesús Galilea nikūma makā, Nazaret wāikɛri makāgue āārādi, Juan pɛroegue ejayupɛ. ĩgū ejamakū, Juan ĩgūrē dia Jordán wāikɛdiyague wāiyeyupɛ.

¹⁰ ĩgū wāiye odomakū, Jesús diague āārādi majānɛgāgūta ũmɛgasi tūpāmakū ĩāyupɛ. Ōāgū deyomarīgū buja irirosū deyogɛ ĩgū weka dijariyupɛ.

¹¹ Irasū waaripoe Marīpɛ ũmɛgasigue merā Jesúre āsū ārī wereniyupɛ:

—Mɛ yɛ magū, yɛ maīgū āārā. Mɛ merā bɛro ɛsuyāa, ārīyupɛ.

Wātī Jesúre ārīmesādidea

(Mt 4.1-11; Lc 4.1-13)

¹² Jesúre Juan wāiyeri pɛrɛgāta Ōāgū deyomarīgū masaka marīrōgue āiyupɛ.

¹³ Irasirigɛ Jesús iroegue waa, cuarenta nūrīgora makānɛmɛ marā waimɛrā guarā watopegue āārīyupɛ. ĩgū iroegue āārīmakū, wātēa opɛ Satanás wāikɛgɛ ĩgūrē ārīmesādiyupɛ. Marīpɛre wereboerā ĩgūrē iritamurā ejañurā.

Jesús Galilea nikūgue masakare buenɛgādea

(Mt 4.12-17; Lc 4.14-15)

14 Herodes Juārē peresugue sóodobodero puru, Jesús Galilea nikūgue masakare Marīpuya kerere weregorenagū wāgāyupu.

15 Āsū ārī werenayupu:

—Marīpu iripoegue: “Āsū waarokoa”, ārīdea ejasiáa. Daporare mérōgā dūyáa, ĩgūyarārē doreri ejaburo. Irasirirā musā ñerō iririre bujawereka! Musā gūñarīrē gorawayuka! ĩgū masakare tauri kere gapure bāremuka! ārīyupu Jesús.

Jesús wapikurā waaí wējērīmasārē siiudea

(Mt 4.18-22; Lc 5.1-11)

16 Puru Jesús Galilea wāikuri ditaru turo waagú, Simōrē, ĩgū pagumu Andrere bokajayupu. ĩgūsā waaí wējērīmasā āārīsīā, ditarugue ĩgūsāya buidire meéyorā iriñurā.

17 Jesús ĩgūsārē āsū ārīyupu:

—Náka, yu merā! Daporare musārē waaí wējērīmasā āārīrē piri, masakare Marīpuya kerere wererimasā āārīmakū irigukoa.

18 ĩgū irasū ārīmakū pérā, mata ĩgūsāya buiriyukure irota píkōā, ĩgū merā waakōāñurā.

19 Puru Jesús yoawayaro waa, Zebedeo pūrā Santiagore, ĩgū pagumu Juārē doódirugue ĩgūsāya buiriyukure āmu sāñanīmakū ĩāyupu.

20 Jesús ĩgūsārē siiuyupu. ĩgū siiumakū pérā: “Jáa”, ārī, ĩgūsāya doódirugue ĩgūsā pagu Zebedeore, ĩgūrē iritamurā merā pí, Jesús merā waakōāñurā.

Wātī ñajāsūdi Jesúre bokatīrīdea

(Lc 4.31-37)

21 ĩgū merā waa, Capernaum wāikuri makāgue ejañurā. Iroque judío masaka siuñajārīnu* āārīmakū, Jesús ĩgūsā nerērī wiiguet† ñajāa, masakare buenugāyupu.

22 Moisés gojadeare buerimasā irirosū buebiriyupu. Ōārō doreri opagu irirosūta bueyupu. ĩgū irasū buemakū pérā, pégukakōāñurā.

23 Iri wiiguere ĩgūsā merā sugu wātī ñajāsūdi āārīyupu. Āsū ārī gainīyupu:

24 —Jesús Nazaretmu, ¿nasiribu guu puro aariri? ¿Guare peamegue béogu aarigú yári? Yu murē ĩāmasīkōāa. Mu, Mupu iriudi, ōātarigu āārā, ārīyupu.

25 Jesús wātīrē:

—Wereníbita! Wirika ĩgūrē! ārīyupu.

26 ĩgū irasū ārīmakū pégu, wātī masakure meémejā, naradamakū iri, buro gainí, wiriakōāyupu.

27 Jesús wātīrē béowiumakū ĩārā, āārīpererā masaka ĩāguka, ĩgūsā basi āsū ārī gāme sērēñañurā:

—¿Ñeéno āārīrī, ñeéno maama bueri āārīrī i? Ĩi wātēārē ĩgū turaro merā wiridoremakū, neō ĩgūrē tarinugābema, ārīñurā.

28 Mérōgā puruta āārīperero Galilea nikū marā Jesús iriadea kerere péseyakōāñurā.

Jesús, Simón Pedro máñekōrē taudea

(Mt 8.14-15; Lc 4.38-39)

29 Jesús nerērī wiiguet āārādi Santiago, Juan merā wiria, Simón, Andréya wiiguet waayupu.

* **1:21** Judío masaka siuñajārīnu, sábado āārā. † **1:21** Judío masaka nerērī wii, sinagoga wāikuri wii āārā. Iroque ĩgūsā siuñajārīnu āārīmakū nerē, Marīpuya werenírī gojadea pūgue gojadeare buenama.

³⁰ Simón máñekō buro nimakurikugo peyarogue oyayupo. Irasirirā Jesúre: “Sĩrĩgō yámo”, āĩ wereñurā.

³¹ Irasũ āĩmakũ pégu, Jesús igo puro ejanugã, igoya mojõrē ñeã tũawãgũnúmakũta nimakuri tariakõâyuro. Iri tarimakũ, ĩgũsãrē baari ejoyupo.

Jesús wárã pũrĩrikurãrē taudea
(Mt 8.16-17; Lc 4.40-41)

³² Abe ñajãdero puru naĩmejãripoe iri makã marã ããrĩpererã pũrĩrikurãrē, wãtẽa ñajãsũnerãdere Jesús purogue ãijañurã.

³³ Irasirirã ããrĩpererã iri makã marã ĩgũ ããrĩrĩ wii disipurogue nerẽñurã.

³⁴ Jesús wárã pũrĩrikurãrē tauyupu. Wárã wãtẽa masakare ñajãnerãdere béowiuyupu. Wãtẽa, Jesús Marĩpu magũ ããrĩrĩrē masĩñurã. Irasirigu Jesús: “Werenĩmerãta!” āĩyupu.

Jesús Galilea nikũgue masakare buedea
(Lc 4.42-44)

³⁵ Jesús gajinu gapu naĩtĩãweyaripoegãta yobe, iri makã turo masaka marĩrõgue Marĩpũre sērẽgũ waayupu.

³⁶ Simón, ĩgũ merãmarã merã Jesús marĩmakũ ĩãgũ, ĩgũrē ãmagũ waayupu.

³⁷ ĩgũrē bokagu:

– ããrĩpererã masaka murẽ ãmarã iriama, āĩyupu.

³⁸ ĩgũ irasũ āĩmakũ, Jesús ãsũ āĩyupu:

– Náka, gaji makãrĩ õõ puro weya ããrĩrĩ makãrĩ marãdere buegu waadũakoa. Ire iributa i ãmũguere aaribũ.

³⁹ Irasirigu ããrĩperero Galilea nikũgue judío masaka nerẽrĩ wiirigue buegorenagũ, wãtẽa masakare ñajãnerãrē béowiunayupu.

Jesús kãmi boagũre taudea
(Mt 8.1-4; Lc 5.12-16)

⁴⁰ Jesús irasiriripoe sugu kãmi boagu ĩgũ puro eja, ñadukũpuri merã ejamejãja, ĩgũrē sērẽyupu:

– Mũ, yu pũrĩrikurire taudũagu taumasĩa, āĩyupu.

⁴¹ ĩgũ irasũ āĩmakũ pégu, Jesús buro bopoñarĩ merã ĩgũrē ĩã, ĩgũya mojõ merã moãña, ãsũ āĩyupu:

– Murẽ taugũra. Kãmi marĩgũ dujaka!

⁴² ĩgũ irasũ āĩrĩ merãta kãmi yaripereakõâyuro. Irasirigu kãmi marĩgũ dujayupu.

⁴³⁻⁴⁴ Jesús ĩgũrē turaro merã ãsũ āĩyupu:

– Gajerã masakare mũ tariadeare werebirikõãka! Paĩ purogue mũya kãmi yariadeare ĩgũrē ĩmugũ waaka, ĩgũ murẽ: “Õãa, kãmi marĩgũ ããrã”, ārĩburo, ārĩgũ! ĩgũ irasũ ããdero puru, Moisés gojadea pũgue sĩdoredeare sĩka! Mũ irire irimakũ ĩãrã, masakade mũya kãmi yariadeare masĩrãkuma.

⁴⁵ Jesús ĩgũrē: “Gajerãrē yu murẽ tauadeare werebirikõãka!” ārĩkerepuru, kãmi boadi gapu irire masaka ããrĩperero marãrē werepuroriyupu. Irasirigu Jesús masaka ĩũrõ makãrĩguere ñajãmasĩbiriyupu. Makã turogue dita waanayupu. Irogue ĩgũ ããrĩkerepuru, masaka ããrĩperero marã ĩgũ purogue ĩãrã ejanañurã.

2

Jesús dupũ bũadire taudea
(Mt 9.1-8; Lc 5.17-26)

1 MÉRŌGĀ PŪRU JESÚS DUPATURI CAPERNAUGUE GOEDUJÁAYUPU. ĪĠŪ GOEJADERO PŪRU, IRO MARĀ MASAKA ĪĠŪ WIIGUE ĀĀRĪRĪRĒ MASĪŅURĀ.

2 IRASIRIRĀ MATA WĀRĀ MASAKA IRI WIIRE NERĒ, DISIPŪROGUETA UTURIWIRINUGĀJAKŌĀŅURĀ. JESÚS ĪĠŪSĀRĒ MARĪPŪYA KERERE WEREGŪ IRIYUPU.

3 ĪĠŪ WERERIPŌE WAPIKURĀ ŪMA DUPU BUADIRE JESÚS PŪROGUE ĀĪJAŅURĀ.

4 MASAKA WĀRĀ ĀĀRĪMAKŪ, ĪĠŪRĒ ĀĪŅAJĀMASĪBIRIŅURĀ. IRASIRIRĀ IRI WII WEKAGUE MŪRĪA, JESÚS WEKA SU GOBE ĀIWEA, ĪĠŪ OYARO MERĀTA ĪĠŪRĒ DIJUŅURĀ.

5 JESÚS, ĪĠŪSĀ ĪĠŪRĒ BUREMUMAKŪ ĪĀĠŪ, BUADIRE ĀSŪ ĀRĪYUPU:

—YU, MU ŅERŌ IRIDEARE KĀTIA.

6 ĪĠŪ IRASŪ ĀRĪMAKŪ PĒRĀ, SURĀYERI MOISÉS GOJADEARE BUERIMASĀ IRI WIIGUE DOARĀ JESŪRE ĀSŪ ĀRĪ GŪŅAŅURĀ:

7 “¿NASIRIGU ĪI ĪĠŪ WERENĪRĪ MERĀ MARĪPŪRE ŅERŌ ĀRĪRĪ? MASAKA ŅERŌ IRIDEARE NEŌ SUGU MASAKU KĀTIMASĪBIRIKUMI. MARĪPŪ SUGUTA MASĪKUMI”, ĀRĪ GŪŅAŅURĀ.

8 JESÚS ĪĠŪSĀ GŪŅARĪRĒ ĪĀMASĪ, ĀSŪ ĀRĪYUPU:

—¿NASIRIRĀ IRASŪ GŪŅARĪ MŪSĀ?

9 ¿NAĀSŪ ĀRĪRĪ GAPU DIASABERI ĪI BUADIRE: “YU, MU ŅERŌ IRIDEARE KĀTIA”, ĀRĪRĪ, O “WĀGĀNUGĀ, MU OYARORE ĀĪKŌĀ WAAKA!” ĀRĪRĪ GAPU DIASABERI?

10 YU ĀĀRĪPERERĀ TĪĠŪ I ŪMUGUE ĀĀRĪRĀRĒ ĪĠŪSĀ ŅERŌ IRIDEARE MARĪPŪ DORERO MERĀ KĀTIMASĪA. IRASIRIGU ĪI BUADIRE TAUGŪRA, MŪSĀRĒ IRIRE MASĪDOREGU, ĀRĪYUPU. IRASŪ ĀRĪ ODO, BUADIRE ĀRĪYUPU:

11 —YU MURĒ ĀSŪ ĀRĀ: WĀGĀNUGĀ, MU OYADERORE ĀĪKŌĀ, MŪYA WIIGUE WAAKA!

12 ĪĠŪ IRASŪ ĀRĪRĪ MERĀTA ĀĀRĪPERERĀ MASAKA ĪŪRŌ WĀGĀNUGĀ, ĪĠŪ OYADERORE ĀĪ, WAAKŌĀYUPU. IRASIRIRIRE ĪĀRĀ, ĪĀĠUKA, MARĪPŪRE: “ŌĀTARIA MU, NEŌ ĀSŪ IRIRINORĒ ĪĀŅAMERĀ ĀĀRĪBŪ”, ĀRĪ, ŪSŪYARI SĪŅURĀ.

Jesús Levíre siiudea

(Mt 9.9-13; Lc 5.27-32)

13 PŪRU JESÚS DUPATURI DITARU TŪROGUE WAAYUPU. IROGUE WĀRĀ MASAKA ĪĠŪ PŪRO NERĒMAKŪ ĪĀĠŪ, ĪĠŪSĀRĒ BUEYUPU.

14 PŪRU IRO ĀĀRĀDI WAA, ALFEO MAGŪRĒ LEVĪ* WĀĪKŪGURE ĪĠŪ MOĀRĪ TARIBUGUE DOAGURE ĪĀYUPU. ĪĠŪ ROMANO MARĀ OPURE NIYERU WAJASEABOSAGU ĀĀRĪYUPU. JESÚS ĪĠŪRĒ ĪĀ:

—NĀKA, YU MERĀ! ĀRĪYUPU.

ĪĠŪ IRASŪ ĀRĪMAKŪ PĒGU, LEVĪ WĀGĀNUGĀ, ĪĠŪ MERĀ WAAKŌĀYUPU.

15 JESÚS LEVĪYA WIIGUE WAAMAKŪ ĪĀRĀ, WĀRĀ NIYERU WAJASEABOSARIMASĀ, GAJERĀ ŅERŌ IRIRĀDE ĪĠŪRĒ TŪYAŅURĀ. LEVĪYA WIIGUE EJA, JESÚS ĪĠŪSĀ MERĀ ĪĠŪ BUERĀ MERĀ BAA DOANÍYUPU.

16 JESÚS ĪĠŪSĀ MERĀ BAA DOANÍMAKŪ ĪĀRĀ, FARISEO BUMARĀ, MOISÉS GOJADEARE BUERIMASĀDE JESÚS BUERĀRĒ ĀSŪ ĀRĪŅURĀ:

—¿NASIRIGU MŪSĀRĒ BUEGU NIYERU WAJASEABOSARIMASĀ, ŅERŌ IRIRĀ MERĀ IIRĪ, BAARI?

17 ĪĠŪSĀ IRASŪ ĀRĪMAKŪ PĒGU, JESÚS ĀRĪYUPU:

—PŪRĪRĪ MARĪRĀ KŪRIRIMASŪRĒ ĀMABEMA. PŪRĪRIKURĀ GAPU ĪĠŪRĒ ĀMAMA. YU: “ŌĀRĀ ĀĀRĀ”, ĀRĪ GŪŅARĀRĒ SIIUGU AARIBIRIBU. “ŅERŌ IRIRĀ ĀĀRĀ”, ĀRĪ GŪŅARĀ GAPURE SIIUGU AARIBŪ, ĀRĪYUPU.

Jesúre bererimarē sērēñadea

(Mt 9.14-17; Lc 5.33-39)

18 JUAN BUERĀ, FARISEO BUMARĀDE BERERĀ IRIŅURĀ. IRASIRIRĀ GAJERĀ MASAKA JESÚS PŪRO EJA, ĪĠŪRĒ SĒRĒŅAŅURĀ:

* 2:14 Leví pe wāi opayupu. ĪĠŪTA MATEO WĀĪKŪYUPU.

–Juan buerã, fariseo bumarã buerire tɔyarãde Marĩpure buremurã bere-nama. ¿Nasirirã mu buerã gapu ïgũsã irirosũ iriberi?

¹⁹ Jesús ïgũsãrẽ yɔjɔyupɔ:

–Sugu mojosiadi bosenu irimakũ, ïgũ siiuanerã ïgũ merã ããrĩã, bere-birikuma.

²⁰ Pɔru ïgũrẽ gajerã ãĩãmakũ, buro bujawereri merã bererãkuma.

²¹ 'Masaka maama surĩro gasiro merã buɔũnerẽ seretũbirikuma. Irasũ seretũmakũ, maama gasiro ïgũsã koadero pɔru, tũãneeõ, buɔũnerẽ wãri gobe yeguenemomakũ irikoa.

²² Waimurã gasiri merã iridea ajuri buɔũ ajurigue maama igui dekore diribirikuma. Irasũ dirimakũ, maama igui deko pãmu, buɔũ ajuro sërãturabiri, ooreakõãkoa. Irasiriro igui deko, ajurode kõmokoã. Irasirirã maama igui dekore maama ajurogue diriro gããmea, ãrĩyupɔ†.

Siuñajãrĩnu ããrĩmakũ, Jesús buerã trigo yerire tãrĩdea
(Mt 12.1-8; Lc 6.1-5)

²³ Sunu, judío masaka siuñajãrĩnu ããrĩmakũ, Jesús trigo otedero watope waamakũ, ïgũ buerã trigo yerire tãrĩ, koro, baawãgãñurã‡.

²⁴ Fariseo bumarã, Jesús buerã irasirimakũ ïãrã, Jesúre ãrĩñurã:

–Ĩãka! ¿Nasirirã siuñajãrĩnurẽ moãdorebirikerepɔru, mu buerã irasũ yãri?

²⁵ Jesús ïgũsãrẽ yɔjɔyupɔ:

–¿Iripoegue opɔ David ïgũ merãmarã merã ɔaboagu, ïgũ irideare buebiriri?

²⁶ ïgũ merãmarã merã Marĩpɔya wiigue ñajãa, Marĩpɔ iũrõ peyari pã duparure baadi ããrĩmĩ. Abiatar paia opɔ ããrĩripoe irasiridi ããrĩmĩ. Marĩpɔ paia ããrĩmerãrẽ: “Iri pã duparure baabirikõãka!” ãrĩdi ããrĩmĩ. David gapu paia ããrĩbirikereɔ, irire baagu, Marĩpɔ iũrõ ïgũ dorerire tarinugãgũ meta iridi ããrĩmĩ, ãrĩyupɔ.

²⁷ Irasũ ãrĩ odo, ãsũ ãrĩyupɔ doja:

–Iripoegue Marĩpɔ masakaya ããrĩburire siuñajãrĩnurẽ ïgũsãrẽ pídi ããrĩmĩ. Masaka gapu inɔnorẽ ïgũsã iriburire doremasĩbema.

²⁸ Yu ããrĩpererã tĩgũ ããrĩsĩã, siuñajãrĩnurẽ masakare gajino ïgũsã iriburire doremasĩã, ãrĩyupɔ Jesús.

3

Jesús mojõ diíweredire taudea
(Mt 12.9-14; Lc 6.6-11)

¹ Gajinu Jesús judío masaka nerẽrĩ wiigue ñajãyupɔ doja. Iri wiigue sugu masakũ diayema mojõ gapu diíweredi ããrĩyupɔ.

² Fariseo bumarã, Moisés gojadeare buerimasã Jesúre ïãduripítaya: “Siuñajãrĩnu ããrã, irasirirã ñi mojõ diíweredire ïgũ taumakũ ïgũrẽ weresãrã!” ãrĩ gũñañurã.

³ Jesús mojõ diíweredire:

–Wãgãnugã, masaka iũrõgue ejanugãgũ aarika! ãrĩyupɔ.

⁴ Irasũ ãrĩ odo, gajerã iri wii ããrĩrãrẽ ãsũ ãrĩ sërẽñayupɔ:

–¿Siuñajãrĩnurẽ Marĩpɔ marĩrẽ ñeénorẽ iridoreyuri, õãrĩrẽ, o ñerĩrẽ, masakare taurire, o wějërĩrẽ?

Ïgũsã gapu ïgũrẽ yɔjubiriñurã.

† 2:22 Fariseo bumarã, Moisés gojadeare buerimasã iripoegue marã iriunadeama bueri, maama bueri merã buemorẽdamakũ ïãgã, irasũ ãrĩyupɔ Jesús. ‡ 2:23 Deuteronomio 23.25: Moisés gojadea pũgue ãsũ ãrĩ gojasũdero ããrĩbã: “Sugu masakũ gajigɔya pooegue waagã, ïgũya mojõrĩ merãta trigo yerire tãrĩ, koro, baaburo. Wiirimajĩ merã diti ããbirikõãburo”, ãrĩ gojasũdero ããrĩbã.

⁵ Irasirigu Jesús ĩgūsārē guari merā ĩāyupũ. ĩgūsā pémasĩduabirimakũ ĩāgũ, bujawereyupũ. Irasirigu mojõ diíweredire:

—Mũya mojõrē soeoka! āĩyupũ.

ĩgũ irasũ āĩĩmakũ pégu, soeoyupũ. ĩgũ soeomakũ, ĩgũya mojõ õākõāyuro.

⁶ Irire ĩārā, fariseo bumarā iri wiigüe āārānerā wiria, Herodes merāmarā merā nerē: “¿Nasirisĩā, marĩ ĩgũrē wējērākuri?” āĩ gāme werenĩñurā.

Jesús ditaru turogue wārā masakare buedea

⁷ Jesús gapũ ĩgũ buerā merā ditaru turogue waakõāyupũ. Gajerā masaka Galilea nikũ marā wārā ĩgũrē tũyañurā.

⁸ Judea nikũ marā, Jerusalén marā, Idumea nikũ marā, dia Jordán wāĩkũdiya gaji koepũ marā, gajerā Tiro, Sidón wāĩkũri makārĩ turo marāde Jesús iriri kerere pérā, ĩgũrē ĩārā ejañurā.

⁹⁻¹⁰ Jesús wārā pũĩrikurārē taugu iriyupũ. ĩgũ irasũ taumakũ ĩārā, āārĩpererā pũĩrikurā ĩgũ pũrogue ejanugāñurā ĩgũrē moāñamurā. Irasirigu, ĩgūsā wārāgora āārĩmakũ ĩāgũ, Jesús ĩgũ buerārē suru doódirure āmudoreyupũ, masaka ĩgũrē kũñarõgāgora ejanugābirikõāburo, āĩgũ.

¹¹ Wātēa ĩgũrē ĩā, ĩgũ ĩũrõ ñadukũpuri merā ejamejā:

—Mũ ũmũgasigüe marā Opũ magũ āārā, āĩ gainĩñurā.

¹² ĩgūsā irasũ āĩĩmakũ, Jesús wātēārē turaro merā:

—Yaamarē werenĩmerāta! āĩyupũ.

Jesús pe mojõma pere su gubu peru pērēbejarā ĩgũ buedoregu pĩmurārē beyedea (Mt 10.1-4; Lc 6.12-16)

¹³ Gajinũ Jesús buúru wekague mũrĩa, ĩgũ gāāmerārē siiuyupũ. ĩgũ siiumakũ pé, ĩgũ pũro nerēñurā.

¹⁴ Irasirigu Jesús pe mojõma pere su gubu peru pērēbejarā ĩgũ merā āārĩmurārē, Marĩpũya kerere ĩgũ buedoremurārē beyeyupũ.

¹⁵ ĩgūsārē ĩgũ turarire sĩyupũ, pũĩrikurārē tau, wātēa masakare ñajānerādere béowiuburo, āĩgũ.

¹⁶ Āsũ wāĩkũrā āārĩñurā: Simón wāĩkũgu āārĩyupũ. ĩgũrēta “Pedro” wāĩyeyupũ Jesús.

¹⁷ Gajigu Santiago, ĩgũ pagũmũ Juan ĩgūsā Zebedeo wāĩkũgu pũrā āārĩñurā. Jesús ĩgūsārē “Boanerges” wāĩyeyupũ. “Boanerges”, āĩrõ: “Bupua masā”, āĩduaro yāa.

¹⁸ Gajerā: Andrés, Felipe, Bartolomé*, Mateo, Tomás, Santiago āārĩñurā. Santiago, Alfeo magũ āārĩyupũ. Gajerā: Tadeo, Simón āārĩñurā. Simón, celote wāĩkũri bumũ āārĩyupũ.

¹⁹ Gajigu Judas Iscariote wāĩkũgu āārĩyupũ. ĩgũta Jesúre wējēduarāguere ĩgũrē ĩmubu āārĩyupũ.

Jesúre: “Wāĩ turari opami”, āĩ werewũadea

(Mt 12.22-32; Lc 11.14-23; 12.10)

Pũrũ Jesús ĩgũ buerā merā su wiigüe ñajāyupũ.

²⁰ Dupaturi wārā masaka ĩgũ pũro nerēñurā doja. Irasirigu Jesús, ĩgũ buerā merā baamasĩbiriypũ.

²¹ Jesúya wererā irasũ waarĩre pérā: “Niārõtārĩakõākumi”, āĩñurā. Irasirirā gajerogue ĩgũrē āĩaduārā ejadiñurā.

²² Gajerā Moisés gojadeare buerimasā Jerusalēgue merā aaranerā āsũ āārĩñurā:

* **3:18** “Bartolomé”, āĩrõ: “Tolomé magũ”, āĩduaro yāa. ĩgũta Natanael wāĩkũgu āārĩdi āārĩmĩ. San Juan 1.43-51: Jesús Natanaere siiudea kere āārā.

—Īi, wātēa opu Beelzebú ñajāsūdi āārīmi. Irasirigu Beelzebú turari merā wātēārē béowiumi, āriñurā.

²³ Īgūsā irasū ārīmakū pégu, Jesús masakare siiu, su keori merā āsū āri wereyupu:

—¿Nasirigu Satanás ĩgū basita béowiubokuri?

²⁴ Su nikū marā ĩgūsā basi dukawari gāmekēārā, preakōākuma.

²⁵ Su wii marā ĩgūsā basi dukawari gāmekēārā, preakōākuma.

²⁶ Satanás ĩgūyarā merā dukawari gāmekēāgū, ĩgū basita yuwarikudijakōākumi.

²⁷ Neō sugu masaku, turaguya wiire ĩgūrē siapuroribirikeregu, ĩgū oparire ēmagū ñajāmasībirikumi. ĩgūrē siadero purague merē ĩgūyare ēmamasīkumi, āriyupu. Jesús wātī nemorō turagu āārā, āriĩgū, irasū āriyupu.

²⁸ Pugu āsū ārīnemoyupu:

—Musārē diayeta werea. Marīpu āārīpereri masaka ñerō iririre, ĩgūsā ñerō āri werenīrīdere kātimasīmi.

²⁹ Ōāgū deyomarīgūrē ĩgūsā ñerō āri werenīmakū tamerārē neō kātibirikumi. Irasū waja opanīkōārākuma, āriyupu.

³⁰ ĩgūsā ĩgūrē: “Wātī ñajāsūdi āārīmi ĩi”, āri werewuari waja irasū āriyupu Jesús.

*Jesús pago ĩgū pagupūrā merā ĩgūrē ĩāgō ejadea
(Mt 12.46-50; Lc 8.19-21)*

³¹ ĩgū iro āārīripoe Jesús pago, ĩgū pagupūrā merā ejayupo. ĩgū āārīri wii disipurogueta ejanugāja, iro āārīrārē Jesúre siudoreñurā.

³² Irasirirā Jesús puro doarā ĩgūrē āriñurā:

—Mupo, mu pagupūrā disipurogue murē āmarā ejañurā.

³³ Jesús gapu āsū āriyupu:

—¿Noā āārīri yupo, yu pagupūrā?

³⁴ Iririre āri odo, ĩgū puro doarārē ĩā, āsū āriyupu:

—Īsā, yupo, yu pagupūrā irirosū āārīma.

³⁵ Marīpu gāāmerīrē irirāno, yu pagumu, yu pagumo, yupo irirosū āārīma, āriyupu.

4

*Jesús oterimasū keori merā buedea
(Mt 13.1-9; Lc 8.4-8)*

¹ Gajinu Jesús ditaru turogue buenugāyupu doja. Masaka wārā ĩgū puro nerēñurā. ĩgūsā wārā nerēmakū ĩā, Jesús doódirugue murīñajāa, eja doayupu. Masaka ĩmparogue dujanugāñurā ĩgū buerire pémurā.

² Irasirigu wāri keori merā ĩgūsārē āsū āri bueyupu:

³ —Ōārō péka! Sugu oterimasū ĩgū oterire otegu waakumi.

⁴ ĩgū irire meéwasiriwāgāmakū, gaji yeri maague yurikoa. Iro yuriadea yerire mirā eja, baapeokōākuma.

⁵ Gaji yeri ūtāyerikurogue yurikoa. Iro nikū sīmerērōgā āārīmakū, iri yeri mata puriadikoa.

⁶ Puriñajādi, puru abe asimakū nugūrī marīsīā, ñāi, boakōākoa.

⁷ Gaji yeri pora watopegue yurikoa. Pora gapu puritarimūrīa, iro yuridea yerire wējēkōākoa. Irasiriro duka marīrīta boakōākoa.

⁸ Gaji yeri ōārī nikūgue yurikoa. Iri yeri puri, masā, ōārō dukakukoa. Suñu treinta yeri, gajiñu sesenta yeri, gajiñu cien yeri dukakukoa, āriyupu.

⁹ Iririre were odo:

—Gāmpūrī oparā, yu wererire péduripika! āriyupu Jesús.

*Jesús buerā ĩgūrē: “ĭNasirigũ keori merā bueri?” ārī sērēñadea
(Mt 13.10-17; Lc 8.9-10)*

¹⁰ Masaka waadero pũũ, Jesús sugũta āārĩmakũ ĩārā, ĩgũ buerā pe mojõma pere su gubu peru pērēbejarā, gajerā ĩgũ merā āārĩrāde iri keori merā buead-eare:

—ĭNaāsũ ārĩduaro iriari, gũare mũ bueadea? ārĩñurā.

¹¹ Irasũ ārĩmakũ pégu, Jesús ĩgũsārē āriyupu:

—Marĩpu ĩgũyarārē doregu āārĩrĩrē iripoegue masĩbirideare mũsārē masĩmakũ yāmi. Yu gajerārē ĩgũrē bũremumerā gapũre keori merā dita buea.

¹² Irasirirā Marĩpu iririre ĩākererā, ĩāmasĩbema. ĩgũyare pékererā, õārõ pémasĩbema. Marĩpu, ĩgũsā ñerõ iriri gapũre pirimakũ ĩāgũ, kātibokumi, āriyupu.

*Jesús oterimasũ keori merā ĩgũ bueadeare: “Āsũ ārĩduaro yāa”, ārī weredea
(Mt 13.18-23; Lc 8.11-15)*

¹³ Jesús gaji ĩgũsārē ārĩnemoyupu doja:

—ĭMũsā, iri keori merā yu bueadeare pémasĩberĩ? Irire pémasĩmerā, ĭnasiri gaji gapũre pémasĩbokuri?

¹⁴ Marĩpũya kerere weregu, oteri yerire otegu irirosũ āārĩmi.

¹⁵ Surāyeri masaka bũriri maa irirosũ āārĩma. Marĩpũya kerere péadero pũũ, oteri yeri iri maague yuridea yerire mirā baapeoderosũ, wātēa opu Satanás aari, ĩgũsā péadideare ĩmapekõāmi.

¹⁶⁻¹⁷ Gajerā masaka ũtāyerikũri yeba irirosũ āārĩma. ĩgũsā Marĩpũya kerere ũsũyari merā péma. Irire pékererā, oteri yeri ũtāyerikũrogue yuriadero pũũ, puri nugũrĩ puriñajābiriderosũ waama. Irasirirā mérõgā pũũ ĩgũsā Marĩpũyare péduari waja gajerā ĩgũsārē ñerõ irimakũ ĩārā, o ñerõ tarirā, ĩgũsā péadeare pirikõāma.

¹⁸ Gajerā masaka porakũri yeba irirosũ āārĩma. Marĩpũya kerere péma. Irire pékererā, oteri yeri porakũrogue yuriadero pũũ, pora gapũ puri-tarimũrĩa wējēderosũ,

¹⁹ ĩũmũma gapũre bũro gũñarikũma. “Wāri oparā õārõ āārĩrākoa”, ārĩ gũñarĩ, gajinorē bũro gāāmenemorĩ Marĩpũya kerere péadideare kātimakũ yāa. Otediñu dukā marĩdiñu irirosũ dujama. Irasirirā Marĩpũyare iribema.

²⁰ Gajerā masaka õārĩ nikũ irirosũ āārĩma. Marĩpũya kerere õārõ péduripĩma. “Õāgorāa”, ārĩ, Marĩpũyare õārõ yāma. Irasirirā otediñu wāri dukakũrosũ āārĩma. Surāyeri treinta yeri, gajerā sesenta yeri, gajerā cien yeri dukakũrosũ āārĩma, āriyupu Jesús.

*Jesús sĩāgodiru keori merā bueadea
(Mt 5.15-16; Lc 8.16-18)*

²¹ Gaji Jesús ārĩnemoyupu doja:

—Masaka sĩāgodirure āĩa, dupa kũma dokague, o kārĩrõ dokaguedere píbirikuma. Ubu gapũ ũmarõgue siukuma, õārõ sĩāgoburo, ārĩrā.

²² Masaka ĩāberogue duripideare sĩāgorogue ĩāmasĩrõ irirosũ āārĩpereri masaka masĩbirideare masĩsũrokoa. Irasiro yayedea irirosũ neõ āārĩbirikoa.

²³ Gāmpūrī oparā, yu wererire õārõ péduripika!

²⁴ Irasũ ārĩ odo, āsũ ārĩnemoyupu doja:

—Mũsā périre õārõ pémasĩka! Mérõgā pémasĩduarā, mérõgā pémasĩrākoa. Wāro pémasĩduarā, wāro pémasĩrākoa. Marĩpu ĩgũya kerere mũsā pémasĩduaropā pémasĩrĩrē sĩgũkumi. Irasũ āārĩmakũ, wāro pémasĩduarārē sĩnemogũkumi.

²⁵ Irasirigu ĩgũya kerere õãrõ pémasĩrãrẽ wári pémasĩrĩ sĩnemogukumi. Gajerã pémasĩmerã gapure ĩgũsã pémasĩadideare êmasũrãkuma. Irasirirã neõ pémasĩmerã ããrĩrãkuma, ãrĩyupũ.

Oteri masãrĩ keori merã buedea

²⁶ Irasũ ãrĩ odo, gaji keori merã bueyupũ doja:

—Marĩpũ ĩgũyarãrẽ doreri ãsũ ããrã. Sugũ masakũ ĩgũya poeegue oteri yerire meéwasirigu irirosũ ããrã.

²⁷ ĩgũ irasũ meéwasiriadero purũ, ñami merã kãrĩkumi. Purũ boyoripoe yobekumi. Ëmurĩ, ñamirĩ tarikoa. ĩgũ oteadea yeri puri masãkoa. ĩgũ gapũ irire: “Irasũ waakoa”, ãrĩ masĩbirikumi.

²⁸ Iri yeri yeba poekague ããrĩsĩã, puri, pũrĩ wiripurori, purũ dupañerĩgã wiri, ðuka yeri deyoakoa. Purugue pama õãrõ ðuka buribejakoa.

²⁹ Iri buribeja odomakũ ãã, ĩgũrẽ moãboerãrẽ irire sea duripĩmurãrẽ iriukumi, ãrĩyupũ Jesús.

Jesús mostaza wãikuri yegã puri masãdea keori merã buedea
(Mt 13.31-32; Lc 13.18-19)

³⁰ Irasũ ãrĩ odo, gaji ãrĩnemoyupũ doja:

—Marĩpũ ĩgũyarãrẽ doreri, ¿ñeéno irirosũ ããrĩkuri? ¿Ñeéno keori merã weregũkuri?

³¹ I irirosũ ããrã. Suye oteriyerĩ mostaza wãikuri yegãrẽ oterosũ ããrã. Iri oteri yegã ããrĩpereri oteri yeri nemorõ mérĩ yegã ããrã.

³² Irasũ ããrĩkerero, otemakũ, purũ yukũ wãdi dupuri padi masãkoa. Irasirirã mirã irigu dupurigue, yusũrogue ĩgũsãya surĩ suakuma, ãrĩyupũ Jesús ĩgũ buerãrẽ, ĩgũsã merã ããrĩrãdere.

Jesús masakare keori merã buenadea
(Mt 13.34-35)

³³ Jesús masakare ãsũ buenayupũ. Marĩpũya kerere weregũ, wári keori merã masaka pémasĩrõgueta buenayupũ.

³⁴ ĩgũsãrẽ buegũ, keori merã dita buenayupũ. ĩgũ buerã merã dita ããrĩgũ gapũ: “Ãsũ ãrĩðuaro yãa iri”, ãrĩ werenayupũ ĩgũsãrẽ.

Jesús mirũ, makũrĩrẽ toemakũ irideia
(Mt 8.23-27; Lc 8.22-25)

³⁵ Jesús masakare oteri keori merã bueadeanũ naĩmejãripoe ĩgũ buerãrẽ ãsũ ãrĩyupũ:

—Nãka, ditaru sikoepugue taribujarã!

³⁶ ĩgũ irasũ ãrĩmakũ pé, masakare seretu, ĩgũ sãñadea doódirugue murĩñajãa, ĩgũrẽ ãĩ taribujakõãñurã. Gajerã gaji doóriduparu merã wapikũwãgãñurã.

³⁷ ĩgũsã taribujaripoe mirũ buru waa, makũrĩ ĩgũsãya doódirure páñajãmiũakõãdiyuro. Buru goero waayuro ĩgũsãrẽ.

³⁸ Jesús gapũ wejaturoma doaripẽrõgue peyari gasiro merã eõtú kãrĩbejakõãyupũ. Irasirirã ĩgũ buerã ĩgũrẽ ãsũ ãrĩ yobeñurã:

—¿Guare buegũ, mũ ããberĩ? Marĩ mirĩmurã yãa, ãrĩñurã.

³⁹ ĩgũsã irasũ ãrĩmakũ pégũ, Jesús wãgãnugã, mirũrẽ, makũrĩdere toedoreyupũ:

—Iropãta, toeaka! ãrĩyupũ. ĩgũ irasũ ãrĩmakũ, mirũ, makũrĩ buru waadea toedijapereakõãyuro.

⁴⁰ Purũ Jesús ĩgũ buerãrẽ ãrĩyupũ:

—¿Nasirirã güiri mũsã? ¿Yure buremurĩ opaberi dapa mũsã iropã güirã?

⁴¹ ĩgũsã gapũ buru gũka, ãsũ ãrĩ gãme werenĩñurã:

—¿Ñeémuno masakũ aãrĩrĩ ñĩ? Mirũ, makũrĩgueta ãgũrẽ tarinũgãbea, ãrĩñurã.

5

*Jesús Gerasamũrẽ wãtẽa ñajãnerãrẽ béowiudea
(Mt 8.28-34; Lc 8.26-39)*

¹ Jesús ãgũ buerã merã ditarure taribuja, Gerasa* marãya nikũgue ejayupũ.

² Jesús doódirugue aãrãdi majãnũgãripoe sugũ masakũ wãtĩ ñajãsũdi, masãgoberi watopegue aãrãdi Jesúre bokatĩrĩyupũ.

³ ãgũ masãgoberi watopegue aãrĩgũ aãrĩyupũ. Neõ sugũ ãgũrẽ pũguburi merã, kõmedari merãdere siapĩmasĩbiriñurã.

⁴ Wári ãgũya guburire, mojõrĩdere kõmedari merã siapĩnadiñurã. ãgũsã siapĩrikũ, ãgũsã siadeadarire tũãtawasiri béonokõãyupũ. Neõ sugũ ãgũrẽ tarinũgãmasĩbiriñurã.

⁵ Ëmurikũ, ñamirikũ buurĩgue, masãgoberi watopegue gainĩgorenayupũ. ãgũ basita ãtãyeri merã ãgũya dupare pá kãmitúnayupũ.

⁶ Jesúre yoarogueta ããgũ, ãmawãgãri, ãgũ ãũrõ ñadũkupuri merã ejamejãyupũ.

⁷⁻⁸ Jesús ãrĩyupũ:

—Wãtĩ, mũ ñajãdire wirika!

Irasũ ãrĩmakũ pégu, bũro gainĩrĩ merã ãsũ ãrĩyupũ:

—Jesús, ãmũgasigue aãrĩpererã nemorõ turagu magũ, ¿nasiribu yári mũ yure? Mũpũ ãmũgasigue aãrĩgũ péuro mũrẽ sërëa. Yure poyarikũmakũ iribirikõãka!

⁹ Jesús ãgũrẽ sërëñayupũ:

—¿Naásũ wãĩkũri mũ?

—Wárã aãrã gua. Irasirigu Legión wãĩkua yũ, ãrĩyupũ.

¹⁰ Irasũ ãrĩ odo, Jesúre bũro sërëyupũ doja:

—Gũare i nikũrẽ béowiubirikõãka! ãrĩyupũ.

¹¹ Iro buúru pũro wárã yesea ãma baarã iriñurã.

¹² ãgũsãrẽ ãrã, wãtẽa Jesúre sërëñurã:

—Gũare yeseagũ ñajãdoregu iriuka!

¹³ —Jáũ, ãgũsãrẽta ñajãrã waaka! ãrĩyupũ Jesús wãtẽãrẽ. ãgũ irasũ ãrĩmakũ, masakũguere aãrãnerã wiria, yesea dos mil aãrĩrãrẽ ñajãñurã. ãgũsã ñajãmakũ, yesea ãma mirëbuáa, ditarugue meébia dijáa, mirĩ boapereakõãñurã.

¹⁴ Irasũ waamakũ ãrã, yeseare korerimasã gũkari merã ãmadujáa, ãgũsãya makã marãrẽ, iri makã tũro marãdere wererã waañurã. ãgũsã weremakũ pérã, masaka aãrĩpererã: “¿Naásũ waáayuri?” ãrĩ, ãrã ejañurã.

¹⁵ Jesús pũro ejarã, wãtẽa ñajãsũdi aãrãdire iro doagũre ããñurã. Surĩro sãñadi, õãrõ pémasĩrĩ merã aãrĩyupũ. Masaka ãgũrẽ ãrã, bũro gũiñurã.

¹⁶ Jesús masakũre wãtẽãrẽ béowiudeare ããnerã yeseare waadeadere wereñurã.

¹⁷ Irire pérã, Gerasa marã Jesúre: “Waaka gũaya nikũrẽ!” ãrĩñurã.

¹⁸ ãgũsã irasũ ãrĩmakũ pégu, Jesús doódirugue mũrĩñajãyupũ. ãgũ mũrĩñajãmakũ, wãtẽa ñajãsũdi aãrãdi Jesúre: “Yũde mũ merã waadũakoa”, ãrĩ sërëadiyupũ.

¹⁹ ãgũ irasũ ãrĩmakũ pégu, Jesús ãgũrẽ ãsũ ãrĩyupũ:

—Yũ merã waabirikõãka! Mũya wiigue goedujáaka! Mũrẽ mũ Opũ õãrõ iriadeare, ãgũ bopoñarĩ merã ããdeare mũya wii marãrẽ weregu waaka! ãrĩyupũ.

* 5:1 Gerasa, Gadara wãĩkũri makãrĩ Decápolis wãĩkũri nikũgue aãrĩyuro.

20 Īgũ irasũ āřĩmakũ pégu, Decápolis† wāĩkurogue waa, iroma makārĩ marārē āārĩpereri Jesús ĩgũrē irideare werenugāyupũ. Āārĩpererā ĩgũ wererire pérā, pégakakōāñurā.

Jesús Jairo magōrē, gajego nomeō ĩgũya surĩrore moāñagōrē taudea
(Mt 9.18-26; Lc 8.40-56)

21 Jesús Gerasa marāya nikũgue āārādi doódirugue mũrĩñajāa, gaji koepugue taribujakōāyupũ. ĩgũ iroque ejamakũ ĩā, ditaru turogue wārā masaka ĩgũ pũro nerēñurā.

22 ĩgũ iroque āārĩripoe sugũ judío masaka nerērĩ wii oparā merāmũ Jairo wāĩkugũ ejayupũ. Jesúre ĩāgũ, ĩgũya guburi pũro ñadukupuri merā ejamejāa, ĩgũrē bũro sērēyupũ:

23 —Yũ magō kōmobogue iriamo. Mũya mojōrĩ merā ñapeo, igore taugũ aarika! Mũ irasirimakũ, okagokumo, āřĩyupũ.

24 ĩgũ irasũ āřĩmakũ pégu, Jesús ĩgũ merā waayupũ. ĩgũ waamakũ, wārā masaka ĩgũrē kũñarōgā tuuyañurā.

25 ĩgũsā watopegue sugo nomeō pe mojōma pere su gubu peru pērēbejari bojorigora dí wiriri merā pũřĩrikũgo āārĩyupo.

26 Wārā kũririmasā igore kũrikerepũ, neō taribiriyuro. Igo niyeru opa-dideare āārĩpereri ĩgũsārē wajaripeokerepũ, sōō gapũ bũro waayuro.

27-28 Igo, Jesús pũřĩrikũrārē taurire péyupo. Irasirigo masaka watopegue waa: “ĩgũya surĩrore yũ moāñamakũ, pũřĩrĩ yũre tarirokoa”, ārĩ gũñarĩ merā, Jesús pũrupũ gapũ ejanugā, ĩgũya surĩrore moāñayupo.

29 Mata igo dí wiriadea tariakōāyuro. “Yũre pũřĩrĩ tarikoa”, ārĩ péñayupo.

30 Igo moāñamakũta, Jesús ĩgũ turaro merā sugo pũřĩrikũgore tauadeare masĩkōāyupũ. Irasirigũ masakare gāmenugā ĩā:

—¿Noā yaa surĩrore moāñarĩ? āřĩyupũ.

31 ĩgũ irasũ āřĩmakũ pérā, ĩgũ buerā ĩgũrē ārĩñurā:

—¿Mũ ĩāberi? Wārā masaka mũrē kũñarōgā tuuyama. ¿Nasirigũ ĩgũsārē: “¿Noā yũre moāñarĩ?” ārĩ sērēñarĩ?

32 Jesús gapũ masaka āārĩpererārē ĩāyupũ, ĩgũrē moāñadeore ĩābokabu.

33 Jesús igo pũřĩrikũri tariadeare masĩmakũ ĩā, gũi naradari merā ĩgũya guburi pũro ñadukupuri merā ejamejā, āārĩpererire diaye ārĩrĩ merā werepeokōāyupo.

34 Jesús igore āřĩyupũ:

—Mũ yũre bũremurĩ opāa. Irasirigo mũ pũřĩrikũrere tausũa. Ũsũyari merā waaka! Mũ pũřĩrikũadea tariakōāa, āřĩyupũ.

35 Jesús irasũ ārĩripoe Jairoya wiigũe āārānerā ejañurā:

—Mũ magō kōmoakōāmo. Iropāta marĩrē buegũre garibonemoka! ārĩñurā.

36 ĩgũsā irasũ ārĩkerepũ, Jesús Jairore āsũ āřĩyupũ:

—Gũibirikōāka! Bũremurĩ opaka yũre!

37 Irasirigũ Jesús masakare: “Aaribirikōāka!” ārĩ, Pedro, Santiago, ĩgũ pagũmũ Juārē siiu, Jairoya wiigũe ĩgũsā merā waayupũ.

38 Iri wiigũe ejagũ, wārā masaka bũro bũsũro orerārē bokajayupũ.

39 Jesús, wiigũe ñajāa, ĩgũsārē āsũ āřĩyupũ:

—¿Nasirirā musā iropā bũsũro oreri? Igo majĩgō boabemo. Kārĩgō yámo.

40 ĩgũ irasũ āřĩmakũ pérā, ĩgũrē buriñurā. Irasirigũ Jesús āārĩpererārē wiri-adoreyupũ. ĩgũsā wiriadero pũrũ, majĩgō pagũsāmarārē, ĩgũ merāmarārē igo peyarogue siiu ñajāyupũ.

† 5:20 Gerasa, Gadara wāĩkũri makārĩ Decápolis wāĩkũri nikũgue āārĩyuro.

41 Ñajāja, igoya mojõrẽ ñeã, igore:

–Talita, cumi, ãrĩyupũ. “Talita, cumi”, ãrĩrõ: “ ‘Majĩgõ, wãgãñugãka!’ ãrã”, ãrĩduaro yáa.

42 Ìgũ irasũ ãrĩmakũta, majĩgõ wãgãñugã, waamasĩyupo. Igo pe mojõma pere su gubu peru pẽrẽbejari bojori opago ããrĩyupo. Masaka, igo masãmakũ ããrã, ããgũkatariakõãñurã.

43 Jesũs gapũ ãgũsãrẽ turaro merã:

–Igo masãdeare gajerãrẽ werebirikõãka! ãrĩyupũ. Irasũ ãrĩ odo, igo pagũsãmarãrẽ: “Igorẽ baari ejoka!” ãrĩyupũ.

6

Jesũs Nazaretgue goedujáadea (Mt 13.53-58; Lc 4.16-30)

1 Purũ Jesũs iro ããrãdi ãgũya nikũgue goedujáayupũ. Ìgũ buerãde ãgũ merã waañurã.

2 Judío masaka siuñajãrĩnũ ããrĩmakũ, Jesũs ãgũsã nerẽrĩ wiigũe ñajãa, masakare buenũgãyupũ. Wãrã masaka iro ããrĩrã ãgũ buemakũ pãrã, pãgũkakõãñurã:

–¿Noógũe bueyuri ñi iropã masĩbu? ¿Noã ãgũrẽ iropã masĩrĩrẽ sũyuri, ãgũ turari merã iri ãmuburire?

3 Ìi taboa merã gajino irigũ ããrĩmi. María magũ, Santiago, José, Simón, Judasã tĩgũ ããrĩmi. Ìgũ pagũpũrã nomede õõ marĩya makãta ããrĩma, ãrĩ gãme werenĩñurã ãgũsã basi. Irasirirã ãgũrẽ bũremudũabirĩñurã.

4 Jesũs gapũ ãgũsãrẽ ãrĩyupũ:

–Ããrĩpererogue sugũ Marĩpũya kerere weredupuyugũre gajerã bũremuma. Ìgũya nikũ marã, ãgũya wererã, ãgũya wii marã gapũ ãgũrẽ bũremubema, ãrĩyupũ.

5 Irasirigũ iro ããrĩgũ, wãri Marĩpũ turari merã iri ãmubiriyupũ. Surãyerita pũrĩrikũrãrẽ ãgũya mojõrĩ merã ñapeo tauyupũ.

6 Iro marã ãgũrẽ bũremubirimakũ ããgũ, gũkatariakõãyupũ. Purũ iri makã tũroma makãrĩ marãrẽ buegũ waayupũ.

Jesũs ãgũ buerãrẽ buedoregũ iriudea (Mt 10.5-15; Lc 9.1-6)

7 Irasirigũ Jesũs ãgũ buerã pe mojõma pere su gubu peru pẽrẽbejarãrẽ siiu neõ: “Yũ turari merã wãtãa masakare ñajãnerãrẽ béowiurã waaka!” ãrĩ, ãgũsã ããrĩpererãrẽ pãrã dita dukawa iriuyupũ.

8 Ìgũsãrẽ iriugũ, gajino baari, aju, niyeru ããadorebiriyupũ. Ìgũsã tuari yuku direta ããadoreyupũ.

9 Ìgũsã sãñarĩ merã dita waadoreyupũ. Gaji ãgũsã surĩ sãñaburi ããadorebiriyupũ.

10 Ìsũ ãrĩyupũ:

–Sugũ mũsãrẽ õãrõ bokatĩrĩñeãmakũ, ãgũya wiita dujaka! Iri makãrẽ wiri waarãgue iri wiire wirika!

11 Su makã marã mũsãrẽ gããmëbirimakũ ããrã, mũsã werenĩrĩrẽ pãdũabirimakũ ããrã, iri makãrẽ tariwãgã, iri makãma nikũwera mũsãya guburigue tuadeare mojẽbéokõãka! Ìgũsã mũsãrẽ gããmëbiri waja irasirika, ãgũsãrẽ Marĩpũ wajamoãburire pãmasĩburo, ãrĩrã! Yũ mũsãrẽ diayeta werea. Marĩpũ ããrĩpererã ñerãrẽ wajamoãrĩnũ ejamakũ, Sodoma, Gomorra marãrẽ wajamoãrõ nemorõ ãgũsãrẽ wajamoãgũkumi, ãrĩyupũ.

¹² Īgũ irasũ ārãdero pũru, waakõãñurã. Waa, masakare: “Musã ñerõ irideare bujawereka! Musã gũñarĩrẽ gorawayuka!” ārĩñurã.

¹³ Irasũ āārĩmakũ, wárã wātẽa masakare ñajãnerãrẽ béowiuñurã. Wárã pũrĩrikurãrẽ uye merã wũkã, tauñurã.

*Juan masakare wãiyerimasũ boadea
(Mt 14.1-12; Lc 9.7-9)*

¹⁴ Āārĩperero marã masaka Jesús ĩgũ iriri kerere péseyakõãñurã. Herodes, Galilea nikũ marã opude péyupũ. Irire pégu, ãsũ ārĩyupũ:

–Juan masakare wãiyerimasũ boadigue masãdi āārĩkumi. Irasirigu turari merã wári iri ĩmurĩrẽ irikumi, ārĩyupũ.

¹⁵ Gajerã gapũ ārĩñurã:

–Īgũ, Elías iripoegue Marĩpũya kerere weredupuyudi āārĩkumi.

Gajerã ārĩñurã:

–Īgũ, sugũ iripoeguemu, Marĩpũya kerere weredupuyudi irirosũ āārĩgũ āārĩkumi, ārĩñurã.

¹⁶ Herodes irire pé, ãsũ ārĩyupũ:

–Īgũ, Juan āārĩkumi. Yũ ĩgũrẽta ĩgũya dipurure dítítádorebũ. Daporare dupaturi masãkumi doja, ārĩyupũ.

¹⁷⁻¹⁸ Juan boaburi dupuyuro Herodes ĩgũ pagũmũ Felipe marãpore ěma, igore marãpokũdi āārĩmĩ. Igo Herodías wãikũdeo āārĩmó. Īgũ irasirimakũ ĩã, Juan Herodere:

–Mũ pagũmũ marãpore marãpokũgu, Marĩpũ dorerire tarinũgãgũ yáa, ārĩdi āārĩmĩ. Īgũ irasũ ārĩrĩ waja Herodes ĩgũyarã umarẽ Juãrẽ peresu iridoredi āārĩmĩ.

¹⁹⁻²⁰ Herodías gapũ Juãrẽ pũrĩsũgũ ĩãdeo āārĩmó. Irasirigo ĩgũrẽ wẽjẽduadeo āārãdimó. Herodes gapũ Juãrẽ: “Ōãrĩrẽ irigu, ōãgũ āārĩmi”, ārĩ gũña, bũremurĩ merã ĩgũrẽ gũidi āārĩmĩ. Juan weremakũ pégu, bũro gũñarĩkũdi āārĩmĩ. Irasũ gũñarĩkũkeregũ, usũyari merã ĩgũ wererire pẽdi āārĩmĩ. Irasirigu ĩgũrẽ wẽjẽdorebiridi āārĩmĩ. Irasirigo Herodías ĩgũrẽ wẽjẽduakerego, wẽjẽdoremasĩbirideo āārĩmó.

²¹ Pũrũ Herodías ĩgũrẽ wẽjẽduadeo āārĩsĩã, ōãrõ bokadeo āārĩmó. Herodes ĩgũ deyoadeanu āārĩmakũ, ĩgũya nikũ marã oparãrẽ, ĩgũyarã surara oparãrẽ, gajerã Galilea marã oparãdere siu, ĩgũsã merã bosebaadi āārĩmĩ.

²² Īgũ siuanerã merã baari taribugue baaripoe Herodías magõ ñajãa, ĩgũsã ĩũrõ baya ĩmudeo āārĩmó. Igo baya ĩmumakũ ĩãrã, Herodes, ĩgũ siuanerãde usũyanerã āārĩmã. Irasirigu Herodes igore ārĩdi āārĩmĩ:

–Mũ gããmerĩnorẽ sërẽka yũre! Mũ sërẽrĩrẽ mũrẽ sĩgũra, ārĩdi āārĩmĩ.

²³ Irasirigu iro āārĩrã péuro: “Ārĩgatoro marĩrõ mũ sërẽrõsũta mũrẽ sĩgũkoa. Yũ opari, yaa nikũ āārĩrĩ deko ejatuaropã mũrẽ sĩgũkoa”, ārĩdi āārĩmĩ.

²⁴ Īgũ irasũ ārĩmakũ pégo, igo pago pũro waa, sërẽñãdeo āārĩmó:

–¿Ñeéonorẽ sërẽgokuri yũ?

–Juan masakare wãiyerimasũya dipurure sërẽka! ārĩ yũjũdeo āārĩmó.

²⁵ Igo pago irasũ ārĩmakũ pégo, mata opũ Herodes pũrogo waa, ĩgũrẽ ārĩdeo āārĩmó:

–Daporata Juan masakare wãiyerimasũya dipurure dítítã, soropa wáripa merã sĩmakũ gããmekoa.

²⁶ Igo irasũ ārĩmakũ, opũ Herodes bũro bujaweredi āārĩmĩ. Īgũ siuanerã péuro: “Mũ sërẽrĩrẽ mũrẽ sĩgũra”, ārãdi āārĩsĩã, gũyasĩrĩgũ, igore: “Mũ sërẽrĩrẽ sĩbirikoa”, ārĩmasĩbiridi āārĩmĩ.

27 Irasirigu mata ĩgũyagu surarare peresu iriri wiigue Juãya dipurure dititá ãĩwãgãridoregu iriudi ããĩĩmĩ.

28 Irasirigu surara irogue waa, Juãya dipurure dititá, soropa merã ãĩadi ããĩĩmĩ. ãĩja, Herodías magõrẽ wiadi ããĩĩmĩ. ĩgũ igore iripare wiamakũ, ñeã, igo pagore ãĩa sĩdeo ããĩĩmó.

29 Juan buerã ĩgũrẽ waadea kerere pérã, irogue waa, ĩgũya dupure ãĩwãgã, yáañurã.

*Jesús cinco mil ãmarẽ baari ejodea
(Mt 14.13-21; Lc 9.10-17; Jn 6.1-14)*

30 Jesús ĩgũyare buedoregu iriuanerã ĩgũ puro goedujajarã, ĩgũsã iriadeare ĩgũsã masakare buedeare werepeokõãñurã.

31 ĩgũsã goedujajadero puru, wárã masaka ĩgũsã puro gãmeñajãrã ejañurã. Irasirirã Jesús buerã baamasĩbiriñurã. Irasirigu Jesús ĩgũsãrẽ:

—Náka, marĩ dita masaka marĩrõgue siuñajãrã! ãĩyupũ.

32 Irasirigu Jesús ĩgũ buerã merã doódirugue murĩñajãa, ĩgũsã dita masaka marĩrõgue waakõãñurã.

33 ĩgũsã waamakũ ĩãrã, wárã masaka Jesúre ĩãmasĩñurã. Irasirirã ããĩĩpereri makãrĩ marã maague waa, Jesús ejaburogue ãmajasiañurã.

34 Jesús doódirugue sãñadi majãnugãja, wárã masakare ĩãyupũ. ĩgũsãrẽ ĩãgũ: “ĩĩsã oveja sugũ ĩgũsãrẽ koregu opamerã irirosũ ããĩĩma”, ãrĩ gũñayupũ. Irasirigu ĩgũsãrẽ bopoñarĩ merã ĩã, wári buenugãyupũ.

35 Ñamika ããĩĩmakũ, Jesús buerã ĩgũ puro waa, ĩgũrẽ ãĩĩñurã:

—Õõ masaka marĩrõgue ããrã. Ñamikague ããĩĩsíaa.

36 Irasirigu masakare waadoreka! Makãĩgue, makãrĩ tũroma wiirigue baari wajarirã waaburo. Marĩ õõguere baari opabea, ãĩĩñurã.

37 Jesús gapũ:

—Musã ĩgũsãrẽ baari sĩka! ãĩyupũ.

Ĩgũ irasũ ãĩĩmakũ pérã:

—¿Gua ĩgũsã baaburire wajarirã waamakũ gããmekuri? ĩgũsã baaburi do-scientos narĩ moã wajataropã wajakũrokoa, ãĩĩñurã.

38 Jesús ĩgũsãrẽ ãĩyupũ:

—¿Diĩku pã duparu opari musã? ĩãrã waaka!

—Jãũ, ãrĩ, baarire ĩãrã waa:

—Su mojõma pã duparu ããrã, waaĩ pãrãta ããĩĩma, ãĩĩñurã.

39 Irasirigu Jesús ĩgũsãrẽ ãĩyupũ:

—Masakare tá weka boje yebori dita doayodoreka!

40 Irasirirã su yebore cien, gaji yebore cincuenta doajañurã. ããĩĩpererã irasũ dita doajañurã.

41 ĩgũsã eja doaperemakũ, Jesús su mojõma pã duparu, pãrã waairé ãĩ, ãmugasigue ĩãmu, Marĩpure: “Murẽ usuyari sĩa”, ãĩyupũ. ãrĩ odo, iri pã duparure pea, ĩgũ buerãrẽ sĩyupũ, masakare gueredoregu. Waaĩdere irasũta iriyupũ, ããĩĩpererãrẽ gueredoregu.

42 Irasirirã ããĩĩpererã õãrõ baayapiakõãñurã.

43 Puru ĩgũsã baadũãadeare Jesús buerã seasãrã, pe mojõma pere su gubu peru pãrẽbejari puuirigora utũudoboñurã.

44 Pã duparure baanerã: nome, majĩrã keoña marĩrõ ãma direta keomakũ, cinco mil gora ããĩĩñurã.

*Jesús deko weka waadea
(Mt 14.22-27; Jn 6.16-21)*

⁴⁵ Puru Jesús ĩgũ buerãrẽ doódirugue murĩñajãdore, Betsaida wãĩkuri makãgue ĩgũ dupuyuro taribujadoreyuru. ĩgũsã taribujaripoe Jesús masakare: “Ōãrõ waaka!” ãrĩ seretuyuru.

⁴⁶ Seretu odo, buúrugue Marĩpũre sërẽgũ murĩayuru.

⁴⁷ Naĩwãgãrripoe Jesús sugata buúru wekague ããrĩyuru. ĩgũ buerã gapũ ditaru dekogora ããrĩñurã.

⁴⁸ Mirũ ĩgũsãrẽ taribujamasĩña marĩrõ ĩgũsã diaye wějẽpumakũ ĩãyuru Jesús. Puru boyo murĩrripoe ditarugue buaja, deko weka ĩgũsã puro aari, ejanugã, ĩgũsãrẽ tariwãgãbu irirosũ iriyuru.

⁴⁹ ĩgũ irasũ deko weka ejanugãmakũ ĩãrã: “Masakũ boadi wãtĩ ããrĩmi”, ãrĩ gũña, buro gũkari merã gainĩñurã.

⁵⁰ ããrĩpererã ĩgũrẽ ĩãrã, buro gũkãñurã. ĩgũsã gũkamakũ ĩãgũ, mata Jesús ĩgũsãrẽ ãrĩyuru:

—Gũñaturaka! Yuta ããrã. Güimerãta!

⁵¹ ĩgũ irasũ ãrãdero purũ, ĩgũsã sãñadiru doódirugue murĩñajãyuru. ĩgũ murĩñajãmakũta, mirũ toeakõãyuro. Irasũ waamakũ ĩãrã, ĩãgũkatariakõãñurã.

⁵² ĩgũ pã duparure Marĩpũ turari merã iri ĩmuadeare pémasĩbiriñurã. ĩgũyamarẽ õãrõ pémasĩturabiriñurã.

*Jesús Genesaret marãrẽ pũrĩrikũrãrẽ taudea
(Mt 14.34-36)*

⁵³ Jesús doódirugue murĩñajãmakũ, ĩgũ merã taribuja, Genesaret* wãĩkuri nikũgue eja, doódirure siatúpau majãkõãñurã.

⁵⁴ ĩgũsã majãmakũ, mata masaka Jesũre ĩãmasĩñurã.

⁵⁵ Irasirirã ĩgũsãya nikũ ããrĩpererogue ũmawãgã, pũrĩrikũrãrẽ ĩgũsã peyari merãta ĩgũ ããrĩrõgue ãĩjañurã.

⁵⁶ ããrĩperero ĩgũ waaró ĩgũ ejaburi dupuyuro paga makãrĩ marã, matã makãrĩgã marã, makãrĩ tũro marãde pũrĩrikũrãrẽ wiiri disipũrorigue ãĩwiupĩñurã. ĩgũsã puro ĩgũ ejamakũ ĩã, ĩgũrẽ:

—Mũya surĩro yuwa direta ĩgũsãrẽ moãñadoreka! ãrĩ sërẽñurã. Irasirirã ããrĩpererã ĩgũya surĩrore moãñarã ĩgũsã pũrĩrikũadeare tarisũñurã.

7

*Masakare ñerã waamakũ iririre buedea
(Mt 15.1-20)*

¹ Pũrũ fariseo bumarã, Moisés gojadeare buerimasãde Jerusalẽgue ããrãnerã eja, Jesús puro nerẽñurã.

² Irasũ nerẽrã, ĩgũsã: “Baaburi dupuyuro mojõkoeka!” ãrĩdeare surãyeri Jesús buerã mojõkoero marĩrõ baamakũ ĩãrã, ĩgũsãrẽ werewũãñurã.

³ Fariseo bumarã, ããrĩpererã judío masaka ĩgũsã ñekũsãmarã iriunaderosũ ĩgũsãya mojõrĩrẽ mojõkoepũrori baanañurã.

⁴ ĩgũsã baari duarogue ejanerãde mojõkoepũrorisĩã, baanañurã. Wãri gaji ĩgũsã ñekũsãmarã iriunadeare iritũyañurã. Irasirirã ĩgũsã ñekũsãmarã: “Ãsũ dita irika!” ãrĩdeare irirã, ĩgũsã iirĩriduparure, ĩgũsã iirĩburi duripĩriduparure, ĩgũsãya kõmesororire, ĩgũsã doaripẽrĩrẽ koenañurã.

⁵ Irasirirã fariseo bumarã, Moisés gojadeare buerimasãde Jesũre ãsũ ãrĩ sërẽñañurã:

—¿Nasirirã mũ buerã marĩ ñekũsãmarã iriunaderosũ baaburi dupuyuro mojõkoeberi? ãrĩñurã.

* 6:53 Genesaret wãĩkuri nikũ, Galilea wãĩkuri ditaru tũro ããrĩyuro.

⁶ Jesús ìgùsàrē àrìyupù:

—Mùsà masaka ìãberogue ñerō iririkurā, irigatorikurā àãrā. Iripoegue Marìpùya kerere weredupuyudi Isaiás mùsà dapora irigatorire gojagù, di-ayeta àsù àrì gojadi àãrìmì:

Masaka ìgùsàya disi merā yure òàrō werenikererā, ìgùsàya gũñarìgue yure neō burremubema.

⁷ Irasiriro ìgùsà yure burremurā nerērì wajamāa. Ìgùsà bueri, yu doreri meta àãrā. Masaka doreri àãrā, àrì gojadi àãrìmì.*

⁸ Irasirirā mùsà ñekùsāmarā iriunaderosù irimurā Marìpù dorerire pirikōāa, àrìyupù Jesús.

⁹ Àsù àrìnemoyupù doja:

—Mùsà ñekùsāmarā doredeare irituyarā, Marìpù doreri gapure béokōāa.

¹⁰ Iripoegue Moisés àsù àrì gojadi àãrìmì: “Mupure, mupore burremuka! Sugù ìgù pagùsāmarārē ñerō werenìgù wējēdoresùgukumi”, àrì gojadi àãrìmì.

¹¹ Mùsà gapù masakare àsù àrì buea: “Sugù ìgù pagure, o ìgù pagore: ‘Yu mùsàrē siboadeare Marìpùre sìpeokōābu. Irasirigù mùsàrē iritamumasìbirikoa’, àrìmakù òāgorāa”, àrì buea.

¹² Mùsà masakare irasù àrì buerā, masakare ìgùsà pagùsāmarārē iritamu-birimakù yāa.

¹³ Irasirirā mùsà ñekùsāmarā pídeare gajerārē irire irituyadorerā, ìgùsàrē Marìpù doreri gapure ubu ìāmakù yāa. Gaji wári irinorē yāa, àrìyupù Jesús fariseo bumarārē.

¹⁴ Irasù àrì odo, Jesús masakare siiu, àsù àrìyupù:

—Yu wererire àãrìpererā òàrō pékùñnú, péka!

¹⁵ Masakaya disigue ñajāri ìgùsàrē ñerā waamakù iribea. Ìgùsàya disi wiriri gapù, ìgùsàrē ñerā waamakù yāa.

¹⁶ Gānipūrì oparā, yu wererire péduripíka! àrìyupù.

¹⁷ Pùrù Jesús masaka merā àãrādi, wiigùe ñajākōāyupù. Irogue ìgù buerā ìgù keori merā wereadeare sērēñañurā.

¹⁸ Ìgùsà sērēñamakù pégu, àrìyupù:

—¿Mùsāde pémasìberi dapa? Àãrìpereri baari masakaya disigue ñajāri, ìgùsàrē ñerā waamakù irimasìbea. ¿Irire pémasìberi mùsà?

¹⁹ Ìgùsà baadea ìgùsà gũñarìgue ñajābea. Ìgùsàya paru gapù ñajāa, pùrù tariwiria, àrìyupù. Irire àrìgù: “Àãrìpereri baari òārì àãrā”, àrìgù iriyupù.

²⁰ Gaji àrìnemoyupù doja:

—Masaka ìgùsà gũñarìguere opari gapù, ìgùsàrē ñerā waamakù yāa.

²¹ Ìgùsà gũñarìgue ñerì oparā, àsù àãrìma. Ñerì gũnarā, gajerā marāposā nomerē gāmebirarā, nome merā ñerì iririkurā, masakare wējēbéorā,

²² gajerāyare yajarā, gajigù oparinorē buro ùaribejarā, gajerārē ñerō irirā, àrìgatorā, ñerā, gajino oparārē ìaturirā, gajerārē ñerō kere wererā, “Gajerā nemorō àãrā yu”, àrì gũñakererā pémasìrì marìrō irirā àãrìma.

²³ Iri àãrìpereri ñerì masaka gũñarìgue opari ìgùsàrē ñerā waamakù yāa, àrìyupù Jesús ìgù buerārē.

*Judío masako àãrìbeo Jesúre burremudea
(Mt 15.21-28)*

²⁴ Pùrù Jesús iro àãrādi waa, Tiro, Sidón wāikuri makārì turogue ejayupù. Irogue eja, su wiigùe ñajāyupù masaka ìgù àãrìrōrē masìbirikōāburo, àrìgù. Irasirikeregù, masìkōāsùyupù.

* 7:7 Is 29.13

²⁵ Sugo nomeõ wātī ñajāsũdeo pago ĩgũ ejadeare pégo, mata ĩgũ puro waa, ĩgũya guburi puro ñadukupuri merã ejamejãyupo.

²⁶ Igo judío masako ããrĩbeo ããrĩyupo. Igo deyoadea makã Sirofenicia wãĩkuri makã ããrĩyuro. Jesús puro ñadukupuri merã ejamejãja, ĩgũrẽ sërẽyupo:

—Wātĩrẽ béowiuka yu magõrẽ! ãrĩyupo.

²⁷ Jesús igore ãrĩyupu:

—Wii opu pũrã baarire ĩma, diayéare ejomakũ õãbea.

²⁸ Igo ĩgũrẽ yujuyupo:

—Irasũta ããrã yu Opu. Irasũ ããrĩkerepuru, diayéagueta baari peyaro doka majĩrã baawasiridijurire baaboema, ãrĩyupo.

²⁹ Jesús igore ãrĩyupu:

—Mu õãrõ yujua. Irasirigo muya wiigie goedujáaka! Wātī mu magõrẽ ñajãdi wirisiami, ãrĩyupu.

³⁰ ĩgũ irasũ ãrãdero puru, igoya wiigie goedujáa, igo magõrẽ peyarogue oyagore bokajayupo. Wātī igore ñajãdi wiriasiyupu. Irasirigo tariyupo.

Jesús sugu werenĩrĩ kukugure gãmipũ pébire taudea

³¹ Jesús Tiro wãĩkuri makã turogue ããrãdi dupaturi wiri, Sidón wãĩkuri makãrẽ tariwãgã, Decápolis wãĩkuri nikũrẽ tariwere, Galilea wãĩkuri ditarugue ejayupu doja.

³² Irogue ejamakũ ĩã, iro marã sugu gãmipũ pébire werenĩrĩ kukugure Jesús puro ãã:

—Muya mojõrĩ merã ñapeoka ĩgũrẽ! ãrĩ sërẽñurã.

³³ Irasirigu Jesús masaka ĩãbero gapu ĩgũrẽ ãã, mojõsũrĩ merã pébiya gãmipũrĩrẽ soesóo, síku eoepo, ĩgũya nedirure moãñayupu.

³⁴ Puru ãmugasigue ĩãmu, siuñajãnugãja, ãsũ ãrĩyupu:

—Efata! ãrĩyupu. “Efata”, ãrĩrõ: “Toyoka!” ãrĩduaro yáa.

³⁵ ĩgũ irasũ ãrĩmakũta, pébiya gãmipũrĩ toyoakõãyuro. Mata ĩgũya nediru turadea niirõãmakũ, õãrõ werenĩmasĩyupu.

³⁶ Jesús gapu ĩgũrẽ taumakũ ĩãnerãrẽ: “Gajerãrẽ werebirikõãka!” ãrĩyupu. ĩgũ: “Werebirigorakõãka!” ãrĩkerepuru, ĩgũsã gapu gajerãrẽ werepeokõãñurã.

³⁷ Buro ĩãgũka, usuyari merã ãsũ ãrĩñurã:

—Ããrĩpererire õãrõ yámi. Gãmipũ pémerãrẽ õãrõ pémakũ yámi. Werenĩmasĩmerãdere õãrõ werenĩmasĩmakũ yámi, ãrĩñurã.

8

Jesús cuatro mil ãmarẽ baari ejodea

(Mt 15.32-39)

¹ Puru dupaturi wãrã masaka Jesús purogue nerẽanerãrẽ baari peremakũ ĩãgũ, ĩgũ buerãrẽ siiu, ãrĩyupu:

² —Urenugora waáa, ñsã masaka yu merã ããrĩrõ. ĩgũsãrẽ baari preakõãa. Irasirigu ĩgũsãrẽ bopoñarĩ merã ĩãa.

³ Surãyeri yoarogue aarinerã ããrĩmã. ĩgũsã baamerãrẽta ĩgũsãya wiirigie goedujáadoremakũ, maa dekota turabiriakõãbokuma, ãrĩyupu.

⁴ ĩgũ irasũ ãrĩmakũ pérã, ĩgũ buerã yujãñurã:

—¿Nasirisĩã, õõ masaka marĩrõguere baari boka ejobokuri marĩ ĩgũsãrẽ?

⁵ Jesús ĩgũsãrẽ sërẽñayupu:

—¿Dĩku pã duparu opari musã?

—Su mojõma pere gaji mojõ peru pẽrẽbejari duparu opáa, ãrĩ yujãñurã.

⁶ Irasirigu Jesús masakare yebague doadore, iri pã duparure ãi, Marĩpũre: “Murẽ usuyari sĩa”, ãrĩyupũ. Irasiri odo, pã duparure pea, ãgũ buerãrẽ sĩyupũ, masakare gueredoregũ.

⁷ Waaigãdere mërãgã opañurã. Jesús ãgũsãgãrẽ ãi, Marĩpũre: “Murẽ usuyari sĩa”, ãrĩ, iridere ãgũ buerãrẽ masakare gueredoreyupũ.

⁸ ããrĩpererã irire baayapiakõãñurã. Pũrũ ãgũsã baadũáadeare Jesús buerã su mojõma pere gaji mojõ peru pẽrẽbejari puuiri seasã utũudobõñurã.

⁹ Iro baanerã: nome, majĩrã keoña marĩrõ ãma direta keomakũ, cuatro mil gora ããrĩñurã.

¹⁰ Pũrũ Jesús ãgũsãrẽ seretu, ãgũ buerã merã doódirugue murĩñajãa, Dalmanuta wãĩkũri makã tũrogue waayupũ.

*Fariseo bumarã Jesúre Marĩpũ turari merã iri ãmudoredea
(Mt 16.1-4; Lc 12.54-56)*

¹¹ Pũrũ fariseo bumarã Jesús merã werenĩrã ejañurã. Irasũ ejarã: “Marĩpũ turari merã iri ãmurĩrẽ irika!” ãrĩñurã. “ãgũ irire irimasĩbi, Marĩpũ iriudi meta ããrĩmi”, ãrĩduarã, irasũ ãrĩñurã.

¹² ãgũsã irasiridoremakũ pégũ, Jesús bũro bujawereri merã siuñajãñugãja, ãrĩyupũ:

—Musã dapora marã masaka, ¿nasirimurã Marĩpũ turari merã iri ãmurĩrẽ ããduari? Diayeta musãrẽ werea. Marĩpũ turari merã iri ãmurĩrẽ musã ãũrõ neõ iribirikoa, ãrĩyupũ.

¹³ ãgũsãrẽ irasũ ãrĩ odo, ãgũsã iro nĩrõta, doódirugue murĩñajãa, ditaru sikoepũgue taribujakõãyupũ ãgũ buerã merã.

*Jesús Fariseo bumarã, Herodeya bumarã ñerĩ buerire weredea
(Mt 16.5-12)*

¹⁴ Irogue taribujarã, ãgũsã baaburire kãtikõãñurã. Doódirugue suruta pã opañurã.

¹⁵ Irasirigu Jesús ãgũsãrẽ goepeyari merã wereyupũ:

—Fariseo bumarã, Herodeyarãya pã wemasãrĩ morẽrĩrẽ õãrõ pémasĩka! ãrĩyupũ.

¹⁶ ãgũ buerã gapũ ãgũ irasũ ãrĩrĩrẽ pémasĩmerã, ãgũsã basi ãsũ ãrĩ gãme werenĩñurã:

—Marĩ pã opabirimakũ ããgũ, irasũ ãrĩkumi, ãrĩñurã.

¹⁷ Jesús, ãgũsã irasũ ãrĩrĩrẽ masĩkõãyupũ. Irasirigu ãgũsãrẽ ãrĩyupũ:

—¿Nasirirã: “Pã opabea”, ãrĩ gãme werenĩrĩ? ¿Masĩberi? ¿Pémasĩberi musã dapa?

¹⁸ ¿Koye opakrerã, ããberi? ¿Gãmpũrĩ opakrerã, péberi? ¿Yũ irideare gũñaberi musã?

¹⁹ ¿Yũ cinco mil masaka ãmarẽ pe mojõma pã duparure yũ dukawa sĩdeare gũñaberi? ãgũsã baayapiadero pũrũ, ¿diĩku puuiri ãgũsã baadũáadeare seasã utũudobori? ãrĩyupũ Jesús.

—Pe mojõma pere su gubu peru pẽrẽbejari puuiri, ãrĩ yũjuñurã.

²⁰ ãgũsã irasũ ãrĩmakũ pégũ:

—Pũrũ su mojõma pere gaji mojõ peru pẽrẽbejari pã duparure cuatro mil masakare yũ sĩdero pũrũ, ¿diĩku puuiri ãgũsã baadũáadeare seasã utũudobori?

—Su mojõma pere gaji mojõ peru pẽrẽbejari puuiri, ãrĩ yũjuñurã.

²¹ ãgũsã irasũ ãrĩ yũjumakũ, ãgũsãrẽ:

—¿Musã irire gũñakererã, pémasĩberi dapa? ãrĩyupũ Jesús.

Jesús Betsaidamũrẽ koye ããbire taudea

22 Ditarure taribuja, p̄r̄u Betsaida wāik̄uri makārē ejañurā. Īgūsā irogue ejamakū ĩārā, iro marā suḡu koye ĩābire Jesús p̄ro āña:

—M̄ya mojō merā moañaka, ĩgūrē taridoreḡu! ārī, b̄ro sērēñurā.

23 Īgūsā irasū ārīmakū pégu, Jesús koye ĩābiya mojōrē ñeā, iri makā t̄rogue ĩgūrē t̄āwāgā, síku merā ĩgūya koyere eopeoyup̄u. Irasiri odo, ĩgūya mojōrī merā ĩgūrē ñapeo:

—¿M̄rē gajino deyori? ārī sērēñayup̄u Jesús.

24 Īgū ĩāpā, ĩādiyup̄u. Irasirigu Jesúre:

—Masakare ĩādāa. Īgūsā yuku irirosū deyorā waanamakū ĩāa, ārīyup̄u.

25 Īgū irasū ārīmakū, Jesús dupaturi ĩgūya mojōrī merā ĩgūya koyere ñapeoyup̄u doja. Iropāgueta āārīpereri oārō deyooyuro ĩgū ĩāmakū.

26 Irasirigu Jesús ĩgūrē:

—M̄ya wiigue diayeta goedujáakōāka! Makāguere waabirikōāka! I m̄rē yu iriadeare gajerā masakare iro āārīrārē werebirikōāka! ārīyup̄u.

Pedro Jesúre: “M̄u Cristo āārā”, ārī weredea

(Mt 16.13-20; Lc 9.18-21)

27 P̄r̄u Jesús ĩgū buerā merā Cesarea Filipino wāik̄uri makā t̄ro āārīrī makārīgue waañurā. Maa waagú, ĩgū buerārē āsū ārī sērēñayup̄u:

—Masaka yure, ¿naásū ārī gūñarī? ārīyup̄u.

28 Īgū buerā ĩgūrē yujañurā:

—Surāyeri m̄rē: “Juan, masakare wāiyerimasū āārīmi”, ārīma. Gajerā: “Elías āārīmi”, gajerā: “Marīp̄ya kerere weredupuyurimasā merām̄u āārīmi”, ārīma, ārīñurā.

29 —M̄sākoa yure, ¿naásū gūñarī? ārī sērēñayup̄u.

Pedro ĩgūrē yujayup̄u:

—M̄u, Marīp̄u iriudi, Cristo āārā, ārīyup̄u.

30 Īgū irasū ārīmakū, Jesús ĩgūsārē:

—Yu āārīrik̄urire gajerārē werebirikōāka! ārīyup̄u.

Jesús ĩgū boaburire weredea

(Mt 16.21-28; Lc 9.22-27)

31 P̄r̄u ĩgūsārē āsū ārī buenugāyup̄u:

—Yu āārīpererā t̄gū b̄ro ñerō tarigukoa. Judío masaka m̄rā, paía oparā, Moisés gojadeare buerimasā yure gāamemerā yure wējērākuma. Yure wējēkerep̄u, uren̄u waaró merā masāgukoa doja, ārīyup̄u Jesús.

32 Īgūsārē pémasīma oārō wereyup̄u. Īgū irasū ārīmakū pégu, Pedro gap̄u Jesúre gajero gap̄u āijanugā, ĩgūrē turaro merā: “Irire ārībirikōāka!” ārīyup̄u.

33 Jesús gap̄u gāmegoronugā, ĩgū buerārē ĩā, Pedrorē ārīyup̄u:

—Satanás, yu p̄rore wirika! M̄u, Marīp̄u yure dorerire kām̄utaduaḡu yāa. M̄u gūñarī, Marīp̄u gūñarī āārībea. Masaka gūñarōsū gūñāa m̄u, ārīyup̄u.

34 Irasū ārī odo, masakare, ĩgū buerārē siiu, ārīyup̄u:

—Suḡu yure t̄yaduaḡu ĩgū irid̄urire piriburo. Irasirigu yure t̄yari waja curusague pábiatú wējēsūbu irirosū āārīkereḡu, neō piriro marīrō yure t̄yaníkōāburo.

35 Suḡu i ūm̄gue ĩgūya okari direta maīgū, peamegue waaḡukumi. Gajigu yure b̄remuḡu, Marīp̄u masakare tauri kerere ĩgū wereri waja gajerā ĩgūrē wējēkerep̄u, ĩgū gap̄u tarigukumi.

36 Suḡu masakū i ūm̄marē āārīpereri opakereḡu, ĩgū boari p̄r̄u waaburi gap̄ure gūñabiri waja peamegue waagú, oārīrē neō wajatabirikumi.

37 Irasirigu peameguere wirid̄uaḡu, i ūm̄u opari merā neō wajari-masībirikumi.

³⁸ Dapora marã ñerã Marĩpure gããmemerã ããrĩma. Noó yure, yu werenĩrĩrẽ masĩkererã, gũyasĩrĩrĩ merã yure: “Masĩbea”, ãrĩmakũ, yude gũyasĩrĩrĩ merã ĩgũsãrẽ: “Masĩbea”, ãrĩgũkoa. Yu ããrĩpererã tĩgũ, Yũpũ gosewasiriri merã, ĩgũrẽ wereboerã òãrã merã i ãmũguere dupaturi aarigũ, yure gũyasĩrĩnerãrẽ yude gũyasĩrĩgũkoa, ãrĩ wereyupũ Jesús ĩgũsãrẽ.

9

¹ Jesús ãrĩnemoyupũ doja:

–Diyeta mũsãrẽ werea. Surãyeri mũsã òõguere ããrĩrã, mũsã boaburo dupuyuro, Marĩpũ ĩgũ turaro merã ĩgũyarãrẽ doreri aarimakũ ĩãrãkoa, ãrĩyupũ.

Jesús ĩgũ deyori gorawayudea
(Mt 17.1-13; Lc 9.28-36)

² Jesús, su mojõma pere gaji mojõ suru pẽrẽbejarinurĩ purũ Pedrore, Santiagore, Juãrẽ ãmarĩ buúrugue ĩgũsã direta siiu murĩayupũ. Irogue ĩgũsã ĩũrõ ĩgũ deyori gorawayuakõãyupũ.

³ ĩgũya surĩro goserĩne, òãrõ borero waayuro. Neõ sugo nomeõ surĩ koego irasũ boreri waamakũ irimasĩgõ mámo.

⁴ Irasũ waaripoeta iripoegue marã Moisés, Elías deyoanugã, Jesús merã weretamunĩmakũ ĩãñurã.

⁵⁻⁶ Irasirirã burõ gũĩñurã. Pedro naásũ ãrĩmasĩbirisĩã, Jesúre:

–Gũare buegũ, marĩ òõ ããrĩmakũ òãtaridũãã. Irasirirã ure wiigã irirãra. Mũya wii, Moiséya wii, Elíaya wii irirãra, ãrĩyupũ.

⁷ ĩgũ irasũ ãrĩripoe su yebo mikãyebo dijari ĩgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ péñurã:

–Ĩĩ yu magũ, yu maĩgũ ããrĩmi. ĩgũrẽ òãrõ péka!

⁸ Irasũ ãrĩmakũ, Pedrosã gãmenugã ĩũrã, Moisére, Elíare ĩãbiriñurã. Jesús direta nímakũ ĩãñurã.

⁹ Pũrũ Jesús buúru wekague ĩgũrẽ waamakũ ĩãdeare: “Gajerãrẽ werebirikõãka!” ãrĩ dijariyupũ.

–Yu ããrĩpererã tĩgũ boa, masãdero purũgue irire gajerãrẽ wereka! ãrĩyupũ.

¹⁰ Irasirirã ĩgũ doreaderosũta gajerãrẽ werebirikererã, ĩgũsã basi gãme ãsũ ãrĩ sãrẽñãñurã:

–“Yu boa, masãdero purũ”, ãrĩgũ, ¿nasirigu irasũ ãrãyuri? ãrĩñurã.

¹¹ Irasirirã Jesúre ãsũ ãrĩ sãrẽñãñurã:

–¿Nasirirã Moisés gojadeare buerimasã: “Cristo, Marĩpũ iriubu aariburi dupuyuro Elías aaripũrorigũkumi”, ãrĩrĩ? ãrĩ sãrẽñãñurã.

¹² Jesús ĩgũsãrẽ yũjũyupũ:

–Mũsã ãrĩrõsũta Elíata aaripũrorigũkumi, ããrĩpererire ãmuyubu. Marĩpũya werenĩrĩ gojadea pũgue yure ããrĩpererã tĩgũrẽ waaburire ãsũ ãrĩ gojasũdero ããrĩbũ:

Ĩgũta burõ ñerõ tarigũkumi. Masaka ĩgũrẽ gããmebirikuma, ãrĩ gojasũdero ããrĩbũ.*

¹³ Yu gapũ mũsãrẽ: “Elías ejasiami”, ãrã. ĩgũ irasũ ejamakũ, masaka ĩgũsã gããmerõ iridũarire ĩgũrẽ ñerõ irima. ĩgũrẽ waaburire iripoegue Marĩpũya werenĩrĩ gojadea pũgue gojaderosũta ĩgũrẽ irisiana, ãrĩyupũ Jesús Pedrosãrẽ.

Jesús sugũ majĩgũrẽ wãtĩ ñajãsũdire taudea
(Mt 17.14-21; Lc 9.37-43)

* 9:12 Is 53.2-3

14 Jesús Pedrosã merã buúrugue ããrãdi dijajagu, gajerã ìgũ buerã pũro wárã masaka nerëanerãrẽ bokajayupũ. Moisés gojadeare buerimasãde ããrĩñurã. Ìgũ buerã merã gãme guaseorã iriñurã.

15 Pũru Jesúre ìãrã, ããrĩpererã ìãguka, ìgũ pũro ùmawãgã, ìgũrẽ õãdoreñurã.

16 Jesús ìgũ buerãrẽ:

—¿Ñeénorẽ gãme guaseoari, musã ìgũsã merã? ãrĩ sërẽñayupũ.

17 Ìgũ sërẽñamakũ pégu, sugũ ìgũsã watope ããrĩgũ Jesúre ãrĩyupũ:

—Buegu, mũrẽ yũ magũrẽ wãtĩ ñajãsũdire ãriabũ. Wãtĩ ìgũrẽ werenĩbirimakũ irinami.

18 Noó ìgũ waaró wãtĩ ìgũrẽ yebague ñeã meépiunokõãmi. Ìgũ irasirimakũ ìgũya disigue sũmu wiri, ìgũya guikare kũrĩduútúa, bũanokõãmi. Yũ mũ buerãrẽ: “Majìgũrẽ wãtĩrẽ béowiubosaka!” ãrãdabũ. Neõ bokatĩũbirama, ãrĩyupũ.

19 Jesús ìgũsãrẽ ãrĩyupũ:

—Mũsã yũre bũremurĩ opabirigorakõãa. ¿Noópã yoaripoe mũsã merã ããrĩgukuri? ¿Noópã yoaripoe mũsã yũre bũremubirire gũñaturagukuri? Majìgũrẽ õõ gapũ ãrĩrika! ãrĩyupũ.

20 Irasirirã majìgũrẽ Jesús pũro ããñurã. Ìgũ pũro ãijamakũ, wãtĩ Jesúre ìãgũ, majìgũrẽ narada, yebague tũrũjamejã, sũmutumakũ iriyupũ.

21 Irasũ waamakũ ìãgũ, Jesús ìgũ pagure sërẽñayupũ:

—¿Díipoegue ãsũ waanũgãrĩ ìgũ? ãrĩyupũ.

Ìgũ pagũ yũjũyupũ:

—Majìgũgãgueta irasũ ããrĩmĩ.

22 Wãtĩ ìgũrẽ wějẽdũagũ peamegue meémejã, diaguedere meébiamakũ irinami. Irasirigũ mũ gũare iritamumasìgũ, bopoñarĩ merã ìã, gũare iritamuka! ãrĩyupũ Jesúre.

23 Jesús ãrĩyupũ ìgũrẽ:

—Marĩpũ, mũ yũre bũremumakũ ìãgũ, mũya ããrĩburire irigũ, ããrĩpererire irimasĩmi, ãrĩyupũ.

24 Ìgũ irasũ ãrĩmakũ pégu, majìgũ pagũ ãsũ ãrĩ gainiyupũ:

—Mũrẽ bũremua. Nemorõ bũremumakũ irika yũre! ãrĩyupũ.

25 Jesús, wárã masaka ìgũsã pũro ùma nerẽmakũ ìãgũ, wãtĩrẽ wiridoreyupũ:

—Ìĩ majìgũrẽ werenĩbirimakũ, pébirimakũ iridi ìgũrẽ wirika! Dupaturi ìgũrẽ ñajãbita pama! ãrĩyupũ.

26 Ìgũ irasũ ãrĩmakũ pégu, wãtĩ gainí, majìgũrẽ bũro naradari merã yebague tũrũjamejãmakũ, kõmoadi irirosũ waamakũ irisĩã, ìgũrẽ wiriyupũ. Irasũ waa-makũ ìãrã, ããrĩpererã masaka: “Kõmoakõãmi”, ãrĩñurã.

27 Jesús ìgũya mojõrẽ ñeã, ìgũrẽ tũãwãgũnúmakũ, wãgãnũgãyupũ.

28 Pũru Jesús, wiigũ ñajãjamakũ, ìgũ buerã masaka péberogue ìgũrẽ sërẽñãñurã:

—¿Nasirirã gũa gapũ wãtĩrẽ béowiumasĩbirayuri?

29 Jesús ìgũsãrẽ yũjũyupũ:

—Ìĩno wãtĩrẽ béowiudũarã, bereri merã Marĩpũre bũro sërẽrõ gããmea, ãrĩyupũ.

Jesús ìgũ boaburire werenemodea

(Mt 17.22-23; Lc 9.43-45)

30-31 Pũru Jesús irogue ããrãdi ìgũ buerã merã waa, Galilea nikũgue tariw-erewãgãyupũ. Ìgũ waaróre gajerã masĩmakũ gããmebiradiyupũ. Ìgũ buerãrẽ buegu irasiriyupũ. ãsũ ãrĩ bueyupũ ìgũsãrẽ:

—Masaka yure ãārīpererã tīgūrē ñeã, gajerãguere wējēdorerã wiarākuma. Īgūsã yure wējēadero pũũ, urenũ waaró merã masãgũkoa doja, ãrĩyupũ.

³² Īgũ irasũ ãrĩrĩrē Īgūsã gapũ pemasĩbiriñurã. Pemasĩbirikererã, Īgūrē güirã: “¿Naásũ ãrĩduagu iriari, irasũ ãrĩgũ?” ãrĩ sērēñabiriñurã.

Jesús sugũ gajerã nemorõ ãārĩgũyamarẽ weredeã
(Mt 18.1-5; Lc 9.46-48)

³³ Jesús Capernaugue eja, pũũ wiigüe ñajãja, Īgũ buerãrē sērēñayupũ:

—Musã maa aarirã, ¿ñeonorē gãme wereni guaseowãgãrirã iriari? ãrĩyupũ.

³⁴ Īgũ irasũ ãrĩmakũ pérã, yujubiriñurã. Maa aarirã, Īgūsã basi: “¿Noã marĩ watopere ãārīpererã nemorõ ãārĩgũkuri?” ãrĩ wereni guaseowãgãrirã iriñurã. Irasirirã Jesúre yujubiriñurã.

³⁵ Īgūsã yujubirimakũ ĩãgũ, Jesús eja doaja, Īgũ buerã pe mojõma pere su gubu peru pērēbejarãrē siiu, ãsũ ãrĩyupũ:

—Sugũ ãārīpererãrē doregũ ãārĩduagu ãārīpererãrē moãboegũ irirosũ ãārīpererãrē iritamurõ gããmea, ãrĩyupũ.

³⁶ Irasũ ãrĩ, majĩgūrē Īgūsã dekogue ãĩnú, Īgūrē kõã, Īgũya gosowekague ãĩpeo, ãrĩyupũ:

³⁷ —Sugũ yaagũre ĩ majĩgũ irirosũ ãārĩgūrē õãrõ bokatĩrĩñeãgũ yũdere bokatĩrĩñeãmi. Yure bokatĩrĩñeãgũ yũ direta bokatĩrĩñeãgũ meta yãmi. Yũpũ yure iriudidere bokatĩrĩñeãmi, ãrĩyupũ Jesús.

Jesús: “Marĩrē ĩaturibi, marĩ merãmũ ããrĩmi”, ãrĩ weredeã
(Mt 10.42; Lc 9.49-50)

³⁸ Pũũ Juan Jesúre ãrĩyupũ:

—Gũare buegũ, sugũ masakũ mũ wãĩ merã wãtēãrē: “Wirika musã ñajãdire!” ãrĩ béowiumakũ ĩãbũ. Īgũ, marĩ merã ãārĩbirimakũ ĩãrã, Īgūrē: “Irire neõ irinemobirikõãka!” ãrãbũ, ãrĩyupũ.

³⁹ Jesús gapũ ãrĩyupũ:

—Kãmutabirikõãka Īgūrē! Neõ sugũ yũ wãĩ merã gajino iri ĩmugũ, pũũ yure ñerõ werenĩbirikumi.

⁴⁰ Marĩrē ĩaturibi, marĩ merãmũta ããrĩmi.

⁴¹ Diayeta musãrē werea. Musãrē: “Cristoyarã ããrĩma”, ãrĩ, musãrē deko tĩããnorē diayeta Marĩpũ Īgũsãrē wajatari opamakũ irigũkumi.

Gajerãrē ñerõ irimakũ iribirikõãka! ãrĩ weredeã
(Mt 18.6-9; Lc 17.1-2)

⁴² Sugũ yure bũremurãrē ĩ majĩgũ irirosũ ããrĩrãrē ñerõ irimakũ irigũno, bũro wajamoãsũgũkumi. Irasiriro, Īgũ gajerãrē ñerõ irimakũ iriburi dupuyuro masaka Īgūrē wãriye ãtãye merã wãnugũgue siasiu, wãdiyague meéyomakũ õãbokoa.

⁴³ Irasirirã musãya mojõ merã ñerõ irirã, iri mojõrē dititã béorosũ ñerõ iririre pirika! Su mojõ merãta Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. Īgūsã pe mojõ opak-ererã, irogue waamakũ ñetarirokoa. Irogue peame neõ yaribirikoa.

⁴⁴ Beka irogue waarãrē baanĩkõãrãkuma. Neõ boabirikuma. Peame neõ yaribirikoa.

⁴⁵ Musãya gubu merã ñerõ irirã, iri gubure dititã béorosũ ñerõ iririre pirika! Su gubu merãta, Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. Īgūsã pe gubu opak-ererã, irogue waamakũ ñetarirokoa. Irogue peame neõ yaribirikoa.

⁴⁶ Beka irogue waarārē baaníkōārākuma. Neō boabirikuma. Peame neō yaribirikoa.

⁴⁷ 'Mūsāya koyeru merā iā, ñerō irirā, irirure gorewea, béorosū ñerō iririre pirika! Su koyeruta opakrerā, Marīpū ĩgūyarārē dorerogue waamakū ōātarirokoa. Ñerō iririre pirimerā gapū perebiri peamegue béosūrākuma. ĩgūsā pe koyegueta opakrerā, irogue waamakū ñetarirokoa.

⁴⁸ Beka irogue waarārē baaníkōārākuma. Neō boabirikuma. Peame neō yaribirikoa.

⁴⁹ 'I ũmugere āārīpererā Marīpūre būremurā moā okari irirosū āārīrā, peamegue ũjū pūrīsūrōsū ñerō tariri merā ōārō āārīrākuma.

⁵⁰ Moā okamakū ōāgorāa. Irasirirā gajerā merā ōārō āārīrā moā okari irirosū āārā. Moā okadea okabirimakū, dupaturi okamakū irimasībirikoa. Irasirirā moā okari irirosū āārīka! Gajerā merā ōārō āārīnīkōāka! ārī wereyupū Jesús ĩgūsārē.

10

Jesús masakare: “Mūsā marāposā nomerē béobirikōāka!” ārī buedea (Mt 19.1-12; Lc 16.18)

¹ Jesús Capernaugue āārīdi waa, Judea nikūgue eja, dia Jordán wāikūdiya gaji koepugue ejayupū doja. Irogue wārā masaka ĩgū pūro nerēmakū ĩāgū, ĩgū irinarōsūta dupaturi ĩgūsārē bueyupū.

² ĩgū bueripoe fariseo bumarā Jesúre ñerī werenīmakū iriduarā, āsū ārī sērēñarā ejañurā:

—Sugū masakū ĩgū marāpore béomakū, ¿marī doreri āārīkuri? ārīñurā.

³ Jesús ĩgūsārē yujuyupū:

—¿Naásū doreyuri Moisés mūsārē?

⁴ ĩgū irasū ārīmakū, ĩgūrē āsū ārīñurā:

—“Sugū masakū ĩgū marāpore béoduarā: ‘I waja marē béoa’, ārī gojari pūrē sīrō gāāmea”, ārī gojadi āārīmí, ārīñurā.

⁵ ĩgūsā irasū ārīmakū, āsū ārīyupū Jesús:

—Mūsā ñekūsāmarā Marīpū dorerire iriduarābirimakū ĩāgū: “ĩgūsā marāposā nomerē béoduarā, béokōāburo”, ārī gojadi āārīmí Moisés.

⁶ ĩgū irasū ārī gojakerepū, neōgoragueta Marīpū i ũmurē irigū, ũmúu, nomeō iridi āārīmí.

⁷ Sugū ũmúu ĩgū pagūsāmarārē wiri, ĩgū marāpo merā āārīgukumi.

⁸ Irasirirā ĩgūsā pērā āārīkererā, Marīpū ĩūrō su dupūta irirosū āārīrākuma. Irasirirā pērā āārībema. Su dupūta irirosū āārīma.

⁹ Marīpū ĩgūsārē su dupūta irirosū āārīmakū iridero pū, gajigū ĩgūsārē gāme béomakū iribirikōārō gāāmea, ārīyupū.

¹⁰ Jesús irasū ārī odo, ĩgū buerā merā wiigū ñajākōāyupū. Irogue ĩgū buerā irire sērēñanemoñurā doja.

¹¹ Jesús ĩgūsārē yujuyupū:

—Sugū masakū ĩgū marāpore béodi gajego merā marāpokugū, igo merā ñerō irigū yāmi.

¹² Nomeōde igo marāpūre béogo, gajigū merā marāpukugo, ĩgū merā ñerō irigo yāmo, ārīyupū.

Jesús majīrāya āārīburire Marīpūre sērēbosadea (Mt 19.13-15; Lc 18.15-17)

13 Puru masaka majĩrãrẽ Jesúre moãñadorerã ĩgũ puro ãjjañurã. ĩgũsã ãjjamakũ ĩãrã, ĩgũ buerã gapu ĩgũsãrẽ bokatĩrĩ: “Ĩgũrẽ garibobirikõãka!” ãrĩñurã.

14 ĩgũsã irasũ ãrĩmakũ pégu, Jesús ĩgũsã merã gua, ãsũ ãrĩyuru:

–Majĩrã yu pũroguue aariburo. Kãmutabirikõãka ĩgũsãrẽ! Marĩpu ĩgũyarãrẽ dorerogue ããrĩmurã ĩsã majĩrã yure usuyari merã bokatĩrĩñeãrã irirosũ ããrĩma.

15 Diayeta musãrẽ werea. ĩsã majĩrã Marĩpũre ĩgũsã Opũre gããmerã irirosũ ããrĩmerãno, ĩgũyarãrẽ doreroguere waabirikuma, ãrĩyuru.

16 Irasũ ãrĩ odo, majĩrãrẽ ãĩ, kõã, ĩgũsãrẽ ñapeo, Marĩpũre ĩgũsãya ããrĩburire sãrẽbosayuru.

*Sugu maamu wãri doebiri opagu Jesús merã werenidea
(Mt 19.16-30; Lc 18.18-30)*

17 Jesús iroguue ããrãdi waaripoe sugu maamu ùmaja, ĩgũ ñadukupuri merã Jesúya guburi puro ejamejãja, sãrẽñayuru:

–Õãgũ buegu, yu ùmugasigue perebiri okarire wajatadugũ, ¿ñeénorẽ irigukuri? ãrĩyuru.

18 Jesús ĩgũrẽ yujyuru:

–¿Nasirigu yure: “õãgũ”, ãrĩrĩ? Marĩpu suguta õãgũ ããrĩmi.

19 Mu, ĩgũ doreri pídeare masãa: “Masakare wẽjẽbirikõãka! Gajigu marãpo merã ñerõ iribirikõãka! Yajabirikõãka! Gajerã irideare ãrĩgatori merã werebirikõãka! Gajerãyare ãrĩgatori merã ãibirikõãka! Mu pagusãmarãrẽ goepeyari merã buremuka!” ãrĩ wereyuru Jesús ĩgũrẽ.

20 Maamu Jesúre yujyuru:

–Buegu, iri doreri ããrĩpererire majĩgũgueta tarinugãbiribu yu, ãrĩyuru.

21 Jesús ĩgũrẽ maĩrĩ merã ĩã, ãsũ ãrĩyuru:

–Murẽ su wãĩ dũyãa. Mu oparire duagu waaka! Mu duadea wajare boporãrẽ sika! Irasirigu ùmugasiguere wãri õãrĩ opagukoa. Irasiri odo, yu merã aarika! ãrĩyuru.

22 ĩgũ irasũ ãrĩmakũ pégu, ĩgũ wãri oparire maĩsãã, buro bujawereri merã waakõãyuru.

23 ĩgũ bujawereri merã waamakũ ĩãgũ, Jesús ĩgũ buerãrẽ ĩã, ãrĩyuru:

–Wãri doebiri oparãrẽ Marĩpu ĩgũyarãrẽ doreroguere ĩgũsã waadumamakũ diasagorãa, ãrĩyuru.

24 ĩgũ irasũ ãrĩmakũ, ĩgũsã gapu péguka, pémasĩbiriñurã. Jesús dupaturi werenemoyuru doja ĩgũsãrẽ:

–Yu buerã, musãrẽ werea. Masaka: “Wãri opari merã õãrõ waarokoa yure”, ãrĩ gũñarãrẽ Marĩpu ĩgũyarãrẽ doreroguere ĩgũsã waamakũ diasagorãa.

25 Camellu awiru gobegãgue ñajãtariweremasĩbirikumi. I nemorõ, wãri doebiri opagure Marĩpu ĩgũyarãrẽ doreroguere waamakũ diasãa, ãrĩyuru.

26 ĩgũ irasũ ãrĩmakũ pérã, nemorõ péguka, ĩgũsã basi gãme sãrẽñanurã:

–Iro merẽ, ¿noã gapu Marĩpu tausũmurã ĩgũ pũroguue waamurã ããrĩbokuri? ãrĩñurã.

27 Jesús ĩgũsãrẽ ĩã, ãrĩyuru:

–Masaka ĩgũsã basi ĩgũsã iriri merã Marĩpu pũroguue waamasĩbema. Marĩpu dita ĩgũsãrẽ ĩgũ puro ããrĩmurã waamakũ irimasĩmi. ĩgũ dita ããrĩpererire irimasĩmi, ãrĩyuru.

28 ĩgũ irasũ ãrĩmakũ pégu, Pedro ĩgũrẽ ãrĩyuru:

–Gua Opũ, gua murẽ tuyarã, ããrĩpereri gua opadeare pípeokõãbu, ãrĩyuru.

29 Jesús yujyuru:

—Diayeta musārē werea. Y_u merā Marīp_uya kerere wererā waarā, ĩgūsāya wiirire, ĩgūsā pagupūrārē, pagusāmarārē, pūrārē, ĩgūsāya pooerire pípeorā, wári òārī wajatarākuma.

³⁰ ĩgūsā iro dupuyuro opaderosū i ũm_uguere cien nemorō ĩgūsāya wi-iri, ĩgūsā pagupūrā, pagosā nome, pūrā, ĩgūsāya pooeri oparākuma. ĩgūsā, yaarā āārīmakū ĩārā, gajerā ĩgūsārē ñerō tarimakū irikerep_u, wári òārī wajatarākuma. I ũm_u peremakū, ũm_ugasigue perebiri okari oparākuma.

³¹ Wárā daporare wári oparā, p_uguere neō gajino opamerā dujarākuma. Opamerā gap_u, p_uguere wári oparā dujarākuma, ārīyup_u Jesús.

Dupaturi Jesús ĩgū boaburire weredea

(Mt 20.17-19; Lc 18.31-34)

³² P_u Jesús Jerusalēgue waarí maague ĩgū buerā dupuyuro majāyup_u. ĩgū dupuyumakū ĩārā, ĩāgukakōāñurā. “¿Marīrē irogue naásū waarokuri?” ārī gūña, güiri merā ĩgū p_u tayañurā. Irasirig_u Jesús ĩgū buerā pe mojōma pere su gubu peru pērēbejarārē siiu, ĩgūrē waaburire weren_ugāyup_u doja:

³³ —Ōārō péka! Marī Jerusalēgue waarā yāa. Irogue y_u āārīpererā tīgū, paía oparāguere, Moisés gojadeare buerimasāguere wiasūgukoa. ĩgūsā y_ure: “Boaburo”, ārīrākuma. Irasirirā judío masaka āārīmerāguere wiarākuma.

³⁴ ĩgūsā y_ure burida, siku eotúbira, b_uro tārārākuma. Irasiri odo, y_ure wējērākuma. ĩgūsā y_ure wējēadero p_u, _uren_u waaró merā masāgukoa, ārīyup_u Jesús.

Santiago, Juan merā Jesúre sērēdea

(Mt 20.20-28)

³⁵ P_u Zebedeo pūrā Santiago, Juan Jesús p_uro waa ejanugā, ĩgūrē āsū ārī sērēñurā:

—G_uare bueg_u, g_ua sērērōsūta g_uare irika! ārīñurā.

³⁶ Jesús ĩgūsārē sērēñayup_u:

—¿Ñeonorē y_u irimakū gāāmerī musā?

³⁷ ĩgūrē y_ujuñurā:

—M_u Op_u ñajāgū, g_uadere m_u merā doremurā sóoka! Sug_ure m_u diaye gap_u, gajig_ure kúgap_u doadoreka! ārīñurā.

³⁸ Jesús ĩgūsārē ārīyup_u:

—Musā y_ure sērērīrē pémasībea. Y_u b_uro ñerō tarigukoa. ¿Y_u ñerō tarirosū musāde ñerō tarirā, bokatīūrākuri? ¿Y_ure ĩgūsā wējērōsū musādere ĩgūsā wējēmakū, bokatīūrākuri? ārīyup_u.

³⁹ —Bokatīūkōārākoa, ārī y_ujuñurā.

Jesús ĩgūsārē ārīyup_u:

—Y_u irirosū musāde ñerō tari, boarākoa.

⁴⁰ Y_u gap_u musārē y_u diaye, kúgap_u doamurārē beyemasībea. Y_up_u āmusiadi āārīmí irire. Irasirirā ĩgū beyenerā dita y_u diaye, kúgap_u doarākuma, ārīyup_u.

⁴¹ Gajerā Jesús buerā pe mojōmarā gap_u Santiago, Juan ĩgūsā Jesúre sērērīrē pérā, ĩgūsā merā guañurā.

⁴² ĩgūsā guamakū ĩāgū, Jesús ĩgūsārē ĩgū p_uro siiu neeō, ārīyup_u:

—I nikū marā oparā Marīp_ure b_uremumerā ĩgūsāyarārē turaro merā dorema, ĩgūsā dorerire iridorerā. Irire masīa musā.

⁴³ Musā tamerā ĩgūsā irirosū iribirikoa. Musā watopeguere op_u āārīd_uagu, musārē moāboeg_u irirosū āārīrō gāāmea.

⁴⁴ Sug_u musā watopegue āārīgú gajerā nemorō āārīd_uagu, āārīpererārē moāboeg_u irirosū āārīburo.

⁴⁵ Yude irasũta ããrã. Yu ããrĩpererã tĩgũ masaka yure iritamuburo, ãrĩgũ meta aaribũ. Yu gapũ ãgũsãrẽ iritamugũ aaribũ. Irasirigũ wãrã masakare yu boari merã ãgũsã ñerõ iridea wajare wajaribosagũ aarigũ iribũ, ãrĩyupũ Jesũs.

Jesũs Bartimeo wãikũgũre koye ããbire taudea
(Mt 20.29-34; Lc 18.35-43)

⁴⁶ Pũrũ Jesũs ãgũ buerã merã Jericõgue ejayupũ. Iri makãrẽ tariwãgãmakũ, wãrã masaka ãgũsã merã waañurã. ãgũsã waarĩ maa tũro sugũ koye ããbi doayupũ. ãgũ Bartimeo wãikũgũ, Timeo magũ ããrĩyupũ. Ɖmurikũ iri maa tũro masakare niyeru sãrẽ doanĩnayupũ.

⁴⁷ Masaka: “Jesũs Nazaretmũ aarĩmi”, ãrĩmakũ pãgũ, ãsũ ãrĩ gainĩnũgãyupũ:
—Jesũs, David parãmi ããrĩturiagũ, yure bopoñarĩ merã ããka! ãrĩyupũ.

⁴⁸ ãgũ irasũ ãrĩ gainĩmakũ pãrã, wãrã masaka: “Toeaka!” ãrãdiñurã. ãgũsã irasũ ãrĩkerepũrũ, ãgũ gapũ ãgũ gainĩadero nemorõ:

—David parãmi ããrĩturiagũ, yure bopoñarĩ merã ããka! ãrĩ gainĩyupũ.

⁴⁹ ãgũ irasũ ãrĩmakũ pã, Jesũs dujanũgãja, masakare:

—Siiurika ãgũrẽ! ãrĩyupũ.

ãgũ irasũ ãrĩmakũ pãrã, gajerã ãgũrẽ siiu: “Ɖsũyaka! Wãgãnũgãka! Murẽ siiumi”, ãrĩñurã.

⁵⁰ ãgũsã irasũ ãrĩmakũ pã, ãgũya surĩro wekamañerẽ túweapĩ, pari wãgãnũgã, Jesũs pũro ejanũgãjayupũ.

⁵¹ Jesũs ãgũrẽ sãrẽñayupũ:

—¿Ñeonorẽ yu murẽ irimakũ gããmerĩ? ãrĩyupũ.

Bartimeo yũjũyupũ:

—Buegũ, yure koye ããmakũ irika! ãrĩyupũ.

⁵² Jesũs ãgũrẽ ãrĩyupũ:

—Mu yure buremurĩ opãa. Irasirigũ tausũa, ãrĩyupũ.

ãgũ irasũ ãrĩmakũta, koye ããbiradi õãrõ ããmasĩakõãyupũ. Pũrũ maague Jesũre tũyawãgãyupũ.

11

Jesũs Jerusalẽgue ejadea

(Mt 21.1-11; Lc 19.28-40; Jn 12.12-19)

¹ Pũrũ Jesũs ãgũ buerã merã Jerusalẽgue ejaburo dupuyuro, Betfagã, Betania wãikũri makãrĩ pũro ejarũroriyupũ. Iri makãrĩ Olivos wãikũri buũru ããrĩdujimejãrõ ããrĩyuro. Irogue ejagũ, Jesũs pãrã ãgũ buerãrẽ ãsũ ãrĩ iriuyupũ:

² —Si makã marĩ bokatĩũrõ ããrĩrĩ makãgue waaka! Irogue ejarã, sugũ burrore ãgũsã sianũadire neõ suñarõ peyasũña marĩgũrẽ bokajarãkoa. ãgũrẽ kura, ãrĩrika!

³ Sugũ mũsãrẽ: “¿Nasirimurã yãri?” ãrĩmakũ: “Marĩ Opũ gããmeami. Dapora wiagakumi doja”, ãrĩka! ãrĩ iriuyupũ.

⁴ ãgũ irasũ ãrĩmakũ, pãrã waa, maa tũro ããrĩrĩ wii disipũro burrore ãgũsã sianũadire bokaja, ãgũrẽ kurañurã.

⁵ ãgũsã irasirimakũ ããrã, iro ããrĩrã sãrẽñañurã:

—¿Nasirirã yãri? ¿Nasirimurã burrore kurari? ãrĩñurã.

⁶ ãgũsã irasũ ãrĩmakũ pãrã, Jesũs ããderosũta wereñurã. ãgũsã irasũ ãrĩ weremakũ pãrã: “ããka!” ãrĩ yũjuñurã.

⁷ Pũrũ burrore Jesũs pũroque ããñurã. ããja, ãgũsãya wekama surĩre túwea, burro weka peoñurã. Jesũs ãgũ wekague marĩbeja waayupũ.

8 Masaka wárã ìgùsàya wekama suríre túwea àì, ìgù waaburi maarẽ sêõpídupuyuñurã ìgùrê buremurã. Gajerã yukù dupuri pùrikurire diti, maarẽ pídupuyuñurã, ìgù waarí maa òãrì maa àãrìburo, àrìrã.

9 Irasirirã ìgù dupuyuro waarã, ìgù pùrù tàyarãde àsù àrì gainíñurã:

Marì Opure usuyari sîrã! Ì Marìpù marìrê taugù iriudi òãrò aariburo.

10 Marì Opù ñajãburi òãrò aariburo. Marì ñekù David opù àãrìderosùta òãrò àãrìburo.

Marìpùre: “Òãtaria mù àãrìpererã Opù ùmugasigue àãrìgù”, àrì, usuyari sîrã! àrìñurã.*

11 Irasirigù Jesús Jerusalégue eja, Marìpùya wiigù ñajãa, àãrìpereri iri wiimague àãrìrêrê ìãpeokòãyupù. Ìã odo, Betaniague ìgù buerã pe mojõma pere su gubu peru pèrèbejarã merã waayupù. Ìgùsã irogue waaripoere ñamikague àãrìsiayuro.

Jesús higeragù dukà marìdire ñaĩmakù iridea

(Mt 21.18-19)

12 Gajinù gapù Betaniague àãrãnerã Jerusalégue goedujáañurã doja. Jesús irogue goedujáagù, ùaboakòãyupù.

13 Yoarogue merã higuera wàikùdire òãrò pùrikùdire ìã: “Dukakùkoa”, àrìgù ìãgù waadiyupù. Irigù gapù dukà marìyuro. Dukakuripoe àãrìbiriyo. Irasirigù pùrì direta bokajayupù.

14 Irigù dukà marìmakù ìãgù, Jesús àsù àrìyupù:

—Igù dukare masaka neõ dupaturi baabirikuma. Neõ dukakùbirikoa, àrìyupù.

Ìgù irasù àrìmakù, ìgù buerã péñurã.

Jesús Marìpùya wiigù duarãrê béowiudea

(Mt 21.12-17; Lc 19.45-48; Jn 2.13-22)

15 Pùrù Jerusalégue eja, Jesús Marìpùya wiigù ñajãyupù. Irogue doebiri duarãrê, wajarirãdere béowiuyupù. Niyeru gorawayurimasãya niyeru sãñarì kùmarìrê yomeéwiunokòãyupù. Bujare dua doanirãya doaripèrìdere irasùta iriyupù.

16 “Neõ duari àì ñajãbirikòãka, Marìpùya wiiguere!” àrìyupù Jesús masakare.

17 Àsù àrì bueyupù ìgùsãrê:

—Marìpù ìgùya werenìrì gojadea pùgue àsù àrìdi àãrìmì: “Yaa wii, yure buremurã yure sèrèrì wii wàikùrokoa. Irasirirã àãrìpereri nikù marã i wiigù yure sèrèrã aarirākuma”, àrìdi àãrìmì. Musã gapù, ìgù irasù àrìkerepùrù, yajarimasãya wii irirosù àãrìmakù yáa, àrìyupù Jesús.

18 Ìgù irasù àrìmakù, àãrìpererã masaka pégùkakòãñurã. Irasirirã paía oparã, Moisés gojadeare buerimasãde ìgùrê gùñurã. “¿Nasiri ìrê wējèrākuri?” àrì gùñamañurã.

19 Pùrù naĩmejãripoe Jesús ìgù buerã merã iri makãrê wiriwãgãkòãyupù doja.

Jesús buerã higeragù boanùgãdire ìãdea

(Mt 21.20-22)

20 Gajinù boyoripoe maague waarã, higeragù nugùrìgue merãta ñaĩnùgãdire ìãñurã.

21 Pedro irigùre Jesús àrãdeare gùña, ìgùrê àrìyupù:

—Buegù, ìãka! Igù higeragù mù boadoredi boakòãsiayo, àrìyupù.

22 Jesús yajyupù:

—Marìpùre buremuka!

* 11:10 Sal 118.25-26

²³ Diayeta musārē werea. Sugu Marīpure buremugū, ĩgūrē: “I buúrure dia wádiyague béoka!” ārīmakū, ĩgū ārāderosūta waarokoa. Musā: “Marīpu āsū irimasībirikumi”, ārī gūñarō marīrō: “Īgūrē yu sērēaderosūta waarokoa”, ārī buremumakū, Marīpu diayeta irasirigakumi.

²⁴ Irasirigu musārē irire weregura doja. Marīpure sērērā: “Yu sērērōsūta waarokoa yure”, ārī buremumakū, musā sērērōsūta irigakumi.

²⁵ Irasirirā Marīpure musā sērēburo dupuyuro gajerā musārē ñerō iridea waja ĩgūsā merā guarire pirika! ĩgūsā ñerō irideare kātika! Irasirimakū ĩāgū, Musāpu ũmagasigue āārīgū musā ñerō irideare kātigakumi.

²⁶ Gajerā musārē ñerō irideare musā kātibirimakū ĩāgū, ĩgūde musā ñerō irideare kātibirikumi, ārīyupu Jesús.

Judío masaka oparā Jesúre: “¿Noā mūrē doreri?” ārī sērēñadea (Mt 21.23-27; Lc 20.1-8)

²⁷ ĩgū irasū ārādero puru, dupaturi Jerusalēgue waañurā doja. Irogue eja, Jesús Marīpuya wiigue waanamakū ĩārā, paía oparā, Moisés gojadeare buerimasāde, judío masaka mūrā merā ĩgū purogue waa ejanugā,

²⁸ ĩgūrē sērēñañurā:

—¿Noā mūrē doreri mu irasirimakū? ¿Noā mūrē: “Āsū irika!” ārīrī? ārīñurā.

²⁹ Jesús ĩgūsārē yujuyupu:

—Yude musārē sērēñagura. Musā yujumakū, yude musārē yujugura.

³⁰ ¿Noā Juārē masakare deko merā wāiyedoregu iriuyuri, Marīpu, o masaka? Yujuka! ārīyupu Jesús.

³¹ ĩgū irasū ārīmakū pérā, ĩgūsā basi āsū ārī gāme wereníñurā:

—“Marīpu Juārē doredi āārīmí”, marī ārīmakū, Jesús marīrē: “¿Nasirirā ĩgū weredeare buremubiriri musā?” ārībokumi.

³² Āārīpererā masaka: “Diayeta Juan Marīpuya kerere weredupuyudi āārīmí”, ārī gūñama. Marī: “Masaka Juārē wāiyedorenerā āārīmá”, ārīmakū, masaka marī merā guabokuma, ārīñurā. Masakare güisā, irire irasū ārīñurā.

³³ Irasirirā: “Masībirikoa”, ārī yujñurā Jesúre.

Irasirigu Jesús ĩgūsārē ārīyupu:

—Musā yure: “¿Noā mūrē irire doreri?” ārī sērēñadeare yude musārē yujubea, ārīyupu.

12

Jesús ñerā moārā keori merā buedea (Mt 21.33-46; Lc 20.9-19)

¹ Puru Jesús paía oparārē, Moisés gojadeare buerimasārē, judío masaka oparārē keori merā āsū ārī wereyupu:

—Sugu masaku ĩgūya poogue iguidarire otekumi. Ote odo, iri pooe turo ũtāyeri merā sārīsākumi. Ũtāyegue igui kūrābipiri gobere irikumi. Wii ũmarī wiigārē irikumi, iri poore korerā ōārō ĩā koreburo, ārīgū. Irasiri odo, gajerārē iri poore wayu: “Yaa oteri dukare yure deko merā sīrākoa, yu musārē iri poore wayuri waja”, ārīkumi. Irasū ārī odo, gajerogue waakōākumi.

² Puru igui ñiripoe ejamakū, ĩgūrē moāboegure ĩgūya poore moārā purogue iriukumi, ĩgūya poema oteri dukare deko merā sērēdoregu.

³ Iri poore moārā gapu ĩgū irogue ejamakū ĩārā, ĩgūrē ñeā, pákuma. Neō gajino sīrō marīrō ĩgūrē iridujukuma.

⁴ Puru iri pooe opu gajigu ĩgūrē moāboegure iriukumi doja. ĩgūrē dipurure pá, kāmítúkuma. ĩgūrē burida, iridujukuma.

⁵ Iri pooe opu gajigure iriukumi doja. Igūrē wējēkōākuma. Puru wárã iriukumi doja. Surāyerire pá, gajerārē wējēkōākuma.

⁶ 'Irasirigu iri pooe opu magū, igū buro maigū dita duyakumi. "Yu magūrē buremurākuma", ārī gūñarī merā igūrē iriutūnuadikumi.

⁷ Iri pooere moārã gapu igū magū ejamakū iārã, igūsã basi ãsū ārī gāme wereníkuma: "Iita purugure i pooere opabu ãārīmi. Igūrē wējēkōārã! Irasirirã marī basi i pooere oparãkoa", ārīkuma.

⁸ Irasirirã igūrē ñeã, wējē, pooe turogue igūya dupure ãiwāgã béokōākuma, ārīyupu Jesús.

⁹ Irasū ārī odo, igūsārē sērēñayupu:

—Iro merē pooe opu, ¿nasirigukuri igūya pooere moārārē? ãsū irigukumi. Irogue waa, igūsārē wējē, igūya pooere gajerã gapure sīgukumi.

¹⁰ '¿Musã Marīpuya werenírī gojadea pūrē ire buebiriri? ãsū ārī gojasūdero ãārībú:

Suye ãtāye wii iririmasã igūsã béoadeaye merã gajigu gapu òārõ turari wii irigukumi.

¹¹ Marīpu irasiridi ãārīmí. Marī igū irasirideare iārã: "Õātaria", ārī gūñáa, ārī gojasūdero ãārībú, ārī wereyupu Jesús igūsārē.*

¹² Judío masaka oparã igū i keori merã irasū ārī weremakū pérã: "Marīrē: 'Igūsã irirosū ñerã ãārã', ārīgū irikumi", ārī pémasí, igūrē ñeã, peresu iriduaridurã. Irasiriduarakererã: "Masaka igūrē marī irasirimakū iārã, marī merã guabokuma", ārī gūñañurã. Irasirirã igūsārē gūi, Jesúre pirikōã, gajerogue waakōañurã.

*Romano marã opu masakare niyeru wajasearire Jesúre sērēñadea
(Mt 22.15-22; Lc 20.20-26)*

¹³ Puru Jesúre weresãduarã, surāyeri fariseo bumarārē, Herodeya bumarãdere Jesús purogue igūrē wári sērēña, diaye yujubirimakū iridorerã iriñurã.

¹⁴ Igūsã iriuanerã Jesús purogue ejarã, ãsū ārīñurã:

—Buegu, mu iririkurire masía. Mu ārīgatoro marīrõ werenía. Marīpuyare diayeta buea. "¿Naásū gūñarī masaka yure?" ārī gūñarõ marīrõ diayeta igūsārē werea. Oparārē, ubu ãārīrãdere ãārīpererārē surosūta iãa. Irasirigu guare wereka! Romano marã opu marīrē niyeru wajasearire marī wajarimakū, ¿õãgorari, o õãberi? ¿Wajariro gãamerí, o wajaribirikõārõ gãamerí? ārīñurã.

¹⁵ Jesús gapu igūsã irigatori merã igūrē ñerõ iriduarire masísã, ãsū ārīyupu:

—¿Nasirirã yu ñerõ yujumakū iriduarire masã? Niyeru tire yure ãirika! Iri tire iãmurã! ārīyupu.

¹⁶ Igū irasū ārīmakū pérã, suti ãññurã. Jesús igūsārē sērēñayupu:

—I tiguere, ¿noãya diapu keori, noãya wãí tuuyari? ārīyupu.

—Romano marã opuya diapu keori, igū wãita tuuyáa, ārī yujañurã.

¹⁷ Irasirigu Jesús igūsārē ārīyupu:

—Iro merē romano marã opuya ãārīrĩrē igūrē síka! Marīpuya gapure Marīpore síka! ārīyupu.

Igū irasū ārīmakū péguakakõañurã.

*Saduceo bumarã, Marīpu boanerārē masūrĩrē Jesúre sērēñadea
(Mt 22.23-33; Lc 20.27-40)*

¹⁸ Puru surāyeri saduceo bumarã Jesús purogue ejañurã. Igūsã: "Masaka boanerãgue masãbirikuma", ārī buremurã ãārīñurã. Irasirirã Jesúre ãsū ārīñurã:

* 12:11 Sal 118.22-23

19 –Buegɯ, Moisés marĩrẽ ɔsũ ɔrĩ gojapĩdi ɔɔrĩmĩ: “Sugɯ marɔpokɯdi pũrɔ marĩkeregɯ igore boaweomakũ, ĩgũ pagɯmɯ igore dúunorẽgukumi. Irasirirɔ, ĩgũ igo merɔ pũrɔkɯrɔ ĩgũ tĩgũ dagɯ pũrɔ irirosũta ɔɔrĩrɔkuma”, ɔrĩdi ɔɔrĩmĩ.

20 Iripoeguere sugɯ pũrɔ su mojõma pere gaji mojõ peru pẽrẽbejarɔ ɔɔrĩunanerɔ ɔɔrĩmɔ. ĩgũsɔ tĩgũ gapɯ marɔpokɯ, pũrɔ marĩgũta boakõɔyupɯ.

21 Irasirigɯ ĩgũ dagɯ dokamɯta ĩgũ marɔpo ɔɔrĩdeore dúunorẽyupɯ. ĩgũde, ĩgũ tĩgũ dagɯ irirosũta pũrɔ marĩgũta boakõɔyupɯ. ĩgũsɔ pẽrɔ dokamɯde pũrɔ marĩgũta boakõɔyupɯ.

22 Irasũ dita pũrɔ marĩrɔta boapereakõɔñurɔ. ĩgũsɔ pɯrɯ ĩgũsɔ marɔpode boakõɔyupo pama.

23 ĩgũsɔ su mojõma pere gaji mojõ peru pẽrẽbejarɔ ɯma igore marɔpokɯadiñurɔ. Irasirirɔ boanerɔ masɔmakũ, ɔniño marɔpogora ɔɔrĩgokuri? ɔrĩñurɔ.

24 Jesũs ĩgũsɔrẽ yɯjɯyupɯ:

–Mɯsɔ diaye gũñabea. Marĩpɯya werenĩrĩ gojadeare, ĩgũ turaridere mɯsɔ neõ masĩbea.

25 Boanerɔ ĩgũsɔ masɔdero pɯrɯ, ĩgũsɔ ɯmɯgasigue Marĩpɯre wereboerɔ irirosũ ɔɔrĩrɔkuma. Iroguere marɔpokɯbirikuma. ĩgũsɔ pũrɔ nomedere nomesubirikuma.

26 ɔMoisés gojadea pũguere boanerɔ ĩgũsɔ masɔburire buebiriri? Iripoeguere yukɯgɔgue ɯjũrõgue Marĩpɯ Moisére ɔsũ ɔrĩdi ɔɔrĩmĩ: “Yɯ Abraham, Isaac, Jacob Opɯta ɔɔrɔ”, ɔrĩdi ɔɔrĩmĩ.

27 Irasirirɔ ĩgũsɔ boanerɔ ɔɔrĩkererɔ, Marĩpɯ merɔ okarɔ ɔɔrĩma. Irasirigɯ Marĩpɯ boanerɔ dupaturi masɔbirimurɔ Opɯ ɔɔrĩbemi. Okarɔ, boanerɔgue dupaturi masɔmurɔ Opɯ ɔɔrĩmi. Irasirirɔ mɯsɔ: “Boanerɔ masɔbirikuma”, ɔrĩ gũñarɔ, diaye gũñabea, ɔrĩyupɯ Jesũs.

*“ɔDiĩ gapɯ Marĩpɯ doreri gaji doreri nemorõ ɔɔrĩrĩ?” ɔrĩ sẽrẽñadea
(Mt 22.34-40)*

28 ĩgũsɔ Jesũs merɔ werenĩripoe sugɯ Moisés gojadeare buerimasũ ĩgũsɔ pɯro ejayupɯ. Jesũs ĩgũ õarõ yɯjɯrĩre pẽ, ɔsũ ɔrĩ sẽrẽñayupɯ ĩgũrẽ:

–ɔDiĩ gapɯ Marĩpɯ doreri gaji doreri nemorõ ɔɔrĩrĩ?

29 Jesũs ĩgũrẽ yɯjɯyupɯ:

–Gaji doreri nemorõ ɔɔrĩrĩ i ɔɔrɔ: “Israel bumarɔ õarõ pẽka! Marĩpɯ sugɯta mɯsɔ Opɯ ɔɔrĩmi.

30 Irasirirɔ mɯsɔya yɯjɯpũrɔrĩ merɔ, mɯsɔ ɔɔrĩrikuri merɔ, ɔɔrĩpereri mɯsɔ gũñarĩ merɔ, mɯsɔ turari merɔ Marĩpɯre mɯsɔ Opɯre maĩka!”

31 I doreri pɯrɯma ɔsũ ɔrɔ: “Mɯ basi maĩrõsũta mɯ pɯro ɔɔrĩrɔrẽ maĩka!” I pe dorerita gaji ɔɔrĩpereri doreri nemorõ ɔɔrɔ, ɔrĩyupɯ Jesũs.

32 ĩgũ irasũ ɔrĩmakũ, Moisés gojadeare buerimasũ ɔsũ ɔrĩ yɯjɯyupɯ:

–Buegɯ, irasũta ɔɔrɔ. Mɯ ɔrĩrĩ diayeta ɔɔrɔ. Marĩpɯ sugɯta ɔɔrĩmi. Gajigɯ ĩgũ irirosũ ɔɔrĩgũ mámi.

33 Marĩrẽ marĩya yɯjɯpũrɔrĩ merɔ, marĩ gũñarĩ merɔ, ɔɔrĩpereri marĩ turari merɔ Marĩpɯre maĩrõ gɔãmea. Marĩ basi maĩrõsũta gajerɔrẽ maĩrõ gɔãmea. Marĩpɯre bɯremurɔ ĩgũ ĩũrõ waimurɔ wẽjẽ soepeomakũ õɔgorɔa. I nemorõ Marĩpɯre, masakadere marĩ maĩmakũ õɔtaria, ɔrĩyupɯ.

34 ĩgũ pẽmasĩrĩ merɔ õarõ yɯjɯmakũ ĩɔ, Jesũs ĩgũrẽ ɔrĩyupɯ:

–Mérõ dɯyɔa, Marĩpɯ mɯ Opɯ ɔɔrĩrĩrẽ mɯ pẽmasĩburo, ɔrĩyupɯ.

Jesũs irire irasũ ɔrɔdero pɯrɯ, neõ sugɯ ĩgũrẽ sẽrẽñanemobirĩñurɔ.

*“ɔNoɔ parɔmi ɔɔrĩturiagɯ ɔɔrĩrĩ Cristo?” ɔrĩ sẽrẽñadea
(Mt 22.41-46; Lc 20.41-44)*

³⁵ Jesús Marĩpũya wiigüe buegũ, ãsũ ãrĩ sērēñayupũ:
 –¿Nasirirã Moisés gojadeare buerimasã: “Cristo, David parãmi ããrĩturiagu ããrĩmi”, ãrĩrĩ?

³⁶ David, Cristo ñekũ ããrĩkeregũ, Õãgũ deyomarĩgũ ïgũrē weredorederosũta ãsũ ãrĩ gojadi ããrĩmĩ:

Marĩpũ yũ Opũre ãsũ ãrĩmi: “Õõ, yũ diaye gapũ doaka, yũ merã dorebu! Irasiripoe mũrē ïãturirãrē mũ dorerire tarinũgãnemobirimakũ irigũra”, ãrĩmi, ãrĩ gojadi ããrĩmĩ David.*

³⁷ David, Cristo ñekũ ããrĩkeregũ, ïgũrē: “Yũ Opũ ããrĩmi”, ãrĩdi ããrĩmĩ. ¿Nasirigũ, Cristo, David parãmi ããrĩturiagu ããrĩkerepũrũ, David ïgũrē irasũ ãrĩyuri? ãrĩyupũ Jesús.

Wãrã masaka iri wiigüe ããrĩrã ïgũ wererire mũyari merã péñurã.

Jesús Moisés gojadeare buerimasã yamarē weredea

(Mt 23.1-36; Lc 11.37-54; 20.45-47)

³⁸ Jesús ãsũ ãrĩ buenemoyupũ:

–Moisés gojadeare buerimasã ñerõ iririre õãrõ pémasĩka! Oparã irirosũ surĩ yoari sãña, masaka ïũrõgue waagorenama. Makã dekoguere masakare õãrõ bũremurĩ merã ïgũsãrē bokatĩrĩ õãdoremakũ gããmema.

³⁹ Marĩ nerērĩ wiiriguere ñajãrã, õãrĩ doaripērĩgue dita doadũama. Bosenũrĩ ããrĩmakũdere oparã doarigüe dita doadũama.

⁴⁰ Wapiweyarã nome wajamomakũ ïã, ïgũsãya wiirire ěmanokõãma. ïgũsãrē bopoñarĩ merã ïãbirikererã, yoaripoe Marĩpũre sērē ïmugatoma, masaka ïgũsãrē: “Marĩpũre õãrõ bũremuma”, ãrĩburo, ãrĩrã. ïgũsã irasiriri waja, Marĩpũ ïgũsãrē gajerãrē wajamoãrõ nemorõ wajamoãgũkumi, ãrĩyupũ Jesús.

Wapiweyo bopogo Marĩpũya wiigüe igo niyeru tiri sãdea

(Lc 21.1-4)

⁴¹ Pũrũ Jesús Marĩpũya wiima ïgũsã ãmuburi niyeru neeõrĩ kũma pũro masaka ïgũsã niyeru sãmakũ ïã doanĩyupũ. Wãri doebiri oparã iri kũmaguere wãro niyeru sãñurã.

⁴² Sugo wapiweyo iri kũma pũro ejanũgã, pe tigã mérõgã wajakũri tirigãrē sãyupo.

⁴³ Iri tirire igo sãmakũ ïãgũ, Jesús ïgũ buerãrē siiu, ãrĩyupũ:

–Diyeta mũsãrē werea. Igo wapiweyo bopogo niyeru sĩgõ, Marĩpũ ïũrõ gajerã ããrĩpererã sĩadero nemorõ sĩamo.

⁴⁴ Gajerã wãri doebiri oparã wãro sĩkerepũrũ, ïgũsãya wãro dũyãa. Igo gapũ bopogo ããrĩkeregõ, igo baari wajariboadeare ããrĩpereri sĩpeokõãmo Marĩpũre bũremugõ, ãrĩyupũ Jesús.

13

Jesús: “Marĩpũya wii béosũrokoa”, ãrĩ weredea

(Mt 24.1-2; Lc 21.5-6)

¹ Jesús Marĩpũya wiigüe ããrãdi wiriaripoe sugũ ïgũ buegũ ãsũ ãrĩyupũ:

–Gũare buegũ, ïãka i wiire pagari ãtãyeri merã iridea wii miērē, ãrĩyupũ.

² Jesús ïgũrē yujũyupũ:

–Mũsã i wiire wãri wiire daporare ïãdáa. Pũrũgue neõ suye ãtãye gajiyu weka weamũrĩadeade dujabirikoã. ããrĩpereri mũtãdijapereakõãrokoa, ãrĩyupũ Jesús.

Jesús: “I mũmũ pereburi dupuyuro ãsũ waarokoa”, ãrĩ weredea

(Mt 24.3-38; Lc 21.7-36)

* 12:36 Sal 110.1

³ Pɔrɔ Jesús ĩgũ buerã merã Olivos wãĩkuri buúru Marĩpɔya wii bokatĩũrõ ããĩĩrĩ buúrugue waayupɔ. Jesús irogue eja doamakũ, Pedro, Santiago, Juan, Andrés ĩgũrẽ ĩgũsã seyaro sêrẽñañurã:

⁴ —Guare wereka! ¿Naásũ ããĩĩmakũ, mɔ ãrãderosũ waarokuri? ¿Ñeeno iri ĩmugukuri, iri ããĩĩpereri irasũ waaburi dupuyuro? ãĩĩñurã.

⁵ Jesús ĩgũsãrẽ yɔjɔyupɔ:

—Õãrõ pémasĩka! Gajerã musãrẽ ãĩĩgatorire pébirikõãka!

⁶ Wárã ãĩĩgatorimasã aarirãkuma. “Yɔ Marĩpɔ iriudi Cristo ããrã”, ãĩĩrãkuma. ĩgũsã irasũ ãĩĩgatomakũ pérã, wárã masaka ĩgũsãrẽ bɔremurãkuma.

⁷ Masaka musã pɔro gãmewějěrĩrẽ pérã, yoarogue marã gãmewějěrĩ kerere pérã, gɔkabirikõãka! Irasũta waarokoa. Irasũ waakerepɔrɔ, i ãmɔ pereburo dɔyarokoa dapa.

⁸ Su bumarã, gaji bumarã merã gãmewějěrãkuma. Su nikũ marã, gaji nikũ marã merã gãmewějěrãkuma. Wári makãĩguere nikũ ñomerokoa. Masaka wárã ɔaboari merã boarãkuma. I ããĩĩpereri merã masaka ñerõ taripɔroriwãgãrĩrãkuma.

⁹ Gajerã musãrẽ ñeã, ãĩa, oparãguere ñerõ iridorerã wiarãkuma. Musã judío masaka nerẽrĩ wiirigue ããĩĩmakũ, musãrẽ párãkuma. Musã yare bɔremurĩ waja makãrĩ marã oparã pɔrogue, iri nikũ marã oparã pɔrogue ãĩĩsũrãkoa. Irasirĩmakũ, musã Marĩpɔya õãrĩ kerere wererãkoa ĩgũsãrẽ. Irasirĩrã musã basi õãrõ pémasĩka!

¹⁰ I ãmɔ pereburo dupuyuro Marĩpɔyare wererã ããĩĩpereri buri marãrẽ ĩgũya kerere wererãkuma.

¹¹ Masaka musãrẽ oparã pɔrogue ãĩĩmakũ: “¿Naásũ ãĩĩrãkuri ĩgũsãrẽ?” ãĩĩ gũñarikɔmerãta waaka! Oparã musãrẽ sêrẽñamakũ, Marĩpɔ gũñarĩ sĩrĩ merã wererãkoa. Irasirĩrã musã basi werenĩbirikoa. Õãgũ deyomarĩgũ iritamurĩ merã, ĩgũ werenĩrĩ sĩrĩ merã wererãkoa.

¹² I ãmɔ pereburo dupuyuro masaka ĩgũsã pagɔpũrãrẽ, ĩgũsã tĩrãrẽ oparãguere wějedorerã wiarãkuma. Pagɔsãmarã ĩgũsã pũrãrẽ, pũrã ĩgũsã pagɔsãmarãrẽ oparãguere wějedorerã wiarãkuma.

¹³ Yare musã bɔremurĩ waja ããĩĩperero marã masaka musãrẽ ĩãturi doorãkuma. Musãrẽ ĩgũsã ñerõ irikerepɔrɔ, yare bɔremurĩrẽ piribirĩmakũ, Marĩpɔ musãrẽ taugukumi.

¹⁴ I ãmɔ pereburo dupuyuro ñegũrẽ Marĩpɔre ĩãturigare ĩãrãkoa. Marĩpɔya wiigue ĩgũrẽ ããĩĩdorebiridea wiigue nĩmakũ ĩãrãkoa. Iripoegue Marĩpɔya kerere weredupuyudi Daniel ĩgũrẽ gojadi ããĩĩmĩ. ĩgũ gojadeare buegno, pémasĩburo. Ásũ ãrĩ gojadi ããĩĩmĩ: “Iro ĩgũ nĩmakũ ĩãrã, Judea nikũgue ããĩĩrã buurĩgue ũmaduriburo”.

¹⁵ Irasũ waaripoere masakare ñerõ waarokoa. Sugɔ ĩgũya wii wekague ããĩĩgũ wii poekague ĩgũyare ãĩĩgũ ñajãbirikõãburo.

¹⁶ Sugɔ ĩgũya pooerigue ããĩĩgũde ĩgũya surĩre wiigue ãĩĩgũ dujáabirikõãburo.

¹⁷ Irasũ waarĩnũrĩrẽ nijĩpagosã nome, gajerã ĩgũsã pũrã mirĩrãgã oparã nomede buro ñerõ tarirãkuma.

¹⁸ Irasirĩrã Marĩpɔre ãsũ ãrĩ sêrêka: “Puibũ ããĩĩmakũ, irasũ waabirikõãburo”, ãrĩ sêrêka!

¹⁹ Irasũ waarĩnũrĩrẽ masaka ñerõ tarirãkuma. Marĩpɔ i ãmũrẽ iripɔroridero pɔrɔre masaka ñerõ taridero nemorõ ñerõ tarirãkuma. I ĩgũsãrẽ ñerõ waaburi neõ dupaturi irasũ waanemobirikoa.

²⁰ Irasirigɔ Marĩpɔ masakare i ñerõ waarĩre: “Yoaripoe waabirikõãburo”, ãĩĩgukumi. ĩgũ irasiribirĩmakũ, neõ sugɔ masakũ taribiribokumi. Irasirigɔ

Īgũ beyenerārē bopoñasiã, Īgũsārē ñerō waaríre: “Iropãta waaburo”, ārīgukumi.

²¹ Irasũ ñerō waaripoere gajerã masārē: “Īãka! Ōõta Cristo ãārĩmi”, o “Sõõ ãārãmi Cristo”, ãrĩmakũ pérã, bũremubirikõãka!

²² Wárã ārīgatorikurã aarirãkuma. Surãyeri: “Yũ Marĩpu iriudi Cristo ãārã”, o “Marĩpuya kerere weredupuyurimasã ãārã”, ãrĩrãkuma. Irasirirã masakare Īgũsã ārīgatorire bũremudorerã, wári gajino iri ĩmurãkuma. Irasirikererã, Marĩpu beyenerārē Īgũrē bũremuduũmakũ irimasĩbirikuma.

²³ Iri irasũ waaburi dupuyuro masārē i ãārĩpererire weresiãa. Irasirirã õãrõ pémasĩka! ãrĩ wereyupu Jesús Īgũ buerãrē.

Jesús i ãmugue Īgũ dupaturi aariburire weredeã
(Mt 24.29-35, 42-44; Lc 21.25-36)

²⁴ Jesús ãsũ ãrĩ werenemoyupu Īgũsārē:

–Irasũ ñerō waarĩnrĩ pũru, abe ãmũmũ naĩĩãkõãgũkumi. Ñamimũde boyonemobirikumi.

²⁵ Neñukã ãmugasigue ããrĩrã yuridijarirãkuma. Őmarõgue marã turarãde naradari merã béosũrãkuma.

²⁶ Irasũ waaripoere masaka yũ ããrĩpererã tĩgũ, bũro turari merã, gosewasiriri merã mikãyebogue i nikũguere dupaturi aarimakũ ĩãrãkuma.

²⁷ Yũre wereboerãrē ããrĩperero i nikũguere iriugũra. Irasirirã yaarãrē Marĩpu beyenerãrē ããrĩpererogue ããrĩrãrē yũ pũrogue neeõrãkuma.

²⁸ Ire mũsã masĩburo, ārĩgũ, higeragu keori merã weregũra. Irigu pũ maamamakũ ĩãrã: “Bojori waaburo mérõgã dũyãa”, ãrĩ masĩa.

²⁹ Irigu waarõsũta i ããrĩpereri yũ ãrĩrĩ irasũ waamakũ ĩãrã: “Marĩpu iriudi dupaturi aariburo mérõgã dũyãa”, ãrĩ masĩrãkoa.

³⁰ Diayeta mũsārē werea. I ããrĩpereri yũ ãrĩrĩ, dapora marã Īgũsã boapereburo dupuyuro irasũ waarokoa.

³¹ Őmugasi, i nikũde pereakõãrokoa. Yũ werenĩrĩ gapũ neõ perebirikoa. ããrĩpereri yũ mũsārē ãrĩrõsũta waayuwarikũrokoa.

³² Yũ dupaturi aariburinũrē, iri horare neõ sugũ masĩbemi. Marĩpure wereboerã ãmugasigue ããrĩrãde masĩbema. Yũ Marĩpu magũde masĩbea. Yũpu sugũta masĩmi.

³³ Mũsãde yũ aariburinũrē masĩbea. Irasirirã õãrõ pémasĩrĩ merã yũka! “Gũare iritamuka!” ãrĩ sērēka Marĩpure!

³⁴ I keori merã mũsārē weregũra. Wii opũ yoarogue gãmeñajãgũ waaburi dupuyuro Īgũrē moãboerãrē Īgũya wiire koredorekumi. Surãyerire Īgũ moãrĩrē pikumi. Gajigure wii disipũro koredorekumi, Īgũ dujariburire õãrõ yũdoregũ.

³⁵ Irasiri odo, waakõãkumi. Īgũrē moãboerã gapũ Īgũ dujariburinũrē neõ masĩbirikuma. Ñamika, o ñami deko, ãgãbo wereripoe, o boyoripoe aaribokumi. Īgũsã õãrõ yũbirimakũ, Īgũ gũñaña marĩrõ aarigũ, Īgũsārē kãrĩrãrē bokajagũkumi. Wii opũre moãboerã Īgũ dujariburinũrē Īgũsã masĩbiriderosũta mũsãde yũ dupaturi aariburinũrē masĩbea.

³⁶ Gũñaña marĩrõ yũ aariburire masĩrã, yũre õãrõ pémasĩrĩ merã yũka! Sugũ kãrĩgũ irirosũ ããrĩgũ yũre õãrõ yũbirikumi. Īgũ irirosũ ããrĩbirikõãka!

³⁷ Yũ mũsārē ãrĩrĩrē ããrĩpererãrē ārĩgũra. Őãrõ pémasĩrĩ merã yũka! ãrĩ wereyupu Jesús Īgũ buerãrē.

14

Oparã Jesúre ñeãburire ãmudea
(Mt 26.1-5; Lc 22.1-2; Jn 11.45-53)

¹ Penũ pascua bosenu, judío masaka pã wemasãrĩ morẽña marĩrĩ baari bosenu ðayaripoe paía oparã, Moisés gojadeare buerimasã nerẽñurã. Jesúre ãrĩgatori merã ãgũsã ãgũrẽ ñeã, wẽjẽburire ãmuñurã.

² Irire ãmurã, ãsũ ãrĩñurã:
—I bosenu ããrĩmakũ ãgũrẽ ñeãbirikõãrã! Masaka marĩ merã guarã, marĩrẽ gainĩ turibokuma, ãrĩñurã.

Sugo nomeõ Jesúre sãrõrĩ piupeodea
(Mt 26.6-13; Jn 12.1-8)

³ Jesús Betania wãikuri makãgue, Simón kãmi boadiya wiigüe ããrĩyupũ. ãgũ iri wiigüe ããrĩrã merã baa doanĩripoe sugo nomeõ suru sãrõdiru opago Jesús puru ejanugãyupo. Igo opadiru “alabastro” wãikuri ãtãye merã iridiru, sãrõrĩ “nardo” wãikuri wajapari opadiru ããrĩyuro. Irirure tũpã, Jesúya dipurure piupeoyupo.

⁴ Gajerã iri wiigüe ããrĩrã igo irasirimakũ ããrã, gua, ãsũ ãrĩ gãme werenĩñurã:
—¿Nasirigo iri sãrõrĩrẽ irasiriwasiribéokõãrĩ?

⁵ Igo irire duamakũ, trescientos niyeru tiri su bojori moã wajataropã wiri-boakuyo. Iri waja merã boporãrẽ iritamuboakumo, ãrĩñurã. Igo irasiririre suyubiriñurã.

⁶ Jesús gapũ ãgũsãrẽ ãrĩyupũ:
—Igre garibobirikõãka! ¿Nasirirã igore garibori? Igo yãre õãrĩrẽ yámo.
⁷ Boporã musã watopeguere ããrĩnikõãrãkuma. Irasirirã ãgũsãrẽ irita-muduarã iritamumasã. Yũ tamerãrẽ musã merã ããrĩnĩmakũ ããbirikoa.

⁸ Igo õãrõ iridũaro bokatĩũrõ yãre õãrõ iriamo. Yaa dupure masãgobegue ãgũsã pĩburi dupuyuro ãmuyugo, yãre sãrõrĩ piupeosiamo.

⁹ Diayeta musãrẽ werea. Marĩpũ masakare tauri kerere wererã ããrĩperero i ãmũgue waagorenarã, igo yãre irideadere gajerãrẽ wererãkuma, igore gũñaburo, ãrĩrã, ãrĩyupũ Jesús.

Judas Iscariote Jesúre wẽjẽdũarãguere ãgũrẽ ãmuburire ãmudea
(Mt 26.14-16; Lc 22.3-6)

¹⁰ Purũ Judas Iscariote wãikũgũ sugũ Jesús buerã pe mojõma pere su gubu peru pẽrẽbejarã watopemũ paía oparã purogue waa, ãgũ Jesúre ãgũsãguere ãgũrẽ ãmuburire werenĩyupũ.

¹¹ ãgũ irasũ ãrĩmakũ pãrã, usũyari merã: “ãgũrẽ mũ guare ãmumakũ, niyeru mũrẽ wajarirãkoa”, ãrĩñurã.

Irasirigũ Judas: “¿Naásũ ããrĩmakũ ãgũsãrẽ yũ Jesúre wiamakũ õãkuri?” ãrĩ gũñayupũ.

Jesús ãgũ buerã merã baatũnudea
(Mt 26.17-29; Lc 22.7-23; Jn 13.21-30; 1 Co 11.23-26)

¹² Purũ judío masaka pã wemasãrĩ morẽña marĩrĩ baari bosenu puroririnũ ããrĩmakũ, Marĩpũ ãũrõ oveja majĩrãrẽ wẽjẽ baañurã. Irinũta Jesús buerã ãgũrẽ ãsũ ãrĩ sãrẽñañurã:

—¿Noógue mũ pascua bosenu baaburire ãmumakũ gããmekuri? ãrĩñurã.

¹³ ãgũsã irasũ ãrĩmakũ pé, Jesús ãgũ buerã pãrãrẽ ãsũ ãrĩ iriuyupũ:
—Jerusalẽgue waaka! Irogue sugũ dekosoro kõãwãgãgũ musãrẽ bokatĩrĩgukumi. ãgũrẽ tuyaka!

¹⁴ ãgũ, wiigüe ñajãmakũ, iri wii opure: “Guare buegũ, ãsũ ãrĩ sãrẽñadoreami: ‘¿Dĩ taribugue yũ buerã merã i pascua bosenuẽrẽ baagũkuri?’ ãrãmi”, ãrĩka!

15 Musā irasū ārimakū pé, wári taribu ūmarōgue āmuadea taribuguerē ĩmugakumi. Irogue marī baaburire āmuka! āriyupū Jesús.

16 Irasirirā iri makāgue waa, irogue eja, Jesús wereaderosūta bokaja, pas-cua bosenu baaburire āmuñurā.

17 Pɔɔ naimejāripoe Jesús ĩgū buerā pe mojōma pere su gubu peru pērēbejarā merā iri taribugue baagu ejayupū.

18 ĩgūsā baa doanīripoe Jesús ĩgūsārē āriyupū:

—Diayeta musārē werea. Sugū musā watopemū yū merā baa doanīgūta yūre wējēduarāguere yūre ĩmugakumi, āriyupū.

19 ĩgū irasū ārimakū pérā, buro bujawereri merā sugūno dita ĩgūrē sērēñayoñurā:

—¿Yū āārīrī mūrē ĩmubu? ārīñurā. Gajerāde irasū dita āārīñurā.

20 Jesús ĩgūsārē yujuyupū:

—Sugū musā pe mojōma pere su gubu peru pērēbejarā watopemū yū merā baaguta āārīmi.

21 Marīpɔɔya werenīrī gojadea pūgue gojaderosūta yūre āārīpererā tīgūrē waaró yáa. Yūre ĩmubu gapure ñetariro waarokoa. ĩgū deyoabirimakū ōāboyo, āriyupū.

22 Jesús, ĩgūsā baaripoe pārē āi, Marīpɔɔre: “Mūrē usuyari sīa”, ārī, pea, ĩgūsārē āsū ārī guereyupū:

—Ire baaka! Yaa dupū āārā, āriyupū.

23 Pɔɔ iirīripere āi, Marīpɔɔre: “Mūrē usuyari sīa”, ārī, ĩgūsārē iripere sīyupū. Irasirirā āārīpererā iirīñurā.

24 ĩgūsārē āsū āriyupū:

—I yaa dí āārā. Yū masakare boabosagu yaa dí béori merā wárārē Yɔɔ: “ĩgūsārē ōārō irigura”, ārīdeare iriyuwarikugukoa.

25 Diayeta musārē werea. Iguí dekore marī dapora iirīrosū yū dupaturi neō iirinemobirikoa. Pɔɔ Yɔɔ ĩgūyarārē dorerogue musā merā maama iguí dekore iirigukoa, āriyupū Jesús ĩgū buerārē.

Jesús Pedrorre: “Yūre masīkeregū: ‘Masībea’, ārīgukoa”, ārī weredea (Mt 26.30-35; Lc 22.31-34; Jn 13.36-38)

26 Pɔɔ Marīpɔɔre bayapeo odo, Olivos wāikuri buúrugue waakōāñurā doja.

27 Irogue Jesús ĩgūsārē āriyupū:

—Musā āārīpererā gūñaturaro marīrō yūre béowāgāperekōārākoa. Musā irasiriburire Marīpɔɔya werenīrī gojadea pūgue āsū ārī gojasūdero āārībú:

Yū oveja koregure wējēmakū irigukoa. Irasirimakū, ĩgūyarā oveja ūmawasiriakōārākuma, ārī gojasūdero āārībú.*

28 Yū boadigue masādero pɔɔ, musā dupuyuro Galileague waadupuyugukoa, āriyupū.

29 Pedro gapū Jesúre āriyupū:

—ĩgūsā āārīpererā mūrē béowāgākerepɔɔ, yū gapū mūrē neō béowāgābirikoa, āriyupū.

30 Jesús ĩgūrē yujuyupū:

—Mūrē diayeta werea. Dapagā ñami āgābo pea wereburi dupuyuro mū yūre masīkeregū urea gajerārē: “Masībea”, ārīgatogukoa, āriyupū.

31 Pedro ĩgūrē āriyupū:

—Yū mū merā boabu āārīkeregū: “Masībea”, ārīgatobirikoa, āriyupū.

Āārīpererā ĩgū buerā Pedro ārīrōsū dita ārīñurā.

* 14:27 Zac 13.7

Jesús Getsemanígue Marĩpũre sērēdea
(Mt 26.36-46; Lc 22.39-46)

³² Pũrũ Getsemaní wāĩkũrogue ejañurã. Irogue Jesús ĩgũ buerãrẽ:

—Ōõta doaka musã dapa! Marĩpũre sērēgũ waagú yáa, ārĩyupũ.

³³ Irasũ ārĩ odo, Pedro, Santiago, Juãrẽ siiuwãgãyupũ. ĩgũ bũro gũñarikũ, bujawereyupũ.

³⁴ ĩgũsãrẽ ārĩyupũ:

—Bũro bujawereri merã kũmoma goero péñakoa. Kãrĩmerãta õõ doa yúka! ārĩyupũ.

³⁵⁻³⁶ Irasũ ārĩ odo, yoaweyaro waanemo, yebague moomejãja, Marĩpũre ãsũ ārĩ sērēyupũ:

—Aũ, ããrĩpererire irimasĩa mũ. I yũ ñerõ tariburire taudũagũ tauka! Yũ irasũ ārĩkererũ, yũ gããmerõsũ iribirikõãka! Mũ gããmerõsũ gapũ yũre waaburo, ārĩyupũ.

³⁷ Pũrũ ĩgũsã pũrogue ejagũ, ĩgũsã kãrĩrãrẽ bokajayupũ. Pedrore ārĩyupũ:

—Simón, ¿kãrĩgũ yári? ¿Nasirigũ su horanogora yũre kãrĩbita yúmasĩberi?

³⁸ Kãrĩmerãta! Marĩpũre sērēka, wãtĩ ārĩmesãrĩrẽ iribokoa, ārĩrã! Musã gũñarĩ merã õãrĩrẽ iridũadãa. Irire iridũakererã, bokatĩũbea, ārĩyupũ.

³⁹ Irasũ ārĩ odo, Marĩpũre ĩgũ sērēaderosũta dupaturi sērēgũ waayupũ doja.

⁴⁰ Dupaturi ĩgũsã pũro ejagũ, kãrĩrãrẽta bokajayupũ doja. ĩgũsãrẽ wũja pũrĩtariyuro. Irasirirã, naásũ ārĩ yũjumasĩbiriñurã.

⁴¹ Hreagora kãrĩrãrẽ bokajagũ, Jesús ĩgũsãrẽ ārĩyupũ:

—Siuñajã, kãrĩka pama! Iropãta ejãa. Yũre ããrĩpererã tĩgũrẽ ñerãguere wiari hora ejasiãa.

⁴² Wãgãnũgãka! Náka, waarã! Yũre wējẽduarãguere yũre ĩmubu aarisiami, ārĩyupũ Jesús.

Jesúre ñeãwãgãdea
(Mt 26.47-56; Lc 22.47-53; Jn 18.2-11)

⁴³ ĩgũ irasũ ārĩ wereripoe Judas, Jesús buerã pe mojõma pere su gubu peru pērēbejarã watopemũ ããrãdi ejayupũ. Wãrã masaka sareri majĩrĩ, yukũ dukari opanerã Jesús pũrore ĩgũ merã ejañurã. ĩgũsã paía oparã, Moisés gojadeare buerimasã, judío masaka mũrã iriuanerã ããrĩñurã.

⁴⁴ ĩgũsã Jesús pũro ejaburi dupuyuro Judas ĩgũsãrẽ ãsũ ārĩ weredi ããrĩmĩ: “Yũ ĩgũya wayupãrãrẽ mimigũta ããrĩgũkumi. ĩgũrẽ ñeã, õãrõ sia, ãĩaka!” ārĩdi ããrĩmĩ.

⁴⁵ Judas, Jesús pũro ejagũta: “Gũare buegũ”, ārĩ, ĩgũya wayupãrãrẽ mimiyupũ.

⁴⁶ ĩgũ mimimakũ ĩãrã, Judas merã aaranerã Jesúre turaro merã ñeãwãgãñurã.

⁴⁷ Sugũ Jesús buegũ gapũ paía opũre moãboegũre sareri majĩ merã ĩgũya gãmipũrẽ ditiã dijukõãyupũ.

⁴⁸ Jesús gapũ ĩgũsãrẽ ārĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aariri?

⁴⁹ Hmũrikũ Marĩpũya wiigũe musã watopegue buebũ. Irogũere musã yũre neõ ñeãbiribũ. Musã irasiriri Marĩpũya werenĩrĩ gojadea pũgue gojaderosũta waaró yáa yũre, ārĩyupũ Jesús.

⁵⁰ Jesúre ñeãmakũ ĩãrã, ããrĩpererã ĩgũ buerã sugũreta ũmaweonũwãgãkõãñurã.

⁵¹ Sugũ maamũ ĩgũ õmasiariñe merã dita Jesúre tuyayupũ. ĩgũdere ñeãkõãñurã.

⁵² ĩgũsã ĩgũrẽ ñeãmakũ, ĩgũ õmasiariñerẽ meépi, surí marĩgũ ũmaduriwãgãkõãyupũ.

Jesúre oparã pũrogue ãiadea

(Mt 26.57-68; Lc 22.54-55, 63-71; Jn 18.12-14, 19-24)

⁵³ Pũrũ Jesúre paía opũ pũrogue ãijañurã. Irogure paía oparã, Moisés gojadeare buerimasã, judío masaka mũrã ããrĩpererã nerẽñurã.

⁵⁴ Pedro gapũ yoaweyaro Jesúre tuyañajãa, paía opũya wii disipũro ñajãrõma yebague eja, Marĩpũya wiire korerã surara merã peame tũro sũma doanĩyupũ.

⁵⁵ Paía oparã, judío masaka mũrã, ããrĩpererã irogue nerẽanerã Jesúre ãrĩgatori merã weresãmurãrẽ ãmarã iriñurã ĩgũrẽ wẽjẽmurã. Irasirikererã, bokabiriñurã.

⁵⁶ Wárã gajerã ãrĩgatori merã Jesúre weresãkerepũrũ, keoro ejabiriyuro.

⁵⁷ Gajerãde wãgãnũgãja, ãrĩgatori merã ãsũ ãrĩ weresãñurã:

⁵⁸ —Gua, ĩgũ ãsũ ãrĩmakũ pébu: “Marĩpũya wii masaka iridea wiire béokõãgũra. Pũrũ urenũ waaró merã gaji wii, masaka iribiri wiire irigũra”, ãrĩmi, ãrĩñurã.

⁵⁹ ĩgũsã irasũ ãrĩrĩde keoro ejabiriyuro.

⁶⁰ Irasirigũ paía opũ ĩgũsã watopegue wãgãnũgãja, Jesúre sërẽñayupũ:

—¿ĩgũsãrẽ yũjũberi mũ? ¿Nasirirã mũrẽ irasũ ãrĩ weresãrĩ? ãrĩyupũ.

⁶¹ Jesús gapũ yũjubiriyupũ. ĩgũ yũjubirimakũ ãã, paía opũ dupaturi sërẽñayupũ doja:

—¿Mũ Marĩpũ õãtarigũ magũ Cristota ããrĩrĩ?

⁶² Jesús ĩgũrẽ ãrĩyupũ:

—Yũ ĩgũta ããrã. Yũ ããrĩpererã tĩgũrẽ Yũrũ turagũ diaye gapũ doamakũ ããrãkoa. Ɛmũgasima mikãyebori weka yũ aarimakũdere ããrãkoa, ãrĩyupũ Jesús.

⁶³ ĩgũ irasũ ãrĩmakũ pégu, paía opũ ĩgũ guarire ĩmugũ, ĩgũya surĩrore tũãyegue, ãsũ ãrĩyupũ:

—¿Nasirimurã gajerã ĩgũrẽ weresãrĩrẽ pẽnemobokuri marĩ?

⁶⁴ Mũsã, ĩgũ basita Marĩpũre ñerõ ãrĩrĩrẽ pésiãa. ¿Naásũ gũñarĩ? ãrĩyupũ.

ĩgũ irasũ ãrĩmakũ pérã, ããrĩpererã ãsũ ãrĩñurã:

—Marĩpũre ĩgũ ñerõ ãrĩrĩ waja boaburo, ãrĩñurã.

⁶⁵ Irasirirã surãyeri Jesúre síku eotú, surĩro gasiro merã ĩgũya koyere siabiato, ĩgũrẽ pá:

—“¿Noã mũrẽ pári?” ãrĩbokaka! ãrĩñurã. Marĩpũya wiire korerã Jesúre ãã, ĩgũya diapure bũro pánañurã.

Pedro Jesúre masĩkeregũ: “Masĩbea”, ãrĩdea

(Mt 26.69-75; Lc 22.56-62; Jn 18.15-18, 25-29)

⁶⁶ Pedro gapũ paía opũya wii disipũro ñajãrõma yebague doanĩyupũ. Iro ĩgũ doaripoe sugo nomeõ paía opũre moãboego ejayupo.

⁶⁷ ĩgũ peame tũro sũma doanĩmakũ ĩãgõ, ĩgũrẽ ãsũ ãrĩyupũ:

—Mũde Jesús Nazaretmũ merã ããrĩdita ããrã, ãrĩyupũ.

⁶⁸ Pedro ãrĩgatori merã ãsũ ãrĩ yũjũyupũ igore:

—ĩgũrẽ masĩbea. Mũ irasũ ãrĩrĩrẽ pémasĩbirikoa yũ, ãrĩyupũ.

Irasũ ãrĩ, iri wii tũroma sãrĩrõ disipũrogue wiriaripoeta ãgãbo wereyupũ.

⁶⁹ Moãboego Pedrore dupaturi ãã, iro ããrĩrãrẽ ãrĩyupũ doja:

—Ĩĩ, Jesús merãmũta ããrĩmi, ãrĩyupũ.

⁷⁰ Pedro dupaturi igore ãrĩgatoyupũ doja:

—Ããrĩbea yũ, ãrĩyupũ.

Mérôgã puruta iro ããrĩrã Pedrore ãrĩñurã doja:

—Mũ diayeta Jesús buerã merãmũta ããrã. Mũ Galileamũta ããrã. Pémasĩrõta ãgũsã irirosũ werenía, ãrĩñurã.

⁷¹ ãgũsã irasũ ãrĩmakũ, Pedro ãrĩyupũ:

—Marĩpũ péuro diayeta werea. Yũ musãrẽ diaye werebirimakũ, Marĩpũ yũre wajamoãburo. Yũ musã werenígũrẽ masĩbea, ãrĩyupũ.

⁷² ãgũ irasũ ãrĩripoeta dupaturi ãgãbo wereyupũ. Pedro, ãgãbo weremakũ pégu, Jesús ãgũrẽ: “Ãgãbo pea wereburo dupuyuro mũ yũre masĩkeregu, urea: ‘Masĩbea’, ãrĩgatogũkoa”, ãrãdeare gũñaboka, bũro oreyupũ.

15

Jesúre Pilato pũro ãijadea

(Mt 27.1-2, 11-14; Lc 23.1-5; Jn 18.28-38)

¹ Boyodujimejãripoe ããrĩpererã judío masaka oparã, paía oparã, mũrã, Moisés gojadeare buerimasã nerẽ: “¿Nasirirãkuri marĩ Jesúre?” ãrĩ wereníñurã. Werení odo, ãgũrẽ sia, ãiwãgã, Pilatore wiañurã.

² Pilato Jesúre sërẽñayupũ:

—¿Mũta ããrĩrĩ judío masaka Opũ? ãrĩyupũ.

—Mũ ãrĩrõsũta ãgũta ããrã, ãrĩ yũjũyupũ Jesús.

³ Paía oparã Jesúre: “Íĩ ñerõ iridi ããrĩmi”, ãrĩ, wári weresãñurã.

⁴ ãgũsã irasũ ãrĩmakũ pégu, Pilato dupaturi Jesúre ãsũ ãrĩ sërẽñayupũ:

—¿Neõ yũjũberi? Péka! ãgũsã mũrẽ wári weresãrã yáma, ãrĩyupũ.

⁵ Jesús gapũ neõ yũjũbiriypũ. Irasirigu Pilato ããgũkakõãyupũ.

Jesúre wějẽdoredea

(Mt 27.15-31; Lc 23.13-25; Jn 18.38-19.16)

⁶ Bojorikũ pascua bosenu ããrĩmakũ, Pilato sugũ peresugue ããrĩgũrẽ masaka wiudoregũre wiunayupũ.

⁷ Iripoere Barrabás wãikũgũ gajerã romano marã oparãrẽ béodũarã masakare wějẽnerã merã peresugue ããrĩyupũ.

⁸ Iri bosenu ããrĩmakũ, Pilato pũrogué wárã masaka nerẽ:

—Mũ bojorikũ irinarõsũta irika doja! ãrĩ sërẽñurã.

⁹ Pilato ãgũsãrẽ yũjũyupũ:

—¿Mũsã judío masaka Opũre yũ wiumakũ gããmerĩ? ãrĩyupũ.

¹⁰ Pilato, paía oparã Jesúre ããturiã, ãgũsã ãgũrẽ wiamakũ masĩgũ, irasũ ãrĩyupũ.

¹¹ Paía oparã gapũ masakare: “Barrabáre wiuka!” ãrĩ gainídoreñurã.

¹² ãgũsã irasũ ãrĩmakũ pé, Pilato ãgũsãrẽ sërẽñayupũ:

—Mũsã judío masaka Opũ, ãrĩgũ merã gapũre, ¿nasirimakũ gããmekuri?

¹³ ãgũ irasũ ãrĩmakũ, bũro gainĩrĩ merã:

—Curusague pábiatú wějẽka ãgũrẽ! ãrĩñurã.

¹⁴ Pilato ãgũsãrẽ ãrĩyupũ:

—¿Ñeéno ñerĩrẽ iriari ãgũ, mũsã irasũ ãrĩmakũ?

ãgũsã gapũ dupaturi:

—Curusague pábiatú wějẽka ãgũrẽ! ãrĩ gainíñurã.

¹⁵ Irasirigu Pilato ãgũsã ãgũ merã õãrõ dujamakũ iridũagu, ãgũsã gããmerõsũta Barrabáre wiuyupũ. Jesús gapũre tãrãdore, pũrũ surarare wiayupũ, ãgũrẽ curusague pábiatúdoregu.

¹⁶ Irasirirã surara Jesúre Pilatoya wii disipũroma yebague ãijãñurã. Irogué ããrĩpererã surarare Jesús pũro neeõñurã.

17 P_HU_M suríro b_Hro diiariñerē ĩgūrē sãñurã. ĩgūya dipurure pora bero ĩgūsã iriadea berore peoñurã.

18 P_HU_M: “B_Hremurã aarika judío masaka Op_Hre!” ãrĩ gainíñurã.

19 ĩgūya dipurure yuk_H duk_H merã pá, ĩgūrē síku eotúbiranañurã. ĩgūrē b_Hridarã ñaduk_Hpuri merã ejamejãjanañurã.

20 P_HU_M irasiri b_Hrida odo, suríro diiariñerē túwea, ĩgūya surírore sãñurã doja. Irasiri odo, ĩgūrē curusague pábiatú wējēm_Hurã ãĩãkõãñurã.

Jesúre curusague pábiatúdea

(Mt 27.32-44; Lc 23.26-43; Jn 19.17-27)

21 ĩgūrē ãĩãrã, sug_H Cirenem_H Simón wãĩkug_Hre poeague ããrãdi dujarig_Hre bokatĩrĩñurã. ĩgū Alejandro, Rufo wãĩk_Hrã pag_H ããrĩyup_H. ĩgūrē bokatĩrĩ, Jesús kõãdea curusare kõãdoreñurã.

22 Gólgota wãĩk_Hrogue Jesúre ãĩjañurã. “Gólgota”, ãrĩrõ: “Masak_H dipuru boaweadea pero”, ãrĩd_Haro yáa.

23 Irogue eja, Jesúre igui deko mirra wãĩk_Hri merã morẽadeare tĩãdiñurã. Jesús gap_H iirĩbiriyp_H.

24-25 P_HU_M irogue ñamigãgã nueve hora ããrĩmak_H Jesúre curusague pábiatú ãĩwãgãnúkõãñurã pama. Odo, ĩgūya suríre: “¿Noãrē dujarokuri?” ãrĩboka birañurã, irire ĩgūsã basi gãme dukawamurã.

26 “Ĩĩ ãsũ iridea waja boami”, ãrĩrã: “Ĩĩta judío masaka Op_H ããrĩmi”, ãrĩ gojadea majrē curusague ĩgū weka pábiatúñurã.

27 Jesús merã pērã yajarik_Hrãrē gaji curusarig_Hue pábiatú ãĩwãgũnúñurã. Sug_Hre ĩgū diaye gap_H, gajig_Hre kúgap_H pábiatú ãĩwãgũnúñurã.

28 Jesúre ĩgūsã irasirimak_H, Marĩp_Hya werenĩrĩ gojadea pūgue gojaderosũta waayuro: “Ĩgū ñerĩ irig_H irirosũ ñerã merã wējēsũgukumi”, ãrĩ gojasũdero ããrĩbú.

29 Masaka irogue ããrĩrã Jesús p_Hro ejanugãja, b_Hridari merã ĩgūrē ĩgūsãya dipure sagui, ñerõ wereníñurã.

—Jũú, m_H Marĩp_Hya wiire béo, p_Hu_M ãren_H waaró merãta iri wiire dupaturi iri odogukoa, ãrĩ wereníb_H.

30 Irasirig_H m_H basi tauka! Curusague merã dijarika! ãrĩñurã.

31 Paía oparã, Moisés gojadeare buerimasãde ĩgūrē ãsũ ãrĩ b_Hridañurã:

—Gajerã gap_Hre taumi. ĩgū basi gap_H taumasĩbemi.

32 Diayeta Cristo, Israel bumarã Op_H ããrĩg_H, curusague merã ĩgū dijari-mak_H iãrã, marĩ ĩgūrē b_Hremurãkoa, ãrĩ b_Hridañurã. ĩgū merã pábiatú ãĩwãgũnúñurã ããrĩ b_Hridañurã.

Jesús boadea

(Mt 27.45-56; Lc 23.44-49; Jn 19.28-30)

33 Goeripoe ããrĩmak_H, i nikũ ããrĩpererogue naĩtĩãkõãyuro. Ure hora gora naĩtĩãyuro.

34 Ure hora ejamak_Hta Jesús b_Hro gainíyp_H:

—Eloi, Eloi, ¿lama sabactani? ãrĩyp_H. Irasũ ãrĩg_H: “Y_H Op_H, y_H Op_H ¿nasirig_H y_Hre béori m_H?” ãrĩg_H iriyp_H.

35 Surãyeri iro ããrĩrã, ĩgū irasũ ãrĩ gainímak_H pērã:

—Péka! Marĩp_Hya kerere weredupuyudire Elíare siiug_H yámi, ãrĩñurã.

36 Sug_H ĩgūsã merãm_H ũmawãgã, igui deko piari yosadea y_Hsare yuk_H yuwague siatú, Jesúre iirĩburo, ãrĩg_H soemuúyp_H. Irasũ soemuúg_H, ãsũ ãrĩyp_H:

—Ĩãnarã marĩ, ĩgū curusague ããrĩg_Hrē Elías ãĩdijug_H aarimak_H, ãrĩyp_H.

37 Jesús buro gainí, kōmoakōāyupũ.

38 Īgũ kōmomakũta Marĩpũya wii poekama taribu disipũro kãmutari gasiro ãmarõ gapũ merã yegue dijari, deko merã yeguesiajayuro.

39 Jesús boamakũ ĩãgũ, romano surara opũ:

—Ī diayeta Marĩpũ magũ ããrãdañumi, ãrĩyupũ.

40 Nomedede yoaweyarogue Jesúre ĩũníñurã. Īgũsã nome watopeguere María Magdalena ããrĩyupo. Gajego María Santiago, ĩgũ tĩgũ José pago ããrĩyupo. Gajego Salomé ããrĩyupo.

41 Jesús Galileague ããrĩmakũ, ĩgũrẽ iritamunerã nome ããrĩñurã. Gajerã nome wárã ããrĩñurã, Jerusalẽgue ĩgũ merã waanerã nome.

Jesúya dupũre masãgobegue pídea

(Mt 27.57-61; Lc 23.50-56; Jn 19.38-42)

42-43 Naĩmejãripoe ããrĩmakũ, judío masaka siuñajãrĩnũ ñajãburo dupuyuro José, Arimatea wãĩkũri makãmũ Pilato pũrogue ejayupũ. Judío masaka oparã watopemũ ããrĩyupũ. Īgũ Marĩpũ ĩgũyarãrẽ doreburire yũgũ iriyupũ. Irasirigu gũiro marĩrõ Pilato pũro eja, Jesúya dupũre yáabu sãrẽyupũ.

44 Īgũ irasũ ãrĩ sãrẽmakũ, Pilato pégukakõāyupũ. Irasirigu surara opũre siiu:
—¿Jesús ããrĩrõta boakõãrĩ? ãrĩ sãrẽñayupũ.

45 Surara opũ ĩgũrẽ: “Boakõãmi”, ãrĩ yũjũmakũ pégũ, Pilato Josere Jesúya dupũre ãĩdijudoreyupũ.

46 Irasirigu José õãrĩ surĩro gasiro wajari, Jesúya dupũre ãĩdiju, iri gasiro merã õmayupũ. Pũrũ su gobe masãgobe ãtãyegue mádea gobegue píyupũ. Irasiri odo, iri gobere ãtã majĩ merã biayupũ.

47 Īgũ Jesúya dupũre yáamakũ, María Magdalena, gajego María José pago ĩãñurã.

16

Jesús masãdea

(Mt 28.1-10; Lc 24.1-12; Jn 20.1-10)

1 Judío masaka siuñajãrĩnũ* tariadero pũrũ, María Magdalena, gajego María, Santiago pago, gajego Salomé, sũrõrĩ wajariñurã Jesúya dupũre piupeomurã.

2 Semana ããrĩpũroririnũrẽ† ĩgũsã nome ñamigãgã, abe mũrĩriripoe Jesúya dupũre yáadea masãgobegue waañurã.

3 Irogue waarã:

—¿Noã marĩrẽ iri masãgobe biadea ãtã majĩrẽ tũpãbosarãkuri? ãrĩ werenĩwãgãñurã.

4 Irogue ejarã, iri gobere biadea ãtã majĩ miẽrẽ gajerogue oyamakũ ĩãñurã.

5 Irasirirã iri gobegue ñajãa, sugũ maamũ diayemapãrẽ gapũ surĩro yoaro õãrõ borero sãñadi doamakũ ĩãñurã. Īgũrẽ ĩãrã, ĩãgukakõãñurã.

6 Īgũ gapũ ĩgũsãno merẽ ãrĩyupũ:

—Gũkabirikõãka! Mũsã Jesús Nazaretmũrẽ, ĩgũsã curusague pábiatú wẽjẽadire ãmarã yáa. Masãsiami. Õõrẽ mámi. ĩãka, ĩgũsã ĩgũrẽ píaderore!

7 Īgũ buerãrẽ, irasũ ããrĩmakũ Pedröre wererã waaka! Īgũ mũsã dupuyuro Galileague waasiami. Irogue mũsã ĩgũrẽ ĩãrãkoa ĩgũ ãrĩderosũta, ãrĩyupũ.

8 Īgũ irasũ ãrĩmakũ pé, buro gũka naradari merã waakõãñurã. Buro gũisĩã, gajerãrẽ ĩgũsã ĩãdeare werebiriñurã.

* 16:1 Judío masaka siuñajãrĩnũ, sábado ããrã. † 16:2 Semana ããrĩpũrorinũno, domingo ããrã.

Jesús María Magdalenarē deyoadea
(Jn 20.11-18)

⁹ Jesús semana ããrĩp̄roririn̄ boyoripoe, ãgũ masãdero p̄r̄u María Magdalenarē deyoap̄roriyup̄. Igo su mojõma pere gaji mojõ peru p̄r̄ẽbejarã wãtẽãrẽ ãgũ bêowiusũdeo ããrĩyupo.

¹⁰ Jesús igore deyoaderõ p̄r̄u, ãgũ buerãrẽ igo ããdeare werego waayupo. ãgũsã b̄ro b̄j̄awereri merã orerã iriñurã.

¹¹ Igo ãgũsãrẽ: “Jesús okami, ãgũrẽ ããb̄”, ãrĩ wererire p̄r̄ã, b̄remubiriñurã.

Jesús ãgũ buerire t̄ȳarã p̄r̄ãrẽ deyoadea
(Lc 24.13-35)

¹² P̄r̄u Jesús gajerã p̄r̄ãrẽ makã t̄rogue waarãrẽ deyoayup̄. ãgũ deyoap̄roriḡu, deyoderõsũ deyobiriyup̄. Irasirirã ãgũrẽ ããmasĩbiriñurã.

¹³ ãgũrẽ ããmasĩ, p̄r̄u ãgũ buerã ããrĩrõgue waa, Jesús ãgũsãrẽ deyoadeare wereñurã. ãgũsãdere b̄remudubiriñurã.

Jesús ãgũ buerãrẽ ãgũyare buedoreḡu pídea
(Mt 28.16-20; Lc 24.36-49; Jn 20.19-23)

¹⁴ Jesús ãgũ boa, masãdero p̄r̄u, ãgũ buerã pe mojõma pere su gubu suru p̄r̄ẽbejarãrẽ ãgũsã baa doanĩrõgue deyoa, ãrĩyup̄:

–¿Nasirirã, yu masãdea kerere pékererã, b̄remuberi, ãgũsã m̄sãrẽ werekerep̄r̄u? B̄remurĩ opabea m̄sã, ãrĩyup̄.

¹⁵ P̄r̄u ãgũsãrẽ ãsũ ãrĩyup̄ doja:

–Ããrĩpererogue marãrẽ Marĩp̄ masakare tauri kerere wererã waaka!

¹⁶ Ȳre b̄remurã, deko merã wãiyesũrã tausũrãkuma. Ȳre b̄remumerã gapu peamegue bêosũrãkuma.

¹⁷ Ȳre b̄remurã yu wãĩ merã, yu turaro merã wãtẽãrẽ masakaguere ñajãnerãrẽ bêowiarãkuma. Gaji masã ya ãgũsã dupuyuro werenĩmasĩbirideare werenĩrãkuma.

¹⁸ ããrẽ ñeãmakũ, ãgũsãrẽ ñerõ waabirikoa. Nima iirĩmakũdere p̄r̄ĩbirikoa. P̄r̄ĩrikurãrẽ ãgũsãya mojõrĩ merã ñapeomakũ, ãgũsãrẽ p̄r̄ĩrĩ tarirokoa, ãrĩyup̄ Jesús ãgũ buerãrẽ.

Jesús ãm̄gasigue m̄r̄ãdeadea
(Lc 24.50-53)

¹⁹ Marĩ Op̄ Jesús irasũ ãrĩ were odoadero p̄r̄u, Marĩp̄ ãgũrẽ ãm̄gasigue ãĩm̄r̄ãyup̄. Irasiriḡu irogue ejaḡu, Marĩp̄ diaye gapu eja doayup̄.

²⁰ ãgũ buerã ãgũ masakare tauri kerere ããrĩpererogue wererã waañurã. ãgũsã irasũ weregorenamakũ, marĩ Op̄ Jesús ãgũsãrẽ iritamunĩkõãyup̄. Irasiriḡu ãgũ turari merã ãgũsãrẽ iri ãmurĩrẽ irimakũ irinayup̄, masakare ãgũsã wererire: “Diayeta ããrã”, ãrĩ b̄remudoreḡu.

Iropãta ããrã.

SAN LUCAS

Lucas, opu Teófilo wāikugure gojadea

1-2 Opu Teófilo, yu mure òãdorea. Gua watopere Jesús irinugãdeare ìãnerã guare ìgũya kerere buema. Wãrã gajirã, ìgũsã guare buederosũta keoro gojanugãsianerã ããrĩmã.

3-4 Yude ããrĩpereri Jesús irinugãdeare masĩpeodugũ, òãrõ buebu. Irasirigu mure gajirã buedeare: “Diayeta ããrã”, ãrĩ masĩburo, ãrĩgũ, irire keoro gojãa.

Marĩpũre wereboegu Juan masakare wãiyerimasũ deyoaburire weredea

5 Herodes, Judea nikũ marã opu ããrĩripoe sugũ paĩ Zacarías wāikugũ ããrĩyupũ. Ìgũ, paĩ Abías wāikugũya bumũ ããrĩyupũ. Ìgũ marãpo Isabel wāikugo, paĩ Aarón wāikugũ parãmeõ ããrĩturiagogue ããrĩyupo.

6 Ìgũsã pẽrãgueta Marĩpũ ìũrõrẽ diayemarẽ irirã, Moisére doreri pídeadere tarinugãbiriñurã. Irasirirã gajirã ìgũsãrẽ: “Ñerĩ irirã ããrĩma”, ãrĩmasĩbiriñurã.

7 Isabel pũrã marĩgõno ããrĩyupo. Irasirirã pũrã marĩrãta, muñuakõãñurã.

8 Sunũ Zacaríaya bumarãrẽ Marĩpũya wiigũe Marĩpũ ìũrõ moãrĩ ããrĩyuro. Irasirirã, ìgũ paĩare iridorederosũta irirã irogue waañurã.

9 Irogue ejadero pũrũ, ìgũsã paía irinarõsũ Zacaríare sũrõrĩ soemubure beyebokañurã. Irasirigu Zacarías Marĩpũya wiima taribugue soemugũ ñajãyupũ.

10 Ìgũ irire soemuripoe iri taribu wirinugãrõgue wãrã masaka Marĩpũre sërẽrã iriñurã.

11 Ìgũ soemuripoe sugũ Marĩpũre wereboegu sũrõrĩ soemurõ diaye gapũ Zacaríare deyoayupũ.

12 Zacarías ìgũrẽ ìãgũ, ìãgũka, nasirimasĩbiriypũ. Buro güiyupũ.

13 Ìgũ güimakũ ìãgũ, Marĩpũre wereboegu gapũ ãsũ ãrĩyupũ:

–Zacarías, güibirikõãka! Marĩpũ mũ sërẽrĩrẽ pémi. Mũ marãpo Isabel sugũ majĩgũ pũrãkũgokumo. Ìgũrẽ “Juan” wãiyeka!

14 Ìgũ merã burõ usuyagũkoa. Wãrã gajirã ìgũ deyoamakũ, usuyarãkuma.

15 Ìgũ Marĩpũ ìũrõrẽ ubu ããrĩgũ meta ããrĩgũkumi. Igui deko pãmurĩrẽ, siburidere neõ iiribirikumi. Ìgũ deyoaburi dupiyurogueta Òãgũ deyomarĩgũrẽ opatarisiagũkumi.

16 Wãrã Israel bumarãrẽ Marĩpũre güñaduúnerãrẽ dupaturi güñamakũ irigũkumi doja.

17 Marĩ Opu aariburi dupiyuro Elías Marĩpũya kerere weredupiyudi werederosũta Òãgũ deyomarĩgũ turari merã masakare weregũkumi. Pagusãmarã ìgũsã pũrã merã òãrõ ããrĩburo, ãrĩgũ; tarinugãrĩmasãdere oparã dorerire òãrõ yũjuburo, ãrĩgũ, Marĩpũyare weregũkumi. Irasirigu masaka marĩ Opũre òãrõ usuyari merã bokatĩrĩñeãburo, ãrĩgũ, irire weregũkumi, ãrĩyupũ Marĩpũre wereboegu Zacaríare.

18 Ìgũ irasũ ãrĩmakũ pégu, Zacarías sërẽñayupũ:

–¿Nasirigu yu ire: “Diayeta ããrã”, ãrĩmasĩbukuri? Yu bugũrogora ããrã. Yu marãpode burõ ããrĩmo, ãrĩyupũ.

19 Ìgũ irasũ ãrĩmakũ pégu, ãsũ ãrĩ yũjũyupũ:

–Yu Marĩpũre wereboegu, Gabriel wāikugũ, Marĩpũ pũro ããrĩgũ ããrã. Ìgũta yũre iriuami, mure i òãrĩ kerere weredoregu.

20 Dapagorare yu wererire mu baremubiri waja, werenibi dujagukoa. Mu magu deyoadero puru, werenigukoa doja. Maripu: “Irasu waaburo”, arimaku, yu mare araderosuta waarokoa, ariyupu Gabriel Zacariare.

21 Igu irasu ar wereripoere masaka, iri taribu wirinugarogue aarira Zacariare yura irinura. “¿Naasu waayuri, Igu iropa yoaripoe deyomarigu?” ar gūñaurā.

22 Zacarias iri taribugue aaradi wirijagu, Igsare weredugagu, neō werenimasibiriyupu. Irasirigu Iguya mojori merā irikeoyupu. Masaka, Igu irasirimaku iarā: “Iri taribugue Maripu imuadeare Iagukakōakumi”, ar gūñaurā.

23 Zacarias Maripuya wiigue Maripu iuro moarire iripeo, Iguya wiigue goedujāakōayupu.

24 Pupu Igu marāpo Isabel nijipo aarinugayupo. Su mojomarā abe neō wiriro mariro igoya wiigue aarikōayupo.

25 Asu ar gūñayupo: “Maripu, yu pura marigo aarideore iritamugu irasu yami, masaka yure iābéobirikōāburo, arigu”.

Maripure wereboegu Mariare Jesús deyoaburire weredea

26 Isabel nijipo aarinugadero puru, su mojoma pere gaji mojō suru pērebejari abe warō merā Maripu Igarē wereboegu Gabriere Galilea nikuma makā Nazaret wāikuri makāgue,

27 sugo nomeō María wāikugo, neō sugu umū merā aaribeo pūroge iriuyupu. Igo, José wāikugu opu David parāmi aariturigagu merā marāpukūbo iriyupo.

28 Gabriel, igo aarirōgue najāa, igore:

—Mare oādorea. Maripu mare oārō irigu aarimi. Igu marī Opu mu merā aarimi. Aaripererā nome nemorō mare oārō iritarinugagukumi, ar oādoreyupu.

29 María, Igarē Iāgō, Igu irasu aririre pégo, pégukakōayupo. “¿Naasu ariduro irikuri Igu yure oādoreri?” ar, buro gūñayupo.

30 Igo gūkamakū Iāgū, Maripure wereboegu ariyupu:

—María, gūibirikōāka! Maripu iurōre mu oārī bokabu. Mu merā usuyami.

31 Irasirigo mu dapagorare nijipo aarinugāgokoa. Sugū majigu pūrākugokoa. Igarē “Jesús” wāiyegokoa.

32-33 Igu ubu aarigu meta aarigukumi. Maripu aaripererā nemorō turagu, Igarē: “Yu magū aarā mu”, arigukumi. David, mu magū nekū, Israel bumarā opu aaridi aarimi. Maripu Davire opu pīderosuta mu magūdere Opu pigukumi Israel bumarāre dorenibure. Igu doreri neō perebirikoa, ariyupu.

34 Igu irasu arimakū pégo, María Igarē sērēñayupo:

—¿Nasiriro yure irasu waabukuri, yu neō sugu umū merā aaribirikeremakū? ariyupo.

35 Igo irasu arimakū pégu, asu ariyupu:

—Oāgū deyomarigu mūguere dijarigukumi. Maripu aaripererā Opu turari, su imikāyēbo tūbiaro irirosū ejarokoa mare. Irasirigu mu magū deyoabu, Maripuyagu oāgū aarigukumi. Masaka Igarē: “Maripu magū aarimi”, arirākuma.

36 Mu basudeo Isabede, buro aarikerego, sugū majigu pūrākugokumo. Masaka igore: “Pura marigo aarimo”, arikeremakū, su mojoma pere gaji mojō suru pērebejari abegora opasiamo.

37 Maripure Igu iriduri, neō diasabea, ariyupu.

38 Igu irasu arimakū pégo, María ariyupo:

—Y_u marĩ Op_{ure} moãboego ããrã. Marĩp_u, m_u ãrĩrõsũta iriburo y_{ure}, ãrĩyupo. Igo irasũ ãrãdero p_{uru}, Marĩp_{ure} wereboeg_u waakõãyup_u.

María Isabere ããgõ waadea

³⁹ Irin_{urĩta} María mumurõ merã Judea nikũ ütãyuku watopegue ããrĩĩ makãgue waayupo.

⁴⁰ Irogue eja, Zacarĩaya wiigue ñajãa, Isabere õãdoreyupo.

⁴¹ Igo õãdorerire pémakũ, Isabel magũ igoya patoregue ããrĩgũ b_{uro} gãmeñayup_u. Igo, Õãgũ deyomarĩgũrẽ opatariyupo.

⁴² Irasirigo turaro merã ãsũ ãrĩyupo:

—Marĩp_u ããrĩpererã nome nemorõ m_{urẽ} õãrõ iritarinugãmi. M_u magũdere õãrõ yãmi.

⁴³ M_u, y_u Op_u pago y_{ure} ããgõ ejamakũ õãtaria.

⁴⁴ M_u õãdorerire y_u pémakũta, y_u magũ yaa patoregue ããrĩgũ b_{uro} usuyari merã gãmeñami.

⁴⁵ Marĩp_{ure} wereboeg_u m_{urẽ} wereadeare: “Keoro waarokoa”, ãrĩ b_{uremusiã}, õãrõ usuyari merã ããrã, ãrĩyupo Isabel Marĩare.

⁴⁶ Irasirigo María ãsũ ãrĩyupo:

Yaa y_ujupũrãgue y_u Op_{ure}: “Õãtaria m_u”, ãrĩ, usuyari sĩa.

⁴⁷ Marĩp_u y_{ure} taug_u merã b_{uro} usuyãa.

⁴⁸ Y_u ubu ããrĩgõ ããrĩkeremakũ, Marĩp_u y_{ure} ããgũrẽ moãboegore gũñami. Irasirirã dapagora merã masaka y_{ure}: “Marĩp_u igore õãrõ iridea merã b_{uro} usuyadeo ããrĩmó”, ãrĩnĩkõãrãkuma.

⁴⁹ Marĩp_u turatarig_u y_{ure} wãri õãrĩrẽ yãmi. ããgũ õãtarig_u, neõ ñerĩ opabi ããrĩmi.

⁵⁰ ããrĩpererã goepeyari merã ããgũrẽ b_{uremurãrẽ} bopoñanĩkõãgukumi.

⁵¹ ããgũ turari merã wãri õãrĩrẽ iri ãmumi. “G_{ua} gajirã nemorõ ããrã”, ãrĩ gũñarãnorẽ ubu ããrĩrã dujamakũ yãmi.

⁵² Oparãrẽ ubu ããrĩrã dujamakũ yãmi. Ubu ããrĩrã: “Gajirã nemorõ ããrĩbea”, ãrĩ gũñarã gap_{ure} oparã dujamakũ yãmi.

⁵³ Ñaboarimasãrẽ wãri õãrĩ sĩmi. Wãri oparã gap_{ure} neõ gajino opamerã dujamakũ yãmi.

⁵⁴⁻⁵⁵ Marĩ ñekũsãmarãrẽ: “Iritamug_{ura}”, ãrĩderosũta Abrahãrẽ, ããgũ parãmerã ããrĩturiarãdere iritamunĩkõãmi. Irasirig_u marĩ Israel bumarãrẽ, ããgũrẽ moãboerãrẽ ããgũ ãrĩdeare neõ kãtiro marĩrõ bopoñarĩ merã iritamunĩkõãmi, ãrĩyupo María.*

⁵⁶ María, Isabel merã urerã abegora ããrĩyupo. P_{uru} igoya wiigue goe-
dujãakõãyupo.

Juan masakare wãiyerimasã deyoadea

⁵⁷ P_{uru} Isabel majĩgũ deyoarinopoe nijĩwãgũdero p_{uru}, igo magũ deyoayup_u.

⁵⁸ Irasirirã igo p_{uro} ããrĩrã, igoyarã, Marĩp_u igore õãrõ iridea kerere pãrã, igore usuyatamurã waañurã.

⁵⁹ Igo magũ deyoadero p_{uru}, su mojõma pere gaji mojõ ureru pãrẽbejarinurĩ waaró merã majĩgũrẽ ããgũya d_{urp}ma gasirogãrẽ* wiirirã waañurã. ããgũrẽ ããgũ pag_u “Zacarĩas” wãirẽ wãiyeduadiñurã.

⁶⁰ Isabel gap_u ããgũsãrẽ:

—ããrĩbea. ããgũ: “Juan” wãikugukumi, ãrĩyupo.

* 1:54-55 1 S 2.1-10; Sal 113.5-9; Gn 17.7 * 1:59 Gn 17.1-14: Iripoegue Marĩp_u Abrahãrẽ ããgũ pũrã ãmarẽ: “Yaarã ããrĩburo”, ããrĩgũ, ããgũsãya d_{urp}ma gasirogãrẽ wiiridoredi ããrĩmi. P_{uru} iri dorerire Moiserẽ pídi ããrĩmi. Irasirirã judío masaka Abraham parãmerã ããrĩturiarã iri dorerire irirã, ããgũsã pũrã ãmarẽ su mojõma pere gaji mojõ ureru pãrẽbejarinurĩ waaró merã ããgũsã deyoadero p_{uru} irasũ yãma.

⁶¹ Igo irasũ ārĩmakũ pérã, igore:

—¿Nasirigũ irasũ wãĩkũbukuri? Neõ mũyarã irasũ wãĩkũrã máma, ārĩñurã.

⁶² Irasirirã Zacarías: “¿Mũ naásũ wãiyedũakuri?” ārĩrã, mojóřĩ merã irikeo, sērēñañurã.

⁶³ Irasirigũ Zacarías su taboa majĩ sērē, iri majĩgue:

—“Juan wãĩkũgũkumi”, ārĩ gojayupũ. Īgũ gojarire ĩārã, gũkakõãñurã.

⁶⁴ Irire gojagũta Zacarías werenĩbi ãārãdi werenĩakõãyupũ doja. Irasirigũ Marĩpũre: “Õátaria mũ”, ārĩ, usũyari sĩyupũ.

⁶⁵ ãārĩpererã Zacarías pũro ãārĩrã, ĩgũ werenĩmakũ pérã, gũkakõãñurã. ãārĩpererogue Judea nikũ marã ùtãyuku watopegue ãārĩrãrē Juan deyoadeare wereñurã.

⁶⁶ Īgũ deyoadea kerere pérã, ãārĩpererã gũña, ãsũ ārĩ gãme sērēñañurã:

—Ĩĩ majĩgũ bũgũro waagú, ¿naásũ ãārĩrikũgũkuri Marĩpũ turari merã deyoadi? ārĩñurã.

Zacarías Marĩpũre bayapeodea

⁶⁷ Zacarías, Õãgũ deyomarĩgũrē opatarigũ Marĩpũ ĩgũrē weredorerire ãsũ ārĩ wereyupũ:

⁶⁸ Marĩpũre Israel bumarã Opũre usũyari sĩrã! Marĩ ĩgũyarã pũroque marĩrē taugũ aarĩmi.

⁶⁹ Irasirigũ marĩrē taubure turatarigũre iriugũkumi. Īgũ, David Marĩpũre moãboerimasũ ãārĩdi parãmi ãārĩturiagũgue ãārĩmi.

⁷⁰ Iripoegue Marĩpũ, ĩgũya kerere weredupiyurimasã ñerĩ marĩrã merã marĩrē tauburire ãsũ ārĩ weredi ãārĩmi:

⁷¹ “ãārĩpererã mũsãrē ĩaturirãrē, wajarãkũrãrē, mũsãrē tariweremakũ irigũra”, ārĩ weredi ãārĩmi.

⁷² Irasirigũ marĩ ñekũsãmarãrē: “ ‘Mũsãrē bopoñarĩ merã ĩãgũ, õãrõ irigũra’, ārĩdeare neõ kãtibirikoa”, ārĩ weredi ãārĩmi.

⁷³ Irire Marĩpũ marĩ ñekũ Abrahãrē weredi ãārĩmi.

⁷⁴ Irasirigũ marĩrē ĩaturirãrē wijatagũkumi, gũiri marĩrõ ĩgũ dorerire iritũyaburo, ārĩgũ.

⁷⁵ ãārĩperero marĩ okaro bokatĩũrõ marĩrē ĩgũyarã, diayemarē irirã ãārĩmakũ irigũkumi, ārĩyupũ Zacarías.

Irasũ ārĩ odo, ĩgũ magũgãrē ārĩyupũ:

⁷⁶ Makũ, masaka mũrē: “Marĩpũ ãārĩpererã nemorõ turagũya kerere weredupiyurimasũ ãārĩmi”, ārĩrãkuma. Mũ, marĩ Opũ aariburi dupiyuro ĩgũ aariburi maarē diayema maa ãmugũ irirosũ ĩgũyare weregũ waagũkoa.

⁷⁷ Marĩpũyarãrē ãsũ ārĩ weregũkoa: “Marĩpũre: ‘Gua ñerõ irideare kãtika!’ ārĩ sērēmakũ, mũsãrē kãtigũkumi. Irasirigũ mũsãrē perebiri peamegue waabonerãrē taugũkumi”, ārĩgũkoa.

⁷⁸ Marĩpũ marĩrē bopoñarĩ merã maĩsã, ùmũ, maamanũ boyoro irirosũ waamakũ irigũkumi, ùmũgasigue merã marĩrē taubure iriugũ.

⁷⁹ Naĩtĩãrõgue ãārĩrãrē boyori sĩgũkumi perebiri peamegue waabonerãrē ĩgũrē masĩburo, ārĩgũ. Irasirigũ marĩrē ĩgũ merã õãrõ siñajãrĩ bokamakũ irigũkumi, ārĩ wereyupũ Zacarías.✧

⁸⁰ Majĩgũ õãrĩ gũñarĩ merã, Marĩpũ turari merã masũyupũ. Masaka marĩrõgue yoaripoe ãārĩyupũ. Iroque ãārĩgũta Israel bumarãrē buenũgãyupũ.

✧ 1:79 Mal 3.1; Is 9.2

2

*Jesús deyoadea**(Mt 1.18-25)*

¹ Marĩpu magũ deyoaburi dupiyuro romano marã opu Augusto wãikugũ ĩgũya nikũ marãrẽ ããĩpererãrẽ keoñabu, ĩgũsã wãĩrẽ gojatúdoreyupu.

²⁻³ Irasirirã ããĩpererã masaka ĩgũsã ñekũsãmarã deyoadea makãĩgũe ĩgũsã wãĩrẽ gojatúrã waañurã. Siria nikũ marã opu Cirenio wãikugũ ããĩripoe gojatúnũgãñurã.

⁴ Irasirigũ Josède, Galilea nikũma makã Nazaregue ããrãdi, Judea nikũma makã Belégue waayupu. Belén, David deyoadea makã ããĩyuro. ĩgũ, David parãmi ããĩturiagũ ããĩsĩã, irogue waayupu.

⁵ ĩgũ marãpo ããĩbo María merã ĩgũ wãĩrẽ gojatúgu waayupu. María gapũ nijĩpo ããĩyupo.

⁶ Irasirigo irogue ããĩgũ, nijĩwãgũyupo.

⁷ Kãĩrĩ wii uturimakũ ĩã, José, María merã wekũa wiigũe kãĩrã waañurã. Iri wiigũe María neõ pũrãkũbeo ããĩdeo, majĩgũ pũrãkũngãyupo. ĩgũ deyoa-makũ, suri gasiri merã õma, wekũa baari korogue ĩgũrẽ sãyupo.

Marĩpure wereboerã oveja korerimasãrẽ deyoadea

⁸ Belén turogue ovejare korerimasã ããĩñurã. Ñamirikũ irogue dita ĩgũsãyarã ovejare koreboyoanañurã.

⁹ Irogue ĩgũsãrẽ gũñaña marĩrõ sugũ Marĩpure wereboegũ deyoayupu. ĩgũ deyoamakũ, Marĩpu gosesiriri ĩgũsãrẽ boyoyuro. Irasũ waamakũ ĩãgũka, burõ gũĩñurã.

¹⁰ Marĩpure wereboegũ ãsũ ãĩyupu ĩgũsãrẽ:

–Gũibirikõãka! Mũsãrẽ õãrĩ kerere ãĩrigũ yãa, ããĩpererã masaka usuyaburire.

¹¹ Dapagã ñami, David deyoadea makãguere mũsãrẽ taubu deyoami. ĩgũ Marĩpu iriudi, Cristo mũsã Opũ ããĩmi.

¹² Mũsã majĩgũrẽ ĩãrã waarã, suri gasiri merã õmadire, wekũa baari korogue sãñagũrẽ bokajarãkoa. Irasirirã ĩgũrẽ ĩãrã: “Diayeta ããrãñumi”, ãĩrãkoa, ãĩyupu.

¹³ ĩgũ irire ãĩripoeta gajirã wãrã Marĩpure wereboerã deyoa, Marĩpure buremurã ãsũ ãrĩ bayañurã:

¹⁴ Marĩpu ãmũgasigue ããĩgũrẽ: “Õãtaria mũ”, ãrĩ, usuyari sĩrã! I ãmũgue ĩgũ merã õãrõ ããĩrã siñajãrĩ opaburo, ãrĩ bayañurã.

¹⁵ Marĩpure wereboerã ãmũgasigue mũĩadero pũrũ, ovejare korerimasã ĩgũsã basi gãme werenĩñurã:

–Nãka, dapagorata Belégue! Marĩpure wereboegũ marĩrẽ wereaderosũta ĩãrã waarã! ãrĩñurã.

¹⁶ Irasirirã mumurõ merã ĩãrã waañurã. Irogue eja, Josere, Marĩare boka-jañurã. Majĩgũ gapũre wekũa baari korogue sãñagũrẽ ĩãñurã.

¹⁷ ĩgũrẽ ĩãrã, iro ããĩrãrẽ Marĩpure wereboegũ majĩgũyamarẽ wereadeare wereñurã.

¹⁸ ĩgũsã irire weremakũ pérã, ããĩpererã pégũkakõãñurã.

¹⁹ María gapũ ããĩpereri ĩgũsã wererire pégo, igoya yũpũrãgueta gũñaduripiyupo.

²⁰ Ovejare korerimasã Marĩpure wereboegũ wereaderosũta ããĩpereri ĩgũsã péadea, ĩãdea keoro waamakũ ĩãrã, Marĩpure: “Õãtaria mũ”, ãrĩ, usuyari merã goedujãakõãñurã.

Jesúre Marĩpũya wiigwe ãĩadea

²¹ Pũru su mojõma pere gaji mojõ ureru pẽrebejarinũrĩ waaró merã majĩgũrẽ ĩgũya dũpũma gasirogãrẽ wiiriĩnurã. Wiiri odo, Marĩpũre wereboegũ Marĩare, igo nijĩpo ããrĩburo dupiyuro ãrĩderosũta ĩgũrẽ “Jesús” wãĩyeñurã.

²² Pũru Moisés: “Ãsũ irika ãmãũrẽ pũrãkũadero pũru!” ãrĩdeare iripeo, José, María merã Jesúre Jerusalẽgue ãĩãñurã, Marĩpũya wiigwe Marĩpũre: “Mũyagu ããrĩmi”, ãrĩ ĩmurã waarã.

²³ Irire irirã, Marĩpũ dorederosũta iriĩnurã. Ãsũ ãrĩ gojasũdero ããrĩbũ Marĩpũ doreri gojadea pũgue: “Ããrĩpererã ãma deyoapũrorirã Marĩpũyarã ããrĩburo”, ãrĩ gojasũdero ããrĩbũ.

²⁴ Irasirirã José, María merã Jerusalẽgue Marĩpũ dorederosũta irirã waañurã. Ãsũ ãrĩ gojasũdero ããrĩbũ doja: “Pẽrã buja, o ĩgũsã marĩmakũ buja irirosũ deyorãgã pẽrã sũka, Marĩpũ ĩũrõ wẽjẽ soepeoburo, ãrĩrã”.

²⁵ Iripoere Jerusalẽguere sugũ bũgũro Simeón wãĩkũgũ ããrĩyupũ. ĩgũ õãgũ, Marĩpũre bũremugũ ããrĩyupũ. Israel bumarãrẽ taugũ aaribure yũgũ iriyupũ. Õãgũ deyomarĩgũ ĩgũ merã ããrĩnĩkõãyupũ.

²⁶ Iripoegue Õãgũ deyomarĩgũ ĩgũrẽ ãsũ ãrĩ weredi ããrĩmĩ: “Cristo, Marĩpũ iriubure ĩãbita boabirikoa mũ”, ãrĩdi ããrĩmĩ.

²⁷⁻²⁸ Jesúre ĩgũ pagũsãmarã Jerusalẽgue ãĩjarinũrẽ Õãgũ deyomarĩgũ Simeõrẽ Marĩpũya wiigwe waadoreyupũ. Marĩpũ dorederosũta Jesúre iri wiigwe ãĩjamakũ ĩã, Simeón ĩgũrẽ kõã, Marĩpũre usũyari sũ, ãsũ ãrĩyupũ:

²⁹ Yũ Opũ, mũ iripoegue ãrĩderosũta keoro yãa. Irasirigũ dapagorare yũ mũrẽ moãboegũ usũyari merã boamasĩa.

³⁰ ĩĩ majĩgũrẽ masakare taubure yaa koye merã ĩãa.

³¹ ĩgũrẽ masĩdoregũ, ããrĩpererã masaka ĩũrõgue iriubũ.

³² ĩgũta judío masaka ããrĩmerãrẽ mũrẽ masĩmakũ irigũ, sũãgori sũgũ irirosũ irigukumi.

Ããrĩpererã masaka: “Marĩpũ ĩgũyarã Israel bumarãrẽ õãrõ iritamumi”, ãrĩrãkuma, ãrĩyupũ Simeón.*

³³ Simeón majĩgũyamarẽ irasũ ãrĩmakũ pẽrã, ĩgũ pagũsãmarã pẽgũkakõãñurã.

³⁴ Simeón ĩgũsãrẽ: “Marĩpũ mũsãrẽ õãrõ iriburo”, ãrĩ odo, Jesús pagore ãsũ ãrĩyupũ:

– ĩĩ majĩgũ Marĩpũ beyedi ããrĩmi. Wãrã Israel bumarã ĩgũrẽ bũremumerã perebiri peamegue béodijusũrãkuma. ĩgũrẽ bũremurã gapũ ãmũgasigue ãĩmũrĩãsũrãkuma. Marĩpũ turari merã ĩgũ iri ĩmumakũ ĩãrã, wãrã masaka ñerõ werenĩrãkuma ĩgũrẽ.

³⁵ Irasiriri merã ããrĩpererã masaka ĩgũsãya yũjũpũrãrĩgue gũñarĩrẽ masĩsũrokoa. Mũ gapũ i merã mũya yũjũpũrãrẽ sareri majĩ merã saremakũ pũrĩsũrõsũ bũro bũjaweregokoa, ãrĩyupũ Simeón Marĩare.

³⁶ Gajigo Marĩpũya wiiguere Marĩpũya kerere weredupiyugode ããrĩyupo. Igo Ana wãĩkũgo, Fanuel magõ, Aser bumo, búro ããrĩyupo. Maamogora marãpũkũdeo ããrãdimo. Pũru, su mojõma pere gaji mojõ peru pẽrebejari bojori waaró merã igo marãpũ boakõãyupũ.

³⁷ Irasirigo wapiweyo dujayupo. ĩgũsã Jesúre Marĩpũya wiigwe ãĩjaripoere ochenta y cuatro bojorigora opayupo. Iri wiiguere ãmarikũ, ñamirikũ bereri merã Marĩpũre sẽrẽnayupo.

³⁸ Jesúre ãĩjamakũ ĩãgõ, ĩgũ pũro aari ejanũgã, Marĩpũre usũyari sũyupo. Pũru ããrĩpererã Jerusalén marãrẽ taubure yũrãrẽ Jesús deyoadeare wereyupo.

* 2:32 Is 42.6; 49.6; 52.10

Nazaretgue goedujáadea

³⁹ José, María Jerusalégue ããrãnerã, Marĩpũ dorederosũta ããrĩpereri iripeo, Galilea nikũ ìgũsãya makã Nazaretgue goedujáakõãñurã.

⁴⁰ Irogue majĩgũ turagũ òãrõ masĩgũ masãyupũ. Marĩpũ ìgũrẽ òãrõ irita-muyupũ.

Jesús Marĩpũya wiigue waadea

⁴¹ Bojorikũ Jesús pagusãmarã pascua bosenurĩ ããrĩmakũ, Jerusalégue waanañurã.

⁴² Jesús pe mojõma pere su gubu peru pẽrẽbejari bojori oparipoe ìgũsã irinarõsũ ìgũ merã iri bosenurẽ irogue taurã waañurã.

⁴³ Iri bosenũ tariadero purũ, ìgũsãya makãgue Nazaretgue goedujáakõãñurã. Jesús gapũ Jerusalégueeta dukakõãyupũ. Ìgũ pagusãmarã ìgũ irogue dujarire masĩbiriñurã.

⁴⁴ “Gajirã marĩ merãmarã merã aarikumi”, ãrĩ gũñadiñurã. Purũ Jerusalẽrẽ ìgũsã wiriadeanũ ñamika ããrĩmakũ, ìgũsã merãmarã watopegue ìgũrẽ ãmadiñurã.

⁴⁵ Ìgũrẽ bokabiri, maa deko merãta gãme dukakõãñurã doja Jerusalégue ãmarã waarã.

⁴⁶ Ërenũ purũ Marĩpũya wiigue Moisés gojadeare buerimasã watopegue doagure bokañurã. Ìgũsã werenĩrĩrẽ pé, ìgũsãrẽ sẽrẽñanayupũ.

⁴⁷ Ìgũ masĩrĩ merã wererire, ìgũ òãrõ yujurire pérã, ããrĩpererã pégukakõãñurã.

⁴⁸ Ìgũ irogue doamakũ ìãrã, ìgũ pagusãmarã ìãgukakõãñurã. Pago ìgũrẽ ãrĩyupo:

—Makũ, ¿nasirigu guare irasiriari mũ? Yu, mũpũ merã buro gũñarikari merã mũrẽ ãmaabũ, ãrĩyupo.

⁴⁹ Jesús pagore ãsũ ãrĩ yujuyupũ:

—¿Nasirirã yũre ãmaarĩ? Yũpũyare yũre iriro gããmea ìgũya wiiguere. ¿Irire masĩberi mũsã? ãrĩyupũ.

⁵⁰ Ìgũ irasũ ãrĩrĩrẽ ìgũ pagusãmarã gapũ pémasĩbiriñurã.

⁵¹ Purũ Jesús ìgũsã merã Nazaretgue goedujáakõãyupũ. Ìgũ irinĩrõsũta ìgũsã dorerire tarinũgãrõ marĩrõ yujunayupũ. Ìgũ pago gapũ ããrĩpereri ìgũ Jerusalégue iriadeare igoya yujupũrãgue gũñaduripĩyupo.

⁵² Jesús wãri masĩrĩ merã masãyupũ. Marĩpũ ìgũrẽ: “Òãgũ ããrĩmi”, ãrĩ ìãyupũ. Masakade ããrĩpererã irasũta ãrĩ ìãñurã.

3

Juan masakare wãiyerimasã buedea

(Mt 3.1-12; Mr 1.1-8; Jn 1.19-28; 8.31-47)

¹ Pe mojõma pere su gubu pẽrẽbejari bojori Tiberio wãikũgũ romano marã opũ ããrĩrĩ ñajãdero purũ, gajirã ìgũ dokamarã ìĩsãkũ ããrĩñurã: Poncio Pilato, Judea nikũ marã opũ ããrĩyupũ. Herodes, Galilea nikũ marã opũ ããrĩyupũ. Ìgũ pagũmũ Felipe: Iturea, Traconite, pe nikũ marã opũ ããrĩyupũ. Gajigũ Lisantias, Abilinia nikũ marã opũ ããrĩyupũ.

² Gajirã pẽrã: Anás, Caifás wãikũrã paía oparã ããrĩñurã. Ìgũsã oparã ããrĩripoere Zacarías magũ Juãrẽ masaka marĩrõgue ããrĩgũrẽ Marĩpũ ìgũyare weredoreyupũ.

³ Irasirigu Juan ããrĩperero dia Jordán wãikũdiya tũrogue masaka irogue ejarãrẽ:

—Mũsã ñerõ irideare bujawereka! Mũsã gũñarĩrẽ gorawayu, wãiyedoreka! Irasirimakũ, mũsãrẽ Marĩpũ mũsã ñerõ irideare kãtigukumi, ãrĩ werenayupũ.

⁴ Juan irire irigũ, iripoegue Marĩpũya kerere weredupiyudi Isaías gojaderosũta iriyupũ. Āsũ ãrĩ gojadi ããrĩmĩ:

Masaka marĩrõgue sugũ bũro gaguinĩrĩ merã weregukumi: “Marĩ Opũ aariburi dupiyuro ĩgũ aariburi maarẽ diayema maa õãrĩ maa ãmurã irirosũ diayemarẽ irika!

⁵ Dupa turũri ããrãdeare yasurope piusũrokoa. Ītãyuku ããrãdeade keoro dujarokoa. Maarĩ dupaberori ããrãdeade diayema maarĩ dujarokoa. Goberikuri maarĩde su báparogueta dujarokoa.

⁶ Marĩpũ marĩrẽ taubure iriumakũ, ããrĩpererã masaka ĩãrãkuma”, ãrĩ gojadi ããrĩmĩ.*

⁷ Wãrã masaka Juan pũroque wãiyedorerã ejañurã. Juan ĩgũsãrẽ ãrĩyupũ:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? Marĩpũ, gũña ñerõ iriri waja wajamoãbirikõãburo, ãrĩrã, ¿mũsã yũre wãiyedorerã aarari?

⁸ Mũsã: “Gũña ñerõ irideare bujawere, gũñarĩrẽ gorawayuabũ”, ãrĩrã, mũsã ñerõ irideare piri, õãrĩ gapũre irika! Mũsã: “Gũña Abraham parãmerã ããrĩturiarã ããrĩmakũ, Marĩpũ gũare wajamoãbirikumi”, ãrĩ gũñabirikõãka! Yũ mũsãrẽ ãsũ ãrã: “Mũsã gũñarĩrẽ gorawayubirimakũ, mũsã Abraham parãmerã ããrĩturiari wajamãa. Marĩpũ i ũtãyeri merã Abraham parãmerã ããrĩturiarã waamakũ irimaĩmĩ”.

⁹ Mũsã ñerĩ iririre piribirimakũ ĩãgũ, Marĩpũ mũsãrẽ béogukumi. Sugũ yuku ñerĩ dukakũdire ĩã, kõme merã nugũrĩgue merãta diti, peamegue soebéorosũ mũsãrẽ béogukumi, ãrĩyupũ Juan.

¹⁰ ĩgũ irasũ ãrĩmakũ pérã, Juãrẽ sërẽñañurã:

—¿Gũare nasiriro gããmerĩ?

¹¹ Juan ĩgũsãrẽ yũjuyupũ:

—Sugũ peñe surĩro opagũ, opabire suñe sĩburo. Baari opagũ, baari opabire dukawaburo, ãrĩyupũ.

¹² Gajirã romano marã oparãrẽ niyeru wajaseabosarã, Juan pũro wãiyedorerã ejañurã. ĩgũsãde Juãrẽ sërẽñañurã:

—Gũare buegũ, ¿gũare nasiriro gããmerĩ?

¹³ ĩgũsã irasũ ãrĩmakũ, Juan ãrĩyupũ:

—Mũsã oparã mũsãrẽ wajaseadoreaderopata wajaseaka! ĩgũsã doreadero nemorõ wajaseabirikõãka! ãrĩyupũ.

¹⁴ Gajirã surara Juãrẽ sërẽñañurã:

—¿Gũakoare nasiriro gããmerĩ? ãrĩñurã.

ĩgũsã irasũ ãrĩmakũ, ãsũ ãrĩ yũjuyupũ:

—Gajirã oparire ãmabirikõãka! ĩgũsãrẽ niyeru ãmadũarã ãrĩkatori merã ĩgũsã iribirideaguereta weresãbirikõãka! Mũsã moã wajatari merã mũsãyaka! ãrĩyupũ.

¹⁵ Masaka: “¿Naásũ ããrĩmakũ Marĩpũ iriubu aarigũkuri?” ãrĩ gũñarã iriñurã. Irasirirã, Juan wererire pérã: “¿ĩ Juan, Cristo ããrĩkuri?” ãrĩ gũñañurã.

¹⁶ Juan ããrĩpererã masakare ãsũ ãrĩyupũ:

—Yũ mũsãrẽ deko merã wãiyea. Gajigũ yũ pũrũ aarigũ, yũ nemorõ turagũ ããrĩmĩ. Yũ gapũ ubu ããrĩgũ, ĩgũrẽ neõ sũropebirikoa. ĩgũ aarigũ, mũsãrẽ Ōãgũ deyomarĩgũ merã, peame merã wãiyegukumi. Irasirigũ mũsãrẽ Ōãgũ deyomarĩgũ mũsã merã ããrĩnĩmakũ irigukumi, ñerĩrẽ soebéorosũ mũsãrẽ ñerĩrẽ béoburo, ãrĩgũ.

* 3:6 Is 40.3-5

17 Trigo gasirire korobéogũ irirosũ ããrĩmi. Gasirire koro odo, iri yerire baari duripíri wiigue duripígũkumi. Iri gasiri gapare peamegue soebéokõãgũkumi. Iri peame neõ yaribirikoa, ãrĩyupũ.

18 Juan gaji wári irasũ wereri merã masakare: “Ãsũ irika!” ãrĩ werenayupũ. Irasirigũ iri merã Marĩpũya õãrĩ kerere werenayupũ.

19 Iripoere opũ Herodes ãgũ pagũmũ Felipe marãpore Herodías wãikũgore ãma, marãpokũyupũ. Iri waja, gaji wári ñerõ iridea waja, Juan ãgũrẽ: “Mũ irasirimakũ ñetaria”, ãrĩ wereyupũ.

20 Herodes, Juan wererire pérono irigũ, ñerõ irinemo, ãgũrẽ peresu iriri wiigue sóodoreyupũ.

Juan Jesúre deko merã wãiyedeã

(Mt 3.13-17; Mr 1.9-11)

21 Juan peresu iriri wiigue sóosũburi dupiyuro ããrĩpererã masaka ãgũ pũro wãiyedorerã ejarãrẽ wãiyeyupũ. Jesúde ãgũ pũroguẽ wãiyedoregũ ejayupũ. Juan ãgũrẽ wãiyẽ odomakũ, Jesús Marĩpũre sêrêripoe ãmũgasi tũpãkõãyuro.

22 Õãgũ deyomarĩgũ, buja irirosũ deyogũ dijari, Jesús weka ejabejayupũ. Marĩpũ ãmũgasigue ããrĩgũ ãsũ ãrĩyupũ Jesúre:

—Mũ yũ magũ, yũ maĩgũ ããrã. Mũ merã burõ usuyáa, ãrĩyupũ.

Jesucristo ñekãsãmarã ããrĩturiadeã

(Mt 1.1-17)

23 Jesús treinta bojori opagũ masakare buenũgãyupũ. Masaka Jesúre: “José magũ ããrĩmi ãrĩ”, ãrĩ gũñadiñurã.

José, Elí magũ ããrĩyupũ.

24 Elí Matat magũ,

Matat Leví magũ, Leví Melqui magũ,

Melqui Jana magũ, Jana José magũ,

José Matatías magũ,

25 Matatías Amós magũ,

Amós Nahum magũ, Nahum Esli magũ,

Esli Nagai magũ, Nagai Maat magũ,

26 Maat Matatías magũ, Matatías Semeí magũ,

Semeí José magũ, José Judá magũ,

27 Judá Joana magũ, Joana Resa magũ,

Resa Zorobabel magũ, Zorobabel Salatiel magũ,

Salatiel Neri magũ, Neri Melqui magũ,

28 Melqui Adi magũ, Adi Cosam magũ,

Cosam Elmodam magũ, Elmodam Er magũ,

Er Josué magũ,

29 Josué Eliezer magũ,

Eliezer Jorim magũ, Jorim Matat magũ,

Matat Leví magũ,

30 Leví Simeón magũ,

Simeón Judá magũ, Judá José magũ,

José Jonán magũ, Jonán Eliaquim magũ,

Eliaquim Melea magũ,

31 Melea Mainán magũ,

Mainán Matata magũ, Matata Natán magũ,

Natán opũ David magũ ããrĩdi ããrĩmí.

32 David Isaí magũ, Isaí Obed magũ,

Obed Booz magũ, Booz Salmón magũ,

Salmón Naasón magũ,

³³ Naasón Aminadab magũ,

Aminadab Aram magũ, Aram Esrom magũ,

Esrom Fares magũ, Fares Judá magũ,

Judá Jacob magũ ããrĩdi ããrĩmĩ.

³⁴ Jacob Isaac magũ, Isaac Abraham magũ ããrĩdi ããrĩmĩ.

Abraham Taré magũ, Taré Nacor magũ,

Nacor Serug magũ,

³⁵ Serug Ragau magũ,

Ragau Peleg magũ, Peleg Heber magũ,

Heber Sala magũ,

³⁶ Sala Cainán magũ,

Cainán Arfaxad magũ, Arfaxad Sem magũ,

Sem Noé magũ ããrĩdi ããrĩmĩ.

Noé Lamec magũ, Lamec Matusalén magũ,

³⁷ Matusalén Enoc magũ, Enoc Jared magũ,

Jared Mahalaleel magũ, Mahalaleel Cainán magũ,

Cainán Enós magũ, Enós Set magũ,

Set Adán magũ ããrĩdi ããrĩmĩ.

³⁸ Adán neŕogorogue Marĩpu iridi, ĩgũ magũ ããrĩdi ããrĩmĩ.

4

Wãtĩ Jesúre ãrĩmesãdidea

(Mt 4.1-11; Mr 1.12-13)

¹ Jesús Ōãgũ deyomarĩgũrẽ opatariakŕãyupũ. Irasirigu Ōãgũ deyomarĩgũ ĩgũ dia Jordán wãĩkũdiyague ããrãdire masaka marĩrŕogue ãĩayupũ.

² Irogue Jesús cuarenta nũrĩgora ããrĩyupũ. Irogue ããrĩripoe wãtĩ ĩgũrẽ ãrĩmesãgũ ejayupũ. Iri cuarenta nũrĩrẽ Jesús neŕ baabiriyupũ. Irasirigu nãboakŕãyupũ.

³ ĩgũ nãboamakũ ĩãgũ, wãtĩ Jesúre ãsũ ãrĩyupũ:

–Diayeta Marĩpu magũ ããrĩgũ, mũ turaro merã i ùtãyere pã waamakũ irika! ãrĩyupũ.

⁴ Jesús ĩgũrẽ yujũyupũ:

–Yũpũya werenĩrĩ gojadea pũgue: “Baari dita masakare okamakũ iribea. ããrĩpereri Marĩpũya werenĩrĩ gapũ ĩgũsãrẽ okamakũ yãa”, ãrĩ gojasũdero ããrĩbũ, ãrĩ wereyupũ Jesús wãtĩrẽ.

⁵ Pũrũ wãtĩ Jesúre ùtãũ wekague ãĩmũrĩayupũ. Irogue suñarŕota ããrĩpereri i ùmũma makãrĩrẽ ĩmupeokŕãyupũ.

⁶ Irire ĩmupeo odo, ãsũ ãrĩyupũ:

–I yũre sĩdea ããrã. Irasirigu yũ sĩdũagure sĩgũkoa, ĩgũ i ããrĩpereri opu ããrĩburo, ãrĩgũ.

⁷ Mũ yũre ñadũkũpuri merã ejamejãja, bũremumakũ, i ããrĩpereri mũrẽ sĩgũra, ãrĩ wereyupũ wãtĩ Jesúre.

⁸ Jesús ĩgũrẽ yujũyupũ:

–Satanás, yũ pũrore wirika! Yũpũya werenĩrĩ gojadea pũgue: “Marĩpu ditare bũremuka! ĩgũ doreri ditare irika!” ãrĩ gojasũdero ããrĩbũ, ãrĩ wereyupũ Jesús wãtĩrẽ.

⁹ Pũrũ wãtĩ Jesúre Jerusalẽgue ãĩa, Marĩpũya wii wekague ãĩmũrĩa, ĩgũrẽ ãsũ ãrĩyupũ doja:

–Diayeta Marĩpu magũ ããrĩgũ, ŕŕogue merã yebague parimadijaka!

10-11 Marĩpuya werenĩri gojadea pũgue ասս արĩ gojasũdero արĩբս: Marĩpu արĩբս wereboerare murẽ koredoregukumi, neõ utayegue meẽbejabirikõaburo, արĩբս, արĩ gojasũdero արĩբս, արĩ wereyupu wati Jesure.*

12 Jesús արĩբս արĩբս:

–Yupuya werenĩri gojadea pũgue: “Buremurĩ marĩro Marĩpure: ‘Mu turari merã yure gajino iri imuka!’ արĩբս!” արĩ gojasũdero արĩբս, արĩ wereyupu Jesús wati.

13 Irasirigu wati Jesure gajĩ arĩmesarĩ bokabiri, waakõayupu dapa.

Jesús Galilea nikũgue masakare buenagãdea

(Mt 4.12-17; Mr 1.14-15)

14 Pupu Jesús masaka marĩrogue արĩբս Galilea nikũgue goedujayupu. Oãgũ deyomarĩgũ turarire opatariyupu. արĩբս Galilea nikũ marã արĩբս iridea kerere masĩpereakõarũ.

15 Jesús irogu eagu, makarĩku judio masaka nererĩ wiirigue* buenayupu. արĩբս buemakũ perã, արĩբս: “Oãro buemi”, արĩ buremuarũ.

Jesús Nazarete goedujadea

(Mt 13.53-58; Mr 6.1-6; Jn 4.44)

16 Pupu Jesús Nazarete արĩբս masadea makãgue goedujayupu. արĩբս irinarõsũta judio masaka siñajarĩnu† արĩբս, արĩբս nererĩ wiigüe waa, արĩբս. Iri wiigüe Marĩpuya werenĩri gojadea pũre bue imubu wãgãngayupu.

17 Irasirigu iri wii koregu Jesure Marĩpuya kerere weredupiyudi Isaías gojadea pũre siyupu. արĩբս simakũ, Jesús iri pũgue ասս արĩ gojadeare boka, bue imuyupu:

18 Yu Opu, Oãgũ deyomarĩgũ yu merã արĩբս yami, արĩբս dorerire iriburo, արĩբս. արĩբս iridoregu yure beyepidi արĩբս.

Irasirigu boporare արĩբս kerere weredoregu, buro bujawererare usuyamakũ iridoregu, peresugue արĩբս taudoregu, koye iãmerare iãmakũ iridoregu, ñerõ irisurare taudoregu yure iriudi արĩբս.

19 Marĩ Opu արĩբս taugu aariburire weredoredi արĩբս, արĩ gojadi արĩբս Isaías, արĩ bue imuyupu Jesús.*

20 Bue imu odo, արĩբս bueadea pũre tũrã, iri wii koregure wia, eja doayupu. արĩբս iri wiigüe արĩբս արĩբս iãduúbiriarũ.

21 Jesús ասս արĩ werengayupu արĩբս:

–Dapagã merã yu masare bue imumakũ, Isaías gojaderosũta waãa.

22 Jesús irasũ արĩբս perã, արĩբս pẽgukakõarũ. “Oãrĩ werenĩri merã weremi”, արĩ gũñaarũ. Irasũ gũñakererã, արĩբս basi gãme serẽñaarũ:

–¿Iĩ José magũ meta արĩբս? արĩբս.

23 Jesús, արĩբս irasũ արĩբս pẽgu, արĩբս ասս արĩբս:

–Masaka արĩբս արĩբս yure: “Mu õãro kũrigu արĩբս imugũ, mu basita kũrika!” արĩբս. Gajidere արĩբս: “Gua, mu Capernaugue iri imudea kerere pẽbu. Irasirigu iroguere mu iriderosũta i makã, mu masadea makãdere iri imuka!” արĩբս, արĩբս.

24 Irasũ արĩ odo, ասս արĩnemoyupu:

* 4:10-11 Sal 91.11-12 * 4:15 Judio masaka nererĩ wii, sinagoga wãikari wii arã. Irogu արĩբս siñajarĩnu արĩբս nerẽ, Marĩpuya werenĩri gojadea pũgue gojadeare buenama. † 4:16 Judio masaka siñajarĩnu, sãbado arã. * 4:19 Is 61.1-2

—Diayeta musārē werea. Neō sugu Marīpuya kerere weredupiyurimasārē ĩgūya nikū marā ōārō bokatīrīneābema.

²⁵ Irasirigu musārē ire ōārō masīmakū gāāmea. Iripoegue Elías Marīpuya kerere weredupiyudi āārīdeapoere masaka Marīpūre buremubiri waja, ure bojori gaji bojori dekogora neō deko merēbiridero āārībá. Āārīpereroguerē baaride marīdero āārībá. Marīya nikūrē wárā wapiweyarā nome āārīnerā āārīmá.

²⁶ ĩgūsā wárā āārīkeremakū, Marīpū Elíare ĩgūsārē iritamudoregu neō iriubiridi āārīmí. Gaji nikūmo Sarepta wāikuri makāmo Sidón pūro āārīgō gapure iritamudoregu Elíare iriudi āārīmí.

²⁷ Eliseo Marīpuya kerere weredupiyudi āārīdeapoedere wárā kāmī boarā marīya nikūrē āārīunanerā āārīmá. ĩgūsā wárā āārīkeremakū, Marīpū Eliseore ĩgūsārē taudoregu neō iriubiridi āārīmí. Siria nikūmu Naamán wāikugu gapure taudoregu Eliseore iriudi āārīmí, ārī wereyupū Jesús.

²⁸ Jesús irasū ārīmakū pérā, āārīpererā iri wiigūe āārīrā ĩgū merā bure guañurā.

²⁹ Irasirirā wāgānugā, ĩgūrē ñeā, āīākōāñurā. Iri makā ūtāū weka iridea makā āārīyuro. Irasirirā iri makā turogue ĩgūrē āīa, túmeédijuduarā iriadiñurā.

³⁰ Jesús gapū ĩgūsā watopeta tariwerewāgākōāyupū.

Wātī ñajāsūdi Jesúre bokatīrīdea

(Mr 1.21-28)

³¹ Pūru Jesús Capernaugue waayupū. Iri makā Galilea nikūgue āārīyuro. Irogue eja, judío masaka siñajārīnu āārīmakū, ĩgūsā nerērī wiigūe ĩgūsārē bueyupū.

³² Sugu doregu irirosū ōārō masīrī merā ĩgū buemakū pérā, pégukakōāñurā.

³³ Iri wiiguere ĩgūsā merā sugu wātī ñajāsūdi āārīyupū. Āsū ārī gaguiníyupū:

³⁴ —Jesús Nazaretmū, ¿nasiribu guā pūro aaríri? ¿Guare peamegue béogu aarigú yári? Yu mūrē ĩāmasīkōāa. Mū, Marīpū iriudi, ōātarigu āārā, ārīyupū.

³⁵ Jesús wātīrē:

—Wereníbita! Wirika ĩgūrē! ārīyupū.

ĩgū irasū ārīmakū, wātī masaka ĩūrō ĩgū ñajādire yebague túmeépí, ñerō iriro marīrō wiriakōāyupū.

³⁶ Jesús wātīrē béowiumakū ĩārā, āārīpererā masaka ĩāguka, ĩgūsā basi āsū ārī gāme wereníñurā:

—¿Ñeéno werenírī āārírī i? ĩgū turaro merā wātēārē wiriadoremakū, mata wirianokōāma, ārīñurā.

³⁷ Pūru Jesús iriadeare āārīperero iri makā turo marārē weresiríñurā.

Jesús, Simón Pedro múñekōrē taudea

(Mt 8.14-15; Mr 1.29-31)

³⁸ Jesús, nerērī wiigūe āārādi wiria, Simōya wiigūe waayupū. Simón múñekō bure nimakarikūgo iriyupo. Jesús ejamakū ĩārā, igore taudorerā ĩgūrē sērēñurā.

³⁹ ĩgūsā irasū sērēmakū pégu, Jesús igo pūro waa ejanugā: “Pūrírī tarika igore!” ārīyupū. ĩgū irasū ārírī merāta igore nimakuri āārādea tariakōāyuro. Irasirigo wāgānugā, ĩgūsārē baari ejoyupo.

Jesús wárā pūrīrikurārē taudea

(Mt 8.16-17; Mr 1.32-34)

40 Ñamika, abe ñajãdero pꝛꝛꝛ, iri makã marã ããrĩpererã gajirosũperi pũrĩrikurãrẽ Jesús pꝛꝛꝛꝛogꝛẽ ãijañurã. Jesús pũrĩrikurãrẽ, ãgũya mojóõrĩ merã ñapeo, tauyupꝛ.

41 Wárã wãtẽa masakare ñajãnerãdere béowiyupꝛ. Wãtẽa wirirã, Jesúre ãsũ ãrĩ gaguiniñurã:

—Mꝛ, Marĩpꝛ magũ ããrã, ãrĩñurã. ãgũsã Jesúre, ãgũ Cristo, Marĩpꝛ iriudi ããrĩrĩrẽ masĩñurã. Irasirigꝛ Jesús wãtẽãrẽ werenídorebiriyupꝛ.

Jesús Galilea nikũque masakare buedea
(Mr 1.35-39)

42 Gajinꝛ boyoripoe Jesús makã tũro masaka marĩrõgꝛẽ waayupꝛ. ãgũ waadero pꝛꝛꝛ, masaka ãgũrẽ ãma, ãgũ pꝛꝛꝛꝛogꝛẽ ejañurã. ãgũrẽ: “Gꝛa merã dujaka dapa!” ãrãdiñurã.

43 Jesús gapꝛ ãgũsãrẽ ãrĩyupꝛ:

—Marĩpꝛ ãgũyarã Opꝛ ããrĩrĩrẽ yꝛe weredoregꝛ iriudi ããrĩmĩ. Irasirigꝛ gajĩ makãrĩ marãdere ire weregꝛ waagꝛa, ãrĩyupꝛ.

44 Irasirigꝛ ããrĩperero Galilea nikũ marãrẽ judío masaka nerẽrĩ wiirigꝛẽ buegorenayupꝛ.

5

Jesús ãgũ buerãrẽ wárã waaĩ wẽjẽmakũ iridea
(Mt 4.18-22; Mr 1.16-20; Jn 21.3, 6)

1 Gajinꝛ Jesús Genesaret* wãikũri ditaru tũrogꝛẽ ããrĩmakũ, wárã masaka ãgũ pꝛꝛꝛore uturĩnũgãjañurã Marĩpꝛya kerere pẽduarã.

2 Jesús iri ditaru tũro waaĩ wẽjẽrĩmasãya doóriduparu peru masaka marĩrĩ payamakũ ããyupꝛ. Waaĩ wẽjẽrĩmasã gapꝛ ãgũsãya buiriyukure koerã iriñurã.

3 Jesús Simõyarugꝛẽ mũrĩñajãa, ãgũrẽ soewijudoreyupꝛ. Soewijupau odomakũ ãã, Jesús irirugꝛẽ eja doa, masakare buenũgãyupꝛ.

4 Bue odo, Simõrẽ ãsũ ãrĩyupꝛ:

—Doódiru merã ditaru deko ãkũãrõgꝛẽ wija, mũsãya buiriyukure meéyoka waaĩ ñeãmurã, ãrĩyupꝛ.

5 Simón ãgũrẽ yũjũyupꝛ:

—Gũare buegꝛ, dapagã ñamirẽ wẽjẽboyokõãdabꝛ. Neõ wẽjẽbirakubꝛ. Mũ dorerosũta buidire meéyoñagũra doa, ãrĩyupꝛ.

6 ãgũsã meéyomakũ, waaĩ wárã ñajãa, buidire ooreakõãdiñurã.

7 Wárã ñajãmakũ ãã, ãgũsã merãmarã gajiru doódirugꝛẽ ããrĩrãrẽ buadeañurã, ãgũsãrẽ ñeãtamudorerã. Irasirirã ãgũsã eja, waairẽ seasãmakũ, perugueta mirĩboyakõãyuro.

8 Irasũ waamakũ ããgũ, Simón Pedro Jesús pꝛꝛꝛõ ñadũkũpuri merã ejamejãja, ãgũrẽ ãrĩyupꝛ:

—Yũ Opꝛ, mũ õãtarigꝛẽ ããrã. Yũ gapꝛ ñegũ ããrã. Irasirigꝛ yũ pꝛꝛꝛore ããrĩbirikõãka! ãrĩyupꝛ.

9 Simón, wárã waaĩ ñajãmakũ ããgũkagũ, irasũ ãrĩyupꝛ. ãgũ merã ããrĩrãde ããgũkakõãñurã.

10 Gajiru doódiru ããrĩrã ãgũ merãmarã Zebedeo pũrã Santiago, Juan ããrĩñurã. ãgũsãde ããgũkakõãñurã. Jesús gapꝛ Simõrẽ ãrĩyupꝛ:

—Gũibirikõãka! Dapagorare mũ waaĩ wẽjẽrĩmasũ ããrĩrĩrẽ piri, Marĩpꝛya kerere masakare wererimasũ ããrĩgũkoa, ãrĩyupꝛ.

* 5:1 Genesaret wãikũri nikũ, Galilea wãikũri ditaru tũro ããrĩyuro. Irasiriro Galilea ditaruta Genesaret wãikũyuro.

11 Irasirirã ãgũsãya doóriduparure ditaru turo tũãmajũpíkõã, ããrĩpereri ãgũsãyare píkõã, Jesús merã waakõãñurã.

Jesús kãmi boagũre taudea

(Mt 8.1-4; Mr 1.40-45)

12 Pũru Jesús su makãgue ããrĩripoe sugũ kãmi boagũ ejayupũ. Jesúre ããgũ, ãgũ pũro ñadukũpuri merã ejamejã, ãgũya diapure yebague moomejãja, ãgũrẽ sãrẽyupũ:

—Yũ Opũ, mũ yũ pũrĩrikũrire taudũagũ taumasĩa, ãrĩyupũ.

13 ãgũ irasũ ãrĩmakũ pãgũ, Jesús ãgũya mojõ merã ãgũrẽ moãña, ãsũ ãrĩyupũ:

—Mũrẽ taugũra. Kãmi marĩgũ dujaka! ãrĩyupũ. ãgũ irasũ ãrĩrĩ merãta kãmi yaripereakõãyuro.

14 Irasirigũ turaro merã Jesús ãgũrẽ ãrĩyupũ:

—Gajirã masakare mũ tariadeare werebirikõãka! Paĩre mũrẽ kãmi yariadeare ãmugũ waaka! ãgũ mũrẽ ããgũ: “Kãmi marĩgũ ããrã”, ãrĩgũkumi. Pũru Moisés gojadea pũgue sĩdoredeare sĩka! Mũ irire irimakũ ããrã, ããrĩpererã masaka mũrẽ kãmi yariadeare masĩrãkuma, ãrĩyupũ.

15 Jesús ãgũrẽ: “Gajirãrẽ mũ tariadeare werebirikõãka!” ãrĩkeremakũ, ããrĩpererogũ marã masaka Jesús ãgũrẽ iriadeare pãpãreakõãñurã. Irasirirã wãrã masaka ãgũ pũrogue ãgũ buerire pãrã, ãgũsã pũrĩrikũridere taudorerã, ejañurã.

16 Jesús gapũ masaka marĩrõgue Marĩpũre sãrẽgũ waanayupũ.

Jesús dũpũ bũadire taudea

(Mt 9.1-8; Mr 2.1-12)

17 Sunũ Jesús buemakũ, surãyeri fariseo bumarã gajirã Moisés gojadeare buerimasãde irogue doañurã. ãgũsã ããrĩperero Galilea nikũma makãrĩ marã, Judea nikũma makãrĩ marã, Jerusalén marã ããrĩñurã. Jesús pũrĩrikũrãrẽ taubu, Marĩpũ turarire opayupũ.

18 ãgũ bueripoe gajirã iro marã sugũ dũpũ bũadire ãgũ oyaro merãta ããjañurã. ãgũrẽ wiigũ ããñajã, Jesús pũrogue pĩduarã iriadiñurã.

19 Masaka wãrã ããrĩmakũ, ããñajãmasĩbiri, iri wii wekague mũrĩa, su gobe ããwea, ãgũrẽ masaka watopegue ãgũ oyaro merãta Jesús pũro dijuñurã.

20 Jesús, ãgũsã ãgũrẽ bũremumakũ ããgũ, bũadire ãrĩyupũ:

—Yũ, mũ ñerõ irideare kãtia.

21 ãgũ irasũ ãrĩmakũ pãrã, fariseo bumarã, Moisés gojadeare buerimasã ãsũ ãrĩ gũñañurã: “¿Ñeémũno masakũ ããrĩrĩ ñĩ? ãgũ werenĩrĩ merã Marĩpũre ñerõ ãrĩmi. Masaka ñerõ irideare neõ sugũ masakũ kãtimasĩbirikumi. Marĩpũ sugũta masĩkumi”, ãrĩñurã.

22 Jesús ãgũsã gũñarĩrẽ ããmasĩ, ãsũ ãrĩyupũ:

—¿Nasirirã irasũ gũñarĩ mũsã?

23 ¿Naásũ ãrĩrĩ gapũ diasaberi ñĩ bũadire: “Yũ, mũ ñerõ irideare kãtia”, ãrĩrĩ, o “Wãgãnũgã, waaka!” ãrĩrĩ gapũ diasaberi?

24 Yũ ããrĩpererã ããgũ i ãmũgue ããrĩrãrẽ ãgũsã ñerõ irideare Marĩpũ dorero merã kãtimasĩa. Irasirigũ ñĩ bũadire taugũra, mũsãrẽ irire masĩdoregũ, ãrĩyupũ. Irasũ ãrĩ odo, bũadire ãrĩyupũ:

—Yũ mũrẽ ãsũ ãrã. Wãgãnũgã, mũ oyaderore ãĩ, mũya wiigũ waaka! ãrĩyupũ.

25 ãgũ irasũ ãrĩrĩ merãta ãgũsã ããrõ wãgãnũgã, ãgũ oyaderore ãĩ, ãgũya wiigũ waagũ, Marĩpũre: “Õãtaria mũ”, ãrĩ, mũyari sĩyupũ.

26 Masaka, Jesús irasiririre ìäguka, ìgüsäde Marĩpure: “Õätaria mu”, äri, usuyari siñurã. Buro güiri merã äsü äriñurã:

–Dapagãrẽ neõ marĩ ìãbirideare ìãa, äriñurã.

Jesús Levíre siiudea

(Mt 9.9-13; Mr 2.13-17)

27 Puru Jesús iro merã waa, Leví† wãikugure bokajayuru. Leví romano marã opure niyeru wajaseabosagu äãriyuru. Ìgü moãrĩ taribugue doamakü ìägü, Jesús ìgürẽ äriyuru:

–Nãka, yu merã!

28 Ìgü irasü äriimakü pégu, Leví wãgãnugã, ìgü moãdea äãripererire pípeo, Jesús merã waakõäyuru.

29 Puru Leví ìgüya wiigüe eja, Jesúsre bosenu iripeoyuru. Wãrã niyeru wajaseabosarimasã, gajirã masaka ìgüsã merã baa doanĩñurã.

30 Jesús ìgüsã merã doamakü ìãrã, fariseo bumarã, Moisés gojadeare buerimasã Jesús buerãrẽ äsü äri werewuñurã:

–¿Nasirirã niyeru wajaseabosarimasã, ñerõ irirã merã iirí, baari musã? äriñurã.

31 Jesús ìgüsãrẽ yujuyuru:

–Pürĩrĩ marĩrã kúririmasürẽ ãmabema. Pürĩrikurã gapu ìgürẽ ãmama.

32 Yu: “Õãrã äãrã”, äri güñarãrẽ siiugu aaribiribu. “Ñerõ irirã äãrã”, äri güñarã ditare siiugu aarigü iribu, ìgüsã ñerõ irideare bujawere, güñarĩrẽ gorawayuburo, äriñurã, äriñurã.

Jesúsre bererimarẽ sërẽñadea

(Mt 9.14-17; Mr 2.18-22)

33 Jesús irasü äriimakü pérã, ìgürẽ sërẽñañurã:

–Juan buerã, fariseo bumarã buerire tuyarãde Marĩpure buremurã bere, ìgürẽ sërẽnama. ¿Nasirirã mu buerã gapu õãrõ iirí, baari? äriñurã.

34 Jesús ìgüsãrẽ yujuyuru:

–¿Sugu mojõsuadi bosenu irimakü, musã ìgü siiuanerãrẽ ìgü merã äãrĩrãrẽ bujawereri merã beremakü irimasĩbukuri?

35 Puru ìgürẽ gajirã äiãmakü, bujawereri merã bererãkuma, äriyuru.

36 Irire äri odo, keori merã ìgüsãrẽ äsü äri wereyuru doja:

–Masaka neõ suríro maamañerẽ tábirikuma buñerẽ seretúmurã. Irasü seretúrã, maamañerẽ poyanorãrã irikuma. Maama gasiro merã buñerẽ seretúadero õãrõ deyobirikoa.

37 Waimurã gasiri merã iridea ajuri bugu ajurigue maama igui dekore diribirikuma. Irasü dirimakü, maama igui deko pãmu, bugu ajuri sërãturabiri, ooreakõãkoa. Irasiriro igui deko, ajuride kãmokoa.

38 Irasirirã maama igui dekore maama ajurigue diri ro gããmea.

39 Masaka igui deko pãmurĩrẽ iirĩrã, maama igui dekore gããmebirikuma, maama buerire péduaberosü. “Igui deko pãmudea gapu, maama igui deko nemorõ õãã”, äriñurã, äriñurã Jesús ìgüsãrẽ.

6

Siñajãrĩnu äãriimakü, Jesús buerã trigo yerire tãrĩdea

(Mt 12.1-8; Mr 2.23-28)

† 5:27 Leví pe wãĩ opayuru. Ìgüta Mateo wãikuyuru.

¹ Gajinu, judío masaka siñajārĩnu ãārĩmakũ, Jesús trigo otedero watope waamakũ, ĩgũ buerã trigo yerire tãrĩ koro baawãgãñurã*.

² ĩgũsã irasirimakũ ĩãrã, surãyeri fariseo bumarã ĩgũsãrẽ sërẽñañurã:
—¿Nasirirã siñajārĩnurẽ moãdorebirikeremakũ, irasũ yãri masã? ãrĩñurã.

³ Jesús ĩgũsãrẽ yujuyupu:

—¿Musã iripoeguemũ David ĩgũ merãmarã merã uaboagu, ĩgũ irideare bueririri?

⁴ ĩgũ merãmarã merã Marĩpũya wiigũe ñajãa, Marĩpu ĩũrõ peyari pã duparure baadi ãārĩmĩ. Marĩpu paia ãārĩmerãrẽ: “Iri pã duparure baabirikõaka!” ãrĩdi ãārĩmĩ. David gapũ paĩ ãārĩbirikeregu, irire baagu, Marĩpu ĩũrõ ĩgũ dorerire tarinũgãgũ meta iridi ãārĩmĩ, ãrĩyupu.

⁵ Irasũ ãrĩ odo, ãsũ ãrĩyupu doja:

—Yu ãārĩpererã tĩgũ ãārĩsĩã, siñajārĩnurẽ masaka gajino ĩgũsã iriburire doremasĩ, ãrĩyupu Jesús.

Jesús mojõ diíweredire taudea
(Mt 12.9-14; Mr 3.1-6)

⁶ Gajinu siñajārĩnu ãārĩmakũ, Jesús judío masaka nerẽrĩ wiigũe ñajãa, ĩgũsãrẽ bueyupu. Iri wiigũe sugũ masakũ diayema mojõ gapũ diíweredi ãrĩyupu.

⁷ Fariseo bumarã, Moisés gojadeare buerimasã Jesúre bũro ĩãduripítaya: “Siñajārĩnu ããrã, irasirirã ĩĩ mojõ diíweredire ĩgũ taumakũ, ĩgũrẽ weresãrãra”, ãrĩ gũñañurã.

⁸ Jesús ĩgũsã gũñarĩrẽ ĩãmasĩ, mojõ diíweredire:

—Wãgãñugã, masaka ĩũrõgue ejanũgãgũ aarika! ãrĩyupu. ĩgũ irasũ ãrĩmakũ pégu, mojõ diíweredi wãgãñugã, Jesús puro ejanũgãyupu.

⁹ ĩgũ ejanũgãmakũ, Jesús gajirã irogue ãārĩrãrẽ ãsũ ãrĩyupu:

—Musãrẽ sërẽñadũakoa. ¿Siñajārĩnurẽ Marĩpu marĩrẽ ñeénorẽ iridoreyuri, õãrĩrẽ, o ñerĩrẽ, masakare taurire, o wẽjẽrĩrẽ? ãrĩyupu.

¹⁰ Sërẽña odo, masaka ãārĩpererãrẽ ĩã, mojõ diíweredire ãrĩyupu:

—Mũya mojõrẽ soeuka!

Ĩgũ irasũ ãrĩmakũ pégu, soeuyupu. ĩgũ soeumakũ, ĩgũya mojõ õãkõãyuro.

¹¹ ĩgũ irasirimakũ ĩãrã, fariseo bumarã, Moisés gojadeare buerimasã bũro guañurã: “¿Nasirirãkuri marĩ ĩrẽ?” ãrĩ gãme werenĩñurã.

Jesús pe mojõma pere su gubu peru pẽrẽbejarã ĩgũ buedoregu pĩmurãrẽ beyedea
(Mt 10.1-4; Mr 3.13-19)

¹² Irinũrĩrẽ Jesús ãtãũgue Marĩpũre sërẽgũ waayupu. Irogue iri ñamirẽ Marĩpũre sërẽboyoakõãyupu.

¹³ Boyoripoe ĩgũ buerire tayarãrẽ siuu neõ, ĩgũsã watopegue ãārĩrãrẽ pe mojõma pere su gubu peru pẽrẽbejarã ãmarẽ beyeyupu: “Musãrẽ yaa kerere buegorenaturãrẽ beyepia”, ãrĩyupu.

¹⁴ ĩsãkũ ãārĩñurã: Simón wãĩkũgu ãrĩyupu. ĩgũrẽta “Pedro” wãiyeyupu Jesús. Simón pagũmũ Andrés; gajirã: Santiago, Juan, Felipe, Bartolomé†,

¹⁵ Mateo, Tomás, Santiago ãārĩñurã. Santiago, Alfeo magũ ãrĩyupu. Gajigu Simón ãrĩyupu. ĩgũ celote wãĩkũri bumũ ãrĩyupu.

¹⁶ Gajigu Judas ãrĩyupu. ĩgũ Santiago magũ ãrĩyupu. Gajigu Judas Iscariote wãĩkũgu ãrĩyupu. ĩgũta Jesúre wẽjẽduarãguere ĩgũrẽ ĩmubu ãrĩyupu.

* **6:1** Deuteronomio 23.25: Moisés gojadesa pũgue ãsũ ãrĩ gojasũdero ãārĩbũ: “Sugũ masakũ gajigũya poeegue waagũ, ĩgũya mojõrĩ merã trigo yerire tãrĩ koro baaburo. Wiirimajĩ merã diti ãĩabirikõãburo”, ãrĩ gojasũdero ãārĩbũ. † **6:14** “Bartolomé”, ãrĩrõ: “Tolomé magũ”, ãrĩduaro yãa. ĩgũta Natanael wãĩkũgu ãrĩrĩdi ãārĩmĩ. San Juan 1.43-51: Jesús Natanaere siuidea kere ããrã.

Jesús wárã masakare buedea
(Mt 4.23-25)

17 Jesús iri ütãũgue ããrãdi ïgũsã merã dijija, iri ütãũ ããrĩdijimejãrõgue ããrĩyupũ. ïgũ beyeanerã, gajirã wárã ïgũ buerire tayarã merã ããrĩyupũ. Gajirã wárã ããrĩperero Judea nikũ marã, Jerusalén marã, wãdiya turo marã Tiro, Sidón marã ããrĩñurã. ïgũsã Jesús puro ïgũ buerire pérã, ïgũsã pũrĩrikurire taudorerã ejanerã ããrĩñurã.

18 Jesús wãtẽa ñajãsũnerãdere tauyupũ.

19 ïgũ ããrĩpererãrẽ Marĩpu turaro merã taumakũ ïãrã, ããrĩpererã masaka ïgũrẽ moãñadũañurã.

Jesús usuyari, bujawereridere buedea
(Mt 5.1-12)

20 Pũpu Jesús ïgũ buerãrẽ ïã, ãsũ ãrĩyupũ:

—Marĩpu musã Opu ããrĩmi. Irasirirã boporã ããrĩkererã, usuyaka!

21 'Dapagorare musã uaboari merã ããrĩrã, pũrugere yapirãkoa. Irasirirã usuyaka!

'Dapagorare buro bujawereri merã orerã, pũrugere usuyari merã buirãkoa. Irasirirã usuyaka!

22 'Musã yure ããrĩpererã tĩgũrẽ buremumakũ ïãrã, gajirã musãrẽ ïãturi doorãkuma. Musãrẽ: “Gũa merã ããrĩmerãta!” ãrĩ béorãkuma. Musãrẽ ñerõ werenĩrãkuma. “Ñerã ããrĩma”, ãrĩ werewuarãkuma. ïgũsã irasũ ãrĩkeremakũ, usuyari merã ããrĩrikuka!

23 Iripoegue marĩ ñekũsãmarã Marĩpũya kerere weredupiyunerãrẽ irasũta iriunanerã ããrĩmã. Irasirirã dapagora marã musãrẽ murãrõta ñerõ irimakũ ïãrã, buro usuyaka! Buro usuyari merã ããrĩrikuka! Musã umugasigue waa-makũ, Marĩpu õãrĩ wãro wajatari sĩgukumi musãrẽ.

24 'Musã i umumarẽ wãri oparã gapũ usuyari bokasiãa. Pũrugere usuyari neõ bokabirikoa. Irasiriro musãrẽ ñegorãa.

25 'Musã dapagorare yapirã, pũrugere buro uaboarãkoa. Usuyari neõ bokabirikoa. Irasiriro musãrẽ ñegorãa.

'Dapagorare Marĩpũyare buridarã, pũrugere buro bujawereri merã orerãkoa. Usuyari neõ bokabirikoa. Irasiriro musãrẽ ñegorãa.

26 'Masaka ããrĩpererã musãrẽ: “Õãrã ããrĩma”, ãrĩkeremakũ, usuyari neõ bokabirikoa. Iripoegue musã ñekũsãmarã Marĩpũyare ãrĩkatori merã wererimasãrẽ: “Õãrã ããrĩma”, ãrĩunanerã ããrĩmã.

Jesús: “Musãrẽ ïãturirãrẽ maĩka!” ãrĩ buedea
(Mt 5.38-48; 7.12)

27 'Yũ werenĩrĩrẽ õãrõ péduripĩrãnorẽ ãsũ ãrĩ weregura. Musãrẽ ïãturirãrẽ maĩka! Musãrẽ doorãrẽ õãrõ irika!

28 Musãrẽ: “Ñerõ waaburo”, ãrĩrãrẽta õãdoreka! Musãrẽ ñerõ ãrĩ buridarãrẽta Marĩpũre ïgũsã õãrõ ããrĩburire sërẽbosaka!

29 Sugũ masakũ musãya wayupãrãrẽ pámakũ, gajipãrẽ gapũdere pádoreka! Musãya surĩro wekamañerẽ emamakũ, musãya camisadere sĩka!

30 ããrĩpererã musãrẽ gajino sërẽãnorẽ sĩka! Sugũ masakũ musã oparire ãĩãmakũ, ïgũrẽ: “Wiaka!” ãrĩbirikõãka!

31 Gajirã musãrẽ õãrõ irimakũ gããmerõsũta musãde ïgũsãrẽ õãrõ irika!

32 'Musãrẽ maĩrã ditare maĩmakũ õãbea. Musã irasũ maĩrĩ wajamãa. Gajirã, ñerã ããrĩkererã, ïgũsãrẽ maĩrãrẽ maĩkuma.

33 Musãrẽ õãrõ irirã ditare õãrõ irimakũ õãbea. Musã irasiriri wajamãa. Ñerãde ïgũsãrẽ õãrõ irirãrẽ õãrõ irikuma.

³⁴ Gajirārē wayurā ĩgūsārē: “Gua wayuadeare keoro wiaka doja!” āřĩmakū ōābea. Mūsā irasiriri wajamāa. Ńerō irirāde gajirā űerārē wayukuma. ĩgūsā wayuadeare: “Āārĩpereri wiarākuma doja”, āřĩ gũñakuma.

³⁵ Irasirirā űerā irirosū iribirikōāka! Mūsārē ĩaturirādere mařka! ĩgūsārē ōārō irika! ĩgūsārē wayurā, mūsā wayuadeare: “Wiaka doja!” āřĩbirikōāka! Irasirirā wāri ōārĩ wajatari bokarākoa. Marĩpũ āārĩpererā nemorō turagu pũrā āārĩrākoa. Masaka Marĩpure usuyari sĩbirikeremakū, ĩgūsārē bopoñarĩ merā ĩāmi dapa. Ńerā āārĩkeremakū, ĩgūsārē irasū ĩāmi dapa.

³⁶ Irasirirā mūsāde Mūsāpũ ũmugasigue āārĩgũ masakare bopoñarĩ merā ĩārōsũta gajirārē bopoñarĩ merā ĩāka!

Jesús: “Gajirārē: ‘Ńerā āārĩma’, āřĩ werewũabirikōāka!” āřĩ buedea (Mt 7.1-5; Jn 13.16; 15.20)

³⁷ Gajirārē: “Ńerā āārĩma”, āřĩ werewũabirikōāka! Mūsā werewũabirimakū ĩāgũ, Marĩpũ mūsārē: “Ńerā āārĩma”, āřĩ ĩābirikumi. Gajirā mūsārē űerō irimakū ĩārā: “Marĩpũ ĩgūsārē wajamoāburo”, āřĩbirikōāka! Mūsā irasū āřĩbirimakū, Marĩpũ mūsārē: “Wajamoāgura”, āřĩbirikumi. Gajirā mūsārē űerō irideare kātika! Mūsā kātimakū, Marĩpũde mūsā űerō irideare kātigukumi.

³⁸ Gajirārē sřka! Mūsā sřmakū, Marĩpũ mūsārē wāri ōārĩ sřgukumi. Ajuro wāri ajuro gajino uturiri ajuro ōārō űadiuadea ajuro irirosū sřgukumi. Mūsā gajirārē sřderopata Marĩpũ mūsārē sřgukumi, āřĩyupũ Jesús.

³⁹ Irasū āřĩ odo, keori merā wereyupũ doja:

–Sugũ masakũ koye ĩābi gajigu koye ĩābire tũādupiyuwāgāmasĩbirikumi. ĩgūsā pērāgueta maarē ĩāmerā gobegue meēñajākōākuma.

⁴⁰ Sugũ buerimasũ ĩgũ buerā nemorō masřkumi. ĩgũ buerāde ĩgũ buederosũ buepeosř, ĩgūsārē buedi masřderosũta ĩgūsāde masřrākuma.

⁴¹ Mūsā űerō iridea, koyerugue wāri turu oparosũ űetariri āārĩřřē gũñabirikererā, mūsāyagũ űerō iridea, koyerugue nikũyegā oparosũ āārĩřřē: “Ńegorāa”, āřĩ gũñāa.

⁴² Irasirirā mūsā űerō iridea, koyerugue wāri turu oparosũ āārĩrā, mūsāyagũre ĩgũya koyerugue āārĩřřē nikũyegārē: “¿Āĩbéosi?” āřĩmasřbea. Mūsā űerō iririkurā, irikatorikurā āārā. Mūsāya koyerugue āārĩřřē turu gapũre āĩbéopũroriro irirosũ mūsā űerō iririre piripũrorika! Irasiri odo, mūsāyagũre: “Mũ űerō iririre pirikōāka!” āřĩ masřa, āřĩyupũ Jesús.

Jesús yukũre dukũ merā ĩāmasřsũa, āřĩ buedea (Mt 7.17-20; 12.34-35)

⁴³ Irasū āřĩ odo, gaji keori merā wereyupũ doja:

–Yukũ ōādi űerĩ dukakũbirikoa. Yukũ űedide ōārĩ dukakũbirikoa.

⁴⁴ Āārĩpereri yukure dukũ merā ĩāmasřsũa. Poragũ higo wāřĩkũrire dukakũbirikoa. Ńaagũde iguire dukakũbirikoa.

⁴⁵ Irasirigũ sugũ masakũ ōāgũ, yukũ ōārĩ dukakũdi irirosũ āārĩmi. ĩgũ gũñarřgue ōārĩ gũñarĩ opasř, ōārřřē yāmi. Gajigũ űegũ, ĩgũ gũñarřgue űerĩ gũnasř, űerřřē yāmi. Marĩ gũñarřgue gũñarōsũta werenĩrākoa. Irasirirā masaka űerĩ gũñarĩ oparā, űerĩ werenĩrākuma. Ōārĩ gũñarĩ oparā gapũ ōārĩ werenĩrākuma.

Jesús pe wĩ keori merā buedea (Mt 7.24-27)

⁴⁶ ¿Nasirirā mūsā yũre: “Yũ Opũ āārā mũ”, āřĩkererā, yũ dorerire neō iriberi?

⁴⁷ Sugũ yũ pũro eja, yũ werenĩřřē pėduripĩ, pũrũ yũ dorerire irigũ, āsũpero irigũ irirosũ āārĩmi.

⁴⁸ Sugũ ütāyegue ũkũārĩ goberi máñajãa, wii õārõ nugũdi irirosũ ãārĩmi. Pũũ dia wáro yura, ĩgũya wiiguere deko ũma meétúkeremakũ, neõ mirũabirikoã.

⁴⁹ Yũ werenĩrĩrẽ pékeregũ, yũ dorerire iribi gapũ sugũ ĩmiparogue wii iridi irirosũ ãārĩmi. Dia wáro yuraro, ĩgũya wiire ũmabéokõãkoa. Irasiriro ãārĩpereri kõmopereakõãkoa, ārĩ wereyupũ Jesús masakare.

7

Jesús surara opũre moãboegũre taudea

(Mt 8.5-13)

¹ Jesús masakare irire were odo, Capernaugue waakõãyupũ.

² Iroguere romano marã surara opũ ãārĩyupũ. ĩgũrẽ moãboegũ sĩrĩgũ kõmorĩ pũrogãgue ãārĩyupũ. Surara opũ ĩgũrẽ bũro maĩyupũ.

³ Irasirigũ, Jesús iridea kerere pégu, judío masaka mũrãrẽ Jesús pũrogue iriuyupũ, ĩgũrẽ moãboegũre taugũ aaridoregũ.

⁴ ĩgũsã Jesús pũrogue ejarã, ĩgũrẽ turaro merã ãsũ ārĩ sērẽñurã:

—Surara opũ gũare mũ pũro iriuadi, õãgũ ãārĩmi. Irasirigũ ĩgũrẽ iritamuka!

⁵ ĩgũ judío masakũ ãārĩbirikeregũ, marĩya nikũ marãrẽ bũro maĩmi. ĩgũta ĩgũya niyeru merã gũa nerẽrĩ wiire moãdoremi. Irasirigũ ĩgũrẽ iritamuka! ãrĩñurã.

⁶ Irire pégu, Jesús ĩgũsã merã waayupũ. Surara opũ, ĩgũya wii pũro ĩgũsã ejawãgãrimakũ ĩãgũ, ĩgũ merãmarãrẽ Jesũre ãsũ ārĩ weredoregũ iriuyupũ:

—Yũ Opũ, mũrẽ garibonemodũabirikoã. Yũ ubu ãārĩgũ ãārĩsĩã, yaa wiire mũ ñajãrimakũ, bũro gũyasĩrĩkoã.

⁷ Irasirigũ yũde mũ pũrogue waabea. Mũ werenĩrĩ turari merã yũre moãboegũre: “Sĩrĩrĩ tarika ĩgũrẽ!” ãrĩmakũ tarigũkumi.

⁸ Gajirã oparã yũre dorema. Yũde gajirã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩka Jesũre! ārĩ iriuyupũ.

⁹ ĩgũ weredoreadeare ĩgũsã weremakũ pégu, Jesús gũkakõãyupũ. ĩgũrẽ tũyarãrẽ gãmenũgã ĩã, ãsũ ārĩyupũ:

—Mũsãrẽ werea. Sĩrĩ surara opũ Israel bumũ ãārĩbirikeregũ, yũre bũremumi. Israel bumarã watopeguere sĩrĩ irirosũ yũre bũremugũrẽ neõ bokajabiribũ, ãrĩyupũ Jesús.

¹⁰ ĩgũ irasũ ãrãdero pũũ, surara opũ iriuanerã ĩgũya wiigũ goedujãañurã. Iroguẽ goedujajarã, sĩrĩgũ ãrãdire tariadiguere bokajañurã.

Jesús wapiweyo magũrẽ masũdea

¹¹ Pũũ Jesús Capernaugue ãrãdi Naĩn wãĩkũri makãgue waayupũ. ĩgũ buerã, gajirã masaka wãrã ĩgũ merã waañurã.

¹² Iri makãrẽ ejaripoe iri makã marã, sugũ masakũ boadire kõãwãgãrĩñurã ĩgũrẽ yãarã waarã. ĩgũ wapiweyo magũ, sugũ ãārĩgũ ãrãdiyupũ. ĩgũ pago ĩgũrẽ yãamurã merã waamakũ, wãrã masaka wapikũwãgãrĩñurã.

¹³ Igore ĩãgũ, marĩ Opũ Jesús bũro bopõnarĩ merã ĩã, ãsũ ārĩyupũ:

—Orebirĩkõãka!

¹⁴ Irasirigũ Jesús masãpore pũro ejanũgã, moãñayupũ. ĩgũ moãñamakũ ĩãrã, iri porere kõãrã dujanũgãñurã. Jesús boadire ãsũ ārĩyupũ:

—Yũ mũrẽ ãrã: “Wãgãñũgãka!”

¹⁵ ĩgũ irasũ ãrĩmakũ, boadi wãgãdoã, werenĩnũgãyupũ. Irasirigũ Jesús ĩgũrẽ pagore wiayupũ.

¹⁶ Irire ĩãrã, ãārĩpererã masaka ĩãgũkakõãñurã. Marĩpũre: “Õãtaria mũ”, ārĩ, mũyari sĩñurã. ĩgũsã basi ãsũ ārĩ gãme werenĩñurã:

—Īi Marīpuya kerere wererimasū, turatarigu, marī watopeguere ejami.

Idere ārīñurā:

—Marīpu ĩrē iriuñumi ĩgūyarārē iritamudoregu, ārīñurā.

¹⁷ Irasirirā āārīpererogue Judea nikū marā, iri nikū taro marāde Jesús ĩgūrē masūdea kerere péperekōāñurā.

Juan masakare wāiyerimasū ĩgū buerire tūyarārē Jesús p̄arogue iriudea

(Mt 11.2-19)

¹⁸ Juan masakare wāiyerimasū peresugue āārīripoe ĩgū buerire tūyarā āārīpereri Jesús irideare ĩgūrē wererā waañurā. Juan irire pégu, ĩgūsā merāmarā pērārē siu:

¹⁹ —Jesúre āsū ārī sērēñarā waaka! “¿Muta āārīrī Cristo guare taugu aaribu iriayupu, ĩgūsā ārīdi, o gajigure yūrākuri gu?” ārī sērēñarā waaka! ārī iriuyupu.

²⁰ Irasirirā, Jesús p̄ro ejarā, ĩgūrē ārīñurā:

—Juan masakare wāiyerimasū guare mūrē āsū ārī sērēñadoreami: “¿Muta āārīrī Cristo guare taugu aaribu iriayupu, ĩgūsā ārīdi, o gajigure yūrākuri gu?”

²¹ ĩgūsā ejaripoere Jesús wārā pūrīrikurārē, wātēa ñajāsūnerārē, koye ĩāmerādere taugu iriayupu.

²² Irasirigu Jesús āsū ārī yujuyupu Juan iriuanerārē:

—Mūsā ĩārīrē, mūsā périre, Juārē wererā waaka! Koye ĩābiranerā ōārō ĩāma. Waamasībiranerā waamasīakōāma. Kāmi boanerā yariperekōāsūama. Gāmpū pébiranerā péakōāma. Boanerāde masākōāma. Boporā, Marīpu masakare tauri kerere weremakū péma.

²³ “Yure buremurīrē piribi, usuyari opagukumi”, ārī wererā waaka Juārē! ārīyupu Jesús.

²⁴ ĩgūsā waadero p̄r̄, Jesús Juāyamarē masakare āsū ārī werenugāyupu:

—Mūsā masaka marīrōgue Juārē ĩārā waarā, güigure güñaturabire ĩārā waarā meta irikuyo. ĩgū turabi, mirū táborere wējāpubéorosū āārībemi.

²⁵ Irasū āārīmakū, mūsā ĩgūrē irogue ĩārā waarā, ōārī suri sāñagūrē ĩārā waarā meta irikuyo. Ōārī suri sāñarāno oparāya wiirigue āārīkuma. Juan ĩgūsā irirosū āārībemi.

²⁶ Mūsā irogue ĩgūrē ĩārā waarā, Marīpuya kerere weredupiyurimasūrē ĩārā waarā iriyo. Mūsārē werea. Juan diayeta Marīpuya kerere weredupiyunerā nemorō āārīmi.

²⁷ Marīpuya werenírī gojadea pūgue gojasūdero āārībú Juan iriburire. Irasirigu Marīpu ĩgū magūrē āsū ārīdi āārīmi:

Mu waaburo dupiyuro yaa kerere weredupiyubure iriugura, mu waaburore āmuyudoregu, ārī gojasūdero āārībú.*

²⁸ Mūsārē werea. Juan aariburi dupiyuro neō sugū ĩgū nemorō yaamarē masīgū marīdi āārīmi. Irasū āārīkerep̄r̄, sugū Marīpu ūmugasigue āārīgúyagu gapu Juan nemorō yaamarē masīgū āārīgukumi. Āārīpererā nemorō ubu āārīgú āārīkeregu, masīgū āārīgukumi, ārīyupu Jesús.

²⁹ ĩgū irasū ārīrīrē pérā, āārīpererā masaka, romano marā opure niyeru wajaseabosarimasāde Juan wāiyesūnerā āārīsīā: “Marīpu diayeta irigu āārīmi”, ārī masīñurā.

³⁰ Fariseo bumarā, Moisés gojadeare buerimasā gapu Juārē wāiyedorebirinerā āārīsīā, Marīpu ĩgūsārē iriduarire gāāmebiriñurā.

³¹ Irasirigu marī Op̄ Jesús āsū ārīnemoyupu:

—Masaka dapagora marā, ¿ñeémarāno irirosū āārīrī?

* 7:27 Mal 3.1

³² Majirã makã dekogue ïgũsã merãmarã merã bira gaguiní doanírã irirosũ ããrĩma. ãsũ ãrĩ gaguiníma: “Gũa tẽrẽdiru purimakũ, bayabirabu. Bũjawereri merã gũa bayamakũ, orebirabu”, ãrĩma.

³³ Juan masakare wãiyerimasũ pã baabirimakũ, igui deko pãmudeare iiribirimakũ ïãrã, ïgũrẽ: “Wãtĩ ñajãsũdi ããrĩmi ïĩ”, ãrĩbu musã.

³⁴ Pũru yu ããrĩpererã tĩgũ baa, iirimakũ ïãrã: “Baapagu, iiripagu ããrĩmi”, ãrĩbu. “Romano marã opũre niyeru wajaseabosarimasã merãmu, ñerõ irirã merãmu ããrĩmi”, ãrĩbu musã yũre.

³⁵ Musã yaamarẽ, Juãyamarẽ masĩbirikeremakũ, gũare masĩrã gapu: “Diayeta Marĩpu iriunerã ããrĩma”, ãrĩ masĩma, ãrĩyupu Jesús.

Jesús, fariseo bumũ Simón wãikũgũya wiigue ejadea

³⁶ ïgũ irasũ ãrãdero pũru, sugũ fariseo bumũ Jesúre ïgũya wiigue baadoregũ siuayupu. Irasirigũ Jesús ïgũya wiigue waa, eja, baari peoro pũro eja, doayupu.

³⁷ Sugo nomeõ iri makãmo, ñerõ iririmasõ, Jesús fariseoya wiigue baagu ejadea kerere pé, irogue waayupo. Suru borewariru “alabastro” wãikuri ãtãye merã iridirure õãrõ sãrõrĩ opadirure ãiyupo.

³⁸ ãã, Jesús pũrupũ gapu ejanugãja, igo ñerõ irideare bũro bũjawereri merã gũña, ore, Jesús pũro meédoaja, ïgũya guburi wekare igoya kódeko meébejamakũ ïã, igoya poañapu merã túkoe bojoyupo. Túkoe bojo, bũremurĩ merã ïgũya guburire mimi, igo sãrõrĩ ãiadea merã ïgũya guburire pípeoyupo.

³⁹ Igo irasirimakũ ïãgũ, fariseo bumũ Jesúre baadoregũ siuadi ïgũ basi gũñayupu: “Igo ïgũya guburire moãñagõ ñerõ iririmasõ ããrĩmo. ïĩ diayeta Marĩpũya kerere weregũ ããrĩgũ, irire masĩiabukumi”, ãrĩ gũñayupu.

⁴⁰ Jesús ïgũ gũñarĩrẽ ïãmasĩ, ïgũrẽ ãrĩyupu:

–Simón, yu murẽ gajino wereduakoa, ãrĩyupu.

–Buegũ, wereka yũre! ãrĩyupu Simón.

⁴¹ ïgũ irasũ ãrĩmakũ pégu, Jesús i keori merã wereyupu ïgũrẽ:

–Sugũ masakare niyeru wayurimasũ ããrĩkumi. Pẽrã ãma wajamokuma ïgũrẽ. Sugũ wãri niyeru koeri quinientos moãrĩnurĩ wajataropa wajamokumi. Gajigũ mérĩ koerigã cincuenta moãrĩnurĩ wajataropa wajamokumi.

⁴² ïgũsã pẽrã, ïgũsã wajamorĩrẽ wajariri opabirimakũ ïãgũ, niyeru wayudi ïgũsãrẽ pẽrãguereta: “Iropata, musã wajamorĩ pereburo. Irire kãtigũkoa”, ãrĩkumi. Irasirimakũ, ¿niĩ gapu niyeru wayudire bũro maĩkuri? wãro wajamodi, o mérõgã wajamodi gapu, ãrĩyupu Jesús.

⁴³ Simón yũyũyupu:

–Wãro wajamodi gapu bũro maĩbukumi, ãrĩyupu.

–Diayeta yũjũa mu, ãrĩyupu Jesús ïgũrẽ.

⁴⁴ Irasũ ãrĩ odo, Jesús nomeõrẽ ïã, Simõrẽ ãrĩyupu:

–¿Igo yũre iriadeare ïãrĩ mu? Mũya wiigue yu ñajãjamakũ, mu yũre yaa guburi koeburire deko sibirabu. Igo gapu yaa guburire igoya kódeko merã koe, igoya poañapu merã túkoe bojoamo.

⁴⁵ Yu õãdoremakũ, mu yũre bokatĩrĩ pábũa, mimibirabu. Igo gapu yu ñajãjadero pũrugue yaa guburire mimiadeo neõ mimiduúbemo.

⁴⁶ Mu gapu yaa dipurure ãye õãrĩ sãrõrĩ merã pípeobirabu. Igo gapu yaa guburire sãrõrĩ pípeoamo.

⁴⁷ Irasirigũ Simón, yu murẽ werea. Igo ñerõ iridea wãri ããrĩkeremakũ, yu irire kãtia. Yu irasirimakũ, yũre bũro maĩmo. Gajigũ gapu, yu ïgũ ñerõ irideare

kātimakū: “Yu mérōgāta ñerō irideare opáa”, āri gūñasā, yare sīrūta maīmi, āriyupū Jesús.

⁴⁸ Īgūrē irasū āri odo, nomeōrē āsū āriyupū:

—Mu ñerō irideare kātia yu, āriyupū.

⁴⁹ Īgū irasū ārimakū pérā, gajirā masaka iri wiigue Īgū merā baadoregu siuanerā āsū āri gāme wereniñurā:

—¿Ñeémuno masakū āārīrī īī, irasū ñerō irideare kātigu? āriñurā.

⁵⁰ Jesús gapū nomeōrē āriyupū doja:

—Yure buremusiā, perebiri peamegue waabodeo tausūsiāa. Irasirigo oārō siñajārī merā waaka! āriyupū.

8

Nome Jesúre iritamudea

¹ Purū Jesús paga makārī marārē, mutā makārīgā marādere Marīpu Īgūyarārē doreri kerere weregorenagū waayupū. Īgū buerā pe mojōma pere su gubu peru pērēbejarā Īgū merā waañurā.

² Nomedē Īgū merā waañurā. Pūrīrikurā āārīnerā Jesús taunerā nome āārīñurā. Gajirā nome, wātēa ñajānerārē Jesús béowiusūnerā āārīñurā. Sugo María Magdalena wāikugo āārīyupo. Igo su mojōma pere gaji mojō peru pērēbejarā wātēārē Jesús béowiusūdeo āārīyupo.

³ Gajigo Juana wāikugo, Cuza wāikugū marāpo āārīyupo. Cuza Herodeya wiigue moāboerimasā opū āārīyupū. Gajigo Susana wāikugo āārīyupo. Gajirā nomede wārā Jesús merā waañurā Īgū buerire péduarā. Īgūsā nome, Īgūsā opari merā Jesúre, Īgū buerādere iritamuñurā.

Jesús oterimasū keori merā buedea

(Mt 13.1-9; Mr 4.1-9)

⁴ Wārā masaka wāri makārī marā Jesús puro Īgūrē ĩaduarā nerēñurā. Īgūsā wārā nerēmakū, Jesús i keori merā āsū āri bueyupū Īgūsārē:

⁵ —Sugū oterimasū Īgūya oteri yerire meésirigū waakumi. Īgū meésiriwāgāmakū, gaji yeri maague yurikoa. Masaka iri maague waarā, iro yuriadea yerire kuramutūkōākuma. Mirāde iri yerire boka, baapeokōākuma.

⁶ Gaji yeri ūtāyerikurogue yurikoa. Iri yeri puriadikoa. Puriadi, deko marīmakū ñāī, boakōākua.

⁷ Gaji yeri pora watopegue yurikoa. Pora gapū puritarimarīa, oteri gapure wējēkōākua.

⁸ Gaji yeri oārī nikūgue yurikoa. Iri yeri oārō puri, wāri dukakukoa. Su dupañu cien yerigora dukakukoa, āriyupū.

Iri keori merā were odo, Īgūsārē turaro merā āsū āriyupū doja:

—Musā gāmpūrī oparā, yu wererire péduripika! āriyupū Jesús masakare.

Jesús buerā Īgūrē: “¿Nasirigū keori merā bueri?” āri sērēñadea

(Mt 13.10-17; Mr 4.10-12)

⁹ Purū Īgū buerā Īgūrē sērēñañurā:

—¿Naásū ārīduaro iriari, guare mu wereadea? āriñurā.

¹⁰ Jesús Īgūsārē yujuyupū:

—Marīpu Īgūyarārē doregu āārīrīrē iripoegue masībirideare dapagorare musārē masīmakū yāmi. Gajirā gapure keori merā dita buea. Irasirirā Īgūsā Marīpu iririre ĩakererā, ĩamasībirikuma. Īgūyare pékererā, pémasībirikuma.

Jesús oterimasū keori merā Īgū bueadeare: “Āsū ārīduaro yāa”, āri weredea

(Mt 13.18-23; Mr 4.13-20)

11 'Y_u iri keori merā bueadea āsū āriḍuaro yáa. Iri oteri yeri Marĩp_uya werenĩri irirosū āārĩa.

12 Surāyeri masaka Marĩp_uya werenĩrĩrē pékererā, pémasĩbema. Maa buriri maa irirosū āārĩma. Īgūya werenĩrĩrē péadero p_ur_u, oteri yeri iri maague yuridea yerire mirā baapeoderosū, wātĩ ĩgūsā gūñarĩgue eja, ĩgūsā péadideare ēmapeokōāmi. Īgūsā Marĩp_ure buremubiri, tausūbirikōāburo, ārĩgū, irasū yámi.

13 Gajirā masaka ũtāyerikuri yeba irirosū āārĩma. Īgūsā Marĩp_uya werenĩrĩrē us_uyari merā pékeremakū, oteri yeri ũtāyerikurogue yuriadero p_ur_u, nugūrĩ marĩderosū ĩgūsārē waáa. Irasirirā yoaweyaripoe buremuadima. P_ur_u Marĩp_uya are iriduaru waja gajirā ĩgūsārē ñerō irimakū ĩārā, mata ĩgūyare pirikōāma.

14 Gajirā masaka porakuri yeba irirosū āārĩma. Marĩp_uya werenĩrĩrē pékererā, oteri yeri porakurogue yuriadero p_ur_u, pora gap_u puritarimārĩa, wējēderosū, i ũmumarē buro gūñarikuma. Irasirirā wári oparire gūñataria, ĩgūsā gāāmerō iriduasĩā, Marĩp_uya werenĩrĩrē kātima.

15 Gajirā masaka ōārĩ nikū irirosū āārĩma. Irasirirā Marĩp_uya werenĩrĩrē ōārō pérā, péduripĩma. Ōārĩ gūñarĩrē oparā, Marĩp_uya are iriduarā āārĩma. Gajirā ĩgūsārē ñerō irikeremakū, ĩgūyare piribema. Wári ōārĩ dukakudĩñu irirosū āārĩma, ārĩyup_u.

*Jesús sīāgodiru keori merā buedea
(Mt 5.15-16; Mr 4.21-25)*

16 P_ur_u gaji keori merā bueyup_u doja:

—Masaka sīāgodirure sīāgorā, kōmesoro merā muúpĩbirikuma. Kārĩrō dok-aguedere dobobirikuma. Őmarō, wii dekogue siukuma. Irasirirā gajirā iri wiire ñajārā, sīāgodiru ũjūgorore ōārō ĩā, ñajākuma.

17 Āārĩpereri masaka iripoegue masĩbirideare masĩsũrokoa. Masaka ĩāberogue duripĩdeare sīāgoro āārĩrōgue ĩāmasĩrō irirosū masĩsũrokoa. Yayedeā irirosū neō āārĩbirikoa.

18 'Irasirirā Marĩp_uya werenĩrĩrē pérā, ōārō pémasĩka! Irire ōārō péduripĩgunorē Marĩp_u wári pémasĩrĩ sīnemogukumi. Gajig_u ōārō pébirikereg_u: “Masĩa y_u”, ārĩ gūñami. Īgū irasū ārĩ gūñakereg_u, ōārō pémasĩbemi. Īgū pémasĩadideare ēmasũgukumi. Irasirig_u neō pémasĩbi dujagukumi pama, ārĩyup_u Jesús.

*Jesús pago, ĩgū pagupūrā merā ĩgūrē ĩāgō ejadea
(Mt 12.46-50; Mr 3.31-35)*

19 P_ur_u Jesús pago, ĩgū pagupūrā merā ĩgūrē ĩāgō ejayupo. Masaka wárā ĩgū p_urogue āārĩmakū, ejamasĩbiriyo.

20 Irasirig_u sug_u irogue āārĩgú Jesúsre wereyup_u:

—M_upo, m_u pagupūrā merā m_urē ĩāduarā, masaka p_ur_up_ugue níama, ārĩyup_u.

21 Īgū irasū ārĩmakū pég_u, Jesús āsū ārĩ y_uj_uyup_u:

—Marĩp_uya werenĩrĩrē ōārō péduripĩrā, ĩgūyare ōārō iritayarā, y_upo, y_u pagupūrā irirosū āārĩma, ārĩyup_u.

*Jesús mirũ, makũrĩrē toemakā irideā
(Mt 8.23-27; Mr 4.35-41)*

22 Sun_u Jesús ditaru turogue āārĩgú, ĩgū buerā merā doódirugue marĩñajāa, ĩgūsārē:

—Náka, ditaru sipārēgue taribujarā! ārĩyup_u.

—Já_u, ārĩ, waakōāñurā.

²³ Iro taribujagu, Jesús kārīñajākōāyupũ. Pũru ditaruguere bũro mirũ waayuro. Doódiruguere makũrĩ páñajãa, miũkōādiyuro. Bũro goero waayuro ĩgũsãrẽ.

²⁴ Irasũ waamakũ ĩãrã, Jesúre yobeñurã:

—Guare buegu, marĩ mirĩmurã yãa, ãrĩ gaguiniñurã.

Ĩgũsã irasũ ãrĩmakũ pégu, Jesús yobe, mirũ, makũrĩrẽ toedoreyupũ. ĩgũ toedoremakũ, mirũ, makũrĩ bũro waadea toedijapereakōāyuro.

²⁵ Pũru ĩgũ buerãrẽ ãrĩyupũ:

—¿Musã yũre bũremurĩ opaberi?

Ĩgũsã gapũ gũkanerã ããrĩsã, ĩãgũka, ĩgũsã basi gãme sērẽñañurã:

—¿Ñeémũno masakũ ããrĩrĩ ĩĩ? ĩgũ mirũrẽ, makũrĩrẽ toedoremakũ toedijakōãa, neõ tarinũgãbea ĩgũrẽ, ãrĩñurã.

*Jesús Gadaramũrẽ wãtẽa ñajãnerãrẽ béowiudea
(Mt 8.28-34; Mr 5.1-20)*

²⁶ Pũru Galilea nikũ bokatĩũrõ, Gadara wãĩkũrogue taribujajañurã.

²⁷ Jesús doódirugue ããrãdi majãnũgãmakũ, sugũ masakũ iri makãmũ ĩgũ pũro ejanũgãyupũ. ĩgũ wãtẽa ñajãsũdero pũru yoakōāyuro. Neõ surĩ sãñabi, wiiguere ããrĩbi, masãgoberi watopegue dita ããrĩgũ ããrĩyupũ.

²⁸⁻²⁹ Wãtĩ masakũre wãri ñeã meémeñayupũ. Irasirirã masaka ĩgũrẽ ñeã, ĩgũya mojørĩrẽ, guburidere kōmedari merã suanadiñurã ĩgũrẽ biadobomurã. ĩgũ gapũ ĩgũsã suarikũ, tũãtanokōāyupũ. Irasirigũ wãtĩ ĩgũrẽ masaka marĩrõgue waamakũ irinayupũ.

Jesús wãtĩrẽ: “Wirika mũ ñajãdire!” ãrĩyupũ. Masakũ Jesúre ĩãgũ, ĩgũ pũro ñadũkupuri merã ejamejã, bũro gaguiniyupũ:

—Jesús, ãmũgasigue marã Opũ ããrĩpererã nemorõ turagũ magũ, ¿nasiribu yãri mũ yũre? “Yũre poyarikũmakũ iribirikōãka!” ãrĩ, bũro sērẽa, ãrĩyupũ.

³⁰ Jesús ĩgũrẽ sērẽñayupũ:

—¿Ñeémũ wãĩkũri mũ? ãrĩyupũ.

—“Legión” wãĩkũa yũ, ãrĩ yũjũyupũ. “Legión”, ãrĩrõ: “wãrã”, ãrĩduaro yãa. Wãrã wãtẽa ñajasũdi ããrĩsã, irasũ wãĩkũyupũ.

³¹ Wãtẽa masakũguere ñajãnerã Jesúre:

—Guare bũro ãkũãrĩ gobegue waadobirikōãka! ãrĩ sērẽñurã.

³² Iro ũtãũgue wãrã yesea ãma baarã iriñurã. ĩgũsãrẽ ĩãrã, wãtẽa Jesúre sērẽñurã:

—Yeseague guare ñajãdoreka!

—Jãũ, ĩgũsãguereta ñajãrã waaka! ãrĩyupũ.

³³ ĩgũ irasũ ãrĩmakũ, wãtẽa masakũguere ããrãnerã wirirã, yeseague ñajãñurã. ĩgũsã ñajãmakũ, yesea ũma mirẽbuãa, ditarugue meébia dijãa, mirĩ boapereakōãñurã.

³⁴ Irasũ waamakũ ĩãrã, yeseare korerimasã gũkari merã ũmadujãa, ĩgũsãya makã marãrẽ, iri makã tũro marãdere wererã waañurã.

³⁵ Irire pérã: “¿Naãsũ waáyuri?” ãrĩ, Jesús pũro ĩãrã waañurã. Irogue eja, wãtẽa béowiusũadire bokajañurã. Jesús pũro, surĩro sãñadi, õãrõ pémasĩrĩ merã doayupũ. Masaka ĩgũrẽ ĩãrã, bũro gũiri merã ĩãñurã.

³⁶ Wãtẽãrẽ béowiumakũ ĩãnerã irogue ejarãrẽ irire wereñurã.

³⁷ Irire pérã, ããrĩpererã Gadara nikũ marã bũro gũisã, Jesúre: “Waaka õõrẽ!” ãrĩñurã. ĩgũsã waadoremakũ pégu, Jesús doódirugue mũrĩñajãyupũ.

³⁸ ĩgũ mũrĩñajãmakũ ĩãgũ, wãtẽa béowiusũadi Jesúre:

—Yũde mũ merã waadũakoa, ãrĩ sērẽadiyupũ.

Jesús gapũ ĩgũrẽ ãrĩyupũ:

—Y_u merã waabirikõãka!

³⁹ M_{uya} wiigüe goedujaãka! Aãrĩpereri Marĩp_u murẽ õãrĩ iriadeare wereg_u waaka! ãrĩyup_u.

Ïgũ irasũ ãrĩmakũ pégu, ïgũya makãgüe waakõãyup_u. Irogüe eja, Jesús ïgũrẽ õãrĩ iriadeare aãrĩpererã ïgũya makã marãrẽ wereyup_u.

Jesús Jairo magõrẽ, gajigo nomeõ ïgũya surĩro moãñagõrẽ taudea
(Mt 9.18-26; Mr 5.21-43)

⁴⁰ Jesús Gadara nikũgüe aãrĩripoe wárã masaka Galilea nikũgüe ïgũrẽ yúrã iriñurã. Irasirirã, ïgũ taribujajamakũ ïãrã, b_{uro} us_{uyari} merã bokatĩrĩñurã.

⁴¹ Iripoere sug_u judío masaka nererĩ wii op_u Jairo wãikug_u Jesús purogue ejayup_u. Eja, Jesúsya guburi p_{uro} ñadukupuri merã ejamejãja, ïgũrẽ: “Yaa wiigüe waaka!” ãrĩ, b_{uro} sêrëyup_u.

⁴² Ïgũ magõ b_{uro} sĩrĩgõ kõmorĩ purogãgüe aãrĩyup_o. Igo sugota aãrĩyup_o. Pe mojõma pere su gubu peru pêrêbejari bojori opayup_o. Jesús Jairoya wiigüe waamakũ, wárã masaka ïgũrẽ kũñarõgã tuuyañurã.

⁴³ Ïgũsã watopegüe sugo nomeõ pe mojõma pere su gubu peru pêrêbejari bojorigora dí wiriri merã pũrĩrikugõ aãrĩyup_o. Irasirigo igo opadea niyerure kúririmasãrẽ wajari peremejãkõãyup_o. Ïgũsã kúrikeremakũta, igo pũrĩrikuri neõ taribiriyuro.

⁴⁴ Jesús iro waamakũ ïãgõ, ïgũ purup_u gap_u waa ejanugã, ïgũya surĩro yuware moãñayup_o. Igo moãñamakũta, igo dí wiririadea tariakõãyuro.

⁴⁵ Irasirig_u Jesús sêrêñayup_u:

—¿Noã yãre moãñarĩ? ãrĩyup_u.

Aãrĩpererã: “G_{ua} neõ moãñabea”, ãrĩñurã.

Pedro, ïgũ merãmarã merã:

—G_{uare} bueg_u, ¿nasirig_u irasũ ãrĩ sêrêñarĩ? Masaka wárã kũñarõgã tuuyama murẽ, ãrĩñurã.

⁴⁶ Jesús gap_u ïgũsãrẽ ãrĩyup_u:

—Sugo nomeõ moãñañumo yãre. Igo moãñamakũ, y_u turari merã igo pũrĩrikurire tauayo. Irire masã y_u, ãrĩyup_u.

⁴⁷ Ïgũ irasũ ãrĩmakũ pégo: “Y_u iriadeare masĩmi”, ãrĩ gũña, b_{uro} gũi naradari merã ïgũ guburi p_{uro} ñadukupuri merã ejamejãja, aãrĩpererã péuro Jesúsre: “Y_u m_{uya} surĩrore moãñamakũta y_u pũrĩrikudea tariakõãb_u”, ãrĩ wereyup_o.

⁴⁸ Jesús igore ãrĩyup_u:

—M_u yãre b_{uremurĩ} opáa. Irasirigo m_u pũrĩrikurire tausã. Us_{uyari} merã waaka! ãrĩyup_u.

⁴⁹ Jesús irasũ ãrĩripoe sug_u masak_u Jairoya wii ããrãdi ejayup_u, Jairore wereg_u ejag_u:

—M_u magõ kõmoakõãmo. Marĩrẽ bueg_ure garibonemobirikõãka! ãrĩyup_u.

⁵⁰ Ïgũ irasũ ãrĩmakũ pégu, Jesús Jairore ãsũ ãrĩyup_u:

—Gũibirikõãka! B_{uremurĩ} opaka yãre! M_u magõ tarigokumo, ãrĩyup_u.

⁵¹ Irasirig_u Jairoya wiigüe eja, gajirãrẽ ñajãdorebiriyup_u. Pedrore, Juãrẽ, ïgũ tĩgũ Santiagore, boadeo pagusãmarã ditare siiu ñajãyup_u.

⁵² Ïgũsã ñajãjaripoere aãrĩpererã iri wiigüe aãrĩrã b_{uro} orerã iriñurã. Jesús ãrĩyup_u ïgũsãrẽ:

—Orebirikõãka! Majĩgõ boabemo. Kãrĩgõ yámo.

⁵³ Ïgũ irasũ ãrĩmakũ pérã, oeanerã gap_u ïgũrẽ buriñurã. “Igo boadeare masã g_{ua}”, ãrĩ gũñañurã.

⁵⁴ Jesús gap_u boadeo p_{uro} ejanugã, igoya mojõrẽ ñeã, turaro merã igore ãsũ ãrĩyup_u:

—Majĩgõ, wāgānugāka!

⁵⁵ Īgũ irasũ ārĩmakũ, igoya yujupũrā goeyuro. Irasirigo mata wāgādoakõāyupo. Jesũs igo pagusāmarārē: “Baari ejoka igore!” ārĩyupũ.

⁵⁶ Igo okamakũ ĩārā, igo pagusāmarā gukatariakõāñurā. Jesũs igore ĩgũ masũadeare gajirārē weredorebiriypũ.

9

Jesũs ĩgũ buerārē buedoregũ iriudea
(Mt 10.5-15; Mr 6.7-13)

¹ Pũrũ Jesũs ĩgũ buerārē pe mojõma pere su gubu peru pērēbejarārē siiu neeõ, ĩgũ turarire sĩyupũ: “Iri turari merā āārĩpererā wātēārē béowiumasĩrākoa. Pũrĩrĩdere taumasĩrākoa”, ārĩyupũ.

² Irasirigũ ĩgũsārē Marĩpũ ĩgũyarārē doreri kerere weredoregũ, pũrĩrikurādere taudoregũ āsũ ārĩ iriuyupũ:

³ —Waarā, gajinorē neõ āābirikõāka! Mũsā tuadire, ajuro, baari, niyeru, gaji surĩ mũsā gorawayuburidere āābirikõāka!

⁴ Makā ejarā, mũsā ejadea wiita āārĩkõāka! Iri makārē waarāgue iri wiire wirika!

⁵ Gaji makā marā masaka mũsārē gāāmebirimakũ, iri makārē diayeta tariakõāka! Irasũ tariarā, nikũwera mũsāya guburigue tuadeare mojēbéokõāka! ĩgũsā mũsārē gāāmebiri waja Marĩpũ ĩgũsārē wajamoāburire masĩburo, ārĩrā, irasirika! ārĩyupũ Jesũs.

⁶ ĩgũ irasũ ārĩ odoadero pũrũ, waakõāñurā. Irasirirā āārĩpereri makārĩgue Marĩpũ masakare tauri kerere weregorenarā, pũrĩrikurādere taugorenarā waañurā.

Juan masakare wāĩyerimasā boadea
(Mt 14.1-12; Mr 6.14-29)

⁷ Iripoere Galilea nikũ marā opũ Herodes āārĩpereri Jesũs iriri kerere péyupũ. Gajirā Jesũre masĩmerā: “Īgũ, Juan masakare wāĩyerimasāta boadigue masādi āārĩkumi”, ārĩñurā. Herodes gapũ irire pégu: “¿Nasiro irasũ waáari?” ārĩ, bũro gũñarikũyupũ.

⁸ Gajirā: “Elías iripoegue āārĩunadi deyoakumi”, ārĩñurā. Gajirā: “Sugu Marĩpũya kerere weredupiyudi iripoegue āārĩunadi masākumi”, ārĩñurā.

⁹ Herodes gapũ āsũ ārĩyupũ: “Yũta Juārē ĩgũya dipurure dititádorebũ. ¿Niĩno gapũ āārĩbukuri iropa wári werenĩsũgũ?” ārĩyupũ. Irasirigũ Jesũre bũro ĩādũadiypũ.

Jesũs cinco mil āmarē baari ejodea
(Mt 14.13-21; Mr 6.30-44; Jn 6.1-14)

¹⁰ Jesũs ĩgũ buerā buedoregũ iriunerā goedujajarā, ĩgũsā irideare werepeokõāñurā ĩgũrē. Pũrũ Jesũs ĩgũsārē masaka marĩrõgue Betsaida wāĩkũri makā tũroque siuayupũ.

¹¹ ĩgũsā iroque waarĩ kerere pérā, wārā masaka Jesũre tũyañurā. Jesũs ĩgũsārē õadore, Marĩpũ ĩgũyarārē doreri kerere wereypũ. Pũrĩrikũrā ĩgũrē taudorerārē tauypũ.

¹² Nãmika āārĩmakũ, Jesũs buerā pe mojõma pere su gubu peru pērēbejarā ĩgũ pũro eja, ĩgũrē ārĩñurā:

—Masakare waadoreka! Ōõ pũro āārĩrĩ makārĩma wiirigue ĩgũsā kārĩrĩ, baari āmarā waaburo. Ōõ marĩ āārĩrõguere neõ gajino máa, ārĩñurā.

¹³ Jesũs gapũ ārĩyupũ:

—Mũsā ĩgũsārē baari sĩka!

Īgūsā yujūñurā:

—Gua pã duparu su mojōma duparuta, waaídere pērāta opáa. Mérōgã baari ãārã. Masaka gapu wárāgora ãārīma. Irasirirã gua gaji baari wajarirã waamerã ĩgūsārē ejobirikoa, ārīñurã.

14 Wárã masaka ãārīñurã ĩgūsã merã. Ūma ditare keomakũ, cinco mil ãārīñurã. Irasirigũ Jesús ĩgũ buerãrē ārīyupu:

—Masaka ãārīpererãrē boje yebori cincuenta dita dukawa, ĩgūsārē doadoreka! ārīyupu.

15 Irasirirã ĩgũ buerã ĩgũ ārīrōsũta ãārīpererã masakare doadoreñurã.

16 Masaka doaperemakũ, Jesús su mojōma pã duparure, pērã waairē ãĩ, ũmũgasigue ĩãmu, Marĩpũre usũyari sĩ, irire peayupu. Pea, ĩgũ buerãrē masakare gueredoregũ sīyupu.

17 Irasirirã ãārīpererã masaka irire baayapiakōãñurã. Pũru ĩgūsã baadũáadeare Jesús buerã pe mojōma pere su gubu peru pērēbejari puuirigora seasã utaudoboñurã.

Pedro Jesúre: “Mũ Cristo ãārã”, ārī weredeá
(Mt 16.13-19; Mr 8.27-29; Jn 6.68-69; 12.24-25)

18 Gajina Jesús ĩgũ suguta Marĩpũre sērēgũ iriyupu. ĩgũ buerã ĩgũ merã ãārīñurã. Irasirigũ Jesús ĩgūsārē ãsũ ārī sērēñayupu:

—Masaka yũre, ¿naásũ ārī gũñarĩ? ārīyupu.

19 ĩgūsã yujūñurã:

—Surãyeri mũrē: “Juan, masakare wãiyerimasũ ãārīmi”, ārīma. Gajirã: “Elías iripoegue ãārīunadi ãārīmi”, gajirã: “Sugũ Marĩpũya kerere weredupiyudi iripoegue ãārīunadi, masãdi ãārīmi”, ārīma, ārīñurã.

20 Irasũ ārīmakũ, Jesús ĩgūsārē sērēñayupu:

—Mũsãkoa yũre, ¿naásũ ārī gũñarĩ? ārīyupu.

Pedro ārīyupu ĩgũrē:

—Mũ, Marĩpũ iriudi, Cristo ãārã, ārīyupu.

Jesús ĩgũ boaburire weredeá
(Mt 16.20-28; Mr 8.30-9.1; Jn 12.24-25)

21 Pedro irasũ ārīrĩrē pégu, Jesús ĩgũ buerãrē bũro turaro merã: “Gajirãrē ire werebirikōãka!” ārīyupu.

22 Irasũ ārī odo, ãsũ ārīyupu doja:

—Yũre ãārīpererã tĩgũrē bũro ñerō tariro ãārã. Judío masaka mũrã, paía oparã, Moisés gojadeare buerimasã yũre gããmebirisĩã, gajirãrē yũre wējēdorerākuma. ĩgūsã yũre wējēadero pũru, urenu waaró merã Marĩpũ yũre masũgũkumi, ārīyupu.

23 Pũru ãārīpererã masakare ārīyupu:

—Yũre tũyadũarãno ĩgūsã iridũarire piriburo. Irasirirã yũre tũyari waja curusague pábiatú, wējēsũmurã irirosũ ãārīkererã, piriro marĩrō yũre tũyanĩkōãburo.

24 I ũmũgue ĩgūsãya okari ditare maĩrãno perebiri peamegue béosũrākuma. Gajirã gapu yũre tũyari waja, masaka ĩgūsārē wējēkeremakũ, Marĩpũ pũroque waarākuma, ĩgũ merã õãrō ãārīnĩmurã.

25 Sugũ masakũ i ũmũmarē ãārīpereri opakeregũ, ĩgũ boari pũru waaburi gapure gũñabiri waja peamegue waagũ, õãrĩrē neõ wajatabirikumi.

26 Masaka yũre, yaa kerere gũyasĩrĩmakũ, yũde ĩgūsārē gũyasĩrĩgũkoa. Yũ ãārīpererã tĩgũ yũ goesiriri merã, Yũpũ, ĩgũrē wereboerã õãrã goesiriri merã dupaturi aarigũkoa. Irasũ aarigũ, yũre gũyasĩrĩnerãrē gũyasĩrĩgũkoa.

27 Diayeta musārē werea. Surāyeri musā ōōgue āārīrā, musā boaburi dupiyuro Marīpu ĩgūyarārē doregu āārīrīrē ĩārākoa, ārīyupu Jesús.

Jesús ĩgū deyori gorawayudea
(Mt 17.1-8; Mr 9.2-8)

28 ĩgū irasū ārādero paru su mojōma pere gaji mojō ureru pērēbejarinurī waadero paru, Jesús ūtāū wekague Marīpure sērēgū waagū, Pedro, Santiago, Juārē siiu marīayupu.

29 Irogue Marīpure sērēripoe ĩgūya diapu deyori gorawayuakōāyuro. ĩgūya surīro buro borero kūmijūrīne waayuro.

30 Irasū waaripoe ĩgū puro ūma pērā deyoa, ĩgū merā weretamunīñurā. ĩgūsā iripoegue marā Moisés, Elías āārīñurā.

31 ĩgūsāde gosesiriri merā deyoañurā. Iripoegue: “ĩgūrē āsū waarokoa”, ārīderosūta Jerusalēgue ĩgū boaburire Jesús merā werenīñurā.

32 Pedrosā buro wajakakererā, kārīrō marīrō Jesús gosesiririre, ĩgū merā āārīrārē ĩāñurā.

33 Moisés, Elías Jesús puro āārānerā waaripoe Pedro ārīyupu:
—Guare buegu, marī ōōgue āārīmakū ōātaridūāa. Irasirirā ure wiigā irirāra. Muya wii, Moiséya wii, Elíaya wii irirāra, ārīyupu.

ĩgū irasū ārīkereguta, ĩgū ārīrīrē neō pémasībiriyupu.

34 ĩgū irasū ārīripoe su yebo ĩmīkāyebo túbiayuro ĩgūsārē. Iri ĩgūsārē túbiamakū, buro gūñurā.

35 Marīpu ĩmīkāyebo poekague āsū ārī werenīmakū péñurā:

—Ī yu magū, yu beyedi āārīmi. ĩgūrē ōārō péka! ārīyupu.

36 Marīpu werenīadero paru, Jesús ditare ĩāñurā. Pedrosā gapu Jesús i nikūgue āārīrīñurīrē neō sugu masakure ĩgūsā ĩādeare werebiriñurā.

Jesús sugu majīgūrē wātī ñajāsūdire taudea
(Mt 17.14-21; Mr 9.14-29)

37 Gajinu gapu ĩgūsā ūtāūgue āārānerā dijijadero paru, wārā masaka Jesúre bokatīñurā.

38 Sugu masakū ĩgūsā watopegue āārīgū turaro merā ārīyupu:
—Guare buegu, yu murē buro sērēa. Yu magū suguta āārīgūrē bopoñarī merā ĩāka!

39 Wātī ĩgūrē ñeā, gūñaña marīrō gaguinī, naradamakū irinami. Irasirigu majīgū ĩgūya disigue sūmu wirisūnami. Wātī ĩgūrē buro ñerō tarimakū irinami. ĩgūrē neō piridūabemi.

40 Mu buerārē wātīrē buro béowiudoreadabu. ĩgūsā neō bokatīūbirama, ārīyupu.

41 Jesús yujuyupu:

—Musā dapagora marā, yare baremurī opamerā, diayemarē neō pémasīmerā āārā. ¿Noópa yoaripoe musā merā āārīgukuri? ¿Noópa yoaripoe musā yare baremubirire gūñaturagakuri? ārīyupu. Irasū ārī odo, wātī ñajāsūdi pagure:

—Mu magūrē āirika! ārīyupu.

42 Majīgū Jesús puro waa ejanugāmakū, wātī ĩgūrē yebague túmeépīkōāyupu. ĩgūrē dupaturi buro naradamakū iriyupu. Jesús gapu wātīrē: “Majīgūrē wirika!” ārī, tauyupu. Irasiri odo, ĩgūrē pagure wiayupu.

43 Masaka āārīpererā Marīpu wāri turari merā iririre ĩārā, ĩāgakakōāñurā.

Jesús dupaturi ĩgū boaburire weredea
(Mt 17.22-23; Mr 9.30-32)

Īgūsā āārīpererā Jesús iriadeare: “Ōātaria”, ārī gūñaripoeta Jesús Īgū buerārē ārīyupū:

44 —Yū mūsārē wererire ōārō péduripíka! Kātibirikōāka! Masaka yūre āārīpererā tīgūrē ñeā, gajirāguere wiarākuma, ārīyupū.

45 Īgūsā gapū Īgū irasū ārīrīrē ōārō pémasībiriñurā. Marīpū Īgūsārē irire pémasīmakū iribiriyupū dapa. Irasirirā Jesúre güirā: “¿Naásū ārīduagu iriari, mū irasū ārīgū?” ārī sērēñabiriñurā.

Jesús sugū gajirā nemorō āārīgūyamarē weredeā
(Mt 18.1-5; Mr 9.33-37; Jn 13.20)

46 Pūpū Īgū buerā āsū ārī guaseonugāñurā: “Marī watopere, ¿noā marī āārīpererā nemorō āārīrī?” ārīñurā.

47 Jesús Īgūsā gūñarīrē ĩāmasīkōāyupū. Irasirigū sugū majīgūrē Īgū pūro āīnū, ārīyupū:

48 —Sugū yaagure, ĩ majīgū irirosū āārīgūrē ōārō bokatīrīñeāgū, yūdere bokatīrīñeāmi. Yūre ōārō bokatīrīñeāgū, yūre iriudidere bokatīrīñeāmi. Sugū mūsā watopemū: “Gajirā nemorō āārībea”, ārī gūñagū, gajirā nemorō āārīmi, ārīyupū.

Jesús: “Marīrē ĩāturibi, marī merāmū āārīmi”, ārī weredeā
(Mr 9.38-40)

49 Pūpū Juan Jesúre ārīyupū:

—Gūare buegū, sugū masakū mū wāī merā wātēārē: “Wirika mūsā ñajādire!” ārī béowiumakū ĩābū. Īgū, marī merāmū āārībirimakū ĩārā, Īgūrē: “Irire neō irinemobirikōāka!” ārābū, ārīyupū.

50 Jesús gapū ārīyupū:

—Kāmūtabirikōāka Īgūrē! Sugū marīrē ĩāturibi, marī merāmūta āārīmi, ārīyupū.

Jesús Santiagore, Juārē weredeā

51 Pūpū Jesús ūmūgasigue mūrīaburi dupiyuro ejawāgāriripoe: “Jerusalēgue waagūra”, ārīyupū.

52 Īgū waaburi dupiyuro gajirārē Samaria nikūgue āārīrī makāgue Īgū kārīburore āmayudoregū iriuyupū.

53 Samaria marā gapū judío masaka merā gāmesuribirisīā, Jesús Jerusalēgue waaburire pérā, Īgūrē bokatīrīñeāduabiriñurā.

54 Jesús buerā Santiago, Juan Samaria marā Īgūrē bokatīrīñeāduabirimakū ĩārā, āsū ārīñurā:

—Gūa Opū, ¿iripoegue Elías Marīpūya kerere weredupiyudi iriderosū, ūmūgasima peamerē diju, Īgūsārē wējēdoremakū gāāmekuri? ārīñurā.

55 Īgūsā irasū ārīmakū pé, Jesús Īgūsārē gāmenugā, ĩā, ārīyupū:

—Irasū ārībirikōāka! Mūsārē irasū werenīmakū irigure masībea. Mūsā werenīrī Ōāgū deyomarīgū wereri āārībea.

56 Yū āārīpererā tīgū masakare béogu aaribiribū. Īgūsārē taugū aarigú iribū, ārīyupū. Irasū ārī odo, gaji makāgue waakōāyupū doja.

Gajirā Jesúre: “Mūrē tūyadūakoa”, ārīdea
(Mt 8.19-22)

57 Īgūsā maague waamakū, sugū masakū Īgūsā pūro eja, Jesúre ārīyupū:

—Yū Opū, mū noó waaró mūrē tūyagūra, ārīyupū.

58 Jesús Īgūrē yajuyupū:

—Makānū marā diayéa Īgūsā kārīrī toreri opama. Mirāde Īgūsā kārīrō opama. Yū āārīpererā tīgū gapū kārīrō opabea, ārīyupū.

⁵⁹ Puru Jesús gajigure ariyuru:

—Naka, yu merã!

İgũ gapu yujuyuru:

—Yu Opu, yuru boamakũ igũrẽ yãa odo, mure tuyagura, ariyuru.

⁶⁰ Jesús igũrẽ yujuyuru:

—Yure bumerumerã, boanerã irirosũ aarĩrãta boanerãrẽ yãaburo. Mu gapu Marĩpu igũyarãrẽ doreri kerere weregũ aarika! ariyuru.

⁶¹ Gajigu Jesũre ariyuru:

—Yu Opu, mure tuyagura. Yu mure tuyaburi dupiyuro yaa wii marãrẽ seretugu waadũakoa dapa, ariyuru.

⁶² Jesús igũrẽ ariyuru:

—Sugu masakũ moãnuãgũ waadi, moãdũabi gãmenugãdujãagu, moãbirikumi. Marĩpu dorerire irituyanugãgũ, igũ gããmerĩrẽ piribi, gãmenugãdujãagu irirosũ aarĩkumi. Irasirigu Marĩpuyare õãrõ irituyabirikumi, ariyuru.

10

Jesús setenta y dos igũ buerãrẽ iriudea

¹ Puru marĩ Opu Jesús gajirã setenta y dos ãmarẽ beye, pẽrã dita dukawa, igũsãrẽ aarĩpereri igũ waaburi makãrĩguere

² ãsũ arĩ iriuyuru:

—Wãrã masaka Marĩpuyare neõ pẽmerã, poeegue oteri dũka buribejadea irirosũ aarĩma. İgũsãrẽ Marĩpuyare weremurã gapu, iri poeere moãrĩmasã irirosũ mërãgã aarĩma. Irasirirã marĩ Opure: “Gajirã muyare weremurãrẽ iriuka!” arĩ sërẽka!

³ Mũsãde Marĩpuyare wererã waaka! Oveja majĩrãrẽ makãnuũ marã diayãa watopegue iriurosũ yu mũsãrẽ ñerã aarĩrõguere iriua, Marĩpuyare were-doregu.

⁴ Mũsãya ajuri, niyeru ãĩabirikõãka! Gubu surĩ, mũsã sãñarĩ merã dita waaka! Maague masakare bokajarã, õãdore yoaripoe weretamunĩbirikõãka!

⁵ 'Su wiino ñajãrã, iri wii marãrẽ: “Marĩpu mũsãrẽ siñajãrĩ sĩburo”, arĩ õãdorepũrorika!

⁶ Iri wii marã Marĩpu siñajãrĩ sĩrĩrẽ opadũarã mũsãrẽ õãrõ bokatĩrĩñẽãrã, Marĩpu siñajãrĩ sĩrĩ merã õãrõ aarĩrikũrãkuma. Mũsãrẽ gããmemeãrã, i siñajãrĩ merã aarĩbirikuma.

⁷ Mũsã ejadea wiita dujaka! Iri wii marã mũsãrẽ ejorire baa, iirĩka! Sugu moãrĩmasũ igũ moãrĩ waja keoro wajatakumi. Mũsã Marĩpuyare buerã, moãrĩmasã irirosũ aarã. Mũsãrẽ iri wii marã ejori, mũsã igũsãrẽ Marĩpuyare bueri waja aarã. Irasirirã gaji wiirigue aarĩgorenabirikõãka!

⁸ Mũsã su makãgue ejarã, iro marã mũsãrẽ õãrõ bokatĩrĩñẽã, igũsã baari ejomakũ, õãrõ baaka!

⁹ Iri makã marã pũrĩrikũrãrẽ tauka! ãsũ arĩ wereka: “Mërõ dũyãa, Marĩpu doreri mũsã pũrogue aariburo”, arĩka!

¹⁰ 'Gaji makãgue mũsã ejamakũ, iro marã mũsãrẽ bokatĩrĩñẽãbirimakũ, wiriwãgãrã, ãsũ arĩka igũsãrẽ:

¹¹ “Mũsãya makãma nikũwera guaya guburire tuadeare mojẽbẽoa. Mũsã guare gããmebiri waja Marĩpu mũsãrẽ wajamoãburire masĩmakũ irirã, irasũ yãa. Ire õãrõ pẽmasĩka! Mũsã guare gããmebirikeremakũ, mërõ dũyãa, Marĩpu doreri aariburo”, arĩka igũsãrẽ!

12 Músārē werea. Marĩpu āārĩpererā ñerārē wajamoārĩnu ejamakū, músārē gāāmebirinerārē Sodoma marārē wajamoārō nemorō wajamoāgukumi, ārĩyupu Jesús.

Jesús makārĩ marārē ĩgūsā ĩgūrē b̄remubirire weredeā
(Mt 11.20-24)

13 P̄ru Jesús gaji makārĩ marārē āsū ārĩyupu:

—Músā Corazín marā, Betsaida marāde ñerō tarirākoa. Iripoegue marā Tiro, Sidón marā, músā ĩūrō Marĩpu ĩgū turari merā iri ĩmurōsū iri ĩmumakū ĩārā, ĩgūsā ñerō irideare piribonerā āārĩmā. ĩgūsā ñerō irideare b̄ro b̄jawererire ĩmurā, b̄jawereri suri sāña, nitĩkurogue doabonerā āārĩmā. ĩgūsā ñerō irideare piri, ōārĩ gapure iribonerā āārĩmā. Músā gapu Marĩpu turari merā iri ĩmurĩrē ĩakererā, músā ñerō iririre neō piribea.

14 Irasirigu músārē werea. Marĩpu ĩgū āārĩpererā ñerārē wajamoārĩnu ejamakū, Tiro, Sidón marārē wajamoārō nemorō músārē wajamoāgukumi.

15 Músā Capernaum marā: “Ĕmugasigue m̄rĩārākoa”, ārĩ gũñadāa. Iroguere neō waabirikoa. Boanerā āārĩrōgue béodijusūrākoa, ārĩyupu.

16 Irasū ārĩ odo, ĩgū buerārē ārĩyupu:

—Músā wererire péduripírāno yu wereridere péduripíma. Músārē gāāmemerāno yudere gāāmebema. Yure gāāmemerāno yure iriudidere gāāmebema, ārĩyupu.

Jesús setenta y dos iriunerā goeidea

17 P̄ru Jesús setenta y dos iriunerā b̄ro usuyari merā goejañurā:

—Gua Opu, wātēārē m̄ dorero merā, m̄ wāĩ merā gua béowiumakū, ōārō ȳjuama, ārĩñurā.

18 Jesús ārĩyupu ĩgūsārē:

—Bupu miārō irirosū wātēa opu Satanás ũmugasigue āārādi, yurimadijari-makū ĩāb̄.

19 Ōārō péka! Yu músārē turari s̄b̄, āñarē, korebabare k̄rapeo, āārĩpereri wātĩ turaridere neō ñerō irisūrō marĩrō tarinugāburo, ārĩgū.

20 Músā wātēārē wiridoremakū ĩgūsā ōārō ȳjuadeare usuyabirikōāka! Músā Marĩpuyarā āārĩmakū, ũmugasigue músā wāĩ gojatúsūdero āārĩb̄. Iri gapure usuyaka! ārĩyupu.

Jesús ĩgū Pagure usuyari s̄idea
(Mt 11.25-27; 13.16-17)

21 ĩgū irasū ārĩripoe Ōāgū deyomarĩgū Jesúre b̄ro usuyamakū iriyupu. Irasirigu Jesús ĩgū Pagure āsū ārĩyupu:

—Au, yu m̄rē: “Ōātaria m̄”, ārĩ, usuyari s̄ia. M̄ ũmugasi marā, i nikū marā Opu āārā. Irasirigu: “Masĩtarinugārā, āārĩpererire pémas̄ia”, ārĩ gũñarārē m̄yare masĩmakū iribea. Majĩrā irirosū m̄rē b̄remurā gapure m̄yare masĩmakū yāa. Au, irasūta āārā. M̄ gāāmederosūta usuyari merā irasū yāa, ārĩyupu.

22 P̄ru masakare ārĩyupu:

—Yupu yure āārĩpereri irimasĩrē s̄imi. Neō sugu masaku yu āārĩrikurire masĩbemi. Yupu dita masĩmi. Neō sugu masaku Yupu āārĩrikurire masĩbemi. Yu dita mas̄ia. Yu ĩgūrē masĩdorerāde ĩgūrē masĩma, ārĩyupu.

23 Irasū ārĩ odo, ĩgū buerārē ĩā, ĩgūsā ditare āsū ārĩyupu:

—Músāya koye merā yure ĩāa. Irasirirā usuyāa.

24 Músārē werea. Wārā iripoegue marā Marĩpuya kerere weredupiyunerā, irasū āārĩmakū oparā iripoegue āārĩnerā músā dapagora ĩārĩrē ĩāduanerā

ãārādima. Irire ãaduakererã, ããbirinerã ããrĩmã. Musã dapagora pèrìre pèduakererã, pèbirinerã ããrĩmã, ãrĩyupũ.

Jesús òãgũ Samariamũ keori merã weredea

²⁵ Pũrũ sugũ Moisés gojadeare buerimasũ Jesúre diaye yujubirimakũ iridũagu wãgãnũgã, ãgũrẽ ãsũ ãrĩ sèrẽñayupũ:

—Buegũ, ¿ñeéonorẽ yũre iriro gããmerĩ, ãmũgasigue perebiri okari opabu? ãrĩyupũ.

²⁶ Jesús ãgũrẽ yujũyupũ:

—¿Naásũ ãrĩ gojasũyuri, Moisés gojadea pũgue? Mũ irire buegũ, ¿naásũ pèñarĩ? ãrĩyupũ.

²⁷ Moisés gojadeare buerimasũ ãgũrẽ yujũyupũ:

—Ãsũ ãrĩ gojasũdero ããrĩbũ: “Marĩpũ mũ Opũre bũro maĩka! Mũya yujũpũrã merã, mũ ããrĩrikũri merã, mũ turari, ããrĩpereri mũya gũñarĩ merã ãgũrẽ maĩka! Mũ basi maĩrõsũta mũ pũro ããrĩrãdere maĩka!” ãrĩ gojasũdero ããrĩbũ, ãrĩyupũ.

²⁸ Irire pégũ, Jesús ãgũrẽ ãrĩyupũ:

—Diayeta yujũa mũ. Irire irigũ, ãmũgasigue perebiri okarire opagũkoa, ãrĩyupũ.

²⁹ Moisés gojadeare buerimasũ gapũ masaka ãgũrẽ: “Òãgũ ããrĩmi”, ãrĩ gũñamakũ gããmegũ, Jesúre sèrẽñayupũ doja:

—¿Noã ããrĩrĩ, yũ pũro ããrĩrã? ãrĩyupũ.

³⁰ Ìgũ irasũ ãrĩmakũ pégũ, Jesús keori merã wereyupũ ãgũrẽ:

—Sugũ masakũ Jerusalégue ããrãdi Jericó waarĩ maague buáakumi. Ìgũ irogue buáamakũ, yajarimasã ãgũrẽ bokatĩrĩ, ñeã, ãgũ opadea ããrĩpererire ãmapeo, ãgũya surídere túwea, ãĩ, ãgũrẽ bũro pá, kãmitú, waakõãkuma.

³¹ Ìgũsã irasũ iriadero pũrũ, sugũ paĩ iri maarẽ waakumi. Ìgũrẽ ããkeregũ, yoarogue ããtariakõãkumi.

³² Ìgũ pũrũ, gajigũ Levíya bumũ iri maarẽ waakumi. Ìgũde ãgũrẽ ããkeregũ, yoarogue ããtariakõãkumi.

³³ Pũrũ sugũ Samariamũ iri maarẽ waakumi. Ìgũrẽ ããboka, bũro bopoñarĩ merã ãgũrẽ ããkumi.

³⁴ Irasirigũ ãgũ pũro waa ejanũgã, ãgũya kãmirẽ ãye, igui deko pãmudea merã pípeo, surĩ gasiri merã òmakumi. Òma odo, ãgũyagũ burro wekague ãĩpeo, ãgũrẽ ãããkõãkumi. ãã, su wii naarĩmasã kãrĩrĩ wiigũe eja, irogue ãgũrẽ korekumi dapa.

³⁵ Gajinũ gapũ ãgũya niyeru penũ moã wajataropa iri wii opũre sĩkumi. “Òãrõ koreka ããrẽ!” ãrĩkumi. “Dupaturi aarigũ, mũrẽ wajarinemogara ããrẽ koreri waja”, ãrĩkumi, ãrĩyupũ Jesús.

³⁶ Irire were odo, Moisés gojadeare buerimasũrẽ sèrẽñayupũ:

—¿Naásũ gũñarĩ mũ irire pégũ? ¿Niĩno gapũ ããsã ãrereã watopemũ yajarimasã pádire ãgũ pũro ããrĩgũrẽ irirosũ òãrõ iriyuri? ãrĩyupũ.

³⁷ Moisés gojadeare buerimasũ yujũyupũ:

—Ìgũrẽ bopoñarĩ merã ãã iritamudi gapũ, ãrĩyupũ.

Ìgũ irasũ ãrĩmakũ, Jesús ãgũrẽ ãrĩyupũ:

—Mũde ãã bopoñarĩ merã ããdi iriderosũta gajirãrẽ irigũ waaka! ãrĩyupũ.

Jesús Marta, Maríaya wiigũe ejadea

³⁸ Pũrũ Jesús ãgũ buerã merã waa, su makãgue ejayupũ. Iri makãguere sugo Marta wãĩkũgo ãgũrẽ bokatĩrĩñeã, igoya wiigũe ñajãdoreyupo.

³⁹ Jesús iri wiigũe ñajãjamakũ, Marta pagũmo Maríya wãĩkũgo ãgũya guburi pũro eja doayupo ãgũ werenĩrĩrẽ pèduago.

40 Marta gapu ããrĩpereri igo moãrĩrẽ buro gũñarikuyupo. Irasirigo igo pagamo Jesúya guburi puro doamakũ ããgõ, ãgũ puro waa, ãgũrẽ ãrĩyupo:

—Gua Opu, yu sugota ããrĩpererire moãgõ irikõãdáa. ¿Mu ããbereri, yu pagamo yure neõ iritamubirimakũ? Igore iritamudoreka yure! ãrĩyupo.

41 Igo irasũ ãrĩmakũ pégu, Jesús yujuyupu:

—Marta, mu wári gajino moãrĩrẽ gũñarikua.

42 Su wãrĩrẽta iriro gããmea marĩrẽ. María i õãrĩrẽ beyemo. Irasirirã, yu werenĩrĩrẽ igo péduamakũ, gajirã neõ igore irire pirimakũ iribirikuma, ãrĩyupu.

11

Jesús Marĩpũre sërẽrĩrẽ buedea

(Mt 6.9-15; 7.7-11)

1 Sunu Jesús gajirogue Marĩpũre sërẽgũ iriyupu. ãgũ sërẽ odomakũ, sugu ãgũ buegu ãrĩyupu ãgũrẽ:

—Gua Opu, Juan masakare wãyerimasũ ãgũ buerãrẽ Marĩpũre sërẽrĩrẽ buederosũ guadere bueka! ãrĩyupu.

2 Jesús ãgũsãrẽ ãrĩyupu:

—Marĩpũre sërẽrã, ãsũ ãrĩka:

“Gupũ umugasigue ããrĩgũ, ããrĩpererã murẽ goepeyari merã buremuburo. Mu ããrĩpererãrẽ doreri aariburo. Umugasigue marã mu gããmerõ irirosũta i nikũ marãde iriburo.

3 Umũrikũ guare baari sũka!

4 Gajirã guare ñerõ irideare gua kãtirosũta mude gua ñerõ irideare kãtika! Gua ñerõ iridũamakũ kãmutaka!

Ñegũ guare ñerĩ ãrĩmesãrĩrẽ tau kãmutaka!” ãrĩka Marĩpũre sërẽrã! ãrĩyupu Jesús.

5 Irasũ ãrĩ odo, keori merã wereyupu ãgũsãrẽ:

—Yu ire weremakũ pérã, ¿naásũ gũñarĩ musã? Ñami deko ããrĩmakũ, sugu masakũ ãgũ merãmuya wiigue waa, ãgũrẽ ãsũ ãrĩ sërẽkumi: “Yu merãmu, ureru pã duparu sũka yure!

6 Gajigu yu merãmu yaa wiigue naagũ ejáami. Yu ãgũrẽ gajino mérõ ejorino neõ opabirakubu. Irasirigu murẽ sërẽgũ aarabu”, ãrĩkumi.

7 ãgũ irasũ ãrĩmakũ pékeregũ, wii poekague ããrĩgũ gapu ãsũ ãrĩ yujukumi: “Yure garibobirikõãka! Makãpũrore õãrõ biakõãsiabu. Yu pũrã yu merã kãrĩrãgue yáma. Wãgãngã, murẽ sũgũ waasubiriko”, ãrĩkumi ãgũrẽ.

8 Ire musãrẽ werea. ãgũ merãmu ããrĩkeremakũ, ãgũrẽ sũbirikumi. Sũbirikeregũ, ãgũrẽ piriro marĩrõ sërẽmakũ ãã, ãgũrẽ: “Garibonemobirikõãburo”, ãrĩgũ, ããrĩpereri ãgũ gããmerĩrẽ sũkõãkumi pama.

9 Irasirigu musãrẽ werea. Marĩpũre sërẽka! Musã sërẽmakũ, sũgũkumi. Õãrĩrẽ ãmarã, bokarãkoa. Wiigue ñajãduarã oemakũ, Marĩpũ makãpũro tũpã ñajãdoregu irirosũ musã sërẽrĩrẽ pégũkumi.

10 ãgũrẽ sërẽrãnorẽ sũgũkumi. Amarãno bokarãkuma. Wiigue ñajãduarã oerã irirosũ ãgũrẽ sërẽmakũ ããgũ, ãgũsãrẽ ñajãdoregu irirosũ ãgũsã sërẽrĩrẽ õãrõ pégũkumi.

11 Musã pũrã pärẽ sërẽmakũ, ãtãyere sũbiriko. Waaí sërẽmakũdere ãñarẽ sũbiriko.

12 ãgãbo diu sërẽmakũ, korebabare sũbiriko.

13 Ñerã ããrĩkererã, musã pũrãrẽ õãrĩrẽ sĩmasĩa. Marĩpu ãmugasigue ããrĩgũ gapu musã nemorõ õãrĩrẽ sĩmasĩmi. Irasirigu Õãgũ deyomarĩgũrẽ sĩgukumi ĩgũrẽ sêrêrãrẽ, ãrĩyupu Jesús.

*Jesúre: “Wãtĩ turari opami”, ãrĩ werewuadea
(Mt 12.22-30; Mr 3.20-27)*

14 Pũru Jesús wãtĩ masakure werenĩmasĩbirimakũ irigure béowiugu iriyupu. Wãtĩrẽ béowiumakũ, werenĩbiradi werenĩakõãyupu. Masaka, ĩgũ irasirimakũ ĩãrã, ĩãgukakõãñurã.

15 Gajirã gapu Jesúre ãsũ ãrĩ werewuãñurã:

—Ĩ wãtẽa opu Beelzebú turaro merã wãtẽãrẽ béowiumi, ãrĩñurã.

16 Gajirãde ĩgũrẽ:

—Mu diayeta turari opagu, iri turari merã gajino ãmugasimarẽ iri ĩmuka! ãrĩñurã.

17 Jesús gapu ĩgũsã gũñarĩrẽ masĩsĩa, ãsũ ãrĩyupu:

—Su nikũ marã ĩgũsã basi dukawari gãmekẽãrã, pereakõãkuma. Su wii marã ĩgũsã basi dukawari gãmekẽãrã, pereakõãkuma.

18 Musã yure: “Wãtẽa opu Beelzebú turari merã wãtẽãrẽ béowiumi”, ãrĩ werewuãa. Yure ĩgũ turari merã wãtẽãrẽ béowiudoregu, ĩgũ basi ĩgũyarãrẽ béobukumi. Irasirirã ĩgũsã basi dukawari gãmekẽãrã, pereakõãbukuma.

19 Iri irasũ ããrĩmakũ, musã buerire tuyarã gapu wãtẽãrẽ béowiurã, ¿noã turari merã béowiukuri? Musã ĩgũsãrẽ: “Marĩpu turari merã wãtẽãrẽ béowiuma”, ãrã. Irasiriro musã yure werewuãari diaye ããrĩbea.

20 Yu gapu Marĩpu turari merã wãtẽãrẽ béowiumakũ, Marĩpu doreri musã pũroguere ejasiãa, ãrĩ masĩsũa.

21 ‘Sugu wii opu turagu ããrĩpereri mojõkugu, ĩgũya wiimarẽ õãrõ koremasĩkumi. Gajirã ĩgũ oparire ãmamasĩbirikuma.

22 “I mojõkusĩa, yaa wiire õãrõ koremasĩa”, ãrĩ gũñakeremakũ, gajigu ĩgũ nemorõ turagu gapu ĩgũrẽ tarinugã, ããrĩpereri ĩgũ mojõkurire ãmagukumi. Irasirigu ĩgũ oparire ãĩpeo, ĩgũ merãmarãrẽ gueregukumi.

23 Yure gããmemerã, yure ĩãturirã ããrĩma. Masakare yure siiu neeõtamumerã, ĩgũsãrẽ waasirimakũ irirã ããrĩma, ãrĩyupu.

*Jesús, wãtĩ dupaturi masakuguerẽ ñajãrĩmarẽ weredeã
(Mt 12.43-45)*

24 Irasũ ãrĩ odo, gaji keori merã ĩgũsãrẽ wereyupu doja:

—Wãtĩ masakuguerẽ ããrãdi wiri, pũru deko marĩrõgue ĩgũ siñajãburore ãmagorenagũ waakumi. Irore bokabi, ãsũ ãrĩ gũñakumi: “Yu wiridi, yaa wii irirosũ ããrĩmĩ. Dupaturi yu wiridiguereta goeñajãgura doja”, ãrĩ gũñakumi.

25 Irasirigu ĩgũguere dupaturi goeñajãgũ, gajino marĩrĩ wii, õãrõ ãmu, ooaweadea wiire irirosũ bokajakumi.

26 Irasirigu gajirã wãtẽa su mojõma pere gaji mojõ peru pẽrẽbejarã ĩgũ nemorõ ñerãrẽ siiu, ĩgũsã ããrĩpererã merã masakuguerẽ ããrĩnĩkõãkumi. Irasirigu masakũ ĩgũ dupiyuro ããrĩrikũdero nemorõ ñerõ ããrĩkumi, ãrĩyupu Jesús.

Jesús diayema usuyarimarẽ weredeã

27 Jesús irire wereripoe sugo nomeõ masaka watopegue ããrĩgõ gaguĩnyupo:

—Murẽ pũrãku masũdeo usuyatarikumõ, ãrĩyupo Jesúre.

28 Jesús gapu igore ãrĩyupu:

—Marĩpũya werenĩrĩrẽ pérã, ĩgũ dorerire irirã gapu õãrõ usuyarãkuma, ãrĩyupu.

*Masaka ñerã Jesúre Marĩpũ turari merã iri ìmudoredea
(Mt 12.38-42; Mr 8.12)*

²⁹ Pũro Jesús ìgũ pũro masaka wárã nerẽwãgãriripoe àsũ ãrĩ wereyupũ ìgũsãrẽ:

–Dapagora marã masaka ñetarirã ããrĩma. Yũre Marĩpũ turari merã gajino iri ìmudorekeremakũ, Marĩpũya kerere weredupiyudĩ Jonás iridea ditare weregũra.

³⁰ Iripoegue Marĩpũ Jonárẽ Nínive wãikũri makã marãrẽ weredorederosũ yũre ããrĩpererã tĩgũrẽ dapagora marã masakare weredoremi.

³¹ Marĩpũ ããrĩpererã ñerãrẽ wajamoãrĩnũ ejamakũ, sugo iripoeguemo Sabá nikũ marã opo mũsã dapagora marãrẽ: “Ñegorabũ”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opũ Salomón wári masĩrĩ merã wererire pégo aarigó. Dapagora yũ Salomón nemorõ masĩgũ õõgue mũsã merã ããrĩkeremakũ, mũsã gapũ yũ wererire péduabea.

³² Iripoegue Nínive marã Jonás Marĩpũya kerere weremakũ pérã, ìgũsã ñerõ irideare bujawere, ìgũsã gũñarĩrẽ gorawayunerã ããrĩmá. Dapagora yũ Jonás nemorõ masĩgũ õõgue mũsã merã ããrã. Yũ Marĩpũya kerere werekeremakũ, mũsã ñerõ iririkũrĩre bujawerebea. Irasirirã, Marĩpũ ããrĩpererã ñerãrẽ wajamoãrĩnũ ejamakũ, Nínive marã mũsã dapagora marãrẽ: “Ñegorabũ”, ããrĩrãkuma, ãrĩyupũ.

*Jesús masakaya koye sããgodiru irirosũ ããrĩrẽ buedea
(Mt 5.15; 6.22-23)*

³³ Irasũ ãrĩ odo, gajĩ keori merã wereyupũ:

–Masaka sããgodirure sããgorã, deyomarĩrõgue duúbirikuma. Dupa kũma dokaguedere píbirikuma. Sããgo, wii dekogue siukuma, gajirã iri wiire ñajãrã iri sããgodiru boyorore õãrõ ìã ñajãburo, ãrĩrã.

³⁴ Mũsãya koye mũsãya gũñarĩguere sããgodiru irirosũ ããrã. Mũsã õãrĩ koye oparã irirosũ ããrĩmakũ, mũsãya gũñarĩguere õãrõ sããgoro irirosũ ããrã. Irasirirã Marĩpũyare masĩa. Mũsã ñerĩ koye oparã irirosũ ããrĩmakũ, mũsã gũñarĩguere naĩtĩãrõ irirosũ ããrã. Marĩpũyare masĩbea.

³⁵ Irasirirã pémasĩka, mũsãya gũñarĩgue sããgori, naĩtĩãrĩ waabirikõãburo, ãrĩrã!

³⁶ Mũsãya gũñarĩgue sããgori, naĩtĩãrõ marĩrõ irirosũ ããrĩmakũ, ããrĩpereri Marĩpũyare pémasĩrãkoa. Irasirirã sããgori boyorogue ìãrõsũ õãrõ pémasĩrĩ merã ìgũyare iritũyarãkoa, ãrĩyupũ Jesús.

*Jesús fariseo bumarãrẽ, Moisés gojadeare buerimasãrẽ ìgũsã ñerõ iririre weredea
(Mt 23.1-36; Mr 12.38-40; Lc 20.45-47)*

³⁷ Jesús irasũ ãrĩ odoadero pũrũ, sugũ fariseo bumũ ìgũya wiigũe baadoregũ siiuayupũ ìgũrẽ. Irasirigũ Jesús ìgũ merã waa, ìgũya wiigũe ñajãa, eja doayupũ ìgũ merã baabu.

³⁸ Fariseo bumũ gapũ judío masaka irinĩrõsũ Jesús baaburi dupiyuro ìgũ mojõkoebirimakũ ìãgũ, ìãgũkakõãyupũ.

³⁹ ìgũ ìãgũkamakũ ìãgũ, marĩ Opũ Jesús ìgũrẽ ãrĩyupũ:

–Mũsã fariseo bumarã masaka ìũrõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã gajirãyare yajadũarã, ñerĩ ditare iridũarã ããrĩsĩã, iripa poekague gũrari utũriro irirosũ ããrã.

⁴⁰ Irasirirã neõ pémasĩbea. Marĩpũ, marĩya dupũre irigũ, marĩ gũñarĩdere iridi ããrĩmĩ. ¿Irire pémasĩberi mũsã?

⁴¹ Mũsã oparire gajirãrẽ sĩrã, õãrõ gũñarĩ merã sĩka! Irasirirã soropa poeka gapũdere koeadeapa irirosũ ããrĩrãkoa.

42 'Musa fariseo bumarã buro ñerõ tarirãkoa. Musa oteri mutãrĩgã: menta, ruda wãikuri baari morẽĩnorẽ, ããrĩpereri oteridari dukakurinogãdere sea neeõ, keoro dukawa, pe mojóma diruri irikoa. Sudiru Marĩpuya wiigue ãã: “Ìgũrẽ yu sĩrĩ ããrã”, ãrĩ, iroque píkoa, Ìgũ dorerire irimurã. Irasirikererã, gajirãrẽ diayema iririre iribea. Marĩpure maĩbea. Irasirirã musã oterire Ìgũrẽ sĩduuro marĩrõ diayemadere irika! Marĩpure maĩrĩ merã buremuka!

43 'Musa fariseo bumarã buro ñerõ tarirãkoa. Musa nerẽrĩ wiiriguere nerẽrã, õãrĩ doarigue dita doaduaa. Makã dekoguere masakare musãrẽ gopeyari merã bokatĩrĩ õãdoremakũ gããmea.

44 'Musa Moisés gojadeare buerimasã, fariseo bumarãde buro ñerõ tarirãkoa. Musa masãgoberi irirosũ ããrã. Irasirirã masaka iri goberi ããrĩrõ weka tãpítariarã, iri goberi poekague ããrĩrĩrẽ masĩberosũ musã ñerõ oparire masĩbema, ãrĩyupu Jesús.

45 Ìgũ irasũ ãrĩmakũ pégu, sugu Moisés gojadeare buerimasũ ãrĩyupu Ìgũrẽ:

—Buegu, mu fariseo bumarãrẽ irasũ ãrĩgũ, guadere ãrĩ turigu yãa, ãrĩyupu.

46 Jesús gapu Ìgũrẽ ãsũ ãrĩyupu:

—Musãde, Moisés gojadeare buerimasã buro ñerõ tarirãkoa. Musa gajirãrẽ: “Ãsũ irika!” ãrĩ, dorerã, Ìgũsãrẽ gajino buro nukũrĩ kõãtãrĩrã irirosũ ããrĩmakũ yãa. Irasirirã iri dorerire bokatĩũbema. Ìgũsã musã dorerire bokatĩũbirikeremakũ, Ìgũsãrẽ neõ iritamubea iri dorerire iriburo, ãrĩrã.

47 'Irasirirã musã buro ñerõ tarirãkoa. Iripoegue marã Marĩpuya kerere weredupiyunerã masãgoberi weka weanúdeare musã ãmua. Ìgũsãrẽta musã ñekũsãmarã wẽjẽnerã ããrĩmã.

48 Ìgũsã irasũ wẽjẽdero purugue, dapagora musã Ìgũsã iripoegue irideare iriwekabejakõãa, Ìgũsã wẽjẽnerãya masãgoberi weka weanúdeare ãmurã. Irasirirã musã Ìgũsã wẽjẽdeare: “Ñegorabu”, ãrĩ gũñabea. Musa ñekũsãmarã Marĩpuya kerere weredupiyunerãrẽ gããmebiriderosũ musãde yure gããmebea.

49 'Irasirigu iripoegue Marĩpu Ìgũ masĩrĩ merã ãsũ ãrĩdi ããrĩmĩ: “Yaa kerere weredupiyurimasãrẽ, yaare buerimasãdere iriugura. Irire buemakũ ãã, surãyerire masaka wẽjẽrãkuma. Gajirãrẽ ñerõ iriduarã, noõ Ìgũsã waarõ tuyagorenarãkuma”, ãrĩdi ããrĩmĩ Marĩpu.

50-51 Marĩpu i ãmurẽ iriadero puru, Abere Ìgũ tĩgũ wẽjẽdi ããrĩmĩ. Puru Marĩpuya kerere weredupiyunerãrẽ wẽjẽnerã ããrĩmã. Puru Zacariãdere Marĩpuya wiima soepeoro Marĩpu ããrĩrĩ taribu watopegue wẽjẽnerã ããrĩmã. Irasirigu Marĩpu ããrĩpererãrẽ Ìgũsã wẽjẽdea waja dapagora marãrẽ wãjamoãgũkumi.

52 'Musa Moisés gojadeare buerimasã buro ñerõ tarirãkoa. Musa Marĩpuyare masĩkererã, musã basi irire iridũabea. Irasirirã gajirãrẽ irire masĩduarãrẽ masĩbirimakũ yãa, ãrĩyupu Jesús.

53 Ìgũ irasũ ãrãdero puru, Moisés gojadeare buerimasã, fariseo bumarãde Ìgũ merã guatariakõãñurã. Irasirirã buro Ìgũrẽ werewua, wãri Ìgũrẽ sãrẽñanũgãñurã.

54 Ìgũ diaye yũjubirimakũ pérã, Ìgũrẽ weresãduarã, irasirĩñurã.

12

Jesús fariseo bumarã irikatorire weredea

1 Ìgũsã irasiriripoe Jesús puro masaka wãrã nerẽñurã. Ìgũsã wãrã ããrĩsĩã, gãme kuratĩãnokõãñurã. Jesús Ìgũ buerãrẽ ãsũ ãrĩ werenũgãyupu:

—Fariseo bumarã irikatorire õãrõ pémasĩka! Ìgũsã irikatorĩ pã wemasãrĩ morẽrĩ irirosũ ããrã.

2 Āārīpereri gajirā ĩāberogue irideare, durogue irideadere p̄r̄ugue masĩsũrokoa.

3 M̄s̄ā naĩtĩārōgue irirosũ gajirā péberogue werenídeare boyorogue irirosũ Marĩp̄u ĩḡs̄ārē pémakũ iriḡukumi. M̄s̄ā wii poekague yayero werenídeadere makã dekoque gaguinĩrōsũ gajirārē õārō pémakũ iriḡukumi.

Jesús: “¿Noārē güiri merã b̄remurõ gããmerĩ?” ãrĩ weredea (Mt 10.26-31)

4 M̄s̄ārē ȳ merãmarārē werea. M̄s̄ārē wējērã, m̄s̄āya d̄p̄u ditare boamakũ irirākuma. P̄r̄ugue m̄s̄ārē neõ ñerõ irinemobirikuma. Irasirirã m̄s̄ārē wējēduarārē güibirikõãka!

5 Ȳ m̄s̄ā gopeyari merã güibure wereḡara. Marĩp̄u gap̄are güiri merã b̄remuka! Masakare ĩḡs̄ā okarire ãmamasĩmi. ĩḡũ ãmadero p̄r̄u, ĩḡs̄ārē perebiri peamegue béomasĩmi. Irasirirã ĩḡũ gap̄are güiri merã b̄remuka!

6 M̄s̄aka su mojómarã mirã wajarirã, pe niyeru koegã, mérõgã wajak̄ari koerigārē s̄ikuma. ĩḡs̄ā mérõgã wajak̄akeremakũ, Marĩp̄u gap̄u ĩḡs̄ārē õārõ koremi. Neõ sugare kãtibemi.

7 Marĩp̄u ãārīpereri m̄s̄ā ãārīrik̄ure masĩḡũ, m̄s̄āya poarire: “Irikũ ããrã”, ãrĩ masĩpeokõãmi. Irasirirã güibirikõãka! M̄s̄ā, mirã nemorõ wajak̄ua. Irasiriḡu Marĩp̄u mirārē korero nemorõ m̄s̄ārē koreḡukumi.

Jesús: “Masakare ȳre b̄remurĩrē wereka!” ãrĩdea (Mt 10.32-33; 12.32; 10.19-20)

8 M̄s̄ārē werea. Suḡu, masaka péuro: “Jesúyagu ããrã”, ãrĩ weremakũ, ȳ ãārīpererã t̄ḡũde Marĩp̄ure wereboerã péuro: “Yaagu ããrĩmi ñ”, ãrĩ wereḡukoa.

9 Suḡu ȳre masĩkereḡu, masaka péuro: “Īḡurē masĩbea”, ãrĩ weremakũ, ȳ ãārīpererã t̄ḡũde Marĩp̄ure wereboerã péuro: “Ȳde ĩḡurē masĩbea”, ãrĩ wereḡukoa.

10 Suḡu ȳre ãārīpererã t̄ḡurē ñerõ ãrĩ werenímakũ, Marĩp̄u kãtimasĩmi. Õãḡũ deyomarĩḡũ gap̄are ñerõ ãrĩ werenímakũ, neõ kãtibirikumi.

11 M̄s̄aka m̄s̄ārē ĩḡs̄ā nerērĩ wiiri oparã p̄rogue, weresãrĩrē beyerimasã p̄rogue, o makārĩ marārē dorerã p̄rogue m̄s̄ārē ĩḡs̄ā weresãmurã ãĩmakũ: “¿Naásũ ȳjurākuri, o naásũ ãrĩrākuri ĩḡs̄ārē?” ãrĩ, b̄ro güñarik̄ubirikõãka!

12 ĩḡs̄ā m̄s̄ārē s̄erēñamak̄ata, Õãḡũ deyomarĩḡũ masĩrĩ s̄ĩrĩ merã ĩḡs̄ārē wererãkoa, ãrĩyup̄u Jesús.

Jesús: “Wári doebiri oparārē goegorã”, ãrĩ weredea

13 P̄r̄u suḡu masaka watopegue ããrĩḡũ Jesúre ãrĩyup̄u:

—Bueḡu, ḡuap̄u boagu ĩḡũ opadeare ḡuare pími. Irasiriḡu ȳ t̄ḡurē irire keoro dukawa, ȳdere s̄idoreka! ãrĩyup̄u.

14 Jesús gap̄u ĩḡurē ȳj̄yup̄u:

—M̄s̄ãp̄u pídeare m̄s̄ārē dukawabu ããrĩbea ȳ, ãrĩyup̄u.

15 Irasũ ãrĩ odo, ãārīpererārē ãrĩyup̄u:

—Pémasĩka m̄s̄ã! Doebirire, gajinodere wáro gããmebirikõãka! Masaka wári oparã, õārĩ okari gap̄are opabema, wári opari ditare güñarã, ãrĩyup̄u.

16 Irasũ ãrĩ odo, keori merã wereyup̄u ĩḡs̄ārē:

—Suḡu masakũ wári doebiri opakumi. ĩḡũ otedeade wárigora dukakukoa.

17 Irasiriḡu ĩḡũ basi güñakumi: “¿Nasiriḡukuri? Yaa oteri dukã sea duripĩburi wii máa”, ãrĩkumi.

18 Puru gũñakumi doja: “Āsũ irigura. Yu gajino duripíri wii ããrĩpuroridea wiire béo, nemorõ wári wii irigura. Iri odo, iri wiigue yaa oteri dukare ããrĩpereri, yaa doebiridere duripígura.

19 Puru yu basi ãsũ ãrĩgura: ‘Wári doebiri opáa. Wári bojorima baaburidere opáa. Irasirigu siñajã, baa, iirí, usuyagura’”, ãrĩkumi.

20 Marĩpu gapu ĩgũrẽ ãrĩkumi: “Mu neõ pémasĩbi ããrã. Dapagã ñamita boagakoa. Mu boamakũ, ¿noã oparãkuri mu duripíadeare?” ãrĩkumi.

21 Irasũta waarākuma, masaka ĩgũsãya doebiri ditare gũñarã. ĩgũsãya ããrĩburi ditare gũña, wári doebirire duripírākuma. Irasirikererã, Marĩpure gũñamerã, ĩgũ ĩũrõrẽ boporã irirosũ ããrĩrākuma, ãrĩyupu Jesús.

Jesús, Marĩpu ĩgũ pũrãrẽ korerimarẽ buedea
(Mt 6.25-34)

22 Puru Jesús ĩgũ buerãrẽ ãsũ ãrĩyupu doja:

–Irasirigu musãrẽ ire weregura. Musã ããrĩrikurire gũñarã: “¿Ñéenorẽ baarãkuri, ñéenorẽ iirírãkuri, ñéenorẽ sãñarãkuri?” ãrĩ, buro gũñarĩkũbirikõãka!

23 Marĩ okari gapu, baari nemorõ wajakua. Marĩya dupu, surí nemorõ wajakua. Irasiriro musã ããrĩrikuri, musã opari nemorõ wajakua.

24 Mirãrẽ gũñaka! ĩgũsã baadũarã, otebema. Otedea dukare seabema. Baari duripíri wiiridere opabema. Marĩpu gapu ĩgũsãrẽ baari sĩmi. Musã gapu, mirã nemorõ wajakutarinũgãa.

25 Musã buro gũñarĩkuri merã neõ mérõgã masãnemobirikoa.

26 Musã irasũ gũñarĩkuri wajamarĩkeremakũ, ¿nasirirã gajinorẽ buro gũñarĩkuri? Musã gũñarĩkuri merã ããrĩpererire neõ irimasĩbirikoa.

27 ‘Makãnúuma goori masãrĩrẽ gũñaka! Iri moãbirikerero, suabirikerero, õãrĩ surí sãñarõ irirosũ deyoa. Musãrẽ werea. Opu Salomón surí õãrĩ sãñadero nemorõ iri goori gapu õãrĩ deyoa.

28 Iri goori makãnúugue mata puridea goori ããrĩkeremakũ, Marĩpu õãrĩ goori deyomakũ irikeremakũ, mérõgã puru ñãĩdija pereakõãa. Gajinu gapu peamegue soebéokõãsũa. Iri mata pereburi ããrĩkeremakũ, Marĩpu iri goorire õãrĩ deyomakũ yámi. Iri goorire õãrĩ ããrĩmakũ irirosũ nemorõ musãrẽ õãrõ irigukumi. Musã ĩgũrẽ mérõgã buremukeremakũ, musãrẽ surí sīgukumi.

29 Irasirirã ãmurĩku musã baaburire, musã iirĩburire buro gũñarĩkuri merã ãmabirikõãka!

30 I ãmu marã Marĩpure burenumerã buro gũñarĩkuri merã irire ãmanikõãma. ĩgũsã irasũ ããrĩkeremakũ, Marĩpu musã gããmerĩrẽ masĩsiami. Irire musãrẽ sīgukumi.

31 Irasirirã musã Marĩpure masĩrã, ĩgũ musã Opu ããrĩrĩrẽ gããmepurorika! Musã irasirimakũ, musã baa, iirĩburire, musã surí sãñaburidere sĩwekapeogukumi.

Jesús marĩ ãmũgasigue wajataburire buedea
(Mt 6.19-21)

32 ‘Musã yaarã, mérãgã, oveja su yebo marã irirosũ ããrã. Irasũ ããrĩkererã, gũibirikõãka! Musãpu ãmũgasigue ããrĩgũ ĩgũyarãrẽ dorerogue musã ĩgũ merã ããrĩmakũ gããmemi, ĩgũ merã doreburo, ãrĩgũ.

33 Irasirirã musã oparire duaka! Iri duadea wajare niyerure boporãrẽ sĩka! ãmũgasiguemarẽ gũñaka! Irasirirã irogue pereburi wajatarire, ajurogue doebiri neõ perebirire oparosũ oparãkoa. Irogue wajatarire yajarimasã ñajãa, ãĩmasĩbirikuma. Buruade baadedeubirikuma.

34 Musã i ãmũma ditare: “Opadũakoa”, ãrĩ gũñarã, irire buro maĩrãkoa. ãmũgasima gapure: “Opadũakoa”, ãrĩ gũñarã, irire buro maĩrãkoa.

Jesús i ùmugue dupaturi aariburi dupiyuro òãrò ãmuyudoredea

³⁵ Y_u i ùmugue dupaturi aariburi dupiyuro òãrò ãmuyuanerãgue ããrĩka! Sĩãgodirure sĩãgoanerã irirosũ yare yúka!

³⁶ Sug_u masak_u, mojòs_uadi p_urogue mojòs_uari bosenu waamakũ, ìgũrẽ moãboerã ìgũ dujariburire yúkuma. Ìgũsã op_u ìgũya wiigue goedujaja, ñajãduag_u makãp_urore ìgũ dotemakũ pérã, ìgũrẽ moãboerã mata tũpãkuma. Ìgũsã yúrosũta m_usãde y_u dujariburire yúka!

³⁷ Ìgũsã op_u goemakũ, ìgũ doreaderosũta irirã, ùs_uyarãkuma. Ìgũsã irasirimakũ ìãgũ, ìgũsã op_u ìgũsãrẽ moãboeg_u irirosũ ìgũsãrẽ: “Baari peoro p_uro doarã aarika!” ãrĩg_ukumi ìgũsãrẽ baari ejobu.

³⁸ Ìgũrẽ moãboerã ìgũ ñami deko ããrĩmakũ, o boyoripoe ããrĩmakũ, ìgũ goe-burire òãrò yúanerã ããrĩsĩã, ùs_uyarãkuma.

³⁹ Ire masĩka! Sug_u wii op_u ìgũya wiigue yajarimasũ ejaburi horare masĩgũ, ìgũrẽ yúkumi ìgũya wiigue ñajãburire kãmutabu.

⁴⁰ Irasirirã m_usãde òãrò yúka! Y_u ããrĩpererã tĩgũ gũñaña marĩrò aarig_ukoa. Irasirirã yaare iririre neò piriro marĩrò yare yúka m_usã! ãrĩyup_u Jesús.

Jesús pẽrã moãboerimasã keori merã buedea
(Mt 24.45-51)

⁴¹ Ìgũ irasũ ãrĩmakũ, Pedro gap_u sërẽñayup_u:

—G_ua Op_u, i keori merã wereg_u, ¿g_ua ditare wereg_u yári, o ããrĩpererãrẽ wereri? ãrĩyup_u.

⁴² Ìgũ irasũ ãrĩmakũ, Jesús gaji keori merã ãsũ ãrĩ wereyup_u ìgũsãrẽ doja:

—Sug_u moãboerimasũ ìgũ op_ure b_uremugũ òãrò pémasĩgũ ãsũ irikumi. Ìgũ op_u gajirogue waagũ, ìgũrẽ: “Yaa wii marãrẽ òãrò koreka!” ãrĩ píkumi. Irasirig_u baaripoe ããrĩmakũ, gajirã moãboerimasãrẽ baarire keoro ejokumi.

⁴³ Irasirig_u, ìgũ op_u ìgũya wii goedujajamakũ ìãgũ, ìgũ op_u doreaderosũta iriadi ããrĩsĩã, òãrò ùs_uyakumi.

⁴⁴ Diaye m_usãrẽ werea. Ìgũ irasirimakũ ìãgũ, ìgũ op_u ããrĩpereri ìgũyare ìgũrẽ koredoreg_u píg_ukumi.

⁴⁵ Gajig_u moãboerimasũ ñegũ gap_u ãsũ irikumi. “Y_u op_u yoaripoe deyobemi”, ãrĩ gũñagũ, gajirã ìgũ op_ure moãboerãrẽ ùmarẽ, nomedere ñerò pábira, baa, iiri, mejãkumi.

⁴⁶ Ìgũ irasiriripoe gũñaña marĩrò ìgũ op_u goejakumi. Ìgũrẽ moãboeg_u gap_u: “Ìgũ iri hora goeg_ukumi”, ãrĩmasĩbirikumi. Irasirig_u ìgũ op_u goejag_u, ìgũ ñerò irideare pég_u, ìgũrẽ b_uro wajamoãg_ukumi. Marĩp_ure b_uremumerãrẽ béorogue ìgũrẽ béog_ukumi.

⁴⁷ Irasirig_u sug_u moãboerimasũ ìgũ op_u iridorerire masĩkereg_u, òãrò ãmubiri, irire neò iribirimakũ ìãgũ, ìgũ op_u ìgũrẽ wajamoã, b_uro tãrãg_ukumi.

⁴⁸ Gajig_u moãboerimasũ gap_u ìgũ op_u iridorerire masĩbi, irire iribirimakũ ìãgũ, ìgũ op_u ìgũrẽ sĩrũweyata tãrãg_ukumi. Marĩp_u masakare ìgũ iridorerire masĩmakũ yámi. Irasirig_u òãrò masĩgũrẽ ìgũ iridorerire òãrò iridoremi. P_ur_u ìgũrẽ masĩnemomakũ irig_u, ìgũ iridea nemorò òãrĩrẽ iridoremi, ãrĩyup_u Jesús.

Jesús: “Masakare gãme dukawarirãkuma”, ãrĩ weredea
(Mt 10.34-36)

⁴⁹ P_ur_u Jesús ìgũsãrẽ ãrĩyup_u doja:

—Béoadere peame merã soebéorosũ i ùm_u marã ñerò iririre béog_u aarig_u irib_u. Dapagoragãta iri ñerĩ ããrĩpererire soebéomakũ ìãduasiadáa.

⁵⁰ Y_u ñerò tarig_ukoa. Y_u ñerò tariburire gũñagũ, b_uro b_ujawereri merã ããrĩrik_ua. Irasirig_u irire tariwerepeog_ugue b_uro ùs_uyag_ukoa.

⁵¹ Músã yure: “Ígũ i nikũguere aarigú, masakare siñajãrĩ merã gãme ããrĩrikumakũ irigu aarimĩ”, ¿ãrĩ gũñarĩ? Irasũ ããrĩbea. Músãrẽ werea. Masakare ígũsã basi gãme dukawarimakũ irigu aaribú. Irasirirã surãyeri yure bæremurākuma. Gajirã yure bæremubirikuma.

⁵² Dapagã merã su wii marã su mojõ marã yaa kerere péadero puru, ígũsã basi gãme dukawarirākuma. Urerã, pẽrã merã, pẽrã, urerã merã gãme ãaturirākuma.

⁵³ Surãyeri masaka yure bæremunugãdero puru, gajirã yure bæremubiridero puru, ãsũ waarākuma. Sugu ígũ magũrẽ ãaturigokumi yure bæremumakũ ããgũ. Gajigu ígũ pagure ãaturigokumi. Gajigo igo magõrẽ ãaturigokumo. Gajigo igo pagore ãaturigokumo. Sugo múñekõ igo bepore ãaturigokumo. Sugo bepo igo múñekõrẽ ãaturigokumo yure bæremumakũ ããgõ, ãrĩyupu Jesús.

*Masaka Jesús iririre ããmasĩbiridea
(Mt 16.1-4; Mr 8.11-13)*

⁵⁴ Puru Jesús masakare ãsũ ãrĩ wereyupu doja:

—Músã abe ñajãrõ gapu ñimikãyeborire ããrã: “Deko merẽburo yãa”, ãrã. Músã ããderosũta waãa.

⁵⁵ Sur gapu merã mirũ aarimakũ: “Asirinũ ããrĩrokoa”, ãrã. Músã ããderosũta asirinũ ããrã.

⁵⁶ Músã irikatorikurã, i nikũmarẽ, ãmarõmarẽ ããrã: “Õãrĩnũ, o ñerĩnũ waarokoa”, ãrĩ masĩa. Irire õãrõ masĩkererã, ¿nasirirã inurĩrẽ Marĩpu turari merã yu iri ñmurĩ gapure ããrã, neõ õãrõ pémasĩberi? ãrĩyupu.

*Marĩrẽ ãaturigure õãrõ merã gãme ãmudoredea
(Mt 5.25-26)*

⁵⁷ Irasũ ãrĩ odo, ãsũ ãrĩnemoyupu doja:

—¿Músã diayema iririre ãã beyemasĩberi dapa?

⁵⁸ Sugu músãrẽ weresãduamakũ, ígũ merã oparã purogue waarã, ígũrẽ: “Dupaturi irasũ iribirikoa”, ãrĩ gãme ãmuka! Músã ígũrẽ ãmubirimakũ, weresãrĩrẽ beyerimasãguere músãrẽ weresãgukumi. Puru beyerimasũ músãrẽ peresu iridoregu, suraraguere wiagukumi.

⁵⁹ Músãrẽ werea. Beyerimasũ músãrẽ wajaridorerire músã wajaripeobirimakũ, neõ músãrẽ wiubirikumi, ãrĩyupu.

13

Jesús masakare: “Músã gũñarĩrẽ gorawayuka!” ããrĩdea

¹ Jesús irasũ ãrĩripoe gajirã ígũrẽ ãsũ ãrĩ wereñurã:

—Galilea marã Marĩpu ããrõ waibure wẽjẽ, soepto bæremuripoe Pilato gapu ígũsãrẽ wẽjẽyupu. Ígũ irasũ wẽjẽmakũ, waibu dí merã masaka dí morẽãkõãyuro, ãrĩñurã.

² Ígũsã irasũ ãrĩmakũ pégu, Jesús ãrĩyupu:

—Pilato wẽjẽnerãrẽ, ¿naásũ gũñarĩ? ¿Ígũsã irasũ wẽjẽsũrã, gajirã Galilea marã nemorõ ñerã ããrĩdea waja boayuri?

³ ããrĩbea. Músãrẽ werea. Músãde ñerĩ iririre bujaweremerã, músã gũñarĩrẽ gorawayumerã, boarã, perebiri peamegue waarãkoa.

⁴ Irinugue gajirã dieciocho masakare Siloé wãikuri wii ãmarĩ wii ígũsã weka turidija, tãũ wẽjẽyuro. ¿Naásũ gũñarĩ músã ígũsãrẽ waadeare? ¿Ígũsã irasũ boarã, gajirã Jerusalén marã nemorõ ñerã ããrĩdea waja boayuri?

⁵ ããrĩbea. Músãrẽ werea. Músãde ñerĩrẽ bujaweremerã, músã gũñarĩrẽ gorawayumerã, boarã, perebiri peamegue waarãkoa, ãrĩyupu Jesús.

Jesús higuera gu duka marĩdi keori merã werede

⁶ Jesús ĩgūsārē irasū ārī odo, keori merā wereyupũ:

–Pooe opũ ĩgũya poeague ĩgũ otedi higueraġũ wāĩkũdire opakumi. Sunũ: “Dũkakũkoa”, ārī, ĩāġũ waakumi. Neō bokabirikumi. Dũka marĩkoa.

⁷ Bokabirisĩā, iri pooe moāġūrē werekumi: “Īāka! Ʋre bojorigora ĩġũ dũkare āmadāa. Dũka māa. Irasirigũ irigũre pábėokōāka! Dũka marĩkerero, ġajino oteboaderore kāmutanía”, ārĩkumi.

⁸ ĩġũ irasū ārĩmakũ péġũ, ĩġūrē moāboeġũ āsũ ārĩkumi: “Ʋũ opũ, i bojorigora tamerārē níñaburo dapa. Ʋũ irigũ pũrore nikūrē sea odo, waibũ ġura merā ũġātũñagura.

⁹ Ʋũ irasū iriadero pũrũ, ġajipoe iriro dũkakũbukoa. Dũka marĩmakũ ĩāġũ, pábėodoreka!” ārĩkumi, ārī wereyupũ Jesús.

Siñajārĩnũ āārĩmakũ, Jesús dupamutĩrō níġōrē taudea

¹⁰ Sunũ judío masaka siñajārĩnũ āārĩmakũ, Jesús ĩgūsā nerērĩ wiigue bueġũ iriyupũ.

¹¹ Iro sugo nomeō dieciocho bojorigora pũrĩrikũgo āārĩyupo. Wātĩ igore dupamutĩrō nímakũ iriyupũ. Irasirigo diaye nímasĩbiriyupo.

¹² Igo irasū āārĩmakũ ĩāġũ, Jesús igore: “Aarika!” ārī siiuyupũ:

–Nomeō, mũ pũrĩrikũri tausũsiāa, ārĩyupũ.

¹³ Irasū ārĩġũta, igore ĩgũya moġōrĩ merā ñapeoyupũ. ĩġũ ñapeomakũta, diaye níyupo. Pũrũ Marĩpũre: “Ōātaria mũ”, ārī, usũyari sĩnũġāyupo.

¹⁴ Jesús siñajārĩnũ igore taumakũ ĩāġũ, iri nerērĩ wii opũ ġapũ ĩġũ merā ġuayupũ. Irasirigũ, masakare āsũ ārĩyupũ:

–Semanaarikũ, marĩ moārĩnũrĩ, su moġōma pere ġaji moġō suru pērēbejarinũrĩ āārā. Irasirirā mũsā pũrĩrikũrā taudoredũarā, irinũrĩrē taudorerā aarika! Dapagāno marĩ siñajārĩnũrē irinorē iribirikōārō ġāamea, ārĩyupũ.

¹⁵ ĩġũ irasū ārĩmakũ péġũ, marĩ Opũ Jesús āsũ ārĩyupũ:

–Mũsā irikatorikũrā āārā. Mũsā wekũre, o burrore oparā siñajārĩnũ āārĩkeremakũ, ĩgūsārē suadeadarire kura, ĩgūsārē deko iirĩdorerā āĩbuāa.

¹⁶ Igore Abraham parāmeō āārĩturiagore wātēa opũ Satanás dieciocho bojorigora pũrĩrikũmakũ irimi. Iro merē siñajārĩnũ āārĩmakũ, ġigore taubirikōārō ġāameadayuri? ārĩyupũ Jesús.

¹⁷ ĩġũ irasū ārĩmakũ pérā, Jesúre ĩāturirā āārĩpererā ġuyasĩrĩperekōāñurā. ġajirā ġapũ āārĩpereri Jesús ōārĩ iririre ĩārā, usũyañurā.

Jesús mostaza wāĩkũri yegā puri masādea keori merā weredea
(Mt 13.31-32; Mr 4.30-32)

¹⁸ Pũrũ ārĩyupũ doja:

–Marĩpũ ĩġũyarārē doreri, ġñeeno irirosū āārĩkuri? ġñeeno keori merā wereġũkuri?

¹⁹ I irirosū āārā. Suye oteriyē mostaza wāĩkũri yegārē oterosū āārā. Iri yegārē sugũ masakũ ĩġũya poeague otekumi. ĩġũ oteadero pũrũ, yukũ wádi irirosū puri, masākoa. Irasirirā mirā wārā irigũ dũpũrigue ĩġūsāya surĩ suakuma, ārĩyupũ.

Jesús pā wemasārĩ morērĩ poga keori merā weredea
(Mt 13.33)

²⁰ Dupaturi keori merā werenemoyupũ:

–Marĩpũ ĩġũyarārē dorerire, ġñeeno keori merā werenemogũkuri?

21 I irirosũ ããrã. Pã wemasãrĩ morẽrĩ poga irirosũ ããrã. Sugo nomeõ pã irigo, mérõgã pã wemasãmakũ iriri poga merã trigo pogare morẽkumo. Igo irasũ morẽadero pũũ, iri poga mérõgã ããrĩkerero, wemasãseyakõãkoa, ãrĩyupũ.

*Jesús eyabiri makãpũrore ñajãri keori merã weredea
(Mt 7.13-14, 21-23)*

22 Pũũ Jesús Jerusalẽgue waagũ, paga makãrĩrẽ, mutã makãrĩgãdere bue-tariwãgãyupũ.

23 Irogue sugũ masakũ ãgũrẽ ãsũ ãrĩ sãrẽñayupũ:

—Yũ Opũ, ¿Marĩpũ perebiri peamegue waabonerãrẽ taumurã mérãgã ããrĩkuri? ãrĩyupũ.

Ïgũ irasũ ãrĩmakũ pẽgu, Jesús i keori merã wereyupũ:

24 —Marĩpũ pũroque ñajãduarã, ãgũyare irika! Mũsãrẽ werea. Wãrã ãgũ pũroque ñajãduakererã, ñajãmasĩbirikuma. Irogue ñajãduamakũ diasagorãa. Eyabiri makãpũro ñajãrõ irirosũ ããrã.

25 Marĩpũ, sugũ wii opũ irirosũ ããrĩmi. Wii opũ wãgãñugã, makãpũrore biadero pũũ, mũsã gapũ makãpũroque ããrĩrã ãgũya wiire ñajãduarã, ãsũ ãrĩrãkoa ãgũrẽ: “Gũa opũ, gũare tũpãsóogu aarika!” ãrĩrãkoa. Irasũ ãrĩkeremakũ, wii opũ gapũ: “Mũsãrẽ masĩbea. Noó marã ããrĩrã ããrĩkoa”, ãrĩgũkumi.

26 Ïgũ irasũ ãrĩmakũ, mũsã gapũ ãsũ ãrĩrãkoa: “Gũa mũ merãta baa, iirĩ iribũ. Gũaya makãguedere buegorenabũ”, ãrĩrãkoa.

27 Mũsã irasũ ãrĩmakũ, ãsũ yũjũgũkumi: “ ‘Mũsãrẽ masĩbea. Noó marã ããrĩrã ããrĩkoa’ ãrĩsiãa. Mũsã ñerõ irirã ããrã. Irasirirã ããrĩpererã waaka! Yũ pũrore wirika!” ãrĩgũkumi wii opũ mũsãrẽ.

28 Irasirirã, Abraham, Isaac, Jacob, ããrĩpererã Marĩpũya kerere weredupiyunerã merã Marĩpũ ãgũyarãrẽ dorerogue ããrĩmakũ ããrã, mũsã gapũ makãpũroque béosũnerã ããrĩsã, pũrĩsũrã mũsãya guikare kũrĩduútũ orerãkoa.

29 Irasũ waaripoere norte marã, sur marã, abe mũrĩriro marã, abe ñajãrõ marã Marĩpũ ãgũyarãrẽ dorerogue eja, mũsũyari merã baa doanĩrãkuma.

30 Irasirirã dapagorare ubu ããrĩrã, pũrũguere oparã dujarãkuma. Dapagorare: “Oparãgora ããrã”, ãrĩrã gapũ pũrũguere ubu ããrĩrã dujarãkuma, ãrĩyupũ Jesús.

*Jesús Jerusalén marãrẽ ããgũ oredea
(Mt 23.37-39)*

31 Jesús irasũ ãrĩripoe surãyeri fariseo bumarã ãgũ pũroque eja, ãsũ ãrĩñurã:

—Herodes mũrẽ wẽjẽduami. Irasirigu gajiroque waaka! ãrĩñurã.

32 Jesús gapũ ãgũsãrẽ yũjũyupũ:

—Ãsũ ãrĩ wererã waaka, ãgũ ãrĩkatorikũgure: “Dapagãrẽ, ñamigãdere ãsũta irigura. Wãtẽãrẽ béowiugũkoa. Pũrĩrikũrãrẽ taugũkoa. Irasirigu ñamigã sinũ gapũ odogũkoa”, ããrãmi, ãrĩ wereka ãgũrẽ!

33 Dapagã, ñamigã, ñamigã sinũ gapũdere Jerusalẽgue waagũra. Iro marã Marĩpũya kerere weredupiyunerãrẽ wẽjẽnerã ããrĩmã. Irasirigu yũre Marĩpũya kerere weredupiyugũre ãgũsã wẽjẽbure iri makãgue ããrĩrõ gããmea.

34 ‘Mũsã Jerusalén marã Marĩpũya kerere weredupiyurimasãrẽ wẽjẽkõã. Ïgũ iriunerãrẽ ãtãyeri merã dea wẽjẽa. Wãri yũ mũsãrẽ, ãgãbo igo pũrãrẽ, igoya kẽdupũri merã neeõnũrõsũ neeõnũduadibũ. Mũsã gapũ yũ irasũ irimakũ neõ gããmebiribũ.

35 Irasiriro mũsã ããrĩrĩ makã, béodea makã dujarokoa. Mũsãrẽ diayeta werea. Mũsã yũre dupaturi ããbirikoa. Pũrũgue mũsã: “Marĩpũ iriudi õãtarigu õãrõ aariburo”, ããrã, yũre dupaturi ããrãkoa doja, ãrĩyupũ Jesús.

14

Jesús sugu bijiri pūrīrikugure taudea

¹ Sunu Jesús, judío masaka siñajārīnu ãārīmakū, sugu fariseo bumarã opuya wiigue baagu waayupu. Irogue ãārīrã gajirã fariseo bumarã ĩgūrē ĩanurānikōãñurã.

² ĩgūsã baaro purogue sugu masakū bijiri pūrīrikugu Jesús diaye ãārīyupu.

³ Irasirigu Jesús, Moisés gojadeare buerimasārē, fariseo bumarãdere ãsū ãrī sērēñayupu:

—Siñajārīnu ãārīmakū, ¿sugu pūrīrikugure taudoreri, o taudoreberi? ãrīyupu.

⁴ ĩgū irasū ãrīmakū pérã, neō yujubiriñurã. ĩgūsã yujubirimakū ĩãgū, Jesús bijiri pūrīrikugure tauyupu. Odo, ĩgūrē: “Ōãrō waaka!” ãrīyupu.

⁵ Puru ĩgūsārē sērēñayupu doja:

—Siñajārīnu ãārīkeremakū, masāyagu burro, o masāyagu weku gobegue meñajãdire ĩãrã, ¿mata ãi wiubiribukuri? ãrīyupu.

⁶ ĩgūsã gapu, ĩgū irasū ãrī sērēñarīrē yujumasībiriñurã.

Mojōsuarī bosenu siusūnerāya keori merã weredea

⁷ Jesús fariseo bumarã opuya wiigue ãārīgú, iri wiimū siuanerã ejamakū ĩāyupu. ĩgūsã òãrī doaripērīrē beyeñurã, oparã irirosū doamurã. ĩgūsã irasirimakū ĩãgū, Jesús i keori merã wereyupu ĩgūsã ãārīpererārē:

⁸⁻⁹ —Sugu wii opu mojōsuarī bosenu irigu masārē siuadero puru, masã ĩgūya wiigue ejarã, oparã doarire beye doabirikōãka! Iri wii opu gajirã ĩgū siuanerārē masã nemorō gopeyarã ejamakū ĩãgū, masārē ãsū ãrīgukumi: “Īsã gapure masã doarire sīka! Masã gapu sōōgue doarã waaka!” ãrīgukumi. ĩgū irasū ãrīmakū pérã, masã gūyasīrīrī merã ubu ãārīrã doarigue doarã waarãkoa.

¹⁰ Irasirirã, wii opu masārē siumakū, ubu ãārīrã doarigue doaka! Masã irasirimakū ĩãgū, iri wii opu masārē: “Oparã doarigue doarã aarika!” ãrīgukumi. ĩgū irasirimakū ĩãrã, gajirã ĩgū siuanerã masārē bñremurī merã ĩãrākuma.

¹¹ Sugu ĩgū basi: “Gajirã nemorō ããrã”, ãrī gūñagūnorē Marīpu ĩgūrē ubu ãārīgú dujamakū irigukumi. Gajigu: “Gajirã nemorō ãārībea”, ãrī gūñagū gapure Marīpu ĩgūrē gajirã nemorō ãārīmakū irigukumi, ãrīyupu.

¹² Irasū ãrī odo, ĩgūrē siuadire ãsū ãrīyupu:

—Mu bosenu irigu, mu merãmarārē, mu pagupūrārē, mūyarārē, doebiri oparārē siiubirikōãka! Mu ĩgūsārē siumakū, mūrē ĩgūsãde siu gãmibukuma. ĩgūsã irasiriri merã ĩgūsã baadeare mūrē ejo gãmibukuma.

¹³ Mu bosenu irigu, boporārē, poyarimasārē, guburi buanerārē, koye ĩãmerārē siuka!

¹⁴ Mu irasirimakū, Marīpu mūrē òãrō irigukumi. ĩgūsārē mu siudea waja, ĩgūsã mūrē siu gãmibirikuma. Irasirigu Marīpu diayemarē irirã boanerārē masūrīnu ãārīmakū, mūrē òãrīrē wajarigukumi, ãrīyupu Jesús.

Jesús bosebaarinu keori merã buedea

¹⁵ ĩgū irasū ãrīmakū pégu, sugu irogue baa doanígū ĩgūrē ãrīyupu:

—Marīpu ĩgūyarārē dorerogue ĩgū puro baa doanírã buro usūyarākuma, ãrīyupu.

¹⁶ ĩgū irasū ãrīmakū, Jesús keori merã wereyupu ĩgūrē:

—Sugu wári bosebaarinu irigu wárã masaka siukumi.

17 Īgũ siiuadero p̄r̄u, bosenu āārīrīn̄rē ĩgũrē moāboegure ĩgũ siiuanerārē weredoreḡu iriukumi. “Aarika! Āārīpereri bosenu marē āmusiami”, ārī were-dorekumi.

18 Īgũ irire weremakū pérā, āārīpererā: “Masīna máa, waabirikoa”, ārīkuma. Īgũ siiup̄rorisūadi moāboegure āsū ārīkumi: “Dapagorata nikū wajari odoa. Irore ĩāgũ waabu yáa. Irasiriḡu m̄u op̄re: ‘Masīna máa, waabirikoa’, ārāmi, ārī wereka!” ārīkumi.

19 Gajiḡu āsū ārīkumi: “Wek̄u pe mojōmarā wajariabu. Īgũsārē keoñagũ waabu yáa. Irasiriḡu m̄u op̄re: ‘Masīna máa, waabirikoa’, ārāmi, ārī wereka!” ārīkumi.

20 Gajiḡu āsū ārīkumi: “Ȳu dapagorata mojōs̄u odoa. Irasiriḡu iri bosenu rē waabirikoa”, ārīkumi.

21 Īgũ irasū ārīmakū, moāboegu gap̄u goedujáa, ĩgũ op̄re ĩgũsā ārādeare werekumi. Īgũ weremakū pégu, op̄u buro gua, āsū ārīkumi ĩgũrē moāboegure: “Murīgoráa. Makā dekoma maarīgue āārīrārē āmagú waaka! Irasiriḡu boporārē, poyarimasārē, koye ĩāmerārē, gubu buanerārē mumurō merā yaa wiiḡue ārīka!” ārīkumi.

22 P̄r̄u moāboegu ĩgũ op̄re werekumi: “Ȳu op̄u, m̄u doreaderosūta masakare siiuabu. Wii gap̄re ut̄aribema dapa”, ārīkumi.

23 Īgũ irasū ārīmakū pégu, ĩgũ op̄u ĩgũrē dorekumi doja: “Maarīgue waaka! Paga maarīgue, m̄t̄ā maarīḡague m̄u bokajarārē turaro merā siiuwāḡarika! Irasirimakū, yaa wiire ut̄arirākuma.

24 Diayeta m̄rē werea. Neō suḡu ȳu siiup̄roriadinerā baaboadeare mérōgā baabirikuma”, ārīkumi op̄u ĩgũrē moāboegure, ārī wereyup̄u Jesús.

*Jesús: “Suḡu ȳre t̄yad̄uamakū diasagoráa”, ārī weredea
(Mt 10.37-38)*

25 Wárā masaka Jesúre t̄yañurā. Irasiriḡu ĩgũsārē gāmenugā ĩā, āsū ārīyup̄u:

26 —Suḡu yaa buerire buet̄yad̄uagu, ĩgũ paḡure, pagore, marāpore, pūrārē, paḡupūrārē, paḡupūrā nomerē, ĩgũ basi maĩrō nemorō ȳu gap̄re maĩrō gāāmea.

27 Suḡu ȳre t̄yad̄uari waja curusague pábiatú wējēsūbu irirosū āārīkereḡu, ȳre neō piriro marĩrō ȳre t̄yaníkōāburo. Ȳre t̄yad̄uabi, ȳu buegu āārīmasībirikumi.

28 Suḡu, m̄sā watopegue āārīgú, ūmarī wiire iriburo dupiyuro: “¿Neéno merā iripeoḡukuri?” ārī gũñagū, iri wiire iriburi wajak̄aburire keop̄rorikumi.

29 Wajak̄aburire keop̄roribi, iri wiire iripeobirikumi. Īgũ iripeobirimakū ĩārā, gajirā ĩgũrē buridakuma.

30 “Īāka! Īi wiire iriadiñumi. Iripeomasībiriñumi”, ārī buridakuma ĩgũrē.

31 Su nikū marā op̄u, gajiḡu op̄u merā gāmewējēburo dupiyuro ĩgũyarā surarare keop̄rorikumi. “¿Ȳu diez mil surara merā, gajiḡu veinte mil surara opagu merā gāmewējēgū waagú bokatiūbukuri?” ārī gũñakumi.

32 Keoña: “Bokatiūbirikoa”, ārīkumi. Irasiriḡu, gajiḡu op̄u ĩgũyarā surara merā gāmewējēgū aarimakū, yoarogue ĩgũ āārīmakūta: “Gāmewējēbirikōārā”, ārī kere iriukumi ĩgũyagure.

33 I irirosūta ȳu buerā āārīd̄uarā m̄sā iriburire oārō gũñadupiyuro gāāmea. Āsū āārā. M̄sā gāāmerīrē pirid̄uamerā ȳu buerā āārīmasībea.

*Moā ðārō okari irirosū āārīrō gāāmea, ārī weredea
(Mt 5.13; Mr 9.50)*

³⁴ 'Moã õãrõ okari ããrĩmakũ õãgoráa. Moã okadea okabirimakũ, dupaturi okamakũ irimasĩña máa.

³⁵ Moã okabirimakũ õãbea. Béokõãrõ gããmea. Irasirirã musã moã okabirimakũ béosũburi irirosũ neõ ããrĩbirikõãka! Gãmipũrĩ oparã, ire õãrõ péka! ãrĩ wereyupũ Jesús.

15

Jesús oveja dederidi keori merã buedea (Mt 18.10-14)

¹ Gajinũ wárã romano marã opũre niyeru wajaseabosarimasã, ñerõ irimasãde Jesús pũro ìgũ buerire pérã ejañurã.

² Ìgũsã irasũ ejamakũ ìãrã, fariseo bumarã, Moisés gojadeare buerimasãde Jesúre ãsũ ãrĩ werewũañurã:

— Ìrĩ ñerãrẽ bokatĩrĩñeã, ìgũsã merã baami, ãrĩñurã.

³ Ìgũsã irasũ ãrĩmakũ pégu, Jesús i keori merã wereyupũ ìgũsãrẽ:

⁴ — Oveja korerimasũ cien oveja opagũ, sugũ oveja dederimakũ ìãgũ, noventa y nueve ovejare makã tũro ìgũsã baarogue duripíkõã, dederiadire ãmagú waakumi. Ìgũrẽ bokagũgue ãmuduúkumi.

⁵ Ìgũrẽ bokagũ, usũyari merã ìgũrẽ ãĩkõã,

⁶ Ìgũya wiigũe ãĩ dujáakõãkumi. ãĩ dujaja, ìgũ pũro ããrĩrãrẽ, ìgũyarãrẽ siiu neeõkumi. “Yaagũ oveja dederiadire bokáabũ. Irasirirã yũ merã usũyaka!” ãrĩkumi.

⁷ 'Musãrẽ werea. Sugũ ñerõ irigũ, oveja dederiadi irirosũ ããrĩmi. Irasirigũ ìgũ ñerõ iririre bujawere, ìgũ gũñarĩrẽ gorawayumakũ, Marĩpũ pũro ããrĩrã bũro usũyama. Gajirã wárã masaka ìgũsã noventa y nueve oveja, makã tũroogue duripĩnerã irirosũ ããrĩrã, ãsũ ãrĩ gũñadima: “Ñerõ iribeã gũã gapũ. Irasirirã gũã ñerõ iririre bujowereri opabea”, ãrĩ gũñama. Ìgũsã irasũ ãrĩ gũñamakũ, Marĩpũ pũro ããrĩrã usũyabema.

Jesús niyeru koe dederidea keori merã buedea

⁸ 'Sugo nomeõ pe mojõma niyeru koeri wajapari koeri opakumo. Su koe dederimakũ ìãgõ, sĩãgodirure sĩãgo, wiire ooa, õãrõ ãmapeokumo. Iri koere bokagogue ãmaduúkumo.

⁹ Iri koere bokago, igo pũro ããrĩrãrẽ, igoyarãrẽ siiu neeõkumo. “Yaa niyeru koe, dederiadea koere bokáabũ. Irasirirã yũ merã usũyaka!” ãrĩkumo.

¹⁰ Musãrẽ werea. Sugũ ñerĩrẽ irigũ ìgũ ñerĩ iririre bujawere, ìgũ gũñarĩrẽ gorawayumakũ, Marĩpũre wereboerã bũro usũyarãkuma. Ìgũ dederiboadi dederibirimakũ ìãrã, bũro usũyarãkuma, ãrĩyupũ Jesús.

Jesús sugũ pẽrã pũrãkũdi keori merã buedea

¹¹ Irasũ ãrĩ odo, Jesús gaji keori merã bueyupũ doja:

— Sugũ masakũ pẽrã ãma pũrãkũkumi.

¹² Sunũ pagũmũ gapũ pagũre ãsũ ãrĩkumi: “Aũ, mũ boagũ, yũre sĩburire dapagorata yũre sĩweoka!” ãrĩkumi. Ìgũ irasũ ãrĩmakũ pégu, ìgũ pũrã pẽrãguereta ìgũ oparire dukawa, sĩkumi.

¹³ Mérõgã pũrũta, pagũmũ gapũ ìgũ pagũ sĩadeare ããrĩpereri duapeokõãkumi. Pũrũ ìgũ duadea waja niyeru merã yoarogue gaji nikũgue waakõãkumi. Irogue eja, ìgũya niyerure ñerõ iriri merã irisiripeokõãkumi.

¹⁴ Ìgũya niyeru irisiribéoadero pũrũ, iri nikũguere baari pereakõãkoa. Irasirigũ bũro ãaboapũrorinũgãkumi.

15 Irasirigũ, sugũ iri nikũmũ pũro, moãrĩ ãmagú waakumi. Ìgũ gapũ ìgũrẽ ìgũya moãrĩ ããrĩõgue yeseare koredoregũ iriukumi.

16 Yapidũagũ, yeasea baarireta baadũadikumi. Neõ gajirã ìgũrẽ baari ejobirikuma.

17 Irasirigũ ãsũ ãrĩ gũñanũgãkumi: “Yũpũya wiire wárã ìgũrẽ moãboerã ããrĩkeremakũ, baari wáro dũyanabũ. Yũ gapũ õõguere bũro hãboari merã kõmogũgue irikoa.

18 Irasirigũ yũpũ pũrogoe goedujãagũra doja. ãsũ ãrĩgũra ìgũrẽ: ‘Aũ, yũ Marĩpũ ìũrõrẽ ñerõ irikubũ. Mũdere irasũta irikubũ’, ãrĩgũra.

19 ‘Ñegũ ããrã. Yũre: “Yũ magũ ããrã”, ãrĩbirikõãka! Irasirigũ yũre sugũ mũrẽ moãboegũ irirosũ opaka!’ ãrĩgũra yũpũre”, ãrĩ gũñakumi.

20 Irasũ ãrĩ gũña, maague waa, ìgũ pagũya wiigũe goedujãakõãkumi.

Ìgũ yoarogue aarimakũta, ìgũ pagũ ìgũrẽ ìã, bũro bopoñakumi. Pũrũ ùmawãgã, ìgũrẽ bokatĩrĩ, pãbũ, mimi irikumi.

21 Irasirigũ ìgũ pagũre ãrĩkumi: “Aũ, yũ Marĩpũ ìũrõrẽ ñerõ irikubũ. Mũdere irasũta irikubũ. Ñegũ ããrã. Yũre: ‘Yũ magũ ããrã’, ãrĩbirikõãka! Irasirigũ yũre sugũ mũrẽ moãboegũ irirosũ opaka!” ãrĩkumi ìgũ pagũre.

22 Ìgũ irasũ ãrĩkeremakũ, ìgũ pagũ gapũ ìgũrẽ moãboerãrẽ ãrĩkumi: “Murĩgorãa. Surĩ õãrĩrẽ ããrã waa, sãka! Mojõsũrũ túsãrĩ berodere sãka! Gubu surĩdere sãka!

23 Wekũ majĩgũ õãrõ diikũgũre ããrã waa, wẽjẽka, ìgũrẽ baa, yũ magũ goejari bosenu irimurã.

24 Ìĩ yũ magũ boakõãkumi, ããrãdi goejami. Okami. Dederidire marĩ bokãa”, ãrĩkumi. Pũrũ bosenu irinũgãkuma.

25 Ìgũsã bosenu iriripoe, masã tĩgũ gapũ poogũe ããrĩkumi. Irogũe ããrãdi goedujarigũ, wii pũro ejagũ, ìgũsã bayarire pékumi.

26 Ìgũsã bayamakũ pégu, sugũ ìgũ pagũre moãboegũre siiu, sërẽñakumi: “¿Naásũ waári wiigũere?” ãrĩkumi.

27 “Mũ pagũmũ pũrĩrĩ marĩgũ, õãgũ goejami. Irasirigũ mũpũ hũyari merã wekũ majĩgũ diikũgũre wẽjẽdoreami”, ãrĩ yũjukumi moãboegũ ìgũrẽ.

28 Ìgũ irasũ ãrĩ weremakũ pégu, masã tĩgũ gapũ bũro guakumi. Wiigũe ñajãbirikumi. Ìgũ ñajãbirimakũ ìãgũ, ìgũ pagũ wiria, ìgũrẽ: “Ñajãrika!” ããrĩdikumi.

29 “Aũ, péka! Yũ wãri bojori mũ dorerire neõ suñarõ tarinũgãrõ marĩrõ mũrẽ moãbosabũ. Yũ irasirikeremakũ, neõ sugũ waibũ sĩbiribu, yũ merãmarã merã bosenu iriburo, ãrĩgũ.

30 Ìĩ mũ magũ gapũ ñerã nome merã mũyare irisiribéodi ããrĩmĩ. Irire irisiribéo odo, ìgũ goejamakũ, wekũ diikũgũre ìgũrẽ wẽjẽ, ejoa”, ãrĩkumi ìgũ pagũre.

31 “Makũ, mũ yũ merã ããrĩnikõãa. Irasiriro ããrĩpereri yũ opari mũya dita ããrã.

32 Ìĩ mũ pagũmũ boakõãkumi, ããrãdi goejami. Okami. Dederidire marĩ bokãa. Irasirirã ìgũ goejamakũ, marĩ bosenu iri hũyamakũ õãgorãa”, ãrĩkumi ìgũ magũrẽ, ãrĩ wereyupũ Jesús.

16

Jesús, wãri doebiri opagũyare koreboegũ keori merã weredeã

1 Jesús irasũ ãrĩ odo, ìgũ buerãrẽ i keori merã wereyupũ:

–Sugũ masakũ wãri doebiri opagũ ããrĩkumi. Irasirigũ, ìgũyare koregũre opakumi. Gajirã gapũ ìgũ õãrõ korebirimakũ ìãrã, ìgũ opũguere: “Mũya niyerure irisirigũ iriami”, ãrĩ weresãkuma.

² Īgūsā weresāmakū pégu, ĩgūyare koregure siiu: “Gajirā yaa niyeru mu irisiririre weresāma. Yaare mu moārĩrē gojatúri pūrē yare ĩmuka! Irasirigu yaare korenemobirikōāka pama!” ārkumi ĩgū opu ĩgūrē.

³ ĩgū irasū ārĩmakū, niyeru koregu āsū ārĩ gūñakumi: “Yū opu yare béowiubu yāmi. Yū turabea. Irasirigu turaro moārĩrē bokatiūbirikoa. Gajirārē niyeru sērē doanígū, gūyasĩrĩgorakoa. ¿Nasirigukuri yu?” ārĩ gūñakumi.

⁴ Pũru gūñanemokumi doja: “Dapagorare yu iriburire masĩsiāa. Yure moārĩ marĩmakū, yu āsū irimakū ĩārā, yare gajirā ĩgūsāya wiirigue ñajādorērākuma”, ārĩ gūñakumi.

⁵ Irasirigu, ĩgū opure wajamorārē suguno ditare siiu, sērēñakumi ejapurorigure: “¿Yū opure noópa wajamorĩ mu?” ārĩ sērēñakumi.

⁶ Wajamogū ĩgūrē yujukumi: “Cien dukari olivo wāikudi uyere wajamokoa”, ārkumi. ĩgū irasū ārĩ weremakū, āsū ārkumi ĩgūrē: “Doaka, murĩgorāa! Mu wajamorĩrē gojatúdea pū, i pū āārā. Iri pūrē āi, gaji pūguere cincuenta dukarita gojatúka!” ārkumi.

⁷ Pũru gajigure sērēñakumi: “¿Mukoa, noópa wajamorĩ?” ārkumi. Wajamogū ĩgūrē yujukumi: “Cien trigo ajuri wajamokoa”, ārkumi. ĩgū irasū ārĩmakū, āsū ārkumi ĩgūrē: “Mu wajamorĩrē gojatúdea pū, i pū āārā. Iri pūrē āi, gaji pūguere ochenta ajurita gojatúka!” ārkumi.

⁸ ĩgū opu, ĩgū irasū oārō irikatomerēmakū ĩāgū: “Mu ñegū āārĩkeregū, mu masĩrĩ merā oārō niyerure moāmasiā”, ārkumi. I ũmugue marā Marĩpũre masĩbirikererā, Marĩpũyarā ĩgūsāya niyerure moāmasĩrō nemorō moāmasiā, ārĩ wereyupu Jesús.

⁹ Irasū ārĩ odo, āsū ārĩ werenemoyupu:

–Musā i ũmuma oparire boporārē sika, musārē maĩburo, ārĩrā! Musā irasū sĩmakū, musā opadea pereadero pũru ũmugasigue musā ejamakū, irogue āārĩrā musārē usuyari merā bokatiĩñeārākuma.

¹⁰ ‘Sugu mériḡā opari merā oārō irigu, wári opari merādere oārō irigukumi. Gajigu mériḡā opari merā oārō iribi, wári opari merādere oārō iribirikumini.

¹¹ Musā i ũmuma merā oārō iribirimakū, ¿noā Marĩpũyare diaye oārĩ oparire sĩbukuri musārē?

¹² Gajiguyare musā oārō iribirimakū, ¿noā musā oārō āārĩburire sĩbukuri musārē?

¹³ ‘Neō sugu moārĩmasū pērā oparārē moāboemasĩbirikumini. Sugu opure maĩgū, gajigu gapure maĩbirikumini, o sugu opure buremugū, gajigu gapure yujubirikumini. ĩgūsā irirosūta niyerure maĩtarigu, Marĩpu gapure maĩbemi, ārĩyupu Jesús.

¹⁴ ĩgū irasū ārĩmakū pērā, fariseo bumarā gapu niyerure maĩrā āārĩsĩā, ĩgūrē buridañurā.

¹⁵ ĩgūsā irasū buridamakū pégu, Jesús ĩgūsārē wereyupu:

–Musā, masaka ĩūrōrē oārō iriadāa. ĩgūsā, musā iririre ĩārā: “Oārā diayemarē irirā āārĩma”, ārĩrē burō péduāa. Marĩpu gapu musā gūñarĩrē masĩmi. Masaka ĩgūsā basi iririre: “Oātaria”, ārĩ gūñadima. Marĩpu gapu ĩgūsā iririre: “Ñetaria”, ārĩ ĩāmi.

Jesús, Marĩpu dorerire, ĩgū marĩ Opu āārĩrē werede

¹⁶ ‘Juan masakare wāiyedi ejaburo dupiyuro Marĩpu ĩgū Moisére doreri pídea merā, ĩgūya kerere weredupiyunerā buede merā marĩrē doredi āārĩmi. Dapagora gapure Juan ejadero pũru, Marĩpũya oārĩ kerere, ĩgūyarārē dorerire yu werea. Yū irire weremakū pērā, masaka ĩgūsā turari merā ĩgūyarārē dorerogure burō ñajādũama.

17 'Ūmugasi, i nikūde pererokoa. Iri perekeremakū, Marīpua Moisére doreri pídeare neō béobirikumi. Iri doreri merā āārīpereri ĩgū: “Āsū irigura”, ārīdeare iriyuwarikugakumi ĩgū ārīderosūta, ārīyupua Jesús.

Jesús masakare: “Mūsā marāposā nomerē béobirikōāka!” ārī buedea (Mt 19.1-12; Mr 10.1-12)

18 Irasū ārī odo, āsū ārīnemoyupua:

–Sugua ĩgū marāpore béo, gajigo merā marāpokugua, igo merā ñerō irigua yāmi. Gajigua béodeore marāpokugua igo merā ñerō irigua yāmi, ārīyupua.

Jesús doebiri wāri opaguya, gajigua Lázaro wāikuguya keori merā buedea

19 Pua Jesús gajī keori merā wereyupua doja:

–Sugua wāri doebiri opagua āārīdi āārīmī. Surī wajaparire sāñadi āārīmī. Irasirigua wāri opagua āārīsīā, ūmurikua bosenu irigua irirosū ōārī ditare baarikūdi āārīmī.

20 Gajigua bopogua Lázaro wāikugua, ĩgūya dupua āārīperero kāmikugua wāri doebiri opaguya wii makāpuro doanadi āārīmī.

21 Wāri doebiri opagua baamakū, bopogua gapua ĩgū baasiridijuri pogare baayapidugua, sea, baadi āārīmī. ĩgū iro doaripoe diayéa ĩgū puro eja, ĩgūya kāmire neerēnerā āārīmā.

22 Pua bopogua boakōādi āārīmī. ĩgū boamakū, Marīpua wereboerā paraíso wāikurogue Abraham āārīrōgue ĩgūrē āimurīānerā āārīmā. Mérōgā pua wāri doebiri opagude boakōādi āārīmī. ĩgū boamakū, ĩgūrē yāanerā āārīmā.

23 Irasirigua doebiri opagua āārādi boanerā āārīrōgue ejagua, buro poyari merā āārīdi āārīmī. ĩgū irogue āārīgū, ūmugasigūe ĩāmu, Abrahāre yoarogue āārīmakū ĩādi āārīmī. Lázarodere ĩgū merā āārīmakū ĩādi āārīmī.

24 Irasirigua buro gaguinīdi āārīmī: “Yua ñekū Abraham, bopoñarī merā ĩāka yure! Lázarore iriuka! ĩgū yure ĩgūya mojōsūrū merā dekore yosa, yaa nedirure yusañajāmakū irigua aariburo. Yua i peameguere buro poyagua irikoa”, ārīdi āārīmī.

25 ĩgū irasū ārīkeremakū, Abraham gapua ĩgūrē āsū ārīdi āārīmī: “Makua, okagua āārīgūgue āārīpererire ōārīrē opabua ma. Lázaro gapure ūmurikua ñerō waabu. Dapagorare ma ñerō tariripoere ĩgū gapua ōōguere usuyari merā āārīkōāgū yāmi.

26 'Gajī āsū āārā. Ūkūārī gobe miē āārā. Irasirirā ōōguere āārīrā ma purugere waamasībema. Ma purogue āārīrā ōōgue aaridukakererā, aarimasībema”, ārīdi āārīmī Abraham.

27 ĩgū irasū ārīmakū, doebiri opadi āsū ārīdi āārīmī: “Yua ñekū Abraham, mure buro sērēa. Lázarore yupuya wiigūe iriuka!

28 Yua su mojōma pererā pagupūrākua. Lázarore weredoregu iriuka, ĩgūsārē ōōguere ñerō waarōguere aaribirikōāburo, ārīgū”, ārīdi āārīmī.

29 ĩgū irasū ārīmakū, Abraham gapua yujudi āārīmī: “Marīpua ĩgū dorerire Moisére pídeare, Marīpua kerere weredupiyunerā gojadeadere opama ma pagupūrā. Irasirirā irire bue, buremuburo”, ārīdi āārīmī.

30 ĩgū irasū ārīmakū, doebiri opadi gapua yujudi āārīmī: “Yua ñekū Abraham, ĩgūsā irire opakakererā, ōārō buremubirikuma. Lázaro boadigūe masā, ĩgūsā puro waa, ĩgūsārē weremakū, ĩgūsā ñerō iririre bujawere, ĩgūsā gūñarīrē gorawayurākuma. Irasirirā ōārī gapure irirākuma pama yua pagupūrā”, ārīdi āārīmī.

31 ĩgū irasū ārīmakū, Abraham gapua ĩgūrē āsū ārī weredi āārīmī: “Ma pagupūrā Marīpua ĩgū dorerire Moisére pídeare, ĩgūya kerere weredupiyunerā

gojadeadere buremumerã, Lázaro boadigue masã, İğüsãrẽ weremakũdere Marĩpũre buremubirikuma”, ãrĩdi ããrĩmĩ Abraham, ãrĩ wereyupũ Jesús.

17

Gajirãrẽ ñerõ irimakũ iribirikõãka! ãrĩ weredea
(Mt 18.6-7, 21-22; Mr 9.42)

¹ Jesús İğũ buerãrẽ ãsũ ãrĩ wereyupũ:

–Masakare ñerõ irimakũ iriri, ããrĩnikõãrokoa. Gajirãrẽ ñerõ irimakũ irigano gapũ ñetariro tarigukumi.

² Sugũ yũre buremugũrẽ majĩğũ irirosũ ããrĩğũrẽ ñerõ irimakũ irigũ, bũro wajamoãsũgukumi. Irasiriro, İğũ gajigũre ñerõ irimakũ iriburi dupiyuro masaka İğũrẽ wãriye ãtãye merã wũnugũgue suasiu, wãdiyague meéyomakũ õãbukoa.

³ Irasirirã õãrõ pẽmasĩka musã! Mũyagũ murẽ ñerõ irimakũ İãğũ: “Irinorẽ iribirikõãka!” ãrĩka İğũrẽ! Irasirigũ İğũ ñerõ iriadeare bujawere, İğũ gũñarĩrẽ gorawayumakũ İãğũ, İğũ ñerõ iriadeare kãtika!

⁴ Irasirigũ sunũrẽ su mojõma pere gajĩ mojõ peru pẽrẽbejarigora murẽ ñerõ irimakũ İãğũ, irikũta murẽ kãtiri sẽrẽğũ ejamakũ, kãtika! ãrĩyupũ.

Marĩpũre buremurĩrẽ weredea
(Mt 13.31-32)

⁵ Jesús irasũ ãrĩmakũ pẽrã, İğũ buerã ãsũ ãrĩñũrã:

–Guare Marĩpũre buremunemomakũ irika!

⁶ İğũsã irasũ ãrĩmakũ, marĩ Opũ Jesús ãrĩyupũ:

–Marĩpũre musã buremurĩ opari, mostazayegã irirosũ mẽrõğã ããrĩkeremakũ, igũ sicõmoro wãikũdire: “Tũãduuawãğã, wãdiyague ejanũğãrõ waaka!” ãrĩbukoa. Musã buremurĩ merã doremakũ, musã ãrĩrõsũta waakoa, ãrĩyupũ.

Sugũ moãboerimasũ iririre weredea

⁷ Irasũ ãrĩ odo, ãsũ ãrĩnemoyupũ doja:

–Musã watopegue ããrĩğũ sugũ moãboegũre opakumi. İğũ poogũe moãkumi, o wekũare korekumi. ¿İğũ moã odo, wiigũe dujajamakũ İãrã, İğũrẽ: “Murĩgora, baagũ aarika!” ãrĩbukuri?

⁸ ãrĩbirikoa. ãsũ gapũ ãrĩkoa: “Yũ baaburire ãmuka! Pũrũ yũ baa, iirĩ iriripoere yũre baari sĩnemobu yũka! Yũ baa odoadero pũrũ, mũde baagũkoa pama”, ãrĩkoa musãrẽ moãboegũre.

⁹ ¿İğũ musã moãdorerire õãrõ irimakũ İãrã, İğũrẽ: “Õãa, mũ merã usũyãa”, ãrĩbukuri? ãrĩbirikoa.

¹⁰ Musãde İğũ irirosũta ããrĩpereri Marĩpũ dorerire iri odo, ãsũ ãrĩka! “Guare İğũrẽ moãboerã, ubu ããrĩrã ããrã. İğũ doreri guare pĩdea ditare iriabũ”, ãrĩka! ãrĩyupũ.

Jesús pe mojõmarã kãmi boarãrẽ taudea

¹¹ Gajĩnũ Jesús Jerusalẽgue waagũ, Samaria nikũ, Galilea nikũ watope tariwãğãyupũ.

¹² Iro ããrĩrĩ makãgue İğũ ejaripoe pe mojõmarã ãma kãmi boarã İğũrẽ bokatĩrĩrã aarĩñũrã. Kãmi boarã ããrĩsĩã, yoaweyarogue dujanũğã, suro merã gaguinĩñũrã:

¹³ –Jesús, buegũ, guare bopoñarĩ merã İãka! ãrĩñũrã.

¹⁴ Jesús İğũsãrẽ İãğũ, ãsũ ãrĩyupũ:

–Paĩare musãya dupũre İmurã waaka! ãrĩyupũ.

Īgūsā maague waaripoe Īgūsāya kāmi yaripereakōāyuro. Kāmi marīrā dujañurā.

¹⁵ Irasirig_u sug_u Īgūsā watopem_u Īgūya kāmi yarimakū ĩāgū, Jesús p_urogue gāmedujarig_u, busuro merā Marīp_ure: “Ōātaria mu”, ārī, usuyari sīyup_u.

¹⁶ Jesús p_uro ejag_u, Īgūya guburi p_uro ñadukupuri merā ejamejāja, Īgūya diapure yebague moomejāja, Jesúre: “Ōāa”, ārī, usuyari sīyup_u. Īgū Samariam_u āārīyup_u.

¹⁷ Jesús, Īgū sug_uta irasirimakū ĩāgū, āsū ārīyup_u:

—Pe mojōmarā āārāma kāmi tausūanerā. ¿Gajirā su mojōma pere gaji mojō wapik_udiru pērēbejarā gap_u noógue āārīkuri?

¹⁸ Ī ĩ g_uaya nikūm_u āārībi dita Marīp_ure usuyari sīgū gāmedujariañumi. ¿Nasirirā gajirā Īgū merā āārānerā gap_u aaribirayuri? ārīyup_u.

¹⁹ Irasū ārī odo, Īgūrē āsū ārīyup_u:

—Wāgānugā, waaka! M_u Marīp_ure b_uremurī opasīā, kāmi marīgū dujab_u, ārīyup_u.

*Jesús, Marīp_u doreri ejaburire weredea
(Mt 24.23-28, 36-41)*

²⁰ Iro āārīrā fariseo bumarā Jesúre āsū ārī sērēñañurā:

—¿Naāsū āārīmakū, Marīp_u Īgūyarārē doreri ejarokuri? ārīñurā. Īgūsā irasū ārīmakū pég_u, y_ujuyup_u:

—Marīp_u Īgūyarārē doreri ejamakū, m_usā ĩāmasībea.

²¹ “Marīp_u Īgūyarārē doreri oōgue āārāb_u, o sōōgue āārā”, ārīmasīña máa. Īgūyarārē doreri m_usā watopegue āārīsiáa, ārīyup_u.

²² Irasū ārī odo, Īgū buerārē āsū ārīyup_u:

—P_urugue y_u āārīpererā tīgū i ũmugue dupaturi aariburire b_uro ĩād_uarākoa. Y_u aariburi dupiyuro sun_u y_ure ĩād_uakererā, neō sun_u ĩābirikoa.

²³ Gajirā m_usārē āsū ārīrākuma. “Īāka! Cristo oōta āārīmi”, o gajirā: “Cristo sōōgue āārāmi”, ārīrākuma. Īgūsā irasū ārīkeremakū, Īgūsārē neō t_uyabirikōāka!

²⁴ Y_u āārīpererā tīgū i ũmugue dupaturi aarigú, bupu āārīperero ũmarōrē gūñaña marīrō miārōsū, gūñaña marīrō aarig_ukoa.

²⁵ Y_u dupaturi aariburo dupiyuro y_ure b_uro ñerō tariro āārā. Dapagora marā y_ure gāāmebirikuma.

²⁶ Noé āārīdeapoe marārē waaderosūta y_u āārīpererā tīgū aariburo dupiyurogārē waarokoa.

²⁷ Noé āārīdeapoere masaka baa, iirí, mojōs_uhaunanerā āārīmá. Īgūsā pūrā nomerē nomesunanerā āārīmá. Noé doódiru wádirugue ñajārīn_uguedere irasūta iriníkōāunanerā āārīmá. P_ur_u Marīp_u Īgūsā āārīpererārē miübéopeokōādi āārīmí. Irasūta waarokoa y_u dupaturi aarimakūdere.

²⁸ Lot āārīdeapoedere m_urārōta iriunanerā āārīmá. Baa, iirí, wajari, dua, ote, wiirire iriunanerā āārīmá.

²⁹ Īgūsā irasū iriripoe Īgūsāya makā Sodoma wāikuri makārē Lot wirideanurē deko merērōsū, ũmugasima peame, azufre wāikuri poga ũjūdjari, Īgūsārē wējēpeokōādero āārībú.

³⁰ Y_u āārīpererā tīgū gūñaña marīrō i ũmugue dupaturi aarirínurē masakare irasūta waarokoa.

³¹ Irasū waaripoere sug_u Īgūya wii wekague āārīgú, wii poekague Īgūyare āīgū dijabirikōāburo. M_urārōta gajig_u Īgūya poegue āārīgú, Īgūya wiigue dujāabirikōāburo.

³² Lot marāpo igoya makārē iāgāmedujugo, moā turu irirosū poyanugādeare gūñaka!

³³ Sugū ĩgūya āārĩburi ditare gūñagū perebiri peamegue waadederigukumi. Gajigū yaare gūñagū tarigukumi. Marĩpū pūroque waagukumi ĩgū merā ōārō āārĩnĩbu.

³⁴ Mūsārē werea. Irasū waaburi ñamirē, pērā peyarogue kārĩrākuma. Sugū yare buremugū āisūgukumi. Gajigū yare buremubi dujagukumi.

³⁵ Nomedē pērā ojoduka biurā āārĩrākuma. Sugo yare buremugō āisūgokumo. Gajigo yare buremubeo dujagokumo.

³⁶ Pērā poeugere moārā āārĩrākuma. Sugū āisūgukumi. Gajigū dujagukumi, āĩyupū.

³⁷ ĩgū irasū ārĩmakū pērā, ĩgū buerā sērēñañurā:

—Gūa Opū, ¿noogue irasū waarokuri? ārĩñurā.

Jesús yajuyupū:

—Mimua nerēmakū ĩārā, masaka sugū waibu boadi āārĩrōrē masĩkuma. I irirosū yū aarimakū ĩārā, ĩgūsā wajamoāsūburire masĩrākuma, ārĩ wereyupū Jesús.

18

Jesús sugo wapiweyo, weresārĩrē beyerimasū keori merā buedea

¹ Pūru Jesús ĩgū buerārē buegū, āsū ārĩyupū: “Mūsā Marĩpūre sērērā, piriro marĩrō gūñaturari merā sērēka!” ārĩyupū. Irasirigū i keori merā wereyupū.

² Āsū ārĩyupū:

—Su makārē sugū weresārĩrē beyerimasū āārĩkumi. ĩgū Marĩpūre, masakadere buremubirikumi.

³ Iri makārēta sugo wapiweyo āārĩkumo. Igo ĩgū pūroque ĩgūrē iritamurĩ sērēgō waanakumo: “Yare ĩaturigūre wajamoādoreka!” ārĩnakumo.

⁴ Igo irasū ārĩrikū, igore: “Iribirikoā”, ārĩnakumi. ĩgū irasū ārĩkeremakū, wārĩ ĩgūrē sērē, garibokumo. Igo gariborire piribirimakū ĩāgū, āsū ārĩ gūñakumi ĩgū basi: “Yū Marĩpūre, masakadere buremubi āārĩkeremakū,

⁵ igo yare garibotarimo. Yare irasū garibogo yare gariboreamakū yāmo. Irasirigū igore ĩaturigūre igo weresārĩrē pé, ĩgūrē wajamoādoregukoa pama”, ārĩkumi, ārĩ wereyupū Jesús.

⁶ Irasū ārĩ odo, marĩ Opū werenemoyupū:

—Ĩrĩ weresārĩrē beyerimasū ñegū āārĩkeregū, igo sērēnĩrĩrē pékumi. ĩgū irasirideare ōārō pémasĩka mūsā!

⁷ ĩgū nemorō Marĩpū gapū ĩgū beyenerārē ūmurĩ, ñamirĩ ĩgūrē burō sērēnĩrārē iritamugukumi. “Iritamubirikoa”, ārĩbirikumi ĩgūsārē.

⁸ Mūsārē werea. Marĩpū gajirā ĩgūsārē ñerō irimakū ĩāgū, ĩgūsā sērērĩrē pé, yooboro marĩrō ĩgūsārē iritamugukumi. ¿ĩgū irasū ōārō pégū āārĩkeremakū, yū āārĩpererā tĩgū i ūmugue dupaturi aarigú, Marĩpūre buremurārē ĩgūrē sērērārē bokagukuri? ārĩyupū.

Jesús fariseo bumū, gajigū romano marā opūre niyeru wajaseabosarimasū keori merā buedea

⁹ Jesús irasū ārĩ odo, gajĩ keori merā bueyupū. “Gūa gapū ōārā āārā. Gajirā gapū ñerō irirā āārĩma”, ārĩ gūñarārē i keori merā āsū ārĩ wereyupū:

¹⁰ —Pērā ūma Marĩpūya wiigūe ĩgūrē sērērā waakuma. Sugū fariseo bumū, gajigū romano marā opūre niyeru wajaseabosarimasū āārĩkuma.

¹¹ Fariseo bumū gapū ejanugā, ĩāmu, āsū ārĩ werenĩkumi: “Gūapū, yū murē usuyari sĩa. Yū, gajirā yajarimasā, ñerĩ iririmasā, nome merā ñerō iririmasā

irirosũ ããrĩbea. Irasũ ããrĩmakũ, neõ ñi romano marã opũre niyeru wajasea-bosarimasũ irirosũ ããrĩbea. Irasirigu mũrẽ usũyari sĩa.

¹² Semanarikũ penũ berea mũrẽ bũremugũ. Pe mojõma niyeru koeri wajatagũ, su koe mũrẽ sĩa. ããrĩpereri yũ wajatarire mũrẽ irasũ dita sĩa”, ãrĩkumi.

¹³ Niyeru wajaseabosarimasũ gapũ neõ ñajãrõgue dujanugã, muúsiunugãja, ñgũ ñerĩ oparire gũña, bũjawere, ãmũgasigue neõ ñãmurõ marĩrõ ñgũya ko-retibire pá, ãsũ ãrĩkumi Marĩpũre: “Yũ ñegũ ããrã, irasirigu yũre bopoñarĩ merã ñãka!” ãrĩkumi.

¹⁴ Mũsãrẽ werea. Ñi niyeru wajaseabosarimasũ, Marĩpũ ñũrõ õãgũgue ñgũya wiigũ dujãakumi. Fariseo bumũ gapũ, Marĩpũ ñũrõ waja opagũta ñgũya wiigũ dujãakõãkumi. ãsũ ããrã. Sugũ ñgũ basi: “Gajirã nemorõ õãgũ ããrã”, ãrĩ gũñagũnorẽ Marĩpũ ñgũrẽ ubu ããrĩgũ ããrĩmakũ irigũkumi. Gajigu Marĩpũre: “Ñerõ iriabũ, irasirigu yũre bopoñarĩ merã ñãka!” ãrĩgũ gapũre Marĩpũ ñgũ ñũrõ õãgũ ããrĩmakũ irigũkumi, ãrĩ wereyupũ Jesús.

*Jesús majĩrãya ããrĩburire Marĩpũre sãrẽbosadea
(Mt 19.13-15; Mr 10.13-16)*

¹⁵ Pũrũ masaka majĩrãgãrẽ Jesũre moãñadorerã ñgũ pũro ãñjañurã. ñgũsã ãñjamakũ ñãrã, Jesús buerã ñgũsãrẽ bokatĩrĩ: “Ñgũrẽ garibobirikõãka!” ãrĩñurã.

¹⁶ Jesús gapũ majĩrãgãrẽ ñgũ pũro siiu, ñgũ buerãrẽ ãrĩyupũ:

—Majĩrã yũ pũrogue aariburo. Kãmutabirikõãka ñgũsãrẽ! Marĩpũ ñgũyarãrẽ dorerogue ããrĩmurã, ñĩsã majĩrã yũre usũyari merã bokatĩrĩñẽrã irirosũ ããrĩma.

¹⁷ Diayeta mũsãrẽ werea. Ñĩsã majĩrã Marĩpũre ñgũsã Opũre gããmerã irirosũ ããrĩmerãno, ñgũyarãrẽ dorerogũre waabirikuma, ãrĩyupũ.

*Sugũ maamũ wãri doebiri opagũ Jesús merã werenĩdea
(Mt 19.16-30; Mr 10.17-31)*

¹⁸ Pũrũ sugũ judío masaka oparã merãmũ Jesũre sãrẽñayupũ:

—Õãgũ buegũ, yũ ãmũgasigue perebiri okarire wajatadũagũ, ¿ñeéonorẽ irigũkuri? ãrĩyupũ.

¹⁹ Jesús ñgũrẽ ãrĩyupũ:

—¿Nasirigu yũre: “õãgũ”, ãrĩrĩ? Marĩpũ sugũta õãgũ ããrĩmi.

²⁰ Mũ, ñgũ doreri pídeare masĩa: Gajigu marãpo merã ñerõ iribirikõãka! Masakare wẽjẽbirikõãka! Yajabirikõãka! Gajirãyamarẽ ãrĩkatori merã were-birikõãka! Mũ pagũsãmarãrẽ gopeyari merã bũremuka! ãrĩyupũ.

²¹ ñgũ irasũ ãrĩmakũ pégũ, Jesũre yũjũyupũ:

—Iri doreri ããrĩpererire majĩgũgãgueta iripeosiabũ yũ, ãrĩyupũ.

²² ñgũ irasũ ãrĩmakũ pégũ, Jesús ñgũrẽ ãsũ ãrĩyupũ:

—Mũrẽ su wãĩ dũyãa. ããrĩpereri mũ oparire duagũ waaka! Mũ duadea wajare boporãrẽ guereka! Irasirigu ãmũgasiguere wãri õãrĩ opagũkoa. Odo, yũ merã aarika! ãrĩyupũ.

²³ ñgũ irasũ ãrĩmakũ pégũ, ñgũ gapũ ñgũ wãri oparire maĩsã, bũro bũjawereri merã ããrĩnũgãyupũ.

²⁴ ñgũ bũjaweremakũ ñãgũ, Jesús ãsũ ãrĩyupũ:

—Wãri doebiri oparãrẽ Marĩpũ ñgũyarãrẽ dorerogue ñgũsã waadũamakũ diasatariakõãa.

²⁵ Camellu awiru gobegãgue ñajãtariweremasĩbirikumi. I nemorõ wãri doebiri opagũre Marĩpũ ñgũyarãrẽ dorerogue waamakũ diasãa, ãrĩyupũ.

²⁶ ñgũ irasũ ãrĩmakũ pãrã, masaka ãsũ ãrĩñurã:

—Iro merē, ¿noã gapu Marĩpu tausũmurã ĩgũ pũrogue waamurã ããrĩbukuri? ãrĩñurã.

²⁷ Jesús ĩgũsãrē ãrĩyupu:

—Masaka ĩgũsã basi ĩgũsã iriri merã Marĩpu pũrogue waamasĩbema. Marĩpu dita ĩgũsãrē ĩgũ pũro ããrĩmurã waamakũ irimasĩmi, ãrĩyupu.

²⁸ ĩgũ irasũ ãrĩmakũ pégũ, Pedro ĩgũrē ãrĩyupu:

—Gua Opu, gua murē tuyarã, ããrĩpereri gua opadeare pípeokõãbu, ãrĩyupu.

²⁹ ĩgũrē Jesús ãsũ ãrĩ yujuyupu:

—Diayeta musãrē werea. Marĩpu ĩgũyarãrē doreri kerere wererã waarã, ĩgũsãya wiirire, marãposã nomerē, ĩgũsã pagupũrãrē, pagusãmarãrē, pũrãrē pípeorã, wãri õãrĩ wajatarãkuma.

³⁰ ĩgũsã iro dupiyuro opaderosũ i ãmũguere nemorõ wãri õãrĩ wajatarãkuma. Pũru i ãmu peremakũ, ãmũgasigue perebiri okari oparãkuma Marĩpu merã ããrĩnĩmurã, ãrĩyupu.

Dupaturi Jesús ĩgũ boaburire weredeã

(Mt 20.17-19; Mr 10.32-34)

³¹ Pũru Jesús ĩgũ buerãrē pe mojõma pere su gubu peru pẽrẽbejarã ditare siiuwãgã, ãrĩyupu:

—Õãrõ péka! Marĩ Jerusalégue waarã yãa. Irogue ããrĩpereri Marĩpũya kerere weredupiyunerã yũre ããrĩpererã tĩgũrē gojaderosũta yũre waarokoa.

³² Irasirirã yũre ñeã, judío masaka ããrĩmerãguere wiarãkuma. ĩgũsã yũre burida, ñerõ werení, síku eotúbirarãkuma.

³³ Yũre burõ tãrãrãkuma. Irasiri odo, wẽjẽrãkuma. ĩgũsã yũre wẽjẽadero pũru, urenu waaró merã masãgũkoa, ãrĩyupu.

³⁴ ĩgũ buerã ĩgũ irasũ ãrĩ wererire ããrĩpererire neõ pémasĩbiriñurã. Marĩpu irire ĩgũsãrē pémasĩmakũ iribiriyupu dapa.

Jesús Jericómurē koye ããbire taudeã

(Mt 20.29-34; Mr 10.46-52)

³⁵ Pũru Jesús Jericó wãĩkũri makã tũrogue ejaripoe ĩgũ waarí maa tũro sugũ koye ããbi niyeru sãrẽ doanĩyupu.

³⁶ Irasirigũ masaka wãrã ĩgũ pũro tariwãgãnamakũ pégũ, iro ããrĩrãrẽ sãrẽñayupu: “¿Nasirirã masaka wãrã tariwãgãnarĩ?” ãrĩyupu.

³⁷ —Jesús Nazaretmũ aarigũ yãmi, ãrĩñurã.

³⁸ ĩgũsã irasũ ãrĩmakũ pégũ, ãsũ ãrĩ gaguinĩyupu:

—Jesús, David parãmi ããrĩturiagu, yũre bopoñarĩ merã ããka! ãrĩyupu.

³⁹ ĩgũ irasũ ãrĩ gaguinĩmakũ, masaka ĩgũ dupiyuro ããrĩrã gapũ ĩgũrẽ: “Toeaka!” ãrĩñurã. ĩgũsã irasũ ãrĩkeremakũ, ĩgũ gaguinĩadero nemorõ gaguinĩnemoyupu:

—David parãmi ããrĩturiagu, yũre bopoñarĩ merã ããka! ãrĩyupu.

⁴⁰ ĩgũ irasũ ãrĩmakũ pé, Jesús dujanũgãja, masakare: “Ãĩrika ĩgũrẽ!” ãrĩyupu. ĩgũ irasũ ãrĩmakũ pãrã, gajirã ĩgũrẽ ãĩwãgãñurã. ĩgũ pũrogue ãĩjamakũ, Jesús ĩgũrẽ sãrẽñayupu:

⁴¹ —¿Neenorẽ yũ murē irimakũ gããmerĩ? ãrĩyupu.

—Yũ Opu, yũre koye ããmakũ irika! ãrĩ yujuyupu.

⁴² —Jãu, ããka pama! Mũ yũre buremurĩ opãa. Irasirigũ tausũa, ãrĩyupu Jesús ĩgũrẽ.

⁴³ ĩgũ irasũ ãrĩmakũta, õãrõ ããmasĩakõãyupu. Irasirigũ Jesũre tuyawãgã, Marĩpũre: “Õãtaria mũ”, ãrĩ, usũyari sũyupu. ããrĩpererã ĩgũrẽ irasũ waamakũ ããrãde, Marĩpũre usũyari sũñurã.

19

Jesús Zaqueore ñábokadea

¹ Puru Jesús Jericógue eja, iri makārē tariwāgāgū iriyuru.

² Irore sugu masaku Zaqueo wāikugū wári doebiri opagu, romano marā opure niyeru wajaseaboerimasā opu āārīyuru.

³ Īgū Jesúre ñādudiyuru. Masaka wārā watopeguere ūmabi āārīsīā, Jesúre neō ñábokabiriyuru.

⁴ Irasirigu ūmadupiyuwāgā, Jesús tariwāgāburo purumu yuku sicómoro wāikudigue murīayuru ĩgūrē: “Īgura”, ārīgū.

⁵ Jesús irigu puro tariagu, ūmarōgue peyagure ñáboka, ĩgūrē āsū ārīyuru:

–Zaqueo, murīgora, dijirika! Yu dapagārē muya wiita dujagukoa, ārīyuru.

⁶ Īgū irasū ārīmakū pé, Zaqueo mumurō merā dijiri, Jesúre buro usuyari merā bokatīrīgū waayuru.

⁷ Īgū irasirimakū ñārā, āārīpererā masaka werewuñurā: “¿Nasirigu Jesús ñegūya wiigie dujagu waári?” ārīñurā.

⁸ Irasirigu Zaqueo ĩgūya wiigie ejadero puru, wāgānugā, marī Opu Jesúre ārīyuru:

–Yu Opu, péka! Gajino boporārē yu oparire deko merā dukawagura. Yu gajirārē ārīkatori merā yajadeare wapikuri āārīnemorō ĩgūsārē wiagura, ārīyuru.

⁹ Jesús irire pégu, iri wii āārīrārē āsū ārīyuru:

–Dapagā merā ĩgū, ĩgūya wii marā, ĩgūsā ñerō iridea wajare tausūma. Īgūde Abraham parāmi āārīturiagu, yure buremugū āārīmi.

¹⁰ Yu āārīpererā tīgū perebiri peamegue waadederibonerārē āma, taugu aarigū iribu, ārīyuru.

Jesús pe mojōma niyeru koeri keori merā buedea

¹¹ Jesús Zaqueo merā werenimakū masaka péñurā. Īgū Jerusalén turogue āārīmakū ñārā, āsū gūñañurā: “Gūñaña marīrō Marīpu ĩgūyarārē dorero ejaburo yāa”, ārī gūñañurā. Irasirigu Jesús keori merā ĩgūsārē

¹² āsū ārī wereyuru:

–Sugu masaku, opu ñajāburo dupiyuro yoarogue gaji nikūgue waakōākumi. Īgūrē opu sóoadero puru, ĩgūya nikūrē goekumi.

¹³ Īgū waaburo dupiyuro ĩgūrē moāboerā pe mojōmarārē siiukumi. Siiu, ĩgūsāku su koe wajapari niyeru koe sī, ĩgūsārē āsū ārīkumi: “Yu iroguē āārīripoe i niyeru koe merā gajino wajari, duaka, gaji niyeru koeri wajatanemomurā!” ārīkumi.

¹⁴ Irasū ārī odo, opu ñajābu waakōākumi pama. Īgūya nikū marā gapu ĩgūrē gāāmebirikuma. Irasirirā, ĩgū waadero puru, gajirārē ĩgūrē weredorerā iriukuma. Irasirirā ĩgūrē: “Mu, gu opu āārīmakū gāāmebea”, ārīkuma.

¹⁵ Īgūsā ĩgūrē gāāmebirikeremakū, ĩgūsā opu ñajākumi. Opu ñajāa odo, ĩgūya nikūgue goedujāakumi. Irasū goedujajagu, ĩgūrē moāboerārē ĩgūsā niyeru koe merā wajatanemoadearē masību, ĩgūsārē siiukumi.

¹⁶ Īgū puro ejapurorigu āsū ārīkumi: “Yu opu, mu niyeru koe yure sīdea koe merā gaji pe mojōma koeri wajatanemobu”, ārīkumi.

¹⁷ Īgū irasū ārīmakū pégu, ĩgū opu ārīkumi: “Ōāgorāa. Mu yure moāboegu ōāgū āārā. Yu dorederosūta yu mérōgā murē pídea merā ōārō iriyo. Irasirigu pe mojōma makārīrē doregu āārīgukoa”, ārīkumi ĩgū opu ĩgūrē.

¹⁸ Puru gajigu āsū ārīkumi: “Yu opu, mu niyeru koe yure sīdea koe merā gaji su mojōma koeri wajatanemobu yude”, ārīkumi.

19 Īgũ irasũ ārĩmakũ pégu, Īgũ opu ārĩkumi: “Su mojõma makārĩrē doregu āārĩgũkoa”, ārĩkumi.

20 Pũru gajĩgu āsũ ārĩkumi: “Yũ opu, mũya niyeru koe õõ āārã. Iri koere surĩro gasiro merã õma, duripĩbũ.

21 Mũ gajirãrē bũro turaro merã moãdoregu āārã. Mũ basi moãbirikeregu, otebi āārĩkeregu, mũrē moãboerãrē oterire otedore, Īgũsãrē oteri dukare seadore, irire mũ basita opãa. Irasirĩgu mũrē gũiabũ”, ārĩkumi Īgũ opu.

22 Īgũ irasũ ārĩmakũ pégu, Īgũ opu ārĩkumi: “Mũ yũre moãboegu ñegũ āārã. Irasirĩgu mũrē wajamoãgũra. Mũ yũre wereri merãta mũrē weregũra. Mũ yũre āsũ ārã: ‘Mũ gajirãrē bũro turaro merã moãdoregu āārã. Mũ basi moãbirikeregu, otebi āārĩkeregu, mũrē moãboerãrē oterire otedore, Īgũsãrē oteri dukare seadore, irire mũ basita opãa’, ārã mũ yũre.

23 Mũ irasũ ārĩgũ, ¿nasirĩgu yũ mũrē sĩdea koere niyeru duripĩri wiigwe duripĩbiriri? Irogue duripĩmakũ, i wii moārã iri koe merã wãro wajatanemobosabukuma mũrē. Irasirĩgu, yũ goejagu, mũ yũre Īgũsã iriri merã wajatanemobosadeare ñeãboakuyo”, ārĩkumi Īgũ opu Īgũrē.

24 Irasũ ārĩ odo, gajirãrē Īgũ pũro āārĩrãrē ārĩkumi: “Īgũrē niyeru koere ãma, pe mojõma koeri opagu gapũre sĩka!” ārĩkumi.

25 Īgũ irasũ ārĩmakũ, Īgũsã āsũ ārĩkuma Īgũrē: “Gũa opu, pe mojõma koeri opagu opasiami”, ārĩkuma.

26 Īgũsã irasũ ārĩmakũ, opu āsũ ārĩ yũjukumi: “Mũsãrē werea. Āārĩpererã Īgũsã opari merã õārõ irirã õārĩrē sĩnemosũrãkuma. Gajirã õārõ irimerã Īgũsã mérõgã opadideare ãmapeokõãsũrãkuma.

27 Dapagorata yũre ĩaturĩrãrē yũre opu ñajãmakũ gããmemerãrē yũ pũrogue āĩrika! Yũ ĩũrõ wējẽka Īgũsãrē!” ārĩkumi opu Īgũrē moãboerãrē, ārĩ wereyupu Jesús.

Jesús Jerusalẽgue ejadea

(Mt 21.1-11; Mr 11.1-11; Jn 12.12-19)

28 Irasũ ārĩ odo, gajirã dupiyuro Jerusalẽgue waayupu doja.

29 Irogue waa, Betfagé, Betania wãĩkũdi makãrĩ pũro ejarũroriyupu. Iri makãrĩ, Olivos wãĩkũdi ãtãũ āārĩdujimejãrõgue āārĩyuro. Irogue ejaгу, Īgũ buerã pẽrãrē āsũ ārĩ iriuyupu:

30 —Si makã marĩ bokatĩũrõ āārĩrĩ makãgue waaka! Iro ejarã, sugũ burrore Īgũsã suanũadire neõ suñarõ peyasũña marĩgũrē bokajarãkoa. Īgũrē kura, õõgue āĩrika!

31 Sugũ mũsãrē: “¿Nasirimurã Īgũrē kurari?” ārĩmakũ: “Marĩ Opu gããmeami”, ārĩka! ārĩ iriuyupu.

32 Īgũ irasũ ārĩmakũ, Īgũ buerã pẽrã makãgue waañurã. Irogue Jesús Īgũ ārãderosũta waayuro.

33 Irasirirã burrore Īgũsã kuramakũ ĩãrã, Īgũ oparã Īgũsãrē sērẽñañurã:

—¿Nasirimurã burrore kurari? ārĩñurã.

34 Īgũsã irasũ ārĩmakũ pẽrã, āsũ ārĩ yũjuñurã:

—Marĩ Opu Īgũrē gããmeami, ārĩñurã.

35 Pũru burrore Jesús pũrogue āĩñurã. Āĩja, Īgũsãya wekama surĩre túwea, burro weka peo, Jesúre Īgũ wekague mũrĩbejamakũ irĩñurã.

36 Jesús peyawãgãrimakũ, masaka Īgũsãya wekama surĩre túwea āĩ, Īgũ waaburi maarẽ sēõpĩdupiyuñurã Īgũrē bũremurã.

37 Irasirirã Jerusalén pũrogue eja, Olivos wãĩkũdi ãtãũ dijarirã, āārĩpererã Jesúre bũremurã Īgũrē irogue tũyanerã āārĩpereri Īgũ Marĩpu turaro merã

iri ĩmumakũ ĩãdeare gũñarã, usuyari merã Marĩpure: “Õãtaria mu”, arĩ, buro gaguinĩñurã ĩgũrẽ buremurã.

³⁸ Āsũ arĩñurã:

Marĩ Opure usuyari sĩrã! ĩ Marĩpu marĩrẽ taugu iriudi õãrõ aariburo. Ĕmugasigue ããrĩrã siñajãburo.

ĩgũsãde Marĩpure: “Õãtaria mu ããrĩpererã Opure ããrĩgũ”, arĩ, usuyari sĩburo, arĩñurã.✠

³⁹ ĩgũsã irasũ arĩmakũ pérã, surãyeri fariseo bumarã irogue ããrĩrã Jesũre arĩñurã:

—Buegu, mu buerãrẽ wereka! Toedoreka ĩgũsãrẽ! arĩñurã.

⁴⁰ ĩgũsã irasũ arĩmakũ, Jesũs ĩgũsãrẽ yujuyupu:

—Musãrẽ werea. ĩgũsã usuyari merã werenĩbirimakũ, Marĩpu i ãtãyerire gaguinĩmakũ iribukumi, arĩyupu.

⁴¹ Pupu Jesũs Jerusalén turo eja, iri makãrẽ ĩã, oreyupu.

⁴² Āsũ arĩyupu:

—Jerusalén marã, dapagã Marĩpu musãrẽ õãrõ siñajãrĩ sĩduarire pemasĩmakũ õãtariboakuyo. Marĩpu irasũ sĩduakeremakũ, musã irire neõ pemasĩduabea. Irasirigu Marĩpu musãrẽ irire pemasĩdorebemi.

⁴³ Irasiriro musãrẽ ñerõ waarinu ejarokoa. Musãrẽ ĩaturirã musãya makã turore wea kãmutamejãjarãkuma. Musã wiriboadeare ããrĩpererogue biapeokõãrãkuma musãrẽ ñeãmurã.

⁴⁴ Irasirirã musãrẽ yebague wẽjẽmeépĩrãkuma. Musãrẽ iri makã marã ããrĩpererãrẽ wẽjẽpeokõãrãkuma. Ĕtãyeri weadeade neõ gajiyewe dukujabiriko. Musãrẽ Marĩpu ĩgũ tauduarinu ejakeremakũ, musã ĩgũrẽ ĩãmasĩbiridea waja, ĩgũrẽ béodea waja irasũ waarokoa, arĩ wereyupu Jesũs.

*Jesũs Marĩpuya wiigue duarãrẽ béowiudea
(Mt 21.12-17; Mr 11.15-19; Jn 2.13-22)*

⁴⁵ Pupu Jerusalẽgue ejagu, Jesũs Marĩpuya wiigue ñajãyupu. Irogue ñajãa, doebiri duarãrẽ, ĩgũsã duarire wajarirãdere bokaja, ĩgũsãrẽ béowiuyupu.

⁴⁶ ĩgũsãrẽ ãsũ arĩyupu:

—Marĩpu ĩgũya werenĩrĩ gojadea pũgue ãsũ arĩdi ããrĩmĩ: “Yaa wii, yure buremurã yure sãrẽrĩ wii ããrã”, arĩdi ããrĩmĩ. Musã gapu yajarimasãya wii irirosũ ããrĩmakũ yãa, arĩyupu Jesũs.

⁴⁷ Ĕmariku Jesũs Marĩpuya wiigue masakare buegu waanayupu. ĩgũ irasũ buegu ejamakũ ĩã, Moisés gojadeare buerimasã, paía oparã, gajirã judío masaka oparãde: “¿Nasiri ĩgũrẽ wẽjẽrãkuri?” arĩ gũñamañurã.

⁴⁸ ĩgũsã ĩgũrẽ wẽjẽduakeremakũ, masaka ããrĩpererã ĩgũ werenĩrĩrẽ õãrõ pẽnũñurã. Irasirirã Jesũre wẽjẽduarã: “Āsũ irirã, ĩgũrẽ wẽjẽmurã”, arĩ, ãmumasĩbiriñurã.

20

*Judío masaka oparã Jesũre: “¿Noã marẽ doreri?” arĩ sãrẽñadea
(Mt 21.23-27; Mr 11.27-33)*

¹ Gajinu Jesũs Marĩpuya wiigue ããrĩrãrẽ Marĩpu masakare tauri kerere buegu iriyupu. ĩgũ irasũ buemakũ, paía oparã, Moisés gojadeare buerimasã, judío masaka marã merã ĩgũ purogue eja,

² ĩgũrẽ sãrẽñañurã:

—Wereka guare! ¿Noã marẽ doreri, mu irasirimakũ? ¿Noã marẽ: “Āsũ irika!” arĩrĩ? arĩñurã.

✠ 19:38 Sal 118.26

³ Jesús ìgūsārē yujuyupũ:

–Yũde musārē sērēñagura. Yujuka yudere!

⁴ Juan masakare deko merã wãiyemakũ, ¿noã ìgũrē wãiyedoregũ iriuyuri, Marĩpũ, o masaka? arĩyupũ.

⁵ Ìgũ irasũ arĩmakũ pérã, ìgūsã basi àsũ arĩ gãme werenĩñurã:

–¿Naásũ arĩ yujurākuri marĩ? “Marĩpũ Juãrē doredi ãarĩmĩ”, marĩ arĩmakũ, Jesús marĩrē: “¿Nasirirã ìgũ weredeare bũremubiriri musã?” arĩbukumi.

⁶ ãarĩpererã masaka: “Diayeta Juan Marĩpũyare weredupiyudi ãarĩmĩ”, arĩ gũñama. Marĩ: “Masaka Juãrē wãiyedorenerã ãarĩmã”, arĩmakũ, masaka marĩrē ütãyeri merã dearākuma, arĩñurã.

⁷ Irasirirã Jesúre àsũ arĩ yujũñurã:

–Juãrē wãiyedoredire gũa masĩbea, arĩñurã.

⁸ Ìgūsã irasũ arĩmakũ, Jesús ìgūsārē arĩyupũ:

–Iro merē musã yũre: “¿Noã murē irire doreri?” arĩ sērēñadeare yũde musārē yujubea, arĩyupũ.

Jesús ñerã moãrã keori merã buedea

(Mt 21.33-44; Mr 12.1-11)

⁹ Pũrũ Jesús i keori merã masakare àsũ arĩ buenũgãyupũ:

–Sugũ masakũ ìgũya pooegue iguidarire otekumi. Ote odo, gajirãrē iri pooere wayu: “Yũ otedea dukare deko merã sĩrãkoa, yũ musārē iri pooere wayuri waja”, arĩkumi. Irasũ arĩ odo, gajirogue waakõãkumi. Yoaripoe deyomarĩkumi.

¹⁰ Pũrũ igui ñĩripoe ãarĩmakũ, ìgũrē moãboegure ìgũya pooema oteri dukare deko merã sērēdoregũ iriukumi. Pooere moãrã gapũ ìgũ iriuidire irogue ejamakũ ìarã, ìgũrē pákuma. Neõ sutõ iguitõ sĩrõ marĩrõ ìgũrē iridujukuma.

¹¹ Pũrũ pooe opũ gajigũ ìgũrē moãboegure iriuidikumi doja. Pooere moãrã gapũ ìgũdere pá, ñerõ irikuma. Neõ gajino sĩrõ marĩrõ ìgũdere iridujukuma.

¹² Pũrũ pooe opũ gajigũ ìgũrē moãboegure iriuidikumi doja. Pooere moãrã gapũ ìgũrē kãmitú, iri pooe tũrogue béokõãkuma.

¹³ Ìgūsã irasiriadero pũrũ, pooe opũ àsũ arĩ gũñakumi: “¿Nasirigukuri yũ?” arĩkumi. “Àsũ irigũra. Yũ magũ yũ maĩgũrē iriugũra. Ìgũrē iriumakũ, ìgũrē bũremurākuma”, arĩ gũñadikumi.

¹⁴ Irasirigũ ìgũ magũrē iriukumi. Ìgũ irogue ejamakũ ìarã, pooe moãrã gapũ ìgūsã basi àsũ arĩ gãme werenĩkuma: “Ìta pũrũguere i pooere opabu ãarĩmĩ. Ìgũrē wējẽkõãrã! Irasirirã marĩ basi i pooere oparãkoa”, arĩkuma.

¹⁵ Irasirirã ìgũrē ñeã, pooe tũrogue ãiwãgã, wējẽbéokõãkuma, arĩyupũ Jesús.

Irasũ arĩ odo, ìgūsārē sērēñayupũ:

–Musã péñamakũ, ìgũ magũrē wējẽadero pũrũ, ¿nasirigukuri pooe opũ ìgũya pooere moãrãrē? Àsũ irigũkumi.

¹⁶ Irogue waa, ìgūsārē wējẽ, iri pooere gajirã gapũre sĩgũkumi, arĩyupũ Jesús.

Ìgũ irasũ arĩmakũ pérã, masaka gapũ àsũ arĩñurã:

–Neõ marĩrē irasũ waabirikõãburo, arĩñurã.

¹⁷ Jesús gapũ ìgūsārē ìã, àsũ arĩ sērēñayupũ:

–Marĩpũya werenĩrĩ gojadea pũgue àsũ arĩ gojasũdea, ¿naásũ arĩdũaro yãri? Àsũ arĩ gojasũdero ãarĩbũ:

Suye ütãyere wii iririmasã béoadeaye merã gajigũ gapũ õãrõ turari wii irigũkumi.*

¹⁸ Sugũ i ütãye weka meémejãgũ, mutãkõãgũkumi. I ütãye gapũ ìgũ weka meébejaro ìgũrē õãrĩ pogagãgue meémutũbéokõãrokoa, arĩyupũ Jesús.

* 20:17 Sal 118.22

*Romano marã opu masakare niyeru wajasearire Jesúre sêrêñadea
(Mt 21.45-46; 22.15-22; Mr 12.12-17)*

¹⁹ Paía oparã, Moisés gojadeare buerimasãde ìgũ i keori merã irasũ ãrĩ were-makũ pérã: “Marĩrê: ‘Pooe moãrã irirosũ ñerã ããrã’, ãrĩgũ irikumi”, ãrĩ péña, ìgũrê peresu irimurã bũro ñeãduadiñurã. Irasũ ñeãduakererãta: “Masaka, ìgũrê marĩ irasirimakũ ìãrã, marĩ merã guarãkuma”, ãrĩñurã. Irasirirã ìgũsãrê gũisã, ñeãmasĩbiriñurã.

²⁰ Irasirirã: “Gajinu ìgũrê ñeãrãra”, ãrĩ, ìãnurũtũyañurã. Ìgũ ñerõ yujumakũ weresãmurã péduarã iriadiñurã. Irasirirã gajirãrê irikatorãrê ìgũ pũro iri-ũñurã ìgũ werenĩrĩrê pédorera. “Ìgũrê sêrêñarã waarã, masaka ìũrõrê diaye irirã irirosũ ããrĩka!” ãrĩ, ìgũsãrê iriũñurã. “Jesús ñerõ werenĩmakũ pérã, iri nikũ marã opu pũroque peresu iridorera ãĩwãgãrãra”, ãrĩrã, ìgũsãrê iri-ũadiñurã.

²¹ Ìgũsã Jesús pũroque ejarã, ãsũ ãrĩñurã:

–Buegu, mũ iririkũrere masã. Mũ ãrĩkatoro marĩrõ werenĩa. Marĩpũyare diayeta buea. “¿Naásũ gũñarĩ masaka yũre?” ãrĩ gũñarõ marĩrõ diayeta ìgũsãrê werea. Oparãrê, ubu ããrĩrãdere ããrĩpererãrê surosũta ìãa.

²² Irasirigu gũare wereka! Romano marã opu marĩrê niyeru wajasearire marĩ wajarimakũ, ¿õãgorari, o õãberi? ãrĩñurã Jesúre.

²³ Jesús gapu ìgũsã ñerõ iridũarire masĩsã, ìgũsãrê ãrĩyupu:

²⁴ –Niyeru koere ãrĩka! I koeguere, ¿noãya diapu keori, noãya wãĩ tuuyari? ãrĩyupu.

–Romano marã opũya diapu keori, ìgũ wãĩta tuuyãa, ãrĩ yujũñurã.

²⁵ Ìgũsã irasũ ãrĩmakũ pégu, Jesús ìgũsãrê ãsũ ãrĩyupu:

–Iro merê romano marã opũya ããrĩrĩrê ìgũrê sĩka! Marĩpũya gapure Marĩpũre sĩka! ãrĩyupu.

²⁶ Irasirirã masaka péuro neõ ìgũrê ñerõ ãrĩ werenĩmakũ irimasĩbiriñurã. Ubu gapu ìgũ yujũrere pérã péguka, toekõãñurã.

*Saduceo bumarã, Marĩpu boanerãrê masũburire Jesúre sêrêñadea
(Mt 22.23-33; Mr 12.18-27)*

²⁷ Pũru surãyeri saduceo bumarã Jesús pũroque ejañurã. Ìgũsã: “Masaka boanerãgue masãbirikuma”, ãrĩ bũremurã ããrĩñurã. Irasirirã Jesúre ãsũ ãrĩñurã:

²⁸ –Buegu, Moisés marĩrê ãsũ ãrĩ gojapĩdi ããrĩmĩ: “Sugu marãpokũdi pũrã marĩkeregũ igore boaweomakũ, ìgũ pagũmũ igore dúunorẽgũkumi. Irasirirã, ìgũ igo merã pũrãkũrã ìgũ tĩgũ dagũ pũrã irirosũta ããrĩrãkuma”, ãrĩ gojapĩdi ããrĩmĩ.

²⁹ ‘Iripoeguere sugũ pũrã, su mojõma pere gaji mojõ peru pẽrẽbejarã ããrĩunanerã ããrĩmã. Ìgũsã tĩgũ gapu marãpokũ, pũrã marĩgũta boakõãyupu.

³⁰ Irasirigu ìgũ dagũ dokamũta ìgũ marãpo ããrĩdeore dúunorẽyupu. Ìgũde, ìgũ tĩgũ dagũ irirosũta pũrã marĩgũta boakõãyupu.

³¹ Ìgũsã pẽrã dokamũde pũrã marĩgũta boakõãyupu. Irasũ dita pũrã marĩrãta boapereakõãñurã.

³² Ìgũsã pũru ìgũsã marãpode boakõãyupo pama.

³³ Ìgũsã su mojõma pere gaji mojõ peru pẽrẽbejarã ãma igore marãpokũadiñurã. Irasirirã boanerã masãmakũ, ¿niĩno marãpogora ããrĩgokuri? ãrĩñurã.

³⁴ Jesús ìgũsãrê yujũyupu:

–I ãmũgue ããrĩrã, ãma, nome merã marãpokũma. Ìgũsã pũrã nomedere nomesuma.

³⁵ Īgūsā irasirikeremakū, ūmugasigue āārīmurā gapu irasū āārībirikuma. Marīpu: “Ōārā āārīma”, ārī iārā, boanerāgue masā, puḡu ĩgū puḡogue mūrīārākuma. Iroguere marāpokubirikuma. Īgūsā pūrā nomedere nome-subirikuma.

³⁶ Marīpure wereboerā irirosū neō dupaturi boabirimurā āārīsīā, irasiribirikuma. Īgūsā Marīpu masūnerā, ĩgū pūrā āārīrākuma.

³⁷ Iripoeguere Moisés ĩgū yukugāgue ūjūrōgue waadeare gojadi āārīmī. Īgū iroguere āārīmakū, Marīpu āsū ārīdi āārīmī ĩgūrē: “Yu Abraham, Isaac, Jacob Opḡta āārā”, ārīdi āārīmī. I merā boanerā masāburire marī masā.

³⁸ Abraham, Isaac, Jacob boanerā āārīkererā, Marīpu merā okarā āārīma. Irasirigū Marīpu boanerā dupaturi masābirimurā Opḡ āārībemi. Okarā Opḡ āārīmi. Āārīpererā masaka boakererā, Marīpu ĩūrō okarā āārīma, ārīyupu Jesús.

³⁹ ĩgū irasū ārīmakū pérā, surāyeri Moisés gojadeare buerimasā āsū ārīñurā: —Bueḡu, mu ōārō yuḡu, ārīñurā.

⁴⁰ Irasirirā neō dupaturi gajī ĩgūrē sērēñaduabiriñurā.

*“¿Noā parāmi āārīturiagu āārīrī Cristo?” ārī sērēñadea
(Mt 22.41-46; Mr 12.35-37)*

⁴¹ Jesús gapu āsū ārīyupu:

—¿Nasirirā Moisés gojadeare buerimasā: “Cristo, David parāmi āārīturiagu āārīmi”, ārīrī?

⁴² David, Salmos wāikuri gojadea pūgue āsū ārī gojadi āārīmī:

Marīpu, yu Opḡre āsū ārīmi: “Ōō, yu diaye gapu doaka yu merā dorebu!

⁴³ Irasiriripoe mūrē ĩaturirārē mu dorerire tarinugānemobirimakū irigūra”, ārīmi, ārī gojadi āārīmī David.☆

⁴⁴ David, Cristo ñekū āārīkererā, ĩgūrē: “Yu Opḡ āārīmi”, ārīdi āārīmī. ¿Nasirigū, Cristo, David parāmi āārīturiagu āārīkeremakū, David ĩgūrē irasū ārīyuri? ārīyupu Jesús.

*Jesús, Moisés gojadeare buerimasārē: “Ñerō yāa”, ārī weresādea
(Mt 23.1-36; Mr 12.38-40; Lc 11.37-54)*

⁴⁵ Āārīpererā masaka péurogue Jesús ĩgū buerārē āsū ārīyupu:

⁴⁶ —Moisés gojadeare buerimasā ñerō iririre ōārō pémasīka! Oparā irirosū surī yoari sāña, masaka ĩūrōgue waagorenama. Makā dekoguere masakare ōārō buremurī merā bokatīrī ōādozemakū gāāmema. Nerērī wiiriguere ñajārā, ōārī doaripēriḡue dita doadūama. Bosenūrī āārīmakūdere oparā doarigūe dita doadūama.

⁴⁷ Wapiweyarā nome wajamomakū ĩā, ĩgūsāya wiirire ēmanokōāma. ĩgūsārē bopoñarī merā ĩābirikererā, yoaripoe Marīpure sērē ĩmukatoma, masaka ĩgūsārē: “Marīpure ōārō buremuma”, ārīburo, ārīrā. ĩgūsā irasiriri waja Marīpu ĩgūsārē gajirā nemorō wajamoāḡukumi, ārīyupu Jesús.

21

*Wapiweyo bopogo Marīpuya wiigūe niyeru koeri sādea
(Mr 12.41-44)*

¹ Jesús Marīpuya wiigūe āārīḡū, iri wiima ĩgūsā āmuburi niyeru neeōrī kūmague wāri doebiri oparā ĩgūsā niyeru sāmakū ĩāyupu.

² Sugo wapiweyo bopogode iri kūmague pe koegā, mérōḡā wajakuri koerigārē sāmakū ĩāyupu.

³ Iri koerire igo sāmakū ĩāḡū, āsū ārīyupu:

☆ 20:43 Sal 110.1

—Diayeta musārē werea. Igo wapiweyo bopogo i kūmague niyeru sǎgō, Marĩpu ìürō gajirā āārĩpererā ìgūsā sǎdero nemorō sǎamo.

⁴ Gajirā wári doebiri oparā wáro sǎkeremakū, ìgūsāya wáro duyáa. Igo gapu bopogo āārĩkerego, igo baari wajariboadeare sǎpeokōāmo Marĩpũre bũremugō, ārĩyupu.

Jesús Marĩpũya wiire béoburimarē werede
(Mt 24.1-2; Mr 13.1-2)

⁵ Surāyeri ìgū buerā Marĩpũya wiimarē ìārā, āsū ārĩñurā:

—Ōārĩ ùtāyeripa merā iridea wii āārā. Masaka iri wiire ìgūsā sǎdeade ōārĩ āārā, ārĩñurā.

Ìgūsā irasū ārĩmakū pégu, Jesús ìgūsārē ārĩyupu:

⁶ —Musā i wiimarē dapagorare ìādāa. Sunu i wiima āārĩpereri marĩ ìādea, i ùtāyeride mutādiapereakōārokoa. Neō suye ùtāye gajiyē weka weamũrĩadeade dujabirikoa, ārĩyupu.

Jesús: “I ũmu pereburi dupiyuro āsū waarokoa”, ārĩ werede
(Mt 24.3-28; Mr 13.3-23)

⁷ Ìgū irasū ārĩmakū pérā, ìgūrē sērēñañurā:

—Guare buegu, ¿naásū āārĩmakū mu ārāderosū waarokuri? ¿Ñeeno iri ìmugukuri, iri irasū waaburi dupiyuro? ārĩñurā.

⁸ Jesús yujuyupu:

—Ōārō pémasĩka! Gajirā wárā ārĩkatorimasā aarirākuma. “Yu Marĩpu iriudi, Cristo āārā”, ārĩrākuma. “Dapagorare i ũmu pereburo aarisiáa”, ārĩrākuma. Ìgūsā ārĩkatorire pébirikōāka!

⁹ Masaka musā puro gāmewējērē pérā, gajirogue marā ìgūsā oparārē béori kerere pérā, gukabirikōāka! I ũmu pereburi dupiyuro irasū waapũrorirokoa. Irasū waakeremakū, i ũmu pereburo duyarakoa dapa, ārĩyupu.

¹⁰ Irasū ārĩ odo, ìgūsārē āsū ārĩnemoyupu doja:

—Su bumarā, gaji bumarā merā gāmewējērākuma. Su nikū marā, gaji nikū marā merā gāmewējērākuma.

¹¹ Wári makārĩguere nikū bũro ñomerokoa. Masaka wárā ũaboari merā boarākuma. Pũrĩrikuri merā ñerō tarirākuma. ũmugasiguere bũro goeri, wári gajino deyoarire ìārā, masaka bũro güirākuma.

¹² I āārĩpereri irasū waaburo dupiyuro musā yũre bũremurĩ waja gajirā musārē ñeā, ñerō irirākuma. Irasirirā marĩ judío masaka nererĩ wiirigue musārē weresā, peresu irirākuma. Makārĩ marā oparā pũrogue āñānarākuma musārē wajamoādorera.

¹³ Ìgūsā irogue musārē āĩjamakū, musā gapu Marĩpũya ōārĩ kerere wererākoa ìgūsārē.

¹⁴ Ìgūsā musārē oparā pũrogue āiwāgāmakū ìārā, oparārē yujuburire güñarikũbirikōāka! “¿Naásū ārĩrākuri ìgūsārē?” ārĩ güñarikũbirikererāta āārĩka!

¹⁵ Musā werenĩmakū iritamugũra. Musārē irasū iritamugũ, masĩrĩ merā ōārĩ werenĩrĩ merā weremakū irigũra. Musā irasū weremakū pérā, musārē ìaturirā gapu musā werenĩrĩrē bokatĩũbirikuma. “Iri diaye āārĩbea”, ārĩmasĩbirikuma.

¹⁶ Surāyeri musā pagusāmarā, musā pagupũrā, musāya makā marā, musā merāmarāde musārē oparāguere wējēdorera wiarākuma. Irasirirā musārē surāyerire wējērākuma.

¹⁷ Yũre musā bũremurĩ waja āārĩperero marā masaka musārē ìāturi doorākuma.

¹⁸ Ìgūsā irasirikeremakū, sudagā musāya poadagā neō dederibirikoa.

19 Irasirirã musãrẽ ñerõ irikeremakũ, yare buremurirẽ pirimerã, Marĩpu purogue perebiri okari oparãkoa.

20 Irasirirã wãrã surara Jerusalén turo gãmegorobiatúmakũ ããrã, iri makãrẽ ãgũsã béoburo mérõgã ðayáa, ãrĩ masĩrãkoa.

21 Irasũ waamakũ ããrã, Judea nikũgue ããrĩrã ãtãyukugue ãmaduriburo. Jerusalẽgue ããrĩrãde iri makãrẽ wiriburo. Iri makã turo ããrĩrã Jerusalẽguere dupaturi goedujãabirikõãburo.

22 Irasũ waarĩnũrĩ Marĩpu ñerãrẽ wajamoãrĩnũrĩ ããrĩrokoa. Irasiriro ããrĩpereri ãgũya werenĩrĩ gojãdea pũgue gojãderosũta waarokoa.

23 I nikũ marã bure pũrĩrõ péñarãkuma. Marĩpu ãgũsãrẽ bure wajamoãgũkumi. Irasũ waamakũ, nijĩpagosã nome, ãgũsã pũrã mirĩrãgã oparã nomede bure ñerõ tarirãkuma.

24 Surãyeri i makã marã gãmewẽjẽrõgue boarãkuma. Boamerã gapure ããrĩpereri nikũgue ããwãgã, peresu irirãkuma. Judío masaka ããrĩmerã Jerusalẽrẽ ñerõ irirãkuma. Irasirirã iri makã marãrẽ tarinũgãrãkuma. Marĩpu, judío masaka ããrĩmerãrẽ: “Iri makã marãrẽ neõ opabirikõãka pama!” ãrĩmakũgue opaduũrãkuma.

*Jesús i ãmũgue ãgũ dupaturi aariburire weredea
(Mt 24.29-35, 42-44; Mr 13.24-37)*

25 I ãmũ pereburi dupiyuro abe ãmũmũ, abe ñamimũ, neñukãde deyori gorawayuakõãrãkuma. Wãdiya turaro busuri, makũrĩ nikũguere bure ejarokoa. Irasirirã i ãmũ marã ããrĩpererã bure gũkari merã ðayã gũñamasĩbirikuma.

26 ãmarõgue marã turarã naradari merã béosũrãkuma. Irasũ waamakũ ããrã, masaka i ãmũ pereburire: “¿Aarisiakuri?” ãrĩ gũñarã, bure gũiri merã kõmorã irirosũ neõ gũñajabirikuma.

27 Irasũ waaripoere masaka yũ ããrĩpererã tĩgũ, wãro Marĩpu turari merã, ãgũ goesiriri merã ãmũkãyebogue i nikũguere yũ dupaturi aarimakũ ããrãkuma.

28 Yũ ãrĩderosũta iri goerire waapurorimakũ ããrã, musã yaarã ããrĩrã gũibirikõãka! Gũñaturari merã ãmũgasigue ããmũka! Mérõgã ðayáa, Marĩpu musãrẽ perebiri peamegue waabonerãrẽ tauri ejaburo, ãrĩyupũ Jesús.

29 Irasũ ãrĩ odo, i keori merã ãgũsãrẽ werenemoyupũ:

—Higueragũ, o gajigũ yukũ noõ gããmedire ããka!

30 Irigũ pũ maamamakũ ããrã: “Bojori waaburo mérõgã ðayáa”, ãrĩ masã.

31 Irigũ waarósũta i ããrĩpereri yũ ãrĩrĩ irasũ waamakũ ããrã: “Marĩpu ãgũyarãrẽ doreri aariburo mérõgã ðayáa”, ãrĩ masĩrãkoa.

32 Diayeta musãrẽ werea. I ãmũ marã boapereburo dupiyuro i ããrĩpereri yũ ããrĩrĩ irasũ waarokoa.

33 ãmũgasi, i nikũde pereakõãrokoa. Yũ werenĩrĩ gapũ neõ perebirikoa. ããrĩpereri yũ ããrĩrõsũta waayubarikurokoa.

34-35 Yũ dupaturi aariburinũrẽ neõ masĩbea musã. Irasirirã õãrõ pémasĩka! Bosenũrĩrẽ irirã, ñerĩrẽ iribirikõãka! Mejãbirikõãka! I ãmũmarẽ bure gũñarĩkũbirikõãka! Musã ire irasirimerã, gũñaña marĩrõ i ãmũguere yũ aarimakũ ããrã, gũkabirikoa. Waibũ gũñaña marĩrõ weadeadague ãgũ meésiajarosũta gũñaña marĩrõ yũ aarirĩnũ masakare ããrĩpereri nikũ marãrẽ waarokoa.

36 Irasirirã õãrõ pémasĩrĩ merã yũka! Marĩpũre ãsũ ãrĩ sãrẽnikõãka! “I ãmũ peremakũ, gũare iritamũka! Turarire sũka, gũare õãrõ tariburo, ãrĩgũ! Irasirirã gũ ããrĩpererã tĩgũrẽ gũiro marĩrõ bokatĩrĩrãkoa”, ãrĩ sãrẽka ãgũrẽ! ãrĩyupũ Jesús.

37 Jesús ãmũrikũ Marĩpũya wiigue buenayupũ. Ñamirikũ bue odogũ, Olivos wãĩkũdi ãtãũgue waa, irogue ããrĩboyoanayupũ.

³⁸ Boyoripoe ããrĩmakũ, ããrĩpererã masaka Marĩpaya wiigue ãgũ buerire pérã waanañurã.

22

Judas Iscariote Jesúre wējēduarãguere ãgũrē ãmuburire ãmudea
(Mt 26.1-5, 14-16; Mr 14.1-2, 10-11; Jn 11.45-53)

¹ Iripoere judío masaka pã wemasãrĩ morēña marĩrĩ baari bosenu, mērōgã duayuro. Iri bosenu pascua wãĩkuyuro.

² Paía oparã, Moisés gojadeare buerimasã Jesúre wējēduarã: “¿Nasiri ãgũrē wējērãkuri marĩ?” ãrĩñurã. ãgũsã Jesúre wējēduakererã, masakare gũĩñurã.

³ Iripoere wãtĩ, Judas Iscariote wãĩkuguguerẽ ñajãyuru ñerō iridoregu. Judas, Jesús buerã pe mojōma pere su gubu peru pērēbejarã watopemu ããrãdiyuru.

⁴ Wãtĩ ñajãdero puru, Judas paía oparã, Marĩpaya wiire korerã surara oparã puro waayuru. Irogue eja, ãgũ Jesúre ãmuburire ãgũsã merã wereniyuru.

⁵ ãgũ irasũ ãrĩmakũ pérã, usuyari merã: “ãgũrē mu guare ãmumakũ, murē niyeru wajarirãkoa”, ãrĩñurã.

⁶ Judas: “Jáa”, ãrĩ, puru: “¿Naásũ ããrĩmakũ, masaka ããberogue oparãguere yu Jesúre wiamakũ òãrokuri?” ãrĩ gũñayuru.

Jesús ãgũ buerã merã baatũnudea
(Mt 26.17-29; Mr 14.12-25; Jn 13.21-30; 1 Co 11.23-26)

⁷ Puru pã wemasãrĩ morēña marĩrĩ baari bosenu ããrĩnugãrĩnu ããrĩyuro. Irinu pascua bosenu iririnu ããrĩmakũ, Marĩpu ãũrō oveja majĩgũrē ãgũsã wējērĩnu ããrĩyuro.

⁸ Irinuta Jesús Pedrore, Juãrē ãsũ ãrĩ iriyuru:

—Marĩ pascua bosenu baaburire ãmurã waaka!

⁹ ãgũ irasũ ãrĩmakũ pérã, ãsũ ãrĩ sērēñañurã:

—¿Noógue marĩ pascua bosenu baaburire ãmumakũ gããmekuri? ãrĩñurã.

¹⁰⁻¹¹ Jesús ãgũsãrē yujayuru:

—Jerusalégue waaka! Irogue sugu dekosoro kōãwãgãgũrē bokajarãkoa. ãgũrē tuyaka! ãgũ ñajãri wiigue ejarã, iri wii opure: “Guare buegu, ãsũ ãrĩ sērēñadoreami: ‘¿Díí taribugue yu buerã merã i pascua bosenu baaagũkuri?’ ãrãmi”, ãrĩka!

¹² Musã irasũ ãrĩmakũ pé, wãri taribu, ãmarōgue ãgũsã ãmu odoadea taribure ãmugũkumi. Irogue marĩ baaburire ãmuka! ãrĩyuru Jesús.

¹³ Irasirirã iri makãgue waa, irogue eja, Jesús wereaderosũta bokaja, pascua bosenu baaburire ãmuñurã.

¹⁴ ãgũsã baaripoe ejamakũ, Jesús ãgũ buerã pe mojōma pere su gubu peru pērēbejarã merã baa doanĩyuru.

¹⁵ Irogue baa doanĩgũ, ãgũsãrē ãrĩyuru:

—Yu boaburo dupiyuro i pascua bosenu baarire musã merã buru baadũãã.

¹⁶ Musãrē werea. I bosenu marĩ dapagora irirosũ yu dupaturi neõ irinemobirikoa. Puru Yuru ãgũyarãrē dorerogue dupaturi iriyuwarikũgũkoa, ãrĩyuru.

¹⁷ Irasũ ãrĩ odo, iirĩripare ãĩ, Marĩpura: “Murē usuyari sãã”, ãrĩ, ãgũsãrē ãsũ ãrĩyuru:

—Ire ãĩ, dukawa iirĩka!

¹⁸ Musãrē werea. I igui dekore marĩ dapagora iirĩrosũ yu dupaturi neõ iirĩnemobirikoa. Yuru ãgũyarãrē doreri ejadero purugue dupaturi iirĩgũkoa doja, ãrĩyuru.

19 Puru pārē āi, Marīpure: “Mūrē usuyari sīa”, āri, pārē pea, ģūsārē āsū āri guereyuru:

—I yaa duru āārā. Yu musā ñerō iridea waja boagukoa. Irasirirā musā dapagora iriaderosū nerē, pārē baariku, yu musārē boabosarire gūñaka! āriyuru.

20 Ģūsā baa odoadero puru, pārē āiaderosūta iiriripadere āi, ģūsārē āsū āriyuru:

—Yu musārē boabosagu, yaa dí béori merā Yuru musārē: “Ōārō irigura”, ārideare iriyuwarikugukoa.

21 Dapagorare yure wējēduarāguere yure ģmubu ōō yu merā baa doanīmi.

22 Marīpu āriaderosūta yure āārīpererā tīgūrē waaró yáa. Yure ģmubu gapure ñetariro waarokoa, āriyuru.

23 Ģū irasū ārimakū pérā, ģūsā basi āsū āri gāme sērēñañurā:

—ĶNoā marī watopeguere irasiribukuri? āriñurā.

Jesús buerā: “Marī watopere, Ķnoā āārīpererā nemorō āārīgukuri?” āri guaseodea

24 Puru Jesús buerā āsū āri gāme guaseoñurā:

—Marī watopere, Ķnoā āārīpererā nemorō āārīgukuri? āriñurā.

25 Jesús gapu ģūsārē āriyuru:

—I nikū marā oparā Marīpure buremumerā gapu ģūsāyarārē dorerā, turaro merā dorema. Irasirirā ģūsā oparārē: “Masakare ōārō iritamurā āārīma”, ārīma.

26 Musā tamerā i nikū marā oparā irirosū iribirikōāka! Ąsū gapu irika! Musā watopeguere sugu gajirā nemorō āārīduagu, musā nemorō ubu āārīgū maamu irirosū āārīburo. Musārē doredagu, moāboegu irirosū musārē iritamugū āārīburo.

27 Musā gūñamakū, Ķniino gapu gajigu nemorō āārīgū āārīri? ĶBaa doanīgū gapu, o ģūrē baari ejogu gapu āārīri? Ąsū āārā. Baa doanīgū gajigu nemorō āārīmi. Yu gapu musā watopegue āārīgū, musārē moāboegu irirosūta musārē iritamugū aaribú.

28 Masaka yure ñerō irikeremakū, musā yu merā āārīnikōābu.

29 Irasirigu, Yuru yure ģūyarā Opu pīderosū, yu musādere oparā sóogura.

30 Irasirirā, yu ģūyarā Opu āārīrōgue musāde, yu merā iiri, baa doanīrākoa. Irogue musā pe mojōma pere su gubu peru pērēbejari oparā doarire doarākoa. Irasirirā Israel bumarārē pe mojōma pere su gubu peru pērēbejari buri marārē dorerākoa, āriyuru.

Jesús Pedrorē: “Yure masīkeregu: ‘Masībea’, ārīgukoa”, āri weredea (Mt 26.31-35; Mr 14.27-31; Jn 13.36-38)

31 Irasū āri odo, marī Opu Jesús Pedrorē āsū āriyuru:

—Simón, yure péka! Wātēa opu Satanás Yurure sērēadami, trigo gasirire koro, yusasiribéoro irirosū musārē yure buremurīrē pirimakū iridugu.

32 Ģū irasū iridakeremakū, yu gapu m̄ya āārīburire Yurure sērēbosabu, m̄ yure buremurīrē piribirikōāburo, ārīgū. Irasirigu yure dupaturi ōārō gūñaturadero puru, m̄yarā yure buremurārē gūñaturamakū irika! āriyuru.

33 Ģū irasū ārimakū pégu, Pedro āriyuru:

—Yu Opu, m̄rē peresu irirā, yudere m̄ merāta peresu iriburo. M̄rē wējērā, yudere m̄ merāta wējēburo, āriyuru.

34 Jesús ģūrē āriyuru:

—Pedro, m̄rē werea. Dapagā ñami āgābo wereburo dupiyuro yure masīkeregu urea gajirārē: “Masībea”, ārīkatogukoa, āriyuru.

Jesúre ĩgũsã ñeãburo dupiyuro waadea

³⁵ Irasũ arĩ odo, Jesús ĩgũ buerãrẽ ãsũ arĩ sêrẽñayurũ doja:

—¿Sõõ ããrĩdeapoere masã niyeru, surĩ ããrĩ ajuri, gubu surĩ opamerã masãrẽ yũ iriudeapoere ñeénorẽ gããmenemorĩ?

—Neõ gajino gããmenemobiribũ, arĩ yũjuñurã.

³⁶ ĩgũsã irasũ arĩmakũ, arĩyurũ doja:

—Dapagora gapũre surĩ, niyeru ããrĩ ajuri oparã, irire ããaka! Masãrẽ sareri majĩrĩ marĩmakũ ĩãrã, masãya surĩ wekamarẽ dua, su majĩ wajarika!

³⁷ Ire masãrẽ werea. Marĩpũya werenĩrĩ gojadea pũgue gojaderosũta yũre waaró yáa. ãsũ arĩ gojasũdero ããrĩbũ: “ ĩgũde ñegũ irirosũ ñerã watopeguere ããrĩdi ããrĩmi’, arĩsũgũkumi”, arĩ gojasũdero ããrĩbũ, arĩyurũ. ĩgũ irasũ arĩmakũ pẽrã, ĩgũ buerã ĩgũrẽ arĩñurã:

³⁸ —Gũa Opũ, pe majĩ sareri majĩrĩ opáa, arĩñurã.

—Õãsiáa, arĩ yũjũyurũ Jesús.

Jesús Getsemanígue Marĩpũre sêrẽdea

(Mt 26.36-46; Mr 14.32-42)

³⁹ Pũrũ Jesús ĩgũ irinarõsũ Olivos wãĩkũdi ãtãũgue waakõãyurũ. ĩgũ buerãde ĩgũ merã waañurã.

⁴⁰ Irogue ejagu, Jesús ĩgũsãrẽ arĩyurũ:

—Marĩpũre sêrẽka, wãtĩ arĩmesãrĩrẽ iribukoa, arĩrã, arĩyurũ.

⁴¹ Irasũ arĩ odo, ĩgũ sugũta yoaweyaro waa, ñadũkũpuri merã ejamejãja, Marĩpũre ãsũ arĩ sêrẽyurũ:

⁴² —Aũ, yũ ñerõ tariburire taudũagu, tauka! Yũ irasũ arĩkeremakũ, yũ gããmerõsũ iribirikõãka! Mũ gããmerõsũ gapũ yũre waaburo, arĩyurũ.

⁴³ ĩgũ irasũ arĩmakũ, Marĩpũre wereboegu ãmũgasigue ããrãdi Jesúre deyoayurũ ĩgũrẽ gũñaturamakũ irigu.

⁴⁴ Jesús bũro pũrĩsũgũ Marĩpũre sêrẽaderõ nemorõ ĩgũrẽ sêrẽnemoyurũ doja. ĩgũ ñajãsuririta dí yeri pagayeri wiri, yebague yuriyuro.

⁴⁵ Marĩpũre irasũ arĩ sêrẽ odo, wãgãñũgã, ĩgũ buerã pũrogue ejagu, bũro bũjawereri merã kãrĩrãrẽ bokajayurũ.

⁴⁶ Irasirigu ĩgũsãrẽ arĩyurũ:

—¿Nasirirã kãrĩrĩ? Yobeka! Marĩpũre sêrẽka, wãtĩ arĩmesãrĩrẽ iribukoa, arĩrã, arĩyurũ.

Jesúre ñeãwãgãdea

(Mt 26.47-56; Mr 14.43-50; Jn 18.2-11)

⁴⁷ ĩgũ irasũ arĩ wereripoe masaka wãrã ejañurã. Judas pe mojõma pere su gubu peru pẽrẽbejarã buerã watopemũ ããrãdi masakare dupiyuyurũ. Jesús pũro eja, ĩgũrẽ bokatĩrĩ, ĩgũya wayupãrãrẽ mimiyurũ.

⁴⁸ ĩgũ irasũ mimimakũ ĩãgũ, Jesús gapũ ĩgũrẽ arĩyurũ:

—Judas, ¿yũre ããrĩpererã tĩgũrẽ yũre ĩãturirãguere wiagu, yaa wayupãrãrẽ mimirĩ mũ? arĩyurũ.

⁴⁹ ĩgũ irasũ arĩmakũ, Jesús buerã ĩgũrẽ masaka ñeãburire masĩrã: “Gũa Opũ, ¿gũa sareri majĩrĩ merã ĩgũsã merã gãmekẽãsi?” arĩñurã.

⁵⁰ Irasũ arĩ, sugũ Jesús buegu ĩgũya sareri majĩ merã paía opũre moãboagure diaye gapũma gãmipũrẽ dititã dijukõãyurũ.

⁵¹ ĩgũ irasirimakũ ĩãgũ, Jesús arĩyurũ:

—Iropata irika! Inorẽ irinemobita! arĩyurũ.

Arĩ odo, gãmipũ ããrãderore moãñayurũ. ĩgũ moãñamakũ, ĩgũya gãmipũ õãkõãyuro doja.

⁵² Irasiri odo, ĩgũrẽ ñeãmurãrẽ: paía oparãrẽ, Marĩpũya wiire korerã surara oparãrẽ, judío masaka mũrãdere ãrĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aarĩri?

⁵³ Ɖmũrikũ Marĩpũya wiigũe mũsã merã yũ ããrĩmakũ, yũre neõ ñeãbiribũ. Irasũ ããrĩkeremakũ, dapagora mũsã yũre ñerõ iriripoe ejasiãa. Wãtĩ naĩtĩãrõgue ããrĩgũ mũsãrẽ dorerire irirã yãa mũsã, ãrĩyupũ.

Pedro Jesũre masĩkeregũ: “Masĩbea”, ãrĩdea

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Pũrũ Jesũre ñeã, paía opũya wiigũe ãĩãñurã. ĩgũsã ĩgũrẽ ãĩãmakũ, Pedro ĩgũsãrẽ yoaweyarogue tũyayupũ.

⁵⁵ Irogue ejarã, makãpũro ñajãrõma yeba dekogũe peame diiũñurã. Irasirirã irime tũro sũma doanĩñurã. Pedro ĩgũsã pũro eja, ĩgũsã watopegue doayupũ.

⁵⁶ Sugo moãboerimasõ, ĩgũ peame tũro doamakũ ĩãgõ, ĩgũrẽ õãrõ ĩã, gajirãrẽ ãsũ ãrĩ wereyupũ:

—Ĩde ĩgũ merã ããrĩdita ããrãmi, ãrĩyupũ.

⁵⁷ Igo irasũ ãrĩmakũ pégũ, Pedro ãrĩkatori merã:

—Yũ ĩgũrẽ neõ masĩbea, ãrĩ yũjũyupũ.

⁵⁸ Mérõgã pũrũ gajigũ ĩgũrẽ ĩã, ãsũ ãrĩyupũ:

—Mũde Jesús buerã merãmũta ããrã, ãrĩyupũ.

—Neõ ããrĩbea yũ, ãrĩyupũ Pedro.

⁵⁹ Su hora pũrũ gajigũ gajirãrẽ ãsũ ãrĩ wereyupũ:

—Ĩ diayeta ĩgũ merã ããrĩdita ããrĩmi. Galileamũta ããrĩmi, ãrĩyupũ.

⁶⁰ ĩgũ irasũ ãrĩmakũ, Pedro yũjũyupũ:

—Yũ, mũ werenĩgũrẽ masĩbea, pémãsĩbirikoa, ãrĩyupũ.

Ĩgũ irasũ ãrĩripoeta ãgãbo wereyupũ.

⁶¹ ĩgũ weremakũ, marĩ Opũ Jesús yoaweyarogue ããrĩgũ Pedrorẽ ĩã gãmeuyupũ. ĩgũ irasũ ĩãmakũ, Pedro, Jesús ĩgũrẽ: “Dapagã ñami ãgãbo ĩgũ wereburo dupiyuro mũ yũre masĩkeregũ, urea: ‘Masĩbea’, ãrĩkatogũkoa”, ãrĩdeare gũñabokayupũ.

⁶² Irire gũñaboka, wiria, bũjawereri merã bũro oreyupũ.

Jesũre ñerõ iri bũridadea

(Mt 26.67-68; Mr 14.65)

⁶³ Jesũre korerã surara ĩgũrẽ bũrida, páñurã.

⁶⁴ Irasũ ĩgũrẽ párã, surĩro gasiro merã ĩgũya koyere sũabiato:

—¿Noã mũrẽ pári? ãrĩbokaka! ãrĩñurã.

⁶⁵ Wãri gajĩ ñerõ ãrĩ bũridañurã.

Jesũre oparã pũrogue ãĩadea

(Mt 26.59-66; Mr 14.55-64; Jn 18.19-24)

⁶⁶ Gajinũ gapũ boyodujimejãripoe judío masaka mũrã, paía oparã, Moisés gojadeare buerimasãde nerẽñurã. Pũrũ ĩgũsã nerẽrõgue Jesũre ãĩja, ãsũ ãrĩ sêrẽñañurã:

⁶⁷ —Wereka gũare! ¿Mũ, Marĩpũ iriudi Cristota ããrĩrĩ? ãrĩñurã.

Jesús ĩgũsãrẽ yũjũyupũ:

—Mũsãrẽ: “Yũ ĩgũta ããrã”, ãrĩmakũ, yũre bũremubirikoa.

⁶⁸ Mũsãrẽ gajinorẽ yũ sêrẽñamakũ, yũre yũjubirikoa.

⁶⁹ Mũsã yũre bũremubirikeremakũ, mérõgã pũrũ Yũrũ turatarigũ yũre ããrĩpererã tĩgũrẽ ĩgũ diaye gapũ doamakũ irigũkumi, ãrĩyupũ.

⁷⁰ Īgũ irasũ āřĩmakũ pérã, āārĩpererã ĩgũrẽ sērẽñañurã:

–¿Irasũ āřĩgũ, Marĩpu magũta āārĩrĩ mu? āřĩñurã.

–Īgũta āārã musã āřĩrõsũta, āřĩ yũjũyupu Jesús.

⁷¹ Īgũ irasũ āřĩmakũ, ãsũ āřĩñurã:

–Nasirimurã gajirã ĩgũrẽ weresãrĩrẽ pẽnemobirikoa marĩ! Īgũ werenĩrĩrẽ marĩ basita pésiãa, āřĩñurã.

23

Jesúre Pilato puro ãjãdea

(Mt 27.1-2, 11-14; Mr 15.1-5; Jn 18.28-38)

¹ Irasũ āřĩ odo, āārĩpererã wãgãñugã, Jesúre opu Pilato wãĩkũgu pũrogue ãĩñurã.

² Jesúre irogue ãĩjarã, ãsũ āřĩ weresãñugãñurã:

–Ĩ marĩya nikũ marãrẽ ñerõ iridoremakũ péabũ. Romano marã opu niyeru wajasearire: “Wajaribirikõãka!” āřĩrĩrẽ péabũ. Gajidere: “Yũ judío masaka Opu, Cristo āārã”, ārãmi, āřĩñurã.

³ Īgũsã irasũ āřĩmakũ pégu, Pilato Jesúre sērẽñayupu:

–¿Mũta āārĩrĩ, judío masaka Opu?

–Mu āřĩrõsũta ĩgũta āārã, āřĩ yũjũyupu Jesús.

⁴ Īgũ irasũ āřĩmakũ, Pilato paía oparãrẽ, masaka irogue āārĩrãrẽ āřĩyupu:

–Ĩrẽ neõ ñerĩ iridea máa, yũ ĩãmakũ, āřĩyupu.

⁵ Īgũ irasũ āřĩkeremakũ, ĩgũsã gapũ buro weresãñemoñurã:

–Īgũ bueri merã masaka oparãrẽ tarinũgãmakũ iriami. Galilea nikũgue irire irinũgãmi. Dapagorare i makãguedere irasũta irigu ejaami, āřĩñurã.

Jesúre Herodes puro ãjãdea

⁶ Īgũsã irasũ āřĩmakũ pégu, Pilato gapũ sērẽñayupu:

–¿Ĩ Galileamũta āārĩrĩ? āřĩyupu.

⁷ “Iromũta āārĩmi”, āřĩ, ĩgũsã yũjumakũ pégu, Pilato surarare: “Jesúre Galilea nikũ marã opu Herodes puro ãĩaka!” āřĩyupu. Iripoere Herodes Jerusalẽgue ããřĩyupu.

⁸ Iro dupiyuro Herodes Jesús iridea kerere pédi āārĩmĩ. Irasirigu yoaripoe ĩgũrẽ buro ĩãduagu iriadiyupu. Jesús ĩgũ turari merã iri ĩmumakũ ĩãduagu iriadiyupu. Irasirigu ĩgũ puro ĩgũsã Jesúre ãĩjamakũ ĩãgũ, buro usũyayupu.

⁹ Wãri Jesúre sērẽñadiyupu. Īgũ sērẽñakeremakũ, Jesús gapũ ĩgũrẽ neõ yũjubiriyupu.

¹⁰ Paía oparã, Moisés gojadeare buerimasãde Herodes puro ejanerã, Jesúre turaro merã weresãñurã.

¹¹ Pũũ Herodes ĩgũya surara merã Jesúre burida, ñerõ iriñurã. Īgũrẽ buridarã, õãřĩ surĩrore opuãñerẽ sãñurã. Irasiri odo, Herodes: “Īgũrẽ Pilato pũrogue ãĩaka doja!” āřĩyupu.

¹² Herodes, Pilato merã iro dupiyuroguere gãme ĩãduabirinerã āārĩkererã, irinu merã gãmesũriñurã.

Jesúre wẽjẽdoredea

(Mt 27.15-26; Mr 15.6-15; Jn 18.39-19.16)

¹³ Pũũ Pilato paía oparãrẽ, judío masaka oparãrẽ, masakadere siu neõ,

¹⁴ ãsũ āřĩyupu:

–Musã ĩrẽ yũ puro ãĩjarã: “Ĩ masakare ñerõ iridoremi”, ārãbu musã yũre. Musã ĩũrõ, yũ ĩrẽ sērẽñapeoabũ. Musã ĩrẽ weresãkeremakũ, ĩ ñerõ iridea máa, yũ ĩãmakũ.

15 Herodede: “Īrē neō ñerī iridea máa”, ārāyupū. Dupaturi ĩrē yū pūro iriuañumi doja. Irasiriro ĩrē wējēdoreri máa. Mūsāde ire masīa.

16 Irasirigū yū ĩgūrē tārādoregūkoa. Pūru ĩgūrē wiugūra, ārādiyupū Pilato.

17 Pilato, bojorikū pascua bosenu āārīmakū, sugū peresugue āārādire ĩgūsā wiudoregūre wiunayupū.

18 Irasirirā, Pilato: “Jesúre wiugūra”, ĩgū ārīmakū pérā, āārīpererā masaka suro merā āsū ārī gaguinínūgāñurā:

—Jesúre wējēkōāka! Barrabás gapūre wiuka! ārīñurā.

19 Ī Barrabáre iro dupiyuro Jerusalégue oparārē ĩgū béoduadea waja, gajirārē ĩgū wējēdea waja, peresu irinerā āārīmá.

20 Pilato Jesús gapūre wiudūadiyupū. Irasirigū masakare ĩgūrē wiuburire dupaturi sērēñayupū doja.

21 ĩgū Jesúre wiudūakeremakū, ĩgūsā gaguiníadero nemorō gaguiníñurā doja:

—Curusague pábiatú wējēka ĩgūrē! Wējēkōāka ĩgūrē! ārīñurā.

22 ĩgūsā irasū ārīmakū, Pilato ūrea waaró merā ĩgūsārē āsū ārādiyupū doja:

—¿Ñeéno ñerīrē iriari ĩ, mūsā irasū ārī gaguinímakū? Yū ĩāmakū, neō ĩgūrē ñerī iridea máa. Irasiriro ĩrē wējēdoreri máa. Irasirigū ĩgūrē tārādore, wiugūra, ārādiyupū.

23 ĩgū irasū ārīmakū, masaka, paía oparāde būro gaguinínemo: “Curusague pábiatú wējēka ĩgūrē!” ārīñurā. Pilato, ĩgūsā irasū ārī gaguinímakū neō bokatīūbiri: “Mūsā gāāmerō irika!” ārīyupū.

24 Irasirigū, ĩgūsā ārīrōsūta Jesúre curusague pábiatú wējēdoreyupū.

25 Pūru ĩgūsā sērērōsūta Barrabáre peresugue āārīgūrē, oparārē béoduadire, masakare wējēdi gapūre wiuyupū. Irasiri odo, Pilato: “Mūsā gāāmerōsū irika Jesúre!” ārīyupū.

Jesúre curusague pábiatúdea

(Mt 27.32-44; Mr 15.21-32; Jn 19.17-27)

26 Jesúre curusague wējēmurā ĩgūsā āīwāgāripoe sugū Simón wāīkūgū Cirene wāīkūri makāmu Jerusalén turogue āārādi goedujariyupū. Irasirirā ĩgūrē bokatīrī, ñeā, Jesús kōādea curusare kōātuyadoreñurā.

27 Wārā masaka Jesúre waaburire ĩārā ĩgūrē tūyañurā. ĩgūsā watopegue nome ĩgūrē ĩārā, gaguiní būjawereri merā oretūyañurā.

28 ĩgūsā oremakū pégu, Jesús ĩgūsārē ĩāgāmeu, āsū ārīyupū:

—Jerusalén marā nome yūre orebirikōāka! Mūsā basi, mūsā pūrāya āārībūrire oreka!

29 Pūrugue masaka ñetariro tarirākuma. Āsū ārīrākuma: “Neō pūrākumerā, miūñamerā nome āārīmakū ōātaribuyo”, ārīrākuma.

30 Ītāyukure āsū ārīrākuma: “Gūare tāū wējē, dedeukōāburo”, ārīrākuma.

31 Masaka yūre waja opabire ñerō irimakū, waja oparā gapū ñetariro tarirākuma, ārīyupū.

32 Jesúre āīwāgārā, pérā ñerō iririmasādere ĩgū merā wējēsūmurārē āīwāgāñurā.

33 ĩgūsārē āīwāgārā, masakū dipuru boaweadea pero wāīkurogue eja, Jesúre curusague pábiatú āīwāgūnūñurā. Ñerō iririmasādere curusarigūe pábiatú āīwāgūnūñurā. Sugūre ĩgū diaye gapū, gajigūre ĩgū kúgapū pábiatú āīwāgūnūñurā.

34 ĩgūsā Jesúre curusague pábiatú āīwāgūnūmakū, Jesús ārīyupū:

—Au, ĩgūsā ñerō iririre kātika! ĩgūsā yūre irasiririre pémasībema, ārīyupū.

Surara ĩgũ suri sãñadeare: “Ubu ãrĩboka birarã: ‘¿Noãrẽ dujarokuri?’ ” ãrĩñurã irire ĩgũsã basi gãme dukawamurã.

³⁵ Masaka irogue ããrĩrã ĩãníñurã. Oparãgueta Jesúre ãsũ ãrĩ buridañurã:

–Gajirã gapure taumi. Irasirigu diayeta Cristo, Marĩpu beyedi ããrĩgũ ĩgũ basi tauburo, ãrĩñurã.

³⁶ Surarade ĩgũrẽ buridañurã. ĩgũ puro waa ejanugãrã, igui deko sãĩrĩrẽ ĩgũrẽ iirídoreadiñurã.

³⁷ Irire irirã, ĩgũrẽ ãsũ ãrĩñurã:

–Mũ diayeta judío masaka Opũ ããrĩgũ, mũ basi tauka! ãrĩñurã.

³⁸ “Ĩĩ ãsũ iridea waja boami”, ãrĩrã: “Ĩĩta judío masaka Opũ ããrĩmi”, ãrĩ gojadea majĩrẽ curusague ĩgũ weka pábiatúñurã. Griego ya merã, latín ya merã, hebreo ya merã gojasũyuro.

³⁹ Sugũ ñerõ iridi, Jesús merã ĩgũsã pábiatú ãĩwãgũnúdi Jesúre ñerõ ãrĩ turiyupũ:

–Mũ diayeta Cristo ããrĩgũ, mũ baside tau, gũadere tauka! ãrĩyupũ.

⁴⁰ ĩgũ irasũ ãrĩmakũ pégu, gajigu gapũ ĩgũrẽ ãsũ ãrĩyupũ:

–Irasũ ãrĩbirikõãka! ¿Marĩpure güiberi irasũ ãrĩgũ? Marĩrẽ suro merã wajamoãma.

⁴¹ Marĩ gapure marĩ ñerĩ iridea waja diayeta wajamoãma. ĩĩ gapũ ñerĩrẽ neõ iribi ããrĩmi, ãrĩyupũ.

⁴² Irasũ ãrĩ odo, Jesúre ãsũ ãrĩyupũ:

–Jesús, mũyarã Opũ ñajãgũ, yũdere gũñaka! ãrĩyupũ.

⁴³ –Diayeta mũrẽ werea. Dapagãta yũ merã paraíso wãĩkurogue ããrĩgũkoa, ãrĩyupũ Jesús ĩgũrẽ.

Jesús boadea

(Mt 27.45-56; Mr 15.33-41; Jn 19.28-30)

⁴⁴ Pũrũ goeripoe ããrĩmakũ, i nikũ ããrĩpererogue naĩĩãkõãyuro. Ure hora gora naĩĩãyuro.

⁴⁵ Abede deyomarĩyupũ irasũ waaripoere. Marĩpũya wii poekama taribu makãpũro kãmutari gasiro deko merã yeguesiajakõãyuro.

⁴⁶ Irasirigu Jesús turaro merã ãsũ ãrĩ gaguiniyupũ:

–Aũ, yaa yũjũpũrãrẽ mũrẽ wiãa, ãrĩyupũ.

Irasũ ãrĩgũta, kõmoakõãyupũ.

⁴⁷ Romano marã surara opũ irasũ waamakũ ĩãgũ, Marĩpure mũyari sĩyupũ. ãsũ ãrĩyupũ:

–Diayeta ĩĩ ñerõ iribi ããrãdañumi, ãrĩyupũ.

⁴⁸ ããrĩpererã masaka iro Jesúre waarĩre ĩãrã ejanerã ĩgũ boamakũ ĩãrã, bũro bujawereri merã ĩgũsãya koretibirire páwãgã, ĩgũsãya wiirigue dujáakõãñurã.

⁴⁹ ããrĩpererã Jesús merãmarã, Galileague ĩgũrẽ tũyanerã nomede yoarogue Jesúre irasũ waarĩre ĩãníñurã.

Jesúya dũpũre masãgobegue pídea

(Mt 27.57-61; Mr 15.42-47; Jn 19.38-42)

⁵⁰⁻⁵¹ Irogue sugũ José wãĩkũgũ Judea nikũmũ, Arimatea wãĩkũri makãmũ ããrĩyupũ. ĩgũ õãgũ, diayemarẽ irigu, Marĩpu ĩgũyarãrẽ doreri ejaburire yũgũ ããrĩyupũ. ĩgũ judío masaka oparã watopemũ ããrĩkeregũ, Jesúre ĩgũsã: “Wẽjẽka!” ãrĩmakũ pégu: “Jãũ”, ãrĩbiridi ããrĩmĩ.

⁵² Irasirigu Pilato pũrogue waa, Jesúya dũpũre yãabu sãrẽyupũ.

⁵³ Sērē odo, Jesúya dupure curusague ããrĩrĩ dupure ãĩdiju, õãrĩ surĩ gasiro merã õmayupũ. Õma odo, ãtãyegue mádea gobegue píyupũ. Iri gobe neõ sugũ boadire yáasũña marĩrĩ gobe ããrĩyuro.

⁵⁴ José Jesúre yáarinũ judío masaka siñajãrĩnũma ããrĩburire ĩgũsã ãmuyurinu ããrĩyuro. I siñajãrĩnũ ñajãburo mérõgã duyayuro.

⁵⁵ Galileague Jesúre tãyanerã nome masãgobegue José waamakũ ããrã, waañurã. Iri gobegue Jesúya dupure ĩgũ pímakũ ããñurã.

⁵⁶ ĩgũsã irasũ ããdero purũ, ĩgũsã ããrĩrĩ wiigue dujáakõãñurã. Dujaja, sũrõrĩrẽ ĩgũya dupure pípeoburire ãmuñurã. ãmu odo, siñajãrĩnũ ããrĩmakũ, Moisés doredersũta siñajãñurã.

24

Jesús masãdea

(Mt 28.1-10; Mr 16.1-8; Jn 20.1-10)

¹ Semana ããrĩpuroririnu* ããrĩmakũ, boyodujimejãripoe ĩgũsã nome dupa-turi Jesúya dupure yáadea masãgobegue waañurã. ĩgũsã sũrõrĩ ãmuadeare ããñurã. Gajirã nome de ĩgũsã merã wapikũwãgãñurã.

² Irogue ejarã, iri gobe biadea ãtã majĩrẽ gajirogue oyamakũ ããñurã.

³ Irire ããrã, diayeta ñajãkõãñurã. Irogue ñajãjarã, neõ marĩ Opũ Jesúya dupure bokabiriñurã.

⁴ Irasirirã burũ gũka, naásũ irimasĩbiriñurã. “¿Naásũ waáayuri?” ãrĩ gũñaripoeta gũñaña marĩrõ pẽrã ãma surĩ gosesiriri sãñarã ĩgũsã purũ nímakũ ããñurã.

⁵ ĩgũsãrẽ ããrã, burũ güiri merã muúsiañurã. ĩgũsã irasirimakũ ããrã, ãma ĩgũsãrẽ ããrĩñurã:

—¿Nasirimurã boanerãrẽ yáarogue okagure ãmarĩ?

⁶ Õõrẽ mámi. Masãsiami. Gũñaka, ĩgũ masã merã Galileague ããrĩgũ masãrẽ ããrĩdeare!

⁷ ãsũ ããrĩmi: “Yũ ããrĩpererã tĩgũ ããrĩgũ masaka ñerãguere wiasũgũkoa. ĩgũsã yure curusague pábiatú wẽjẽmakũ, ãrenũ waaró merã Marĩpũ yure masũgũkumi”, ããrĩmi, ããrĩñurã.

⁸ ĩgũsã irasũ ããrĩmakũ pẽrã, Jesús ããrĩdeare gũñabokañurã.

⁹ Irasirirã masãgobegue ããrãnerã goedujajarã, ããrĩpereri ĩgũsã ããrĩdeare Jesús buerã pe mojõma pere su gubu suru pẽrẽbejarãrẽ wereñurã. Irasũ ããrĩmakũ, gajirãrẽ Jesúre burẽmurã ããrĩpererãrẽ irire wereñurã.

¹⁰ Jesús buerãrẽ iri kerere wererã ejanerã nome ĩsãkũ ããrĩñurã: María Magdalena, Juana, gajigo María Jacob pago, irasũ ããrĩmakũ gajirã nome ããrĩñurã.

¹¹ ĩgũsã ããrĩdeare werekeremakũ, Jesús buerã gapũ burẽmubiriñurã. “Irasũ ããrĩkõãrã yáma ĩsã nome”, ããrĩ gũñañurã.

¹² Pedro gapũ masãgobegue ĩãgũ ãmawãgãyupũ. Iri gobegue ĩãgũ ejagũ, Jesúya dupure õmadea gasiro gajiro gapũ túpeoadea gasiro ditare ããyupũ. Irire ĩãgũka: “¿Naásũ waáayuri?” ããrĩ gũña, ĩgũ ããrĩrĩ wiigue dujáakõãyupũ.

Emaús wãĩkũri makã waarĩ maague Jesús pẽrãrẽ deyoadea

(Mr 16.12-13)

¹³ Jesús masãdeanurẽta pẽrã ĩgũ buerire tãyarã Emaús wãĩkũri makã waarĩ maague waarã iriñurã. Emaúgue waaró, Jerusalén merã wiriwãgãmakũ pe mojõma pere su gubu suru pẽrẽbejari kilómetro yoaro ããrĩyuro.

¹⁴ Maa waarã, ããrĩpereri Jesúre waadeare werenĩñurã.

* 24:1 Semana ããrĩpuroririnu, domingo ããrã.

15 Irire wereníripoe Jesús ìgùsã pũro aari, ìgùsã merã waayupũ.

16 Ìgũ, ìgùsã merã waamakũ ìãkeremakũ, gajino ìgùsãrẽ ìgũrẽ ìãmasĩbirimakũ iriyuro.

17 Jesús ìgùsãrẽ sërẽñayupũ:

—¿Ñeénorẽ werenírã yári, mũsã maa waarã? ãrĩyupũ.

Ìgũ irasũ ãrĩmakũ pérã, bũro bũjawereri merã maa deko dujanugãñurã.

18 Cleofas wãikugũ Jesúre ãsũ ãrĩ yũjuyupũ:

—Ããrĩpererã inãrĩ Jerusalégue waadeare masĩma. ¿Mũ suguta irogue ããrãdi irasũ waadeare masĩberi? ãrĩyupũ.

19 Ìgũ irasũ ãrĩmakũ, Jesús ìgùsãrẽ:

—¿Naásũ waáari? ãrĩyupũ.

Ìgũrẽ ãrĩñurã:

—Jesús Nazaretmũrẽ ìgùsã iriadeare werenírã iriabũ. Ìgũ Marĩpũya kerere weregũ ããrãdimi. ããrĩpererã masaka ìũrõ, Marĩpũ ìũrõguedere ìgũ turari sĩrĩ merã irigũ, ìgũyare weregũ ããrãdimi.

20 Paía oparã, gajirã marĩ oparã merã ìgũrẽ wějedorerã, romano marã oparãrẽ wiáama. Ìgùsã irasũ wiamakũ, curusague pábiatú wějẽama.

21 “Ìgũ marĩrẽ taubu, marĩ Israel bumarã Opũ ããrĩbu, marĩ yúdi ããrĩmi”, ãrĩ gũñadibũ gũa ìgũrẽ. Irasiriro dapagã merã mũrenũ waáa, ìgũrẽ wějẽadero pũrũ.

22 Surãyeri gũa merãmarã nome, ìgùsã wereri merã gũare gũkamakũ iriama. Dapagã ñamigãgora ìgũrẽ yáaderogue ejañurã.

23 Irogue eja, ìgũya dupũre bokamerãta, gũa pũrogue goedujajama. “Irogue gũare kërõ irirosũ waamakũ, Marĩpũre wereboerãrẽ ìãbu”, ãrãma. Marĩpũre wereboerã ìgùsãrẽ: “Jesús okami”, ãrãdeadere wereama gũare ìgùsã nome.

24 Pũrũ gajirã gũa merãmarã ìgũrẽ yáaderogue eja, ìgùsã nome ãrãderosũta ìãñurã. Ìgùsãde Jesúre ìãbirañurã, ãrĩ wereñurã Cleofasã Jesúre.

25 Ìgùsã irasũ ãrĩmakũ pégu, Jesús ìgùsãrẽ ãrĩyupũ:

—Mũsã pémasĩmerã ããrã. ¿Noópa yoaripoe Marĩpũya kerere weredupiyunerã gojadeare õãrõ pémasĩrĩ merã bũremubirikõãrĩ mũsã?

26 Marĩpũ iriudi Cristo ìgũ ãmũgasigue marĩaburo dupiyuro, ìgũyarã Opũ ñajãburo dupiyuro ìgũrẽ ñerõ tarigũkumi, ãrĩ gojanerã ããrĩmã. ¿Ire masĩberi mũsã? ãrĩyupũ.

27 Jesús irasũ ãrĩ odo, Marĩpũya kerere weredupiyunerã gojadea pũgue ããrĩpereri ìgùsã ìgũrẽ gojayudeare: “Ãsũ ãrĩdũaro yáa”, ãrĩ wereyupũ ìgùsãrẽ. Moisés gojadeare werenugãyupũ. Pũrũ ããrĩpererã Marĩpũya kerere weredupiyunerã gojadeare wereyupũ.

28 Pũrũ ìgùsã waaró Emaúgue ejamakũ, Jesús iri makãrẽ tariwãgãgũ irirosũ iriyupũ.

29 Ìgũ irasũ tariwãgãmakũ ìãrã, ìgũrẽ ãsũ ãrĩñurã:

—Gũa merã dujaka! Ñamikague ããrã. Naĩmejãrõgue yáa, ãrĩñurã.

Irasirigũ Jesús ìgùsã merã waa, ìgùsãya wiigũ ñajãkõãyupũ ìgùsã merã dujagu.

30 Pũrũ ìgùsã merã baa doanígũ, pãrẽ ãĩ, Marĩpũre: “Mũrẽ mũyari sĩa”, ãrĩ, pãrẽ pea, ìgùsãrẽ guereyupũ.

31 Ìgũ irasirimakũ ìãrãgueta: “Jesúta ããrĩmi”, ãrĩ ìãmasĩñurã. Ìgùsã ìãmasĩmakũta, dederiakõãyupũ ìgùsãrẽ.

32 Ìgũ irasũ dederiadero pũrũ, ìgùsã basi ãsũ ãrĩ gãme werenĩñurã:

—Maague ìgũ marĩrẽ: “Marĩpũya werenĩrĩ gojadeare: ‘Ãsũ ãrĩdũaro yáa’ ”, ãrĩ weremakũ pérã, bũro mũyari merã: “Õãtaria”, ãrĩ péñabu, ãrĩñurã.

33 Irasirirã mata Jerusalëgue gãme dujáakõãñurã. Irogue eja, Jesús buerã, pe mojõma pere su gubu suru përebejarã nerëanerãrë, gajirã Ìgüsã merãmarãdere bokajañurã.

34 Ìgüsã ejamakü Ìärã, iro nerëanerã äsü äriñurã:

—Diyeta marĩ Opũ masãñumi. Simõrë deyoayupũ, äriñurã.

35 Ìgüsã irasü ärimakü pérã, Emaúgue waanerãde Ìgüsãrë maague waadeare wereñurã. Jesús pärë pea, Ìgüsãrë Ìgü sïmakü, Ìgürë Ìãmasãideare wereñurã iro nerëanerãrë.

Jesús Ìgü buerãrë deyoadea
(Mt 28.16-20; Mr 16.14-18; Jn 20.19-23)

36 Ìgüsã irire irasü äri wereniripoe Jesús Ìgüsãrë deyoa, äsü äri õãdoreyupũ:

—¿Äärĩri musã? Siñajãri merã äärĩrikuka! äriyupũ.

37 Ìgü deyoamakü, Ìägukakõãñurã. “Boadi yujupũrã deyoamakü Ìärã irikoa marĩ”, äri güñañurã. Irasirirã bũro güiñurã.

38 Ìgüsã güimakü Ìägü, Jesús Ìgüsãrë äriyupũ:

—¿Nasirirã Ìägukari musã? ¿Nasirirã yure Ìärã: “Ìgü boadi dupaturi ok-abiribukumi”, äri güñarĩ musã? Irire güñabirikõãka!

39 Ìäka, yaa mojõrĩrë, yaa guburidere! Yuta äärã. Yure moãñaka! Irasirirã masĩrãkoa yu äärĩrĩrë. Sugũ boadi Ìgü yujupũrã merã deyoagu dupũ opabemi. Diĩ, gõärĩ opabi äärĩkumi. Yu gapũ diire, gõärĩrë opãa, äriyupũ Jesús.

40 Irasü äärĩgũta, Ìgüya mojõrĩrë soeu, Ìgüya guburidere Ìmuyupũ Ìgüsãrë.

41 Ìgüsã gapũ mérõgã bũremurĩ opakrerã, bũro usuyari merã: “¿Diyeta Ìgũta äärĩkuri?” äri güñañurã.

Ìgüsã irasü mérõgã bũremurĩ opamakü, Jesús masĩkõãyupũ. Irasirigu Ìgüsãrë sërëñayupũ:

—¿Musã baari opari õõrë? äriyupũ.

42 Ìgü irasü ärimakü pé, waaĩ mupũadea dukare sïñurã. Mume dekodere Ìgürë sïñurã baaburo, äriã.

43 Irire sïmakü, Ìgüsã Ìürõ äi baayupũ.

44 Baa odo, Jesús Ìgüsãrë wereyupũ doja:

—Sõõ äärĩdeapoe musã merã äärĩgũ, yu musãrë werederosũta dapagorare yure waabũ. Moisés yaamarë gojaderosũta yure waabũ. Marĩpũya kerere weredupiyunerã gojaderosũta, Salmos wãikuri pũrë gojanerãde Ìgüsã yure gojaderosũta waabũ. Äärĩpereri Marĩpũ Ìgüsãrë irasü gojadorederosũta yure waabũ, äriyupũ Jesús.

45 Irasü äri odo, Marĩpũya werenĩrĩ gojadeare Ìgüsãrë pémasĩmakü iriyupũ.

46 Äsü äriyupũ:

—Iripoegue Marĩpũya kerere weredupiyunerã gojadea pũgue äsü gojasũdero äärĩbũ: “Cristo, Marĩpũ iriudi boakõãgukumi. Ìgü boagu, urenũ waarõ merã masãgukumi doja.

47 Ìgü masãdero puru, Ìgürë bũremurã Ìgüya wãĩ, Ìgü turaro merã äärĩpereri nikü marãguere Ìgüya kerere weregorenarãkuma. Jerusalén marãrë werepuroriwãgãrãkuma. Äsü äri wererãkuma: ‘Musã ñerĩ iririre bujawereka! Musã güñarĩrë gorawayuka! Irasirigu Marĩpũ musã ñerĩ irideare kãtigukumi’, äriãkuma, äri gojasũdero äärĩbũ.

48 Musã i äärĩpereri yure waadeare Ìãnerã äärã. Irasirirã irire gajirãrë wererãkoa.

⁴⁹ Yurɛ iripoegue ariderosũta yɛ mɛsãrẽ Oãgũ deyomarĩgũrẽ iriugɛra, ĩgũ mɛsãguere ããrĩnikõãburo, arĩgũ. Irasirirã õõ Jerusalẽta dujaka dapa, ĩgũ mɛsãrẽ ãmɛgasima turarire sigũ aarimakũ, arĩyurɛ Jesús.

Jesús ãmɛgasigue mɛrĩadea

(Mr 16.19-20)

⁵⁰ Purɛ Jesús ĩgũsãrẽ Betania wãĩkuri makã turogue ãĩayurɛ. Iroque eja, Jesús ĩgũya mojõrĩ soemu: “Yurɛ mɛsãrẽ õãrõ iritamuburo”, arĩyurɛ.

⁵¹ Irasũ arĩgũta ĩgũsãrẽ pĩkõã, ãmɛgasigue ãĩmɛrĩãkõãsũyurɛ.

⁵² ĩgũsã, ĩgũ mɛrĩãmakũ ĩãrã: “Õãtarigɛ ããrĩmi”, arĩ bɛremuñurã. Purɛ bɛro ɛsɛyari merã Jerusalẽgue goedujãakõãñurã.

⁵³ Ɛmɛrikɛ Marĩpɛya wiigue ĩgũrẽ: “Õãtaria mɛ”, arĩ, ɛsɛyari sĩnañurã.

Ãsũ ããrã. Irasũta ããrĩburo.

Lucas

SAN JUAN

*Jesucristo Marĩpũya werenĩrĩrẽ weregũ marĩ irirosũ dupũkũgũ
ããrĩnũgãrĩmarẽ gojadea*

¹ Neõgoragueta i ùmũ ããrĩburi dupiyuro Jesucristo Marĩpũya werenĩrĩrẽ weregũ ããrĩsiadi ããrĩmĩ. Marĩpũ merã ããrĩgũ, Marĩputa ããrĩmĩ.

² Neõgoragueta ìgũ Marĩpũ merã ããrĩsiadi ããrĩmĩ.

³ Irasirigũ Marĩpũ ìgũ merã i ùmũma ããrĩburi ããrĩpererire iridi ããrĩmĩ. Irasiriro i ùmũma ããrĩpereri Marĩpũ ìgũ merã iridea ããrã.

⁴ Jesucristo, Marĩpũ merã perebiri okarire sĩgũ ããrĩmĩ. I okari merã masakare sĩãgori sĩgũ ããrĩmĩ. Irasirigũ ìgũsãrẽ Marĩpũre masĩmakũ yãmi.

⁵ Marĩpũre masĩmerã naĩtĩãrõgue ããrĩrã irirosũ ããrĩma. Jesucristo sĩãgori sĩgũ ããrĩgũ ìgũsãrẽ Marĩpũre masĩmakũ yãmi. Naĩtĩãrĩ sĩãgorire neõ yau-masĩbea.

⁶ Jesucristo i ùmũgue aariburi dupiyuro Marĩpũ Juan* wãikũgũre iriudi ããrĩmĩ.

⁷ Juan, Jesús masakare sĩãgori sĩgũ ããrĩgũ ìgũ i ùmũgue aariburire weremi, ããrĩpererã irire pérã ìgũrẽ bũremuburo, ãrĩgũ.

⁸ Juan masakare sĩãgori sĩgũ ããrĩgũ meta ããrĩmĩ. Ìgũsãrẽ Jesucristo aariburi gapũre weredupiyudi ããrĩmĩ.

⁹ Jesucristo diayeta ããrĩpererã masakare sĩãgori sĩgũ ããrĩgũ i ùmũgue ããrĩrãrẽ Marĩpũre masĩmakũ irigũ aaridi ããrĩmĩ.

¹⁰ Jesucristo i ùmũguere ããrĩdi ããrĩmĩ. Marĩpũ ìgũ merã i ùmũrẽ irikere-makũ, i ùmũ marã gapũ ìgũrẽ neõ masĩbirinerã ããrĩmã.

¹¹ Ìgũya nikũgue aarikeremakũ, ìgũya nikũ marã gapũ ìgũrẽ bokatĩrĩnũãbirinerã ããrĩmã.

¹² Ìgũrẽ bokatĩrĩnũã, bũremurã gapũre Marĩpũ pũrã ããrĩmakũ yãmi.

¹³ Ìgũsã pagũsãmarã ìgũsãrẽ pũrãkũrã, Marĩpũ pũrã ããrĩmakũ iribema. Irasũ ããrĩmakũ, ìgũsã pagũ ìgũ gããmerõ iriri merã ìgũsãrẽ Marĩpũ pũrã ããrĩmakũ iribemi. Marĩpũ gapũ ìgũsãrẽ ìgũ pũrã ããrĩmakũ yãmi.

¹⁴ Jesucristo, Marĩpũya werenĩrĩrẽ weregũ marĩ irirosũ dupũkũgũ ããrĩnũgãdero pũrũ, i ùmũgue gũa merã ããrĩgũ, masakare bũro maĩrĩ merã, diaye werenĩgũ ããrĩmĩ. Gũa ìgũ goesiririre ìãbũ. Ìgũ Marĩpũ magũ sugu ããrĩgũ, ìgũ irirosũta turagũ, õãgũ ããrĩmĩ.

¹⁵ Juan masakare wãiyedi Jesucristore ìãgũ, gũare ãsũ ãrĩ weremi:

— Ìĩ ããrĩmĩ yũ mũsãrẽ weredi. Mũsãrẽ ãsũ ãrĩ werebũ: “ Ìgũ yũ pũrũ aarikeregũ, yũ deyoaburo dupiyuro ããrĩsiadi ããrĩmĩ. Irasirigũ yũ nemorõ ããrĩmĩ”.

¹⁶ Jesucristo marĩrẽ maĩtarigũ ããrĩsĩã, marĩ ããrĩpererãrẽ õãrõ iritamunĩkõãmi.

¹⁷ Marĩpũ ìgũ dorerire Moisés merã marĩrẽ pídi ããrĩmĩ. Jesucristo merã gapũre Marĩpũ ìgũ marĩrẽ maĩrĩrẽ, ìgũ werenĩrĩ diaye ããrĩrĩrẽ ìmumi.

¹⁸ Neõ sugũ masakũ Marĩpũre ìãdi mámi. Jesucristo ìgũ magũ sugũ ããrĩgũ gapũ ìgũ Pagũ merã ããrĩsĩã, marĩrẽ ìgũrẽ masĩmakũ yãmi.

*Juan masakare wãiyerimasũ Jesucristoyare weredeia
(Mt 3.11-12; Mr 1.7-8; Lc 3.15-17)*

* **1:6** Jesucristo i ùmũgue aariburi dupiyuro Marĩpũ iriudi, Juan wãikũgũ masakare wãiyedi ããrĩmĩ.

19 Judío masaka oparã Jerusalén ããrĩrã paĩare, Levíya bumarãdere Juan pũrogue ìgũrẽ: “¿Noã ããrĩrĩ mũ?” ãrĩ sërẽñadorerã iriuñurã.

20 Ìgũsã irasũ ãrĩ sërẽñarã ejamakũ, Juan ìgũsãrẽ pémasĩma òãrõ ãsũ ãrĩ yũjũmi:

–Yũ, Cristo Marĩpũ masakare taudoregũ iriudi ããrĩbea, ãrĩmi.

21 Irasirirã ìgũrẽ dupaturi sërẽñama doja:

–Iro merẽ, ¿niño gapũ ããrĩrĩ? ¿Iripoeguemũ Marĩpũya kerere weredupiyudi Elías ããrĩrĩ? ãrĩma.

Juan ìgũsãrẽ yũjũmi:

–Ããrĩbea, ãrĩmi.

Ìgũ irasũ yũjũmakũ pérã, dupaturi ìgũrẽ sërẽñama doja:

–¿Mũ, sõ ããrĩdeapoe masaka Marĩpũya kerere weredupiyugũ aaribu ããrãyupũ, ìgũsã ãrĩdi ããrĩrĩ? ãrĩma.

Juan yũjũmi:

–Ããrĩbea.

22 Irasirirã ìgũrẽ ãsũ ãrĩma:

–¿Niño gapũ ããrĩrĩ? Gũare iriuanerã ìgũsã pũrogue mũ yũjũrere gũã ãĩãmakũ gããmema. Irasirigũ wereka gũare! Mũ basi, ¿naásũ ãrĩ gũñarĩ? ãrĩma.

23 Irasirigũ Juan iripoeguemũ Isaías Marĩpũya kerere weredupiyudi gojadea merã ìgũsãrẽ ãsũ ãrĩ yũjũmi:

–Masaka marĩõgue sugũ bũro bũsũro merã were gaguinígorenagũ ãsũ ãrĩ werea: “Marĩ Opũ aariburi dupiyuro ìgũ aariburi maarẽ diayema maa òãrĩ maa ãmurã irirosũ diayemarẽ irika!” ãrĩ werea, ãrĩmi Juan.

24-25 Ìgũ irasũ ãrĩ yũjũmakũ pérã, fariseo bumarã iriuanerã ìgũrẽ sërẽñama doja:

–Mũ, Cristo Marĩpũ iriudi, o Elías, o sõ ããrĩdeapoe Marĩpũya kerere weredupiyudi ããrã, ãrĩbi, ¿nasirigũ masakare wãiyeri?

26 Juan ìgũsãrẽ ãrĩmi:

–Yũ masakare deko merã wãiyea. Sugũ mũsã watopeguere mũsã masĩbi ããrĩmi.

27 Ìgũ, yũ pũrũ aarikeregũ, yũ nemorõ ããrĩmi. Yũ ubu ããrĩgũ, ìgũrẽ neõ sũropebirikoa, ãrĩmi.

28 Juan ìgũ masakare wãiyenarõgue Betania wãikũro, dia Jordán wãikũdiya abe mũrĩro gapũ i ããrĩpererire ìgũsãrẽ weremi.

Marĩpũ Jesúre oveja majìgũ irirosũ ããrìgũrẽ iriudi ããrìrĩmarẽ Juan weredea

29 Gajinũ gapũ Juan, Jesús ìgũ pũro aarimakũ ìãgũ, gũare ãsũ ãrĩmi:

–Ìãka! Ìrĩ Marĩpũ iriudi, oveja majìgũ[†] irirosũ ããrĩmi. Ìgũ boari merã i ãmũ marãrẽ ìgũsã ñerõ iridea wajare peremakũ irigũkumi.

30 Ìrĩta ããrĩmi yũ mũsãrẽ iro dupiyuro ãsũ ããrĩmi, ãrĩ weredi. “Ìgũ yũ pũrũ aarikeregũ, yũ deyoaburo dupiyuro ããrĩsiadi ããrĩmí. Irasirigũ yũ nemorõ ããrĩmi”, ãrĩ werebũ.

31 Yũde ìgũrẽ: “Marĩpũ iriudi ããrĩmi”, ãrĩmasĩbiribu. Ìgũrẽ masĩbirikeregũ, Israel bumarã masakare deko merã wãiyegũ aarigũ iribu, ìgũsã ìgũrẽ masĩburo, ãrìgũ, ãrĩmi.

32 Irasũ ãrĩ odo, Juan ãsũ ãrĩ werenemomi doja:

† 1:29 Exodo 29.38-43; Números 28.1-4,9, 16-19; 29.7-8: Iripoegue Marĩpũ Moisére ìgũ dorerire ãsũ ãrĩ pídi ããrĩmí: “Israel bumarãrẽ ãsũ ãrĩka: ‘Mũsã yũ dorerosũta yũre bũremurã, oveja majìgũrẽ òãgũrẽ yũ ìũrõ wẽjẽ soepeoka! Mũsã irasirimakũ ìãgũ: ‘Mũsã ñerõ iridea wajare opamerã ããrã, mũsãrẽ wajamoãbirikoa’, ãrì ìãgũkumi’, ãrĩka!’ ãrĩdi ããrĩmí.

—Ōāgū deyomarīgū ūmugasigue merā buja irirosū deyogu dijari, Cristo weka ejamakū ĩābu.

³³ Marīpu yure masakare deko merā wāiyedoredu dupiyurogue āsū ārīmi: “Mū Ōāgū deyomarīgū dijari, sugū masakū weka ejamakū ĩāguko. Īgūta masakare Ōāgū deyomarīgū merā wāiyegukumi, ĩgū ĩgūsā merā āārīnkōāburo, āārīgū”, ārīmi Marīpu yure.

³⁴ Irasū waamakū ĩāgū: “Īgūta Marīpu magū āārīmi”, ārī masību. Irasirigu musārē irire werea, ārīmi Juan.

Jesús buerā ĩgū merā āārīpuroridea

³⁵ Gajinu gapu irogueta Juan dupaturi āārīmí doja. Gua pērā ĩgū buerā ĩgū merā āārībú.

³⁶ Jesús gua puro tariamakū ĩāgū, Juan āsū ārīmi:

—Īāka! Īī oveja majīgū irirosū Marīpu iriudi āārīmi.

³⁷ Īgū irasū ārīmakū pērā, gua pērā Juan buerā Jesúre tuyabu.

³⁸ Irasirigu, gua ĩgūrē tuyamakū gāmenugā ĩā:

—¿Ñeēnorē gāāmerī? ārīmi.

Gua ĩgūrē ārību:

—¿Buegu, noógue āārārī mu?

³⁹ Īgū guare ārīmi:

—Īārā aarika!

Irasirirā gua ĩgū merā waa, ĩgū kārīrōgue ñamika cuatro hora āārīmakū ejabu. Irogu eja, iri ñamirē ĩgū merā āārībú.

⁴⁰ Gua pērā: yu, Andrés merā Juan weredeare pénerā āārīsīā, Jesúre tuyabu. Andrés, Simón Pedro pagumu āārīmí.

⁴¹ Gajinu gapu, Andrés ĩgū tīgū Simón Pedore āmapurumugū waami. Īgū purogue eja, ĩgūrē ārīyupu:

—Marīpu iriudi Mesíare bokajabu, ārīyupu. “Mesías”, ārīrō: “Cristo”, ārīduaro yāa.

⁴² Irasirigu Andrés Simōrē Jesús purogue āijami. Jesús ĩgūrē ĩāgū, āsū ārīmi:

—Mū, Simón wāikugu Jonás magū āārā. Puru mu “Cefas” wāikuguko, ārīmi. “Cefas”, ārīrō: “Pedro”, ārīduaro yāa.

Jesús Felipere, Natanaere siudea

⁴³ Gajinu gapu Jesús: “Galilea nikūgue waagura”, ārī, Felipere bokaja:

—Nāka, yu merā! ārīmi.

⁴⁴ Felipe Betsaida wāikuri makāmu āārīmí. Pedro, Andrésāde iri makā marāta āārīmá.

⁴⁵ Jesús ĩgūrē: “Nāka!” ārīmakū pégu, Felipe Natanaere siiugu waami. Īgū purogue eja, ĩgūrē ārīyupu:

—Moisés ĩgūya doreri gojadea pūgue ĩgū gojadire bokajabu. Marīpuya kerere weredupiyunerāde ĩgūrēta gojanerā āārīmá. Īgūsā gojadi Jesús Nazaretmu, José magū āārāmi, ārīyupu Felipe.

⁴⁶ Īgū irasū ārīmakū pégu, Natanael gapu ĩgūrē ārīyupu:

—Neō sugū Nazaretmu ōārō irigu mámi, ārīyupu.

Felipe gapu ĩgūrē ārīyupu:

—Nāka, ĩmusi.

⁴⁷ Jesús, Natanael ĩgū puro ejarimakū ĩāgū, āsū ārīmi:

—Īī ōāgū, diayeta Israel bumugora, ārīkatori marīgū āārīmi.

⁴⁸ Īgū irasū ārīmakū pégu, Natanael ĩgūrē sērēñami:

—¿Naāsūpero merā yure masīrī mu?

Jesús ārīmi:

–Felipe, mūrē siiuburi dupiyuro higueragu doka m_u āārīmakū īāb_u, ārīmi.

⁴⁹ Īgū irasū ārīmakū pégu, Natanael īgūrē ārīmi:

–Buegu, m_u Marīp_u magū, Israel bumarā Op_u āārā, ārīmi.

⁵⁰ Jesús īgūrē ārīmi:

–Y_u mūrē: “Higueragu doka m_u āārīmakū īāb_u”, ārīrī ditare pēsīā, y_ure b_uremua. P_ur_uguere i nemorō Marīp_u turari merā y_u iri īmurīrē īāg_ukoa, ārīmi.

⁵¹ Āsū ārīnemomi doja:

–Diayeta m_usārē werea. P_ur_uguere ūm_ugasi tūpāmakū īārākoa. Irasū tūpāmakū, Marīp_ure wereboerā y_u āārīpererā tīgū p_urore m_urīāna, dijarina irimakū īārākoa, ārīmi Jesús.

2

Jesús Caná wāīk_uri makāgue mojōs_uadiya bosen_urē īāg_u waadea

¹ Jesús Felipere, Natanaere siiudero p_ur_u, ūren_u waaró merā, Galilea nikūguere Caná wāīk_uri makārē sug_u mojōs_uadiya bosen_u āārīb_u. Jesús pagode iri bosen_urē īāgō waamo.

² G_ua Jesús buerādere, īgū merā iri bosen_urē īādorerā siiuma.

³ P_ur_u iri bosen_uma igui deko peremakū īāgō, Jesús pago īgūrē ārīmo:

–Igui deko pereakōāb_u īgūsārē.

⁴ Igo irasū ārīmakū pégu, Jesús ārīmi:

–¿Nasirigo irire y_ure wereri m_u? Masaka y_ure masīburo d_uyakōāa dapa, ārīmi.

⁵ Igo gap_u, īgū irasū ārīkeremakū, tīāboerārē ārīmo:

–Y_u magū m_usārē dorerosūta irika!

⁶ Iri wiiguere su mojōma pere gaji mojō suru pērēbejari sorori ūtāyeri merā iridea sorori āārīb_u. Judío masaka Marīp_u dorederosū irirā īgūsā gurari koeburi deko duripīri sorori āārīb_u. Sororik_u wáro deko cincuenta o setenta litros ejari sorori āārīb_u.

⁷ Jesús tīāboerārē ārīmi:

–I sororire deko piusā ūt_udobopeokōāka! ārīmi.

Īgū irasū ārīmakū pérā, iri sororire piusā, ūt_udobopeokōāma.

⁸ Īgūsā odomakū, Jesús ārīmi:

–Mérō āīsīā, bosen_u siiu irig_ure tīārā waaka! ārīmi.

“Já_u” ārī, āīāma.

⁹ Iri bosen_u siiu irig_u Jesús dekoreta igui deko iriadeare masībiri. Tīāboerā dita irire masīma. Irasirig_u iri bosen_u siiu irig_u irire iirīnag_u, mojōs_uadire siiu, āsū ārīmi:

¹⁰ –Gajirā igui deko ōārīrē tīādorep_urorikuma. P_ur_u īgūsā siiuanerā wáro iiríadero p_ur_u, igui deko ubu āārīrīrē tīādorekuma pama. M_u gap_u igui deko ōārīrē duripíayo g_uare tīātūnubu, ārīmi.

¹¹ Jesús Galilea nikūma makā Caná wāīk_uri makāgue irire irig_u, Marīp_u turaro merā iri īmur_urorimi. Īgū irasirimakū īārā, g_ua īgū buerā: “Diayeta Marīp_u iriudi āārīmi”, ārī b_uremub_u.

¹² P_ur_u Jesús Capernaum wāīk_uri makāgue waakōāmi. Īgū pago, īgū pag_upūrā, g_ua īgū buerāde īgū merāta waab_u. Iri makāgue eja, yoaweyaripoe āārīb_u.

Jesús Marīp_uya wiig_ue duarimasārē béowiudea

(Mt 21.12-13; Mr 11.15-18; Lc 19.45-46)

¹³ Pascua bosen_u mérō d_uyaripoe Jesús Jerusalén wāīk_uri makāgue waami.

14 Irogue ejagu, Marĩpuya wiigue ñajaa, wekua, oveja, buja duarimasãrẽ bokajami. Irasũ ããrĩmakũ, niyeru gorawayurimasã ãgũsãya kũmarĩ puro doarãrẽ bokajami.

15 ãgũsã irasirimakũ ããgũ, pũgubu merã tããrĩdari iri, ãgũsãrẽ, ãgũsãyarã ovejare, wekware makãgue tããrũrũwiumi. Niyeru gorawayurimasãrẽ ãgũsãya niyeru kũmarĩrẽ túmeépísirimi.

16 Irasiri odo, buja duarimasãrẽ ãsũ ãrĩmi:

– ãsãrẽ ããwiriaka! Yũpuya wiire doebiri duari wii iribirikõãka! ãrĩmi Jesús.

17 ãgũ irasũ ãrĩmakũ pérã, gũa ãgũ buerã Marĩpuya werenĩrĩ gojadea pũgue ãsũ ãrĩ gojadeare gũñabokabu:

Yũ Opũ, muya wiire buro maĩa. ãgũsã iri wiire ñerõ irimakũ ããgũ, buro bujawereri merã ããrã, ãrĩ gojasũdero ããrĩbũ.*

18 Judío masaka oparã Jesús irasirimakũ ããrã, ãgũrẽ sãrẽñama:

– ¿Nasirigu ãgũsãrẽ béowuari? Marĩpũ irire murẽ iridoremakũ, ãgũ turari merã iri ãmuka, gũa masĩma õãrõ! ãrĩma.

19 Jesús ãgũsãrẽ ãrĩmi:

– I wiire musã béomakũ, urenu merãta yũ dupaturi odonũgũkoa doja, ãrĩmi.

20 ãgũ irasũ ãrĩmakũ pérã, ãrĩma:

– I wiire irirã, cuarenta y seis bojorigora irima. ¿Nasiribu mũ gapũ urenu merãta odobukuri?

21 Jesús iri wiire weregu, ãgũya dupũ gapũre weregu irimi.

22 Jesús boa, masãdero purũ, gũa ãgũ buerã ãgũ irasũ ãrĩdeare gũña, pémasĩbu. Irasirirã Marĩpuya werenĩrĩ gojadea pũgue ãgũrẽ gojadeare, ãgũ weredeade: “I diayeta ããrĩyo”, ãrĩ buremubu.

Jesús ããrĩpererã masaka gũñarĩrẽ ããmasĩdea

23 Pascua bosenũ ããrĩmakũ, Jesús Jerusalẽgue ããrĩmĩ. Masaka ãgũ Marĩpũ turari merã iri ãmumakũ ããrã, wãrã: “Marĩpũ iriudi ããrĩmi”, ãrĩ buremuma.

24 ãgũsã irasũ buremukeremakũ, Jesús gapũ ããrĩpererã ãgũsã gũñarĩrẽ ããmasĩkõãmi. Irasirigu ãgũsãrẽ: “Yũre gũñaturari merã buremunĩkõãrãkuma”, ãrĩ ããbirimi.

25 Masaka gũñarĩrẽ õãrõ ããmasĩgũ ããrĩsã: “¿Naásũ gũñarĩ ãgũsã?” ãrĩ sãrẽñabirikeregu, ããmasĩmi.

3

Nicodemo Jesús merã werenĩdea

1 Sugũ judío masaka oparã merã fariseo bumũ Nicodemo wãĩkũgũ ããrĩmĩ.

2 Su ñami Jesúsre ããgũ ejayupu. ãgũ purogue eja, ãgũrẽ ãrĩyupu:

– Buegu, Marĩpũ mũ merã ããrĩmi. Irasirigu ãgũ turari merã mũ iri ãmumasĩa. Mũ iri ãmurĩrẽ ããrã, gũa masĩa. Marĩpũ murẽ iriudi ããrĩmĩ gũare buedoregu, ãrĩyupu.

3 ãgũ irasũ ãrĩmakũ pégu, Jesús ãgũrẽ ãrĩyupu:

– Diayeta murẽ werea. Sugũ masakũ dupaturi deyoagu irirosũ ããrĩgũ dita Marĩpũ ãgũyarãrẽ dorerogue waamasĩmi, ãrĩyupu.

4 ãgũ irasũ ãrĩmakũ pégu, Nicodemo Jesúsre sãrẽñayupu:

– ¿Nasiri irasũ waabukuri? Sugũ masakũ bugurogue dupaturi deyoabu, ãgũ pagoya patoreguere ñajãmasĩbirikumi, ãrĩyupu.

5 Jesús ãgũrẽ yũyũyupu:

– Diayeta murẽ werea. Sugũ masakũ deko merã, Õãgũ deyomarĩgũ merã deyoagu dita Marĩpũ ãgũyarãrẽ dorerogue waamasĩmi.

* 2:17 Sal 69.9

⁶ Masaka pūrākumakū, ĩgūsā pūrā masakata āārīma. Ōāgū deyomarīgū ĩgū merā deyoarā gapure Marīpu pūrā āārīmakū yāmi.

⁷ Irasirigū mu: “Āārīpererā dupaturi deyoarā irirosū āārīrō gāāmea”, āārīrē pégu, pégukabirikōāka!

⁸ Mirū noó gāāmerō wējāpuwāgāa. Iri busurire péa. Irire pékererā, sōō merā aara, iro waaró yāa, āārī masīña máa. Irasūta āārā, Ōāgū deyomarīgū ĩgū merā deyoarārē Marīpu pūrā āārīmakū iriri āsū waaró yāa, āārī masīña máa, āārīyupu Jesús.

⁹ ĩgū irasū āārīmakū pégu, Nicodemo āsū āārī sērēñayupu Jesúre doja:

—¿Nasiro irasū āārībukuri? āārīyupu.

¹⁰ Jesús ĩgūrē yujyupu:

—¿Mu Israel bumarārē Marīpuare buegu āārīkeregū, ire masīberi?

¹¹ Diayeta marē werea. Gūa masīrīrē, gūa ĩādeare musārē werea. Musā gapu irire bñremubea.

¹² Yu i ũmuma ubu āārīrīrē weremakū mañurē bñremubea. ¿Nasirimurā ũmugasimarē yu wereri gapure bñremubukuri?

¹³ Neō sugū masakū ũmugasiguere murīa, purū dijaridi mámi. Yu sugūta āārīpererā tīgū ũmugasigue āārīdi ōō i ũmugue dijaribu.

¹⁴ Iripoegue masaka marīrōgue Moisés kōme merā āña keori irideare yukugue āisiu, āiwāgūnúdi āārīmí. I āña keorire yukugue āisiu, āiwāgūnúderosū masaka yure āārīpererā tīgūrē curusague pábiatú, āiwāgūnúrākuma.

¹⁵ Irasirirā āārīpererā yure bñremurāno perebiri peamegue waabirikuma. ũmugasigue perebiri okari gapure oparākuma.

Jesús Nicodemorē: “Marīpu i ũmu marārē bñro maīmi”, āārī werede

¹⁶ Marīpu i ũmu marārē bñro maīsīā, ĩgū magū sugū āārīgūrē iriudi āārīmí. ĩgūrē bñremurāno perebiri peamegue waabirikuma. ũmugasigue Marīpu merā perebiri okari gapure oparākuma.

¹⁷ Marīpu ĩgū magūrē masakare peamegue waabonerārē taudoregu i ũmugue ĩgūrē iriudi āārīmí. Masakare wajamoādoregu meta i ũmugue ĩgūrē iriudi āārīmí.

¹⁸ Marīpu ĩgū magūrē bñremurārē neō wajamoābirikumi. ĩgūrē bñremumerā gapure: “Wajamoāgura”, āārī weresiami. ĩgū magūrē sugūta āārīgūrē bñremubiridea waja ĩgūsārē wajamoāgukumi.

¹⁹ Marīpu magū i ũmugue aarimí, masakare Marīpuare masīmakū iribu. Irasirigū ĩgūsārē sīāgori sīgū āārīmí. ĩgūrē bñremumerā gapu ĩgūrē gāāmebema. ĩgūsā ñerī iriri gapure bñro gāāmema. Irasirirā boyorogue āārīmerā, naītīārōgue āārīduarā irirosū āārīma. Irasirigū Marīpu ĩgūsārē wajamoāgukumi.

²⁰ Āārīpererā ñerō irirā Marīpu magūrē gāāmebema. Boyorogue āārīduamerā irirosū āārīma, gajirā ĩgūsā ñerō iririre masībirikōāburo, āārīrā.

²¹ Marīpuare keoro irirā gapu ĩgū magūrē gāāmema. Boyorogue āārīduarā irirosū āārīma, gajirā ĩgūsā ōārīrē irimakū ĩārā: “Marīpu ĩgūsārē iritamumi”, āārī masīburo, āārīrā, āārī wereyupu Jesús.

Juan masakare wāiyerimasū Jesúyare werede

²² Purū Jesús guare ĩgū buerārē Judea nikūgue siiuwāgāmi. Irogue eja, iro marā merā yoaweyaripoe āārī, ĩgūsārē wāiyerā iribu.

²³ Juāde masakare Enón wāikuri makāgue wāiyeyupu. Enón, Salim wāikuri makā purō āārībú. Irogue dia wādiya āārībú. Irasirirā masaka ĩgū purogue wāiyedorerā waanañurā.

24 Gajirã ãgũrẽ peresu iriburi dupiyuro ããrĩyuro.

25 Iripoere surãyeri Juan buerã sugũ judío masakũ merã ãgũsã koerikuri merã guaseopuroriñurã.

26 Purũ Juan purogue waa, ãgũrẽ ãsũ ãrĩ wereñurã:

–Buegũ, dia Jordán wãikũdiya gaji koepugue mũ merã ããrĩdi, gũare mũ weredi, dapagorare masakare wãiyegũ iriami. ããrĩpererã ãgũ purogue waarã iriama, ãrĩñurã.

27 ãgũsã irasũ ãrĩmakũ pégũ, Juan ãrĩyupũ:

–Sugũ masakũ Marĩpũ turari merã ããrĩrẽ iriri, Marĩpũ ãgũrẽ pídea ããrã.

28 Mũsã yũ weredeare pébũ. “Marĩpũ iriudi Cristo ããrĩbea yũ”, ãrĩbũ. Yũ Cristo ããrĩbirikeremakũ, Marĩpũ gapũ Cristo aariburi dupiyuro yũre ãgũyare weredupiyudoregũ iriumi.

29 ãsũ ããrã. Sugũ mojõsũamakũ, nomeõ ãgũ merã ããrĩgõ waakumo. ãgũ merãmũ, mojõsũamakũ ããgũ, ãgũ werenĩmakũ pégũ, burõ usũyakumi. Irasirigũ mojõsũadi merãmũ usũyaderosũta masaka Cristo merã waamakũ ããgũ, yũde usũyari opataria.

30 Masaka Cristore tũyaro gããmea. Yũ gapũre tũyaduúkõãrõ gããmea, ãrĩyupũ Juan.

Jesucristo ãmũgasigue merã dijaridi ããrĩmi, ãrĩ werede

31 Irasũ ãrĩ odo, Juan ãsũ ãrĩnemoyupũ doja:

–Ëmũgasigue merã dijaridi ããrĩpererã nemorõ masĩgũ ããrĩmi. Sugũ masakũ i ãmũmũ, i ãmũmarẽ werenĩkumi. Ëmũgasigue merã dijaridi gapũ ããrĩpererã nemorõ masĩgũ ããrĩmi.

32 ãgũ ããdeare, ãgũ pédeare weremi. ãgũ irire werekeremakũ, neõ sugũ ãgũ wererire bũremubemi.

33 ãgũ wererire bũremurã gapũ: “Marĩpũ diaye ããrĩrĩmarẽ ãrĩkatori marĩrõ ãrĩgũ ããrĩmi”, ãrĩ ãmuma.

34 Marĩpũ Cristore ãgũ iriudire Õãgũ deyomarĩgũrẽ opatarimakũ iridi ããrĩmĩ. Irasirigũ Cristo Marĩpũya werenĩrĩrẽ weremi.

35 Marĩpũ ãgũ magũ Cristore burõ maĩmi. Irasirigũ ãgũrẽ ããrĩpereri, ããrĩpererãrẽ doregũ ããrĩmakũ iridi ããrĩmĩ.

36 Marĩpũ magũrẽ bũremurã ãmũgasigue ãgũ merã perebiri okarire opama. ãgũ magũrẽ bũremudũamerã gapũ iri okarire neõ opabirikuma. Marĩpũ ãgũsãrẽ burõ wajamoãgũkumi, ãrĩyupũ Juan.

4

Jesús Samaria nikũmo merã werenĩdea

1 Jesús buerã, Juan buerã nemorõ wãrã ããrĩrĩ kerere, Jesús, Juan nemorõ masakare wãiyeri kerere, fariseo bumarã péñurã.

2 ãgũsã iri kerere pékeremakũ, Jesús gapũ ãgũ basi masakare wãiyebirimi. Gũa ãgũ buerã gapũ ãgũsãrẽ wãiyebũ.

3 Fariseo bumarã iri kerere péadeare masĩgũ, Jesús Judea nikũgue ããrãdi, Galilea nikũ gapũ gũare siiu, goedujãami.

4 Galileague goedujãagu, Samaria nikũgue tariwãgãmi.

5 Iro tariwãgãgũ, iri nikũma makã Sicar wãikuri makãgue ejami. Iri makã, Jacob iripoeguemũ ãgũ magũ Josere sĩdea nikũ purõ ããrĩbũ.

6 Iroguere deko gobe Jacob iridea gobe ããrĩbũ. Jesús yoaro aaradi, garibore, iri gobe purõ siñajã eja doami. Goeripoe ejaburi dupiyuro ããrĩbũ.

7-8 ãgũ iroguere doaripoeta gũa ãgũ buerã makãgue baari wajarirã waabũ. Gũa waadero purũ, iri gobeguere sugo nomeõ Samariumo deko wãgo ejayupo.

Igo irogue ejamakū ĩāgū, Jesús igore āriyupū:

—Yure deko tĩāka!

⁹ Ĩgū irasū āriimakū pégo, ĩgūrē āriyupo:

—¿Nasirigu mu judío masakū āārĩkeregū, yure Samariamorē: “Deko tĩāka!” āri sērēri? āriyupo. Iripoere judío masaka Samaria marā merā neō gāmesuribirima. Irasirigo irasū āriyupo ĩgūrē.

¹⁰ Igo irasū āriimakū, Jesús āriyupū:

—Mu Marĩpū masakare sĩrĩrē masĩgō, yudere masĩgō, yure: “Okari sĩrĩ dekore sĩka*!” āri sērēboakuyo. Mu sērēmakū, yu iri dekore sĩboakuyo, āriyupū.

¹¹ Ĩgū irasū āriimakū, ĩgūrē āriyupo doja:

—Mu deko āĩburi sorore opabea, i gobe ũkũāgorāa. ¿Noogue mu i okari sĩrĩ deko bokagukuri?

¹² Iripoegue marĩ ñekū Jacob i gobema dekore iirĩdi āārĩmĩ. Ĩgū pũrā, ĩgūyarā ejorāde iirĩnerā āārĩmā. Ĩgū marĩrē i gobere pídi āārĩmĩ. ¿Mu gapū ĩgū nemorō masĩgū āārĩrĩ? āriyupo.

¹³ Jesús igore yujayupū:

—Āārĩpererā i gobema deko iirĩrā, dupaturi ñemesiburi oparākuma.

¹⁴ Yu sĩburi gapure iirĩrā, neō ñemesiburi opabirikuma. Ĩgūsārē ĩgūsāya yujupũrāĩguere deko ũmayoro irirosū āārĩrokoa. Irasirirā i merā perebiri okari oparākuma, āriyupū.

¹⁵ Ĩgū irasū āriimakū pégo, ĩgūrē āriyupo:

—Iri dekore sĩka yure! Mu yure sĩmakū, yu neō dupaturi ñemesiburi opabirikoa. Irasū āārĩmakū, i gobeguere neō dupaturi deko wágo aaribirikoa pama, āriyupo.

¹⁶ Jesús igore āriyupū:

—Mu marāpūre siiugo waaka! Ĩgūrē siiu, oōgue ĩgū merā dupaturi aarika! āriyupū.

¹⁷ Igo ĩgūrē yujayupū:

—Yu, marāpū marĩgō āārā.

Jesús igore āriyupū:

—Mu yure: “Marāpū marĩgō āārā”, ārĩgō, diayeta yujua.

¹⁸ Mu su mojōmarā ũma merā marāpūkusiadibū. Dapagora mu merā āārĩgū mu marāpū diaye āārĩbemi, mu ĩgūrē neō mojōsuabiribū. Irasiriro mu yujuri diayeta āārā.

¹⁹ Ĩgū irasū āriimakū pégo, āriyupo:

—“Mu Marĩpūya kerere weredupiyurimasū āārĩkoa”, āri gũñāa yu.

²⁰ Gūa ñekūsāmarā Samaria marā sigū ũtāũgue Marĩpūre bñremunerā āārĩmā. Mūsā judío masaka gapū gūare: “Jerusalēgue Marĩpūre bñremurō āārā. Irogue Marĩpūre bñremurā waaka!” ārā gūare mūsā, āriyupo.

²¹ Igo irasū āriimakū pégu, Jesús āsū āriyupū:

—Yu werenĩrĩrē péka! Pñrūgue mūsā i ũtāũguere, Jerusalēguedere Marĩpūre bñremurā waabirikoa. Mūsā irasiriburo mérōgā dñyāa.

²² Mūsā Samaria marā mūsā bñremugūrē masĩbea. Gūa judío masaka gapū gūa bñremugūrē oārō masĩa. Ĩgū masakare taubu judío masakū āārĩmĩ.

* **4:10** Jn 11.25: Jesús ārĩmĩ: —Yu boanerārē masāmakū irigu, ĩgūsārē okari sigū āārā. Yure bñremugū boadigue āārĩkeregū, okagukumi. Jn 14.6: Jesús ārĩmĩ: —Yu dita Ypū pñrogue waarĩ maa irirosū āārā. Yu diayema āārĩrĩrē masakare masĩmakū irigu, ĩgūsārē okamakū irigu āārā. Yu merāta Ypū pñrogue waarākuma.

23 Marĩpũre diayeta bũremurã ĩgũsãya yũjũpũrãĩgũe bũremurãkuma. Marĩpũ ĩgũrẽ bũremurãrẽ ãsũta bũremurõ gããmemi. ĩgũrẽ ãsũ bũremurĩpoe ejaro, dapagorare ejasiãa.

24 Marĩpũ deyomarĩgũ ããĩmi. Irasirigũ ĩgũrẽ bũremurãya yũjũpũrãĩgũe ããĩmi. Irasirirã ĩgũsãya yũjũpũrãĩgũe diayeta ĩgũrẽ bũremurõ gããmea ĩgũsãrẽ, ãĩyũpũ.

25 ĩgũ irasũ ãĩmakũ, ĩgũrẽ ãĩyũpo:

–Yũ masĩa. Mesías, Marĩpũ iriudi Cristo aarigũkumi. ĩgũ aarigũ, marĩrẽ ããĩpererire weregũkumi, ãĩyũpo.

26 Igo irasũ ãĩmakũ pégũ, ãsũ ãĩ deyoromuyũpũ:

–Yũ mũ merã werenĩgũ Marĩpũ iriudita ããrã, ãĩyũpũ Jesús.

27 ĩgũsã irasũ weretamurĩpoe gũa baari wajarirã ejanerã Jesús pũroque goedujajabũ. ĩgũ sugo nomeõ Samariamo merã werenĩmakũ ĩãrã, ĩãgũkakõãbũ. ĩgũrẽ neõ: “¿Ñeénorẽ gããmeari? o ¿ñeénomarẽ igo merã werenĩari?” ãĩ sërẽñabiribũ Jesúre.

28 Pũrũ nomeõ igo deko wãrisorore irota béodobokõã, makãgũe waakõãmo. Iroque ejago, masakare wereyũpo:

29 –Nãka, mũsãde ĩãrã aarika! Sõõ sugũ ãmũũ ããrãmi. ĩgũ ããĩpereri yũ irideare masĩpeokõãmi, irire werepeokõãmi yũre. ¿ĩgũ Cristo, Marĩpũ iriudi ããĩkuri? ãĩyũpo igoya makã marãrẽ.

30 Igo irasũ ãĩmakũ pérã, Jesús pũroque ĩgũrẽ ĩãrã waañurã.

31 ĩgũsã ĩgũ pũro aariburi dupiyuro gũa ĩgũrẽ ãĩbũ:

–Buegũ, gũa mũrẽ ãĩriadea baarire baaka! ãĩ sĩadibũ.

32 Jesús gapũ gũare ãĩmi:

–Yũ baari opãa, irire mũsã masĩbea.

33 ĩgũ irasũ ãĩmakũ pérã, gũa basi ãsũ ãĩ gãme sërẽñapũroribũ:

–¿Gajĩpoe irirã gajirã ĩgũrẽ baari ejoyuri? ãĩbũ.

34 Jesús gapũ gũare ãĩmi:

–Yũre iriudi gããmerĩrẽ irigũ, ĩgũ yũre moãdoredeare iriyuwarikũgũ, baayapigũ irirosũ ããrã.

35 Mũsã ãsũ ãrã: “Wapikũrã abe duyãa, ĩgũsã otedea dũka sĩburo”. Yũ gapũ mũsãrẽ ãsũ ãrã: “ĩgũsã otederore ĩãka! Dũka borerire searĩpoe ejasiãa”.

36 Sugũ otedea dũkare searimasũ ĩgũ moãdea wajare wajatami. Marĩpũya werenĩrĩrẽ weregũ ĩgũ irirosũ ããĩmi. ĩgũ wererire pérã, yũre bũremuma. Irasirirã ãmũgasigũe perebiri okarire oparãkuma. ĩgũsã, ĩgũ otedea dũka seari irirosũ ããĩma. Irasirirã oterimasũ, ĩgũ otedea dũkare searimasũ irirosũ ããĩrã, usuyama, masaka yũre bũremumakũ ĩãrã.

37 Masaka ãsũ ãĩ werewũakuma: “Sugũ masakũ otekumi. Pũrũ gajigũ i otedea dũkare seakumi”, ãĩkuma. ĩgũsã irasũ ãĩ werewũadea diayeta ããrã.

38 Iripoegue Marĩpũya werenĩrĩrẽ weredupiyunerã oterimasã irirosũ ããĩnerã ããĩmã. Dapagora yũ mũsãrẽ iriua. Mũsã ĩgũsã iripoegue otedea dũkare searimasã irirosũ ããrã. Irasirirã ĩgũsã moãdea wajare mũsã wajatarã irirosũ ããrã. ĩgũsã moãderoguere moãwekabejarã irirosũ irirã yãa, ãĩmi Jesús.

39 Samariamo makãgũe ejadero pũrũ: “Sõõ ããrãdi ããĩpereri yũ irideare masĩpeokõãmi”, ãĩmakũ pérã, wãrã iri makã marã Jesúre bũremuñurã.

40 Irasirirã Jesús pũro aarirã, ĩgũrẽ: “Gũa merã dujaka!” ãĩ sërẽma. ĩgũsã irasũ ãĩmakũ pégũ, Jesús ĩgũsã merã penũ dujami.

41 ĩgũ wererire pérã, gajirãde wãrã ĩgũrẽ bũremuma.

42 Irasirirã nomeõrẽ ãĩma:

—Gua mu wereadea ditare pérã, Jesúre buremuadabu. Dapagora tamerãrẽ gua basi ìgũ wererire pésiã, ìgũrẽ buremua. Gua masiã. Ìgũ diayeta Marĩpu iriudi, i ùmu marãrẽ peamegue waabonerãrẽ taugu ããrĩmi, ãrĩma.

Jesús Galilea nikũ marã opu dokamu magũrẽ taudea

⁴³ Jesús penu Samariague ããrãdi, Galilea nikũgue waami.

⁴⁴ Iro dupiyuro Jesús ãsũ ãrĩdi ããrĩmĩ: “Marĩpuya kerere weredupiyugure ìgũya nikũ marã ìgũrẽ buremubema”, ãrĩdi ããrĩmĩ.

⁴⁵ Galileague ejamakũ, iro marã ìgũrẽ õãrõ bokatĩrĩneãma. Iro dupiyuro ìgũsãde Jerusalẽgue pascua bosenu ããrã ejanerã ããrĩmã. Irasirirã ããrĩpereri Jesús iroguie irideare ããrã ããrĩmã.

⁴⁶ Jesús Galileague ejadero puru, Canã wãikuri makãgue ìgũ dekoreta igui deko iridea makãgue goemi. Iri makãguere sugu Galilea marã opu dokamu ããrĩmĩ. Ìgũ magũ Capernaum wãikuri makãgue ããrĩgũ, pũrĩrikugu iriyupu.

⁴⁷ Irasirigu opu dokamu, Jesús Judeague ããrãdi ìgũ Galileague ejari kerere pẽgu, Jesús puro aarimĩ. Æsũ ãrĩ sãrẽmi ìgũrẽ:

—Yu magũ boabu iriami. Ìgũrẽ taubosagu aarika! ãrĩmi.

⁴⁸ Ìgũ irasũ ãrĩmakũ pẽgu, Jesús ãrĩmi:

—Marĩpu turari merã yu iri ìmurĩrẽ ããbirikererã, neõ yure buremubea musã, ãrĩmi.

⁴⁹ Opu dokamu gapu Jesúre ãrĩmi:

—Gua Opu, yu magũ boaburo dupiyuro aarika!

⁵⁰ Jesús ìgũrẽ ãrĩmi:

—Muya wiigie dujáaka! Mu magũ okagukumi, ãrĩmi.

Opu dokamu, ìgũ irasũ ãrĩrĩrẽ pẽgu, buremurĩ merã ìgũya wiigie dujáakõãmi.

⁵¹ Ìgũya wiigie ejawãgãriripoe ìgũrẽ moãboerã bokatĩrĩ wereñurã:

—Mu magũ okami, ãrĩñurã.

⁵² Ìgũsã irire ãrĩmakũ pẽgu: “¿Naásũ ããrĩmakũ õãrĩ?” ãrĩ sãrẽñayupu. Ìgũsã ìgũrẽ ãrĩñurã:

—Ñamika goeripoe purugãta nimakuri tariabu ìgũrẽ, ãrĩñurã.

⁵³ Irasũ ãrĩmakũ pẽgu, ìgũ pagu ãrĩyupu: “Jesús yure: ‘Mu magũ okagukumi’, ãrĩ wereripoeta nimakuri tariakuyo”, ãrĩyupu. Irasirigu, ããrĩpererã ìgũya wii marã merã Jesúre buremuyupu.

⁵⁴ Jesús Judea ããrãdi dupaturi Galileague ejadero puru, opu dokamu magũrẽ ìgũ tauadea merã Canã wãikuri makãgue pea Marĩpu turari merã iri ìmumi.

5

Jesús dupu buadire taudea

¹ Puru Jesús Jerusalẽgue judío masaka bosenu ããgũ waami.

² Iri makã turo sãrĩrõgue su makãpuro “Oveja” wãikuri makãpuro puro wãri gobe deko gobe ìgũsã iridea gobe ããrĩbũ. Iri gobe hebreo ya merã “Betzata” wãikubu. Iri gobe turoguere su mojõma taridupabu tiaña marĩrĩ ããrĩbũ.

³⁻⁴ Iri taridupabugue wãrã masaka pũrĩrikurã oyama. Koye ããmerã, waa-masĩmerã, guburi buasũnerã ããrĩmã. Gajipoere Marĩpore wereboegu iri gobegue dijajanayupu. Iroguie dijajagu, dekore gãmeñamakũ irinayupu. Ìgũ irasiriadero puru, iri gobegue buañajãpuroriguno ìgũ sãrĩrĩrẽ tarisũnayupu. Irasirirã deko gãmeñaburire yũrã iroguie oyama.

⁵ Iroguie sugu dupu buadi oyami. Ìgũ treinta y ocho bojorigora pũrĩrikugu ããrĩyupu.

⁶ Jesús iri gobe turo tariwāgāgū, ĩ buadi oyagure ĩāmi. “Yoaripoe pūrĩrikugu āārĩmi”, ārĩ masĩkōāmi. Irasirigu ĩgūrē āsū ārĩ sērēñami:

—¿Mũ pūrĩrikurire taumakũ gāāmerĩ? ārĩmi.

⁷ ĩgū Jesúre yujami:

—Yũ Opũ, sugũ yũre iritamugũ neō mámi. Deko gāmeñamakũ, yũ iri gobe ñajāduamakũ, gajirā yũ dupiyuro ñajāp̄rorinama, ārĩmi.

⁸ Jesús ĩgūrē ārĩmi:

—Wāgānugāka! Mũ oyarore āĩaka! ārĩmi.

⁹ Irasũ ārĩmakũta, ĩgū pūrĩrikuri taribu. Irasirigu wāgānugā, ĩgū oyarore tuútũrā, āĩākōāmi. Jesús ĩgūrē tauadeanu judío masaka siñajārĩnu* āārĩbũ.

¹⁰ Irasirirā judío masaka oparā Jesús tausũadi ĩgū oyarore āĩāmakũ ĩārā, ĩgūrē ārĩñurā:

—Dapagā marĩ siñajārĩnu āārā. Mũ oyarore kōāgũ, marĩ dorerire tarinugāgũ yāa, ārĩñurā.

¹¹ ĩgū ĩgūsārē yujuyupu:

—Yũre tauadi: “Mũ oyarore āĩaka!” ārĩmi.

¹² ĩgū irasũ ārĩmakũ pérā, ĩgūrē āsū ārĩ sērēñañurā:

—Irire mũrē irasũ ārādi, ¿noāno āārāĩ?

¹³ Jesús buadire tauadero p̄rũ, iro āārĩrā masaka wārā watopegue waakōāmi. Irasirigu buadi āārādi ĩgūrē tauadire: “ĩgũta āārĩmi”, ārĩ masĩbiryupu.

¹⁴ P̄rũ Jesús Marĩp̄ya wiigüe ĩgūrē bokajagu, ārĩmi:

—Pemasĩka! Dapagorare mũ pūrĩrikuri marĩgũ āārā. Irasirigu ñerĩrē irinemo-birikōāka! Dupaturi ñerĩrē irigu, mũ pūrĩrikũdero nemorō ñerō tarigũkoa, ārĩmi.

¹⁵ ĩgū irasũ ārādero p̄rũ, buadi āārādi judío masaka oparā p̄rogue waa, ĩgūsārē wereyupu:

—Yũre tauadi Jesús wāĩkugu āārĩmi, ārĩyupu.

¹⁶ Irire pérā, judío masaka oparā ĩgūsā siñajārĩnu āārĩmakũ Jesús buadire tauadea waja ĩgūrē ñerō irip̄rori, wējēduadiñurā.

¹⁷ ĩgūsā ĩgūrē ñerō iridũamakũ ĩāgũ, Jesús ĩgūsārē ārĩmi:

—Yũpũ piriro marĩrō moāgũ yāmi. Yũde moāa, ārĩmi.

¹⁸ ĩgū irire ārĩmakũ pérā, judío masaka oparā dupiyuro ĩgūrē wējēduadero nemorō wējēduadiñurā. ĩgūsā siñajārĩnu āārĩmakũ buadire ĩgū tauadea waja, ĩgū Marĩp̄re: “Yũpũ”, ārĩrĩ waja ĩgūrē irasũ wējēduadiñurā. “ĩgũ: ‘Yũpũ’, ārĩgũ, ĩgũ basi: ‘Yũ Marĩp̄ suro merā āārā’, ārĩgũ yāmi”, ārĩ gũñañurā.

Jesús ĩgū Pagũ ĩgūrē dorerosũta ĩgū iririre weredea

¹⁹ Irasirigu Jesús ĩgūsārē āsū ārĩ weremi:

—Diayeta mũsārē werea. Yũ Marĩp̄ũ magũ yũ gāāmerō neō iribea. Yũpũ iririre ĩāgũ, iri ditare yāa.

²⁰ Yũpũ yũre ĩgū magūrē maĩmi. Irasirigu āārĩpereri ĩgū iririre yũre ĩmumi. I dapagorare ĩgū turari merā yũ iridea nemorō gajire yũre iridoregũkumi. ĩgū turari merā irire yũ iri ĩmumakũ ĩārā, ĩāgũkarākoa mũsā.

²¹ Yũpũ boanerārē masũ, okari s̄rōsũta yũde yũ okari s̄dũarārē s̄gũkoa.

²² Yũpũ masaka ñerō iridea waja ĩgūsārē wajamoābemi. Yũ gapure āārĩpereri ĩgū turarire pími, ĩgūsārē wajamoābure.

* 5:9 Judío masaka siñajārĩnu, sábadu āārā.

23 Āārīpererā ĩgūrē b̄remurōsūta yudere b̄remuburo, ārīgū, yure irasiri-doremi. Yure ĩgū magūrē b̄remumerā Ȳpudere b̄remubema. ĩgū yure iriudi āārīmi.

24 'Diayeta m̄sārē werea. Ȳ werenīrīrē pérā, yure iriudire b̄remurā, ūm̄gasigue Ȳp̄ merā perebiri okari opama. Wajamoāsūbirikuma. ĩgūsā perebiri peamegue waabonerā tarisiamā.

25 Diayeta m̄sārē werea. Peamegue waabonerā ȳ Marīp̄ magū werenímakū péripoe dapagorare ejasiáa. Ȳ wererire pérā, yure b̄remurā Marīp̄ merā okarākuma.

26 Ȳp̄ masakare okari sīgū āārīmi. Irasiriḡ ȳ ĩgū magūrē ĩgū irirosūta ĩgūsārē okari sīmakū yámi.

27 Ȳ āārīpererā tīgū āārā. Irasiriḡ Ȳp̄ yure masaka ñerō iridea waja ĩgūsārē wajamoāadoremi.

28 M̄sā ire pérā, pégukabirikōāka! Sun̄ boanerā āārīpererā ȳ werenímakū pérākuma.

29 ĩgūsā, ȳ werenímakū pérā, masāgoberigue āārīnerā masā, wiripereakōārākuma. Ōārīrē irinerā masārākuma, ūm̄gasigue perebiri okari opamurā. Ñerī irinerā gap̄ masārākuma, perebiri peamegue wajamoāsūmurā.

Jesús ĩgūyamarē werenemodea

30 Ȳ gāāmerō neō irimasībea. Ȳp̄ yure iriudi gāāmerīrē, ĩgū yure masakare wajamoādorerosūta yáa. Irasiriḡ ĩgūsārē wajamoāgū diayeta yáa.

31 Ȳ basi: “Ȳ Marīp̄ magū ĩgū iriudi āārā”, ārī weremakū: “M̄ werenírī neō diaye āārībea”, ārībukoa m̄sā.

32 Gajiḡ āārīmi yaamarē wereḡ. ĩgū Ȳp̄ āārīmi. ĩgū yaamarē wereri diayeta āārā. Irire ȳ ōārō masīa.

33 M̄sā gajirārē Juārē masakare wāīyerimasūrē yaamarē sērēñadorerā iriub̄. ĩgūde yaamarē diayeta weremi.

34 Ȳ gap̄ suḡ masakare yure: “Marīp̄ iriudi āārīmī”, ārī werebure neō āmabea. Irasū āmabirikereḡ, Juan yaamarē weredeare: “Diayeta āārā”, ārī werea, m̄sā yure b̄remu, peamegue waabirikōāburo, ārīgū.

35 Juan m̄sārē sīāgodiru irirosū āārīmī. ĩgū wereri sīāgodiru ūjūgoro irirosū āārībú. ĩgū wererire pérā, yoaweyaripoe m̄sā usuyadib̄.

36 Juan weredeare nemorō ȳ iriri merā ȳ āārīrikurire masīsūa. Ȳp̄ turari merā ĩgū yure iriyuwarikadoredeare iriḡ yáa. I merā yure ĩgū iriudi āārīrīrē masīsūa.

37 Ȳp̄ yure iriudi, yaamarē ōārō weremi. ĩgū irasū werekeremakū, ĩgū werenírīrē m̄sā neō pébea. ĩgū deyorire neō ĩābea.

38 Yure Ȳp̄ iriudire m̄sā neō b̄remubea. Irasirirā ĩgūya kerere neō péduripíbea.

39 Ȳp̄ya werenírī gojadea pūrē m̄sā ōārō bueníkōāa. “Ḡa i pūrē buerā, Marīp̄ merā perebiri okarire bokarākoa”, ārī gūñáa m̄sā. Iri pūguere yaamarēta gojasūdero āārībú.

40 Iri pūguere yaamarē irasū gojasūkeremakū, m̄sā gap̄ yure gāāmebea. Irasirirā i okari ȳ sīrīrē opabirikoa.

41 'Masakare yaamarē ōārō werenímurārē āmabea.

42 Ȳ m̄sā masaka āārīrikurire masīa. M̄sā Marīp̄re maīrā meta āārā.

43 Ȳp̄ gāāmerōsūta ȳ aarikeremakū, m̄sā yure gāāmebea. Gajiḡ gap̄ ĩgū basi ĩgū gāāmerō aarimakū, m̄sā ĩgūrē gāāmerākoa.

⁴⁴ ¿Nasirirā yure buremubukuri musā? Musā basi: “Ōārō yáa”, āri gāme werenírīrē gāāmea. Marīpu sugu āārīgú musārē: “Ōārō yáa”, āri werenírī gapure gāāmebea.

⁴⁵ Musā yure gāāmebiri waja: “Īgū Pagugure guare weresāgukumi”, āri gūñabirikōāka! “Moisés dorerire irirā, Marīpu merā ōārō āārīrākoa”, āri gūñakeremakū, Moisés gapu musārē weresāgukumi.

⁴⁶ Moisés Īgū gojadea pūgue yaamarē gojadi āārīmí. Irasirirā Īgū gojadeare buremurā, yudere buremuboayo musā.

⁴⁷ Moisés gojadeare musā buremumerā, ¿nasirirā yu wereri gapure buremubukuri? ārimi Jesús.

6

Jesús cinco mil āmarē baari ejodea
(Mt 14.13-21; Mr 6.30-44; Lc 9.10-17)

¹ Jesús Jerusalēgue dupu buadire taudero puru, guā Īgū buerā Īgū merā Galilea wāikuri ditaru gaji koepugue taribujabu. Iri ditaruta “Tiberias” wāikubu.

² Masaka Jesús Īgū turari merā pūrīrikurārē taumakū iāsīā, wārā Īgūrē tuyama.

³ Ditaru gaji koepugue Īgū ejadero puru, guā merā ūtāūgue mūrīa, doami.

⁴ Irinu judío masaka bosenu, pascua bosenu ejaburo mērōgā duyabu.

⁵ Jesús wārā masaka Īgū puro aarimakū iāgū, Filipere sērēñami:

—¿Noogue marī iīsā masaka āārīpererā baaburire wajarirākuri? ārimi.

⁶ Jesús Īgū basi Īgū iriburire masīkeregū: “Felipe yure, ¿naāsū yujugakuri?” ārīgū, irasū ārimi.

⁷ Felipe Īgūrē yujami:

—Marī dosciento narī moādea waja wajataropa pā duparu wajari, masakare marī gueremakū, neō ejabirikoa, ārimi.

⁸ Īgū irasū ārīmakū pégu, guā merāmu Andrés, Simón Pedro pagumu Jesúre ārimi:

⁹ —Ōō ĩ majīgū su mojōma pā duparu, pērā waaí opami. Masaka gapu wārāgora āārīma. Irasiriro Īgūsārē baari neō ejabirikoa.

¹⁰ Īgū irasū ārīmakū pégu, Jesús guare Īgū buerārē ārimi:

—Masakare āārīpererārē doadoreka! ārimi.

Iro ōārō tākuro āārībú. Irasirirā iri weka doama. Ūma ditare keomakū, cinco mil gora āārīmá.

¹¹ Īgūsā eja doaperemakū iāgū, Jesús pā duparure āi, Marīpure: “Ōāa”, āri, usuyari sīmi. Irasiri odo, guare āārīpererā iro doarārē irire gueredoremi. Waaidere gueredoremi. Irasirirā āārīpererārē Īgūsā baaduaropa guereyoba.

¹² Īgūsā yapimakū iāgū, Jesús guare Īgū buerārē ārimi:

—Īgūsā baaduarire seaka! Ubugorata kōmobukoa, ārimi.

¹³ Su mojōma pā duparure masaka baaduaadeare seasārā, pe mojōma pere su gubu peru pērēbejari puuirigora utaudobobu.

¹⁴ Masaka Jesús Marīpu turari merā Īgūsārē baari sīmakū iārā, āsū ārīma:

—Diayeta āārā. “Ī Marīpuya kerere weredupiyurimasū i ūmugue aaribu āārāyupu”, Īgūsā ārīdita āārīmi.

¹⁵ Irasirirā Jesúre turaro merā āia, Īgūsā Opū āārībure sóduarā iriadima. Īgū gapu irire masīkōāmi. Irasirigu dupaturi suguta ūtāūgue mūrīākōāmi.

Jesús deko weka waadea
(Mt 14.22-27; Mr 6.45-52)

16 Naĩtĩwãgãrĩripoe ããrĩmakũ, gũa ĩgũ buerã ditarugue buabu.

17 Buaja, doódirugue ñajãa, Capernaugue taribujapũrorĩbu. Naĩtĩãrõgue irĩbu. Jesũs gũa pũrogue ejabirimi dapa.

18 Gũa taribujamakũ, mirũ buro wẽjãpuwãgãribũ. Pagari makũrĩ wãgãbu.

19 Su mojõma kilõmetro gũa waadero pũru, gũayaru pũro Jesũs deko wekague aarimakũ ĩãbu. ĩgũ irasũ aarimakũ ĩãrã, buro gũibũ.

20 Jesũs gapũ gũare ãrĩmi:

—Yũta ããrã. Gũimerãta!

21 ĩgũ irasũ ãrĩmakũ pãrã, gũa ĩgũrẽ õãrõ bokatĩrĩ ñajãdorebu. ĩgũ ñajãdero pũru, mata gũa waaderoguerẽ ejabu.

Masaka Jesũre ãmadea

22 Gajĩna gapũ masaka ditaru gaji koepũgue dujanerã iri ñamirẽ gũayaru suru dujadĩru merã gũa taribujamakũ, Jesũs gũa merã waabirideadere masĩnurã.

23 Irogue ĩgũsã ããrĩripoere gaji doóriduparu Tiberias wãĩkũri makãgue ããrãdea duparu, Jesũs Marĩpũre: “Õãa”, ãrĩ, usũyari sĩ, masakare baari gueredero pũroweyague ejayuro.

24 Irasĩrĩrã Jesũs, gũa ĩgũ buerã marĩmakũ ĩãrã, iri doóriduparugue ñajãa, Capernaugue taribujañurã Jesũre ãmarã waarã.

Jesũs pã irirosũ ĩgũ ããrĩrĩmarẽ werede

25 Ditarure taribuja, Jesũre bokajarã, ĩgũrẽ sãrẽñama:

—Buegu, ¿naásũ ããrĩmakũ õõguere aarari mu? ãrĩma.

26 Jesũs ĩgũsãrẽ ãrĩmi:

—Diayeta musãrẽ werea. Yũ Marĩpũ turari merã iri ĩmurĩrẽ ĩãkererã, ĩgũ iriudi yũ ããrĩrĩrẽ bũremubea. Irasĩrĩrã, yũ musãrẽ ejodeare baayapinerã dita ããrĩsĩã, yũre ãmãa.

27 Musã baari pereburi gapũ ditare wajatamurã, moãbirikõãka! Gaji baari yũ ããrĩpererã tĩgũ sĩburi gapũre ãmaka! Iri baarire ãmarã, Marĩpũ merã pereburi okari oparãkoa. Yũpũ yũre irire musãrẽ sĩdoregu ããrĩmi. ĩgũ iriudi yũ ããrĩrĩrẽ musãrẽ ĩmusiami, ãrĩmi.

28 ĩgũ irasũ ãrĩmakũ pãrã, ĩgũrẽ sãrẽñama:

—¿Nasĩrĩrãkuri Marĩpũ iridorerire õãrõ iriyuwarĩkũmurã?

29 Jesũs ĩgũsãrẽ yũjũmi:

—Marĩpũ musãrẽ iridoreri ãsũ ããrã. Yũre ĩgũ iriudire bũremudoremi, ãrĩmi.

30 ĩgũ irasũ ãrĩmakũ pãrã, ĩgũrẽ ãrĩma:

—Gũare murẽ bũremudoregu, ¿ñeonorẽ mu turari merã iri ĩmugũkuri? ¿Naásũperire iri ĩmugũkuri?

31 Masaka marĩrõgue marĩ ñekũsãmarã manã wãĩkũrĩre baanerã ããrĩmã. Marĩpũya werenĩrĩ gojadea pũgue ãrĩderosũta ãmũgasima baarire ĩgũsãrẽ sĩdi ããrĩmĩ, ãrĩma Jesũre.

32 ĩgũsã irasũ ãrĩmakũ pãgu, Jesũs ĩgũsãrẽ ãrĩmi:

—Diayeta musãrẽ werea. Moĩsã ãmũgasima baarire musãrẽ sĩbiridi ããrĩmĩ. Yũpũta baari ãmũgasima, diayemarẽ musãrẽ sĩgũ ããrĩmĩ.

33 Yũ ãmũgasĩgue ããrĩdi Marĩpũ iriudi, ĩgũ baari irirosũ ããrĩgũ, i ãmu marãrẽ okari sĩgũ ããrã, ãrĩmi.

34 ĩgũ irasũ ãrĩmakũ pãrã, ĩgũrẽ ãrĩma:

—Gũa Opũ, iri baarire gũare sĩnĩkõãka!

35 Jesũs ĩgũsãrẽ ãrĩmi:

—Yũ okarire sĩgũ, baari irirosũ ããrĩgũ ããrã. Yũre tũyagu, neõ naboabi irirosũ ããrĩgũkumi. Yũre bũremugũ, neõ ñemesibubi irirosũ ããrĩgũkumi.

36 Dupiyuro yu musārē ārīderosūta, musā gapu yure ĩakererā, buremubea dapa.

37 Āārīpererā Yuru yure sīnerā yure tayarākuma. Īgūsārē yu neō béobirikoa.

38 Ĕmugasigue āārīdi yu gāāmerīrē irigu aarigú meta iribu. Yure iriudi gāāmerī gapure irigu aaribú.

39 Yure iriudi āsū gāāmeme. Īgū yure sīnerārē neō sugure yu dedeubirimakū gāāmeme. I ũmu peremakū, yu ĩgūsārē masūmakū gāāmeme.

40 Yuru yure iriudi āārīpererā yure ĩgū magūrē ĩārā, yure buremurā ĩgū merā perebiri okarire opamakū gāāmeme. Irasirigu i ũmu peremakū, ĩgūsārē masūgukoa, ārīmi Jesús.

41 Jesús: “Yu ũmugasigue merā دچارidea baari irirosū āārīgú āārā”, ārīrē pērā, judío masaka oparā ĩgūrē werewama.

42 Āsū ārīma:

—ĴĪ Jesús, José magū āārīberi? Marī ĩgū pagu, ĩgū pagore masīa. ĴNasirigu ĩgū: “Ĕmugasigue āārīdi دچارibu”, ārīrī?

43 Īgūsā irasū ārīmakū pégu, Jesús āsū ārī yujumi:

—Musā yure werewarire pirika!

44 Neō sugū ĩgū gāāmerō yure tayaririkumi. Yuru gapu yure iriudi masaka yure buremumakū irigu āārīmi. I ũmu peremakū, yure buremurārē masūgukoa.

45 Marīpuya kerere weredupiyunerā āsū ārī gojanerā āārīmá: “Marīpu āārīpererārē buegukumi”. Irasirirā āārīpererā Yuruya buerire pé buremurā, ĩgūyare masīrā yure tayarākuma.

46 ‘Neō sugū masakū Yurure ĩāgū mámi. Yu suguta ĩgū merā āārīdi ĩgūrē masīa.

47 Diayeta musārē werea. Yure buremugū Yuru merā perebiri okari opami.

48 Yu baari irirosū āārīgú okari sīgū āārā.

49 Musā ñekūsāmarā masaka marīrōgue manárē baanerā āārīmá. Irire baakererā, boanerā āārīmá.

50 Yu ũmugasigue merā دچارidea baari gapure werea. Irire baagu, neō boabirikumi.

51 Yu ũmugasigue merā دچارidea baari okari sīrī irirosū āārīgú yuta āārā. I baarire baagu, Yuru merā okanīgukumi. I baari yu sīrī, yaa duru āārā. I ũmu marā Yuru merā okaníkōāburo, ārīgū, yaa durure sīgukoa, ārīmi Jesús.

52 Īgū irasū ārīmakū pērā, judío masaka oparā ĩgūsā basi gāme guaseo, āsū ārīma:

—ĴNasirigu marīrē ĩgūyā durure baadoregu sībukuri?

53 Īgūsā irasū ārīmakū pégu, Jesús ārīmi:

—Diayeta musārē werea. Yu āārīpererā tīgū āārā. Musā yaa durure baamerā, yaa díre iirīmerā okari opabea.

54 Yaa durure baagu, yaa díre iirīgu, Yuru merā perebiri okari opami. I ũmu peremakū, ĩgūrē masūgukoa.

55 Yaa duru diayema baari āārā. Yaa dí diayema iirīri āārā.

56 Yaa durure baagu, yaa díre iirīgu yu merā ōārō āārīmi. Yude ĩgū merā ōārō āārā.

57 Yuru yure iriudi okanīgū āārīmi. Īgū okanīgū āārīsīā, yudere okanīmakū yāmi. Irasirigu yure baagure yu irirosū okanīmakū irīgukoa.

58 Yu irire ārīgū, ũmugasigue merā دچارidea baarire werea. I baari, maná musā ñekūsāmarā baadea irirosū āārībea. Īgūsā irire baakererā, boanerā āārīmá. Ĕmugasigue merā دچارidea baari gapure baaguno, okaníkōāgukumi, ārīmi Jesús.

⁵⁹ Jesús Capernaugue judío masaka nerērī wiigue buegɥ, irire weremi.

Jesús werenírīrē pérā perebiri okari opaburire weredeá

⁶⁰ Īgũ irasũ ārī buemakũ pérā, wárā Jesúre tɥyarā āsũ ārī gāme wereníma Īgũsā basi:

—Īgũ wereri marī pémakũ, diasagoráa. ¿Noā ire bokatīūbukuri? ārīma.

⁶¹ Īgũsā werenírīrē Jesús pékōāmi. Irasirigɥ Īgũsārē sērēñami:

—¿Yɥ wererire péduabirikuri?

⁶² Yɥ āārīpererā tīgũ yɥ āārīderogue mārīāmakũ ĩārā, ¿naásũ gũñabukuri mɥsā?

⁶³ Ōāgũ deyomarīgũ masakare okarire sīmi. Īgũsāya dɥpɥ gapɥ Īgũsārē okamakũ irimasīña máa. Yɥ wererire pérā Ōāgũ deyomarīgũ okari sīrīrē opama.

⁶⁴ Irasũ āārīkeremakũ, gajirā mɥsā merāmarā gapɥ yare bɥremubema dapa, ārīmi Jesús.

Neōgoraguere ĩgūrē bɥremumerā āārīmurārē, irasũ āārīmakũ ĩgūrē wējēduarāguere ĩgūrē ĩmubure masīsiayupɥ.

⁶⁵ Āsũ ārīmi:

—Āsũ ārī wereabɥ mɥsārē. Neō sugɥ ĩgũ gāāmerō yare tɥyabirikumi. Yɥpɥ, yare bɥremumakũ irigɥ āārīmi. Īgũ irasiribirimakũ, neō sugɥno yare bɥremubirikumi, ārīmi Jesús.

⁶⁶ Īgũ irasũ ārīrīrē pérā, wárā Jesúre tɥyanerā neō tɥyanemobirima.

⁶⁷ Īgũsā irasirimakũ ĩāgũ, Jesús gɥare pe mojōma pere su gubu peru pērēbejarā ĩgũ buerārē sērēñami:

—¿Mɥsāde yare tɥyaduúrā yári? ārīmi.

⁶⁸ Īgũ irasũ ārīmakũ pégu, Simón Pedro ĩgūrē yɥjumi:

—Gɥa Opɥ, ¿noārē gɥa tɥyabukuri? Mɥ wereri, gɥare Marīpɥ merā perebiri okari opamakũ yáa.

⁶⁹ Gɥa mɥrē bɥremusiáa. Gɥa ire masīsiáa. Mɥ ōāgũ, Marīpɥ iriudi āārā, ārīmi.

⁷⁰ Īgũ irasũ ārīmakũ pégu, Jesús gɥare ārīmi:

—Yɥ mɥsārē pe mojōma pere su gubu peru pērēbejarārē beyebɥ. Yɥ irasirik-eremakũ, sugɥ mɥsā merā āārīgú wātīyagɥ āārīmi.

⁷¹ Jesús irasũ ārīgũ, Judare Simón Iscariote magūrē ārīgũ iriyupɥ. Judas pe mojōma pere su gubu peru pērēbejarā gɥa merā āārīkeregɥ, Jesúre wējēduarāguere ĩgūrē ĩmubu āārīmí.

7

Jesús pagɥpūrā ĩgūrē bɥremudɥabiridea

¹ Jesús masakare irire buedero pɥrɥ, Galilea nikūgue naagũ waami. Judío masaka oparā ĩgūrē wējēduarire masīgũ, Judea nikūguere āārīduabirimi.

² Iripoere judío masaka ñekūsāmarā masaka marīrōgue āārīrā, wiirigā irideare gũñarī bosenu ejaburo dupiyuro āārībú.

³ Irasirirā Jesús pagɥpūrā ĩgūrē ārīma:

—Ōōrē dujabita, Judeague bosenuārē ĩāgũ waaka! Irasirirā iroque mɥ buerā mɥ turari merā iri ĩmurīrē ĩārākuma.

⁴ Masaka mɥrē masīmakũ gāāmegũ, mɥ turari merā iri ĩmurīrē āārīpererā ĩūrō iri ĩmugũ waaka! Īgũsā ĩāberogue iribirikōāka! ārīma.

⁵ Īgũ pagɥpūrā āārīkererā, Jesúre bɥremubirima.

⁶ Irasirigɥ Jesús ĩgũsārē ārīmi:

—Masaka ìgùsà yure masìburo d̄ayakōāa dapa. M̄sārē iri bosenuṛē ìārā waad̄uamakū òāgorāa.

⁷ I ùm̄ marā m̄sārē ìāturibema. Ȳu gap̄ure ìgùsà ñerō irideare ȳu weremakū ìāturima.

⁸ M̄sā bosenuṛē ìārā waaka! Ȳure ȳu waaburo d̄ayakoa dapa. Irasirigu iri bosenuṛē ìāgū waabea dapa, ārīmi Jesús.

⁹ Ìgū irire ārādero p̄uṛu, Galileague dujami.

Jesús ìgùsà wiirigā iriri bosenuṛē ìāgū waadea

¹⁰ Ìgū paḡup̄ūrā bosenuṛē ìārā waadero p̄uṛu, Jesúde masaka ìmurō marīrō waami, ìgùsà ìgū waarīre masìbirikōāburo, ārīgū.

¹¹ Iri bosenuṛē judío masaka oparā ìgūrē āmarā iriñurā. Āsū ārī sērēñañurā: —¿Noógue āārīkuri ìgū? ārīñurā.

¹² Wārā masaka Jesúyamarē werenirā iriñurā. Gajirā: “Òāgū āārīmi”, ārīñurā. Gajirā gap̄u: “Òāgū meta, masakare ārīkatorikuḡu āārīmi”, ārīñurā.

¹³ Judío masaka oparārē güirā, āārīpererā péurogue: “Jesús āsū āārīmi”, ārī werebiriñurā.

¹⁴ Jesús irogue eja, iri bosenu dekokuaripoe Marīp̄uya wiigue ñajāa, masakare buemi.

¹⁵ Ìgū buemakū pérā, judío masaka oparā péguka, āsū ārīma:

—Ìi buebiridi āārīkereḡu, ¿nasirigu òārō masīrī?

¹⁶ Ìgùsà irasū ārīmakū pégu, Jesús ìgùsārē ārīmi:

—Ȳu bueri, yaa meta āārā. Ȳure iriudiya bueri gap̄u āārā.

¹⁷ Marīp̄u gāāmerīrē iriduarā ȳu buerire pérā: “Marīp̄u ìgūrē buedorerosūta buemi. Ìgū gāāmerō werebemi”, ārīrākuma.

¹⁸ Suḡu ìgū gāāmerō wereḡu, gajirārē: “Ìgū òārō weremi”, ārī b̄uremumakū iriduḡu āārīmi. Gajiḡu Marīp̄u ìgūrē iriudi gāāmerīrē wereḡu gap̄u masakare: “Marīp̄u òātarimi”, ārī b̄uremumakū yāmi. Ìgū ārīkatori marīrō diayeta wereḡu āārīmi.

¹⁹ Moisés Marīp̄u doreri gojadea p̄ūrē m̄sārē pídi āārīmí. M̄sā gap̄u neō suḡu iri dorerire iribe. ¿Nasirirā m̄sā yure wējēduari? ārīmi.

²⁰ Masaka ìgūrē ārīma:

—M̄ wātī ñajāsūdi āārā. ¿Noā m̄urē wējēduari?

²¹ Jesús ìgùsārē ārīmi:

—Suñarō siñajārīnu āārīmakū ȳu suḡu p̄ūrīrikuḡure taumakū ìārā, m̄sā āārīpererā ìāgukakōābu.

²² Iripoegue Moisés m̄sā p̄ūrā ùmarē ìgùsāya d̄ap̄uma gasirogārē* wiiridoredi āārīmí. Ìgū irire doreburo dupiyuro m̄sā ñekūsāmarā irasirisianerā āārīmá. Irasirirā m̄sā majīrāgārē su mojōma pere gajī mojō ureru p̄ērēbejarinurī waaró merā ìgùsā deyoadero p̄uṛu siñajārīnu āārīkeremakū, ìgùsārē irasirināa.

²³ Irasirirā Moisés dorederosūta irirā, siñajārīnu āārīkeremakū m̄sā majīrāgā ùmarē ìgùsāya d̄ap̄uma gasirogārē wiiria. Siñajārīnu āārīmakū ȳu suḡure āārīpereri ìgūya d̄ap̄umarē òāmakū iribu. ¿Nasirimurā ȳu merā guarī m̄sā?

²⁴ M̄sā ȳu irideare ìādero p̄uṛu: “Ñerō irimi”, ārī werew̄uabirikōāka! Ȳu irideare òārō keoro pémasī odorāgue werenika! ārīmi Jesús.

* **7:22** Gn 17.1-14: Iripoegue Marīp̄u Abrahārē ìgū p̄ūrā ùmarē: “Yaarā āārīburo”, ārīgū, ìgùsāya d̄ap̄uma gasirogārē wiiridoredi āārīmí. P̄uṛu iri dorerire Moisére pídi āārīmí. Irasirirā judío masaka Abraham parāmerā āārīturiarā iri dorerire irirā, ìgùsā p̄ūrā ùmarē su mojōma pere gajī mojō ureru p̄ērēbejarinurī waaró merā ìgùsā deyoadero p̄uṛu irasū yāma.

Jesús umugasigue merã aaribú, ãrĩ weredeã

²⁵ Ìgũ irasũ ãrĩripoere gajirã Jerusalén marã ãsũ ãrĩ wereníma:

—¿Ìĩ marĩ oparã wējēduagu meta ããrĩrĩ?

²⁶ Ìgũ ããrĩpererã ìürōgue buegu yámi. Sugano gaputa ìgūrē gajino neõ ãrĩbema. Gajipoe irirã marĩ oparã: “Ìĩ diayeta Cristo, Marĩpũ iriudi ããrĩmi”, ¿ãrĩ gũñabukuri?

²⁷ Marĩ ìĩ aariderore masĩa. Cristo, Marĩpũ iriugu gapure aarimakũ, ìgũ ããrĩderoguere masĩbirikoa. Irasirigu Cristo ããrĩbirikumi ìĩ, ãrĩma.

²⁸ Jesús Marĩpũya wiigue bueripoe ìgũsã irasũ ãrĩ werenímakũ pégu, bũro bũũro merã ãsũ ãrĩ weremi:

—Musã yũre masĩa, ãrã. Ìgũ aariderodere masĩa, ãrã. Yũ gããmerõ aaribiribũ. Yũre iriudi keoro irigu ããrĩmi. Musã ìgūrē masĩbea.

²⁹ Yũ ìgũ pũroque ããrĩdi ããrĩsĩã, ìgūrē masĩa. Ìgũta yũre iriumi, ãrĩmi Jesús.

³⁰ Ìgũ irasũ ãrĩmakũ pérã, ìgūrē peresu iridũakererã, ñeãbirima. Ìgũ ñerõ tariburinũ duyabũ dapa. Irasirirã ìgūrē ñeãbirima.

³¹ Gajirã wárã masaka ìgūrē bũremuma. ãsũ ãrĩma:

—Neõ sugũ, ìĩ nemorõ Marĩpũ turari merã iri ìmugũ mámi. Irasirigu ìĩ Cristo, Marĩpũ iriudi ããrĩmi.

Fariseo bumarã Jesúre peresu iridoredea

³² Fariseo bumarã, masaka Jesúre: “Ìĩ Marĩpũ iriudi ããrĩmi”, ãrĩrĩrē péñurã. Irasirirã ìgũsã paía oparã merã Marĩpũya wiire korerã surarare ìgūrē ñeã, peresu iridorerã iriuidiñurã.

³³ Irasirigu Jesús masakare ãsũ ãrĩmi:

—Yoaweyaripoe musã merã ããrĩgũkoa. Pũru yũre iriudi pũroque waagũkoa.

³⁴ Yũ ããrĩburore musã waamasĩbirikoa. Irasirirã yũre ãmakererã, neõ bokabirikoa.

³⁵ Ìgũ irasũ ãrĩmakũ pérã, judío masaka oparã ìgũsã basi ãsũ ãrĩ gãme sērēñama:

—Ìgũ marĩrē: “Yũre musã neõ bokabirikoa”, ãrĩgũ, ¿noógue waagũkuri? ¿Ìgũ judío masaka griego ããrĩrōgue makãrĩ waanerã pũroque griego masakare buegu waabukuri?

³⁶ Ìgũ marĩrē: “Yũ ããrĩburore musã waamasĩbirikoa. Irasirirã yũre ãmakererã, neõ bokabirikoa”, ãrĩrĩ, ¿naásũ ãrĩduaro iriayuri? ãrĩma.

Jesús okari sĩrĩ dekomarē weredeã

³⁷ Ìgũsã bosenu iritũnurĩnu dupanũgora ããrĩmakũ, Jesús wãgãnũgã, bũro bũũro merã masakare ãsũ ãrĩ weremi:

—Ñemesiburã yũ pũroque iirirã aarika!

³⁸ Marĩpũya werenĩrĩ gojadea pũgue ãsũ ãrĩ gojasũdero ããrĩbú: “Yũre bũremurãya yũpũrãrĩguere okari sĩrĩ deko umayoro irirosũ ããrĩnĩkõãrokoa”, ãrĩ gojasũdero ããrĩbú, ãrĩmi.

³⁹ Jesús irire ãrĩgũ: “Yũre bũremurã Õãgũ deyomarĩgūrē oparãkuma”, ãrĩgũ irimi. Jesús umugasigue mũrĩaburo dupiyuro Õãgũ deyomarĩgũ ejabirimi dapa.

Masaka dukawaridea

⁴⁰ Jesús ãrĩrĩrē pérã, gajirã ãsũ ãrĩma:

—Ìĩ diayeta Marĩpũya kerere weredupiyurimasã: “Marĩ pũro aaribu ããrãyũpũ”, ìgũsã ãrĩdi ããrĩmi.

⁴¹ Gajirã ãsũ ãrĩma:

—Ìĩ, Cristo Marĩpũ iriudi ããrĩmi.

Gajirã gapu:

—Cristo, ¿nasiribu Galileamu ããrĩbukuri? ãrĩma.

⁴² Marĩpaya werenĩĩ gojadea pũgue ãsũ gojasũdero ããrĩbũ: “Cristo Marĩpu iriubu, opa David parãmi ããrĩturiagu ããrĩgukumi. David deyoadea makã Belén wãĩkuri makãgue deyoagukumi”, ãrĩ gojasũdero ããrĩbũ.

⁴³ Irasirirã Jesũre surosũ gũñabirisĩã, gãme dukawariakõãma.

⁴⁴ Surãyeri Jesũre ñeã, peresu iridũakererã, iribirima.

Judío masaka oparã Jesũre bũremubiridea

⁴⁵ Irasirirã Marĩpaya wiire korerã surara Jesũre ñeãdorerã iriunerã, paia oparã, fariseo bumarã pũrogoe goedujãañurã. Īgũsã goedujajamakũ ĩãrã, ĩgũsãrẽ sãrẽñañurã:

—¿Nasirirã Jesũre ñeã, ãrĩbirari?

⁴⁶ Surara ĩgũsãrẽ yũjuñurã:

—Neõ sugũ ĩgũ irirosũ werenĩĩgũ mámi.

⁴⁷ Īgũsã irasũ ãrĩmakũ pãrã, fariseo bumarã ĩgũsãrẽ ãrĩñurã:

—¿Musãde ĩgũ ãrĩkatori merã weremakũ: “Diayeta weremi”, ãrĩ bũremurĩ?

⁴⁸ Neõ sugũ marĩ oparã, neõ sugũ gũa fariseo bumarã ĩgũrẽ bũremugũ mámi.

⁴⁹ Sũsã masaka gapu ĩgũ wererire bũremurã, Marĩpu Moisére doreri pídeare masĩbema. Wajamoãsumurã ããrĩma.

⁵⁰ Nicodemo fariseo buma iro dupiyuro ñami merã Jesũre ĩãgũ ejadi, ĩgũsã merã ããrĩyupu. Īgũsã irasũ ãrĩmakũ pãgu, ĩgũsãrẽ ãrĩyupu:

⁵¹ —Marĩrẽ doreri ãsũ ãrã. Sugũ masakũ ĩgũ irideare weremakũ marĩ pãburo dupiyuro ĩgũrẽ: “Ñerõ iribu”, ãrĩ wajamoãmasĩbea, ãrĩyupu.

⁵² ĩgũ irasũ ãrĩmakũ pãrã, ãsũ ãrĩ yũjuñurã:

—¿Mũde ĩgũ irirosũ Galileamu ããrĩrĩ? Marĩpaya werenĩĩ gojadea pũrẽ bueka! Iri pũrẽ buegu: “Neõ sugũ Galileamu Marĩpaya kerere weredupiyurimasũ mámi”, ãrĩ masĩgũkoa.

Ɔmũũ merã ñerõ irigore weresãdea

⁵³ ĩgũsã irasũ ããrẽdero pũru, ĩgũsãya wiirigue dujãakõãñurã.

8

¹ Jesús gapu ãtãũ Olivos wãĩkũdigue waami.

² Gajinu gapu boyoripoe ããrĩmakũ, Marĩpaya wiigue waami doja. ĩgũ ejamakũ ĩãrã, masaka ããrĩpererã ĩgũ pũro nerẽma. Irasirigu eja doa, ĩgũsãrẽ buenugãmi.

³ Moisés gojadeare buerimasã, fariseo bumarã sugo nomeõrẽ gajigu igo marãpu ããrĩbi merã igo ñerõ irigore bokajañurã. Irasirirã Jesús bueripoe iri wiigue ããrĩpererã masaka ĩũrõ igure ãñajãnú, Jesũre ãrĩma:

⁴ —Buegu, igo marãpũkũgo ããrĩkerego, gajigu merã ñerõ irigore bokajabu.

⁵ Moisés Marĩpu doreri gojadea pũgue igo nomeõ irirosũ irigonorẽ ãtãyeri merã dea wẽjẽdoredi ããrĩmĩ. Mũkoa, ¿naásũ ãrĩrĩ?

⁶ “¿Naásũ yũjugũkuri?” ãrĩrã, ĩgũrẽ irasũ ãrĩ sãrẽñadima. “Īgũ keoro yũjubirimakũ, marĩ oparãguere weresãrãkoa”, ãrĩ gũñañurã. Īgũsã irasũ sãrẽñamakũ pãgu, Jesús gapu muúbia doaja, nikũgue ĩgũya mojõsũrũ merã gojami.

⁷ ĩgũsã ĩgũrẽ sãrẽñaduúbirimakũ pãgu, Jesús wãgãnugã, ãsũ ãrĩmi:

—Musã merãmu ñerõ iribino igure ãtãye merã deaparoriburo.

⁸ Irasũ ãrĩ odo, dupaturi muúbia doaja, nikũgue gojami doja.

⁹ Īgũ irasũ ārĩmakũ pérã, ĩgũsã ñerĩ irideare pémasĩ, gũyasĩrĩrĩ merã, mũrã sugũ pũru, gajigũ pũru wiriapũrorima. Irasirirã Jesúre sugũta nomeõ iro dujago merã píkõã, waakõãma.

¹⁰ Jesús wãgãñũgã, igore ārĩmi:

—¿Noógue āārĩrĩ mũrẽ weresãnerã? ¿Neõ sugũ mũrẽ wajamoãdoregũ márĩ?

¹¹ —Mámi, yũ Opũ, ārĩ yũjũmo.

Igo irasũ ārĩmakũ, Jesús igore ārĩmi:

—Yũde mũrẽ wajamoãdorebea. Irasirigo waaka! Dupaturi ñerĩrẽ neõ irinemobirikõãka!

Jesús i ùmũ marãrẽ sĩãgori sĩgũ āārĩrĩmarẽ weredea

¹² Jesús dupaturi masakare āsũ ārĩ weremi:

—Yũ i ùmũ marãrẽ sĩãgori sĩgũ āārã. Yũre tũyarã naĩtĩārõgue āārĩrã irirosũ āārĩbema. Boyorogue āārĩrã irirosũ āārĩma. Irasirirã yũ okari sĩrĩrẽ oparãkuma.

¹³ Īgũ irasũ ārĩmakũ pérã, fariseo bumarã ārĩma:

—Mũ basi mũ āārĩrikũrĩre werea. Irasiriro mũ werenĩrĩ neõ wajamáa.

¹⁴ Jesús ĩgũsãrẽ āsũ ārĩ yũjũmi:

—Yũ aariderore, yũ waaburodere yũ masĩa. Mũsã gapũ irire neõ masĩbea. Irasirigũ yũ basi yũ āārĩrikũrĩre werekeremakũ, yũ werenĩrĩ diayeta āārã.

¹⁵ Mũsã i ùmũ marã irirosũ yũre werewũáa. Yũ gapũ neõ sugũre mũsã irirosũ werewũabea.

¹⁶ Yũ masaka āārĩrikũrĩre: “I gapũ õãa, i gapũ õãbea”, ārĩgũ, keoro ārã. Yũ sugũta yũ gããmerõ irire ārĩbea. Yũpũ yũre iriudi merã irire irasũ yáa.

¹⁷ Mũsãrẽ doreri gojadea pũgue āsũ ārã: “Pěrã masaka ĩgũsã ĩãdeare surosũ weremakũ: ‘Diayeta āārã’, ārĩ bũremurõ gããmea”, ārĩ gojasũdero āārĩbũ.

¹⁸ Yũ basi yũ āārĩrikũrĩre werea. Yũpũ yũre iriudide yũ āārĩrikũrĩre weremi, ārĩmi.

¹⁹ Īgũ irasũ ārĩmakũ pérã, ĩgũrẽ sērẽñama:

—¿Noógue āārĩrĩ mũpũ?

Jesús ĩgũsãrẽ yũjũmi:

—Mũsã yũre, Yũpũdere masĩbea. Yũre masĩrã, Yũpũdere masĩboayo.

²⁰ Jesús irasũ ārĩ weregũ, Marĩpũya wiigũe āārĩmĩ. Masaka niyeru sĩrã, ĩgũsã sãrĩ kũmarĩ pũro āārĩmĩ. Īgũ ñerõ tariburinũ ejabiribũ dapa. Irasirirã neõ sugũ ĩgũrẽ ñeã, peresu iribirima.

Jesús: “Yũ waaburore mũsã waamasĩbirikoa”, ārĩ weredea

²¹ Jesús dupaturi judío masaka oparãrẽ weremi:

—Yũ āārĩderogue waagũkoa. Yũ waadero pũrũ, mũsã yũre āmarãkoa. Mũsã ñerĩ iridea waja, waja oparã boarãkoa. Yũ waaburoguere mũsã waa-masĩbirikoa.

²² Īgũ irasũ ārĩmakũ pérã, gãme sērẽñama:

—¿Nasirigũ: “Yũ waaburoguere mũsã waamasĩbirikoa”, ārĩrĩ? ¿Īgũ basi wējẽ boagũkuri irasũ ārĩgũ?

²³ Jesús ĩgũsãrẽ ārĩmi:

—Mũsã gapũ i ùmũgue āārĩrã, i ùmũ marã āārã. Yũ gapũ ùmũgasigũe āārĩdi, i ùmũmũ meta āārã.

24 Irasirigū mūsārē: “Mūsā ñerī iridea waja, waja oparā boarākoa”, ārābū. Mūsā: “Yū ĩgū āārā*”, ārī wereadeare bñremubirisīā, mūsā ñerī iridea waja, waja oparā boarākoa.

25 Irasū ārīgū pérā ĩgūrē sērēñama:

—¿Noāno āārīrī mū?

Jesús ĩgūsārē yūjūmi:

—Buenagāgūgueta mūsārē: “Yū ĩgū āārā”, ārī weresiabū.

26 Yū mūsāyamarē, mūsā ñerō iridea waja mūsārē wajamoāburire weredūari, wári āārā. Yūre iriudi gapū diaye weremi. Irasirigū ĩgū weremakū yū pédea ditare mūsā i ũmū marārē werea, ārīmi.

27 Jesús: “Yūre iriudi”, ārīgū, ĩgū Pagureta werenígū irimi. ĩgūsā gapū irire pémasībirima.

28 Irasirigū Jesús ĩgūsārē ārīmi:

—Yūre āārīpererā tīgūrē mūsā curusague pábiatú āīwāgūnūrākoa. Mūsā irasū irirā: “Yū ĩgū āārā”, ārī wereadeare: “Diayeta āārā”, ārī masīrākoa. Yū gāāmerō neō iribi, irasū āārīmakū Yūpū yūre buedea ditare yū weregū āārīrīrē masīrākoa.

29 Yūre iriudi yū merā āārīmi. ĩgū gāāmerī ditare irinía. Irasirigū ĩgū yūre neō béobemi.

30 Jesús irasū ārīmakū pérā, wārā masaka ĩgūrē bñremuma.

Jesús Marīpū pūrāyamarē, ñerō iririmasāyamarē weredeā

31 Jesús, judío masaka: “Marīpū iriudi āārīmi”, ārī bñremurārē āsū ārīmi:

—Yū werenīrīrē bñremuduúmerā, diayeta yū buerā āārā.

32 Irasirirā diayema āārīrīrē masīrākoa. Irire masīrā, ñerō iririre pirirākoa. Moāboanerā mūsā opure wirianerā irirosū āārīrākoa.

33 ĩgū irasū ārīmakū pérā, ĩgūrē ārīma:

—Gūa Abraham parāmerā āārīturiarāgue āārā. Irasirirā neō gajirāyarā ĩgūsārē moāboerā āārībea. Irasirigū: “Moāboanerā mūsā opure wirianerā irirosū āārīrākoa”, ārīgū, ¿naásū ārīdūagū irasū ārīrī mū?

34 Jesús ĩgūsārē ārīmi:

—Diayeta mūsārē werea. Āārīpererā ñerīrē irirā, ñerīrē iridoregūyarā ĩgū dokamarā irirosū āārīma.

35 Sugū moāboegū wīi opū magū irirosū neō āārībemi. Wīi opū magū gapū ĩgū pagūya wīimū āārīnīkōākumi.

36 Yū, ũmūgasigue āārīgū magū āārā. Irasirigū mūsārē ñerīrē iridoregūyarā irirosū āārībirimakū irigū, diayeta moāboanerā mūsā opure wirianerā irirosū āārīmakū irigūkoa.

37 Yū mūsā Abraham parāmerā āārīturiarire masīa. Irasū āārīkererā, mūsā yū wererire péduabea. Irasirirā yūre wējēduāa.

38 Yūpū yūre masīmakū irideare mūsārē werea. Mūsā gapū mūsāpū dorerire yāa.

39 ĩgūsā ĩgūrē ārīma:

—Abraham gūa ñekū āārīdi āārīmī.

Jesús gapū ĩgūsārē ārīmi:

—Mūsā diayeta Abraham parāmerā āārīturiarā āārīrā ĩgū iriunaderosūta iririkūboayo.

* **8:24** Exodo 3.13-15: Iripoegue Moisés Marīpūre sērēñadi āārīmī: “Israel bumarā yūre: ‘Mū iriudi wāi, ¿naásū āārīrī?’ ārī sērēñamakū, ¿naásū ārī weregukuri?” Marīpū ĩgūrē āsū ārīdi āārīmī: “Yū wāi ‘YO SOY EL QUE SOY’ āārā. Irasirigū Israel bumarārē āsū ārī wereka: ‘YO SOY yūre mūsāguere weredoregū iriumi’, ārīka!” ārīdi āārīmī. “YO SOY EL QUE SOY”, ārīrō: “Yū āārīnīgūta āārā, o ĩgūta āārā yū”, ārīduaro yāa.

40 Yurpu yure diaye wererire musārē yu werekeremakū, yure wējēduáa. Abraham gapu musā irirosū neō irasiribiridi āārīmí.

41 Musā musāpuru irirosūta yáa.

Īgū irasū ārīmakū pérā, ārīma:

—Gua, pagu marīrā irirosū āārībea. Marīpu suguta gapu āārīmi.

42 Jesús Īgūsārē ārīmi:

—Yurpu diayeta musāpuru āārīmakū, musā yure maīboayo. Yu Īgū merā āārīdita oō musā purogue aaribú. Yu gāāmerō aaribiribu. Yurpu yure iriumi.

43 ¿Nasirirā yu wererire pémasīberi musā? Musā yu wererire péduabirisīā, pémasībea.

44 Musāpuru wātī āārīmi. Musā Īgūyarā āārā. Irasirirā Īgū gāāmerīrē iriduáa. Neōgoragueta masakare wējēbéodi āārīgú yámi. Īgūguere diayema neō máa. Irasirigu Īgū neō diayemarē werebemi. Neōgoraguere masakare ārīkatorpuroridi āārīmí. Irasirigu Īgū irasū ārīkatorikugu āārīsīā, ārīkatori ditare weremi.

45 Yu gapu diayemarē werea. Irasirirā yu wererire pérā, musā irire buremubea.

46 ¿Noā yure: “Mu āsū irigu, ñerō iriabū”, ārī masībukuri? Yu musārē diayemarē werekeremakū, ¿nasirirā yu wererire buremuberi?

47 Yurpu pūrā Īgū werenírīrē péma. Musā gapu Īgū pūrā āārībirisīā, irire péduabea, ārīmi Jesús.

Cristo Abraham dupiyuro āārīdeamarē weredea

48 Jesús irasū ārīmakū pérā, judío masaka Īgūrē ārīma:

—Gua: “Mu Samariamū, wātī ñajāsūdi āārā”, ārīrā, diayeta ārīrā yáa.

49 Jesús Īgūsārē ārīmi:

—Yu wātī ñajāsūdi āārībea. Yu iriri merā masaka Yurpūre: “Ōātaria mu”, ārīmakū yáa. Musā gapu yu iririre ĩākererā: “Ñerīrē irigu āārīmi”, ārā.

50 Yure: “Ōārō yáa”, ārī buremurārē āmabea yu. Yurpu gapu masakare yure buremumakū gāāmemi. Īgūta yu iririre ĩāgū, yure: “Ōārō yáa”, ārīmi.

51 Diayeta musārē werea. Yu wererire irigu neō boabirikumi.

52 Īgū irasū ārīmakū pérā, Īgūrē ārīma:

—Dapagora gua ire masīa. Mu wātī ñajāsūdi āārā. Abraham iripoegue boakōādi āārīmí. Marīpūya kerere weredupiyunerāde boakōānerā āārīmá. Mu gapu: “Yu wererire irigu neō boabirikumi”, ārā.

53 ¿Gua ñekū Abraham nemorō āārīrī mu? Īgū, Marīpūya kerere weredupiyunerāde boakōānerā āārīmá. ¿Noā āārīrī mu irasū ārī weregu?

54 Jesús Īgūsārē ārīmi:

—Yu, yu basi oārō werenírī wajamáa. Yurpu gapu musā: “Gupū āārīmi”, ārīgū gapu yure oārō weremi.

55 Musā gapu Yurpūre neō masībea. Yu Īgūrē masīa. Yu: “Īgūrē masībea”, ārīgū, musā irirosū ārīkatorikugu āārībukoa. Yu gapu Īgūrē oārō masīa. Irasū āārīmakū, Īgū wererire yáa.

56 Musā ñekū Abraham yu i ũmūgue aariburire masīdi āārīmí. Irasirigu yu aarīmakū ĩāgū, buro usuyari merā āārīdi āārīmí.

57 Īgūsā Jesúre ārīma:

—Mu cincuenta bojori opabirikeregu, ¿nasirigu Abrahārē ĩādi āārībukuri?

58 Jesús Īgūsārē ārīmi:

—Diayeta musārē werea. Abraham dupiyuro āārīdi yuta āārā.

59 Īgū irasū ārīmakū pérā, Īgūsā ũtāyeri āi, Īgūrē dea wējēduamakū, Marīpūya wiigūe āārādi Īgūsā watope duriwiriakōāmi.

9

Deyoaguguetu koye iãmasĩbire Jesús taudea

¹ Gajinu Jesús maague waagú, deyoaguguetu koye iãmasĩbire bokajami.

² Gũa ãgũrẽ ããrã, Jesũre sãrẽñabũ:

—Buegũ, ¿noã ñerõ iridea waja ãgũ koye iãmasĩbi deyoayuri? ¿ãgũ pagũsãmarã ñerõ iridea waja, o ãgũ basi ãgũ ñerõ iridea waja ãgũrẽ irasũ waayuri? ãrĩbũ.

³ Jesús gũare ãrĩmi:

—ãgũ ñerõ iridea, ãgũ pagũsãmarã ñerõ iridea ãgũ deyoaguguetu koye iãmasĩbi ããrĩmakũ iribiribũ. Marĩpũ ãgũ turari merã ãgũrẽ õãrĩ iririre masakare ãmugukumi. Irasirigũ ãgũ koye iãmasĩbi deyoami.

⁴ Õmũ merã masaka moãmasĩrã irirosũ dapagora Marĩpũ yũre iriugũ pĩdeare marĩrẽ iriro gããmea. Ñami merã moãmasĩmerã irirosũ pũrũgue ãgũ pĩdeare irimasĩbirikoa pama.

⁵ Yũ i ãmũguere ããrĩgũ, masakare sããgori sãgũ ããrã. Irasirigũ ãgũsãrẽ Marĩpũre masĩmakũ yãa, ãrĩmi.

⁶ Irasũ ãrĩ odo, nikũgue sũkure eomeépĩ, iri merã morẽ, koye iãmasĩbiya koyeguere túwũkãmi.

⁷ Irasiri odo, ãgũrẽ ãrĩmi:

—Siloé wãĩkũri deko gobegue ãgũsã iridea gobegue mũya koyere koegũ waaka! ãrĩmi. “Siloé”, ãrĩrõ: “Iriugũ”, ãrĩdũaro yãa.

ãgũ irasũ ãrĩmakũ pãgũ, koye iãmasĩbi irogue ãgũya koyere koegũ waakõãmi. Koe odo, koye iãmasĩgũgue dujariyupũ.

⁸ ãgũya wiigũ dujajamakũ, ãgũya wii pũro ããrĩrã, iro dupiyuro ãgũ niyeru sãrẽdi ããrĩmakũ ããnerã, sãrẽñãñurã:

—¿ĩ dupiyuro niyeru sãrẽ doanĩdita ããrĩrĩ?

⁹ Gajirã ãrĩñurã:

—ãgũta ããrĩmi.

Gajirã gapũ ãrĩñurã:

—ãgũ ããrĩbemi. ãgũ irirosũ deyogũ ããrĩmi.

ãgũsã irasũ ãrĩmakũ pãgũ, koye iãmasĩbi ããrãdi gapũ ãsũ ãrĩyupũ:

—ãgũta ããrã yũ.

¹⁰ ãgũ irasũ ãrĩmakũ, masaka ãgũrẽ sãrẽñãñurã:

—Mũ ããmasĩbiradi ããrĩgũ, ¿nasirigũ dapagorare irasũ ããmasĩrĩ?

¹¹ ãgũsãrẽ yũjũyupũ:

—Jesũs wãĩkũgũ ãgũya sũku nikũ merã moãmorẽ, yũ koyere túwũkãmi. Túwũkã odo, yũre: “Siloé wãĩkũri deko gobegue ãgũsã iridea gobegue mũya koyere koegũ waaka!” ããrãmi. Yũ irogue waa, koyere koe odo, ããmasĩpũroriabũ.

¹² ãgũ irasũ ãrĩmakũ, ãgũrẽ sãrẽñãñurã doja:

—Mũrẽ irasiriadi, ¿noõgue ããrãrĩ?

—Masĩbirikoa. Noó ããrĩgũ ããrĩkumi, ãrĩyupũ.

Fariseo bumarã koye iãmasĩbi ããrĩdire sãrẽñãde

¹³ Pũrũ ãgũsã koye iãmasĩbiridire fariseo bumarã pũrogue ããñurã.

¹⁴ Jesús ãgũya sũku nikũ merã moãmorẽ, koye iãmasĩbire taudeanũ judío masaka siñajãrĩnũ ããrĩbũ.

¹⁵ Irasirirã fariseo bumarã koye iãmasĩbiridire sãrẽñãñurã:

—¿Nasirigũ dapagorare õãrõ ããrĩrĩ?

ãgũsãrẽ yũjũyupũ:

—Sugũ ãgũya sũku nikũ merã moãmorẽ, yaa koyere túwũkãmi. Irasirigũ yaa koyere koaderõ pũrũ, ããmasĩpũroribũ.

16 Īgũ irasũ āřĩmakũ, surāyeri fariseo bumarā merāmarā āřĩñurā:

—Īgũrē irasiridi, marĩ siñajārĩñurĩma dorerire iribi āārĩmi. Irasirigu Marĩpu iriudi āārĩbemi.

Gajirā gapu āřĩñurā:

—Īgũ ñerō irigano āārĩgũ, i iri ĩmurĩrē irimasĩbiriboayupu. Irasirirā Īgũsā surosũ gũñabirisĩā, dukawariñurā.

17 Irasirirā dupaturi koye ĩāmasĩbiridire sērēñañurā doja:

—Mũkoa, ¿naásũ āřĩrĩ murē koye ĩāmasĩmakũ iridire?

Īgũ yujuyupu:

—Īgũ Marĩpu kerere weredupiyugu āārĩmi, ārā yu, āřĩyupu.

18-19 Judío masaka oparā gapu: “Īrĩ koye ĩāmasĩgũ, dupiyuro koye ĩāmasĩbi āārĩdi āārĩbemi”, āřĩ gũñadiñurā. Irasirirā Īgũ pagusāmarārē siiu, sērēñañurā:

—“¿Īrĩ mu magũ neō deyoaguguetā koye ĩāmasĩbi āārĩdi āārĩmi”, āřĩrĩ? Īgũ diayeta koye ĩāmasĩbiridi āārĩgũ, ¿nasiri dapagorare ōārō ĩāmasĩrĩ?

20 Īgũ pagusāmarā yujñurā:

—Ire gua masĩa. Īrĩ gua magũta āārĩmi. Īgũ deyoaguguetā koye ĩāmasĩbiridita āārĩmi.

21 Īgũ dapagora koye ĩāmasĩrĩ gapure, Īgũrē ĩāmakũ irididere masĩbea. Īgũrē sērēñaka! Buguro āārĩmi. Īgũ basi musārē yujumasĩmi.

22 Judío masaka oparā dupiyurogue āsũ āřĩñurā:

—Jesúre: “Marĩpu iriudi Cristo āārĩmi”, āřĩgũnorē marĩ nerēřĩ wiirigue neō ñajādorebirikōārā! āřĩñurā. Irasirirā, Īgũsā āřĩdeare pénerā āārĩsĩā, koye ĩāmasĩbiridi pagusāmarā Īgũsārē gũigorañurā.

23 Irasirirā Īgũsārē: “Buguro āārĩmi. Īgũrē sērēñaka!” āřĩñurā.

24 Judío masaka oparā irire pérā, dupaturi koye ĩāmasĩbiridire siiu, Īgũrē āřĩñurā doja:

—Marĩpu mu wererire pémi. Irasirigu Īgũ péurogue guare diaye wereka! Gua ire masĩa. Jesús ñerō irigu āārĩmi.

25 Īgũsā irasũ āřĩmakũ pégu, Īgũsārē āsũ āřĩ yujuyupu:

—Jesúre Īgũ ñegũ, o ōāgũ āārĩřrē masĩbirikoa yu. I ditare masĩa. Yu dupiyuroguere koye ĩāmasĩbi āārĩbũ. Dapagorare ĩāa, āřĩyupu.

26 Īgũ irasũ āřĩmakũ pérā, dupaturi Īgũrē sērēñañurā doja:

—¿Nasiriri Īgũ murē? ¿Nasirigu Īgũ murē koye ĩāmasĩmakũ iriri?

27 Īgũ yujuyupu Īgũsārē:

—Irireta musārē weresiabu. Yu irasũ āřĩ werekeremakũ, musā gapu yu wererire péduabirabu. ¿Nasirirā dupaturi yu irire weremakũ péduari? ¿Musāde Īgũ buerā āārĩduakuri?

28 Īgũ irasũ āřĩmakũ pérā, Īgũrē turiñurā:

—Mu Īgũ buegu āārā. Gua gapu Moisés gojadeare buerā āārā.

29 Ire gua masĩa. Marĩpu Moisére weredi āārĩmĩ. Jesúre iriudi gapure gua masĩbea.

30 Īgũsā irasũ āřĩmakũ, Īgũsārē āsũ āřĩ yujuyupu:

—Musā irasũ āřĩmakũ, pégukakōākoa. Īgũ yure koye ĩāmasĩmakũ irikeremakũ, musā Īgũrē iriudire masĩbea, ārā.

31 Marĩ ire ōārō masĩa. Marĩpu ñerō irirā Īgũrē sērēmakũ pébemi. Īgũrē buremugũ, Īgũ dorerire irigure Īgũ sērēřĩ ditare pémi.

32 Marĩ neō sugu deyoaguguetā koye ĩāmasĩbire ĩāmakũ irigu āārĩřrē pébea.

33 Marĩpu Jesúre iriubirimakũ, yure koye ĩāmasĩmakũ iribiriboañumi, āřĩyupu.

³⁴ Īgũ irasũ āřĩmakũ pérã, āřĩñurã:
 –Mũ deyoagũgueta ñerĩ merã deyoadi āãřĩkeregũ, ¿irire weredũari guare buebu? āřĩñurã.
 Irasirirã judío masaka nererĩ wiigue ĩgũrẽ ñajãdorebiriñurã.

Jesús ĩgũyare pémerã koye ĩãmasĩmerã irirosũ āãřĩma, āřĩ weredea

³⁵ Jesús koye ĩãmasĩbiridire ĩgũsã béowiuadeare pémi. Irasirigũ ĩgũrẽ bokajagũ, sērẽñami:

–¿Marĩpũ magũ āãřĩpererã tĩgũrẽ buremurĩ mũ?

³⁶ Īgũ Jesúre āřĩmi:

–Yũ Opũ, ¿noã āãřĩrĩ ĩgũ? Wereka yũre! Īgũrẽ masĩgũ, buremugũra.

³⁷ Jesús ĩgũrẽ āřĩmi:

–Mũ ĩgũrẽ ĩãsiáa. Yũ mũ merã werenĩgũ, ĩgũta āãřã.

³⁸ Irire āřĩmakũ pégu, Jesús pũro ñadũkũpuri merã ejamejã, ĩgũrẽ:

–Yũ Opũ, mũrẽ buremua, āřĩmi.

³⁹ Pũrũ Jesús ãsũ āřĩmi:

–Yũ masaka irideare: “I gapũ õãa, i gapũ õãbea”, āřĩgũ, i ãmũguere aaribú. Yũpũ gããmerĩrẽ masĩmerã, koye ĩãmasĩmerã irirosũ āãřĩma. Irasirigũ koye ĩãmasĩmerã irirosũ āãřĩrãrẽ ĩgũ gããmerĩrẽ masĩburo, āřĩgũ, “Gũa õãrõ masĩa”, āřĩ gũñarã gapũre koye ĩãmasĩmerã irirosũ waaburo, āřĩgũ aaribú.

⁴⁰ Īgũ irasũ āřĩmakũ pérã, surãyeri fariseo bumarã ĩgũrẽ āřĩma:

–¿Mũ irire āřĩgũ, guadere: “Koye ĩãmasĩmerã irirosũ āãřã”, āřĩgũ yári?

⁴¹ Jesús ĩgũsãrẽ āřĩmi:

–Mũsã koye ĩãmasĩmerã irirosũ Yũpũ gããmerĩrẽ masĩmerã āãřĩrã, mũsã ñerĩ iridea wajare opabiribukoa. “Gũa õãrõ masĩa”, āřĩrã āãřĩsĩã, mũsã ñerõ iridea wajare opãa dapa, āřĩmi.

10

Jesús oveja korerimasũ iririkũri keori merã weredea

¹ Jesús irire āřĩ odoadero pũrũ, keori merã ãsũ āřĩ weremi:

–Diayeta mũsãrẽ werea. Oveja korerimasũ ĩgũsãrẽ duripĩri sãřĩrõ makãpũrore ñajãgũ irirosũ iribino, yajarimasũ āãřĩkumi. Makãpũro marĩrõgue ñajãkumi.

² Makãpũro ñajãgũ gapũ oveja korerimasũ āãřĩkumi.

³ Makãpũrore koregu tũpãkumi, oveja korerimasũrẽ ñajãridoregu. Oveja korerimasũ ñajãmakũ, oveja ĩgũ werenĩmakũ pékuma. ĩgũyarãrẽ ĩgũsã wãĩ merã oekumi. Irasũ oegũ, ĩgũsãrẽ siiu wiukumi.

⁴ ĩgũyarã āãřĩpererãrẽ oe, siiu wiu odo, ĩgũsãrẽ dupiyuwãgãkumi. Oveja ĩgũ werenĩrĩrẽ masĩrã āãřĩsĩã, ĩgũrẽ tũyakuma.

⁵ Gajigũre ĩgũsã ĩãmasĩbire tũyabirikuma. ĩgũ werenĩrĩrẽ masĩmerã āãřĩsĩã, ĩgũrẽ gũĩ ãmaduriwãgãkõakuma.

⁶ Jesús iri keori merã ĩgũsãrẽ weremakũ pérã gapũ pémasĩbirima. “Ãsũ āřĩdũaro irikoa i”, āřĩmasĩbirima.

Jesús ovejare õãrõ koregu irirosũ āãřĩmarẽ weredea

⁷ Irasirigũ Jesús ĩgũsãrẽ werenemomi doja:

–Diayeta mũsãrẽ werea. Yũ ovejare duripĩri sãřĩrõ makãpũro irirosũ āãřã.

⁸ Āãřĩpererã ñerã yũ dupiyuro aarinerã, yajarimasã irirosũ āãřĩma. Yaarã oveja irirosũ āãřĩrã gapũ ĩgũsãrẽ pébema.

⁹ Yũ makãpũro irirosũ āãřã. Yũre buremurã iri makãpũrore ñajãrã irirosũ āãřĩma. ĩgũsãrẽ peamegue waabonerãrẽ taugũkoa. Oveja gũiro marĩrõ

Īgūsārē duripíri sārīrō makāpurore ñajārā, wirirā Īgūsā baaburi bokarā irirosū āārīrākuma.

10 'Yajarimasā ovejare yajamurā, wējēmurā, poyanorēmurā aaríma. Y_u gap_u Īgūsārē okarire opamakū irig_u aaribú. Āārīpereri oārīrē opaburo, ārīgū, aaribú.

11 Y_u ovejare oārō koreg_u irirosū āārā. Ovejare oārō koreg_u wējēsūbu āārīkereg_u, Īgūsārē béobirikumi. Īgūsā oārō āārīburire boabosag_ukumi.

12 Gajig_u moārīmasū gap_u Īgū moāwajatari ditare gūñami. Ovejare oārō koreg_u irirosū āārībemi. Oveja Īgūyarā āārībema. Irasirig_u makānūm_u diayée ovejare ñeā wējēgū aarimakū Īgū, ovejare béo, gūi ūmaduriwāgākōāmi. Īgūsārē béowāgādero p_ur_u, makānūm_u diayée ovejare ñeāmakū Īārā, gajirā oveja ūmasiriwāgākōāma.

13 Moārīmasū Īgū moāwajatari ditare gāāmemi. Irasirig_u ovejare Īgūsā oārō āārīburire gūñabemi.

14-15 'Y_u ovejare oārō koreg_u irirosū āārā. Y_up_u y_ure masīmi. Y_ude Y_up_ure masīa. I irirosū yaarā ovejare y_u masīa. Yaarāde y_ure masīma. Irasirig_u y_u okarire maībea. Īgūsā oārō āārīburire boabosag_ukoa.

16 Gajirā oveja gaji duripíri sārīrō marā irirosū āārīma. Īgūsāde yaarā āārīma. Īgūsādere āīg_ukoa. Y_u werenírīrē pérākuma. Irasirirā yaarā āārīpererā su buta āārīrākuma. Y_u suguta Īgūsārē koreg_ukoa.

17 'Yaarā oārō āārīburire boabosag_ukoa. Y_u okarire maībi āārīsīā, irasirig_ukoa masā, dupaturi okabu. Y_u irasiribu āārīmakū, Y_up_u y_ure maīmi.

18 Y_u gāāmebirimakū, neō sug_u y_ure boamakū irimasībiribukumi. Y_u gāāmerō merā boag_ukoa. Y_u turaro merā y_u gāāmerīrē irimasīgū āārīsīā, y_u gāāmerō merā boa, p_ur_u masāg_ukoa. Y_up_u y_ure irireta iridoremi, ārīmi Jesús.

19 Īgū irasū ārīmakū pérā, judío masaka dupaturi surosū Īgūrē gūñabirisīā, dukawarima.

20 Gajirā wārā Īgūsā merāmarārē Īgūyamarē ārīma:

—Īgū wātī ñajāsūdi, niāsūgū yāmi. ¿Nasirirā Īgūrē péri m_usā?

21 Gajirā gap_u ārīma:

—Wātī ñajāsūdi, Īgū irirosū oārō werenībiribukumi. Koye Īāmasībidere Īāmakū irimasībiribukumi, ārīma.

Judío masaka Jesúre gāāmebiridea

22 Puib_u āārīmakū, Jerusalégue judío masaka bosenu irima. Iripoegue marā Marīp_uya wiire iripeodeare gūñarī bosenu āārībú.

23 Iri bosenurē Jesús, Pórtico de Salomón wāikuri taribu Marīp_uya wii turo biaña marīrī taribugue waagorenami.

24 Iroque Īgū āārīmakū Īārā, judío masaka oparā Īgū p_uro nerē, Īgūrē sērēñama:

—¿Naásū āārīmakū g_uare oārō diaye wereg_ukuri? ¿M_u Cristo, Marīp_u iriudita āārīrī?

25 Jesús Īgūsārē y_uj_umi:

—M_usārē weresiabu. M_usā gap_u y_u wererire b_uremubea. Y_u, Y_up_u y_ure dorerosūta Īgū turari merā iri ĩmurīrē irinagū yāa. I merā y_u āārīrikurire masīsūa.

26 Y_u Īgū turari merā iri ĩmurīrē ĩakererā, m_usā gap_u y_ure b_uremubea. M_usā yaarā āārībirisīā, y_ure b_uremubea. Y_u dupiyuro werederosūta m_usā gajig_uyarā oveja irirosū āārā.

27 Yaarā oveja y_u werenírīrē masīma. Y_u Īgūsārē masīa. Irasirirā y_ure t_uyama.

28 Y_u ĩgūsārē ũmugasigue perebiri okari opamakū yáa. Irasirirā perebiri peamegue neō waabirikuma. Y_u ĩgūsārē korea. Gajirā ĩgūsārē neō yure ěmamasĩbema.

29 Y_u ĩgūsārē yure sĩdi āārĩmĩ. ĩgū āārĩpererā nemorō turagū āārĩmi. ĩgūde ĩgūsārē koremi. Gajirā ĩgūsārē neō ĩgūdere ěmamasĩbema.

30 Y_u, Y_u merā suguta āārā, ārĩmi Jesús.

31 ĩgū irasū ārĩmakū pérā, dupaturi judío masaka ũtāyeri āĩma, ĩgūrē dea wějēduarā.

32 ĩgūsā irasirid_uamakū ĩāgū, Jesús ĩgūsārē ārĩmi:

–Y_u, Y_u yure dorederosūta wári ĩgū turari merā iri ĩmurĩrē irib_u. M_usā irire ĩāb_u. ¿Nēeno y_u iridea waja m_usā yure ũtāyeri merā dea wějēduari?

33 ĩgūsā ĩgūrē ārĩma:

–M_u ōārō iriri waja g_ua m_urē ũtāyeri merā dea wějēduabea. M_u Marĩpure ñerō werenĩrĩ waja m_urē ũtāyeri merā dea wějēduāa. M_u masakū āārĩkereg_u: “Marĩp_u āārā y_u”, ārĩ werenía.

34 ĩgūsā irasū ārĩmakū pégu, Jesús ĩgūsārē ārĩmi:

–Marĩp_u āsū ārĩdi āārĩmĩ ĩgū m_usārē doreri gojadea pūgue: “M_usā y_u irirosū āārā”, ārĩdi āārĩmĩ.

35 Marĩ ire masĩa. Marĩp_u ĩgūya werenĩrĩ gojadea pūgue ārĩrĩ diayeta āārā. Marĩrē neō irire: “Diaye āārĩbea”, ārĩ masĩña máa. Irasiro iri pūguere ĩgūya kerere pérārē: “Y_u irirosū āārĩma”, ārĩrĩ diayeta āārā.

36 Marĩp_u yure beyesĩā, i ũmuguere iriumi. Irasū āārĩkeremakū: “Y_u Marĩp_u magū āārā”, ārĩdea waja m_usā gap_u yure: “Marĩpure ñerō werenĩmi”, ārā. ¿Nasirirā yure irasū ārĩrĩ m_usā?

37 Y_u yure dorerosūta ĩgū turari merā y_u iri ĩmubirimakū ĩārā, y_u wereri gap_ure b_uremubirikōāka!

38 Y_u yure dorerosūta y_u iri ĩmumakū ĩārā, y_u wererire b_uremubirikererā, y_u iriri gap_ure: “Marĩp_u turari merā iriri āārā”, ārĩ b_uremuka! M_usā irire ārĩ b_uremurā, Y_u y_uguere ōārō āārĩrĩrē, irasū āārĩmakū y_u ĩgū merā suguta āārĩrĩrē masĩrākoa.

39 ĩgū irasū ārĩmakū, ĩgūrē peresu iriduarā ñeāduarā iriadima doja. ĩgū gap_u ĩgūsārē duriwiriakōāmi.

40 Wiria, Juan masakare wāiyep_uroriderogue dia Jordán wāĩk_udiya gaji koep_ugue dupaturi waa, iroguere dujami.

41 Masaka wárā ĩgūrē ĩārā ejama. Āsū ārĩma:

–Juan masakare wāiyedi Marĩp_u turari merā iririre iri ĩmubirikereg_u, āārĩpereri Jesúyamarē weredeā diayeta āārā, ārĩma.

42 Irasirirā wárā iroguere Jesúre b_uremuma.

11

Lázaro boadea (Lc 10.38-42)

1-2 Iripoere Betania wāĩk_uri makā_u Lázaro wāĩk_ug_u pūrĩrik_ug_u iriyup_u. Iri makā, ĩgū tĩrā nome María, Marta wāĩk_urāya makā āārĩbá. María marĩ Op_u Jesúya gubure sārōrĩ merā piupeo, igo poari merā túkoebo āārĩmó.

3 Lázaro pūrĩrik_umakū ĩārā, ĩgū tĩrā nome gajirā merā Jesúre kere iriuñurā:

–G_ua Op_u, m_u maĩgū pūrĩrik_ug_u yámi, ārĩ kere iriuñurā.

4 Jesús iri kerere pégu, ārĩmi:

–Iri pūrĩrĩ ĩgūrē boamakū iriburi āārĩbea. Iri merā Marĩp_u masakare ĩgū turarire ĩmug_ukumi. ĩgū irire ĩmugū, y_u ĩgū magū āārĩrĩrē, ĩgū turari opag_u āārĩrĩdere ĩmug_ukumi.

5-6 Irasirigu Jesús Martare, igo pagumore, Lázarore buro maĩsĩa, Lázaró pũrĩrikuri kere péadero puru, penu ĩgũ ããrĩrõguere dujanemomi.

7 Penu puru guare ĩgũ buerãrẽ ãrĩmi:

—Náka, dupaturi Judea nikũgue waarã doja!

8 Gua ĩgũrẽ ãrĩbu:

—Buegu, irinugue marĩ irogue ããrĩmakũ, judío masaka murẽ ùtãyeri merã dea wẽjẽduama. ¿Nasirigu mu irogue dupaturi waaduari?

9 Gua irasũ ãrĩmakũ, Jesús keori merã guare ãsũ ãrĩ weremi:

—Sunarẽ pe mojõma pere su gubu peru pẽrẽbejari horagora ããrã. Irasirirã, i ùmũguere sĩagori ããrĩyumakũ, iri boyori merã masaka noó waaró waarã, gubutuabirikuma.

10 Ñami merã sĩagori marĩrõ waarã gapu gubutuama.

11 ĩgũ irire ãrĩ odo, guare ãrĩmi:

—Marĩ merãmu Lázaró kãrĩakõãmi. Yu ĩgũrẽ yobegu waagukoa.

12 Gua ĩgũrẽ ãrĩbu:

—Gua Opu, Lázaró kãrĩmakũ, ĩgũ sĩrĩrĩ tarirokoa, ãrĩbu.

13 Jesús: “Kãrĩakõãmi”, ãrĩgũ, ĩgũ kõmoadeare weregu iridi ããrĩmĩ. Gua gapu: “Ĩgũ kãrĩrĩrẽ weremi”, ãrĩ gũñadibu.

14 Irasirigu Jesús pémasĩma õãrõ guare weremi:

—Lázaro boakõãmi.

15 Yu usuyáa, yu marĩrõ boami. ĩgũ boari merã musã yure buremunemorãkoa. Náka, marĩ ĩgũrẽ iãrã! ãrĩmi.

16 Jesús irire ãrĩmakũ pégu, Tomás “Sududi” ĩgũsã ãrĩgũ guare ãrĩmi:

—Marĩ Jesús merã waarã! ĩgũ irogue boamakũ, marĩde ĩgũ merãta boakõãrã!

Jesús boanerãrẽ masãmakũ irigu, okari sīgũ ããrĩrĩmarẽ weredea

17 Jesús Betaniague ejamakũ, iro marã ĩgũrẽ werema:

—Wapikurinu taria, Lázaró dagare ĩgũsã yáadero puru, ãrĩma.

18 Betania, Jerusalén purógã, pe kilómetro gaji kilómetro deko yoaro ããrĩbã.

19 Irasirirã judío masaka wãrã Lázaró boadea kerere pérã, Marta, Mariãre iãrã waañurã, ĩgũsãrẽ iã gũñaturaburo, ãrĩrã.

20 Jesús ĩgũsã puro ejaburi kerere pégo, Marta ĩgũrẽ bokatĩrĩgõ aarimó. Mariã gapu wiigueta dujakõãdeo ããrĩmó.

21 Marta Jesús puro ejago, ĩgũrẽ ãrĩmo:

—Yu Opu, mu õõgue ããrĩmakũ, yu pagumu boabiriboadi ããrãmi.

22 Yu masĩa. Mu Marĩpũre sãrẽmakũ, ããrĩpereri mu sãrẽrõsũta irigukumi.

23 Jesús igore ãrĩmi:

—Mu pagumu dupaturi okagukumi.

24 Igo ĩgũrẽ ãrĩmo:

—Yu masĩa. I ùmu peremakũ ããrĩpererã boanerã masãmakũ, ĩgũde dupaturi okagukumi.

25 Igo irasũ ãrĩmakũ, Jesús ãsũ ãrĩmi:

—Yu boanerãrẽ masãmakũ irigu, ĩgũsãrẽ okari sīgũ ããrã. Yure buremugũ boadigüe ããrĩkeregũ, okagukumi.

26 Irasirirã okarã yure buremurãno neõ boabirikuma*. ¿Mu ire buremurĩ?

27 Igo ĩgũrẽ ãrĩmo:

—Yu Opu, murẽ buremua. Mu, Cristo Marĩpu magũ, i ùmũgue aarigukumi, ĩgũsã ãrĩdi ããrã.

* **11:26** Jesús: “Okarã yure buremurãno neõ boabirikuma”, ãrĩgũ, ĩgũsã ùmũgasigüe perebiri okaburire, perebiri peamegüe neõ waabiriburire werenígũ irimi.

Jesús Lázaro ya dupure yáadea masãgobe puro oredea

²⁸ Marta irasũ arĩ odo, igo pagũmo Maríare siiugo waamo. Gajirã péberogã igore asũ arĩyupo:

–Marĩrẽ buegũ ejasiami. Murẽ siiuami.

²⁹ Igo irasũ arĩmakũ pégo, mata María ĩgũ purogue mumurõ merã aarimó.

³⁰ Jesús makãgue ejabirimi dapa. Marta ĩgũrẽ bokatĩrĩaderogueta aarĩmĩ.

³¹ Judío masaka wiigũ Maríare ĩã gũñaturaburo, arĩrã, igo merã aarĩnerã, igo mumurõ merã waamakũ ĩarã, igore tuyawãgãñurã. “Igo pagũmũ yáa masãgobegue orego waagó irikumo”, arĩ gũñañurã.

³² María Jesús purogue ejago, ĩgũrẽ ĩã, ĩgũ guburi puro ñadũkupuri merã ejamejã:

–Yũ Opũ, mũ õõgue aarĩmakũ, yũ pagũmũ boabiriboadi aarĩami, arĩmo.

³³⁻³⁴ Igo, igore tuyanerã merã oremakũ ĩãgũ, Jesús bũro bopoña, bũjowereri merã ĩgũsãrẽ ĩã:

–¿Noógue ĩgũrẽ yáari mũsã? arĩ sērẽñami.

Ĩgũsã ĩgũrẽ arĩma:

–Gũa Opũ, ĩãgũ aarika!

³⁵ Jesús oremi.

³⁶ ĩgũ oremakũ ĩarã, judío masaka arĩma:

–Ĩãka! Noópagora ĩgũrẽ maĩayuriye!

³⁷ Gajirã ĩgũsã merãmarã gapũ arĩma:

–Koye ĩãmasĩbire ĩãmakũ iridi aarĩmi. ¿Lázaro boaburi dupiyuro ĩgũrẽ ĩãgũ taũkõãboayuri?

Jesús Lázaro masũdea

³⁸ Jesús bũro bũjowereri merã masãgobe puro waami. Iri gobe utãtore aarĩbũ. Iri gobe ñajãrõrẽ wári majĩ utã majĩ merã biasũbũ.

³⁹ Jesús arĩmi:

–Utã majĩrẽ aĩ weanũka!

Ĩgũ irasũ arĩmakũ pégo, Marta boadi tĩgõ arĩmo:

–Yũ Opũ, ĩgũya dupũ daro arĩasiakuyo. Wapikũrinũ tarisiáa, ĩgũ boadero purũ.

⁴⁰ Jesús gapũ igore arĩmi:

–Murẽ wereabũ: “Yũre bũremugõ Marĩpũ turarire ĩãgokoa”, arãbũ.

⁴¹ ĩgũ irasũ arĩ odomakũ, ĩgũsã utã majĩrẽ aĩ weanũma. Jesús umũgasigue ĩãmu, Marĩpure asũ arĩmi:

–Aũ, yũ sērẽrĩrẽ mũ pésiabũ. Irasirigũ murẽ: “Õãa”, arĩ, usũyari sĩa.

⁴² Yũ masĩa. Yũ murẽ sērẽrĩrẽ irasũ pėnĩkõãa. Yũ irire masĩkeregũ, õõ nĩrã yũ mũ iriudi aarĩrĩrẽ masĩburo, arĩgũ, ĩgũsã pėurogue murẽ: “Yũ sērẽrĩrẽ mũ pésiabũ”, arĩ werea.

⁴³ Irasũ arĩ odo, Jesús bũro bũsũro merã arĩmi:

–Lázaro, irore wirika!

⁴⁴ ĩgũ irasũ arĩmakũta, masãgobegue wiririmi. ĩgũya mojõrĩ, guburire surĩ gasiri merã dũrasũdi, ĩgũya diapure surĩro gasiro merã õmasũdi aarĩmĩ. Irasirigũ Jesús ĩgũsãrẽ:

–Kuranoka ĩgũ waamakũ! arĩmi.

Judío masaka oparã Jesúre ñeãdũadea

(Mt 26.1-5; Mr 14.1-2; Lc 22.1-2)

⁴⁵ Wãrã judío masaka María merã masãgobegue wapikũnerã Jesús iriadeare ĩarã, ĩgũrẽ bũremuma.

⁴⁶ Gajirã ĩgũsã merãmarã gapu fariseo bumarã purogue waa, Jesũs iriadeare ĩgũsãrẽ wereñurã.

⁴⁷ Irasirirã fariseo bumarã, irasũ ããrĩmakũ paía oparã gajirã judío masaka oparã merã nerẽ, ãsũ ãrĩ werenĩñurã:

—¿Nasirirãkuri marĩ? Jesũs wãri turari merã iri ĩmugũ yãmi.

⁴⁸ Marĩ ĩgũrẽ: “Iropata irika!” ãrĩbirimakũ, ããrĩpererã masaka ĩgũrẽ buremurãkuma. Irasirirã romano marã oparã aarirãkuma, Marĩpuya wiire bẽo, marĩrẽ marĩya nikũrẽ emamurã, ãrĩñurã.

⁴⁹ Sugũ ĩgũsã merãmu, Caifãs wãikugũ iri bojorire paía opu ããrĩmĩ. ĩgũsã irire irasũ ãrĩmakũ pẽgu, ĩgũsãrẽ ãrĩyupu:

—Mũsã irima ããrĩpererire neõ masĩbea.

⁵⁰ Ire pẽmasĩbea. Sugũta marĩ judío masakaya ããrĩburire boabosamakũ õãrokoa. ĩgũ boabirimakũ, marĩ ããrĩpererã judío masaka gapu pereakõãbukoa.

⁵¹ ĩgũ Jesũs judío masakaya ããrĩburire boabosaburire weregu, ĩgũ basi gũñarĩ merã irasũ ãrĩbiriyupu. Iri bojorire ĩgũ paía opu ããrĩmakũ, Marĩpu ĩgũrẽ irire ãrĩmakũ iriyupu.

⁵² Jesũs boagu, judío masakaya ããrĩburire, irasũ ããrĩmakũ ããrĩpererã Marĩpu pũrã ããrĩpererõ ããrĩrãdere ĩgũsãya ããrĩburidere boami, su buta ããrĩburo, ãrĩgũ.

⁵³ Caifãs ĩgũsãrẽ irasũ ãrãderõ purũ: “¿Nasiri Jesũre wẽjẽrãkuri marĩ?” ãrĩ werenĩrã irĩñurã.

⁵⁴ Jesũs, ĩgũsã ĩgũrẽ wẽjẽduarire masĩkõãmi. Irasirigu judío masaka oparã ĩũrõgue neõ waagorenabirimi. Judea nikũma makã, masaka marĩrõ puro ããrĩrĩ makã Efraĩn wãikuri makãgue waakõãmi. Irogue gũa ĩgũ buerã merã dujami.

⁵⁵ Iripõere pascua bosenu gũa judío masaka bosenu ããrĩburo mẽrõgã duyabu. Irasirirã bosenu dupiyuro masaka wãrã gaji makãrĩ marãde Jerusalẽgue iri bosenuamarẽ baaburo dupiyuro Marĩpu dorederosũta koerã waama ĩgũ ĩgũsãrẽ: “Ñerĩ opamerã, õãrã ããrĩma”, ãrĩ ĩãburo, ãrĩrã.

⁵⁶ ĩgũsã irogue ejarã, Jesũre ãmagorenañurã. Marĩpuya wiigũ ããrĩrã, ãsũ ãrĩ gãme werenĩñurã:

—¿Naãsũ gũñarĩ? ¿Bosenuẽrẽ ĩãgũ aarigũkuri, o aaribirikuri?

⁵⁷ Paía oparã, fariseo bumarã masakare doreñurã. ãsũ ãrĩñurã:

—Jesũs ããrĩrõrẽ masĩrã, gũare wereka! ĩgũrẽ ñeã, peresu iriduarã irasũ ãrĩñurã.

12

María Jesũya guburire sãrõrĩ piupeodea (Mt 26.6-13; Mr 14.3-9)

¹ Su mojõma pere gaji mojõ suru pẽrẽbejarinũrĩ pascua bosenu waaburi dupiyuro Jesũs Betaniague waami. Iri makã, Lázaro boadiguere Jesũs masũdiya makã ããrĩbũ.

² Irogue Jesũre bosenu iripeoma. Marta baarire gueremo. Lázaro ĩgũ merã baa doami. Gũade ĩgũsã merã baabu.

³ Gũa ĩgũsã merã baaripõe María suru sãrõdiru wãdiru su litro deko opadirure Jesũs puro ãĩja, ĩgũya guburire piupeomo. Iri sãrõrĩ “nardo” wãikuri sãrõrĩ, gajino merã morẽña marĩrĩ, wajapari sãrõrĩ ããrĩyuro. Irire piupeo odo, igoya poañapu merã ĩgũya guburire túkoemo. Iri wii ããrĩpererõ sãrõseyakõãbu.

⁴ Igo irasirimakũ ĩãgũ, gũa Jesũs buerã watõpemu Jesũre wẽjẽduarãguere ĩgũrẽ ĩmubu Judas Iscariote ãsũ ãrĩmi:

⁵ —¿Nasirigo i sūrōrīrē duabirari? Irire duago, trescientos nūrī moādea wajare wajataropa wajataboakuyo. Irasirigo iri niyerure boporārē sīboakuyo, ārīmi.

⁶ Yajarikusīā, irasū ārīmi. Boporārē iritamudugū meta āārīmí. Īgū guaya niyeru ajurore koregū āārīmí. Iri ajurogue guā niyeru duripírīre yajanokōāmi.

⁷ Jesús Īgūrē ārīmi:

—Iropata ārīka! Igo iri sūrōrī duripíadeare yūre piupeogo, Īgūsā yūre yáaburi dupiyuro iriburire irasū yámo.

⁸ Boporā mūsā merā āārīnīkōārākuma. Yū gapū mūsā pūro āārīnībirikoa.

Judío masaka oparā Lázarore wējēduadea

⁹ Jesús Betaniague āārīrī kerere pérā, judío masaka wárā irogue Īgūrē Īārā aarirā, Īgū ditare Īārā aaribirima. Lázaro boadiguere Jesús masūdidere Īārā aarimá.

¹⁰⁻¹¹ Jesús Īgūrē masūmakū Īādero pūru, wárā judío masaka paía oparā bueri gapūre tūyanemobiri, Jesúre būremupūroriñurā. Irasirirā paía oparā Jesúre wējēduarosūta Lázarodere wējēduañurā.

Jesús Jerusalēgue ejadea

(Mt 21.1-11; Mr 11.1-11; Lc 19.28-40)

¹² Gajinū gapū wárā masaka Jerusalēgue pascua bosenārē Īārā ejanerā, Jesús irogue waaburi kerere péñurā.

¹³ Irasirirā beje pū diti āiwāgā, Īgūrē āsū ārī gaguiní bokatīrīrā aarimá:

—Marī Opūre usuyari sīrā! Īi Marīpū marīrē taugū iriudi ōārō aariburo. Īgū marī Israel bumarā Opūta āārīmi, ārīma.

¹⁴ Jesús burrore bokaja, Īgū weka mūrībejami. Irasirigū Marīpūya werenírī gojadea pūgue ārīderosūta irimi. Āsū ārī gojasūdero āārībá:

¹⁵ Jerusalén marā gūibirikōāka!

Īāka! Mūsā Opū burro weka peyawāgārimi, ārī gojasūdero āārībá.*

¹⁶ Guā Īgū buerā iri gojadeare pémasībiribū. “Dapagora Jesús iri gojaderosūta irigū yámi”, ārī gūñabiribū. Ūmugasigue Īgū mūrīadero pūru, iri gojadeare gūñaboka, pémasībū. “Marīpūya werenírī gojadea pūgue ārīderosūta Jesúre waabu”, ārī gūñabu.

¹⁷ Jesús Lázarore Īgūsā yáadea gobere wiridore, Īgūrē masūmakū Īānerā gajirārē Īgūsā Īādeare wererā irima.

¹⁸ Irasirirā wárā masaka Lázarore Jesús masūdea kerere pénerā āārīsīā, Jesúre bokatīrīrā aarimá.

¹⁹ Īgūsā irasirimakū Īārā, fariseo bumarā Īgūsā basi āsū gāme ārī wereníñurā:

—Īāka! Āārīpererā Īgū merā dita waarā yáma. Marī neō Īgūsā iririre kāmutamāsībea.

Surāyeri griego masaka Jesúre Īāduadea

²⁰ Jerusalēgue pascua bosenu āārīmakū, Marīpūre būremurā ejanerā watopere surāyeri griego masaka āārīmá.

²¹ Īgūsā Jesúre Īāduarā, Felipere wererā aarimá. Felipe Betsaida wāikuri makāmu āārīmí. Betsaida, Galilea nikūgue āārīrī makā āārībá. Āsū ārīma Īgūrē:

—Jesúre Īāduakoa guā.

²² Īgūsā irasū ārīmakū pégu, Felipe Andrére weregu waami. Irasirirā Īgūsā pērāgueta Jesúre wererā waama.

²³ Jesús, griego masaka Īgūrē Īāduarire pégu, guare ārīmi:

—Mérōgā duyáa yū āārīpererā tīgū boa, masā, ūmugasigue mūrīaburo.

* 12:15 Zac 9.9

24 Diayeta musârê werea. Oteri yere otebirimakû, suyeta dujarokoa. Iri yere otedero puru, yeba poekague boa, puru puri wiri, wâri duka sîkoa.

25 Sugû ãgû i ãmugue okarire maĩgûno, perebiri peamegue waagakumi. ãgû i ãmugue okarire maĩbi gapu ãmugasigue perebiri okari opagakumi.

26 Yu dorerire iridugû, yure tuyaburo. Yure tuyagu, yu ããrĩburoguere yu merã ããrĩgukumi. Yuru yu dorerire irigure: “Õãrõ irigu yâmi”, ãrĩ, ãgûrê õãrõ irigukumi.

Jesús ãgû boaburire werede

27 ‘Dapagorare yu buro bujawereri merã ããrã. ¿Naásû ãrĩgukuri? “Au, yu ñerõ tariburore tauka!” ¿ãrĩgukuri? Irire ãrĩbea. Ñerõ taributa i ãmuguere aaribú, ãrĩmi.

28 Irasû ãrĩ odo, ãgû Pagure: “Au, mu turagu ããrĩrĩrê masakare ãmuka!” ãrĩmi. ãgû irasû ãrĩmakû, Marĩpu ãmugasigue ããrĩgû werenĩrĩrê pébu. Ásû ãrĩmi:

—Yu turagu ããrĩrĩrê masakare ãmusiabû. Irire dupaturi ãmugura doja.

29 Masaka irogue ããrĩrã ãgû werenĩrĩrê pérã, ãrĩma:

—Bupu busukumi.

Gajirã ãrĩma:

—Marĩpûre wereboegu Jesúre werenĩami.

30 Jesús gapu ásû ãrĩmi:

—Yuru irire werenĩgû, yure pédoregu meta werenĩami. Musã gapure pédoregu werenĩami.

31 Dapagorare waarĩ merã, i ãmu marã ãgûsã ñerĩ iridea waja wajamoãsrãkuma. Irasû ããrĩmakû, ñegû i ãmu marãrê doregu béosũgukumi.

32 Curusague ãgûsã yure pábiatú, ãiwãgûnúmakû, ããrĩpererã masakare siugukoa, yu merã ããrĩburo, ãrĩgû.

33 Irasû ãrĩgû, ãgû curusague boaburire weregu irimi.

34 ãgû ãrĩrĩrê pérã, masaka ãgûrê ãrĩma:

—Marĩpûya werenĩrĩ gojadea pũgue ãgûsã bue ãmumakû pébu. “Marĩpu iriudi Cristo okanĩkõãgukumi”, ãrĩ bue ãmuma. ¿Nasirigu mu gapu: “Ããrĩpererã tĩgûrê curusague pábiatú, ãiwãgûnúrãkuma”, ãrĩrĩ? ¿Noã ããrĩrĩ ããrĩpererã tĩgû?”

35 ãgûsã irasû ãrĩmakû, Jesús ãrĩmi:

—Yu masakare sãgori sãgû ããrã. Yoaweyaripoe musã purogue ããrĩgukoa dapa, Marĩpûre masĩburo, ãrĩgû. Irasirirã sãgori merã õãrõ waamasĩrã irirosû ããrĩka! Naĩtĩãrõgue waagorenagûno, ãgû waaburore neõ masĩbirikumi.

36 Yu musârê sãgori sãgû ããrĩgû musã merã ããrã, Marĩpûre masĩburo, ãrĩgû. Irasirirã, musã merã yu ããrĩtũnuburo dupiyuro yure buremuka! Yure buremurã, boyorogue ããrĩrã irirosû, yaarã ããrĩrãkoa.

Irasû ãrĩ odo, ãgûsãrê duriwãgãkõãmi.

Judío masaka Jesúre buremubiridea

37 Jesús wâri Marĩpu turari merã iri ãmumakû ããkererã, ãgûrê buremubirima.

38 Marĩpûya werenĩrĩ gojadea pũgue Isaías gojaderosũta irima. Ásû ãrĩ gojadi ããrĩmĩ Isaías:

Gua Opû, masaka gua mûya kere wererire pékererã, buremubema. Mu turari merã mu iri ãmurĩrê ããkererã: “Gua Opû iriri ããrã i”, ãrĩbema, ãrĩ gojadi ããrĩmĩ.*

39 ãgûsã Marĩpûre buremumasĩbirideadere Isaías gajirogue Marĩpûya werenĩrĩ gojadea pũgue ásû ãrĩ gojadi ããrĩmĩ:

* 12:38 Is 53.1

40-41 Marĩpu ĩgũsārē koye ĩāmasĩmerā irirosũ āārĩmakũ iridi āārĩmĩ. ĩgũyare pēmasĩbirimakũ iridi āārĩmĩ.

Irasirirā ĩgũ turari merā iri ĩmurĩrē ĩākererā, irire neō ĩāmasĩbema. ĩgũyare pékererā, irire neō pēmasĩbema. ĩgũrē neō buremudũabema.

ĩgũrē buremumakũ, ĩgũsārē taubukumi, ārĩ, Isaías Jesús turarire, ĩgũ gos-esiririre ĩadi āārĩsĩā, irasũ ārĩ gojadi āārĩmĩ.*

42 Gajirā Jesúre buremubirikeremakũ, wárā judío masaka, ĩgũsā oparāgueta ĩgũrē buremuñurā. Irasũ buremukererā, fariseo bumarārē gũisĩā, gajirārē Jesúre ĩgũsā buremurĩrē werebiriñurā. Fariseo bumarā ĩgũsārē: “Neō marĩ judío masaka nerērĩ wiigue ñajānemobirikōāka!” ārĩbukuma, ārĩrā, irasiriñurā.

43 Irasirirā Jesúre buremukererā, gajirā masaka, Marĩpu nemorō ĩgũsārē: “Ōārā āārĩma”, ārĩmakũ gāāmeñurā.

Masaka Jesús wererire péduabiri waja wajamoāsũrākuma, ārĩ gojadea

44 Jesús masaka péburo, ārĩgũ, bureo busuro merā āsũ ārĩ weremi:

—Yure buremugũ yu ditare buremubemi. Yurũ yure iriudidere buremumi.

45 Yure ĩāgũ, yure iriudidere ĩāmi.

46 Yu sĩāgori sĩgũ āārĩgũ i ũmũguere yure buremurā yure iriudire masĩmerā irirosũ āārĩbirikōāburo, ārĩgũ aaribũ. Irasirirā naĩtĩārōgue āārĩrā irirosũ āārĩbirikuma.

47 Yu wererire pékererā, irire irimerārē yu wajamoābirikoa. Yu i ũmũguere masakare wajamoāgũ aaribiribũ. Ubu gapũ taugũ aaribũ, ĩgũsā perebiri peamegue waabirikōāburo, ārĩgũ.

48 Yure gāāmemerā, yu wererire péduamerā wajamoāsũrākuma. ĩgũsārē wajamoābu, Yurũ āārĩmi. I ũmũ peremakũ, yu ĩgũya werenĩrĩ wererire pébiridea waja ĩgũsārē wajamoāgũkumi.

49 Yu gāāmerō werebea. Yurũ yure iriudi ĩgũ weredorerosũta werea. ĩgũ yure buedorerosũta buea.

50 Yurũ dorerosũta irigũno, ũmũgasigue perebiri okarire opagũkumi. Irasirigũ Yurũ yure weredorerosũta musārē werea, ārĩmi Jesús.

13

Jesús ĩgũ buerāya guburire koedea

1 Pascua bosenũ waaburo mérōgā dũyabũ. Jesús i ũmũrē wiri, ĩgũ Pagũ purũ waaburo mérōgā dũyarire masĩsiami. ĩgũyarā i ũmũgue āārĩrārē neō maĩduúbirimi. ĩgũsārē bureo maĩrĩrē ĩmuburo mérōgā dũyabũ.

2-4 Wātĩ Judare Simón Iscariote magũrē ĩgũya gũñarĩgue Jesúre wējēduarāguere ĩgũrē ĩmudoresiadi āārĩmĩ. Jesús ĩgũ Pagũ purũ merā aarideare, purũ ĩgũ irogue waaburire masĩmi. Marĩpu ĩgũ Pagũ āārĩpererārē dorebure pídeare masĩmi. Irasirigũ gũa ĩgũ buerā merā baa doanĩadi, wāgānũgā, ĩgũya surĩro wekamañerē túwea, túkoeri gasiro merā ĩgũya yũjurure suami.

5 Sũa odo, soropa merā deko piusā, gũare ĩgũ buerārē gũaya guburire koenũgāmi. Sugũya guburire koe odo, ĩgũ suadea gasiro merā túkoemi. Gajirāya guburidere irasũ dita irimi.

6 ĩgũ Simón Pedroya guburire koebu irimakũ ĩāgũ, Pedro ĩgũrē ārĩmi:

—Yu Opũ, ¿yaa guburire koeri mũ?

7 Jesús ĩgũrē ārĩmi:

—Dapagora yu iririre mũ pēmasĩbea. Purũgue pēmasĩgũkoa.

8 Pedro ĩgũrē ārĩmi:

—Yaa guburire mũ neō koebirikoa.

* 12:40-41 Is 6.10

Jesús ĩgũrẽ ārĩmi:

—Murẽ yu koebirimakũ, yaagu ãārĩbirikoa.

⁹ ĩgũ irasũ ārĩmakũ pégu, Simón Pedro ĩgũrẽ ārĩmi:

—Yu Opu, yaa guburi ditare koebirikõaka! Yaa guburire koegu, yaa mojõrĩ, yaa dipurudere koeka!

¹⁰ ĩgũ irasũ ārĩmakũ, Jesús ãsũ ārĩmi:

—Sugu masakũ õārõ guuadigue dupaturi guuabirikumi. Naagorena odoadero puru, ĩgũya guburi ditare koekumi. ãārĩpererã musã gurari marĩrã irirosũ ãārã. Irasũ ãārĩkeremakũ, sugu musã merãmu ñegũ, gurarikugũ irirosũ ãārĩmi.

¹¹ Jesús, Judas ĩgũrẽ wẽjẽduarãguere ĩgũrẽ ĩmuburire masĩsiami. Irire masĩsĩã: “Sugu musã merãmu ñegũ, gurarikugũ irirosũ ãārĩmi”, ārĩgũ irimi.

¹² Guaya guburire koe odo, ĩgũya wekamañerẽ sãña, ĩgũ doaderogue dupaturi eja doaja, guare ãsũ ārĩmi:

—¿Yu musãrẽ dapagora iririre pémasĩrĩ musã?

¹³ Musã yure: “Guare buegu, gu Opu ãārã”, ārĩrã, keoro werea. Diayeta yu musãrẽ buegu, musã Opu ãārã.

¹⁴ Yu musãrẽ buegu, musã Opu ãārĩkeregũ, musãya guburire koeabu. Irasirirã musãdere musãya guburire gãme koero gããmea.

¹⁵ Musã gãme iritamumakũ gããmegũ, musãrẽ irasiri ĩmuabu, yu musãrẽ iriaderosũta iriburo, ārĩgũ.

¹⁶ Diayeta musãrẽ werea. Neõ sugu moãboerimasũ, ĩgũ opu nemorõ ãārĩbirikumi. Sugu iriusũdi, ĩgũrẽ iriudi nemorõ ãārĩbirikumi.

¹⁷ Musã ire pémasĩrã, ire irirã, usuyari merã ãārĩrãkoa.

¹⁸ Yu irire ārĩgũ, musã ãārĩpererãrẽ ārĩbea. Yu beyenerãrẽ masĩa. Marĩpũya werenĩrĩ gojadea pũgue ārĩderosũta keoro waarokoa. ãsũ ārĩ gojasũdero ãārĩbũ: “Yu merã baaguta yure ĩaturigu dujami”, ārĩ gojasũdero ãārĩbũ.

¹⁹ I waaburi dupiyuro yu musãrẽ werea. Irasirirã yu weredea keoro waadero puru: “ĩgũ ãārã yu*”, ārĩdeare buremurãkoa.

²⁰ Diayeta musãrẽ werea. Yu iriunerãrẽ õārõ merã bokatĩrĩñeãgũno, yudere bokatĩrĩñeãmi. Yure õārõ merã bokatĩrĩñeãgũ, yure iriudidere bokatĩrĩñeãmi, ārĩmi Jesús.

*Judas Jesúre wẽjẽduarãguere ĩgũrẽ ĩmuburire weredea
(Mt 26.20-25; Mr 14.17-21; Lc 22.21-23)*

²¹ Irasũ ārĩ odo, Jesús burõ burõjawereri merã ãārĩmĩ. Guare pémasĩma õārõ ãsũ ārĩ weremi:

—Diayeta musãrẽ werea. Sugu musã merãmu yure wẽjẽduarãguere yure ĩmugũkumi.

²² ĩgũ irasũ ārĩmakũ pérã, gu: “¿Noãrẽ irasũ ārĩrĩ?” ārĩrã, gãme ĩã oya doanĩbu.

²³ Yu Juan, Jesús buegu ĩgũ maĩsũgũ, ĩgũ purõgã doabu.

²⁴ Simón Pedro ĩgũya mojõ merã yure soepumi, Jesúre ĩgũ irasũ ārĩrĩrẽ sẽrẽñadoregu.

²⁵ Irasirigu yu Jesús purõgã gãme doaweya, ĩgũrẽ sẽrẽñabu:

—Yu Opu, ¿noã ãārĩrĩ ĩgũ?

²⁶ Jesús yure ārĩmi:

—Yu pãrũrẽ moãwa, yosa, ĩgũrẽ sũgũkoa. ĩgũta ãārĩmi yure ĩmubu.

* **13:19** Exodo 3.13-15: Iripoegue Moisés Marĩpũre sẽrẽñadi ãārĩmĩ: “Israel bumarã yure: ‘¿Mu iriudi wãĩ naásũ ãārĩrĩ?’ ārĩ sẽrẽñamakũ, ¿naásũ ārĩ weregũkuri?’ Marĩpu ĩgũrẽ ãsũ ārĩdi ãārĩmĩ: “Yu wãĩ ‘YO SOY EL QUE SOY’ ãārã. Irasirigu Israel bumarãrẽ ãsũ ārĩ wereka: ‘YO SOY yure musãguere weredoregu iriumĩ’, ārĩka!” ārĩdi ãārĩmĩ. “YO SOY EL QUE SOY”, ārĩrõ: “Yu ãārĩnĩgũta ãārã, o ĩgũ ãārã yu”, ārĩduaro yãa.

Irasū āri odo, pārūrē moāwa, yosa, Judare Simón Iscariote magūrē sīmi.

²⁷ Judas ire ñeāmakū, mata wātī ĩgūguere ñajādi āārīmī. Irasirigu Jesús Judare ārīmi:

—M_u iriburire iripurumuka!

²⁸ Jesús ĩgūrē irasū ārīrērē pékererā, g_{ua} irogue baa doanírā irire pémasībirib_u.

²⁹ Surāyeri g_{ua} āsū ārī gūñab_u: “Judas g_{ua} niyerure koreg_u āārīmi. Irasirigu Jesús ĩgūrē g_{ua} bosenu baaburire wajaridoreg_u iriuami, o boporārē niyerure sīdoreg_u iriuami”, ārīb_u.

³⁰ Judas iri pārūrē moāwa, yosadeare ñeā odog_uta g_{ua} p_urogue āārīdi wiriakōāmi. ĩgū wiriaripoe ñamigue āārīb_u.

Jesús maama dorerire werede

³¹ Judas waadero p_ur_u, Jesús g_uare ārīmi:

—Dapagora Marīp_u y_u āārīpererā tīg_u y_u turag_u āārīrērē masakare ĩmug_ukumi. Irasū āārīmakū, y_u merā ĩgū turag_u āārīrēdere ĩmug_ukumi.

³² Y_u merā ĩgū turag_u āārīrērē ĩmug_u, y_u turag_u āārīrēdere ĩmug_ukumi. Dapagorata iripurumug_ukumi.

³³ Yaarā, y_ure péka! Yoaweyaripoeta m_usā merā āārīg_ukoa. M_usā y_ure āmarākoa. Irasirigu y_u judío masakare dupiyurogue ārīderosūta dapagora m_usādere: “Y_u waaburore m_usā waamasībea”, ārī werea.

³⁴ Maama dorerire m_usārē pīg_ura. Āsū ārā. Gāme maīka! Y_u m_usārē maīrōsūta gāme maīka!

³⁵ M_usā gāme maīmakū ĩārā, āārīpererā masaka m_usārē y_u buerā āārīrērē masīrākuma, ārīmi Jesús.

Jesús Pedrose: “Y_ure masīkereg_u: ‘Masībea’, ārīg_ukoa”, ārī werede (Mt 26.31-35; Mr 14.27-31; Lc 22.31-34)

³⁶ Simón Pedro Jesúre sērēñami:

—Y_u Op_u, ¿noógue waag_ukuri m_u? ārīmi.

Jesús ĩgūrē ārīmi:

—Y_u dapagora waaburoguere m_u y_u merā waamasībea. P_ur_u y_u p_urogue waag_ukoa.

³⁷ ĩgū irasū ārīmakū pég_u, Pedro ĩgūrē ārīmi:

—Y_u Op_u, ¿nasiribu dapagorata y_u m_u merā waamasībirikuri? ĩgūsā y_ure wējēduakeremakū, y_u m_urē béobirikoa. M_uya āārīburire boabosag_ukoa.

³⁸ Jesús ĩgūrē ārīmi:

—“M_uya āārīburire boabosag_ukoa”, ārā m_u. ¿Āārīrōta y_ure iribosag_ukuri? Diayeta m_urē werea. Āgābo wereburo dupiyuro m_u y_ure urea gajirārē: “ĩgūrē masībea”, ārīg_ukoa, ārīmi.

14

Jesúre b_uremurā Marīp_u p_uro waaburire werede

¹ Jesús g_uare āsū ārīmi:

—B_uro gūñarik_ubirikōāka! Marīp_ure b_uremuka! Y_udere b_uremuka!

² Y_up_u p_uroguere su wii wári taridupabu opari wii irirosū āārā. Irogue m_usā āārīburore āmuyug_u waag_ukoa. Iri diaye āārībirimakū, m_usārē irire werebiriboayo.

³ M_usā āārīburore āmu odo, dupaturi aarig_ukoa m_usārē āīabu. Irasirirā m_usāde y_u p_urogue y_u merā āārīrākoa.

⁴ M_usā y_u waaburore, y_u irogue waaburi maarē masīa, ārīmi Jesús.

⁵ Tomás ĩgūrē ārīmi:

—Gua Opu, mu waaburore masĩbea. ¿Nasiri mu waaburi maarẽ gua masĩrākuri?

⁶ Jesús ìgūrẽ ārĩmi:

—Yu dita Yuru purogue waarĩ maa irirosũ ããrã. Yu diayema ããrĩrẽ masakare masĩmakũ irigu, ìgūsãrẽ okamakũ irigu ããrã. Yu merãta Yuru purogue waarākuma.

⁷ Musã yure masĩrã, Yurudere masĩboayo. Dapagora merã ìgūrẽ masĩsiãa. Ìgūrẽ ìãsiãa.

⁸ Ìgũ irasũ ārĩmakũ, Felipe ìgūrẽ ārĩmi:

—Gua Opu, Marĩpũre ìmuka guare! Iropata gããmea gua.

⁹ Jesús ìgūrẽ ārĩmi:

—Felipe, yu yoaripoe musã merã ããrĩkeremakũ, ¿yure masĩberi? Sugũ yure ìãgũno, Yurudere ìãmi. ¿Nasirigu mu yure: “Marĩpũre ìmuka guare!” ārĩrĩ?

¹⁰ ¿Yuru yugũere ããrĩrẽ, irasũ ããrĩmakũ yu ìgũ merã ããrĩrẽ buremuberi? Yu musãrẽ weregu, yu gããmerõ werebea. Yuru yugũere ããrĩgũ yu merã iri ìmugũ yãmi.

¹¹ Yu musãrẽ: “Yuru yugũere ããrĩmi, irasũ ããrĩmakũ yu ìgũ merã ããrã”, ārĩ wererire: “Diayeta ããrã”, ārĩ buremuka! Musã yu wererire pédero puru burenumerã, Yuru turari merã yu iri ìmurĩ gapũre gũñaka! Irire gũñarã, yu wereridere buremuka!

¹² Diayeta musãrẽ werea. Yure buremugũ, yu iriderosũta irigukumi. Yu, Yuru purogue waabu yãa. Yu waamakũ, yure buremugũ yu nemorõ wãri Yuru turari merã iri ìmurĩrẽ irigukumi.

¹³ Musã yure buremumakũ, ããrĩpereri musã yu wãĩ merã yure sërẽrĩrẽ péguoa. Irasirigu musã yure sërẽrõsũta irigukoa. Yu irasiriri merã musãrẽ Yuru turagu ããrĩrẽ masĩmakũ irigukoa.

¹⁴ Musã yu wãĩ merã yure sërẽrõsũta irigukoa.

Jesús: “Õãgũ deyomarìgũrẽ musãrẽ iriugũra”, ārĩ weredea

¹⁵ Musã yure maĩrã, yu dorerire irirãkoa.

¹⁶ Yurũre musãya ããrĩburire sërẽbosagukoa. Irasirimakũ, Yuru gajigũre iriugukumi, musãrẽ iritamuburo, ãrìgũ. Ìgũ iriubu musã merã ããrĩnìkõãgukumi.

¹⁷ Ìgũ Õãgũ deyomarìgũ musãrẽ diayemarẽ masĩmakũ irigu ããrĩmi. I ùmu marã yure burenumerã gapũ ìgūrẽ masĩbema. Irasirirã ìgūrẽ bokatĩrĩñeãmasĩbema. Ìgũ musã merã ããrĩmi. Irasũ ããrĩmakũ, musãguere ããrĩnìkõãgukumi. Irasirirã ìgūrẽ masĩa.

¹⁸ Yu musãrẽ béowãgãbirikoa. Musã merãta ããrìgũ aarigukoa doja.

¹⁹ Mérõgã duyãa yu waaburo. Yu waadero puru, i ùmu marã yure burenumerã neõ ìãbirikuma. Musã gapũ yure ìãrãkoa. Yu okãa. Irasirirã musãde okarãkoa.

²⁰ Yu aariburinũrẽ yu, Yuru merã sugũta ããrĩrẽ masĩrãkoa. Irasũ ããrĩmakũ, musã yu merã ããrĩrẽ, yu musãguere ããrĩrẽ masĩrãkoa.

²¹ Yu dorerire masìgũ irire irigu yure maìgũta ããrĩmi. Yuru yure maìgũrẽ maìgukumi. Yude ìgūrẽ maìgukoa. Ìgūrẽ yaamarẽ õãrõ masĩmakũ irigukoa, ārĩmi Jesús.

²² Ìgũ irasũ ārĩmakũ, gajigu Judas wãikũgu Jesúre sërẽñami. Judas Iscariote meta ããrĩmì.

—Gua Opu, ¿nasirigu gua ditare mu ããrĩrikũrere masĩmakũ irigukuri? ¿Nasirigu i ùmu marã gapũre irire masĩmakũ iribirikuri?

²³ Jesús ìgūrẽ ārĩmi:

—Yure maĩgũ yu dorerire irigũkumi. Yuru ĩgũrẽ maĩgũkumi. Yuru, irasũ ããrĩmakũ yu ĩgũ merã ããrĩrã aarirãkoa.

²⁴ Yure maĩbi gapu yu dorerire iribemi. Yu musãrẽ wereri, yaa werenĩrĩ ããrĩbea. Yuru yure iriudiya gapu werenĩrĩ ããrã.

²⁵ Yu musã merã ããrĩgũ, i ããrĩpererire musãrẽ werea.

²⁶ Yu sërẽmakũ, Yuru Õãgũ deyomarĩgũrẽ musãguere iriugũkumi. Irasirigu Õãgũ deyomarĩgũ musãrẽ iritamubu ããrĩsĩã, ããrĩpererire buegũkumi. ããrĩpereri yu musãrẽ weredeare gũñamakũ irigũkumi.

²⁷ Yu musãrẽ siñajãrĩ merã ããrĩmakũ irigũkoa. Yu siñajãrĩ merã ããrĩgũ irirosũ musãdere siñajãrĩ merã ããrĩmakũ irigũkoa. Yu musãrẽ siñajãrĩ merã ããrĩmakũ iriri, i umama irirosũ ããrĩbea. Buro gũñariku, gũibirikõaka!

²⁸ Yu musãrẽ: “Waa, dupaturi musã merãta ããrĩgũ aarigũkoa doja”, ãrĩ weremakũ pẽbu musã. Yuru yu nemorõ ããrĩmi. Irasirirã ĩgũ purogue yu waaburire pédero puru, musã yure diaye maĩrã, usuyari merã ããrĩboayo.

²⁹ Yu musãrẽ ire wereyugu iriabu. Irasirirã ire keoro waamakũ, yu musãrẽ weredeare: “Diayeta guare weremi”, ãrĩ buremurãkoa.

³⁰ I umu marãrẽ doregu ñegũ ããrĩmi. ĩgũ aaribu yãmi. Irasirigu yu musãrẽ mérõgã werenĩnemogura. ĩgũ yure neõ doremasĩbemi.

³¹ Yu, Yuru gapure maĩa. Irasirigu ĩgũ yure doreri gapure yãa, yu ĩgũrẽ maĩrĩrẽ i umu marãrẽ masĩburo, ãrĩgũ. Wãgãnugãka! Náka waarã! ãrĩmi Jesús.

15

Jesús iguida keori merã weredeae

¹ Jesús keori merã guare ãsũ ãrĩ weremi:

—Yu diayeta iguida irirosũ ããrã. Yuru iridare koregu irirosũ ããrĩmi.

² Yaarã iridama dupuri irirosũ ããrĩma. Yuru iguidare koregu duka marĩrĩ dupurire ditibẽogu irirosũ yãmi. Gaji dukakuri dupuri gapure ditiwea amugũ irirosũ yãmi dukakunemoburo, ãrĩgũ.

³ Musã yu weredeare buremurã ããrã. Irasirigu Yuru musãrẽ ñerĩ opamerã ããrĩmakũ irisiami.

⁴ Yu merã õãrõ ããrĩka! Irasirigu musãguere õãrõ ããrĩnikõãgũkoa. Su iguidama duru iridaguere marĩrõ iri duru seyaro dukakubirikoa. I irirosũta yu merã õãrõ ããrĩmerã neõ õãrĩ duka sĩbiri dupuri irirosũ ããrĩma.

⁵ Yu iguida irirosũ ããrã. Musã yaarã iridama dupuri irirosũ ããrã. Yu merã õãrõ ããrĩnrãno, yude ĩgũsãguere õãrõ ããrĩnimakũ, ĩgũsã õãrõ dukakuri dupuri irirosũ ããrĩma. Musã yu merã õãrõ ããrĩmerã, õãrĩrẽ neõ irimasĩbea.

⁶ Yu merã õãrõ ããrĩmerã ditibẽodea dupuri bojegue ñaĩ oyanĩrĩ dupurire sea, peamegue soebẽoro irirosũ ããrĩrãkuma.

⁷ Musã yu merã õãrõ ããrĩnrã, yu buerire kãtimerã, musã gããmerĩnorẽ Yurure: “Sĩka!” ãrĩ sërẽmakũ, sũgũkumi.

⁸ Musã wãri õãrĩ dukakuri dupuri irirosũ ããrĩmakũ ĩãrã, gajirã masaka Yurure: “Õãtarigu ããrĩmi”, ãrĩ masĩrãkuma. Irasirirã musã wãri õãrĩ irirã, diayeta yu buerã ããrĩrĩrẽ gajirãrẽ masĩmakũ yãa.

⁹ Yuru yure maĩrõsũta yude musãrẽ maĩa. Irasirirã yu musãrẽ maĩgũ merã ããrĩnĩka, yu maĩrĩrẽ masĩmurã!

¹⁰ Yu, Yuru yure maĩgũ dorerire irigu, ĩgũ merã õãrõ ããrĩnikõãa. Irasũta musãde yu dorerire irirã, yu musãrẽ maĩgũ merã õãrõ ããrĩnikõãa.

¹¹ Ire musãrẽ werea musã yu merã usuyaburo, ãrĩgũ. Irasirirã usuyari opatarirãkoa.

¹² Yu doreri ãsũ ãrã. Yu musãrẽ maĩrõsũta gãme maĩka!

13 Sugũ masakũ ĩgũ merãmarãrẽ boabosagũ, gajirã nemorõ ĩgũsãrẽ maĩmi.

14 Mũsã yũ dorerire irirã yũ merãmarã ããrã.

15 Dapagorare yũ mũsãrẽ: “Yũre moãboerã ããrã”, ãrĩbirikoa. Moãboerã ĩgũsã opũ iririre masĩbirikuma. Yũ gapũ Yũpũ yũre weredeare mũsãrẽ werepeobũ. Irasirigũ mũsãrẽ: “Yũ merãmarã”, ãrã.

16 Mũsã yũre beyebiribũ. Yũ gapũ mũsãrẽ beyebũ wári õãrĩrẽ irirã waaburo, ãrĩgũ. Mũsã õãrĩ iriri, õãrĩ dũka neõ boabiri irirosũ ããrã. Irasirirã mũsã yũre bũremumakũ, Yũpũ mũsã yũ wãĩ merã ĩgũrẽ sãrẽrõsũta mũsãrẽ sĩgũkumi.

17 Yũ mũsãrẽ dorea. Mũsã basi gãme maĩka!

I ãmũ marã Jesúre, ĩgũyarãrẽ ĩãturiburire werede

18 'I ãmũ marã mũsãrẽ ĩãturimakũ ĩãrã, yũre ĩãturipũrorideare masĩka!

19 Mũsã diayeta i ãmũ marã ããrĩmakũ, ĩgũsã merãmarãrẽ maĩrõsũta mũsãdere maĩbukuma. Yũ mũsãrẽ i ãmũ marã watopegue ããrĩrãrẽ beyebũ. Irasirirã i ãmũ marãgora ããrĩbea. Mũsã ĩgũsã irirosũ ããrĩbirimakũ ĩãrã, i ãmũ marã mũsãrẽ ĩãturima.

20 Yũ mũsãrẽ ãrĩdeare gũñaka! “Neõ sugũ moãboerimasũ, ĩgũ opũ nemorõ ããrĩbirikumi”, ãrĩbũ. ĩgũsã yũre ñerõ irirã, mũsãdere ñerõ irirãkuma. Yũ buerire pérã, mũsã bueridere pérãkuma.

21 I ãmũ marã yũre iriudire masĩbema. Irasirirã mũsã yũre bũremumakũ ĩãrã, mũsãrẽ ããrĩpereri ñerĩ irirãkuma.

22 'Yũ ĩgũsãrẽ weregũ aaribirimakũ, neõ ñerĩ iridea wajare opabiribukuma. Dapagorare yũ ĩgũsãrẽ weredero pũrũ: “Ñerĩ iridea wajare opabea gũ”, ãrĩmasĩbema.

23 Yũre ĩãturigũ Yũpũdere ĩãturimi.

24 Yũ, Yũpũ turari merã iri ĩmugũ, gajirã neõ iribirideare iribũ. Yũ ĩgũ turari merã iri ĩmubirimakũ, neõ waja opabiribukuma. ĩgũsã yũ iri ĩmurĩrẽ ĩãma. Irire ĩãdero pũrũ, yũre, Yũpũdere ĩãturima.

25 I ĩãturiri, Marĩpũya werenĩrĩ gojadea pũgue gojaderosũta keoro waarõ yáa. ãsũ ãrĩ gojasũdero ããrĩbũ: “ĩgũsã yũre: ‘Ñerõ yámi’, ãrĩmasĩbirikererã, ĩãturima”, ãrĩ gojasũdero ããrĩbũ.

26 'Õãgũ deyomarĩgũ, mũsãrẽ iritamugũ aarigũkumi. ĩgũ mũsãrẽ diayema ããrĩrĩrẽ masĩmakũ irigũkumi. Yũ ĩgũrẽ Yũpũ merã ããrĩgũrẽ mũsãrẽ iriugũkoa. ĩgũ yaamarẽ weregũkumi mũsãrẽ.

27 Yũ mũsãrẽ buerũrorimakũgueta yũ merã ããrĩbũ. Irasirirã mũsãde yaa-marẽ wererãkoa, ãrĩmi Jesús.

16

1 Jesús gũare ãsũ ãrĩnemomi doja:

—Yũ mũsãrẽ irire wereabũ, yũre piribirikõãburo, ãrĩgũ.

2 Judío masaka ĩgũsã nerẽrĩ wiirigue mũsã ããrãnerãrẽ béowiurãkuma. Gajipoe gajirã mũsãrẽ wẽjãrã: “Marĩpũ gããmerĩrẽ yáa”, ãrĩ gũñarãkuma.

3 Yũre, Yũpũdere masĩmerã ããrĩsĩã, irasirirãkuma.

4 Yũ irire werea mũsã, ĩgũsã irasirimakũ ĩãrã: “Jesús gũare irireta weremi”, ãrĩ gũñaburo, ãrĩgũ.

Jesús, Õãgũ deyomarĩgũ iririmarẽ werede

'Yũ neõgorague mũsã merã ããrĩsĩã, ire werebiribũ.

5 Dapagorare yũre iriudi pũrogue waagũkoa. Yũ mũsãrẽ ire werekeremakũ, neõ sugũ yũre: “¿Noógue waagũkuri?” ãrĩ sãrẽñabea.

6 Irasirirã yũ waaburire weremakũ pérã, yũ waaburo gapũre sãrẽñabirisĩã, bũro bũjawereri merã ããrã.

7 Diayeta musārē werea. Y_u waadero p_{uru}, òãrokoa musārē. Y_u waabiri-makū, Òãgū deyomarīgū musārē iritamubu aaribiribukumi. Y_u irogue waagú, ĩgūrē musārē iriugukoa, musā merā āārīnikōāburo, ārīgū.

8 ĩgū aarigú, i ũm_u marārē ĩgūsā ñerō irirā āārīrīrē, y_u diayema irigū āārīrīrē, ĩgūsā ñerō iridea waja Marīp_u ĩgūsārē wajamoāburire masīmakū irigukumi.

9 ĩgūsā y_ure b_uremubirisīā, ñerā āārīma.

10 Y_u, Y_up_u p_urogue waamakū, musā y_ure ĩānemobirikoa. Y_u irogue waa-makū, Òãgū deyomarīgū aarigukumi, i ũm_u marārē y_u diayema irigū āārīrīrē masīmakū iribu.

11 I ũm_u marārē doreg_u ñegū ĩgūsārē ñerī iridoreri waja, Y_up_u ĩgūrē wa-jamoādoresiami. Irasirig_u Òãgū deyomarīgū aarigú, ĩgūsārē Y_up_u ĩgūrē wa-jamoādoredeare masīmakū irigukumi.

12 'Wári āārā musārē y_u wereburi. Dapagorare y_u ire weremakū, musā pémasībiribukoa.

13 Òãgū deyomarīgū gap_u aarigukumi. ĩgū musārē diayema āārīrīrē masīmakū irigukumi. Irasirig_u musārē i āārīpererire buegukumi. ĩgū gāāmerō werebirikumi. Y_up_u ĩgūrē weredorerire, p_urugue waaburidere musārē weregukumi.

14 Y_u ĩgūrē wererire pédeare musārē masīmakū irigū, y_u òārō āārīrīrē masīmakū irigukumi.

15 Āārīpereri Y_up_u opari, yaa āārā. Irasirig_u y_u musārē: “Òãgū deyomarīgū musārē yaamarē masīmakū irigukumi”, ārāb_u.

B_ujawerenerā, ũsuyari merā āārīburire weredea

16 'Mérōgā p_{uru} musā y_ure ĩānemobirikoa. Yoaweyaripoe p_{uru} y_ure ĩārākoa doja. I Y_up_u p_urogue waadero p_{uru}, irasū waarokoa, ārīmi.

17 ĩgū irasū ārīmakū pérā, g_ua surāyeri āsū ārī gāme wereníbu:

—¿Naásū ārīduaro irikuri ĩgū irasū ārīrī? ĩgū marīrē: “Mérōgā p_{uru} musā y_ure ĩānemobirikoa. Yoaweyaripoe p_{uru} y_ure ĩārākoa doja”. Ire ārī odo: “I Y_up_u p_urogue waadero p_{uru}, irasū waarokoa”, ārīmi.

18 ĩgū marīrē: “Mérōgā p_{uru}”, ārīmakū, ¿naásū ārīduaro irikuri? ĩgū irasū ārīrīrē marī pémasībea, ārīb_u.

19 Jesús ĩgūrē g_ua sērēñad_uarire masīkōāmi. Irasirig_u g_uare ārīmi:

—Y_u musārē: “Mérōgā p_{uru} musā y_ure ĩānemobirikoa. Yoaweyaripoe p_{uru} y_ure ĩārākoa doja”, ¿ārī wererire gāme sērēñarā yári?

20 Diayeta musārē werea. Y_u boamakū ĩārā, b_uro b_ujawereri merā or-erākoa. I ũm_u marā y_ure b_uremumerā gap_u ũsuyari merā āārīrākuma. Musā b_ujawererā, p_{uru} ũsuyarākoa.

21 Āsū āārā. Nomeō majīgū kōāburo dupiyurogā, igore pūrīrīrē b_ujawereri merā gūñakumo. Majīgūgā deyoadore ĩāgō, ũsuyakumo. Igoe pūrīadeare gūñanemobirikumo.

22 Musāde irasūta dapagorare b_ujawereri merā āārā. P_{uru} y_u musārē du-paturi ĩāgū aarigukoa. Y_u irasirimakū ĩārā, musā ũsuyari opatarirākoa. Musā irasū ũsuyari merā āārīmakū, gajirā musārē b_ujaweremakū irimasībirikuma.

23 'Irinārē y_ure neō sērēñabirikoa. Diayeta musārē werea. Musā y_ure b_uremumakū ĩāgū, Y_up_u āārīpereri musā y_u wāi merā ĩgūrē sērērīrē pég_u, musā sērērōsūta sīgukumi.

24 Iro dupiyurogue musā y_u wāi merā Y_up_ure neō sērēbiribu. Dapagorare y_u wāi merā ĩgūrē sērēka! Musā irasū sērēmakū, musā sērērōsūta sīgukumi. Irasirirā ũsuyari opatarirākoa.

Jesús i ùm̄ marā ñerārē tarin̄gādeare weredea

²⁵ Ȳ keori merā m̄sārē wereabu. P̄ keori merā werebirikoa. Irasirirā, Ȳp̄yamarē ȳ wererire òārō pémasĩrākoa.

²⁶ M̄sā Ȳp̄yamarē òārō pémasĩr̄n̄rē ȳ wāi merā ĩgūrē sērērākoa. Irasũ ārīgū: “M̄sāya āārĩburire ȳ ĩgūrē sērēbosagukoa”, ārīgū meta yāa.

²⁷ Ȳp̄ m̄sārē maĩmi. Irasirirā m̄sā ȳ wāi merā m̄sā basi ĩgūrē sērērākoa. M̄sā ȳre maĩa. Irasũ āārĩmakū m̄sā ȳre: “Marĩp̄ p̄rogue āārĩdi, ĩgū iriudi āārā”, ārĩ b̄remua.

²⁸ Ȳ, Ȳp̄ p̄rogue āārĩdi, i ùm̄guere aaribú. Dapagorare i ùm̄gue āārādi, Ȳp̄ p̄rogue waagukoa doja, ārĩmi Jesús.

²⁹ ĩgū irasũ ārĩmakū pérā, ḡ ĩgū buerā ĩgūrē ārĩb̄:

—Dapagorare keori merā m̄ ḡare werebea. Irasirirā m̄ wererire pémasĩa.

³⁰ Dapagorare ḡ masĩa. M̄ āārĩpererire masĩpeokōā. Gajirā m̄rē sērēñabirikeremakū, ĩgūsā gūñarĩgue sērēñad̄arire m̄ masĩa. Irasirirā: “Marĩp̄ p̄rogue āārĩdi, ĩgū iriudi āārā”, ārĩ b̄remua, ārĩb̄.

³¹ Jesús ḡare ārĩmi:

—¿Dapagorare b̄remurĩ?

³² Mérōgā d̄yāa, m̄sā ȳre béowāgāburo. M̄sāya wiirigue waasiri, ȳre sugata dujamakū irirākoa. M̄sā irasirikeremakū, Ȳp̄ gap̄ ȳ merā āārĩmi. Irasiriḡ ȳ sugata āārĩbea.

³³ M̄sā ȳ merā òārō siñajārĩ opaburo, ārīgū, m̄sārē i āārĩpererire wereabu. M̄sā i ùm̄gue āārĩripoe i ùm̄ marā m̄sārē ñerō tarimakū irirākuma. ĩgūsā irasirikeremakū, ȳ merā gūñaturaka! Ȳ i ùm̄ marā ñerārē tarin̄gādigue āārā. Irasirirā ȳ merā gūñatura us̄yaka! ārĩmi Jesús.

17

Jesús ĩgū buerāya āārĩburire Marĩp̄re sērēbosadea

¹ Jesús irasũ ārĩ odo, ùm̄gasigue ĩāmu, ĩgū Paḡre āsũ ārĩmi:

—Ā, dapagorare m̄ āārĩderos̄ta ȳre waaburi ejasiāa. Irasiriḡ masakare ȳ m̄ magū, m̄ iriudi āārĩr̄rē ĩmuka! M̄ irasirimakū, ȳ m̄ turaḡ, m̄ òāgū āārĩr̄rē ĩgūsārē ĩmugukoa.

² M̄ ȳre masaka āārĩpererārē doreḡ p̄b̄, m̄ ȳre s̄nerārē ùm̄gasigue perebiri okari opamakū iridoreḡ.

³ Masaka m̄ diayeta Marĩp̄ suḡ āārĩgū āārĩr̄rē, irasũ āārĩmakū ȳ Jesu-cristo m̄ iriudi āārĩr̄rē masĩrā, ùm̄gasigue perebiri okari opamurā āārĩma.

⁴ I ùm̄guere m̄ ȳre iridoredeare ȳ iriyuwarik̄b̄. Irasiriḡ i ùm̄ marārē m̄ turaḡ, òāgū āārĩr̄rē ĩmub̄.

⁵ Ā, m̄ i ùm̄rē iriburo dupiyuro ȳ m̄ merā òārō āārĩb̄. M̄ āārĩrik̄r̄re opab̄. Irasiriḡ dapagorare m̄ āārĩr̄ogue ȳ m̄ merā òārō āārĩmakū m̄rārōta irika!

⁶ M̄ ȳre s̄nerārē i ùm̄ marā watope āārĩr̄rē beyenerārē m̄ āārĩrik̄r̄re masĩmakū irib̄. M̄ ȳre s̄nerā m̄yarā āārĩma. M̄ dorerire irima.

⁷ Dapagorare masĩma. Āārĩpereri ȳ opari, m̄ ȳre s̄idea āārā.

⁸ M̄ ȳre weredoredeare ĩgūsārē wereb̄. Ȳ wererire pérā, b̄remuma. Ȳ diayeta m̄ p̄ro āārĩdi āārĩr̄rē masĩma. Ȳ m̄ iriudi āārĩr̄rē: “Diayeta āārā”, ārĩ b̄remuma.

⁹ Ȳ ĩgūsāya āārĩburire sērēbosāa. Gajirā i ùm̄ marā ȳre b̄remumerāya āārĩburi gap̄re sērēbosabea. Ȳre b̄remurā m̄ ȳre s̄nerā m̄yarā āārĩma. Irasiriḡ ĩgūsāya āārĩburire sērēbosāa.

10 Āārīpererā yaarā, m̄yarā āārīma. Irasirirā m̄yarāde, yaarā āārīma. Īgūsā yaarā āārīsīā, ȳm̄ ōārō āārīrikurire masakare masīmakū yāma.

11 'Ȳm̄ i ūm̄guere dujabirikoa. M̄ ȳre sīnerā gap̄m̄ i ūm̄guere dujarākuma. Ām̄, m̄m̄ ōāgū āārā. M̄m̄ wāī merā m̄m̄ turari merā Īgūsārē koreka, marī suḡm̄ āārīnīrōsūta Īgūsāde suro merā āārīnikōāburo, ārīgū.

12 Ȳm̄ i ūm̄guere m̄m̄ ȳre sīnerā merā āārīgū, m̄m̄ turari merā Īgūsārē ōārō koreb̄m̄. Neō suḡm̄ dederibirima. Suḡm̄ta peamegue waadederibu āārīmi. M̄m̄ya werenīrī gojādea pūgue ārīderosūta iri irasū waab̄m̄.

13 'Dapagorare ȳm̄ m̄m̄ p̄rogue waabu yāa. Ȳm̄ waaburi dupiyuro i ūm̄gue āārīgū i āārīpererire ȳre b̄remurārē werea, Īgūsāde ȳm̄ irirosūta m̄m̄yari opatariburo, ārīgū.

14 M̄m̄ya kerere Īgūsārē wereb̄m̄. Ȳm̄ i ūm̄m̄m̄ āārībea. Irasirirā ȳre b̄remurāde i ūm̄m̄ marā irirosū āārībema. Irasirirā i ūm̄m̄ marā ȳre ĩaturirosūta ȳre b̄remurādere ĩaturima.

15 Ȳm̄ m̄rē: "Ȳre b̄remurārē i ūm̄rē āāka!" ārī sērēbea. Āsū gap̄m̄ ārī sērēa. Īgūsārē ōārō koreka, wātī ñerī iridorerire pébirikōāburo, ārīgū!

16 Ȳm̄ i ūm̄m̄m̄ āārībea. Irasirirā ȳre b̄remurāde i ūm̄m̄ marā irirosū āārībema.

17 M̄m̄ya kere diayema āārā. Irasiriḡm̄ iri merā Īgūsārē m̄m̄ dorerire irirā āārīmakū irika!

18 M̄m̄ ȳre m̄m̄ya kerere i ūm̄m̄ marārē weredoreḡm̄ iriuderosūta ȳre b̄remurārē m̄m̄ya kerere i ūm̄m̄ marārē weredoreḡm̄ iriua.

19 Īgūsāya āārīburire m̄m̄ dorerire iriḡm̄ yāa, Īgūsāde diayeta m̄m̄ dorerire iriburo, ārīgū.

20 'Ȳm̄ Īgūsāya āārīburi ditare sērēbosabea. Īgūsā m̄m̄ya kere wererire pérā, gajirāde ȳre b̄remurākuma. Irasiriḡm̄ ȳm̄ Īgūsāya āārīburidere sērēbosāa.

21 Ȳm̄ irire sērēbosāa, ȳre b̄remurā āārīpererā suro merā āārīburo, ārīgū. Ām̄, m̄m̄ ȳguere ōārō āārā. Ȳm̄ m̄m̄ merā āārā. Irasirirā marī āārīrōsūta Īgūsā marī merā ōārō āārīburo. Īgūsārē suro merā āārīmakū irika, i ūm̄m̄ marā ȳm̄ m̄m̄ iriudi āārīrē b̄remuburo, ārīgū!

22 M̄m̄ āārīrikurire ȳre sīb̄m̄. Irasiriḡm̄ Īgūsārē ȳm̄ irirosū āārīrikamakū irib̄m̄, ȳm̄ m̄m̄ merā suḡm̄ āārīrōsūta Īgūsāde suro merā āārīburo, ārīgū.

23 Ȳm̄ Īgūsāguere āārā. M̄m̄ ȳguere āārā. Marī Īgūsā merā āārā, Īgūsā diayeta suro merā āārīburo, ārīrā. Īgūsā suro merā āārīmakū ĩārā, i ūm̄m̄ marā ȳm̄ m̄m̄ iriudi āārīrē, m̄m̄ ȳre maīrōsūta ȳre b̄remurārē maīrē masīrākuma.

24 'Ām̄, m̄m̄ i ūm̄rē iriburo dupiyuro ȳre maīb̄m̄. Irasiriḡm̄ m̄m̄ āārīrikurire ȳre sīb̄m̄. Ȳre m̄m̄ sīnerārē ȳm̄ āārīburogue ȳm̄ merā āārīmakū gāamea m̄m̄ ȳre āārīrikurī sīdeare masīburo, ārīgū.

25 Ām̄, m̄m̄ keoro iriḡm̄ āārā. I ūm̄m̄ marā ȳre b̄remumerā m̄rē masībema. Ȳm̄ gap̄m̄ m̄rē masīa. Ȳre b̄remurā ȳm̄ m̄m̄ iriudi āārīrē masīma.

26 M̄m̄ āārīrikurire Īgūsārē masīmakū irib̄m̄. Ȳm̄ Īgūsāguere āārīgū m̄rē irasū masīmakū irinīkōāgukoa, m̄m̄ ȳre maīrōsūta Īgūsāde gāme maīburo, ārīgū, ārīmi Jesús.

18

Jesúre peresu ñeāwāgādea

(Mt 26.47-56; Mr 14.43-50; Lc 22.47-53)

1 Jesús Īgū Pagure sērē odoadero p̄m̄, ḡm̄ Īgū buerā merā Jerusalērē wiri, Cedrón wāikurī ūmayuridijari mārē taribuja, olivos wāikurī yuku otederogue waami.

² Iro dupiyuro wári Jesús irogue guare siiuwāgānami. Irasirigu Judas Jesúre ãaturirāguere ĩgūrē ĩmubu irore masĩmi.

³ Jesús guā merā irogue ejadero pũũ, Judas subu surara merā aarimí. Gajirā surara Marĩpũya wiire korerāde ĩgũ merā aarimá. ĩgũsā paía oparā, fariseo bumarā iriunerā surara āārĩmá. ĩgũsā mojõkũri merā, sãagoriduparu, sãagori tururi merā aarimá.

⁴ Jesús ĩgūrē waaburire masĩsiami. Irasirigu, ĩgũsā ĩgũ pũro ejarimakũ, bokatĩrĩ sērēñami:

—¿Noārē āmarĩ mũsā?

⁵ ĩgūrē yũjũma:

—Jesús Nazaretmũrē āmáa.

Jesús ĩgũsārē ārĩmi:

—ĩgũta āārā yũ*.

Judas Jesúre wējēdũarāguere ĩgūrē ĩmubu surara merā āārĩmí.

⁶ Jesús: “ĩgũta āārā yũ”, ārĩmakũ pérā, duusirimawāgā, yebague meémejākõāma.

⁷ Jesús ĩgũsārē dupaturi sērēñami doja:

—¿Noārē āmarĩ mũsā?

ĩgūrē yũjũma:

—Jesús Nazaretmũrē āmáa.

⁸ Jesús ĩgũsārē ārĩmi:

—Yũ mũsārē: “Yũ ĩgũta āārā”, ārĩ weresiabũ. Yũre āmarā, ĩĩsā yũ merāmarē waadoreka!

⁹ ĩgũ: “Yũpũ yũre sĩnerārē neõ sugũre dedeubiribũ”, ārĩdeare keoro waaburo, ārĩgũ, irire irasũ ārĩmi.

¹⁰ ĩgũsā Jesúre ñeāmurā irimakũ ĩāgũ, Simón Pedro sareri majĩrē opagũ tũāwea āĩ, paía opũre moāboegũre Malco wāĩkũgũre diaye gapũma gãmipũrē dítítá dijukõāmi.

¹¹ Jesús gapũ Pedrore ārĩmi:

—Mũya sareri majĩrē duripíka! Yũpũ yũre ñerõ taridorederosũta ñerõ tarigũra, ārĩmi.

Jesúre paía opũ pũrogue āĩadea

(Mt 26.57-58; Mr 14.53-54; Lc 22.54; Jn 11.49-50)

¹² ĩgũ irasũ ārĩmakũ, surara, ĩgũsā opũ, Marĩpũya wiire korerā surara Jesúre ñeã, sũama.

¹³ Sũa odo, ĩgūrē Anás wāĩkũgũya wiigue āĩwāgāpũrorima. Anás, Caifás wāĩkũgũ mũñekũ āārĩmí. Caifás iri bojorire paía opũ āārĩmí.

¹⁴ ĩgũta iro dupiyuro judío masaka oparārē: “Sugũta masakũ marĩ judío masakaya āārĩburire boabosamakũ õārokoa”, ārĩdi āārĩmí.

Pedro Jesúre masĩkeregũ: “Masĩbea”, ārĩdea

(Mt 26.69-70; Mr 14.66-68; Lc 22.55-57)

¹⁵ ĩgũsā Jesúre āĩāmakũ, yũ, Simón Pedro merā Jesúre yoaweyarogue ãtũyabũ. Paía opũ yũre masĩmi. Irasirigu yũ Jesúre ãtũyawāgā, paía opũya wii makāpũroma yebague ñajābũ.

* **18:5** Exodo 3.13-15: Iripoegue Moisés Marĩpũre sērēñadi āārĩmí: “Israel bumarā yũre: ‘¿Mũ iriudi wāĩ naásũ āārĩrĩ?’ ārĩ sērēñamakũ, ¿naásũ ārĩ weregũkuri?” Marĩpũ ĩgūrē āsũ ārĩdi āārĩmí: “Yũ wāĩ ‘YO SOY EL QUE SOY’ āārā. Irasirigu Israel bumarārē āsũ ārĩ werekũ: ‘YO SOY yũre mũsāguere weredoregũ iriumi’, ārĩka!” ārĩdi āārĩmí. “YO SOY EL QUE SOY”, ārĩrõ: “Yũ āārĩnĩgũta āārā, o ĩgũta āārā yũ”, ārĩdũaro yāa.

16 Pedro gapu iri wii turo ñajāri makāpurogue dujanugāmi. Īgū iro dujanugāmakū ñāgū, yu iri makāpuro korego merā werení, Pedrore siiu ñajābu.

17 Īgū ñajāmakū, makāpuro korego Pedrore sērēñamo:

—¿Mu sīi buerā merāmu āārīberi?

Pedro igore ārīmi:

—Āārībea yu.

18 Yusagorabu. Irasirirā iri wii moāboerimasā, surara merā ĩgūsā peame diudeame turo sūma níma. Pedrode ĩgūsā purota sūma ními.

Paía opu Jesúre sērēñadea

(Mt 26.59-66; Mr 14.55-64; Lc 22.66-71)

19 Paía opu Anás Jesúre sērēñayupu:

—¿Noā āārīrī mu buerā? ¿Ñeénorē ĩgūsārē bueri? ārīyupu.

20 Jesús ĩgūrē yujuyupu:

—Yu āārīpererā péurogue buebu. Marī judío masaka nerērī wiirigue, irasū āārīmakū Marīpuya wiiguedere masaka nerērōgue buebu. Gajirogue durisīā, neō buebiribu.

21 ¿Nasirigu yure sērēñarī? Yu buerire sērēñaduagu, yure pénerārē sērēñaka! ĩgūsā yu weredeare masīma, ārīyupu.

22 ĩgū irasū ārīmakū pégu, Marīpuya wii koregu surara ĩgū mojō merā Jesúya diapure pá, ĩgūrē ārīyupu:

—¿Nasirigu irasū yujuri paía opure? Irasū ārībita ĩgūrē!

23 Jesús ĩgūrē yujuyupu:

—Yu ñerō werenímakū: “Ñeéno werenía”, ārīka yure! Yu diayema gapure keoro weremakū, ¿nasirigu yure pári?

24 Jesús irasū ārādero puru, Anás ĩgūrē ĩgūsā suadire paía opu Caifás purogue iriuyupu.

Pedro Jesúre masīkeregū, dupaturi: “Masībea”, ārīdea

(Mt 26.71-75; Mr 14.69-72; Lc 22.58-62)

25 Irasiriripoe Simón Pedro peame turota sūma níkōāmakū ĩārā, iro āārīrā ĩgūrē sērēñama:

—¿Mu sīi buerā merāmu meta āārīrī?

Pedro ĩgūsārē ārīmi:

—Āārībea yu.

26 ĩgū irasū ārādero puru, sugū paía opure moāboegu Pedro ĩgūya gāmpū dītītādiyagu Pedrore ārīmi:

—Yu olivos otederogue mu ĩgū merā āārīmakū ĩābu.

27 Pedro dupaturi: “Āārībea, ĩgū merā āārībirabu”, ārīmi. Irire ārīripoeta, āgābo weremi.

Pilato Jesúre sērēñadea

(Mt 27.1-2, 11-14; Mr 15.1-5; Lc 23.1-5)

28 Puru Jesúre Caifáya wii āārādire Pilato purogue āīāma. Boyoripoe āārībú. Pilato romanomu judío masakare doregu āārīmí. Jesúre ĩgū purogue āārīā, ĩgūya wiiguere ñajābirima. “Marī judío masaka, ĩgū judío masakū āārībiya wiiguere ñajārā, marī dorerire tarinugābukoa. Irasirirā pascua bosenu baaburire baabiribukoa”, ārī gūñama.

29 ĩgūsā ñajābirimakū ĩāgū, Pilato ĩgūsā merā werenígū wiririmi. ĩgūsārē sērēñami:

—¿Neénorē iriari ĩi, musā yure wajamoādorera aarimakū?

30 ĩgūsā Pilatore ārīma:

—Īi ñerī iribirimakū, mure wiarā aaribiriboakuyo.

³¹ Īgūsā irasū ārimakū, Pilato ārimi:

—Āiaka! Musārē doreri ārīrōsūta musā basi ĩgūrē wajamoāka!

Īgūsā ĩgūrē ārima:

—Gua judío masaka sugure ma guare: “Wējēka!” ārīrō marīrō wējēmasībea.

³² Īgūsā irire irasū ārīrā, Jesúre ĩgū curusague boaburire iro dupiyuro weredeadea keoro waamakū irima†.

³³ Īgūsā irasū ārimakū pégu, Pilato wiigüe gāmenugā ñajāa, Jesúre siiu, sērēñayupū:

—¿Muta judío masaka Opū āārīrī?

³⁴ Jesús ĩgūrē āriyupū:

—¿Mū basi gūñarō merā yare irasū sērēñarī, o gajirā mure yaamarē wereari?

³⁵ Pilato ĩgūrē āriyupū:

—Yū judío masakū meta āārā. Muya nikū marā judío masaka, irasū āārīmakū paía oparā mure oō yū purogue āijama. ¿Ñeénorē iriari mū?

³⁶ Jesús āriyupū:

—Yū Opū āārīrī, i ũmuma āārībea. I ũmuma āārīmakū, yaarā gāmekēābukuma, judío masaka yure ñeā, peresu iribirikōāburo, ārīrā. Yū Opū āārīrī, gajiroguema āārā.

³⁷ ĩgū irasū ārimakū pégu, Pilato ĩgūrē āriyupū:

—¿Mū irasū ārīgū: “Opū āārā”, ārīrī?

Jesús ĩgūrē āriyupū:

—Mū ārīrōsūta Opū āārā. Yū deyoabu i ũmū marāguere diayemarē werebu. Āārīpererā diayema āārīrīrē péduarā, yū wererire péma.

³⁸ ĩgū irasū ārimakū, Pilato ĩgūrē āriyupū:

—¿Ñeéno āārīrī diayema?

Judío masaka Pilatore: “Jesúre wējēka!” ārī doredea

(Mt 27.15-31; Mr 15.6-20; Lc 23.13-25)

Irasū ārī odo, Pilato judío masaka oparā merā werenígū wiriri, ĩgūsārē ārimi doja:

—Īrē neō ñerī iridea máa yū iāmakū.

³⁹ Bojorikū pascua bosenu āārīmakū, musā irinarōsūta sugū peresu āārīgūrē yure wiudorea. ¿Musā judío masaka Opūre musārē wiumakū gāāmekuri?

⁴⁰ ĩgū irasū ārimakū pérā, ĩgūsā gaguiníma:

—Īgūrē wiubirikōāka! Barrabás gapure guare wiuka! ārima. Barrabás yajarimasū āārīmí.

19

¹ ĩgūsā irasū ārī gaguinímakū pégu, Pilato ĩgūyarā surarare Jesúre tārādoreyupū.

² Jesúre tārā odo, pora bero iri, ĩgūya dipurure peoñurā. Peo odo, opūya suríro irirosū deyoriñe diañiweyariñerē ĩgūrē sāñurā.

³ Sā odo, ĩgū puro ejanugā, āsū ārī buridañurā:

—Ōārō āārīburo judío masaka Opū! ārīñurā, Irasū ārīrāta, ĩgūsāya mojōrī merā ĩgūya diapure páñurā.

⁴ Pilato dupaturi masakare weregu wiriri, āsū ārimi:

† **18:32** Judío masaka sugū ñerō irigüre ũtayeri merā dea wējēnerā āārímá ĩgūrē wajamoārā. Romano masaka gapū ĩgūrē wajamoārā, curusague pábiatú wējēnerā āārímá.

—Īgūrē neō ñerī iridea máa yu ĩāmakū. Irasirigu musārē masīburo, ārīgū, ĩgūrē siiu wiugura musārē ĩādoregū.

⁵ Irasū ārī odo, Jesúre siiu wiumi. Irasirigu, Jesús pora berore peyadi, opɥya surírore sãñadi ĩgū wiririmakū, Pilato masakare ārīmi:

—Īāka! Īīta āārīmi ĩgū.

⁶ Paía oparā, Marĩpɥya wii korerā surara Jesúre ĩārā, gaguinínɥgāma:

—Īgūrē curusague pábiatú wějēka! Curusague pábiatú wějēka! ārī gaguiníma. Pilato ĩgūsārē ārīmi:

—Yu ĩāmakū, ĩgūrē neō ñerī iridea máa. Irasirirā musā ĩgūrē āīaka! Musā basita ĩgūrē curusague pábiatú wějērā waaka!

⁷ Judío masaka oparā ĩgūrē ārīma:

—Īgū: “Yu Marĩpɥ magū āārā”, ārīmi. Gɥare doreri irasū ārīgūnorē wějēdorea.

⁸ Īgūsā: “Īgū: ‘Yu Marĩpɥ magū āārā’, ārīmi”, ārīmakū pégu, Pilato ĩgū dupiyuro gūiadero nemorō gūimi.

⁹ Irasirigu Jesúre dupaturi siiu ñajāa, sērēñayupɥ doja:

—¿Noómu āārĩrĩ mu? ārĩyupɥ.

Jesús gapɥ ĩgūrē neō yɥjɥbiriypɥ.

¹⁰ Īgū yɥjɥbirimakū ĩāgū, Pilato ĩgūrē ārĩyupɥ:

—¿Nasirigu yure yɥjɥberi? Yu jaarā surarare murē peresu āārīgūrē wiu-doremakū, murē wiurākuma, o ĩgūsārē murē curusague pábiatú wějēdoremakū, murē pábiatú wějērākuma. ¿Irire masīberi mu?

¹¹ Jesús ĩgūrē yɥjɥyupɥ:

—Mu yure irasū iridoreri, Yupɥ ãmɥgasigue āārīgú murē pídea āārā. Irasirigu yure mɥguere wiadi, mu nemorō waja opami, ārĩyupɥ.

¹² Īgū irasū ārīmakū pégu, Pilato Jesúre: “¿Nasiri wiugakuri yu ĩgūrē?” ārī pémaádiypɥ. Īgūrē irasū wiudɥamakū ĩārā, judío masaka gapɥ gaguiníma:

—Mu ĩgūrē wiugɥ, romano marā opɥ merāmɥ āārĩbirikoa. Sugɥ: “Yu judío masaka opɥ āārā”, ārīgūno romano marā opɥre marĩrē doregure béodɥagɥ, ĩgūrē ĩaturigɥ yámi, ārīma.

¹³ Īgūsā irasū ārīmakū pégu, Pilato Jesúre wiigue āārīgūrē ũtā majĩrĩ merā ĩgūsā iridea yebague wiriridoremi. Īgū, masaka weresārĩrē beyerimasū doarogue eja doami. Iri ũtā majĩrĩ merā ĩgūsā iridea yeba, hebreo ya merā Gabata wāikɥbɥ.

¹⁴ Irasū waarínɥ, gɥa pascua bosenuɥa baaburi āmurĩnɥ āārĩbú. Goeripoe dupiyuro āārĩbú. Pilato ĩgū doarogue eja doa, judío masakare āsū ārī weremi:

—Īīta āārīmi musā Opɥ.

¹⁵ Īgū irasū ārīmakū pérā, judío masaka gaguiníma:

—Boaburo ĩgū. Boaburo. Curusague pábiatú wějēka ĩgūrē! ārīma.

Pilato ĩgūsārē ārīmi:

—¿Yu jaarā surarare musā Opɥre curusague pábiatú wějēdoremakū gāāmerĩ musā?

Paía oparā ĩgūrē yɥjɥma:

—Gɥa opɥ, romano marā opɥ āārīmi. Gajigɥ gɥa opɥ mámi.

¹⁶ Īgūsā irasū ārīmakū pégu, Pilato Jesúre ĩgūsārē wiami, curusague pábiatú wějēdoregɥ. Irasirirā ĩgūrē āīākōāma.

Jesúre curusague pábiatú wějēdea

(Mt 27.32-44; Mr 15.21-32; Lc 23.26-43)

¹⁷ Irasirigu Jesús curusare kōā, “Masakɥ dipuru boaweadea pero” wāikɥrogue waami. Hebreo ya merā Gólgota wāikɥbɥ.

¹⁸ Irogue eja, Jesúre curusague pábiatúma. Gajirã pērãrẽ pábiatúma. Sugure ìgũ diaye gapu, gajigure ìgũ kúgapu curusague pábiatú ãiwãgũnúma. Jesúre ìgũsã deko ãiwãgũnúma.

¹⁹ Pilato taboa majirẽ ìgũ gojadea majirẽ curusague Jesús dipuru weka pábiatúdoreyupu. Ásũ arĩ gojasũdero ãarĩbú: “Íi Jesús Nazaretmu, judío masaka Opu ãarĩmi”.

²⁰ Hebreo ya merã, latín ya merã, griego ya merã gojadea ãarĩbú. Jesúre curusague ìgũsã pábiatú ãiwãgũnúdero, makã p̄rogã ãarĩbú. Irasirirã wárã judío masaka irogue aari, iri gojadeare ìã buema.

²¹ Paía oparã judío masaka ãarĩsĩã, Pilato gojadeare gããmebiriñurã. Irasirirã ìgũrẽ wererã waañurã. Ásũ arĩñurã:

—Mu: “Íi judío masaka Opu ãarĩmi”, arĩ gojadeare gorawayuka! Ásũ gapu gojaka: “Íi: ‘Judío masaka opu ãarã’, arĩmi”, arĩ gojaka! arĩñurã.

²² Pilato gapu ìgũsãrẽ arĩyupu:

—Yu gojadeare gorawayubirikoa, arĩyupu.

²³ Jesúre curusague pábiatú ãiwãgũnúaderu p̄ru, wapikurã surara ìgũya suri ãarãdeare sea, ìgũsãku suñeno dita gãme dukawama. Suñe suriro su gasirota suadea suriro, eañeãña marĩrõ merã iridea gasiro ãarĩbú.

²⁴ Iri suriro irasũ ãarĩmakũ ìãrã, gãme arĩ wereníma:

—Íne surirore yeguebirikõarã! Ubu arĩboka birarã! “¿Noãrẽ dujarokuri?” arĩma.

Ìgũsã irasirimakũ, Marĩp̄ya werenĩrĩ gojadea p̄gue gojaderosũta keoro waabu. Ásũ arĩ gojasũdero ãarĩbú: “Yaa surire: ‘¿Noãrẽ dujarokuri?’ arĩboka birarãkuma, irire gãme ìgũsã basi dukawamurã”, arĩ gojasũdero ãarĩbú. Iri p̄gue gojaderosũta surara irasirima.

²⁵ Jesúya curusa p̄ro ìgũ pago, igo tígõ, María Cleofas marãpo, María Magdalena níma.

²⁶ Jesús, ìgũ pagore, irasũ ãarĩmakũ yu ìgũ maĩsũgũ igo p̄ro nímakũ ìãgũ, igore arĩmi:

—Meõ, ñi mu magũ ãarĩmi.

²⁷ Irasũ arĩ odo, ȳre:

—Igo, m̄po ãarĩmo, arĩmi.

Irasirigu Jesús pagore yaa wiigue ãia opabu.

Jesús boadea

(Mt 27.45-56; Mr 15.33-41; Lc 23.44-49)

²⁸ Jesús irasũ arĩ odo: “Ãarĩpereri Ȳru ȳre iridoregu p̄deare iripeo odosiãa”, arĩ masĩmi. Irasirigu ásũ arĩmi:

—Ñemesibukoa ȳre. Irire arĩgũ, Marĩp̄ya werenĩrĩ gojadea p̄gue gojadeare iriyuwarikami.

²⁹ Irogue suru borewariru igui deko sãĩrĩ deko ut̄uduru ãarĩbú. Irasirirã iro ãarĩrã Jesús irasũ arĩmakũ pérã, iri igui deko sãĩrĩ merã yurayusu merã yosa, hisopo wãĩkũdima d̄pu yuwague s̄atú, Jesúya disire soemuúma.

³⁰ Jesús iri yurayusu igui deko sãĩrĩ yosadeare mimimi. Mimi odo, ásũ arĩmi:

—Ãarĩpereri iripeo odosiãa, arĩmi. Ire arĩgũta, ìgũya dipurure mumusiudija, ìgũya yuj̄p̄rãrẽ Marĩp̄re wia, boakõami.

Surara Jesúre curusague boadire saredea

³¹ Jesús boarinu ḡua pascua bosenu baaburire ãmurĩnu ãarĩbú. Gajinu gapu ḡua judío masaka siñajãrĩnu, irasũ ãarĩmakũ pascua bosenu ḡua iririnũ, ubu ãarĩrĩnu meta ãarĩbú. Irinurẽ boanerã curusarigue ãarĩmakũ judío masaka oparã gããmebirima. Irasirirã Pilato p̄rogue ìgũrẽ s̄erẽrã waañurã:

“Muyarā surarare curusarigue pábiatúsünerārē mata boaburo, ārīrā, ĩgūsāya ñigā gōārīrē pánuadoreka! Puru ĩgūsāya dupurire āidiju, gajirogue píadoreka!” ārīñurā.

³² Irasirirā surara Jesús merā curusarigue pábiatúsünerāya ñigā gōārīrē pánuama. Sugure irasū iripurori, gajigudere irasūta irima.

³³ Jesús puro waa ejanugārā, boadiguere ĩāma. Irasirirā ĩgūya ñigā gōārīrē pánuabirima.

³⁴ Sugū surara ĩgūya sareri merā Jesúre ĩgūya arupāma doka saremi. ĩgū saremakū, mata ĩgūya dí, deko merā wiribu.

³⁵ Y_H, i waamakū ĩāb_H. Irasirigu y_H i pūrē gojagu, diayema āārīrīrē musārē werea. Y_H ire masīa. Y_H ĩādea diayeta waabu. Y_H wereri diayeta āārā. Irasirigu musārē irire werea, musāde Jesúre buremuburo, ārīgū.

³⁶ Surara Jesúya ñigā gōārīrē pánuabirimakū, Marīpuya werenírī gojadea pūgue ārīderosūta waabu. Iri pūgue āsū ārī gojasūdero āārībú: “ĩgūya gōārīrē, neō su gōārē pánuabirima”, ārī gojasūdero āārībú.

³⁷ Gajirogue Marīpuya werenírī gojadea pūgue āsū ārī gojasūdero āārībú: “ĩgūsā saredire ĩārākuma”, ārī gojasūdero āārībú.

*José Jesúya dupure masāgobegue āiwāgā yáadea
(Mt 27.57-61; Mr 15.42-47; Lc 23.50-56)*

³⁸ Jesús boadero puru, José Arimatea wāikuri makāmu Pilatore Jesúya dupure sērēgū waayupu. José judío masaka oparārē güisīā, Jesúre buremugū āārīrīrē gajirārē werebiridi āārīmí. Pilato ĩgūrē: “Jāu, ĩgūya dupure āīaka!” ārīmakū, José curusa puro waa, Jesúya dupure āidijumi.

³⁹ Nicodemode wári sūrōrīrē treinta kilo nukārīrē āījami, Jesúya dupure oārō āmubu. ĩgū iro dupiyuro ñami merā Jesúre werenígū ejadi āārīmí. ĩgū āīdea: mirra wāikuri sūrōrī, áloes wāikuri sūrōrī merā morēdea āārīyuro.

⁴⁰ Irasirirā ĩgūsā pērā Jesúya dupure iri sūrōrī merā piupeo, oārī surí gasiri merā omama. Judío masaka ĩgūsā boanerāya dupure yáaburi dupiyuro āmunaderosūta irima.

⁴¹ Jesúre curusague pábiatú wējēdero puro poe āārībú. Iri poeague masāgobe ütāyegue mádea gobe āārībú. Iri gobere neō sugū boadire yáabirima dapa.

⁴² G_{ua} judío masaka siñajārīnu ejaburo iribu. Irasirirā iri gobe curusa āiwāgūnúadero purogā āārīmakū, Jesúya dupure iroque yáama.

20

*Jesús masādea
(Mt 28.1-10; Mr 16.1-8; Lc 24.1-12)*

¹ Judío masaka siñajārīnu* waadero puru, boyoburo dupiyurogā María Magdalena ĩgūsā Jesúya dupure yáaderogue ĩāgō waayupo. Iroque ejago, iri gobere biadea ütā majīrē bojegue āārīmakū ĩāyupo.

² Irasirigo, g_{ua} pērā Simón Pedro, irasū āārīmakū y_H Jesús maīsūgū purogue ũmawāgārīmo. Igo g_{ua} purogue ejago, g_{ua}re ārīmo:

—Marī Op_{uya} dupure āikōānerā āārāma. ĩgūrē ĩgūsā píaderore marī masībea, ārīmo.

³ Igo irasū ārīmakū pērā, y_H, Pedro merā ĩgūsā Jesúya dupure yáaderogue ĩārā waabu.

⁴ Iroque waarā, g_{ua} pērāgueta ũmawāgābu. Y_H gapu Pedrore ũmatariwāgā, masāgobegue ejapuroribu.

* 20:1 Judío masaka siñajārīnu, sábado āārā.

⁵ Irogue ejagu, iri gobere muúbia ãá sóobu. Irasũ ãá sóogu, Jesúya dupure òmadea surí gasiri ditare ãábu. Iri gobegue ñajãbiribu.

⁶ Mérõgã puru Simón Pedro ejami. Irogue eja, iri gobegue ñajãa, ãgũde Jesúya dupure òmadea surí gasiri ditare ãámi.

⁷ ãgũya dipurure ãgũsã òmadea suríro gasirodere ãámi. Iri gasiro túpeasũbu. Gaji surí gasiri merã peyabiribu.

⁸ Pedro irasũ ñajãmakũ ããgũ, yude iri gobegue eja puroridi ñajãa, iri ditare ããgũ, buremubu.

⁹ Gua, Jesúya dupure masãgobegue marĩmakũ ããkererã, Marĩpuya werenĩ gojadea pũgue Jesús boadigue masãgukumi, ããideare pémasĩbiribu. Keoro waarokoa, ããĩ gũñabiribu.

¹⁰ Irire ãá odorã, guaya wiigue goedujãakõãbu.

Jesús María Magdalenarẽ deyoadea

(Mr 16.9-11)

¹¹ María gapu masãgobegueta dujãa, buro oreypu. Oregota, iri gobegue muúbia ãá sóoyupu.

¹² Irasũ ãá sóogo, pẽrã Marĩpure wereboerãrẽ boreri surí sãñarãrẽ Jesúya dupu peyaderogue ãgũsã doamakũ ãáyupu. Sugũ, ãgũya dipuru ãããidero gapu, gajigu, ãgũya guburi ãããidero gapu doañurã.

¹³ ãgũsã igore sãrẽñañurã:

–¿Nasirigo orego yãri?

Igo ãgũsãrẽ ããiyupu:

–Yu Opuya dupure ããkõãnerã ããrãma. ãgũrẽ ãgũsã píderore yu masĩbea, ããiyupu.

¹⁴ Irire ããĩ odo, gãmenugã ããgõ, Jesúre iro nĩmakũ ãáyupu. ãgũrẽ ããkeregõ: “Jesúta ãããĩmi”, ããĩ ããmasĩbiriyupu.

¹⁵ Jesús igore ããiyupu:

–¿Nasirigo orego yãri? ¿Noãrẽ ãmarĩ?

Igo gapu: “ãã, i pooere koregu ãããĩkumi”, ããĩ gũñagõ, ãgũrẽ ããiyupu:

–Mu ãgũya dupure gajirogue ããadi, yure wereka! ¿Noógue píari? Mu weremakũ, ãgũya dupure ããgõ waagorãa.

¹⁶ Igo irasũ ããĩmakũ, Jesús igore ããiyupu:

–María.

ãgũ irasũ ããĩmakũ pégo, gãmenugã, hebreo ya merã ãgũrẽ:

–Rabuni, ããiyupu. “Rabuni”, ããããrõ, hebreo ya merã: “Buegu”, ããããaro yãa.

¹⁷ Jesús igore ããiyupu:

–Yure pirika! Yupu purogue murĩabea dapa. Gajirã yaarã purogue waaka! ãgũsãrẽ ããũ ããĩ wereka: “Jesús ããããmi: ‘Yupu purogue waabu yãa. ãgũ musãdere musãputa ããããmi. ãgũ yu Opu, irasũ ããããmakũ musãdere musã Oputa ããããmi’, ããããmi”, ããããka ããããrẽ!

¹⁸ ãgũ irasũ ããĩmakũ pégo, María Magdalena gua Jesús buerã purogue aari, guare igo marĩ Opure ããideare, ãgũ igore weredoreadeare weremo.

Jesús ãgũ buerãrẽ deyoadea

(Mt 28.16-20; Mr 16.14-18; Lc 24.36-49)

¹⁹ Irinu semana ããããpurorinuta† ñamigue gua Jesús buerã guaya wiigue nerẽrã, judío masaka oparãrẽ güirã, makãpurorire õããã biabu. Gua irogue ããããripoe Jesús gua dekogue deyoa, guare õãããdoregu, ããũ ããããmi:

–Musã õãããrõ siñãããrĩ merã ããããããrikuka!

† 20:19 Semana ããããpurorinuno, domingo ããããrã.

²⁰ Irasũ arĩ odo, ĩgũya moĵõrĩrẽ, ĩgũrẽ arupãma doka sarederore guare ĩmumi. Gua ĩgũrẽ marĩ Opure ĩãrã, buro usuyabu.

²¹ Dupaturi Jesũs guare arĩmi doja:

—Õãrõ siñajãrĩ merã ããrĩrikũka musã! Yuru yure iriuderosũta yude musãrẽ iriua, arĩmi.

²² Irasũ arĩ odo, guare puripeo, ãsũ arĩmi:

—Õãgũ deyomarĩgũrẽ bokatĩrĩneãka, musãrẽ iritamubure!

²³ Musã masakare ĩgũsã ñerõ irideare kãtimakũ, ĩgũsã ñerõ irideare kãtisũrãkuma. Musã gajirãrẽ ĩgũsã ñerõ irideare kãtibirimakũ, ĩgũsã ñerõ irideare kãtisũbirikuma, arĩmi Jesũs.

Tomás Jesũre masãdire ĩãdea

²⁴ Jesũs guare deyoamakũ, Tomás Jesũs buegu “Sudhadi” ĩgũsã arĩdi gua merã ããrĩbirimi.

²⁵ Puru ĩgũ gua merã ããrĩmakũ, ĩgũrẽ arĩbu:

—Gua marĩ Opure ĩãbu.

Tomás gapu guare arĩmi:

—ĩgũya moĵõrĩgue ĩgũsã pábiadea goberire ĩãbi, iri goberire yaa moĵõsũrũ merã puuñabi, irasũ ããrĩmakũ ĩgũ arupãma dokare ĩgũsã saredea gobere yaa moĵõ merã soesóoñabi, ĩgũ masãdea kerere neõ buremubirikoa.

²⁶ Su semana Jesũs guare deyoadero puru, gua ĩgũ buerã dupaturi wiigue nerẽbu. Iripoere Tomás gua merã ããrĩmi. Iri wii biadea wii ããrĩkeremakũ, Jesũs ñajãa, gua dekogue deyoa, guare õãdoregu, ãsũ arĩmi:

—Musã siñajãrĩ merã õãrõ ããrĩrikũka!

²⁷ Irasũ arĩ odo, Tomãrẽ arĩmi:

—ĩãka yaa moĵõrĩrẽ! Mu moĵõsũrũ merã yaa moĵõrĩgue ĩgũsã pábiadea goberire puuñaka! Mu moĵõ merã yu arupãma doka ĩgũsã saredea gobere soesóoñaka! Yu masãdeare: “Diaye ããrĩbea”, arĩbirikõãka! “Diaye ããrã”, arĩ buremuka!

²⁸ ĩgũ irasũ arĩmakũ, Tomás ãsũ arĩmi:

—Mu, yu Opure, yu buremugũ ããrã.

²⁹ Jesũs ĩgũrẽ arĩmi:

—Mu yure ĩãsiã: “Diayeta boadigue masãdi ããrã”, arĩ buremua. Gajirã gapu yure ĩãbirikererã, yu boadigue masãdeare buremurãkuma. Irasirirã ĩgũsã buro usuyari merã ããrĩrãkuma, arĩmi.

I pũgue ããrĩrĩrẽ nasiriburo, arĩ gojadea

³⁰ Jesũs gua merã ããrĩgũ, wãri gaji Marĩpu turari merã iri ĩmurĩrẽ irimi. Iri ããrĩpereri ĩgũ irideare i pũguere gojapeobiribu.

³¹ Irire gojapeobirikeregu, surãyeri Jesũs irideare gojãa, ĩgũ Marĩpu iriudi Cristo ããrĩrĩrẽ, ĩgũ diayeta Marĩpu magũ ããrĩrĩrẽ buremuburo, arĩgũ. Irasũ ããrĩmakũ musã ĩgũrẽ buremurĩ merã okari opaburo, arĩgũ, irasũ arĩ gojãa.

21

Jesũs dupaturi ĩgũ buerãrẽ deyoadea

¹ Puru Jesũs Tiberias wãĩkuri ditaru turo dupaturi guare ĩgũ buerãrẽ deyoami. Guare deyoagu ãsũ irimi.

² Gua iroque ããrĩrã ĩsãku ããrĩbũ: Simón Pedro, Tomás “Sudhadi” ĩgũsã arĩdi, Natanael Galilea nikũma Canã wãĩkuri makãmu, gua pãrã Zebedeo pũrã, irasũ ããrĩmakũ gajirã pãrã ããrĩbũ.

³ Gua iroque ããrĩripoe Simón Pedro arĩmi:

—Waaĩ wẽjẽgũ waagũ yãa.

—Guae mu merã waarãra, ãrĩbu.

Irasũ ãrĩ, buáa, doódiru merã waabu. Iri ñamirẽ waaí wějēboyotamuakõãdibu.

⁴ Boyowãgãriripoe Jesús ditaru turo nímakũ iãbu. Ígũrẽ iãkererã, iãmasĩbirikubu.

⁵ Irasirigu gũare ãrĩmi:

—¿Waaí wějēãrĩ?

—Neõ wějēbirakubu, ãrĩ yujubu.

⁶ Gua irasũ ãrĩmakũ pégu, Jesús ãrĩmi:

—Doódiru diaye gapu buidire meéyoka! Iro gapu waaí wějērãkoa. Ígũ ãrĩrõsũta meéyomakũ, wárã waaí ñajãma. Wárã waaí ñajãmakũ, buidire doódirugue neõ ãisãturabiribu.

⁷ Irasũ waamakũ iãgũ, yu Jesús maĩsũgũ Pedrore ãrĩbu:

—Ígũta marĩ Opu ããrĩmi.

Yu irasũ ãrĩmakũ pégu, Simón Pedro ígũya wekama surírore túweadi, sãña, ditarugue meébia báwãgãmi.

⁸ Gua ígũ merãmarã ditaru turore cien metros yoaro payarã, buidire waaí wárã ñajãdire guayaru merã tũãnumuabu.

⁹ Majãnugãrã, peame nitĩ dita gose oyanírĩme weka waairé Jesús mupũnugũnerãrẽ, pãdere iãbu.

¹⁰ Jesús gũare ãrĩmi:

—Gajirã waaí, mérã musã wějērãrẽ ãrĩrika!

¹¹ Ígũ irasũ ãrĩmakũ, Simón Pedro doódirugue ñajãa, buidire ñimiparogue tũãmajãmi. Pagarã waaí ñajãnerã ciento cincuenta y tres ããrĩmá. Wárã waaí ñajãnerã ããrĩkererã, buidire neõ yeguebirima.

¹² Jesús gũare ãrĩmi:

—Baa yoberã aarika!

Gua neõ sugũno ígũrẽ: “¿Noãno ããrĩrĩ mu?” ãrĩ sērẽñabiribu. “Ígũ marĩ Opũta ããrĩmi”, ãrĩ masĩbu.

¹³ Jesús peame puru waa, pã, waairé ãi, gũare gueremi.

¹⁴ Jesús boadigue masãdero puru, pea gũare deyoasiami. Irasirigu ditaru turogue deyoagu, urea gũare ígũ buerãrẽ deyoagu irimi.

Jesús Pedro merã werenídea

¹⁵ Gua baadero puru, Jesús Simón Pedrore sērẽñami:

—Simón, Jonás magũ, ¿mu ñisã nemorõ yure maĩrĩ?

Pedro ígũrẽ ãrĩmi:

—Yu Opu, murẽ maĩa. Mu irire masĩa.

Jesús ãrĩmi:

—Irasirigu ovejare koregu oveja majĩrãrẽ õãrõ korerosũta yure buremurãrẽ majĩrã irirosũ ããrĩrãrẽ õãrõ koreka!

¹⁶ Irasũ ãrĩ odo, dupaturi Simón Pedrore sērẽñami doja:

—Simón, Jonás magũ, ¿yure maĩrĩ mu?

—Yu Opu, murẽ maĩa. Mu irire masĩa, ãrĩmi.

Jesús ãrĩmi doja:

—Ovejare koregu ovejare õãrõ korerosũta yure buremurãrẽ õãrõ koreka! ãrĩmi.

¹⁷ Irasũ ãrĩ odo, dupaturi Simón Pedrore sērẽñami:

—Simón, Jonás magũ, ¿diayeta yure maĩrĩ mu?

Urea ígũrẽ irasũ sērẽñamakũ pégu, Simón Pedro buru bujawereri merã ããrĩmí. Ígũrẽ ãrĩmi:

—Yu Opu, mu ããrĩpereri masĩa. Murẽ yu maĩrĩrẽ masĩa.

Irasirigu Jesús ígũrẽ ãrĩmi:

—Ovejare koregũ ovejare õãrõ kererosũta yũre bũremurãrẽ õãrõ koreka!

¹⁸ Diayeta mũrẽ werea. Mũ maamu ããrĩgũ surĩre sãña, mũ gããmerõ noõ waadũaro waaunabu. Pũru bũgũro ããrĩgũ, mũya mojørĩrẽ soemugũkoa. Gajigũ mũrẽ surĩre sãgũkumi. Mũ waadũaberogue mũrẽ ãĩwãgãgũkumi.

¹⁹ Jesús, Simón Pedro ĩgũ boaburi merã masakare Marĩpũ turagu, õãgũ ããrĩrĩrẽ masĩmakũ iriburire irasũ ãrĩ weremi. Irire were odo, Jesús ĩgũrẽ ãrĩmi:
—Yũre tũyaka!

Jesús Juãrẽ ĩgũ maĩgũrẽ weredeã

²⁰ Pedro gãmenugã, yũ ĩgũsãrẽ tũyawãgãmakũ ĩãmi. Yũ, Jesús maĩgũ, iro dupiyuro Jesús pũro baa doanĩgũ ĩgũrẽ: “Yũ Opũ, ¿noã mũrẽ wẽjẽduarãguere mũrẽ ĩmubu ããrĩkuri?” ãrĩ sãrẽñadi ããrĩbã.

²¹ Pedro yũre ĩãgũ, Jesũre sãrẽñami:

—Yũ Opũ, ¿naásũ waarokuri ĩgũrẽ?

²² Jesús ĩgũrẽ ãrĩmi:

—Yũ i ãmũguere dupaturi aariripoeta ĩgũ okamakũ yũ iridũarire, o iridũabirire mũya meta ããrã. Irire gũñarikũbirikõãka! Yũre tũyaka!

²³ Jesús irasũ ãrĩrĩ kerere pérã, gajirã ĩgũrẽ bũremurã: “Juan boabirikumi”, ãrĩ gãme weresirima. Jesús: “Juan boabirikumi”, ãrĩdi meta ããrĩmĩ. “Yũ i ãmũguere dupaturi aariripoeta ĩgũ okamakũ yũ iridũarire, o iridũabirire mũya meta ããrã”, ãrĩdi ããrĩmĩ.

²⁴ Yũ Jesús buegu, yũ ĩãdeare i pũrẽ gojáa. Irasirirã mũsã yũ gojarire: “Diayeta ããrã”, ãrĩ masĩa.

²⁵ Jesús wãri gaji irimi. Iri ããrĩpererire yũ gojapeomakũ, wãri pũrĩ ããrĩbukoa. Yũ péñamakũ, masaka iri pũrĩrẽ i ãmũguere durĩpĩdũamakũ, uturiakõãbukoa. Iropata ããrã.
Juan

LOS HECHOS

Jesús ĩgũ buedoregũ beyenerãrẽ: “Õãgũ deyomarĩgũ aarigũkumi”, ãrĩ weredeã
(Lc 1.1-4)

¹ Opũ Teófilo, yũ mũrẽ gojadupiyudea pũguere Jesús neõgorague irinũgãdeare, ĩgũ buedea ããrĩpererire gojabũ.

² ĩgũ ãmũgasigue mũrĩaburo dupiyuro Õãgũ deyomarĩgũ turaro merã ĩgũ buedoregũ beyenerãrẽ: “Ãsũ irirãkoa”, ãrĩ weredeãdere gojabũ.

³ Jesús ĩgũ boa, masãdero pũru, ĩgũsãrẽ cuarenta nũrĩgora deyoayurũ. Irasirigũ ĩgũ dupaturi okarire ĩgũsãrẽ õãrõ masĩmakũ iriyurũ. Marĩpũ ĩgũyarãrẽ doreri kerere ĩgũsãrẽ wereyurũ.

⁴ Jesús ĩgũsã merã ããrĩgũ, ĩgũsãrẽ ãsũ ãrĩyurũ:

–Jerusalẽta dujaka dapa! Iripoegue Yũpũ: “Õãgũ deyomarĩgũrẽ mũsãrẽ iriugũra”, ãrĩdeare yũka! Irire weresiabũ.

⁵ Juan mũsãrẽ deko merã wãĩyedi ããrĩmĩ. Yũ gapũ mérõgã pũru mũsãrẽ Õãgũ deyomarĩgũ merã wãĩyegũkoa, ĩgũ mũsã merã ããrĩnĩkõãburo, ãrĩgũ, ãrĩyurũ.

Jesús ãmũgasigue mũrĩadeã

⁶ Pũru ãtãũ Olivos wãĩkũdigue Jesús merã nerẽ, ĩgũrẽ sërẽñañurã:

–Gũã Opũ, ¿dapagorare gajigũ gũaya nikũmũrẽ gũare dorebure, opũ pĩgũkuri? ãrĩñurã.

⁷ Jesús ĩgũsãrẽ yũjũyurũ:

–Yũpũ sugũta masĩmi. ĩgũ irasũta waaburo, ãrĩmakũ irasũta waarokoa. Mũsãya meta ããrã i.

⁸ Mérõgã pũru Yũpũ Õãgũ deyomarĩgũrẽ iriugũ, mũsãrẽ ĩgũ turarire opa-makũ irigũkumi. ĩgũ irasirimakũ, mũsã gũiro marĩrõ gũñaturari merã masakare yaa kerere wererã waarãkoa. Jerusalén marãrẽ, Judea nikũ marãrẽ, Samaria nikũ marãrẽ, ããrĩperero i nikũgue ããrĩrãrẽ wererã waarãkoa, ãrĩyurũ Jesús ĩgũ buedoregũ beyenerãrẽ.

⁹ ĩgũ irasũ ãrĩ werederero pũru, Marĩpũ ãmũgasigue ĩgũrẽ ãĩmũrĩãkõãyurũ. ĩgũsã ĩgũrẽ ĩãmutũyamakũ, su yebo ĩĩmikãyebo túbiãkõãyuro. Irasirirã ĩgũrẽ neõ ĩãnemobiriñurã.

¹⁰ ĩgũsã ĩãmutũyaripoe gũñaña marĩrõ pẽrã ãma surĩ boreri sãñanerã ĩgũsã pũro deyoa,

¹¹ ãsũ ãrĩñurã:

–Galilea marã, ¿nasirirã ãmũgasire ĩãmunĩrĩ? Jesús ãmũgasigue mũrĩagũta dupaturi i ãmũguere aarigũkumi doja. Mũsã ĩgũrẽ mũrĩãmakũ ĩãrõsũta aarĩmakũ ĩãrãkoa, ãrĩñurã.

Judare gorawayurã, Matías wãĩkũgũre beyedeã

¹² Irasiri, pũru Jesús buedoregũ beyenerã Olivos wãĩkũdi ãtãũgue ããrãnerã dijãa, Jerusalẽgue dujããkõãñurã doja. Iri makã pũrogã ããrĩyuro iri ãtãũ.

¹³ Dujaja, ĩgũsã kãrĩrĩ taribu ãmarõma taribugue ñajãkõãñurã. ĩĩsãkũ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãĩkũri bumũ, Santiago Alfeo magũ, Judas Santiago magũ ããrĩñurã.

¹⁴ Gajirãde ĩgũsã merã nerẽñurã: Jesús pagupũrã, Jesús pago María, gajirã nome ããrĩñurã. Ëmũrikũ iri taribugue Marĩpũre sërẽmurã nerẽñañurã.

¹⁵ Sunũ ĩgũsã merã gajirã Jesũre bũremurã ciento veinte gora nerẽñurã. Irasirigũ Pedro ĩgũsã watopegue wãgãnũgã, ĩgũsãrẽ ãsũ ãrĩyurũ:

16-17 —Yaarā, g_{ua} Judas merā pe mojōma pere su gubu peru pērēbejarāgora āārādib_u. Jesús g_{ua}re beyederosūta ĩgūdere beyeadimi, g_{ua} merā ĩgūya kerere weredoreg_u. Judas gap_u Jesúre peresugue ñeāwāgāmūrārē ĩgūrē ĩmumi. Ōāgū deyomarīgū Judas waaburire Davire iripoegue gojadorederosūta diayeta waab_u.

18 ĩgū Jesúre oparāguere ĩmudea wajare ĩgūsārē wia, makā ojarogue waa, dipuru gap_u merā meémejā, ĩgūya paru meé ooreakōā, g_{ur}amisī wirisiri kōmoakōāyup_u. Irasirirā oparā iri niyeru merā ĩgū meémejādea nikūrē wajariñurā.

19 Judas irasū waadeare āārīpererā Jerusalén marā péperekōāñurā. Irasirirā, ĩgū irasū waaderore: “Acéldama” wāīyeñurā. “Acéldama”, ārīrō, ĩgūsā ya merā: “Dí béodero”, ārīduaro irikoa.

20 Iripoegue Salmos wāīkari pūgue āsū ārī gojasūdero āārībú Judare: ĩgūya wii āārīdero masaka marīrō dujaburo. Neō sug_u ĩgū āārīderore dupaturi āārībirikōāburo, ārī gojasūdero āārībú.*

Āsū ārī gojasūdero āārībú doja:

Gajig_u ĩgūya moādeare gorawayuburo, ārī gojasūdero āārībú.*

21-22 Irasirirā marīrē sug_u Judas gorawayug_ure beyero gāāmea. Sug_u, g_{ua} merā āārīdire, Juan marī Op_u Jesúre deko merā wāīyemakū ĩādire, āārīpereri Jesús irideare ĩādire, Marīp_u ĩgūrē ũmugasigue āīmārīāmakū ĩādire beyero gāāmea. Irasirig_u, Jesús boadigue masādeare g_{ua} merā wereg_u waagukumi, ārīyup_u Pedro.

23 ĩgū irasū ārīmakū pé, pērārē beyeñurā. Sug_u José wāīkuyup_u. Gajirā ĩgūrēta “Justo”, gajirā “Barsabás” wāīyenerā āārīmá. Gajig_u Matías wāīkuyup_u.

24-25 Beye odo, āsū ārī sērēñurā Marīp_ure:

—G_{ua} Op_u, m_u āārīpererā masaka gūñarīrē ōārō masā. Judas ĩgū dapagora āārīrōgue waagú, m_uya kere weredoredeare pirikōāmi. Sug_u ĩgū gorawayubure beyesiab_u m_u. Irasirig_u m_u beyeadire ĩmuka g_{ua}re! ārīñurā.

26 Irasū ārī odo, peye ũtāyegāgue Matías, José wāīrē goja, puuigāgue sā, suye āi ĩāñurā. Matías wāi gojatúadeayere āi bokañurā. Irasirirā Matíare: “G_{ua} pe mojōma pere su gubu suru pērēbejarā āārānerā merā Jesúya kerere wereg_u waagukoa”, ārīñurā ĩgūrē.

2

Ōāgū deyomarīgū Jesúre b_uremurārē ejadea

1 Pentecostés* wāīkari bosenu āārīmakū, āārīpererā Jesúre b_uremurā ĩgūsā nerēdea wiigueta nerēñurā.

2 Puru gūñaña marīrō ũmugasigue mirū b_uro aarirósū, ĩgūsā āārīrōguere b_uro b_us_u dijiriyuro.

3 Irasū waaripoe peame ũj_urī pūrā dijari, nediru irirosū deyori masakak_ure dipu weka deyoayuro.

4 Āārīpererā Ōāgū deyomarīgūrē opatari, ĩgū iritamurī merā gaji masā ya ĩgūsā dupiyuro werenībirideare werenīnugāñurā.

5 Iripoere wārā judío masaka āārīpereri nikū marā Jerusalēgue ejanerā āārīmá. ĩgūsā b_uremurārē ōārō tuyarimasā āārīñurā.

6 Irasū busurire pérā, Jesúre b_uremurā p_urogue nerēwāgāñurā. Irogue masakak_u ĩgūsāya werenírī merā Jesúre b_uremurā werenīmakū péñurā. Irasū waaríre pémasībiriñurā.

* 1:20 Sal 69.25 * 1:20 Sal 109.8

* 2:1 Pascua bosenu waadero p_ug_u, cincuenta n_urī p_ug_u,

Pentecostés wāīkari bosenu waayuro.

7-8 Irasirirã ãgũka, ãsũ ãrĩ gãme werenĩnurã:

—¿Nasirirã ãgũsã Galilea marã ããrĩkererã, marĩ yare õãrõ werenĩrĩ? Marĩ deyoadea nikũ marã irirosũ werenĩma.

9 Marĩ gajiro marã ããrã. Partia marã, Media marã, Elam marã, Mesopotamia marã, Judea marã, Capadocia marã, Ponto marã, Asia marã,

10 Frigia marã, Panfilia marã, Egipto marã, Libia Cirene wãĩkari nikũ turo marã ããrã. Marĩ Roma marãde õõguere naarĩmasã ããrã.

11 Surãyeri judío masaka, gajirã judío masaka ããrĩbirikererã, judío masaka irirosũ bũremurã õõguere ããrã. Creta marã, Arabia marãde marĩ merã ããrĩma. Irasirirã marĩ ããrĩpererã gajiro marã ããrĩkererã, marĩ ya merã ããrĩsã õãrõ werenĩmakũ péa. ãgũsã Marĩpũ õãrõ iridea kerere werenĩrã yãma, ããrĩnurã.

12 Irasirirã ããrĩpererã péguakakõãñurã.

—¿Nasiriro irasũ waari? ãrĩ gãme werenĩnurã.

13 Gajirã gapũ:

—Mejãrã yãma, ãrĩ buridañurã.

Pedro masakare werede

14 ãgũsã irasũ ãrĩmakũ pégu, Pedro gajirã pe mojõma pere su gubu suru pẽrẽbejarã Jesús buedoregu beyenerã merã wãgãnugã, bũro bũsũro werenĩyupũ:

—Mũsã ããrĩpererã judío masaka õõgue Jerusalẽgue ããrĩrã õãrõ péka yu wererire!

15 Mũsã guare: “Mejãrã yãma”, ãrĩ gũñarã, diaye gũnabea. Goeripoe dupiyuro ããrã dapa. Irasirirã guã mejãrã meta yãa.

16 Guã irasũ werenĩrĩrẽ Joel Marĩpũya kerere weredupiyudi ãsũ ãrĩ gojadi ããrĩmĩ:

17-18 Marĩpũ ãsũ ãrĩmĩ: “I ãmũ pereburo dupiyuro Õãgũ deyomarĩgũrẽ iriugũra, masaka ããrĩpereri buri marãrẽ. Irasirirã mũsã pũrã ãma, nomede yaa kerere wererãkuma. Maamarã kẽrõ irirosũ, mũrã kẽrõgue yũ ãmurĩrẽ ããrãkuma. Yũ dorerire irirãrẽ ãmarẽ, nomedere Õãgũ deyomarĩgũrẽ iriugũra. Irasirirã, yaa kerere wererãkuma.

19 Yũ ãmũgasiguere gajirosũperi deyoamakũ irigũra. I nikũdere dí, peame, ãĩmikã deyoamakũ irigũra.

20 Abe ãmũmũ naĩtĩãgũkumi. Abe ãnamimũ dí irirosũ deyogu waagũkumi. Mũsã Opũ ãmũguere dupaturi aariburo dupiyuro irasũ waarokoa. ãgũ aarirĩnũ goerĩnũ ããrĩrokoa. Ubu ããrĩrĩnũ ããrĩbirikoa.

21 ‘Yũ Opũ, tauka yũre!’ ãrĩgũnorẽ taugũra”, ãrĩmĩ Marĩpũ, ãrĩ gojadi ããrĩmĩ Joel.*

22 ‘Mũsã Israel bumarã yũ wererire õãrõ péka! Marĩpũ Jesũre Nazaretmũrẽ iriudi ããrĩmĩ. Jesús mũsã pũrogue ããrĩgũ, Marĩpũ turari merã pũrĩrikãrãrẽ tau, wãtẽa masakare ããrĩnerãrẽ béowiu, boanerãrẽ masũdi ããrĩmĩ. Irasirigu Jesús, Marĩpũ iriudi ããrĩsã, ãgũ turari merã irire iri ãmũdi ããrĩmĩ. Irire mũsã õãrõ masã.

23 Mũsã ãnerãrẽ ãgũrẽ curusague pábiatú wẽjẽdoremakũ, Marĩpũ iripogue Jesũre irasũ waarokoa, ããrĩderosũta waabũ.

24 Irasũ waakeremakũ, Marĩpũ gapũ ãgũ boadiguere masũkõãdi ããrĩmĩ. Boanerã ããrĩrõrẽ ãgũrẽ wiudi ããrĩmĩ. Irasirimakũ, boari Jesũre tarĩnũgãmasĩbiridero ããrĩbũ.

25 Iripogue David ãsũ ãrĩ gojadi ããrĩmĩ, Jesús Marĩpũre werenĩburire:

* 2:21 | 1.28-32

Y_u Op_u, m_urē ĩānĩkōāa. M_u y_u diaye gap_u, y_u merā āārĩnĩkōāa. Irasirig_u y_u neō gūibeā.

26-27 Yaa y_u ĵupūrāgue b_uro _us_uyari merā āārā. Irasirig_u _us_uyari merā werenĩa. Y_u boamakū, boanerā āārĩrōgue bēobirikoa. Y_u masāgobegue āārĩmakū, yaa d_up_u neō boabirikoa. Y_ure dupaturi okamakū irigukoa doja. Irasirig_u y_u gūiro marĩrō āārĩgukoa.

28 M_u, y_u dupaturi okaburire y_ure oārō masĩmakū yāa. Irasirig_u y_u merā m_u āārĩmakū, b_uro _us_uyari merā āārā, ārĩ gojadi āārĩmĩ David.*

29 'Yaarā, y_u m_usārē diayeta wereg_ura. Marĩ ñekū David boadi āārĩmĩ. Marĩ ñekūsāmarā ĩgūrē yāanerā āārĩmā. ĩgūya masāgobe i makāguere āārā dapa.

30-31 Irĩpoegue Marĩp_u Davire āsū ārĩ weredi āārĩmĩ:

Y_u m_urē diayeta werea: “P_ur_uguere m_u parāmi i nikū marā Op_u āārĩgukumi. Y_u m_urē pĩderosūta pĩgukoa ĩgūdere”, ārĩdi āārĩmĩ.

David Marĩp_uya kerere weredupiyug_u āārĩdi āārĩmĩ. Irasirig_u Jesūre Marĩp_u pĩburire masĩsĩā, āsū ārĩ weredi āārĩmĩ ĩgū masāburire:

ĩgū boadero p_ur_u, boanerā āārĩrōgue neō bēosūbirikumi. ĩgūya d_up_u masāgobegue neō boabirikoa, ārĩ gojadi āārĩmĩ.*

32 Marĩp_u Jesūre boadiguere masūdi āārĩmĩ. ĩgūrē masūadero p_ur_u, g_ua āārĩpererā ĩgūrē ĩāb_u. “Dupaturi okami”, ārĩ masĩa.

33 ĩgū Pag_u ĩgūrē masū, ũm_ugasigue āĩm_urĩa, ĩgū diaye gap_u dobodi āārĩmĩ. ĩgū ārĩderosūta Jesūre Ōāgū deyomarĩgūrē iriudi āārĩmĩ. Irasirig_u Jesús g_uare Ōāgū deyomarĩgūrē iriumĩ. Irasirirā m_usā, ĩgū g_uaguere ejamakū ĩāa. ĩgū iritamurĩ merā g_ua werenĩmakū péa.

34-35 David† gap_u ĩgū boadero p_ur_u, Jesús m_urĩaderosū m_urĩabiridi āārĩmĩ. ĩgū boaburo dupiyuro āsū ārĩ gojadi āārĩmĩ, Marĩp_u Jesūre ārĩdeare gojag_u:

Marĩp_u y_u Op_ure āsū ārĩmi: “Ōō y_u diaye gap_u doaka, y_u merā dorebu! Irasirĩpoe m_urē ĩāturirārē m_u dorerire tarĩn_ugānemobirimakū irig_ura”, ārĩmi, ārĩ gojadi āārĩmĩ.*

36 'Irasirirā m_usā Israel bumarā āārĩpererā oārō pémasĩka! Marĩp_u Jesūre, m_usā curusague pábiatú wĕjēdire marĩ Op_u āārĩmakū iridi āārĩmĩ. Marĩp_u ĩgūrē iriudi āārĩmĩ, marĩrē tauburo, ārĩgū, ārĩ wereyup_u Pedro masakare.

37 ĩgū irasū ārĩmakū pérā, ĩgūsāya y_u ĵupūrārĩgue b_uro b_ujawereri merā gūñarĩk_u, Pedrore, gajirā Jesús buedoreg_u beyenerārē āsū ārĩ sērēñañurā:

—G_uayarā, ĩnasirĩākuri g_ua?

38 Pedro ĩgūsārē y_u ĵuyup_u:

—M_usā ñerō irideare b_ujawere, m_usā gūñarĩrē gorawayuka! Irasirirā m_usā āārĩpererā Jesucristore b_uremua, ārĩ, g_uare deko merā wāĩyedoreka! M_usā irasirimakū, Marĩp_u m_usā ñerō irideare kātigukumi. Ōāgū deyomarĩgūrē iriugukumi, m_usā merā āārĩnĩkōāburo, ārĩgū.

39 Marĩp_u ārĩderosūta m_usārē, m_usā pūrā āārĩturĩarārē, gajiro marādere āārĩpererā ĩgū beyenerārē Ōāgū deyomarĩgūrē iriugukumi, ārĩyup_u.

40 Irĩre ārĩ odo, gajĩ wāri werenemoyup_u Pedro ĩgūsārē:

—Ōārō pémasĩka m_usā! I nikū marā Jesūre wĕjēnerā ñerā āārĩma. ĩgūsā ñerō iridea waja Marĩp_u ĩgūsārē wajamoāgukumi. ĩgūsā ñerā irirosū neō irinemobirikōāka pama! Irasirĩbirimakū, Marĩp_u ĩgūsārē wajamoāgū, m_usā gap_ure wajamoābirikumi, ārĩyup_u.

* 2:28 Sal 16.8-11 * 2:30-31 Sal 132.11 † 2:34-35 David ĩgū boadero p_ur_u, ĩgū d_up_u merā ũm_ugasigue m_urĩabiridi āārĩmĩ. Irasirig_u Jesús m_urĩaderosū m_urĩabiridi āārĩmĩ. * 2:34-35 Sal 110.1

41 Wárã ĩgũ wererire õãrõ péñurã. Irasirirã deko merã wãïyesũñurã Jesúre b̄remurĩrẽ ĩmurã. Irasirirã Jesúre b̄remup̄rorinerã merã ããrĩñugãñurã. Pedro ĩgũsãrẽ wereadeanã merãta wárã tres mil gora masaka b̄remunugãñurã.

42 Irasirirã ũm̄rikũ Jesúre b̄remup̄rorinerã merã nerẽñañurã, ĩgũ buedoregũ beyenerã buerire pémurã. Irasũ nerẽnarã, Marĩp̄re s̄erẽ, p̄rẽ dukawa, siiu baanañurã.

Jesúre b̄remup̄rorinerã iridea

43 Jesús buedoregũ beyenerã ĩgũ iriderosũta wári Marĩp̄ turari merã iri ĩmunañurã. Irasirirã p̄rĩrik̄rãrẽ tau, wãt̄ea masakare ñajãnerãrẽ béowiu, boanerãrẽ masũñañurã. ĩgũsã irasirimakũ ĩãrã, masaka ããrĩpererã ĩãgukanañurã.

44 ããrĩpererã Jesúre b̄remurã su bumarã irirosũ õãrõ ããrĩrikũñurã. Irasirirã ĩgũsã oparire gãme s̄inañurã.

45 Gajinorẽ oparã, irire dua, iri waja merã gajino opamerãrẽ s̄inañurã.

46 ũm̄rikũ ããrĩpererã surosũ gũñarĩ oparã Marĩp̄ya wiigue nerẽñañurã. ĩgũsãya wiirigue p̄rẽ dukawa, õãrõ us̄yari merã siiu baanañurã.

47 Marĩp̄re: “Õãtaria m̄”, ãrĩ, us̄yari s̄inañurã. Gajirã masaka ĩgũsãrẽ: “Õãrã ããrĩma”, ãrĩ ĩãñurã. ũm̄rikũ marĩ Op̄ Jesús gajirãrẽ ĩgũrẽ b̄remumakũ iriyup̄. Irasirirã ĩgũrẽ b̄remurã wárã ããrĩñurã.

3

Sugũ waamasĩbire waamasĩmakũ iridea

1 Sunũ, ñamika tres ããrĩmakũ Pedro, Juan merã Marĩp̄ya wiigue waañurã. Iri horata masaka Marĩp̄re s̄erẽñañurã.

2 Iri wiima makãp̄rore sugũ masakũ deyoagũgueta waamasĩbi ããrĩdi doayup̄. Iri makãp̄ro: “Õãrĩ makãp̄ro” wãĩk̄yuro. ũm̄rikũ ĩgũ merãmarã ĩgũrẽ ãñwãgã, iri makãp̄roge dobonañurã, iri wii ñajãrãrẽ niyeru s̄erẽ doanĩdorerã.

3 Pedrosã iri wii ñajãmurã iriripoe ĩgũsãrẽ ĩã, niyeru s̄er̄eyup̄.

4 ĩgũsã p̄rãgueta ĩgũrẽ ĩã, Pedro gapũ ĩgũrẽ ãrĩyup̄:

–Guare ĩãka!

5 ĩgũ irasũ ãrĩmakũ: “Yure niyeru s̄ĩmurã irikuma”, ãrĩ gũñarĩ merã b̄ro ĩãyup̄.

6 Pedro gapũ ĩgũrẽ ãrĩyup̄:

–Niyerure opabea. Irire opabirikeregũ, yũ opari merã m̄rẽ iritamugura. Jesucristo Nazaretm̄ wãĩ merã, ĩgũ turaro merã wãgãñugã waaka! ãrĩyup̄.

7 Pedro ĩgũrẽ irasũ ãrĩgũta, diayema mojõrẽ ñeã, tũãwãgũnúyup̄. Irasiri-makũta, ĩgũya guburi, ĩgũya ãñagubuyeri turanugãjayuro.

8 Irasirigũ pari wãgãñugãja, waap̄rori, p̄rũ ĩgũsã merã Marĩp̄ya wiigue Marĩp̄re: “Õãtaria m̄”, ãrĩ gaguini, pariñajãyup̄.

9-10 ĩgũ us̄yari merã Marĩp̄re: “Õãtaria m̄”, ãrĩ, pariñajãmakũ ĩãrã, iri wiigue ããrĩrã ããrĩpererã ĩgũrẽ ĩãmasĩ:

–Ĩ, i wii õãrĩ makãp̄roge niyeru s̄erẽ doanĩadita ããrĩmi, ãrĩñurã. Irasirirã ĩgũ waamasĩmakũ ĩãrã, “¿Naásũ waari?” ãrĩ ĩãgukakõãñurã.

Pedro masakare Marĩp̄ya wiigue werede

11 Waamasĩbiradi Pedrosãrẽ duúbirimakũ, ããrĩpererã masaka iri wii ããrĩrã ĩãgukari merã, ĩgũsã p̄roge “Pórtico de Salomón” wãĩk̄roge ũmanerẽñurã.

12 ĩgũsã irasũ ũmanerẽmakũ ĩãgũ, Pedro ĩgũsãrẽ ãrĩyup̄:

—Musa, Israel bumarã, ¿nasirirã iropa gũkari? ¿Nasirirã guare buro ããrĩ? “Ìgũsã Marĩpũre buremurĩ merã, ìgũsã turaro merã ìrẽ waamasĩmakũ iriama”, ãrĩ gũñabirikõãka!

¹³ Jesús ìgũ turaro merã ìgũrẽ waamasĩmakũ iriami. Marĩ ñekũsãmarã Abraham, Isaac, Jacob Marĩpũre ãmugasigue ããrĩgũrẽ buremunerã ããrĩmã. Marĩpũ ìgũ magũ Jesũre, ìgũ doreri õãrõ iridire: “Õãtarigu ããrĩmĩ”, ãrĩdi ããrĩmĩ. Musa gapũ ìgũrẽta oparãguere wiabũ. Pilato ìgũrẽ wiudũakeremakũ, musã gapũ gããmebiribũ.

¹⁴ Jesús õãgũ, ñerĩrẽ neõ iribi ããrĩkeremakũ, ìgũrẽ neõ wiudorebiribũ. Sugu ñegũ masakare wẽjẽdi gapũre wiudorebũ musã.

¹⁵ Irasirirã, Jesús marĩrẽ okari sigũ gapũre wẽjẽdorebũ. Ìgũ boadero pũrũ, Marĩpũ gapũ ìgũrẽ masũdi ããrĩmĩ. Gũa ìgũrẽ Marĩpũ masũdire ããrĩmĩ, ãrĩ masĩa.

¹⁶ Jesũta ìgũ turaro merã ìrĩ waamasĩbiradire musã ããrĩmĩgũrẽ waamasĩmakũ iriami. Gũa Jesús taumasĩrĩrẽ buremumakũ ããrĩmĩ, ìgũrẽ tauami. Musa ããrĩpererã ìgũ tauadire ìgũ waamasĩmakũ ããrĩmĩ.

¹⁷ Yaarã, musã, musã oparãde Jesũre: “Marĩpũ magũta ããrĩmĩ”, ãrĩ pẽmasĩbirisĩã, ìgũrẽ wẽjẽdorebũ.

¹⁸ Iripoegue Marĩpũ ìgũya kerere weredupiyunerã ããrĩpererãrẽ: “Cristo yũ iriubu ñerõ tarigũkumi”, ãrĩderosũta Jesũre waabũ.

¹⁹ Irasirirã musã ñerõ irideare bujawere, musã gũñarĩrẽ gorawayuka! Marĩpũ dorerire irika! Irasirimakũ, Marĩpũ musãrẽ musã ñerõ irideare kãti, siñajãrĩ merã ããrĩrikũmakũ irigũkumi.

²⁰ Irasirigu musãrẽ Cristore dupaturi iriugũkumi. Cristo, Marĩpũ beyedi musãrẽ taugũ, Jesũta ããrĩmĩ.

²¹ Jesucristo ãmugasigue marĩadi, irogueta ããrĩmĩ dapa. Marĩpũ iripoegue ìgũ iriburire ìgũya kerere weredupiyunerãrẽ weredorederosũta ããrĩpererire õãrõ ãmu, pũrũ Jesũre iriugũkumi.

²² Iripoegue Moisés irimarẽ marĩ ñekũsãmarãrẽ ããrĩmĩ ããrĩmĩ: Pũrũgue Marĩpũ marĩ Opũ sugũ ìgũya kerere werebure iriugũkumi. Yũre iriuderosũta ìgũdere iriugũkumi. Ìgũde marĩyaguta ããrĩgũkumi. ããrĩpererire ìgũ wererire pẽka! Ìgũ dorerire õãrõ iritũyaka!

²³ Ìgũ dorerire iritũyamerã gapũ beosũrãkuma. Irasirirã Marĩpũyarã merã neõ ããrĩnemobirikuma pama, ãrĩdi ããrĩmĩ Moisés.*

²⁴ ããrĩpererã iripoegue marã Marĩpũya kerere weredupiyunerãkũ, Samuel pũrũ marãde dapagora waarĩre irasũta ããrĩ gojanerã ããrĩmã.

²⁵ Iripoegue Marĩpũ marĩ ñekũ Abrahãrẽ: “Yũ, mu parãmi ããrĩturiagu merã i ãmu marã ããrĩpererãrẽ õãrõ irigũra”, ãrĩdi ããrĩmĩ. Ìgũya kerere weredupiyunerãrẽ ìgũ Abrahãrẽ ããrĩdeare weredoredi ããrĩmĩ marĩ ñekũsãmarãrẽ. Irasirigu Marĩpũ ìgũsãrẽ ããrĩderosũta musãrẽ iridi ããrĩmĩ.

²⁶ Irasirigu ìgũ magũ Jesús boadiguere masũ, marĩrẽ judío masakare iriupũroridi ããrĩmĩ, marĩrẽ õãrĩ gapũre iri, marĩ ñerõ iririre piriuro, ããrĩgũ, ããrĩ wereyupũ Pedro ìgũsãrẽ.

4

Pedrore, Juãrẽ oparã pũrogue ããrĩmĩ

1-2 Pedro, Juan merã masakare werenĩripoe paía, Marĩpũya wii korerã surara opũ, gajirã saduceo bumarã ejañurã. Pedrosã masakare: “Jesũs boadero pũrũ masãdi ããrĩmĩ. Irasirirã marĩde boadero pũrũ ããrĩpererã masãrãkoa”,

* 3:23 Dt 18.15-19; 34.10

ārī buenañurā. Īgūsā irasū ārī buemakū pérā, saduceo bumarā, masaka boanerā masārīrē b̄remubirisīā, Īgūsā merā b̄ro guañurā.

³ Irasirirā abe ñajāripoe āārīmakū, Pedrosārē ñeā, iri ñamirē peresu iriñurā.

⁴ Irasirikeremakū, gajirā wārā Jesúya kerere pénerā, Īgūrē b̄remun̄gārā āārīñurā. Irasirirā dupiyurogue Jesúre b̄remup̄rorinerā merā wārā āārīñurā. Ūma ditare keomakū, cinco mil āārīñurā.

⁵ Pedrosārē peresu iriadero p̄ru, gajinu gapu Jerusalēgue judío masaka oparā, gajirā m̄rā, gajirā Moisés gojadeare buerimasā nerēñurā.

⁶ Gajirāde, paía op̄ Anás, Caifás, Juan, Alejandro, gajirā paía op̄yarā Īgūsā merā āārīñurā.

⁷ Irogue nerē, Pedrosārē Īgūsā p̄ro āiridore, Īgūsā ejamakū:

—¿Noā m̄sārē doreri, noā m̄sārē inorē irasiridoreri? ārī s̄rēñañurā.

⁸⁻⁹ Pedro Ōāgū deyomarīgūrē opatarisīā, āsū ārī yuj̄yup̄ Īgūsārē:

—¿M̄sā judío masaka oparā, m̄rāde ḡare ñi waamasībiradire ōārō iriadeare, Īgūrē tauadeare s̄rēñarā yári?

¹⁰ M̄sārē ire weregura, āārīpererā Israel bumarā ōārō pémasīburo, ārīgū. Jesucristo Nazaretm̄ turaro merā, Īgū wāi merā ñi waamasībiradi waamasīami. M̄sā Īgūrēta curusague pábiatú wējēdoreb̄. Īgū boadero p̄ru, Marīp̄u gapu Īgūrē masū, dupaturi okamakū iridí āārīmí.

¹¹ Iripoegue Marīp̄ya kerere weredupiyudi āsū ārī gojadi āārīmí: “Suye ūtāye wii iririmasā Īgūsā béoadeaye merā gajigu gapu ōārō turari wii iriḡkumi”, ārī gojadi āārīmí. Jesús iri ūtāye Īgūsā béoadeaye irirosū āārīmí. Marīp̄u Īgūrē beyedi āārīmí marīrē taubure.

¹² I nikūguere Jesús suguta marīrē tauḡu āārīmí. Gajigu marīrē tauḡu neō mámi. Marīp̄u Īgūrēta iriudi āārīmí marīrē taubure, ārī wereyup̄u Pedro Īgūsārē.

¹³ Judío masaka oparā Pedro, Juan buebirinerā āārīkererā, ōārō gūñaturari merā, pémasīrī merā weremakū pérā, pégakakōāñurā. Īgūsārē: “Diyeta Jesús merāmarāta āārīma”, ārī ñāmasīñurā.

¹⁴ Waamasībiradi Pedrosā p̄ro nímakū ñārā, Īgūsārē: “Ñerō irirā iriab̄u”, ārī werew̄amasībiriñurā.

¹⁵ Irasirirā, Īgūsārē Īgūsā nerērī taribugue āārīrārē wiriadoreñurā, Īgūsā basi gāme werenímurā:

¹⁶ Āsū ārīñurā:

—¿Nasirirākuri Īgūsārē? Ñi waamasībiradire Īgūsā waamasīmakū iriadeare Jerusalén marā pépereakōāñurā. Irasirirā: “Iribirama”, ārīmasībirikoa marī.

¹⁷ Gajirārē irire neō pénemomakū iribirikōārō gāamea marīrē. Irasirirā: “Jesúyamarē gajirāguere neō werenemobirikōāka pama!” ārīrā Īgūsārē, ārī wereníñurā.

¹⁸ Irasū ārī werení odo, Pedrosārē siiu, āsū ārīñurā:

—Gajirāguere neō Jesúyamarē werenemobirikōāka! Neō Īgūya kerere buenemobirikōāka! ārīñurā.

¹⁹ Īgūsā irasū ārīkeremakū, Pedro, Juan gapu āsū ārī yuj̄ñurā Īgūsārē:

—¿Marīp̄u m̄sā ḡare dorerire irimakū gāamerī, o Īgū doreri gap̄are ḡa irimakū gāamerī? ¿Naásū gūñarī m̄sā irire?

²⁰ Gua Īgū dorerire irituyarā āārā. Irasirirā gua ñādeare, gua pédeare neō wereduúmasīña máa, ārīñurā.

²¹⁻²² Īgūsā irasū ārīmakū pérā, judío masaka oparā gapu dupaturi ārīñurā:

—Jesúyamarē neō werenemomerāta pama! Irire pirimerā, wajamoāsūrākoa, ārīñurā. Gajirā gapu us̄yari merā Marīp̄ure: “M̄u ñi waamasībiradire tauadea ōātariab̄u”, ārīñurā. Īgū cuarenta bojori nemorō

opagu ããrĩyupũ. Irasirirã oparã gapũ Pedrosãrẽ: “Ñerõ irirã iriama”, ãrĩmasĩbiri, wajamoãmerãta Ìgũsãrẽ wiukõãñurã.

Jesúre buremurã Marĩpure iritamurĩ sêrẽdea

²³ Pedrosã iroque ããrãnerã wiria, Ìgũsã merãmarã pũroque waakõãñurã. Iroque eja, paía oparã, judío masaka mũrã Ìgũsãrẽ ãrãdeare Ìgũsã merãmarãrẽ wereñurã.

²⁴ Ìgũsã weremakũ pérã, ããrĩpererã iro ããrĩrã Marĩpure sêrẽñurã:
—Gua Opũ, mũ diayeta ùmũgasi, i nikũ, dia wádiya, i ùmũma ããrĩpererire iridi ããrã.

²⁵ Iripoegue gua ñekũ Davire mũrẽ moãboegũre Õãgũ deyomarĩgũ merã ãsũ ãrĩ weredoredi ããrĩbũ:
Judío masaka ããrĩmerã Marĩpure merã bure guama. Israel bumarãde Marĩpure: “Gããmebea”, ãrĩ gũñadima.

²⁶ I nikũ marã oparã Marĩpure merã gãmekẽãduarã nerẽrãkuma. Ìgũ beyedi merãdere irasũta gãmekẽãrãkuma, ãrĩ weredoredi ããrĩbũ.*

²⁷ Mũ weredoredersũta diayeta waabũ. I makãguere opũ Herodes, Poncio Pilato, gajirã Israel bumarã, gajirã judío masaka ããrĩmerã nerẽma Jesús mũ magũrẽ wẽjẽmurã. Ìgũ õãgũ, mũ beyedi ããrĩmi.

²⁸ Irasirirã, iripoegue mũ turaro merã mũ beyedire: “Irasũ waarokoa Ìgũrẽ”, ãrĩdersũta irima.

²⁹ Gua Opũ, dapagora paía oparã mũya kerere: “Werebirikõãka! Mũsã irire wererã, wajamoãsũrãkoa”, ãrãma guare. Ìgũsã irasũ ãrãdeare gũñaka mũ! Gua mũrẽ moãboerã ããrã. Irasirigũ guare mũyare gajirãrẽ gũiro marĩrõ weremakũ irika!

³⁰ Guare mũ turaro merã pũrĩrikũrãrẽ taumakũ irika! Irasirigũ guare mũ turaro merã Jesús mũ magũ, õãgũ wãĩ merã iri ìmurĩrẽ irimakũ irika! ãrĩ sêrẽñurã Marĩpure.

³¹ Ìgũsã irasũ ãrĩ sêrẽadero pũrũ, Ìgũsã ããrĩrĩ wii gãmeñayuro. ããrĩpererã Õãgũ deyomarĩgũrẽ opatariñurã. Irasirirã, Ìgũ iritamurĩ merã gũiro marĩrõ Marĩpure kerere wererã waañurã.

Jesúre buremurã Ìgũsã oparire gãme dukawadea

³²⁻³³ Irasirirã Jesús buedoregũ beyenerã Marĩpure turaro merã masakare: “Marĩ Opũ Jesús boadero pũrũ masãdi ããrĩmĩ. Ìgũ dupaturi okadero pũrũ, gua Ìgũrẽ ìãbũ”, ãrĩ wereñurã. ããrĩpererã Jesúre buremurã surosũ gũñañurã. Irasirirã Ìgũsã oparire: “Yaa ããrã”, ãrĩrõ marĩrõ gãme dukawañurã. Marĩpure Ìgũsãrẽ ããrĩpererãrẽ õãrõ iritamuyupũ.

³⁴⁻³⁵ Irasirirã wiiri oparã, nikũ oparã, gajirãrẽ irire duañurã. Ìgũsã duadea wajare Jesús buedoregũ beyenerãrẽ sınañurã. Jesús buedoregũ beyenerã irire Ìgũsã watope ããrĩrãrẽ gajino opamerãrẽ dukawañurã. Irasirirã Ìgũsã watopegue boporã marĩñurã pama.

³⁶ Iripoere sugũ Jesúre buremugũ José wãĩkũgũ ããrĩyupũ. Ìgũ Chipre wãĩkũrĩ nũgũrõmũ, Levíya bumũ ããrĩyupũ. Jesús buedoregũ beyenerã Ìgũrẽ “Bernabé” wãĩyeñurã. “Bernabé”, ãrĩrõ, griego ya merã: “Masakare õãrõ yũjũpũrãkũmakũ irigũ”, ãrĩduaro irikoa.

³⁷ Ìgũ nikũ opagu ããrĩsĩã, su poe ejatuario gajirãrẽ duayupũ. Ìgũ duadea wajare Jesús buedoregũ beyenerãrẽ sĩpeokõãyupũ.

5

Ananías, Safira merã ãrĩkatodea

* 4:26 Sal 2.1-2

¹ Gajigu Ananías wāikugu ĩgũ marāpo Safira merā su pooe ejatuaro nikũrẽ duayupu.

² ĩgũ duadea wajare ĩgũ basi deko merā duripíkõāyupu. Irasirigu āārĩpereri niyerure Jesús buedoregu beyenerārẽ sĩpeobirikeregu: “Iropata wajariama”, ārĩkatoyupu. ĩgũ marāpo āārĩpereri ĩgũ irasiriadeare masĩyupo.

³ Pedro āsũ ārĩyupu ĩgũrẽ:

—Ananías, ¿nasirigu wātĩrẽ m̄ya gũñarĩguere ñajādoreari? ĩgũ ñajāmakũta, m̄ya nikũ duadea wajare guare sĩpeobirikeregu, m̄ Ōāgũ deyomarĩgũrẽ ārĩkatoa.

⁴ Iri nikũ m̄ duaburo dupiyuro m̄ya nikũ āārĩbũ. M̄ duadea waja m̄ya niyeruta āārā. Noó m̄ sĩduaropa sĩboakuyo. ¿Nasiribu irasũ ārĩkatori? Ḡa ditare ārĩkatogu meta yāa. Marĩpudere ārĩkatoa m̄, ārĩyupu.

⁵ ĩgũ irasũ ārĩmakũ p̄egu, mata Ananías meémejā kōmoakõāyupu. ĩgũ irasũ waadea kerere pérã, āārĩpererã b̄ro gũĩñurã.

⁶ ĩgũ kōmoadero p̄ru, gajirã maamarã ñajāja, ĩgũya d̄p̄ure surĩro gasiro merã õma, āĩwiriakõāñurã ĩgũrẽ yáarã waarã.

⁷ Ũre hora p̄ru, Ananías marāpo āārãdeo ñajājayupo. ĩgũ boadeare neõ masĩbiryupo.

⁸ Igo ñajāmakũ ĩāgũ, Pedro igore s̄rẽñayupu:

—Wereka yure! ¿M̄sāya poore duarã, iropata niyeru wajatari m̄sã? ārĩyupu. Igo ĩgũrẽ yaj̄yupo:

—Iropata wajatabu, ārĩyupo.

⁹ Pedro ārĩyupu igore:

—¿Nasirirã m̄sã, marĩ Op̄ Ōāgũ deyomarĩgũrẽ ārĩkatoari? “Ḡa irasirimakũ masĩbirikumi”, ¿ārĩ gũñadari m̄sã? ĩāka! M̄ marāp̄ure yáarã ejanerã s̄ĩsã dujarima. M̄ya d̄p̄udere āĩwiriarākuma, m̄ marāp̄uya d̄p̄ure āĩwiriaderosũta, ārĩyupu.

¹⁰ ĩgũ irasũ ārĩmakũta, igode Pedroya guburi p̄ro meémejā kōmoakõāyupo. Irasirirã maamarã igo kōmoadeoguere bokaja, igoya d̄p̄ure āĩwiria, igo marāp̄u dagure ĩgũsã yáadero p̄rogueta igodere yáañurã.

¹¹ Irasirirã āārĩpererã Jesúre b̄remurã, gajirãde Ananías, Safirare waadea kerere pérã, b̄ro gũĩñurã.

Jesús buedoregu beyenerã Marĩp̄u turaro merã iri ĩmudea

¹² Iripoere masaka watopegue Jesús buedoregu beyenerārẽ Marĩp̄u ĩgũ turari merã wári iri ĩmurĩrẽ irimakũ iriyupu. Āārĩpererã Jesúre b̄remurã Marĩp̄uya wii turo biaña marĩrĩ taribu “Pórtico de Salomón” wāikuri taribugue nerēnañurã.

¹³ Masaka ĩgũsārẽ: “Ōārã āārĩma”, ārĩkeremakũ, gajirã gap̄u ĩgũsārẽ gũĩñurã. ĩgũsã merã neõ nerẽduabiriñurã.

¹⁴ Gajirã gap̄u marĩ Op̄ Jesúre wárã ũma, nomede b̄remuñurã.

¹⁵ Irasirirã p̄rĩrikurārẽ ĩgũsã peyari gasiri merã Pedro waaburi maa turo p̄ñurã. “Pedro ĩgũsārẽ ñapeobirikeremakũ, ĩgũ wātĩ meép̄ro ĩgũsã weka eja-makũ, ĩgũsārẽ p̄rĩrĩ tarirokoa”, ārĩ gũñarã, irasiriñurã.

¹⁶ Wárã Jerusalén turo marãde p̄rĩrikurārẽ, wāt̄ea ñajāsũnerārẽ irogue āĩñañurã. Irasirirã Jesús buedoregu beyenerã ĩgũsã āārĩpererārẽ taunañurã.

Oparã Jesús buedoregu beyenerārẽ ĩāturidea

¹⁷ Irasirirã paía op̄u, gajirã ĩgũ merāmarã saduceo bumarãde Jesús buedoregu beyenerārẽ b̄ro ĩāturi,

¹⁸ ĩgũsã merã b̄ro gua, ĩgũsārẽ ñeã, peresu iriñurã.

19 Irasirikeremakū, sugu Marīpūre wereboegu iri ñamita peresu wii makāpūrorire tūpā, ĩgūsā āārīrī taribugue ñajāja, ĩgūsārē āsū ārī āīwiriayupū:

20 —Marīpūya wiigwe waaka! Irogue eja, Marīpū Jesúre būremurārē ĩgū merā ōārō āārīmakū iriburi kerere wereka masakare! ārīyupū Marīpūre wereboegu ĩgūsārē.

21 ĩgū irasū ārīmakū pérā, ĩgūsā peresu āārānerā wiriakōāñurā. Gajinū gapū boyoripoe āārīmakū, Marīpūya wiigwe ñajāa, masakare buenūgāñurā, Marīpūre wereboegu ĩgūsārē weredoreaderosūta.

ĩgūsā irogue bueripoe paía opū gapū, ĩgū merāmarāde, Pedrosā peresu āārānerā wiriadeare masībiriñurā dapa. Irasirirā ĩgūsā Israel bumarā oparārē āārīpererārē neeōñurā. ĩgūsā nerēperemakū ĩārā, surarare peresu iriri wiigwe Jesús buedoregu beyenerārē ĩgūsā biadoboanerārē āāridoreñurā.

22 Irasirirā surara ĩgūsārē āārā waadiñurā. Irogue eja, Pedrosārē neō bokabiriñurā. ĩgūsārē bokabirisīā, oparāguere wererā dujáakōāñurā doja.

23 Dujaja, oparārē:

—Peresu iriri wii makāpūrori ōārō biadea makāpūrori āārādabū. Irogue biadoboanerārē korerāde iri makāpūrorikū níadama. Irasū āārīkeremakū, gūa ĩgūsā āārādea taribure makāpūro tūpāmakū neō marāma, ārīñurā.

24 ĩgūsā irasū ārīmakū pérā, paía opū, Marīpūya wii marā surara opū, paía oparāde: “¿Naāsū waayuri ĩgūsārē?” ārī gūñarikuñurā.

25 ĩgūsā irasū gūñarikuñuripoe sugū masakū ĩgūsā pūro eja:

—Mūsā peresu irianerā Marīpūya wiigwe āārāma. Masakare buerā iriama, ārīyupū.

26 ĩgū irasū ārīmakū pérā, Marīpūya wii marā surara opū, ĩgūyarā surara merā ĩgūsārē ñeārā waañurā. Irogue eja, ĩgūsārē ñeā, paía oparā pūro āāñurā doja. Masakare gūisīā, ĩgūsārē tārābiriñurā. “Gūa ĩgūsārē tārāmakū ĩārā, masaka gūare ūtāyeri merā deabukuma”, ārī gūñañurā.

27 ĩgūsārē judío masaka oparā pūro āājamakū, paía opū ĩgūsārē turiyupū:

28 —Gūa mūsārē: “Jesúyare neō buenemobirikōāka!” ārādibū. Gūa irasū āārīkeremakū, mūsā āārīperero Jerusalén marārē buegorenāa. Jesús boadea waja gūare waja opamakū iriduarā yāa mūsā, ārīyupū.

29 ĩgū irasū ārīmakū, Pedro gajirā Jesús buedoregu beyenerā merā ĩgūrē āsū ārī yūjuyupū:

—Masaka doreri nemorō Marīpūya gapūre iriro gāāmea. Gūa mūsā dorerire irirā, Marīpū doreri gapūre iribiribukoa.

30 Mūsā Jesúre curusague pábiatú wējēdoredire Marīpū, marī ñekūsāmarā Opū gapū ĩgūrē masūdi āārīmí.

31 ĩgūrē masū odo, ūmūgasigue āīmūrīagū, ĩgū diaye gapū dobodi āārīmí. Marīrē taubure, marī Opū āārībure irasiridi āārīmí. Irasirigū marī judío masaka marī ñerō irideare būjawere, gūñarīrē gorawayumakū kātigakumi.

32 Gūa āārīpereri Jesús irideare ĩānerā āārā. Irasirirā irire werea. Ōāgū deyomarīgūde gūare irire pémasīmakū yāmi. Irasirirā ĩgū iritamurī merā werea. Marīpū dorerire pérānodere Ōāgū deyomarīgūrē iriugukumi, ārī wereyupū Pedro paía opūre.

33 ĩgū irasū ārīmakū pérā, oparā gapū guataria, Pedrosārē wējēduadiñurā.

34 Sugū fariseo bumū Gamaliel wāikūgu gapū wāgānūgāyupū ĩgūsārē werebu. ĩgū judío masaka oparā merāmū Moisés gojadeare buerimasū āārīyupū. Masaka ĩgūrē: “Ōāgū āārīmi”, ārī būremuñurā. ĩgū wāgānūgā, surarare: “Īsārē āīwiriaka dapa!” ārīyupū.

³⁵ Īgūsārē āīwiriadero p̄r̄u, oparārē āsū āīryup̄u:

—M̄sā Israel bumarā, m̄sā Īgūsārē irid̄uarire ōārō gūñaka!

³⁶ Teudas wāīkuḡu waadeare gūñaka! Irin̄uḡuere Īgū masakare: “Masītarin̄uḡgū āārā yu”, āīrīdi āārādīmi. Irasirirā wārā cuatrocientos ūma Īgū merāmarā āārīnerā āārādīma Īgū buerire p̄d̄uarā. P̄r̄u gajirā Īgūrē wējēkōānerā āārīmā. Īgūrē wējēadero p̄r̄u, Īgū merāmarā āārādīnerā waasiriakōānerā āārīmā. Irasū waadero p̄r̄u, Īgū buedea p̄reakōādero āārībū.

³⁷ P̄r̄u i nikū marārē Īgūsā keoripoe gajiḡu Judas wāīkuḡu Galileam̄u āārīdi āārādīmi. Wārā Īgū merāmarā āārīnerā āārādīma. P̄r̄u gajirā Īgūdere wējēkōānerā āārīmā. Īgūrē wējēadero p̄r̄u, Īgū merāmarā āārādīnerā waasirip̄reakōānerā āārīmā.

³⁸ Irasiriḡu m̄sārē werea. Sīsārē, marī peresugue biadoboanerārē wiuka! M̄sā Īgūsārē irid̄uarire iribirikōāka! Īgūsā bueri, Marīp̄uya bueri āārībero, p̄reakōārokoa Teudas, Judas buedea p̄rederosūta.

³⁹ Īgūsā bueri, Marīp̄uya bueri āārīrō, neō p̄rebirikoa. Īgūsārē irire piri-makū iribirikoa. Irasirirā irire ōārō p̄emasīka! Īgūsā bueri, diayeta Marīp̄uya bueri āārīmakū, m̄sā Īgūsārē wējēd̄uarā, Marīp̄u merā gāmekēād̄uarā irirosū iribukoa, āīryup̄u Gamaliel.

⁴⁰ Īgū irasū āīmakū p̄erā: “Jáu, marīrē diayeta weremi īī”, āī p̄eñurā. Irasirirā Jesús buedoreḡu beyenerārē siiu, surarare tārādoreñurā. “Jesúyare neō werenemobirikōāka!” āīñurā. Irasū āī odo: “Waaka!” āī, wiuñurā Īgūsārē pama.

⁴¹ Irasirirā Jesús buedoreḡu beyenerā judío masaka oparā p̄uro āārānerā waakōāñurā. “Marī Jesúyare bueri waja marīrē tārādoreama ḡuyasīrīburo, āārā”, āīñurā. “Marīp̄u gap̄u marīrē: ‘Irire bokatīūkōāma’, āī masīmi”, āīñurā. Irasirirā oparā Īgūsārē ñerō irikeremakū, b̄uro us̄uyañurā.

⁴² Irasirirā ūmarik̄u Marīp̄uya wiiḡue, wiiriḡuedere masakare: “Jesúta Marīp̄u iriudi, Cristo āārīmi”, āī buenañurā.

6

Jesús buedoreḡu beyenerā Īgūsārē iritamumurārē beyedea

¹ Irasirirā irin̄arīrē wārā judío masaka Jesúre b̄remun̄uḡañurā. Surāyeri hebreo ya merā wereníñurā. Gajirā griego ya merā wereníñurā. Īgūsā wapi-weyarā nomerē ūmarik̄u Īgūsā baarire keoro guerebirimakū ĩārā, hebreo ya merā werenírā gap̄ure turiñurā.

² Irasirirā Jesús buedoreḡu beyenerā Jesúre b̄remurārē āārīpererārē Īgūsā p̄rogoe siiu neō, āsū āī wereñurā:

—Ḡua baarire guererā, Marīp̄uya kere gap̄ure wereduúmakū ōābiribukoa.

³ Irasirirā m̄sā ḡuayarā, Jesúre b̄remurā m̄sā watope āārīrārē su mojōma pere gajī mojō peru p̄rēbejarāgora beyeka! “Ōārō masīrā, Ōāgū deyomarīgū turarire opatarirā āārīma”, m̄sā āī ĩārārē beyeka! M̄sā beye odomakū, ḡua Īgūsārē baari gueremurārē sóorākoa.

⁴ Irasirirā ḡua ūmarik̄u Marīp̄ure s̄erē, Īgūyare buerākoa, āīñurā.

⁵ Īgūsā irasū āīmakū p̄erā, āārīpererā: “Jáu, irasūta irirāra”, āī, Esteban wāīkuḡure beyeñurā. Īgū Jesúre ōārō b̄remugū, Ōāgū deyomarīgūrē opatariḡu āārīyup̄u. Gajirā Felipe, Prócoro, Nicanor, Timón, Parmenas, Nicolás wāīkūrārē beyeñurā. Nicolás Antioquíam̄u judío masakū āārībirikereḡu, judío masaka irirosū b̄remugū āārīyup̄u.

⁶ Īgūsārē beye odo, Jesús buedoregũ beyenerã pũro ãĩãñurã. Īgūsã ãĩjamakũ ãĩrã, Marĩpũre: “Ōãrõ iritamuka Īgūsārẽ!” ãrĩ sērēbosa, Īgūsãya dipu weka mojõrĩ merã ñapeoñurã.

⁷ Irasirirã Marĩpũya kerere weregorenamakũ, wãrã masaka irire péñurã. Wãrã Jerusalén marã masaka, paĩade Jesũre bũremunũgãñurã.

Estebãrẽ peresu iridoredea

⁸ Esteban Marĩpũ iritamurĩ merã Īgũ turaro merã pũrĩrikũrãrẽ tau, gaji õãrĩ iri ĩmurĩrẽ iriyupũ masaka wãrã watopere.

⁹ Īgũ irasirimakũ ãĩrã, surãyeri judío masaka “Esclavos Libertado” wãĩkũri bumarã Īgũ merã guaseopũroriñurã. Īgūsã: Cirene marã, Alejandría marã, Cilicia marã, Asia marã su wii judío masaka Īgūsã nerẽrĩ wiigue nerẽnarã ããrĩñurã.

¹⁰ Esteban, Ōãgũ deyomarĩgũ Īgũrẽ õãrĩ masĩrĩ sĩrĩ merã werenĩmakũ pérã, Īgũrẽ neõ werenĩ bokatũbiriñurã.

¹¹ Irasirirã masaka ããberogue gajirãrẽ niyeru wajari: “Ãsũ ãrĩkatoka masakare!” ãrĩñurã:

—“Esteban Moisére, Marĩpũre ñerõ werenĩmakũ péabũ gua”, ãrĩka! ãrĩñurã.

¹² Irasirirã Īgūsã ãrĩkatodoresũanerã irire weremakũ pérã, iri makã marã, mũrã, Moisés gojadeare buerimasãde Esteban merã bũro gua, Īgũrẽ ñeã, oparã pũro ãĩãñurã.

¹³ Īgũrẽ irogue ãĩja, gajirãrẽ ãsũ ãrĩkatonemodoreñurã doja:

—Ĩĩ ãmũrikũ Marĩpũya wiire, Moisés gojadeadere ñerõ werenĩgorenami.

¹⁴ Masakare: “Jesús Nazaretmũ, Marĩpũya wiire béogũkumi. Moisés marĩrẽ pídeadere gorawayugũkumi”, ãrĩmakũ péabũ gua, ãrĩkatoñurã oparãrẽ.

¹⁵ Īgūsã irasũ ãrĩmakũ pérã, oparã ããrĩpererã irogue doarã Estebãrẽ bũro ããñurã. Īgūsã ãĩmakũ, Īgũya diapu Marĩpũre wereboegũya diapu irirosũ deyoyuro.

7

Esteban oparãrẽ weredeia

¹ Īgūsã Estebãrẽ ãĩripoe paĩa opũ Īgũrẽ sērẽñayupũ:

—¿Diayeta ãrĩrĩ, Īgūsã mũrẽ weresãrã? ãrĩyupũ.

² Esteban yũjũyupũ Īgũrẽ:

—Yaarã, yũre õãrõ péka! Marĩ ñekũ Abraham, Harán wãĩkũri makãgue waaburo dupiyuro Mesopotamiague ããrĩdi ããrĩmĩ Caldea masaka ããrĩõgue. Īgũ irogue ããrĩripoe Marĩpũ õãrõ goesiriri merã Īgũrẽ deyoa,

³ ãsũ ãrĩdi ããrĩmĩ: “I nikũrẽ, mũyarãrẽ béowãgãka! Mũ waamakũ, yũ gaji nikũ mũ ããrĩburi nikũrẽ ĩmugũkoa”, ãrĩdi ããrĩmĩ Marĩpũ Abrahãrẽ.

⁴ Marĩpũ irasũ ãrĩmakũ pégũ, Abraham Caldea nikũ ããrãdi Harãgue waadi ããrĩmĩ. Irogue ejadero pũrũ, Īgũ pagũ boadi ããrĩmĩ. Īgũ boadero pũrũ, Marĩpũ Abrahãrẽ wiridoredi ããrĩmĩ doja. Irasirigũ Abraham õõ, marĩ ããrĩrĩ nikũrẽ ejadi ããrĩmĩ pama.

⁵ Īgũ õõgue ejamakũ, Marĩpũ Īgũrẽ neõ nikũrẽ sĩbiridi ããrĩmĩ dapa. Sĩbirikeregũ, Īgũrẽ: “Pũrũgue mũya, mũ parãmerã ããrĩturiarãya nikũ ããrĩrokoa”, ãrĩdi ããrĩmĩ. Īgũ irasũ ãrĩripoere Abraham neõ pũrã marĩdi ããrĩmĩ dapa.

⁶ Gaji Marĩpũ Īgũrẽ ãrĩnemodi ããrĩmĩ doja: “Mũ parãmerã ããrĩturiarã gaji nikũgue waarãkuma dapa. Cuatrocientos bojorigora iri nikũ marãrẽ moãboerãkuma. Īgūsãrẽ moãdore, pábirarãkuma.

7 Y_u gap_u iri nikū marārē wajamoāgura ĩgūsā irasiriri waja. Y_u ĩgūsārē wajamoā odoadero p_ur_u, m_u parāmerā āārīturiarā iri nikūrē wirirākuma. Wiri, y_u ĩgūsārē sīburi nikūgue eja, y_ure b_uremurā y_u dorerire irirākuma”, ārīdi āārīmī Marīp_u Abrahārē.

8 ĩgū irasū ārādero p_ur_u, āsū iridoredi āārīmī doja: “Āārīpererā ũmarē ĩgūsāya d_up_uma gasirogārē* wiirika! Irasirirā m_usā y_u werenírī b_uremurīrē y_ure ĩmurākoa”, ārīdi āārīmī. Irasirig_u Abraham ĩgū magū Isaare su semana ĩgū deyoadero p_ur_u, ĩgūrē wiiridi āārīmī. M_urārōta Isaade ĩgū magū Jacore iridi āārīmī. Jacode m_urārōta ĩgū pūrārē pe mojōma pere su gubu peru pērēbejari buri āārīmurārē iridi āārīmī.

9-10 †Jacob pūrā marī ñekūsāmarā ĩgūsā pag_um_urē Josére ĩāturisīā, Egiptogue waarārē duanerā āārīmā, iro marārē moāboeg_u āārīburo, ārīrā. Marīp_u gap_u ĩgū merā āārīnkōādi āārīmī ĩgūrē iritamugū. ĩgū ñerō tarikeremakū, āārīpereri ĩgū ñerō taririre taudi āārīmī. Wāri masírī sīdi āārīmī. Irasirig_u faraón† Egiptom_u i nikū marā op_u Josére beyedi āārīmī, ĩgū dokam_u op_u āārīburo, ārīgū. ĩgūya wiimadere moādoreg_u sóodi āārīmī.

11 †P_ur_u āārīperero Egiptoguerē, Canaán nikūguedere baari pereakōādero āārībú. Irasirirā masaka b_uro ñerō tarinerā āārīmā. Marī ñekūsāmarā uaboanerā āārīmā.

12 Irasirig_u Egiptogue trigo āārīrī kerere pégu, Jacob ĩgū pūrārē marī ñekūsāmarārē: “Wajarirā waaka!” ārī iriudi āārīmī. ĩgū irasū ārīmakū pérā, neō waarā irinerā āārīmā iroguere. Iroguere eja, baari wajari odo, gāme dujarikōānerā āārīmā doja.

13 ĩgūsā baari wajariadeare baapeo, dupaturi wajarirā waanerā āārīmā doja. Iripoeta pama José ĩgūsārē: “M_usā pag_um_uta āārā y_u”, ārī weredi āārīmī. Irasirig_u Egipto marā op_u José tīrārē masīdi āārīmī.

14 P_ur_u José ĩgū tīrā merā kerere iriudi āārīmī ĩgū pag_ure. “Y_up_u, ĩgūyarā merā aariburo”, ārī iriudi āārīmī. Jacoyarā setenta y cinco gora āārīnerā āārīmā.

15 José kere iriuadeare pégu, Jacob ĩgū pūrā merā Egiptogue waadi āārīmī. Jacob iroguere boadi āārīmī. ĩgū pūrā, marī ñekūsāmarāde boanerā āārīmā.

16 P_ur_ugue ĩgūsā parāmerā āārīturiarā ĩgūsāya gōārīrē Siquem wāikuri makāgue Abraham, Hamor pūrārē ĩgū ũtāgobe wajaridea gobegue pímurā āīānerā āārīmā.

17 †Marīp_u Abrahārē: “M_u parāmerā āārīturiarārē i nikūrē sīgura”, ārīdero ejawāgāripoe Abraham parāmerā āārīturiarā Egiptogue āārīrā wārā masāporenerā āārīmā.

18 ĩgūsā iroguere āārīmakū, José boadero p_ur_u yoadero p_ur_u, gajig_u iri nikū marā op_u ñajādi āārīmī doja. ĩgū, José oārō irideare oārō masībiriidi āārīmī.

19 Irasirig_u marī ñekūsāmarā wārā masāporemakū ĩāgū, ĩgūsārē tarin_ugād_ug_u, ñerō iridi āārīmī. ũma pūrā deyoarārē boaburo, ārīgū, bēodoredi āārīmī.

20 Iripoeta Moisés deyoadi āārīmī. ĩgū Marīp_u ĩūrōrē oāgū āārīdi āārīmī. Irasirirā ĩgū deyoadero p_ur_u, ĩgū pag_usāmarā ĩgūsāya wiig_uue ũrerā abegora duri merā ĩgūrē masūnerā āārīmā.

* 7:8 Gn 17.1-14: Iripoegue Marīp_u Abrahārē ĩgū pūrā ũmarē: “Yaarā āārīburo”, ārīgū, ĩgūsāya d_up_uma gasirogārē wiiridoredi āārīmī. P_ur_u iri dorerire Moisére pídi āārīmī. Irasirirā judío masaka Abraham parāmerā āārīturiarā iri dorerire irirā, ĩgūsā pūrā ũmarē su mojōma pere gaji mojō ũgeru pērēbejarin_urī waaró merā ĩgūsā deyoadero p_ur_u irasū yāma. † 7:9-10 †Faraón”, ārīrō, Egipto marā ya merā: “op_u”, ārīduaro yāa.

21 Īgūrē duúnemomasīmerā, diague puui merā paubéonerā āārīmá. Puru Egipto marā opu magō Īgūrē boka, igoya wiigue āīmajā, igo magū diaye irirosū masūdeo āārīmó.

22 Moisés iri wiigue masā, āārīpereri Egipto marā buerire buepeodi āārīmí. Irasirigu Īgū masīrī merā werení, āārīpereri ōārō iridi āārīmí.

23 'Puru cuarenta bojori opagu Īgūyarārē Israel bumarārē iāduagu, Īgūsā purogue waadi āārīmí.

24 Irogue ejagu, sugu Egiptomu Īgūyagure ñerō irimakū iādi āārīmí. Irasirigu Īgūrē gāmibosagu Egiptomurē wējēkōādi āārīmí.

25 Īgū basi: “Marīpu yaarārē wijatadoregu iriuami, Īgūsā irire ōārō pémasīkuma”, ārī gūñadi āārīmí. Īgūsā gapu Īgū gūñarōsū gūñabirinerā āārīmá.

26 Gajinu gapu Moisés Īgūsā purogue waadi āārīmí doja. Irogue ejagu, gajirā Īgūyarā pērā Īgūsā basi gāmekēāmakū iādi āārīmí. “Iropata gāmekēāka! ¿Nasirimurā su bumarā āārīkererā, iropa gāmekēākōārī?” ārīdi āārīmí Moisés Īgūsārē.

27 Īgū irasū ārīmakū pégu, buro pádi gapu, Moisére túmeénú: “ ¿Noā murē gua opu, guare dorebu āārīburo’, ārī sóoari?”

28 ¿Namika Egiptomurē mu wējēaderosū yudere wējēduagu yári?” ārīdi āārīmí Moisére.

29 Īgū irasū ārīmakū péguka, Moisés Egiptore wiri, gaji nikū Media wāikuri nikūgue waadi āārīmí. Irogue Īgūsā watopegue āārīgú, iromorē marāpoku, pērā ūma pūrākudi āārīmí.

30 Moisés cuarenta bojorigora iri nikūguere āārīdi āārīmí. Iriku bojori puru Sinaí wāikudi ūtāu puro, masaka marīrōgue waadi āārīmí. Irogue sugu yukugā dupuri watopegue peame ūjūmakū iādi āārīmí. Marīpure wereboegu iri peame ūjūrī pūrā dekogue deyoadi āārīmí Īgūrē.

31 Moisés iri peame ūjūmakū iāgū, iāgukakōādi āārīmí. “¿Naásū waari?” ārī, iri yukugā purogāgue iāgū waagú, marī Opu āsū ārī werenímakū pédi āārīmí:

32 “Yu, mu ñekūsāmarā: Abraham, Isaac, Jacob Opu āārā”, ārīdi āārīmí. Īgū irasū ārīmakū pégu, buro gūi narada, neō iānemoduabiridi āārīmí.

33 Marīpu Īgūrē: “Yu purota nía mu. Irasirigu maya gubu suríre túweaka, yure buremurīrē ĩmubu.

34 Yaarā Egiptogue āārīrārē buro poyamakū iāa. Īgūsā buro bujawereri merā gaguinimakū péa. Irasirigu Īgūsārē taubu dijijabu. Irasirigu murē Egiptogueta iriugura Īgūsārē iritamudoregu”, ārī weredi āārīmí Marīpu Moisére.

35 Īi Moiséreta marī ñekūsāmarā Īgūrē gāāmemerā: “ ¿Noā murē gua opu, guare dorebu āārīburo’, ārī sóoari?” ārīnerā āārīmá. Marīpu gapu Īgūrē: “Īgūsā opu píguara murē”, ārī, Īgūrē iriudi āārīmí Īgūsārē taudoregu. Marīpu Īgūrē wereboegu yukugā dupuri watopegue peame ūjūderogue deyoadi merā Īgūrē iriudi āārīmí.

36 Irasirigu Moisés Egiptogue eja, Marīpu turaro merā wári iri ĩmurīrē iridi āārīmí. Puru marī ñekūsāmarārē Egiptogue āārānerārē siuwāgā, wádiya deko diiadiyague eja, Marīpu turaro merā irasūta iridi āārīmí doja. Puru cuarenta bojorigora masaka marīrōgue Īgūsā waagorenamakudere, irasūta iridi āārīmí doja.

37 Moiséta marī ñekūsāmarā Israel bumarārē āsū ārī weredi āārīmí: “Purugue marīyagure Marīpu iriugukumi Īgūya kerere werebure. Yure Īgū iriuderosūta Īgūdere iriugukumi. Īgū wererire ōārō péduripíka!” ārī weredi āārīmí.

38 Marī ñekūsāmarā masaka marīrōgue nerēmakū, Moisés Īgūsā merā āārīdi āārīmí. Irogue Sinaí wāikudi ūtāugue Marīpure wereboegu Īgūrē weredi

ããrĩmĩ. Ĩgũ irasũ weremakũ péadeare Moisés marĩ ñekũsãmarãrẽ weretaudi ããrĩmĩ. Marĩ irire pémakũ, Marĩpũ marĩrẽ ĩgũ merã õãrõ ããrĩmakũ yámi. Iri neõ perebirikoa.

³⁹ Moisés irire werekeremakũ, marĩ ñekũsãmarã gapũ neõ bũremubirinerã ããrĩmã. Ĩgũdere bũremubiri: “Egiptogue dujáakõãrã”, ãrĩ gũñanerã ããrĩmã.

⁴⁰ Irasirirã Moisés ãtãũgue ããrĩripoe ĩgũ tĩgũ Aarõrẽ: “Marĩrẽ Egiptogue ããrĩrãrẽ ãrĩdi, ¿naásũ waayuri? Marĩ neõ masĩbea”, ãrĩnerã ããrĩmã. Irasirirã Aarõrẽ: “Keori weabosaka gũare! I keori weadea merã kõãdupiyurãkoa, marĩ waaburi maarẽ ĩmuburo, ãrĩrã”, ãrĩnerã ããrĩmã.

⁴¹ Irasũ ãrĩ odo, sugũ wekũ majĩgũ keori oro merã weanerã ããrĩmã. Pũrũ ĩgũsãyarã waimũrã ejorãrẽ wẽjẽ, soeponerã ããrĩmã iri weadeare bũremurã. Pũrũ irire usũyari merã ĩãrã, bosenũ irinũgãnerã ããrĩmã.

⁴² Ĩgũsã weadeare bũremumakũ ĩãgũ, Marĩpũ ĩgũsãrẽ béodi ããrĩmĩ, ĩgũsã gããmerõ iriburo, ãrĩgũ. Irasirirã neñukãrẽ, abeare bũremunũgãnerã ããrĩmã. Marĩpũya kerere weredupiyunerã ãsũ ãrĩ gojanerã ããrĩmã Marĩpũ ãrĩdeare gojarã:

Mũsã, Israel bumarã masaka marĩrõgue cuarenta bojori ããrĩrã, yũ gapũre mũsãyarãrẽ waimũrã ejorãrẽ wẽjẽ soepeo bũremubiribũ.

⁴³ Irasirirã mũsã Moloc wãikũgũ keorire bũremurã, ĩgũrẽ bũremurĩ wiire, mũsã surĩ gasiri merã iridea wiire kõãgorenabũ.

Gajĩgũ Refán wãikũgũ neñukãmũ keori mũsã weadeadere bũremubũ. Mũsã iri keorire weabũ bũremudũarã. Irasirigũ, mũsã yũre bũremubiridea waja mũsãrẽ Babilonia wãikũro koregue béogũra, ãrĩ gojanerã ããrĩmã.*

⁴⁴ Irasũ ãrĩ odo, Esteban oparãrẽ Marĩpũya wiima gapũre wereyupũ doja: –Marĩ ñekũsãmarã masaka marĩrõgue ããrĩrã, Marĩpũre bũremurĩ wii, waimũrã gasiri merã ĩgũsã iridea wiire opanerã ããrĩmã. Iri wiiguere Marĩpũ pe mojõma doreri gojadea majĩ ãtã majĩ ããrĩdero ããrĩbũ. Ĩgũsã iri wiire iriburo dupiyuro Marĩpũ Moisére iri wii keorire: “Ãsũpero irika!” ãrĩdi ããrĩmĩ. Irasirirã marĩ ñekũsãmarã iri wiire Marĩpũ dorederosũta keoro irinerã ããrĩmã.

⁴⁵ Ĩgũsã boadero pũrũ, ĩgũsã pũrũ marã iri wiire opaturianerã ããrĩmã. Pũrũ Josué ĩgũsãrẽ siiuwãgãmakũ, iri wiire ĩgũsã noó waaró ãĩãnanerã ããrĩmã. Ĩgũsã õõgue ejamakũ, Marĩpũ i nikũ marãrẽ judío masaka ããrĩbirinerãrẽ béokõadi ããrĩmĩ. Yoaripoe marĩ ñekũsãmarã Marĩpũre iri wiigue bũremunerã ããrĩmã. David opũ ñajãdero pũrũguedere opanerã ããrĩmã.

⁴⁶ Marĩpũ Davire ĩgũ ĩũrõ õãrõ iridire usũyari merã ĩãdi ããrĩmĩ. Irasirigũ David Marĩpũre ãsũ ãrĩdi ããrĩmĩ: “Gũa ñekũ Jacob bũremudi ããrã mũ. Irasirigũ yũ mũrẽ wári wii mũ ããrĩburi wiire iribosasi”, ãrĩdi ããrĩmĩ. Ĩgũ irasiridũakeregũ, iri wiire iribiridi ããrĩmĩ.

⁴⁷ Ĩgũ magũ Salomón gapũ iri wiire iridi ããrĩmĩ pama.

⁴⁸ Irasirikeremakũ, Marĩpũ gapũ ããrĩpererãrẽ doregũ ããrĩsã, masaka iridea wiirigue dita ããrĩbemi. Iripoegue ĩgũya kerere weredupiyudi ãsũ ãrĩ gojadi ããrĩmĩ Marĩpũ ãrĩdeare gojagũ:

⁴⁹ Yũ, ããrĩpererã Opũ ããrã. Ñmũgasi yũ doaro irirosũ ããrã. I nikũ yaa guburi kũraña doanĩrõ irirosũ ããrã. Irasirirã, yũ ããrĩburi wiire irimasĩbea mũsã.

⁵⁰ Yũta ããrĩpererire iribũ, ãrĩmi Marĩpũ, ãrĩ gojasũdero ããrĩbũ.*

⁵¹ Esteban irasũ ãrĩ odo, ãsũ ãrĩ werenemoyupũ doja:

—Musā Marīpu dorerire tarinugāa. Īgūrē masīmerā irirosū Īgū wererire neō péduabea. Ōāgū deyomarīgū dorerire neō iridubea. Marī ñekūsāmarā iriderosūta iririkukōāa.

⁵² Īgūsā āārīpererā Marīpaya kerere weredupiyunerārē ñerō waamakū irinerā āārīmá. Gajirārē: “Jesús marīrē taubu, Marīpu doreri iribu aarigukumi”, ārī wererārē wējēnerā āārīmá. Īgūrēta Īgū ejadero puru, musā gapu ñeā, gajirārē wia wējēdorebu.

⁵³ Marīpu Īgūrē wereboerā merā Īgū dorerire marī ñekūsāmarārē píkeremakū, musā irire buro tarinugāa, ārī wereyupu Esteban oparārē.

Estebārē wējēdea

⁵⁴ Īgū irasū ārīmakū pérā, buro guari merā Īgūsāya guikare kūrīduútúnurā.

⁵⁵ Esteban gapu Ōāgū deyomarīgūrē opatariyupu. Ūmugasigue iāmu, Marīpu gosesiririre iāyupu. Marīpu diaye gapu Jesús nímakū iāyupu.

⁵⁶ Esteban Īgūrē iāgū: “Iāka!” ārīyupu. “Ūmugasi tūpāmakū iāa. Jesús āārīpererā tīgū Marīpu diaye gapu nímakū iāa yu”, ārīyupu oparārē.

⁵⁷⁻⁵⁸ Īgū irasū ārīmakū péduamerā, buro gaguiní, Īgūsāya gāmpūrīrē biañurā. Suro merā ūmawāgā, Īgūrē ñeā, iri makā turogue āññurā. Īgūsāya surí wekamarē túwea pí, sugu maamu Saulo wāikugure irire koredoreñurā. Odo, Estebārē ūtāyeri merā dea wējēñurā.

⁵⁹ Īgūsā irasirimakū, Esteban āsū ārī sērēyupu:

—Jesús yu Opu, yu kōmomakū, yaa yujupūrārē ñeāka! ārīyupu.

⁶⁰ Puru Īgūya ñadukupuri merā ejamejāja, buro gaguiní merā:

—Yu Opu, kātika, iīsārē yure Īgūsā irasiririre, ārīyupu. Irasū ārī, kōmoakōāyupu pama.

8

Saulo Jesúre buremurārē ñerō iridea

¹ Saulo Īgūsā Estebārē dea wējēmakū iāgū: “Ōārō irirā irasū yāma”, ārī gūñayupu. Irinata Jesúre buremumerā Īgūrē buremurārē Jerusalégue āārīrārē ñerō irinugāñurā. Irasirimakū iā, Jesúre buremurā gapu āārīpererā Judea nikūgue, Samaria nikūgue waasiriakōñurā. Jesús buedoregu beyenerā dita Jerusalégue dujañurā. Gajirogue waabiriñurā.

² Gajirā ūma Marīpure buremurā Estebāya dupure yáarā, buro ore bujawereñurā.

³ Saulo gapu neō sugu Jesúre buremugū marīkōāburo, ārīgū, Jesúre buremurāya wiirigue ñajāa, ūmarē, nomedere ñeā, peresu iribu āññayupu.

Felipe Samaria marārē buedea

⁴ Īgū irasirimakū, Jesúre buremurā Jerusalērē wirirā, noó Īgūsā waaró Marīpu masakare tauri kerere werenañurā.

⁵ Felipe wāikugu Samaria nikū āārīrī makāgue waa, irogu eja, iro marārē Jesucristoya kerere werenayupu.

⁶ Īgū iri kerere weremakū pérā, Īgū Marīpu turaro merā iri imumakū iārā, Īgū puro nerēñurā Īgū wererire ōārō pémurā.

⁷ Wārā wātēa ñajāsūnerārē tauyupu. Wātēa gapu Īgūsāguere āārīnerā buro gaguiní merā wiriñurā. Wārā dupu buarārē, waamasīmerādere tauyupu.

⁸ Irasirimakū iārā, iri makā marā buro usyañurā.

⁹ Iri makārē sugu Simón wāikugu yé āārīyupu. Īgū yoaripoe yéa iririkurire irigorenamakū iārā, Samaria marā iāgukanokōñurā. “Yu masītarinugāgū āārā”, ārī werenayupu Īgūsārē.

10 Irasirirã ããrĩpererã iri makã marã oparã, oparã ããrĩmerãde ìgũrẽ: “Ìĩ ãmũgasigue marã Opũ irirosũ turari opagũ ããrĩkumi”, ãrĩ gũñadiñurã.

11 Ìgũ sũo gapũ merã wãri yãa iririkũrire irimakũ ìãrã, wãrã masaka ìgũrẽ bũremuñurã.

12 Felipe gapũ Samaria marãrẽ: “Marĩpũ ããrĩpererã Opũ ããrĩmi. Ìgũ magũ Jesucristo marĩrẽ taugũ ããrĩmi”, ãrĩ wereyupũ. Ëma, nome, ìgũ wererire pé bũremumakũ ìãgũ, ìgũsãrẽ deko merã wãiyeyupũ.

13 Simõde Jesúre: “Bũremua yũ”, ãrĩmakũ pégũ, Felipe ìgũdere wãiyeyupũ. Pũrũ Felipe merã waagorenayupũ. Felipe Marĩpũ turaro merã iri ìmumakũ ìãgũ, ìãgũkanokõãyupũ.

14 Jesús buedoregũ beyenerã Jerusalégue ããrĩrã: “Samaria marã Marĩpũyare õãrõ bũremunũgãñurã”, ãrĩrĩ kerere pérã, Pedro, Juãrẽ ìãdorerã iriũñurã.

15 Irogue ejarã, Jesúre bũremurãrẽ Marĩpũre sërẽbosañurã, Õãgũ deyomarĩgũrẽ bokatĩrĩñeãburo, ãrĩrã.

16 Ìgũsã marĩ Opũ Jesúre bũremunũgãdero pũrũ, ìgũ wãĩ merã dita wãiyesũñurã. Õãgũ deyomarĩgũ ìgũsãrẽ ejabiriyupũ dapa.

17 Irasirirã Pedrosã ìgũsãya mojõrĩ merã Jesúre bũremunũgãnerãya dipu weka ñapeoñurã. Ìgũsã ñapeomakũ, Õãgũ deyomarĩgũ ìgũsãguere ejayupũ.

18 Pedrosã ñapeomakũ, Õãgũ deyomarĩgũ ejamakũ ìãgũ, Simón gapũ ìgũsã turarire gããmegũ, niyeru merã wajaridũadiyupũ. Æsũ ãrĩyupũ:

19 –Iri turarire sĩka yũdere! Yũ ñapeorãguere Õãgũ deyomarĩgũ ejamakũ iridũakoa, ãrĩyupũ.

20 Ìgũ irasũ ãrĩmakũ, Pedro ìgũrẽ yũjuyupũ:

–Mũ Marĩpũ turari sĩrĩrẽ: “Niyeru merã wajaridũakoa” ãrĩ gũñarĩ waja, mũya niyeru, mũ merãta béosũrokoa.

21 Marĩpũ ìũrõrẽ mũ gũñarĩ diaye ããrĩbea. Irasirigũ gũa irirosũ irimasĩbirikoa.

22-23 Mũ ñerõ iririre iripautariadi ããrã. Irasirigũ mũ ñerõ iririre bũjawere, mũ gũñarĩrẽ gorawayuka! Marĩpũre sërẽka, mũ ñerõ gũñarĩrẽ kãtiburo, ãrĩgũ. Gajipoe irigũ irire kãtibukumi mũ ìgũrẽ sërẽmakũ, ãrĩyupũ.

24 Irasũ ãrĩmakũ pégũ, Simón ìgũsãrẽ ãrĩyupũ:

–Mũsã Marĩpũre sërẽbosaka, yũre mũsã ãrãdea waabirikõãburo, ãrĩrã, ãrĩyupũ.

25 Pedrosã, Jesús irimakũ ìãdeare, ìgũ buemakũ pédeare iri makã marãrẽ were odo, Jerusalégue goedujãañurã. Goedujãarã, wãrã masakare Samaria nikũ ããrĩrĩ makãrĩ marãdere Jesúya kerere werewãgãñurã.

Felipe Etiopíamũrẽ weredea

26 Pũrũ sugũ Marĩpũre wereboegũ Felipere ãsũ ãrĩyupũ:

–Jerusalén merã ããrĩnũgãwãgãrĩ maa, Gaza wãikũri makã buari maague waaka! Iri maa masaka marĩrõgue ããrĩwãgãa, ãrĩyupũ.

27 Ìgũ irasũ ãrĩmakũ pé, Felipe iri maague buagũ, sugũ Etiopíamũrẽ boka-jayupũ. Ìgũ iri nikũ marã opo dokamũ, ããrĩpereri igoya niyerure korerimasũ ããrĩyupũ. Ìgũ Jerusalégue Marĩpũre bũremugũ ejadi ããrĩyupũ.

28 Irogue ejadi ìgũya nikũgue goedujãagũ, ìgũya tũrũdiru caballua tũãdiru wekague doagũ, Isaías Marĩpũya kerere weredupiyudi gojãdea pũrẽ buegũ iriyupũ.

29 Ìgũ bueripoe Õãgũ deyomarĩgũ Felipere:

–Iri pũroweya waaka! ãrĩyupũ.

³⁰ Īgũ irasũ ãrĩmakũ pé, Felipe iriru pũro ũmawãgã, Etiopíamũ Isaías gojadea pũrẽ buemakũ péyupũ. Īgũ irire buemakũ pégu:

—¿Mũ buerire pémasĩrĩ? ãrĩ sērēñayupũ.

³¹ Īgũ gapũ yũjũyupũ:

—¿Nasiri pémasĩbukuri, yũ gajigũ yũre i irasũ ãrĩduaro yáa, ãrĩgũ marĩkeremakũ? Mũrĩñajãka, irire yũre buebu, ãrĩyupũ Felipere.

³² Īgũ bueri ãsũ ãrĩyuro:

Ovejare ñeã wějēderosũta ĩgũdere ñeã wějērãkuma. Oveja majĩgũrẽ ĩgũya poarire ĩgũsã peramakũ, ĩgũ gaguinĩbiriderosũta ĩĩ masakũde gaguinĩbirikumi.

³³ Masaka ĩgũrẽ bũridarãkuma. Īgũ ñerõ iribirikeremakũ, neõ sugũ ĩgũrẽ: “Waja opabemi”, ãrĩbirikuma.

Irasirirã, ĩgũ i nikũgue ããrĩripoe ĩgũya nikũ marã ĩgũrẽ ñerõ iri, wějērãkuma. ĩgũsã ñerõ irideare neõ sugũ werepeomasĩbirikumi, ãrĩ gojadea ããrĩyuro.*

³⁴ Irire bue odo, Felipere sērēñayupũ:

—Wereka yũre! ¿Noãrẽ gojagũ iriyuri Isaías, ĩgũ basi, o gajigũguere?

³⁵ Felipe ãsũ ãrĩ yũjũyupũ ĩgũrẽ:

—Iri Jesúre ãrĩ gojadea ããrã, ãrĩyupũ. Irasirigũ Jesúyare ĩgũ õãrõ iridea kerere wereyupũ ĩgũrẽ.

³⁶ Irasũ wereníwãgãrã, ditarugue ejañurã. Iri ditarure ĩãgũ, Etiopíamũ Felipere:

—Ĩãka! Deko ããrã. ¿Mũ yũre wãiyemakũ õãgorabukuri? ãrĩyupũ.

³⁷ Felipe gapũ ĩgũrẽ:

—Mũ Jesucristore õãrõ bũremumakũ, mũrẽ deko merã wãiyegũra, ãrĩyupũ. Etiopíamũ ĩgũrẽ ãrĩyupũ doja:

—Jesucristore bũremua yũ. ĩgũta Marĩpũ magũ ããrĩmi, ãrĩyupũ.

³⁸ Irasirigũ Etiopíamũ ĩgũya tũrũdiru wejatugũre dujupĩdore, ĩgũsã pẽrã dijinũgã, ditarugue ñumuwija, Felipe ĩgũrẽ deko merã wãiyeyupũ.

³⁹ ĩgũrẽ wãiyee odo, ñumuwãgãriripoe gũñaña marĩrõ merã Ōãgũ deyomarĩgũ Felipere gajirogue ãĩãkõãyupũ. Etiopíamũ ĩgũrẽ dupaturi ĩãnemobirikeregũ, ĩgũrẽ waadeare gũña, bũro ñũyari merã ĩgũya makãgue dujãakõãyupũ.

⁴⁰ Felipe gapũ Ōãgũ deyomarĩgũ ĩgũrẽ ãĩadero pũrũ, Azote wãĩkũri makãgue ejayupũ. Irogue eja, makãrĩkũ Jesúya kerere weregorenagũ, Cesarea wãĩkũri makãgue weretũnujayupũ.

9

Saulo Jesúre bũremunũgãdea (Hch 22.6-16; 26.12-18)

¹ Felipe buegorenaripoe Saulo gapũ Jesúre bũremurãrẽ ĩãturigũ: “Wějēpeokõãgũra”, ãrĩrĩrẽ piribirisĩã, paía opũ pũroque waa, ãsũ ãrĩyupũ:

²—Yũre papera pũ ãmubosaka, Damascogue waaburire. Iri pũrẽ marĩ nerẽrĩ wiiri marã oparãrẽ wiabu yáa. Iri makã marã Jesúre bũremurãrẽ ũma, nomerẽ, noó yũ bokajarãrẽ ñeã ãĩrigũra Jerusalẽgue peresu iribu, ãrĩ sērēyupũ Saulo paía opũre.

³ Iri pũrẽ sĩadero pũrũ, Saulo gajirã merã Damascogue waakõãyupũ. ĩgũ iri makã ejabu iriripoe gũñaña marĩrõ ãmũgasigue merã bũro kũmijũrõ ĩgũ pũrore gosesiridijuyuro.

⁴ Irasũ waamakũ, Saulo yebague meémejãgũ, ãsũ ãrĩ werenĩmakũ péyupũ:

* 8:33 Is 53.7-8

—Saulo, ¿nasirigu yure ñerō yári mu?

⁵ Ìgũ irasũ arĩmakũ pégu: “¿Noã ããrĩrĩ mu?” arĩyupũ.

—Yũ Opũ, mu ñerō iriguta ããrã. Mu yure ñerō irigu, mu basita ñerō yáa, arĩyupũ.

⁶ Ìgũ irasũ arĩmakũ, Saulo buro güi naradari merã:

—Yũ Opũ, ¿naásũpero gapũ yũ irimakũ gããmerĩ? arĩyupũ.

Ìgũ irasũ arĩmakũ, Ìgũrẽ:

—Wãgãñugã, makãgue waaka! Irogue sugũ yũ murẽ iridoreburire weregukumi, arĩyupũ Jesús Saulore.

⁷ Saulo merã waanerãde Jesús werenírĩrẽ pérã gũka, werenímasĩbiriñurã. Irire pékererã, Jesús gapũre neō ããbiriñurã.

⁸ Saulo yebague oyadi wãgãñugãja, ããpãgũ, neō ããbiriñurã. Irasirirã Ìgũ merãmarã Ìgũrẽ tũãwãgãñurã Damascogue waarã.

⁹ Irogue eja, ãrenũgora koye ããbiri, neō baabiri, iirĩbiri iriyupũ.

¹⁰ Damascoguere sugũ Jesúre buremugũ Ananías wãikũgũ ããrĩyupũ. Kërō irirosũgue Jesús Ìgũrẽ wereníyupũ:

—¿Ananías, ããrĩrĩ mu?

—Yũ Opũ, õõta ããrã, arĩ yũjũyupũ.

¹¹ Ìgũ irasũ arĩmakũ, Jesús Ìgũrẽ:

—Wãgãñugãka! “Diyema maa” wãikũri maague waaka! Iri maague waagũ, Judaya wiigue ñajãa, sugũ Tarsomurẽ Saulo wãikũgũre sërẽñaka! Dapagorare Ìgũ yure sërẽgũ yãmi.

¹² Ìgũdere neãgue kërō irirosũ ããrĩrĩ merã Ìmuabu. Mu Ìgũ puero ñajãa, Ìgũya dipurure ñapeori merã dupaturi Ìgũya koye ããburire Ìmuabu. Mu wãidere Ìmuabu Ìgũrẽ, arĩyupũ Jesús Ananíare.

¹³ Ìgũ irasũ arĩmakũ pégu, ãsũ arĩyupũ:

—Yũ Opũ, Ìgũ murẽ buremurãrẽ Jerusalẽgue ããrĩrãrẽ ñerō iriadeare wãrã masaka yure wereama.

¹⁴ I makã marãdere murẽ buremurãrẽ ããrĩpererã mu wãĩ merã Marĩpuere sërẽrãrẽ peresu iribu, paía oparã: “Ásũ irika!” arĩ iriuadea pũ merã ejáayupũ, arĩ wereyupũ.

¹⁵ Ìgũ irasũ arĩkeremakũ, Jesús gapũ:

—Ìgũ purogue waaka! Ìgũ yũ beyesũdi ããrĩmi. Irasirigu yaa kerere gaji nikũ marãrẽ, Ìgũsã oparãrẽ, Israel bumarãdere weregukumi.

¹⁶ Irire weregorenagũ, buro ñerō tarigukumi. Yũ basi Ìgũrẽ weregũra, arĩyupũ.

¹⁷ Ìgũ irasũ arĩmakũ pé, Ananías Judaya wiigue waa, iri wiigue ñajãa, Saulore bokaja, Ìgũya dipurure ñapeo, ãsũ arĩyupũ:

—Yaagũ Saulo, péka yure! Marĩ Opũ Jesúta murẽ maague deyoadi yure iriuami, murẽ dupaturi koye ããburo, arĩgũ. Õãgũ deyomarĩgũdere opatariburo, arĩgũ, iriuami, arĩyupũ.

¹⁸ Ìgũ irasũ arĩripoeta Sauloya koyeguere waaĩ nutũrĩ irirosũ deyori tuyadea yurisiridijakõãyuro. Õãrõ ããkõãyupũ doja. Irasirigu wãgãñugã, deko merã wãiyesũadi dujayupũ.

¹⁹ Pũrũ baa, turakõãyupũ. Iri makãguere yoaweyaripoe Jesúre buremurã merã dujayupũ dapa.

Saulo Damasco marãrẽ Jesúyare buenũgãdea

²⁰ Iro ããrĩgũ, judío masaka nerẽrĩ wiirigue waa, irogue ããrĩrãrẽ: “Jesús, Marĩpu magũ ããrĩmi”, arĩ werenayupũ.

21 Īgū weremakū pérā, āārīpererā péguka, ĩgūsā basi āsū ārī gāme werenĩñurā:

—Ī Jerusalēgue Jesúre b̄remurārē ĩgū wāi merā Marĩp̄re s̄ērērārē w̄jēdoredita āārĩmi. Dapagorare i makāguedere ōō marārē Jesúre b̄remurārē ñeāgū aarigú iriañumi Jerusalēgue āia, paía oparāguere wiabu, ārĩñurā.

22 Īgūsā irasū ārĩkeremakū, Saulo gap̄ ūmarik̄u judío masakare, Damascogue āārĩrārē gūiro marĩrō ōārō merā: “Jesús diayeta Marĩp̄u iriudi, Cristo āārĩmi”, ārī werenayup̄u. Īgū irasū ārī weremakū pérā, ĩgūrē: “Ārĩkatogu yāmi ĩ”, ārĩmasĩbiriñurā.

Saulo judío masakare duriwāgādea

23 Yoadero p̄u, surāyeri judío masaka Saulore ĩgūsā w̄jēburire werenĩmurā nerēñurā.

24 Irasirirā ūmarik̄u, ñamirik̄u makā turo ĩgūsā ūtā koeri merā weadea sārĩrō makāp̄urore koreñañurā ĩgūrē w̄jēduarā. Saulo gap̄u ĩgūsā ĩgūrē w̄jēduarire masĩkōāyup̄u.

25 Irasirirā su ñami Jesúre b̄remurā wári puui merā ĩgūrē iri sārĩrōma gobegue yótaudijuñurā. Āsū irisĩā, Saulo iri makārē wiriyup̄u.

Saulo Jerusalēgue goedujáadea

26 P̄u Jerusalēgue goedujayup̄u doja. Irogue ejaḡu, Jesúre b̄remurā merā āārĩduadiyup̄u. ĩgūsā gap̄u ĩgūrē gūigorañurā. “Jesúre b̄remugū āārĩbemi ĩ”, ārĩñurā.

27 ĩgūsā irasirimakū ĩāgū, Bernabé gap̄u Saulore Jesús buedoreḡu beyenerā p̄uro āiayup̄u. Irogue eja, ĩgūsārē Saulo maague waagú ĩgū Jesúre ĩādeare, Jesús ĩgū merā wereniādeare, ĩgū Damascogue Jesúya kerere gūiro marĩrō merā wereadeadere ĩgūsārē wereyup̄u.

28-29 ĩgū irasū ārī wereadero p̄uru, Saulo ĩgūsā merā āārĩñugāyup̄u. Irasirigu ĩgūsā merā Jerusalēgue gūiro marĩrō marĩ Op̄u Jesúya kerere weregorenayup̄u. Iri kerere weregorenagū, surāyeri judío masaka, griego ya merā werenirārē were, ĩgūsā merā gāme wereniyup̄u. ĩgūsā gap̄u ĩgū wererire péduabirisĩā, ĩgūrē w̄jēduadiñurā.

30 Irasirirā ĩgūsā w̄jēduamakū ĩārā, Jesúre b̄remurā gap̄u ĩgūrē Cesarea wāik̄uri makāgue āia, irogue eja, ĩgūya makā Tarsogue iriukōāñurā pama.

31 ĩgū irogue waadero p̄uru, āārīpererā Jesúre b̄remurā Judea marā, Galilea marā, Samaria marā siñajārĩ merā dujañurā. Ōāgū deyomarĩgū iritamurō merā b̄remunemoñurā. Jesúyare goepeyari merā irit̄yañurā. Gajirā wárā ĩgūrē b̄remunugāñurā.

Pedro Enearē taudea

32 Pedro āārīpereri makārĩ marārē Jesúre b̄remurārē ĩāgorenagū waagú, Lida wāik̄uri makāguedere ejayup̄u.

33 Irogue eja, suḡu Eneas wāik̄uḡure bokajayup̄u. Su mojōma pere gaji mojō ureru p̄ērēbejari bojorigora ĩgūya wiiguere d̄p̄u b̄hadi peyayup̄u.

34 Pedro ĩgūrē ārĩyup̄u:

—Eneas, Jesucristo m̄rē tauḡukumi. Wāgāñugā, m̄u peyaderore āmu durip̄ika!

Īgū irasū ārĩmakūta, Eneas wāgāñugākōāyup̄u.

35 Āārīpererā Lida marā, Sarón marāde ĩgūrē ĩārā, iripoegue ĩgūsā b̄remunadeare piri, Jesús gap̄ure b̄remunugāñurā.

Pedro Dorcare masūdea

³⁶ Gaji makã Jope wãikuri makãgue sugo nomeõ Jesúre buremugõ “Tabita” wãikugo ããrĩyupo. Griego ya merã “Dorcas” wãikuyupo. Igo õãrĩrẽ irigo, boporãrẽ õãrõ iritamugõ ããrĩyupo.

³⁷ Iripoere Pedro Lidague ããrĩripoe igo pũrĩriku kõmoakõãyupo. Igo kõmoadero pũrũ, ìgũsã irinaderosũta igo merãmarã igoya dupũ darore koeñurã. Koe odo, ãmarõma taribugue píñurã.

³⁸ Jope, Lida pũrogã ããrĩyuro. Irasirirã Jope marã Jesúre buremurã Pedro Lidague ããrĩmakũ pérã, ãma pẽrãrẽ ìgũ pũrogue iriuñurã. Irogue ejarã, ìgũrẽ: —Mumurõ merã Jopegue waaka! ãrĩñurã.

³⁹ ìgũsã irasũ ãrĩmakũ pégu, mata Pedro ìgũsã merã Jopegue waayupũ. Irogue ejarã, ìgũrẽ Dorcas boadeo peyari taribugue siiu mũrĩñurã. ìgũ iri taribugue ejamakũ, wapiweyarã nome Pedro pũro nerẽnugãjañurã. Orerãta, igo ìgũsãrẽ suri eabosadeare ìmuñurã ìgũrẽ.

⁴⁰ Pedro iri taribugue ããrĩrãrẽ ããrĩpererãrẽ wiriadoreyupũ. ìgũsã wiriadero pũrũ, ñadukũpuri merã ejamejãja, Marĩpũre sërẽyupũ. Sërẽ odo, boadeore gãmenugã ìã:

—Tabita, wãgãnugãka! ãrĩyupũ.

Ìgũ irasũ ãrĩmakũta, koye ìãpã, Pedrorẽ ìãgõta wãgãdoayupo.

⁴¹ Pedro igoya mojõgue ñeã, tũãwãgũnú, pũrũ wapiweyarã nomerẽ gajirã Jesúre buremurãdere siiumu, ìgũsãrẽ wiayupũ igore.

⁴² ããrĩpererã Jope marã igore ìgũ masũadea kerere péperekõãñurã. Irasirirã wárã Jesúre buremunugãñurã.

⁴³ Pedro yoaripoe Jopeguere sugũ Simón wãikũgũ, waimurã gasirire ãmurĩmasũya wiigue ããrĩyupũ.

10

Cornelio Pedrorẽ siudoredea

¹ Cesareaguere Cornelio wãikũgũ wárã surara, “Italiano” wãikuri bumarã opũ ããrĩyupũ.

² Cornelio, ããrĩpererã ìgũya wii marã merã Marĩpũre goepeyari merã buremuñurã. Irasirigũ judío masaka boporãrẽ iritamugũ wári niyeru sĩnayupũ. Ëmũrikũ Marĩpũre sërẽnayupũ.

³ Sunũ ñamika tres ããrĩmakũ, kërõ irirosũgue sugũ Marĩpũre wereboegu deyoa, ìgũ pũro ñajãmakũ ìãyupũ. Ñajãa, ìgũrẽ:

—Cornelio, ãrĩyupũ.

⁴ Cornelio bũro gũiri merã ìgũ ditare ìã:

—Yũ Opũ, ¿ñeéonorẽ gããmerĩ? ãrĩyupũ.

Ìgũ irasũ ãrĩmakũ, Marĩpũre wereboegu ìgũrẽ ãrĩyupũ:

—Marĩpũ mũ sërẽrĩrẽ pémi. Mũ boporãrẽ niyeru sĩrĩdere ìãmi.

⁵ Irasirigũ Simón Pedro wãikũgũre siudoregũ, Jopegue iriuka mũyarã ãmarẽ!

⁶ ìgũ gajigũ Simón wãikũgũ waimurã gasirire ãmurĩmasũya wiigue ããrĩmi. Iri wii wádiya tũro ããrã, ãrĩyupũ.

⁷ Marĩpũre wereboegu irasũ ãrĩ odo, waadero pũrũ, Cornelio ìgũrẽ moãboerã pẽrãrẽ, gajigũ surara ìgũrẽ iritamugũrẽ Marĩpũre goepeyari merã buremugũrẽ siiuyupũ.

⁸ ìgũsãrẽ siiu, ããrĩpereri Marĩpũre wereboegu ìgũrẽ wereadeare wereyupũ. Were odo, ìgũsãrẽ Jopegue iriukõãyupũ.

⁹ ìgũsã waadeanũ gajinũ gapũ goeripoe ããrĩmakũ, Jopegue ejamurã iriripoe Pedro ìgũ ããrĩrĩ wii wekague Marĩpũre sërẽgũ mũrĩayupũ.

¹⁰ Īgū irogue āārīgū buro uaboa, baaduadiyupu. Iri wii marā Īgūsā baari āmuripoe kērō irirosū waasū, ūmugasi tūpāmakū Īāyupu.

¹¹ Irasū tūpāmakū, suñe suríro irirosū deyori gasiro wapikuri turori suadea gasiro miē, yebague dijarimakū Īāyupu.

¹² Iri gasiro poekaguere āārīpererā waimurā: paárā, yebague sīgūwāgārā, wūrā sāñañurā.

¹³ Marīpu Īgūrē:

—Pedro, wāgānugā, ĩsārē wējē baaka! ārīyupu.

¹⁴ Īgū irasū ārīmakū:

—Yu Opu, yu Īgūsānorē neō baañabea. Ñerārē, mu guare baadorebirinerārē neō baabea, ārīyupu.

¹⁵ Marīpu Īgūrē dupaturi ārīnemoyupu doja:

—Yu: “Ōārā āārīma”, ārīrārē, Īgūsārē: “Ñerā, baaya marīrā āārīma”, ārībirikōāka!

¹⁶ Ūrea Īgūrē irire ĩmuadero puru, iri gasirore ūmugasigue āimurīākōāyupu doja.

¹⁷ Pedro: “¿Naásū ārīduaro irikuri iri yure ĩmuadea?” ārī gūñarikipoe Cornelio iriuanerā Īgū āārīrī wii makāpuro: “¿Simōya wii noógue āārīrī?” ārī sērēñarā ejañurā.

¹⁸ Irogue eja, iri wii marārē: “¿Ōōta āārīrī, Simón Pedro wāikugu?” ārī oeñurā.

¹⁹ Pedro Īgū ĩādeare gūñagū iriyupu dapa. Īgū irire gūñaripoe Ōāgū dey-omarīgū Īgūrē:

—Īāka! Ūma urerā āmarā yāma murē.

²⁰ Murīgora dijapurumuka! “¿Naásū waarokuri yure?” ārī, neō gūñarikuro marīrō Īgūsā merā waaka! Yu Īgūsārē iriuabu murē, ārīyupu Pedrore.

²¹ Īgū irasū ārīmakū pégu, Pedro dija, Īgūsārē:

—Yuta āārā musā āmagú. ¿Nasirirā aarari? ārīyupu.

²² Īgūsā Īgūrē ārīñurā:

—Surara opu Cornelio wāikugu guare iriuami. Īgū ōārīrē irigu, Marīpure gopeyari merā buremugū āārīmi. Āārīpererā judío masaka Īgūrē: “Ōāgū āārīmi”, ārī ĩāma. Sugu Marīpure wereboegu murē Īgūya wiigue waadoregu siiudoreayupu. Mu Īgū puro waamakū, mu wererire pégukumi. Irasirirā murē siiurā aarirā iriabu, ārīñurā.

²³ Īgūsā irasū ārīmakū pégu, Pedro: “Ñajārīka! Ōō kārīka dapagā ñamirē!” ārīyupu. Gajinu gapu Īgūsā merā waakōāyupu. Gajirāde Jope marā Jesúre buremurā Īgūsā merā wapikuwāgāñurā.

²⁴ Gajinu gapu Cesareaguere ejañurā. Cornelio gapu, Īgūyarārē, Īgū merāmarādere Īgūya wiigue siiu neeō, Pedrore yūyupu.

²⁵ Pedro Īgūya wii ejamakū, Cornelio makāpurogue bokatīrīgū wiria, ñadukupuri merā ejamejāyupu Īgūrē buremugū.

²⁶ Īgū irasirimakū ĩā, Pedro gapu Īgūrē tūāwāgūnú:

—Wāgānugāka! Yude mu irirosūta masaku āārā, ārīyupu.

²⁷ Īgūya wiigue weretamu ñajārā, Pedro wārā masaka irogue nerēanerārē bokajayupu.

²⁸ Irasū bokajagu, Īgūsārē ārīyupu:

—Gua judío masaka āārīrā, judío masaka āārīmerāya wiiriguere ñajārā, Moisés guare pídeare tarinugābukoa. Musā irire ōārō masā. Marīpu gapu gajī bumarārē: “Ñerā āārīma”, ārīdorebirami yure.

29 Irasirigu mu iriuanerã yure siiurimakũ, “Waabea”, ãrĩrõ marĩrõ mata aarabu. Dapagora yu õõgue ejasĩã, musãrẽ: “¿Nasiribu yure siiuari?” ãrĩ sërẽñaduakoa, ãrĩyupu.

30 Cornelio ãgũrẽ ãrĩyupu:

—Wapikurinu taria i horanota tres ããrĩmakũ, i wii yu bere, Marĩpure sërẽripoe gũñaña marĩrõ sugu ãmu surĩro buro goseriñe sãñagũ deyoa:

31 “Cornelio, Marĩpu mu sërẽrĩrẽ pémi. Mu boporãrẽ iritamurĩdere ããmi”, ããmi yure.

32 “Muyarã ãmarẽ iriuka, Jopegue Simón Pedro wãikugure siiudoregu. ãgũ gajigu Simón wãikugu waimurã gasirire ãmugũya wiigwe wãdiya turo ããrĩrĩ wiigwe ããrĩmi. ãgũ mu puro ejagu, marẽ weregukumi”, ãrĩ weremi yure.

33 Irasirigu mata yaarã ãmarẽ murẽ siiudoregu iriubu. Irasirigu mu guu puro õãrõ aarayo. Marĩ ããrĩpererã õõrẽ Marĩpu iũrõ ããrã. Irasirirã ããrĩpereri murẽ Marĩpu weredorerire mu guare weremakũ péduakoa, ãrĩyupu Cornelio Pedrorẽ.

Pedro Cornelioya wii ããrĩrãrẽ weredeã

34 ãgũ irasũ ããrĩmakũ pégu, Pedro ãsũ ãrĩ werenugãyupu ãgũsãrẽ:

—Yu dapagoragueta pémasã. Diayeta ããrã. Marĩpu marĩ ããrĩpererãrẽ surosũ ããmi.

35 Irasirigu ããrĩpereri bumarã ãgũrẽ buremu, õãrĩrẽ irirãnorẽ ããbéobirikumi.

36 Marĩpu ãgũya kerere judío masakare pídi ããrĩmĩ. “Jesucristo merã siñajãrĩ bokarãkuma”, ããrĩdi ããrĩmĩ. ãgũta ããrĩpererã Opu ããrĩmĩ.

37 ããrĩpereri guu judío masaka ããrĩrĩ nikũgue waadeare õãrõ masĩkoa musã. Juan masakare bue, ãgũsãrẽ deko merã wãiyemi. ãgũ irasiriadero puru, Jesús Galileague buenugãmi.

38 Idere masĩkoa musã. ã Jesús Nazaretmurẽ Marĩpu Õãgũ deyomarĩgũ merã ãgũrẽ turarire sídi ããrĩmĩ. Marĩpu ãgũ merã ããrĩnĩkõãdi ããrĩmĩ. Irasirigu Jesús masakare õãrĩrẽ irigorenami. Noó ãgũ waaró ããrĩpererã wãtĩ doreri irirãrẽ taumi.

39 Guu judío masaka ããrĩrĩ nikũgue Jerusalẽguedere ããrĩpereri ãgũ irideare ããbu. Irogue ãgũrẽ curusague pábiatú wẽjẽma.

40 ãgũsã wẽjẽkeremakũ, urenu waaró merã Marĩpu gapu ãgũrẽ masũkõãdi ããrĩmĩ. ãgũrẽ masũ, puru guare deyoamakũ irimi, ãgũ dupaturi okarire masĩburo, ããrĩgũ.

41 Jesús ããrĩpererã masakare deyoabiridi ããrĩmĩ. Guu ditare deyoami. ãgũ deyoamakũ, guu ãgũ merã baa, iirĩbu. Iripoegueta Marĩpu guare beyedi ããrĩmĩ, Jesúsre ãgũ masũadire ããmurãrẽ.

42 Marĩpu Jesúsreta masaka ããrĩpererã okarãrẽ, boanerãdere: “Õãrãrẽ taugũkoa, ñerã gapure wajamoãgũkoa!” ãrĩ beyebure pídi ããrĩmĩ. Irire masakare weredoremi guare Jesús.

43 ããrĩpererã Jesúsre buremurãrẽ Marĩpu ãgũsã ñerõ irideare kãtigukumi, ããrĩrĩrẽ gojanerã ããrĩmã ããrĩpererã Marĩpuya kerere weredupiyunerã, ãrĩ wereyupu Pedro Cornelioya wii nerẽanerãrẽ.

Judío masaka ããrĩmerãde Õãgũ deyomarĩgũrẽ opanugãdea

44 Pedro werenĩrĩrẽ pérãguere Õãgũ deyomarĩgũ dijjayupu.

45-46 ãgũ ejadero puru, ãgũsã gajirã ya merã werenĩmasĩbirideare werenĩnugã, usuyari merã Marĩpure: “Õãtarigu ããrã mu”, ãrĩ buremuñurã. ãgũsã irasũ ããrĩmakũ pérã, Pedro merã irogue ejanerã judío masaka Jesúsre

buremurã pégukakõãñurã. “Marĩpu Õãgũ deyomarĩgũrẽ iriumi judío masaka ããrĩmerãdere”, ãrĩñurã.

⁴⁷ Irasirigu Pedro ïgũ merãmarãrẽ ãrĩyupu:

—Marĩpu Õãgũ deyomarĩgũrẽ marĩ judío masakare iriuderosũta ïĩsãdere iriumi. Irasirirã ïgũsã Õãgũ deyomarĩgũrẽ opamakũ ïãrã, marĩ ïgũsãrẽ deko merã wãiyebirikõãrã, ãrĩmasĩña máa.

⁴⁸ Irasirirã: “Musã Jesucristore buremurã ïgũyarã ããrã”, ãrĩ wãiyeka ïgũsãrẽ! ãrĩ wereyupu Pedro ïgũ merãmarãrẽ.

Ïgũsãrẽ wãiyeadero puꝛꝛ, Pedrosãrẽ: “Yoaweyaripoe dujaka gũa merã dapa!” ãrĩñurã.

11

Pedro Jerusalén marãrẽ Jesúre buremurãrẽ weredea

¹ Jesús buedoregũ beyenerã, gajirã ïgũrẽ buremurã Judeague ããrĩrã: “Judío masaka ããrĩmerãde Marĩpuare buremuma”, ãrĩrĩ kerere péñurã.

² Pedro Cesareague ããrãdi Jerusalégue dujajamakũ ïãrã, iro marã judío masaka Jesúre buremurã ïgũrẽ ãsũ ãrĩ werewũa, sãrẽñañurã:

³ —¿Nasirigu judío masakũ ããrĩkeregũ, judío masaka ããrĩmerãya wiigue ñajãa, ïgũsã merã baáari?

⁴ Ïgũsã irasũ ãrĩmakũ, Pedro ããrĩpereri ïgũrẽ iroque waadeare ãsũ ãrĩ wereyupu:

⁵ —Yũ Jopegue ããrĩgũ, Marĩpũre sãrĩripoe kãrõ irirosũ waabũ yũre. Æmũgasigue suñe surĩro irirosũ deyori gasiro wapikũri tũrori suadea gasiro miẽ, yũ puꝛo dijarimakũ ïãbũ.

⁶ Yũ iri gasiro poekaguere: “¿Ñeeno ããrĩrĩ?” ãrĩ, õãrõ ïãgũ, ããrĩpererã waimũrã: paárã, makãñũ marã, yebague sĩgũwãgãrã, wũrã sãñamakũ ïãbũ.

⁷ Yũ ïgũsãrẽ ïãnrĩpoe Marĩpu yũre: “Pedro, wãgãnũgãka! Ïgũsãrẽ wẽjẽ baaka!” ãrĩmakũ pãbũ.

⁸ Yũ gapũ ïgũrẽ yũjũbũ: “Baabea yũ Opũ. Gajirã waimũrã gũa judío masaka baaya marĩrã ããrĩma. Neõ suñarõ ïgũsãnorẽ baañabi ããrĩkubũ”, ãrĩbũ ïgũrẽ.

⁹ Yũ irasũ ãrĩmakũ, Marĩpu ãmũgasigue ããrĩgũ dupaturi ãrĩmi doja: “Yũ baadorerãrẽ: ‘Baaya marĩrã ããrĩma’”, ãrĩbirikõaka! ãrĩmi yũre.

¹⁰ Ærea ïgũ irire ïmuadero puꝛũ, iri gasirore ããrĩpererã merã ãmũgasigue ãĩmũrĩãkõãmi doja.

¹¹ Irasiriripoeta urerã ãma Cesarea marã yũre siiudorerã iriuanerã yũ ããrĩrĩ wiiguere ejama.

¹² Õãgũ deyomarĩgũ yũre: “‘Ïgũsã judío masaka ããrĩmerã merã waabea’, ãrĩ gũñabita waaka!” ãrĩmi. Irasirigu yũ Jope marã Jesúre buremurã su mojõma pere gaji mojõ suru pãrẽbejarã merã waa, Cesareaguere eja, gũa ããrĩpererã Cornelioya wiigue ñajãbũ.

¹³ Gũa iro ñajãjamakũ, Cornelio gũare: “Sugũ Marĩpũre wereboegũ yaa wii ñajãjamakũ ïãbũ. Ïgũ yũre: ‘Jopegue ãma mũyarãrẽ iriuka, Simón Pedro wãĩkũgũre siiudoregũ!’ ãrĩmi”, ãrĩ weremi.

¹⁴ “‘Ïgũ mũrẽ Marĩpuare weremakũ buremugũ, mũ, mũyarã ããrĩpererã õãrõ tarirãkoa. Æmũgasiguere Marĩpu merã õãrõ mũyari bokarãkoa’, ãrĩ weremi yũre Marĩpũre wereboegũ”, ãrĩmi Cornelio.

¹⁵ Irasirigu yũ ïgũsãrẽ werenũgãripoe Õãgũ deyomarĩgũ marĩrẽ neõgora ïgũ dijjaderosũta ïgũsãguere dijjami.

16 Irasirimakū ãġġ, Jesús ārġdeare ġñġabokabġ. Ąsġta ārġmi: “Juan mġsārġ deko merā wāġyedi āārġmġ. Yġ ġapġ mġsārġ Ōāġġ deyomarġġġ merā wāġyegġkoā, ġġ mġsā merā āārġñġkōāburo, ārġġ”.

17 Marġpġ marġrġ iriuderosġta Ōāġġ deyomarġġġrġ iriumi, judġo masaka āārġmerādere, marġ Opġ Jesucristore ġġsā bġremumakū. ġġ irasirimakū ãġġ, Marġpġre: “Irasiribirġkōāka ġġsārġ!” ārġmasġbirġbġ yġ, ārġ wereyupġ Pedro iro āārġrārġ.

18 ġġ wereadero pġrġ, toeperea:

–Marġpġ judġo masaka āārġmerādere ġġsā ñerō irideare bġjawere, piri-doremi, ġġsāde šmġġasġgue ġġ merā ōārō šsġyari bokaburo, ārġġ, ārġ, šsġyari sġñurā Marġpġre.

Antioquía marā Jesúre bġremudea

19 Estebārġ wġġġadero pġrġ, Jesúre bġremurārġ ñerō iriñurā. Irasirirā surāyeri Feniciague, ġajirā Chipre ñġġrōġue, ġajirā Antioquġague duriwāġñurā. ġġsā iroġue ejarā, Jesúya kerere wereñurā judġo masaka ditare.

20 Surāyeri Jesúre bġremurā Chipre marā, Cirene marā āārġñurā. ġġsā Antioquġague eja, judġo masaka āārġmerārġ Jesúya kerere wereñurā. “Jesús, marġrġ taġġ, āārġpererā Opġ āārġmi”, ārġ wereñurā ġġsārġ.

21 Marġpġ irasġ ārġ wererārġ ōārō iritamuyupġ. Irasirirā ġġsā weremakū pérā, iro marā wārā Jesúre bġremunġġñurā. ġġsā dupiyuro bġremudeare pirġkōāñurā.

22 “ġġsāde Jesúre bġremuma”, ārġrġ kerere pérā, Jerusalén marā Jesúre bġremurā Bernabġre Antioquġague iriunurā: “¿Naāsġ waāari?” ārġ ãġġ waaka!” ārġrā.

23 Irasirġġ iroġue eja, Marġpġ ġġsārġ ġġ iritamuadeare ġā, bġro šsġyari merā:

–Marġ Opġ Jesúre ōārō bġremunġka! ġġrġ bġremurġrġ neō piribirġkōāka! ārġ wereyupġ ġġsārġ.

24 Bernabġ Ōāġġ deyomarġġġrġ opatarġġ, ōāġġ, Jesúre ōārō bġremugā āārġyupġ. Irasirirā ġġ weremakū pérā, wārā masaka Jesúre bġremunurā.

25 Pġrġ Bernabġ Antioquġague āārādi Saulore Tarsogġ āārġġrġ āmagġ waayupġ.

26 ġġrġ bokaja, ġġsā pġrāġueta Antioquġague ġoedujaja, Jesúre bġremurā merā su bojorigora iri makāġuere āārġñurā. Iroġuere wārā masakare Jesúyare bueñurā. Iripoe merāta iro marārġ Jesúre bġremurārġ: “Cristoyarā, Cristiano āārġma”, ārġ wāġyepġrorġñurā.

27 Bernabġ, Saulo merā Antioquġague āārġripoe ġajirā Jerusalén marā Marġpġya kerere weredupiyurā iroġuere waañurā.

28 Sugġ ġġsā merā, Agabo wāġġġ āārġyupġ. ġġ iroġue eja, Ōāġġ deyomarġġġ masġrġ sġrġ merā iro marārġ:

–Ąārġpererogġuere masaka šaboarāġkuma, ārġ wereyupġ ġġsārġ. Claudio wāġġġ romano marā opġ ñajādero pġrġ Agabo ġġ ārġdea waayuro.

29 ġġ irasġ ārġmakū pérā, Antioquġa marā Jesúre bġremurā āsġ ārġñurā:

–Marġ Judeague āārġrārġ Jesúre bġremurārġ marġ niyeru oparire, marġ sġrō bokatġrō iriurā! ārġñurā.

30 Irasirirā niyeru neō, Bernabġ, Saulo merā: “Jesús buedoreġġ beyen-erārġ iritamurārġ wiaka!” ārġ iriunurā.

12

Santiagoore wējēdea, Pedrore peresu iridea

¹ Iripoere Herodes wāikugū Judea marā opu, surāyeri Jesúre bñremurā Jerusalēgue āārīrārē ñerō irinugāyupu.

² Irasirigū ĩgūyarā surarare Santiagoore Juan tīgūrē sareri majī merā wējēdoreyupu.

³ ĩgūrē wējēmakū ĩārā, judío masaka usuyañurā. Herodes ĩgūsā usuyamakū ĩāgū, Pedrore ñeādore, peresu iriyupu. Irasiriripoe pā wemasārī morēña marīrī baari bosenu pascua bosenu āārīyuro.

⁴ ĩgūrē peresu iriadero pūru, wapikuri bu surarare gorawayu koredoreyupu. Iri buriku wapikurā dita āārīñurā. “Pascua bosenu pūru, āiwiugura masaka ĩūrōgue ĩgūrē wējēdorebu”, ārī gūñadiyupu Herodes.

⁵ Irasirirā Pedrore surara ōārō korenīkōāñurā. ĩgū irogue āārīripoe Jesúre bñremurā gapu Marīpūre bñro sērēbosanīkōāñurā.

Marīpū Pedrore peresugue āārīgūrē taudea

⁶ Herodes Pedrore masaka ĩūrōgue ĩgūrē āiwiuburi ñamirē pērā surara watopegue peda kōmeda merā sūasūadi kārīyupu. Gajirā surara pērā makāpuro wiriarore koreñurā.

⁷ Āārīpererā kārīripoe gūñaña marīrō sugū Marīpūre wereboegu Pedro āārīrī taribugue deyoayupu. Irasiro iri taribu poekague ōārō boyosiriakōāyuro. Marīpūre wereboegu Pedroya dukare tūkare, ĩgūrē yobeyupu.

—Murīgora wāgānugāka! ārīyupu. ĩgū irasū ārīmakūta, Pedroya mojōrīrē ĩgūsā kōmedari suadea kuradijakōāyuro.

⁸ Marīpūre wereboegu ĩgūrē:

—Yujutúka! Muya gubu surīre sāñaka! ārīyupu.

ĩgū irasū ārīmakū pégu, yujutú, ĩgūya gubu surīre sāñayupu. ĩgū sāña odomakū, ārīyupu doja:

—Wekamañe surīrore sāñaka! Náka, yu merā! ārīyupu.

⁹ ĩgū irasū ārīmakū pégu, Pedro ĩgūrē tuyawiriayupu. “¿Diayeta Marīpūre wereboegu yure āiwiriagu irikuri? Gajipoe irigu kēgū iribukoa”, ārī gūñayupu.

¹⁰ Marīpūre wereboegu, Pedro merā surara korerā āārīpūrorirārē tari, pūru gajirārē tari, iri wii ñajāpūroriri kōme makāpurogue ejañurā. Iro ĩgūsā eja-makū, iri makāpuro basi tūpākōāyuro. Iri makāpurore tariwiria, yoawayaro waa, Marīpūre wereboegu dederiakōāyupu. Pedro suguta dujayupu pama.

¹¹ Marīpūre wereboegu dederiadero pūru, Pedro ĩgūrē waadeare ōārō pémasī:

—Diayeta Marīpū yure wijatadoregu, ĩgūrē wereboegure iriuañumi Herodes yure ñerō iribirikōāburo, ārīgū, gaji āārīpereri judío masaka yure ñerō iriduarire kāmudadoregu, ārī gūñayupu.

¹² Irire gūñawāgā, Maríaya wiigūe ejayupu. Igo, Juan Marcos wāikugū pago āārīyupo. Iri wiiguere masaka wārā nerē, Marīpūre sērēbosarā iriñurā ĩgūrē.

¹³ Irogue jagu, Pedro iri wii turo ñajāri makāpurore doteyupu. ĩgū dotemakū pégo, sugo Rode wāikugo iri wii marārē moāboego: “¿Noā āārīrī?” ārī ĩāgō waayupo.

¹⁴ ĩgū werenírīrē pémasī, makāpurore tūpābeota usuyari merā ũmañajāa, iro nerēanerārē: “Pedro makāpuro āārīgú kárinami”, ārī wereyupo.

¹⁵ Igo irasū ārīmakū pérā, igore: “Mu irasū ārīmoāmakōāgō yāa”, ārī, igo wererire bñremubiriñurā.

Igo gapu ĩgūsārē: “Diayeta ārā yu”, ārīyupo.

“Iro merē Pedroya yɔjɔpūrā āārīkoa”, ārīñurā.

¹⁶ Pedro gapu makāpurore dotegū iriyupu dapa. Irasirimakū waa, iri makāpurore tūpā, ĩgū iro nímakū ĩārā, gɔkakōāñurā.

¹⁷ ĩgū gapu ĩgūya mojō merā irikeo, ĩgūsārē toedoreyupu. Puru wiigüe ñajāja, ĩgū peresu āārīgūrē Marīpu ĩgūrē āiwiriadeare wereyupu ĩgūsārē:

—Irire wereka, Santiagore, gajirā Jesúre bɔremurārē! ārī were odo, gajirogue waakōāyupu.

¹⁸ Puru boyoripoe peresu korerā Pedro marīmakū ĩārā: “¿Naásū waáyuri?” ārī gāme gaguinīñurā ĩgūsā basi.

¹⁹ Irasirigū Herodes ĩgūyarā surarare Pedrore āmadoreyupu. ĩgūsā bokabirimakū ĩāgū, Pedrore koreadinerārē buro sērēña, ĩgūsā yɔjubirimakū, ĩgūsārē wējēdoreyupu. Puru Judeare wiri, Cesareague āārīgú waayupu Herodes.

Herodes boadea

²⁰ Iripoere Herodes Tiro, Sidón wāikuri makārī marā merā buro guayupu. Iri makārī marā baari, Herodeya nikū marā duadea āārīyuro. Irasirirā, ĩgū guamakū ĩārā: “Gɔare baari duabiribukumi”, ārī, ĩgū pɔroque irire āmurā waañurā. Iroque eja, Herodeya wii koregū Blasto wāikugure: “Iritamuka gɔare!” ārīñurā. ĩgū: “Jáu”, ārīmakū pérā: “Herodere wereníbosaka, ĩgū gɔa merā guanemobirikōāburo, ārīgū!” ārīñurā ĩgūrē.

²¹ Irasirigū Herodes ĩgūsā merā wereníduarinu ejamakū, opu sāñarī suríre sāña, masaka ĩūrō opu doarogue doa, ĩgūsārē wereníyupu.

²² ĩgū irasū werenímakū pérā, masaka gaguinīñurā:

—Ī ōō werenígū masakū āārībemi. Ūmugasigüe marā Opu āārīmi, ārīñurā.

²³ ĩgūsā irasū ārīmakū pégu, Herodes ĩgūsārē: “Masakuta āārā yu”, ārībiryupu. Irasirigū Marīpɔre bɔremubiri waja, mata Marīpɔre wereboegu Herodere pūrīrikumakū iriyupu. Irasirigū Herodes beka baaweasū boakōāyupu.

²⁴ Iri irasū waadero puru, Jesúre bɔremurā Marīpɔya kerere āārīpererogüere weregoreñañurā. Wārā masaka irire péñurā.

²⁵ Bernabé, Saulo merā Jerusalégue gajirā Jesúre bɔremurārē iritamu odo, Antioquíague gāme dujáañurā. Juan Marcos wāikugude ĩgūsā merā waayupu.

13

Bernabé, Saulo merā Jesúya kerere buenagādea

¹ Antioquíaguere Jesúre bɔremurā watopegue surāyeri Marīpɔya kerere weredupiyurā, gajirā masakare buerimasā āārīñurā. Bernabé ĩgūsā merāmu āārīyupu. Gajigū Simón wāikugū āārīyupu. ĩgūrēta masaka: “Ñígū” ārī wāīyeñurā. Gajigū Lucio wāikugū Cirenemu āārīyupu. Gajigū Manaén wāikugū, Herodes Galilea marā opu dagu merā suro merā masādi āārīyupu. Gajigū Saulo āārīyupu.

² Sunu ĩgūsā bere, Marīpɔre sērēripoe Ōāgū deyomarīgū ĩgūsārē wereyupu:

—Bernabére, Saulore beyepíka! ĩgūsā yure moāboemurā, yu beyesūnerā āārīma, ārīyupu.

³ ĩgū irasū ārīmakū pérā, ĩgūsā bere, Marīpɔre sērē odo, ĩgūsāya dipure ñapeo, seretu iriñurā.

Bernabé, Saulo merā Chipre marārē buedea

⁴ Puru Bernabé, Saulo merā Ōāgū deyomarīgū ĩgūsārē iriuderosūta Seleucia wāikuri makāgue waa, iroque eja, doódiru merā Chipre wāikuri nɔgūrōgue waañurā.

⁵ Iri nūgūrōma makā Salamina wāikuri makārē eja, judío masaka nerērī wi-irigue Marīpuya kerere wereñurā. Juan Marcode ĩgūsārē iritamugorenayupū.

⁶ Puru iri nūgūrōrē tariwerewāgā, Pafos wāikuri makāgue ejañurā. Irogue ejarā, sugū judío masakure yé āārīgūrē bokajañurā. ĩgū Barjesús wāikugū āārīyupū. Griego ya merā Elimas wāikuyupū. Iri makā marārē: “Īmugasigūe marā Opuya kerere weredupiyurimasū āārā yu”, ārīkatogorenayupū.

⁷ Sergio Paulo wāikugū merāmū āārīyupū. Sergio Paulo iri nūgūrō marā opu, wári masīgū āārīyupū. ĩgū Marīpuya kerere péduagu, Bernabé, Saulore siudoreyupū.

⁸ Irasirirā ĩgūsā ĩgū purogue wererā waañurā. Elimas, yé āārīgū gapū Sergio Paulo Jesúre būremumakū gāāmebiriypū. Irasirigū ĩgūsā wererire kāmūtaduadiypū.

⁹ Irasirimakū, Saulo Ōāgū deyomarīgūrē opatarigū, ĩgūrē buro ĩāyupū. Saulota, “Pablo” wāikuyupū.

¹⁰ Āsū ārīyupū:

—Mu ārīkatorikugū, ñegū, āārīpereri ōārō iririre kāmūtaduagu, wātī irirosū āārā. Marī Opuya diayemarē gorawayudūagu āārā.

¹¹ Mu irasiriri waja marī Opū mūrē wajamoāgukumi. Irasirigū mu koye ĩābi dujagukoa. Marī Opū mūrē wajamoārōpa abe gosesiririre ĩābirikoa, ārīyupū Pablo ĩgūrē. ĩgū irasū ārīrī merāta ĩgūrē naītīākōāyuro. Neō koye ĩābi dujayupū. Irasirigū ĩgūrē tūāwāgābure āmayupū.

¹² ĩgū irasū waamakū ĩāgū, Sergio Paulo marī Opū Jesúya buerire pégukakōāyupū. Irasirigū Jesúre būremuyupū.

Pablo, Bernabé merā Pisidia nikūma makā Antioquía wāikuri makāgue ejadea

¹³ Puru Pablo ĩgū merāmarā merā Pafogue āārānerā wiri taribuja, Perge wāikuri makāgue ejañurā. Iri makā Panfilia wāikuri nikūgue āārīyuro. ĩgūsā Pergegue ejamakū, Juan Marcos gapū ĩgūsārē iro pí, Jerusalēgue gāme dujāakōāyupū doja.

¹⁴ Puru Pergegue āārānerā gaji makā Antioquía wāikuri makāgue waañurā. Iri makā Pisidia wāikuri nikūgue āārīyuro. Irogue eja, judío masaka siñajārīnu* āārīmakū ĩgūsā nerērī wiiguet† ñajāa, doañurā.

¹⁵ Iri wii marā oparā Moisés gojadeare, Marīpuya kerere weredupiyunerā gojadeare buadero purū, Pedrosārē siiu:

—Gūayarā, masakare wereduarā, wereka, ĩgūsārē ōārō āārīrikuburo, ārīrā! ārīñurā.

¹⁶ ĩgūsā irasū ārīmakū pégu, Pablo wāgānugā, ĩgūya mojō merā irikeo, ĩgūsārē wereyupū:

—Musā Israel bumarā, gajirā ĩgūsā irirosū Marīpure būremurā, ōō āārīrā, yu wererire ōārō péka!

¹⁷ Marīpū, gūa judío masaka Israel bumarā būremugū, gūa ñekūsāmarārē beyedi āārīmī. Irasirigū iripoegue ĩgūsā Egiptogue āārīrārē wārā masāporemakū iridi āārīmī. Puru iri nikūgue āārīrārē ĩgū turaro merā āīwiridi āārīmī.

¹⁸ ĩgūsā Egiptore wiridero purū, cuarenta bojorigora masaka marīrōgue waagorenanerā āārīmā. Irogue ĩgūsā ĩgū dorerire tarinugākeremakū, Marīpu ĩgūsārē ōārō koredi āārīmī.

* **13:14** Judío masaka siñajārīnu, sábado āārā. † **13:14** Judío masaka nerērī wii, sinagoga wāikuri wii āārā. Irogue ĩgūsā siñajārīnu āārīmakū nerē, Marīpuya werenirī gojadea pūrē buenama.

¹⁹ Puru ĩgūsā Canaán nikũgue ejamakũ, iri nikũ marārē su mojõma pere gaji mojõ peru pērēbejari buri marārē Marĩpu béosĩā, gũa ñekūsāmarārē pídi āārĩmĩ iro āārĩdoregu.

²⁰ Marĩpu ĩgūsārē iri nikũgue pídero puru, cuatrocientos cincuenta bojorigora āārĩnerā āārĩmā. ĩgūsā irogue āārĩmakũ, Marĩpu ĩgūsārē doremurārē pídi āārĩmĩ. ĩgūsā Samuel wāĩkũgu Marĩpũya kerere weredupiyudi ĩgũ āārĩnugāripoegue doretũnunerā āārĩmā.

²¹ Gũa ñekūsāmarā Samuere: “Sugu gũa opu gāāmekoa”, ārĩ sērēmakũ pégu, Marĩpu ĩgūsā opu āārĩbure Saũre pídi āārĩmĩ. Saúl, Cis wāĩkũgu magũ, Benjamĩya bumũ āārĩdi āārĩmĩ. ĩgũ cuarenta bojorigora ĩgūsā opu āārĩdi āārĩmĩ.

²² Puru Marĩpu Saũre Israel bumarā opu āārĩrĩrē béo, David wāĩkũgure ĩgūsā opu āārĩbure pídi āārĩmĩ. Āsũ ārĩdi āārĩmĩ ĩgũrē: “Davire Isaĩ magũrē bokabu. Buro usuyāa ĩgũ merā. Āārĩpereri yũ gāāmerĩrē irigũkumi”, ārĩdi āārĩmĩ.

²³ “Sugu David parāmi āārĩturiagu, musārē Israel bumarārē taugu aarigũkumi”, ārĩ weredi āārĩmĩ Marĩpu gũa ñekūsāmarārē. Irasirigu ĩgũ ārĩderosũta Jesũre iriudi āārĩmĩ.

²⁴ Jesús masakare buenugāburi dupiyuro Juan āārĩpererā Israel bumarārē: “Musā ñerõ irideare bujawere, musā gũñarĩrē gorawayuka! Musā irasirimakũ ĩāgũ, musārē deko merā wāiyegũkoa”, ārĩ buedi āārĩmĩ.

²⁵ ĩgũ buetũnuburi dupiyuro ĩgūsārē ārĩdi āārĩmĩ: “Musā yũre: ‘Gũare taugu āārĩmĩ’, ārĩ gũñadāa. Āārĩbea yũ. Yũ puru gajigu aarigũkumi. Yũ gapu ubu āārĩgũ, ĩgũrē neõ sũropebirikoa”, ārĩdi āārĩmĩ.

²⁶ Yaarā, Abraham parāmerā āārĩturiarā, gajirā ĩgūsā irirosũ Marĩpũre buremurā õõ āārĩrāde õārõ péka! Marĩpu marĩrē: “Taugũra”, ārĩ kere iriudi āārĩmĩ.

²⁷ Jerusalén marā, ĩgūsā oparāde Jesús marĩrē taugũre ĩāmasĩbirinerā āārĩmā. Siñajārĩnũrikũ Marĩpũya kerere weredupiyunerā gojadeare buekererā, neõ pémasĩbirinerā āārĩmā. Pémasĩbirisĩā, Jesũre wējēdorerā, Marĩpũya werenĩrĩ gojadea pũgue ārĩderosũta irinerā āārĩmā.

²⁸ Jesús ĩgũ ñerõ irideare bokabirikererā, Pilatore: “Wējēka ĩgũrē!” ārĩ sērēñurā.

²⁹ Irasirirā iripoegue Marĩpũya kerere weredupiyunerā gojadea pũgue ārĩderosũta Jesũre āārĩpererire iri odo, ĩgũrē curusague boadire āĩdiju, masāgobe ũtāyegue mádea gobegue pínerā āārĩmā.

³⁰ ĩgũrē wējēkeremakũ, Marĩpu gapu boadiguere masũdi āārĩmĩ.

³¹ ĩgũ masādero puru, wārĩnũrĩ deyoadi āārĩmĩ ĩgũ merāmarārē. Dupiyurogue ĩgūsā ĩgũ merā Galileague wiri, Jerusalēgue wapikũgorenarā waanerā āārĩmā. Dapagorare ĩĩsāta ĩgũ masādire ĩānerā, ĩgũyare werema gũayarārē.

³²⁻³³ Irasirirā yũ, yũ merāmu Bernabé musārē Jesũya kerere wererā aaribũ. Iripoegue Marĩpu ĩgũ Jesús merā õārõ iriburire weredi āārĩmĩ gũa ñekūsāmarārē. ĩgũ ārĩderosũta gũare ĩgūsā parāmerā āārĩturiarārē irasiridi āārĩmĩ Jesũre boadiguere masũgũ. Salmos wāĩkũri gojadea pũgue āsũ ārĩ gojasũdero āārĩbũ: “Yũ magũ āārā mu. Dapagā murē masāmakũ yāa”, ārĩdi āārĩmĩ Marĩpu.

³⁴ Gaji pũgue Marĩpu āsũ ārĩdi āārĩmĩ, Jesũre boadiguere masũburire, ĩgũ dũpu boabiriburire: “Iripoegue yũ Davire: ‘Õārõ irigũra’, ārĩderosũta murē irigũkoa”, ārĩdi āārĩmĩ.

³⁵ Gaji Salmos pũ David ĩgũ gojadea pũgue āsũ ārĩ gojadi āārĩmĩ: “Mu dorerire õārõ iridiya dũpũre neõ boadorebirikoa”, ārĩ gojadi āārĩmĩ.

³⁶Diayeta werea. David okagɯ, Marĩpu gããmederosũta ĩgũ ããrĩdeapoe marãrẽ iritamunikõadi ããrĩmĩ. ĩgũ boadero pɯɯ, ĩgũ ñekũsãmarã darãrẽ yáaderogueta gajirã ĩgũrẽ yáanerã ããrĩmã. ĩgũrẽ yáadero pɯɯ, ĩgũya dɯɯ boakõáyuro.

³⁷Jesús Marĩpu masũdiya dɯɯ gapɯ neõ boabiridero ããrĩbũ.

³⁸⁻³⁹Mũsã ããrĩpererã Jesúya kerere yɯ weremakũ, õãrõ péka! ĩgũ merã marĩ ñerõ irideare kãtiri bokarãkoa. ĩgũrẽ bũremurãnorẽ ĩgũsã ñerõ irideare Marĩpu kãtigukumi. Moisés doreri iriri merã neõ kãtiri bokabirikoa.

⁴⁰Irasirirã mũsã dapagora marã õãrõ pémasĩka! Mũsã õãrõ pémasĩbirimakũ, iripoegue marã Marĩpuya kerere weredupiyunerã gojaderosũta mũsãdere waarokoa.

⁴¹Ãsũ ãrĩ gojanerã ããrĩmã Marĩpuya werenĩrĩ gojadea pũgue:

Õãrõ péka, yɯre bũridarimasã! Mũsã okarinũrĩrẽ mũsãrẽ gajino bũro goerire ĩmugɯra. Gajirã mũsãrẽ irire weremakũ pékererã, bũremubirikoa.

Irasirirã mũsã bũremubiridea waja béosũrãkoa, ãrĩ gojanerã ããrĩmã,[✧] ãrĩ wereyupɯ Pablo Antioquía marãrẽ.

⁴²Pablosã irire were odo, wiriamakũ, judío masaka ããrĩmerã iri wiigue nerẽanerã ĩgũsãrẽ:

—Gaji siñajãrĩnɯ ããrĩmakũ, gɯare irireta werenemoka doja! ãrĩ sērẽñurã.

⁴³Irasirirã iri wii nerẽanerã wiriamakũ, wárã judío masaka, judío masaka irirosũ bũremurãde Pablosã wererire bũremusĩã, ĩgũsãrẽ tɯyañurã. Irasirirã Pablosã ĩgũsãrẽ: “Marĩpu mũsãrẽ bũro maĩrĩ merã ĩãgũrẽ bũremurĩrẽ neõ piribirikõãka!” ãrĩñurã.

⁴⁴Gaji semana siñajãrĩnɯ ããrĩmakũ, wárã iri makã marã Marĩpuya kerere pémurã iri wiigue nerẽñurã doja.

⁴⁵ĩgũsã wárã nerẽmakũ ĩãrã, judío masaka Pablora bũro ĩãturiñurã. Irasirirã ñerõ werenĩrĩ merã Pablo wererire: “Diaye ããrĩbea”, ãrĩñurã.

⁴⁶ĩgũsã irasũ ãrĩmakũ pérã, Pablo, Bernabé gũiro marĩrõ merã ĩgũsãrẽ ãrĩñurã:

—Marĩpu dorederosũta gɯa mũsãrẽ judío masakare ĩgũya kerere werepɯroriadabɯ. Mũsã gapɯ irire neõ gããmebea. Marĩpu pɯro perebiri okari opaburidere gããmebea. Irasirirã gɯa judío masaka ããrĩmerã gapɯre iri kerere wererãkoa.

⁴⁷Ãsũta doredi ããrĩmĩ Marĩpu ĩgũya werenĩrĩ gojadea pũguere:

Mũsãrẽ judío masaka ããrĩmerãrẽ yaa kerere weredoregɯ pígakoa. Irasirigɯ ĩgũsãrẽ ããrĩpererã i nikũ marã mũsã irire weremakũ pérãnorẽ taugũkoa perebiri peamegue waabonerãrẽ, ãrĩdi ããrĩmĩ Marĩpu, ãrĩ wereñurã.[✧]

⁴⁸ĩgũsã irasũ ãrĩmakũ pérã, judío masaka ããrĩmerã bũro usɯyari merã: “Marĩpuya kere gapɯ õãrĩ ããrã”, ãrĩñurã. Irasirirã Marĩpu beyesũnerã, ĩgũ pɯrogoe perebiri okari ĩgũ sĩsũmurã, Jesúre bũremuñurã.

⁴⁹Irasirirã Marĩpuyare ããrĩpererogue iri nikũ marãrẽ weregoreñañurã.

⁵⁰Irasirimakũ ĩãrã, surãyeri judío masaka Pablosãrẽ ñerõ werenĩñurã. ĩgũsã wererire pérã, gajirã wáro niyeru oparã judío masaka iririkũrere bũremurã nome Pablosã merã guañurã. Iri makã marã oparãde ĩgũsã merã guañurã. Irasirirã ĩgũsãrẽ ñerõ irinugã, ĩgũsãya nikũrẽ béowiukõãñurã.

⁵¹Irasirirã Pablo, Bernabé ĩgũsãya gubu surĩre tuadea nikũwerare mojébéoñurã, iri makã marã ĩgũsã ñerĩ iriri waja ĩmurã. Irasiri odo, Iconiogue waakõãñurã.

⁵²ĩgũsã waakeremakũ, Jesúre bũremurã gapɯ irogoe ããrĩrã Õãgũ dey-omarĩgũrẽ opatari, bũro usɯyari merã dujañurã.

[✧] 13:41 Hab 1.5 [✧] 13:47 Is 49.6

14

Pablo, Bernabé merã Iconiogue ejadea

¹ Pablo, Bernabé merã Iconiogue eja, judío masaka nerērĩ wiigüe ñajãa, Jesúya kerere wereñurã. Ígüsã weremakũ pérã, judío masaka, gajirã judío masaka ããrĩmerãde wárã Jesúre b̄remunugãñurã.

² Judío masaka Jesúyare péduamerã gap̄u, Jesúre b̄remurãrẽ ñerõ wereníñurã. Judío masaka ããrĩmerãrẽ, Jesúre b̄remurã merã guamakũ iriñurã. Irasirirã judío masaka ããrĩmerã Jesúre b̄remurãrẽ ñerõ gũñañurã.

³ Ígüsã irasũ gũñamakũ ñãrã, Pablosã gap̄u yoaripoe irore duja, güiro marĩrõ merã: “Marĩp̄u masakare b̄ro maĩrĩ merã ñãmi”, ãrĩ bueñurã. Ígüsã buemakũ, Marĩp̄u ígüyare: “Diyeta buema”, ãrĩgũ, ígũ turaro merã iri ñmurĩrẽ ígüsã irimakũ iritamuyup̄u.

⁴ Irasirirã iri makã marã dukawariñurã. Surãyeri judío masaka buerire gããmerã, gajirã Pablosã buerire gããmerã dujañurã.

⁵ Jesúya kerere gããmemerã: judío masaka, judío masaka ããrĩmerãde, oparã merã nerẽ, Pablosãrẽ ñerõ ãrĩ, ùtãyeri merã dea wējẽduañurã.

⁶⁻⁷ Ígüsã irasũ wējẽduarire pérã, Pablo, Bernabé merã Licaonia nikũgue duriwãgãñurã. Irogue eja, iro marãrẽ Jesúya kerere buegorenãñurã. Ígüsã irasũ buegorenarã, iri nikũ ããrĩrĩ makãrĩ Listra, Derbe wãĩkũri makãrĩgue ejañurã.

Listrague Pablöre ùtãyeri merã deadea

⁸ Listrague eja, suḡu neõ deyoagugüeta waamasĩbiridire iro doagure boka-jañurã.

⁹ Irasiriḡu irogue doaḡu, Pablo buemakũ péyup̄u. Ígũ pémakũ, Pablo su diayeta ñãyup̄u ígũrẽ. “Í Jesúre b̄remumi. ‘Ígũ yure taumasĩmi’, ãrĩ gũñakumi”, ãrĩ gũñayup̄u Pablo ígũrẽ ñãgũ.

¹⁰ Irasiriḡu turaro merã:

—Wãgãñugãka! ãrĩyup̄u ígũrẽ.

Ígũ irasũ ãrĩmakũ pégu, pariwãgãñugã waayup̄u.

¹¹ Pablo ígũrẽ irasirimakũ ñãrã, Licaonia marã ígüsã ya merã ãsũ ãrĩ gaguiníñurã:

—Marĩ b̄remurã ùmarõgue ããrãnerã ùma irirosũ deyorã marĩ p̄rogue dijajama, ãrĩ gaguiníñurã.

¹² Irasirirã Bernabére: “Marĩ b̄remurã op̄u Zeus wãĩkuḡu ããrĩmi”, ãrĩ wãiyẽñurã. Pablo gap̄ure ígüsãrẽ werer̄oridi ããrĩmakũ: “Marĩ b̄remugũ Hermes wãĩkuḡu ããrĩmi”, ãrĩ wãiyẽñurã.

¹³ Iri makã ñajãrõ turo Zeure b̄remurĩ wii ããrĩyuro. Suḡu paí iri wiire koreḡu wekũare, goori ígũ ãmuadeare ãñwãgãyup̄u. Ígũ, iro marã merã wekũare wējẽ soepeodũadiyup̄u Pablosãrẽ b̄remudũaḡu.

¹⁴ Ígüsã irasũ iridũamakũ ñãrã, Pablosã ígüsãya suríre yegue, iro ããrĩrã watopegue ùmawãgã, ãsũ ãrĩ gaguiníñurã:

¹⁵ —Mũsã gũare, ¿nasirimurã irasũ yári? Gũade mũsã irirosũta masaka ããrã. Gũa mũsãrẽ Marĩp̄uya kerere ãsũ ãrĩ wererã aaribú. Keori weadeare béokõãka! Marĩp̄u okaḡu gap̄ure b̄remuka! Ígũta ùmugasi, i nikũ, dia, ããrĩpererã i ùmugue ããrĩrãrẽ iridi ããrĩmi.

¹⁶ Iripoegue ããrĩpereri buri marãrẽ ígüsã gããmerõ irimakũ kãmutabiridi ããrĩmí.

¹⁷ Masaka ígũrẽ b̄remubirikeremakũ, marĩrẽ õãrõ iriḡu, ígũ õãrõ ããrĩrikũrere ñmumi ããrĩpererãrẽ. Irasiriḡu deko merẽmakũ yãmi. Marĩ oterire

dukakumakū yámi marī baaburire sīgū. Irasirigū usuyari merā āārīmakū yámi marīrē, āārīñurā Pablosā ĩgūsārē.

¹⁸ ĩgūsā irasū āārīmakū pékererā, Pablosārē b̄remuduarā, wekware wējē soepeoduadiñurā dapa. Pablosā gap̄ ĩgūsārē: “Iropata irika! Iririre pirikōāka!” āārīmakū pérā, irire pirikōāñurā pama.

¹⁹ P̄ru gajirā judío masaka, Antioquía marā, Iconio marāde Listrague ejañurā. Irogue ejarā, Pablore ñerō wereniñurā. ĩgūsā irasū āārīmakū pérā, iro marāde ĩgū merā gua, ĩgūrē ütāyeri merā deañurā. Dea odo: “Ī kōmoakōāmi”, āārī, iri makā t̄rogue t̄āwāgā meépibéokōāñurā.

²⁰ ĩgūsā irasirikeremakū, Jesúre b̄remurā gap̄ ĩgū p̄ro nerējañurā. ĩgūsā nerējamakū, wāgānugā, ĩgūsā merā makāgue dujáakōāyup̄ doja. Gajin̄ gap̄ Bernabé merā Derbegue waayup̄.

²¹ Irogue eja, Jesúya kerere wereñurā. ĩgūsā weremakū pérā, wárā iro marā Jesúre b̄remuñurā. Irire were odo, Listrague goedujáañurā. Iro eja, Iconiogue waañurā. P̄ru Pisidiana makā Antioquíague ejañurā.

²² Iri makārīgue weregorenarā, Jesúre b̄remurārē ōārō āārīrikumakū iriñurā. “Jesúre b̄remurārē neō piribirikōāka! Marīp̄ ĩgūyarārē doreroguerē waaduarā, ōōguere wári poyari merā āārīrākoa”, āārī bueñurā ĩgūsārē.

²³ P̄ru iri makārīku marārē Jesúre b̄remurārē iritamumurārē beyeñurā. Beye odo, bere, āsū āārī s̄rēñurā Marīp̄re ĩgūsā b̄remugārē:

—Gua Op̄, ĩsā m̄yarārē iritamuka! āārīñurā.

Pablo, Bernabé merā Siria nikūma makā Antioquíague dujáadea

²⁴ ĩgūsā Pisidia nikūgue weregorenadero p̄ru, Panfilia nikūgue ejañurā.

²⁵ Iri nikūma makā Pergere Marīp̄ya kerere were odoadero p̄ru, Atalia wāikuri makāgue waañurā.

²⁶ Iri makā āārānerā Antioquíague dujáarā, doódiru merā waañurā. Iripoegue iri makā marā Jesúre b̄remurā Pablosārē iriup̄rorirā, Marīp̄re ĩgūsāya āārīburire āsū āārī s̄rēbosanerā āārīmá: “Gua p̄, m̄ maĩrī merā ĩsārē m̄yare buegorenamakū, ōārō koreka!” āārī s̄rēnerā āārīmá. Irasirirā Pablo, Bernabé merā ĩgūsā buedoreadeare buepeo, iri makārē goeñurā doja.

²⁷ Irasirirā iri makārē goejarā, gajirā Jesúre b̄remurā merā nerē, āārīpereri ĩgūsā Marīp̄ turari merā iriadeare, Marīp̄ judío masaka āārīmerādere Jesúre b̄remumakū iriadeare wereñurā ĩgūsārē.

²⁸ Yoaripoe iroguere Jesúre b̄remurā merā āārīñurā.

15

Jerusalēgue Jesúre b̄remurā nerēdea

¹ Pablo, Bernabé Antioquíague āārīripoe gajirā Judea nikū marā irogue eja, Jesúre b̄remurārē āsū āārī buenugāñurā.

—Moisés dorederosūta āārīpererā m̄sāya d̄p̄ma gasirogārē wiiribiri-makū, Marīp̄ m̄sārē taubirikumi, āārīñurā.

² ĩgūsā irire āārīmakū pérā, Pablosā ĩgūsā merā b̄ro gāme guaseoñurā. Irasirirā Antioquía marā Jesúre b̄remurā Pablore, Bernabé, gajirā iro marādere Jerusalēgue waamurārē beyeñurā. Āsū āārīñurā: “Jerusalēgue waaka! Jesús buedoregū beyenerārē, ĩgūsārē iritamurādere: ‘¿Judea marā buerire diayeta āārīrī?’ āārī s̄rēñarā waaka!” āārī iriñurā.

³ Irasirirā Jesúre b̄remurā ĩgūsārē iriadero p̄ru, Pablo, Bernabé merā Fenicia nikū waa, p̄ru Samaria nikūrē tariwāgā, judío masaka āārīmerā ĩgūsā ñekūsāmarā b̄remunadeare piri, Marīp̄ya gap̄re b̄remunugārī kerere wererā iriñurā Jesúre b̄remurārē. Irire pérā, āārīpererā b̄ro usyāñurā.

4 Pablosã Jerusalëgue ejamakũ ããrã, Jesúre buremurã, Jesús buedoregu beyenerã, ããsãrẽ iritamurãde õãrõ usayari merã bokatĩrĩnurã. Irasirirã Pablo, Bernabé merã ããrĩpereri ããsã Marĩpu turari merã irideare wereñurã.

5 Iroguere surãyeri fariseo bumarã Jesúre buremurã ããrĩñurã. Pablosã weremakũ pékererã, ããsã gapu wãgãñugã, ãsũ ãrĩñurã:

—Judío masaka ããrĩmerã Jesúre buremurã, ããsãya dupuma gasirogãrẽ wi-iriburo. “Moisés doredeare irika musãde!” ãrĩrõ gããmea ããsãrẽ, ãrĩñurã.

6 ããsã irasũ ãrĩmakũ pé, Jesús buedoregu beyenerã, gajirã ããsãrẽ iritamurã nerẽ, irire ãmuduarã werenĩñurã.

7 ããsã yoaripoe werenĩadero puru, Pedro wãgãñugã, wereyupu ããsãrẽ:

—Yaarã, õãrõ péka yure! Iripoegue, yu musã merã ããrĩgũrẽ Marĩpu beyedi ããrĩmĩ, yure ããsã kerere judío masaka ããrĩmerãrẽ weredoregu. Irasirigu ããsã masakare tauri kerere werea, Jesúre buremuburo, ããrĩgũ.

8 Marĩpu ããrĩpererã gũñarĩrẽ masĩgũ, judío masaka ããrĩmerãrẽ Jesúre buremurãrẽ: “Yaarã ããrĩma”, ãrĩ ãmubu, ããsãdere Õãgũ deyomarĩgũrẽ iriumi marĩrẽ iriuderosũta.

9 Irasirigu marĩrẽ ããsã merã surosũ ããmĩ. ããsã Jesúre buremumakũ, ããsãdere ããsã gũñarĩgue õãrõ ããrĩrikumakũ yãmĩ.

10 Marĩpu Moisére doreri pídeare marĩ ããkũsãmarã bokatĩũbirinerã ããrĩmã. Marĩde ããsã irirosũ bokatĩũbirikererã, ¿nasirimurã Jesúre buremurãrẽ judío masaka ããrĩmerãrẽ irire iridorebukuri? ¿Nasirimurã Marĩpu judío masaka ããrĩmerãrẽ ããsãrã ããrĩmakũ iririre: “Iro ããrĩbea”, ãrĩ gũñabukuri?

11 ãsũ gapu gũñarõ gããmea. Marĩ Opu Jesús marĩrẽ maĩrĩ merã, Marĩpu marĩrẽ taumi. Irasirigu marĩrẽ taurosũta judío masaka ããrĩmerãdere taumi, ãrĩyupu Pedro ããsãrẽ.

12 ããsã irasũ ãrĩmakũ pérã, ããrĩpererã toepereakõãñurã. Irasirirã Pablo, Bernabé merã judío masaka ããrĩmerã watopegue Marĩpu turari merã ããsã iri ãmudeare weremakũ õãrõ péñurã.

13 ããsã irire were odoadero puru, Santiagode wereyupu:

—Yaarã, péka yure!

14 Marĩpu judío masaka ããrĩmerãrẽ ããsãrã ããrĩñugãmakũ neõ irideare weresiãmĩ Simón Pedro musãrẽ.

15 Marĩpuya kerere weredupiyunerã werederosũta waabu judío masaka ããrĩmerãrẽ. Marĩpuya werenĩrĩ gojãdea pũgue ãsũ ãrĩ gojanerã ããrĩmã ããsã ããrĩdeare gojarã:

16 Puru Daviya bumarã ããsã oparã ããrĩdea pereadero purugue dupaturi ããsã parãmĩ ããrĩturiagure ããsã Opu sóogura doja. Irasirigu ããsãrãrẽ ããsã õãrõ ããrĩrikumakũ irigũkoa.

17-18 Irasirirã ããrĩpererã judío masaka ããrĩmerã yu beyenerã, yure ããsã Opure buremurãkuma, ããrĩmĩ Marĩpu masakare irire masĩdoregu, ããrĩ gojanerã ããrĩmã.✧

19 Irasirigu ãsũ gũñãa yu. Judío masaka ããrĩmerãrẽ Jesúre buremunugãrãrẽ wãri: “ãsũ irika!” ããrĩ garibobirikõãrõ gããmea marĩrẽ.

20 Irasirirã marĩ ããsãrẽ ãsũ ããrĩ gojarã: “Keori weadea puro baari pídeare baabirikõãka! Nome merã ããrõ iribirikõãka! Nomedẽ ããmã merã ããrõ iribirikõãka! Waimurã wãñugũ biu wẽjãnerãya díkuri díre baabirikõãka! Díre iribirikõãka!” ããrĩ gojarã!

21 Iripoegueta marĩ nerẽrĩ wiirigue siñajãrĩñuriku Marĩpu Moisére doreri pídeare masaka buema. Irasirirã ããrĩpereri makãrĩ marã iri dorerire masĩkuma. Irasirirã yu ããrãdea ditare gojarã! ããrĩyupu Santiago ããsãrẽ.

✧ 15:17-18 Am 9.11-12

Judío masaka ããrĩmerãrẽ gojadea

²² Irasirirã Jesús buedoregũ beyenerã, Ìgūsãrẽ iritamurã, gajirã ããrĩpererã Jesúre b̄remurã merã Santiago ãrãdeare: “Írasũta irirã!” ãrĩ, Ìgūsã merãmarã p̄rãrẽ beyeñurã Antioquíague Pablo, Bernabé merã waamurãrẽ. Irasirirã Judare, Silare beyeñurã. Judata, “Barsabás” wãĩkuyupũ. Ìgūsã Jesúre b̄remurã watopegue ããrĩrã oparã irirosũ ããrĩrã ããrĩñurã.

²³ Pũrũ Ìgūsã gojadea pũrẽ Ìgūsã merã iriũñurã. Æsũ ãrĩ gojañurã:

Gua, Jesús buedoregũ beyenerã, gũare iritamurã, gajirã Jesúre b̄remurã õõgue ããrĩrã õãdorea m̄sãrẽ.

Æãrĩpererã judío masaka ããrĩmerã Antioquíague, Siriague, Ciliciague ããrĩrãrẽ Jesúre b̄remurãrẽ õãdorea.

²⁴ Gajirã gua merãmarã m̄sã pũrogue ejarã, m̄sãrẽ garibogoreñañurã. M̄sãya dũpũma gasirogãrẽ wiiridore: “Æãrĩpereri Moisés doredeare irika!” ãrĩgoreñañurã. Gua gapũ Ìgūsãrẽ irire: “Buerã waaka!” ãrĩbiradibũ.

²⁵ Irasirirã gua ããrĩpererã nerẽ, gua merãmarã Judas, Silas wãĩkurãrẽ beyeabũ m̄sã pũrogue iriumurã. Ìgūsã marĩ maĩrã Pablo, Bernabé merã waarãkuma.

²⁶ Masaka Pablosãrẽta Jesucristo marĩ Opũya kerere gũiro marĩrõ merã buemakũ wẽjẽboyaunanerã ããrĩmã. Mérõgã tarinerã ããrĩmã.

²⁷ Judasã m̄sã pũrogue ejarã, gua gojadeare wererãkuma.

²⁸ Õãgũ deyomarĩgũ gũare gũñarĩ s̄rõsũta: “Gaji dorerire píbirikoa m̄sãrẽ”, ãrĩ gũñãa. Irasirirã i doreri ditare pírákoa:

²⁹ “Keori weadea pũro baari pídeare baabirikõãka! Díre iirĩbirikõãka! Waimurã wánugũ biu wẽjẽanerãya díkuri díre baabirikõãka! Nome merã ñerõ iribirikõãka! Nomedẽ ãma merã ñerõ iribirikõãka!” I gua dorerire irirã, õãrĩrẽ irirãkoa m̄sã. Iropata ããrã m̄sãrẽ gua weredũari, ãrĩ gojañurã Jesúre b̄remurã Jerusalẽgue ããrĩrã.

³⁰ Iri pũrẽ goja odo, Pablosãrẽ: “Õãrõ waaka!” ãrĩ seretuñurã. Pũrũ Pablosã Antioquíague waañurã. Iroque eja, Jesúre b̄remurãrẽ siiu needõ, iri pũrẽ wiañurã.

³¹ Iri pũrẽ bue odo, õãrĩ Ìgūsã were gojadeare Ìãrã, bũro usũyañurã.

³² Judas, Silas merã Marĩpũya kerere weredupiyurã ããrĩñurã. Irasirirã Jesúre b̄remurãrẽ Marĩpũ Ìgūsãrẽ weredoredeare wereñurã. Ìgūsã were-makũ p̄rã, Jesúre b̄remurã gapũ usũya, õãrõ gũñaturari merã dujañurã.

³³ Judas iroguere yoaweyaripoe ããrĩ: “Dujãagu yãa”, ãrĩ seretuyupũ iro marãrẽ. Irasũ ãrĩmakũ pé: “Õãrõ waaka! Bũro siñajãrĩ merã dujãaka Jerusalẽgue. Õãburo iro marã, m̄sãrẽ iriuanerã”, ãrĩ dujuñurã. Ìgūsã irasũ ããrãdero pũrũ, Judas, gajirã merã Jerusalẽgue dujãakõãyupũ doja.

³⁴ Silas gapũ: “Õõgue dujagũra”, ãrĩ gũñasĩã, Antioquíague dujakõãyupũ dapa.

³⁵ Pablo, Bernabé merã yoaweyaripoe iroguere dujañurã. Irasirirã wãrã gajirã merã iro marãrẽ bue, marĩ Opũ Jesúya kerere weregoreñañurã.

Dupaturi Pablo Jesúya kerere buegorenagũ waadea

³⁶ Mérõgã pũrũ Pablo Bernabére wereyupũ:

—Nãka, ããrĩpereri makãrĩ marĩ Opũ Jesúya kerere marĩ buegorenadea makãrĩ marãrẽ: “¿Naásũ ããrĩrikũri?” ãrĩ, Ìãgorenarã! ãrĩyupũ.

³⁷ Ìgũ irasũ ãrĩmakũ p̄gũ, Bernabé gapũ Juan Marcõre ããdũadiyupũ.

³⁸ Dupiyurogue Juan Marcos ïgŭsā merā Panfliague āārīgŭ, ïgŭsā moārīrē bokatīūbiridea waja Pablo dupaturi ïgŭrē āīadŭabiriyupŭ. Irasirigŭ Bernabére: “Ïgŭrē āīabirimakŭdere ōārokoa”, ārīyupŭ.

³⁹ Irasirirā ïgŭsā basi irire bŭro gāme guaseo, dukawariakōāñurā. Irasirigŭ Bernabé gapŭ Juan Marcove āīayupŭ, doódiru merā Chipre nugŭrōgue waagŭ.

⁴⁰ Pablode Silare beyeyupŭ ïgŭ merā waabure. ïgŭsā buerā waaburi dupiyuro Jesúre bŭremurā ïgŭsārē: “Marī Opŭ mŭsārē maīgŭ ōārō koreburo”, ārī sērēbosa, iriñurā.

⁴¹ Irasirirā Siria nikŭ, Cilicia nikŭdere tariwāgā, Jesúre bŭremurārē ïgŭyare bue, ōārō gŭñaturamakŭ iriñurā ïgŭsārē.

16

Timoteo, Pablo, Silasrē wapikŭwāgādea

¹ Pŭrŭ Pablo, Silas merā Derbegue, Listrague ejañurā. Iroque ejarā, Timoteore Jesúre bŭremugŭrē bokajañurā. ïgŭ pagode Jesúre bŭremugŭ, judío masako āārīyupo. Pagŭ gapŭ griego masakŭ āārīyupŭ.

² Jesúre bŭremurā Lистра marā, Iconio marāde Timoteore: “Ōāgŭ āārīmi”, ārī ïñurā.

³ Irasirigŭ Pablo Timoteore ïgŭrē wapikŭbure āīadŭayupŭ. Judío masaka iri nikŭ marā gapŭ Timoteo pagŭ griego masakŭ āārīrē masñurā. Irasirigŭ Pablo ïgŭsā merā guamakŭ iridŭabi, Timoteoya dŭpŭma gasirogārē wiiriyupŭ judío masaka irinarōsŭ irigŭ.

⁴ Pŭrŭ Pablo, Timoteo merā waa, ïgŭsā gojadea pŭmarē Jesúre bŭremurārē ïgŭsā ejari makārī marārē wereñurā. Iri pŭ Jerusalēgue Jesús buedoregŭ beyenerā, ïgŭsārē iritamurā: “Āsŭ irika!” ārī gojadea pŭ āārīyuro.

⁵ ïgŭsā irire weremakŭ pérā, Jesúre bŭremurā: “Jāŭ”, ārī, gŭñaturari merā Jesúre bŭremunemoñurā. Gajirāde ŭmŭrikŭ Jesúre bŭremubirinerā, bŭremunemowāgāñurā.

Pablo kērōgue irirosŭ Macedoniamŭrē ïādea

⁶⁻⁷ Pŭrŭ Pablosā Asia nikŭgue Jesúya kerere buerā waadŭarārē Ōāgŭ deyomarīgŭ waadorebiriyupŭ. Irasirirā ïgŭsā Frigia nikŭrē taria, Galacia nikŭdere taria, Misia nikŭ turogue eja, Bitinia nikŭgue waadŭadiñurā. Ōāgŭ deyomarīgŭ gapŭ iroguedere waadorebiriyupŭ.

⁸ Irasirirā Misia nikŭ turore tariwāgā, Troas wāikŭri makāgue buajañurā.

⁹ Iroque iri ñamirē Pablo kērōgue irirosŭ sugŭ Macedonia nikŭmŭ ïgŭ pŭro nímakŭ ïayupŭ. “Gŭare Macedonia marārē iritamugŭ aarika!” ārī siiuyupŭ.

¹⁰ Pablo kērō irirosŭ waadeare gŭare weremakŭ pérā: “Marīpŭ iri nikŭ marārē ïgŭya kerere weredoregŭ iriugŭ irikumi marīrē”, ārī gŭña, gŭayare āmu, Macedoniague waakōābŭ. ((Yŭ Lucas i pŭrē gojabude ïgŭsā merā waabŭ.))

Pablo, Silas merā Filipogue waadea

¹¹ Irasirirā Troague āārānerā doódiru merā Samotracia wāikŭri nugŭrōgue taribuja, gajinŭ gapŭ Neápoligue waabŭ.

¹² Iri makārē taria, Filipino romano marāya makāgue ejabŭ. Iri makāta Macedonia nikŭma makārīrē doreri makā āārībŭ. Iroguere yoaweyaripoe āārībŭ.

¹³ Judío masaka siñajārīnŭ āārīmakŭ, ïgŭsā Marīpŭre sērērā nerēnarōrē āmarā waarā, iri makā tŭro, dia wekague waabŭ. Iroque eja, iro nerēanerā nomerē Jesúya kerere were doanībŭ.

14 Iroguere sugo Tiatira wāikuri makāmo, Lidia wāikugo òārī surí diari suríre duarimasō āārīmó. Marĩpure buremugō āārīmó. Irasirigu Marĩpu igore Pablo wererire òārō pémasĩrĩ merā pé buremumakū irimi.

15 Irasirigu Pablo igore, igoya wii marā āārĩpererārē deko merā wāiyemi. Īgū wāiyeadero puru, āsū ārĩmo:

—Musā yare: “Diayeta Jesúre buremugō āārĩmo”, ārĩ gūñarā, yaa wiigue dujaka! ārĩmo guare.

Igo irasū ārĩmakū pérā, igoya wiigue dujabu.

16 Sunu iro marā Marĩpure sērērā nerēnarōgue dupaturi waarā, wātĩ ñajāsūdeore bokajabu. Igo gajirārē moāboego āārīmó. Irasirigo wātĩ masĩrĩ sĩrĩ merā masakare: “Āsū waarokoa musārē”, ārĩboka, wáro niyeru wajatabosamo igo oparārē.

17 Igo gua noó waaró gua merā waagó, āsū ārĩ gaguinímo:

—Īgūsā Marĩpu āārĩpererārē doregure moāboerimasā āārĩma. Marĩpu marĩrē tauri kerere werema musārē, ārĩ gaguinímo.

18 Wárinurĩ guare garibomakū, Pablo gāmenugā, wātĩ igoguere āārĩgūrē āsū ārĩmi:

—Jesucristo wāi merā, Īgū turari merā murē: “Igre iropata wirika!” ārĩmi.

Īgū irasū ārĩmakūta, wātĩ igore wiriakōāmi.

19 Wātĩ igore wiriadero puru, masakare: “Āsū waarokoa”, ārĩ weremasĩbiri, igo oparārē niyeru wajatanemobosabirimo pama. Irasirirā, igo oparā gapu Pablo, Silare ñeā, iri makā marā oparā purogue āĩāma.

20 Puru weresārĩrē beyerimasā purogue Īgūsārē āija, āsū ārĩma:

—Īsā judío masaka āārĩma. Marĩya makā marārē gariborā yāma.

21 Īgūsā marĩrē buerā, marĩ romano marā iririkurire iridorebema. Irasirirā Īgūsā buerire gāāmebea. Īgūsā doreridere irimasĩbea, ārĩma.

22 Īgūsā irasū ārĩmakū pérā, masaka wārā iroguere āārĩrā Pablosā merā guama. Weresārĩrē beyerimasā gapu Pablosāya suríre túweadore, yuku merā tārādorema.

23 Īgūsārē buro tārā odo, peresu irima. Īgūsārē korebure òārō ĩāduripídorema.

24 Irasirigu Īgūsārē koregu gapu iri wii dekoma taribugue Īgūsārē Īgūsāya guburire taboa majĩrĩma goberigue suadobo, òārō biadobokōāyuru.

25 Puru ñami deko āārĩmakū, Pablosā Marĩpure sērē, bayapeoñurā. Īgūsā irasū bayamakū, gajirā peresugue āārĩrā péñurā.

26 Īgūsā bayaripoe gūñaña marĩrō nikū buro ñomeyuro. Irasiriro iri wiide buro gāmeña, suro merā āārĩpereri iri wiima makāpurori tūpāperekōāyuro. Peresugue āārĩrārē Īgūsā kōmedari merā suadeadaride kurakōāyuro.

27 Irasū waamakū, Īgūsārē koregu yobe, iri wiima makāpurori toyomakū ĩāgū: “Peresu āārānerā duriwiriaperekōāñuma”, ārĩ gūñayuru. Irasirigu Īgūya sareri majĩrē āi, Īgū basi sareboaduagu iriadiyuru.

28 Īgū irasirimakū ĩāgū, Pablo ĩgūrē gaguiníyuru:

—Mu basi ñerō neō iribirikōāka! Āārĩperekōāa gua, ārĩyuru.

29 Īgū irasū ārĩmakū pégu, sīāgodore, Pablosā puro ũmawāgā, Īgūsāya guburi puro naradari merā ejamejāyuru.

30 Puru Īgūsārē āiwiu, āsū ārĩ sērēñayuru:

—¿Nasirigukuri, yu Marĩpu yare taumakū gāāmegū?

31 Pablosā yujñurā:

—Marĩ Opu Jesucristore buremuka! Muya wii marāde ĩgūrē buremuburo. Musā ĩgūrē buremumakū ĩāgū, Marĩpu musārē taugukumi, ārĩñurā.

³² Irasū āri odo, ĩgūya wii marādere Jesúya kerere wereñurā.

³³ Ñami deko p̄ru ĩgūsārē koreadi ĩgūsāya kāmire koeyupu. ĩgū koe odoadero p̄ru, Pablosā ĩgūrē, ĩgūya wii marādere deko merā wāīyeñurā.

³⁴ ĩgūsārē wāīyeadero p̄ru, Pablosārē ĩgūya wiigüe āīa, baari ejoyupu. ĩgū, ĩgūya wii marā merā Marīp̄re b̄remusīā, b̄ro us̄uyañurā.

³⁵ Boyoripoe oparā surarare iriñurā, peresu wii koregure Pablosārē wiu-dorerā.

³⁶ Iri wii koregure irire pégu, Pablosārē ārīyupu:

—Oparā musārē wiridoreañurā. Irasirirā güiro marīrō us̄uyari merā wirika! ārīyupu.

³⁷ ĩgū irasū ārīmakū pégu, Pablo gapu ārīyupu surarare:

—Oparā ḡua ñerō irideare bokabirikererā, masaka wárā ĩūrō ḡuare tārādoreama. ĩgūsā, ḡua romano marā āārīkeremakū, tārādoreama. P̄ru peresu iriama. ¿Dapague ḡuare masaka ĩābero wiud̄ari? Āārībea. ĩgūsā basita wiurā aariburo ḡuare, ārīyupu Pablo.

³⁸ ĩgū irasū ārīmakū pérā, surara Pablo ārādeare oparārē wererā waañurā. Pablo, Silas romano marā āārīma, ārīrī kerere pérā, oparā güigorañurā.

³⁹ Irasirirā Pablosā p̄ro ejarā, āsū ārīñurā:

—Kātika, ḡua musārē peresu iriadeare! Irasū āri odo, ĩgūsārē peresugüe āārānerārē wiu: “Ḡuaya makārē wirika!” ārīñurā.

⁴⁰ Irasirirā Pablosā peresugüe āārānerā wiria, Lidiaya wiigüe waañurā. Irogue eja, Jesúre b̄remurā nerēanerārē bokajarā, ōārō güñaturanemomakū iriñurā. P̄ru waakōāñurā.

17

Tesalónica marā Pablo, Silas merā guadea

¹ Pablo, Silas merā waarā, Anfípolire, Apoloniare taria, Tesalónicague ejañurā. Iri makāguere judío masaka nerērī wii āārīyuro.

² Irogue eja, Pablo iri wiigüe waayupu ĩgū gaji makārīrē irinaderosūta. Ūre semana judío masaka siñajārīñurī āārīmakū, iro marārē Marīp̄yare werenayupu.

³ Āsū āri bueyupu:

—Marīp̄u iriudi, Cristo āārīmi. Marī ñerō iridea waja ñerō taridi āārīmí. ĩgū boadero p̄ru, Marīp̄u gapu ĩgūrē masūdi āārīmí marī ōārō āārīburire. ĩ Jesús yu āsū āri weregu, ĩgūta Cristo āārīmi marīrē taugu. Āsūta āri werea, Marīp̄ya kerere ĩgūsā gojadea p̄guere, āri wereyupu.

⁴ ĩgū irasū ārīmakū pérā, surāyeri judío masaka ĩgū wererire: “Diayeta āārā”, āri b̄remuñurā. Irasirirā Pablosā merā waañurā. Gajirā wárā griego masaka Marīp̄re b̄remurīmasā, oparā nomede, Pablo wererire pérā, b̄remuñurā. Irasirirā ĩgūsāde ĩgūsā merā waañurā.

⁵ Gajirā judío masaka irasirimakū ĩārā, Pablosārē ĩāturi, wárā ñerā moāmerārē siiu neō: “Pablo ĩgū merāmarā merā ñerō irigu yāmi”, āri gaguinírā waaka i makā marārē, āri iriñurā. Irasū āri gaguinírā, āārīpererā iri makā marārē Pablosā merā guamakū iriñurā. Irasirirā Jesúre b̄remugū Jasón wāikuḡya wiima makāp̄rore turaro merā tūākoro, ñajāa, Pablosārē āmadiñurā masakaguere wiad̄arā.

⁶ ĩgūsārē bokabirisīā, Jasōrē, gajirā Jesúre b̄remurādere ñeā tūāwāgā, iri makā marā oparā p̄rogue āīa, irogue eja, gaguiníñurā:

—Pablosā āārīpererogue masakare gariborā iriama. Dapagorare marīya makārē ejasiana.

⁷ Ìĩ Jasón Ìgūsārē Ìgūya wiigue ñajādoreami. Ìĩsā āārīpereri marī romano marā opu dorerire tarinugāma. “Gajigu musā Opu, Jesús wāikugu āārīmi”, ārī buema masakare, ārī gaguinīñurā oparārē.

⁸ Ìgūsā irasū ārī gaguinīmakū pérā, āārīpererā iri makā marā, Ìgūsā oparāde Pablosā merā guañurā. “¿Naásū waáari?” ārī gaguinīsirikōñurā.

⁹ Irasirirā oparā Jasōrē, Ìgū merāmarādere peresu waadoremerā: “Dupaturi Pablosārē iritamubirikōñaka!” ārī, niyeru wajaridore, wiukōñurā.

Pablo, Silas merā Bereague ejadea

¹⁰ Puru iri ñamita Jesúre bremurā Pablosārē Bereague iriukōñurā. Irogue eja, judío masaka nerērī wiigue waañurā.

¹¹ Judío masaka Berea marā gapu Tesalónica marā nemorō Jesúya kerere òārō péduañurā. Irasirirā irire: “¿Diyeta āārīrī?” ārī masīduarā, umariku Marīpuya werenírī gojadea pumarē bueníkōñurā.

¹² Irasirirā wārā Jesúre bremuñurā. Gajirā griego masakade, iri makā marā oparā nomede bremuñurā.

¹³ Pablo, Berea marārē Marīpuyare wereri kerere pérā, Tesalónica marā judío masaka ejañurā. Irore eja, Berea marārē kere ārī, Pablosā merā guamakū iriñurā.

¹⁴ Ìgūsā irasirimakū Ìārā, Jesúre bremurā Pablöre mumurō merā dia wádiya turogue iriñurā. Ìgū merāmarā gapu Silas, Timoteo merā Bereague dujañurā.

¹⁵ Pablöre āiwāgānerā Atenas wāikuri makāgue eja, Ìgūrē irogue pí, Bereague gāme dujáakōñurā doja. Irogue dujajarā, Pablo Ìgū: “Murīgora Silas, Timoteode òogue aariburo”, ārī kere iriuadeare wereñurā Ìgūsārē.

Pablo Atenague āārīdea

¹⁶ Pablo Atenague Silas, Timoteore yugu, iri makā marā keori weadeare wári opamakū Ìāgū, buro bujawereyupu.

¹⁷ Irasirigu judío masaka nerērī wiigue Ìgūsā merā werenígū waayupu. Iroguere gajirā judío masaka āārīmerā Marīpuyare bremurā āārīñurā. Ìgūsā merādere wereníyupu. Umariku iri makā marā Ìgū bokajarā merā wereníyupu.

¹⁸ Gajirā amade Epicúreos wāikuri bumarāyare buerimasā, gajirā Estoicos wāikuri bumarāyare buerimasā Pablo merā wereníñurā. Ìgū weremakū pérā, āsū ārī gāme sērēñañurā:

—¿Naásū ārī weredugayári, Ìĩ iropa werenígū? ārīñurā.

Pablo Jesúyare, Ìgū masā mūrīadeare weremakū pérā, gajirā āsū ārīñurā:

—Gajiro marā Ìgūsā bremurāyare weregu irikumi, ārīñurā.

¹⁹ Irasirirā Ìgūsā nerērō Areópago wāikurogue Pablöre āiñurā. Irogue āija, Ìgūrē ārīñurā:

—Gua maama bueri mu wererire masīduakoa.

²⁰ Mu bueri gajirosū āārā. Irasirirā gua: “¿Naásū ārīduaro yári iri?” ārī masīduakoa, ārīñurā Pablöre.

²¹ Āārīpererā Atenas marā, gajiro marā iri makā ejanerāde maama bueri ditare wereníduañurā.

²² Irasirigu Pablo Areópagogue Ìgūrē āijadero puru, wāgānugā, āsū ārī wereyupu Ìgūsārē:

—Keori weadeare musā āārīpererā òārō bremua. Irire masīa yu.

²³ I makā musāya makārē naagorenagū, musā bremurōrē Ìābu. Sugu musā bremugūrē sīdea sopeorogue gojatúdeadere Ìābu. “Umugasigue marā Opu marī masīña marīgūrē bremurō āārā”, ārī gojatúdeare Ìābu. Musā Ìgūrē

masĩbirikeremakũ, ĩgũrẽta werea yu musãrẽ, ãrĩyupu Pablo. Irasũ ãrĩ odo, ãrĩnemoyupu doja:

²⁴ —Marĩpu i umurẽ ããrĩpereri iridi ããrĩmĩ. Umugasi, i nikũ Opu ããrĩmĩ. Masaka iridea wiirire ããrĩbemi.

²⁵ Marĩ iritamurĩrẽ gããmebemi. ĩgũ gapu marĩrẽ iritamumi. Marĩ ããrĩrikurire, ããrĩpereri gajinodere sĩmi. Okari opamakũ yámi. Yujũãĩmakũ yámi marĩrẽ.

²⁶ Marĩpu sugu umũu merãta ããrĩpereri buri marã ããrĩmakũ iridi ããrĩmĩ, ĩgũsãrẽ i nikũ ããrĩpereroguerẽ ããrĩburo, ãrĩgũ. “Õõpa yoaripoe okarãkuma ĩgũsã ããrĩrõguere”, ãrĩ pídi ããrĩmĩ.

²⁷ Marĩpu: “Yure ãmarã bokaburo”, ãrĩgũ, irasiridi ããrĩmĩ. ĩgũrẽ marĩ bokaburo, ãrĩgũ, yoarogue ããrĩbemi. Marĩ merãta ããrĩmĩ.

²⁸ Marĩpu marĩrẽ ããrĩmakũ yámi. ĩgũ marĩmakũ marĩbukuyo. Marĩ okari, marĩ irimasĩrĩ, marĩ ããrĩrikurire sĩgũ ããrĩmĩ. Musã bayarire gojarimasãde ãsũ ãrĩ gojanerã ããrĩmã: “Marĩde umugasigue marã Opu pũrã ããrã”, ãrĩ gojanerã ããrĩmã.

²⁹ Irasirirã marĩ ĩgũ pũrã ããrĩrã, keori masaka weadeare ĩgũsã gũñarõ merã irideare: “Marĩpu irirosũ ããrĩmĩ”, ãrĩ gũñabirikõãrã! Marĩpu, masaka oro, plata, utãyeri merã keori weadea irirosũ ããrĩbemi.

³⁰ Marĩpu iripoegue marã ĩgũrẽ masĩmerã ĩgũrẽ buremubirimakũ irasũ ĩãkõãdi ããrĩmĩ. Irasirigu, dapaguere pama marĩrẽ ããrĩpererã i nikũgue ããrĩrãrẽ: “Musã ñerõ irideare bujawereka! Musã gũñarĩrẽ gorawayuka!” ãrĩmĩ.

³¹ Pupu Marĩpu ããrĩpererã ñerãrẽ wajamoãrĩnu ejamakũ, ĩgũ beyedi Jesús merã ããrĩpererã i nikũgue ããrĩrãrẽ diayeta irigukumi õãrãrẽ beye, ñerã gapure béobu. Jesús boadero pupu, Marĩpu ĩgũrẽ masũgũ, ĩgũ beyedi ããrĩrĩrẽ ĩmudi ããrĩmĩ ããrĩpererãrẽ, ãrĩ wereyupu Pablo Atenas marãrẽ.

³² ĩgũ Jesús boadigue masãdeare weremakũ pérã, gajirã ĩgũrẽ ubu burikõãñurã. Gajirã gapu:

—Dupaturi ire mu weremakũ péduakoa doja, ãrĩñurã.

³³ Pablo ĩgũsãrẽ piri waakõãyupu.

³⁴ Gajirã, ĩgũ wererire pénemoduarã ĩgũ merã waañurã. Irasirirã Jesúre buremunugãñurã. ĩgũsã merã sugu Dionisio wãikugũ Areópagogue oparã merã nererĩmasũ ããrĩyupu. Gajigo Dámaris wãikugode gajirã merã Jesúre buremunugãyupo.

18

Pablo Corintogue ejadea

¹ Pupu Pablo Atenague ããrãdi waa, Corinto wãikuri makãgue ejayupu.

² Irogue judío masakũ Aquila wãikugure Ponto nikũmurẽ bokajayupu. Aquila, ĩgũ marãpo Priscila merã Italia nikũgue ããrĩnerã ããrãdima. ĩgũsã irogue ããrĩripoe romano marã opu Claudio wãikugũ ããrĩpererã judío masakare Romarẽ wiridoremakũ, Aquila ĩgũ marãpo merã Corintogue ejanerã ããrĩmã. ĩgũsã irogue ããrĩmakũ, Pablo ĩgũsãrẽ ĩãgũ waayupu.

³ ĩgũde ĩgũsã moãrikurĩnorẽta moãgũ ããrĩyupu. Irasirigu dujakõãyupu ĩgũsã merã moãbu. ĩgũsã surĩ gasiri merã wiiri irirã ããrĩñurã.

⁴ Pablo, judío masaka siñajãrĩnuriku ĩgũsã nererĩ wiigue waa, judío masakare, judío masaka ããrĩmerãdere Jesúya kerere werenayupu, ĩgũsã iri kerere: “Diayeta ããrã”, ãrĩ gũñaburo, ãrĩgũ.

⁵ Timoteo, Silas merã Macedoniague ããrãnerã Pablo p̄rogue ïgũsã ejadero p̄r̄u, Pablo surí gasiri merã wiiri moãrĩrẽ piri, ãmarik̄u judío masakare Jesúya kerere diaye ãrĩrĩ merã bueyup̄u:

—Jesús ããrĩmi marĩ yoaripoe yúdi. Ñgũta Marĩp̄u iriudi, Cristo ããrĩmi, ãrĩyup̄u.

⁶ Ñgũ irasũ ãrĩ buekeremakũ, judío masaka gap̄u ïgũrẽ péduabiriñurã. Irasiriḡu ïgũsã ñerõ werenírĩ merã ïgũrẽ werew̄amakũ pégu, Pablo ïgũsãrẽ: “Buenemobirikoa”, ãrĩ ïmugũ ïgũya suríre iroma nikũ tuadeare pásiri, ãsũ ãrĩyup̄u:

—Marĩp̄u dorederosũta musãrẽ bueabu. Musã gap̄u ȳre péduabea. Irasirirã musã péduabiri waja perebiri peamegue waarãkoa. Irasiriḡu ȳ musãrẽ bueadeare pirigãkoa. Dapagorare judío masaka ããrĩmerãrẽ buegu waagura, ãrĩyup̄u.

⁷ Irasũ ãrĩ, iri wiigüe ããrãdi wiria, Ticio Justo wãik̄uya wiigüe waayup̄u. Ñgũya wii judío masaka nerẽrĩ wii turo ããrĩyuro. Ñgũ Marĩp̄ure b̄remugũ ããrĩyup̄u.

⁸ Nerẽrĩ wii op̄u Crispo wãik̄ugu, ããrĩpererã ïgũya wii marãde Jesúre b̄remuñurã. Gajirã Corinto marãde wárã Jesúya kerere pérã, ïgũrẽ b̄remunugãñurã. Irasirirã deko merã wãiyesũñurã, ïgũsã Jesúre b̄remurĩrẽ ïmurã.

⁹ Su ñami Pablöre k̄erõgue irirosũ marĩ Op̄u ïgũrẽ ãsũ ãrĩ wereyup̄u:

—Güibirikõãka! Neõ piriro marĩrõ yaa kerere buenikõãka i makã marãrẽ!

¹⁰ Ȳu, m̄u merã ããrã. Irasirirã masaka m̄rẽ ñerõ irimasĩbema. I makãrẽ wárã yaarã ããrĩma, ãrĩyup̄u.

¹¹ Irasiriḡu Pablo iro marã merã su bojori gaji bojori deko ããrĩyup̄u Marĩp̄uya kerere buegu.

¹² Iripoere romanom̄u Galión wãik̄ugu Acaya nikũ marã op̄u ããrĩripoe judío masaka suro merã nerẽ, Pablöre ñeã, Galión p̄rogue ãija,

¹³ ãsũ ãrĩñurã:

—Ñi masakare: “Ñsũ gap̄u irika, Marĩp̄ure b̄remurã!” ãrĩ buegu, i nikũma doreri gap̄ure béodoremi, ãrĩñurã Galiõrẽ.

¹⁴ Ñgũsã irasũ ãrĩmakũ, Pablo ïgũsãrẽ werebu iriripoeta Galión gap̄u judío masakare ãrĩyup̄u:

—Ñgũ ñerõ iriadero p̄r̄u tamerãrẽ ȳ péboakuyo musã judío masaka weresãrĩrẽ.

¹⁵ Musã dorerire tarinugãmakũ, musã basi ãmuka! Ire masĩbea ȳu. Irasiriḡu irire: “Irasũta irika!” ãrĩmasĩbirikoa, ãrĩyup̄u.

¹⁶ Irasũ ãrĩgũta ïgũyarã surarare Pablöre weresãrãrẽ béowiudoreyup̄u.

¹⁷ Irasirimakũ ïãrã, ããrĩpererã iri wii ããrĩrã Sóstenẽrẽ judío masaka nerẽrĩ wii op̄ure ñeã, Galión ïürõ páñurã. Ñgũsã pámakũ ïãgũ, Galión gap̄u: “Ñgũsã gããmerõ iriburo”, ãrĩ ïãkõãyup̄u.

Pablo Antioquíague goedujãa, dupaturi buegorenadea

¹⁸ Pablo Corintogue yoaripoe ããrĩyup̄u dapa. P̄r̄u Jesúre b̄remurãrẽ: “Waagú yãa”, ãrĩ odo, doódiru merã Priscila, Aquila merã Siriana makãgue waakõãñurã. Ñgũ doódiru merã waaburi dupiyuro Cencreague ããrĩgũ, Marĩp̄ure: “Ñsũ irigura m̄rẽ b̄remugũ”, ãrĩderosũta ïgũya poarire w̄w̄apeokõãdoreyup̄u.

¹⁹ P̄r̄u ïgũsã merã waa, Efeso wãik̄uri makãgue eja, Priscila, Aquilare pikõã, judío masaka nerẽrĩ wiigüe waayup̄u. Iri wiigüe eja, judío masaka iro nerẽanerã merã Marĩp̄uyare wereyup̄u.

²⁰ Īgũ irasũ weremakũ pérã, ĩgũrẽ: “Yoaripoe dujaka gũa merã!” ãrãdiñurã. Īgũ gapũ: “Dujabea mũsã merã”,

²¹ ãrĩgũta ĩgũsãrẽ seretuyupũ:

—Jerusalẽgue bosenu ĩãgũ waagũ yãa. Marĩpũ gããmemakũ dupaturi ĩãgũ dujaribukoa mũsãrẽ, ãrĩyupũ.

Irasũ ãrĩ odo, Efesogue ããrãdi doódiru merã waakõãyupũ.

²² Irasirigũ Cesareare tariwãgã, Jerusalẽgue eja, iro marã Jesúre bũremurãrẽ õãdoregũ ejayupũ. Pũrũ Antioquíague waayupũ doja.

²³ Irore yoaweyaripoe ããrĩ, pũrũ Galaciama makãrĩgue Frigiama makãrĩrẽ dupaturi eja, iri makãrĩ marãrẽ Jesúre bũremurãrẽ bue, ĩgũsãrẽ õãrõ mũyari merã ããrĩrikũmakũ iriyupũ.

Apolos Efesogue buedea

²⁴ Iripoere judío masakũ Apolos wãĩkũgũ, Alejandría wãĩkũri makãmu Efesogue ejayupũ. Īgũ õãrõ weregũ, Marĩpũya werenĩrĩ gojadeare masĩgũ ããrĩyupũ.

²⁵ Gajirã ĩgũrẽ marĩ Opũ Jesúya kerere weresianerã ããrĩmã. Irasirigũ mũyari merã Jesús irideare diaye ãrĩrĩ merã wereyupũ. Irasirikeregũ, Juan masakare deko merã wãĩyedeã ditare masĩyupũ.

²⁶ Gũiro marĩrõ judío masaka nerẽrĩ wiigue ããrĩrãrẽ buenũgãyupũ. Īgũ buerire péanerã Priscila, Aquila ĩgũsãya wiigue ĩgũrẽ ãã, iroque õãrõ diaye ãrĩrĩ merã wereñurã ĩgũ Marĩpũyare masĩbirire.

²⁷ Pũrũ Apolos Acayague waadũmakũ, Jesúre bũremurã ĩgũrẽ su pũ gojabosañurã. Irasirirã Jesúre bũremurãrẽ Acayague ããrĩrãrẽ: “Apolore õãrõ bokatĩrĩñeãka!” ãrĩrĩ pũrẽ ĩgũ merã iriuñurã. Irasirigũ Apolos iroque ejamakũ, Marĩpũ ĩgũsãrẽ maĩgũ, ĩgũ merã õãrõ iritamuyupũ.

²⁸ Irasirigũ Apolos ããrĩpererã ĩũrõ judío masakare õãrõ turari merã:

—Marĩpũ iriudi, mũsã yoaripoe yúdi, Cristo ããrĩmi. Īgũta Jesús ããrĩmi, ãrĩyupũ. Irasirirã Marĩpũya werenĩrĩ gojadeã pũrẽ keoro weremakũ pérã, judío masaka: “Diaye ããrĩbeã”, ãrĩmasĩbiriñurã.

19

Pablo Efesogue buedea

¹ Apolos Corintogue ããrĩripoe Pablo gapũ ùtãyuku watopegue taria, Efesogue eja, wãrã Jesúre bũremurãrẽ bokajayupũ.

² Bokaja, ĩgũsãrẽ sãrẽñayupũ:

—¿Mũsã Jesúre bũremurã, Õãgũ deyomarĩgũrẽ bokatĩrĩñeãrĩ? ãrĩyupũ.

Īgũrẽ yũjũñurã:

—“Õãgũ deyomarĩgũ ããrĩmi”, ãrĩmakũ, neõ pébiribũ gũa.

³ Pablo ĩgũsãrẽ sãrẽñayupũ doja:

—¿Noãya buerire pédero pũrũ, deko merã wãĩyeri mũsãrẽ? ãrĩyupũ. Īgũsã gapũ yũjũñurã:

—Juãya buerire gũa pédero pũrũ, gũare wãĩyema, ãrĩñurã.

⁴ Pablo ãsũ ãrĩyupũ doja:

—Juan masakare ĩgũsã ñerĩ irideare bujawere, gũñarĩrẽ gorawayurãrẽ wãĩyedi ããrĩmĩ. Irasũ wãĩyekeregũ: “Yũ pũrũ aaribure bũremuka!” ãrĩ buedi ããrĩmĩ. Irasũ ãrĩgũ: “Jesúre Marĩpũ iriudire bũremuka mũsã!” ãrĩgũ iridi ããrĩmĩ, ãrĩyupũ Pablo.

⁵ Īgũ irasũ ãrĩmakũ pérã, marĩ Opũ Jesús wãĩ merã wãĩyesũñurã ĩgũrẽ bũremurĩrẽ ĩmurã.

6 Pɔɔɔ Pablo ɪgʊsɔyɔ dipu weka ɪgʊyɔ mojɔrɪ merɔ ɲapeomakʊ, Ōɔgʊ dey-omarɪgʊ dijijayupɔ ɪgʊsɔrɛ. ɪgʊ dijijamakʊ, gajɪ masɔ ya werenɪrɪ merɔ ɪgʊsɔ werenɪmasɪbirideare werenɪɲurɔ. Marɪpɔ ɪgʊsɔrɛ weredorerire wereɲurɔ.

7 ɪgʊsɔ ɔɔrɪpererɔ pe mojɔma pere su gubu peru pɛrɛbejarɔgora ɔɔrɪɲurɔ.

8 Pablo iri makɔguere ɔrerɔ abe ɔɔrɪgʊ, judɪo masaka nerɛrɪ wiigue ɲajɔa, gʊiro marɪrɔ Marɪpɔ marɪ Opɔ ɔɔrɪrɪ kerere masakare werenayupɔ. Irire gʊɲaturari merɔ weremakʊ pɛrɔ: “I diayeta ɔɔrɔ”, ɔrɪɲurɔ.

9 Gajirɔ gapɔ Marɪpɔyare pɛduamerɔ, ɪgʊ wererire bɔremubirɪɲurɔ. Irasirirɔ masaka pɛurogue marɪ Opɔyɔ bueri: “Ñegorɔa”, ɔrɪ wereɲurɔ. ɪgʊsɔ irasʊ ɔrɪmakʊ pɛgu, Pablo gapɔ Jesʊre bɔremurɔrɛ siiu wiria, Tiranno wɔɪkugɔyɔ bueri wiigue waayupɔ. Iroguere ɔmɔrikɔ masakare buenayupɔ.

10 Pe bojorigora bueyupɔ ɪgʊsɔrɛ iri wiiguere. ɪgʊ irasʊ buemakʊ, ɔɔrɪpererɔ Asia nikʊ marɔ judɪo masaka, judɪo masaka ɔɔrɪmerɔde marɪ Opɔyare pɛperekɔɔɲurɔ.

11 Pablo iri makɔgue ɔɔrɪmakʊ, Marɪpɔ ɪgʊ turari merɔ ɪgʊrɛ wɔri iri ɪmurɪrɛ irimakʊ iriyupɔ.

12 Irasirimakʊ ɪɔrɔ, masaka surɪ gasiri, Pabloya dupɔ pɛrɛadea gasirire pʊrɪrikurɔ pɔro ɔɪɔnaɲurɔ. ɪgʊsɔ ɔɪɔmakʊ, pʊrɪrikurɔ iri gasirire moɔɲa, tarinaɲurɔ. Wɔtɛa ɲajɔsʊnerɔde irire moɔɲa, wirisʊnaɲurɔ.

13-14 Iripoere gajirɔ judɪo masaka wɔtɛɔrɛ bɛowiugorenarɔ iriɲurɔ. ɪgʊsɔ Esceva wɔɪkugɔ pʊrɔ su mojɔma pere gajɪ mojɔ peru pɛrɛbejarɔgora ɔɔrɪɲurɔ. Esceva paɪa opɔ ɔɔrɪyupɔ. ɪgʊ pʊrɔ Pablo irirosʊta marɪ Opɔ Jesʊs wɔɪ merɔ wɔtɛɔrɛ bɛowiuduarɔ, ɔsʊ ɔrɪɲurɔ:

–Jesʊs, Pablo weredi wɔɪ merɔ dorea mɔsɔrɛ. Wirika mɔsɔ ɲajɔdire! ɔrɪ bɛowiuadiɲurɔ.

15 ɪgʊsɔ irasʊ ɔrɪkeremakʊ, wɔtɪ masakɔguere ɲajɔdi ɔsʊ ɔrɪyupɔ:

–Jesʊre, Pablora masɔa. Mɔsɔ gapɔre masɪbea. ¿Niɪsɔno ɔɔrɪrɪ mɔsɔ? ɔrɪyupɔ.

16 ɪgʊ irasʊ ɔrɪmakʊta, wɔtɪ ɲajɔsʊdi gapɔ pari meɛbeja, bɔro turaro merɔ ɪgʊsɔ ɔɔrɪpererɔrɛ ɲɛɔ, tarɪnugɔyupɔ. ɪgʊsɔrɛ pɔ, kɔmitʊ, ɪgʊsɔyɔ surɪre yeguepeokɔɔyupɔ. Irasirirɔ surɪ marɪrɔ, kɔmikurɔgue ɔmawiriaɲurɔ.

17 ɪgʊsɔ irasʊ waadea kerere pɛrɔ, ɔɔrɪpererɔ Efeso marɔ, judɪo masaka, judɪo masaka ɔɔrɪmerɔde pɛguka, bɔro gʊɪɲurɔ. Irasirirɔ marɪ Opɔ Jesʊs wɔɪrɛ ɔɔrɔ goepeyari merɔ bɔremuɲurɔ pama.

18 Irasirirɔ wɔrɔ dupiyuro Jesʊre bɔremunugɔnerɔ gapɔ ɪgʊsɔ ɲerɔ irideare masaka pɛurogue weretarirɔ ejaɲurɔ.

19 ɪgʊsɔ merɔ wɔrɔ yɛa ɔɔrɪrɔ ɔɔrɪɲurɔ. Irasirirɔ ɪgʊsɔ bayirima gojadea papera turirire iroguɛ ɔɪa, masaka ɪɔrɔ irire soebɛokɔɔɲurɔ. ɔɔrɪpereri iri wajakɔdeare ɪgʊsɔ keoɲamakʊ, cincuenta mil niyeru koeri wajakɔadiyuro.

20 ɪgʊsɔ irasirimakʊ ɪɔdero pɔrɔ, ɔmɔrikɔ wɔrɔ masaka Marɪpɔyɔ kerere pɛrɔ, ɪgʊ turari merɔ Jesʊre bɔremunugɔɲurɔ.

21 Irasʊ waadero pɔrɔ, Pablo ɔsʊ ɔrɪ gʊɲayupɔ: “Macedonia nikʊ waapɔrori, iri nikʊrɛ taria, Acaya nikʊdere taria, Jerusalɛgue waagɔra. Iro merɔta Romarɛ ɪɔgʊ waagɔra”, ɔrɪ gʊɲayupɔ.

22 Irasirigɔ ɪgʊ waaburi dupiyuro pɛrɔ ɪgʊrɛ iritamurɔrɛ Erasto, Timoteore iriyupɔ Macedoniague. Pablo gapɔ sugɔta dujayupɔ dapa Asiaguere.

Efeso marɔ Pablo merɔ gua, gaguinɪdea

23 Pablo Efesogue ɔɔrɪripoe gajirɔ iro marɔ bɔro werenɪrɪ merɔ ɪgʊrɛ ɪɔturiɲurɔ, masaka wɔrɔ Jesʊre bɔremumakʊ ɪɔrɔ.

24 Sugũ plata wãikuri kōme merã moãrĩmasũ Demetrio wãikugũ Pablöre ãaturiwãgũyupũ. Ìgũ plata merã iro marã bũremugõ Artemisa wãikugo bũremurĩ keori wiirigãrẽ weanayupũ. Ìgũ, gajirã moãrã merã Ìgũsã weadeare masakare duarã, wáro wajatanañurã.

25 Irasirigũ Demetrio Ìgũ merã moãrãrẽ, gajirã Ìgũ irirosũ plata moãrãrẽ siu neeõ, ãsũ ãrĩyupũ:

—Yũ merãmarã, õãrõ péka! Irire masĩa musã. Marĩ weadeare duari merã wáro wajata, õãrõ ããrĩkõãa.

26 Pablo buedeaderere masĩa. Æsũ ãrĩ buegorenami: “Masaka bũremurã keori weadea, turari oparã irirosũ ããrĩbea. Æmugasigue marã Opũ irirosũ neõ ããrĩbea, keori weadea ããrã”, ãrĩ buemi. Irire pérã, wárã masaka õõ marã, ããrĩperero Asia marãde Ìgũ buedeare: “Diayeta ããrã”, ãrĩ gũñama.

27 I marĩrẽ bũro goea. Marĩya moãrĩ wajamarĩãkõãburo yáa. Marĩ bũremugõ Artemisaya wiide ubu ããrĩrĩ wii dujakõãrokoa. Dapagueta ããrĩperero Asia marã bũremuadima igore. Masaka Pablo wererire bũremurã sõõ gapũ merã igore bũremunemobirikuma pama, ãrĩyupũ Demetrio Ìgũsãrẽ.

28 Ìgũ irasũ ãrĩmakũ pérã, bũro guari merã:

—Artemisa, Efeso marã bũremugõ turago ããrĩmo, ãrĩ gaguinípũroriñurã.

29 Ìgũsã gaguinĩmakũ, gajirã wárã Efeso marã: “¿Naásũ waari?” ãrĩ pémasĩbirikererã, Ìgũsãde gaguinípereakõãñurã. Irasũ gaguinĩrãta Gayore, Aristarcos ñeã, iri makã marã nerẽrõgue Ìgũsãrẽ tũãwãgãñurã. Gayo, Aristarco Macedonia marã, Pablöre wapikũwãgãnerã ããrĩñurã.

30 Ìgũsãrẽ ñeãmakũ ããgũ, Pablo gapũ masaka wárã watopegue Ìgũsãrẽ weregu waadũadiyupũ. Jesũre bũremurã gapũ waadorebiriñurã.

31 Gajirã iri nikũ marã oparãde, Pablo merãmarã Ìgũrẽ: “Gũa mũrẽ dorea: Ìgũsã nerẽrõgue waabirikõãka!” ãrĩ kere iriuñurã.

32 Irogue nerẽanerã bũro gaguinĩrã iriñurã dapa. “¿Nasirĩã marĩ õõgue nerẽrĩ?” ãrĩmasĩmerã Ìgũsã gããmerõ gaguinĩmirẽkõãñurã.

33 Irasirirã judío masaka Ìgũsãyagure Alejandro wãikugure gaguinĩrã ãũrõgue túmeénũñurã Ìgũsãrẽ weredorerã. Irasirigũ Ìgũ gapũ Ìgũya mojõ merã irikeo: “Iropata gaguinĩka, toeaka!” ãrĩdũadiyupũ. “Gũa judío masaka ñerõ iribeã”, ãrĩ weredũadiyupũ.

34 Ìgũ judío masakũ ããrĩrĩrẽ ããmasĩrã, ããrĩpererã suro merã pe hora gaguinĩñurã:

—Artemisa, Efeso marã bũremugõ turago ããrĩmo, ãrĩ gaguinĩñurã.

35 Ìgũsã bũro gaguinĩmakũ ããgũ, sugũ iri makã marã oparãrẽ iritamugũ masakare toedore, ãsũ ãrĩyupũ:

—Musã, Efeso marã õãrõ péka! Artemisa, marĩ bũremugõ turago ããrĩmo. Igore bũremurĩ wiire, igo keori Æmugasigue dijarideaderere korerã ããrã marĩ. Irire ããrĩperero marã õãrõ masĩa.

36 “I diaye ããrĩbeã”, ãrĩmasĩbema. Irasirirã iropata gaguinĩka, toeaka! Gaguinĩnemobirikõãka pama! Diaye gũñaka musãde! Noó gããmerõ pémasĩrĩ marĩrõ gajinorẽ iribirikõãka!

37 Ìisã musã ñeãnerã marĩ bũremurĩ wiirimarẽ neõ yajabirama. Marĩ bũremugõrẽ ñerõ neõ ãrĩ werenĩbirama. Ìgũsã ñerõ iribirikeremakũ, Ìgũsãrẽ ñeã, õõgue ããriayo.

38 Demetrio, Ìgũ merã moãrã Ìgũsãrẽ weresãduarã, weresãrĩrẽ beyerimasã pũroque waaburo. Irogue i nikũ marã oparã ãũrõgue Ìgũsãrẽ weresãdeare ãmumasĩa.

³⁹ Oparā i makā marārē siiu neeōmakū ĩārā, gajino sērēduarā, werenírā aarika!

⁴⁰ Dapagā musā guari merā gaguiniádea kerere marī oparā pérā: “Marīrē tarinugāduarā yáma”, ārī weresābukuma. Irasirirā marī buro gaguiniádea waja marīrē weresāmakū neō yujamasībiribukoa, ārīyupu oparārē iritamugū ĩgūsārē.

⁴¹ Irire were odo: “Iropata āārā. Waaka musāya wiirigue!” ārīyupu.

20

Pablo Macedoniague, Greciague ejadea

¹ ĩgūsā irasū ārī gaguinimírēdero puru, Pablo gapu Jesúre buremurārē siiu neeō, ĩgūsārē oārō āārīrikudoregu, wereyupu. Were odo, mojō ñeā, ĩgūsārē seretu, Macedoniague waakōāyupu.

² Irogue eja, iroma makārī marārē Jesúre buremurārē ĩgū werenírī merā oārō gūñaturamakū iriyupu. Puru Greciague waayupu.

³ Irore urerā abegora āārīyupu. Puru Siria nikūgue doódiru merā taribujabu iriripoe judío masaka: “Murē ñerō iriduarā iriama”, ārīrī kerere péyupu. Irasirigu: “Maa merā Macedoniagueta dujáagura doja”, ārī gūñayupu.

⁴⁻⁵ Gna, ĩgū merā waaburi dupiyuro gajirā ĩgū merāmarā Troas wāikuri makāgue waa, guare yúñurā. ĩsākū āārīmá: Sópater wāikugu Bereamu, Pirro wāikugu magū āārímí. Gajirā Tesalónica marā pérā Aristarco, Segundo wāikurā āārímá. Gajigu Derbemu Gayo wāikugu, gajigu Timoteo, gajirā Asia marā Tíquico, Trófimo āārímá.

⁶ ĩgūsā yúripoe gna gapu pā wemasārī morēña marīrī baari bosenu puru, Filipogue āārānerā doódiru merā su mojōma nurī taribuja, Troague ejabu. Irogue ĩgūsārē bokaja, ĩgūsā merā su semana dujabu.

Troague Pablo naadea

⁷ Siñajārīnu āārīmakū, gajirā Jesúre buremurā merā pārē dukawa baamura nerēbu. Pablo gajinu gapu waabu āārīsīā, yoaripoe buemi ĩgūsārē. Ñami deko āārīmakū bue odobirimí dapa.

⁸⁻⁹ Gna nerērī taribu, ure kaya wekama taribu, sīāgori wári opari taribu āārībú. Pablöre iro āārīrā péripoe sugu maamu Eutico wāikugu ventanague doami. Pablo ĩgūsārē yoaripoe buemakū, ĩgūrē waja ejayuro. Irasirigu kārītari, yebague yuridijakōāmi. ĩgū yuridijamakū ĩārā, ĩgū puro waa, kōmoadiguere āīwāgū doboma.

¹⁰ ĩgūsā irasū irimakū ĩāgū, Pablo dijari, maamurē pábua āīwāgūnú, ĩgūsārē weremi:

—Gukabirikōāka! Okami dapa, ārīmi.

¹¹ ĩgū irasū ārīmakū, maamu kōmoadigue āārīkeregū, masākōāmi. ĩgū masāmakū ĩāgū, Pablo dupaturi murīa, pārē dukawa, ĩgūsā merā baami. ĩgū irasiriadero puru, yoaripoe buenemomí doja. Boyoburo dupiyurogā ĩgūsārē bue odo, wiriakōāmi.

¹² ĩgū wiriadero puru, irogue nerēanerā Eutico kōmoadigue masādire usuyari merā ĩgūya wiigüe āīāma.

Pablosā Troas āārānerā Miletogue waadea

¹³ Pablo guare ārīderosūta doódiru merā ĩgū dupiyuro Asogue waabu. ĩgū gapu ĩgū waadūaderosūta maague waami.

¹⁴ Asogue guare bokaja, gna merā doódirugue ñajāa, Mitilenegue waami.

¹⁵⁻¹⁶ Gajinu iro merā waarā, Quío wāikuri nugūrō bokatīūrōgue ejabu. Gajinu waarā, Samogue ejabu doja. Iro merā waa, Trogilio wāikurogue kārību. Pablo, Pentecostés bosenu dupiyuro Jerusalēguere ejadūagu, guare:

“Asiare yoaripoe ããrĩduabirikoa yu”, ãrĩmi. “Irasirirã Efesore diayeta taria, Miletogue waapurumurã!” ãrĩmi. Irasirirã gajinu gapu waa, Miletogue ejabu.

Pablo Efeso marã Jesúre bɔremurã oparãrẽ werede

¹⁷ Pablo Miletogue ããrĩgũ, Efeso marã Jesúre bɔremurã oparãrẽ kere iriumi ãgũ puo aaridoregu.

¹⁸ ãgũsã ãgũ puo ejamakũ, ãgũsãrẽ ãrĩmi:

—Asiague ejaqu, musã merã neõgora yu irideare õãrõ masãa musã.

¹⁹ Musã merã ããrĩgũ, marĩ Opuyare iribu. Irasirigu musãrẽ neõ tarinugãbiribu. Masaka Jesúre bɔremubirimakũ ããgũ, orebu. Judío masaka yure wẽjẽduakeremakũ, musãrẽ buebu.

²⁰ Musã nerẽrõgue, musãya wiiriguedere ããrĩpereri musã õãrõ ããrĩrikuburire buebu.

²¹ Judío masakare, judío masaka ããrĩmerãdere irireta buebu. “Õãrõ péka! Musã ñerõ iririre piri, Marĩpuya gapure õãrõ irinugãka! Marĩ Opu Jesúre bɔremuka!” ãrĩ buebu.

²² Irasirigu dapagorare Õãgũ deyomarĩgũ dorederosũta Jerusalẽgue waagũ yãa. Irogue yure ãsũ waarokoa, ãrĩmasĩbirikoa dapa.

²³ Yu ejadea makãrĩku Õãgũ deyomarĩgũ ãsũ ãrĩmi yure: “Mu irogue waa-makũ, masaka murẽ peresu iri, ñerõ tarimakũ irirãkuma”, ãrĩmi. Iri ditare masãa.

²⁴ Irire masĩkeregũ, güibe. Yaa okaridere maĩbea. Marĩpu masaka ããrĩpererãrẽ maĩrĩ merã ããmi, ãrĩrĩ kerere marĩ Opu Jesús weredoremi yure. I ditare ãgũ yure moãrĩ pídeare iripeoduãa.

²⁵ Yu musã merã ããrĩgũ, Marĩpu ãgũyarãrẽ doreri kerere weregorenabu. Dapagorare musã neõ dupaturi yure ããnemobirikoa. Irire masãa yu.

²⁶⁻²⁷ Irasirigu dapagãrẽ irire werea musãrẽ. ããrĩpereri Marĩpu yare ãgũ yure weredoredeare werebu musãrẽ. Irasirirã musã ããrĩpererã irire: “Neõ pébea yu”, ãrĩmasĩbirikoa. Perebiri peamegue waamakũ, ãgũsã péduabiridea waja ããrĩrokoa. Yaa waja ããrĩbirikoa.

²⁸ Irasirirã Marĩpu yare õãrõ péduripĩka! Musã Jesúre bɔremurãrẽ, Õãgũ deyomarĩgũ musãrẽ koredorerãdere: “Õãrõ péka musãde!” ãrĩ wereka! ãgũ magũ boagu dí béodea merã Marĩpu ãgũsãrẽ ãgũyarã ããrĩmakũ iridi ããrĩmĩ. Irasirirã ãgũsãrẽ õãrõ koreka, oveja korerã ãgũsãyarã ovejare õãrõ korederosũta!

²⁹ Yu waadero puu, gajirã ãrĩkatorimasã, makãnúu marã diayéa ovejare wẽjẽduarã irirosũ musã puo ejarãkuma. ãgũsã bueri merã musãrẽ dukawarimakũ iriduarãkuma.

³⁰ Puu guere gajirã musã merãmarãta musãrẽ Jesúre bɔremurãrẽ ãrĩkatorãkuma ãgũsã buerire pédorerã.

³¹ Irasirirã õãrõ pémasĩka! Ure bojorigora umũrĩ, ñamirĩ oreri merã musã ããrĩpererãrẽ werebu. Irasirirã yu weredeare güñanĩkõãka!

³² Dapagorare Marĩpue sãrẽbosagura musãrẽ koreburo, ãrĩgũ. ãgũ musãrẽ maĩrĩ merã ããrĩ kerere buerã, õãrõ ããrĩrikurãkoa. Umũrikũ ãgũ turari merã musãrẽ ãgũrẽ bɔremunemomakũ yãmi. Musãrẽ ãgũyarãrẽ ããrĩpererãrẽ õãrĩrẽ sĩgukumi ãgũ iripoegue ãrĩderosũta.

³³ Yu musã merã ããrĩgũ, musãya niyerure, musãya surĩdere: “Yu sĩka!” neõ ãrĩbiribu.

³⁴ Yu basi moãdea waja merã, yu gããmerĩrẽ, yu merãmarã gããmerĩdere bokabu. Irire õãrõ masãa musã.

³⁵ Marĩ moã wajatadea merã gajino opamerãrẽ iritamurõ gããmea. Ire musãrẽ iri imubu: “ãsũ iririkũka musãde!” ãrĩgũ. Marĩ Opu Jesús ãrĩdeare

gũnaka! Āsũ arĩyurũ: “Sugũ gajino sīgũ gapũ ĩgũ sĩrĩrẽ ñeāgũ nemorõ usuyami”, arĩ weremi Pablo Efeso marã Jesũre buremurãrẽ.

³⁶ Irasũ arĩ odo, Pablo ĩgũsã merã ñadukũpuri merã ejamejã, Marĩpure sērẽmi.

³⁷⁻³⁸ Sērẽ odo: “Mũsã dupaturi neõ ĩānemobirikoa yũre”, ĩgũ arĩdeare gũñarã, burũ bujawereri merã dujama. Irasirirã āārĩpererã ĩgũrẽ pábũa, orema. Purũ ĩgũrẽ perague tũyabuajama gũa doódiru merã waamakũ ĩātũyarã.

21

Pablo dupaturi Jerusalēgue waadea

¹ Gũa Efeso marãrẽ Jesũre buremurãrẽ seretu odo, doódiru merã Cos wãĩkũri nũgũrõgue diaye waakõābũ. Gajinũ Rodas wãĩkũri nũgũrõrẽ taria, Pátara wãĩkũri makāgue ejabũ.

² Irogue eja, doódiru Feniciague waaburidirure bokaja, iriru merã waabũ doja.

³ Waa, Chipre wãĩkũri nũgũrõrẽ tariarã, iri nũgũrõ kũgapũ dujamakũ ĩābũ. Irore taria, Siria nikũrẽ eja, Tiro wãĩkũri makāma perague ejabũ. Irogue doódirure moārã iriruma doebirire pĩma.

⁴ Irogue eja, Jesũre buremurãrẽ bokaja, su mojõma pere gaji mojõ peru pērẽbejarinũrĩ ĩgũsã merã āārĩbũ. ĩgũsã Ōāgũ deyomarĩgũ masĩrĩ sĩsũnerã āārĩsĩā, Pablore: “Jerusalēgue waabirikõāka mũrẽ wējērĩ!” arĩ werema.

⁵ ĩgũsã irasũ arĩkeremakũ, su mojõma pere gaji mojõ peru pērẽbejarinũrĩ purũ, waakõābũ. Gũa waamakũ, āārĩpererã Jesũre buremurã, ĩgũsã marāposã nome, ĩgũsã pũrã iri makã tũrogue gũare ĩātũyarã ejama. Irasirirã gũa āārĩpererã ĩgũsã merã perague buāa, iroma ĩmiparogue ñadukũpuri merã ejamejãja, Marĩpure sērẽbũ.

⁶ Purũ ĩgũsãrẽ pábũa seretu odo, doódiru merã waakõābũ. ĩgũsã gapũ ĩgũsãya wiirigue majākõāma.

⁷ Irasirirã gũa Tirore āārãnerã waa, Tolemaida wãĩkũri makāgue ejabũ. Irogue eja, Jesũre buremurãrẽ õādore, sunũ ĩgũsã merã āārĩbũ.

⁸ Gajinũ gapũ Pablo gũa merã maague waami, Cesarea wãĩkũri makāgue waagũ. Irogue eja, Felipe wãĩkũgũ Jesũya kerere weregorenagũya wiigũe waa, ĩgũ merã āārĩbũ. Felipe Jesũre buremurã su mojõma pere gaji mojõ peru pērẽbejarã baari guerenerã watope āārĩdi āārĩmĩ.

⁹ Felipe pũrã wapikũrã nóome, marāpũ marĩrã nome āārĩmá. ĩgũsã Marĩpũ weredorederosũta ĩgũya kerere wereturiarã nome āārĩmá.

¹⁰ Gũa irore yoaweyaripoe āārãdero purũ, Agabo wãĩkũgũ Marĩpũya kerere weredupiyugũ Judeague āārãdi gũare ĩāgũ ejami.

¹¹ ĩgũ gũa purũ eja, Pabloya yũjũwẽñarĩdare āĩ, ĩgũ basi ĩgũya guburire, ĩgũya mojõrĩrẽ suami. Sũa odo, gũare arĩmi:

—Āsũ arĩmi Ōāgũ deyomarĩgũ yũre: “Idare opagũ Jerusalēgue ejamakũ, mũ basi ida merã sũaderosũta judío masaka sũarākũma ĩgũrẽ. Sũa odo, judío masaka āārĩmerãrẽ ĩgũrẽ wiarākũma”, arĩmi yũre, arĩ weremi Agabo gũare.

¹² ĩgũ irasũ arĩmakũ pérã, gũa Cesarea marã merã Pablore: “Jerusalēguere waabirikõāka!” arĩ werebũ.

¹³ Pablo gapũ gũare arĩmi:

—¿Nasirimurã iropa ore, yũre burũ bujaweremakũ yári? Jerusalēgue ĩgũsã yũre sũa, peresu irimakũ õārokoa. Marĩ Opũ Jesũya kerere weredea waja yũ boamakũ õārokoa. Ñerõ yũre āārĩkeremakũ waagũra, arĩmi.

¹⁴ Irasirirã gũa ĩgũrẽ: “Waabirikõāka!” arãnerã pirikõābũ pama. Āsũ arĩbũ:

—Marĩ Opu ĩgũ gããmerõsũta iriburo, arĩkõãbu.

¹⁵ Pũru guayare ãmu, Jerusalẽgue waakõãbu.

¹⁶ Irogue waamakũ, gajirã Cesarea marã Jesũre buremurã gũa merã waama. ĩgũsã merãmu Mnasón wãĩkũgu Chipremũ ããrĩdi, yoaripoe Jesũre buremugũ ããrĩmĩ. Irasirirã Jerusalẽgue eja, ĩgũya wiigue ĩgũ merã ããrĩbã.

Pablo Santiagore ĩãgũ ejadea

¹⁷ Gũa Jerusalẽgue ejamakũ, iro marã Jesũre buremurã usũyari merã bokatĩĩma.

¹⁸ Gajinũ Pablo gũa merã Santiagore ĩãgũ waami. ĩgũ pũroguere ããrĩpererã Jesũre buremurã oparã, nerẽnerã ããrĩmã.

¹⁹ Pablo ĩgũsãrẽ õãdore odo, judío masaka ããrĩmerãrẽ ããrĩpereri Marĩpu ĩgũ merã irideare weremi.

²⁰ ĩgũ weremakũ pãrã, Marĩpũre: “Õãtaria mu”, arĩ, usũyari sĩma. Pũru ãsũ arĩma Pablore:

—Gũayagu, ire õãrõ masĩa mu. Wãrã judío masaka Jesũre buremukererã, ããrĩpererã: “Moisės doredeare iriro gããmea dapa”, arĩma.

²¹ Gajirã masaka ãsũ arĩ werewũama mũrẽ: “Ĩgũ judío masaka ããrĩmerã ããrĩrõgue ããrĩgũ, judío masaka irogue ããrĩrãrẽ Moisės doredeare iridorebemi. ĩgũsã pũrãrẽ ĩgũsãya dupũma gasirogãrẽ wiiridorebemi. Marĩ judío masaka iririkũre iridorebemi”, arĩ werewũama.

²² ĩgũsã mu õõrẽ ejayupu, arĩrĩ kerere pãrã, nerẽ, mũrẽ turirãkuma. Iro tamerãrẽ, ¿nasirigũkuri mu?

²³ ãsũ irika! Õõrẽ wapikũrã ũma ããrĩma. “Marĩpũre buremurã, ãsũ irirãra!” arĩnerã ããrĩma.

²⁴ ĩgũsã merã Marĩpũya wiigue waaka! Mũde ĩgũsã irirosũta irika! Moisės doredeare irirã waamurã yãma. Irasirigu Marĩpu ĩũrõrẽ ĩgũsã iriri wãjare wãjaribosaka! Mu irasiriadero pũru, ĩgũsãya poarire wũadorerãkuma. Mu irasirimakũ ĩãrã, ããrĩpererã masaka mũrẽ werewũadeare: “Arĩkatorã iriĩnuma”, arĩrãkuma. “Ĩgũde Moisės doredeare õãrõ irigu ããrĩmĩ”, arĩrãkuma.

²⁵ Judío masaka ããrĩmerãrẽ Jesũre buremurãrẽ gũa gojadea pũrẽ iriusiabũ. ãsũ arĩ gojabũ: “Keori weadea pũro baari pĩdeare, waimũrã wãnugũ biu wẽjãnerãya díkũri díre baabirikõãka! Díre ĩĩbirikõãka! Nome merã ñerõ iribirikõãka! Nomede ũma merã ñerõ iribirikõãka!” arĩ gojabũ gũa, arĩma Pablore.

Marĩpũya wiigue judío masaka Pablore ñeãdea

²⁶ Irasirigu Pablo gajinũ gapũ wapikũrã ũma merã Marĩpu ĩũrõ Moisės doredeare irigu waayupu. Pũru Marĩpũya wiigue ñajãa, Pablo paĩre arĩyupu: “Su semana dũyãa, gũa Moisės doredeare iri odoburo. Gũa odorĩnũ ããrĩmakũ, gũakũ waimũrã ejorãrẽ arĩrãkoa. Marĩpu ĩũrõ ĩgũsãrẽ wẽjẽ soepeoka! arĩrã!” arĩyupu.

²⁷ ĩgũsã Moisės doredeare iri odoburipoe Asia marã judío masaka Pablore Marĩpũya wiigue ããrĩgũrẽ ĩãñurã. Irasirirã gajirãrẽ iri wii ããrĩrãrẽ ĩgũ merã guamakũ iri, Pablore ñeã, ãsũ arĩ gaguinĩñurã:

²⁸ —Gũayarã Israel bumarã, gũare iritamuka! ĩĩta ããrĩmĩ, ããrĩpereroguerẽ marĩrẽ ñerõ arĩ werenĩgorenagũ. “Judío masaka ñegorama. Moisės doredea wajamãa. I wiide ñegorãa”, arĩ buegorenami masakare. Gajire griego masakare i wiigue ãĩñajãgũ ñerõ irigu yãmi i wiire, arĩñurã.

²⁹ Pablo iro dupiyuro Trófimo merã makãgue ããrĩmakũ ĩãnerã ããrĩsĩã, Pablo ĩgũrẽ Marĩpũya wiigue ãĩñajãgũ irikumi, arĩ gũñãñurã. Trófimo Efesomu judío masakũ ããrĩbi ããrĩyupu. Irasiriro ĩgũnorẽ iri wiiguere ñajãmasĩña marĩyuro.

³⁰ Pablöre weresã gaguinímakũ pérã, iri makã marã ããrĩpererã buro guañurã. Irasirirã ùmañajãa, Pablöre ñeã tũãwiria, iri wii makãpurore mata biakõãñurã.

³¹ Ìgũsã Pablöre wějẽmurã iriripoe gajirã surara opũguere wererã waañurã. Ìgũ pũrogue eja: “Ããrĩpererã Jerusalén marã nerẽ, buro guari merã gaguinírã iriama”, ãrĩ wereñurã.

³² Ìgũsã irasũ ãrĩmakũ pégu, surara opũ Ìgũyarã surarare, Ìgũsãrẽ dorerãdere siiu neõ, Ìgũsã merã Pablöre wějẽduarã pũrogue ùmawãgãyupũ. Ìgũsã eja-makũ ìãrã, Pablöre pánerã piriñurã.

³³ Surara opũ Pablo pũrogue eja, Ìgũyarã surarare Ìgũrẽ ñeãdore, pe kõmeda merã sũadoreyupũ. Ìgũsã sũa odomakũ ìãgũ, surara opũ masakare sẽrẽñayupũ:

—¿Níino ããrĩrĩ ñĩ? ¿Nasiriari, Ìgũ musã irasirimakũ? ãrĩ sẽrẽñayupũ.

³⁴ Ìgũ irasũ ãrĩmakũ, masaka gapũ: “Ãsũ iriami”, ãrĩ, gajirã gajirosũ, gajirã gajirosũ gaguinímirekõãñurã. Ìgũsã irasũ gaguinímakũ, surara opũ neõ diaye pébiriypũ. Irasirigũ Ìgũyarã surara ããrĩrĩ wiigue Pablöre ããadoreyupũ.

³⁵⁻³⁶ Ìgũsã irogue Ìgũrẽ ãiãmakũ ìãrã, wárã masaka: “Wějẽkõãka Ìgũrẽ!” ãrĩ gaguiní, tũyañurã. Irasirirã surara Ìgũsãya wii makãpuro mũrĩaro ejarã, Pablöre ãikõã mũrĩãñurã, masaka Ìgũrẽ wějẽrĩ, ãrĩrã.

Pablo masakare: “Neõ ñerõ iribea yũ”, ãrĩ weredeã

³⁷ Iri wiigue eja, Ìgũrẽ peresu irimurã iriripoe surara opũre:

—Yũ, mũ merã wereníduakoa, ãrĩyupũ.

Pablo griego ya merã werenímakũ pégu, surara opũ gapũ ãrĩyupũ:

—¿Mũ griego yare masĩrĩ?

³⁸ ¿Sõõ ããrãdi, Egiptomũ meta ããrĩrĩ mũ? Ìgũ romano marã oparã merã gãmekẽãduagu, wárã cuatro mil wějẽrĩmasãrẽ siiu neõ, masaka marĩrõgue ãiayupũ. ¿Ìgũ meta ããrĩrĩ mũ?

³⁹ Ìgũ irasũ ãrĩmakũ pégu, Pablo yũjũyupũ:

—Yũ, Ìgũ meta ããrã. Judío masakũ ããrã. Tarso, Cilicia nikũ ããrĩrĩ makã deyoabũ. Ubu ããrĩrĩ makãmũ ããrĩbea. Irasirigũ mũrẽ sẽrẽa. Ñisã masaka merã werenídoreka yũre! ãrĩyupũ.

⁴⁰ Ìgũ irasũ ãrĩmakũ pégu, surara opũ: “Jáũ, wereníka!” ãrĩyupũ. Irasirigũ Pablo mũrĩrogue mũrĩnugã, Ìgũya mojõ merã masakare toeburo, ãrĩgũ, irikeoyupũ. Ìgũ irasirimakũ ìãrã, toekõãñurã. Ìgũsã toemakũ, Pablo hebreo ya merã wereyupũ Ìgũsãrẽ:

22

¹ —Yaarã, yũ irideare mũsãrẽ weremakũ, õãrõ péka! ãrĩyupũ Pablo.

² Ìgũ hebreo ya merã werenímakũ pérã, masaka toepereakõãñurã. Irasirigũ Pablo Ìgũsãrẽ ãsũ ãrĩ wereyupũ:

³ —Yũ judío masakũta ããrã. Cilicia nikũ Tarso wãikũri makãgue deyoabũ. Iro deyoadi ããrĩkeregũ, õõ Jerusalén masãbũ. Gamaliel wãikũgũ buemi yũre. Irasirigũ marĩ ñekũsãmarãrẽ Moisés doreri pídeare õãrõ masĩa. Irasirigũ mũsã irirosũta yũde Marĩpũ doredeare õãrõ yáa.

⁴ Iripoeguere Jesúre bũremurãrẽ ñerõ iriunabũ. Surãyerire wějẽdorebũ. Ëmarẽ, nomedere ñeã, peresu iriunabũ.

⁵ Paía opũ, ããrĩpererã judío masaka oparã yũ ãrĩrĩrẽ: “Irasũta iriunami”, ãrĩ weremasĩa mũsãrẽ. Ìgũsãta yũre su pũ gojabosama marĩyarã Damasco marãrẽ Jesúre bũremurãrẽ ñeãdorerã. Irasirigũ iri pũ merã Jesúre bũremurãrẽ ñeãgũ waadibũ, õõ Jerusalégue Ìgũsãrẽ ãija peresu iribu.

Pablo ĩgũ Jesúre bũremunũgãdeare werede

⁶ 'Goeripoe ããrĩmakũ, yũ Damascogue ejabu iriripoe gũñaña marĩrõ ãmũgasi bũro kũmijũrõ yũ pũrore gosesiribũ.

⁷ Irasũ waamakũ, yebague meémejá, pũrũ ãsũ ãrĩ werenĩmakũ pébũ. "Saulo, ¿nasirigu yũre ñerõ yári mũ?"

⁸ ĩgũ irasũ ãrĩmakũ pégũ: "¿Noã ããrĩrĩ mũ?" ãrĩ sērēñabũ. ĩgũ gapũ: "Yũ, Jesús Nazaretmũ mũ ñerõ irigata ããrã", ãrĩmi yũre.

⁹ Yũ merã ããrĩnerã iri gosesiririre ĩãgũkakõãma. Irire ĩãkererã, Jesús yũre werenĩmakũ pébirima.

¹⁰ Pũrũ: "Yũ Opũ, ¿nasirigũkuri yũ?" ãrĩ sērēñabũ ĩgũrē. ĩgũ yũre yũjũmi: "Wãgãñgã, Damascogue waaka! Irogue sugũ ããrĩpereri yũ mũrē iridoreburire mũrē weregũkumi", ãrĩmi.

¹¹ Bũro kũmijũrõ waadea yaa koyere neõ deyomarĩmakũ irikubũ. Irasirirã yũ merãmarã yaa mojógue ñeã, Damascogue ãĩãma.

¹² 'Yũ iro ejadero pũrũ, Ananías wãĩkũgũ, Marĩpũre bũremugũ, Moisés doredeare õãrõ irigu yũre ĩãgũ ejami. ĩgũ iro marã judío masaka ããrĩpererã bũremugũ ããrĩmĩ.

¹³ ĩgũ yũ pũro ejanũgãja: "Yaagũ Saulo, mũ dupaturi koye ĩãgũkoa doja", ãrĩmi. ĩgũ irasũ ãrĩmakũta, dupaturi ĩãbũ doja. Irasirigu Ananías yũ pũro nĩmakũ õãrõ ĩãbũ.

¹⁴ Yũ ĩãmasĩadero pũrũ, yũre ãrĩmi doja: "Iripoegue Marĩpũ marĩ ñekũsãmarã bũremudi mũrē beyesiadi ããrĩmĩ, ĩgũ dorerire õãrõ iribure, ĩgũ magũrē ñerĩ opabire ĩãbure, ĩgũ werenĩrĩrē pébure.

¹⁵ Irasirigu ããrĩpererã masakare mũ ĩãdeare, mũ pédeare weregorenagũkoa.

¹⁶ Dapagorare yoaripoe yúbirikõãka! Wãgãñgã, deko merã wãĩyedoreka, mũ marĩ Opũ Jesúre bũremurĩrē ĩmugũ! Marĩpũre: 'Jesúre bũremua, irasirigu yũ ñerõ irideare kãtika!' ãrĩ sērēka, mũ ñerõ irideare kãtiburo, ãrĩgũ!" ãrĩmi Ananías yũre.

Pablo judío masaka ããrĩmerãrē Marĩpũ ĩgũrē buedoredeare werede

¹⁷ 'Pũrũ Damascogue ããrãdi i makã Jerusalēgue dujajagũ, Marĩpũya wiigue ĩgũrē sērēgũ waabũ. Irogue kērõ irirosũ waarĩre ĩãbũ.

¹⁸ Irogue Jesús yũre deyoa, weremi: "Jerusalén marã yaare mũ weremakũ pédũabema. Irasirigu murĩgora gajirogue waaka!" ãrĩmi.

¹⁹ ĩgũ irasũ ãrĩmakũ pégũ, ĩgũrē ãrĩbũ: "Yũ Opũ, Jerusalén marã yũ irideare õãrõ masĩma. Yũ judío masaka nererĩ wiirigue ããrĩrãrē mũrē bũremurãrē ñeã pá, peresu iribũ.

²⁰ Mũya kerere weredi Estebãrē ĩgũsã wējẽmakũ, ĩgũrē wējẽrãya surĩ wekamãrē korebosabũ. 'Õãrõ irirã, wējẽma', ãrĩ gũñabũ", ãrĩ werebũ yũ Opũre.

²¹ Yũ irasũ ãrĩmakũ pégũ, yũ Opũ weremi: "Yoarogue waaka! Judío masaka ããrĩmerãrē buedoregũ iriugũra mũrē", ãrĩmi, ãrĩ wereyupũ Pablo ĩgũsãrē.

Surara opũ Pablo merã werenĩdea

²² Pablo: "Yũ Opũ Jesús judío masaka ããrĩmerãrē buedoregũ iriugũra", ãrĩrĩrē pérã, bũro guarĩ merã gaguinĩñurã:

—Dapagorare ĩĩ ããrĩnemobirikõãburo. Dapagorata boaburo, ãrĩ gaguinĩñurã.

²³ Irasũ ãrĩ gaguinĩrã, ĩgũsãya surĩ wekamãrē wējãsiri, nikũwera merã meésiriñurã.

²⁴ Irasirimakũ ĩãgũ, surara opũ ĩgũyarãrē Pablõre ĩgũsãya wiigue ãĩñajãadoreyupũ. Pablõre: "¿Nasirirã masaka mũrē guarĩ merã gaguinĩrĩ?" ãrĩ masĩdũagũ ĩgũrē tãrãdoreyupũ.

²⁵ Irasirirā ĩgūrē sua, tārāmurā iriripoe Pablo gapu ĩgū p̄ro nīgūrē surarare doregure āriyupu:

—Yu romano marāya nikūmu āārā. Irasirirā weresārīrē beyerimasū yure: “Āsū iriami ñerō irigu”, āri weresābirikeremakū, ubugorata tārāmasībea musā yure, āriyupu.

²⁶ ĩgū irasū ārimakū pégu, surarare doregu ĩgū opure weregu waayupu:

—Ōārō pémasīka! “Romano marāya nikūmu āārā yu”, ārāmi. Irasirigu ñerō iribirikōāka ĩgūrē! āriyupu.

²⁷ ĩgū irasū ārimakū, surara opu Pablōre sērēñagū waayupu:

—¿Diayeta romano marāya nikūmu āārīrī mu? Wereka yure!

Pablo gapu ĩgūrē:

—Īgūta āārā, āri yujuyupu.

²⁸ Surara opu ĩgūrē āriyupu:

—Yu romanomu āārīduagu wáro niyeru wajaribu.

Pablo ĩgūrē āriyupu doja:

—Yu tamerā romanoma makāgue deyoabu. Irasirigu deyoagugeta romanomu āārīdi āārā yu.

²⁹ ĩgū irasū ārimakū pérā, ĩgūrē tārāboanerā güi wiriakōāñurā. Surara opude Pablo romanomu āārīrīrē pégu, kōmedari merā ĩgūrē sua tārādoreadeare güñagū, güiyupu.

Pablo judío masaka oparā p̄ro āārīdea

³⁰ Irasirigu gajinu gapu judío masaka Pablōre weresādeare masīduagu, paía oparārē, gajirā āārīpererā judío masaka oparārē siiu needoyupu. ĩgūsā nerēmakū ĩāgū, Pablōre ĩgūsā suadea kōmedarire kura, āi, ĩgūsā ĩūrō doboyupu.

23

¹ Pablo judío masaka oparārē ĩābokatīūnugāja, āsū āriyupu:

—Yaarā, yu okaro bokatīūrō Marīpu ĩūrō ōārō āārīrikua, āri péñāa. Irasirigu güñarikuro marīrō āārīkōāa.

² ĩgū irasū ārimakū pégu, paía opu Ananías Pablō werenírīrē péduabi ĩgū p̄ro āārīrārē ĩgūya disire pādoreyupu.

³ Irasirigu Pablo Ananíare āsū āriyupu:

—Marīpu murē wajamoāgukumi gajirārē mu yure pādoreri waja. Mu irikatorikugu āārā. Yure: “Moisés doredeare tarinugāa”, āri ĩākeregu, mu gapu iri dorerire tarinugāa, gajirārē yure pādoregu, āriyupu.

⁴ Irasū ārimakū pérā, iro āārīrā āsū āriñurā Pablōre:

—Ñerō āri werenibirikōāka paía opure Marīpu beyedire!

⁵ ĩgūsā irasū ārimakū pégu, Pablo āriyupu doja:

—Yaarā, yu masībirakubu ĩgū paía opu āārīrīrē. Masīgū irasū āribiriboakuyo. Marīpuya werenírī gojadea pūguere: “Musāya makā marā opure ñerō āri werenibirikōāka!” āri gojasūdero āārībú.

⁶ Iroque āārīrā: Saduceo bumarā, gajirā fariseo bumarā āārīñurā. Irasirigu ĩgūsārē ĩāgū, Pablo busuro wereniyupu:

—Yaarā, yude fariseota āārā. Fariseo bumu magūta āārā. Irasirirā masaka boanerā masārīrē yu buremurī waja yure wajamoāduakoa, āriyupu.

⁷ ĩgū boanerā masārīrē weremakū pérā, fariseo, saduceo bumarā merā gāme guaseonugāñurā. Irasirirā iri wiigue suro merā āārānerā āārīkererā, gāme dukawariakōāñurā.

⁸ Saduceo bumarã: “Masaka boanerã masãbirikuma. Marĩpũre wereboerã marĩkuma. Masaka boanerã yũjũpũrãrĩde marĩkoa”, ãrĩ wererã ããrĩñurã. Fariseo bumarã gapũ ããrĩpereri irimarẽ bũremurã ããrĩñurã.

⁹ Irasirirã irimarẽ gãme guaseo, bũro gaguinínũgãñurã. Irasirirã surãyeri fariseo bumarã Moisés doredeare buerimasã wãgãñũgã, wereñurã:

—Masakũ boadi, o Marĩpũre wereboegũ diayeta ñĩ merã werenĩakumi. Irasirirã ãgũrẽ ñerõ iriami, neõ ãrĩmasĩbea. ãgũrẽ wajamoãrã, Marĩpũre ñerõ irirã iribukõãa marĩ, ãrĩñurã.

¹⁰ ãgũsã bũro gaguinĩmakũ ããgũ, surara opũ gapũ Pablore gũisãyũpũ. “ãgũrẽ ñeã, tũãwẽjãsiribéokõãbukuma”, ãrĩgũ, ãgũyarã surarare: “Pablore ãĩaka, dupaturi marĩ ããrĩrĩ wiigue!” ãrĩ iriuyũpũ.

¹¹ Iri ñamita marĩ Opũ Jesús Pablore deyoa, wereyũpũ:

—Gũñaturaka! Gũibirikõãka! I makã Jerusalén marãrẽ yaa kerere wereaderosũta Roma marãdere weregũ waaka! ãrĩyũpũ.

Judío masaka Pablore wẽjẽduadea

¹² Gajinũ gapũ surãyeri judío masaka Pablore wẽjẽduarã nerẽ, ãsũ ãrĩñurã:

—Dapagã merã neõ baabiri, iirĩbirikõãrã! ãgũrẽ wẽjẽmerã ãamerãta boarã! ãgũrẽ wẽjẽbirimakũ, Marĩpũ marĩrẽ wajamoãburo, ãrĩñurã.

¹³ Irasũ ãrĩ werenĩrã cuarenta nemorõ ããrĩñurã.

¹⁴ Pũrũ paĩa oparã, gajirã judío masaka oparã pũrogue wererã waañurã:

—“Dapagã merã neõ baabirikõãrã! ãgũrẽ wẽjẽmerã ãamerãta boarã! ãgũrẽ wẽjẽbirimakũ, Marĩpũ marĩrẽ wajamoãburo”, ãrãbũ, ãrĩñurã.

¹⁵ Irasirirã mũsã, mũsã merãmarã oparãde ãrĩkatori merã kere iriuka surara opũguere! “Ñamigã Pablore dupaturi ãgũ irideare weremakũ péduakoa”, ãrĩka ãgũrẽ! Surara opũ iri kerere pégu, Pablore õõgue ãĩwãgãridoregũkumi. Irasirirã maague yũrã, ãgũ õõrẽ ejaburo dupiyuro ãgũrẽ wẽjẽmurã, ãrĩñurã.

¹⁶ Pablo tĩgõ magũ gapũ ãgũsã irasũ ãrĩ werenĩmakũ péyũpũ. Irasirigũ Pablore surara ããrĩrĩ wiigue ããrĩgũrẽ weregũ waayũpũ.

¹⁷ Pablo irire pégu, sugũ surarare siiu wereyũpũ:

—Ñĩ maamũ mũ opũre gajino weredũayũpũ. Irasirigũ ãgũ pũrogue ãĩaka! ãrĩyũpũ.

¹⁸ ãgũ irasũ ãrĩmakũ pégu, surara Pablo tĩgõ magũrẽ ãgũ opũ pũrogue ãĩja, ãrĩyũpũ:

—Pablo peresugue ããrĩgũ yũre ñĩ maamũrẽ mũ pũro iriuami. ãgũ mũrẽ gajino weregũ aarĩgũ iriami, ãrĩyũpũ.

¹⁹ ãgũ irasũ ãrĩmakũ pégu, surara opũ maamũrẽ ãgũya mojõrẽ ñeã tũãwãgã, masaka péberogue sãrẽñayũpũ:

—¿Naásũ ãrĩbu iriari mũ yũre?

²⁰ Maamũ gapũ ãgũrẽ ãrĩyũpũ:

—Judío masaka oparã mũrẽ ãgũsã pũrogue Pablore ãĩadorerãkuma. Mũrẽ ãsũ ãrĩ werenĩama: “Ñamigãrẽ dupaturi Pablore sãrẽñadũakoa ãgũ irideare õãrõ masĩmurã”, ãrĩkatorãkuma.

²¹ Irasirigũ ãgũsãrẽ yũjubirikõãka! Ñma cuarenta nemorõ maague Pablore wẽjẽmurã duriri merã yũsiama. “Dapagã merã neõ baabirikõãrã! ãgũrẽ wẽjẽmerã ãamerãta boarã! ãgũrẽ wẽjẽbirimakũ, Marĩpũ marĩrẽ wajamoãburo”, ãrãma, ãrĩ wereyũpũ maamũ surara opũre.

²² ãgũ irasũ ãrĩmakũ pégu, surara opũ gapũ:

—Waaka doja! Irire gajirãrẽ neõ werebirikõãka! ãrĩyũpũ ãgũrẽ.

Surara opũ Pablore Félix pũrogue iriudea

23 Maamu waadero puu, opu pēra ĩgūyarā surarare dorerārē siu wereyupu:

—Yaarā surarare doscientos gubu merā waamurārē, setenta caballu weka peyamurārē, doscientos sareri yuku oparādere Cesareague waamurārē ĩgūsāyare āmudorerā waaka! ĩgūsā āmu odomakū, dapagā ñami nueve āārīmakū, ĩgūsārē siuaka!

24 Pablo peyamurā caballuadere āmubosaka! Irasirigu ōārō waagukumi. Ōārō pírā waaka, ĩgūrē opu Félix puo Cesareague! āĩyupu surara opu ĩgū dokamarārē.

25 Irasū ārī odo, Félice su papera pū āsū ārī gojayupu:

26 Yu, Claudio Lisias, murē opu Félice yu buremugūrē ōādorea.

27 Judío masaka ĩ Pablo wāikugure ñeā, wējēadima. ĩgū romano marā nikūmu āārīrīrē masīgū, yu gapu ĩgūrē ĩgūsā wējēboadire yaarā surara merā wijatagu ejabu.

28 Irasirigu ĩgūrē ĩgūsā weresādeare masīduagu judío masaka oparā puo āĩjabu.

29 Judío masakaya doreri ditare ĩgū tarinugādea waja ĩgūsā weresāmakū pégu, ĩgūrē peresu iribiribu. Ñeéno waja wējēmasīña marību ĩgūrē.

30 Irasirigu judío masaka ĩgūrē wējēkōārā, ārīrī kerere pégu, mu puogue iriua. ĩgūrē weresānerā mu puogueta waa, murē weresārā waaburo, ārību ĩgūsārē. Iropata āārā, ārī gojayupu surara opu Félice.

31 Irasirirā surara ĩgūsā opu doreaderosūta iri ñami merā Pablora Antípatris wāikuri makāgue āĩāñurā.

32 Gajinu gapu surara gubu merā waanerā iro merāta ĩgūsā āārīrī wiigue gāme dujáakōāñurā. Caballua weka waanerā dita Pablora Cesareague āĩ tariañurā.

33 Puu Cesareague Pablora āĩja, surara opu ĩgū iriuadea pūrē Félice wiañurā. Irasirirā Pablora Félix puogueta pikōāñurā.

34 Félix iri pūrē bueña odo, āsū ārī sērēñayupu:

—¿Díí nikūmu āārīrī ĩĩ?

—Cilicia nikūmu āārīmi, ārī yujañurā.

35 Félix Pablora āĩyupu:

—Murē weresānerā ōōrē ejamakū, mu wererire pégu, āĩyupu.

Irasū ārī odo, opu Herodes daguya wiigue Pablora pí, ĩgūyarā surarare koredoreyupu.

24

Pablora Félix ĩūrō weresādea

1 Su mojōma nurī tariadero puu, paía opu Ananías Cesareague waayupu. ĩgū merā gajirā judío masaka oparā, gajigu masakare wereníbosarimasū Tértulo wāikugude opu Félice Pablora weresārā waañurā.

2 Pablora ĩgūsā nerērōgue āĩjamakū, Tértulo ĩgūrē Félice āsū ārī weresānugāyupu:

—Gua opu, wári masīrī merā guare i nikū marārē doregu āārā mu. Mu doreri merāta i nikū ōārī gorawayuro yáa. Gāmekēārō marīrō ōārō āārīkōāa.

3 Irasirirā gua āārīperero marāgue mu merā ōārō usuyáa.

4 Yoaripoe mu merā wereníbirikoa. Irasirigu yu mu merā mérōgā werenímakū péka dapa!

5 Gua ire weredukakoa murē. ĩ Pablo wāikugu guare garibotarimi. Āārīpereri nikūgue judío masakare guari merā gaguini, ĩgūsā basi gāme dukawarimakū irigorenami. “Nazarenos” wāikuri bumarā opu āārīmi.

⁶ Marĩpũya wiire ĩgũ ñerõ iridũamakũ ĩārã, ĩgũrẽ peresu irimurã ñeãbũ, gũa judío masakaya dorerire ĩgũ tarinũgãrĩ waja ĩgũrẽ wajamoãduarã.

⁷ Gũa irasiridũamakũ ĩāgũ, surara opũ Lisias wãikũgũ gapũ gũa pũro eja, ĩgũrẽ turaro merã ĩmakõãmi.

⁸ Pũru Lisias, gũa ĩgũrẽ weresãnerãrẽ mũ pũroque iriuami. ĩgũ irasũ ārĩmakũ pērã, õõgue aarabũ. Mũ basita ĩgũrẽ sērẽñagũ, ãārĩpereri gũa ĩgũrẽ weresãrĩrẽ diayeta ārĩma, ārĩgũkoa, ārĩyupũ Tértulo Félire.

⁹ Gajirã judío masaka iro ãārĩrãde: “Tértulo diayeta werenĩmi”, ārĩñurã.

¹⁰ ĩgũsã irasũ ārĩmakũ pégũ, opũ Félix Pablöre mojõ merã irikeo, were-doreyupũ. Pablo ārĩyupũ ĩgũrẽ:

–Wári bojori i nikũ marãrẽ mũ dorerire õãrõ masĩa yũ. Irasirigũ yaamarẽ usũyari merã mũrẽ weregũra.

¹¹ Pe mojõma pere su gubu peru pērẽbejarinũrĩta taria, yũ Jerusalégue Marĩpũre bũremugũ ejadero pũru. Irire diaye masĩduagu, gajirãrẽ sērẽñaka!

¹² Yũ iri makãgue ãārĩmakũ, yũre weresãnerã yũ gajirã merã guaseomakũ neõ ĩãbirama. Marĩpũya wiire, judío masaka nerẽrĩ wiiriguedere, noó gajiro iri makã marãrẽ gua gaguinĩmakũ iribirabũ.

¹³ Irasirirã yũre weresãnerã: “Ãsũ iriami, irasirigũ waja opami”, ārĩmasĩbema.

¹⁴ Mũrẽ gaji gapũre weregũra. Gũa ñekũsãmarã Marĩpũre, Moisés doreri pĩdeare, Marĩpũya kerere weredupiyunerã gojadeare bũremuderosũta yũ bũremua. Irire bũremukeregũ, Jesús buedeaderẽ bũremua. Yũre weresãnerã: “Jesús bueadea ārĩkatori ããrã”, ārĩ werenĩma.

¹⁵ ĩgũsã: “Marĩpũ ãārĩpererã masaka boanerãrẽ õãrãrẽ, ñerãdere masũgũkumi”, ārĩ gũñarõsũta yũde gũñãa.

¹⁶ Irasirigũ yũ Marĩpũ ĩũrõ, masaka ĩũrõdere yũ turaro bokatiũrõ õãrõ iridũakoa.

¹⁷ Yaa makã Jerusalērẽ yũ wiriadero pũru, wári bojori gajiroque naagorena, pũru irogueta dujáabũ. Iroque eja, yaarã boporãrẽ niyeru sĩgũ ejabũ. Iroque ãārĩgũ, Marĩpũ ĩũrõ waibũre soepeodũadibũ ĩgũrẽ bũremugũ.

¹⁸ Marĩpũya wiigũe waa, ĩgũ ĩũrõ Moisés doredeare yũ iriripoe judío masaka Asia marã yũre bokajama. Yũ merã gajirã masaka mērãgã ãārĩmã. Neõ ĩgũsãrẽ gua gaguinĩmakũ iribiribũ.

¹⁹ Judío masaka Asia marã yũ Marĩpũya wiigũe irideare ĩãnerã, yũre: “Ñerõ iriami”, ārĩ weresãduarã, õõgue mũ ĩũrõgue weresãrã aariburo.

²⁰ ĩgũsã aaribirimakũ, judío masaka oparã õõgue ãārĩrã yũ ĩgũsã oparãrẽ wereadeare péanerã: “Ãsũ ããrã”, ārĩ weresãduarã, weresãburo.

²¹ I tamerãrẽ yũre weresãmasĩma. Yũ ĩgũsã merã ãārĩgũ, bũro turaro merã: “Boanerã masãrãkuma’, ārĩdea waja yũre wajamoãduakoa”, ārĩbũ ĩgũsãrẽ, ārĩ wereyupũ Pablo Félire.

²² ĩgũ irasũ ārĩmakũ pégũ, Félix gapũ Jesúre bũremurã iririkũrere õãrõ masĩsĩã, ãsũ ārĩyupũ Pablöre:

–Iropata pégũra. Surara opũ Lisias ejadero pũru, mũrẽ yũ iriburire weregũkoa, ārĩyupũ.

²³ Irasũ ārĩ odo, Pablöre koregure: “Peresugũe õãrõ koreka ĩgũrẽ! Iri wiigueta naãa ãārĩkõãburo. ĩgũ merãmarã ĩgũrẽ iritamudũamakũ kãmutabirikõãka!” ārĩyupũ.

²⁴ Yoaweyaripoe tariadero pũru, Félix ĩgũ marãpo judío masako Drusila wãikũgo merã eja, Pablöre ãĩridoreyupũ, Jesucristore ĩgũ bũremurĩrẽ were-makũ pẽduarã.

²⁵ Pablo ìgùsàrē àsù àrìyupù: “Marìpù masakare diayemarē irimakù, ìgùsà basi ñerō iriduarire iribirimakù gāāmemi. I ùmù peremakù, Marìpù ààrìpererā ñerārē wajamoāgukumi”, àrì weremakù, Félix gapù péguka, gùì, “Waaka!” àrìyupù ìgùrē:

—Gajipoe yare gajino moārì marìmakù siiugura doja mūrē, àrìyupù.

²⁶ Félix irasù àrìkeregù: “Pablo yare niyeru sīburo”, àrìgù, ìgù merā werenígù wári ìgùrē siiunayupù. “Gajipoe irigù niyeru sìmakù ìgùrē wiubukoa”, àrì gùñadiyupù.

²⁷ Pe bojori pùrù, Porcio Festo wāikugù Félire gorawayugù, opù ñajāyupù. Irasirigù Félix gapù ìgù opù ààrìrìrē wirigù, judío masaka merā òārō ààrìduagù, Pablöre peresugueta ààrìdorekōāyupù dapa.

25

Pablo, Festo merā werenídea

¹ Ùrenù ìgù opù ààrìrì ñajādero pùrù, Festo Cesareague ààrādi, Jerusalēgue waayupù.

² Ìgù irogue ejadero pùrù, paía oparā, gajirā judío masaka oparā Pablöre ìgùsà weresādeare Festoguere wererā waañurā.

³ Ìgù pùro eja, turaro merā: “Gùare iritamuka! Pablöre òō Jerusalēgue ààrìdoreka!” àrì sērēñañurā. Ìgùsà ìgùrē maague aarigùre: “Wējēkōārā!” àrì àmuyusiadiñurā.

⁴ Festo gapù ìgùsàrē yujyupù:

—Pablo Cesareague peresu ààrìmi dapa. Mérōgā pùrù irogue goe-dujáagukoa doja.

⁵ Pablo ñerō iririkugù ààrìmakù ìārā, mūsā oparā Cesareague yù merāta waa, ìgùrē weresārā waaburo, àrìyupù.

⁶ Irasirigù Festo su semana pere, gajì semana ùrenù waaró merā Jerusalēgue ààrādi Cesareague goe-dujáakōāyupù. Ìgù dujajadero pùrù, gajinù gapù weresārìrē beyeri wiigùe waayupù. Iro eja, opù doarogue doa, Pablöre ààrìdoreyupù.

⁷ Pablo irogue ejamakù ìārā, judío masaka Jerusalén merā aaranerā ìgù pùro waa ejanugā, ìgùrē wári ñerì weresādiñurā. Irasù àrì weresākererā: “Àsù irimakù ìābù”, neō àrìmasìbiriñurā.

⁸ Pùrù Pablo ìgù irideare wereyupù:

—Judío masaka dorerire, Marìpùya wiima dorerire, romano marā opù doreridere neō tarinugābiribù yù, àrìyupù.

⁹ Festo gapù judío masaka merā òārō ààrìduagù, Pablöre sērēñayupù:

—¿Jerusalēgue waadùakuri? Irogue mù irideare yare weremakù, ìgùsà mūrē weresādeare weremakù péduakoa, àrìyupù.

¹⁰ Ìgù irasù àrìmakù, Pablo yujyupù:

—Yù òō romano marārē weresārìrē beyerogue ààrìsiáa. Irasirigù Jerusalēguere waadùabirikoa. Òōta yare irire beyero gāamea. Judío masakare neō ñerō iribiribù. Mù irire òārō masìkoa.

¹¹ Yù ñerō iridi tamerā: “Yare wējēbirikōāka!” àrìbiriboakuyo. Ìgùsà yare àrìkatori merā weresādea ààrìmakù, neō sugù opuguerē wiamasìña máa. Yù irideare romano marā opùre beyemakù gāāmekoa, àrìyupù Pablo Festore.

¹² Ìgù irasù àrìmakù pégù, Festo ìgù merāmarā merā werení odo, Pablöre àrìyupù doja:

—Mù irideare romano marā opùre weredùamakù, ìgù pùrogue iriugura mūrē, àrìyupù.

Pablo, opɯ Agripare weredeá

¹³ Yoaweyaripoe pɯɯ Festo opɯ ñajãdero pɯɯ, Judea marã opɯ Agripa wãikɯɯ, ìgũ tìgõ Berenice merã Cesaregue Festore òãdorerã waañurã.

¹⁴ Agripa irore yoaripoe ããrĩmakũ, Festo Pablöre ìgũsã irideare wereyupɯ ìgũrẽ:

—Òõrẽ sugɯ ããrĩmi Félix peresu iridi.

¹⁵ Yɯ Jerusalẽgue ããrĩmakũ, paía oparã, gajirã judío masaka oparã ìgũrẽ yɯre weresãrã ejama. “Ìgũ ñerõ iridea waja wẽjẽdoreka!” ãrĩ sërẽma yɯre.

¹⁶ Yɯ gapɯ: “Gɯa romano marã ubugorata gajirãrẽ neõ wẽjẽdorebea. Irasirirã sugɯ masakure weresãnerã ìgũsã weresãdi merã weresãrĩrẽ beyerimasũ ìurõ gãme werenĩbirikererã: ‘Wẽjẽkõãka!’ ãrĩmasĩbema”, ãrĩ yɯjubɯ.

¹⁷ Irasirigɯ ìgũrẽ weresãnerã yɯ merã òõgue ìgũsã ejadero pɯɯ, yooboro marĩrõ gajinɯ gapɯ weresãrĩrẽ beyeri wiigue waabɯ. Iro eja, opɯ doarogue doa, ìgũsã weresãdire ãiridorebɯ.

¹⁸ Ìgũ yɯ pɯro ejamakũ ìãrã, ìgũrẽ weresãnerã wãgãɯgãma. Ìgũsã wãgãɯgãmakũ ìãgũ: “Ìgũ ñerĩ irideare wári weremurã yáma”, ãrĩ gũñadibɯ. Ìgũsã gapɯ: “Ìgũ ñerĩ irimakũ ìãbɯ”, ãrĩ neõ weremasĩbirima.

¹⁹ Judío masaka bɯremurĩ ditare weresãma. “Jesús wãikɯɯ boa, pɯɯ masãdi ããrĩmi”, ìgũ ãrĩdea waja weresãma ìgũrẽ.

²⁰ Nasirimasĩbirisĩã, ìgũrẽ sërẽñabɯ: “¿Jerusalẽgue mude yɯ merã waadɯakuri? Iroque yɯ merã waasĩã, mɯ irideare wereaso yɯre”, ãrĩbɯ ìgũrẽ.

²¹ Yɯ irasũ ãrĩmakũ pégu: “Iroguere waadɯabirikoa, Romano marã opɯ gapɯre yɯ irideare weregɯ waadɯakoa”, ãrĩmi. Irasirigɯ yɯ gapɯ ìgũrẽ òõta píkõãbɯ dapa. “Yɯ murẽ iriumakũ, romano marã opɯ Augusto pɯro waagɯkoo mɯ”, ãrĩbɯ ìgũrẽ, ãrĩ wereyupɯ Festo Agripare.

²² Agripa Festore ãrĩyupɯ:

—Yɯde ìgũ weremakũ péduakoa.

—Jáɯ, ñamigãta ìgũrẽ péguakoo mɯ, ãrĩyupɯ.

²³ Gajinɯ gapɯ Agripa, ìgũ tìgõ Berenice merã iri makã marã nerẽrĩ taribugue waañurã. Iroque ñajãrã, oparã sãñarĩ surĩ merã ñajãñurã. Gajirã surara oparã, iri makã marã oparãde ìgũsã merã ñajãñurã. Ìgũsã nerẽadero pɯɯ, Festo Pablöre ãiridoreyupɯ.

²⁴ Pablo ìgũsã pɯroque ñajãjamakũ, Festo iro ããrĩrãrẽ ãrĩyupɯ:

—Opɯ Agripa, ããrĩpererã ì taribugue nerẽanerã òãrõ péka yɯre! Wárã judío masaka Jerusalén marã, ì makã marãde ñrẽ weresãma yɯre. “Wẽjẽkõãka ìgũrẽ!” ãrĩ gaguiníma.

²⁵ Ìgũsã irasũ ãrĩkeremakũ, yɯ gapɯ ìgũsã ìgũrẽ wẽjẽrõ gããmea, ãrĩrĩ wajare bokabiribɯ. Irasirigɯ opɯ Augustore ìgũ irideare weregɯ waadɯakoa, ãrĩmakũ: “Ìgũ pɯroque iriugɯra”, ãrĩ gũñabɯ.

²⁶ Yɯ gapɯ ìgũrẽ ìgũsã weresãdeare òãrõ masĩbirisĩã, opɯ Augustore irimarẽ gojabiribɯ dapa. Irasirigɯ ìgũrẽ ãiridoreabɯ, ìgũ irideare musã péuro were-doregɯ. Opɯ Agripa, ìgũ irideare weremakũ mɯ péadero pɯɯ, ìgũrẽ sërẽña, pɯɯ yɯ òãrõ gojagɯkoo pama marĩ opɯ Augustore.

²⁷ Sugɯ masakure ìgũ ñerõ irideare masĩbirikererã, marĩ opɯ Augusto pɯroque iriumasĩña máa. Ìgũrẽ weresãdeare òãrõ masĩbirikererã ìgũrẽ iriurã, ubugorata iriubukoa, ãrĩyupɯ Festo Agripare.

26*Pablo Agripare weredeá*

1 Irasirigu Agripa Pablore:

—Wereka yure mu irideare! Igūsā murē weresādeare mu yujumakū péduakoa, āriyuru.

Igū irasū ārimakū pégu, Pablo igūya mojōrē soemu, igū irideare werenugāyuru:

2 —Opu Agripa, dapagorare mu yure weredoremakū, buro usuyāa. Irasirigu yu irideare, judío masaka yure weresādeare āārīpererire murē weregura.

3 Gna judío masaka iririkurire gna gāme werenírdere oārō masīkoa. Irasirigu bopoñarī merā yu weremakū, oārō péka!

Pablo Jesúsre bremuburi dupiyuro igū āārīrikudeare werede

4'Āārīpererā judío masaka yaa nikū marā, Jerusalén marāde yu majīgūgueta igūsā merā āārīdeare masīma.

5 Yu maamuguetā fariseo bumā āārīdi āārībā. Murē irire wereduarā, weremasīma. Āārīpererā gna judío masaka watopeguere fariseo bumarā gna bremurīrē gajirā nemorō oārō yāma.

6 Marīru gna ñekūsamarārē masaka boanerārē masūgura, ārīdeare yu bremurī waja yure weresārā oōgue iriuma wajamoāburo, ārīrā.

7 Gna judío masaka, Israel bumarā pe mojōma pere su gubu peru pērēbejari buri marāgora, Marīru marī boadero puru masūburire usuyari merā yūa. Irasirirā ūmurī, ñamirī Marīpore bremuníkōāa. Opu Agripa, gna irire yūkeremakū, surāyeri judío masaka weresāma yu irire bremurī waja.

8 Musā garu, ¿nasirirā Marīru boanerārē masūburire bremuberi?

Pablo Jesúsre bremurārē igū ñerō iriunadeare werede

9'Iripoegue Jesús Nazaretmurē bremurārē yu bokatīūrō ñerō iridudibū.

10 Jerusalēguere paía oparā dorero merā wārā Jesúsre bremurārē peresu iribū. Irasirigu oparā igūsārē wējēdoremakū, yude neō kāmudabiribū.

11 Āārīpereri igūsā nerērī wiirigue ñajāa, Jesúsre bremurārē ñerō iriunabū, igūrē bremurīrē piriburo, ārīgū. Igūsā merā buro guabū. Gaji makārīguedere irasūta ñerō irigorenabū.

Pablo Jesúsre bremunugādeare werede

12'Irasirigu Damascogue Jesúsre bremurārē ñerō irigu waadibū, paía oparā yure: “Gna dorero merā waaka!” ārimakū pégu.

13 Opu Agripa, yu maague waamakū, āsū waabū. Goeripoe āārīmakū, ūmugasigue abe ūmum goserō goesiribū yu puro, yu merā waanerā purōdere.

14 Gna āārīpererā yebague meémejābū. Sugū yure hebreo ya merā werenimakū pébū. “Saulo, ¿nasirigu yure ñerō yāri mu? Mu yure ñerō irigu, mu basita ñerō yāa”, ārīmi yure.

15 Igū irasū ārimakū pégu, yu garu: “¿Noā āārīrī mu?” ārī sērēñabū. Marī Opu garu āsū ārīmi: “Yu, Jesús, mu ñerō iriguta āārā.

16 Wāgānugāka! Yu murē deyoa, yure moāboegu āārīburo, ārīgū. Irasirigu mu yure iādeare, purugue yu murē imuburidere gajirārē weregukoa.

17 Yu murē judío masaka āārīmerārē buebure iriugura. Judío masaka, judío masaka āārīmerāde murē ñerō irimakū wijatagura.

18 Yu murē judío masaka āārīmerārē buedoregu iriugukoa, yaa kerere masīburo, ārīgū. Irasirirā ñerīrē pirirākuma. Koye iāpāmerā, naītīārōgue āārīrā irirosū āārībirikuma. Boyorogue āārīrā irirosū āārīrākuma. Wātī igūsā opu āārībirikumi pama. Marīru garu igūsā Opu āārīgukumi. Irasirigu, igūsā yure

buremumakū iāgū, Marīpu īgūsā ñerī irideare kātigukumi. Īgūsārē īgūyarā āārīmakū irigukumi”, ārīmi Jesús yare.

Pablo, Jesús dorerire yajudea

¹⁹ Opu Agripa, ūmugasigue Jesús yare werenideare tarinugābiribu.

²⁰ Irasirigu Damasco marārē īgūya kerere werepuroribu. Pupu Jerusalén marārē, āārīpererogue Judea marārē werebu. Judío masaka āārīmerādere werebu. “Musā ñerō irideare bujawere, musā gūñarīrē gorawayuka! Marīpu gāāmerī gapure irika! Irasirirā musā gūñarī gorawayuadeare imurākoa”, ārī buebu īgūsārē.

²¹ Yu irire buedea waja judío masaka Marīpuya wiigue yu āārīgārē ñeā wējēduarā irima.

²² Īgūsā irasirikeremakū, Marīpu gapu yare iritamunikōāmi. Irasirigu āārīpererā oparārē, ubu āārīrādere yu īgūya kerere wererire neō piribea. Iripoegue Moisés, gajirā Marīpuya kerere weredupiyunerā, purugue āsū waarokoa, ārīdeare werea. Āsū ārī gojanerā āārīmá:

²³ “Cristo, Marīpu iriudi buro ñerō tarigukumi. Īgū boadero puru, īgūta masāpurori, neō dupaturi boabirikumi. Irasirigu īgū masakare taugu āārīrīrē judío masakare judío masaka āārīmerādere masīmakū irigukumi”, ārī gojanerā āārīmá, ārī wereyupu Pablo Agripare.

Pablo Agripare: “Jesúre buremuka!” ārī weredea

²⁴ Īgū irasū ārīripoeta Festo gaguiniyupu:

—Pablo, mirēgū yáa. Wári buetarisīā, mirērīmasū waáa, ārīyupu.

²⁵ Pablo gapu Festore ārīyupu:

—Yu opu, mirēbea. Yu wereri diayeta āārā. Irasirigu ire gopepyaro merā werea.

²⁶ Opu Agripa gapu, yu wereri āārīpererire ōārō masīkumi. Irire masīa yu. Irasirigu īgūrē güiro marīrō werea. Yu Jesúyare weregu, yayerogue werebea, ārīyupu Pablo Festore. Irasū ārī odo, āsū ārīyupu Agripare:

²⁷ —Opu Agripa, Marīpuya kerere weredupiyunerā gojadeare buremua mu. Mu irire buremurīrē masīa yu, ārīyupu.

²⁸ Agripa īgūrē yajuyupu:

—Iropagā werekeregu, ¿yare Jesúre buremumakū iriduari? ārīyupu.

²⁹ Īgū irasū ārīmakū pégu, Pablo yajuyupu īgūrē:

—Jesúyare wári, o mérōgā weregu, musā āārīpererārē yu irirosū īgūrē buremumakū gāāmea. Marīpuguerē irire sērēbosáa. Yu peresugue āārīgū irirosū musā āārīmakū tamerārē gāāmebea, ārīyupu.

³⁰⁻³¹ Īgū irasū ārīmakū pérā, Agripa, Festo, Berenice gajirā īgūsā merā doanerāde wāgānugā, gaji taribugue waa, īgūsā basi āsū ārī gāme wereníñurā:

—Īgūrē i waja wējērō gāāmea, ārīrī máa. I waja peresu iriro gāāmea, ārīrīde máa, ārī gāme wereníñurā.

³² Irasirigu Agripa āsū ārīyupu Festore:

—Pablo romano marā opure yu irideare weredukoa, īgū ārībirimakū, marī īgūrē peresugue āārīgārē wiukōāboakuyo, ārīyupu.

27

Pablöre Romague iriudea

¹ Irasirirā Pablöre, gajirā peresu āārīrādere doódiru merā Italia nikūma makā Romague gu merā iriuma. Julio wāikgu surara opudere iriuma

Īgūsārē koredorerā. Īgūsā romano marā opu Augusto wāikuguyarā surara āārīmá.

² Gna Adramitio wāikuri makā marāya doódiru Asia nikūma perague waadiru merā waabu. Gajigu Aristarco wāikugu Macedonia nikūma makā Tesalónica wāikuri makāmude gna merā waami.

³ Gajinu gapu Sidón wāikuri makāma perague ejabu. Irogue ejadero puru, Julio Pablore bopoñarī merā iā, Īgūrē Īgū merāmarā puro naadoregu iriumi, Īgūsā Īgū gāamerīrē sīburo, ārīgū.

⁴ Gna iri makāgue āārānerā doódiru merā waamakū, buro mirū guare gajipārēgue wējāputaribujubu. Irasirirā Chipre wāikuri nūgūrō kúgapu dujamakū taribu. Iro gapu mirū wējāpubiriweyabu.

⁵ Ciliciare, Panfliadere taribu. Puru Licia nikūma makā Mira wāikuri makāgue ejabu.

⁶ Gna irogue ejamakū, surara opu gajiru doódiru bokajami. Iriuru Alejandriague aaradiru, Italiague waaburidiru āārībú. Irasirigu guare irirugue ñajādoremi.

⁷ Iriuru merā waarā, mirū guare buro wējāpu kāmutamakū, yoaripoe yoobobu. Buro ñerō tariri merā waa, Gnido wāikuri makā bokatiūrō ejabu. Irore gna tarimakū, mirū dupaturi buro wējāpubu. Gna waaderoguere ejamasibiribu. Irasirirā Creta wāikuri nūgūrōgue waa, Salmón wāikuri ñorōrē tariadero puru, mirū guare neō wējāputaribujubiribu pama.

⁸ Iri nūgūrō turo taria, gariboretarianerāgue “Ōārī pera” wāikurogue ejabu. Iri pera Lasea wāikuri makā purogue āārībú.

⁹ Gna yoaripoe yooboadea waja puibu waaburo mérōgā dnyabu. Irasirigu Pablo doódiru moārārē weremi:

¹⁰ —Péka! Marī dapagora waamakū, iru doódiru, doebiride dederibukoa. Marīdere mirīboama goegorāa, ārādimi.

¹¹ Īgū irasū ārīkeremakū, surara opu Pablo wererire pébirmi. Doódiru opu, iriuru wejatugu wereri gapure buremami.

¹² Īgūsā ejadea pera gapu puibu tamumakū, ñegorayuro. Irasirirā: “Fenice wāikuri makāgue waakōādorea. Gajipoe irirā irogue puibu tamubukoa”, ārīma. Fenice, Creta nūgūrōma makā abe ñajārō gapu āārīrī makā āārīyuro. Iri makāma pera gapure mirū wējāpubiriweyayuro.

Wádiyague buro mirū waadea

¹³ Irasirirā sur gapu mirū wējāpuweyamakū iārā, doódiru moārā: “Ōārīnu āārīrokoa”, ārī gūñadima. Gna irirure ñajāa, Creta nūgūrō turo waabu Fenicegue waadnarā.

¹⁴ Mérōgā puru buro mirū nordeste wāikuri aaribú.

¹⁵ Irasiriro guaya doódirure mirū wējāpubéokōābu. Mirū iro wējāpumakū gāme goroamasibiri, mirū wējāpuro gaputa waabu.

¹⁶ Gna Cauda wāikuri nūgūrōgā turogue ejamakū, mirū wējāpubiriweyabu. Irasirirā gna buro moātarianerāgue doódirumarū médiru kūmagārē ōārō tūāmu suapeobu. Iriuru wádiru mirīmakū, Īgūsā ñajāburidirugā āārībú.

¹⁷ Irirugārē suapeo odo, wádirure pūgubudari merā suanemoma mirū merā waarīri, ārīrā. Puru güi, Sirte wāikuri ĩmparo miēgue marīrē mirū āārī, ārīrā, Īgūsā mirū ñeārī gasiri suatúdea gasirire kuradijukōāma. Īgūsā kuradijuadero puru, mirū wējāpuro gaputa waabu.

¹⁸ Gajinu gapu murārōta buro mirū wējāpumakū iārā, iriruma doebirire diague béobu.

¹⁹ Gajinu gapudere iriruma āārīrīrē diague béobu.

20 Yoaripoe ñipirinãrĩ ããrĩmakũ, abe ùmumũ, neñukãde neõ deyomarĩma. Buro mirũ wějãpubũ dapa. Irasirirã: “Iro diaye waakõãa”, ãrĩ masĩña marĩbu gũare. “Mirĩ boakõãrãkoa”, ãrĩ gũñabũ.

21 Irasirigũ yoaripoe gũa baabirimakũ ããgũ, Pablo gũa watopegue ããrãdi wãgãnũgã, ããrĩpererãrẽ ãrĩmi:

—Mũsã yũ Cretague weredeare pémakũ õãgorabukuyo. Marĩ iro wirimerã, irure poyanorẽ, doebiridere dedeubiriboakuyo.

22 Irasirirã dapagorare yũ weremakũ péka! Gũñaturaka! Gũibirikõãka! Neõ sugũ boabirikoã. Iru doódiru dita dederirokoa.

23 Yũ Marĩpũyagũ ããrã. Ìgũrẽ bũremua. Dapagã ñami ãgũrẽ wereboegũ yũre deyoami.

24 Æsũ ãrãmi: “Pablo, neõ gũibirikõãka! Mũ romano marã opũre mũ irideare weregũkoa. Marĩpũ mũrẽ maĩrĩ merã ããgũ, mũ sãrẽaderosũta mũrẽ, mũ merãmarã irugue ããrĩrãdere taugũkumi”, ãrãmi.

25 Irasirirã gũñaturaka! Marĩpũ ãgũrẽ wereboegũ yũre ãrãaderosũta waamakũ irigũkumi, ãrĩ bũremua.

26 Irasiriro marĩrẽ nũgũrõgue mirũ wějãpumeétúrokoa, ãrĩ weremi Pablo.

27 Su ñami, pe semana gũa Cretare wiriadero pũrũ, wãdiya Adria wãikũdiya mirũ buro wějãpuro gapũta waabũ dapa. Ñami deko ããrĩmakũ, doódiru moãrã: “Marĩ nikũgue ejarã irisuyua”, ãrĩma.

28 Irasirirã pũgubudague kõmerũrẽ sũatúdiyu keoñama. Ìgũsã keoñamakũ, treinta y seis metrogora ãkũãbũ. Mérõta waa, dupaturi keoñamakũ, veintisiete metrogora ãkũãbũ.

29 Irasirirã ñami ããrĩyomakũ, ùtãyerigue meétuabukoa, ãrĩ gũirã, ãsũ irima. Wapikũri majĩ kõme majĩrĩpare iriyaburigue pũgubudari merã sũatúadeare wejaturu gapũ meéyoma irirure tũãñeãpauburo, ãrĩrã. Irasiri odo: “Murĩgora boyoro gããmeadãa”, ãrĩ gũñarikũma.

30 Iri ñamita irirure moãrã gapũ duridũarã irima. Irasiri gajĩ kõme majĩrĩrẽ wejadupiyuro gapũ meéyomurã yãa, ãrĩkato, doódirumarũ médirugãrẽ ããdiyu, iriru merã duridũarã irima.

31 Ìgũsã duridũamakũ ããgũ, Pablo surara opũre ãgũyarã suraradere weremi:

—Ìisã iru moãrã médirugã merã waamakũ, mũsã ããrĩpererã taribirikoã, ãrĩmi.

32 Ìgũ irasũ ãrĩmakũ pérã, surara gapũ médirugã ãgũsã sũadeadarire dítítã, diague béokõãma.

33 Boyoburi dupiyuro Pablo ãgũsãrẽ baadoregũ, ãsũ ãrĩmi:

—Pe semanagora waãa, mũsã baamerãta buro gũñarikũro.

34 Irasirigũ taridũarã baaka! ãrĩ, buro sãrẽa. Neõ sugũ mũsã dederibirikoã. Mũsãya poadaride neõ dederibirikoã, ãrĩmi.

35 Irasũ ãrĩ odo, Pablo pãrẽ ãĩ, ããrĩpererã ãũrõ Marĩpũre: “Mũ merã usũyãa”, ãrĩ, irire dukawa baami.

36 Ìgũ baamakũ ããrã, ãgũsãde ããrĩpererã gũñatura baama.

37 Gũa irirugue ããrĩrã ããrĩpererã doscientos setenta y seis gora ããrĩbũ.

38 Irasirirã ãgũsã ããrĩpererã baayapi, pũrũ irirugue ããrĩrĩ, wãri trigore diague béoma, kãrãwãridiru dujaburo, ãrĩrã.

Doódiru ãmparogue soemãrĩbeja mirĩdea

39 Boyoripoe doódiru moãrã nũgũrõrẽ ããboka: “Æsũ wãikũri nũgũrõ ããrã”, ãrĩ ããmasĩbirima. Dupatũgũguere ãmparo ããrĩmakũ ããrã: “Sõõ bũanumuarã! Gajipoe irirã iro majãbukoa”, ãrĩma.

⁴⁰ Irasirirā kōme majīrērē ĩgūsā s̄adeadarire ditimeédijubéokōāma. Iri odo, wejadupabu wejaturi ĩgūsā s̄adeadarire kurama. P̄u iriru wejadupiyuro gapu āārīrī surī gasirore āīwāgūnūma mirū āīaburo, āīrā. Irasiriro ĩmparo p̄ro gapu numuabu.

⁴¹ Numua, wejadupiyuro gapu ĩmparo ūkūāberogue soemurībejabu. Neō soebumasīna marību. Iriru wejaturo gapu makūrī pagari meétuamakū waariakōābu.

⁴² Irasū waamakū ĩārā, surara gapu āīma:

–Iru mirīmakū, marī peresu irianerā bānumuā, duriakōābukuma. Irasirirā ĩgūsārē wējēpeokōārā! āī werenīma ĩgūsā basi.

⁴³ ĩgūsā opu gapu Pablōre tauduagu: “Neō sugare wējēbirikōāka! Āārīpererā bāmasīrā mata nūgūrō turogue bānumuaka!” āīmi.

⁴⁴ “Gajirā taboa majīrī merā, gajī iriruma waariadea majīrī merā payanu-muaka!” āīmi. Irasirirā āārīpererā iri merā bānumuā, ōārō tariperekōābu.

28

Pablo, Malta wāīkuri nūgūrōgue ejadea

¹ Āārīpererā turogue majānūgādero p̄ru iri nūgūrōrē ĩāmasību. Malta wāīkuri nūgūrō āārīdero āārībú.

² Iri nūgūrō marā masaka guare ōārō irima. Deko merēmakū, guare buro yusakubu. Irasirirā guare peame diubosa, sūmadorema.

³ Pablode pea bojoñajāri seagu waa, seatīāmi. ĩgū seatīāripoe āīna ĩgū seadeague āārādi peame asiri gūiwirigu, Pablōre ĩgūya mojōgue kūrīmeésiami.

⁴ ĩgūrē kūrīmeésiamakū ĩārā, iri nūgūrō marā ĩgūsā basi āsū āī gāme werenīma:

–Ī masakare wējēdi āārīkumi. ĩgū dia wādiyare tariadi āārīkeremakū, marī buremugō masakare wajamoādorego ĩgūrē okadorebirikumo, āārādima.

⁵ Pablo gapu āārē peamegue wējāsiri meépeokōāmi. Neō pūrīsūbirimi.

⁶ Irasirimakū ĩārā, iro marā gapu: “Bijīakōārokoa”, āīma. ĩgūrē bijībirimakū ĩārā: “Gūñāñā marīrō kōmoakōāgukumi”, āīma doja. Yoaripoe ĩgū pūrīsūbirimakū ĩārā: “Ī sugu ūmūgasigue marā opu āārīkumi”, āīma.

⁷ Gūa majādero p̄ro iri nūgūrō marā opu Publio wāīkuya nikū āārībú. Guare ĩgūya wiigūe siiuami. Irasirirā gūa ūrenu ĩgū merā āārīmakū, guare ōārō irimi.

⁸ Publio pagu nimakuri yojo merā sīrīgū ĩgū kārīrōgue peyami. Irasirigu Pablo ĩgūrē ĩāgū waa, ĩgūya taribugue ñajāa, Marīp̄re sērē odo, ĩgūya mojōrī merā ĩgū weka ñapeo, taumi.

⁹ ĩgūrē taumakū ĩārā, āārīpererā gajirā iri nūgūrō marā pūrīrikurā Pablo p̄ro ejama. ĩgūsā ejamakū ĩāgū, Pablo ĩgūsādere taumi.

¹⁰ ĩgū irasirimakū ĩārā, wāri gajino sīma, guare ĩgūsā buremurīrē ĩmurā. P̄ru gūa waaburi dupiyurogā āārīpereri gūa gāāmerī, gūa baaburidere doódirugue durisābosama.

Pablo Romague ejadea

¹¹ Gūa iri nūgūrōgue ūrerā abe āārādero p̄ru, doódiru Alejandrīague aaradiru merā waabu doja. Iriru iri nūgūrōgue puibu tamudero āārībú. Iriru wejadupiyurore pērā masaka buremurā Cástor, Pólux wāīkurā keori weadea āārībú.

¹² Gūa iriru merā waa, Siracusa wāīkuri makāma perague ejabu. Irore ūrenu āārībú.

¹³ Iri makārē wiriwāgā, iri nūgārō turo taria, Regio wāikuri makāgue ejabu. Gajinu gapu gua waaripoe gua puru gapu mirū wējāpuwāgāribu. Irasirirā gajinu gaputa Puteoli wāikuri makāgue ejabu.

¹⁴ Irogue gajirā Jesúre buremurārē bokajabu. Īgūsā guare: “Su semana gua merā dujaka!” ārimakū pérā, su semanagora Īgūsā merā dujabu. Puru Romague waarā, maa merā waabu.

¹⁵ Gajirā Roma marā Jesúre buremurā gua waarí kerere pérā, Apio wāikuri makāgue guare bokatírirā ejama. Iri makā doebiri duari makā āārībú. Puru maague yoawayaro waaripoe naarā kārírí wiiri, ure wii āārírōgora gajirā guare bokatírírā ejama. Īgūsā bokatírírā ejamakū ĩāgū, Pablo usuyari merā Marĩpura: “Murē usuyari śla”, ārī, siñajā gūñaturakōāmi.

¹⁶ Romague gua ejadero puru, surara opu peresu āārírārē Pablo merā āānerārē iro marā peresu āārírārē korerā opure wiami. Pablo gapure: “Suguta āārīduamakū ōārokoa”, ārī, sugu surara ĩgūrē korebure pími.

Pablo Roma marārē buedea

¹⁷ Urenu puru Pablo judío masaka oparārē iro āārírārē siiu neōmi. Īgūsā nerēperemakū ĩāgū, āsū ārīmi:

—Yaarā, yu marĩyarārē, marĩ ñekūsāmarā iriunadeadere tarinūgābirikeremakū, Jerusalén marā yure ñeā, romano marā oparāguere wia, yure peresu irima.

¹⁸ Romano marā oparā gapu yure sērēña wiuduadima wējērō gāāmea, ārīrī bokabirisīā.

¹⁹ Marĩyarā judío masaka gapu neō yure wiuduabirima. Īgūsā irasirimakū ĩāgū: “Romano marā opure yu irideare weredorerā iriuka!” ārī sērēbu. Irire sērēgū, yu gapu marĩyarārē: “Ñerō irima”, ārī weresābiribu.

²⁰ Irasirigu masārē ire werebu siiuabu. Marĩ judío masaka yoaripoe yúdi, marĩrē taugu, Jesucristo āārīmi. Yu ĩgūrē buremurĩ waja peresugue i kōmeda merā sasūdi āārā, ārī weremi Pablo judío masaka oparārē.

²¹ Īgūsā ĩgūrē ārīma:

—Neō su papera pū, marĩyarā Judea marā, mayamarē gojadea pūrē ñeābea. Īgūsā ōogue naarā ejanerāde murē neō ñerō ārī weresābirima. Gajirāde: “Ñerō irimi”, ārī werebirima guare.

²² I ditare masīa. Āārĩpererogue marā masaka mu merāmarārē: “Īgūsā bueri ñegorāa”, ārī wereníma. Irasirirā mu buerire péduakoa, ārīma.

²³ Irasirirā sunu irire wereníburinurē beye odo, waakōāma. Puru irinu ejamakū ĩārā, wārā masaka Pablo āārĩrĩ wiigüe ejama. Irasirigu boyoripoe āārĩmakū, ĩgūsārē buenūgādi, bueneākōāmi. Marĩpu ĩgūyarārē dorerĩ kerere buemi. Moisés gojadeare, Marĩpuya kerere weredupiyunerā gojadeadere buemi, Jesúre buremuburo, ārīgū.

²⁴ Surāyeri ĩgū buerire buremuma. Gajirā gapu neō péduabirima.

²⁵ Irasirirā surosū gūñabiri, wirianokōāma. Īgūsā wiriaripoe Pablo ārīmi:

—Ōāgū deyomarīgū Marĩpuya kerere weredupiyugu Isaías merā marĩ ñekūsāmarārē diayeta weredi āārīmí. Āsū ārī weredi āārīmí:

²⁶ Masakare āsū ārī weregu waaka: “Umuriku masā yaare pékererā: ‘Irasū ārīduaro irikoa’, ārī neō pémasībea. Umuriku yu ōārō iririre ĩakererā: ‘Irasū ārīduaro irikoa’, ārī neō ĩāmasībea”, ārī wereka ĩgūsārē!

²⁷ Yaa werenírírē pémerā diayeta pémasībema. Irasirirā gāmpūrĩ pémerā, koye ĩāpāmerā irirosū āārīma. Irasū āārīmerā ĩāmasī, ōārō pémasībukuma.

Irasirirã yꝞ pémasĩrĩ sĩrĩrẽ oparã yꝞre bꝞremubukuma. Irasirigu ãgũsãrẽ tauboakuyo, ãrĩdi ããrĩmí.✠

28 'Irasirirã mꝞsã yꝞre péꝞabiri waja dapagora merã MarĩꝞ masakare tauri kerere judío masaka ããrĩmerã gapꝞre wererã waarãkoa. ãgũsã gapꝞ pérãkuma, ãrĩmi Pablo judío masaka ãgũ ꝞꝞro nerẽanerãrẽ.

29 ãgũ irasũ ãrĩmakũ pérã, ãgũsã basi bꝞro gãme turi wiriama.

30 Pe bojorigora Pablo iro marã ãgũrẽ wayudea wiigue ããrĩmí. ãgũ iri wiigue ããrĩrĩ waja ãgũsãrẽ niyeru merã wajaranami. Iri wiigue ããrĩgũ, ãgũrẽ ããrã ejanarãrẽ usuyari merã bokatĩrĩñeãnami.

31 Güiro marĩrõ MarĩꝞ ãgũyarãrẽ doreri kerere, Jesucristoya keredere buenami. Neõ sugꝞ ãgũrẽ: “Buebirikõãka!” ãrĩbirima.

Iropata ããrã.

Lucas

ROMANOS

Pablo Roma marārē òãdoredea

¹ Y_u Pablo, Jesucristore moãboeg_u ããrã. Marĩp_u y_ure ìgũ masakare tauri kerere buedoreg_u beyepĩmi.

² Iripoegue Marĩp_u ìgũyare weredupuyunerãrē iri kerere weredi ããrĩmĩ. Irasirirã irire ìgũya werenĩrĩ gojadea pũgue gojanerã ããrĩmã.

³ Ìgũsã gojadea, Marĩp_u magũ marĩ Op_u Jesucristoya kere ããrã. Ìgũta i ùmũguere marĩ irirosũ dupakug_u deyoagu, David parãmi ããrĩturiagu ããrĩdi ããrĩmĩ.

⁴ Ìgũ, Òãgũ deyomarĩgũrē opag_u ããrĩmi. Ìgũ boadero p_uru, Marĩp_u ìgũ turari merã ìgũrē masũdi ããrĩmĩ ããrĩpererãrē: “Diyeta y_u magũ ããrĩmi”, ãrĩ ìmugũ.

⁵ Ìgũta g_uare òãrõ irig_u, Jesucristo merã ìgũyare weredoreg_u pími, ããrĩpereri buri marārē ìgũrē b_uremurãno ìgũ dorerire iriburo, ãrĩgũ.

⁶ M_usãdere Jesucristoyarã ããrĩburo, ãrĩgũ, beyedi ããrĩmĩ.

⁷ Irasirig_u y_u m_usãrē Marĩp_u beyenerãrē ããrĩpererã Roma marārē òãdorea. Marĩp_u ããrĩnigũ, marĩ Op_u Jesucristo m_usãrē òãrõ iritamu, siuñajãrĩ merã ããrĩrik_umakũ iriburo.

Pablo: “Romague waad_uakoa”, ãrĩ gojadea

⁸ Ire m_usãrē werep_urorig_ura. ããrĩperero marã masaka, m_usã Jesucristore b_uremurĩrē werenĩperekõãma. Irire pégu, Jesucristo iritamurĩ merã Marĩp_ure m_unyari sã.

⁹ ããrĩpereri y_u turari merã Marĩp_u y_ure dorerosũta masakare ìgũ magũya kerere werea. Irasirig_u ìgũrē sērērik_u, m_usãya ããrĩburire sērēbosanĩkõãa. Marĩp_u irire masĩmi.

¹⁰ Irasirig_u Marĩp_ure: “M_u y_ure Romague iriud_uagu, y_u waaburire ãmuyuka!” ãrĩ sērēnãa.

¹¹ M_usã p_uro eja_u, gũñaturari merã Jesúre b_uremunemoburo, ãrĩgũ, ìgũyare wered_uakoa, Òãgũ deyomarĩgũ y_ure iritamurõsũta m_usãdere iritamuburo, ãrĩgũ.

¹² Marĩ Jesúre b_uremurã ããrã. Irasirirã m_usã, y_u ìgũrē b_uremumakũ ìãrã, nemorõ gũñaturarãkoa. Y_ude, m_usã ìgũrē b_uremumakũ ìãgũ, gũñaturag_ukoa.

¹³ Yaarã, y_u m_usã p_uro waad_uarire masĩmakũ gããmekoa. Gajero marã masaka y_u Jesúya kerere weremakũ pérã, ìgũrē b_uremuma. Irasirig_u m_usãya makã marãdere irire wereg_u waad_uakoa, ìgũsãde ìgũrē b_uremuburo, ãrĩgũ.

¹⁴ Marĩp_u y_ure ããrĩpererãrē iri kerere weredoremi. Paga makãrĩ marārē, mutã makãrĩ marārē, masĩrãrē, masĩmerãdere weredoremi.

¹⁵ Irasirig_u m_usãya makã marārē Jesúre b_uremumerãrē ìgũya kerere b_uro wered_uakoa.

Jesúya kerere pérã, ìgũrē b_uremun_ugãrãkuma, ãrĩ gojadea

¹⁶ Masaka iri kerere pérã, ìgũrē b_uremun_ugãrãkuma. Irasirig_u Marĩp_u ããrĩpererã Jesúre b_uremurãrē ìgũ turari merã taug_ukumi, perebiri peamegue waabirikõãburo, ãrĩgũ. Judío masaka, judío masaka ããrĩmerãde iri kerere pé, ìgũrē b_uremumakũ, Marĩp_u ìgũsãrē taug_ukumi. Irasirig_u y_u, g_uyasĩrĩrĩ marĩrõ gũñaturari merã iri kerere werea.

¹⁷ Iri kere ãsũ ãrã. Marĩp_u Jesucristore b_uremurã direta: “Òãrã ããrĩma”, ãrĩ ìãmi. Marĩp_uya kerere gojadea pũguedere ãsũ ãrĩ gojasũdero ããrĩbú:

“Marĩpu irasũ buremurārē: ‘Ōārā āārĩma’, ārĩ ĩāmi. Irasirirā ĩgũ merā āārĩnĩkōārākuma”, ārĩ gojasũdero āārĩbũ.

Masaka ĩgũsā ñerĩ iriri merā waja opama, ārĩ gojadea

¹⁸⁻¹⁹ Marĩpu masakare ĩgũyamarē ōārō masĩmakũ yāmi. ĩgũ irire masĩmakũ irikerepuru, ñerĩrē yāma. Irasirirā Marĩpuya diayemarē masĩmerā dujama. Irasirigũ Marĩpu ũmugasigue āārĩgũ āārĩpererā diayemarē irimerārē, ñerō irirārē ĩgũ buro wajamoāburire masĩmakũ yāmi.

²⁰ Marĩpu deyomarĩgũ āārĩkerepuru, ĩgũ neōgorague i ũmurē āārĩpereri iridea merā ĩgũ perebiri turarire, ĩgũyamarē masĩsũa. Irasirirā masaka ĩgũrē: “Masĩbirisĩā, waja opabea”, ārĩmasĩbirikuma.

²¹ Marĩpuyamarē masĩkererā, ĩgũrē: “Ōātaria mu”, ārĩ buremubema. ĩgũ ōārō irikerepuru, ĩgũrē: “Ōāa”, ārĩ, usuyari sĩbema. Irasirirā ĩgũyare pémasĩmerā dujama. Ñerĩ direta gũñarĩ opama. Irasiriro ĩgũsā gũñarĩguere naĩtĩārō irirosũ āārā.

²² “Gua masĩrā āārā”, ārĩkererā, Marĩpuyare neō pémasĩmerā waama.

²³ Irasirirā Marĩpu āārĩnĩgũ gapure buremubema. Pũrũgue boaburi gapure: masaka keorire, mirā, waimurā paārā, pĩrũa keori ĩgũsā weadeare buremuma.

²⁴ Irasirigũ Marĩpu ĩgũsārē ĩgũsā ñerĩrē uribejari direta irinaburo, ārĩgũ, béomi. Irasirirā gũyasĩũrō ñerĩrē gāme irinĩkōāma.

²⁵ Marĩpuya diayema gapure buremubema. Ārĩgatori direta ōārō péma. Irasirirā Marĩpu āārĩpereri i ũmumarē iridi gapure buremumerā, ĩgũ iridea gapure buremuma. ĩgũsā ĩgũrē buremubirikerepuru, marĩ gapu ĩgũrē: “Ōātaria mu”, ārĩ, usuyari sĩnĩkōārō gāamea. Irasũta irirā!

²⁶ ĩgũsā buremubiri waja Marĩpu ĩgũsārē béomi, ĩgũsā gāamerō gũyasĩũrō ñerĩrē iriburo, ārĩgũ. Irasirirā nome ũmarē marāpũkũduabema. Nome basita gāme marāpũkũduarā irirosũ āārĩma. Irasirirā ĩgũsā nome seyaro ñerō yāma.

²⁷ Ũmade irirosũta yāma. Nomerē marāpokũduabema. Ũma basita gāme marāpokũduarā irirosũ āārĩma. ĩgũsā ũma seyaro ñerō yāma. Irasirirā ĩgũsā basita ñerō iriri waja ĩgũsāya dupũrere poyanorēma.

²⁸ ĩgũsā Marĩpũre masĩduabiri waja ĩgũsārē béomi, ñerĩ gũñarĩ direta opaburo, ārĩgũ. Irasirirā noó gāamerō ñerĩrē irinĩkōāma.

²⁹ Āārĩpereri ñerĩrē iririkũma. Ũma nome merā, nome ũma merā ñerō iririkũma. Ñetariro iririkũma. Gajerāyare buro gāamema. Gajerārē ñerō iridũama. Gajerā gajino opamakũ ĩārā, ĩgũsārē ĩaturima. Gāmewējērikurā, gāmekēārikurā, ārĩgatorikurā, ñerō āārĩrikurā, buro kerekurā āārĩma.

³⁰ Gajerārē ārĩgatori merā ñerō ārĩ werenĩma. Marĩpũre gāamemerā dooma. Gajerārē ĩāmuĩrikũma. “Gajerā nemorō āārā”, ārĩ gũñarā: “Ōārō yāa”, ārĩ weregorenama. Gajerosũperi ñerĩ iririre iribokadũama. ĩgũsā pagũsāmarārē tarinũgārikũma.

³¹ Ōārĩrē pémasĩduabema. Gajerārē: “Āsũ irirāra”, ārĩdeare neō keoro iribema. Neō sugũnorē maĩrĩ merā ĩābema. ĩgũsārē gajerā ñerō irideare neō kātimasĩbema. Gajerārē bopoñabema.

³² Marĩpu irasirirārē: “Wajamoāgũra”, ārĩderosũta irigũkumi. Perebiri peamegue béogũkumi. ĩgũsārē béoburire masĩkererā, ñerĩrē neō piribema. Gajerā ĩgũsā irirosũ ñerĩrē irimakũ ĩārā, ōārō usuyari merā ĩāma.

2

Ñerĩ irirārē Marĩpu diayeta wajamoāgũkumi, ārĩ gojadea

¹ Irasirirā gajerārē werewuarā ĩgūsā irirosū irikererā, musā basita werewuarā yāa. ĩgūsārē: “ĩgūsā ñerō iriri waja, waja opama”, ārirā, musā basita: “Guade waja opāa”, ārirā irirosū ārirā yāa.

² Marĩpu ñerĩ irirārē: “ĩgūsā ñerĩ iriri waja, wajamoāgura”, āriḡũ, diayeta āriḡũ yāmi. Irire masĩa marĩ.

³ Musā gajerārē: “Ñerō yāma”, āri werewuarā, ĩgūsā irirosū irikererā: “Marĩpu gua gapure wajamoābirikumi”, ¿āri ḡñarĩ? Irire irasū āri ḡñabirikōāka! Marĩpu musādere musā ñerō iriri waja, wajamoāḡukumi.

⁴ Musā ñerĩ irirā: “Marĩpu guare buro bopoñarĩ merā ĩāḡũ, mata wajamoābemi”, āri ḡñabirikōāka! Ōārō pēmasĩka! Musā ñerō iririre bujoweremakũ ĩāduagu, musā ḡñarĩrē gorawayumakũ ĩāduagu, mata wajamoābemi.

⁵ Mata wajamoābirikereḡũ, musā ĩḡūrē neō pébirimakũ ĩāḡũ, ñerō iririre neō piridubirimakũ ĩāḡũ, musā merā guanemomi. Irasirigu purugue āārĩpererā ñerārē ĩḡũ wajamoārĩnũ ejamakũ, musārē buro wajamoāḡukumi. ĩḡũ irasirimakũ ĩārā, āārĩpererā: “Diayeta ĩgūsārē wajamoāḡũta yāmi”, āri masĩrākuma.

⁶ Irinurē Marĩpu masakakure ĩgūsā irideare ĩā beye, keoro wajarigukumi.

⁷ Ōārĩrē irinĩrā gapũ: Marĩpu merā āārĩduarā: “Musā ōārō yāa”, ārĩmakũ péduarā, ĩḡũ purogue perebiri okarire opaduarā āārĩma. Irasirigu ĩgūsārē perebiri okarire siḡukumi, ĩḡũ merā āārĩnikōāburo, āriḡũ.

⁸ ĩgūsā ḡāamerō irirā gapũ diayemarē iridubema. Ñerĩ direta iridubama. Irasirigu Marĩpu ĩgūsā merā gua, buro ĩgūsārē wajamoāḡukumi.

⁹ Āārĩpererā ñerĩ irirā ñerō tari, buro ḡñarikurākuma. Judío masakare waapurorirokoa. Judío masaka āārĩmerādere irasũta waarokoa.

¹⁰ Marĩpu āārĩpererā ōārĩ irirā gapure: “Ōārō yāma”, āri ĩāḡukumi. ĩgūsārē ĩḡũ merā ōārō āārĩmakũ irigukumi. Irasirigu siuñajārĩ opamakũ irigukumi. Judío masakare irire iripurorigukumi. Judío masaka āārĩmerādere irasũta irigukumi.

¹¹ Marĩpu marĩ āārĩpererārē: judío masakare, judío masaka āārĩmerādere surosũta ĩāmi.

¹² Judío masaka āārĩmerā, Marĩpu Moisére doreri pídeare opabirikererā ñerĩ irimakũ ĩāḡũ, Marĩpu ĩgūsārē perebiri peamegue béogukumi. Judío masaka ĩḡũ doreri pídeare oparāde ñerĩ irimakũ ĩāḡũ, ĩgūsādere irire tarinugārĩ waja, wajamoāḡukumi.

¹³ ĩḡũ Moisére doreri pídeare pékererā irire iribirimakũ ĩāḡũ, ĩgūsārē: “Ōārā āārĩma”, āri ĩābemi. Irire irirā gapure: “Ōārā āārĩma”, āri ĩāmi.

¹⁴ Judío masaka āārĩmerā Marĩpu Moisére doreri pídeare opabirikererā ōārō irirā, Marĩpu dorederosũta yāma. Irasirirā ĩgūsā basi Marĩpu doredeare oparā irirosū irire yāma.

¹⁵ Marĩpu ĩgūsā ḡñarĩḡue ĩḡũ doredeare masĩmakũ iridi āārĩmĩ. Irasirirā ĩḡũ dorederosũta irirā, irire masĩrā irirosū yāma. Ōārō irirā, o ñerō irirā, ĩgūsā ḡñarĩ merā ĩgūsā irideare masĩma. Ñerĩrē irianerā: “Waja opāa”, āri ḡñama. Irasũta ōārĩrē irianerāde: “Waja opabea”, āri ḡñama.

¹⁶ Irasirigu Marĩpu āārĩpererā ñerārē wajamoārĩnũ ejamakũ, Jesucristore: “Āārĩpererā ḡñarĩrē, ĩgūsā gajerā ĩāberogue irideare ĩā beyeka!” āriḡukumi. Irasirigu Jesucristo ñerĩ ḡñarĩ oparārē, ñerĩ iririkurārē: “Wajamoāḡura”, āriḡukumi. Ōārĩ ḡñarĩ oparārē, ōārō iririkurārē: “Wajamoābirikoa”, āriḡukumi. Marĩpu masakare tauri kerere bueḡũ, irireta buea yũ.

Marĩpu Moisére doreri pídeamarē gojadea

17 Mũsã gapũ: “Gũa judío masaka Marĩpu Moisére doreri pídeare bũremusĩã, gajerã nemorõ Marĩpũyarã ããrã”, ãrĩ gũñadãa.

18 Gajire ãsũ ãrĩ gũñãã: “Gũa Marĩpu gããmerĩrẽ, ãgũ Moisére doreri pídeare masĩrã ããrĩsĩã, õãrĩ direta beyemasĩã.

19 Irasirirã koye ããmerãrẽ tũãdupuyuwãgãrã irirosũ Marĩpũyare masĩmerãrẽ buemasĩã. Naĩtĩãrõgue ããrĩãrẽ sĩãgoro irirosũ diayema iririre masĩmerãrẽ diayema gapũre ãgũsãrẽ iridorea.

20 Marĩpu Moisére doreri pídeare opasĩã, diayema iririre õãrõ masĩã. Irasirirã masĩmerãrẽ, majĩrã irirosũ ããrĩãrẽ buerimasã ããrã”, ãrĩ gũñadãa mũsã.

21 Gajerãrẽ irasũ ãrĩ buekererã, ¿nasirirã mũsã basi bueberi? “Ya-jabirikõãka!” ãrĩ buekererã, ¿nasirirã yajari mũsã?

22 “Gajigu marãpo, gajego marãpu merã ñerõ iribirikõãka!” ãrĩ buekererã, ¿nasirirã irasũ yãri? Masaka bũremurĩ keori weadeare dookererã, ¿nasirirã ãgũsã bũremurĩ wiirimarẽ yajari, irire opamurã?

23 “Marĩpu Moisére doreri pídeare opasĩã, gajerã nemorõ ããrã”, ãrĩ gũñakererã, iri dorerire tarinũgãrã, gajerãdere ãgũrẽ bũremubirimakũ irirã yãa.

24 Marĩpũya werenĩrĩ gojadea pũgue mũsã irasiririre ãsũ ãrĩ gojasũdero ããrĩbũ: “Mũsã judío masaka, judío masaka ããrĩmerãrẽ Marĩpũre ñerõ ãrĩ werenĩmakũ yãa”, ãrĩ gojasũdero ããrĩbũ.

25 Mũsã judío masaka Marĩpu Moisére doreri pídeare irirã, mũsãya dupũma gasirogãrẽ* wiirisũnerã ããrĩmakũ õãgorãa. Marĩpu mũsãrẽ: “Yaarã ããrĩma”, ãrĩ ããmi. Irire tarinũgãrã, mũsãya dupũma gasirogãrẽ wiirisũbirinerã irirosũ ããrã.

26 Judío masaka ããrĩmerã irasũ wiirisũbirinerã ããrĩkererũ, Marĩpu Moisére doreri pídeare irimakũ: “Yaarã ããrĩma”, ãrĩ ããgũkumi. Judío masakadere ãgũsã irire irimakũ, irasũta ãrĩ ããgũkumi.

27 Judío masaka ããrĩmerã gapũ ãgũsãya dupũma gasirogãrẽ wiirisũbirinerã ããrĩkererã, Marĩpu doredeare irirã, mũsãrẽ judío masakare iri doredeare oparãrẽ mũsã irire tarinũgãrĩ waja: “Waja opama”, ãrĩãrãkuma.

28 Sugu judío masakũ irasũ wiirisũdi: “Marĩpũyagu ããrã”, ãrĩ gũñakeregu, Marĩpũre bũremubi, diayeta Marĩpũyagu, judío masakũgora ããrĩbemi.

29 Marĩpũyarã gapũ irasũ wiirisũnerã dita ããrĩbema. Õãgũ deyomarĩgũ ãgũsãya gũñarĩgue õãrĩ merã gorawayumakũ iridero pũrũ, ãgũsã Marĩpũyarã, judío masakũgora ããrĩma. Masaka ãgũsãrẽ: “Õãrã ããrĩma”, ãrĩ ããbirikerepũrũ, Marĩpu gapũ: “Õãrã ããrĩma”, ãrĩ ããmi.

3

1 Mũsã, yũ irasũ ãrĩmakũ pérã: “¿Gũa judío masaka, gũaya dupũma gasirogãrẽ wiirisũnerã ããrĩrĩ wajamarĩkuri?” ¿ãrĩ gũñarĩ?

2 Gũa judío masaka ããrĩmakũ õãgorãa. Marĩpu gũare wãri õãrĩrẽ sĩdi ããrĩmĩ. Irasirigu gũare ãgũya kerere pípuroridi ããrĩmĩ, irire gajerãrẽ weredoregu.

3 Yũ irasũ ãrĩmakũ pérã: “Judío masaka surãyeri Marĩpu ãgũsãrẽ: ‘Ãsũ irigũra’, ãrĩdeare bũremubirimakũ, irire iribirikumĩ” ¿ãrĩ gũñarĩ?

4 Neõ irasũ ãrĩ gũñabirikõãka! ããrĩpererã masaka ãrĩgatokerepũrũ, Marĩpu gapũ neõ ãrĩgatobemi. ãgũya werenĩrĩ gojadea pũgue ãsũ ãrĩ gojasũdero ããrĩbũ:

* 2:25 Gn 17.1-14: Iripoegue Marĩpu Abrahãrẽ ãgũ pũrã ãmarẽ: “Yaarã ããrĩburo”, ãrĩgũ, ãgũsãya dupũma gasirogãrẽ wiiridorede ããrĩmĩ. Pũrũ iri dorerire Moisére pídi ããrĩmĩ. Irasirirã judío masaka Abraham parãmerã ããrĩturiarã iri dorerire irirã, ãgũsã pũrã ãmarẽ su mojõma pere gajĩ mojõ ugeru pẽrẽbejarinãrĩ waarõ merã ãgũsã deyoadero pũrũ irasũ yãma.

Ḡḡḡḡ, ḡḡ werenírĩ merã masakare ḡḡ diayema iririre masĩmakũ yáa. ḡḡ ãrĩderosũta keoro irimakũ, neõ sugḡ masakḡ ḡḡrẽ: “Diaye iribemi”, ãrĩmasĩbirikumi, ãrĩ gojasũdero ããrĩbũ.✠

⁵ Gajerã irire pérã, ãsũ ãrĩmoãmabokuma: “Ḡḡ ñerõ iriri merã Marĩḡḡ diaye iriri masakare masĩmakũ yáa. Ḡḡ irasirikereḡḡḡḡ, Marĩḡḡ ḡḡare wajamoãḡḡ, diaye iribemi”, ãrĩbokuma.

⁶ Neõ irasũ ããrĩbea. Ĩḡsã irasũ ãrĩrĩ keoro ããrĩmakũ, Marĩḡḡ neõ sugḡnorẽ ĩḡsã ñerõ irikereḡḡḡḡ, wajamoãbiribokumi.

⁷ Gajerã idere ãrĩmoãmabokuma: “Ḡḡ ãrĩgatori merã Marĩḡḡ ãrĩgatobi ããrĩrĩrẽ masakare masĩmakũ yáa. Irasirirã ĩḡrẽ: ‘Õãtarimi’, ãrĩ buremuma. Ḡḡ irasirikereḡḡḡḡ, Marĩḡḡ ḡḡare wajamoãḡḡ, diaye iribemi”, ãrĩbokuma.

⁸ ãsũ ãrĩbokuma doja: “Ḡḡ ñerĩ irimakũ, gajerã Marĩḡḡ õḡḡ ããrĩrĩ ḡḡḡḡ masĩnemorãkuma”, ãrĩbokuma. Surãyeri ḡḡare ñerõ ḡũñarĩ merã: “Pablosãde irasũta ãrĩ buema”, ãrĩ werenĩma. Ĩḡsã irasũ ãrĩrĩ waja Marĩḡḡ ĩḡsãrẽ wajamoãḡḡ, diayeta irigukumi.

Ããrĩpererã masaka waja oparã dita ããrĩma, ãrĩ gojadea

⁹ ¿Naásũ ãrĩ ḡũñarĩ? ¿Marĩḡḡ ĩũrõ marĩ judío masaka, gajerã nemorõ õãrã ããrĩrĩ? Neõ irasũ ããrĩbea. Marĩ ããrĩpererã judío masaka, judío masaka ããrĩmerãde ñerõ irirã ããrĩsã, waja oparã dita ããrã. Irire yḡ ḡḡsãrẽ weresiabḡ.

¹⁰ Marĩḡḡyaya werenírĩ gojadea pũḡe ãsũ ãrĩ gojasũdero ããrĩbũ: Neõ sugḡno õḡḡ mámi. Neõ marĩgorakõãmi.

¹¹ Neõ Marĩḡḡyare pémasĩḡḡ mámi. Neõ sugḡno ĩḡrẽ masĩduḡḡ mámi.

¹² ããrĩpererã Marĩḡḡyare irituyamerã, dedirimurã dita ããrĩma. Neõ sugḡno õãrĩrẽ irigḡ mámi. Neõ marĩgorakõãmi.✠

¹³ Masãgobe toyori gobe ãrĩwiurosũ ĩḡsã ñerĩ werenírĩ ããrã. ãrĩgatorikuma. ãña disigḡ nima opagḡ irirosũ pũrĩrõ werenĩma.✠

¹⁴ Ñerĩ direta werenĩ, gajerãrẽ dojama. Buro turirikuma.✠

¹⁵ Masakare wẽjẽbéoduari direta opasurima.

¹⁶ Noó ĩḡsã waaró masakare poyanorẽ, ĩḡsãrẽ ñerõ tarimakũ yáma.

¹⁷ Gajerãrẽ siuñajãrĩ merã ããrĩmakũ neõ iribema.✠

¹⁸ Marĩḡḡḡḡ gopeyari merã buremubema. Irasirirã ĩḡrẽ ḡuibema, ãrĩ gojasũdero ããrĩbũ.✠

¹⁹ Marĩ ire masã. ããrĩpererã Moisés doreri ḡḡ judío masakare: “ãsũ irika!” ãrĩ pídeare iripeobirisã: “Waja opabea”, ãrĩmasĩbema. Irasirirã ããrĩpererã judío masaka, judío masaka ããrĩmerãde waja opasã, Marĩḡḡ wajamoãsũmurã dita ããrĩma.

²⁰ Neõ sugḡ masakḡ Moisés doredeare iripeomasĩbemi. Irasirigḡ: “Marĩḡḡ yḡre: ‘Õḡḡ ããrĩmi’, ãrĩ ĩḡḡkumi”, ãrĩmasĩbirikumi. Marĩḡḡ iri dorerire pídea merãta marĩrẽ: “Ñerã ããrã”, ãrĩ masĩmakũ yámi.

Marĩ Jesucristore buremurĩ merã tausũrãkoa, ãrĩ gojadea

²¹⁻²² Daporare Marĩḡḡ marĩrẽ ire masĩmakũ yámi. Marĩ Jesucristore buremumakũ, ĩḡḡ Moisére doreri pídeare iripeobirikereḡḡḡḡ, marĩrẽ: “Õãrã, waja opamerã ããrĩma”, ãrĩ ĩãmi. Irasirigḡ marĩ ããrĩpererãrẽ Jesucristore buremurãrẽ sũrosũta ĩãmi. ĩḡḡ irasũ ãrĩ ĩãburire Moisés, gajerã ĩḡyare weredupuyurimasãde ĩḡyaya kerere gojadea pũḡe gojanerã ããrĩmã.

²³ Marĩ ããrĩpererã ñerĩ irirã dita ããrã. Irasirirã, Marĩḡḡ: “Yḡ merã õãrõ ããrĩrãkoa”, ãrĩdeare marĩ basi neõ bokabirikoa.

✠ 3:4 Sal 51.4 ✠ 3:12 Sal 14.1-3; 53.1-3 ✠ 3:13 Sal 5.9; 140.3 ✠ 3:14 Sal 10.7 ✠ 3:17 Is 59.7-8 ✠ 3:18 Sal 36.1

24 Marĩ irasũ ããrĩkerepuru, Marĩpu marĩrẽ maĩgũ ĩgũ magũ Jesucristore iriudi ããrĩmĩ, marĩ ñerĩ iridea wajare wajaribosadoregu. Irasirigu, marĩrẽ Jesucristore buremurãrẽ: “Waja opamerã ããrĩma”, ãrĩ ĩãmi.

25 Marĩpu Jesucristore ããrĩpererã masakare ĩgũsã ñerĩ iridea wajare wajaridoregu, ĩgũrẽ iriudi ããrĩmĩ. Irasirigu, Jesucristo boagu dí béodea merã ĩgũrẽ buremurãrẽ ĩgũsã ñerĩ iridea wajare kãtidi ããrĩmĩ. Bopoñagũ ããrĩsĩã, iripoegue marãdere ĩgũsã ĩgũ: “Ãsũ irigũra”, ãrĩdeare buremudea merã ĩgũsã ñerõ iridea wajare kãtidi ããrĩmĩ. Irire irigu, ĩgũ diaye irigu ããrĩrĩrẽ ĩmudi ããrĩmĩ.

26 Marĩpu dapora marãdere Jesús marĩ ñerĩ iridea wajare wajaribosadea merã ĩgũrẽ buremurãrẽ: “Õãrã, waja opamerã ããrĩma”, ãrĩ ĩãmi. Irasirigu marĩrẽ ĩgũ diaye irigu ããrĩrĩrẽ masĩmakũ yãmi.

27 Irasirirã Marĩpu ĩũrõ marĩ basita: “Õãrã ããrã, ĩgũ Moisére doreri pídeare iripeorã yãa”, ãrĩmasĩbea. Ãsũ gapu ãrĩ masĩa. Marĩpu, Jesúre marĩ buremumakũ, marĩrẽ: “Õãrã ããrĩma”, ãrĩ ĩãmi.

28 Ire masĩa. Marĩpu Moisére doreri pídeare marĩ irimakũ meta marĩrẽ: “Õãrã ããrĩma”, ãrĩ ĩãmi. Marĩ Jesúre buremumakũ, marĩrẽ: “Õãrã ããrĩma”, ãrĩ ĩãmi.

29-30 ¿Marĩpu judío masaka direta Opu ããrĩrĩ? Neõ irasũ ããrĩbemi. Judío masaka, judío masaka ããrĩmerãdere ĩgũ sugũta ããrĩpererã Opu ããrĩmĩ. Irasirigu, ĩgũsã Jesúre buremumakũ: “Õãrã, waja opamerã ããrĩma”, ãrĩ ĩãmi.

31 Irasirirã marĩ Jesúre buremurã, ¿Marĩpu Moisére doreri pídeare béorã yãri? ããrĩbea. Marĩ ĩgũrẽ buremurã Marĩpu dorerire nemorõ irinemowãgãrãkoa.

4

Pablo, Abraham Marĩpure buremudeare gojadea

1 Irasirirã, ¿naásũ ãrĩrãkuri Abrahãrẽ, marĩ ñekũ ããrĩpuroridire? ¿Naásũ waayuri ĩgũrẽ?

2 Marĩpu Abrahãrẽ: “Õãrõ irigu ããrĩsĩã, õãgũ ããrĩmĩ”, ãrĩ ĩãbodi ããrĩkerepuru, Abraham ĩgũ basi: “Marĩpu ĩũrõ õãrõ yãa”, neõ ãrĩmasĩbiriunadi ããrĩmĩ.

3 Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Abraham Marĩpure buremumakũ, Marĩpu ĩgũrẽ: ‘Õãgũ ããrĩmĩ’, ãrĩ ĩãdi ããrĩmĩ”, ãrĩ gojasũdero ããrĩbũ.

4 Ãsũ ããrã. Sugũ gajino moãdire wajarirã, irasũ sĩkõãrã meta irikuma. ĩgũ moãdea waja wajarirã irikuma.

5 Marĩpu gapu irasiribemi. Ñerãrẽ, ĩgũsã õãrĩrẽ iribirikerepuru, ĩgũrẽ buremumakũ: “Waja opamerã ããrĩma”, ãrĩ ĩãmi. Irasirigu, marĩ ĩgũrẽ buremumakũ: “Yũ ĩũrõ õãrã ããrĩma”, ãrĩ ĩãmi.

6 Iripoeguemu Davide yũ ãrĩrõsũta gojadi ããrĩmĩ. Marĩpu masaka iririre ĩãgũ: “Õãrã ããrĩma”, ãrĩ ĩãgũ meta ããrĩmĩ. ĩgũrẽ buremurã direta: “Õãrã ããrĩmã”, ãrĩ ĩãgũ ããrĩmĩ. Irasirirã ĩgũ merã õãrõ usuyama.

7 Irire ãsũ ãrĩ gojadi ããrĩmĩ David:
Marĩpu dorerire tarinũgãrãrẽ ĩgũsã ñerõ iridea wajare ĩgũ kãtimakũ, õãrõ usuyama.

8 Marĩpu ĩgũsã ñerõ iridea wajare: “Neõ gũñabirikoã”, ãrĩmakũ, õãrõ usuyama, ãrĩ gojadi ããrĩmĩ David.✧

9 Judío masaka ĩgũsãya dupuma gasirogãrẽ wiirisũnerã dita usuyabirikuma. Judío masaka ããrĩmerãde usuyarãkuma. Abrahãrẽ dupaturi gũñaka! ĩgũ

✧ 4:8 Sal 32.1-2

Marĩpũre bũremumakũ, Marĩpũ ĩgũrẽ: “Õãgũ, waja opabi ããrĩmi”, ãrĩ ĩãdi ããrĩmĩ.

¹⁰ ĩNaásũ ããrĩmakũ, Marĩpũ Abrahãrẽ: “Õãgũ ããrĩmi”, ãrĩ ĩãyuri? ĩgũya dupũma gasirogãrẽ wiiridero pũru, ĩgũrẽ irasũ ãrĩ ĩãyuri? ããrĩbea. ĩgũ irire iriburi dupuyurogueta: “Õãgũ ããrĩmi”, ãrĩ ĩãsiadi ããrĩmĩ.

¹¹ Marĩpũ ĩgũrẽ: “Õãgũ ããrĩmi”, ãrĩ ĩãdero pũru, ĩgũrẽ irasũ wiiridoredi ããrĩmĩ, ĩgũyagũ ããrĩrĩrẽ ĩmudoregũ. Irasirigũ dupuyurogue ĩgũrẽ: “Õãgũ ããrĩmi”, ãrĩ ĩãdeare diaye masĩmakũ iridi ããrĩmĩ. Sugũ Abraham bũremuderosũta Marĩpũre bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãmi. Irasirigũ Abraham ããrĩpererã Marĩpũre bũremurã ñekũ ããrĩpũroridi ããrĩmĩ, ĩgũsãya dupũma gasirogãrẽ wiirisũbirikerepũru.

¹² ããrĩpererã ĩgũsãya dupũma gasirogãrẽ wiirisũnerã Marĩpũre bũremurã, diayeta Abraham parãmerã ããrĩma. Abraham irasũ wiirisũburi dupuyuro Marĩpũre bũremuderosũ ĩgũsãde bũremurã, diayeta Abraham parãmerã ããrĩma.

Marĩpũ, Abraham ĩgũrẽ bũremumakũ: “Ãsũ irigũra”, ãrĩdeare gojadea

¹³ Marĩpũ Abrahãrẽ: “I nikũrẽ mũrẽ, mũ parãmerã ããrĩturiarãdere sĩgũra”, ãrĩdi ããrĩmĩ. ĩgũ doredeare irimakũ ĩãgũ meta irasũ ãrĩdi ããrĩmĩ. ĩgũrẽ bũremumakũ: “Õãgũ ããrĩmi”, ãrĩ ĩãdi ããrĩmĩ. Irasirigũ ĩgũrẽ: “I nikũrẽ sĩgũra”, ãrĩdi ããrĩmĩ.

¹⁴ Marĩpũ ĩgũ doredeare irirã direta: “Sĩgũra”, ãrĩdeare sĩmakũ, marĩ ĩgũrẽ bũremurĩ wajamarĩbokuyo. Irasũ ããrĩmakũ, ĩgũ Abrahãrẽ: “Sĩgũra”, ãrĩdea ubu ããrĩrĩta ããrĩyuwarikũkõãbokuyo.

¹⁵ Marĩpũ Moisére doreri pídeare masĩkererã, irire tarinũgãrã, wajamoãsrũrãkuma. Iri doreri marĩmakũ, irire neõ tarinũgãrĩ marĩbokuyo.

¹⁶ Irasirigũ Marĩpũ ĩgũrẽ bũremurã direta ĩgũ Abrahãrẽ ãrĩderosũta sĩgũkumi. ĩgũ doreri pídeare irirã direta: “Sĩgũra”, ãrĩbirikumi. Abraham Marĩpũre bũremuderosũ bũremurãno ĩgũ parãmerã ããrĩturiarã ããrĩma. Irasirigũ Marĩpũ Abrahãrẽ ãrĩdeare ĩgũsãrẽ ããrĩpererãrẽ wajamarĩrõ sĩgũkumi. Abraham, marĩ ããrĩpererã Marĩpũre bũremurã ñekũ ããrĩdi ããrĩmĩ.

¹⁷ Marĩpũ ĩgũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Mũrẽ wãri buri marã ñekũ ããrĩbure píbũ”, ãrĩdi ããrĩmĩ. Marĩpũ irasũ ãrĩmakũ pégũ, Abraham ĩgũrẽ bũremudi ããrĩmĩ. Irasirigũ Marĩpũre bũremugũ, ĩgũ ĩũrõ marĩ ñekũ ããrĩdi ããrĩmĩ. Marĩpũ boanerãrẽ masũgũ ããrĩmi. ĩgũ werenĩrĩ merã dupuyurogue marĩdeare ããrĩmakũ irimasĩmi.

¹⁸ Marĩpũ Abrahãrẽ: “Mũ parãmerã ããrĩturiarã wãrã ããrĩrãkuma”, ãrĩripoere Abraham gapũ pũrã marĩdi ããrĩmĩ. Pũrã marĩkeregũ: “Marĩpũ ĩgũ yũre ãrĩderosũta irigũkumi”, ãrĩ bũremudi ããrĩmĩ. Irasirigũ Abraham wãri buri marã ñekũ waadi ããrĩmĩ.

¹⁹ ĩgũ cien bojori opakeregũ, ĩgũ marãpode búro ããrĩkerepũru, Marĩpũre bũremusiã: “Neõ pũrãkũbirikoa”, ãrĩ gũñabiridi ããrĩmĩ. ãsũ gapũ ãrĩ gũñadi ããrĩmĩ: “Gũare pẽrãguereta pũrãkũboadero tarikerepũru, Marĩpũ ĩgũ yũre ãrĩderosũta irigũkumi. Yũ irire masĩa”, ãrĩdi ããrĩmĩ.

²⁰ “Marĩpũ ãrĩderosũta irigũkumi”, ãrĩ bũremurĩrẽ neõ piribiridi ããrĩmĩ. Irasirigũ gũñatura, Marĩpũre bũremunemodi ããrĩmĩ. “Marĩpũ turatarigũ ããrĩmĩ”, ãrĩ, usuyari sĩdi ããrĩmĩ.

²¹ Irasirigũ Abraham: “Marĩpũ yũre ãrĩderosũta diayeta ĩgũ turari merã iriyuwarikũgũkumi. Yũ irire õãrõ masĩa”, ãrĩ bũremudi ããrĩmĩ.

²² ĩgũ bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãdi ããrĩmĩ.

23 Irire Marĩpɥaya werenĩrĩ gojadea pũguere gojasũdero ããrĩbú. Iri Abrahãyama direta gojadea meta ããrĩdero ããrĩbú.

24-25 Marĩpɥ Abrahãrẽ: “Õãgũ ããrĩmi”, ãrĩ ããderosũta marĩdere: “Õãrã ããrĩma”, ãrĩ ããburire gojadea ããrĩdero ããrĩbú. Irasirigɥ Marĩpɥ, marĩ ããgũrẽ bɥremumakũ, marĩdere: “Õãrã ããrĩma”, ãrĩ ããmi. Marĩ ããerĩ iridea waja Marĩpɥ Jesũre ããgũrẽ wẽjẽmurãguere wiadi ããrĩmĩ, marĩrẽ boabosaburo, ããrĩgũ. Marĩ Opɥ Jesũs boadero pɥrɥ, Marĩpɥ marĩrẽ õãrã, waja opamerã ããrĩmakũ iribu, ããgũrẽ masũdi ããrĩmĩ.

5

Marĩpɥ ããrĩdero waja opamerã ããrã, ããrĩ gojadea

1 Marĩ Opɥre Jesucristore marĩ bɥremumakũ, Marĩpɥ marĩrẽ: “Õãrã, waja opamerã ããrĩma”, ãrĩ ããmi. Irasirigɥ Marĩpɥ, Jesũs marĩ ããerĩ iridea waja boabosadea merã marĩrẽ ããgũ merã siuñajãrĩ opamakũ iridi ããrĩmĩ.

2 Marĩ Jesucristore bɥremurã, Marĩpɥ marĩrẽ maãgũ merã õãrõ ããrã. Pɥrɥgue Marĩpɥ ããgũ irirosũ marĩrẽ õãrã ããrĩmakũ irigɥkumi. Irasirirã gũñaturari merã, õãrõ ɥsɥyari merã ããgũ õãrõ iriburire yúa.

3 Gajire masã. Marĩ ããerõ tarirã, Marĩpɥre marĩrẽ iritamugũrẽ gũñaturanemorãkoa. Irasirirã marĩ ããerõ tarikererã, ɥsɥyamasã.

4 Marĩ ããgũrẽ gũñaturari merã ããerõ taririre bokatũmakũ, Marĩpɥ marĩrẽ: “Õãrõ yãma”, ããrĩgɥkumi. Irasirirã, ããgũ marĩrẽ õãrõ iriburire gũñaturari merã yúa.

5 Marĩpɥ marĩrẽ Õãgũ deyomarĩgũrẽ iriudi ããrĩmĩ marĩ merã ããrĩdoregɥ. Irasirigɥ Õãgũ deyomarĩgũ merã marĩrẽ ããgũ maãrĩrẽ opatarimakũ yãmi. Irasirirã: “Marĩpɥ marĩrẽ: ‘Õãrõ iritamugɥra’, ããrĩdeare keoro irigɥkumi”, ããrĩ masã.

6 Marĩ basi peamegue waaburire tarimasãbirimakũ, Marĩpɥ marĩrẽ tauripoe ejamakũ, Cristo marĩ ããerãrẽ boabosadi ããrĩmĩ.

7 Marĩ gapɥ sugɥ boaboadeare boabosabirikoa, ããgũ diayemarẽ irigɥ ããrĩkerepɥrɥ. Gajipoe irirã sugɥ õãgũ gapɥre boabosabokoa.

8 Marĩpɥ gapɥ marĩ ããerã ããrĩkerepɥrɥ ããgũ marĩrẽ bɥro maãrĩrẽ masĩmakũ iribu, Cristore iriudi ããrĩmĩ. Irasirigɥ Cristo marĩya ããrĩburire boabosadi ããrĩmĩ.

9 Cristo boagɥ ããgũya dí béodea merã Marĩpɥ marĩrẽ waja opamerã ããrĩmakũ iridi ããrĩmĩ. ããgũ irasiridero nemorõ ããgũ ããrĩpererã ããerãrẽ wajamoãrĩnɥ ejamakũ, Cristo merãta marĩrẽ taugɥkumi.

10 Marĩ Marĩpɥre gããmemerã ããrĩkerepɥrɥ, ããgũ magũ marĩrẽ boabosadea merã ããgũ merã siuñajãrĩ opamakũ iridi ããrĩmĩ. ããgũ irasiridero nemorõ Cristo marĩrẽ boabosa, dupaturi okadea merã marĩrẽ ããgũ merã siuñajãrĩ oparãrẽ taugɥkumi.

11 I gaji ããrĩnemoa. Marĩpɥ, marĩ Opɥ Jesucristo merã marĩrẽ ããgũ merã siuñajãmakũ irideare gũñarã, ããgũ merã bɥro ɥsɥyã.

Adãn, irasũ ããrĩmakũ Cristo iridea

12 ããsũ ããrã. Neõgoraguere Adãn ããerĩ iripɥroridi ããrĩmĩ. ããgũ ããerĩ iridea waja boadi ããrĩmĩ. ããgũ sugɥya waja merãta ããrĩpererã ããgũ parãmerã ããrĩturiarãde ããerĩ iri, boamurã dita ããrĩma.

13 Marĩpɥ Moisére ããgũ doreri pĩburi dupuyurogueta masaka ããerĩ irisianerã ããrĩmã. ããgũsã ããerĩ irikerepɥrɥ iri doreri marĩmakũ, Marĩpɥ ããgũsãrẽ: “Iri dorerire tarinɥgãrĩ waja, waja opama”, ããrĩbiridi ããrĩmĩ dapa.

14 Irasũ ããrĩkerepuru, Adán parãmerã ããrĩturiarã Moisés ããrĩdeapoege ããrĩnerãde boanerã ããrĩmá. Ìgũsã Marĩpu doredeare Adán tarinũgãderosũ iribirikererã, Ìgũsã ñerĩ iridea waja boanerã ããrĩmá. Adán i ãmurẽ ããrĩpurorigu, Marĩpu doredeare tarinũgãpuroridi ããrĩmí. Jesucristo gapu i ãmũguere aarigú, Marĩpu dorerire tarinũgãbiripuroridi ããrĩmí.

15 Marĩ Adán tarinũgãdeare, Marĩpu marĩrẽ maĩgũ õãrõ irideare masĩa. Adán sugũya waja merãta masaka ããrĩpererã boamurã dita ããrĩma. Marĩpu gapu marĩrẽ maĩgũ, marĩrẽ taubure Jesucristore iriudi ããrĩmí. Irasirigu Jesucristo sugũ ããrĩkeregu, ããrĩpererãya ããrĩburire wajamarĩrõ boabosadi ããrĩmí. Irasirigu Marĩpu Jesucristo merã marĩrẽ wãro õãrĩ iridi ããrĩmí.

16 Adán Marĩpu doredeare suñarõ tarinũgãdea waja merãta ããrĩpererã masaka waja opama. Marĩ wãri ñerĩ irikereruru, Marĩpu marĩrẽ maĩgũ, wajamarĩrõ Jesucristore iriudi ããrĩmí, marĩ ñerõ iridea wajare taudoregu. Irasirigu Jesús merã marĩrẽ waja opamerã ããrĩmakũ iridi ããrĩmí.

17 Adán sugũ Marĩpu doredeare tarinũgãdea waja merãta marĩ ããrĩpererã boamurã dita ããrã. Marĩpu gapu marĩrẽ buru maĩgũ Jesucristore iriudi ããrĩmí, marĩrẽ boabosadoregu. Irasirigu Jesucristo sugũ marĩrẽ wajamarĩrõ boabosadea merã Marĩpu marĩrẽ: “Õãrã, waja opamerã ããrĩma”, ãrĩ Ìãmi. Ìgũ irasiridero nemorõ Jesucristo merã Ìgũ irasũ ãrĩ Ìãrãrẽ maama okari opamakũ irigũkumi, Ìgũ turari merã Ìgũyare iriburo, ãrĩgũ.

18 Adán, Marĩpu doredeare tarinũgãdea waja merãta masaka ããrĩpererã ñerĩrẽ iriwekabejama. Irasirirã Marĩpu wajamoãsumurã dita ããrĩma. Jesucristo diayema irigu marĩ ñerĩ iridea waja boabosadea merã gapu Marĩpu marĩrẽ: “Õãrã, waja opamerã ããrĩma”, ãrĩ Ìãmi, Ìgũ merã ããrĩnikõãburo, ãrĩgũ.

19 Æsũ ããrã. Adán, Marĩpu doredeare tarinũgãdea waja merãta masaka ããrĩpererã ñerĩrẽ irirã dita ããrĩma. Jesucristo Marĩpu dorerire iridea merã ããrĩpererã Ìgũrẽ burumuranorẽ waja opamerã ããrĩmakũ iridi ããrĩmí. Irasirigu Marĩpu Ìgũsãrẽ: “Õãrã ããrĩma”, ãrĩ Ìãmi.

20 Marĩpu Ìgũ dorerire pídi ããrĩmí, marĩrẽ iri dorerire tarinũgãrĩrẽ masĩnemomakũ iribu. Wãri ñerĩ marĩ irikereruru, Marĩpu gapu marĩrẽ buru maĩgũ, marĩ ñerĩ iriro nemorõ Jesucristo merã marĩrẽ õãtariro iridi ããrĩmí.

21 Marĩ ããrĩpererã ñerĩ iridea waja boamurã dita ããrĩunanerã ããrĩbũ. Irasũ ããrĩkerepuru, Marĩpu marĩrẽ maĩgũ, bopoñarĩ merã Ìãsiã, marĩ Opu Jesucristo boabosadea merã marĩrẽ waja opamerã ããrĩmakũ iridi ããrĩmí, Ìgũ puro perebiri okarire opadoregu.

6

Cristo merã õãrõ ããrĩrã, waja opamerã ããrĩrĩmarẽ gojadea

1 Marĩpu marĩrẽ bopoñamakũ Ìãrã, ¿naásũ ãrĩrãkuri? Marĩrẽ Ìgũ bopoñanemomakũ Ìãduarã, ¿ñerĩrẽ irinemorãkuri?

2 Irasũ neõ ããrĩbea. Marĩ Jesucristo marĩrẽ boabosadi merã boanerã irirosũ ããrã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea.

3 Musã ire masĩa. Marĩ deko merã wãiyesũrã, marĩ Jesucristoyarã ããrĩrĩrẽ Ìmubu. Marĩ Ìgũyarã ããrĩsiã, Ìgũ boamakũ, marĩde Ìgũ merã boanerã irirosũ waanerã ããrĩbũ.

4 Marĩ wãiyesũrã, Ìgũ boadero puru yãasũmakũ, marĩde Ìgũ merã yãasũnerã irirosũ waanerã ããrĩbũ. Marĩpu ãmũgasigue ããrĩgũ Ìgũ turari merã Ìgũrẽ masãgũ, marĩdere Ìgũ merã masãnerã irirosũ ããrĩmakũ iridi ããrĩmí, Ìgũ merã maama okarire opaburo, ãrĩgũ.

⁵ Marĩ Cristoyarã ããrĩsĩã, ĩgũ boaderosũta marĩde ĩgũ merã boanerã irirosũ waanerã ããrĩbũ. Irasirirã, ĩgũ boadigue masãderosũta marĩde masãrãkoa.

⁶ Āsũ masĩa. Cristo curusague boamakũ, marĩ ñerĩ direta iririkũnerã ĩgũ merã curusague boanerã irirosũ waanerã ããrĩbũ. Irasiriro marĩ ñerĩrẽ ɯaribejari, marĩrẽ tarinũgãmasĩbirikoa pama.

⁷ Masaka boadero pũɯ, ĩgũsã ñerĩ iririkũrere neõ irinemobirikuma.

⁸ Marĩ Cristo merã boanerã irirosũ ããrĩrã: “Ĩgũ merã õãrõ ããrĩnĩkõãrãkoa”, ãrĩ bũremua.

⁹ Idere õãrõ masĩa. Cristo boadero pũɯ, Marĩpũ ĩgũrẽ masũ, dupaturi okamakũ iridi ããrĩmĩ. Irasirigũ Cristo dupaturi neõ boabirikumi pama. Boari neõ dupaturi ĩgũrẽ tarinũgãmasĩbirikoa.

¹⁰ ĩgũ suñarõta boari merã marĩ ñerĩ iridea wajare boa, wajaripeokõãdi ããrĩmĩ. ĩgũ boadero pũɯ, Marĩpũ ĩgũrẽ masũ, dupaturi okamakũ iridi ããrĩmĩ. ĩgũrẽ masũ, dupaturi okamakũ iridero pũɯ, Marĩpũ gããmerõsũta irigũ Marĩpũ merã õãrõ ããrĩnĩkõãmi.

¹¹ Irasirirã mũsã ãsũ ãrĩ gũñaka! “Gũã Opũ Jesucristo merã gũã boanerã irirosũ ããrĩsĩã, gũã ñerĩrẽ iriunaderosũ irinemobirikoa”, ãrĩ gũñaka! “Irasirirã ĩgũyarã ããrĩsĩã, Marĩpũ gããmerõsũta iri, ĩgũ merã õãrõ ããrĩnĩkõãrã!” ãrĩ gũñaka!

¹² Irasirirã mũsãya dupũ boaburi dupũ merã ñerĩrẽ neõ irinemobirikõãka, mũsã ñerĩrẽ ɯaribejari mũsãrẽ tarinũgãbirikõãburo, ãrĩrã!

¹³ Mũsãya mojõrĩ, mũsã gũñarĩ, ããrĩpereri mũsãya dupũgue ããrĩrĩ merã ñerĩrẽ iribirikõãka! Mũsã Cristo merã boanerã dupaturi okarã irirosũ ããrã. Irasirirã ãsũ gapũ irika! ããrĩpereri mũsãya dupũgue ããrĩrĩrẽ Marĩpũre wiaka, ĩgũ gããmerõsũta õãrĩ direta irimurã!

¹⁴ Marĩ irire irasirimakũ, marĩ ñerĩ iridũari marĩrẽ tarinũgãmasĩbirikoa. Marĩpũ marĩrẽ: “Yũ Moisére doreri pídeare iribirimakũ, mũsãrẽ béogũra”, ãrĩbemi. Āsũ gapũ marĩrẽ yami. ĩgũ marĩrẽ maĩgũ ããrĩsĩã, marĩrẽ iritamumi, ĩgũ doredeare iriburo, ãrĩgũ.

Marĩ, Cristore moãboerã ããrĩrĩmarẽ gojadea

¹⁵ Marĩpũ marĩrẽ maĩmakũ ĩãrã: “Marĩ, Marĩpũ doreri pídea merã ããrĩbea. Irasirirã ñerĩrẽ irirã!” ¿ãrĩrĩ? Irire neõ ãrĩbirikõãrã!

¹⁶ Mũsã ire õãrõ masĩa. Marĩ sugũ dorerire irirã, ĩgũyarã ĩgũrẽ moãboerã ããrĩrãkoa. ĩgũ marĩ opũ ããrĩgũkumi. Iri irirosũta marĩ ñerĩ iridũari, marĩ opũ, marĩrẽ doregũ irirosũ ããrĩrokoa. Irasirirã marĩ ñerĩ iririre pirimerã, Marĩpũ merã perebiri okari bokabirikoa. ĩgũ doreri gapũre irirã ĩgũrẽ moãboerã diayemarẽ irinĩrãkoa.

¹⁷⁻¹⁸ Iripoegue ñerĩ iridoregũyarã ĩgũrẽ moãboerã irirosũ mũsã ñerĩ iridũarire irinerã ããrĩbũ. Marĩpũ mũsãrẽ ĩgũya buerire pémasĩmakũ iridero pũɯ, ĩgũ doreri gapũre mũsã õãrõ iritũyãa. Irasirirã ñerĩ iridoregũyarã ĩgũrẽ moãboerã irirosũ neõ ããrĩbea pama. ĩgũrẽ wirinerã irirosũ ããrĩrã, Marĩpũre moãboerã ñajãnerã ããrã, diayema gapũre irimurã. Irasirirã irire gũñarã: “Mũ gũare irasirideã õãtaria”, ãrĩ, ɯsũyari sĩka ĩgũrẽ!

¹⁹ Yũ ire mũsãrẽ pémasĩmakũ gããmegũ, masaka ĩgũsã gũñarĩ merã wererosũ werea. Iripoegue ããrĩpereri mũsãya dupũgue ããrĩrĩ merã ɯmũrikũ ñerĩ direta irinĩkõãnerã ããrĩbũ. Daporare ããrĩpereri mũsãya dupũgue ããrĩrĩrẽ Marĩpũre wiaka, ĩgũrẽ moãboerã diayema direta irimurã! Irasirirã ĩgũ gããmerĩ direta iririkũrãkoa.

²⁰ Iripoegue mũsã ñerĩ iridũari direta irirã, Marĩpũre moãboerã ĩgũ gããmerĩ direta iriro gããmekoa, ãrĩbirinerã ããrĩbũ.

²¹ Musā ñerĩrẽ irasirirã, ¿ñeéno òãrĩrẽ bokari? Dapora musā ñerĩ irunadeare gũñarã, bũro guyasĩrĩa. Iri ñerĩrẽ musā iridea waja perebiri peamegue waabokuyo.

²² Iripoegue marĩ ñerĩ direta iridoregũre moãboerã irirosũ ããrĩunanerã ããrĩbú. Daporare Marĩpũ marĩrẽ wiudero pũũ, ìgũrẽ moãboerã ããrã. Irasirirã ìgũ gããmerĩrẽ iriwãgãrã, ìgũ pũro perebiri okarire opamurã ããrã.

²³ Ñerĩ irirãno, ìgũsã ñerĩ iriri waja, perebiri peamegue waarĩre wajatarãkuma. Marĩpũ, marĩ Opũ Jesucristore bũremurã gapũre wajamarĩrõ ìgũ pũro perebiri okari opaburire sigũkumi.

7

Mojõsiarima keori merã werede

¹ Yaarã, musã Marĩpũ Moisére doreri pídeare òãrõ masĩa. Sugũ masakũ ìgũ okarinũrĩ direta iri dorerire irimasĩmi.

² Marĩpũ doreri pídea ãsũ ãrã. Sugo nomeõ igo mojõsiadero pũũ, igo marãpũ okaripoere igo ìgũ merã ããrĩnĩkõãkumo. ìgũ boamakũ, igo marãpũ dagũ merã ããrĩdea perekoa. Gajigũ merã mojõsiamasĩkumo doja.

³ Igo marãpũ okakerepũũ gajigũ merã marãpũkũgo, ìgũ merã ñerõ irigo Marĩpũ dorerire tarinũgãgõ irikumo. Igo marãpũ boadero pũũgue dita gajigũ merã marãpũkũmasĩkumo. Irasirigo ìgũ merã ñerõ irigo meta irikumo. Marĩpũ dorerire tarinũgãbirikumo.

⁴ Yaarã, musãde ãsũta ããrã. Iripoegue Marĩpũ Moisére doreri pídea merã ããrĩnerã ããrĩbú. Jesucristo boamakũ, ìgũ merã boanerã irirosũ ããrĩsĩã, daporare iri doreri pídea merã ããrĩbea. Jesucristo boa, masãrĩ merã Marĩpũ marĩrẽ ìgũyarã ããrĩmakũ iridi ããrĩmĩ, ìgũ gããmerĩrẽ iriburo, ãrĩgũ.

⁵ Iripoeguere marĩ ñerĩrẽ ùaribejari direta iriunanerã ããrĩbú. Marĩpũ Moisére doreri pídeare masĩdero pũũ, iri dorerire tarinũgã, ããrĩpereri marĩya dupũma merã ñerĩrẽ ùaribejanemonerã ããrĩbú. Irasirirã perebiri peamegue waamurã dita ããrĩnerã ããrĩbú.

⁶ Daporare pama marĩ Cristo merã boanerã irirosũ ããrĩsĩã, Marĩpũ Moisére doreri pídea merã ããrĩbea. Irire tariwerenerãgue ããrã. Irasirigũ Marĩpũ, Òãgũ deyomarĩgũ merã marĩrẽ maama okarire opamakũ yãmi, ìgũ gããmerĩrẽ iridoregũ.

Marĩrẽ ñerĩ irimakũ iriri marĩguere ããrĩrĩmarẽ werede

⁷ Irasirirã, Marĩpũ Moisére doreri pídeare: “Ñegorãa”, ¿ãrĩrãkuri? Neõ irasũ ãrĩbirikõãrã! Irita yũ ñerĩ iririkũrere masĩmakũ iribũ. Iri doreri pídea ãsũ ãrã. “Gajerãyare bũro ùaribejabirikõãka!” Irasirigũ, iri doreri marĩmakũ, yũ gajerãyare ùaribejarire masĩbiribokuyo.

⁸ Iri doreri: “Ãsũ iribirikõãka!” ãrĩdeare masĩdero pũũ, iri yũre ããrĩpereri ñerĩrẽ ùaribejamakũ iribũ. Iri doreri marĩmakũ: “Irire tarinũgãgũ irikoa”, ãrĩmasĩbiribokuyo.

⁹ Yũ iri dorerire masĩburi dupuyuro: “Yũ, Marĩpũ merã òãrõ ããrĩkõãgũ irikoa”, ãrĩ gũñadibũ. Iri dorerire masĩdero pũũ, irire tarinũgãgũ: “Ñerõ irigu irikoa, Marĩpũ merã òãrõ ããrĩbirikoa”, ãrĩ masĩbũ pama.

¹⁰ Marĩ iri dorerire irirã, Marĩpũ merã òãrõ ããrĩkõãbokoa. Yũ gapũ irire iripeomasĩbirisĩã, ñerĩ iridea waja, waja opagũ, perebiri peamegue waabodi dujabũ.

¹¹ “Marĩpũ dorerire irigũ, ìgũ merã òãrõ ããrĩkõãgũ irikoa”, ãrĩ gũñakerepũũ, yũ ñerĩ ùaribejari, yũre Marĩpũ dorerire tarinũgãmakũ iribũ. Irasirigũ iri

dorerire tarinugāsīā, ñerī iridea waja, waja opagu peamegue waabodi dujabu.

¹² Irasū āārīkerepuru, Marīpu Moisére doreri pídea oārī āārā. Diayema doreri āārā. Marīpu irire pídi āārīmí marīrē iritamubu.

¹³ Iro tamerārē Marīpu doreri oārī āārīkerero, ¿marīrē peamegue waabonerā dujamakū irikuri? Neō irasū āārībirikoa. Marī ñerī iriri gapu marīrē peamegue waabonerā dujamakū iribu. Irasiro Marīpu ĩgū oārī doreri pídea merā marī ñerō iririre: “Ñegorāa”, ārī masīsūa.

¹⁴ Ire masīa marī. Marīpu ĩgū dorerire Ōāgū deyomarīgū merā Moisére pídi āārīmí. Irasiro oārī dita āārā. Marī gapu marī ñerīrē uaribejari merā ñerī iridoregure duasūnerā irirosū āārā. Irasirirā ñerīrē iririkurā āārā.

¹⁵ Ōārīrē iridukerērā, iribea. Ñerīrē iridukerērā, iriníkōāa. Marī irasiririre pémasībea.

¹⁶ “Ñerīrē iridukerērā”, ārīkerērā, irikōāa. Irasirikerērā: “Ñerīrē iridukerērā”, ārīrā, Marīpu dorerire: “Ōārī āārā”, ārī masīa.

¹⁷ “Marī ñerīrē dupaturi iribea pama”, ārīkerērā, ñerīrē irirā, marī basi meta irire yāa. Marīguere ñerī āārīrī gapu marīrē irire irimakū yāa.

¹⁸ Marī ñerīrē uaribejari merā ñerī direta irirā yāa. Irasirirā: “Marīguere oārī máa”, ārī masīa. Marī oārīrē iridukerērā, bokatīūbea.

¹⁹ Marī oārī iridukerērā, iribea. Ñerī iridukerērā, iri gapure yāa.

²⁰ Irasirirā marī basi: “Ñerīrē dupaturi iribirikoa”, ārīkerērā, irikōāa doja. Marīguere ñerī āārīrī gapu marīrē irire irimakū yāa.

²¹ Irasiro āsū waāa marīrē. Ōārīrē marī iridukerepuru, marīguere ñerī āārīrī marīrē ñerī direta irimakū yāa.

²² Marī basi marī gūñarīgue: “Marīpu dorerire iridukerē”, ārī gūñāa.

²³ Iri dorerire iridukerepuru, marī ñerī iridukerē gapu marī gūñarīgue oārī iridukerē tarinugāa. Irasirirā marī basi iri ñerī iridukerē tarinugāmasībea.

²⁴ Marī basi ñerī iridukerē tarinugāmasīmerā, buro bujawereri merā: “¿Noā marīrē ñerī iridea wajare taugukuri, Marīpu merā oārō āārīburo, ārīgū?” ārī gūñāa.

²⁵ Marīpu dita Jesucristo marī Opu merā marīrē taumasīmi. Irasirirā Marīpuru: “Ōātaria mu”, ārī, usuyari sīa. Irasirirā marī gūñarīgue: “Marīpu dorerire iridukerē”, ārī gūñāa. “Gua Opu āārā mu”, ārā ĩgūrē. Marī irasū ārīkerepuru, marī ñerīrē uaribejari, marīrē ñerīrē iridoregu irirosū āārīkōāa dapa.

8

Ōāgū deyomarīgū iritamurī merā oārō āārīrīmarē gojadea

¹ Dapora Marīpu marīrē Jesucristoyarārē ñerīrē uaribejarire piri, Ōāgū deyomarīgū dorerosū irirārē: “Wajamoāgura”, ārīrīno neō máa.

² Ōāgū deyomarīgū, marī Jesucristoyarā ĩgū dorerosū irimakū, marī ñerī iririkurire pirimakū yāmi. Irasirigu marīrē, perebiri peamegue waabonerārē Marīpu merā oārō āārīmakū yāmi.

³ Marī ñerī iriri direta uaribejasīā, Marīpu Moisére doreri pídeare neō iripeomasībirinerā āārībú. Irasirigu Marīpu gapu ĩgū magūrē iriudi āārīmí, marī ñerī iridea wajare boa, wajaribosadoregu. ĩgū ñerīrē iribirikeregu, marī ñerī iridea waja, waja oparā irirosū dupukugū, marīrē boabosadi āārīmí, marī ñerī iridea waja oparire wajarigu.

⁴ Marīpu, marīrē ĩgū dorerire iriburo, ārīgū, irasiridi āārīmí. Irasirirā marī ñerī iririre uaribejabea. Ōāgū deyomarīgū dorerosū irirā yāa.

⁵ Ñerĩ iririre Ɂaribejarã, iri direta gũña, iridɁama. Ôãgũ deyomarĩgũ dorerosũ irirã gapɁ, ĩgũ gããmerĩ direta gũña, iridɁama.

⁶ Ñerĩ direta gũña, iridɁarã, perebiri peamegue waarãkuma. Ôãgũ deyomarĩgũ gããmerĩ direta gũña, iridɁarã gapɁ MarĩpɁ merã perebiri okari oparãkuma. Irasirirã siuñajãrĩ merã ããrĩrãkuma.

⁷ Ñerĩ direta gũña, iridɁarã, MarĩpɁre ĩãturirã ããrĩma. ĩgũ dorerire iridɁabiri, irire neõ irimasĩbema.

⁸ Irasirirã ñerĩ iriri direta Ɂaribejarã, MarĩpɁre ɁɁayamakũ irimasĩbema.

⁹ MɁsã gapɁ ñerĩ iriri direta Ɂaribejabea. Ôãgũ deyomarĩgũ mɁsãguere ããrĩmi. Irasirirã ĩgũ turari merã ĩgũ dorerosũ yãa. Ôãgũ deyomarĩgũrẽ opamerã gapɁ, Cristoyarã ããrĩbema.

¹⁰ Marĩ ñerõ iridea waja marĩya dupɁ boaburi dupɁ ããrĩkerepɁ, Cristo marĩguere ããrĩmakũ, MarĩpɁ marĩrẽ: “Ôãrã, waja opamerã ããrĩma”, ãrĩ ĩãmi. Irasiriro marĩya dupɁ boakerepɁ, marĩya yɁɁɁpũrã ɁmɁgasigue okanĩkõãrokoa.

¹¹ MarĩpɁ, Ôãgũ deyomarĩgũ merã Jesucristore boadiguere masũ, dupaturi okamakũ iridi ããrĩmĩ. Ôãgũ deyomarĩgũ marĩguere ããrĩmakũ, MarĩpɁ Jesucristore masũdita marĩya dupɁ boadero pɁɁ, marĩdere masũ, maama okari opamakũ irigɁkumi.

¹² Yaarã: “MarĩpɁ marĩrẽ irasũta irigɁkumi”, ãrĩ masĩrã, ñerĩ iririre Ɂaribejabirikõãrã!

¹³ Ñerĩ iriri direta Ɂaribejarã, perebiri peamegue waarãkoa. Ôãgũ deyomarĩgũ turari merã marĩ ñerĩrẽ Ɂaribejarire pirirã, MarĩpɁ merã perebiri okarire oparãkoa.

¹⁴ Ôãgũ deyomarĩgũ dorerosũ irirãno, MarĩpɁ pũrã ããrĩma.

¹⁵ MarĩpɁ marĩrẽ Ôãgũ deyomarĩgũrẽ iriudi ããrĩmĩ. ĩgũ marĩrẽ MarĩpɁ pũrã ããrĩmakũ yãmi. ĩgũ merã MarĩpɁ marĩrẽ wajamoãburire güiderosũ dupaturi güibe. Irasirirã ĩgũ iritamurĩ merã güiro marĩrõ MarĩpɁre: “YɁpɁ”, ãrĩ masĩa.

¹⁶ Ôãgũ deyomarĩgũ marĩ gũñarĩgue marĩrẽ: “Diayeta MarĩpɁ pũrã ããrã”, ãrĩ masĩmakũ yãmi.

¹⁷ Irasirirã marĩ ĩgũ pũrã ããrĩsĩã: “Ããrĩpererire yɁ pũrãrẽ sĩgura”, ãrĩdeare Cristo merã irire oparãkoa. Marĩ Cristoyarã ããrĩsĩã, ĩgũ i ɁmɁgue ñerõ tariderosũ marĩde ñerõ tarikererã, pɁɁgue ɁmɁgasigue ĩgũ ããrĩrõsũta ĩgũ merã õãrõ ããrĩrãkoa.

¹⁸ Dapora marĩ i ɁmɁgue ñerõ tarikererã, pɁɁgue ɁmɁgasigue MarĩpɁ marĩrẽ õãrĩ sĩburire gũñarã: “BɁro ñerõ taribeã”, ãrĩ masĩa.

¹⁹ SunɁ MarĩpɁ marĩrẽ: “Īsã yɁ pũrã ããrĩma”, ãrĩ, õãrĩrẽ sĩgɁkumi. ĩgũ marĩrẽ sĩburire ããrĩpereri ĩgũ i ɁmɁma iridea, masaka gajinorẽ bɁro ĩãdɁarã irirosũ yũro yãa.

²⁰ Iripoegue Adán ñerĩrẽ iripɁroridea waja i ɁmɁma poyakõãdero ããrĩbũ. Iri gããmerõ poyabiridero ããrĩbũ. MarĩpɁ dorederosũ poyadero ããrĩbũ. IrasirikeregɁ, pɁɁgue õãrĩ gorawayugɁkumi.

²¹ IrasirigɁ MarĩpɁ, i ɁmɁma boapereburi ããrĩkerepɁ, marĩrẽ ĩgũ pũrãrẽ õãrã gorawayurosũ, i ɁmɁma ããrĩpererire õãrĩ dita gorawayugɁkumi doja.

²² Ire marĩ masĩa. Adán ñerĩrẽ iripɁroridero pɁɁ, daporaguedere ããrĩpereri i ɁmɁma MarĩpɁ iridea, nomeõ majĩgũ nijĩwãgũgõ pũrĩsũrõsũ ããrã.

²³ I ĩgũ iridea irirosũta marĩde poyari merã ããrã. Marĩ ĩgũyarã ããrĩnugãmakũ, Ôãgũ deyomarĩgũrẽ marĩrẽ sidi ããrĩmĩ. Daporare bɁro ñerõ tarikererã, pɁɁgue ĩgũ marĩrẽ: “YɁ pũrã ããrĩma”, ãrĩ, boabiri dupɁre maama dupɁre sĩburire ɁɁayari merã yãa.

24 “Marĩpũ marĩrẽ: ‘Taugũra’, ãrĩderosũta taugũkumi”, ãrĩ yũmasĩa. Ĩgũ marĩrẽ taudero pũrũ, marĩ irire yũderosũ neõ yũnemobirikoa.

25 Marĩ gajinorẽ ĩãbirikererã gũñaturari merã: “Ĩãrãkoa”, ãrĩ yũrosũ, Marĩpũ pũrũgue ĩgũ marĩrẽ tauburire gũñaturari merã yũro gããmea.

26 Marĩ Marĩpũre: “¿Naásũ sërẽrõ gããmerĩ?” ãrĩ masĩbirimakũ, Őãgũ deyomarĩgũ marĩrẽ iritamumi. Irasirigũ, marĩ Marĩpũre keoro sërẽmasĩbirimakũ, Őãgũ deyomarĩgũ marĩya ããrĩburire Marĩpũre õãrõ sërẽbosami. Masaka werenĩrõsũ sërẽbemi. Marĩrẽ bũro bopoñarĩ merã, õãrõ masĩrĩ merã sërẽbosami.

27 Marĩpũ gããmerõsũta Őãgũ deyomarĩgũ marĩ ĩgũyarã ããrĩburire sërẽbosami. Irasirigũ Marĩpũ, ããrĩpereri marĩ gũñarĩrẽ masĩpeogũ, Őãgũ deyomarĩgũ marĩrẽ sërẽbosaridere õãrõ masĩmi.

Jesucristo turari merã ñerĩrẽ tarinũgãmasĩa, ãrĩ gojadea

28 Idere marĩ masĩa. Marĩpũ ĩgũ gããmederosũta marĩrẽ beyedi ããrĩmĩ. Irasirigũ ããrĩpereri marĩrẽ ĩgũrẽ maĩrãrẽ waaburire ãmumi õãrĩ direta iribu.

29 Neõgoragueta Marĩpũ marĩrẽ ĩgũyarã ããrĩmurãrẽ masĩsiadi ããrĩmĩ. Marĩ neõ deyoaburo dupuyurogueta beyesiadi ããrĩmĩ, marĩrẽ ĩgũ magũ irirosũ ããrĩburo, ãrĩgũ. Irasirigũ ĩgũ magũ marĩ tĩgũ ããrĩmĩ. Marĩ ĩgũ pagũpũrã wãrã ããrã.

30 Neõgoragueta Marĩpũ ĩgũyarã ããrĩmurãrẽ: “Yũ pũrã ããrĩma”, ãrĩ beyesiadi ããrĩmĩ. Irasirigũ marĩrẽ ĩgũ beyenerãrẽ Jesũre bũremunũgãdoregũ siiu: “Õãrã, waja opamerã ããrĩma”, ãrĩ ĩãmi. ĩgũ marĩrẽ irasũ ãrĩ ĩãrãrẽ ãmũgasigue ĩgũ ããrĩrõsũta ĩgũ merã õãrõ ããrĩmakũ irigũkumi.

31 Marĩ irire masĩrã, ¿naásũ ãrĩrĩ? Æsũ ãrã. Marĩpũ marĩrẽ iritamumakũ, gajerã marĩrẽ ĩãturikererã, neõ poyanorẽmasĩbema.

32 Marĩpũ marĩ ñerĩ iridea waja boabosabure ĩgũ magũ Jesucristore iriudi ããrĩmĩ. “Yũ magũrẽ maĩsĩa, iriubea”, ãrĩbiridi ããrĩmĩ. Irasirigũ ĩgũ magũrẽ iriudi ããrĩsĩa, ããrĩpereri marĩya ããrĩburire õãrĩ direta sigũkumi.

33 Marĩpũ marĩrẽ ĩgũ beyenerãrẽ: “Õãrã, waja opamerã ããrĩma”, ãrĩ ĩãmakũ, gajerã marĩrẽ: “Ñerã ããrĩma”, neõ ãrĩ weresãmasĩbema.

34 Cristo marĩ ñerĩ iridea wajare boabosa, masã, ãmũgasigue mũrĩadi ããrĩmĩ. Irasirigũ Marĩpũ diaye gapũ doami. Marĩya ããrĩburire sërẽbosanĩkõãmi. Irasirirã gajerã Marĩpũre marĩrẽ: “Ĩsã ñerĩ iridea waja ĩgũsãrẽ wajamoãka!” neõ ãrĩmasĩbema.

35 Cristo marĩrẽ bũro maĩmakũ, gajerã ĩgũrẽ: “Neõ maĩnemobirikõãka ĩgũsãrẽ!” ãrĩmasĩbirikuma. Marĩ ñerõ tarikererũ, marĩ diasaro péñakererũ, gajerã marĩrẽ ñerõ irikererũ, marĩ ãaboakererũ, surĩ marĩrã ããrĩkererũ, goero marĩrẽ ããrĩkererũ, gajerã marĩrẽ wẽjẽkererũ, Cristo marĩrẽ maĩgũ marĩ merã ããrĩnĩkõãmi. ĩgũ marĩrẽ maĩrĩrẽ neõ piribirikumi.

36 Marĩpũya werenĩrĩ gojadea pũgue marĩ waaburire ãsũ ãrĩ gojasũdero ããrĩbũ:

Gũa mũyarã ããrĩrĩ waja gajerã gũare ãmũrikũ wẽjẽdũanĩkõãma. Ovejare wẽjẽmurã wẽjẽrõgue ãĩãrã irirosũ gũare yãma, ãrĩ gojasũdero ããrĩbũ.*

37 Marĩ gapũ ñerõ tarikererã, Cristo marĩrẽ maĩgũ iritamurĩ merã, marĩ ããrĩpereri ñerĩrẽ tarinũgãa. Irasirirã ĩgũ merãta gũñaturanemoa.

38 Irasirigũ ire õãrõ masĩa. Marĩpũ marĩrẽ bũro maĩmi. Marĩ Opũre Jesucristore iriugũ, ĩgũ marĩrẽ maĩrĩrẽ masĩmakũ iridi ããrĩmĩ. Marĩ boamakũ, o marĩ yoaripoe okamakũ, marĩrẽ maĩgũ marĩ merã ããrĩnĩkõãmi. Marĩpũre wereboerã, masaka oparã, wãtẽa oparãde Marĩpũre marĩrẽ maĩrĩrẽ pirimakũ

* 8:36 Sal 44.22

irimasĩbema. Marĩrẽ gajino irimakũ, Marĩpũ marĩrẽ maĩgũ marĩ merã ããrĩmi. Daporama ããrĩrĩ, pũrama ããrĩburide Marĩpũre marĩrẽ maĩrĩrẽ pirimakũ irimasĩbirikoa.

³⁹ Marĩ ũmarõgue waamakũ, o ũkũãrõgue waamakũ, marĩrẽ maĩgũ marĩ merã ããrĩmi. Gajinode Marĩpũ iridea ããrã. Irasiriro iride ĩgũrẽ marĩrẽ maĩrĩrẽ pirimakũ irimasĩbea. Marĩrẽ marĩ Opũ Jesucristoyarãrẽ ĩgũ maĩrĩ neõ perebirikoa.

9

Israel bumarã Marĩpũ beyenerã ããrĩma, ãrĩ gojadea

¹ Yũ, Cristore bũremugũ ããrĩgũ, diayeta werea musãrẽ. Ārĩgatobea. Ōãgũ deyomarĩgũde yũ merã ããrĩgũ, yũ ãrĩrĩrẽ: “Diayeta ããrã”, ãrĩ masĩmakũ yãmi.

² Yaarã Israel bumarã Cristore bũremubirimakũ ĩãgũ, bũro bũjawereri merã gũñarikua.

³ ĩgũsã ĩgũrẽ bũremumakũ gããmegũ, yũ gapũ gorawayudũadãa: “Perebiri peamegue wajamoãsũbokuma”, ãrĩgũ. Yũ ĩgũsãrẽ irasiribosagũ Cristore dukawarinũgãjagũ, ĩgũrẽ neõ dupaturi ĩãnemobiribokoa.

⁴ ĩgũsã, Israel parãmerã ããrĩturiarã ããrĩma. Marĩpũ ĩgũsãrẽ: “Yũ pũrã ããrã”, ãrĩdi ããrĩmĩ. ĩgũ gosewasiriri merã ĩgũsã watope ããrĩdi ããrĩmĩ. ĩgũsãrẽ: “Yũ, musã Opũ ããrã. Musã, yaarã ããrã”, ãrĩdi ããrĩmĩ. ĩgũsãrẽ ĩgũ dorerire masĩburo, ãrĩgũ, Moiserẽ irire pĩdi ããrĩmĩ. “Yaa wiigue yũre bũremurã, ãsũ irika!” ãrĩ pĩdi ããrĩmĩ. “Musã parãmerã ããrĩturiarãrẽ õãrõ iritamugũra”, ãrĩdi ããrĩmĩ.

⁵ Israel pũrã pe mojõma pere su gubu peru pẽrẽbejarãgora, gũa ñekũsãmarã ããrĩnerã ããrĩmã. Cristode marĩ irirosũ dupũkũgũ deyoagũ ĩgũsã parãmi ããrĩturiagũ, Israel bumũta ããrĩdi ããrĩmĩ. ĩgũ ããrĩpererã, ããrĩpereri Opũ ããrĩmĩ. Irasirirã ĩgũrẽ: “Ōãtaria mũ”, ãrĩ, mũyari sĩnĩrã! Irasũta irirã!

⁶ Israel bumarã ããrĩpererã diayeta Marĩpũyarãgora ããrĩbema. Irasirigũ Marĩpũ Israel bumarãrẽ: “Yaarãrẽ ãsũ irigũra”, ãrĩdeare ĩgũsãrẽ ããrĩpererãrẽ iribirimakũ ĩãgũ: “Marĩpũ ĩgũ ãrĩderosũta iribemi”, ãrĩ gũñabea yũ.

⁷ Israel bumarã, ĩgũsã ñekũ Abraham parãmerã ããrĩturiarã ããrĩkerepũrũ, Marĩpũ ĩgũsãrẽ ããrĩpererãrẽ: “Diayeta yũ pũrã ããrĩma”, ãrĩ ĩãbemi. Irasirigũ Abrahãrẽ: “Mũ magũ Isaac parãmerã ããrĩturiarã dita diayeta mũ parãmerã ããrĩturiarã ããrĩrãkuma”, ãrĩdi ããrĩmĩ.

⁸⁻⁹ Marĩpũ Abrahãrẽ ĩgũ magũ Isaac deyoaburire weregũ, ãsũ ãrĩdi ããrĩmĩ: “Gaji bojori ipapoeta aarigũra doja. Iripoeta mũ marãpo Sara majĩgũrẽ pũrãkũgokumo”, ãrĩdi ããrĩmĩ. Irasirigũ Marĩpũ ãrĩderosũta Abraham magũ deyoadi ããrĩmĩ. Irasirirã marĩ ire masĩa. Abraham parãmerã deyoaturĩawãgãrã ããrĩpererã Marĩpũ pũrã ããrĩbema. Marĩpũ ãrĩdeare bũremurã dita diayeta Abraham parãmerã ããrĩturiarã, Marĩpũ pũrã ããrĩma.

¹⁰ Gaji ãsũ ããrã. Isaac, Rebeca merã marãpokũdero pũrũ, igo ũma pẽrãgue pũrãkũdeo ããrĩmõ. ĩgũsã pagũ Isaac, gũa ñekũ ããrĩdi ããrĩmĩ.

¹¹⁻¹³ ĩgũ pũrã deyoaburi dupuyuro, ĩgũsã õãrĩrẽ, o ñerĩrẽ iriburi dupuyuro Marĩpũ ĩgũsã pago ããrĩbore ãsũ ãrĩdi ããrĩmĩ: “Ĩgũ tĩgũ ĩgũ pagũmũrẽ moãboegũkumi”, ãrĩdi ããrĩmĩ. ĩgũ igore irire ãrĩderosũta ĩgũya werenĩrĩ gojadea pũgue ãsũ ãrĩ gojasũdero ããrĩbũ: “Jacore beyebũ. Esãũ gapũre beyebiribũ”, ãrĩ gojasũdero ããrĩbũ. Irasirigũ Marĩpũ Jacore beyederosũta ĩgũyarã ããrĩmurãrẽ beyegũ, ĩgũsã gajino iriburi dupuyuro ĩgũ gããmederosũta ĩgũsãrẽ: “Yaarã ããrĩma”, ãrĩdi ããrĩmĩ.

¹⁴ Irire pérã, ¿naásũ gapũ arĩrãkuri marĩ? “Sugũ gajino iriburi dupuyuro Marĩpu ãgũrẽ beyegũ, diaye iribemi”, ¿arĩrãkuri? Irasũ arĩbirikõãrã! Marĩpu diayeta irigũ ããrĩmi.

¹⁵ Iripoegue Marĩpu Moisédere ãsũ arĩdi ããrĩmi: “Yũ bopoñarĩ merã ãaduarãrẽ bopoñarĩ merã ããgũra. Yũ maĩrĩ merã ãaduarãrẽ maĩgũra”, arĩdi ããrĩmi.

¹⁶ Irasirirã ire masĩa. Marĩpu, ãgũ bopoñaduarãrẽ bopoñarĩ merã ããmi. Masaka ãgũrẽ bopoñadoremakũ meta, ãgũsã õãrõ irimakũ meta ãgũsãrẽ bopoñarĩ merã ããmi.

¹⁷ Marĩpu ãgũya werenĩrĩ gojadea pũgue ãsũ arĩdi ããrĩmi Egipto marã opũre, faraõrẽ: “Yũ gããmerõsũta mũrẽ Egipto marã opũ ããrĩbure pĩbũ, mũ merã yũ turarire ããrĩpererãrẽ ãmubu. ããrĩperero marãrẽ, yũ turagũ ããrĩrĩrẽ masĩdoregũ, irasiribũ”, arĩdi ããrĩmi.

¹⁸ Irasirigũ ãgũ bopoñaduarãrẽ bopoñarĩ merã ããmi. ãgũ dorerire pẽdũamerãrẽ nemorõ pẽdũabirimakũ yãmi.

¹⁹ Yũ irasũ arĩrĩrẽ pérã, mũsã ãsũ arĩbokoa: “Marĩpu ãgũ basita masakare ãgũ dorerire pẽdũabirimakũ irikeregũ, ¿nasirigũ ãgũsãrẽ wajamoãgũkuri? ¿Nasirisĩa, ãgũ gããmerõ irasiririre kãmutamasĩbokuri marĩ?” arĩ pũrĩwisi sãrẽñabokoa.

²⁰ Irire irasũ arĩbirikõãka! Marĩ masaka ubu ããrĩrã, Marĩpu irinerã ããrã. Irasirirã ãgũrẽ: “¿Nasirigũ yũre irasũ yãri mũ?” arĩ pũrĩwisi sãrẽñamasĩbea. Diarisoro irisoro weagore: “¿Nasirigo yũre irasũ yãri mũ?” arĩberosũta marĩde Marĩpũre irasũ arĩmasĩbea.

²¹ Sorori weago diari merã igo iridũaro irikumũ. Irasirigo õãrĩ soro iridũago, õãrĩ soro irikumũ. Iri diari merãta ubu ããrĩrĩ sorodere iridũago, ubu ããrĩrĩ soro irikumũ. Igo diari merã irirosũta Marĩpũde masakare ãgũ iridũarosũta yãmi.

²² Marĩpu peamegue ãgũ bẽomurãrẽ, ãgũsãrẽ ãgũ turari merã burũ wajamoãburire masĩdoregũ, ãgũsã ñerõ iririre gũñatura, mumurõ marĩrõ ãgũsãrẽ wajamoãbemi.

²³ Marĩ ãgũ bopoñarĩ merã ããrã gapũre ãgũ õãtarigũ ããrĩrĩrẽ masĩburo, arĩgũ, ãgũsãrẽ irasirigũ yãmi. Neõgoragũeta marĩrẽ ãmũgasigue ãgũ ããrĩrõsũta ãgũ merã õãrõ ããrĩmurãrẽ beyedi ããrĩmi.

²⁴ Marĩrẽ beyegũ, surãyeri judío masaka watopegue ããrĩrãrẽ, gajerã judío masaka ããrĩmerã watopegue ããrĩrãdere beyedi ããrĩmi, ãgũyarã ããrĩburo, arĩgũ.

²⁵ Marĩpũya werenĩrĩ gojadea pũgue ãgũya kerere weredupuyudi Oseas, judío masaka ããrĩmerãyamarẽ ãsũ arĩ gojadi ããrĩmi:

Marĩpu ãsũ arĩmi: “Yaarã ããrĩbirinerãrẽ: ‘Yaarã ããrĩma’, arĩgũkoa. Yũ maĩbirinerãrẽ: ‘Yũ maĩrã ããrĩma’, arĩgũkoa”, arĩmi.

²⁶ Marĩpu: “Mũsã, yaarã meta ããrã”, arĩdea nikũ marãrẽ: “Yũ okanĩgũ pũrãta ããrã”, arĩsũrãkuma, arĩ gojadi ããrĩmi.✠

²⁷⁻²⁸ Isaías, Israel bumarã gapũre ãsũ arĩ gojadi ããrĩmi: “Marĩ Opũ ãgũ arĩderosũta i ãmũ marãrẽ mumurõ merã diayeta wajamoãgũkumi. Irasirirã Israel bumarã wãdiyama ãmĩpayeri irirosũ wãrã ããrĩkererã, mẽrãgã tausũrãkuma”, arĩ gojadi ããrĩmi.

²⁹ ãgũta idere arĩ gojadi ããrĩmi doja:

Marĩ Opũ ããrĩpererã nemorõ turagũ, marĩ ñekũsãmarã ããrĩturiarãrẽ mẽrãgãrẽ taubirimakũ, marĩ judío masaka ããrĩpererã bẽosũbonerã ããrĩbũ. Sodoma marãrẽ, Gomorra marãrẽ bẽoderosũta marĩdere bẽobodi ããrĩmi, arĩ gojadi ããrĩmi.✠

Judío masaka Jesucristoya kerere burẽmubiridea

³⁰ Irire pérã, ¿naásũ ãrĩrãkuri? Ásũ ããrã. Judío masaka ããrĩmerã Marĩpu merã ãgũsã õãrõ ããrĩburire ãmabirikererã, ãgũsã Jesucristore bũremurĩ merã irire bokama. Irasirigu Marĩpu ãgũsãrẽ: “Õãrã ããrĩma”, ãrĩ ããmi.

³¹ Judío masaka gapu: “Marĩpu Moisére doreri pídeare marĩ irimakũ, marĩrẽ: ‘Õãrã, waja opamerã ããrĩma’, ãrĩ ããgũkumi”, ãrĩ gũñadima. Irasũ ãrĩ gũñakererã, iri dorerire iripeomasĩbirisĩã, Marĩpu merã õãrõ ããrĩbema.

³² ¿Nasirirã Marĩpu merã õãrõ ããrĩberi? Jesucristore bũremurõ marĩrõ ãgũsã basi Marĩpu Moisére doreri pídeare iridea merã gapu, Marĩpu merã õãrõ ããrĩduadima. Irasirirã Cristore Marĩpu iriudire bũremumerã, Marĩpu pũrogue neõ waabirikuma. ãgũsã ãtãye, maa deko píadeayegue gubu tuameémejãnerã irirosũ ããrĩrãkuma.

³³ Marĩpuya werenĩrĩ gojadea pũgue Marĩpu ãgũ magũrẽ iriburire ãsũ ãrĩ gojasũdero ããrĩbũ:

Sugu yu iriubure ãtãye irirosũ ããrĩgũrẽ Jerusalẽgue pígu. ãgũrẽ bũremumerã, iri yegue gubu tuameémejãrã irirosũ ããrĩrãkuma. Irasirirã yu pũrogue neõ ejabirikuma. ãgũrẽ bũremurã gapu: “ãgũrẽ ubugorata bũremukubu”, ãrĩbirikuma. Yu pũro ejarãkuma, ãrĩ gojasũdero ããrĩbũ.✠

10

¹ Yaarã, yu Israel bumarãrẽ Marĩpu ãgũ tauburire bũro gããmea. Irasirigu ãgũrẽ ãgũsãya ããrĩburire bũro sãrẽbosãa.

² Diayeta ãgũsã Marĩpu gããmerĩrẽ bũro iridũakererã, ãgũ gããmerĩrẽ õãrõ pémasĩbema.

³ Marĩpu marĩrẽ Jesucristore bũremurĩ merã: “Õãrã ããrĩma”, ãrĩ ããrĩrẽ masĩbema. Irasirirã ãgũsã basi õãrĩrẽ iridũakererã, Marĩpu Jesucristore bũremudoregu iriudire bũremubema. Irasirigu Marĩpu ãgũsãrẽ: “Õãrã ããrĩma”, ãrĩ ããbemi.

⁴ Cristo ããrĩpereri Marĩpu Moisére doreri pídeare iripeodi ããrĩmĩ. Irasirigu Marĩpu ããrĩpererã Cristore bũremurãnorẽ: “Õãrã, waja opamerã ããrĩma”, ãrĩ ããmi.

⁵ Moisés ãsũ ãrĩ gojadi ããrĩmĩ: “Marĩ, Marĩpu dorerire ããrĩpereri iripeomakũ, Marĩpu marĩrẽ: ‘Õãrã, waja opamerã ããrĩma, yu merã õãrõ ããrĩrãkuma’, ãrĩ ããgũkumi”, ãrĩ gojadi ããrĩmĩ.

⁶ Marĩpu marĩrẽ: “Õãrã, waja opamerã ããrĩma”, ãrĩ ããrĩ gapu ãsũ ããrã. Marĩ Cristore bũremumakũ, Marĩpu marĩrẽ: “Õãrã ããrĩma”, ãrĩ ããgũkumi. Irasirirã ãsũ ãrĩ gũñabirikõãka: “¿Noã Cristore ãmũgasigue ããrĩgũrẽ ããrĩjugukuri marĩrẽ taudoregu?” ãrĩ gũñabirikõãka! Cristo i ãmũguere marĩrẽ taugu ejasiadi ããrĩmĩ.

⁷ Irasirirã doja: “¿Noã, boanerã ããrĩrõgue ãkũãrĩ gobegue dijagukuri Cristore siiu mũrĩribu?” ãrĩ gũñabirikõãka! Marĩ basi irire irimasĩña máa. ãgũ boa, masã, mũrĩasiadi ããrĩmĩ.

⁸ Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Marĩpuya kerere mũsã pésiãa. Irire mũsãya disi merã werenĩa. Mũsãya gũñarĩgue: ‘Diayeta ããrã iri’, ãrĩ gũñãa”, ãrĩ gojasũdero ããrĩbũ. Irire, marĩrẽ Jesucristo tauri kerere diayeta bũremua. Irasirirã masakare irireta werea.

⁹ Irasirirã marĩya disi merã: “Jesús, yu Opũ ããrĩmĩ”, ãrĩ werenĩmakũ, marĩya gũñarĩgue: “ãgũ boadero pũru, Marĩpu ãgũrẽ masũdi ããrĩmĩ”, ãrĩ bũremumakũ,

Marĩpu marĩrẽ perebiri peamegue waabonerãrẽ taugukumi, ìgũ merã òãrõ ããrĩnikõãburo, ãrĩgũ.

10 Marĩpu, marĩ Jesucristore buremumakũ, marĩrẽ: “Òãrã, waja opamerã ããrĩma”, ãrĩ ìãmi. Marĩ gajerãrẽ: “Jesucristo yũre taugũ ããrĩmi, ìgũrẽ buremua”, ãrĩ weremakũ, marĩrẽ peamegue waabonerãrẽ ìgũ taumurã ããrĩmakũ yãmi.

11 Marĩpuya werenĩrĩ gojadea pũgue: “Neõ sugũ ìgũrẽ buremugũ: ‘Ìgũrẽ ubugorata buremukubũ’, ãrĩbirikumi”, ãrĩ gojasũdero ããrĩbũ.

12 Marĩpu, ããrĩpererã Opũ ããrĩmi. Irasirigũ judío masakare, judío masaka ããrĩmerãdere sũrosũta ìãmi. Irasirigũ ããrĩpererãrẽ ìgũrẽ buremurĩ merã sãrẽrãrẽ òãrĩrẽ wãri sũgukumi.

13 Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Yũ Opũ, yũ ñerõ irideare yũre kãtika!” ãrĩ sãrẽrãno tausũrãkuma. Peamegue wa-jamoãsbirikuma”, ãrĩ gojasũdero ããrĩbũ.

14 Irasũ ããrĩkererũ, marĩ Opũre: “Diayeta marĩrẽ taugũ ããrĩmi”, ãrĩ buremumerã, ìgũrẽ sãrẽmasĩbema. Ìgũya tauri kerere pãmerã, ìgũrẽ buremumasĩbema. Ìgũya kerere ìgũsãrẽ weregũ marĩmakũ, irire masĩbirikuma.

15 Marĩpu ìgũya kerere weremurãrẽ iriubirimakũ, irire wererã waabirikuma. Ìgũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpuya òãrĩ kerere, ìgũ merã òãrõ siuñajãrĩ opari kerere wererã ejamakũ ìãrã, marĩ buru usuyãa”, ãrĩ gojasũdero ããrĩbũ.

16 Iri Marĩpu masakare tauri kere ããrĩkererũ, wãrã pãduabema. Isaías ãsũta ãrĩ gojadi ããrĩmĩ: “Gũa Opũ, ìgũsã gũa wererire pãduabema”, ãrĩ gojadi ããrĩmĩ.

17 Irasirirã Cristoya kerere weremakũ pãduripĩrã, ìgũrẽ buremurãkuma.

18 Irasirigũ ire sãrẽñaduakoa mũsãrẽ. ¿Israel bumarã iri kerere pãbiriyuri? Pãnerã ããrĩmã. Marĩpuya werenĩrĩ gojadea pũguedere irasũta ãrĩ gojasũdero ããrĩbũ:

Marĩpuya wererimasã ããrĩpererogue marãrẽ ìgũya kerere wererã waama. Irasiriro ìgũsã wereri i mũmũ ããrĩpererogue seyakõãa, ãrĩ gojasũdero ããrĩbũ.*

19 Dupaturi mũsãrẽ sãrẽñaduakoa doja. ¿Israel bumarã pãkererã, òãrõ pãmasĩbiriyuri? Pãmasĩnerã ããrãdima. Yũ irire werenemogũ, Moisés ãrĩdeare wererũrorigũra. ãsũ ãrĩ gojadi ããrĩmĩ:

Marĩpu Israel bumarãrẽ ãsũ ãrĩmi: “Ubu ããrĩrãrẽ, yaare pãmasĩmerãrẽ yaarã ããrĩmakũ irigũra. Yũ irasirimakũ ìãrã, mũsã gapũ ìgũsãrẽ ìãturirãkõa. Irasirigũ mũsãrẽ ìgũsã merã guamakũ irigũkõa”, ãrĩmi, ãrĩ gojadi ããrĩmĩ Moisés.*

20 Pũrũ Isaíade: “Irasũ ãrĩbokõa”, ãrĩ, gũiri marĩrõ ãsũ ãrĩnemopeodi ããrĩmĩ:

ãsũ ãrĩmi Marĩpu: “Yũre ãmamerã gapũ yũre bokama. Irasirigũ yũre masĩmerãrẽ yũre masĩmakũ iribũ”, ãrĩmi, ãrĩ gojadi ããrĩmĩ Isaías.*

Judío masaka ããrĩmerã Marĩpuyarã ããrĩburire weregũ irasũ ãrĩ gojadi ããrĩmĩ.

21 Israel bumarã gapũre ãsũ ãrĩ gojadi ããrĩmĩ: “ãsũ ãrĩmi Marĩpu: ‘Mũmũrikũ yũ merã òãrõ ããrĩduarã aarika!’ ãrãdibũ ìgũsãrẽ. ‘Ìgũsã gapũ yũ dorerire tarĩnũgãrã, yũre pãduabirima’, ãrĩmi”, ãrĩ gojadi ããrĩmĩ Isaías.

11

Marĩpu Israel bumarãrẽ beyedamarẽ gojadea

¹ Irasirigu musārē ire sērēñagura. ¿Marĩpu Israel bumarārē: “Yaarā āārĩma”, ārĩdero puru, ĩgūsārē béokōāyuri? Béobiridi āārĩmĩ. Yude Israel bumu, Abraham parāmi āārĩturiaguta Benjamĩya bumu āārā.

² Iripoegue Marĩpu Israel bumarārē ĩgūyarā āārĩburo, ārĩgū, beyedi āārĩmĩ. ĩgū irasū beyenerārē béobemi. Musā Marĩpuya kerere weredupuyudi Elías ĩgūrē: “Israel bumarā waja opama”, ārĩdeare masĩkoa. Irire Marĩpuya werenĩrĩ gojadea pūgue āsū ārĩ gojadi āārĩmĩ:

³ “Yu Opu, Israel bumarā muya kerere weredupuyurimasārē wějēkōāma. Murē sīdea soepeorore tuúmeédijukōāma. Irasirigu ĩgūsā watope yu suguta murē buremua. Yu irasū āārĩmakū ĩārā, yudere wějēduama”, ārĩ gojadi āārĩmĩ.

⁴ ĩgū irasū āārĩmakū pégu, Marĩpu āsū ārĩ yujudi āārĩmĩ: “Mu, suguta āārĩbea. Yaarā siete mil āārĩma. ĩgūsārē iritamubu. Irasirirā yure oārō buremuma. Baal wāikugu keori weadeare neō buremubema. Irasirigu murē wějēduarārē güibirikōāka!” ārĩdi āārĩmĩ.

⁵ Elías āārĩripoe Marĩpu ĩgū beyenerārē iritamuderosūta daporadere Israel bumarā watopere surāyeri ĩgū beyenerārē iritamumi. Irasirirā ĩgūrē buremuma. ĩgūsārē bopoñarĩ merā ĩāsĩā, beyedi āārĩmĩ.

⁶ ĩgūsā iririkurire ĩāgū meta beyedi āārĩmĩ. ĩgūsārē bopoñagū beyedi āārĩmĩ. ĩgūsā oārō iriadero puru ĩgūsārē beyegu, bopoñagū meta iribokumi. ĩgūsā oārĩrē iridea waja āārĩbokuyo.

⁷ Āsū āārā. Israel bumarā ĩgūsā iriri merā, Marĩpu ĩgūsārē: “Oārā āārĩma”, ārĩ ĩāmakū gāamekererā, ĩgūsā Marĩpu merā oārō āārĩburire neō bokabema. Irasirirā Marĩpuyare neō pémasĩmerā dujama. Marĩpu beyenerā gapu ĩgū merā oārō āārĩma.

⁸ Marĩpuya werenĩrĩ gojadea pūgue āsū ārĩ gojasūdero āārĩbú: “Marĩpu ĩgūrē gāamemerārē ĩgūyare pémasĩbirimakū yāmi. Irasirirā diayemarē pékererā, pémasĩbema. ĩgū iririre ĩākererā, ĩāmasĩbema. Daporaguedere irasūta āārĩnĩkōāma”, ārĩ gojasūdero āārĩbú.

⁹ Davide āsū ārĩdi āārĩmĩ Marĩpure:
Israel bumarā bosenurĩ irirā ñerō yāma. Irasirigu, ĩgūsā ñerĩrē iriri merā ĩgūsārē wajamoāsūmurā āārĩmakū irika!

¹⁰ ĩgūsārē pémasĩmerā, koye ĩāmerā irirosū waamakū irika! Ūmuriku nukurĩ ũumarā sūgū pūrĩsūrā irirosū ñerō tarimakū irika! ārĩdi āārĩmĩ David Marĩpure.*

Marĩpu judío masaka āārĩmerārē taugukumi, ārĩ gojadea

¹¹ Gaji musārē sērēñanemogura. ¿Judío masaka Jesucristore buremubirimakū, Marĩpu ĩgūsārē béopeokōāyuri? Béopeobiridi āārĩmĩ. ĩgūsā Cristore irasū buremubirimakū, daporare judío masaka āārĩmerā gapu Marĩpu taumurā āārĩma. ĩgūsārē ĩgūyarā waamakū yāmi, judío masakade ĩgūsārē ĩākūĩ, ĩgūsāde Cristore buremuburo, ārĩgū.

¹² Judío masaka Cristore buremubirisĩā, Marĩpu ĩgūsārē: “Yu pūrārē oārĩ sīgura”, ārĩdeare opabema. Irasirirā judío masaka āārĩmerā gapu Cristore buremurā, irire oparākuma. Puru judío masaka Cristore buremumakū, āārĩpererārē i ũmu marārē nemorō oārō waarokoa.

¹³ Daporare musārē judío masaka āārĩmerārē weregura. Jesucristo yure musārē judío masaka āārĩmerārē ĩgūya kerere weredoregu pími. Ire weregu, ubugora irigu meta yāa.

* 11:10 Sal 69.22-23

14 Īgūyare weregū, gajipoe irigū surāyeri yaarārē judío masakare mūsārē ĩākūĩmakū iribokoa, ĩgūsāde Jesucristore b̄remuburo, ārigū. Īgūrē b̄remurā, tausūrākuma ĩgū merā ōārō āārĩmurā.

15 Marĩp̄u judío masakare Cristore b̄remumerārē béomakū, gajerā gap̄u ĩgū merā siuñajārĩ opama. Judío masakade ĩgūrē b̄remumakū, ōātarirokoa. Īgūsā boanerāgue masānerā irirosū Marĩp̄u merā perebiri okarire oparākuma.

16 Āsū āārā. Pā iriri merā suru irip̄uroridiru Marĩp̄ure s̄imakū, āārĩpereri iri pā iriri Marĩp̄uya āārā. Yukū nūgūrĩ Marĩp̄uya āārĩmakū, irigū dup̄uride ĩgūya āārā. Ḡua ñekū Abraham, irigū nūgūrĩ irirosū āārĩdi āārĩmĩ. Marĩ Jesucristore b̄remurā Abraham parāmerā āārĩturiarā āārā. Irasirigū Marĩp̄u ĩgūrē: “Yaagū āārĩmi”, ārĩ ĩāderosūta marĩdere: “Yaarā āārĩma”, ārĩ ĩāmi.

17 Judío masaka olivogū dup̄uri irirosū āārĩma. Īgūsā irasū āārĩkerep̄urū, su dup̄urire ditibéoderosū Marĩp̄u surāyeri ĩgūsārē béodi āārĩmĩ. P̄urū iri dup̄uri āārĩderore gajigū olivo makānūm̄uma dup̄urire puriñeātuadoregū, wi-iri, puñeātuurosū iridi āārĩmĩ. Irasiriderosū mūsārē judío masaka āārĩmerārē ĩgūyarā ñajāmakū iridi āārĩmĩ. Irasirirā mūsā judío masaka āārĩbirikererā, āārĩpereri Marĩp̄u Abraham parāmerā āārĩturiarārē ōārĩrē s̄iḡura, ārĩdeare mūsāde ñeānerā āārĩbú.

18 Mūsārē ĩgū irasirimakū: “Ḡua judío masaka nemorō ōārā āārā”, ārĩ gūñabirikōāka! Ire gūñaka! Judío masaka olivogū Marĩp̄u otedi irirosū āārĩma. Mūsā gap̄u irigūgue ĩgū āitúdea dup̄uri irirosū āārā. Irasirigū judío masaka merā mūsārē iritamumi. Mūsā merā meta ĩgūsārē iritamumi.

19 Mūsā judío masaka āārĩmerā gap̄u āsū ārĩbokoa: “Surāyeri judío masakare, olivogū dup̄urire ditibéoderosū Marĩp̄u ĩgūsārē béodi āārĩmĩ. Irasū béogū, gajĩ dup̄urire irigūgue ĩgū āitúderosū marĩrē pídi āārĩmĩ, ĩgūyarā āārĩmurārē”, ārĩbokoa mūsā.

20 Irasūta āārā. Īgūsā Jesucristore b̄remubiridea waja Marĩp̄u ĩgūsārē béodi āārĩmĩ. Irasirigū mūsādere Cristore b̄remubirimakū, ĩgūyarā āārĩmakū iribiribodi āārĩmĩ. Irasirirā: “Ḡua judío masaka nemorō ōārā āārā”, ārĩ gūñabirikōāka mūsā! Irasū ārĩmerāta Marĩp̄ure ōārō goepeyari merā b̄remuka!

21 P̄urorima dup̄uri irirosū judío masaka Marĩp̄uyarā āārĩp̄urorinerā āārĩmā. Mūsā gap̄u ĩgūsā p̄urū ĩgūyarā waanerā āārĩbú. Irasirigū Marĩp̄u ĩgūyarā āārĩp̄urorinerā ĩgūrē b̄remubirimakū, ĩgūsārē béodi āārĩmĩ. Mūsā ĩgūrē b̄remubirimakū, ĩgūsārē béoderosūta mūsādere béogukumi.

22 Marĩp̄u ōārō irigū bopoñarĩrē, ĩgū turari merā wajamoārĩrē pémasĩka! Īgūrē b̄remumerārē wajamoāgukumi. Irasirikeregū, mūsā piriro marĩrō ĩgūrē b̄remunĩmakū, mūsārē ōārō irigukumi. Īgūrē b̄remubirimakū, ñerĩ dup̄urire ĩgū ditibéoderosūta mūsādere béogukumi.

23 Judío masaka ĩgū béosūnerā Jesucristore b̄remumakū, ĩgūsārē yukū dup̄urire ditibéodeare dupaturi irigūgueta āitúro irirosū irigukumi, ĩgūyarā ñajāmakū irigū. Īgū sugūta ĩgū turari merā irire irimasĩmi.

24 Mūsā judío masaka āārĩmerā olivo makānūm̄uma dup̄uri irirosū āārā. Judío masaka gap̄u ĩgū beyep̄urorinerā āārĩmā. Olivogū Marĩp̄u otedi irirosū āārĩma. Mūsā irigūgue ĩgū āitúdea dup̄uri irirosū āārā. Irasirigū Marĩp̄u mūsārē ĩgūyarā ñajāmakū iridi āārĩmĩ. Mūsārē irasirikeregū, judío masakare ĩgū beyep̄urorinerā gap̄ure mūsā nemorō ĩgūyarā dupaturi ñajāmakū iri-masĩmi.

P̄urugue Israel bumarārē Marĩp̄u taugukumi, ārĩ gojadea

25 Yaarā, masaka iripoegue masĩbirideare, Marĩp̄u ĩgū gūñaderosūta iriburire weregūra mūsārē: “Ḡua judío masaka nemorō masĩpeokōā”, ārĩ

gũñabirikõãburo, ãrĩgũ. Wárã judío masaka Marĩpũyare pémasĩturabema dapa. Marĩpũ judío masaka ããrĩmerãrẽ: “Bũremurãkuma”, ãrĩnerãkuta Cristore bũremudero pũrũ, judío masakade bũremurãkuma.

²⁶ Īgũsã irasũ bũremumakũ, ããrĩpererã Israel bumarãrẽ Marĩpũ Īgũsã peamegue waabonerãrẽ taugũkumi. Īgũya werenĩrĩ gojadea pũgue ãsũ ãrĩ gojasũdero ããrĩbũ:

Jerusalẽgue, Sión wãĩkũri makãgue, judío masakaya makãgue Īgũsãrẽ taubu aarigũkumi. Īgũsãrẽ Jacob parãmerã ããrĩturiarãrẽ Īgũsã ñerĩrẽ béogũkumi.✠

²⁷ Marĩpũ ãsũ ãrĩmi: “Īgũsãrẽ ñerĩrẽ béogu, yũ Īgũsãrẽ ãrĩdeare irigũkoa”, ãrĩ gojasũdero ããrĩbũ.✠

²⁸ Inũguere wárã judío masaka Jesucristoya kerere péduamerã, Marĩpũre ĩãturirã ããrĩma. Īgũsã irasũ ããrĩmakũ, mũsã judío masaka ããrĩmerã gapũ Cristore bũremunũgãbũ. Irasirigũ Marĩpũ judío masaka ñekũsãmarã Īgũ beyenerã Īgũsã ããrĩmakũ, Īgũsãrẽ ããrĩturiarãdere maĩmi.

²⁹ “Īgũsãrẽ õãrĩrẽ sĩgũra”, ãrĩ gũñadeare gorawayubemi. Īgũ ãrĩderosũta Īgũ beyenerãrẽ õãrĩrẽ diayeta sĩgũkumi.

³⁰ Iripoeguere mũsãde Marĩpũ dorerire tarinũgãnerã ããrĩbũ. Inũguere judío masaka Marĩpũ dorerire Īgũsã tarinũgãmakũ ĩãgũ, mũsã gapũre bopoñarĩ merã ĩãmi.

³¹ Daporare judío masaka Īgũ dorerire tarinũgãrã ããrĩma. Īgũsã irasũ ããrĩkererũ, Marĩpũ mũsãrẽ bopoñarĩ merã ĩãrõsũta, Īgũsãdere bopoñarĩ merã ĩãmi.

³² ãsũ ããrã. Marĩpũ ããrĩpererã masakare Īgũ dorerire Īgũsã tarinũgãmakũ, Īgũsãrẽ peresu irigũ irirosũ iridi ããrĩmĩ, pũrugue Īgũ ããrĩpererãrẽ bopoñarĩ merã ĩãrĩrẽ masĩburo, ãrĩgũ.

³³ Marĩpũ marĩrẽ bopoñatarigũ, turatarigũ, ããrĩpererire masĩpeogu ããrĩmi. Irasirirã marĩ Īgũ gũñarĩrẽ, Īgũ iriburire õãrõ pémasĩbea.

³⁴ ãsũ ãrĩ gojasũdero ããrĩbũ Marĩpũya werenĩrĩ gojadea pũgue: “Masaka marĩ Opũ gũñarĩrẽ õãrõ pémasĩbema. Irasirirã Īgũrẽ: ‘ãsũ irika!’ ãrĩ were-masĩbema.

³⁵ Marĩpũre gajino sĩ, pũrũ: ‘Marĩrẽ wãjamomi’, neõ ãrĩmasĩbema”, ãrĩ gojasũdero ããrĩbũ.

³⁶ Marĩpũ ããrĩpererire iridi ããrĩmĩ. Īgũ turari merã ããrĩpererire ããrĩmakũ iridi ããrĩmĩ. Irasiriro ããrĩpereri Īgũya dita ããrã. Irasirirã ããrĩpererã Īgũrẽ: “Õãtaria mũ”, ãrĩ, mũyari sĩnĩkõãrã! Irasũta irirã!

12

Marĩpũ dorerire irinĩkõãka! ãrĩ gojadea

¹ Yaarã, Marĩpũ marĩrẽ bũro bopoñarĩ merã ĩãmi. Irasirirã marĩrẽ Īgũrẽ bũremurã waibũ sĩunaderosũta daporare marĩ basita sĩrõ gããmea. Irasirirã marĩ okaro bokatĩũrõpã Īgũyarã ããrĩrã Īgũ dorerire õãrõ irinĩkõãrã! Īgũrẽ marĩ merã mũyamakũ gããmerã, irasirirãkoa. ãsũ iriro gããmea marĩrẽ Īgũrẽ bũremurãrẽ.

² I mũmũ marã Īgũsã ñerĩ iririkũrere neõ irinemobirikõãrã! ãsũpero gapũ ãrĩrã! Marĩpũre: “Gũa gũñarĩrẽ õãrĩ gapũre gorawayuwãgãnĩkõãka!” ãrĩrã! Īgũ marĩrẽ gorawayumakũ, marĩ Īgũ gããmerĩrẽ: “ãsũ ããrã”, ãrĩ masĩrãkoa. Īgũ gããmerĩ, õãrĩ dita ããrã. Iri, ñerĩ marĩrĩ ããrã. Marĩ Īgũ gããmerĩrẽ irirã, Īgũrẽ mũyamakũ irirãkoa.

³ Marĩpu yure òãrõ irigu, musãrẽ ìgũya kerere weredoregu beyedi ããrĩmĩ. Irasirigu musãrẽ ããrĩpererãrẽ ãsũ ãrĩ weregura. Neõ sugu irimasĩbirikeregu: “Yũ irikõãmasĩa”, ãrĩ gũñabirikõãrõ gããmea. Marĩ irimasĩrĩ direta: “Diaye irimasĩa”, ãrĩ gũñarõ gããmea. Irasirirã marĩ masakakũ ãsũ ãrĩ gũñarã: “Marĩpu yure irimasĩrĩ pídeare ìgũrẽ yũ buremurõ oparosũta yũ bokatĩũrõ irimasĩa”, ãrĩ gũñarã!

⁴ Sugu masakũya dupũ ãsũ ããrã. Su dupũ ããrĩkerero, wãri opãa. Wãri ããrĩkerero, sũrosũ moãbea.

⁵ I irirosũta marĩ Jesucristore buremurã wãrã ããrĩkererã, ìgũ merã ããrĩrã sugũya dupũ irirosũ ããrã. Irasirirã marĩ ããrĩpererã su dupũma moãrõ irirosũ yãa.

⁶ Irasirigu Marĩpu marĩrẽ maĩgũ, marĩ masakakũre gajerosũperi dita marĩ irimasĩburire pídi ããrĩmĩ. Irasirirã irire òãrõ iriro gããmea. Marĩrẽ ìgũya kerere weretaudoregu pímakũ, marĩ ìgũrẽ buremurõ oparosũta ìgũyare gajerãrẽ òãrõ weretauro gããmea.

⁷ Marĩrẽ gajerãrẽ iritamudoregu pímakũ, ìgũsãrẽ òãrõ iritamurõ gããmea. Gajerãrẽ ìgũyare buedoregu pímakũ, ìgũsãrẽ òãrõ buero gããmea.

⁸ Marĩrẽ gajerãrẽ gũñaturamakũ irimurãrẽ pímakũ, irire òãrõ iriro gããmea. Marĩrẽ gajerãrẽ ìgũsã gããmerĩrẽ sĩmurãrẽ pímakũ, gajinorẽ sĩrã òãrõ usuyari merã sĩrõ gããmea. Marĩrẽ gajerãrẽ doremurãrẽ pímakũ, òãrõ merã dorero gããmea. Marĩrẽ gajerãrẽ bopoñarĩ merã iritamumurãrẽ pímakũ, ìgũsãrẽ iritamurã usuyari merã iritamurõ gããmea.

Jesucristore buremurã ãsũpero ããrĩdorea, ãrĩ gojadea

⁹ Gajerãrẽ maĩrã, diayeta maĩka! Ñerĩrẽ dooka! Òãrĩ gapũ direta iriwãgãníka!

¹⁰ Musã Jesucristore buremurã, sugu pũrã gãme maĩrõsũta musã merãmarã merã gãme maĩka! ìgũsãya ããrĩburire musãya nemorõ gũñaka! Buremurĩ merã òãrõ gãme iritamuka!

¹¹ Marĩ Opũ dorerire irirã, neõ tébori marĩrõ òãrõ usuyari merã irika!

¹² “Marĩpu òãrõ iritamugũkumi yure”, ãrĩ, usuyari merã ìgũ iritamuburire yũka! Irasirirã ñerõ tarirã, Marĩpũre píriro marĩrõ sũrosũ gũñaturari merã buremunĩkõãka! ìgũrẽ irasũ sërënikõãka!

¹³ Jesucristore buremurã gajino gããmemakũ ìãrã, musã opari merã ìgũsãrẽ iritamuka! Musãya wiirigue ejarãrẽ òãrõ bokatĩrĩñeãka!

¹⁴ Musãrẽ ñerõ irirãrẽ ìgũsãya ããrĩburire Marĩpũre sërëbosaka! “Ìgũsã yure ñerõ iriri waja ìgũsãrẽ wajamoãka!” ãrĩ sërëbirikõãka!

¹⁵ Gajerã usuyamakũ ìãrã, ìgũsã merã musãde usuyaka! Gajerã oremakũ ìãrã, musãde ìgũsã merã oreka!

¹⁶ Gajerã merã sũrosũ usuyari merã ããrĩrikũka! “Yũ gajerã nemorõ òãgũ ããrã”, ãrĩ gũñabirikõãka! Ubu ããrĩrã merãdere òãrõ ããrĩrikũka! “Masĩtarinũgãgũ ããrã yũ”, ãrĩ gũñabirikõãka!

¹⁷ Gajerã musãrẽ ñerõ irikererũ, ìgũsãrẽ ñerõ iri gãmibirikõãka! Ñerĩ gapũre irirono irirã, ããrĩpererã masaka ìũrõrẽ òãrĩ gapũre irika!

¹⁸ ããrĩpererã merã musã òãrõ ããrĩrikũburosũta musã bokatĩũrõ òãrĩrẽ irika!

¹⁹ Yaarã yũ maĩrã, gajerã musãrẽ ñerõ irikererũ, ñerõ iri gãmibirikõãka! Musã basi ìgũsãrẽ wajarãkũbirikõãka! Marĩpu gapũ musãrẽ ñerõ irinerãrẽ wajamoãgũkumi. ìgũya werenĩrĩ gojadea pũgue ãsũ ãrĩ gojasũdero ããrĩbũ: “Marĩ Opũ ãsũ ãrĩmĩ: ‘Yũ gapũ, masaka ñerõ iridea waja ìgũsãrẽ wajamoãgũ ããrã. ìgũsãrẽ diayeta wajamoãgũra’, ãrĩmĩ”, ãrĩ gojasũdero ããrĩbũ.

20 Gaji āsū ārī gojasūdero āārībú: “Murē iāturigu ɥaboamakū iāgū, baari ejoka! Īgū ñemesibusūmakū iāgū, iiriri tīāka! Mɥ irasirimakū, Īgū murē ñerō irideare gɥyasīrīgukumi”.

21 Irasirirā mɥsārē ñerō irinerārē ñerō iri gāmibirikōāka! Ñerī gapure irirono irirā, Īgūsārē ōārō irika! Irasiriri merā ñerī iririre tarinugārākoa.

13

1 Marīpɥ dita i ɥmɥ marā oparārē sóomi. Īgū pīnerā āārīma. Irasirirā āārīpererā Īgūsārē ōārō yɥjuka!

2 Sugɥ oparārē tarinugāgūno, Marīpɥ pīnerārē tarinugāgū yámi. Marīpɥ Īgūsārē tarinugārārē wajamoāgukumi.

3 Oparā, ōārō irirārē güimakū iribema. Ñerō irirā gapure güimakū yáma. Güimerāta āārīrikudɥarā, ōārō irika! Irasirimakū, oparā mɥsārē: “Ōārō yáa”, āārīrākuma.

4 Marīpɥ Īgūsārē mɥsāya āārīburire iritamudoregɥ pīdi āārīmí. Irasirirā ñerō irirā güika! Oparā, ñerī irirārē wajamoārā, Marīpɥ dorero irirāta yáma. Marīpɥ ñerō irirārē wajamoādoregɥ oparārē pīdi āārīmí.

5 Irasirirā oparā marīrē doremakū, ɥremurī merā Īgūsā dorerire ōārō yɥjuro gāāmea. Wajamoārī, āārīrā dita yɥjubirikōārō gāāmea. “Marīpɥ iūrō Īgū gāāmerīrē iridɥakoa”, āārī güñarī merā Īgūsā dorerire ōārō yɥjuro gāāmea.

6 Oparā Īgūsā moārīrē ōārō irirā, Marīpɥre moāboerā irirosū āārīma. Irasirirā Īgūsā wajasearopā keoro wajarika!

7 Āārīpererā oparā dorerosūta keoro irika! Īgūsā wajaseamakū wajarika! Īgūsā gajinorē irimurā wajaseamakūde wajarika! Irasirirā mɥsā oparārē ɥremuka! Īgūsārē gopeyari merā iāka!

8 Neō gajerārē wajamorīrē opabirikōāka! Īgūsārē wajamorīrē oparono irirā, maīrī gapure opaka! Sugɥ Īgū bokajagunorē maīrī merā iritamugūno, Marīpɥ doreri pīdeare keoro irigɥ yámi.

9 Āsū ārā Marīpɥ doreri pīdea: “Gajigɥ marāpo merā, nomede gajego marāpɥ merā ñerō iribirikōāka! Masakare wējēbéobirikōāka! Yajabirikōāka! Gajerāyamarē ārīgatori merā werebirikōāka! Gajerāyare ɥaribejabirikōāka!” āārī werea. Gaji Īgū doreri pīdea āsū ārā: “Mɥ basi maīrōsūta mɥ pɥro āārīrādere maīka!” āārī werea. Mɥsā gajerārē maīrā, Marīpɥ doreri pīdea āārīpererire irirā yáa.

10 Gajerārē maīgūno, Īgūsārē neō ñerō iribemi. Irasirigɥ Īgūsārē maīgūno, Marīpɥ doreri pīdeare iripeogɥ yámi.

11 I āārīpererire güñaka! Irasirirā pémasīka! Kārīrā irirosū āārībirikōāka! Marī iripoegue Jesucristoya kerere ɥremupɥrorirā, ɥmɥgasigue marī waaburi dɥyataria, ārādibɥ. Daporare marī masīa. Jesucristo dupaturi aariburo mérō dɥyáa.

12 Irasiriro boyomārīriro irirosū āārā. Irire masīrā, ñerīrē masaka naītīārōgue iririre pirirā! Ōārīrē boyorogue masaka iūrō iriri gapure irirā! Marī irasirirā, Marīpɥ turari merā ñerī iririre pirikōārākoa.

13 Irasirirā masaka ɥmɥ merā deyorogue ōārīrē irirā irirosū irirā! Bosenurī āārīmakū, mejā, gainībirikōārā! Nome merā ñerō iribirikōārā! Nomede ɥma merā ñerō iribirikōāburo. Gajerā merā gāme guaseobirikōārā! Gajerāyare ububirikōārā!

14 Āsū gapɥ āārīrikɥrā! Marī Opɥ Jesucristo iritamurī merā Īgū irirosū ōārō āārīrikɥrā! Marī ñerī ɥaribejarire iridɥarire pirikōārā!

14

Marĩ Jesucristore b̄remurã gãme werew̄abirikõãrõ gããmea

¹ Suḡu Jesucristore b̄remuturabi ããrĩkereḡu, ĩḡu musã merã ããrĩduamakũ, ĩḡurẽ werew̄aro marĩrõ ñeãka! ĩḡurẽ ñeãrã, Marĩp̄uyare masĩbirimakũ ĩãrã, ĩḡu merã guaseobirikõãka!

² Gajerã surãyeri Jesucristore b̄remurã: “Marĩ ããrĩpereri baamakũ õãgorãa”, ãrĩma. Gajerã gap̄u Jesucristore b̄remuturamerã: “Marĩ waibu diĩ baarã, Marĩp̄u dorerire tarin̄ugãbokoa”, ãrĩ gũñama. Irasirirã oteri direta baarik̄uma.

³ ããrĩpererire baaḡu, oteri direta baaḡure irasũ ĩãbéobirikõãburo. Oteri direta baaḡude ããrĩpererire baaḡure: “Irasũ baamakũ ñegorãa”, ãrĩbirikõãburo. Marĩp̄u ããrĩpereri baaḡudere: “Yaaḡu ããrĩmi”, ãrĩ ĩãsiadi ããrĩmi.

⁴ Marĩ gajiḡure moãboeḡure: “Ñerõ yãa”, ãrĩmasĩbirikoa. ĩḡu op̄u dita irasũ ãrĩmasĩmi. Marĩ Jesucristore b̄remurãde irasũta ããrã. Irasirirã marĩ gajerã Jesucristore b̄remurãrẽ: “Ñerõ yãa”, ãrĩmasĩbirikoa. Marĩp̄u ĩḡusã Op̄u ããrĩmi. ĩḡu suḡuta ĩḡusãrẽ: “Õãrõ yãa, o ñerõ yãa”, ãrĩmasĩmi. ĩḡu turaḡu ããrĩsĩã, ĩḡuyarãrẽ ĩḡurẽ õãrõ b̄remuturamakũ iriḡukumi.

⁵ Gaji werenemoḡura m̄sãrẽ. Surãyeri: “Sun̄ata gajin̄urĩ nemorõ Marĩp̄ure b̄remurõ gããmea”, ãrĩ gũñama. Gajerã gap̄u: “ããrĩpererin̄urĩ s̄rosũ, Marĩp̄uya ããrã”, ãrĩ gũñama. Irasirirã masakak̄u: “Marĩp̄u yure ãsũ irimakũ gããmemi”, ãrĩ gũñarõ gããmea.

⁶ Suḡu: “Irin̄ano direta nerẽ, Marĩp̄ure b̄remudorea”, ãrĩ gũñagũ, Marĩp̄ure b̄remubu irasũ ãrĩ gũñami. Gajiḡu ããrĩpererire baaḡude Marĩp̄ure: “Ȳu baari, m̄u s̄dea ããrã”, ãrĩ, us̄yari s̄mi. Irasiriḡu ĩḡude Marĩp̄ure b̄remuḡuta ããrĩmi. Gajiḡu gajinorẽ baabide Marĩp̄ure b̄remumi. ĩḡude Marĩp̄ure: “Ȳu baari, m̄u s̄dea ããrã”, ãrĩ, us̄yari s̄mi.

⁷ Marĩ okarã, boarãde marĩ basi: “ãsũ iriḡura”, ãrĩmasĩña m̄aa.

⁸ Marĩ, Jesucristoyarã marĩ okarin̄urĩrẽ ĩḡuyare irimurã ããrã. Marĩ boadero p̄ruḡudere ĩḡuyarã ããrĩnikõãrãkoa. Irasiriḡu marĩ okamakũ, marĩ boamakũdere Cristo marĩ Op̄uta ããrĩnikõãḡukumi.

⁹ Irasũta ããrã. Cristo boa, p̄ru masãdi ããrĩmi ããrĩpererã okarã, boanerã Op̄u ããrĩbu.

¹⁰ Iro merẽ, ¿nasirirã musã gajerã Jesucristore b̄remurãrẽ: “Ñerõ yãa”, ãrĩ werew̄ari? ¿Nasirirã ĩḡusãrẽ irasũ ĩãbéokõãrĩ? Cristo marĩ ããrĩpererãrẽ ĩḡu diaye n̄idoreḡukumi marĩ irideare werebu. Irasirirã gajerã Jesucristore b̄remurãrẽ: “Ñerõ yãa”, ãrĩ werew̄abirikõãrõ gããmea.

¹¹ Marĩp̄uya werenĩrĩ gojadea p̄gue ãsũ ãrĩ gojasũdero ããrĩbũ: ãsũ ãrĩmi marĩ Op̄u: “Ȳu okaḡu ããrã. Ȳu werenĩrĩ diayeta ããrã. ããrĩpererã yu ĩũrõ ñaduk̄upuri merã ejamejãrãkuma. ããrĩpererã yure: ‘M̄u, ḡua Op̄u õãgũ, turaḡu ããrã’, ãrĩrãkuma”, ãrĩ gojasũdero ããrĩbũ.*

¹² Irasirirã, Marĩp̄u marĩ irideare s̄rẽñamakũ, marĩ masakak̄u ããrĩpereri marĩ irideare wererãkoa.

Neõ musã iriri merã gajerã Jesucristore b̄remurãrẽ ñerĩ irimakũ iribirikõãka!

¹³ Irasirirã gãme werew̄anemobirikõãrã! ãsũ gap̄u ãrĩ gũñarã! “Ḡua iriri merã gajerã Jesucristore b̄remurãrẽ ñerĩ irimakũ irid̄uabirikoa”, ãrĩ gũñarã!

¹⁴ Ȳu, marĩ Op̄u Jesucristore b̄remuḡu, ãsũ õãrõ masĩa. ããrĩpereri Marĩp̄u baari p̄idea õãgorãa yure. Gajiḡu gap̄u: “Ȳu irire baamakũ, ñegorãa”, ãrĩ gũñamakũ, ĩḡurẽ diayeta ñegorãa.

* 14:11 Is 45.23

¹⁵ I diayeta aãrã. Gajigu Jesucristore buremugũ, ìgũ baabirire musã baamakũ ìãgũ: “Ìri Marĩpu baadorebiridea aãrã”, ãrĩ gũñakeregu, musãrẽ ìãkũ, baabokumi. Irasũ baagu: “Ñerõ iriabũ”, ãrĩ gũñarikubokumi. Irasirirã, ìgũ baabirire dupaturi baarã, ìgũrẽ maĩrã meta yáa. Cristo ìgũdere boabosadi aãrĩmĩ. Irasirirã musã baari merã gajigu Cristore buremugũrẽ poyanorẽbirikõãka!

¹⁶ Irasirirã: “Gua ãsũ iriri õãgoráa”, ãrĩ gũñakerepuru, gajerã gapu musãrẽ: “Ñerõ yáma”, ãrĩ werewhamakũ pérã, dupaturi irire irinemobirikõãka!

¹⁷ Marĩpu ìgũyarãrẽ doreri: baa, iiriri meta aãrã. I gapu aãrã. Diayemarẽ irinĩrĩ, ìgũ merã siuñajãrĩ opari, usuyari merã aãrĩrĩ aãrã. Irire Òãgũ deyomarìgũ iritamurĩ merã irisũa.

¹⁸ Sugu irasũta Cristoyare õãrõ irigu Marĩpure usuyamakũ yámi. Masakade ìgũ õãrõ irimakũ ìãrã, ìgũrẽ: “Õãrõ yámi”, ãrĩrãkuma.

¹⁹ Marĩpu merã siuñajãrĩ opamurã, marĩ basi gãme iritamumurã irasiriro gããmea. Irire irirã, Jesucristore buremunemowãgãnrãkoa.

²⁰ Marĩpu Jesucristore buremurãnorẽ ìgũ merã õãrõ aãrĩmakũ yámi. Irasirirã, musã baari merã Marĩpuyare ìgũsã iririre pirimakũ iribirikõãka! Diayeta aãrĩpereri Marĩpu baari pidea õãrĩ dita aãrã. Gajigu ìgũ baabirire musã baamakũ ìãgũ: “Ìri Marĩpu baadorebiridea aãrã, irire baagu ñerõ iribokoa”, ãrĩ gũñakeregu, musãrẽ ìãkũ, baagu ñerõ iribokumi. Irasirirã musã irire baarã, ìgũrẽ ñerõ irimakũ iribokoa. Musã irasiriri ñegorãa.

²¹ Gajigu Jesucristore buremugũrẽ marĩ iriri merã ìgũrẽ ñerĩ irimakũ iribokoa, ãrĩrã, ãsũpero iriro gããmea. Ìgũ waibu dii baabirimakũ ìãrã, irire baabirikõãrõ gããmea. Igu deko pãmudeare ìgũ iiribirimakũ ìãrã, irire iiribirikõãrõ gããmea. Ìgũrẽ Jesucristore buremuturabirimakũ iribirikõãrõ gããmea.

²² “Marĩpu ìũrõ yu iriri õãgorãa”, ãrĩ buremugũno irimarẽ gajerã buremuturamerãrẽ guaseobirikõãburo. Sugu: “Marĩpu ìũrõ ñerõ iribea, waja opabea, diayeta yáa”, ãrĩ gũñagũ, usuyari merã aãrìgukumi.

²³ Gajigu gapu: “Ìri baarire baagu, ñerõ iribokoa”, ãrĩ gũñarikukeregu irire baagu, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikukererã irire irirã, waja opãa. Aãrĩpereri marĩ irasiriri, ñerĩ iriri aãrã.

15

Gajerãya aãrĩburidere gũñarõ gããmea, ãrĩ gojadea

¹ Marĩ Jesucristore buremurã, ìgũrẽ buremuturamerãrẽ iritamurõ gããmea. Marĩya aãrĩburi direta iribirikõãrõ gããmea.

² Marĩ masakaku marĩ puro aãrĩrãya aãrĩburire gũñarõ gããmea, ìgũsãde Jesucristore buremunemowãgãburo, ãrĩrã.

³ Cristode ìgũyama direta iribiridi aãrĩmĩ. Marĩpuya gapure iridi aãrĩmĩ. Irasiriro ìgũrẽ waadeare Marĩpuya werenĩrĩ gojadea pũgue ãsũ ãrĩ gojasũdero aãrĩbũ: “Murẽ ñerõ werenĩrã, yuguerẽ ãrĩmeétuma”.

⁴ Aãrĩpereri iripoegue Marĩpuya werenĩrĩ gojadea marĩrẽ buedorero gojasũdero aãrĩbũ. Irire buerã, gũñatura, õãrõ yujupũrãkũrãkoa. Irasirirã ñerõ tarirã, Marĩpu iritamuburire usuyari merã yúa.

⁵ Marĩpu marĩrẽ gũñatura, õãrõ yujupũrãkũmakũ irigu, Jesucristo gããmerõsũta musãrẽ sugu pũrã irirosũ sũrosũ aãrĩrikamakũ iriburo.

⁶ Irasirirã musã aãrĩpererã suro merã Marĩpure marĩ Opu Jesucristo Pagure: “Õãtaria mu”, ãrĩ, usuyari sũrãkoa.

Jesucristo judío masaka aãrĩmerãrẽ tauburire gojadea

⁷ Jesucristo ĩgũ marĩrẽ ñeãderosũta marĩde gajerãrẽ õãrõ gãme bokatĩrĩñeãrõ gããmea, ããrĩpererã Marĩpũre: “Õãtaria mũ”, ãrĩburo, ãrĩã.

⁸ Mũsãrẽ ire werea. Marĩpũ gua ñekũsãmarãrẽ ĩgũ: “Ãsũ irigũra”, ãrĩdeare diaye iridi ããrĩmĩ. Irasirigu Jesucristo judío masakare iritamugũ i ãmũguere aaridi ããrĩmĩ. ĩgũ irasiriri merã ĩgũ Pagũ ãrĩdeare iri ĩmupeodi ããrĩmĩ.

⁹ Irasũ ããrĩmakũ, judío masaka ããrĩmerã: “Marĩpũ guadere bopoñagũ õãtarimi”, ãrĩdoregũ, aaridi ããrĩmĩ. Marĩpũya werenĩrĩ gojadea pũgue gojaderosũta irasiridi ããrĩmĩ. Ãsũ ãrĩ gojasũdero ããrĩbũ:

Marĩpũre ãsũ ãrĩmi: “Judío masaka ããrĩmerã watopegue mũrẽ usũyari sĩgũra.

‘Turatarigu ããrã’, ãrĩ bayapeogũra mũrẽ”, ãrĩmi, ãrĩ gojasũdero ããrĩbũ.✠

¹⁰ Gajeroguedere ãsũ ãrĩ gojasũdero ããrĩbũ:

Mũsã judío masaka ããrĩmerã Marĩpũyarã judío masaka merã usũyaka! ãrĩ gojasũdero ããrĩbũ.✠

¹¹ Gajeroguedere ãsũ ãrĩ gojasũdero ããrĩbũ:

Ããrĩpererã judío masaka ããrĩmerã Marĩpũre: “Õãtaria mũ”, ãrĩ, usũyari sĩburo.

Ããrĩperero marã masaka: “Ĩgũ turatarigu ããrĩmi”, ãrĩburo, ãrĩ gojasũdero ããrĩbũ.✠

¹² Isaĩade ãsũ ãrĩ gojadi ããrĩmĩ David pagũ, Isaĩ wãĩkũgũre gojagũ:

Isaĩ parãmi ããrĩturiagu aarigũkumi. Irasũ aarigũ, judío masaka ããrĩmerã Opũ ããrĩgũkumi. ĩgũsã ĩgũrẽ: “Gũare taubu ããrĩmi”, ãrĩ bũremurãkuma, ãrĩ gojadi ããrĩmĩ.✠

¹³ Marĩpũ marĩrẽ ĩgũ õãrõ iriburire usũyari merã yũmakũ irigu, mũsãrẽ ĩgũrẽ bũremurãrẽ usũyari, siuñajãrĩ sĩnemoburo. Irasirirã mũsã Õãgũ deyomarĩgũ iritamurĩ merã nemorõ usũyari merã yũrãkoa.

¹⁴ Yaarã mũsã, yũ pẽñamakũ, Jesucristore bũremurã, gajerã merã õãrõ ããrĩrikũa. Cristoyare õãrõ masĩa. Irasirirã mũsã basi irire õãrõ gãme were-masĩa.

¹⁵ Mũsã irasũ masĩkererũ, i papera pũguere gũiro marĩrõ irire gojãa, mũsã masĩdeare kãtibirikõãburo, ãrĩgũ. Marĩpũ yũre õãrõ irigu, mũsãrẽ Jesucristoyare buedoregũ pími.

¹⁶ ĩgũ yũre irasũ pímakũ, paĩa Marĩpũre gajino sĩrõ irirosũta yũ judío masaka ããrĩmerãrẽ ĩgũrẽ wiadũakoa, ĩgũyarã ããrĩburo, ãrĩgũ. Irasirigu ĩgũsãrẽ Jesucristoya kerere buea. Yũ irasũ buemakũ pẽrã, Jesũre bũremurãkuma. ĩgũsã irasũ bũremumakũ ĩãgũ, Marĩpũ ĩgũsãrẽ: “Õãrã ããrĩma”, ãrĩ ĩãgũkumi. Õãgũ deyomarĩgũ ĩgũsãrẽ Marĩpũyarã waamakũ irigũkumi. Irasirigu Marĩpũ ĩgũsãrẽ: “Yaarã ããrĩma”, ãrĩ ñeãgũkumi.

¹⁷ Yũ Jesucristore bũremugũ, ĩgũ iritamurĩ merã Marĩpũ yũre pídeare õãrõ yãa. Irasirigu yũ moãrĩ merã õãrõ pẽñãa.

¹⁸ Irasirigu Jesucristo yũ merã iridea direta mũsãrẽ weregũra. Mũsã judío masaka ããrĩmerãrẽ Marĩpũre bũremumakũ gããmesãgũ, yũre iritamumi. Irasirigu yũ bueri merã, yũ iriri merã mũsã judío masaka ããrĩmerãrẽ Marĩpũre bũremumakũ irimi.

¹⁹ Yũ, Marĩpũ turari merã iri ĩmurĩ merã, Õãgũ deyomarĩgũ iritamurĩ merã mũsãrẽ buebũ. Irasũ buegũ, Jesucristo masakare tauri kerere Jerusalén merã buerũrori, pũrũ ããrĩpererogue buegorena, pũrũ Ilĩrico wãĩkũrĩ nikũgue iri kerere buetũnũbũ.

²⁰ Gajerã buesũña marĩrõgue Jesucristoyare masĩmerãrẽ bũro buedũari merã buebũ. Irasũ buegũ, gajerã ĩgũsã buedeaguere buewekapeobiribũ.

21 Irasũ buegu, Marĩpũya werenĩri gojadea pũgue gojasũderosũta iribu. Āsũ
 āri gojasũdero āārĩbũ Cristore masĩbirinerā masĩburire:

Īgũya kerere neō pėbirinerā weresũrākuma. Īgũyare neō pėbirinerā ōārō
 pėmasĩrākuma, āri gojasũdero āārĩbũ.*

Pablo ĩgũ Romague waaburire gojadea

22 Yũ gaji makāri marārē buegorenasĩā, wāri mūsārē ĩāgũ waadũakeregu,
 waamasĩbiribu dapa.

23 Dapagueta iri makāriũguere yũ moārĩ peoa. Irasirigu iripoegueta mūsā
 pũrogu waadũanĩdi āārĩsĩā, pũrũ weya irogu waagũra, mūsā merā āārĩbu.

24 Irasirigu Espaņague waagũ, mūsā pũro eja, mūsārē ĩā, usũya, mūsā merā
 mērōgā āārĩ, pũrũ mūsā yũre iritamurĩ merā tariagũra.

25 Daporare Jerusalėgue waapũroribu yāa dapa. Iro marārē Jesucristore
 bũremurārē iritamugũ, niyeru āĩabu yāa.

26 Jesucristore bũremurā Macedonia, Acaya marā Jerusalėgue āārĩrārē
 boporārē gũña, niyerure neō, iriudũama ĩgũsārē iritamurā. Irasirigu irogu
 iri niyerure ĩgũsārē sĩgũ waabu yāa.

27 Judío masaka āārĩmerā Macedonia, Acayague āārĩrā, judío masaka
 Jerusalėgue āārĩrārē gũñama ĩgũsārē iritamumurā. ĩgũsā irasũ gũñarĩ
 ōāgorāa. Judío masaka, judío masaka āārĩmerā gapũre Jesucristoya kerere
 werepũrorima. Irasirirā judío masaka āārĩmerā Jesucristore bũremurā,
 Marĩpũ judío masakare: “Sĩgũra”, ārĩdeare ĩgũsāde ñeāma. Irasirirā judío
 masaka āārĩmerā ĩgũsā opari merā judío masakare boporārē iritamurō
 gāāmea.

28 Irasirigu Jerusalén marārē iri niyerure yũ sĩ odoadero pũru, Espaņague
 waagũ, mūsārē ĩātariagũra.

29 Yũ mūsā pũrogu waagũ, Jesucristoya kerere mūsārē weregũkoa.
 Irasirirā mūsā iri merā ōārō yũjũpũrākũrākoa.

30 Yaarā, mūsā marĩ Opũre Jesucristore bũremua. Ōāgũ deyomarĩgũ marĩrē
 gāme maĩmakũ yāmi. Irasirigu yũ mūsārē āsũ irimakũ gāāmea. Yũre iritamurā,
 yaa āārĩburire Marĩpũre sērēbosaka, yũ moārĩmarē!

31 ĩgũrē yaa āārĩburire āsũ sērēbosaka! Judea nikũ marā Jesũre bũremumerā
 yũre ĩgũsā ñerō iridũamakũ, Marĩpũ yũre iritamuburire sērēka! Jerusalén
 marārē iri niyerure yũ sĩmakũ, ĩgũsā irire usũyari merā ōārō ñeāburire sērēka!

32 Mūsā irasũ sērēmakũ, Marĩpũ gāāmemakũ, usũyari merā mūsā pũro
 waagũkoa. Irasirigu mūsā merā usũya, siuñajāgũkoa.

33 Marĩpũ marĩrē siuñajārĩ merā āārĩmakũ irigu, mūsā āārĩpererā merā
 āārĩburo. Irasũta āārĩburo.

16

Pablo Romague āārĩrārē ōādoreri gojadea

1 Gua merāmo Jesucristore bũremugō Febe wāĩkũgo mūsā pũrogu waabo
 yāmo. Igo Cencrea wāĩkũri makāgue Jesucristore bũremurārē iritamugō
 āārĩmo.

2 Mūsā Jesucristore bũremurā usũyari merā igore bokatĩrĩñeāka! Marĩrē
 Jesucristore bũremurārē irasũta ōārō bokatĩrĩñeārō gāāmea. Igo wārārē
 iritamudeo āārĩmo. Yũdere iritamumo. Irasirirā, igo gajino gāāmemakũ
 iritamuka!

3 Aquila, ĩgũ marāpo Priscilade ōāburo. Jesucristoyare yũ buemakũ, ĩgũsāde
 yũre buetamuma.

* 15:21 Is 52.15

4 Gajerã yure wějẽduamakũ, ĩgũsã yure iritamurĩ waja ĩgũsãdere mérõ wějẽboyama. ĩgũsã yure irasũ õãrõ iritamurĩrẽ yu dita Marĩpũre usuyari sĩbea. Judío masaka ããrĩmerã Jesucristore buremurã ããrĩpererã Marĩpũre usuyari sĩma.

5 Jesucristore buremurã Aquilaya wiigüe nerẽnarãde õãburo. Yu maĩgũ Epenetode õãburo. ĩgũta Asiaguere Cristore buremupũrorinugãdi ããrĩmĩ.

6 Marĩade õãburo. Igo musã merã bure moãyupo.

7 Yaarã Andrónico, Juniade õãburo. Peresu yu ããrĩmakũ, ĩgũsãta yu merã ããrĩmã. Yu Cristore buremuburi dupuyuro ĩgũsã gapũ buremunugãsianerã ããrĩmã. Jesús buedoregũ pĩnerã ĩgũsãrẽ: “Diayeta õãrã ããrĩma”, ãrĩ werenĩma.

8 Amplias yu maĩgũ Jesũre buremugũ õãburo.

9 Urbano õãburo. ĩgũde gũa merã moãmi, Jesucristoya kerere masakare buegũ. Yu maĩgũ Estaquide õãburo.

10 Apelede õãburo. ĩgũ diayeta Jesucristore õãrõ buremumi. ĩgũ iririkũrire ĩãrã: “Cristore õãrõ buremugũ ããrĩmi”, ãrĩ masĩa. Aristóbuloya wii marãde õãburo.

11 Gajigũ yaagũ judío masakũ Herodiõde õãburo. Narcisoya wii marã marĩ Opũ Jesũre buremurãde õãburo.

12 Trifena, Trifosa õãburo. ĩgũsã nome marĩ Opũ Jesũyare moãma. Gũa maĩgõ Pérsidade õãburo. Igo de marĩ Opũ Jesucristoyare bure moãmo.

13 Rufode õãburo. ããrĩpererã ĩgũrẽ: “Jesucristore õãrõ buremumi”, ãrĩ ĩãma. ĩgũ pagode õãburo. Igo, yũpo irirosũta yure õãrõ irimo.

14 Asíncrito, Flegonte, Hermes, Patrobas, Hermas, gajerã Jesũre buremurã ĩgũsã merã ããrĩrãde õãburo.

15 Filólogo, Julia, Nereo, ĩgũ pagũmode Olimpas, gajerã Jesũre buremurã ĩgũsã merã ããrĩrãde õãburo.

16 Musã gãme õãdorerã, õãrõ usuyari merã, buremurĩ merã pábũa õãdoreka! ããrĩpererã Jesucristore buremurã musãrẽ õãdoreri iriuma.

17 Yaarã musã Jesucristore buremurã, surãyeri musã watopegue ããrĩrã ĩgũsã iriri merã musãrẽ ñerõ irimakũ, musãrẽ gãme dukawarimakũ iridũama. Irasirirã, musãrẽ Jesũyare buedeare goroweodũama. Irasirirã irasũ ããrĩrãrẽ wapikũbirikõãka!

18 ĩgũsã, marĩ Opũ Jesucristo dorerire irirã meta ããrĩma. Ñerĩrẽ ĩgũsã uaribejari direta irirã ããrĩma. ĩgũsã õãrõ péma õãrĩ werenĩrĩ merã pémasĩturamerãrẽ ãrĩgatoma. ĩgũsã irasũ ãrĩgatoma, ĩgũsãrẽ õãrõ pétũyama. Irasirirã ãrĩgatorimasãrẽ wapikũbirikõãka!

19 ããrĩpererã masaka musã Jesucristoyare õãrõ iririre masĩsiamã. Irasirigũ yu musã merã bure usuyãa. Yu musãrẽ õãrĩ gapũre masĩmakũ gããmekoa. Neõ ñerĩ tamerãrẽ gããmesãbirikoa.

20 Marĩpũ marĩrẽ õãrõ siuñajãrĩ merã ããrĩmakũ irigũ, mérõgã pũũ wãtẽa opũ Satanárẽ béogũkumi, musãrẽ neõ tarinugãnemobirikõãburo, ãrĩgũ. Marĩ Opũ Jesucristo musãrẽ õãrõ iritamunikõãburo.

21 Timoteo yu merã Jesucristoya kerere weretamugorenagũ musãrẽ õãdoremi. Yaarã Lucio, Jasón, Sosípater musãrẽ õãdorema.

22 Yu, Tercio wãikũgũ i pũrẽ Pablora gojabosãa. ĩgũ yure gojadorerire gojatúa. Irasirigũ yude Jesucristore buremugũ, musãrẽ Jesucristore buremurãrẽ õãdorea.

23 Yu Pablo, Gayoya wii ããrã. ĩgũya wiigüe Jesucristore buremurã nerẽnama. ĩgũde musãrẽ õãdoremi. Erasto, i makã marã oparãrẽ niyeru

duripíboerimasũ m̄s̄rẽ õãdoremi. Cuartode Jesucristore b̄remugũ m̄s̄rẽ õãdoremi.

²⁴ Marĩ Op̄ Jesucristo m̄s̄rẽ ããrĩpererãrẽ õãrõ iritamuburo. Irasũta iriburo.

Pablo us̄yari merã gojatũnudea

²⁵ Daporare Marĩp̄re: “Õãtaria m̄”, ãrĩ, us̄yari s̄rã! Marĩp̄, marĩ Op̄ Jesucristoya kere merã marĩrẽ ãgũrẽ nemorõ b̄remumakũ yámi. Ȳ iri kerere, Marĩp̄ ãgũ Cristo merã marĩrẽ tauri kerere werea m̄s̄rẽ. Neõgoragueta Marĩp̄ ãgũ masakare: “Tauḡra”, ãrĩdea ããrĩsiadero ããrĩbũ. Irasũ ããrĩkererũ, ããrĩpererã masaka gap̄ irire masĩbirinerã ããrĩmã.

²⁶ Daporare Marĩp̄yare weredupuyunerã gojadea kere merã ãgũ marĩrẽ: “Tauḡra”, ãrĩdeare marĩ masĩa pama. Marĩp̄ ããrĩnĩgũ ãgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yámi. ããrĩpererã masakare ãgũrẽ b̄remu, ãgũ dorerire iriburo, ãrĩgũ, irasũ yámi.

²⁷ Marĩp̄ suḡta ããrĩmi. ãgũ suḡta ããrĩpererire masĩpeogũ ããrĩmi. Irasirirã Jesucristo iritamurĩ merã ãgũrẽ: “Õãtaria m̄”, ãrĩ b̄remunĩkõãrã! Irasũta irirã!

Iropãta ããrã.

Pablo

1 CORINTIOS

Pablo Corinto marãrẽ õãdoredea

¹ Y_H Pablo, Sóstenes merã m_{us}ãrẽ õãdoredea. Marĩp_H gããmederosũta Jesucristo y_Hre ìgũyare buedoreg_H beyepĩmi. Sóstenes Jesúre b_Hremugũ, marĩyaguta ããrĩmi.

² Y_H ìgũ merã m_{us}ã Corinto marãrẽ gojáa. M_{us}ã Jesucristore b_Hremurã, ìgũ merã õãrõ ããrĩsĩã, Marĩp_Hyará ããrã. Marĩp_H m_{us}ãrẽ, gajerã ããrĩpererogue marã marĩ Op_H Jesucristore: “Iritamuka y_Hre!” ãrĩ sêrêrãrẽ siiudi ããrĩmĩ ìgũyará ããrĩburo, ãrĩgũ. Jesucristo ìgũsã Op_H ããrĩmi. Irasũ ããrĩmakũ, marĩdere marĩ Op_Hta ããrĩmi.

³ Marĩp_H ããrĩnĩgũ, marĩ Op_H Jesucristo m_{us}ãrẽ õãrõ iritamu, siuñajãrĩ merã ããrĩrik_Hmakũ iriburo.

Marĩp_H Jesucristo merã m_{us}ãrẽ õãrõ iritamumi, ãrĩ gojadea

⁴ Ëm_Hrik_H y_H Marĩp_Hre _Hsyari sĩnĩkõãa Jesucristo iridea merã ìgũ m_{us}ãrẽ õãrõ iritamumakũ ìãgũ.

⁵ M_{us}ã Cristo merã õãrõ ããrĩmakũ, Marĩp_H m_{us}ãrẽ ìgũyamarẽ ããrĩpereri õãrĩrẽ sidi ããrĩmĩ. Irasirig_H m_{us}ãrẽ õãrõ pémasĩrĩ merã ìgũyare gajerãrẽ weremakũ, irire masĩmakũ yámi.

⁶ Marĩp_H irire sĩgũ, y_H m_{us}ãrẽ: “Cristo õãrõ iritamug_Hkumi”, ãrĩderosũta irire iridi ããrĩmĩ.

⁷ Irasirirã marĩ Op_H Jesucristo dupaturi aariburire yúrã Marĩp_H sĩrĩrẽ opapeokõãa.

⁸ I _Hm_H peremakũguedere ìgũ turari merã m_{us}ãrẽ Jesucristore b_Hremunĩmakũ irig_Hkumi. Irasirig_H marĩ Op_H Jesucristo dupaturi aarimakũ, marĩrẽ waja opamerã ããrĩmakũ irig_Hkumi.

⁹ Marĩp_H, ìgũ: “Ãsũ irig_Hra”, ãrĩdeare keoro irig_H ããrĩmi. Ìgũta m_{us}ãrẽ beyedi ããrĩmĩ, ìgũ magũ Jesucristo marĩ Op_H merã õãrõ ããrĩburo, ãrĩgũ.

Pablo Corinto marãrẽ Marĩp_Hyarárẽ: “Gãme dukawaribirikõãka!” ãrĩ gojadea

¹⁰ Yaará, y_H marĩ Op_H Jesucristo dorederosũta m_{us}ãrẽ ãsũ ãrĩ wereg_Hra. S_Hrosũ gũñarĩ merã werenĩka! M_{us}ã werenĩrĩ merã gãme dukawaribirikõãka! Ë_Hyari merã werenĩ, s_Hrosũ gũñarĩ merã ããrĩrik_Hka!

¹¹ Yaará, Cloéya wii marã y_Hre m_{us}ã gãme werenĩ guaseorire werema.

¹² M_{us}ã ãsũ ãrĩ gãme guaseoyuro: “G_Ha Pabloyará ããrã”, ãrĩ guaseoyuro. Gajerã: “Apoloyará ããrã”, gajerã: “Pedroyará ããrã”, gajerã: “Cristoyará ããrã”, ãrĩ gãme guaseoyuro.

¹³ Irasũ ãrĩ gãme guaseobirikõãka! Marĩ Cristore b_Hremurã ããrã. Irasirirã ìgũ sug_Hyaráta ããrã. Gãme dukawarimasĩña máa. Y_H, m_{us}ãya ããrĩburire curusague boabosabirib_H. M_{us}ã, y_H wãĩ merã wãĩyesũbirib_H.

¹⁴ Y_H Marĩp_Hre: “Õãa” ãrĩ, _Hsyari sĩa. Y_H m_{us}ãrẽ deko merã wãĩyebirib_H. Crispo, Gayosã direta wãĩyeb_H.

¹⁵ Irasirirã m_{us}ã: “G_Ha Pablo wãĩ merã wãĩyesũnerã ããrã”, ãrĩmasĩbea.

¹⁶ Gajerãrẽ Estéfanya wii marãdere wãĩyeb_H, ãrĩ gũñab_H. Gajerãgue tamerãrẽ wãĩyeb_H, ãrĩmasĩbirikoa.

¹⁷ Cristo y_Hre wãĩyedoreg_H píbirimi. Ìgũ masakare tauri kere gap_Hre weredoreg_H pími. Irire y_Hre pígu, masĩrĩmasã werenĩrõsũ werenĩdorebirimi. Y_H, ìgũsã irirosũ werenĩmakũ, masaka Cristo curusague boabosadeare pémasĩbiribokuma. Irasirirã ìgũ tauburire neõ masĩbiribokuma.

Cristo merã Marĩpu turarire, ãgũ masĩrĩrẽ masĩsũa, ãrĩ gojadea

18 Jesucristore b̃remumerã peamegue béosũmurã, ãgũ curusague boadea kerere pérã: “Pemasĩmerãya bueri ããrã”, ãrĩma. Marĩ ãgũ tausũmurã gapure i kerere pémakũ, Marĩpu ãgũ turari merã marĩrẽ ãgũrẽ b̃remumakũ yámi.

19 Marĩpuya werenĩrĩ gojadea pũgue ãsũ ãrĩ gojasũdero ããrĩbũ:
I ãmũ marã masĩrĩmasã ãgũsã masĩrĩrẽ ubu ããrĩrĩ dujamakũ irigũra. Gajinorẽ ãmabéogu irirosũ ãgũsã pémasĩrĩrẽ ãmagũra, ãrĩdi ããrĩmĩ Marĩpu.✱

20 Irasirirã: “Masĩpeokõãa”, ãrĩrã, ubu ããrĩrã dujama. Gajerã ãgũsã gũñarõ buerimasãde irasũta dujama. I ãmũmarẽ õãrõ werenĩmasĩrãde irasũta dujama. I ãmũmarẽ: “Õãrõ masĩa”, ãrĩkererũ, Marĩpu gapũ ãgũsã masĩrĩrẽ ubu ããrĩrĩ dujamakũ yámi.

21 Marĩpu masĩgũ ããrĩsã, i ãmũ marãrẽ ãgũsã masĩrĩ merã ãgũrẽ masĩmakũ iribiridi ããrĩmĩ. ãsũ gapũ ãrĩdi ããrĩmĩ. Jesucristoya kerere b̃remurãrẽ: “Taugũra”, ãrĩdi ããrĩmĩ. ãgũrẽ b̃remumerã gapũ iri kerere pérã: “Pemasĩmerãya bueri ããrã”, ãrĩma.

22 Judío masaka iri kerere b̃remumerã: “Marĩpu turari merã gajino iri ãmumakũ ããrãgue b̃remurãkoa”, ãrĩma. Judío masaka ããrĩmerã griego masakade i ãmũma ãgũsã masĩrĩ direta masĩdũama.

23 Gũa gapũ Jesucristo curusague boadiya kerere werea. Judío masaka iri kerere pérã: “ãgũ gũare taugũ meta ããrĩmĩ”, ãrĩma. Judío masaka ããrĩmerãde iri kerere pérã: “Pemasĩmerãya bueri ããrã”, ãrĩma.

24 Marĩ gapũ Marĩpu beyenerã ããrĩsã, iri kerere pérã: “Marĩpu masĩgũ, turatarigũ ããrĩsã, Cristo iridea merã marĩrẽ peamegue waabonerãrẽ taugũkumi”, ãrĩ masĩa. Marĩ judío masaka, judío masaka ããrĩmerãde Cristore b̃remurã ããrĩsã, irire masĩa.

25 Cristore b̃remumerã gapũ Marĩpu ãgũ masĩrĩ merã, ãgũ turari merã iririre ãsũ ãrĩ gũñama: “Ubu ããrĩrĩ ããrã”, ãrĩ gũñama. ãgũsã irasũ ãrĩ gũñakererũ, Marĩpu masĩrĩ gapũ masaka masĩrĩ nemorõ õãrĩ ããrĩtarinũgãrĩ ããrã. ãgũ turari gapũ, masaka turari nemorõ ããrã.

26 Yaarã, Marĩpu mũsarẽ ãgũyarã ããrĩdoregũ siiuburo dupuyuro mũsã ããrĩrikũdeare gũñaka! Mũsã i ãmũ marã masĩrĩmasã, dorerimasã, oparã pũrã irirosũ ããrĩrã mérãgã ããrĩnerã ããrĩbũ.

27 Marĩpu, i ãmũ marã masĩrãrẽ gũyasĩũrõ taridoregũ, ãgũsã pémasĩmerã ããrĩma, ãrĩrã gapure beyedi ããrĩmĩ. Irasũ ããrĩmakũ, i ãmũ marã oparãrẽ gũyasĩũrõ taridoregũ, ubu ããrĩrã gapure beyedi ããrĩmĩ.

28 Ubu ããrĩrã gapure, masaka ããrĩrã marĩrã gapure beyedi ããrĩmĩ ãgũyarã ããrĩburo, ãrĩgũ. Oparã irirosũ ããrĩrã gapure ubu ããrĩrã dujaburo, ãrĩgũ, irasiridi ããrĩmĩ.

29 Irasirigũ neõ sugũ masakũ: “Yũ gajerã nemorõ masĩtarinũgãgũ ããrĩmakũ ããrĩgũ, Marĩpu yũre beyedi ããrĩmĩ”, ãrĩmasĩbirikumi.

30 Mũsarẽ Marĩpu basita Jesucristo merã õãrõ ããrĩmakũ iridi ããrĩmĩ. Irasirigũ Marĩpu Cristo merã marĩrẽ ãgũyare masĩmakũ yámi. ãgũ merã marĩrẽ: “Õãrã, waja opamerã ããrĩma”, ãrĩ ããrĩmĩ. Irasirirã marĩ ãgũyarã, peamegue waabonerã ãgũ tausũnerã ããrã.

31 Irasiro Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ: ‘Gajerã nemorõ masĩtarinũgãgũ ããrã’, ãrĩbirikõãburo. Irasũ ããrĩrõno irigũ marĩ Opũ gapure: ‘Turatarigũ ããrĩsã, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ.

✱ 1:19 Is 29.14

2

Cristo curusague boadea kerere gojadea

¹ Yaarã, yu musã p̄rogue Marĩp̄ya kerere, masaka masĩbirideare buegu ejagu, masĩrĩmasã diasari werenĩrĩ merã buerosũ buebiribu.

² Yu musã merã ããrĩgũ: “Jesucristoya kerere, irasũ ããrĩmakũ ãgũ curusague boadea direta bueguara”, ãrĩ gũñabu.

³ Irasirigu musã merã ããrĩgũ, ubu ããrĩgũ irirosũ péñabu. “Gajipoe irigu yu iri kerere õãrõ buemasĩbiribokoa”, ãrĩgũ, gũi naradari merã ããrĩkubu.

⁴ Yu musãrẽ iri kerere b̄remumakũ gããmegũ, masĩrĩmasã werenĩrõsũ buebiribu. Irasirirã, Marĩp̄ turari, Õãgũ deyomarĩgũ iritamurĩ merã yu musãrẽ iri kerere buemakũ pérã: “Diayeta ããrã”, ãrĩ b̄remubu.

⁵ “Masaka masĩrĩ merã ãgũsã guare buemakũ b̄remua”, ãrĩ gũñamakũ gããmebiribu. “Marĩp̄, ãgũ turari merã guare Jesucristoya kerere b̄remumakũ yãmi”, ãrĩ gũñamakũ gããmegũ, irasũ buebu musãrẽ.

Marĩ Õãgũ deyomarĩgũ iritamurĩ merã Marĩp̄re masã, ãrĩ gojadea

⁶ Guã musãrẽ Jesucristore õãrõ b̄remurĩ oparãrẽ buerã, Marĩp̄ wãro masĩrĩ sĩrĩ merã buea. Iri masĩrĩ i ãmuma meta ããrã. Irasũ ããrĩmakũ, i ãmuma marã masakare dorerãya meta ããrã. I ãmuma ãgũsã basi masĩrĩ p̄reakõãrokoa.

⁷ Guã, Marĩp̄ ãgũ masĩrĩ merã irideare, neõgorague masaka ãgũsã masĩbirideare buea. I ãmuma iriburo dupuyuro, Marĩp̄: “Ãsũ irigura”, ãrĩ gũñasiadi ããrĩmĩ. Irasirigu marĩrẽ tauburire, marĩ ãmugasigue ãgũ merã ããrĩnĩburire gũñasiadi ããrĩmĩ.

⁸ ããrĩpererã i ãmuma marã masakare dorerã gapu Marĩp̄ õãrõ gũñadeare p̄emasĩbirinerã ããrĩmã. Irire õãrõ p̄emasĩrãno ããrĩrã, marĩ Op̄ Jesucristo õãtarigure curusague p̄biatú w̄j̄ebiribonerã ããrĩmã.

⁹ Ãsũ ãrĩ gojasũdero ããrĩbũ Marĩp̄ya werenĩrĩ gojadea pũgue: Marĩp̄ ãgũrẽ maĩrãya ããrĩburire õãrõ ãmuyusiadi ããrĩmĩ. I ãgũ õãrĩ ãmubosadea, ãgũsã neõ ããbiridea, p̄biridea, neõ mérõgã gũñabiridea ããrã, ãrĩ gojasũdero ããrĩbũ.*

¹⁰ Marĩp̄ ãgũ irideare, marĩ masĩbirideare Õãgũ deyomarĩgũ merã marĩrẽ masĩmakũ yãmi. Õãgũ deyomarĩgũ Marĩp̄ gũñarĩrẽ masĩgũ ããrĩpererire masĩpeokõãmi.

¹¹ Gajigu masakũ gũñarĩrẽ marĩ neõ masĩbea. ãgũ basi ãgũ gũñarĩrẽ masĩmi. ãgũ irirosũta Õãgũ deyomarĩgũ suguta Marĩp̄ gũñarĩrẽ masĩmi.

¹² Marĩrẽ i ãmuma direta gũñabirikõãburo, ãrĩgũ, Marĩp̄ marĩrẽ Õãgũ deyomarĩgũrẽ sĩdi ããrĩmĩ ãgũ irirosũ gũñaburo, ãrĩgũ. Marĩrẽ maĩgũ, Õãgũ deyomarĩgũ merã ããrĩpereri ãgũ sĩdeare masĩburo, ãrĩgũ, irasiridi ããrĩmĩ.

¹³ Irasirirã guã musãrẽ Marĩp̄yare buerã, Õãgũ deyomarĩgũ masĩrĩ sĩrĩ merã buea. Guã basi masĩrĩ merã buebea. Irasirirã, Õãgũ deyomarĩgũ guare buedorerosũta ãgũrẽ oparãrẽ buea.

¹⁴ Õãgũ deyomarĩgũrẽ opamerã, Marĩp̄ Õãgũ deyomarĩgũ masĩrĩ sĩrĩrẽ gããmebema. Irire gããmemerã: “Ubu ããrĩrĩ ããrã”, ãrĩma. Õãgũ deyomarĩgũ iritamurĩ merãta marĩ ãgũyare p̄emasã. ãgũrẽ opamerã gapu ãgũyare neõ p̄emasĩbema.

* 2:9 Is 64.4

15 Marĩ Ōãgũ deyomarĩgũrẽ oparã, ĩgũ iritamurĩ merã ããrĩpereri ñerĩrẽ, òãrĩrẽ ĩã beyemasĩa. Ōãgũ deyomarĩgũrẽ opamerã gapũ, marĩ ĩgũrẽ oparã iririre neõ ĩã beyemasĩbirikuma.

16 Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ marĩ Opũ gũñarĩrẽ masĩgũ mámi. Neõ sugũno ĩgũrẽ buemasibirikumĩ”, ãrĩ gojasũdero ããrĩbũ. Marĩ gapũ Ōãgũ deyomarĩgũrẽ oparã ããrĩsĩã, marĩ Opũ Cristo gũñarĩrẽ masĩa.

3

Marĩpũyarã ĩgũrẽ moãboerã ããrĩma, ãrĩ gojadea

1 Yaarã, yũ Ōãgũ deyomarĩgũ doreri irirãrẽ buerosũ mũsarẽ buebiribũ. I ãmũ marã Ōãgũ deyomarĩgũrẽ opamerã irirosũ mũsã ããrĩmakũ ĩãgũ, irasiribũ. Cristoyare mũsã bũremuturabirimakũ ĩãgũ, majĩrãgãrẽ buerosũ mũsarẽ buebũ.

2 Irasirigũ, majĩrãgã baari baamasĩmerã, ùpĩku dita mirĩrã irirosũ mũsã ããrĩmakũ ĩãgũ, diasabiri direta mũsarẽ buebũ. Daporadere mũsã diasari buerire pémasĩbea dapa.

3 Mũsã, Ōãgũ deyomarĩgũrẽ opamerã irirosũ gãme uburikũrã, gãme ĩãdũamerã, gãme dũkawaridũarã yãa. Irasirirã i ãmũ marã ĩgũsã noó gããmerõ iridũarosũ yãa.

4 Mũsã: “Yũ Pabloyagũ ããrã”, gajigũ: “Yũ Apoloyagũ ããrã”, ãrĩ werenĩa. Irasũ ãrĩrã, i ãmũ marã masaka Ōãgũ deyomarĩgũrẽ opamerã irirosũ werenĩa.

5 Gũa Apolos merã, ¿nasirirã ããrĩrĩ mũsã ĩãmakũ? Gũa Marĩpũre moãboerã ããrã. Gũa ĩgũ iridorederosũta yãa. Irasirirã gũa Jesucristoya kerere were-makũ pérã, mũsã ĩgũrẽ bũremunugãbũ.

6 Yũ neõgoraguere mũsarẽ buerũroribũ. Irasirigũ sugũ oteri yerire otegu irirosũ iribũ. Irasiriadero pũrũ, Apolos mũsarẽ buenemogũ, oterire koregũ irirosũ iridi ããrĩmĩ. Marĩpũ gapũ oteri purimakũ irirosũ mũsarẽ Jesũre bũremunugãmakũ iridi ããrĩmĩ.

7 Irasirirã oteri yerire oterimasã, korerimasãde ubu ããrĩrã ããrĩma. Marĩpũ gapũ iri oterire purimakũ irigũ ããrĩmi. ĩgũ sugũta irire irimasĩmi.

8 Oterũroridi, pũrũ iri oteadeare koredi ĩgũsã suro merã moãboerimasã ããrĩma. Marĩpũ ĩgũsã moãderopã ĩgũsarẽ keoro wajarigũkumi.

9 Gũa Marĩpũyarã ĩgũrẽ moãboerã ããrã. Mũsã gũayarã ããrĩbea. Marĩpũyarã ããrã. Irasirirã mũsã ĩgũya pooere otedea irirosũ ããrã.

Irasũ ããrĩmakũ, mũsã ĩgũ wãri wii irimũrĩri wii irirosũ ããrã.

10 Wii irimerẽgũ borari keoro nũpũrorigũ irirosũ, yũ, Marĩpũ iritamurõ merã mũsarẽ Jesucristoyare keoro buerũroribũ. Pũrũ gajerã mũsarẽ buenemorã, iri wiire peomũrĩãrã irirosũ irirãkuma. Iri wiire odorã irirosũ mũsarẽ buenemorã, gopeyari merã keoro buero gããmea.

11 Marĩpũ Jesucristore sugũreta pídi ããrĩmĩ masakare tauburo, ãrĩgũ. Irasirigũ yũ mũsarẽ buegũ, Jesucristo masakare tauri kerere buerũroribũ. Neõ sugũno iri kerere gorawayumasĩbirikumĩ.

12 Jesucristoyare òãrõ keoro buenemorã, oro, plata, gaji wajapari ãtãyeri merã wii irirã peomũrĩãrã irirosũ irirãkuma. Gajerã gapũ piriri yuku merã, tá merã, mijĩ pũ merã tĩamũrĩãrã irirosũ irirãkuma. ĩgũsã irirosũ gajerã mũsarẽ buenemorã, ubu ããrĩrĩrẽ, mata pererinorẽ buerãkuma.

13-14 I ãmũ peremakũ, Jesucristo masakare ĩgũsã buedeare: “I mũsã buedea òãbũ, i òãbiribũ”, ãrĩ weregũkumi. Oro, plata, wajapari ãtãyeri merã iri-dea gapũ peamegue soemakũ ãjũbirikoa. Yuku, tá, pũrĩ merã iridea gapũ

ujupereakõãrokoa. Irasirigu, gajinorẽ peamegue soegu, ¿díi ujurokuri, díi ujubirikuri? arī beyerosũ, Jesucristo igũsã õãrõ, ñerõ buedeare beyegukumi. Õãrõ keoro buedire keoro wajarigukumi.

¹⁵ Õãrõ keoro buebiridi gapure wajaribirikumi. Gajino ujãrõsũ igũ buedea waja, wajataboadea pereakõãrokoa. Igũ wajatabirikeregu, peamegue waabirikumi. Tausugukumi. Wii ujãmakũ duriwiriagu irirosũ mérõgã tarigukumi.

¹⁶ ¿Musã masĩberi? Õãgũ deyomarigũ marĩguere ããrĩmi. Irasirirã Marĩpuya wii irirosũ ããrã.

¹⁷ Igũya wii irirosũ ããrĩrã, igũyarã ããrã. Irasirigu Marĩpu igũyarãrẽ poyanorẽãnorẽ poyanorẽgukumi.

¹⁸ Musã basi péwisibirikõãka! “Yu i umu marã buerire masĩtarinugãgũ ããrã”, ãrĩbirikõãka! Irire masĩmerã irirosũ ããrĩka! Irasirimakũ, Marĩpu diayeta õãrõ masĩrã dujamakũ irigukumi.

¹⁹ I umu marã igũsã masĩrĩ, Marĩpu iãmakũ ubu ããrĩrĩ ããrã. Marĩpuya werenĩrĩ gojadea pũgue ãsũ arī gojasũdero ããrĩbú: “Marĩpu gapu masĩrĩmasã: ‘Ãsũ irirãra’, arī gũñaderosũ iriduarire iribirimakũ yãmi”, arī gojasũdero ããrĩbú.

²⁰ Gajeroguedere ãsũ arī gojasũdero ããrĩbú: “Marĩ Opu, i umu marã masĩrĩmasã gũñarĩrẽ masĩmi. Irire masĩgũ: ‘Ubu ããrĩrĩ ããrã iri’, arī iãmi”, arī gojasũdero ããrĩbú.

²¹ Irasirirã musãrẽ buegure: “Gajigu nemorõ õãrõ buemi”, ãrĩbirikõãka! Marĩpu ããrĩpereri musãya ããrĩburire sĩsiadi ããrĩmĩ.

²² Irasirigu yure, Apolore, Pedrore iriumi musã õãrõ ããrĩburire buedoregu. Irasũ ããrĩmakũ, i umuma, musãya ããrĩburire sĩdi ããrĩmĩ. Dapora musã ããrĩburire, musã boadero purugue ããrĩburidere sĩdi ããrĩmĩ. I ããrĩpereri musãya ããrã.

²³ Irasũ ããrĩmakũ, musã Cristoyarã ããrã. Cristo Marĩpuyagu ããrĩmi. Irasirirã musã Cristo merã Marĩpuyarã ããrã.

4

Pablo, Jesucristo igũyare buedoregu pĩnerã moãrĩrẽ gojadea

¹ Musã gũare: “Cristore moãboerimasã ããrĩma”, arī gũñarõ gããmea. Gũare Marĩpuya kerere, masaka masĩbirideare buedoregu pídi ããrĩmĩ.

² Moãrĩmasã igũsã opu dorerire keoro irirã irirosũ gũa Cristore moãboerimasãdere igũ dorerire keoro iriro gããmea.

³ Musã yure: “Marĩ Opuyare õãrõ buemi, o õãrõ buebirimi”, ãrĩmakũ, neõ bũjawerebirikoa. Gajerã masaka, yu buerire: “Keoro ããrã, o keoro ããrĩbea”, ãrĩmakũdere neõ bũjawerebirikoa. Yu baside yu buerire: “I gapure õãrõ buebu, i gapure õãrõ buebiribu”, ãrĩmasĩbirikoa.

⁴ Yu buedeare gũñagũ: “Ñerõ buekubu”, arī gũñabea. Irasirigu: “Yu ñerõ buedea waja, waja opãa” ãrĩmasĩbea. Marĩ Opu suguta yu buerire: “Õãgorãa, o õãbea”, arī masĩmi.

⁵ Irasirirã marĩ Opu i umague dupaturi aariburo dupuyuro gajerãrẽ: “Igũ dorederosũ keoro iribema”, arī werewuabirikõãka! Igũ dupaturi aarigũ, ããrĩpererãrẽ igũsã iridea gajerã masĩbirideare masĩmakũ irigukumi. Igũsã gũñarĩgue: “Ãsũ iridũakoa”, arī gũñadeadere masĩmakũ irigukumi. Irasirigu Marĩpu õãrõ irirãrẽ: “Õãrõ iribu”, ãrĩgukumi. Igũsã õãrõ irideropã igũsarẽ keoro irigukumi.

⁶ Yaarã, musãya ããrĩburire gũa Apolos merã iririkurire werebu, musãdere gũa irirosũta iriburo, ãrĩgũ. Marĩpuya werenĩrĩ gojadea pũgue igũ dorerire

tarinugābirikōāburo, āriḡū, mūsārē irire werebu. Irasirirā mūsā guare iākūirā: “Guare buegu gapu, mūsārē buegu nemorō masītarinugāmi”, āribirikoa.

⁷ Mūsā gajerā nemorō masītarinugārā āārībea. Āārīpereri mūsā opari, Marīpu mūsārē sīdea dita āārā. Īḡū sīdea āārīkerepuḡu, iro tamerārē, ḡnasirirā mūsā basi: “Īḡūyare masīpeokoa”, āārī? Īḡū mūsārē masīrīrē sībirimakū, neō masībiribokoa. Īḡū mūsārē masīmakū iridea direta masīa.

⁸ Mūsā i gapure āsū ārī ḡūñadāa: “Gua āārīpereri opāa. Marīpuḡyare masīpeokōāa”, ārī ḡūñadāa. Irasirirā gua mūsārē Īḡūyare buenemomakū ḡāāmebea. Mūsā oparā irirosū: “Āārīpereri masītarinugārā āārā”, ārī ḡūñadāa. Mūsā diayeta oparā irirosū āārīpereri masītarinugārā āārīmakū oātaribokoa. Irasirirā gua mūsārē buerāde mūsā merā oparā irirosū āārībokoa.

⁹ Yu āsū ārī péñāa: “Marīpu guare Jesucristoyare buedoreḡu píḡu, āārīpererā nemorō ubu āārīrā irirosū āārīdoreḡu pídi āārīmī”, ārī péñāa. Irasirirā gua wējēbéosūmurā irirosū āārā. Āārīpererā i ūmḡ marā masaka, Marīpūre wereboerā iūrō gua ñerō taria.

¹⁰ Jesucristoya kerere gua buemakū, masaka guare: “Pémasīmerā āārīma”, ārīma. Mūsā gapu mūsā basi: “Gua Cristoyare pémasīpeorā āārā”, ārīkoa. Gua, mūsā iāmakūta ubu āārīrā āārā. Mūsā gapu: “Gua oparā irirosū āārā”, ārīkoa. Masaka gua gapure ubu iābéokōāma. Mūsā gapure goepeyari merā iāma.

¹¹ Gua neōgoragueta ñerō taripurorimārīrīnerā, daporaguedere irasūta āārīkōāa. Ūboāa, ñemesibua, surī opabea. Jesucristore būremumerā guare būro ñerō iribirama. Gua buegorenasīā, wiiri opabea.

¹² Irasū āārīmakū, ḡuaya āārīburire, ḡua baaburidere, ḡua basi moāpoyāa. Gajerā guare ñerō werenīmakū, ḡua gapu Marīpūre Īḡūsāya āārīburire sērēbosāa. Gajerā gua noó waaró guare ñerō irimakū, ubu péñakōāa.

¹³ Gajerā guare ñerō ārī werewuamakū, ḡua gapu Īḡūsārē āmuduarā, Īḡūsārē oārō merā werea. I ūmḡmarē Īḡūsā ḡāāmebirire Īḡūsā béodea irirosū guare iāma. Neōgoragueta guare doopurorinerā, daporaguedere irasūta doonīkōāma.

¹⁴ Irire gojagu, mūsārē ḡuyasīrīdoreḡu meta yāa. Yu mūsārē maīḡū, yu pūrārē irirosū werea.

¹⁵ Wārā gajerā diez mil gora mūsārē Cristoyare buebonerā āārīkerepuḡu, Īḡū masakare tauri kerere buepuroridi sugūta āārīmi. Iri kerere mūsārē buepuroridi yūta āārā. Yu iri kerere buemakū pérā, mūsā Īḡūrē būremunugābḡ. Irasirigḡu yu mūsāpu irirosū āārā.

¹⁶ Irasirigḡu mūsārē: “Yu iririkurire, majīrā Īḡūsā pagure iākūirōsū iākūituyaka!” ārī werea.

¹⁷ Mūsā irire irimakū ḡāāmegū, Timoteore mūsā pūroḡue iriua. Īḡū yu buedi yu magū irirosū, yu maīḡū āārīmi. Marī Opḡ ḡāāmerōsū keoro irinīkōāmi. Yu Cristore būremugū iririkurire mūsārē ḡūñamakū irigukumi mūsāde irasūta iriburo, āriḡū. Irasirigḡu, āārīpererā Cristore būremurārē āārīpererogue āārīrārē yu buederosūta mūsārē bueḡukumi.

¹⁸ Surāyeri mūsā watope āārīrā: “Pablo gua pūro aaribirikumi”, ārī ḡūñañurā. Irasirirā Īḡūsā basi: “Gua gajerā nemorō masītarinugārā āārā”, ārī, ḡūñanīkōāñurā.

¹⁹ Yu gapu āsū ārī ḡūñāa: “Marī Opḡ ḡāāmemakū, mata mūsā pūroḡue waagḡra”, ārī ḡūñāa. Iroḡue ejagu, masītarinugārā āārā, ārī werenīrārē iāḡḡra. Iri direta iābirikoa. “ḡDiayeta Īḡūsā marī Opḡ turari merā Īḡūyare irirāta yārī?” ārī iāḡḡkoa.

²⁰ Marīpu Īḡūyarārē doreri āsū āārā. Marī Īḡūyare werenīkererā irire marī iribirimakū, marī werenīrī wajamāa. Īḡū turari merā Īḡūyare irimakū

gããmemi.

21 ¿Ñeénorē gããmekuri mʉsã? ¿Mʉsã pʉroguē mʉsã ñerō iriri waja mʉsārē turigu waamakū gããmekuri, o mʉsã oārō iriri waja gapʉre mʉuyari merā mʉsārē weregu waamakū gããmekuri?

5

Ñerō irigʉre béoka! ārī gojadea

1 Gajerā āsū ārī kere werema yʉre. Sugʉ mʉsã merāmʉ ĩgū búamorēta marāpokʉayupʉ. Irire pégu, pégukakōābʉ. Gajerā Marīpʉre masīmerā āārīkererā, irasūgora ñerō iribema.

2 ĩgū ñerī irigu mʉsã merā āārīkererʉ, mʉsã gapʉ: “Gʉa gajerā nemorō oārā āārā”, ārī gūñadáa. Irasū gūñarōno irirā, ĩgū ñerī iriri gapʉre bʉro bʉjawereri merā gūñaka! Irasirirā, ĩgū ñerō iririre piribirimakū ĩārā, ĩgūrē béokōāka! Mʉsã merā nerēdorebirikōāka!

3 Yʉ gapʉ mʉsã pʉroguē āārībirikeregu, yʉ gūñarī merā mʉsã merā āārīgú irirosū āārā. Irasirigu yʉ gūñarīgue mʉsārē: “Ĩgū ñerō irigʉre béokōārō gããmea”, ārī gūñasiáa.

4 Irasirirā mʉsã, marī Opʉ Jesucristoyarā, ĩgū dorero merā nerēka! Yʉde, yʉ gūñarī merā mʉsã merā nerēgū irirosū āārīgukoa. Marī Opʉ Jesúde ĩgū turari merā mʉsã merā āārīgukumi.

5 Mʉsã irasū nerērā, ĩgū ñerō irigʉre béokōāka, wātēa opʉ Satanás ĩgū gããmerō ĩgūrē iriburo, ārīrā! Irasirigu ñerō tarigu, ĩgū ñerō iririre pirigukumi. Marī Opʉ Jesús i ũmʉgue dupaturi aarigá, ĩgūrē taugukumi.

6 ĩgū ñerō irigʉre béomerā: “Gʉa gajerā nemorō oārā āārā”, ārī gūñabirikōāka! Mʉsã ĩgū ñerō iririre ubu ĩākōārā, āārīpererā mʉsāde ĩgū ñerō iririre pērēbejarākoa. ¿Mʉsã āsū ārī wererire masīberi? “Pārē irirā, mérōgā pā wemasārī poga merā trigo pogare morēkuma. Pʉrʉ iri wemasāseyakōākoa”, ārī werea. Iri poga wemasāseyarosūta ñerīde mʉsāguere oārō seyakōārokoa.

7 Irasirirā ĩgū ñerī irigʉre béoka, gajerāde ñerō iriri, ārīrā! Gʉayarā, judío masaka pascua bosenu irimurā pā wemasāmakū iriri pogare béokuma. Irire béorosūta mʉsã ñerī iririre béoka, ñerīrē opamerā āārīmurā! Pascua bosenu āārīmakū, judío masaka ovejare wējekuma ĩgūsā ñerī iridea wajare Marīpʉre béodorerā. Oveja boaderosūta Cristo marī ñerō iridea waja boabosadi āārīmī Marīpʉ marīrē: “Ñerī marīrā āārīma”, ārī ĩāburo, ārīgū.

8 Irasirirā marī ñerī iririkʉdeare pirikōārō gããmea. Ñerīrē iriro marīrō āārīrō gããmea. Irigatori marīrō, diayema oārō werenírī merā āārīrō gããmea.

9 Yʉ mʉsārē iripoegue gojadea pūgue āsū ārī gojabʉ: “Nomerē ñerō gāmebirarikʉrārē wapikʉbirikōāka!” ārī gojabʉ.

10 Yʉ irasū gojagʉ: “Āārīpererā ñerō iririmasā i ũmʉgue āārīrārē neō wapikʉbirikōāka!” ārīgū meta iribʉ. I ũmʉguere noó mʉsã waaró Jesúre bʉremumerā āārīma. Nomerē ñerō gāmebirarikʉrā, gajerāyare bʉro gããmerā, yajarimasā, keori weadeare bʉremurīmasā wārā āārīma. ĩgūsā āārīpererogue āārīmakū, ĩgūsāno marīrōgue waamasīña máa.

11 Āsū gapʉ ārī gojabʉ: “Surāyeri mʉsã merā āārīrā: ‘Jesúre bʉremua’, ārīkererā ñerī iririkʉmakū ĩārā, ĩgūsārē wapikʉbirikōāka!” ārī gojabʉ. “Irasirirā nomerē ñerō gāmebirarikʉrārē, gajerāyare bʉro gããmerārē, keori weadeare bʉremurārē, gajerārē ñerō kere wererārē, mejārikʉrārē, yajarikʉrārē wapikʉbirikōāka! Irasiririkʉrāno merā neō baabirikōāka!” ārī gojabʉ.

12-13 Marĩpu Jesúre buremumerārē ĩgūsā ñerō iridea waja wajamoāgukumi. Irasirigu yu musārē: “Wajamoāka ĩgūsārē!” ārĩbea. Musā tamerā musā merā āārĩrārē ĩgūsā ñerō irimakū ĩārā, ĩgūsārē wajamoāka! Marĩpuya werenĩĩ gojadea pũgue gojaderosũta irika! Āsũ ārĩ gojasũdero āārĩbũ: “Sugu musā merā āārĩgũ ñerō irimakū ĩārā, ĩgũrē béokōāka!” ārĩ gojasũdero āārĩbũ. Irasirirā musā merā āārĩgũrē ĩgũ búamorē ñerō irigure béokōāka!

6

Jesúre buremurā gāme weresārĩrē gojadea

¹ Musā basi gāme guaseorā, ĩnasirirā weresārĩrē beyerimasā Jesúre buremumerā pũrogue āmudorerā waari? Jesúre buremurārē musā merāmarārē weresāduarā, gajerā Jesúre buremurārē irire āmudorerā waarō gāāmea.

² ĩIre musā masĩberi? I ũmu peremakū, marĩ Jesúre buremurā Marĩpuyarā āārĩsĩā, Jesús merā i ũmu marārē dorerā āārĩrākoa. Irasirirā ĩgūsārē doremurā daporadere marĩ gāme guaseorire āmudoremasĩa.

³ ĩIdere masĩberi musā? Marĩ Jesús merā Marĩpuyare wereboerā ũmugasigwe āārĩrārē dorerākoa. Irasirirā ĩgūsārē doremurā āārĩsĩā, i ũmumadere āmudoremasĩa.

⁴ ĩNasirirā i ũmumarē gāme guaseorā, Marĩpuyare masĩmerā pũrogue irire āmudorerā waari?

⁵ Musārē gũyasĩrĩburo, ārĩgũ, ire gojāa. ĩMusā watopeguere neō sugu masĩgũ, musā guaseorire āmugũno marĩgorakōārĩ?

⁶ Musā merāmu masĩgũno gapũre āmudorerono irirā, gajigu Jesúre buremugũrē weresāduarā, Jesúre buremumerā pũrogue āmudorerā waāa.

⁷ Irasiriro, musā gāme guaseorā, musā basi āmumasĩmerā, Jesúre buremumerā pũrogue irire āmudorerā waamakū oābea. ĩgūsārē weresārōno irirā, gajerā Jesúre buremurā musārē diaye iribirideare, musārē yajadeare irasũ ĩākōāmakū nemorō oāboakuyo.

⁸ Musā Jesúre buremurā āārĩkererā, gajerā musāyarārē diaye irimerā, musāde ĩgūsāyare yajarā yāa.

⁹ ĩIre musā masĩberi? Ñerō iririkũrā Marĩpu ĩgũyarārē dorerogwe waabirikuma. Ire péwisibirikōāka! Ũma nomerē ñerō gāmebirarikũrā, keori weadeare buremurĩmasā, gajigu marāpore ĩma marāpokũrā, gajego marāpu merā ñerō iririkũrā, ũma seyaro ĩgūsā dupũri merā ñerō iririkũrā, nomede ĩgūsā seyaro ñerō iririkũrā Marĩpu pũrogwe neō waabirikuma.

¹⁰ Irasũ āārĩmakū, yajarimasā, gajerāyare bũro gāāmerĩmasā, mejārikũrā, gajerārē ñerō kere wererimasā, ārĩgatori merā gajerāyare yajarimasā neō Marĩpu pũrogwe waabirikuma.

¹¹ ĩIripoeguere musā surāyeri irasiririkũrā āārĩnerā āārĩbũ. Irasiririkũrā āārĩkererũ, Marĩpu musā ñerĩ oparire koedi āārĩmĩ ĩgũyarā āārĩmakū irigu. Irasirigu musārē: “Oārā, waja opamerā āārĩma”, ārĩ ĩāmi. Marĩ Opũ Jesucristo iridea merā, Oāgũ deyomarĩgũ musāguere āārĩrĩ merā irasũ ārĩ ĩāmi.

Marĩya dupũ merā oārō iridorea, ārĩ gojadea

¹² Masaka surāyeri āsũ ārĩ werenĩma: “Marĩ iridũarire noó gāāmerō irimasĩa”, ārĩ werenĩma. Irasũta āārā, ārĩrō tamerā. Yu iridũari gajerārē iritamubirimakū ĩāgũ, irire iribea. Irasirigu irire piridũagu, pirikōārō gāāmea.

¹³ I masaka werenĩrĩ diayeta āārā. Āsũ ārĩ werenĩma: “Baari, marĩya paruma āārĩburi āārā. Marĩya paru, baari baasādiru āārā”, ārĩ werenĩma. Marĩpu gapũ i pe wāĩrē peremakū irigukumi. Irasiriro baari, marĩya paru

irasū āārīkōārō yáa. Āsū gapu āārā. Marīpu, marīya dupu irigu, ñerīrē uaribejaburi dupure iribiridi āārīmí. Marī Opu Jesucristo gāāmerī gapure iriburi dupu āārā. Īgūta marī merā āārīgú marīya dupu Opu āārīmi irire ōārō iribu.

¹⁴ Marīpu Īgū turari merā marī Opu Jesucristo boadero paru, Īgūya dupure masūdi āārīmí. Īgūrē masūderosūta marī boadero paru, marīya dupudere masūgukumi.

¹⁵ ¿Ire musā masīberi? Marī Cristoyarā āārīmakū, marīya dupu, Īgūya dupuma āārīrī irirosū āārā. Marī irasū āārīrā, nomeō ūma merā ñerō iririkurimasō merā ñerō irimakū ōābirigorakōāa. Irasirirā irinorē neō iribirikōāadorea.

¹⁶ ¿Idere musā masīberi? Marīpuya werenírī gojadea pūgue āsū ārī gojasūdero āārībú: “Īmúu, nomeō merā marāpokugū, pērā āārīkererā, Marīpu Īāmakū su dupu irirosūta āārīrākuma”, ārī gojasūdero āārībú. Irasirigu sugū ñegō merā marāpokumakū, Īgūya dupu igoya dupu merā āārīrō, su dupu irirosūta āārā.

¹⁷ Irasūta sugū marī Opu Jesucristore bāremugū Īgū merā pērā āārīkererā, su dupu irirosūta āārīma. Irasirirā su gūñarīta opama.

¹⁸ Irasirirā ūma nomerē gāmebirarire neō iribirikōāka! Gaji marī ñerō iririre irirā, marīya dupuguere ñerō iribea. Ūma Īgūsā marāposā nome āārīmerā nomerē gāmebirarā gapu Īgūsā basi Īgūsāya dupure ñetariro irirā yáma. Cristoya dupuguere ñerō irirā irirosū yáma.

¹⁹ ¿Musā ire masīberi? Marīpu marīrē Ōāgū deyomarīgūrē sīdi āārīmí. Irasirigu Ōāgū deyomarīgū marīguere āārīmakū, marīya dupu Īgūya wii irirosū āārā. Irasiro marīya dupu marīya dupugora āārībea.

²⁰ Marīpu marīrē buro maīgū, Jesucristore iriudi āārīmí marī ñerī iridea wajare wajaridoregu. Īgūyarā āārīburo, ārīgū, irasiridi āārīmí. Irasirirā marī Īgū wajarinerā āārīsīā, marīya dupu merā Marīpu gāāmerōsūta iriro gāāmea gajerāde Īgūrē bāremuburo, ārīrā.

7

Mojōsiarimarē gojadea

¹ Daporare musā yure sērēña gojadeare yujugura. Marāpokubirimakū, marāpokubirimakū, ōāgorāa.

² Irasū āārīkereparu, āārīpereroguerē ūma nomerē gāmebirari āārā. Irasirirā ūma Īgūsākū marāpokuro gāāmea, gajerā nome merā ñerō iriri, ārīrā. Nomedē Īgūsākū marāpokuro gāāmea, gajerā ūma merā ñerō iriri, ārīrā.

³ Marāpokugū Īgū marāpo merā ōārō āārīrikuro gāāmea. Igode marāpu merā ōārō āārīrikuro gāāmea.

⁴ Marāpokugore igoya dupu igoya dita āārībea. Igo marāpu gāāmerōsūta Īgū merā āārīrō gāāmea. Igo marāpudere Īgūya dupu Īgūya dita āārībea. Īgū marāpo gāāmerōsūta igo merā āārīrō gāāmea.

⁵ Āsū iriburo. Igo marāpu igo merā āārīdūamakū yujuburo. Īgūde igore yujuburo. Īgūsā Marīpure sērēmurā: “Irikunārī marī iririkurinorē iribirikōārā”, ārī āmuadero paru merē irasū iribirikōāburo. Marīpure sērē odoadero paru, dupaturi Īgūsā āārīrikuderosūta āārīburo doja. Īgūsā irasiribirimakū, wātī Īgūsārē gajerā merā ñerō irimakū iribokumi.

⁶ Yū musārē ire dorerigora irirosū werenīgū meta yáa. Musā irasū irimakū ōārokoa, ārīgū, irasū ārā.

⁷ Y_u āsū ārī gūñāa. Āārīpererā m_usā y_u irirosūta marāpo marīrā āārīmakū gāameadikoa. Marīp_u gap_u marī āārīpererārē s_urosū pībiridi āārīmī. Surāyerire marāpo marīm_urārē, o marāp_u marīm_urārē pīdi āārīmī. Gajerā gap_ure marāpok_umurārē, o marāp_uk_umurārē pīdi āārīmī.

⁸ Irasirig_u m_usā marāpo marīrārē, marāp_u marīrārē, wapiweyarā nomerē āsū ārā. Y_u irirosū m_usā marāpok_ubirimakū, o marāp_uk_ubirimakū ōāgorāa.

⁹ Ūma, nome merā āārīd_uarire n_ugāmerāno marāpok_uburo. Nomedē irasūta iriburo. Īgūsā marāpok_umakū, marāp_uk_umakū ōāgorāa. Irasirirā Īgūsā nome merā, ūma merā āārīd_uari direta gūñanībirikuma.

¹⁰ Marāpok_urārē, marāp_uk_urārē y_u āsū dorea. I y_u doreri āārībea. Marī Op_u ire doredi āārīmī. Āsū ārī doredi āārīmī: “Nomeō igo marāp_ure béobirikōāburo”.

¹¹ Nomeō igo marāp_ure béogo, gajig_ure marāp_uk_ubirikōārō gāamea. Igo marāp_u āārīdi merā āmubeo, sugota āārīkōārō gāamea. Ūm_ude Īgū marāpore béobirikōārō gāamea. Īgūde Īgū marāpo āārīdeo merā āmubi, marāpo marīgūta āārīkōārō gāamea.

¹² Gajerārē y_u gūñarīrē wereg_ura marī Op_u weredoredea āārībirikerep_uu. Āsū ārā. Sug_u Jesūre b_uremugū, Jesūre b_uremubeore marāpok_uadero p_uru, igo Īgū merāta dujad_uamakū, igore béobirikōārō gāamea.

¹³ Nomeōde Jesūre b_uremugō Jesūre b_uremubire marāp_uk_ugo, igo merā Īgū dujad_uamakū, Īgūrē béobirikōārō gāamea.

¹⁴ Sug_u Jesūre b_uremubi marāpo Jesūre b_uremugō āārīmakū Īāgū, Marīp_u Īgūrē: “Yaag_u irirosū āārīmī”, ārī Īāmi. Irasūta sugo Jesūre b_uremubeo marāp_u Jesūre b_uremugū āārīmakū Īāgū, Marīp_u igore: “Yaago irirosū āārīmo”, ārī Īāmi. Īgū irasū Īābirimakū, Īgūsā pūrā Jesūre b_uremumerā pūrā irirosū āārībokuma. Irasirig_u Īgūsā pūrādere Jesūre b_uremurā pūrā irirosū Īāmi.

¹⁵ Jesūre b_uremubi gap_u Īgū marāpo Jesūre b_uremugōrē béod_uag_u, béoburo. Irasūta Jesūre b_uremubeo igo marāp_u Jesūre b_uremugūrē béod_uago, béoburo. Marīp_u marīrē gajerā merā gāmekēārō marīrō _us_uyari merā āārīmakū gāāmemi. Irasirirā Īgūsā béod_uamakū ōāgorāa.

¹⁶ Jesūre b_uremugō, igo marāp_u Jesūre b_uremubire: “Y_u merā āārīgū, b_uremug_ukumi”, ārīmasīña m_ua. Irasūta Jesūre b_uremugū, Īgū marāpo Jesūre b_uremubeore: “Y_u merā āārīgō, b_uremugokumo”, ārīmasīña m_ua.

¹⁷ Āsū iriro gāamea marīrē āārīpererā marī Op_u Jesucristoyarārē. Marīp_u marīrē Jesūre b_uremun_ugādog_u siuideapoe Īgū marīrē: “Āsū irika!” ārī pīderosūta iriwāgārō gāamea. Y_u irire āārīperero marārē Jesūre b_uremurārē dorea.

¹⁸ Marīp_u sug_ure Īgūya dup_uma gasirogārē* wiirisūdire siimakū, irasūta dujaro gāamea. Irasūta wiirisūbire siimakū, wiirisūbita dujaro gāamea.

¹⁹ Daporare wiirisūnerā āārīrī, wiirisūbirinerā āārīrīde wajamāa. Marīp_u dorerire marī iriri gap_u wajak_utarin_ugāa.

²⁰ Irasirirā Marīp_u marīrē masakak_ure siuideapoe Īgū marīrē pīderosūta iriwāgārō gāamea.

²¹ Marīp_u m_usārē siuideapoe surāyeri gajerārē moāboerimasā āārīb_u. Irasū āārīkererā, m_usā moāboerimasā āārīrīrē gūñarik_ubirikōāka! Gajipoe m_usā oparā m_usārē wiud_uamakū, wirika!

* **7:18** Gn 17.1-14: Iripoegue Marīp_u Abrahārē Īgū pūrā ūmarē: “Yaarā āārīburo”, ārīgū, Īgūsāya dup_uma gasirogārē wiiridoredi āārīmī. P_uru iri dorerire Moisére pīdi āārīmī. Irasirirā judío masaka Abraham parāmerā āārīturiarā iri dorerire irirā, Īgūsā pūrā ūmarē su mojōma pere gaji mojō _ugeru pērēbejarin_urī waaró merā Īgūsā deyoadero p_uru irasū yāma.

22 Marĩpu musārē marĩ Opu Jesucristore buremudoregu siudi āārĩmĩ. Irasirirā surāyeri musā gajerārē moāboerimasā āārĩkererā, daporare Jesucristoyarā ĩgũ wiunerā irirosũ āārā ĩgũyare irimurā. Musā gajerārē moāboerimasā āārĩbirikererā, daporare Jesucristore moāboerā āārā.

23 Marĩpu marĩrē ĩgũyarā āārĩburo, ārĩgũ, ĩgũ magũ Jesucristo boagu dí béodea merā wajaridi āārĩmĩ. Irasirirā masakare moāboerā irirosũ āārĩbirikōāka! Masaka gāāmerĩnorē iribirikōāka! Marĩpu gāāmerĩ gapure irika!

24 Irasirirā, Marĩpu musārē Jesucristore buremunugādoregu siudeapoe musārē píderosũta ĩgũ merā oārō āārĩnikōāka!

25 Daporare musā marāpo marĩrārē, marāpu marĩrādere wereduakoa. I yu wereburi marĩ Opu weredoredea āārĩbea. Irasũ āārĩbirikererupu, yu basi gũñarĩ merā musārē weregura. Marĩ Opu yure bopoñarĩ merā ĩāsĩā, yure iritamumi. Irasirirā musā yu wererire: “Īrimakũ oāgorāa”, ārĩ masĩrākoa.

26 Daporare marĩrē wāri ñerō tariri āārā. Irasirirā musā āārĩrikurosũta dujamakũ oāgorāa.

27 Marāpokurā, marāpokurā gāme béobirikōāka! Marāpo marĩrā, marāposā nome āmabirikōāka!

28 Yu musārē irire werekererupu, musā marāpokurā, Marĩpu dorerire tarinugārā meta yāa. Nomeōde marāpokugo, Marĩpu dorerire tarinugāgō meta yāmo. Irasũ āārĩkererupu, marāpokurā, marāpokurā gapu ĩgũsā okarinurĩrē poyari merā āārĩrākuma. Irasirigu yu irire: “Poyari merā āārĩbokuma”, ārĩgũ: “Marāpo marĩrā, marāpu marĩrā āārĩkōāka!” ārā musārē.

29 Yaarā, yu musārē irasũ ārĩgũ, āsũ ārĩduagu yāa. Marĩ i ũmugue āārĩrikuri pereburo mérō duyāa. Irasirirā daporare marāpo marĩrā Marĩpu yare oārō moārōsũta marāpokurādere oārō moārō gāāmea. Marāpokurā nomede irasũta Marĩpu yare oārō iriro gāāmea.

30 Marĩ orekererā, bujoweremerā irirosũ āārĩrō gāāmea. Usuyakererā, usuyari merā bosenu irimerā irirosũ āārĩrō gāāmea. Gajino wajarikererā: “I yaa āārĩnikōārokoa”, ārĩ gũñabirikōārō gāāmea. Irasirirā, marĩrē Marĩpu yare oārō iriro gāāmea.

31 I ũmuma marĩ ĩārĩ perewāgārō yāa. Irasirirā i ũmumarē iriduarire buro gũñarikubirikōārō gāāmea.

32 Yu musārē gũñarikuoro marĩrō āārĩmakũ gāāmea. Marāpo marĩgũ, marĩ Opuyare oārō gũñami. Irasirigu ĩgũrē usuyamakũ gāāmegũ, ĩgũyare oārō yāmi.

33 Marāpokugũ gapu ĩgũ marāpo oārō usuyari merā āārĩmakũ gāāmegũ, i ũmumarē gũñami.

34 Irasirigu marĩ Opu gāāmerĩrē, ĩgũ marāpo usuyamakũ gāāmerĩ gapudere gũñami. Nomedere irasũta āārā. Marāpu marĩgō marĩ Opuyare oārō gũñamo. Igo gũñarĩ merā Marĩpu yago oārō āārĩduago, ĩgũ gāāmerōsũta iridũamo. Marāpokugo gapu igo marāpu oārō usuyari merā āārĩmakũ gāāmegō, i ũmumarē gũñamo.

35 Yu musārē oārō waaburo, ārĩgũ, marĩ Opu gāāmerĩ direta keoro iridoregu ire gojāa. Musārē marāpokurire, marāpokurire kāmutagu meta yāa.

36 Sugũ ĩgũ magō búro waamakũ ĩāgũ, āsũ ārĩbokumi: “Yu magōrē oārō iribirikoa. Igo marāpokumakũ oāboko”, ārĩbokumi. Irasũ ārĩgũ nome-sukōāburo. Irasiriri, ñerō iriri āārĩbea.

37 Gajigu gapu: “Nomesuro gāāmekoa”, ārĩbiribokumi. Āsũ gapu ārĩbokumi: “Yu magō marāpokubirikōāburo”, ārĩbokumi. ĩgũ irasũ ārĩmakũ, igore oārō waabokoa. ĩgũ irasũ iriduari oāgorabokoa.

³⁸ Magõrẽ marãpukudoregũ, õãrõ irigũ yámi. Irota marãpukudorebi gapũ nemorõ õãrõ iritarinugãgũ yámi. Daporare marĩrẽ wári ñerõ tariri ããrã. Irasiriro marãpukubirimakũ, marãpokubirimakũ nemorõ õãa.

³⁹ Marĩpũ marĩrẽ doreri ãsũ ãrã. Marãpukugo igo marãpũ okamakũ, ãgũ merã ããrĩnikõãburo. ãgũ boadero purugue, gajigũ igo suyugure marãpukumasĩgokumo ãgũ Jesúre bũremugũ ããrĩmakũ.

⁴⁰ Yũ gapũ ãsũ ãrĩ gũñáa. Igo dupaturi marãpukubeo, nemorõ uũyabokumo. Yũde, gajerã mũsãrẽ buerimasã irirosũ Õãgũ deyomarĩgũrẽ opáa. Irasirigũ irire werea mũsãrẽ.

8

¿Keori weadea pũro baari pídeare baamakũ õãkuri? ãrĩ gojadea

¹ Dapora mũsã: “¿Keori weadea pũro baari pídeare baamakũ õãkuri?” ãrĩ sãrẽñadeare yũjugura. Mũsã irire masĩa. ãgũsã bũremurĩ weadea neõ wajamãa. Irasirirã: “Gua tamerã õãrõ masĩa”, ãrĩ gũñarã, gajerãrẽ masĩtarinugãdũarã irirosũ yáa. Gajerãrẽ maĩrã, ãsũ gapũ iriro gããmea. Nemorõ ãgũsãrẽ Marĩpũyare bũremunemomakũ iriro gããmea.

² Sugũ: “Masĩpeokõãa”, ãrĩgũno, õãrõ masĩbemi. Wári dũyáa ãgũ masĩbiri.

³ Marĩpũ ãgũrẽ maĩgũ gapũre masĩmi. “Yaagũ ããrĩmi, ãgũrẽ masĩa”, ãrĩmi.

⁴ Irasirigũ yũ mũsãrẽ keori weadea pũro baari pídea baarire weregura. Dayeta ããrã. ãgũsã bũremurĩ weadea neõ wajamãa. Gajigũ, Marĩpũ irirosũ ããrĩgũ neõ mámi. ãgũ sugũta ããrĩmi.

⁵ Gajerã masaka ãgũrẽ bũremunerã wãrã gajerãnorẽ bũremuma. Ñmarõgue ããrĩrãrẽ, i ãmũgue ããrĩrãrẽ bũremuma. “Marĩ bũremurã, marĩ oparã ããrĩma”, ãrĩ bũremuma.

⁶ Marĩpũ sugũta ããrĩpererire iridi ããrĩmĩ. Irasirirã marĩ ãgũyarã ããrĩsĩã, ãgũ dorerire irimurã ããrã. Irasũ ããrĩmakũ, Jesucristo sugũta marĩ Opũ ããrĩmi. ãgũ merã Marĩpũ ããrĩpererire iridi ããrĩmĩ. ãgũ merã marĩdere ãgũyarã ããrĩmakũ iridi ããrĩmĩ. Irasirirã ãgũ merã ããrĩnikõãrãkoa.

⁷ Yũ wereri diaye ããrĩkererũ, surãyeri Jesúre bũremurã irire masĩbema. Iripoegue keori weadeare bũremunerã ããrĩsĩã, daporadere iri keori weadea pũro baari pídeare baarã: “Marĩ bũremunerã keori weadeare bũremurã yáa”, ãrĩ gũñadima. Irasirirã õãrõ masĩmerã irire baarã: “Ñerõ irirã yáa”, ãrĩ gũñadima. Irasũ gũñakererã, irire baakõãma.

⁸ Marĩ irire baarã, Marĩpũ merã nemorõ õãrõ ããrĩmasĩbirikoa. Gajerã nemorõ õãrã waabirikoa. Irire baamerãde, gajerã nemorõ ñerã waabirikoa.

⁹ Irasũ ããrĩkererũ, õãrõ pémasĩka! Mũsã noó gããmerõ baarã, gajigũ Jesúre bũremuturabire ñerõ irimakũ iribirikõãka!

¹⁰ ãsũ ããrã. “ãgũsã bũremurĩ keori weadea neõ wajamãa”, ãrĩ masĩa. Irasirirã iri keori weadeare bũremurĩmasã baarogue baarã: “Õãbea”, ãrĩ gũñabea. Jesúre bũremuturabi gapũ, mũsã irogue baamakũ ããgũ: “Irogue baarã, Marĩpũre bũremubema”, ãrĩ gũñabokumi. Irasũ ãrĩ gũñakererũ, mũsãrẽ ããkũĩ, ãgũde baakõãbokumi. Irasũ baagũ: “Ñerõ irigũ yáa”, ãrĩ gũñabokumi. ãgũ irasũ gũñamakũ, mũsã ãgũrẽ ñerõ irimakũ irirãkoa.

¹¹ Mũsã õãrõ masĩrã irogue baarã, gajigũ õãrõ masĩbi gapũre ñerõ irimakũ iribokoa. Cristo ãgũdere boabosadi ããrĩmĩ. Irasirirã mũsã baari merã Cristoyagũre poyanorẽbokoa.

¹² Irasũ ããrĩmakũ, gajigũ õãrõ masĩbire: “Irire baamakũ ñegorãa”, ãrĩ gũñakererũ irire baamakũ irirã, Cristodere ñerõ irirã yáa.

¹³ Irasirigu yu baari merã gajigu Cristoyagure ñerõ irimakũ iribokoa, ãrĩgũ, iri baarire neõ dupaturi baabirikoa.

9

Jesús buedoregu pídi ìgũ wajatarimarẽ gojadea

¹ Jesucristo yure ìgũyare buedoregu pídi ããrĩmí. Irasirigu yude gajerã ìgũ buedoregu pínerã irirosũta irimasĩa. Yude marĩ Opu Jesúre ìãdita ããrã. Irasũ ããrĩmakũ, yu musãrẽ ìgũya kerere buemakũ pérã, ìgũrẽ bñremunugãbu.

² Gajerã yure: “Ìgũ Jesús buedoregu pídi meta ããrĩmí”, ãrĩ werewñakerepũrũ, musã gapũ irasũ ãrĩbea. Yu buemakũ pérã, musã Jesúre bñremubu. Irasirirã ìgũrẽ bñremurã ããrĩsĩã, yure: “Ìgũ Jesús buedoregu pídi ããrĩmí”, ãrĩ masĩa.

³ Yure werewñarãrẽ ãsũ ãrĩ yũjũgura.

⁴ Yu musãrẽ bueri waja, musã yure baari ejo, iirĩri tĩãmakũ ñeãmasĩa.

⁵ Gajerã Jesús buedoregu pínerã, ìgũ pagũpũrã, Pedrosã buegorenarã, ìgũsã marãposã nomerẽ ãĩãnama. Ìgũsã irirosũta yude Jesucristore bñremugõrẽ marãpokũgũ ãĩãnabokoa.

⁶ ¿Naásũ gũñarĩ musã? Gajerã Jesús buedoregu pínerã musãrẽ buerã, ìgũsã baaburire moã wajatabema. ¿Nasirirã yu, Bernabé musãrẽ buerã, gũa baaburire wajataðurã, moãduumasĩbirikuri?

⁷ Surara ìgũ baaburi waja ìgũ basi wajaribirikumi. Ìgũ surara moãrĩ waja ìgũ oparã gapũ irire wajaribosakuma. Iguidari otedi, ìgũ otedea ðukare tea, baamasĩkumi. Ovejare koregũde, ìgũsãya ùpĩkure bipi, iirĩmasĩkumi.

⁸ Yu musãrẽ irasũ ãrĩgũ, masaka gũñarĩ merã werebea. Yu ãrĩrõsũta Marĩpu doreri gojadea pũgue ãsũ ãrĩ gojasũdero ããrĩbũ:

⁹ “Wekũ trigo yeri gasirire ìgũya guburi merã kũra koro, trigore baadũagu baaburo. Ìgũya disi túsãrĩ berore túsãbirikõãka!” ãrĩ gojasũdero ããrĩbũ. Marĩpu irire doregu, wekũyama diretta ãrĩgũ meta iridi ããrĩmí.

¹⁰ Irire doregu, gũa ìgũya kerere buerãya ããrĩburire ãrĩgũ iridi ããrĩmí. ãsũ ããrã. Sugũ oteburore ãmukumi. Pũrũ gajigu iro otedea ðukare seakumi. Irasirirã iri otedea ðukare ðukawaburire gũñarã, pẽrãgueta õãrõ moãkuma.

¹¹ Gũa musãrẽ Marĩpũya werenĩrĩrẽ buerã, oterimasũ ìgũ oteri yerire otegu irirosũ iribu. Oterimasũ ìgũ moãrĩ waja, ìgũ otedea ðukare seamasĩkumi ìgũya ããrĩburire. Irasiriro, gũa musãrẽ bueri waja, musã guaya ããrĩburire gajino guare sĩmakũ õãbokoa.

¹² Musã guare sĩbirikererã, gajerã buerã musãrẽ sẽrẽmakũ, ìgũsã gapure sĩyuro. Gũa gapũ ìgũsã nemorõ sẽrẽmasĩa musãrẽ bueri waja.

Gũa musãrẽ: “Sĩka!” ãrĩbonerã ããrĩkererã, neõ irasũ ãrĩbea. “Ìgũsã Cristoya kerere pẽdũabiribokuma gũa ìgũsãrẽ gajinorẽ sẽrẽmakũ”, ãrĩ gũñabu. Irasirirã gũa gããmerĩrẽ opabirikerepũrũ, musãrẽ neõ sẽrẽbiribu.

¹³ Musã ire masĩa. Marĩpũya wiigũe moãrĩmasã, Marĩpũre bñremurã waibu diĩ ãrĩ sĩdeare baama ìgũsã irogue moãrĩ waja. Iri wiima waimũrãrẽ wẽjẽ soepeoro pũro moãrãde irireta baama.

¹⁴ I irirosũta marĩ Opu ìgũya kerere wererãya ããrĩburire ãsũ ãrĩdi ããrĩmí: “Ìgũsã moãrĩ merã ìgũsã baaburire wajata baaburo”, ãrĩdi ããrĩmí.

¹⁵ Irasũ ããrĩkerepũrũ, yu gapũ musãrẽ: “Sĩka!” neõ ãrĩbiribu. Daporadere gojagu, musãrẽ gajino sẽrẽgũ meta gojãa. Uboari merã boakeregu, musãrẽ buedea waja neõ wajaseabirikoa. Irasirigu wajamarĩrõ musãrẽ usũyari merã buea. Yu musãrẽ buedea waja merã neõ wajata baabirikoa.

16 Marĩpu yure ĩgũ masakare tauri kerere weredoregu pĩdi ããrĩmĩ. Irasirigu yu iri kerere weregu: “Gajerã nemorõ masĩtarinugãgũ ããrã”, neõ ãrĩ gũñabea. Iri kerere werebi, buro bujawereri merã ñerõ taribokoa.

17 Iri kerere yu basi yu gũñarĩ merã buegu, wajatabokoa. Marĩpu yure dorederosũta iri kerere buegu, ĩgũ yure pĩdea gapure irigu yáa. ĩgũ yure pĩderosũta iriro gããmea. Gaji gapure neõ irimasĩña máa.

18 Irasirigu Jesucristoya kerere buegu, yu bueri waja musãrẽ: “Wajarika!” ãrĩ sërëbuno ããrĩkeregu, irire neõ sërëbiribu. Yu irasirimakũ, yu wajatari ãsũ ããrã: “Jesucristo ĩgũrẽ buremurãrẽ taugukumi”, ãrĩrĩ kerere wajamarĩrõ buegu, õãrõ usuyari merã ããrã. Irita ããrã yu wajatari.

19 Masakare moãboegu neõ ããrĩbirikeregu, ããrĩpererãrẽ moãboegu irirosũ irigu yáa, ĩgũsã Jesucristoya kerere pëburo, ãrĩgũ. Wãrã ĩgũrẽ buremumakũ gããmegũ, irasũ yáa.

20 Irasirigu yaarã judío masaka merã ããrĩgũ, ĩgũsã õãrĩ iririkurosũta yáa, ĩgũsã Jesúre buremumakũ gããmegũ. ãsũ ããrã. ĩgũsã Moisés dorerire buremuma. Yu Moisés doreri direta buremugũ ããrĩbirikeregu, ĩgũsã merã ããrĩgũ, ĩgũsã iririkurosũta yáa, yu buerire pëmakũ gããmegũ.

21 Moisés dorerire buremumerã merã ããrĩgũ, ĩgũsã õãrĩ iririkurosũta yáa, ĩgũsãde Jesúre buremumakũ gããmegũ. Irasirikeregu, Cristore buremusiã, Marĩpu dorerire tarinugãbea.

22 Jesúre buremuturamerã merã ããrĩgũ, ĩgũsã õãrĩ iririkurosũta yáa, ĩgũsãde Jesúre buremunemburo, ãrĩgũ. “Musã nemorõ Jesúre buremugũ, ĩgũyare masĩpeogu ããrã”, neõ ãrĩbea ĩgũsãrẽ. Irasirigu ããrĩpererã õãrĩ iririkurosũta yáa: “Surãyeri yu buerire përá, tausũrãkuma”, ãrĩgũ.

23 I ããrĩpererire irasũ yáa: “Jesucristo ĩgũrẽ buremurãrẽ taugukumi”, ãrĩrĩ kerere ĩgũsã õãrõ pëburo, ãrĩgũ. ĩgũsã iri õãrĩ kerere buremumakũ ĩãgũ, yu ĩgũsã merã buro usuyáa.

24 Musãrẽ i keori merã ãsũ ãrĩ werea. Ũma birarimasã, ããrĩpererã ũmakererã, wajataperebirikuma. Ũmaturagu dita wajatakumi. Irasirirã, wajatadũagu buro ũmaderosũta musãde Marĩpu gããmerĩrẽ õãrõ irika, ĩgũ sĩburire wajatamurã!

25 ããrĩpererã ũma biramurã ĩgũsã ũmaburi dupuyuro õãrõ ũma buekuma. ããrĩpereri ĩgũsãya dupure poyanorërirẽ pirikõãkuma. Olivo wãĩkũdima pũrĩ merã iridea berore wajatadũarã, irasũ ũma buekuma. Puru gajerãrẽ ĩmurã, wajatadiya dipurugue iri berore peokuma. Iri bero mata boakõãkoa. Marĩde Marĩpuyare õãrõ buero gããmea. Ñerĩrẽ pirikõã, ĩgũ gããmerĩ gapure iriro gããmea, ĩgũ sĩburire wajatamurã. ĩgũ sĩrĩ neõ boabirikoa.

26 Irasirigu yu gapu, ũma birarimasũ ĩgũ noó gããmerõ ũmagũ irirosũ iribe. Yu gããmerõ irimoãmabea. Marĩpuyare masĩsĩã, ĩgũ gããmerĩrẽ irigu yáa.

27 Irasirigu yu iridũarire, yu haribejarire iribe. Yu iridũarire irimakũ, gajerãrẽ Marĩpuyare buedi ããrĩkerepuru, Marĩpu yure: “Õãrõ iribu”, ãrĩbiribokumi.

10

Keori weadeare buremubirikõãka! ãrĩ gojadea

1 Yaarã, musãrẽ irire masĩmakũ gããmea. Marĩpu, guã ñekũsãmarã merã ããrĩdi ããrĩmĩ ĩgũsãrẽ Egiptogue ããrĩrãrẽ ãĩ wiugu. ĩgũ iriudea mikãyebo merã ĩgũsãrẽ dupuyudi ããrĩmĩ. ããrĩpererã ĩgũrẽ tũyarã, dia wãdiya, deko diidiya wãĩkũdiya dekgue, bojori maã ĩgũ iridea maague taribujanerã ããrĩmã.

² Īgūsā Moisés merā mikāyebo doka, dia wádiyare taribujanerā āārīmá. Iro taribujarā, āārīpererā Īgū merā wádiya dekogue wāīyesūrā irirosū waanerā āārīmá. Iri merā Īgūyarā āārīrīrē ĩmunerā āārīmá.

³ Īgūsā āārīpererā Marīpu sídea ũmugasima baarire baanerā āārīmá.

⁴ Āārīpererā Marīpu ũtāyegue deko wiridoredeare iirínerā āārīmá. Cristo iri ũtāye irirosū āārīdi āārīmí. Īgūta okari sídi āārīmí. Irasirigu Īgūta Īgūsārē wapikuwāgādi āārīmí.

⁵ Marīpu Īgūsārē ōārō iritamukerepuru, wárā Īgū dorerire tarinugānerā āārīmá. Īgūsā irasirimakū ĩāgū, Marīpu Īgūsārē ĩāsuyubiridi āārīmí. Irasirigu Īgūsārē masaka marīrōgue boamakū iridi āārīmí Īgū dorerire tarinugādea waja.

⁶ Āārīpereri Īgūsārē waadea kere, marīrē Īgūsā iriderosū ñerīrē iribirikōāburo, ārī keori pídea āārā.

⁷ Irasirirā, keori weadeare surāyeri Īgūsā buremuderosū buremubirikōāka! Keori weadeare Īgūsā buremudeare Marīpuya werenírī gojadea pūgue āsū ārī gojasūdero āārībú: “Masaka baa, iirí odo, bosenu irinugānerā āārīmá”, ārī gojasūdero āārībú.

⁸ Puru surāyeri ũma nomerē ñerō iri gāmebiranerā āārīmá. Īgūsā iriderosū iribirikōārō gāāmea marīrē. Īgūsā ñerō iriri waja, sunarē veintitrés mil masaka boanerā āārīmá.

⁹ Gajipoe gajerā: “Marīpu guare ōārō korebemi”, ārī werewuanerā āārīmá. Īgūsā arīderosū arībirikōārō gāāmea marīrē. Īgūsā ñerō werenírī waja Īgūsārē āña kūrī wējēnerā āārīmá.

¹⁰ Gajipoe gajerā Īgūsā Marīpu irideare ñerō ārī werewuamakū, Marīpure wereboegu Īgūsārē wējēdi āārīmí. Īgūsā arīderosū arībirikōārō gāāmea marīrē.

¹¹ Marīrē inu marārē i ũmu pereburo mérōgā duyawāgāriro yáa. Irasirigu Marīpu Īgūya werenírī gojadea pūgue gūa ñekūsāmarārē Īgū wajamoādeare gojadoredi āārīmí, Īgūsā iriderosū ñerō iribirikōāburo, arīgū.

¹² Sugū: “Yu tamerā Marīpure ōārō buremusiā, ñerō iribirikoa”, ārī gūñagūno, ōārō pémasika, iripoegue marā iriderosū ñerīrē iriri, arīgū!

¹³ Gajipoere marī āārīpererā sugū duyaro marīrō ñerīrē iriduarā, wātī ñerī arīmesāsūrā, ñerō tarirā āārā. Irasū āārīkerepuru, Marīpu gapu Īgū arīderosūta marīrē iritamunikōāmi ñerīrē tarinugāburo, arīgū. Marī ñerīrē tarinugānemomasībirimakū ĩāgū, gaji ñerīrē tau kāmūtagakumi marīrē poy-anorērī, arīgū. Irasirigu marīrē Īgū merā gūñaturamakū irigukumi ñerīrē iribirikōāburo, arīgū.

¹⁴ Yaará yu maírā, yure péka! Neō keori weadeare buremubirikōāka!

¹⁵ Musā ōārō pémasirā āārīmakū, irire musārē werea. Irasirirā yu arīrīrē: “Diyeta āārā”, ārī masīa.

¹⁶ Marī nerē bokatīrīrā Marīpure: “Ōāa”, ārī, usuyari sí odo, igui deko iirīripare iiría. Irasū iirírā: “Cristo boagu, marī ñerī iridea wajare Īgū dí béodea merā wajaribosadi āārīmí”, ārī ĩmua. Pārūrē marī dukawa baarā: “Cristo Īgūya dupu curusague boadea merā marīrē Īgūyarā āārīmakū iridi āārīmí”, ārī ĩmua.

¹⁷ Marī wárā āārīkererā, suru pārūrē dukawa baarā, āārīpererā marī Cristo-yarā su duputa irirosū āārā. Irasirirā suguyarāta āārā.

¹⁸ Guayarā Israel marā Moisés dorederosūta iririre gūñaka! Marīpure buremurā, Īgūya wiigue waibure āña wējē soema. Wējē soe odo, Marīpu ĩūrō díre baama. Irasū baarā: “Marīpuyarā āārā”, ārī ĩmuma.

19 Y_u ire irasū āriḡū: “Keori weadea wajak_{ua}, irasiro iri keori weadea puro waib_u dií pídea, gaji waib_u dií nemorō āārā”, āriḡū meta yáa.

20 Āsū gap_u āri werea. Marīpure masīmerā, keori weadea puro waib_u dií pírá, Marīpure b_uremubema. Wātēa gap_ure b_uremurā yáma. Īḡūsā irasū b_uremumakū, Īḡūsā b_uremurī wiigue m_usā Īḡūsā merā baarā: “Wātēayarā āārā”, āri ĩmurā ĩrirosū yáa. M_usā irasirimakū, neō gāāmebea.

21 Marī Op_u Jesucristoyarā āārīsīā, Īḡūrē b_uremurā nerē bokatīrīrā, igui deko iirīpare iirī, pārūrē dukawa baáa. Gajerā Īḡūsā keori weadeare b_uremurā iirīri, waib_u dií Īḡūsā baari, wātēaya āārā. Irasirirā marī Op_u Jesúyare baarā, wātēayare baamasībea. Irasūta wātēayare baarā, Jesúyare baamasībea.

22 Marī Op_u Īḡūyarārē Īḡū direta b_uremumakū gāāmemi. Irasirirā marī wātēārē b_uremurā, marī Īḡūrē guamakū iribokoa. Īḡū guamakū, marī Īḡūrē tarinugāmasībirikoa. Marīrē wajamoāburire kāmutasībirikoa.

Marīpu gāāmerī direta irika! āri gojadea

23 Masaka surāyeri āsū āri wereníma: “Marī iriduarire noó gāāmerō irimasīa”, āri wereníma. Īḡūsā irire irasū ārikerepuru, āārīpereri marī iriduarire irirā, gajerārē iritamurā meta yáa. Noó marī gāāmerō irirā, gajerārē Marīpure b_uremunemomakū iribiribokoa.

24 Marīya āārīburi direta gūñabirikōārō gāāmea. Gajerāya āārīburi dere gūñarō gāāmea.

25 Irasirirā baari duarogue baarire wajarirā, noó gāāmerō wajari baaka! “¿I baari keori weadea p_urogue pídea āārīrī?” āri sērēñabirikōāka: “Irire baarā, ñerō irirā yáa”, āri gūñarī, ārīrā!

26 Marīpuya werenírī gojadea pūgue āsū āri gojasūdero āārībú: “Āārīpereri i ũmuma, marī Op_uya āārā”, āri gojasūdero āārībú. Irasirirā āārīpereri Īḡū baari pídeare baamasīa.

27 Jesúre b_uremubi m_usārē baadoreg_u siiumakū, waaduarā waaka! Baarā waarā, m_usārē Īḡū ejorire baaka! “¿I baari, keori weadea p_urogue pídea āārīrī?” āri sērēñabirikōāka: “Irire baarā, ñerō irirā yáa”, āri gūñarī, ārīrā!

28 Gajig_u iro āārīḡú āsū ārībokumi m_usārē: “I baari, keori weadea p_urogue pídea dií āārā”, ārībokumi. Īḡū irasū ārīmakū, iri diire baabirikōāka! Īḡū, m_usā baamakū: “Ñerīrē irirā yáma”, āri gūñabokumi. Īḡū irasū āri gūñabirikōāburo, ārīrā, irire baabirikōāka!

29 Y_u irire āriḡū, Īḡū gūñarīrē wereníḡū yáa. M_usā gūñarīrē wereníbea.

M_usā gap_u āsū āri sērēñabokoa yure: “¿Nasirirā, gajig_u diaye gūñabiri waja, g_ua iriduarire gorawayubokuri?”

30 G_ua baarire Marīpure: ‘Ōāa’, āri, usuyari sīmakū, gajig_u g_ua baarire werewuamasībemi”, ārībokoa m_usā yure.

31 Y_u gap_u āsū āri werea m_usārē. M_usā baa, iirirā, gajinorē irirāde, Marīpu gāāmerī direta irika, gajerāde Īḡūrē: “Ōātarig_u āārīmi”, āri b_uremuburo, ārīrā!

32 Neō m_usā iriri merā judío masakare, judío masaka āārīmerārē, Marīpuyarādere ñerō irimakū iribirikōāka!

33 Y_u ĩrirosū irika! Āārīpereri y_u iriri merā masaka āārīpererārē ōārō iriduaa. Irasirig_u ōārō y_u āārīburi direta gūñabea. Gajerāya āārīburi gap_ure ōārō gūñáa, Īḡūsāde Jesucristore b_uremuburo, āriḡū. Īḡūrē b_uremumakū, Īḡūsārē taug_ukumi, peamegue waabirikōāburo, āriḡū.

11

1 Irasirirā y_u Cristore irituyarosūta m_usāde yure irituyaka!

Jesúre bɔremurã nerêrôgue nome iririmarê gojadea

² Yaará, yɔre mɔsã gãñamakũ, ããrĩpereri yɔ buedeare keoro irimakũ ããgũ, mɔsãrê: “Ôãrô yáa”, ãrĩ, ɔsɔyari merã werea.

³ Gaji mɔsãrê masĩmakũ gããmea. Cristo, ããrĩpererã ãma dipuru ããrĩmi. Ɛmáɔ, marãpore igo dipuru ããrĩmi. Marĩpɔ, Cristo dipuru ããrĩmi.

⁴ Mɔsã Marĩpɔre bɔremurã nerêmakũ, sugɔ Marĩpɔre sêrêgũ, Marĩpɔ ãgũrê weredoredeare weregɔ, ãgũya dipurure bɔɔabirikumi. ãgũya dipurure bɔɔagɔ, gɔyasĩrô irigɔ iribokumi. Cristore ãgũ Opɔre goepeyari merã bɔremubiribokumi.

⁵ Nomeô gapɔ Marĩpɔre sêrêgô, Marĩpɔ igore weredoredeare werego, igoya dipurure bɔɔakumo. Igoya dipurure bɔɔabeo, gɔyasĩrô irigo iribokumo. Marãpɔre igo dipurure goepeyari merã bɔremubiribokumo. Poari pera wɔɔabéodeo irirosũ ããrĩbokumo.

⁶ Igoya dipurure bɔɔadɔabirimakũ, diayeta igoya poarire pera wɔɔabéokôãrô gããmea. Igoya poarire pera wɔɔabéodɔabeo: “Gɔyasĩũgoráa”, ãrĩgô, igoya dipurure bɔɔaburo.

⁷ Ɛmáɔ gapɔ Marĩpɔ irirosũ opɔ ããrĩsã, ãgũya dipurure bɔɔabirikôáburo, Marĩpɔ yɔ Opɔ ããrĩmi, ãrĩ ãmubu. Nomeô gapɔ igoya dipurure bɔɔaburo, ãmáɔ yɔ opɔ ããrĩmi, ãrĩ ãmubo.

⁸ Neôgoraguere Marĩpɔ ãmáɔrê irigɔ, nomeôya gôã merã iribiridi ããrĩmi. Nomeô gapɔre ãmáɔya gôã merã iridi ããrĩmi.

⁹ Irasirigɔ ãmáɔrê irigɔ, nomeôrê iritamubure iribiridi ããrĩmi. Nomeô gapɔre, ãmáɔrê iritamubore iridi ããrĩmi.

¹⁰ Irasirirã mɔsã Marĩpɔre bɔremurã nerêrôguere, nome ãgũsãya dipure bɔɔaro gããmea. Irasũ bɔɔarã, ãmáɔ dorerire ôãrô yɔjɔrere ãmurákuma. ãgũsã irasirirere Marĩpɔre wereboerã ããrãkuma.

¹¹ Irasũ ããrĩkerepɔrɔ, marĩ Jesucristore bɔremurã gãme iritamua. Ɛma, nome iritamurĩ marĩrô ããrĩmasĩbirikuma. Nomede ãma iritamurĩ marĩrô ããrĩmasĩbirikuma.

¹² Diayeta ããrã. Marĩpɔ nomeôrê ãmáɔya gôã merã iridi ããrĩmi. Ide diayeta ããrã. Ɛma, nome merã deyoama. Irasirirã ããrĩpererã masaka: ãma, nomede Marĩpɔ irinerã ããrĩma.

¹³ I ããrĩpereri diayeta ããrĩmakũ, ¿mɔsã basi naásũ gãñarĩ? Mɔsã Marĩpɔre bɔremurã nerêrôgue, nomeô igoya dipurure bɔɔabeota, Marĩpɔre sêrêmakũ ¿ôãrĩ, o ôãberi?

¹⁴ Ɛmáɔ poañapu ãmamakũ gɔyasĩũgoráa. ããrĩpererã masaka irire masĩma.

¹⁵ Nomeô poañapu ãmagô ããrĩmakũ: “Ôãgoráa”, ãrã. Igo poañapu ãmamakũ, igoya dipuru bɔɔaro irirosũ ããrã.

¹⁶ Yɔ werenĩrê: “Irasũ ããrĩbea”, ãrĩ guaseodɔagɔnorê ãsũ ãrĩ weregɔra. Marĩ Jesúre bɔremurã, gajerã Marĩpɔyarãde irire irasũ dita yáa.

Marĩ Opɔ Jesucristo boadeare gãñarã, ãgũ nerê baadorederosũ keoro iribiri-dea

¹⁷ Dapora mɔsãrê gaji gojáa. Irire gojagɔ, yɔ mɔsãrê: “Ôãrô irirã yáa”, ãrĩbea. Mɔsã nerêrã, ôãrô iriboanerã, ubu gapɔ poyanorêayuro.

¹⁸ Irasirigɔ ãsũ ãrĩ werepɔrorigɔra mɔsãrê. Mɔsã nerêrã, gãme guaseo dukawariayuro. Gajerã yɔre irire weremakũ pégu: “Diayeta ããrĩkoa”, ãrĩ gãñãa.

¹⁹ Mɔsã gãme dukawarirã, ãsũ ãrĩ gãñãkoa: “Marĩrê gãme dukawariro gããmea. Irasirirã, ¿noã gapɔ Jesucristoyarãgora ããrĩrĩ? ãrĩ masĩrãkoa”, ãrĩkoa.

²⁰ Irasirirã mɔsã gãme dukawariri waja, mɔsã marĩ Opɔ Jesucristo boadeare nerê gãñarã, ãgũ buerã merã baatũnugũ dorederosũ keoro iirĩ, baabea.

²¹ Músã nerë baarã, surãyeri noó gããmerõ baap̄rorikõãa. Gajerã ɥaboama. Gajerã mejãma.

²² Músã noó gããmerõ iirí, baadɥarã, ʒnasirirã músãya wiirigue baa, iiríberi? Músã Marĩp̄ɥarã ããrĩkererã, noó gããmerõ baa, iirírã, músã nerërĩrẽ wajamarĩrõsũ irirã yáa. Músã watopegue ããrĩrã baari opamerãrẽ gɥasĩũrõ tarimakũ irirã yáa. Músã irasiriri kerere pégu, ʒnaásũ ãrĩ weregukuri yɥ músãrẽ? “Õãrõ irirã yáa”, ãrĩbirikoa.

Marĩ Op̄ɥ Jesucristo ïgũ buerã merã baatũnudeare gojadea

²³⁻²⁴ Marĩ Op̄ɥ Jesucristo yɥre buedeare yɥ músãrẽ werebɥ. Iri ãsũ ããrã. ïgũrẽ wẽjẽdɥarãguere ïgũrẽ Judas ïmuburi dupuyuro ma ñamita marĩ Op̄ɥ Jesucristo pãrũrẽ ãrĩ, Marĩp̄ɥre: “Mɥrẽ ɥsɥyari sã”, ãrĩ, irirure pea, ïgũ buerãrẽ: “I yaa dupɥ ããrã”, ãrĩ gueredi ããrĩmí. “Irasirirã yɥ músã merã dapora iriaderosũ nerẽ, pãrũrẽ baarikɥ, yɥ músãrẽ boabosarire gũñaka!” ãrĩdi ããrĩmí.

²⁵ ïgũsã baa odoadero p̄ɥɥ, pãrũrẽ ãiderosũta iirĩripare ãrĩ, ãsũ ãrĩdi ããrĩmí: “Yɥ músãrẽ boabosagɥ yaa dí béori merã Yɥp̄ɥ músãrẽ: ‘Õãrõ irigura’, ãrĩdeare iriyuwarikɥgkumi. Irasirirã músã nerẽ, iirĩripare iirĩrikɥ, yɥ dí béobosarire gũñaka!” ãrĩdi ããrĩmí.

²⁶ ïgũ ãrĩderosũta irirã, marĩ nerërã, pãrũrẽ baarikɥ, iirĩripare iirĩrikɥ: “Marĩ Op̄ɥ Jesucristo marĩrẽ boabosadi ããrĩmí”, ãrĩ ïmurãkoa. Irire irinikõãrõ gããmea. ïgũ i ɥmɥgue dupaturi aarimakũ, irire irinemobirikoa.

Marĩ Op̄ɥ Jesucristo boadeare gũñarã, ãsũ iridorea, ãrĩ gojadea

²⁷ Marĩ Op̄ɥ Jesucristo boadeare marĩ nerẽ gũñaripoe Marĩp̄ɥre bɥremurĩ marĩrõ merã pãrũrẽ baa, iirĩripare iirĩgɥno ñerõ irigɥ yámi. Jesucristo marĩrẽ boabosagɥ dí béodeare ubu ããrĩrĩ irirosũ gũñami.

²⁸ Irasirirã pãrũrẽ baa, iirĩripare iirĩburi dupuyuro masakakɥ marĩ irideare: “Ñerõ irikubɥ”, ãrĩ gũñar̄roriro gããmea.

²⁹ Marĩ Op̄ɥ Jesucristoya dupɥ ããrĩrĩrẽ pémasĩrõ marĩrõ merã pãrũrẽ baa, iirĩripare iirĩmakũ, Marĩp̄ɥ marĩrẽ wajamoãgukumi.

³⁰ Músã irire pémasĩbiridea waja wárã músã merãmarã pũrĩrikurã, turamerã ããrĩma. Surãyeri boakõãsiama.

³¹ Marĩ baa, iirĩburi dupuyuro marĩ irideare: “Ñerõ irikubɥ”, ãrĩ gũñar̄rorimakũ, marĩ Op̄ɥ marĩrẽ wajamoãbirikumi.

³² Marĩ Op̄ɥ gapɥ marĩrẽ ïgũyarãrẽ marĩ ñerĩ iririre piriburo, ãrĩgũ, wajamoãmi. Irasirigɥ ïgũrẽ bɥremumerãrẽ peamegue waadore, marĩ gapɥre ïgũsã merã wajamoãbirikumi.

³³ Irasirirã yaarã, músã nerë baarã, suro merã baamurã gajerãdere yúka!

³⁴ ɥaboagɥno ïgũya wiigue baaburo. Irasirimakũ, músã õãrõ nerë baamakũ, Marĩp̄ɥ músãrẽ wajamoãbirikumi. Gajire músã p̄rogue waagú, õãrõ were ãmugura.

12

Õãgũ deyomarĩgũ Marĩp̄ɥyare marĩrẽ irimasĩmakũ iririre gojadea

¹ Yaarã, Õãgũ deyomarĩgũ Marĩp̄ɥyare marĩrẽ irimasĩmakũ irigɥ ããrĩmí. Yɥ irire músãrẽ õãrõ masĩmakũ gããmea.

² Músã ire õãrõ masĩsiáa. Jesucristore bɥremuburi dupuyuro keori weadeare bɥremutɥyanerã ããrĩbú. Iri keori weadea okari opabea. Neõ wereníbea.

³ Irasirigɥ daporare yɥ músãrẽ ire masĩmakũ gããmea. Neõ sugɥ Õãgũ deyomarĩgũ iritamurĩ merã weregɥ: “Jesúre ñerõ waanaburo”, ãrĩmasĩbirikumi.

Gajigu Õägũ deyomarĩgũ iritamurĩ marĩrõ merã weregũ: “Jesús marĩ Opũ ããrĩmi”, neõ ãrĩmasĩbirikumi.

⁴ Õägũ deyomarĩgũ Marĩpũyare marĩrẽ irimasĩmakũ iriri, wãri ããrã. Ìgũ suguta irire sīgũ ããrĩmi.

⁵ Marĩ Opũ Jesucristo marĩrẽ moãdoreri, wãri ããrã. Ìgũ suguta irire moãdoregũ ããrĩmi.

⁶ Marĩpũyare iriri, sũrosũ ããrĩbea. Marĩpũ suguta marĩ ããrĩpererãrẽ Ìgũyare õãrõ irimasĩmakũ irigũ ããrĩmi.

⁷ Marĩpũ Õägũ deyomarĩgũrẽ marĩ masakakũre sĩrĩ merã Ìgũ marĩ merã ããrĩrĩrẽ Ìmumi, ããrĩpererã Jesucristore bũremurãrẽ gãme iritamuburo, ãrĩgũ.

⁸ Õägũ deyomarĩgũ surãyerire õãrõ masĩrĩ merã Marĩpũyare weremakũ yãmi. Gajerãdere õãrõ pẽmasĩrĩ merã Ìgũyare weremakũ yãmi.

⁹ Gajerãrẽ: “Marĩpũ iritamurĩ merã marĩ õãrõ irimasĩa”, ãrĩ bũremumakũ yãmi. Irasũ ããrĩmakũ, gajerãrẽ Ìgũ turarire sĩmi pũrĩrikũrãrẽ tauburo, ãrĩgũ.

¹⁰ Gajerãrẽ Ìgũ turari merã iri Ìmurĩrẽ irimasĩmakũ yãmi. Gajerãrẽ Marĩpũ Ìgũsãrẽ weredorerire õãrõ weremasĩmakũ yãmi. Gajerãrẽ: “Wãtĩ turari merã, o Õägũ deyomarĩgũ turari merã ãsũ yãmi ÌÌ”, ãrĩ masĩrĩrẽ sĩmi. Gajerãrẽ gaji masã ya werenĩrĩ merã Ìgũsã dupuyurogue werenĩmasĩbirideare werenĩmasĩmakũ yãmi. Gajerãrẽ, iri werenĩrĩrẽ masĩbirikererã, Õägũ deyomarĩgũ iritamurĩ merã: “Ãsũ ãrĩduaro yãa Ì”, ãrĩ masĩmakũ yãmi.

¹¹ Õägũ deyomarĩgũ marĩ masakakũre gajerosũperi dita Ìgũ sĩduarire sĩmi. Ìgũ suguta Marĩpũyare marĩ irimasĩburire sīgũ ããrĩmi.

Marĩ Cristoyarã ããrĩrã su dupũta irirosũ ããrã, ãrĩ gojadea

¹² Marĩya dupũma wãri ããrã. Wãri ããrĩkerero, su dupũta ããrã. Cristode irasũta ããrĩmi. Marĩ Ìgũrẽ bũremurã wãrã ããrĩkererã, su dupũta irirosũ ããrã.

¹³ Mũrãrõta marĩ Ìgũrẽ bũremurã ããrĩpererã: judío masaka, judío masaka ããrĩmerã, gajerãrẽ moãboerã, moãboemerãde wãrã ããrĩkererã, Õägũ deyomarĩgũ sugũ merãta wãiyesũbu. Irasirigũ marĩrẽ su dupũta irirosũ ããrĩmakũ yãmi. Irasirirã marĩ ããrĩpererã Õägũ deyomarĩgũrẽ opãa.

¹⁴ Marĩya dupũma ããrĩrĩ su wãita ããrĩbea. Wãri ããrĩkõãa.

¹⁵ Marĩya gubu werenĩrĩ gubu ããrĩrõ ãsũ ãrĩboko: “Mojõ ããrĩbea. Irasiriro mũya dupũma ããrĩbea”, ãrĩboko. Marĩya gubu irasũ ãrĩkerero, marĩya dupũmata ããrã.

¹⁶ Marĩya gãmipũ werenĩrĩ gãmipũ ããrĩrõ ãsũ ãrĩboko: “Koyeru ããrĩbea. Irasiriro mũya dupũma ããrĩbea”, ãrĩboko. Marĩya gãmipũ irasũ ãrĩkerero, marĩya dupũmata ããrã.

¹⁷ Marĩya dupũ, koyeru dita ããrĩmakũ, ¿nasirisĩã, pẽbokuri marĩ? Marĩya dupũ, gãmipũ dita ããrĩmakũ, ¿nasirisĩã, gajinorẽ wĩjĩbokuri marĩ?

¹⁸ Marĩpũ marĩya dupũre irigũ, ããrĩpereri Ìgũ gããmerõsũta keoro iridi ããrĩmĩ.

¹⁹ ããrĩpereri marĩya dupũgue ããrĩrĩno su wãita ããrĩmakũ, marĩya dupũ marĩbokuyo.

²⁰ ãsũ ããrã. Marĩya dupũgue ããrĩrĩ wãri ããrĩkererũ, su dupũta ããrã. I irirosũta marĩ Jesũre bũremurã wãrã ããrĩkererã, su dupũta irirosũ ããrã.

²¹ Irasiriro koyeru, mojõrẽ: “Mũrẽ gããmebea”, ãrĩmasĩbirikoa. Dipuru, guburire: “Mũrẽ gããmebea”, ãrĩmasĩbirikoa.

²² ãsũ gapũ ããrã. Gaji marĩya dupũgue ããrĩrĩ, turabiri ããrĩkererũ, marĩ gapũ irire bũro gããmea.

²³ Gaji marīya dupugue āārīrīrē: “Ubu āārīrī āārā”, ārī gūñáa. Irasirirā irire ōārō deyoburo, ārīrā, ōārō āmua. Gaji marī gūyasīrīsārīrē surí sãña kãmutáa masaka ĩābirikōāburo, ārīrā.

²⁴ Gaji marīya dupugue āārīrīrē ōārī deyori gapure āmubea. Marīpũ marīya dupugue āārīrīrē āārīpererire ōārō āmudi āārīmí, su duputa ōārō dupukaburo, ārīgũ. Irasirigũ: “Ubu āārīrī āārā”, marī ārīrī gapure ōārō gāāmemakũ yámi. Irasirirā marī neō gajigũ Jesúyagure: “Ubu āārīgũ āārīmi, irasirirā ĩgũrē gāāmebea”, ārībirikōārō gāāmea.

²⁵ Āsũta āārīdoredi āārīmí, Marīpũ marīya dupũ suro merā iritamuburo, ārīgũ.

²⁶ Marīya dupugue āārīrī su wã ĩerō tarimakũ, gajide āārīpereri ĩerō taria. Su wãirē ōārō āmumakũ: “Marīya dupũ āārīperero ōārō āārā”, ārī gūñáa.

²⁷ Yũ irire ārīgũ, āsũ ārīduagu yáa. Marī Cristore bũremurā ĩgũya dupũ irirosũ āārā. Irasirirā marī masakakũ ĩgũya dupugue āārīrā irirosũ āārā.

²⁸ Irasirigũ Marīpũ marī Jesúre bũremurārē gāme iritamuburire pígu, āsũ pídi āārīmí. Jesucristo buedoregu pīnerārē pīpuroridi āārīmí. Pũrũ Marīpũ gajerārē ĩgũ weredorerosũ weremurārē pídi āārīmí. Pũrũ gajerārē ĩgũyare buemurārē pídi āārīmí. Gajerārē ĩgũ turaro merā iri ĩmumurārē, gajerārē pũrīrikurārē taumurārē, gajerārē masakare iritamumurārē, gajerārē dorerimasā āārīmurārē, gajerārē gaji masā ya merā ĩgũsā dupuyurogue neō werenímasĩbirideare werenímasĩmurārē pídi āārīmí.

²⁹ Irasirigũ marī āārīpererārē sũrosũ irimurārē pĩbiridi āārīmí. Irasirirā marī āārīpererā Jesucristo buedoregu pīnerā meta āārā. Marī āārīpererā Marīpũ weredorerosũ wererā meta āārā. Marī āārīpererā Marīpũyare buerā meta āārā. Marī āārīpererā Marīpũ turaro merā iri ĩmumurā meta āārā.

³⁰ Marī āārīpererā pũrīrikurārē taumasĩrā meta āārā. Marī āārīpererā gaji masā ya werenĩrī merā werenímasĩrā meta āārā. Marī āārīpererā ĩgũsā werenĩrīrē péadero pũrũ: “Āsũ ārīduaro yáa”, ārī wererā meta āārā.

³¹ Irasirirā Ōāgũ deyomarīgũ Marīpũyare irimasĩrī sĩrĩrē gāāmekã mũsã! Yũ mũsārē ĩ āārīpereri nemorō ōārĩrē weregũra.

13

Gãme maĩrĩmarē gojadea

¹ Marī gaji masā ya werenĩrĩrē werenímasĩkererā, Marīpũre wereboerā ya werenĩrĩrē werenímasĩkererā, gajerārē maĩbirimakũ, marī werenĩrī waja-marĩbokoã. Kõme majĩ pábiramakũ busũrosũ marī werenĩrī busukōābokoã.

² Marīpũ marĩrē weredorerosũ ōārō weremasĩkererā, gajerārē maĩbirimakũ, marī wereri wajamarĩbokoã. Āārīpererire masĩkererā, Marīpũyare masaka dupuyurogue masĩbirideã āārīpererire pémasĩkererā, gajerārē maĩbirimakũ, marī masĩrī wajamarĩbokoã. Marīpũre bũremurĩ marĩrē ĩgũ sĩrĩ merā buúrure gajerogue waadoremãĩkererā, gajerārē maĩbirimakũ, marī bũremurĩ merā ĩriri wajamarĩbokoã.

³ Marĩ opari āārīpereri boporārē sĩkererā, ĩgũsārē maĩbirimakũ, marĩ ĩriri wajamarĩbokoã. Marīpũyare marĩ irideã waja marīya dupũre masaka soekerepũrũ, marĩ gajerārē maĩbirimakũ, Marīpũ marĩrē: “Ōārō iribũ”, ārĩbiribokumi.

⁴ Marĩ gajerārē maĩrā, mata ĩgũsā merā guaña máa. ĩgũsārē bopoñarĩ merā ōārō yáa. ĩgũsārē ĩāturiña máa. “ĩgũsā nemorō ōāgũ āārā”, ārĩmasĩña máa. “ĩgũsā nemorō masĩtarinũgãgũ āārā”, ārĩmasĩña máa.

⁵ Marĩ gajerãrẽ maĩrã, ĩgũsãrẽ buremurĩ merã keoro werea. Marĩya ããrĩburi direta gũñabea. ĩgũsãya ããrĩburidere gũñáa. ĩgũsãrẽ guari merã wereña máa. ĩgũsã marĩrẽ ñerõ irimakũ, yoaripoe ĩgũsã merã guanĩña máa.

⁶ Gajerãrẽ maĩrã, ĩgũsã ñerõ irimakũ ĩãrã, usuyamasĩña máa. Diayema gapure ĩgũsã irimakũ ĩãrã, usuyáa.

⁷ Marĩ gajerãrẽ maĩrã, ĩgũsã ñerõ irimakũ ĩãrã, masakare neõ kere werebea. Gajerã ĩgũsãrẽ werewuakerepuru, marĩ ĩgũsãrẽ buremurĩrẽ neõ piribirikoa. “Puruque ĩgũsãde õãrĩ gapure irirãkuma”, ãrĩ gũñáa. ĩgũsã iriri merã marĩ ñerõ tarikererã, ĩgũsãrẽ maĩsĩã, neõ piribebea.

⁸ Marĩ gãme maĩrĩ neõ perebirikoa. Marĩpu weredorerosũ wereri gapu pererokoa. Gaji masã ya merã marĩ werenĩrĩde pererokoa. Marĩpuware masĩrĩ merã õãrõ wereride, puruque pererokoa. Iri irasũ waamakũ, marĩ masĩdero nemorõ ããrĩpererire masĩrãkoa.

⁹ Daporare marĩ ããrĩpereri Marĩpuware masĩbea. ĩgũ weredorerosũta ĩgũ masĩrĩ sĩrĩ merã werekererã, ããrĩpereri ĩgũware weremasĩbea.

¹⁰ Puruque Jesucristo Marĩpuware masĩpeogu aarimakũ, marĩ masĩbirideare masĩpeorãkoa.

¹¹ Yu majĩgũ ããrĩgũ, majĩrã irirosũ gũñarĩ marĩrõ werenĩ, ĩgũsã irirosũta iriunabu. Yu buguro waagũ, majĩrã irirosũ ããrĩdeare pirikõãbu.

¹² Daporare Marĩpuware marĩ õãrõ masĩbea. Diuru buguru merã marĩ ãĩñamakũ õãrõ deyomarĩrõ irirosũ ããrã. Õãrõ deyobebea. Puru õãrõ deyorogue Marĩpure ĩãrãkoa. Daporare marĩ ĩgũrẽ sĩrũgã masĩa. Puru Marĩpu marĩrẽ masĩpeorosũta marĩde masĩpeorãkoa.

¹³ Daporare ure wãĩ ããrã: Marĩpure buremurĩ, ĩgũ marĩrẽ õãrõ irigũkumi, ãrĩ usuyari, marĩ gãme maĩrĩ ããrã. Iri ure wãĩ neõ perebirikoa. Gãme maĩrĩ gapu gaji nemorõ õãrĩ ããrã.

14

Gaji masã ya werenĩrĩ merã marĩ werenĩmasĩbirikererã werenĩrĩmarẽ gojadea

¹ Gajerãrẽ maĩnemoka! Irasũ ããrĩmakũ, Marĩpuware Õãgũ deyomarĩgũ musãrẽ irimasĩrĩ sĩrĩrẽ gããmekã! ããrĩpereri ĩgũ irimasĩrĩ sĩrĩrẽ gũñarã, gaji nemorõ Marĩpu weredorerosũ weremasĩrĩ gapure buro gããmekã!

² Sugũ gaji masã ya werenĩrĩ merã werenĩmasĩbirikeregu werenĩmakũ, Marĩpu dita ĩgũ werenĩrĩrẽ pémi. Masaka gapu ĩgũ werenĩrĩrẽ pébema. Õãgũ deyomarĩgũ turari merã Marĩpuware masĩña marĩdeare werenĩmi.

³ Marĩpu weredorerosũ weregu gapu masakare weremi. ĩgũ wereri pérãrẽ Jesucristore buremunemomakũ yãmi. ĩgũ wereri merã ĩgũsãrẽ õãrõ ããrĩrikumakũ, õãrõ yũpũrãkumakũ yãmi.

⁴ Gaji masã ya werenĩrĩ merã werenĩmasĩbirikeregu werenĩgũ ĩgũ basi Jesucristore buremunemogũ yãmi. Marĩpu weredorerosũ weregu gapu gajerã Jesucristore buremurãrẽ ĩgũrẽ buremunemomakũ irigu yãmi.

⁵ Gaji masã ya werenĩrĩ merã musã werenĩmasĩbirideare ããrĩpererã musã werenĩmasĩmakũ gããmea yu. Iri nemorõ Marĩpu weredorerosũ musã weremakũ buro gããmea. Marĩpu weredorerosũ weregu gapu, gaji masã ya werenĩrĩ merã werenĩgũ nemorõ masakare iritamugũ ããrĩmi. Irasũ ããrĩkerepuru, gaji masã ya werenĩrĩrẽ pégu: “Ásũ ãrĩduaro yãa”, ãrĩ weremakũ õãgorãa. ĩgũ irasũ ãrĩ weregu, Jesucristore buremurãrẽ ĩgũrẽ buremunemomakũ irigu yãmi.

⁶ Yaarã, yu musã purogue waagũ, gaji masã ya werenĩrĩ merã werenĩgũ, musãrẽ iritamubiribokoa. Marĩpu ĩgũware yure masĩmakũ irideare weregu,

Īgūya diayema kerere masīrī merā weregū, Īgū yure weredorerire weregū, Īgūyare musārē buegū, musārē iritamubokoa.

⁷ Keori merā musārē weregūra. Tērēdirure keoro puribirimakū, o arpa wāikuro buaputērōde keoro buaputēbirimakū, iri wāi bayari āārīkoa, ārīmasīña máa.

⁸ Surara gāmewējērā waaburi dupuyuro sugū Īgūsā merāmū puridirure keoro puribirimakū, gajerā surara Īgūsā mojōkūburire āmubirikuma.

⁹ Musāde irasūta āārā. Musā gaji masā ya werenīrī merā werenīmakū pérā: “Āsū ārīrā irikuma Īgūsā”, ārīmasībirikuma. Irasirirā musā ubugorata werenīmoāmakōārā irikoa.

¹⁰ Īmūguere wāri buri marā āārīma. Īgūsā basi Īgūsā werenīrīrē pémasīma.

¹¹ Yū gaji masā ya werenīrī merā werenīgūrē pébi: “Gajeromū āārīmi”, ārī gūñagukoa. Īgūde yū gaji masā ya werenīrī merā werenīmakū pébi yure: “Gajeromū āārīmi”, ārī gūñagukumi.

¹² Irasūta āārā musādere. Musā Ōāgū deyomarīgū turaro merā irimasīrī sīrīrē gāāmea. Irasirirā gajerā Jesucristore buremurārē Īgūrē buremunemomakū irimasīrīrē buro gāāmeaka!

¹³ Irasirigū sugū gaji masā ya werenīrī merā werenīmasībirikeregū werenīgūno Marīpūre: “Yū werenīrīrē gajerārē: ‘Āsū ārīduaro yāa’, ārī weremakū iritamuka yure!” ārī sērēburo.

¹⁴ Yū gaji masā ya werenīrī merā werenīmasībirikeregū werenīrī merā Marīpūre sērēgū, Ōāgū deyomarīgū gūñarī sīrī merā sērēa. Irasū sērēkeregū, gūñarī merā yū sērēadeare: “Āsū ārīduaro irikoa”, ārī pémasībirikoa.

¹⁵ Irasirirā āsū iriro gāāmea. Ōāgū deyomarīgū turari merā gaji masā ya werenīrī merā Marīpūre sērērō gāāmea. Irasū āārīmakū, pémasīrī merā marī ya werenīrī merā Marīpūre sērērō gāāmea. Ōāgū deyomarīgū turari merā gaji masā ya werenīrī merā Marīpūre bayapeoro gāāmea. Irasū āārīmakū, pémasīrī merā marī ya werenīrī merā Marīpūre bayapeoro gāāmea.

¹⁶ Marī Ōāgū deyomarīgū turari merā gaji masā ya werenīrī merā Marīpūre usuyari sīkerepūru, marī merā āārīrā pébiribokuma. Īgūsā irire pémerā: “Irasūta āārā”, ārī, marī merā Marīpūre usuyari sībiribokuma.

¹⁷ Marī gaji masā ya werenīrī merā Marīpūre usuyari sīrī ōāgorāa. Irasū āārīkerepūru, marī merā āārīrā gapū marī werenīrīrē pébirimakū, marī Īgūsārē Jesucristore buremunemomakū iribirikoa.

¹⁸ Gaji masā ya werenīrī merā werenīmasībirikeregū werenīrīrē yuta musā āārīpererā nemorō werenīa. Irire irisīā, Marīpūre usuyari sīa.

¹⁹ Irasū āārīkeregū, Jesúre buremurā nerērōgue gaji masā ya werenīrī merā wāri musā pébirire yū weremakū musārē ōābirikoa. Musā pémasīrīrē yū mérīgā weremakū gapū, musārē ōārokoa.

²⁰ Yaarā, majīrā pémasīmerā irirosū gūñabirikōāka! Murā irirosū ōārō pémasīrī merā gūñaka! Nērō iriri gapūre majīrāgā gūñamerā irirosū āārīka!

²¹ Marīpūya werenīrī gojadea pūgue āsū ārī gojasūdero āārībú: “Marī Opū āsū ārīmi: ‘Gajero marārē Īgūsā ya werenīrī merā i makā marārē weredoregūra. Yaare Īgūsārē irasū weredorekerepūru, i makā marā yure neō buremubirikuma’, ārīmi marī Opū”, ārī gojasūdero āārībú.

²² Irasirigū Marīpū gajero marārē Īgūsā ya werenīrī merā Īgūrē buremurārē weredoregū, Īgūsā Īgūrē buremubirire ĩmumi. Īgūrē buremurā gapūre irasiribemi. Īgūyare Īgū weredorerosū wererā merā Īgūsārē weremi.

²³ Irasirirā musā Jesúre buremurā nerērōgue gaji masā ya werenīrī merā werenīmasībirikererā werenīrīrē musā āārīpererā werenībokoa. Musā

irasũ werenĩmakũ, Marĩpũyare masĩmerã, gajerã Jesũre bũremumerãde ñajãjabokuma. Mũsã irasũ werenĩrĩrẽ pãrã, mũsãrẽ: “Niãrĩmasã ããrĩma”, ãrĩbokuma.

²⁴ Mũsã ããrĩpererã Marĩpũ weredorerosũ weremakũ Marĩpũyare masĩbi, Jesũre bũremubide ñajãri pãgũ, ãgũ ñerõ irideare masĩgũkumi. Irasirigũ ãgũ ñerĩ irideare bũjaweregũkumi.

²⁵ ãgũ gũñarĩgue ñerõ: “Ñerĩrẽ gũñayo yũ”, ãrĩ pãmasĩgũkumi. Irasirigũ ñadũkupuri merã ejamejã, Marĩpũre: “Yũ Opũ ããrã”, ãrĩ bũremugũkumi. Irasũ ããrĩmakũ: “Marĩpũ diayeta mũsã merã ããrĩmi”, ãrĩ masĩgũkumi.

Mũsã nerẽrã, gopepyari merã õãrõ keoro irika! ãrĩ gojadea

²⁶ Yaarã, mũsãrẽ ãsũ ãrĩ werea. Mũsã nerẽmakũ, surãyeri Marĩpũre bayapeoma. Gajerã Marĩpũyare buema. Gajerã Marĩpũ ãgũyare ãgũsãrẽ masĩmakũ irideare werema. Gajerã gaji masã ya werenĩrĩ merã werenĩmasĩbirikererã werenĩma. Gajerã iri werenĩrĩrẽ: “Ãsũ ãrĩduaro yãa”, ãrĩ werema. Irasirirã ããrĩpereri irire mũsã Jesũre bũremurã õãrõ keoro irika, mũsã ãgũrẽ bũremunemoburosũta!

²⁷ Irasirirã gaji masã ya werenĩrĩ merã werenĩmasĩbirikererã werenĩrã, pãrã, o urerã werenĩburo. Sugũ werenĩ odoadero pũrũ, gajigũ werenĩburo. Pũrũ gajigũ ãgũsã werenĩrĩrẽ: “Ãsũ ãrĩduaro yãa”, ãrĩ wereburo.

²⁸ Mũsã nerẽmakũ, ãgũsã werenĩrĩrẽ: “Ãsũ ãrĩduaro yãa”, ãrĩ werebu marĩmakũ, gaji masã ya merã werenĩbirikõãburo. ãgũsã seyaro ãgũsã gũñarĩgue Marĩpũ merã werenĩburo.

²⁹ Marĩpũ weredorerosũ wererãde, pãrã, o urerã wereburo. Irasũ keoro weremakũ pãrã, gajerã ãgũsã wererire: “Diayeta Marĩpũya kereta ããrã”, ãrĩburo.

³⁰ Mũsã nerẽrõgue sugũ weremakũ, Marĩpũ gajigũre irogũe doagũre were-doremakũ, werepũroriadi gapũ toeburo.

³¹ Mũsã irasũ irirã, mũsã ããrĩpererã Marĩpũ weredorerosũ weremasĩrãkoa. Sugũ werepũroriadi were odoadero pũrũ, gajigũ werewãgãnaburo. Irasirĩmakũ, ããrĩpererã pã, õãrõ yũjũpũrãkũrãkuma.

³² Marĩpũ weredorerosũ wererã mũsã wereburi dupuyuro: “¿Naásũ ããrĩmakũ irire wererãkuri?” ãrĩ gũñapũroriro gããmea.

³³ Marĩ nerẽmakũ, Marĩpũ marĩrẽ keoro irimakũ gããmemi. Noó gããmerõ iriro marĩrõ usũyari merã nerẽmakũ gããmemi. ããrĩpererogũe Jesũre bũremurã nerẽrãrẽ irasũ dita irimakũ gããmemi.

³⁴ Jesũre bũremurã nerẽmakũ, nome werenĩbirikõãburo. Nomerẽ werenĩdoreri mãa. Werenĩrõnorẽ irirã, Marĩpũya werenĩrĩ gojadea pũgue dorederosũta õãrõ pãro gããmea.

³⁵ Jesũre bũremurã nerẽmakũ, sugo nomeõ werenĩgõ, gũyasĩũrõ iribokumo. Irasirigo igo gajino õãrõ pãbiradeare masĩduago igoya wiigũe igo marãpũre sãrẽñaburo.

³⁶ Ire mũsã masĩka! Mũsã Marĩpũya kerere werepũrorinerã ããrĩbea. Irasũ ããrĩmakũ, mũsã dita ãgũyare bũremurã ããrĩbea. Gajerãde ãgũrẽ bũremurã ããrĩma.

³⁷ Sugũ mũsã merãmũ: “Yũ Marĩpũ weredorerosũ weregũ ããrã”, ãrĩ gũñagũ, o gajigũ: “Yũ Õãgũ deyomarĩgũ irimasĩrĩ sĩrĩrẽ opãa”, ãrĩ gũñagũ, i yũ mũsãrẽ gojarire: “Marĩ Opũ doreri ããrã”, ãrĩ masĩgũkumi.

³⁸ Yũ gojarire: “Marĩ Opũ doreri ããrĩbea”, ãrĩmakũ, ãgũrẽ: “Marĩpũyare weregũ ããrĩbemi”, ãrĩka!

39 Yaarã, Marĩpũ weredorerosũ weremasĩrĩrẽ bũro gããmeke masã! Mũsã merãmarãrẽ ãgũsã gajĩ masã ya merã werenĩmasĩbirikererã werenĩmakũ: “Werenĩmerãta!” ãrĩbirikõãka!

40 Mũsã nerẽrã, noó gããmerõ iribirikõãka! Goepeyari merã ããrĩpereri masã iririre õãrõ keoro irika!

15

Cristo masãdeare gojadea

1 Yaarã, yũ mũsãrẽ iripoegue werede, Jesucristo masakare tauri kerere daporare gãñamakũ gããmea. Mũsã irire pérã, bũremubũ. Daporadere irire bũremunĩkõãa.

2 Mũsã iri kerere bũremusĩã, peamegue waamurã meta ããrã. Iri kerere mũsãrẽ yũ weredeare bũremurĩrẽ piribirimakũ, Marĩpũ mũsãrẽ taugũkumi. Mũsã iri kerere bũremubirinerã, diayeta tausũbiribokoa.

3 Yũre buedeare mũsãrẽ weretaubũ. Iri bueri, gajĩ bueri nemorõ õãtaria. ãsũ ããrã. Marĩpũya werenĩrĩ gojadea pũgue gojaderosũta Cristo marĩ ñerõ iridea waja marĩrẽ boabosadi ããrĩmĩ.

4 ãgũ boadero pũrũ, ãgũrẽ yãanerã ããrĩmã. Pũrũ Marĩpũya werenĩrĩ gojadea pũgue gojaderosũta urenũ waaró merã Marĩpũ ãgũrẽ masũdi ããrĩmĩ.

5 ãgũrẽ masũdero pũrũ, Cristo Pedore deyoayurũ. Pũrũ ãgũ buedoregũ pĩnerã, pe mojóma pere su gubu peru pẽrẽbejarãrẽ deyoayurũ.

6 Pũrũ suñarõ wãrã quinientos masaka nemorõ ãgũrẽ bũremurãrẽ deyoayurũ. Wãrã ãgũrẽ ããnerã okama dapa. Gajerã boasianerã ããrĩmã.

7 Pũrũ Santiagore deyoayurũ. Iro pũrũ ããrĩpererã ãgũ buedoregũ pĩnerãrẽ deyoayurũ.

8 ããrĩpererã gajerãrẽ ãgũ deyoadero pũrũ, yũdere deyoatũnumi pama. Majĩgũgã keoro deyoabigã deyoadi irirosũ yũ ããrĩkererũ, Jesũre bũremutũyãa.

9 ãgũ yũre deyoaburi dupuyurogue ãgũrẽ bũremurãrẽ ñerõ irigorenabũ. Irasirigũ gajerã Jesũs buedoregũ pĩnerã ããrĩpererã dokague ããrã. Masaka yũre: “ãgũ Jesũs buedoregũ pídi ããrĩmĩ”, ãrĩmakũ: “Yũ Jesũs buedoregũ píbodi ããrĩbiradibũ”, ãrĩ gãñããa.

10 Irasũ ããrĩkererũ, Marĩpũ yũre õãrõ iritamumi. Irasirigũ Jesucristo yũre ãgũyare buedoregũ pími. Marĩpũ yũre ubugora õãrõ iritamugũ meta yãmi. Yũ ããrĩpererã gajerã Jesucristo buedoregũ pĩnerã nemorõ moãa. Yũ gãñarĩ merã irasiribea. Marĩpũ yũre õãrõ iritamugũ, yũ merã ããrĩnĩkõãmi. Yũre ãgũ iritamurĩ merã õãrõ moãmakũ yãmi.

11 Yũ bueri, gajerã Jesucristo buedoregũ pĩnerã bueri irirosũta ããrã. Gũa ããrĩpererã Jesucristo boa, masãdeare kerere buea. I kerere pérã, mũsã ãgũrẽ bũremunũgãbũ.

Boanerã masãburire gojadea

12 Gũa, Cristo boa, masãdeare buekererũ, gajerã mũsã merã ããrĩrã: “Boanerã neõ masãbirikuma”, ãrĩma. ¿Nasirĩrã irasũ ãrĩrĩ ire?

13 Boanerã masãburi marĩmakũ, Cristode masãbiribodi ããrĩmĩ.

14 Cristo masãbirimakũ, gũa bueri neõ wajamarĩbokoa. Mũsã ãgũrẽ bũremurĩde wajamarĩbokoa.

15 Marĩpũ boanerãrẽ masũbi, Cristodere masũbiribodi ããrĩmĩ. ãgũ irasũ iribirimakũ, gũa: “Marĩpũ Cristore masũdi ããrĩmĩ”, ãrĩrã, ãrĩgatorã iribokuyo.

16 “Boanerã masãbirikuma”, ãgũsã ãrĩrĩ diaye ããrĩmakũ, Cristode masãbiribodi ããrĩmĩ.

17 Cristo masãbirimakũ, ãgũrẽ mũsã bũremurĩ wajamarĩbokoa. Irasirĩrã mũsã ñerĩ iridea waja, waja opakõãbokoa dapa.

18 Diayeta i irasũ ããĩmakũ, Cristore bũremurã boanerã, ĩgũrẽ bũremubirinerã peamegue waamurã irirosũ ããĩbokuma.

19 Marĩ Cristore bũremurã: “Marĩ okarinũrĩ dita ĩgũ merã õãrõ ããĩrãkoa. Marĩ boadero pũrũ masãburire masĩña máa”, ãrĩ gũñarã, ããĩpererã masaka nemorõ boporã ããĩbokoa.

20 “Cristo boadero pũrũ, masãdi ããĩmĩ”, ãrĩrĩ gapũ diaye ããrã. Marĩ ããĩpererã masaka boadero pũrũ masãburi dupuyuro masãpũroridi ããĩmĩ.

21 Āsũ ããrã. Neõgorague ããĩpũroridi Adán ñerĩ iripũroridea waja marĩ masaka ããĩpererã boamurã dita ããrã. Pũrũ Jesucristo õãrĩrẽ iripeodea waja marĩ boadero pũrũ masãrãkoa.

22 Marĩ masaka ããĩpererã Adán parãmerã ããĩturiarã ããĩrĩ waja boamurã dita ããrã. Cristoyarã marĩ ããĩmakũ, marĩ boadero pũrũ, Marĩpũ marĩ ããĩpererãrẽ masũgũkumi.

23 Marĩpũ marĩrẽ keoro masũgũkumi. Cristo masãsiadi ããĩmĩ. Pũrũ ĩgũ i ãmũgue dupaturi aarimakũ, marĩ ĩgũyarã ããĩsĩã, masãrãkoa.

24 Irasũ waamakũ, i ãmũ pereakõãrokoa. Irinũrẽ Cristo ããĩpererã ñerãrẽ: oparãrẽ, dorerãrẽ, turarãrẽ béogũkumi. ĩgũ irasiriadero pũrũ, ĩgũ Pagũre ĩgũ ããĩpererã Opũ ããĩrĩrẽ wiagũkumi.

25 ĩgũ wiaburi dupuyuro Marĩpũ Cristore ĩãturiã ããĩpererãrẽ béogũkumi. ĩgũsãrẽ béoburi dupuyuro Marĩpũ gããmederosũta Cristo ããĩpererã Opũ ããĩrĩgũkumi.

26 ããĩpererã ĩgũrẽ ĩãturiãrẽ béodero pũrũ, boaridere peremakũ irigũkumi.

27 Marĩpũ ĩgũya werenĩrĩ gojãdea pũgue ãrĩderosũta Cristore ããĩpererãrẽ doregũ, ããĩpererire opagũ ããĩmakũ iridi ããĩmĩ. Irasũ ãrĩrõ: “Marĩpũ weka doregũ Cristo ããĩmĩ”, ãrĩduaro meta yãa. Marĩpũta ããĩpererire, ããĩpererãrẽ Cristo dokague pídi ããĩmĩ.

28 Marĩpũ ĩgũrẽ irasiri ododero pũrũ, Cristo Marĩpũ magũ ĩgũ ããĩpererãrẽ doregũ, ããĩpereri opagũ ããĩrĩrẽ Marĩpũre wiagũkumi. Irasirigũ Marĩpũ ããĩpereri, ããĩpererã Opũ ããĩrĩgũkumi.

29 Gaji ããrã. “Boanerã masãbirikuma”, ĩgũsã ãrĩkerepũrũ, ¿nasirirã gajerã masaka boanerãya ããĩburire wãĩyebosayuri? ĩgũsã: “Boanerã masãbirikuma”, ãrĩrã, ĩgũsãya ããĩburire wãĩyebosabiribokuma.

30 Gũa: “Boanerã masãrãkuma”, ãrĩ bueri waja ãmũrikũ gajerã gũare ñerõ iridũama. Gũare ĩgũsã ñerõ iridũakerepũrũ, boanerã masãburire masĩsĩã, irire buenĩkõãa.

31 Yaarã, i diayeta ããrã. Marĩ Opũ Jesucristore musã bũremumakũ ĩãgũ, yũ bũro usũyãa. Ide diayeta ããrã. Ĕmũrikũ: “Masaka yũre wẽjẽkõãrãkuma”, ãrĩ péñãa.

32 Yũ Jesucristoya kerere bueri waja Efesoguere makãnúũ marã yéa bũro guarã irirosũ ããĩrã, yũre ñerõ irima. “Boanerã masãbirikuma”, ĩgũsã ãrĩrĩ diaye ããĩmakũ, yũ irogue bueri waja ñerõ taridea wajamarĩbokuyo. “Boanerã masãbirikuma”, ĩgũsã ãrĩrĩ diaye ããĩmakũ, marĩde gajerã irirosũ ãsũ ãrĩ werenĩbokoa: “Nãka baa, iirĩrã! Ñamigã boakõãbokoa. Irasirirã marĩ boaburi dupuyuro marĩ gããmerõ irirã!” ãrĩbokoa.

33 Gajerã ãrĩgatorire pébirikõãka! Masaka ãsũ ãrĩ werewũakuma: “Ñerãrẽ wapikũrã, musã õãrõ iririkũrere pirikõãrãkoa”.

34 Irasirirã musã dupuyurogue gopeyari merã keoro iriderosũta irika doja! Ñerĩrẽ irinemobirikõãka! Musã surãyeri Marĩpũre masĩbea. Musãrẽ gũyasĩrdoregũ irasũ ãrã.

Boanerã masãburire gojanemodea

35 Gajipoe sugu āsū ārī sērēñabokumi: “¿Nasiri boanerā masārākuri? ¿Naásūperi dupu oparākuri?” ārībokumi.

36 Irasū sērēñagū pémasībi āārīmi. Marī oteri yeri otedero puṛu, iri yeri puriburi dupuyuro yeba poekague boakōākoa. Boa, puṛu puri wirikoa. Boabirimakū, neō puri wirimasībirikoa.

37 Marī oterā, puridiguere āi otebea. Dupayeri direta otea. Iri yeri trigo yeri āārīrō, o gaji yeri āārīrō āārīkoa.

38 Iri yerire marī otedero puṛu, Marīpu gapu īgū gāāmederosūta iri yerire purimakū yāmi. Irasirigu ojoduka yerire ojodukañu waamakū yāmi. Trigo yerire trigo sari waamakū yāmi. Irasū dita yāmi Marīpu.

39 Āārīpererā okari oparā surosū dupukurā āārībema. Masakaya dupu, waimarāya dupu irirosū āārībea. Mirāya dupu, waaiya dupu irirosū āārībea.

40 Ūmarō marāya dupu, i ūmu marāya dupu irirosū āārībea. Ūmarō marā ōārī dupu opama. I ūmu marā, ūmarō marā irirosū āārībirikererā, īgūsāde ōārī dupu opama.

41 Abe ūmu kūmijūrī merā asimi. Ūnamu irirosū boyobemi. Neñukāde gajerosūperi gosema. Neñukārē marī iāmakū, gajerā sīrūgā goserā deyoma. Gajerā buro goserā deyoma.

42 Marī boanerā masārā āsū āārīrākoa. Marī boamakū yáadero puṛu, marīya dupu boarokoa. Puṛu masārā, gaji dupu neō boabiri dupu oparākoa. Irasirirā neō dupaturi boabirikoa.

43 Marīya dupure yáamakū, boanerāya dupu boari dupu, turabiri dupu daro āārā. Marīpu marīrē masūmakū, marīya dupu ōārī dupu, turari dupu āārīrokoa.

44 Marīya dupure yáamakū, marīya dupu i ūmuma dupu āārā. Marī boanerā masāmakū, marīya dupu ūmugasima dupu āārīrokoa. Irasirirā āsū ārī masīa. Daporare marī i ūmuma dupure opāa. Puṛu ūmugasima dupure oparākoa.

45 Marīpuya werenīrī gojadea pūgue āsū ārī gojasūdero āārībú: “Marīpu īgū iripuroridi Adārē okarire sīdi āārīmī”, ārī gojasūdero āārībú. Adán puṛumu Jesucristo gapu perebiri okarire sīgū āārīmī.

46 Marī i ūmuma dupure opapuroria. Puṛugue ūmugasima dupure oparākoa.

47 I ūmugue āārīpuroridi Adán, nikū merā irisūdi āārīmī. Īgū puṛumu marī Opu Jesucristo gapu ūmugasiguemū āārīmī.

48 Adán nikū merā iridea dupu dupukaderosū marī āārīpererā nikū merā iridea dupu dupukua. Irasū āārīmakū, ūmugasiguemū Jesucristoyarā āārīsīā, īgūya dupu irirosū dupukurākoa.

49 Adán nikū merā irisūdi āārīmī. Marī īgū irirosū dupukua. Puṛu ūmugasiguemū Cristo irirosū dupukurākoa.

50 Yaarā, musārē ire werea. Marīrē i ūmuma dupu merā ūmugasigue Marīpu īgūyarārē dorerogue neō waamasīña máa. I ūmuma boaburi dupu merā ūmugasigue perebiri okari āārīrōguere neō waamasīña máa.

51-52 Masaka masībirideare daporare musārē weregura. Jesucristo i ūmugue dupaturi aariburi dupuyuro āārīpererā īgūyarā boabirikuma. Jesucristo aaripoe Marīpue wereboegu puridiru puritūnugukumi. Irasū puriadero puṛu, mata kārī yoberā irirosū marī āārīpererā Jesucristore buremurā gorawayurākoa. Marī boanerā gaji dupu boabiri dupu merā masārākoa. Irasirirā neō dupaturi boabirikoa. Okarāde gaji dupu boabiri dupu oparākuma.

53 Marīpu marīya dupu pereburi dupure gorawayugukumi, perebiri dupure opaburo, ārīgū. Marīya dupu boaburi dupure gorawayugukumi, neō boabiri dupure opaburo, ārīgū.

⁵⁴ Marīya dupu pereburi dupu, neō perebiri dupu re gorawayumakū, marī boaburi dupu, neō boabiri dupu re gorawayumakū, Marīpuya werenīrī gojadea pūgue ārīderosūta waarokoa. Āsū ārī gojasūdero āārībú iri pūguere: “Marīpu boarire béokōāmi, dupaturi marīrē neō boabirikōāburo, ārīgū.

⁵⁵ Marī boakōārākoa, ārī gūidea pereakōāa”, ārī gojasūdero āārībú.

⁵⁶ Marī űerō iridea waja boamurā dita āārā. Marīpu Moisére doreri pídea merā marī űerō irideare masīa.

⁵⁷ Irasū āārīkerepuu, Marīpu marī Opu Jesucristo iridea merā marīrē peamegue waabonerārē taumi. Irasirirā Marīpue: “Ōātaria mu”, ārī, usuyari sīa.

⁵⁸ Irasirirā, yaarā yu maīrā, musārē āsū ārī weregura. Musā marī Opu Jesucristore bremurīrē neō piribirikōāka! Gajerā musārē ĩgūyare béodoremakū, neō béobirikōāka! Ŭmuriku ĩgū moādorere oārō irinikōāka! Ire marī masīa. ĩgū merā marī oārō āārīrā ĩgū marīrē moādorere irimakū, marī moārī, ubu āārīrī neō āārībea.

16

Corinto marā gajerā Jesúre bremurārē niyeru sīburi neeōrīrē gojadea

¹ Daporare musārē niyeru neeō, musā gajerā Jesúre bremurārē sīburire weregura. Yu gajerā Jesúre bremurārē Galacia nikūgue āārīrārē dorederosūta musāde irika!

² Semanariku siuñajārīn* āārīmakū, āārīpererā musā gajerā Jesúre bremurārē sīburi niyerure dukawa duripika! Mérōgā oparā mérōgā dukawa duripika! Waaweyaro oparā waaweyaro dukawa duripika! Irasirirā, yu musā pūrogoe ejamakū, musā sīburire opasiarākoa.

³ Yu musā pūrogoe ejagu, musā beyenerārē Jerusalēgue iriugukoa. Papera pūgue āsū ārī gojagukoa: “Īsā āārīma Corinto marā beyenerā”. Irasū ārī goja odo, ĩgūsā merā iri pūrē, musā duripī neeōdea niyerure iriugukoa, Jesúre bremurā Jerusalēgue āārīrārē sīdoregu.

⁴ Musā yure: “Īgūsā merā waamakū gāāmea”, āārīmakū, ĩgūsā yu merā waarākuma.

Pablo ĩgū Corintogue waaburire gojadea

⁵ Yu musā pūrogoe waagú, Macedonia nikūgue waapūrorigukoa. Ire tariwāgā, musā pūro waagukoa.

⁶ Gajipoe irigu yoaweyaripoe musā merā āārīgukoa, o gajipoe irigu puibure āārīpeogu, āārīpeokōābokoa. Irasirirā musā yu gajerogoe waaburire iritamu-masīrākoa.

⁷ Yu musārē ĩārī dita ĩātariaduabirikoa. Irasirigu marī Opu gāāmemakū, yoaripoe musā merā āārīgukoa.

⁸ Pentecostés bosenu āārīmakū, oō Efesogueta taugukoa dapa.

⁹ Ōōguere wári moārī āārā. Marī Opuya kerere péduarā wárā āārīma. Irasū āārīmakū, yu irire weremakū kāmūtaduārāde wárā āārīma.

¹⁰ Timoteo musā pūrogoe ĩgū ejamakū, ĩgūrē oārō merā bokatīrī, oārō usuyari merā űeāka! Musā irasirimakū, ĩgū musā merā bujawereri marīrō āārīgukumi. ĩgū yu irirosū marī Opuyare moāmi.

¹¹ Irasirirā ĩgūrē irasū ĩábéomerāta oārō merā ĩgūrē iritamuka! Musā irasirimakū, ĩgū yu pūrogoe oārō usuyari merā goedujarigukumi. Gajerā Jesúre bremurā merā gua ĩgūrē yūrā yāa. Irasirirā, ĩgū oōgue aariburire iritamuka!

* **16:2** Jesúre bremurāya siuñajārīn, domingo āārā. Domingo āārīmakū, Jesús boadigue masādi āārīmī. Irasirirā, domingo āārīmakū, ĩgūrē bremurā nerēnama.

12 Apolore marĩyagu Jesúre b̄remugũrẽ m̄sãrẽ ãgũ waamakũ b̄ro gããmeadibũ. Irasirigu ãgũrẽ gajerã Jesúre b̄remurã merã waadoreadibũ. Yũ waadorekerepũ, ãgũ daporare waad̄abemi. Pũrũ ãgũrẽ gajino iriri marĩmakũ, m̄sã p̄rogue waagũkumi.

Pablo Corinto marãrẽ õãdoretũnudea

13 Õãrõ p̄masĩka! Jesucristore b̄remurĩrẽ neõ piribirikõãka! Gũiri marĩrõ õãrõ gũñaturarã ããrĩka! Marĩpũ turari merã õãrõ ããrĩrikũka!

14 ããrĩpereri gajinorẽ irirã, gajerãrẽ maĩrĩ merã irika!

15 Yaarã, m̄sã masĩa. Acaya nikũguere Estéfanas wãĩkũgũya wii marã, gajerã iro marã Jesúre b̄remup̄roriburi dupuyuro ãgũrẽ b̄remup̄rorinerã ããrĩma. ãgũsã, gajerã Jesúre b̄remurãrẽ õãrõ iritamunĩkõãma.

16 ãgũsã irirosũ irirãrẽ õãrõ ãgũsã dorerire iritũyaka! Gajerã ãgũsã merã Jesucristoyare moãtamurãrẽ m̄sã õãrõ ãgũsã dorerire iritũyamakũ gããmea yũ.

17 M̄sã merãmarã Estéfanas, Fortunato, Acaico yũ p̄rogue ejasiama. ãgũsã yũ merã ããrĩmakũ, b̄ro ɯsũyãa. ãgũsã m̄sã yũre iritamuboadeare iritamuma.

18 Yũre õãrõ yũjũpũrãkũmakũ yãma. M̄sãdere irasũta iriñurã. M̄sãrẽ gajerã p̄rogue ãgũsã irirosũ irirãrẽ: “Õãrõ irirã yãma”, ãrĩ werero gããmea.

19 Asia nikũ marã Jesúre b̄remurã m̄sãrẽ õãdorema. Aquila, Priscila, gajerã Jesúre b̄remurã ãgũsãya wiigüe nerẽnarãde m̄sãrẽ b̄ro õãdorema.

20 Õõ marã Jesúre b̄remurã ããrĩpererã m̄sãrẽ õãdorema. ɯsũyari merã gãme bokatĩrĩ, õãrõ merã mojõ ñeãnaka!

21 Yũ Pablo, yũ basi: “M̄sãrẽ õãdorea”, ãrĩ gojãa.

22 Marĩ Op̄re Jesucristore maĩbino wajamoãsũburo. “Gũa Op̄re aarika!”

23 Marĩ Op̄re Jesucristo m̄sãrẽ õãrõ iritamuburo.

24 Marĩ ããrĩpererã Jesucristoyarã ããrã. Irasirigu yũ m̄sã ããrĩpererãrẽ b̄ro maĩa. ãsũ ããrã. Irasũta ããrĩburo.

Iropãta ããrã.

Pablo

2 CORINTIOS

Pablo Corinto marãrẽ õãdoredea

¹ Yũ Pablo, marĩyagũ Timoteo merã mũsã Marĩpũyarã Corinto marãrẽ, irasũ ããrĩmakũ ããrĩpererã Acaya nikũgue ããrĩrãrẽ õãdoredea. Marĩpũ gããmederosũta Jesucristo yũre ìgũyare buedoregũ pími.

² Marĩpũ ããrĩnĩgũ, marĩ Opũ Jesucristo mũsãrẽ õãrõ iritamũ, siuñajãrĩ merã ããrĩrikũmakũ iriburo.

Pablo ìgũ ñerõ tarideare gojadea

³ Marĩpũ, marĩ Opũ Jesucristo Pagũ marĩrẽ bopoñarĩ merã ìãmi. Ìgũ sugũta marĩrẽ gũñaturamakũ irigũ ããrĩmi. Irasirirã ìgũrẽ: “Õãtaria mũ”, ãrĩ, usũyari sĩrã!

⁴ Marĩ ñerõ taririkũ, Marĩpũ marĩrẽ gũñaturamakũ yãmi. Irasirirã gajerã ñerõ tarimakũ ìãrã, Marĩpũ marĩrẽ gũñaturamakũ iriderosũ marĩde ìgũsãrẽ gũñaturamakũ irimasĩa.

⁵ Marĩde Cristoyarã ããrĩsĩã, ìgũ ñerõ tariderosũ bũro ñerõ taria. Marĩ ñerõ tariro nemorõ Marĩpũ Cristo merã marĩrẽ iritamugũ õãrõ gũñaturamakũ irigũkumi.

⁶ Gũa Marĩpũ mũsãrẽ taurire gũñaturaburo, ãrĩrã, ñerõ taria. Gũa ñerõ tarimakũ, Marĩpũ gũare iritamumi gũñaturari merã tariburo, ãrĩgũ. Mũsã, gũa irirosũ ñerõ tarimakũ, Marĩpũ mũsãdere iritamumasĩmi gũñaturari merã tariburo, ãrĩgũ.

⁷ Gũa ire masĩa. Gũa ñerõ tarirosũ mũsãde gũa merã ñerõ taria. Irasũ ñerõ tarimakũ, Marĩpũ gũare gũñaturamakũ irirosũ mũsãdere õãrõ gũñaturamakũ yãmi. Irasirirã mũsã gũñaturari merã ñerõ tariburire gũa masĩa.

⁸ Gũayarã, Asia nikũgue gũare waadeare mũsãrẽ masĩmakũ gããmea. Gũa iroguere ããrĩrã bũro ñerõ tarirã: “Ì ñerõ taririre neõ bokatĩũbirikoa. Boarãkoa.

⁹ Wẽjẽbéokõãrãkuma”, ãrĩ gũñadibũ. Marĩpũ direta gũa gũñaturaburire irasũ ñerõ taribũ. Irasirirã: “Marĩ basi neõ iritamumasĩbirikoa. Marĩpũ boanerãrẽ masũgũ sugũta marĩrẽ taumasĩmi”, ãrĩ gũñaturabũ.

¹⁰ Gũare bũro wẽjẽduakererũ, Marĩpũ gũare taumi. Irasirirã: “Dapouradere, pũruguedere taugũkumi”, ãrĩ bũremua.

¹¹ Irasirirã mũsã gajerã merã Marĩpũre gũaya ããrĩburire sẽrẽbosarosũta ìgũ gũare iritamumakũ ìãrã, wãrã ìgũrẽ: “Pablosãrẽ õãrõ iritamubũ”, ãrĩ, usũyari sĩrãkuma.

Pablo ìgũ Corintogue waadũadideare gojadea

¹² Gũa irideare gũñarã, usũyari merã ãsũ ãrĩ gũñãa: “Gũa ì ùmũguere Marĩpũ ìũrõ ãrĩgatori marĩrõ gopeyari merã masakare buebũ”, ãrĩ gũñãa. Mũsãdere irasũta iribũ. Gũa masĩrĩ merã buebiribũ. Marĩpũ gũare maĩgũ ìgũ turari merã iritamumi.

¹³ Gũa mũsãrẽ gojarã, pẽmasĩma õãrõ dita gojabũ, õãrõ pẽmasĩmakũ gããmerã.

¹⁴ Irasirirã gũa mũsãrẽ gũñarã: “Gũayamarẽ ìgũsã pẽmasĩturabirideare pũrugue õãrõ pẽmasĩrãkuma”, ãrĩ gũñãa. Irasirirã, marĩ Opũ Jesús dupaturĩ aarimakũ, gũa mũsã iridea merã usũyarosũta, mũsãde gũa iridea merã usũyarãkoa.

¹⁵⁻¹⁶ Irasũ ãrĩ gũñagũ, Macedonia nikũgue waagũ mũsãrẽ ìãgũ waapũroridũadibũ. Irasirigũ mũsãrẽ ìãtariwãgã, gãme dujari, mũsãrẽ dupaturi ìãbokuyo. Pea yũre mũsã ìãrĩ merã usũyamakũ iridũagũ,

irasiridudibũ. Musã, irasirimakũ, yũ Judea nikũgũe waaburire iritamubokuyo.

17 “Yũ musã puro waagura”, ãrĩkeregũ, ejabirimakũ ãrã: “Pablo, gajerã masaka ãgũsã gããmerõ irirosũ iriañumi”, ¿ãrĩ gũñarĩ? “Ãgũ ãrĩderosũ iribirañumi”, ¿ãrĩ gũñarĩ?

18 Marĩpũ ãgũ: “Ãsũ irigũra”, ãrĩdeare yãmi. Guade: “Ãsũ irirãkoa”, ãrĩdeare: “Iribirikoa” ãrĩrã meta yãa. Irire masĩmi Marĩpũ.

19 Yũ, Silvano, irasũ ããrĩmakũ Timoteo, Marĩpũ magũ Jesucristoyare musãrẽ werebũ. Marĩpũ: “Yũ magũ merã ãsũ irigũra”, ãrĩgũ, diayeta irigũno ããrĩmi. “Ãgũ merã ãsũ irigũra”, ãrĩ, pũrũ: “Iribirikoa”, ãrĩgũ meta yãmi.

20 Irasirigũ ããrĩpereri Marĩpũ masakare: “Ãsũ irigũra”, ãrĩdeare Jesucristo ãgũ magũ merã iripeokõadi ããrĩmĩ. ãgũ irasirimakũ ãrã, marĩ Jesucristoyarã Marĩpũre: “Irasũta ããrã, mũ magũ Jesucristo merã iridea õãtaria”, ãrĩ, usuyari sĩa.

21 Guare, irasũ ããrĩmakũ musãdere Cristore piriro marĩrõ buremurã, ãgũ merã õãrõ ããrĩmakũ irigũ, Marĩputa ããrĩmi. ãgũta marĩrẽ beyepĩdi ããrĩmĩ Cristoyarã ããrĩdoregũ.

22 Irasirigũ marĩrẽ ãgũyarã ããrĩrĩrẽ masĩmakũ iridoregũ, Õãgũ deyomarĩgũrẽ marĩ merã ããrĩmakũ iridi ããrĩmĩ. Irasirigũ ããrĩpereri ãgũ marĩrẽ siburire ãgũ merã masĩmakũ yãmi.

23 Marĩpũ yũ wererire, yũ gũñarĩrẽ masĩmi. Irasirigũ yũ musã pũroguẽ Corintoguere waabirideare diayeta weregũra. Musã ñerõ iridea waja turidũabi, musã pũroguere waabiribũ, musãrẽ bujaweremakũ iribokoa, ãrĩgũ.

24 Gua musãrẽ burõ doreri merã: “Jesucristore buremurã ãsũpero gapũ iriro gããmea”, ãrĩrã meta ããrã. Piriro marĩrõ musã ãgũrẽ õãrõ buremua. Irasirirã, musãrẽ ãgũ merã nemorõ usuyamakũ gããmerã, õãrõ iritamudũãa.

2

1 Iro dupuyuro yũ musãrẽ ããgũ ejagũ, yũ wereri merã musãrẽ bujaweremakũ iribũ. Irasirigũ: “ ‘Dupaturi ãgũsãrẽ bujaweremakũ iribokoa’, ãrĩgũ, daporare ãgũsãrẽ ããgũ waabea”, ãrĩ gũñabũ.

2 Musãrẽ bujaweremakũ irigũ, yũde bujawerebokoa. Marĩ basi gãme bujaweremakũ irirã, gãme usuyamakũ irimasĩña marĩbokoa.

3 Irasirigũ irinũgue musãrẽ su pũ gojabũ yũ musã pũroguẽ waaburi dupuyuro iririre ãmudoregũ. Irire ãmuburi dupuyuro yũ musãrẽ ããgũ waamakũ, yũre usuyamakũ iriboanerã, yũre bujaweremakũ iribokoa. Yũ ãsũ ãrĩ gũñãa: Yũ musã merã usuyamakũ, musãde yũ merã usuyarãkoa. Irasirigũ musã merã bujaweredũabi: “Waabea dapa”, ãrĩ gojabũ.

4 Musãrẽ irire gojagũ, burõ gũñarikũri merã, õãrõ yũmpũrãkũri marĩrõ merã, burõ oreri merã musãrẽ gojabũ. Musãrẽ bujawereburo, ãrĩgũ meta gojabũ. Yũ musãrẽ burõ maĩrĩrẽ masĩmakũ iridũagũ, gojabũ.

Ñerõ iridi irideare kãtika! ãrĩ gojadea

5 Sugũ musãyagũ ãgũ ñerõ iridea merã yũre bujaweremakũ irimi. Yũ direta irasũ iribirimi. Musãdere ããrĩpererãrẽ bujaweremakũ iridi ããrĩmĩ. ãgũ yũre musã nemorõ bujaweremakũ irikerepũrũ: “ãgũrẽ burõ wajamoãka!” ãrĩgũ meta yãa.

6 Musã nerẽnarõgue: “ãgũ ñerõ iridea waja marĩ merã neõ nerẽnemobirikõãburo”, ãrĩdeare irisiayuro. Irasirigũ yũ musãrẽ: “Iropãta ãgũrẽ wajamoãka!” ãrĩ gojãa.

⁷ Īgũ ñerõ irideare bujawerekeregũ, ĩgũrẽ musã wajamoãnemomakũ, buro bujawereri merã dujabokumi. Irasirirã ĩgũ ñerõ irideare kãti, ĩgũrẽ iritamuka, gũñaturari merã ããrĩburo, ãrĩrã!

⁸ Irasirigũ yũ musãrẽ: “Dupaturi ĩgũrẽ õãrõ bokatĩrĩñeãka, musã dupuyurogue maĩderosũta ĩgũrẽ maĩrĩrẽ masĩburo, ãrĩrã!” ãrĩ gojãa.

⁹ Iro dupuyuro musãrẽ gojagũ: “¿Diayeta yũ dorerire irirãkuri?” ãrĩ masĩduagũ gojabũ.

¹⁰ Musã ĩgũ ñerõ irideare kãtirosũta, yũde irire kãtia. Yũre ñerõ iribirikerepũrũ, musãrẽ iritamudũagũ: “Īgũ ñerõ irideare kãtia. Cristo marĩ ñerõ irideare kãtigũ ĩũrõ, irasũ yãa”, ãrĩ gojãa.

¹¹ Marĩ ĩgũ ñerõ irideare kãtimakũ ĩãgũ, wãtẽa opũ Satanás marĩrẽ ñerõ iridoredũagũ marĩrẽ tarinũgãmasĩbirikumi. ĩgũ marĩrẽ ñerĩ irimakũ gããmerĩrẽ õãrõ masĩa.

Pablo: “Troague ããrĩgũ gũñarikũbũ”, ãrĩ gojadea

¹² Yũ Troas wãĩkuri makãgue Jesucristoya kerere buegũ ejamakũ, marĩ Opũ Jesucristo wãrã irogue ããrĩrãrẽ iri kerere pẽdũamakũ iridi ããrĩmĩ.

¹³ Irasũ ããrĩkerepũrũ, marĩyagũ Titore bokabirisĩa, buro bujawere gũñarikũbũ. Irasirigũ iro marãrẽ: “Waagũ yãa”, ãrĩ, Macedonia nikũgue ĩgũrẽ ãmagũ waabu.

Cristoyarã wãtĩ ñerõ iridorerire tarinũgãmasĩma, ãrĩ gojadea

¹⁴ Yũ gũñarikũkerekeregũ, Marĩpũre: “Mũ yũre õãrõ iritamunĩa”, ãrĩ, usũyari sĩa. Marĩ Jesucristoyarã ããrĩmakũ, Marĩpũ marĩrẽ ĩgũ iritamurĩ merã ããrĩpereri wãtĩ ñerõ iridorerire tarinũgãmasĩmakũ yãmi. Marĩ Jesucristoya kerere bueri merã masakare ĩgũyamarẽ masĩmakũ yãmi. Sũrõrĩ ããrĩpererogue sũrõ seyaro irirosũ ããrĩpererogue marãrẽ masĩmakũ yãmi.

¹⁵ ãsũ ããrã. Marĩpũ, marĩ Jesucristoya kerere were, ĩgũyare iritũyamakũ ĩãgũ, õãrĩ sũrõrĩ ĩgũrẽ sĩdea soemurĩ merã usũyarusũ, marĩ merã usũyami. Sũrõrĩrẽ ĩgũ ĩũrõ soemumakũ sũrõ seyarusũ, marĩ noó waaró marĩ Jesucristoyarã ããrĩrĩrẽ ĩgũ taumurãrẽ, peamegue waamurãdere masĩmakũ yãmi.

¹⁶ Peamegue waamurã Jesucristoya kerere marĩ weremakũ pẽrã, ĩgũrẽ gããmebiri waja irogue wajamoãsũburire masĩma. Jesucristo taumurã gapũ iri kerere marĩ weremakũ pẽ buremurã, Marĩpũ pũro ĩgũ merã ããrĩburire masĩma. Marĩ basi iri kerere õãrõ weremasĩbea. Marĩpũ iritamurĩ merã irire õãrõ weremasĩa.

¹⁷ Wãrã gajerã Marĩpũyare buegorenarã, niyeru direta wajatadũama. Gũa gapũ ĩgũsã irirosũ iribea. Gũa Cristore moãboerã, Marĩpũ iriunerã ĩgũ ĩũrõ ĩgũ weredoredeare gopeyari merã werea.

3

Marĩpũ Jesucristo iridea merã: “Õãrõ irigũra musãrẽ”, ãrĩrĩrẽ gojadea

¹ Gũa musãrẽ irire ãrĩrã, dupaturi gũa basi õãrõ werenĩrã meta yãa. Gajerã buerimasã musã pũro ejaburi dupuyuro ĩgũsã buenerãrẽ su papera pũgue ĩgũsã buerire: “Keoro ããrã”, ãrĩrĩrẽ gojadoreñurã. Irasirirã musã pũro ejarã, iri pũrẽ musãrẽ wiañurã. Musã gũare masĩsiãa. Irasirirã gũa ĩgũsã irirosũ musãrẽ iri pũnorẽ iriubea. Irasũ ããrĩmakũ gajerogue buerã waamurã, musãrẽ iri pũnorẽ gojabosadorebea.

² Gũa iri pũnorẽ gããmebea. Musã, gũa Jesucristoya kerere weremakũ pẽrã, ĩgũrẽ buremu, ĩgũyare irinũgãbũ. Masaka, musã irasirimakũ ĩãrã, gũa buerire: “Keoro ããrã”, ãrĩ masĩrãkuma. Gũade gũa gũñarĩgue musãrẽ: “Diayeta Jesucristore buremu, ĩgũyare iritũyarã yãma”, ãrĩ masĩa. Musã irasiriri merã

masaka gware: “Ōāgorama”, āri masīrākuma. Gwayamarē gojadea pū merā masīrōsū irire masīrākuma.

³ Jesucristo, gwa ĩgūya kerere weremakū, musārē ĩgūrē buremu, ĩgūyare irituyamakū iridi āārīmī. Irasirirā masaka musā ĩgūyare iririre ĩārā, ĩgūyarā musā āārīrīrē gojadea pū merā masīrōsū masīrākuma. Irasirirā musā Cristo gojadea pū irirosū āārā. Irire masīdoregū, papera pūgue gojadi merā gojabiridi āārīmi. Marīpū okanīgū gāāmerōsūta Ōāgū deyomarīgū turari merā musāya gūñarīgue: “Īgū iritamurī merā gwa āsū āārīrikua”, āri masīmakū yāmi. Irasirigū, iripoegue Marīpū Moisére ĩgū dorerire pīdeare ūtā majīrīgue gojaderosū iribiridi āārīmī.

⁴ Gwa Cristo iritamurī merā Marīpūre gūñaturasīā, musārē irire gojāa.

⁵ “Gwa masīrī merā i moārīrē yāa”, neō ārīmasībea. Marīpū iritamurī merāta Jesucristoya kerere werea.

⁶ Irasirigū gware iri kerere, ĩgū masakare: “Ōārō irigūra musārē”, ārīrīrē ōārō buemakū yāmi. Iri kere, iripoegue Marīpū Moisére ĩgū doreri pīdea irirosū āārībea. Marīpū Jesucristo iridea merā, Ōāgū deyomarīgū iritamurī merā marīrē ĩgū merā ōārō āārīmakū iriri kere āārā. Neō sugū ĩgū dorerire iripeogu mámi. Irasirirā marī irire iripeobiri waja peamegue waamurā dita āārībokoā. Ōāgū deyomarīgū iritamurī merāta Marīpū merā ōārō āārīmasīa.

⁷ Marīpū Moisére ĩgū doreri pīdeare ūtā majīrīgue gojagū, ĩgū āārīrōgue gosewasiriri waamakū iridi āārīmī. Irasiriro Moiséya diapu Marīpū gosewasiriri merā kūmijūdero āārībú. Iri gosewasiriri peredijakerepūru, Israel bumarā ĩgūrē ĩāmeétumasībirinerā āārīmā. Marīpū būro gosewasiriri merā deyoa, Moisére iri doreri pīdea āārīkerepūru, iri doreri, masakare ĩgūsā irire iripeomasībiri waja peamegue waamurā dita āārīmakū iridero āārībú.

⁸ Irasirigū Marīpū iri doreri merā iridea nemorō, ĩgū Ōāgū deyomarīgū iritamurī merā marīrē ĩgū merā ōārō āārīmakū iriri ōātaria.

⁹ Marīpū, masaka Moisére ĩgū doreri pīdeare iripeobiri waja ĩgūsārē: “Wajamoāgūra”, ārīkerepūru, ōāgoradero āārībú. Iri nemorō, Marīpū Jesucristo iridea merā marīrē: “Ōārā, waja opamerā āārīma”, ārī ĩārī, ōātaria.

¹⁰ Irasiriro Marīpū Moisére ĩgū doreri pīdea ōārī āārīkerepūru, Jesucristoya kere gapū, iri nemorō ōātaria. Iri kere, iri dorerire ubu āārīrī dujamakū yāa.

¹¹ Marīpū būro gosewasiriri merā Moisére ĩgū dorerire pīkerepūru, iri pereburi āārīdero āārībú. Jesucristo ĩgū iridea merā marīrē tauri kere gapū ōātaria. Neō ubu āārīrī āārībirikoa. Neō perebirikoa.

¹² Irasirirā gwa irire masīsīā, gūiro marīrō merā pémasīma ōārō musārē Jesucristoya kerere werea.

¹³ Iri kere, Marīpū Moisére ĩgū doreri pīdea perederosū neō perebirikoa. Irasirirā gwa iri kerere wererā, Moisés iriderosū irirā meta yāa. Moisés Marīpū merā āārīdero pūru, ĩgūya diapu Marīpū gosewasiriri merā kūmijūdero āārībú. Israel bumarā iri gosewasiriri peredijarire masīrī, ārīgū, ĩgūya diapure surīro gasiro merā būhadi āārīmī.

¹⁴ Moisés irasirimakū, iri gosewasiriri peredijarire masībiderosū, Marīpū doreri ĩgūrē pīdeare: “Āsū ārīdūaro irikoa”, ārī pémasībīrinerā āārīmā. Daporaguedere Israel bumarā irire buerā, pémasībema dapa. Cristoyarā dita irire pémasīma.

¹⁵ Daporaguedere Israel bumarā Marīpū Moisére ĩgū doreri pīdeare buekererā, pémasīrī marīrō buema.

¹⁶ Sugū masakū marī Opūre būremunūgāmakū, marī Opūta ĩgūyare pémasīmakū yāmi.

17 Marĩ Opɯ, Ōāgũ deyomarĩgũ merã suguta ãārĩmi. Irasirirã, Ōāgũ deyomarĩgũ marĩ merã ãārĩmakũ: “Marĩpɯ Moisére ĩgũ doreri pídeare marĩ tarinũgãdea waja marĩrẽ wajamoãgũkumi”, ãrĩ gũñabea.

18 Irasirirã marĩ Opɯyarã ãārĩsĩã, marĩ Opɯ õatarigu ãārĩrĩrẽ masĩa. Gajerãde marĩ ĩgũyarã ãārĩrĩrẽ masĩma. Irasirigu marĩrẽ ĩgũ õāgũ ãārĩrõsũ ãārĩmakũ gãāmegũ, ãārĩpereri marĩ okarinũrĩrẽ gorawayumakũ yámi. Marĩ Opɯ, Ōāgũ deyomarĩgũ merã suguta ãārĩmi. ĩgũta marĩrẽ irasũ yámi.

4

1 Marĩpɯ gũare bopoñarĩ merã ĩāgũ, gũare Jesucristoya kerere weremurãrẽ pídi ãārĩmĩ. Irasirirã piriro marĩrõ gũñaturari merã masakare iri kerere werea.

2 Gũyasĩũrõ iririre, masaka ĩāberogue ñerĩ iririre doogorãa. Ārĩgatori merã buebea. Marĩpɯya werenĩrĩrẽ gorawayuro marĩrõ buea. Marĩpɯ ĩũrõ diayema ãārĩrĩ direta pémasĩma õārõ masakare werea, ãārĩpererã gũare: “Keoro buema”, ãrĩburo, ãrĩrã.

3 Peamegue waamurã dita Marĩpɯ Jesucristo iridea merã masakare tauri kerere gũa wererire pémasĩbema.

4 ĩgũsã Jesucristore bũremubiri waja, wãtĩ i ũmɯ marã ñerã opɯ ĩgũsãrẽ iri õārĩ kerere pémasĩbirimakũ yámi. Koye ĩāmerã sĩāgorire ĩāmasĩmerã irirosũ ãārĩmakũ yámi. Irasirirã Cristo õatarigu ãārĩrĩrẽ ĩāmasĩbema. Cristo, Marĩpɯ ãārĩrikũrere opagɯ, Marĩpɯta ãārĩmi.

5 Gũa Jesucristoya kerere wererã, masaka gũare õārõ gũñaburo, ãrĩrã meta yãa. ĩgũsãrẽ: “Jesucristo marĩ Opɯta ãārĩmi. ĩgũrẽta bũremurõ gãāmea”, ãrĩ werea. Gũayamarẽ wererã: “Jesús gũare maĩgũ ĩgũyare weredoredea merã gũa mũsãrẽ moãboerã irirosũ mũsãrẽ iritamurã yãa”, ãrĩ werea.

6 Neõgoraguere ãārĩperero i ũmũgue naĩtĩārõ ãārĩmakũ, Marĩpɯ: “Boyori waaburo”, ãrĩrĩ merãta boyori waamakũ iridi ãārĩmĩ. ĩgũta iriderosũ marĩya gũñarĩgue boyori ãārĩmakũ yámi. Irasirigu marĩrẽ ĩgũ õatarigu ãārĩrĩrẽ masĩmakũ yámi. Marĩ Jesucristo õatarigu ãārĩrĩrẽ masĩrã, Marĩpɯ õatarigu ãārĩrĩdere masĩa.

Jesucristore bũremurã Marĩpɯ merã õārõ ãārĩma, ãrĩ gojadea

7 Gũa Marĩpɯ õatarigu ãārĩrĩrẽ masĩrã, diiarisoro ubu ãārĩrĩ soro, õatariri opari soro irirosũ ãārã. Irasirirã gajerã, gũa Marĩpɯya kerere weremakũ pérã: “Marĩpɯ turatarigu iritamurĩ merãta marĩrẽ ĩgũyare werema ĩgũrẽ bũremuburo, ãrĩrã”, ãrĩ gũñarãkuma.

8 Gũa noó waaró ñerõ tarikerepɯɯ, Marĩpɯ iritamumi, gajerã gũare ĩgũyare wererire pirimakũ iribirikõāburo, ãrĩgũ. Irasirirã: “¿Naásũ waarokuri?” ãrĩ gũñarikũkererã: “Marĩpɯ marĩrẽ iritamubirikumi”, ãrĩ gũñabea.

9 Gajerã gũare ñerõ irikerepɯɯ, Marĩpɯ gũare koregɯ neõ béowãgãbemi. ĩgũsã gũare wējẽduarã pámeépikerepɯɯ, Marĩpɯ ĩgũsãrẽ gũare wējẽdorebemi.

10-11 Jesús i nikũgue ãārĩmakũ, masaka ĩgũrẽ wējẽma. Irasirirã gũa ĩgũyarã ãārĩrĩ waja ãārĩpereri gũa okarinũrĩrẽ ãārĩpererogue gũa noó waaró gũadere wējẽduama. Marĩpɯ gapɯ Jesúre dupaturi okamakũ iridi ãārĩmĩ. Irasirigu, gũa boaburi dupere opakerepɯɯ, gũare Jesús okari sĩrĩrẽ opamakũ yámi gajerã irire masĩburo, ãrĩgũ.

12 Irasirirã gũa Jesúya kerere wereri waja gajerã gũare wējẽma goero ãārĩkerepɯɯ, mũsã gapɯ iri kerere bũremurã, Marĩpɯ pɯro perebiri okari opamurã ãārã.

¹³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Yũ Marĩpũre bũremubũ. Irasirigũ ĩgũyare werebũ”. Gũade irasũta bũremua. Irasirirã ĩgũyare werea.

¹⁴ Ire masĩa. Marĩpũ, marĩ Opũ Jesũre boadiguere masũdi ããrĩmĩ. ĩgũrẽ masũderosũta marĩ Jesũyarã ããrĩmakũ, marĩdere masũgũkumi. Irasirigũ marĩrẽ ĩgũ pũroguẽ ãĩmarĩagũkumi ĩgũ merã ããrĩdoregũ. Gũa irire masĩsĩa, mũsãrẽ ĩgũyare werea.

¹⁵ Irasirirã mũsãrẽ iritamudũarã mũsã õãrõ ããrĩburire i ããrĩpererire irirã ñerõ taria. Wãrã gajerãdere gũa wererire pãrã Marĩpũ Jesũs merã õãrõ iririre masĩmakũ gããmerã, irasũ yãa. Irire masĩrã, ĩgũrẽ: “Õãtaria mũ”, ãrĩ, usũyari sĩrãkuma.

¹⁶ Irasirirã gũa ñerõ tarikererã, piriro marĩrõ gũñaturari merã masakare ĩgũyare werea. Æmũrikũ gũaya dupũma turari perewãgãkerekerepũ, Marĩpũ gũare gũñaturamakũ yãmi.

¹⁷ Irasirirã gũa Jesũya kerere wereri waja gũa daporare ñerõ taririre, Marĩpũ pũrugue gũare iriburire ãsũ ãrĩ gũñãa: “Marĩ ñerõ tariri, pereburi ããrã. Marĩpũ pũrugue nemorõ õãrĩ iriburi gapũ neõ perebirikoa. Bũro usũyari merã ĩgũ pũro ããrĩnĩkõãrãkoa”.

¹⁸ Daporare gũa i nikũmarẽ ĩãrĩrẽ gũñarikũbea. Æmũgasima ĩãña marĩrĩrẽ, iroguẽ Marĩpũ merã ããrĩburire gũñãa. Gũa daporare i nikũmarẽ ĩãrĩ, pereãkõãrokoa. Æmũgasima ĩãña marĩrĩ gapũ ããrĩnĩkõãrokoa.

5

¹ Marĩ ire masĩa. Marĩya dupũ, marĩya wii irirosũ ããrã. Wii irirosũ marĩya dupũ boamakũ, Marĩpũ gaji wii marĩrẽ sĩrõsũ gaji dupũ Æmũgasima dupũre sĩgũkumi. Iri dupũ, masaka iridea dupũ meta ããrĩrokoa. Irasiriro neõ boabiri dupũ ããrĩrokoa.

² Marĩ i nikũma dupũre oparã yũjũpũrãkaturabiri, bũjawereri merã ñerõ taria. Maama wii marĩ õãrõ ããrĩburi wiire bũro opadũarosũ, Æmũgasima dupũre bũro gããmea.

³ Surĩro maamañerẽ sãñadũarosũ iri dupũre gããmea. Surĩ marĩrã ããrĩdũamerã irirosũ, dupũ marĩrã ããrĩdũabea.

⁴ I nikũma dupũre oparã yũjũpũrãkaturabiri, gũñarikũ, ñerõ taria. Ñerõ tarikererã, marĩya dupũ, boaburi dupũre bẽodũarã meta yãa. Maama dupũ, neõ boabiri dupũ gapũre bũro opadũãa. Iri dupũre oparã, Marĩpũ pũro ĩgũ merã ããrĩnĩkõãrãkoa.

⁵ Marĩpũ marĩrẽ maama dupũre opamurã ããrĩmakũ iridi ããrĩmĩ ĩgũ pũro õãrõ ããrĩburo, ãrĩgũ. Marĩrẽ irire masĩburo, ãrĩgũ, Õãgũ deyomarĩgũrẽ marĩ merã ããrĩdoregũ sĩdupuyudi ããrĩmĩ.

⁶ Irasirirã Marĩpũre gũñaturanĩkõãa. Ire masĩa. Marĩ i nikũma dupũkũrã, marĩ Opũ pũro ããrĩbea.

⁷ ĩgũrẽ ĩãbirikererã: “Diayeta ĩgũ ãrĩderosũta irigũkumi”, ãrĩ bũremurĩrẽ neõ piribea.

⁸ Gũñaturari merã marĩya ããrĩburire ãsũ ãrĩ gũñãa: “Marĩ boarã, i nikũma dupũre bẽorã, marĩ Opũ pũro bũro usũyari merã ããrĩrãkoa. Irire bũro gããmea marĩ”.

⁹ Irasirirã marĩ Opũre marĩ merã usũyamakũ iridũarã, i nikũgue ããrĩrã, o ĩgũ pũroguẽ ããrĩrã, ĩgũ gããmerĩrẽ iridũãa.

¹⁰ Marĩ Cristo pũroguẽ waamakũ, marĩ ããrĩpererãrẽ ĩgũ diaye nĩdoregũkumi marĩ i nikũgue ããrĩrã irideare werebu. Irasirigũ, marĩ õãrĩ irideare, o ñerĩ irideare keoro weregũkumi. Marĩ, ĩgũ irasiriburire masĩrã, ĩgũ gããmerĩrẽ iridũãa.

Marĩpu merã õãrõ ããrĩrĩmarẽ gojadea

¹¹ Irasirirã gopeyari merã marĩ Opũ Jesucristore buremua. Gũa masakare ãgũsã ãgũrẽ buremumakũ gããmerã, ãgũyare werea. Marĩpu gũa iririre masĩmi. Yũ, mũsãdere gũa iririre: “Õãrõ yãma”, ãrĩ masĩmakũ gããmea.

¹² Yũ mũsãrẽ gojagũ, dupaturi gũayamarẽ: “Õãgorãa”, ãrĩ gojagũ meta yãa. Gũare õãrõ masĩ, mũsyari merã gũñaburo, ãrĩgũ, mũsãrẽ gojãa. Gajerã buerimasã: “Gajerã nemorõ õãrã ããrã”, ãrĩ gũñarã, masaka iũrõ direta õãrã irirosũ ããrĩma. ãgũsã ããrĩrikuri gapure pẽmasĩbema. Gũare: “Keoro buebema”, ãrĩ werewũamakũ, mũsã ãgũsãrẽ õãrõ yũjurãkoa.

¹³ Gajerã gũa iririre ããrã: “Niãsũrã yãma”, ãrĩ ããkerepũrũ, niãsũrã meta yãa. Marĩpu gããmerĩrẽ irirã, irasũ yãa. Pẽmasĩrĩ merã mũsãrẽ iritamurã yãa.

¹⁴ Cristo sugũta marĩ ããrĩpererãrẽ maĩgũ marĩ ñerĩ iridea waja marĩrẽ boabosadi ããrĩmĩ. Irasirirã marĩ ããrĩpererã ãgũ merã boanerã irirosũ dujabũ. Gũa irire gũñarã: “Diayeta ããrã”, ãrĩ gũñãa. Irasirirã ãgũyare piriro marĩrõ yãa.

¹⁵ ããrĩpererã marĩ ñerĩ iridea waja marĩrẽ boabosadi ããrĩmĩ, marĩ gããmerõ irinemobirikõãburo, ãrĩgũ. Marĩ õãrõ ããrĩburire marĩrẽ boabosa, masãdi ããrĩmĩ ãgũ gããmerĩrẽ iridoregũ.

¹⁶ Irasirirã ãgũrẽ masĩsĩã, i mũmũ marã ãgũrẽ masĩmerã gajerãrẽ werewũari merã ããrã irirosũ neõ ããbea. Iripoeguere yũ ãgũrẽ: “Ubu ããrĩgũ, i nikũmũta ããrĩmĩ”, ãrĩ ããunabũ. Dapora gapure ãgũrẽ masĩa.

¹⁷ Marĩ Cristoyarã ñajãmakũ, Marĩpu marĩrẽ maama ããrĩrikurire opamakũ iridi ããrĩmĩ. Irasirirã marĩ ãgũyarã ããrĩburi dupuyurogue ããrĩrikũunaderosũ neõ ããrĩbea.

¹⁸ Marĩpu marĩrẽ iri ããrĩpererire irasiridi ããrĩmĩ. Iripoeguere marĩ, Marĩpu merã õãrõ ããrĩburiunerã ããrĩbũ. Irasirigũ Marĩpu, Cristo boari merã marĩrẽ ãgũ merã õãrõ ããrĩmakũ iridi ããrĩmĩ. ããrĩpererã irasũ ããrĩmakũ gããmegũ, gũare ãgũya kerere weredoregũ pĩdi ããrĩmĩ.

¹⁹ Iri kere ãsũ ããrã: “Marĩpu, Cristo boari merã ããrĩpererã i mũmũ marãrẽ ãgũ merã õãrõ ããrĩburire pĩdi ããrĩmĩ. ãgũsã ñerõ iridea wajare peremakũ iridi ããrĩmĩ”. Irasirigũ ããrĩpererãrẽ ãgũ merã õãrõ ããrĩmakũ gããmegũ, gũare iri kerere weredoregũ pĩdi ããrĩmĩ.

²⁰ Irasirirã Cristore wereboerã ãgũ iriunerã ããrã. Gũa ãgũyare wererã, Marĩpu ãgũ basi masakare wereboderosũta gũa ãgũsãrẽ ãsũ ããrĩ werea: “Cristore wereboerã ãgũyare wererã yãa. Irasirirã mũsãrẽ: ‘Marĩpu merã õãrõ ããrĩka!’” ããrĩ werea.

²¹ Cristo neõ ñerĩ iribirikerepũrũ, Marĩpu, marĩ ñerĩ iridea waja marĩrẽ wajamoãboderosũ ãgũrẽ iridi ããrĩmĩ marĩrẽ Cristoyarã ããrĩdoregũ. ãgũ gããmerõsũta ãgũ irirosũ marĩrẽ diaye irirã ããrĩdoregũ, irasiridi ããrĩmĩ.

6

¹ Gũa Marĩpũyare moãrã ããrĩsĩã, turaro merã mũsãrẽ: “Marĩpu Cristo merã mũsãrẽ õãrõ iritamudeare ubu ããrĩrĩrẽ irirosũ ããbeobirikõãburo, ããrĩã, ãgũyare irinĩkõãka!” ããrĩ werea.

² Marĩpu ãgũya werenĩrĩ gojadea pũgue ãsũ ããrĩdi ããrĩmĩ: Yũ mũsãrẽ: “Õãrõ iritamugũra”, ããrĩdeare iriripoe ããrĩmakũ, mũsã sãrẽrĩrẽ pãbũ.

Yũ tauripoe ããrĩmakũdere mũsãrẽ iritamubũ, ããrĩdi ããrĩmĩ.* Irasirirã gũa wererire õãrõ pãka! Daporare masaka Marĩpũre: “Yũre iritamuka!” ããrĩ sãrẽrãrẽ ãgũ pãdũaripoe ããrã. Daporare ãgũrẽ: “Yũre tauka!” ããrĩ sãrẽrãrẽ ãgũ taudũaripoe ããrã, ããrĩ werea.

* 6:2 Is 49.8

³ Gwa Marĩpuyare buerire ñerõ werenĩrĩ, ãrĩrã, gwa neõ sugunorẽ ñerõ iribeã, ĩgũyare piribokumi, ãrĩrã.

⁴ ããrĩpereri gwa iriri merã Marĩpure moãboerã ããrĩrĩrẽ gajerãrẽ masĩmakũ gããmerã, ãsũ gapu yãa. ĩgũyare buegorenarã, ñerõ taririre, gwa gããmerĩrẽ opabirire, ñerõ guare waarĩre õãrõ merã gũñatura, bokatĩũa.

⁵ Gajipoere gajerã guare tãrãma. Peresugue biadoboma. Gajipoere wãrã masaka nerẽ, guari merã gainĩma guare wẽjẽduarã. Gajipoere buro poyari merã moãbu. Kãrĩrõ marĩrõ, uaboari merã moãbu.

⁶ Gwa Marĩpure moãboerã ããrĩrĩrẽ masakare masĩmakũ gããmerã, idere yãa. ĩgũsãrẽ ĩgũyare buerã, õãrĩ direta iridũari merã, diayema ããrĩrĩ masĩrĩ merã, bopoñarĩ merã, iritamudũari merã, Õãgũ deyomarĩgũ guaguere ããrĩrĩ merã, diaye maĩrĩ merã,

⁷ diayema ããrĩrĩrẽ wereri merã, Marĩpu turari merã buea. Sugũ masaku ĩgũ mojõkũri merã ĩgũ merã gãmekẽãduagure kãmuta tarinũgãgũ irirosũ gwa diayema iriri merã ñerĩrẽ kãmuta tarinũgãa.

⁸ Gwa masakare buemakũ, surãyeri guare buremurĩ merã ããma. Gajerã guare buremubema. Surãyeri guare õãrõ werenĩma. Gajerã guare ñerõ werenĩma. Diayema ããrĩrĩrẽ gwa werekererũ: “Ãrĩgatori merã buema”, ãrĩma.

⁹ Gajerã guare ããmasĩkererã: “Ubu ããrĩrã ããrĩma”, ãrĩsĩã, ããmasĩmerã irirosũ ããma. Gwa noó waaró gajerã guare wẽjẽduakererũ, okãa dapa. Guare buro wajamoãkererã, wẽjẽbema.

¹⁰ Gwa bujawereri merã ããrĩkererã, usũyanĩkõãa. Boporã ããrĩkererã, gwa buerire pãrãrẽ wajaparire opamakũ irirosũ yãa. Wãri i umumarẽ opabirikererã, Marĩpu merã ããrĩpereri õãrĩrẽ opãa.

¹¹ Guayarã Corinto marã, gwa musãrẽ gojarã, gwa gũñarĩrẽ diayeta gojãa. Musãrẽ gwa buro maĩrĩrẽ masĩmakũ gããmea.

¹² Gwa musãrẽ maĩrĩrẽ neõ piribeã. Musã gapu guare maĩturabea.

¹³ Irasirigu sugũ ĩgũ pũrãrẽ wererosũ, musãrẽ ãsũ ãrĩ weregura. Yu musãrẽ diaye maĩrõsũta yũdere maĩka!

Marĩpu okanĩgũ marĩ merã ããrĩmi, ãrĩ gojadea

¹⁴ Cristore burenumerã merã sũrosũ ããrĩbirikõãka! Sugũ õãrĩrẽ irigu, ñerĩrẽ irigu merã õãrõ gãmesũribemi. Boyorogue ããrĩrã irirosũ Marĩpure masĩrã, naĩtãrõgue ããrĩrã irirosũ Marĩpure masĩmerã gãme wapikumasĩbema.

¹⁵ Cristo, wãtẽa opu merã sũrosũ gũñabemi. Cristore buremugũ, Cristore buremubi merã sũrosũ gũñarĩrẽ opabemi.

¹⁶ Marĩpure buremurĩ wii ĩgũ ããrĩrĩ wii, masaka ĩgũsã buremurĩ keori weadeare pĩburi wii ããrĩbeã. Marĩ, Marĩpu okanĩgũya wii irirosũ ããrĩsĩã, ĩgũ direta buremua. ĩgũya wiigũ ããrĩrõsũta marĩ merã ããrĩmi. ĩgũya werenĩrĩ gojadea pũgue irire ãsũ ãrĩ weredi ããrĩmĩ:

Yu ĩgũsã merã ããrĩgũ, ĩgũsã watopegue ããrĩnĩkõãgũkoa. Yu ĩgũsã Opu ããrĩgũkoa. ĩgũsã, yaarã ããrĩrãkuma, ãrĩdi ããrĩmĩ.*

¹⁷ Irasirigu marĩ Opu ãsũ ãrĩnemodi ããrĩmĩ:

Ñerõ iririkũrãrẽ wapikũnemobirikõãka! ĩgũsã ñerĩ iririre iribirikõãka! ĩgũsã irirosũ ñerĩ iribirimakũ, yu musãrẽ õãrõ bokatĩrĩñeã, wapikũnĩkõãgũkoa.*

¹⁸ Yu, Musãpu ããrĩgũkoa. Musã yu pũrã ããrĩrãkoa, ãrĩdi ããrĩmĩ marĩ Opu ããrĩpererã nemorõ turagũ.*

* 6:16 Lv 26.12; Ez 37.27 * 6:17 Is 52.11 * 6:18 2 S 7.14; 1 Cr 17.13; Is 43.6; Jer 31.9

7

¹ Yaarã yu maĩrã, musãrẽ ire werea. Marĩ, i Marĩpu ãrĩdeare pérã, ããrĩpereri ñerõ iririre, ñerĩ gũñarĩdere pirirã! Irasirirã goepeyari merã ãgũrẽ buremu, ãgũ gããmerĩ direta irinirã!

Pablo, Corinto marã gũñarĩ gorawayudeare gojadea

² Gũare maĩka! Gũa musãrẽ neõ poyanorẽbiribu. Gũa bueri merã musãrẽ ñerõ irimakũ iribiribu. Neõ sugunorẽ musã merãmurẽ ãrĩgatori merã ãgũyare ãĩabiribu.

³ Yu irire irasũ ãrĩgũ: “Musã gũare ñerõ werenídea waja opáa”, ãrĩgũ meta yáa. Gũa musãrẽ bure maĩrĩ merã gũñanía. Yu irire musãrẽ weresiabu. Irasirirã marĩ okará, o boará, suro merãta ããrĩnirãkoa.

⁴ Yu, musã õãrõ iriri kerere pégu: “Diayeta yáma”, ãrĩ gũñáa. Irasirigu ñerõ tarikeregu, gũñatura, bure usuyáa.

⁵ Gũa Macedonia nikũgue ejarãgueta neõ siuñajãrĩ bokabiribu. Noó waarõ ñerõ taribu. Gajerã gũa merã gãme guaseodũama. Musãrẽ gũa buenerãrẽ gũñarã, bure gũñarikũbu.

⁶ Marĩpu, bujawereri merã ããrĩrãrẽ gũñaturamakũ irigu gapu Tito gũa pũrogu ejari merã gũare gũñaturamakũ irimi.

⁷ ãgũ gũa pũrogu ejari direta usuyabiribu. Musã ãgũrẽ gũñaturamakũ irideare ãgũ weremakũ pérã, bure usuyabu. Musã yure ããduarire, musã yure werewũdeare bujawereri merã ããrĩrĩrẽ, musã yure gũñarikũrere gũare weremi. Yu irire pégu, bure usuyanemobu.

⁸ Yu musã ñerõ irideare musãrẽ gojadupuyudea pũ merã yoaweyaripoe bujaweremakũ iribu. Irasirigu: “Yu gojabirimakũ õãboyõ”, ãrĩ gũñabu. Irasũ ãrĩ gũñakeregu, daporare: “Yu irire gojamakũ õãgorabu”, ãrĩ gũñáa.

⁹ Irasirigu daporare usuyagu, musã bujaweredeare usuyagu meta yáa. Yu musãrẽ gojadea pũrẽ buedero pũru, musã ñerõ irideare gũña, Marĩpu gããmerõsũta bujawereyuro. Musã gũñarĩrẽ gorawayu, ñerõ iririre piriyo. Iri gapu yure usuyamakũ yáa. Musãrẽ bujaweremakũ irikeregu, neõ poyanorẽbiribu.

¹⁰ Marĩ ñerõ irideare gũñarã, Marĩpu gããmerõsũta bujawere, marĩ gũñarĩrẽ gorawayu, ñerĩ iririre pirirã, peamegue waabonerã tausũrãkoa. Gajerã i ãmu marã Jesúre buremumerã gapu ãgũsã ñerõ irideare bujawerekererã, ãgũsã gũñarĩrẽ neõ gorawayubema. Ñerĩ iririre piribema. Irasirirã peamegue waamurã ããrĩma.

¹¹ Musã gapu musã ñerõ irideare gũñarã, Marĩpu gããmerõsũta bujawereyuro. Irasirirã musã iririre goepeyari merã gũñanũgãyuro. Musã ñerõ irideare piririre gajerãrẽ bure masĩmakũ gããmeyuro. Musã ñerõ irideare gũñariku, bure bujawere, gũiyuro. Irasirirã yure bure ããduayuro. Ñerĩ irigũre wajamoãyuro, ãgũ ñerõ irideare dupaturi iribirikõãburo, ãrĩrã. ããrĩpereri musã irasiriri merã musã daporare diaye irirã ããrĩrĩrẽ gũare ãmu.

¹² Irasirigu yu musãrẽ gojadupuyugu, ñerõ iridire ãgũ ñerõ irididere iritamũagu iribu. Musãdere iritamubu, iri pũrẽ gojabu, Marĩpu ãũrõ gũare musã õãrõ gũñarĩrẽ masĩburo, ãrĩgũ.

¹³ Irasirirã musã gũare gũñaturamakũ yáa.

Irasũ ããrĩmakũ musã Titore õãrõ bokatĩrĩñeãrã ãgũrẽ usuyamakũ iriyuro. Gũa irire pérã, musã merã usuyadero nemorõ usuyanemobu. Musã ãgũrẽ õãrõ ããrĩrikũmakũ iriyuro.

¹⁴ Tito musã pũro waaburi dupuyuro yu musã merã usuyarire ãgũrẽ werebu. ãgũ irogu ejamakũ, yu ãrĩderosũta ãgũrẽ õãrõ iriyuro. Irasirigu yu ãgũrẽ

weredeare guyasiribe. Gua musare diayema aariri direta wererosuta gua Titore musayamarere weredeade diayeta aaribu.

¹⁵ Musã pãrogue igũ ejamakũ, aãripererã buremurĩ merã igũrẽ õãrõ bokatĩrĩneayuro. Goepeyari merã igũ dorerire iriyuro. Musã irasirideare gũñagũ, musãrẽ maidero nemorõ maĩnemomi.

¹⁶ Yu, musã õãrõ iririre masisã, “Õãrõ yãma”, ãrĩ, bureo usuyãa.

8

Gajerãrẽ igũsã gããmerĩrẽ siburimarẽ gojadea

¹ Guayarã, gua musare ire masimakũ gããmea. Marĩpu Jesure buremurĩ buri marãrẽ Macedonia nikũgue aãrĩrãrẽ õãrõ iritamumi.

² Igũsã bureo ñerõ tarikererã, gajerãrẽ iritamuma. Buro bopokererã, igũsãya niyerure maĩrõ marĩrõ, bureo usuyari merã igũsãrẽ siburire neeõnama.

³ Igũsã gããmerõ aãripererĩ igũsã sirõ bokatĩurõ sĩkererã, sĩnemonama. Yu, igũsã irasirideare masĩa. Irasirigu musãrẽ irire werea.

⁴ Marĩpuyarãrẽ boporãrẽ iritamuduarã, igũsãrẽ sĩduarire guare: “Aĩabosaka!” ãrĩ sãrẽma.

⁵ Irasũ ãrĩrã, gua gũñadero nemorõ õãrõ yãma. Niyerure igũsã siburire neeõburi dupuyuro marĩ Opãre: “Mu gããmerĩ direta iridũakoa”, ãrĩma. Pãrũ guare: “Marĩpu gããmerõsũta musã dorerire irirãra” ãrĩma.

⁶ Igũsã irasirideare ãrãrã, gua Titore musã puro Corintogue waadobũ. Iro dupuyuro musã pãrogue aãrĩgũ, boporãrẽ iritamuburire niyerure sãrẽ, neeõnugãdi aãrĩmĩ. Irasirirã, musã õãrõ irinugãderosũta irire odonũburo, ãrĩrã, igũrẽ iriua.

⁷ Musã Marĩpuyare aãripererire õãrõ yãa. Igũrẽ diayeta buremua. Igũya kerere igũ masĩrĩ sirĩ merã keoro buea. Igũ gããmerõsũta gajerãrẽ õãrõ iritamudũãa. Guare bureo maĩa. Irasirirã musã i aãripererire õãrõ irirosũta musã boporãrẽ sĩburi neeõrĩdere õãrõ irika!

⁸ Yu irire musãrẽ irasũ ãrĩgũ, turaro merã: “Igũsãrẽ niyeru sĩka!” ãrĩgũ meta yãa. Macedonia marã boporãrẽ õãrõ iritamudeare werea, igũsã irirosũ musãde diayeta maĩrĩ merã boporãrẽ iritamuduarire masĩduagu.

⁹ Ire musã masĩa. Marĩ Opũ Jesucristo marĩrẽ bureo maĩgũ, marĩrẽ õãrõ iritamudi aãrĩmĩ. Aãripererĩ ãmũgasiguema õãrĩrẽ opagu aãrĩkeregu, marĩya aãrĩburire i nikũguere aarigũ, bopogu irirosũ aaridi aãrĩmĩ, marĩrẽ aãripererĩ ãmũgasiguema õãrĩrẽ opaburo, ãrĩgũ.

¹⁰ Irasirigu yũ musãrẽ: “Asũ irimakũ õãgorabokoa”, ãrĩ gũñarĩrẽ weregura. Musã gapũ si bojori merã gajĩ makã marã dupuyuro boporãrẽ niyeru siburire usuyari merã neeõpãrorisiabũ.

¹¹ Irasirirã musã usuyari merã neeõpãroriderosũta daporare sĩyuwarikũka! Wãro oparã, wãro sĩka! Mẽrõgã oparã, mẽrõgã sĩka!

¹² Usuyari merã musã sĩduaropã sĩmakũ, Marĩpu musã merã usuyagũkumi. Wãro opamerãrẽ wãro sĩdorebemi.

¹³ Yu musãrẽ: “Boporãrẽ iritamuka!” ãrĩgũ, “Igũsã gapũ wãro oparã dujaburo, musã gapũ boporãrẽ dujaka!” ãrĩgũ meta yãa.

¹⁴ Aãripererã sũrosũ aãrĩrikũburo, ãrĩgũ, irire irasũ ãrã. Daporare musã opari merã igũsãrẽ iritamumasĩa. Pũrũgue musã gããmerĩrẽ opabirimakũ, igũsãde musãrẽ iritamumasĩrãkuma. Musã irasũ gãme sirã, musã gããmerĩrẽ opapeokõãrãkoa.

¹⁵ Marĩpũya werenĩrĩ gojadea pũgue marĩ gãme sĩrĩrẽ àsũ arĩ gojasũdero ããrĩbũ*: “Wáro opadi gajigũ nemorõ opabirimi. Mérõgã opadide mérõgã opakeregũ, ĩgũ gããmerĩrẽ opapeokõãmi”, arĩ gojasũdero ããrĩbũ.

Tito ĩgũ merãmarã merã Corintogue waadea

¹⁶ Yũ mũsãrẽ bũro iritamudũarosũta Marĩpũ Titore mũsãrẽ iritamudũamakũ yãmi. Irasirigũ Marĩpũre mũyari sĩa.

¹⁷ Tito, gũ ĩgũrẽ mũsã pũroque waadoburi dupuyurogueta mũsãrẽ iritamugũ waadũasiadi ããrĩmĩ. Irasirigũ, gũ ĩgũrẽ waadoremakũ pégũ: “Jãũ, waagũra”, arĩ yũjũmi.

¹⁸ ĩgũ merã gajigũ marĩyagũre iriua. ããrĩpererogue Jesũre bũremurĩ buri marã ĩgũrẽ: “Marĩpũ masakare Jesucristo iridea merã tauri kerere õãrõ buemi”, arĩ werenĩũrã.

¹⁹ ĩgũrẽta beyenerã ããrĩmã, niyerure boporã pũroque gũ ãĩãmakũ gũare wapikũburo, arĩrã. Iri niyerure mũsã gajerã merã neeõdeare gũ boporãrẽ sĩmakũ ĩãrã: “Marĩ Opũ marĩrẽ õãrõ iritamugũ yãmi”, arĩrãkuma. Marĩ ĩgũsãrẽ bũro iritamudũarire masĩrãkuma.

²⁰ Gũ ĩri niyerure wáro mũsã neeõdeare õãrõ kore, boporãrẽ keoro sĩrãkoa, gajerã gũare: “Keoro iribirima”, arĩ werewũabirikõãburo, arĩrã.

²¹ Gũ marĩ Opũ ĩũrõ, masaka ĩũrõdere diayemarẽ iridũãã.

²² Irasirĩã Titosã merã gajigũ marĩyagũre iriua. Gũ, ĩgũ gajerãrẽ õãrõ iritamumakũ wãri ĩãbũ. Irasirigũ daporare mũsã gajerãrẽ iritamudũarire pészã, ĩgũ dupuyuro mũsãrẽ iritamudũadero nemorõ iritamugũ waadũami.

²³ Masaka Titoyamarẽ sërẽñamakũ, ĩgũsãrẽ àsũ arĩ yũjũka: “Pablo merãmũ, ĩgũ merã moãgũ ããrĩmi mũsãrẽ iritamubu”, arĩka! Gajerã ĩgũ merã waamurãrẽ sërẽñamakũ, àsũ arĩka: “Jesũre bũremurĩ buri marã iriuanerã ããrĩma. Cristoyare iriri merã gajerãrẽ Cristore: ‘Õãtarimi’, arĩ, mũyari sĩmakũ yãma”, arĩka!

²⁴ Irasirĩã gũ Titosãrẽ: “Corinto marã mũsãrẽ õãrõ bokatĩrĩñeãrãkuma”, arĩ wererosũta õãrõ bokatĩrĩñeãka! Mũsã irasirĩre pészã, ĩgũsãrẽ iriuanerã mũsã ĩgũsãrẽ maĩrĩrẽ masĩrãkuma.

9

Jesũre bũremurãrẽ niyeru sĩburi neeõrĩrẽ gojadea

¹ Yũ mũsãrẽ gojagũ: “ĩgũsã gajerã Jesũre bũremurãrẽ niyeru sĩburi neeõrĩrẽ masĩsiama. Irasirigũ ĩrĩre gojanemobea”, arĩ gũñãã.

² Yũ, gajerãrẽ mũsã iritamudũarire masĩsiãã. Irasirigũ mũyari merã Macedonia nikũ marãrẽ àsũ arĩ werebũ: “Si bojorire Corinto marã Acaya nikũgue ããrĩrã, gajerã Jesũre bũremurãrẽ boporãrẽ iritamudũasiama”, arĩbũ. ĩrĩre pészã, wãrã Macedonia nikũ marãde mũsã irirosũ mũyari merã ĩgũsãrẽ iritamudũama.

³ Yũ Macedonia nikũ marãrẽ: “Corinto marã niyeru sĩrãkuma”, arĩderosũta waamakũ gããmea. Irasirigũ ĩri niyeru mũsã sĩdũarire yũ mũsã pũroque ejaburi dupuyuro neeõ odosiaburo, arĩgũ, Titosãrẽ iriua.

⁴ Yũ Macedonia nikũ marã merã mũsã pũroque ejagũ, mũsã sĩdũarire neeõ odobirimakũ ĩãgũ, gũyasĩrĩbokoa. Yũ ĩgũsãrẽ: “Corinto marã boporãrẽ sĩrãkuma”, arĩdero pũrũ mũsã sĩbirimakũ ĩãgũ, gũyasĩrĩbokoa. Mũsãde irasũta gũyasĩrĩbokoa.

* **8:15** Exodo 16.13-18: Iripoegue Israel bumarã masaka marĩrõgue waagorenamakũ, mũmĩrikũ Marĩpũ ĩgũsãrẽ manã wãĩkũrĩ baari sidi ããrĩmĩ. Irasirigũ Marĩpũ dorederosũta Moissés ĩgũsãrẽ ĩrĩre keoro seadoredi ããrĩmĩ, ĩgũsãkũ ĩgũsã baaburire opaburo, arĩgũ.

⁵ Irasirigu: “Yũ musã p̄rogue ejaburo dupuyuro Titosãrẽ iriup̄rorigũra”, ãrĩ gũñáa. Ìgũsã irogue ejarã, musãrẽ iritamurãkuma musã: “Sĩrãkoa”, ãrĩdeare iri odoburo, ãrĩrã. Irasirirã gũa musã p̄rogue ejamakũ, gũa musãrẽ s̄dorero marĩrõ musã gajerãrẽ s̄duarire burõ iritamudũari merã, neeõ odosiarãkoa.

⁶ Ire gũñaka! Méri yeri otedi, mérĩgã dũka seagũkumi. Wári yeri otedi, wári dũka seagũkumi. Iri irirosũ marĩ boporãrẽ mérõgã s̄makũ, Marĩpũ marĩrẽ mérõgã s̄gũkumi. Wáro marĩ s̄makũ, wáro s̄gũkumi.

⁷ Irasirirã musã: “Õõpã s̄gũra”, ãrĩ gũñaderosũta s̄ika! “S̄ĩduabirikerepũ, yũre s̄dorema. Irasirigu s̄gũkoa”, ãrĩ gũñarõ marĩrõ s̄ika! Marĩpũ, usũyari merã s̄ĩrãrẽ maĩmi.

⁸ Æãrĩpereri õãrĩrẽ musãrẽ s̄ĩmasĩmi musã gããmerĩrẽ opapeokõãburo, gajerãdere musã opari merã õãrõ iritamuníkõãburo, ãrĩgũ.

⁹ Marĩpũya werenĩrĩ gojadea pũgue irire ãsũ ãrĩ gojasũdero ããrĩbũ: Õãgũ boporãrẽ wáro s̄ĩmi. Ìgũsãrẽ õãrõ iritamurĩ neõ perebirikoa.✧

¹⁰ Marĩpũ, oterimasãrẽ oteri koyere Ìgũ oteburire opamakũ yámi. Oterimasũ irire otedero pũ, Marĩpũ Ìgũ otedeare dũkakũmakũ yámi masaka baaburire. Irire irirosũ musãrẽ ããrĩpereri musã boporãrẽ s̄ĩburire opamakũ irigũkumi. Irire s̄idero pũ, musã opadero nemorõ musã boporãrẽ s̄ĩnemoburire opamakũ irigũkumi.

¹¹ Marĩpũ musãrẽ ããrĩpereri õãrĩrẽ opamakũ irigũkumi gajerãrẽ wáro s̄ĩburo, ãrĩgũ. Irasirirã gũa iri niyerure musã neeõdeare marĩyarã boporãrẽ s̄ĩmakũ ããrã, Marĩpũre usũyari s̄ĩrãkuma.

¹² Musã Ìgũsãrẽ iritamurã, Ìgũsã gããmerĩ direta s̄ĩrã meta yáa. Marĩpũre: “Õãtaria, mũ Ìgũsãrẽ gũare s̄ĩmakũ iriri”, ãrĩ, usũyari s̄ĩmakũ yáa.

¹³ Musã Ìgũsãrẽ iritamumakũ ããrã: “Corinto marã Cristoyare õãrõ yáma. Gũare wáro s̄ĩrã, gajerãdere õãrõ s̄ĩma”, ãrĩrãkuma. Irasirirã Marĩpũre burõ usũyari s̄ĩrãkuma.

¹⁴ Ìgũ musãrẽ õãrõ iritamurĩrẽ mas̄ĩrãkuma. Irasirirã musãrẽ burõ maĩrĩ merã musãya ããrĩburire Ìgũrẽ s̄ẽrẽbosarãkuma.

¹⁵ Marĩpũ Jesucristo merã marĩrẽ õãtariro iridi ããrĩmĩ. Ìgũ irasũ irideare marĩ werenĩrĩ merã weredũarã, werepeomas̄ĩna máa. Irasirirã Ìgũrẽ: “Õãtaria mũ”, ãrĩ, usũyari s̄ĩa.

10

Pablo Ìgũ Jesús buedoregũ pídi ããrĩrẽrẽ gojadea

¹ Yũ Pablo musãrẽ gaji weregũra. Ire weregũ, Cristo turiro marĩrõ bopoñarĩ merã werederosũta musãrẽ weredũáa. Surãyeri musã pũro ããrĩrã, yũre ãsũ ãrĩñurã: “Marĩ merã ããrĩgũ, turabi ubu ããrĩgũ irirosũ marĩrẽ weremi. Gajerogue ããrĩgũ, marĩrẽ burõ turari merã were gojami”, ãrĩñurã.

² Irasirigu musãrẽ ãsũ ãrĩ werea. Yũ musã p̄rogue ejamakũ, yũre turaro merã weremakũ iribirikõãka! Gajerã musã watopegue ããrĩrã gũare: “I ãmũ marã irirosũ Ìgũsã gããmerĩ direta irirã yáma”, ãrĩñurã. Irasũ ãrĩrãrẽ turaro doreri merã weregũra.

³ Gũa i ãmũgue ããrĩkererã, gũare ããturirãrẽ wererã, i ãmũ marã irirosũ iribeã.

⁴ I ãmũ marã Ìgũsã turaro merã Ìgũsãrẽ ããturirãrẽ tarinũgãmurã werema. Gũa gapũ Marĩpũ doreri merã Ìgũsãrẽ werea, Ìgũyare ãrĩgatori merã gũñarĩrẽ: “Diaye ããrĩbeã”, ãrĩ mas̄ĩburo, ãrĩrã.

⁵ Iri doreri merã Marĩpũyare: “Diaye ããrĩbeã”, ãrĩrãrẽ diayema ããrĩrẽrẽ mas̄ĩmakũ irimasã. “Mas̄ĩtaria”, ãrĩ gũñarãrẽ ããrĩpereri Ìgũsã gajerãrẽ

✧ 9:9 Sal 112.9

Marĩpũre masĩbirimakũ iririre pirimakũ irimasĩa. Iri doreri merã ããrĩpereri ĩgũsã gããmerõ gũñarĩrẽ pirimakũ irimasĩa, Cristo gapũre gũña, ĩgũ gããmerĩ direta iriburo, ãrĩrã.

⁶ Mũsã: “Ĩgũ dorerire tarinũgãbirikoa”, ãrĩdero pũrũ, iri dorerire tarinũgãgũnorẽ gũa wajamoãmasĩa.

⁷ Mũsã gajerãrẽ ĩãrã, ĩgũsã iririkũri direta ĩãrã yãa. ĩgũsã gũñarĩ gapũre neõ ĩãmasĩbea. “Cristoyagũ ããrã”, ãrĩgũno gũadere: “Cristoyarã ããrĩma”, ãrĩ masĩdorea.

⁸ Yũ mũsãrẽ: “Marĩ Opũ gũare ĩgũyare buedoregũ pími”, ãrĩ werekeregũ, irire gũyasĩrĩbea. Gũare irasũ buedoregũ, mũsãrẽ iritamudoregũ pími. Mũsãrẽ poyanorẽdoregũ meta pími.

⁹ Yũ mũsãrẽ gojagũ, yũ gojari merã gũkamakũ iridũagũ meta yãa.

¹⁰ Surãyeri mũsã watopegue ããrĩrã ãsũ ãrĩma: “Pablo marĩrẽ gojagũ, bũro turari merã doremi. Irasirikeregũ, marĩ merã ããrĩgũ, turabi ubu ããrĩgũ irirosũ marĩrẽ weremi”, ãrĩma.

¹¹ Irire irasũ ãrĩgũnorẽ ãsũ ãrĩ weregũra: “Gũa gajerogue ããrĩrã, mũsãrẽ: ‘Ãsũ irirãrã’, ãrĩ gojaderosũta mũsã pũroque ejarã, irire irirãkoa”.

¹² Surãyeri mũsã watopegue ããrĩrã ĩgũsã basi: “Marĩ gapũ õãrõ masĩa, gajerã nemorõ ããrã”, ãrĩ gãme werenĩma. Irasũ ãrĩ werenĩkererã, masĩbema. Gũa gapũ ĩgũsã irirosũ gũa basi gũa iririre neõ werenĩñabea.

¹³ Irasirirã gũa mũsãrẽ wererã, Marĩpũ gũare buedoregũ pídea direta werea. Gajerãrẽ ĩgũ pídeare irirã meta yãa. ĩgũta gũare pími mũsãdere buedoregũ.

¹⁴ Irasirirã, ĩgũ gũare buedoregũ píderosũta mũsãrẽ Cristoya õãrĩ kerere buepũrorirã ejabũ. Iroque mũsãrẽ buerã ejarã, ĩgũ gũare dorederosũta iribũ.

¹⁵ ĩgũ gũare buedoregũ píderosũta iririre wererã, keoro werea. Gajerã iririre: “Gũa iriri ããrã”, neõ ãrĩbea. Mũsãrẽ buerã, mũsãrẽ Cristore bũremunemomakũ gããmea. Mũsã bũremunemomakũ ĩãrã, Marĩpũ gũare dorederosũta irirã, gajerã mũsã pũroque ããrĩrãdere buerãkoa Cristore bũremuburo, ãrĩrã.

¹⁶ Pũrũ yoarogue marãrẽ Marĩpũ Jesucristo merã masakare tauri kerere pémerãrẽ buerã waarãkoa. Gajerã iri kerere buederogue buerã waa: “Gũa bueri gapũre pérã, Jesucristore bũremunũgãma”, ãrĩrã meta yãa.

¹⁷ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ: ‘Gajerã nemorõ masĩgũ ããrã’, ãrĩbirikõãburo. Irasũ ãrĩrõno irigũ marĩ Opũ gapũre: ‘Turatarigũ ããrĩsĩa, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ.

¹⁸ Sugũ ĩgũ basi: “Õãrõ yãa”, ãrĩ werenĩrĩ wajamáa. Marĩ Opũ: “Õãrõ yãmi”, ãrĩ ĩãsũgũ gapũ diayeta õãrõ irigũ ããrĩmi.

11

Pablo ãrĩgatori merã buerimasãyamarẽ gojadea

¹ Daporare mũsãrẽ mérõgã yaamarẽ ãrĩmoãmagũ irirosũ were gojagũra. Yũ irasũ ãrĩ gojarire gariborero marĩrõ buemakũ gããmekoa.

² Marĩpũ mũsãrẽ maĩrõsũta yũde bũro maĩa. Mũsã yũ magõ irirosũ ããrã. Cristo mũsã marãpũ ããrĩbu irirosũ ããrĩmi. Irasirigũ, yũ magõ gajerã ũma merã neõ ñerõ iribeo sugũreta marãpũkamakũ gããmegũ irirosũ, yũ mũsãrẽ Cristoyarã dita ããrĩmakũ gããmea.

³ Irasũ gããmekeregũ: “Evare iripoegue waaderosũ ĩgũsãdere waabokoa”, ãrĩ gũñarikũa. Wãtĩ, pĩrũ irirosũ deyoa, ĩgũ masĩrĩ merã ãrĩgatomakũ pégo, Marĩpũ dorerire tarinũgãdeo ããrĩmó. ĩgũ iriderosũ gajerã mũsãrẽ ãrĩgatomakũ pérã, mũsã gũñarĩgue Cristoya direta mũsã iridũarire piribokoa.

4 Músã àsũ yáa. Gajerã músã p̄uro ārĩgatori merã buerã ejamakũ, ĩgũsã buerire õãrõ p̄esuyua. ĩgũsã Jesúyamarẽ, Õãgũ deyomarĩgũ músã bokatĩrĩñeãdiyamarẽ, Marĩp̄u Jesús merã masakare tauri kerere ḡua músãrẽ buedea irirosũ ĩgũsã buebirikerep̄u, ĩgũsã buerire pé b̄uremua.

5 ĩgũsã músãrẽ buerã: “Ḡua gajerã Jesús buedoreḡu p̄inerã nemorõ masĩa”, ārĩ péñakuma. Ȳu gap̄u: “Jesús ȳure ĩgũyare buedoreḡu p̄ími. Irasirirã ȳure masĩtarinuḡábema”, ārĩ péñáa.

6 Ȳu õãrõ wererimasũ irirosũ werebirikereḡu, Marĩp̄u werenĩrĩrẽ õãrõ masĩa. Ȳu masĩrĩrẽ, ããrĩpereri ȳu ĩgũyare iriri merã músãrẽ masĩmakũ irib̄u.

7 Ȳu músãrẽ Marĩp̄u Jesús merã masakare tauri kerere bueḡu: “Niyeru s̄ĩka!” neõ ārĩ s̄er̄ebirib̄u. Ubu ããrĩgũ irirosũ moã wajata baab̄u, músãrẽ Marĩp̄uyare õãrõ masĩburo, ārĩgũ. ¿Ȳu irasiridea õãberi? ¿Naásũ gũñarĩ?

8 Gajerã Jesúre b̄uremurĩ buri marã ȳure niyeru s̄ĩma músãrẽ bueburo, ārĩrã. ĩgũsã s̄ĩrĩrẽ ñeãbu músãrẽ iritamubu. Irire ñeãgũ, ĩgũsãya niyerure ãmawãgãgũ irirosũ péñab̄u.

9 Músã merã ããrĩgũ, gajino ȳu gããmerĩrẽ opapeobirikereḡu, músãrẽ niyeru neõ s̄er̄ebirib̄u. Marĩyarã Macedonia nikũ marã ȳu gããmerĩnorẽ ãijama. Irasiriḡu músãrẽ: “Niyeru s̄ĩka!” neõ ārĩ garibobirib̄u. P̄uruḡuedere músãrẽ neõ garibobirikoa.

10 “Cristo wereḡu, diayeta weredi ããrĩmĩ”, ārĩ masĩa. ĩgũ diaye werederosũta ȳude músãrẽ niyeru s̄er̄ebirideare diayeta werea. Neõ suḡu ããrĩperero Acaya nikũgue ããrĩgũno i músãrẽ ȳu s̄er̄ebirideare wererire: “Diaye werebemi”, ãrĩmasĩbirikumi.

11 Músãrẽ ȳu s̄er̄ebirideare wererire p̄erã, ¿naásũ gũñarĩ músã? “Pablo ḡuare maĩbirisĩa, irasũ ārĩ weremi”, ¿ārĩ gũñarĩ? ããrĩbea. Músãrẽ maĩa. Marĩp̄u irire masĩmi.

12 Irasiriḡu ȳu músãrẽ irinuḡãderosũta iriwãgãnikõãḡura. “Gajerã Jesús buedoreḡu p̄inerã nemorõ masĩa”, ārĩgatorã músãrẽ bueri waja niyeru wajatad̄uama. Ḡua gap̄u ĩgũsã irirosũ wajatad̄uabea. Irasirirã ĩgũsã: “Ḡuade Pablosã irirosũta yáa”, neõ ãrĩmasĩbema.

13 “Jesús buedoreḡu p̄inerã ããrã”, ārĩrã, ārĩgatorã yáma. “Diayeta Jesús buedoreḡu p̄inerã ããrĩma”, ārĩ gũñamakũ irid̄uarã ããrĩsĩa, masakare ārĩgatoma.

14 Ȳu gap̄u ĩgũsã irasirimakũ ĩãkereḡu: “¿Nasirimurã irire irasũ yári?” ārĩ gũñabea. Wãt̄ea op̄u Satanáde Marĩp̄ure wereboeḡu irirosũ deyoami masaka ĩgũ ārĩgatorire: “Diayeta ããrã”, ārĩ gũñamakũ irid̄uaḡu.

15 Irasirirã ārĩgatori merã buerimasã wãt̄ĩrẽ moãboerã ĩgũ irirosũ yáma. Ñerã ããrĩkererã, ĩgũsã irigatori merã masakare: “Marĩp̄ure moãboerã ããrĩma, õãrõ yáma”, ārĩ gũñamakũ irid̄uama. Daporare masaka ĩgũsãrẽ: “Õãrã ããrĩma”, ārĩ gũñakerep̄u, p̄uruḡuere ããrĩpereri ĩgũsã ñerõ iridea waja buro wajamoãsũrãkuma.

Pablo, ĩgũ ñerõ tarideare gojadea

16 Dupaturi músãrẽ ire were gojaḡura. Neõ suḡu ȳure: “Niãrĩmasũ ããrĩmi”, ārĩ gũñabirikõãka! Irasũ ārĩ gũñarã: “Niãrĩmasũ irirosũ werenĩburo”, ārĩka! Irasiriḡu mérõgã ȳu basi werenĩḡura.

17 Ȳu irasũ werenĩgũ, niãrĩmasũ irirosũ werenĩgũ yáa. Marĩ Op̄u ȳure: “Irire wereka!” ãrĩbirimi.

18 Wãrã masaka i ãm̄uma direta gũñakererã, ĩgũsã iririre: “Õãrõ yáa”, ãrĩma. Ȳude ĩgũsã irirosũ músãrẽ ȳu õãrõ iririre wereḡura.

19 Músã basi: “Masĩtaria”, ãrĩkererã, niãrĩmasã irirosũ werenĩrã bueri gap̄ure gariborero marĩrõ péa. ¿Nasirirã ĩgũsãrẽ õãrõ péri?

20 Īgūsārē moāboerārē dorerosū mūsārē buro dorekerepuru, ārīgatori merā mūsāyare āiakerepuru, mūsārē oparā irirosū dorerā Īgūsā gāāmerī direta gūñakerepuru, mūsārē: “Ubu āārīrā āārīma”, ārī ĩābéokerepuru, mūsārē gūyasīrīmakū iriduarā mūsāya wayupārārīrē pákerepuru, āārīpereri Īgūsā irasirire gariborebirikoa mūsā.

21 Mūsārē irasirirā, ñerō irirā yáma. Gūa gapu Īgūsā irirosū mūsārē neō irasiribiribokoa.

Yū Īgūsā irirosū mūsārē ñerō iribirikeregu, niārīmasū ĩgū iririre: “Ōārō yáa”, ārī werenígū irirosū mūsārē āsū ārī weregura.

22 Īgūsā: “Hebreo masaka āārā”, ārīma. Yūde hebreo masakuta āārā. “Israel bumarā āārā”, ārīma. Yūde Israel bumuta āārā. Īgūsā: “Abraham parāmerā āārā”, ārīma. Yūde Abraham parāmita āārā.

23 Īgūsā: “Cristore moāboerā āārā”, ārīma. Yū tamerā Īgūsā nemorō Cristore moāboegu āārā. Īgūyare ōārō yáa. Yū basi niārīmasū irirosū wereníkeregu, yū ōārō iririre āsū ārī werenemogura. Yū Cristoyare irigu, Īgūsā nemorō moātarinugābu. Cristoya kerere wereri waja Īgūsā nemorō peresugue biadobosūbu. Īgūsā nemorō tārāsūbu. Wári masaka yūre wējēboyama. Irasirigu mérōgā merā taribu yū boaboderore.

24 Su mojōmagora judío masaka yūre ñeāma. Īgūsā yūre ñeāriku, treinta y nueve gora tārānama.

25 Ūrea gajerā yūre ñeā, yuku merā páma. Suñarō masaka ūtāyeri merā yūre deama. Ūrea doóriduparu merā mirību. Suñarō mirīgū, sunu, su ñami taboa majī weka wádiyaguere bá payanību.

26 Yū wári makārīguere buegorenagū waanabu. Yū buegorenamakū, goetaribu. Diarigue yū mirīrī, yūre yajari, yaa nikū marā judío masaka, judío masaka āārīmerāde yūre ñerō iriduari, makārīgue, masaka marīrōgue yūre wējēduari, wádiyague mirīboama goetaribu. “Mū merāmarā āārā”, ārīgatorāde yūre ñerō irima goetarima.

27 Cristoya kerere weregu, buro moā wajata baabu. Irasū moāgū, ñerō taribu. Wūja pūrīkerepuru, irasū moāníkōābu. Gajipoere uaboabu. Ńemesibubu. Gajipoere baabiritaunokōābu. Gajipoere buro yūsamakū, gajī surí sāñanemoburi marību.

28 Irasū āārīmakū ūmūrikū Jesúre būremurī buri marārē āārīpererogue āārīrārē gūñarikūa.

29 Irasirigu sugū gūñaturabi āārīmakū ĩāgū, yū basi gūñaturabi irirosū péñáa. Jesúre būremugūrē ñerō irimakū irirā merā gua, Jesúre būremugūrē gūyasīrīsāa.

30 Mūsārē yaamarē werenemogū, yū turabi āārīrīrē masīburo, ārīgū, yūre waadeare weregura.

31 Marī Opū Jesús Pagū, yū mūsārē ārīgatori marīrō merā yaamarē wererire masīmi. Īgūrēta: “Turatarigu āārā”, ārī, usuyari sīnīkōārō gāāmea.

32 Yū Damascogue āārīmakū, iro marā opū Areta wāikūgu dokamū yūre ñeāduadi āārādīmi. Yūre ñeāduagu, iri makā turogue Īgūsā ūtā majīrī merā weadea sārīrōma disipuroriku surarare koredoredi āārīmī.

33 Yū merāmarā gapū puui wári puui merā iri sārīrō āārīrī gobegue yūre yótaudijuma. Irasirigu, ĩgūsā iritamurī merā yūre ñerō iriduarārē duriwāgākōābu.

12

Pablo kērō irirosū ĩgū ĩādeare gojadea

¹ Marĩ basi: “Ōārō masĩa”, ārĩ werenígorenarĩ wajamarĩkerepuru, marĩ Opu Jesús kērō irirosū yure ĩmudeare, ĩgũ yure masĩmakũ irideare werenemogura.

² Yũ Cristore bũremunugãdero puru, Marĩpu yure mũngasigue ĩgũ āārĩrĩogwe āĩmũĩĩami. Irogue āĩmũĩĩadero puru, catorce bojorigora taria. Yũ dupu merā, o yũ yũjũpũrā merāta iroguere waagũ waakuyo, masĩbirikoa. Marĩpu dita masĩmi.

³⁻⁴ I gapure masĩa. Yure irogue āĩmũĩĩagu, paraíso wāĩkurogue āĩmũĩĩjami. Yũ dupu merā, o yũ yũjũpũrā merāta yure irogue āĩagu, āĩagukumi, masĩbirikoa. Marĩpu suguta irire masĩmi. Yũ irogue āārĩgũ, ĩgũ masaka iripoegue neō masĩbirideare werenĩrĩrē pébu. Iri, ĩgũ neō sugu masakure weredoreri meta āārĩbũ.

⁵ Iroguere ĩgũ yure āĩmũĩĩadeare gũyasĩrĩrĩ marĩrō mũsārē weremasĩa. Yaama gapure weregu, gũyasĩrĩbokoa. Irasirigu yũ turabi āārĩrĩ direta werenemogura.

⁶ Yũ basi yaamarē weredũamakũ, yũ werenĩrĩ diaye āārĩbokoa. Niārĩmasũ werenĩrĩ irirosū āārĩbiribokoa. Yaamarē weremasĩkeregu, werebirikoa mũsā yure: “Gajerā nemorō ōāmi”, ārĩ gũñabirikōāburo, ārĩgũ. Yũ iririkurire ĩadero puru, yũ bueri gapure pédero puru, mũsā yure: “Ōāgorami”, ārĩ gũñamakũ gāāmea.

⁷ Marĩpu yure ĩmudea ōātaribu. Yũ irire gũñagũ: “Gajerā nemorō masĩa”, ārĩ gũñabokuyo. Marĩpu gapu irire gũñabirikōāburo, ārĩgũ, wātēa opu Satanás yaa dupure pũrĩrikumakũ iririre kāmūtahiridi āārĩmĩ. Iri pũrĩrĩ poraru ñajārōsũ pũrĩa.

⁸ Ūrea yũ marĩ Opu: “Yure i pũrĩrĩrē tauka!” ārĩ sērēadibu.

⁹ ĩgũ gapu yure āsũ ārĩmi: “Mũrē maĩsĩā, ōārō iritamugura. Yũ mũrē iritamurĩ neō perebirikoa. ‘Turabea’, ārĩ gũñagũnorē yũ turari merā ōārō iritamua gajerā yũ turarire masĩnemoburo, ārĩgũ”, ārĩmi. Irasirigu yũ turabi āārĩrĩrē mũyari merā weregũkoa Cristo ĩgũ turari merā yure ōārō iritamunikōāburo, ārĩgũ.

¹⁰ Irasirigu Cristoyagu yũ āārĩrĩ waja pũrĩrĩ merā turabi āārĩsĩā, mũyari merā irire bokatĩũa. Gajerā yure ñerō werenĩkerepuru, yũ gāāmerĩrē opabirikeregu, gajerā yure ñerō irikerepuru, yure ñerō waakerepuru, mũyari merā irire bokatĩũa. Āsũ āārā. Yũ, turari opabirimakũ, Cristo gapu yure ĩgũ turarire opamakũ yāmi ñerō taririre bokatĩũburo, ārĩgũ. Irasirigu mũyāa.

Pablo Corinto marāre Jesũre bũremurāre ĩgũ gũñarikurire gojadea

¹¹ Yũ basi yaamarē werenĩgũ: “Niārĩmasũ irirosū werenĩgũ iribu”, ārĩ gũñāa. Mũsā gapu yure irasirimakũ iribu. Mũsā yaamarē ōārō werenĩmakũ, ōāgorabokuyo. Mũsā yure ōārō werenĩbirikerepuru, “Ubu āārĩgũ āārĩmi”, ārĩkerepuru: “Jesũs buedoregu pĩnerā āārā”, ārĩgatorā yũ nemorō āārĩbema.

¹² Yũ mũsā puro āārĩgũ, mũsārē bũro iritamudũari merā, wāri Marĩpu turari merā iririre iri ĩmubu, diayeta Jesús buedoregu pĩdi āārĩrĩrē masĩburo, ārĩgũ.

¹³ Gajerā Jesũre bũremurĩ buri marāre, mũsādere sũrosũ iribu. Yaa āārĩburire mũsārē niyeru wajaseabiribu. Mũsā péñamakũ, ĵiri mũsārē ñegorari? Iri mũsārē ñemakũ, mũsārē: “Irire kātika!” ārĩ sērēa.

¹⁴ Pea mũsā purogue ejasiabu. Daporare dupaturi yũ irogue waaburire āmugũ yāa. Irogue jagu, mũsārē: “Niyeru yure sĩka!” ārĩ sērēbirikoa. Mũsāyare gāāmebea. Cristoya gapure mũsā iritũyanemomakũ gāāmea. Āsũ āārā. Pagusāmarā ĩgũsā pũrāre masũrā, ĩgũsā gāāmerĩrē sĩma. Pũrā gapu pagusāmarāre ĩgũsā gāāmerĩrē sĩbema.

¹⁵ Irasirigu mũsārē yũ pũrā irirosū āārĩrāre iritamugũ āārĩpereri yũ oparire sĩmakũ ōārōkoa. Mũsāya āārĩburire, āārĩpereri yũ turari merā mũsārē bũro

iritamuduakoa. Musārē yu buro maikerepuru: “Īgūsā gapu yure sīrūgā maīma”, āri gūñáa.

¹⁶ Surāyeri musā watopegue āārīrā, yu musārē sērēbirideare masīkererā, āsū ārīma: “Guare sērēbirikeregu, ārīgatori merā guayare āiadi āārīmí”, ārīma.

¹⁷ ¿Musā purogue yu iriunerā ārīgatori merā musāyare yure āriyuri? Musā masīkoa. Neō gajino musāyare āiribirinerā āārīmá.

¹⁸ Irinugue Titore musā purogue waadorebu. Gajigu marīyagure ĩgū merā iriubu. Tito musā merā āārīgú, ¿gajino musāyare ārīgatori merā āārī? Musā masīkoa. Neō āābiridi āārīmí. Īgū yu irirosūta musārē iritamudugū āārīmi.

¹⁹ Gajipoe irirā, yu musārē gojarire buerā: “Pablosā ĩgūsāyamarē wereri merā guare: ‘Ōāgorama ĩgūsā’, āri gūñadorerā yáma”, āri gūñabokoa. Āārībea. Guā Cristoyarā āārā. Irasirirā Marīpu ĩūrō musārē diayeta werea. Yaarā yu maīrā, āārīpereri gua iriri merā musārē iritamuduáa Cristoyare iritūyanemoburo, ārīrā.

²⁰ Yu musārē gūñarikua. Gajipoe irirā, yu musā purogue ejamakū, yu gāāmerōsū iribiribokoa. Irasirigu yude musā gāāmerōsū iribiribokoa. Gajipoe irirā gāme guaseorikurā, gajerārē ĩaturirikurā, mata guarikurā, musāya āārīburi direta gūñarikurā, gajerārē ñerō kere wererikurā, ñerō āri werewuarikurā, “Gajerā nemorō āārā”, āri weregorenarā, musā nerēōgue noó musā gāāmerō iririkurā āārībokoa. Gajipoe irigu irasū āārīrārē bokajabokoa, ārīgū, irasū āri gūñarikua.

²¹ Irasirigu yu musā purogue dupaturi ejamakū, Marīpu musā ñerō iririkuri waja yure guyasīūrō tarimakū iribokumi. Wārā musā iro dupuyurogue gūñarīgue ñerī opadeare, ũma nome merā, nome ũma merā ñerō irideare, musā noó gāāmerō guyasīūrī ñerī irideare piriduro marīrō iriwāgāmakū ĩāgū, buro bujawereri merā oregukoa.

13

Pablo: “Āsū irika!” āri ōādoretūnudea

¹ Dapora yu musā purogue waarí merā urea waarokoa. Irasirigu musārē: “Marīpuya wereníri gojadea pūgue gojaderosūta āārīpererire iriro gāāmea”, āri werea. Iri pūgue āsū āri gojasūdero āārībú: “Pērā, o urerā sugū ñerō irideare ĩānerā oparāguere weresārō gāāmea”, āri gojasūdero āārībú.

² Iro dupuyuro yu musā purogue āārīgú, musā āārīpererā péurogue ñerō irirārē: “Wajamoāgura”, āri weresiabu. Puru ejagu, musārē irireta werebu doja. Daporadere yoarogue āārīkeregu, gopepyaro merā irireta were gojāa doja. Mérōgā puru musā puro dupaturi waagú, yu werederosūta ñerō irirārē diayeta wajamoāgura pama.

³ Yu irasirimakū ĩārā, ire masīrākoa. Yu musārē Cristo yure gūñarī sīrī merā werea. Cristo turabi āārībemi. Īgū turari merā musā watopegue ñerō irirārē wajamoāgukumi, ĩgūsā ñerō iririre piriburo, ārīgū.

⁴ Diayeta āārā. Īgū turari opabi irirosū curusague pábiatūsū, boadi āārīmí. Irasū boakeregu, daporare Marīpu turari merā okami. Guade ĩgū āārīderosūta turamerā āārā. Irasū āārīkererā, Cristoyarā āārīsīā, Marīpuya turari merā okāa ĩgū turari merā musārē iritamumurā.

⁵ Irasirirā musā basi: “¿Diayeta Jesucristore piriro marīrō buremurī yu?” āri gūñaka! Diayeta musā Jesucristoyarā āārīmakū, ĩgū musā merā āārīmi.

⁶ Diayeta gua Jesucristoyarā, ĩgū buedoregu pínerā āārīrīrē musārē masīmakū gāāmea.

⁷ Irasirirã ñerõ iribirikõãburo, ãrĩrã, Marĩpure mʉsãya ããrĩburire sērēbosáa. Īgūrē sērērã, mʉsãrē gʉare õãrõ gũñadorerã meta yáa. Mʉsã gʉare õãrõ gũñabirikerepʉgʉ, Marĩpure mʉsãya ããrĩburire sērēbosáa, Īgũ iritamurĩ merã õãrĩrē iriburo, ãrĩrã.

⁸ Marĩpʉya, diayema ããrĩrĩ ããrã. Irasirirã Īgũyare keoro irimakũ ĩãrã, gʉa mʉsãrē: “Irire iribirikõãka!” neõ ãrĩmasĩbirikoa. “Diayema direta irika!” ãrĩmasĩa.

⁹ Irasirirã mʉsã õãrõ yʉjʉpũrãkʉturari merã Īgũyare keoro irimakũ õãgoráa. Gʉa bʉro turari merã mʉsãrē: “Ãsũ gapʉ irika!” ãrĩmasĩmerã, ʉsʉyáa. Marĩpure mʉsãya ããrĩburire sērēbosaníkõãa, Īgũyare keoro iriwãgãnemoburo, ãrĩrã.

¹⁰ Irasirigʉ mʉsã pʉroque waaburi dupuyuro mʉsãrē i pũrē gojáa. Iroque ejagʉ, mʉsã ñerõ iririre piribirimakũ ĩãgũ, marĩ Opʉ yʉre dorederosũta mʉsãrē bʉro wajamoãgʉra. Pirimakũ ĩãgũ, wajamoãbirikoa. Marĩ Opʉ yʉre: “Yʉ dorederosũta irika!” ãrĩ pími. Mʉsã Īgūrē bʉremunemomakũ gããmegũ, irasirimi. Mʉsãrē poyanorēmakũ gããmebemi.

¹¹ Yaarã, iropãta ããrã yʉ mʉsãrē gojari. Õãrõ ããrĩrikʉka! Yʉ dorerire õãrõ yʉjʉpũrãkʉri merã keoro irika! Guaseori marĩrõ suro merã gũña, õãrõ siuñajãrĩ merã ããrĩka! Irasirigʉ Marĩpʉ mʉsãrē siuñajãrĩ sigũ, mʉsãrē maĩgũ mʉsã merã ããrĩgʉkumi.

¹² Mʉsã merãmarã merã õãrõ merã gãme mojõ ñeãka!

¹³ ããrĩpererã Jesúre bʉremurã õõgue ããrĩrã mʉsãrē õãdorema.

¹⁴ Marĩ Opʉ Jesucristo marĩrē õãrõ iritamugũ, Marĩpʉ marĩrē maĩgũ, Õãgũ deyomarĩgũ marĩ merã ããrĩnĩgũ ããrĩpererã mʉsã merã õãrõ ããrĩburo.

Iropãta ããrã.

Pablo

GÁLATAS

Pablo Galacia nikū marārē òãdoredea

¹⁻² Y_H Pablo, ããrĩpererã marĩyarã y_H merã ããrĩrã merã m_Ssãrē Galacia nikūgue ããrĩrãrē Jesúre b_Hremurãrē òãdore, gojáa. Jesucristo y_Hre ìgũyare buedoreg_H beyepími. Irasũ ããrĩmakũ, Marĩp_H ìgũrē boadiguere masũdi y_Hre pídi ããrĩmí, ìgũ magũyare bueburo, ãrĩgũ. Masaka y_Hre beyepíbirima.

³ Marĩp_H ããrĩnìgũ, marĩ Op_H Jesucristo m_Ssãrē òãrõ iritamu, siuñajãrĩ merã ããrĩrik_Hmakũ iriburo.

⁴ Jesucristo, Marĩp_H gããmederosũta irigu, ìgũ basi marĩ ñerĩ iridea waja boabosadi ããrĩmí, i ùm_H marã ñerĩ irirã irirosũ irinemobirikõãburo, ãrĩgũ.

⁵ Irasirirã ùmurik_H Marĩp_Hre: “Òãtaria m_H”, ãrĩ, ùs_Hyari sìnìkõãrã! Irasũta irirã!

Cristo sug_Hta marĩrē taug_H ããrĩmi, ãrĩ gojadea

⁶ Marĩp_H m_Ssãrē maìgũ, Cristore b_Hremun_Hgãdoreg_H siudi ããrĩmí m_Ssãrē peamegue waabonerãrē taubu. M_Ssã gap_H, ìgũ irasirikerep_Hm_H, matagora ìgũ Cristo merã masakare tauri kerere b_Hremuduúrã irikoa. Gaji bueri gap_Hre t_Hyakoa. M_Ssã irasiririre pég_H, b_Hro pég_Hkáa.

⁷ Gajerã m_Ssãrē, m_Ssã Cristoya kerere b_Hremun_Hgãdeare b_Hremuduúderã: “Gaji ããrã marĩrē tauri kere”, ãrĩgato, werema. Marĩrē gaji tauri kere máa. Cristore b_Hremurĩ merãta marĩ tarimasã.

⁸ G_Hna m_Ssãrē Marĩp_H Cristo merã marĩrē tauri kerere wereb_H. “Gaji ããrã marĩrē tauri kere”, ãrĩgato, wererãrē Marĩp_H b_Hro wajamoãburo. Y_H, o Marĩp_Hre wereboeg_H ùm_Hgasiguem_H m_Ssãrē irasũ ãrĩgato, weremakũdere wajamoãburo.

⁹ M_Ssãrē ire weresiab_H. Weredi ããrĩkereg_H, dupaturi m_Ssãrē werenemod_Hakoa doja. Sug_H, g_Hna Marĩp_H Cristo merã marĩrē tauri kerere m_Ssãrē weredeare: “Diaye ããrĩbea, gaji ããrã marĩrē tauri kere”, ãrĩgato, weremakũ, Marĩp_H ìgũrē perebiri peamegue wajamoãburo.

¹⁰ Y_H ire wereg_H, Marĩp_H gããmerõsũta buea. Masaka y_Hre: “Òãrõ weremi”, ãrĩdoreg_H meta buea. Irasũ ãrĩdoreg_H tamerã Cristoyare iribiribokoa. Ìgũrē moãboeg_H meta ããrĩbokoa.

Pablo: “Jesucristoya kerere weredoreg_H Marĩp_H y_Hre pími”, ãrĩ werede

¹¹ Yaarã, m_Ssãrē ire masĩmakũ gããmea. Y_H m_Ssãrē Marĩp_H Cristo merã marĩrē tauri kerere bueri, masaka ìgũsã basi ìgũsã gũñarĩ merã bueri meta ããrã.

¹² Iri kerere neõ sug_H masak_H y_Hre werebirimi. Neõ sug_H masak_H y_Hre irire buebirimi. Jesucristo ìgũ basi y_Hre irire masĩmakũ irimi.

¹³ M_Ssã, y_H iripoegue judío masaka ìgũsã b_Hremurĩrē iririk_Hdeare péunakuyo. Y_H Marĩp_Hyarãrē Jesúre b_Hremurãrē ñerõ irid_Hari merã ìgũsãrē b_Hro ìãturit_Hyaunab_H. Ìgũsã Jesúre b_Hremurĩrē peod_Hag_H irasiriunab_H.

¹⁴ Y_H, judío masaka ìgũsã b_Hremurĩrē òãrõ iririk_Hunakub_H. Gajerã, y_H merãmarã nemorõ g_Hna ñek_Hsãmarã iririk_Hunadeare iritarin_Hgãunakub_H.

¹⁵ Y_H irasiririk_Hkererep_Hm_H, Marĩp_H, y_H deyoaburi dupuyuro y_Hre beyesiadi ããrĩmí ìgũyag_H ããrĩburo, ãrĩgũ. Irasirig_H ìgũ y_Hre b_Hro maĩrĩ merã ìgũ gããmerõsũ iridoreg_H siiumi.

¹⁶ Īgũ irasiriderosũta keoro ĩgũ magũrẽ yũre masĩmakũ irimi, judío masaka ããrĩmerãrẽ ĩgũ magũ merã ĩgũsãrẽ tauri kerere weredoregũ. I yũre irasũ waadero pũrũ, gajerãrẽ: “¿Nasirigukuri yũ?” ãrĩ sãrẽñagũ waabiribũ.

¹⁷ Jerusalẽgue ããrĩrãrẽ Jesucristo yũ dupuyuro ĩgũyare buedoregũ beyepĩnerãdere sãrẽñagũ waabiribũ. Ubu gapũ Arabia nikũgue diaye waakõãbũ. Pũrũ Damasco goedujãabũ doja.

¹⁸ Ƴre bojori tariadero pũrũ, Jerusalẽgue Pedrore ĩãgũ waabũ. Pe semanata ĩgũ merã ããrĩbũ.

¹⁹ Irogue ããrĩgũ, gajerã Jesucristo ĩgũyare buedoregũ beyepĩnerãrẽ neõ ĩãbiribũ. Marĩ Opũ Jesucristo pagũmũ Santiago direta ĩãbũ.

²⁰ Marĩpũ ĩũrõ musãrẽ gojãa. Yũ gojari, ãrĩgatori meta ããrã.

²¹ Jerusalẽgue ããrĩdi Siria nikũgue, Cilicia nikũgue waabũ.

²² Iripoere Judea nikũgue ããrĩrã Jesucristore bũremurĩ buri marã yũre ĩãmasĩbirima.

²³ Yaa kere direta pãnerã ããrĩmã. ĩgũsãrẽ yaamarẽ wererã ãsũ ãrĩ werenerã ããrĩmã: “Sõõ ããrĩdeapoeguere marĩrẽ ñerõ iridũari merã bũro ĩãturitũyadi, marĩ Jesucristore bũremurĩrẽ peodũadi daporage masakare: ‘Jesucristore bũremuka!’ ãrĩ weregorenagũ iriayupũ”, ãrĩ werenerã ããrĩmã.

²⁴ Irasirirã Judea nikũgue ããrĩrã Jesucristore bũremurã yũ ĩgũrẽ bũremurĩrẽ pãrã, Marĩpũre Ƴũyari sĩnerã ããrĩmã.

2

Jesús buedoregũ pĩnerã Pablöre õãrõ bokatĩrĩñeãdea

¹ Catorce bojori pũrũ, dupaturi Jerusalẽgue Bernabé merã waabũ doja. Tito wãikũgũdere ããbũ.

² Marĩpũ yũre irogue waadoremi. Irasirigũ irogue waabũ. Iroguere eja, Jesúre bũremurã oparã merã dita nerẽ, werenĩbũ. Judío masaka ããrĩmerãrẽ Marĩpũ Cristo merã marĩrẽ tauri kerere yũ buedeare ĩgũsãrẽ werebũ. Yũ neõgorague buenũgãdeare, dapora yũ buerire: “Diaye ããrã, õãgorãa”, ãrĩ masĩburo, ãrĩgũ, irasũ ãrĩ werebũ. Gajerã yũ buerire: “Wajamãa”, ãrĩrĩ, ãrĩgũ, irasũ ãrĩ werebũ.

³ Titodere, ĩgũ judío masakũ ããrĩbirikerepũrũ: “Gũa judío masaka iririkũrosũ dupũma gasirogãrẽ* wiiriro gããmea”, neõ ãrĩbirima.

⁴ Irire dorebirikerepũrũ, gajerã ubu ãrĩboerã gapũ: “Moisés doredoredersũta dupũma gasirogãrẽ wiiriro gããmea”, ãrĩma. ĩgũsã Jesúre bũremugatorã, irigatorimasã ããrĩmã. Irasirirã, gũa judío masaka ããrĩkererã Jesúre bũremurã iririre ĩãmurã gũa nerẽrõgue gũa merã nerẽnama. “Gũare peamegue waabonerãrẽ tausũmurã, Jesucristore bũremurõ gããmea. Moisés doredeare iriri merã tausũbirikoa”, ãrĩmakũ ĩãma. Irire ĩãrã: “Moisés doredeare irirã dita tausũrãkuma, irasirirã ĩgũ doredeare irika!” ãrĩma. Gũare irire bũremudorerã, irasũ ãrĩma.

⁵ ĩgũsã gũare irasũ dorekerepũrũ, neõ ĩgũsã dorerire iribiribũ. Gũa musãrẽ Jesucristore bũremurĩ merã dita tausũrãkoma, ãrĩrĩ kerere: “Diaye ããrã”, ãrĩ bũremunĩmakũ gããmea. Irasirirã ĩgũsã dorerire neõ iribiribũ.

⁶ Jesúre bũremurã oparã yũre: “Ãsũ gapũ wereka!” ãrĩbirima. “Judío masaka ããrĩmerãrẽ: ‘Gũa ñekũsãmarãrẽ Moisés iridoredeare iriro gããmea’, ãrĩ wereka!” ãrĩbirima. ĩgũsãrẽ masaka bũremukerepũrũ, Marĩpũ ããrĩpererãrẽ

* **2:3** Gn 17.1-14: Iripoegue Marĩpũ Abrahãrẽ ĩgũ pũrã ãmarẽ: “Yaarã ããrĩburo”, ãrĩgũ, ĩgũsãya dupũma gasirogãrẽ wiiridoredi ããrĩmĩ. Pũrũ iri dorerire Moisére pídi ããrĩmĩ. Irasirirã judío masakũ Abraham parãmerã ããrĩturiarã iri dorerire irirã, ĩgũsã pũrã ãmarẽ su mojóma pere gaji mojó Ƴreru pãrẽbejarinũrĩ waaró merã ĩgũsã deyoadero pũrũ irasũ yãma.

surosū iāmi. Irasirigu: “Īsā oparā, yu nemorō āārīma”, ārī gūñabiribu. “Marīpu ĩgūsārē beyederosūta yudere beyemi”, ārī gūñabu.

⁷ Oparā irasū yure: “Āsū gapu wereka!” ārīrōno irirā, yure iāmasī, āsū ārīma: “Mude, Marīpu judío masaka āārīmerārē Jesucristoya kerere weredoregu beyepídita āārā. Marīpu Pedrore judío masakare iri kerere weredorederosūta mudere iri kerere weredoreñumi”, ārīma yure.

⁸ Marīpu Pedrore judío masakare Jesucristoya kerere weredoregu iriudi āārīmí. Īgūta yudere judío masaka āārīmerā puo iri kerereta weredoregu iriumi.

⁹ Jerusalēgue Jesúre buremurā urerā oparā: Santiago, Pedro, Juan wāikurā āārīmá. Gajerā oparā nemorō āārīmá. Īgūsā yure Marīpu ĩgū maĩrī merā beyepídi yu āārīmakū iāmasī, yure, Bernabédere ōārō bokatĩrī: “Marī surosū moārākoa”, ārīma. “Musā Jesucristoya kerere judío masaka āārīmerārē wererā waaka!” ārīma. “Gua gapu judío masakare wererākoa”, ārīma.

¹⁰ Gure: “Bopoñarārē iritamuka!” ārīrī direta werema. I dita āārībú: “Yu ōārō irigura”, ārī, buro gūñadea.

Pablo Pedrore Antioquía gue weredea

¹¹ Puru gua Antioquía wāikuri makāgue āārīripoe Pedro ejami. Īgū irogu eadero puru keoro iribirimakū iā, ĩgūguereta turaro merā werebu.

¹² Iro dupuyuro ĩgū irogu āārīgú, judío masaka āārīmerā Jesúre buremurā merā baa, āārīrikukōāyupu. Īgū irasiriripoe gajerā judío masaka Santiago iriunerā ejañurā. Īgūsā ejamakū iā, judío masaka āārīmerā merā āārādi āārīduúkōāyupu: “Yure turibokuma”, ārīgū. Irogu ejanerā judío masaka āārīmerārē: “Moisés dorederosūta dupuma gasirogārē wiiriro gāāmea”, ārī weregorenarā iriñurā. Irasirigu Pedro, Antioquía marā ĩgūsāya dupuma gasirogārē wiirisūbirinerā āārīmakū, ĩgūsā merā baa, āārīrikūadi duúkōāyupu.

¹³ Īgū irasirimakū iārā, gajerā judío masaka Jesúre buremurā, ĩgū irirosūta irigatori merā iriñurā. Judío masaka āārīmerā merā āārīrikanerā, ĩgūsā merā baanerā baanemobiriñurā. “Īgūsā merā baaduúmakū ōābea”, ārī masīkeregu, Bernabéde ĩgūsā irirosūta iriyupu.

¹⁴ Īgūsā: “Jesucristore buremurī merā dita tausūrākoa”, ārīrī kerere masīkererā, keoro iribirima. Irasirigu, irire iā, Pedrore āārīpererā Jesucristore buremurā iūrōgue buro turaro merā āsū ārī werebu: “Mu judío masaku āārīkeregu, judío masaka āārīmerā irirosūta ĩgūsā merā baa, āārīkōābu. Mu irasirigu, Moisés marīrē judío masakare iridorederosū iribiribu. ¿Nasirigu judío masaka āārīmerā gapure: ‘Gua judío masaka iririkurire irika!’ ārīduari?” ārībū ĩgūrē.

Āārīpererā Jesúre buremurā tausūrākuma, ārī gojadea

¹⁵ Gua neō deyoarāgueta judío masaka āārīsianerā āārībú. Gaji buri marā irirosū Marīpu Moisére doreri pídeare tarinugābea.

¹⁶ Irasū āārīkererā, ire masīa. Marīpu Moisére ĩgū doreri pídeare masaka irimakū meta ĩgūsārē: “Ōārā, waja opamerā āārīma”, ārī iāmi. Masaka Jesucristore buremumakū, Marīpu ĩgūsārē: “Ōārā, waja opamerā āārīma”, ārī iāmi. Irasirirā guade Jesucristore buremunugābu. Īgūrē buremumakū, Marīpu guadere: “Ōārā, waja opamerā āārīma”, ārī iāmi. Marīpu, iri doreri pídeare gua irimakū meta gure irasū ārī iāmi. Neō sugu masakū iri doreri pídeare iripeomasībemi. Irasirigu Marīpu neō sugure: “Yu dorerire iripeokōāmi, irasirigu ĩgūrē: ‘Ōāgū āārīmi’, ārī iāa”, ārībirikumi.

¹⁷ Irasirirã: “Gua Jesucristore buremumakũ, Marĩpu guare: ‘Õãrã, waja opamerã ããrĩma’, ãrĩĩãmi”, ãrĩrã: “Gua judío masakade Marĩpu Moisére doreri pídeare iripeobirikoa, irasirirã guade ñerõ yáa”, ãrĩ masĩa. ¿Irire irasũ ãrĩ masĩrã: “Jesucristore buremusĩã, ñerõ irikerepũ, õãgoráa”, ãrĩrã yári? Irire neõ ãrĩbea. Jesucristo guare ãgũrẽ buremurãrẽ ñerõ siiu irigu meta ããrĩmi.

¹⁸ Irasirigu masakare ãsũ ãrĩ werea. “Jesucristore buremumakũ, Marĩpu musãrẽ: ‘Õãrã, waja opamerã ããrĩma’, ãrĩĩãmi” ãrĩ werea. “Marĩpu Moisére ãgũ doreri pídeare musã irimakũ, musãrẽ: ‘Õãrã, waja opamerã ããrĩma’, ãrĩĩãmi”, ãrĩgũ meta yáa. ãgũsãrẽ: “Marĩpu Moisére doreri pídeare musã iriri merã Marĩpu iũrõ waja opabirikoa”, ãrĩgũ, yude waja opabokoa irire iripeobirisĩa.

¹⁹ Iripoeguere: “Yũ, Marĩpu Moisére doreri pídeare irigu, ãgũ iũrõ waja opabi ããrĩgũkoa”, ãrĩ gũñadibũ. Irasũ ãrĩ gũñakeregũ, bokatĩũbirikubũ. Waja opagu, peamegue waabodi ããrĩbũ. Daporare: “Iri dorerire iriri merã Marĩpu merã õãrõ ããrã”, neõ ãrĩ gũñanemobea. “Jesucristore buremusĩã, Marĩpu merã õãrõ ããrĩ, ãgũ gããmerĩrẽ yáa”, ãrĩ masĩa.

²⁰ Jesucristo Marĩpu magũ yure maĩgũ curusague boagu, yũ ñerõ iridea wajare wajaribosadi ããrĩmi. Yũ ãgũyagu ããrĩsĩa, ãgũ boaderosũta yude ãgũ merã boadi irirosũ waadi ããrĩbũ. Sugu boagu ãgũ iridũarire neõ irinemomasĩbi irirosũ waadi ããrĩbũ. Irasirigu Cristore buremusĩã, yũ iridũarire piri, ãgũ turaro merã ãgũyare irigu yáa.

²¹ Yũ: “Marĩpu Cristo merã marĩrẽ õãrõ iritamudi ããrĩmi”, ãrĩ buremurĩrẽ piridũabea. Marĩpu Moisére ãgũ doreri pídeare marĩ iriri merã waja opabirimakũ, Cristo marĩ ñerõ iridea waja boabosadea wajamarĩbokuyo.

3

¿Moisés doredeare iriri merã, o Jesucristore buremurĩ merã Marĩpuyarã ããrĩrĩ? ãrĩ gojadea

¹ Musã Galacia marã pémasĩmerã irirosũ irirã yáa. ¿Nasirirã ãrĩgatorimasã buerire péngãrĩ? ãgũsã buerire pésĩa, Jesucristoya diayema kerere buremurĩrẽ pirirã yáa. Gua, musã pũrogue ããrĩrã, musãrẽ Jesucristo curusague boadea kerere diaye werebũ. Iri gua wererire musã õãrõ pébũ.

² Irasirigu musãrẽ ire sãrẽñadũakoa. ¿Musã Moisés doredeare iriri merã Õãgũ deyomarĩgũrẽ opanũgãrĩ? ãgũrẽ opabiribũ. Jesucristoya kerere pérã, ãgũrẽ buremunũgãrã, Õãgũ deyomarĩgũrẽ opanũgãbũ.

³ ¿Nasirirã daporare pémasĩmerã irirosũ irirã yári? Musã Jesucristore buremurã Õãgũ deyomarĩgũ iritamurĩ merã Marĩpu dorerire irinũgãbũ. ¿Nasirirã daporare ãgũ iritamurĩ marĩrõ musã basi musã turari merã iri dorerire iripeodũari?

⁴ ¿Musã Jesucristore buremunũgãripoe gajerã musãrẽ ñerõ tarimakũ irideare gũñaberi? Daporare ãgũyã kerere buremuduúrã: “Ubugora irire buremubũ”, ¿ãrĩ gũñarĩ?

⁵ Marĩpu musãrẽ ãgũyagure Õãgũ deyomarĩgũrẽ iriudi ããrĩmi. Õãgũ deyomarĩgũ musã merã ããrĩmakũ, Marĩpu ãgũ turari merã musã watopeguere wãri iri ããrĩrẽ irigu yãmi. Musã Moisés doredeare irimakũ, ¿irasirigu yári? Iribemi. Musã Jesucristoya kerere pé buremumakũ gapũ irasũ yãmi.

⁶ Abraham Marĩpũre buremumakũ, Marĩpu ãgũrẽ: “Õãgũ, waja opabi ããrĩmi”, ãrĩ ããrĩ ããrĩmi.

⁷ Irasirirã musã ire masĩka! Abraham Marĩpũre buremuderosũta buremurãno Abraham parãmerãgora ããrĩma.

⁸ Marĩpũya werenĩrĩ gojadea pũgue judío masaka ããrĩmerãdere ĩgũsã Marĩpũre bũremumakũ, Marĩpũ ĩgũsãrẽ: “Õãrã, waja opamerã ããrĩma”, ãrĩ ĩãburire gojasiasũdero ããrĩbũ. Marĩpũ Abrahãrẽ irire weregu, ãsũ ãrĩdi ããrĩmĩ: “Yũ, mũ merã ããrĩpereri buri marãrẽ õãrõ irigũra”, ãrĩdi ããrĩmĩ.

⁹ Abraham Marĩpũre bũremumakũ, Marĩpũ ĩgũrẽ õãrõ iridi ããrĩmĩ. Irasirigu daporadere ããrĩpererã ĩgũrẽ bũremurãnorẽ õãrõ yãmi.

¹⁰ “Moisés doredeare irimakũ, Marĩpũ marĩrẽ: ‘Õãrã, waja opamerã ããrĩma’, ãrĩ ĩãgũkumi”, ãrĩ gũñarãnorẽ Marĩpũ wajamoãgũkumi. Marĩpũya werenĩrĩ gojadea pũgue irimarẽ ãsũ ãrĩ gojasũdero ããrĩbũ: “Ããrĩpereri Moisés doredeare iripeomerãno wajamoãsũrãkuma”, ãrĩ gojasũdero ããrĩbũ.

¹¹ Neõ sugũ Moisés doredeare iripeomasĩgũ mámi. Irasirigu Marĩpũ neõ sugare: “Yũ dorerire iripeokõãmi, irasirigu ĩgũrẽ: ‘Õãgũ ããrĩmĩ’, ãrĩ ĩãa”, ãrĩbirikumi. Irire marĩ masĩa. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ ĩgũrẽ bũremurãrẽ: ‘Õãrã, waja opamerã ããrĩma’, ãrĩ ĩãmi. Irasirirã ĩgũ merã õãrõ ããrĩnĩkõãrãkuma”, ãrĩ gojasũdero ããrĩbũ.

¹² Moisés doreri gojadea pũgue: “Marĩpũre bũremugũno Marĩpũ ĩũrõ waja opabi ããrĩmĩ”, neõ ãrĩ gojasũbiribu. ãsũ gapũ ãrĩ gojasũdero ããrĩbũ: “Ããrĩpereri Moisés doredeare iripeogũno, Marĩpũ merã õãrõ ããrĩnĩkõãgũkumi”, ãrĩ gojasũdero ããrĩbũ. Iri dorerire iripeobi gapũre Marĩpũ ĩgũrẽ: “Yũ ĩũrõ waja opami, yũ merã neõ õãrõ ããrĩbirikumi”, ãrĩ ĩãgũkumi.

¹³ Irasirigu, marĩ ããrĩpererã Moisés doredeare iripeobirimakũ, Marĩpũ marĩrẽ: “Iri dorerire iripeobema”, ãrĩgũ: “Waja opama”, ãrĩdi ããrĩmĩ. Irasirigu Jesucristo curusague pábiatúsũgũ, waja opagũ irirosũ marĩrẽ wajamoãbodeare boa, wajaridi ããrĩmĩ. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ yukũgue siasiusũadi, Marĩpũ wajamoãdoreadi ããrĩmĩ”, ãrĩ gojasũdero ããrĩbũ. Jesucristo boari merã marĩ ñerõ iridea wajare taudi ããrĩmĩ.

¹⁴ ĩgũ marĩ ñerõ iridea wajare boa, wajaribosadea merã Marĩpũ Abrahãrẽ: “Irasũta irigũra”, ãrĩderosũta judío masaka ããrĩmerãdere iridi ããrĩmĩ. Irasirigu ĩgũ ãrĩderosũta marĩrẽ Jesucristore bũremurãrẽ: “Õãrã, waja opamerã ããrĩma”, ãrĩ ĩã, Õãgũ deyomarĩgũrẽ sĩdi ããrĩmĩ marĩ merã ããrĩburo, ãrĩgũ.

Marĩpũ: “Abraham merã ãsũ irigũra”, ãrĩdea

¹⁵ Yaarã, masaka ĩgũsã iririkũrere, su keori merã mũsãrẽ weregũra. ĩgũsã: “Ãsũ irirã!” ãrĩ, oparã pũro papera ãmukuma. ĩgũsã irire ãmuadero pũrũ, neõ gajerã ĩgũsãrẽ: “I pũrẽ bẽokõãka! ãsũ gapũ gojaka!” ãrĩbirikuma.

¹⁶ Marĩpũ Abrahãrẽ ĩgũ ãrĩdea, i irirosũta ããrã. Gajerã ĩgũ ãrĩdeare neõ bẽomasĩbema. ãsũ ãrĩ weredi ããrĩmĩ ĩgũrẽ: “Mũ parãmi ããrĩturiagu merã ããrĩpereri buri marãrẽ õãrõ irigũra”, ãrĩdi ããrĩmĩ. “Mũ parãmerã ããrĩturiarã merã õãrõ irigũra”, ãrĩbiridi ããrĩmĩ. Ubu gapũ: “Mũ parãmi ããrĩturiagu sugũ merãta irasirigũra”, ãrĩdi ããrĩmĩ. Irasũ ãrĩgũ, Jesucristore ãrĩgũ iridi ããrĩmĩ.

¹⁷ Yũ mũsãrẽ wereri ãsũ ãrĩduaro yãa. Marĩpũ Abrahãrẽ masakare ĩgũ õãrõ iriburire weredi ããrĩmĩ. Pũrũ cuatrocientos treinta bojori pũrũ, Marĩpũ ĩgũ doreri Moisere pídi ããrĩmĩ. Irire pígu, Abrahãrẽ: “Yũ irasirigũkoa”, ãrĩdeare peremakũ iribiridi ããrĩmĩ.

¹⁸ Marĩpũ, Moisés doredeare irirã direta: “Yũ merã õãrõ ããrĩrãkuma”, ãrĩmakũ, ĩgũ Abrahãrẽ ãrĩdea wajamarĩbokuyo. Irasũ ããrĩbea. Marĩpũ Abrahãrẽ maĩgũ wajamarĩrõ ĩgũ: “Ãsũ irigũra”, ãrĩdeare keoro iridi ããrĩmĩ. (“Ããrĩpererã mũ irirosũ yũre bũremurãrẽ yũ merã õãrõ ããrĩmakũ irigũra”, ãrĩdi ããrĩmĩ.)

19 Iro merē, ¿nasirigu Marīpu ĩgū dorerire Moisére píyuri? Masaka ñerō irirā, waja oparā āārīrīrē ĩgūsārē masīdoregu irire pídi āārīmí. Abraham parāmi āārīturiagu Jesucristo aaripoeque Marīpu masakare: “Āsū irika!” ārī pítūnudi āārīmí. Jesucristo aarimakū, Marīpu Abrahārē: “M̄ parāmi āārīturiagu merā āārīpereri buri marārē ōārō irigura”, ārīdea keoro waabu. Marīpu ĩgū dorerire ĩgūrē wereboerārē Moisére weredoredi āārīmí. Irasirigu Moisés irire pégu, masakare wereturiadi āārīmí.

20 Marīpu Abraham parāmi āārīturiagu merā masakare ōārō iriburire gajerāgue merā Abrahārē weredorebiridi āārīmí. ĩgū basita weredi āārīmí. ((Irasiro Abrahārē ĩgū weredeia gapu, Moisére ĩgū dorerire pídea nemorō āārā.))

Pablo, Moisés doredeare weredeia

21 Iro merē, Marīpu Abrahārē weredeia, ĩgū dorerire Moisére pídea nemorō āārīmakū, ¿ĩgū dorerire Moisére pídea gapu wajamarīyuri? Irasū āārībiridero āārībú. Āsū gapu āārā. Masaka āārīpereri Moisés doredeare iripeori merā Marīpu merā ōārō āārīmasīmakū, Marīpu irire iripeorārē: “Ōārā, waja opamerā āārīma”, ārī ĩābodi āārīmí.

22 Marīpuya werenírī gojadea pūgue irimarē āsū ārī gojasūdero āārībú: “Masaka āārīpererā ñerō irirā, waja oparā āārīma”, ārī gojasūdero āārībú. Irasirigu Marīpu Abrahārē: “M̄ parāmi āārīturiagu merā āārīpereri buri marārē ōārō irigura”, ārīderosūta irigukumi. Āārīpererā Jesucristore buremurārē: “Ōārā, waja opamerā āārīma”, ārī ĩāgukumi.

23 Marī Jesucristoya kerere pé, ĩgūrē buremuburi dupuyuro Marīpu ĩgū dorerire Moisére pídea direta masīnerā āārībú. Irasirirā marī ñerō irideia waja peresugue dobosūnerā marīrē peresu iridi doreri direta masīrā irirosū āārīnerā āārībú.

24 Marīpu ĩgū dorerire Moisére pídea merā marī iri dorerire iripeomerā āārīrīrē masīmakū iridi āārīmí. P̄ Cristoyare masīmakū iridi āārīmí ĩgūrē buremumakū, marīrē: “Ōārā, waja opamerā āārīma”, ārī ĩābu.

25 Daporare Jesucristore buremua. Irasirirā ĩgūrē buremusīā: “Marīpu Moisére ĩgū doreri pídeare marī irimakū meta marīrē: ‘Ōārā, waja opamerā āārīma’, ārī ĩāmi”, ārī masīa.

26 Irasirirā m̄sā āārīpererā Jesucristore buremurī merā ĩgūyarā āārīsīā, Marīpu pūrā āārā.

27 M̄sā āārīpererā deko merā wāīyesūnerā āārībú m̄sā Cristoyarā āārīrīrē ĩmumurā. Irasirirā ĩgūyarā āārīsīā, ĩgū irirosū āārīrikua.

28 Marī āārīpererā ĩgūyarā āārīsīā, sugūyarāta āārā. Irasirigu Marīpu judío masakare, judío masaka āārīmerādere, moāboerimasārē, moāboemerādere, ūmarē, nomedere s̄rosūta ĩāmi. Irasiro marīrē Jesucristoyarārē dukawari masīña máa.

29 Marī Cristoyarā āārīsīā, Abraham parāmerā āārīturiarā āārā. Irasirigu Marīpu Abrahārē: “M̄rē ōārō irigura”, ārīderosūta marīdere irigukumi. Marī Cristoyarā āārīmakū, marīrē irasirigukumi.

4

1 M̄sārē i keori merā weredukoa. Sugū majīgū āārīpereri ĩgū paguyare opaturibu āārīkeregū, majīgū āārīsīā, sugū moāboegu irirosū āārīkumi.

2 Gajerā ĩgūrē, ĩgūya āārīburidere ĩāduripībosakuma. Irasirigu, ĩgūsā doreri doka āārīkumi. Sunu ĩgū pagu, ĩgū boaburi dupuyuro ĩgūya āārādeare ĩgū magūrē wiaburinurē werepīkumi. “Inu ejamakū, āārīpereri yaa āārīdeare yu magūrē wiaka!” ārīkumi. Irasirirā irinu ejamakū, ĩgūrē wiakuma pama.

³ Marīde Jesucristore b̄remuburi dupuyuro marī ñekūsāmarā i ūm̄umarē buerire iritayarā, majīgū ĩgū āārīderosū marī ñekūsāmarā doreri doka āārīunanerā āārībú. Irasirirā gajerārē moāboerā irirosū āārīnerā āārībú.

⁴ Irasū āārīkerep̄u, Marīp̄u gap̄u ĩgū: “Āsū irigura”, āārīdean̄u ejamakū, keoro ĩgū magūrē i ūm̄uguere iriudi āārīmí. ĩgū iriumakū, sugo nomeōguere deyoadi āārīmí. ĩgū judío masakū āārīsīā, Marīp̄u doreri Moisére pídeare iridi āārīmí.

⁵ Marīp̄u ĩgū magūrē, marī iri dorerire iripeobiri wajare boa, wajari-bosadoreḡu iriudi āārīmí ĩgū pūrā waaburo, ārīgū.

⁶ Irasiriḡu Marīp̄u marīrē: “Ȳu pūrā āārīsīama”, ārīgū, ĩgū magū Jesucristo merā Ōāgū deyomarīgūrē iriudi āārīmí. Irasirirā Ōāgū deyomarīgū iritamurī merā Marīp̄ure: “Γαρη”, ārī masīa.

⁷ Marī, Marīp̄u pūrā āārīsīā, moāboerimasā irirosū āārībea pama. Irasirirā āārīpereri Marīp̄u ĩgū magū Cristo iridea merā marīrē ĩgū pūrārē sīburire ñeārākoa.

Pablo Jesúre b̄remurārē Galaciague āārīrārē gūñarik̄udea

⁸ Iripoeguerē m̄sā Marīp̄ure masībirisīā, gajerānorē b̄remunerā āārībú. ĩgūsārē b̄remurā, ĩgūsā doreri doka āārītuuyanírā irirosū āārīnerā āārībú. Marīp̄ugorare b̄remubirinerā āārībú.

⁹ Dapora m̄sā Marīp̄ure masīa. ĩgū m̄sārē masīgū ĩgūrē masīmakū iridi āārīmí. M̄sā ĩgūrē masīsīā, m̄sā iripoegue ubu āārīrērē b̄remudeare b̄remuduúkōānerā āārībú. Irasirikererā, daporare Moisés doredeare iripeod̄uarā, m̄sā ubu āārīrērē b̄remup̄rorideare b̄remurā irirosū irirā yāa. ¿Nasirirā irire irasirirā yári? ¿Nasirirā dupaturi moāboerimasā irirosū āārīd̄uari doja?

¹⁰ M̄sāde, Marīp̄u merā ōārō āārīd̄uarā, judío masaka bosenerī irinarōsūta iriadikoa. Iri bosenerīrē irirā, siuñajārīnarik̄u, abe deyoarik̄u, gajinurī bosenerik̄u, bojorik̄u bosenerīrē irikoa.

¹¹ M̄sā irasirimakū péḡu: “¿Ȳu ĩgūsārē ubugora bueyuri?” ārīgū, b̄ro m̄sārē gūñarik̄u.

¹² Yaará, ȳu m̄sārē āsū irimakū gāāmea. M̄sā judío masaka āārībirisīā, Moisés doredeare iribirinerā āārībú. Ȳude, judío masakū āārīkereḡu, m̄sā iriderosūta iri dorerire iribea. Irasiriḡu dupaturi m̄sādere ȳu irirosū irimakū gāāmea. Marī Jesucristore b̄remusīā, Marīp̄u merā ōārō āārīmasīa. Ȳu m̄sārē Jesucristoyare buemakū, m̄sā ȳure neō ñerō iribirib̄u.

¹³ M̄sā masīa. Ȳu, Jesucristo masakare tauri kerere m̄sārē buep̄roriḡu, pūrīrik̄ub̄u.

¹⁴ Ȳu pūrīrik̄umakū m̄sārē diasagorab̄u. Irasū āārīkerep̄u, m̄sā ȳure ĩāturi doobirib̄u. Ubu gap̄u Marīp̄ure wereboeḡure irirosū ōārō bokatīrīñeāb̄u. Jesucristore irirosū ȳure ōārō irib̄u.

¹⁵ M̄sā ȳu merā ūs̄yari opadea, ¿naásū waáari? Ire ȳu masīa. M̄sā irasirimasīrā, m̄sāya koyere ȳure wea sībokuyo ȳure iritamumurā.

¹⁶ Ȳu m̄sārē diayemarē weredea waja daporare ȳure: “Γαρε ĩāturiḡu irirosū iriḡu yāmi”, ¿ārī ĩārī?

¹⁷ Gajerā ārīgatori merā buerimasā gap̄u m̄sārē b̄ro iritamud̄uarā irirosū irikererā, ōārō merā irirā meta āārīma. M̄sārē ḡua buerire iritayarire piri, ĩgūsā bueri gap̄ure iritayadorerā yāma.

¹⁸ Gajerā m̄sārē iritamud̄umakū ōāgorāa. ĩgūsā m̄sārē iritamud̄uarā, ōārō gūñarī merā iritamuníkōāburo. Ȳu m̄sā merā āārīmakū direta irasiribirikōāburo.

19 Mũsã yũ pũrã irirosũ ããrĩrãrẽ mũsãya ããrĩburire gũñagũ, dupaturi buru pũrĩsũrĩ merã ñerõ tarigũ irirosũ ããrã. Sugo nomeõ pũrãkũburi dupuyuro pũrĩrĩ pẽnarõsũ pẽnakoa. Mũsã Jesucristo irirosũ ããrĩrikũmakũgue, irasũ poyarikũtũnugũkoa.

20 Yũ mũsã pũro mũsã merã buru ããrĩduadikoa. Mũsarẽ daporata turiro marĩrõ õãrõ pẽmasĩma õãrõ wereduadikoa. Wereduakeregũ, ñeeno merã werenĩumasĩbirikoa.

Pablo, Agar, Saraya keori merã weredeã

21 Mũsã, Moisés doredeare iriduakererã, ¿nasirirã iri dorerire õãrõ pẽmasĩberi?

22 Marĩpũya werenĩrĩ gojãdea pũgue ãsũ ãrĩ gojasũdero ããrĩbũ: “Abraham pẽrã ãma pũrãkũdi ããrĩmĩ. Sugũre ãgũ marãpore moãboego Agar wãikũgo merã pũrãkũdi ããrĩmĩ. Gajigũre ãgũ marãpo diaye Sara merã pũrãkũdi ããrĩmĩ. Igo, moãboego meta ããrĩdeo ããrĩmõ”, ãrĩ gojasũdero ããrĩbũ.

23 Abraham marãpore moãboego magũ marĩ masaka deyoarosũta deyoadi ããrĩmĩ. Abraham marãpo magũ gapũ Marĩpũ Abrahãrẽ: “Mũ marãpo sugũ majĩgũ pũrãkũgokumo”, ãrĩderosũta deyoadi ããrĩmĩ.

24-25 ãgũsã pẽrã nomeya, pe keori irirosũ ããrã. Saraya: Abraham, Marĩpũ ãgũrẽ ãrĩdeare bũremuderõsũta Jesucristore bũremurãya keori irirosũ ããrã. Agarya: Marĩpũ Sinaĩ wãikũri buúrũgue Arabia nikũgue ãgũ dorerire Moisére pĩdeare irirãya keori irirosũ ããrã. Agar, moãboego ããrĩsĩã, igo magũde moãboegũ ããrĩdi ããrĩmĩ. Irasirirã Moisés doredeare irirã igo magũ irirosũ ããrĩma. Moãboerã irirosũ iri doreri doka ããrĩma. Daporare Jerusalén marã Moisés doredeare irirã, Agar magũ irirosũ ããrĩma. Irasirirã, moãboerã irirosũ iri doreri doka ããrĩma.

26 Saraya: Jerusalén ãmũgasima makã marã Jesucristore bũremurãya keori irirosũ ããrã. Sara, moãboego ããrĩbirimakũ, igo magũde, moãboegũ meta ããrĩdi ããrĩmĩ. Irasirirã marĩ Jesucristore bũremurã, Sara magũ irirosũ ããrã. Moãboerã irirosũ Moisés doreri doka ããrĩrã meta ããrã.

27 Marĩpũ ãgũya werenĩrĩ gojãdea pũgue ãsũ ãrĩdi ããrĩmĩ:

“Nomeõ, mũ pũrã marĩkerego, mũyaka! Sugo nomeõ, pũrãkũgo pũrĩrĩ pẽnarõsũ pẽnabirikerego, buru mũyaka! Mũ pũrã marĩkerepũrũ, pũrgũere mũ parãmerã ããrĩturiarã wãrã ããrĩrãkuma.

Gajego marãpũkũgo igo marãpũ merã ããrĩgõ parãmerã ããrĩturiarã nemorõ wãrã ããrĩrãkuma”, ãrĩdi ããrĩmĩ Marĩpũ. ((Iri ãrĩdea ãsũ ãrĩduaro yãa. Jesucristore bũremurã Sara parãmerã ããrĩturiarã ããrĩma. ãgũsã, Moisés doredeare irirã nemorõ wãrã ããrĩrãkuma.))[✧]

28 Irasirirã yaarã, marĩ Sara magũ Isaac irirosũ ããrã. Marĩpũ pũrã Abrahãrẽ ãrĩderõsũta Sara Isaare pũrãkũdeo ããrĩmõ. Irasirigũ Marĩpũ ãgũ ãrĩderõsũta marĩrẽ Jesucristore bũremurãrẽ ãgũ pũrã ããrĩmakũ iridi ããrĩmĩ.

29 Iripoeguere Agar magũ marĩ masaka deyoaderõsũta deyoadi, Sara magũ Õãgũ deyomarĩgũ turari merã deyoadore ããturi, ñerõ iridi ããrĩmĩ. Daporadere irasũta ããrã. Moisés doredeare irirã, marĩrẽ Jesucristore bũremurãrẽ ããturi, ñerõ irirã yãma.

30 Marĩpũ ãgũya werenĩrĩ gojãdea pũgue Abrahãrẽ ãsũ ãrĩdi ããrĩmĩ: “Moãboego magũ mũ sĩburire opabirikumi. Mũ marãpo diaye moãboego ããrĩbeo magũ gapũ mũ sĩburire opagũkumi. Irasirigũ moãboegore, igo magũ merãta bẽoka!” ãrĩdi ããrĩmĩ Marĩpũ.

✧ 4:27 Is 54.1

³¹ Irasirirā yaarā, marī Jesucristore b̄remurā, Sara parāmerā āārīturiarā āārā. Moāboego parāmerā āārīturiarā meta āārā. Sara magū īgū pagu s̄burire opaderosūta, marī Marīpu īgū pūrārē s̄burire oparākoa.

5

Pablo: “Jesucristoyare b̄remurērē piribirikōāka!” ārī gojadea

¹ Jesucristo marērē Moisés doreri doka āārīnerārē taudi āārīmī. Marī ñerō iridea wajare īgū boari merā wajaribosadi āārīmī, Marīpu merā oārō āārīburo, ārīgū. Irasirirā musā Marīpu pūrā āārīsīā, Jesucristoyare gūñaturari merā b̄remunikōāka! Ārīgatori merā buerimasā musārē Moisés doredeare iridoremakū, īgūsārē pébirikōāka! Iri dorerire irirā, moāboerā irirosū āārīma. Irasirirā iri doreri doka neō āārīnemobirikōāka!

² Oārō péka yure! Yu Pablo, musārē ire weregura. “Gūaya dupuma gasirogārē wiirirā, Marīpu merā oārō āārīrākoa”, ārī gūñabirikōāka! Musā irasū ārī gūñamakū, musārē Jesucristo boabosadea wajamarīboyo.

³ Irasirigū gopepyari merā musārē werea doja. Marīpu merā oārō āārīburire īgūsāya dupuma gasirogārē wiirirānorē Moisés doredeare āārīpererire iripeoro gāāmea.

⁴ Musā: “Moisés doredeare irimakū, Marīpu gūare: ‘Oārā, waja opamerā āārīma’, ārī īāgukumi”, ārī gūñarā, Jesucristore pirirā yāa. Musā irasirirā, Marīpu musārē maīgū oārō iritamurīdere gāāmebea.

⁵ Marī: “Oāgū deyomarīgū iritamurī merā Jesucristore b̄remumakū, Marīpu gūare: ‘Oārā, waja opamerā āārīma’, ārī īāmi”, ārī masīa.

⁶ Irasiriro, marī Jesucristoyarā āārīmakū, Marīpu iūrō dupuma gasirogārē wiirisūnerā āārīrī, wiirisūbirinerā āārīrīde wajamāa. Marīpu iūrō marī Jesucristore b̄remurā āārīrī gapu wajakua. Īgūrē b̄remusīā, gajerārē maīa.

⁷ Musā Jesucristore b̄remunugārā, īgūyare oārō iritūyanerā āārībū. Dapora gapure gajerā musārē īgūya diayemarē oārō iritūyabirimakū irirā yāma.

⁸ Īgūsā musārē irasirirā Marīpu gāāmerī gapure irirā meta yāma. Marīputa musārē Jesucristore b̄remunugādogu siudi āārīmi, Jesucristoyare oārō iritūyaburo, ārīgū.

⁹ Masaka āsū ārī werema: “Pārē irirā, mérōgā pā wemasārī poga merā trigo pogare morēkuma. Puru iri wemasāseyakōākoa”, ārī werema. I irirosū, ārīgatori merā buerimasā buerire surāyeri irire iritūyarā, purugue musā āārīpererā ārīgatori buerire iritūyarākoa.

¹⁰ Yu gūñaturari merā marī Opu Jesucristore b̄remua. Musāde, yu irirosū īgūrē b̄remua. Irasirigū musāya āārīburire āsū ārī gūñāa: “Īgūsā ārīgatori merā buerimasā buerire iritūyarire piri, dupaturi yu irirosū Jesucristoya diayemarē iritūyarākuma doja”, ārī gūñāa. Marīpu, musārē ārīgatori merā buerā gapure wajamoāgukumi.

¹¹ Yaarā, gajerā yure āsū ārīma: “Pablo masakare: ‘Marīpu merā oārō āārīduarā, dupuma gasirogārē wiirika!’ ārī buemi”, ārīma. Yu irire neō irasū ārī buebea. Yu irasū ārī buemakū, judío masaka gajerārē irire iridorerā yure ñerō iribiribokuma. Yu, Jesucristo īgū curusague boari merā masakare tauri kere gapure buea. Yu irire bueri waja judío masaka yure ñerō tarimakū yāma.

¹² Yu, īgūsā ārīgatori merā buerimasā musārē dupuma gasirogārē wiiridorerārē musā puro neō āārīnemobirimakū gāāmea. Musārē irasū wiiridoreduarā, īgūsā basi wiiri, pūrā marīrā dujaburo.

13 Yaará, Marĩpu musārē Moisés doreri doka āārĩburo, ārĩgũ meta siiudi āārĩmĩ. Irasirirā: “Gua gāāmerō ñerĩ Ɂaribejarire irimakũ oārokoa”, ārĩ gũñabirikōāka! Āsũ gapu irika! Maĩrĩ merā gāme iritamunĩka!

14 Musā gajerārē diaye maĩrā, Moisés doredeare āārĩpererire irirā yāa. Irasũta ārĩ gojasũdero āārĩbũ: “Mu basi maĩrōsũta mu puro āārĩrādere maĩka!” ārĩ gojasũdero āārĩbũ.

15 Irasirirā pēmasĩka! Musā gāme ĩaturiduúmerā, pũrĩsũrĩ sĩtĩrĩ werenĩduúmerā, musā basi gāme dukawaripereakōārākoa.

Pablo: “Ōāgũ deyomarĩgũ gāāmerĩrē irinĩka!” ārĩ weredea

16 Yu musārē āsũ ārĩ werea. Ōāgũ deyomarĩgũ gāāmerĩrē irinĩka! Musā irasirirā, musā gāāmerō ñerĩ Ɂaribejarire iribirikoa.

17 Marĩ ñerĩ Ɂaribejari, Ōāgũ deyomarĩgũ gāāmerĩ meta āārā. Irasirirā marĩ ñerĩ Ɂaribejarire irirā, Ōāgũ deyomarĩgũ gāāmerĩrē irirā meta yāa. Ōāgũ deyomarĩgũ gāāmerĩ gapure irirā, marĩ gāāmerō ñerĩ Ɂaribejarire iribirikoa.

18 Marĩ Ōāgũ deyomarĩgũ marĩrē iridorerire irirā, Moisés doreri doka āārĩrā meta āārā. “Marĩ Moisés doredeare irirā, Marĩpu merā oārō āārĩrākoa”, ārĩ gũñabea.

19 Masaka ĩgũsā ñerĩ Ɂaribejarire irimakũ, marĩ oārō ĩāmasĩa. ĩgũsā ñerĩ Ɂaribejarire irirā, āsũ yāma: Ɛma, ĩgũsā marāposā nome āārĩmerārē; nomede, ĩgũsā marāpusāmarā āārĩmerārē ñerō gāmebiragorenama. Āārĩpereri gũyasĩũrĩ, ñerō iririre yāma. Gũyasĩrĩrō marĩrō ñerō iririre taubéokōāma.

20 Keori weadeare buremuma. Yēa iririre yāma. Gajerārē ĩaturi dooma. Gāme guaseoma. Gāme ĩaturima. Gajerā merā mata gua, sĩtĩrĩ werenĩma. ĩgũsāya āārĩburi direta gũñama. ĩgũsā gāāmerĩ direta iriduarā, ĩgũsāya bu-marārē gāme dukawarimakũ yāma.

21 Gajerārē gajinorē ĩgũsā opamakũ, ĩaturima. Masakare wējēbéoma. Mejārĩkũrā āārĩma. Bosenũrĩrē irirā, mejārā ñerĩrē yāma. Irasũ āārĩmakũ, wārĩ gajino ñerĩdere yāma. Irasirĩgu yu musārē ārĩderosũta gopeyari merā werea doja. Iri ñerĩrē irinĩgũno, Marĩpu ĩgũyarārē doreroguerere waabirikumi.

22 Ōāgũ deyomarĩgũ gapu marĩrē ĩgũyare irimakũ yāmi. Irasirirā ĩgũ iritamurĩ merā masakare maĩa. Ɛsũyari opāa. Siuñajārĩ merā āārĩrikua. Gajerā marĩrē ñerō irikerepũu, ĩgũsā merā guabea. Masakare bopoñarĩ merā ĩāa. ĩgũsārē oārō gũñarĩ merā iritamua. Piriuro marĩrō Marĩpu gāāmerōsũ gajerārē keoro oārō yāa.

23 “Gajerā nemorō āārā”, ārĩ péñabea. Marĩ ñerĩ Ɂaribejarire iridũakererā, iribe. Ōāgũ deyomarĩgũyare irirā, irasũta yāa. Gajigu irasirirānorē: “Irire irasiribirikōāka!” neō ārĩbemi.

24 Marĩ Jesucristoyarā āārĩsĩā, marĩ ñerĩ Ɂaribejarire piribu. Irasirirā marĩ gāāmerĩrē, marĩ ñerō iriduarire iribe.

25 Marĩ, Ōāgũ deyomarĩgũ iritamurĩ merā Marĩpu merā oārō āārĩrikua. Irasirirā Ōāgũ deyomarĩgũ marĩrē iridorerire ĩgũ iritamurĩ merā irinĩkōārō gāāmea.

26 Irasirirā marĩ: “Gajerā nemorō āārā”, ārĩbirikōārā! Marĩ werenĩrĩ merā gajerārē gāme ĩaturimakũ iribirikōārā! Gajerā oārō āārĩrikũrere ĩaturibirikōāka!

6

Pablo: “Musā Jesucristore buremurā gāme iritamuka!” ārĩ gojadea

1 Yaará, sugũ Jesúre buremugũ ñerĩrē irimakũ ĩārā, musā Ōāgũ deyomarĩgũ iridorerire irirā ĩgũrē iritamuka, ĩgũ iri ñerō iririre piriburo, ārĩrā! “Gua, ĩgũ

nemorō āārā”, ārī gūñarō marīrō ōārō merā ĩgūrē wereka! Irasū iritamurā, ōārō pémasīka, mūsāde ĩgū irirosūta ñerīrē iriri, ārīrā!

² Mūsā bujawererānorē, gūñaturamerānorē, ñerī ñaribejarire tarinugāmasīmerānorē iritamuka! Mūsā irasū iritamurā, Jesucristo dorederosūta irirākoa.

³ Sugū ōārīrē iribirikeregū: “Yū ōārīrē irigū āārā”, ārī gūñagū, ĩgū basi ārīgatogū yāmi.

⁴ Marī masakakū: “¿Ōārō irigū yāri?” ārīrā, marī basi marī iririre pémasīrī merā gūñarō gāāmea. Irasiridero pūru, marī iriri ōārī āārīmakū: “Gajerā nemorō āārā”, ārī gūñarō marīrō usuyari merā: “Yū ōārīrē yāa”, ārī masīrākoa.

⁵ Irasirirā marī masakakū, Marīpū ĩūrō ĩgū: “Yaare irirā, āsū irika!” ārī pídeare ōārō iriro gāāmea.

⁶ Mūsā Jesúya kerere buerimasārē iritamuka! ĩgūsā mūsārē bueri waja, mūsā ōārī oparire ĩgūsārē dukawaka, ĩgūsā gāāmerīrē opaburo, ārīrā!

⁷ Mūsā basi ārīgatobirikōāka! Marīpūre gopeyari marīrō merā: “Yū ñerō irimakū, yūre wajamoābirikumi”, ārī gūñabirikōāka! Marī ōārī oterā, pūrugue ōārī dukare bokarosū marī ōārī irirā, pūrugue ōārīrē bokarākoa. Ñerīrē irirā, pūrugue ñerīrē bokarākoa.

⁸ Sugū ĩgū ñerī ñaribejarire irinígūno, ĩgū ñerī iridea waja ñerīrē bokagukumi. Perebiri peamegue wajamoāsūgukumi. Ōāgū deyomarīgū gāāmerīrē irigū gapū ōārīrē bokagukumi. Marīpū pūro perebiri okari opagukumi.

⁹ Irasirirā Ōāgū deyomarīgū gāāmerōsū gariborero marīrō ōārīrē irinīkōārā! Marīpū iriduarinū ejamakū, marīrē ōārī iririre pirimerārē ōārīrē sīgukumi.

¹⁰ Irasirirā noó waaró āārīpererā marī bokajarānorē ōārīrē irirā! Marīyarārē Jesucristore buremurārē neō piriro marīrō ĩgūsārē ōārīrē irinīkōārā!

Pablo weretūnudea

¹¹ ĩāka! Yū basi mūsārē ire gojaduakoa. Irasirigū i pagari gojari merā mūsārē āsū ārī gojagū yāa.

¹² ĩgūsā mūsārē dupūma gasirogārē wiiridorerimasā, ĩgūsārē gajerā judío masaka ōārō gūñamakū gāāmerā, irasū wiiridorema. Marī Jesucristo ĩgū curusague boadea merā masakare tauri kerere bueri waja judío masaka marīrē turi, ñerō yāma. Mūsārē dupūma gasirogārē wiiridorerimasā gapū gajerā ĩgūsārē turi, ñerō irimakū gāāmemerā, mūsārē irasū wiiridorema.

¹³ ĩgūsā ĩgūsāya dupūma gasirogārē wiirisūnerā āārīkererā, āārīpereri Moisés doredeare iripeobema. Iri dorerire iripeobirikererā, gajerā judío masaka péuro: “Gūa Moisés doredeare iridoremakū, Galacia marā, gūa iridorederosūta irima”, ārīduarā, mūsārē irasū wiiridorema.

¹⁴ Yū tamerā ĩgūsā irirosū irasū ārīrīrē gajerā péuro neō ārībirikoa. Marī Opū Jesucristo ĩgū curusague boari merā marī ñerō iridea wajare wajaribosadea kere direta masakare weregukoa. Jesucristo yūre yū ñerō iridea wajare taudi āārīmakū, i ũmūma ñerī ñaribejari iririre piribū. I ũmū marā yūre ĩgūsā irirosū ñerī ñaribejarire iridoremakū, neō iribea.

¹⁵ Irasiriro, marī Jesucristoyarā āārīmakū, Marīpū ĩūrō dupūma gasirogārē wiirisūnerā āārīrī, wiirisūbirinerā āārīrīde wajamāa. Marī Jesucristoyarā ñajāmakū, Marīpū marīrē maama āārīrikurire opamakū iridi āārīmī. Iri maama āārīrikurire opari dita wajakūa.

¹⁶ Marīpū āārīpererārē yū Jesucristoyare buerire irituyarārē bopoñarī merā ĩā, siuñajārī merā āārīrikūmakū iriburo. Marīpū āārīpererārē ĩgūyarārē irasiriburo.

17 Yꝑ Jesucristoyare buedea waja gajerã yꝑre pá, yaa dupꝑre kãmitú, ñerõ tarimakũ irima. Ìgũsã irasiridea merã yꝑ Jesucristore moãboegꝑ ããrĩrĩrẽ masĩsũa. Irasirirã dapora merã neõ sugꝑ yꝑre garibonemobirikõãburo. Yꝑ buerire: “Diaye ããrĩbea”, ãrĩ, yꝑre ñerõ werenínemobirikõãburo.

18 Yaarã, marĩ Opꝑ Jesucristo mꝑsãrẽ ããrĩpererãrẽ õãrõ iriburo. Irasũta iriburo.
Iropãta ããrã.
Pablo

EFESIOS

Pablo Efeso marãrẽ õãdoredea

¹ Yũ Pablo, musãrẽ õãdorea. Marĩpũ gããmederosũta Jesucristo yure ãgũyare buedoregũ pími. Irasirigũ musãrẽ Efeso marãrẽ Marĩpũyarãrẽ Jesucristore buremurãrẽ gojáa.

² Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo.

Marĩpũ, Cristo merã marĩrẽ õãrõ iritamumi, ãrĩ gojadea

³ Usũyari sĩrã marĩ Opũ Jesucristo Pagure! ãgũ marĩrẽ Cristoyarãrẽ ããrĩpereri ãmũgasimarẽ, marĩya yũjũpũrãrĩma õãrĩrẽ sĩdi ããrĩmĩ.

⁴ I ãmũ iriburi dupuyuro marĩrẽ Cristoyarã ããrĩmurãrẽ beyedi ããrĩmĩ ãgũ ãũrõ õãrã, waja opamerã ããrĩburo, ãrĩgũ.

⁵ Neõgoragueta ãgũ marĩrẽ maĩgũ ãgũ gããmederosũta Jesucristo iridea merã marĩrẽ: “Yũ pũrã ããrĩmakũ irigũra”, ãrĩ beyepĩsiadi ããrĩmĩ.

⁶ Marĩpũ marĩrẽ bure bopoñarĩ merã ããrĩrẽ, ãgũ magũ ãgũ maĩgũ merã marĩrẽ ãgũyarãrẽ õãrõ iridi ããrĩmĩ. Irasirirã ãgũrẽ usũyari sĩnĩkõãrã!

⁷ ãgũ magũ boagũ, ãgũ dí béori merã marĩ ñerĩ iridea wajare wajaribosadi ããrĩmĩ. Irasirigũ Marĩpũ marĩrẽ bure maĩgũ, marĩrẽ bopoñarĩ merã ããrĩgũ, marĩ ñerĩ irideare kãtidi ããrĩmĩ.

⁸ Marĩrẽ irire masĩburo, ãrĩgũ, ããrĩpereri masĩrĩ, pẽmasĩrĩdere sĩdi ããrĩmĩ.

⁹ ãgũ iriburire marĩ dupuyurogue masĩbirideare marĩrẽ masĩmakũ iridi ããrĩmĩ. Irasirigũ marĩrẽ: “Yũ gããmerõsũta usũyari merã ããrĩrẽ irigũra”, ãrĩdeare masĩmakũ iridi ããrĩmĩ.

¹⁰ ãgũ: “Ããrĩrẽ irigũra”, ãrĩdeare iriripoe ejamakũ, ããrĩpereri irigũkumi. Irasirigũ ããrĩpererã ããrĩrẽ, i nikũ ããrĩrãdere Cristore ããrĩrẽ Opũ ããrĩmakũ irigũkumi.

¹¹ Iripoegueta Marĩpũ gũare Cristo merã õãrõ ããrĩmurãrẽ beyesiadi ããrĩmĩ ããrĩrẽ sĩgũra, ãrĩdeare opaburo, ãrĩgũ. ããrĩrẽ gããmederosũta i ããrĩpererire õãrĩrẽ irigũra, ãrĩdeare irisiadi ããrĩmĩ.

¹² Gũare Cristore buremurãrẽ irasiridi ããrĩmĩ. ããrĩrẽ gũare wãri õãrĩrẽ irimakũ ããrĩrẽ, ããrĩrẽ: “Õãrĩrẽ mũ”, ãrĩ, usũyari sĩa.

¹³ Marĩpũ, Cristo merã masakare tauri kerere musãde pẽbũ. Iri diayema kerere pẽrã, Cristore buremunũgãbũ. Irasirigũ Marĩpũ musãrẽ Cristo merã õãrõ ããrĩmakũ iridi ããrĩmĩ. ããrĩrẽ iripoegue ããrĩderosũta ããrĩrẽ deyomarĩgũrẽ musãrẽ iriudi ããrĩmĩ ããrĩrẽ merã ããrĩrẽ ããrĩrẽ masĩdoregũ.

¹⁴ Irasirigũ Marĩpũ marĩrẽ ããrĩrẽ tariwereperemakũ iridero pũrũ, ããrĩrẽ iripoegue: “Sĩgũra”, ãrĩdeare sĩgũkumi. ããrĩrẽ deyomarĩgũ marĩ merã ããrĩrẽ, Marĩpũ marĩrẽ: “Sĩgũra”, ãrĩdeare marĩ opaburire masĩmakũ yãmi. Irasirirã Marĩpũrẽ: “Õãrĩrẽ mũ”, ãrĩ, usũyari sĩnĩkõãrã!

Pablo Marĩpũrẽ: “Cristore buremurãrẽ mũyare masĩburo”, ãrĩ sãrẽbosarire gojadea

¹⁵ Yũ musã õãrõ iririkũrere masĩa. Musã marĩ Opũ Jesũre õãrõ buremua. Musã ããrĩpererã gajerã Marĩpũyarãrẽ maĩa.

¹⁶ Irasirigũ yũ musãrẽ gũñagũ, Marĩpũrẽ: “Õãrĩrẽ ããrĩrẽ irasũ ããrĩmakũ”, ãrĩ, ããrĩrẽ musãya ããrĩburire sãrẽnĩkõãrã.

17 Marĩpu, marĩ Opu Jesucristo Pagu õatarimi. Irasirigu yu ĩgũrẽ musãya ããrĩburire ãsũ ãrĩ sërẽbosáa: “Guapu, Õãgũ deyomarĩgũ masĩrĩ sĩka, ĩgũsã muyamarẽ pẽmasĩrĩ merã masĩnemoburo, ãrĩgũ!”

18 Marĩpu, ĩgũyarã ããrĩmurãrẽ iripoegue ãrĩderosũta musãrẽ ĩgũ beyepĩnerãrẽ sĩgukumi. Õãtaria ĩgũ musãrẽ sĩburi. Irasirigu yu Marĩpũre: “ĩgũsã gũñarĩgue ĩgũsãrẽ irire õãrõ pẽmasĩmakũ irika!” ãrĩ sërẽa.

19-20 Gajidere musã õãrõ pẽmasĩburire sërẽbosáa. Marĩpu ããrĩpererã nemorõ turagu ããrĩmi. ĩgũ turari merãta marĩ Jesucristore bũremurãrẽ ĩgũ merã õãrõ ããrĩmakũ yãmi. ĩgũ iri turari merãta Cristo boadiguere masũ, ãmugasigue ĩgũ diaye gapu doamakũ iridi ããrĩmi ĩgũrẽ ããrĩpererã Opu ããrĩdoregu.

21 ĩgũrẽ iroguere doamakũ irigu, ããrĩpererã ãmugasasi, i nikũgue turarãrẽ, dorerãrẽ, oparãrẽ, noó gajerãrẽ dorerãnorẽ doregu wekamũ ããrĩmakũ iridi ããrĩmi. Irasirigu Cristo ããrĩpererã dapora marã oparãrẽ, pũrũgue marã oparãdere doregu ããrĩmi.

22 Marĩpu ããrĩpererire, ããrĩpererãrẽ Cristo doka dujamakũ iridi ããrĩmi. Irasirigu Cristo, ããrĩpererã marĩ ĩgũrẽ bũremurĩ bumarã Opu, marĩ dipuru ããrĩmi.

23 Marĩ ĩgũrẽ bũremurĩ bumarã, sugũyarãta ããrĩsĩã, ĩgũya dupu irirosũ ããrã. ĩgũ ããrĩpererogue marĩ ããrĩpererã merã ããrĩnĩgũ marĩrẽ ããrĩpereri ĩgũyare opamakũ yãmi.

2

Marĩpu marĩrẽ maĩgũ taurimarẽ gojadea

1 Iripoeguere Jesucristore bũremuburo dupuyuro musã ñerõ iririkũ, Marĩpu dorerire tarinũgãnerã ããrĩbũ. Irasirirã, Marĩpu ĩũrõrẽ boanerã irirosũ ĩgũ merã õãrõ ããrĩbirinerã ããrĩbũ.

2 Musã i ãmu marã irirosũ ñerõ iriunanerã ããrĩbũ. Wãtẽa opu dorerire iriunanerã ããrĩbũ. ĩgũta i ãmu marã ããrĩpererã Marĩpu dorerire tarinũgãrãrẽ doregu ããrĩmi.

3 Iripoeguere marĩ ããrĩpererã ñerĩ direta iriunanerã ããrĩbũ. Irasirirã marĩ noó gããmerõ iridũarire, ñerĩ gũñarĩrẽ iriunanerã ããrĩbũ. Irasirirã marĩde Marĩpũre bũro wajamoãsumurã ããrĩbonerã ããrĩbũ. Gajerã peamegue wajamoãsumurã irirosũ marĩde wajamoãsumurã ããrĩbonerã ããrĩbũ.

4 Marĩpu gapu marĩrẽ bũro maĩgũ, bopoñarĩ opatarigu ããrĩmi.

5 Marĩ ñerõ iridea waja ĩgũ ĩũrõrẽ marĩ boanerã irirosũ ããrĩkerepũ, marĩrẽ Cristo merã õãrõ ããrĩmakũ iridi ããrĩmi. ĩgũ Cristore masũ, dupaturi okamakũ iriderosũta marĩdere ĩgũ pũro perebiri okari sĩdi ããrĩmi. Irasirigu marĩrẽ bopoñarĩ merã ĩãsiã, taudi ããrĩmi.

6 Marĩpu Jesucristo boadiguere masũdi ããrĩmi. Masũ, ãmugasigue ĩgũ merã doamakũ iridi ããrĩmi ããrĩpererãrẽ doregu ããrĩburo, ãrĩgũ. ĩgũrẽ masũderosũta marĩdere Cristoyarãdere masũ: “Õmugasigue doarã ĩgũ merã dorerã ããrĩma”, ãrĩ ĩãdi ããrĩmi.

7 ĩgũ, Jesucristo merã marĩrẽ wãro maĩrĩrẽ ĩmudi ããrĩmi. Pũrũguere ããrĩpererãrẽ ĩgũ marĩrẽ bopoñarĩrẽ masĩmakũ gããmegũ, irasiridi ããrĩmi.

8 Marĩpu marĩrẽ bopoñagũ, Cristore bũremumakũ, marĩrẽ taudi ããrĩmi. Marĩ basi marĩ iridea merã neõ taribirikoa. Marĩpu marĩrẽ taudea: ĩgũ marĩrẽ wajamarĩrõ sĩdea, ĩgũ marĩrẽ iribosadea ããrã.

9 Marĩ õãrõ iririre ĩãgũ meta taudi ããrĩmi marĩrẽ. Irasirirã marĩ basi: “Yu õãrõ iridea waja Marĩpu yũre taumi”, ãrĩmasĩbirikoa.

10 Marĩ, Marĩpu irinerã ããrã. Īgũ marĩrẽ Jesucristoyarã ããrĩdoregu, irasiridi ããrĩmĩ. Iripoegue marĩ õãrõ iriburire gũñasiadi ããrĩmĩ. Irasirigu marĩrẽ Jesucristoyarã ire pĩdi ããrĩmĩ õãrĩrẽ iridoregu.

Marĩ, Jesucristo merã õãrõ usũyari opãa, ãrĩ gojadea

11 Mũsã iripoegue ããrĩrikũdeare õãrõ gũñaka! Gũa mũsãrẽ, judío masaka ããrĩmerãrẽ, mũsã ãmaya dupũma gasirogãrẽ wiiribiri waja: “Marĩpũyarã ããrĩbea”, ãrĩ ĩãturiunanerã ããrĩbũ. Gũa judío masaka gapũ irasũ wiirisũnerã: “Marĩpũyarã ããrã”, ãrĩ gũñakerepũ, iri wiiridea marĩrẽ ĩgũyarã waamakũ iribe.

12 Iripoeguere Marĩpu iriudi Cristore mũsã bũremubirinerã ããrĩbũ. Irasirirã mũsã Israel bumarã merã ããrĩbirinerã ããrĩbũ. Marĩpu Israel bumarãrẽ: “Īgũsãrẽ õãrõ irigũra. Īgũsã Opũ ããrĩgũra. Yaarã ããrĩrãkuma”, ãrĩ pídeare opabirinerã ããrĩbũ. Irasirirã mũsã: “Marĩpu gũare taugũkumĩ”, ãrĩmasĩbirinerã ããrĩbũ. Marĩpu merã õãrõ ããrĩbirinerã ããrĩbũ.

13 Mũsã iripoegue Marĩpũre masĩbirinerã ããrĩkererã, daporare mũsã Jesucristore bũremurã ĩgũyarãta ããrã. Īgũ boari, ĩgũ dí béori merã Marĩpu mũsãrẽ ĩgũrẽ masĩrã, ĩgũyarã waamakũ iridi ããrĩmĩ.

14 Gũa judío masaka, mũsã judío masaka ããrĩmerã merã pe bumarã ããrĩkerepũ, Cristo iridea merã marĩrẽ sugũ pũrãta ããrĩmakũ iridi ããrĩmĩ. Irasirigu marĩ basi gãme ĩãturideare pirimakũ iridi ããrĩmĩ. Irasirigu Cristo marĩrẽ ĩgũyarãrẽ siuñajãmakũ yãmi.

15 Cristo curusague boagu: “Marĩpu merã õãrõ ããrĩduarã, ããrĩpereri ĩgũ Moisére doreri pídeare iripeoka!” ãrĩdeare peremakũ iridi ããrĩmĩ. Irasirigu Cristo marĩrẽ ĩgũyarãrẽ pe bumarã ããrĩnerãrẽ su bumarãta ããrĩmakũ iridi ããrĩmĩ. Iri merãta marĩrẽ siuñajãrĩ merã õãrõ ããrĩmakũ iridi ããrĩmĩ.

16 Īgũ curusague boari merã marĩ pe bumarã gãme ĩãturideare pirimakũ iridi ããrĩmĩ. Irasirigu marĩrẽ pe bumarã ããrĩnerãrẽ, Marĩpũyarã ĩgũ merã õãrõ ããrĩmakũ iridi ããrĩmĩ.

17 Cristo, Marĩpu merã marĩ õãrõ ããrĩburi kerere weregu aaridi ããrĩmĩ. Mũsãrẽ judío masaka ããrĩmerã Marĩpũre masĩbirinerãrẽ, gũare judío masaka Marĩpu Moisére doreri pídea oparãdere weregu aaridi ããrĩmĩ, marĩ ããrĩpererã Marĩpu merã siuñajãrĩ bokaburo, ãrĩgũ.

18 Irasirirã Cristo merã, irasũ ããrĩmakũ Ōãgũ deyomarĩgũ iritamurĩ merã marĩ ããrĩpererã judío masaka, judío masaka ããrĩmerãde Marĩpu marĩ merã ããrĩmakũ ĩgũrẽ sãrẽmasĩa.

19 Irasirirã daporare mũsã gajero marã irirosũ ããrĩbea. Mũsãya nikũrẽ ããrĩmerã irirosũ ããrĩbea. Mũsã, gũa merã su makã marã irirosũ, Marĩpũyarãta ããrã. Irasirirã sugũ pũrãta ããrã marĩ.

20 Mũsã, gũa merã Jesucristore bũremurã, Marĩpu moãrĩ wii irirosũ ããrã. Iripoegue Marĩpũya kerere weredupuyurimasã ĩgũyare gojapũrorinerã ããrĩmã. Pũru Jesucristo buedoregu pĩnerã ĩgũyare werenerã ããrĩmã. Mũsã, ĩgũsã gojadeare buedero pũru, ĩgũsã weredeare pédero pũru, Jesucristore bũremunũgãbũ. Jesucristo, Marĩpũya wiima weanũpũroridea ãtãye irirosũ ããrĩmĩ. Marĩpũyare gojapũrorinerã, Jesucristo buedoregu pĩnerã, gajĩ weanũdea ãtãyeri irirosũ ããrĩma.

21 Jesucristo gajerãdere ĩgũrẽ bũremumakũ yãmi Marĩpũyarã ããrĩburo, ãrĩgũ. ãtãyeri merã wiire peoturiamũrĩagu keoro weanũrĩ wiire irirosũ irigu yãmi. Irasirigu marĩrẽ gajerã Marĩpũyarã merã õãrõ gãmesũrimakũ yãmi. ããrĩpererã marĩ, ĩgũsã merã Marĩpũyarã ããrĩsĩã, ĩgũ ããrĩrĩ wii irirosũ ããrĩrãkoa.

22 Irasũ ããrĩmakũ musãde, gajerã Jesucristore buremurã ããrĩpererã merã Marĩpuyarã ããrã. Irasirirã Marĩpũ moãrĩ wii, ĩgũ ããrĩrĩ wii irirosũ marĩ ããrã. Marĩpũ, Õãgũ deyomarĩgũ merã marĩ merã ããrĩmi.

3

Pablo judío masaka ããrĩmerãrẽ Jesucristoya kerere weredeã

1 Yũ Pablo, Jesucristoya kerere musãrẽ judío masaka ããrĩmerãrẽ weredeã waja peresugue ããrã. Marĩpũ, Jesucristo merã musãdere ĩgũyarã ããrĩmakũ yãmi. Irasirigũ yũ musãya ããrĩburire sërẽbosãã ĩgũrẽ.

2 Musã ire masĩsiãã. Marĩpũ musãrẽ bopoñagũ, Jesucristoya kerere buedoregũ yũre pími musã õãrõ irigũ.

3 Marĩpũ, ĩgũ Cristo merã iriburire, iripoegue marã masĩbirideare yũre masĩmakũ irimi. Musãrẽ irire mérõ gojasiabũ.

4 Yũ gojadeare buerã, Marĩpũ, ĩgũ Cristo merã iriburire yũ masĩdeare musãde masĩrãkoa.

5 Marĩpũ, ĩgũ Cristo merã iriburire iripoegue marã gapũre masĩmakũ iribiridi ããrĩmĩ. Dapora gũã gapũre Jesucristoyare wererimasãrẽ, ĩgũya kerere weredupuyurimasãdere Õãgũ deyomarĩgũ merã masĩmakũ yãmi.

6 ãsũ ããrã Marĩpũ iriburi, iripoegue marã masĩbirideã. Gũã judío masaka, musã judío masaka ããrĩmerãde Marĩpũ masakare tauri kerere buremumakũ, gũãre, musãdere Jesucristoyarã ããrĩmakũ yãmi. Marĩrẽ sugũ pũrãta ããrĩmakũ yãmi. Irasirigũ Marĩpũ judío masakare: “ãsũ sĩgũra”, ãrĩpũroriderosũta marĩrẽ ããrĩpererã Cristoyarãrẽ õãrĩrẽ sĩgũkumi.

7 Marĩpũ Jesucristoya kerere buedoregũ yũre pídi ããrĩmĩ. Yũre õãrõ iri, ĩgũ turarire sĩdi ããrĩmĩ iri kerere õãrõ wereburo, ãrĩgũ.

8 ããrĩpererã gajerã Marĩpuyarã yũ nemorõ ããrĩma. Irasũ ããrĩkererũũ, Marĩpũ yũre õãrõ iri, judío masaka ããrĩmerãrẽ Jesucristoya kerere buedoregũ pími. Irasirigũ: “Cristo õãtarigũ ããrĩmĩ, ĩgũ marĩrẽ sĩburi õãtariri ããrã”, ãrĩ wereã ĩgũsãrẽ. Ire neõ pémasĩbokajaya máã marĩrẽ.

9 Marĩpũ yũre pígũ: “ãsũ taugũkoa judío masaka ããrĩmerãdere”, ãrĩ gũñadupuyudeare yũre weredoremi. ĩgũta ããrĩpereri i ãmũmarẽ iridi, iripoegue marãrẽ ĩgũ judío masaka ããrĩmerãrẽ Cristo merã tauburire werebiridi ããrĩmĩ. Daporague yũre weredoremi ããrĩpererã masakare irire masĩdoregũ.

10 Marĩpũ marĩrẽ Jesucristore buremurãrẽ su bumarã ĩgũyarãta ããrĩmakũ iririre ĩãrã, ãmarõ marã dorerã ĩgũrẽ wereboerã, wãtẽade, ĩgũ ããrĩpereri masĩpeogũ ããrĩrĩrẽ masĩrãkuma. ĩgũsãrẽ irire masĩmakũ gããmemi Marĩpũ.

11 I ãmũ iriburo dupuyurogueta Marĩpũ ĩgũ gããmederosũta marĩrẽ: “Yaarã ããrĩmurã ããrĩma”, ãrĩdeare marĩ Opũ Jesucristo merã iriyuwarikũdi ããrĩmĩ.

12 Marĩ Cristore buremurã ĩgũ merã õãrõ ããrĩsãã, gũiro marĩrõ gũñaturari merã Marĩpũre sërẽmasã.

13 Yũ musãrẽ Jesucristoya kerere weredeã waja peresugue poyari merã ããrã. Musã õãrõ ããrĩburire iri kerere werebũ. Irasirirã musã yũ poyarire gũñarã, bũjawereri merã ããrĩbirikõãka! Poyakeregũ, Marĩpũ musãrẽ õãrõ irideare gajerãrẽ masĩmakũ yãã.

Cristo marĩrẽ bũro maĩgũ ããrĩmi, ãrĩ gojadeã

14 Irasirigũ Marĩpũ, marĩ Opũ Jesucristo Pagũ ããrĩpereri irideare yũ gũñagũ, ĩgũ ĩũrõrẽ yaa ñadukũpuri merã ejamejã, ĩgũrẽ: “Õãtaria mũ”, ãrĩ, usũyari sĩa.

15 ĩgũta ããrĩpererã ĩgũyarã ãmũgasigue ããrĩrã, i nikũgue ããrĩrã Pagũ ããrĩmi.

¹⁶ Īgūta turatarigū āārīmi. Irasirigū yu musāya āārīburire Īgūrē sērēbosāa musāguere Ōāgū deyomarīgū merā Īgū turarire opaburo, ārīgū.

¹⁷ Musā Cristore būremumakū, Īgū musāguere ōārō āārīnikōāburo, ārīgū, sērēa. Gaji sērēbosāa Cristo musārē būro maīrīrē masīsīā, gajerārē maīburo, ārīgū.

¹⁸ Irasirigū musārē, āārīpererā gajerā Īgūrē būremurādere Cristo marīrē būro maīrīrē pémasīdoregū, sērēbosāa. Cristo marīrē maīrīrē neō keomasīña máa. “Ōōpā eyaro, yoaro, ūmarō, ūkūārō āārā”, neō ārī masīña máa.

¹⁹ Cristo marīrē maīrīrē marī neō masīpeobirikerepuru, yu musāya āārīburire Marīpure sērēbosagu: “Ire Īgūsārē ōārō masīnemomakū irika!” ārī sērēa. Irasirirā marī ire masīpeorā, Marīpuyamarē masīpeorākoa.

²⁰ Irasirirā Marīpure: “Āsū iribosaka guare!” ārī sērēmakū, marī sērērī nemorō irimasīmi. Marī basita: “Āsūpero iriburo Īgū”, ārī gūñamakū, marī gūñarī nemorō irimasīmi. Īgū turagu āārīsīā, Īgū turari marīrē sīdea merā irire iribosami.

²¹ Irasirirā Jesucristoyamarē, Īgūrē būremurī bumarā marī āārīrīrē masīrā, āārīpererinurī āārīpererā Marīpure: “Ōātaria m”, ārī, usuyari sīburo. Āārīpererā dapora marā, purugue marāde neō Īgūrē usuyari sīrīrē pīribirikōāburo. Irasūta āārā.

4

Marī Cristoyarā Ōāgū deyomarīgū merā su bumarāta āārā, ārī gojadea

¹ Yu marī Opuya kerere weredeā waja peresugue āārīgū, turaro merā āsū werea musārē doja. Marīpu musārē siiudi āārīmī Īgūyarā āārīburo, ārīgū. Irasirirā Īgū musārē: “Āsū irika, yaarā āārīsīā!” ārīdeare ōārō irika!

² “Gajerā nemorō āārā”, ārī gūñabirikōāka! Gajerārē ōārō merā irika! Guari marīrō gajerārē bopoñarī merā iāka! Gajerā musārē garibokerepuru, Īgūsārē maīrī merā iāka!

³ Ōāgū deyomarīgū iritamurī, Īgū musārē siuñajārī pīri merā suro merā ōārō āārīrikuka! Musā irasū āārīrīrē pīriro marīrō āārīnikōāka!

⁴ Marī Jesucristoyarā su bumarā āārīsīā, Īgūya dupu irirosū āārā. Ōāgū deyomarīgū sugūta āārīgū, Īgū sugū masakū merā āārīrōsū marī āārīpererā merā āārīmi. Marīpu marī āārīpererārē ūmugasigū pērebiri okari sību, siiudi āārīmī.

⁵ Marī Opū Jesucristo marī būremugū sugūta āārīmi. Marīrē deko merā wāiyeride su wāita āārā marī Īgūyarā āārīrīrē Īmuburi.

⁶ Marīpu sugūta marīrē iridi āārīmi. Īgūta marī āārīpererā Opū āārīmi. Marī āārīpererā merā āārīmi. Irasirigū Īgū gāāmederosūta marī āārīpererā merā āārīpererire ōārō yāmi.

⁷ Marī su bumarā āārīkerepuru, Cristo marī Īgūyarārē masakakure Marīpuyare irimasībure dukawa pīdi āārīmī. Irasirigū Īgū dukawa pīderosūta keoro marī gāme iritamumakū yāmi.

⁸ Cristo Īgū i nikūgue aariburo dupuyuroguere āsū gojasūdero āārībū Marīpuya werenīrī gojadea pūgue:

Īgūrē iāturirārē tarinugādero puru, ūmugasigū mūrīākōāgukumi. Irasirigū masakare i nikūgue āārīrārē ōārīrē sīgukumi, ārī gojasūdero āārībū.*

⁹ Īgū ūmugasigū mūrīarire ārī gojadea, āsū ārīduaro yāa. Jesucristo ūmugasigū mūrīaburi dupuyuro i nikūgue dijari, ōōgue āārīdi āārīmī.

* 4:8 Sal 68.18

10 Īgūta i nikūgue āārīdi, ūmugasigue Marīpū āārīrōgue mūrīākōādi āārīmī. Irasirigū āārīpererogue āārīgū, āārīpererārē doregū āārīmī.

11 Irasirigū marī Īgūyarārē masakakure Marīpūyare irimasīburire pīdi āārīmī ōārō gāme iritamuburo, ārīgū. Surāyerire beyepīdi āārīmī Īgūyare buedoregū. Gajerārē Marīpū weredoredeare wererimasā āārīmurārē, Īgū masakare tauri kerere weregorenarīmasā āārīmurārē, Īgūyarārē korerimasā āārīmurārē, Īgūyarārē buerimasā āārīmurārē beyepīdi āārīmī.

12 Irasū beyepīdi āārīmī marī Īgūyarā gāme iritamuburo, ārīgū. Irasirirā marī Īgūyarā su bumarā, Īgūya dupū irirosū ōārō turarā masārōsū Īgūrē būremuturawāgānemorākoa.

13 Irasirirā marī āārīpererā surosū Cristore būremurā, masā odorā irirosū āārīpereri Īgū, Marīpū magū āārīrīrē nemorō ōārō masārākoa. Irasirirā marīde Cristo irirosū āārīrikurākoa.

14 Majīrāgā irirosū āārīrā meta, pémasārākoa. Irasirirā marīrē ārīgatomerērā buemakū pérā, diayema āārīrīrē būremurīrē pirimerā: “Īgūsā maama bueri, diaye āārā”, ārī būremubirikoa.

15 Marī gāme maīrī merā diayema āārīrīrē werero gāāmea. Irasirirā majīrāgā masā pémasārōsūta marīde marī Opū Cristo marī dipuru āārīgū merā Marīpūyare ōārō pémasārākoa.

16 Marī Īgūyarā su bumarā āārīsīā, Īgūya dupū irirosū āārā. Sugū masaku turagū masā, āārīpereri Īgūya dupūma merā ōārō irimasīmi. I irirosū, Cristo marī masakakure: “Āsū iriburo”, ārī dukawa pīdeare irirā, marī āārīpererā ōārō gāme iritamumasīa. Irasirirā gāme maīrā, gāme iritamurā, nemorō turaro merā Cristoyare ōārō iriwāgānemorākoa.

Marīpū Cristoyarārē maama āārīrikurire opamakū iridi āārīmī, ārī gojadea

17 Irasirigū yū marī Opū Cristo dorero merā mūsārē āsū ārī werea. Marīpure masīmerā gapū noō gāāmerō gūñamoāmakōāma. Īgūsā irirosū neō irinemo-birikōāka!

18 Īgūsā Marīpūyare péduabema. Irasirirā irire neō pémasībirigorakōāma. Īgūsāya gūñarīguere būro naītīārī oparā irirosū āārīma. Irasirirā Marīpū merā ōārō āārīburire Īgū sīrīrē neō opabema.

19 Ņerīrē irirā, neō gūyasīrībirigorakōāma. Āārīpereri űerī uaribejarire neō piridūaro marīrō űerī direta iririkurā yāma.

20 Cristoya bueri gapū, mūsārē Īgūsā irirosū űerō iririre iridoreri máa.

21 Mūsā Īgūya diayema buerire pérā: “Jesús diayeta āsū āārīmī, diayema āārīrīrē buemī”, ārī masīkuyo.

22 Iripoeguere mūsā űerī uaribejari iririre: “Ōāgorāa”, ārī gūñarā, mūsā basita ārīgatonerā āārībū. Iri űerīrē irirā, mūsā basita poyanorēnerā āārībū. Irasirirā mūsā iripoegue āārīunaderosūta āārīnemobirikōāka!

23 Mūsā űerī direta gūñaunadeare pirikōāka! Ōārī gūñarī gapūre gorawayuro gāāmea mūsārē.

24 Marīpū Īgū gāāmederōsūta marīrē maama āārīrikurire opamakū iridi āārīmī Īgū irirosū diayema irirā, Īgū iūrō ōārā āārīburo, ārīgū. Irasirirā, surīro boari dariñe bēo, maama surīro ōārīñe gorawayu sāñarā irirosū, iripoegue űerī iriunadeare piri, maama iririkurire gorawayu irika!

25 Marī Cristoyarā Īgū dupū irirosū āārīrā, su bumarā āārā. Irasirirā marī basi neō gāme ārīgatonebirikōārā! Marī merāmarārē ārīgatoro marīrō diaye wererā!

26 Gajerā merā guarā, Īgūsārē űerō iribirikōāka! Irinū merāta Īgūsā merā guarire pirikōāka!

27 Wātī musārē gajerā merā guamakū iririre kāmataka!

28 Yajarikugū āārīdi neō dupaturi yajabirikōāburo. Ōārī moārī gapure moāburo, ĩgū moā wajatari merā gajerā boporārē iritamubu.

29 Neō ñerō werenírīrē wereníbirikōāka! Ōārī gapu direta wereníka! Musā werenírī merā gajerārē iritamuka! Irasirirā musā ōārī werenírīrē pérā, ĩgūsāde ōārō āārīrikurākuma.

30 Marī ñerīrē irirā, ñerō werenírā, Ōāgū deyomarīgūrē bujaweremakū irirākoa. Irire iribirikōāka! Ōāgū deyomarīgū marīrē: “Marīpuyarā āārā”, ārī masīmakū yāmi. Irasirirā marī masīa. Marīpu, Jesucristo merā marīrē taurinū ejamakāgue ōārō taugorakōāgukumi.

31 Irasirirā musā gajerā merā suyubirire, ĩgūsā merā guataririre, ñerō gainírī merā gāme turirire, ñerō ārī buridarire pirikōāka! Irasirirā āārīpereri ñerō iririre pirika!

32 Āsū gapu irika! Bopoñarī merā gāme ōārō iritamuka! Marīpu marīrē Cristo merā marī ñerī irideare kātiderosūta musāde gajerā musārē ñerō irideare kātika!

5

Marīpu pūrā āārīrā āsū āārīkuro gāāmea, ārī gojadea

1 Musā Marīpu pūrā, ĩgū maírā āārā. Irasirirā ĩgū irirosū āārīkuro gāāmea.

2 Cristo marīrē maírōsūta musāde gajerārē maīka! ĩgū marīrē maīgū ĩgū basita ĩgūrē wējēduarāguere wiadi āārīmī marīrē boabosabu. ĩgū boabosagu, judío masaka oveja majīgūrē wējē, Marīpu ĩūrōrē soepeosūdi irirosū āārīdi āārīmī. Irasirigū ĩgū irasiriri merā Marīpūre usuyamakū iridi āārīmī.

3 Irasirirā Marīpuyarā āārīrā, musā marāposā nome āārīmerārē, marāpusāmarā āārīmerārē neō ñerō gāmebiragorenabirikōāka! Āārīpereri gūyasīūrī ñerō iririre neō iribirikōāka! Gajerāyare Ɂaribejabirikōāka! Neō mérōgā ñerō iririre iribirikōāka!

4 Gūyasīūrō werenírīrē wereníbirikōāka! Pémasīmerā irirosū werenímoāmabirikōāka! Ñerīrē ārī buridabirikōāka! Āsūpero gapu wereníka! Marīpūre: “Ōārō yāa mu guare”, ārī, usuyari sīka!

5 Ire ōārō masīka musā! Gajigū marāpo merā ñerō iririkurā, gajego marāpu merā ñerō iririkurā, gūyasīūrō ñerīrē iririkurā, Marīpuyarā āārībema. Gajerāyare Ɂaribejarikurāde Marīpuyarā āārībema. ĩgūsā gajino gapure Marīpūre gāāmerō nemorō gāāmerā, keori weadeare buremurā irirosū yāma. Marīpu gapure buremubema. Irasirirā Marīpu ĩgūyarārē doreroguerē neō waabirikuma. Irogue Cristo merā neō āārībirikuma.

6 Gajerā musārē ĩgūsā ñerō irideare: “Āsū irimakū ōāgorāa”, ārīgatorire pébirikōāka! Marīpu, ĩgūsā irasū ñerō iri, ĩgū dorerire tarinugārī waja ĩgūsārē perebiri peamegue wajamoāgukumi.

7 ĩgūsā ñerī irirā merā neō ñerīrē iriwekabejabirikōāka!

8 Marī Opuyarā musā āārīburo dupuyuro ñerīrē irirā, ĩgūrē masīmerā naītīārōgue āārīrā irirosū āārīnerā āārībá. Dapora gapure ĩgūrē masīrā ĩgūyarā āārīsīā, boyorogue āārīrā irirosū āārā. Irasirirā ĩgū ĩūrō ōārīrē iririkuka!

9 Boyorogue āārīrāno, ōārīrē, Marīpu dorerire, diayemarē irirākuma.

10 Irasirirā marī Opuyare ōārō bueka, ĩgūrē usuyamakū iririre irimurā!

11 Ñerī iririkurā, naītīārōgue āārīrā irirosū āārīma. ĩgūsā irirosū neō iribirikōāka! Āsū gapu irika! ĩgūsā ñerō iririre: “Ñegorāa”, ārī wereka, ĩgūsārē irire masīdorerā! Musā wererire pérā, boyorogue āārīrā irirosū ñerō irideare piri, ōārī gapure irirā dujarākuma.

12 Masaka iãberogue ïgũsã ñerõ iriboedeare marĩ werenĩmakũ gũyasĩũgoráa.

13 Boyorore ããrĩpereri iãmasĩsũa. Marĩ ïgũsã ñerõ iririre: “Ñegoráa”, ãrĩmakũ, ïgũsã ñerõ iririkurire masĩrãkuma.

14 Irasirirã gajerã sugũ ñerõ iririkũgũnorẽ ãsũ ãrĩ werema:

Mũ pẽmasĩbi, kãrĩgũ irirosũ ããrã. Yobe, pẽmasĩka! Cristo merã õãrõ ããrĩbi, boanerã merã ããrĩgũ irirosũ ããrã.

Irasirigũ wãgãngã, ïgũ merã õãrõ ããrĩka! Mũ irasirimakũ, Cristo mũrẽ boyorogue ããrĩmakũ irirosũ ïgũyare masĩmakũ irigũkumi.

15 Irasirirã õãrõ pẽmasĩka, õãrĩrẽ irimurã! Marĩpũyare masĩmerã irirosũ iribirikõãka! ïgũya gapũre õãrõ masĩka!

16 Dapora marã masaka ñerĩ iririkũma. Irasirirã mũsã okarinũrĩrẽ Marĩpũ gããmerĩ direta irika, gajerãde ïgũyare masĩburo, ãrĩrã!

17 Pẽmasĩmerã irirosũ iririkũbirikõãka! Marĩpũ gããmerĩrẽ õãrõ pẽmasĩduaka, irire irimurã!

18 Irasirirã mejãbirikõãka! Mejãrã ïgũsã basita poyanorẽma. Mejãrõnorẽ irirã, Õãgũ deyomarĩgũrẽ opatarirã ããrĩka!

19 Mũsã ïgũrẽ opatarirã, Marĩpũya bayari merã mũsã basi gãme werenĩrãkoa. Salmos gojadea pũgue bayarire, gaji marĩ Opũre bũremu bayaridere ïgũrẽ bayapeorãkoa. Mũsãya yũjũpũrãrĩgue õãrõ usũyari merã bayapeorãkoa ïgũrẽ: “Õãtaria mũ”, ãrĩ bũremurã.

20 Marĩpũ ããrĩpererire marĩrẽ õãrõ yãmi. Irasirirã marĩ Opũ Jesucristoyarã ããrĩsĩã, ïgũ wã merã Marĩpũre: “Mũ iridea õãtaria”, ãrĩnĩkõãka!

Su wii marã Cristoyarã ãsũ ããrĩrõ gããmea, ãrĩ gojadea

21 Mũsã ããrĩpererã Cristore gopeyari merã bũremurã ããrĩsĩã, õãrõ gãme pé bũremuka!

22 Mũsã marãposã nomerẽ ãsũ ãrĩ weregũra. Cristo marĩ Opũre marĩ pé bũremurõsũta mũsã marãpũsãmarãrẽ õãrõ pé bũremuka!

23 Cristo marĩrẽ ïgũyarãrẽ oparosũta, marãpũsãmarã mũsãrẽ ïgũsã marãposã nomerẽ opama. Cristo marĩrẽ ïgũrẽ bũremurĩ bumarãrẽ taudi ããrĩmĩ. Irasirigũ ïgũ marĩ Opũ ããrĩmi. Marĩrẽ doregũ, marĩ dipuru ããrĩmi. Marĩ, ïgũya dupũ irirosũ ããrã.

24 Irasirirã marĩ Cristore bũremurĩ bumarã ïgũrẽ pé bũremurõsũta mũsã marãpũkurã nome mũsã marãpũsãmarãrẽ õãrõ pé bũremuka!

25 Mũsã marãpũsãmarãdere weregũra. Cristo marĩrẽ ïgũyarãrẽ maĩgũ, marĩya ããrĩburire boabosadi ããrĩmĩ. Irasirirã marĩrẽ ïgũ maĩrõsũta mũsãde mũsã marãposã nomerẽ maĩka!

26 Cristo marĩrẽ boabosadi ããrĩmĩ ïgũyarã ããrĩmakũ irigũ. Irasirigũ, marĩ ïgũ werenĩrĩrẽ bũremumakũ, deko merã gũrarire koebéoro irirosũ marĩrẽ ñerĩ opamerã ããrĩmakũ iridi ããrĩmĩ.

27 ïgũ irire irasirimakũ, marĩ ïgũ ïũrõrẽ neõ mérõgã ñerĩ opamerã, gũrari marĩrã õãrõ deyorã irirosũ ããrĩrãkoa. ïgũyarã õãrã dita ããrĩrãkoa. Irasirigũ: “Yaarã ããrĩma”, ãrĩ, usũyari merã marĩrẽ opagũkumi.

28 Mũsã marãpokũrã mũsã marãposã nomerẽ maĩrõ gããmea. Sugũ ïgũ marãpore maĩgũ, ïgũ baside maĩmi. Irasirigũ Cristo marĩrẽ ïgũya dupũ irirosũ ããrĩrãrẽ maĩrĩ merã korerosũta mũsã marãposã nomerẽ maĩrĩ merã õãrõ koreka!

29-30 Neõ marĩya dupũre ñerõ waamakũ gããmebea. Marĩ basi marĩya dupũre korea. Marĩ Cristoyarã ããrĩrã ïgũya dupũ irirosũ ããrã. Irasirigũ Cristo marĩrẽ õãrõ koremi.

31 Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Sugũ mũmũ nomeõrẽ marãpokũgũ, ïgũ pagũsãmarãrẽ wirigũkumi ïgũ marãpo merã ããrĩbu.

Īgūsā pērā āārīkererā, Marīpu ĩūrōrē su duputa āārīrākuma”, ārī gojasūdero āārībú.

³² Iri gojadeare ōārō pémāsīduamakū, diasagorāa marīrē. Irasū āārīkererē, yu irire: “Āsū ārīduaro yāa”, ārī werea. Cristoyarā Marīpu ĩūrōrē su duputa āārīma.

³³ Gaji i marē mūsārē ārī werenemogura doja. Mūsā basi korerosūta mūsā marāposā nomedere maīrī merā koreka! Mūsā nomede mūsā marāpusāmarārē ōārō goepeyaro merā pé buremuka!

6

¹ Mūsā majīrārē āsū weregura. Mūsā marī Opure buremurā mūsā pagusāmarārē ōārō yujuka! Irasiriri, ōārī āārā.

²⁻³ Iripoegue Marīpu ĩgū pe mojōma dorerire pīgu, su dorerire āsū ārī pīdi āārīmī: “Mūsā pagusāmarārē ōārō buremuka!” ārī pīdi āārīmī. I dorerireta pīgu, gajidere pīdi āārīmī. “Īgūsārē irasū buremurā, i nikūguere yoaripoe usuyari merā āārīrākoa”, ārīdi āārīmī.

⁴ Mūsā pagusāmarādere āsū ārī weregura. Mūsā pūrārē buro turiri merā ĩgūsārē guamakū iribirikōāka! Āsū gapu irika! Īgūsārē marī Opuyare bueka, ĩgūrē buremuburo, ārīrā! Īgūsā, ĩgū dorerire iribirimakū ĩārā, ĩgūsārē: “Āsū gapu irika!” ārī bueka! Irasirirā ĩgūsārē ōārā masāmakū irirākoa.

⁵ Moāboerimasādere āsū ārī weregura. Mūsā i nikūgue āārīrārē mūsā oparārē ōārō yujuka! Ōārō buremurī, goepeyari merā moāboeka! Irasū moāboerā, Cristore moāboerā irirosū yāa.

⁶ Mūsā oparā ĩūrō moārōsūta, ĩgūsā ĩāberoguedere moāka! Īgūsā ĩūrō direta ōārō moārā, ĩgūsā mūsārē: “Ōārō moāma”, ārī gūñamakū iriduarā dita āārībokoa. Irasirirā ĩgūsā ĩāberoguedere ōārō moāka! Cristore moāboerā irirosūta Marīpu gāāmerōsū ōārō merā moāka!

⁷ Mūsā masakare moāboerā āārīkererā: “Cristore moāboerā irirosū āārā”, ārī gūñaka! Irasirirā usuyari merā moāboeka mūsā oparārē!

⁸ Irire masīsiāa mūsā. Marī Opu Cristo marīrē ōārō moārākure ōārī wajatamakū irigukumi. Irasirigu moāboerimasā āārīrārē, āārīmerādere marī ōārō moāderopāta marīrē ōārī wajatamakū irigukumi.

⁹ Oparādere āsū ārī weregura. Mūsārē moāboerārē ōārō irika! Īgūsārē wajamoāduari merā dorebirikōāka! Ire ōārō pémāsīka! Marī Opu Cristo ūmugasigue āārīgū, mūsā Opu āārīmī. Īgūta mūsārē moāboerā Opu āārīmī. Marī āārīpererā ĩgūrē moāboerā āārā. Irasirigu oparā āārīrārē, āārīmerādere surosūta ĩāmi marī āārīpererārē.

Cristoyarā wātīrē tarinugārīmarē gojadea

¹⁰ Mūsārē āsū ārī weretūnugura. Mūsā, marī Opuyarā āārīsīā, ĩgū merā ōārō āārā. Irasirirā ĩgūya turari merā ĩgūrē gūñaturaka!

¹¹ Wātī ārīgatori merā mūsārē űerō iridoremakū, Marīpu iritamurī merā ĩgū űerī ārīmesārīrē kāmataka! Sugū surara kāmutari kōme surīro sāñadi irirosū āārīka!

¹² Marīrē Marīpu dorerire tarinugāmakū iriduarā, masakagora meta āārīma. Wārā űerā: ūmarō marā, oparā, turarā, i ūmuma űerīrē iridorerā āārīma. Deyomarīrā, masakare gūñarīgue űerō iridorerā āārīma.

¹³ Irasirirā mūsā, surara ĩgūya kōme surīro sāñadero puru, ĩgū merā gāmekēāduarārē kāmuta tarinugāmasīgū irirosū āārīka! Irasirirā, Marīpu iritamurī merā wātīrē kāmuta tarinugārākoa. Īgūrē tarinugārā, gūñaturarā dujarākoa.

14 Āsū irika, wātīrē tarinugāmurā! Marīpuya werenīrī diayema āārīrē òārō péduripika! Irasirirā musā surara ĭgūya surīrore yujwēñarīda merā òārō yujwēñadi irirosū āārīrākoa. Marīpū iritamurī merā diayema irika! Irasirirā musā surara ĭgūya koretibi kāmūtari kōme surīro sāñadi irirosū āārīrākoa.

15 Marīpū masakare siuñajārī sīburi kerere weregorenarā waamurā òārō āmuyuka! Irasirirā musā surara sapatu sāñadero puru, ĭgū waaburire òārō āmu ododi irirosū āārīrākoa.

16 I āārīpererire iri odo, gajidere irika, wātīrē tarinugāmurā! Musā Cristore buremurīrē neō piribirikōāka! Irasirirā musā surara ĭgū kāmūtari kōmeti opagu, iriti merā gārūyuku peame opari yukure kāmutagu irirosū āārīrākoa. Irasirigū wātī musārē bokatīūbirikumi musā Cristore buremumakū ĭāgū.

17 “Cristo marīrē taugukumi”, ārī gūñanīkōāka! Irasirirā musā surara ĭgūya dipurugue kōme pero peyarosū āārīrākoa. Gajidere irika! Marīpū werenīrē Ōāgū deyomarīgū musārē masīrī sīrī merā wereka! Irasirirā musā surara ĭgūya sareri majī opagu irirosū āārīrākoa. Iri merā wātīrē tarinugārākoa.

18 Irasirirā ūmuriku Ōāgū deyomarīgū gāāmerōsūta Marīpure sērēnīkōāka! Ōārō gūñaka! ĭgūrē sērērīrē neō piribirikōāka! Āārīpererā ĭgūyarāya āārīburidere sērēbosanīkōāka!

19 Yndere Marīpure āsū ārī sērēbosaka! “ĭgū weremakū iritamuka, ĭgū mūyare gūiro marīrō òārō wereburo, ārīgū”, ārī sērēka! Irasirigū Marīpū masakare Cristo merā taaburire yu òārō weregukoa ĭgūsā iripoegue masībirideare masīburo, ārīgū.

20 Marīpū yare iriumi Cristoya kerere weredoregu. Yu irire weredea waja peresugue āārā. Irasirirā Marīpure: “Iroque āārīgū, gūiro marīrō mūyare wereburo”, ārī sērēka!

Pablo, Efeso marārē òādoretūnudea

21 Tīquico, marīyagu marī maīgū, yu merā āārīmi. ĭgū marī Opuyare òārō iri-tamunīkōāmi. Musā pūroque ejagu, yu iririre musārē weregukumi. Irasirirā musā yare: “Irasūta iriñumi”, ārīrākoa.

22 Irasirirā gūa āārīrikurire musārē weredorerā ĭgūrē iriua. ĭgū irire weregu, musārē usuyari merā āārīmakū irigukumi.

23 Marīpū āārīnīgū, marī Opū Jesucristo āārīpererārē musārē siuñajāmakū iriburo. Musārē Cristore buremurī merā òārō gāme maīmakū iriburo.

24 Marīpū āārīpererā marī Opū Jesucristore maīnīrārē òārō iriburo. Irasūta iriburo.

Iropāta āārā.

Pablo

FILIPENSES

Pablo peresugue ããrĩgũ Filipos marãrẽ õãdoredea

¹ Y_u Pablo, Timoteo merã Jesucristore moãboerã ããrã. Irasirirã ããrĩpererãrẽ m_usãrẽ Filipos marãrẽ Jesucristore b_uremurãrẽ õãdoredea. M_usã oparãdere, ãg_usãrẽ iritamurãdere õãdoredea.

² Marĩp_u ããrĩnĩgũ, marĩ Op_u Jesucristo m_usãrẽ õãrõ iritamu, siuñajãrĩ merã ããrĩrik_umakũ iriburo.

Pablo Marĩp_ure Jesúre b_uremurãya ããrĩburire sêrêbosadea

³ Y_u m_usãrẽ gũñarik_u, Marĩp_ure y_u Op_ure _usuyari sãa.

⁴ Irasũ ããrĩmakũ, y_u m_usãya ããrĩburire sêrêbosarik_u, Marĩp_ure _usuyari merã sêrêa.

⁵ M_usã neõgoragueta y_u Jesúya kerere weremakũ pé b_uremunugãdero p_uru, y_ure iritamunugãb_u. Dapaguedere irasũta õãrõ iritamuníkõãa.

⁶ Irasirig_u ire õãrõ masãa. Marĩp_u m_usãrẽ õãrĩrẽ irid_uamakũ irinugãdi irasirig_u yámi. M_usãrẽ ãgũ irinugãderosũta Jesucristo i ãmugue dupaturi aarimakugue iriyuwarik_ugukumi.

⁷ Y_u m_usãrẽ ããrĩpererãrẽ õãrõ gũñarĩ merã gũñamakũ õãgoráa. M_usãrẽ b_uro maãa. Marĩp_u y_ure iritamurõsũ m_usãdere iritamumi. Irasirirã, y_u oparãrẽ Jesús masakare tauri kerere: “Diyeta ããrã”, ãrĩ weremakũ, m_usã y_ure iritamub_u. Peresu y_u ããrĩmakũdere iritamub_u. Irasirirã marĩ suro merã Marĩp_u iritamurĩrẽ opáa.

⁸ Marĩp_u ire masĩmi. Jesucristo m_usãrẽ gũña maĩrõsũ y_ude m_usãrẽ gũña maãa.

⁹ Marĩp_ure m_usãya ããrĩburire ãsũ ãrĩ sêrêbosáa. “G_uap_u, ãg_usã m_uyare õãrõ masĩrĩ merã õãrõ pékũĩnúpeoburo, gajerãrẽ maĩdero nemorõ maĩnemoburo”, ãrĩ sêrêbosáa.

¹⁰ Irire irasirirã: “Marĩp_u gããmerĩrẽ irirã, gajino nemorõ iririre irirã yáa”, ãrĩ, õãrĩrẽ beyemasĩrãkoa. M_usã irire beyemasĩrã, Cristo i ãmugue dupaturi aarimakũ, õãrĩrẽ irinĩnerã, waja opamerã ããrĩrãkoa.

¹¹ Jesucristo m_usãrẽ Marĩp_u gããmerĩ direta irimakũ irigukumi. Irasirirã õãrĩrẽ irinĩnerã ããrĩrãkoa. Gajerã ãgũrẽ: “Marĩp_u õãtarig_u, turatarig_u ããrĩmi”, ãrĩ, b_uremumakũ irirãkoa.

Pablo ãgũ Cristoyag_u ããrĩrẽrẽ gojadea

¹² Yaarã, ire m_usã masĩmakũ gããmea. Daporare y_u peresugue ããrĩkerer_u, Jesucristo masakare tauri kere gap_u pénomosũa.

¹³ Irasirirã ããrĩpererã surara romano marã op_uya wii korerã y_u Cristoyag_u ããrĩrĩ waja peresugue dobobiarire masĩperekõãma. ããrĩpererã gajerãde irire masĩma.

¹⁴ Y_u peresugue ããrĩkerer_u marĩ Op_u Jesúre gũñaturari merã b_uremumakũ ããrã, wãrã marĩyarãde gũñaturari merã ãgũrẽ b_uremunemoma. Irasũ b_uremurã, gũiro marĩrõ Marĩp_uya kerere gajerãrẽ werema.

¹⁵ Surãyeri Cristoyare buerã ããrĩkererã, y_ure ããturima. Masakare y_u buerire t_uyabirimakũ irid_uama. Gajerã gap_u õãrõ gũñarĩ merã Cristoyare buema.

¹⁶⁻¹⁷ Jesucristo masakare tauri kerere: “Diaye ããrã”, ãrĩ wereburire Marĩp_u y_ure pídeare õãrõ masĩma. Irasirirã y_ure maĩrã Cristoyare buema. Gajerã gap_u y_ure ããturirã, masakare ãgũsã gap_ure t_uyamakũ gããmerã ãgũsãde Cristoyare buema. Y_u peresugue ããrĩmakũ, ãgũsã y_ure b_ujaweremakũ irid_uarã, irasũ yáma.

18 Īgūsā yure maībirikerepuru oārokōa. Ōārō gūñarī marīrō Cristoyare buekerepuru oāgorāa. Gajerā oārō gūñarī merā Īgūyare buemakūdere oāgorāa. Āārīpererā Īgūsā Cristoyareta buerā yāma. Irasirigu usuyāa. Irasū usuyanīkōāgukoa.

19 Ire masīa. Marīpure yaa āārīburire musā sērēbosadea merā, Jesucristo yure Ōāgū deyomarīgū sīdi iritamurī merā Marīpu yure oārō tarimakū irigukumi.

20 Marīpu iritamurī merā āsūta irinīkōāduāa dapa. Yu irideare gūyasīrīrō marīrō gūñaduāa. Irasirigu doyarō marīrō yu iriderosūta dapaguedere masaka Cristore: “Ōātarigu, turatarigu āārīmi”, ārī bremumakū irinīkōāduāa. Boagu, o okagugora yu boari merā, o yu okari merā irasūta iridukoa.

21 Yu okaro bokatīūrō Cristoyare irinīkōāgukoa dapa. Boagu, Cristo puro Īgū merā āārīmakū oātarirokoa. Yu okagu āārīdero nemorō āārīgukoa.

22 Okagu, marī Opu Cristoyamarē irinemomasīa. Irasirigu: “Boamakū, o okamakū oāgorarokoa”, ārīmasībirikoa.

23 “Yu boadukoa, o okadukoa”, ārī beyemakū diasagorāa yure. Irasū āārīkerepuru, boadukoa Cristo puro Īgū merā āārību. Irasirigu: “Yu boamakū oātarirokoa”, ārī gūñāa.

24 Irasū āārīkerepuru: “Okagu gapu musārē nemorō iritamugukoa, irasiriro gāāmea”, ārī gūñāa.

25 Irire masīgū, musā merā yu āārīburidere masīa. Musā merā āārīgū, musārē iritamugukoa Cristoyare bremunemoburo, ārīgū. Irasirirā bremurī merā nemorō usuyarākoa.

26 Yu, musā pūrogu musā merā dupaturi āārīmakū, usuyarākoa. Irasirirā, Jesucristo yure iritamurīrē masīrā, Īgūrē: “Turataria mu”, ārī, usuyari sīrākoa.

27 I direta irika! Cristoya bueri ārīrōsūta āārīrikuka! Gūñaturarā āārīka! Irasirirā gāme dukawariro marīrō Īgū masakare tauri kerere suro gūñarī merā bueka, gajerā Īgūrē bremuburo, ārīrā! Yu musā puro Īgū waabirimakū, o yu Īgū waamakūdere musā irasirimakū gāāmea. Musā suro gūñarī merā oārō āārīrikumakū péduāa.

28 Musārē Īaturirārē neō gūibirikōāka! Musā gūibirimakū Īārā, musā Marīpuyarā āārīrīrē masīrākuma. Irasirirā, Marīpu Īgūsārē peamegue béoburire, Īgū musārē tauburidere masīrākuma. Marīpu masakare āsūta irire masīmakū yāmi.

29 Marīputa musārē Cristore bremudoregu pīdi āārīmī. Irasū āārīmakū: “Cristoyare musā wereri waja ñerō tarirākoa”, ārī pīdi āārīmī.

30 Irasirirā marī Cristoyarā āārīrī waja gajerā marīrē ñerō yāma. Musā merā yu āārīmakū, yure Īgūsā ñerō irasirimakū Īābu. Daporadere Īgūsā yure irasiririre pékoa musā.

2

Cristo i amugue marī irirosū dupukugu āārīpererā Opu āārīrīmarē gojadea

1 Cristo musārē Īguyarārē gūñaturamakū yāmi. Īgū musārē maīgū oārō yujupūrākuri merā usuyamakū yāmi. Ōāgū deyomarīgū musā merā āārīmī. Marīpu Īgū musārē maīrīrē, Īgū musārē bopoñarī merā Īārīrē masīmakū yāmi.

2 Irasirirā yure usuyari opatarimakū irika! Surosū gūñarī merā oārō āārīrikuka! Surosū gāme maīka! Surosū oārō yujupūrākuri merā oārō āārīka!

3 Musāyama direta gūñarikuri marīrō: “Gajerā nemorō āārā”, ārī gūñarī marīrō masakare oārō irika! Gajerā gapure: “Īgūsā nemorō āārībea”, ārī gūñaka! Bremurī merā Īgūsārē: “Gua nemorō oārā āārīma”, ārī gūñaka!

⁴ Mũsāya āārĩburi direta gũñabirikõāka! Gajerāya āārĩburidere gũñaka! Gāme iritamuka!

⁵ Jesucristo ĩgũyamarẽ gũñaderosũta mũsāde mũsāyamarẽ gũñaka!

⁶ ĩgũ Marĩpu āārĩrikũrire opakeregu, i mũugue aarigũ, Marĩpũre: “Yũ mũugasigue āārĩrikũrire piribirikoa”, ārĩbiridi āārĩmĩ.

⁷ Irasirigu ĩgũ Opu āārĩrĩrẽ piri, i mũugue aarigũ marĩ irirosũ dupũkũgu deyoa, moārĩmasũ irirosũ āārĩdi āārĩmĩ.

⁸ Irasirigu marĩ irirosũ dupũkũgu ubu āārĩgũ irirosũ waadi āārĩmĩ. ĩgũ Pagũ ĩgũrẽ masakare boabosabu iriudeare masĩgũ, ĩgũ Pagũre yũjugũ tarinũgābiridi āārĩmĩ. Curusague gũyasĩũrõ boakeregu, ĩgũ Pagũre tarinũgābiridi āārĩmĩ.

⁹ ĩgũ irasirimakũ, Marĩpu ĩgũrẽ: “Āārĩpererã Opu āārĩbure sóobũ, ĩgũ wāĩ yũ ĩgũrẽ sĩdea wāĩ, āārĩpererã gajerã wāĩ nemorõ āārã”, ārĩ pídi āārĩmĩ.

¹⁰ Irasirirã āārĩpererã mũugasi marã, i nikũ marã, boanerã āārĩrõgue āārĩrãde Jesús wāĩrẽ pérã, ñadũkũpuri merã ejamejã, ĩgũrẽ bũremurākuma.

¹¹ ĩgũsã āārĩpererã: “Jesucristo marĩ Opu āārĩmĩ”, ārĩrākuma. Irasirirã Marĩpũre bũremurākuma.

Jesucristore bũremurã ĩgũyare iriro gāāmea, ārĩ gojadea

¹² Irasirirã yũ maĩrã, mũsã merã yũ āārĩmakũ, mũsã Marĩpu dorerire iri-derosũta daporadere yũ yoarogue āārĩmakũdere irire õārõ irika! Marĩpu mũsãrẽ peamegue waabonerãrẽ taudi āārĩmĩ. Irasirirã, ĩgũ tausũnerã āārĩsĩã: “Gajerã nemorõ āārã”, ārĩ gũñarõ marĩrõ gopeyari merã ĩgũyare irinĩkõāka!

¹³ Āsũ āārã. Marĩpu mũsãrẽ ĩgũ gāāmerĩrẽ iridũamakũ yámi. Irasũ āārĩmakũ, mũsãrẽ iritamunĩkõāmi, ĩgũ gāāmerõsũta iriburo, ārĩgũ. Irasirirã, ĩgũ: “Āsũ irika!” ārĩderosũta irimasĩa.

¹⁴ Āārĩpererire gajerãrẽ guaseoro marĩrõ mũyari merã irika!

¹⁵ Mũsã Marĩpu pũrã irasirirã, waja opamerã, ñerĩrẽ irimerã āārĩrãkoa. I mũmũ marã ñerã, Marĩpũya diayemarẽ irimerã watopegue mũsã āārã. ĩgũsã ñerã i mũmũ marã naĩtĩārõgue āārĩrã irirosũ āārĩma. ĩgũsã watopegue mũsã Marĩpũyare irirã, neñukã naĩtĩārõgue boyorosũ irirã yáa. ĩgũsãrẽ mũsã Marĩpũyarã āārĩrĩrẽ masĩmakũ yáa.

¹⁶ Irasirirã Cristore bũremurã Marĩpu merã perebiri okari opaburire ĩgũsãrẽ wererã yáa. Yũ, mũsã irire weremakũ ĩāgũ: “Mũsãrẽ buegu, ubugorata buebirikuyo”, ārĩ masĩgũkoa. Cristo i mũugue dupaturi aarimakũ, mũsã merã mũyagũkoa.

¹⁷ Yũ mũsãrẽ Cristoyare bueri waja yũre ĩgũsã wẽjẽdũakererũ, mũyáa. Cristore mũsã bũremuturamakũ, ĩgũyare irimakũ ĩāgũ, Marĩpu, mũsã ĩgũrẽ gajinorẽ sĩrĩ merã mũyarosũ mũsã merã mũyami. Irasirigu yũde mũsã merã mũyáa.

¹⁸ Mũsāde yũre mũyatamuka!

Pablo Timoteoyamarẽ, Epafroditoyamarẽ werede

¹⁹ Marĩ Opu Jesús gāāmemakũ, mata Timoteore mũsã pũrogu iriugũra mũsã āārĩrikũrire masĩbu. Mũsã õārõ āārĩrĩ kerere pẽgugeta mũyagũkoa.

²⁰ Timoteo yũ irirosũta mũsã õārõ āārĩburire bũro gũñami. Gajigu ĩgũ irirosũ mũsã õārõ āārĩburire gũñagũ mámi.

²¹ Gajerã gapũ ĩgũsã āārĩburi direta gũñarikũma. Jesucristo gāāmerĩ gapũre gũñabema.

²² Mũsã, Timoteo õārõ irinĩrĩrẽ masĩa. Sugu, pagũ merã moāgũ irirosũ ĩgũ yũ merã Jesucristoya kerere weretamumi.

²³ Irasirigu: “Yure waaburire òãrò masiadero puru, ìgürè musã purogue iriugura”, ãrĩ gũñáa.

²⁴ Ìgürè iriudhakeregu: “Marĩ Opu Jesús yudere iriugukumi, irasirigu mata musã purogue waagukoa”, ãrĩ gũñáa.

²⁵ Idere ãrĩ gũñáa: “Epafroditodere musã purogue iriugura”, ãrĩ gũñáa. Musã ìgürè yure iritamudorerã, yu purogue iriunerã ããrĩbú. Ìgũ, yaagu yu merã moãgũ, Marĩpuyare yure weretamugũ ããrĩmi.

²⁶ Ìgũ musãrè ããrĩpererãrè buro ìãduami. Ìgũ pũrĩrikudeare musã masĩmakũ pégu: “Ìgũsã yure gũña, bujawerekuma”, ãrĩ gũñarikumi.

²⁷ Diayeta ããrã. Ìgũ buro pũrĩrikumi. Mérõgã boaboyatarimi. Ìgũ irasũ pũrĩrikukerepuru, Marĩpu ìgürè bopoña, tarimakũ irimi. Yudere: “Ìgũ boamakũ buro bujawerebokumi”, ãrĩgũ, Marĩpu bopoñarĩ merã ìãmi. Irasirigu ìgürè tarimakũ irimi.

²⁸ Irasirigu, ìgürè ìã, usuya, gũñaturaburo, ãrĩgũ, musã purogue dupaturi buro iriduari merã iriua. Musã usuyari kerere pégu, yude usuyagukoa.

²⁹ Ìgũ musã puro ejamakũ, ìgürè marĩ Opu Jesúyagure òãrò usuyari merã bokatĩrĩñeãka! Gajerãrè ìgũ irirosũ ããrĩrãrè buremurĩ merã ìãka!

³⁰ Ìgũ Cristoyare iridugũ boakõãdimi. Musã yure iritamumasĩbirire iridugũ, irasũ waami. Irasirirã ìgürè òãrò bokatĩrĩñeãka!

3

Pablo: “Ãsũ ããrĩrikuka!” ãrĩ gojadea

¹ Yaarã, daporare musã marĩ Opuyarã ããrĩsĩã, usuyaka! Yu iro dupuyurogue musãrè gojadeare dupaturi musãrè gojamakũ òãgoráa, ãrĩ gũñáa. Ire dupaturi gojanemogũ, musãrè iritamugũ yáa.

² Ñerò irirãrè pémasĩka! Ìgũsã ñerã keoro buemerã ããrĩma. ããrĩpererãrè ìgũsãya dupuma gasirogãrè wiiridorema.

³ Irasũ wiiridorerã: “Iri merã Marĩpũre buremusĩã, peamegue waabirikoa”, ãrĩ gũñadima. Marĩ gapu Òãgũ deyomarĩgũ iritamurĩ merã diayeta Marĩpũre buremua. “Marĩ Jesucristoyarã ããrĩsĩã, peamegue waabirikoa”, ãrĩ usuyáa.

⁴ Irasũ ããrĩkerepuru, yaamarè ìgũsã irirosũ ãrĩduagu, ìgũsãrè tarinugãkõãbokuyo. Gajerã ãsũta ãrĩ tarinugãkõãduama. Yu gapu ìgũsã nemorò ãrĩmasĩã.

⁵ Ãsũ ãrã yure. Su mojõma pere gaji mojõ ureru pẽrẽbejanurĩ waaró merã yu deyoadero puru, yaa dupuma gasirogãrè wiirinerã ããrĩmã. Yu Israemu, Benjamĩya bumã ããrã. Yu pagusãmarãde hebreo masaka ããrĩnerã ããrĩmã. Irasirigu hebreo masakuta ããrã. Moisés dorerire iripeodugũ fariseo bumã ããrĩbú.

⁶ Iri dorerire tarinugãrõ marĩrõ iriunabu. Neõ sugu yure: “Iri dorerire keoro iribemi”, ãrĩmasĩbirimi. Irasirigu Jesũre buremurã gapure: “Moisés dorerire buremubema”, ãrĩ gũña, ìgũsãrè ñerò iriunabu.

⁷ Iripoeguere: “Yu ããrĩrikurire òãgoráa”, ãrĩ gũñaunadibu. Daporare: “Jesucristore buremusĩã, ããrĩpereri yu iripoegue iriunadeama wajamãa”, ãrĩ gũñáa.

⁸ Jesucristore yu Opure yu masĩmakũ òãtaria. “Gajino ããrĩpereri gapu wajamãa”, ãrĩ gũñáa. Irasirigu, masaka gajino gããmebirire béorosũ iri ããrĩpereri yu iriunadeare béobu. Cristore òãrò masĩbu, ìgũyagu ããrĩbu irasiribu.

⁹ Jesucristo yu merã ããrĩnímakũ gããmea. Marĩpu ìgũ Moisére doreri pídeare yu iridea merã yure: “Waja opabi, òãgũ ããrĩmi”, ãrĩ ìãbemi. Jesucristo

gapure yu buremumakū: “Waja opabi, oāgū āārīmi”, āri īāmi. Marī īgūrē buremumakū, Marīpu marīrē waja opamerā oārā āārīmakū yāmi.

¹⁰ Irasirigu Cristore oārō masīduakoa. Cristo ñerō tarikeregu, Marīpu gāāmerīrē iridi āārīmi. Irasirigu curusague boadi āārīmi. Īgū iriderosūta yude ñerō tarikeregu, Marīpu gāāmerīrē iridukoa. Boague irire iridukoa. Marīpu īgū turari merā Cristo boadiguere masūdi āārīmi. Irasirigu iri turari merā Marīpu gāāmerīrē iridukoa.

¹¹ “Marīpu īgū boanerārē masūrīn ejamakū, Cristore masūderosūta, yudere masūgukumi”, āri gūñāa. Yure irasirimakū buro gāāmea.

¹² I āārīpereri irasū ārīgū: “Cristo irirosū Marīpu gāāmerīrē iripeosiāa”, ārīgū meta yāa. Yu irasiribirikereperu, Cristo yure īgūyagu āārīmakū irisiadi āārīmi. Irasirigu īgū irirosū āārīduagu turaro merā īgūyare yāa.

¹³ Yaarā, yu musārē irasū ārīgū: “Cristo irirosū āārīgū īgūyare iripeosiāa”, ārīgū meta yāa. Āsū gapu ārīgū yāa. Yu iripoegue iriunadeare gūñabea. “Yu Opu, ¿naāsū irimakū gāāmerī yure?” ārīgū, buro īgūyare irituyāa.

¹⁴ Ūma birarimasū ejapurorigu wajataduarosū īgūyare buro iripeoduaa. Marīpu īgū gāāmerī direta iriburo, ārīgū, yure Jesucristoyagure ūmugasigue īgū merā āārīdoregu siiudi āārīmi. Irasirigu irire buro iridugagu Cristoyare turaro merā yāa.

¹⁵ Āārīpererā Cristore oārō buremurā yu ārīrōsūta gūñarō gāāmea. Musā yu weredeare pēduabirimakū, gajerosū musā gūñamakū, Marīpu musārē diaye gūñamakū iritamugukumi.

¹⁶ Irasirirā Cristoyare marī irituyaderosūta oārō gūña, irituyarā!

¹⁷ Yaarā, musā āārīpererā yu iririkurire īākūituyaka! Gajerā guha irirosū irirārē īgūsā iriridere īākūika!

¹⁸ Yu musārē wāri gajerā ñerō iririre weresiabu. Daporadere oreri merā īgūsārēta werea musārē doja. Īgūsā ñerō iriri merā: “Cristo, marī ñerō iridea waja curusague boabosadi āārīmi”, āri buerire buremumerā āārīma.

¹⁹ Īgūsā purugue peamegue waadedirirākuma. Marīpore buremumerā īgūsā haribejari direta irirā yāma. Guyasīrīrō marīrō: “Marī iriri oārī āārā”, ārītarinugāma. I ūmuma direta gūñama.

²⁰ Marī gapure marīya makā ūmugasigue āārā. Irogue merāta marīrē taugu marī Opu Jesucristo dupaturi aarigukumi. Irasirirā īgū aariburire usuyari merā yūrā yāa.

²¹ Marīrē īgū turari merā marīya dupure ubu āārīrī dupure īgūya dupu irirosū oārī ūmugasima dupu gorawayugukumi. Iri turari merā āārīpererārē, āārīpererire doregukumi.

4

Marī Opu Jesucristo merā usuyanīkōāka! āri gojadea

¹ Irasirirā yaarā yu maīrā, buro yu gūñarā, yure usuyamakū irirā, neō piriro marīrō gūñaturari merā marī Opure buremunīkōāka!

² Evodiare, Sintiquire ire weregura: “Musā Jesuyarā nome āārā. Irasirirā musā gāme guaseorire piri, oārō surosū gūñarī merā āārīrikuka!”

³ Yu merāmu, mudere yu merā oārō moāgūrē weregura: “Īgūsā nomerē iritamuka!” Yu, Clemente merā, gajerā yu wapikurā merā Jesús masakare tauri kerere weremakū, īgūsā nome guare oārō iritamuma. Īgūsā wāirē, Marīpu merā perebiri okari opamurā wāirē gojatūri pūgue gojatūsūnerā āārīma.

4 Mũsã marĩ Opũyarã ããrĩsĩã, ĩgũ merã usũyanĩkõãka! Dupaturi werenemogũra doja. Piriro marĩrõ usũyanĩkõãka!

5 Mũsã gajerãrẽ bopoñarĩ merã õãrõ iritamurĩrẽ ããrĩpererã masaka ĩãmasĩburo. Marĩ Opũ Jesucristo i umũgue dupaturi aariburo mërõ dũyãa.

6 Mũsãrẽ gajerosũ waarĩre bujawereri merã gũñarĩkũbirikõãka! Āsũ gapũ irika! Āãrĩpereri mũsãrẽ waarĩre Marĩpũre werepeokõãka! Mũsã gããmerĩrẽ ĩgũrẽ sërẽka! ĩgũrẽ sërërã: “Õãa”, ãrĩ, usũyari sĩka!

7 Mũsã irasirimakũ, Marĩpũ mũsãrẽ siuñajãrĩ merã ããrĩrikũmakũ irigũkumi. ĩgũ irasũ iriri õãtaria. Marĩ irire neõ pẽmasĩpeobirikoa. Marĩ Jesucristo-yarã ããrĩmakũ, Marĩpũ ĩgũ siuñajãrĩ sĩrĩ merã marĩrẽ õãrõ yũjũpũrãkũmakũ irigũkumi. Irasũ ããrĩmakũ, marĩ gũñarĩguere õãrĩ gũñamakũ irigũkumi.

Õãrĩ direta gũñarõ gããmea, ãrĩ gojadea

8 Yaarã, mũsãrẽ ire weretũnugũra. Āãrĩpereri diayema ããrĩrĩrẽ, Marĩpũyare gopeyari merã buremurĩrẽ, diayemarẽ iririre, õãrĩrẽ, Marĩpũ: “Õãrĩ ããrã”, ãrĩ ĩãrĩrẽ, ĩgũ ĩũrõ keoro iririre, ĩgũrẽ: “Mũ iriri, õãtariri ããrã”, ãrĩ, usũyari sĩrĩrẽ gũñaka! I ããrĩpererire gũñaka irire irimurã!

9 Yũ mũsã merã ããrĩgũ, mũsãrẽ yũ buederosũta, yũ werederosũta, yũ iriderosũta irinĩkõãka! Mũsã irasirimakũ, Marĩpũ mũsãrẽ siuñajãrĩ merã ããrĩrikũmakũ irigũ mũsã merã ããrĩgũkumi.

Filipo marã Pablõre iritamudea

10 Mũsã yoadero pũũgue dupaturi yũre gũñarã, mũsã iritamurĩrẽ bure usũyagu, marĩ Opũ Jesucristore: “Õãa”, ãrĩ, usũyari sĩa. “Mũsã yũre kãtiakõãbu”, ãrĩgũ meta yãa. Mũsã yũre iritamudũakerepũrũ, iritamumasĩña marĩbu.

11 Mũsãrẽ irasũ ãrĩgũ: “Gajino yũ gããmerĩrẽ opabea”, ãrĩgũ meta yãa. Yũ opari merã usũyamasĩa.

12 Gajinorẽ opabide, wãri opagũde õãrõ usũyari merã ããrĩmasĩa. Noó waaró õãrõ usũyari merã ããrĩmasĩa. Uboagũde, yapigũde, wãri opatarigũde, opabide usũyamasĩa.

13 Cristo yũre turamakũ irigũ merã ããrĩpererire yũ irasũ waarĩre bokatĩũmasĩa.

14 Yũ irasũ ããrĩkerepũrũ, yũ ñerõ tariripoe mũsã yũre iritamurã, õãrõ irĩbu.

15 Mũsã Filipo marã ire masĩa. Yũ Macedonia nikũ mũsãya nikũ ããrĩdi Jesús masakare tauri kerere weregũ waagorenanũgãmakũ, mũsã dita yũre iritamubu. Mũsãrẽ yũ Jesũyare buemakũ, usũyari merã pẽbu. Irasirirã yũre iritamubu.

16 Mũsã, yũ Tesalõnicague ããrĩmakũ, yũre iritamunabu. Irasirirã gajino yũ gããmerĩrẽ iriunabu.

17 Yũ mũsãrẽ gajino sũuro dita gããmegũ meta yãa. Marĩpũ ĩũrõ gajerãrẽ mũsã iritamudea merã nemorõ ĩgũya õãrĩ opanemomakũ gããmea. Mũsã irasũ iritamumakũ, Marĩpũ mũsãrẽ õãrõ iritamugũkumi.

18 Mũsã yũre yũ gããmerĩ ããrĩpereri sĩbu. Mũsã Epafrodito merã yũre iriudero pũrũ, nemorõ yũ gããmerĩ ããrĩpererire opãa. Mũsã yũre sĩdea, Marĩpũre sĩdea irirosũ ããrã. Mũsã irasiriri merã Marĩpũre õãrõ usũyamakũ yãa.

19 Marĩpũ yũ Opũ ããrĩpereri mũsã gããmerĩnorẽ mũsãrẽ sĩgũkumi. ĩgũ wãri õãrĩ oparire Jesucristo merã mũsãrẽ sĩgũkumi. ĩgũ mũsãrẽ sĩburi õãtaria.

20 Uũmarĩkũ piriro marĩrõ marĩ Opũ Marĩpũre usũyari sĩnĩrã! Irasũta irirã!

Pablõ õãdoretũnudea

²¹ Æãrĩpererã Marĩpuyarã Jesucristore buremurã õãburo. Marĩyarã Jesúre buremurã yu merã ããrĩrã musãrẽ õãdorema.

²² Æãrĩpererã õõ marã Marĩpuyarã musãrẽ õãdorema. Marĩpuyarã romano marã opuya wii ããrĩrãde bure õãdorema.

²³ Marĩ Opu Jesucristo musã ããrĩpererãrẽ õãrõ iritamuburo.
Iropãta ããrã.
Pablo

COLOSENSES

Pablo Colosas marãrẽ õãdoredea

¹ Yũ Pablo, marĩyagu Timoteo merã mũsãrẽ õãdoredea. Marĩpũ gããmederosũta Jesucristo yũre ãgũyare buedoregu pĩmi.

² Irasirigu mũsãrẽ Colosas marãrẽ Marĩpũyarãrẽ Jesũre gãñaturari merã bũremurãrẽ gojãa. Marĩpũ ããrĩnĩgũ mũsãrẽ iritamu, siuñajãrĩ merã ããrĩrikũmakũ iriburo.

Pablo Jesũre bũremurãya ããrĩburire Marĩpũre sãrẽbosadea

³ Marĩpũre marĩ Opũ Jesucristo Pagũre mũsãya ããrĩburire sãrẽbosariku usũyari sĩa.

⁴ Gũa, mũsã Jesucristore bũremurĩ kerere, gajerãrẽ Marĩpũyarãrẽ ããrĩpererãrẽ maĩrĩ kerere pãbu.

⁵ Iripoegue mũsã Jesucristo masakare tauri kerere õãrõ pãduripĩbu. I diayema kerere pãrã: “Marĩpũ Jesucristo merã marĩrẽ taugũkumi. Marĩrẽ taugũ, ãmũgasigue ãgũ merã õãrõ ããrĩmakũ irigũkumi”, ãrĩ masĩbu. Irasirirã Jesũre bũremurã, gajerãrẽ Marĩpũyarãrẽ maĩa.

⁶ ããrĩpererogue Jesũya kerere weremakũ pãrã, gajerãde mũsã iriderosũta Jesũre bũremunũgãma. Irasirirã ãgũyare irinũgãma. Mũsã iri kerere pãpũrorirãgueta: “Marĩpũ marĩrẽ maĩsĩa, Jesũs merã marĩrẽ taugũkumi”, ãrĩ masĩbu. Irasirirã: “Iri kere diayeta ããrã”, ãrĩ masĩa.

⁷ Gũa maĩgũ Epafras mũsãrẽ iri kerere weremi. ãgũ, gũare moãtamugũ, Cristore moãboegu, ãgũyamarẽ mũsãrẽ weregu ããrĩmi. Iri moãrĩrẽ neõ piribemi.

⁸ ãgũta gũare mũsã gajerã Jesũyarãrẽ Õãgũ deyomarĩgũ iritamurĩ merã maĩrĩ kerere weremi.

⁹ Irasirirã Epafras mũsãya kerere gũare weredeanũ merãta Marĩpũre mũsãya ããrĩburire sãrẽbosanerã, inũguedere ãsũ ãrĩ sãrẽbosanĩkõãa: “Gũapũ, ãgũsãrẽ Õãgũ deyomarĩgũ mũ gããmerĩrẽ masĩpeomakũ iriburo, mũyare pãmasĩpeomakũ iriburo”, ãrĩ sãrẽbosãa.

¹⁰ Marĩpũre mũsã marĩ Opũ Cristoyarã ããrĩsĩa, ãgũ gããmerõsũta õãrõ irinĩburire sãrẽbosãa. ãgũ gããmerĩrẽ irirã, õãrĩ direta irirãkoa. Marĩpũre masĩnemorãkoa. Mũsã irasirimakũ ããgũ, usũyagũkumi.

¹¹ Marĩpũre turatarigũre ãgũ turari merã mũsã õãrõ yũpũrãkaturarã ããrĩburidere sãrẽbosãa. Irasirirã, ñerõ tarikererã, ããrĩpereri mũsãrẽ waaburire gãñaturari merã, usũyari merã ããrĩrikũrãkoa.

¹² Marĩpũ marĩrẽ ãgũyarã ããrĩmakũ iridi ããrĩmĩ. Irasirigu ãgũyarãrẽ: “Yũ gosewasiriri ããrĩrõgue ãsũ sĩgũra”, ãrĩdeare marĩrẽ opamurã ããrĩmakũ iridi ããrĩmĩ. Irasirirã, mũsã Marĩpũre: “Mũ gũare irasiriburi, õãtaria”, ãrĩ, usũyari sĩburidere ããrĩrẽ sãrẽa.

¹³ ãgũta marĩrẽ naĩtĩãrõgue ããrĩrã irirosũ ããrĩnerãrẽ taudi ããrĩmĩ, wãtĩ doresũnerã ããrĩnemobirikõãburo, ãrĩgũ. ãgũ magũrẽ ãgũ maĩgũrẽ marĩ Opũ ããrĩburo, ãrĩgũ, irasiridi ããrĩmĩ.

¹⁴ ãgũ magũ boari merã marĩ ñerõ iridea wajare taudi ããrĩmĩ. Irasirigu marĩ ñerĩ irideare kãtidi ããrĩmĩ.

Cristo boagu, marĩrẽ Marĩpũ merã siuñajãrĩ bokamakũ iridea

¹⁵ Marĩpũre ããrĩna mãa. Cristo ãgũ magũ, ãgũ Pagũ ããrĩrikũrere ãmudi ããrĩmĩ masakare. ãgũ magũ ããrĩpererã dupuyuro, ããrĩpereri dupuyuro ããrĩsiadi ããrĩmĩ. Irasirigu ããrĩpererã Marĩpũ irinerã nemorõ Opũ ããrĩmĩ.

16 Cristo merã Marĩpu ããĩpererã ùmugasigue, i nikũgue ããĩrã, marĩ ããĩrãrẽ, marĩ ããĩmerãdere iridi ããĩmĩ. Gaji marĩ ããĩrẽ, marĩ ããĩbiridere iridi ããĩmĩ. Oparãrẽ, dorerãrẽ, turarãrẽ, ùmugasigue ããĩrãrẽ, i nikũgue ããĩrãdere ããĩpererãrẽ iridi ããĩmĩ. Irasiriro ããĩpererã, ããĩpereri ããĩrãrẽ ããĩrãrẽ. Irire irigu: “Yu magãya ããĩrã”, ããĩrãrẽ ããĩmĩ.

17 Cristo ããĩpererã, ããĩpereri dupuyuro ããĩsiadi ããĩmĩ. Irasirigu ããĩrãrẽ turari merã ããĩpererãrẽ, ããĩpereridere i ùmugue ããĩrãrẽ ããĩmĩ. Irasirigu ããĩrãrẽ gããmerõsũta keoro ããĩmakũ irinĩmĩ.

18 Marĩ ããĩrẽ bõremurĩ bumarã, ããĩrãrẽ ããĩrãrẽ, ããĩrãrẽ dupu irirosũ ããĩrã. Irasirigu marĩ dipuru, marĩ Opu ããĩrãmĩ. ããĩrãrẽ boadero puru, marĩ ããĩpererã dupuyuro ùmugasigue masã murĩapuroridi ããĩmĩ ããĩpererere, ããĩpererãrẽ dorebu.

19 Marĩpu ããĩrãrẽ gããmederosũta ããĩrãrẽ ããĩrãrẽ ããĩrãrẽ ããĩmĩ: “Yu magũ, yu irirosũta ããĩrãrẽ”, ããĩrãrẽ ããĩmĩ. Irasirigu Cristo ããĩpereri Marĩpu ããĩrãrẽ opami.

20 Marĩpu ããĩpereri i ùmamarẽ, ããĩpererã i ùmugue ããĩrãdere ããĩrãrẽ merã ããĩrã ããĩmakũ gããmegũ, Cristore iriudi ããĩrãrẽ. ããĩrãrẽ gããmederosũta Cristo curusague boagu dí beori merã ùmugasigãrẽ, i nikũ marãdere: “Yu merã ããĩrã ããĩrãrẽ”, ããĩrãrẽ, irasiridi ããĩrãrẽ.

21 Iripoegue mũsãde ããĩrãrẽ iririkũsã, Marĩpu merã ããĩrãrẽ ããĩrãrẽ, ããĩrãrẽ ããĩrãrẽ, ããĩrãrẽ ããĩrãrẽ.

22 Mũsã irasũ ããĩrãrẽ puru, Marĩpu, Cristo boadea merã mũsãrẽ ããĩrãrẽ merã ããĩrã ããĩmakũ iridi ããĩrãrẽ. Cristo, marĩ irirosũ dupurũ ããĩrãrẽ ããĩrãrẽ, boadi ããĩrãrẽ. Irasirigu Cristo boadea merã Marĩpu mũsãrẽ ããĩrãrẽ ããĩrãrẽ ããĩrãrẽ, waja opamerã ããĩrãrẽ ããĩrãrẽ ããĩrãrẽ.

23 Mũsã piriro marĩrõ gũñaturari merã Cristore bõremumakũ, ããĩrãrẽ mũsãrẽ tauri kerere kãtibirimakũ, Marĩpu mũsãrẽ ããĩrãrẽ puru ããĩrãrẽ ããĩrãrẽ ããĩrãrẽ ããĩrãrẽ. Iri kerere mũsã pẽdeare ããĩrãrẽ i ùmu marã pẽperekõõma. Yu Pablode iri kerere weretamugãta ããĩrãrẽ.

Marĩpu Pablõre Jesũre bõremurãrẽ iritamudoredea

24 Cristo marĩ ããĩrãrẽ ããĩrãrẽ curusague boagu, burõ ããĩrãrẽ taridi ããĩrãrẽ. Marĩ Cristore bõremurĩ bumarã, ããĩrãrẽ ããĩrãrẽ, ããĩrãrẽ dupu irirosũ ããĩrãrẽ. Irasirãrẽ ããĩrãrẽ ããĩrãrẽ waja ããĩrãrẽ taria. Marĩ ããĩrãrẽ tariburo dũyãa dapa. Irasirigu yude ããĩrãrẽ bõremurãrẽ iritamudoredea, ããĩrãrẽ taria. ããĩrãrẽ tarikeregu, ããĩrãrẽ. Purugue marĩ ããĩrãrẽ tariri pererokoa.

25 Marĩpu yure Jesũre bõremurãrẽ iritamubure, mũsãyã ããĩrãrẽ ããĩrãrẽ ããĩrãrẽ kerere mũsãrẽ werepeobure pími.

26 Iripoeguerẽ wãri buri marãrẽ iri kerere masĩpeomakũ iribiriunadi ããĩrãrẽ. Dapora marãrẽ ããĩrãrẽ ããĩrãrẽ irire ããĩrãrẽ masĩpeomakũ yãmi.

27 Irasirigu iri kerere iripoegue marã masĩbirideare mũsã judío masaka ããĩrãrẽ ããĩrãrẽ masĩmakũ gããmemi. Iri kere ããĩrãrẽ ããĩrãrẽ: “Cristo ããĩrãrẽ ããĩrãrẽ ããĩrãrẽ. Irasirãrẽ ùmugasigue ããĩrãrẽ ããĩrãrẽ ããĩrãrẽ ããĩrãrẽ ããĩrãrẽ ããĩrãrẽ ããĩrãrẽ”.

28 Guã Cristoyamarẽta werea. ããĩrãrẽ ããĩrãrẽ ããĩrãrẽ pẽmasĩdorerã, ããĩrãrẽ Marĩpu guare masĩrĩ sãrĩ merã buea. ããĩrãrẽ gããmerõsũta iridorerã, ããĩrãrẽ merã ããĩrãrẽ ããĩrãrẽ, ããĩrãrẽ, werea.

29 Irita ããĩrãrẽ yu moãrĩ. Cristo turari sãdero bokatũrõ masakare ããĩrãrẽ buea, ããĩrãrẽ ããĩrãrẽ Marĩpũre sãrẽbosãa.

2

1 Ire mũsã masĩmakũ gããmea. Mũsãyã ããĩrãrẽ, Laodicea marãyã ããĩrãrẽ, ããĩrãrẽ ããĩrãrẽ ããĩrãrẽ ããĩrãrẽ burõ gũña, Marĩpũre sãrẽbosãa.

² Āsū ārī sērēa Marīpure: “Guape, ĩgūsārē oārō yujupūrākumakū irika! Ōārō gāme maĩrī merā āārīrikumakū irika! ĩgūsārē mu magūyamarē oārō pémasĩmakū irika! Mu magūyamarē pémasĩrā, gūñaturari merā āārīrikurākuma. ĩripoegue marā masĩbirideare oārō masĩrākuma”, ārī sērēbosáa.

³ Cristo dita āārīpererire oārō masĩgū, oārō pémasĩgū āārĩmi. ĩgū dita marĩrē ĩgūyamarē masĩmakū irigū āārĩmi. ĩrire masĩrā, oātariire masĩa.

⁴ Gajerā musārē oārō pésuyuri werenĩrī merā ārĩgatobokuma, ārĩgū, ĩrire werea.

⁵ Yu musā watopegue āārībirikeregū, musā merā āārĩgū ĩrirosū péñáa. Musārē buro gūñáa. Musā Cristore gūñaturari merā oārō buremurĩrē musā oārō āārīrikurire pégu, usuyáa.

⁶ Irasirirā marī Opu Jesucristore buremurā ĩgūrē musā buremunugāderosũta: “Yure iritamugakumi”, ārī buremuní, umuriku ĩgū merā oārō āārīnĩkōāka!

⁷ ĩgūrē oārō masĩrā, ĩgūyare ĩrirā āārĩka! Gajerā musārē buederosũta piriro marĩrō gūñaturari merā ĩgūrē buremunemoka! Umuriku Marīpure: “Ōāa”, ārī, usuyari sĩka!

Jesúre buremurā Marīpu merā oārō āārĩmarē gojadea

⁸ Ōārō pémasĩka! Masaka ĩgūsā gāāmerō buerire, ĩgūsā ārĩgatorire pébirikōāka! ĩgūsā ĩripoegue marā āārīrikudeare, ĩgūsā basi i umumarē ĩgūsā gūñarĩrē buema. Gajerārē Jesucristoyare buerā meta āārĩma. ĩgūsā ĩgūyare pirimakū iriduarā, irasū buema.

⁹ Cristo, marī ĩrirosū dupukugū āārĩgū āārīpereri Marīpu āārīrikurire opagu āārĩmi.

¹⁰ Musā Cristoyarā āārĩmakū, Marīpu musārē ĩgū ĩrirosū oārā āārĩmakū yámi. Cristota umugasi marā, i nikū marā, deyorā, deyomarĩrā āārīpererā oparā nemorō Opu āārĩmi. Irasirirā ārĩgatori merā buerārē pébirikōāka!

¹¹ Cristoyarā āārĩsĩā, dupuma gasirogārē wiirisūbirikererā, wiirinerā ĩrirosū āārā. Masaka musārē irasū āārĩmakū iribirima. Marīpu gapu musā Cristoyarā āārĩmakū, musārē ĩgū merā taudi āārĩmí, musā ñerĩ uribejarire piriburo, ārĩgū.

¹² Musā Cristoyarā āārĩsĩā, deko merā wāĩyesūrā, Cristo boa, yáasūderosũta musāde ĩgū merā boa, yáasūnerā ĩrirosū waabu. Boanerā ñerĩrē neō ĩrinemo-masĩbema. Irasirirā musā wāĩyesūrā, musā ĩripoegue ñerō ĩriunadeare piririre ĩmurā iribu. Musā irasū wāĩyesūmakū, Marīpu Cristo boadiguere masūderosũta musādere ĩgū merā masūnerā ĩrirosū āārĩmakū iridi āārĩmí. “Marīpu ĩgū turari merā Cristore masūdi āārĩmí”, ārī buremumakū, musārē irasiridi āārĩmí oārĩ gapure ĩriburo, ārĩgū.

¹³ ĩripoeguere musā ñerō iridea waja peamegue waabonerā āārĩnerā āārĩbú. Marīpuyarā āārĩbirisĩā, irasū āārĩnerā āārĩbú. ĩgū dorerire opabirisĩā, ĩrire iribirinerā āārĩbú. Daporare pama Marīpu marĩrē ĩgū merā irasū oārō āārĩnĩmurā āārĩmakū yámi. Cristo boadea merā irasū yámi. ĩgū boadea merāta āārīpereri marī ñerĩ irideare kātidi āārĩmí.

¹⁴ ĩripoegue Marīpu ĩgū dorerire marĩrē: “Āsū irika!” ārī pídi āārĩmí. Marī ĩri dorerire tarinugānerā āārĩkererū, Cristo curusague boadea merā marī ñerĩ iridea wajare kātipeokōādi āārĩmí.

¹⁵ Irasū āārĩmakū, Cristo curusague boari merā wātēa oparārē, ĩgūsārē dorerā turarārē tarinugākōādi āārĩmí. Irasirigū ĩgū ĩgūsārē tarinugādeare gajerārē masĩmakū iridi āārĩmí.

Umugasimarē, Marīpuyare ĩrituyaka! ārĩ gojadea

16 Irasirirā gajerā mʉsārē doredʉarā: “Irire baarā, irire iirirā ñerirē irirā yáa”, āri werewʉamakū irasū pékōāka! Bojorikʉ, abe deyoanarikʉ, semanarikʉ bosenuṛī āārīṛṛṛṛē ĩgūsā judío masaka irirosū mʉsā iridʉabirimakū werewʉaridere irasū pékōāka!

17 Iripoegue Marīpʉ marirē ĩgū dorerire pídi āārīmí, ĩgū marirē Cristo merā iritamuburire pémasīburo, āriġū. Daporare Cristo iri dorerire iripeogu ejadigue āārīmí marī ñerō iridea wajare taubu.

18 ĩgūsā mʉsārē doredʉarā: “Gajerā nemorō āārā”, āri gūñakererā, masaka péurogue: “Gajerā nemorō āārībea”, āri weregorenama. Marīpʉre wereboerārē bʉremurā, ĩgūsārē: “Iritamuka gʉare!” āri sērēma. “Kērō irirosū Marīpʉ gʉare ĩmudeare ĩābʉ”, āri moāmarā: “Masītarinʉgārā āārā”, āri gūñadima. ĩgūsā basi gūñarōsū yáma. Irasirirā mʉsārē: “Gʉa irirosū iribirimakū, diayemarē iribea”, āri werewʉamakū irasū pékōāka!

19 ĩgūsā Cristore bʉremubema. Marī gapʉ ĩgūrē bʉremurī bumarā, ĩgūyarā āārīsīā, ĩgūya dupʉ irirosū āārā. ĩgūta marirē doregʉ, marī dipuru āārīmi. Irasirigʉ, Marīpʉ gāāmerōsūta marirē ĩgūya dupʉ irirosū āārīrārē gāme iritamu, ĩgūrē bʉremunemomakū yámi.

20 Mʉsā, Cristo boaderosūta ĩgū merā boanerā irirosū waanerā āārīsīā, mʉsārē doredʉarā i ũmʉmarē ĩgūsā gūñarōsū buerire bʉremubirikōāka! Mʉsā ñerō iririre pirikererā, Cristoya buerire bʉremukererā, ĩnasirirā ĩgūsā dorerire iridʉari dapa?

21 ĩgūsā gāāmerōsū āsū āri buema: “Irinorē baabirikōāka! Irinorē ñeābirikōāka!” āri ma. ĩgūsā irire irasū ārīmakū, ĩnasirirā ĩgūsā dorerire yʉjuri?

22 ĩgūsā doreri: i ũmʉma pereburi, masaka ĩgūsā gūñarī merā bueri āārā. Irasiriro wajamāa.

23 ĩgūsā dorerire irirā: “Marīpʉyare ōārō masīrī merā ĩgūrē bʉremurā yáa”, āri gūñadima. ĩgūsā dupʉre ñerō tarimakū irirā, “Goepeyari merā Marīpʉre bʉremurā yáa”, āri gūñadima. ĩgūsā dorerire irirā, masaka péurogue: “Gajerā nemorō āārībea”, āri weregorenakererā, diayemarē irirā irirosū iriadima. ĩgūsā dorerire irikererā, ĩgūsā ñerī ʉaribejarire piribema. Irasiriro ĩgūsā doreri wajamāa.

3

1 Marīpʉ Cristore boadiguere masūderosūta mʉsādere ĩgū merā masūnerā irirosū āārīmakū iridi āārīmí ōārī gapʉre iriburo, āriġū. Irasirirā mʉsā iro dupuyuro ñerī irideare piri, ũmʉgasimarē Cristoyare gāāmekā! Irogue Cristo ĩgū Pagʉ diaye gapʉ doagʉ āārīpererārē doregʉ āārīmi.

2 ũmʉgasimarē gūñanīka! I ũmʉmarē gūñanībirikōāka!

3 Mʉsā Cristoyarā āārīsīā, ĩgū boaderosūta mʉsāde ĩgū merā boanerā irirosū waanerā āārībʉ. Irasirirā boanerā ñerirē neō irinemomasīmerā irirosū mʉsā iripoegue ñerō iriunadeare piribʉ. Daporare Cristo merā Marīpʉ pʉrogue masaka ĩāberogue perebiri okari opamurā āārā.

4 Irasirirā, Cristo marirē okari sīgū i ũmʉgue dupaturi aarimakū, ũmʉgasigue ĩgū gosewasiri āārīrōgue ĩgū merā waarākoa.

Iro dupuyuro ñerī irideare pirika! āri gojadea

5 Irasirirā i ũmʉma ñerī iririre pirikōāka! Neō sugʉ mojōsiabirikeregʉ, nomeō merā āārībirikōāka! Neō sugo mojōsiabirikerego, ũmʉmerā āārībirikōāka! Ñerā seyaro ñerō irirā irirosū iribirikōāka! Ñerī ʉaribejarire iribirikōāka! Gajinorē opadʉarā, bʉro gāāmebirikōāka! Masaka Marīpʉre gāāmerō nemorō gajino gapʉre gāāmerā, keori weadeare bʉremurā irirosū yáma.

⁶ Iri ñerĩrẽ irirã, Marĩpu dorerire tarinugãrã ããrĩma. Irasirigu ãgũsãrẽ buru wajamoãgukumi.

⁷ Iripoeguere iri ñerĩrẽ irirã irirosũ musã ããrĩunanerã ããrĩbã.

⁸ Dapora ããrĩpereri i ñerĩrẽ pirika! Guarire, sítĩrĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrĩrẽ, ñerĩ guyasiũrĩ werenĩrĩrẽ pirikõãka!

⁹ Gãme ãrĩgatobirikõãka! Musã Cristoyarã ããrĩsĩã, musã ãgũyarã ããrĩburi dupuyurogue ããrĩrikũunaderosũ neõ ããrĩbea. Musã ñerĩ iririkũunadeare pirinerã ããrã.

¹⁰ Musã Cristoyarã ñajãmakũ, Marĩpu musãrẽ maama ããrĩrikũrere opamakũ iridi ããrĩmĩ. Irasirigu musãrẽ ãgũ õãgũ ããrĩrõsũ ããrĩmakũ yãmi. Musãrẽ ãgũrẽ õãrõ masĩnemoburo, ãrĩgũ, irasũ yãmi.

¹¹ Irasirirã marĩ Cristoyarã ããrĩrã: judío masaka, judío masaka ããrĩmerãde, dupuma gasirogãrẽ wiirisũnerã, wiirisũbirinerãde, gaji nikũ marã, masĩmerãde, moãboerimasã, moãboerimasã ããrĩmerãde, Marĩpu ãũrõrẽ sũrosũ ããrã. Cristo marĩ ããrĩpererã Opũ ããrĩmĩ. Irasirigu ããrĩpererã ãgũyarã merã ããrĩmĩ.

¹² Irasirirã musã Marĩpu beyenerã, õãrã, ãgũ maĩrã ããrĩrã ãsũ ããrĩrikũka! Gajerãrẽ bopoñarĩ merã ããka! ãgũsãrẽ õãrõ usuyari merã iritamuka! “Gajerã nemorõ ããrã”, ãrĩ gũñabirikõãka! Musãrẽ ñerõ irikerepũrũ, irasũ pẽñakõãka! Gũñaturaka!

¹³ Guarĩ marĩrõ gajerãrẽ bopoñarĩ merã ããka! Gajerã merã gãme turianerã, ãgũsã musãrẽ ñerõ irideare ãgũsãrẽ kãtika! Marĩ Opũ musã ñerĩ irideare kãtidi ããrĩmĩ. ãgũ kãtiderosũta musãde musã merãmarã musãrẽ ñerõ irideare kãtika!

¹⁴ I doreri nemorõ musãrẽ: “Gajerãrẽ buru maĩ buremuka!” ããrã. Musã irasirirã ããrĩpererã gajerã merã õãrõ ããrĩrãkoa.

¹⁵ Marĩpu marĩrẽ siuñajãrĩ merã ããrĩrikũmakũ yãmi. Irasirirã musã merãmarã merã õãrõ ããrĩka! Marĩ ãgũyarã su bumarãta ããrã. Marĩpu marĩrẽ irasũ ããrĩmurãrẽ pidi ããrĩmĩ. Irasirirã ãgũrẽ: “Õãã”, ãrĩ, usuyari sĩnikõãka!

¹⁶ Cristoya kerere gũñanikõãka, irire masĩnemomurã! Õãrõ pẽmasĩrĩ merã ãgũyare gajerãrẽ bueka! Goepeyari merã wereka, ãgũsãde ãgũyare õãrõ iriburo, ãrĩrã! Irasirirã Salmos wãikũri gojãdea pũgue Marĩpũya bayarire, gaji ãgũrẽ buremurĩ bayarire ãgũrẽ bayapeoka! Õãrõ gũña buremurĩ merã bayapeoka! Irasirirã Marĩpũre: “Õãã”, ãrĩ, usuyari sĩka!

¹⁷ Marĩ Opũ Jesús usuyaburosũta ããrĩpereri musã iririre, ããrĩpereri musã werenĩrĩrẽ õãrõ yũjũpũrãkũri merã irika! Irasirirã, Jesús iritamurĩ merã Marĩpũre: “Õãã”, ãrĩ, usuyari sĩka!

Pablo Jesũre buremurãrẽ: “Ãsũ irika!” ãrĩ gojãdea

¹⁸ Musã marãpũkũrã nome, Cristo marĩ Opũyarã nome ããrĩsĩã, musã marãpũsãmarãrẽ õãrõ yũjũka!

¹⁹ Musã marãpokũrã, musã marãposã nomerẽ maĩ buremuka! ãgũsãrẽ turibirikõãka!

²⁰ Musã ãgũsã pũrãde ããrĩpereri musã pagũsãmarã dorerire tarinugãbirikõãka! Musã irasirimakũ, marĩ Opũ õãrõ usuyagukumi.

²¹ Musã ãgũsã pagũsãmarãde musã pũrãrẽ turi, ãgũsãrẽ guamakũ iribirikõãka, bũjãwereri merã yũjũpũrãkũri, ãrĩrã!

²² Moãboerimasã, ããrĩpereri musã oparã i mũmũ marã dorerire yũjũka! ãgũsã ãũrõrẽ, ãgũsã ããberoguedere õãrõ moãka! ãgũsã musãrẽ õãrõ gũñaburire ãgũsã ãũrõ ããrã õãrõ moãmakũ õãbea. Musã, marĩ Opũre goepeyari merã buremurã ããrĩsĩã, musã oparãdere õãrõ merã yũjũka!

²³ Āārīpereri musā iririre, oārō yujupūrākuri merā irika! Masakare moāboekererā, diayeta marī Opure Cristore moāboerā āārā. Irasirirā musā oparārē oārō moāboeka! Irasū moāboerā, Cristore moāboerā irirosū yāa.

²⁴ Musā irasirimakū, Cristo musārē wajarigakumi. Īgūyarārē: “Āsū sīgura”, ārīdeare musārē sīgukumi. Musā irire masīa. Musā marī Opure Cristore moāboerā āārā. Īgūta musā Opugora āārīmi.

²⁵ Marīpu ñerō irirārē Īgūsā ñerō iridea waja wajamoāgakumi. Īgūsārē āārīpererārē surosū ĩāgū, keoro wajamoāgakumi. Neō sugu tariwerebirikumi.

4

¹ Musā oparā, musārē moāboerimasārē diayemarē irika! Īgūsārē oārō opaka! Ire musā masīa. Musāde Opu opāa. Musā Opu umugasigüe āārīgū Marīpu āārīmi.

² Umuriku oārō gūña pémasī, Marīpure sērēnikōāka! Īgūrē: “Ōāa”, ārī, usuyari sīka!

³ Marīpure guaya āārīburidere sērēbosaka! Gua Cristoya kerere iripoegüe marā masībirideare gajerārē buedukoa. Irasirirā Marīpure gua Īgūsārē iri kerere oārō bueburire sērēbosaka! Yu iri kerere wereri waja daporare peresugüe āārā.

⁴ Irasirigu Marīpure yaa āārīburire musā sērēbosamakū gāāmea. Marīpure ĩgū dorederosūta Cristoya kerere gajerārē pémasīma oārō yu wereburire sērēbosamakū gāāmea.

⁵ Jesúre burenumerārē pémasīrī merā oārō irika! Īgūsārē ĩgūyare wereka! Īgūsā merā musā āārīrōpā ĩgūsārē oārō irika, ĩgūsāde Jesúre buremuburo, āārīrā!

⁶ Gajerā merā weretamurā, oārō merā weretamuka! Ōārī direta werenīka! Musā irasirirā gajerā ĩgūsā Jesúyamarē musārē sērēñamakū, oārō masīrī merā yujurākoa ĩgūsārē.

Pablo oādoretīnudea

⁷ Tíquico, marīyagu marī maīgū, Jesúre buremugū āārīmi. Īgū yu āārīrikurire musārē weregakumi. Marī Opuyare buegu, yu merā moāgū āārīmi. Neō iri moārīrē piribemi.

⁸ Musā pūrogu ĩgūrē iriua, gua āārīrikurire masī, musārē gūñatura, usuyamakū iriburo, āārīgū.

⁹ Onésimo merā ĩgūrē iriua. Īgūde Jesúyare neō piribemi. Musāya makāmū, marīyagu marī maīgū āārīmi. Īgūsā pērā gua naásū waadeare āārīpererire wererākuma musārē.

¹⁰ Aristarco yu merāmū, yu merā peresugüe āārīgū musārē oādoremi. Marcote oādoremi. Īgū Bernabé pagumū āārīmi. Musā pūrogu ĩgū ejamakū, oārō merā ĩgūrē bokatīrīñeāka, yu musārē werederosūta!

¹¹ Jesús wāikugū, gajerā “Justo” wāiyedi musārē oādoremi. Īgū, Marcos, Bernabé merā yure moātaturā āārīma. Īsā urerāta gajerā judío masaka Jesúre buremurā watopeguere yure moātamura, masaka Marīpu ĩgūyarārē doreri kerere péburo, āārīrā. Īgūsā yure iritamurī merā gūñatura, usuyāa.

¹² Epafras musāya makāmude musārē oādoremi. Īgū Cristoyagu ĩgūrē moāboegu āārīmi. Marīpure sērēgū, turaro musāya āārīburire sērēbosanīkōāmi. Marīpure oārō gūñaturaní, ĩgū gāāmerōsū iriburo, āārīgū, irasū sērēbosami.

¹³ Īgū Marīpure musāya āārīburire turaro sērēbosamakū ĩāa. Laodicea marāya āārīburire, Hierápolis marāya āārīburidere turaro sērēbosami. Īgū irasirimakū ĩāgū, musārē irire diaye werea.

¹⁴ Duturu Lucas, marĩ maĩgũ m̄s̄r̄ẽ õãdoremi. Demade õãdoremi.

¹⁵ Õãburo marĩyarã Laodicea marã. Ninfa wãikugode õãburo. Jesúre b̄remurã igoya wiigue nerẽrãde õãburo.

¹⁶ I pũrẽ ȳu gojadea pũrẽ m̄s̄ã nerẽrõgue bue ãmu odo, Laodicea marãdere iriuka, ãgũsãde ãgũsã nerẽrõgue bue ãmuburo, ãrĩrã! Irasirirã ãgũsãrẽ gaji ȳu gojadea pũrẽ ãeãrã, m̄s̄ãde iri pũrẽ bue ãmuka!

¹⁷ ãsũ ãrĩka Arquipore: “Marĩ Op̄u Jesúyaḡu m̄u ããrĩmakũ, m̄urẽ ãgũ moãrĩrẽ pídi ããrĩmĩ. Irasiriḡu irire õãrõ moãyuwarikuka!” ãrĩka ãgũrẽ!

¹⁸ Ȳu Pablo, yaa mojõ merã ire gojáa: “M̄s̄r̄ẽ õãdorea”. Peresugue ȳu ããrĩrĩrẽ gũña, Marĩp̄ure yaa ããrĩburire s̄erẽbosaka! Õãrõ ããrĩka m̄s̄ã! Marĩp̄u m̄s̄r̄ẽ õãrõ iritamuburo.

Iropãta ããrã.

Pablo

1 TESALONICENSES

Pablosã Tesalónica marãrẽ õãdoredea

¹ Yũ Pablu, yũ merãmarã Silvano, Timoteo merã mũsã Tesalónica marãrẽ Jesúre bũremurãrẽ õãdoredea. Mũsã Marĩpũyarã, marĩ Opũ Jesucristoyarã ããrã. Irasirigũ mũsãrẽ i papera pũrẽ gojáa. Marĩpũ ããrĩnĩgũ, marĩ Opũ Jesucristo mũsãrẽ õãrõ iritamu, siuñajãrĩ merã ããrĩrikũmakũ iriburo.

Pablo, Tesalónica marã Jesúre bũremurĩrẽ gojadea

² Gũa Marĩpũre mũsãya ããrĩburire sãrẽbosarã, mũsã õãrõ iririre gũñãa. Irasirirã ããrĩrẽ: “Mũ iritamurĩ merã õãrõ yãma”, ãrĩ, usũyari sĩnĩkõãa.

³ ããrĩrẽ sãrẽrã, ãsũ ãrĩ sãrẽa: “Gũapũ, Tesalónica marã mũ magũ Jesucristore bũremusã, ããrĩyare õãrõ irirã yãma. Maĩrĩ merã gajerãrẽ õãrõ iritamuma. Marĩ Opũ Jesucristo dupaturi aariburire usũyari merã yúsã, ñerõ tarikererã gũñaturama. Irasirigũ ããrĩsãrẽ irire iriduúbirimakũ irika!” ãrĩ sãrẽa.

⁴ Gũayarã, Marĩpũ mũsãrẽ maĩmi. ããrĩta mũsãrẽ beyedi ããrĩmĩ, ããrĩyarã ããrĩburo, ããrĩgũ. Gũa irire masãa.

⁵ Mũsãrẽ Jesús masakare tauri kerere wererã, gũa masĩrĩ merã werebiribũ. Õãgũ deyomarĩgũ turari merã gapũ mũsãrẽ iri kerere werebũ. Gũa mũsãrẽ õãrõ iritamudeare masĩsã, gũa iri kerere weremakũ pérã: “Diayeta ããrã”, ãrĩ masĩbũ.

⁶ Irasirirã, gũa irideare ããnerã ããrĩsã, gũa iriderosũ, irasũ ããrĩmakũ Jesucristo iriderosũ irirã dujabũ. Ñerõ tarikererã, Õãgũ deyomarĩgũ iritamurĩ merã Jesúya kerere usũyari merã pé, bũremunũgãbũ.

⁷ Mũsã irasirideare pérã, ããrĩpererã Jesúre bũremurã, Macedonia nikũ marã, õõ Acaya nikũ marã: “Marĩdere ããrĩsã irirosũta ããrĩrikũro gããmea”, ããrĩma.

⁸ Mũsã merãta ããrĩpererogue marã marĩ Opũ Jesúya kerere péperekõãñurã. Macedonia marã, Acaya marã dita iri kerere pérã meta iriñurã. ããrĩpererogue marã mũsã Marĩpũre bũremurĩrẽ masĩsiañurã. Irasirirã gũa ããrĩsãrẽ irire werenemobirikoa.

⁹ ããrĩsã gapũ gũa mũsã pũro ejamakũ, mũsã gũare õãrõ bokatĩrĩñeãdeare gajerãguere werema. Gaji mũsã keori weadeare bũremurĩrẽ pirikõã, Marĩpũ gapũre bũremu, ããrĩ gããmerĩ direta irinũgãdeare werema. ããrĩ diayeta Marĩpũ okanĩgũ ããrĩmi.

¹⁰ Mũsã, ããrĩ magũ Jesús ããrĩgũ i ããrĩgũ dupaturi aariburire õãrõ usũyari merã yúrã iriyuro. Marĩpũ Jesúre boadiguere masũdi ããrĩmĩ. Jesũta marĩrẽ peamegue bũro wajamoãsũbonerãrẽ taugũ ããrĩmi.

2

Pablo Tesalónicaque ããrĩrẽ buedeare gojadea

¹ Gũayarã, mũsã ire õãrõ masãa. Gũa mũsã pũro ããrĩrã, ubu ããrĩrĩrẽ irirã meta iribũ. Gũa buerire pérã, wãrã mũsã Jesúre bũremunũgãbũ.

² Gũa mũsã pũro waaburi dupuyuro Filipogue ããrĩbũ. Gũa irogue ããrĩmakũ, iro marã gũare ñerõ iri, ñerõ ããrĩ bũridama. Mũsã irire masãa. Mũsãya makã marãde gũare ñerõ iriduakererũ, Marĩpũ gũare iritamumi. Irasirirã gũiro marĩrõ gũñaturari merã ããrĩ masakare tauri kerere mũsãrẽ werebũ.

³ Gũa mũsãrẽ: “Iri kerere bũremuka!” ããrĩ wererã, diayema ããrĩrĩrẽ bũremumakũ gããmebũ. Mũsãrẽ ñerõ iriduãrã, ããrĩgatori merã buerire bũremumakũ iriduãrã meta iribũ.

⁴ Marĩpu ĩgũ gããmederosũta guare ĩgũ masakare tauri kerere weremurãre beyepĩdi ããĩmĩ. Irasirirã, masaka gua merã usuyaburo, ãĩrã meta iri kerere werea. Marĩpu gããmerĩ gapure iriduarã, irire werea. ĩgũta ããĩpereri marĩ gũñarĩre ĩãmasĩgũ ããĩmĩ.

⁵ Musã masĩa. Gua musã puro ããĩrã, musãre õãrõ werenĩgatori merã gua gããmerĩre irimakũ iriduarã meta iribu. Musãre niyerure ãĩduarã ãĩgatori merã wererã meta iribu. Marĩpude irire masĩmi.

⁶ Gua Marĩpuya kerere wererã, musã guare: “Õãrõ buema”, ãĩmakũ iriduarã meta yãa. Gajerãde guare irasũ ãĩmakũ neõ gããmebea.

⁷ Gua, Cristo buedoregu beyepĩnerã ããĩsĩã, musãre: “Guare iritamuka!” ãĩbonerã ããĩkererã, neõ irasũ ãĩbiribu. Sugo pago igo pũrãre maĩrĩ merã õãrõ korerosũta musãre maĩrĩ merã õãrõ korebu.

⁸ Musãre buro maĩsĩã, Marĩpuya kerere õãrõ iriduari merã buebu. ããĩpereri gua irimasĩrĩ merã musãre iritamubu. Musãre maĩsĩã, irasiribu.

⁹ Musã guayarã, gua musã merã ããĩrã buro moãdeare gũñakoa. Musãre Marĩpuya kerere buerã: “Guare iritamuka!” ãĩduabirisĩã, gua baaburire wajarimurã umurĩ, ñamirĩ moãbu.

¹⁰ Gua iririkurire musã masĩa. Marĩpude masĩmi. Gua, musã Jesũre buremurã merã ããĩrã, gua musãre õãrõ irirã, diayema iribu. Irasirirã gajerã guare: “Ñerõ yãma, waja oparã ããĩma”, neõ ãĩmasĩbirima.

¹¹ Idere musã masĩa. Sugu pagu ĩgũ pũrãre õãrõ wereri merã ĩgũsãre gũñaturamakũ irirosũta gua musãdere ããĩpererãre irasiribu.

¹² Marĩpu musãre ĩgũyarãre dorerogue ĩgũ õãrõ gosewasirirogue musã ããĩmurãre beyedi ããĩmĩ. Irasirirã musãre ĩgũyarãre: “ĩgũyare õãrõ irinĩkõãka!” ãĩ werebu.

¹³ Gua musãre Marĩpuya kerere weremakũ pãrã, musã: “I Marĩpuya werenĩĩgora ããrã”, ãĩ buremubu. “Masakaya werenĩĩ meta ããrã”, ãĩrã. Gua, musã irasirideare gũñarã, Marĩpude usuyari sĩnĩkõãa. ĩgũ musãre ĩgũya kerere buremurãre iri merã musã gũñarĩre, musã iririre õãrĩ gapure gorawayumakũ yãmi.

¹⁴ Guayarã, musã Jesucristore buremurã ããĩmakũ ĩãrã, musãya nikũ marã musãre ñerõ tarimakũ iriañurã. Musãre waarõsũta Judea nikũ marãdere Marĩpuyarãdere waarõ iriayuro. ĩgũsã Jesucristore buremurã ããĩmakũ ĩãrã, ĩgũsãya nikũ marã judío masaka ĩgũsãre ñerõ tarimakũ iriañurã. Judío masaka Jesũre gããmemerã ããĩsĩã, ĩgũre buremurãre ñerõ tarimakũ iriañurã.

¹⁵ ĩgũsã ñekũsãmarã Marĩpuya kerere weredupuyunerãre wẽjẽderosũ, marĩ Opu Jesũdere wẽjẽnerã ããĩmã. Guadere gua musãya makãgue ããĩmakũ, ñerõ iri, béowiuma. Marĩpu, ĩgũsã irasirideare neõ gããmebemi. ĩgũsã ããĩpererãre gããmebema.

¹⁶ Judío masaka ããĩmerãre peamegue waabirikõãburo, ãĩrã, gua ĩgũsãre Jesũyare buedumamakũ, judío masaka Jesũre gããmemerã guare kãmutadudima. Guare ĩgũyare weredorebirima. Irasirirã ĩgũsã ñerõ iririre nemorõ irisĩã, wãro waja opama. ĩgũsã daporata Marĩpu buro wajamoãsumurã dujasiamã.

Pablo Tesalónica marãre ĩgũ dupaturi ĩãgũ waaduarire gojãdea

¹⁷ Guayarã, gua musã pũrogue ããrãnerã wiridero puru meroãgã tarikerepuru, musãre gũñanĩkõã, dupaturi buro ĩãrã waadudibu.

¹⁸ Wãri gua musãre ĩãrã waadudibu. Yu Pablo wãri: “Irogue waagura”, ãĩnadibu. Gua waaduariku, wãtĩ gapu gua waaduarire kãmutanami.

¹⁹⁻²⁰ Musãta guare usuyamakũ irirã, guare musã õãrõ iriburimarẽ gũñaturamakũ irirã ããrã. Irasirirã musãre ĩãrã waadudibu. Marĩ Opu

Jesucristo i ùmugue dupaturi aarimakù, musã òãrò irideare gũñarã, gha ìgũrê: “Ìgũsãta ããrĩma, ghare burò usuyamakù irinerã. Gha muyare buemakù pérã, marê buremunugãma. Muyare òãrò irituyaníkõãma”, ãrĩ wererãkoa. Irasirirã musã merã burò usuyãa.

3

1-2 Musãya kerere péduarã bokatĩubirikubu. Irasirirã, Timoteore: “Ìgũsãrê ìãgũ waaka!” ãrĩ iriubu. “Gha gapu Atenague dujarãkoa”, ãrĩbu. Timoteo marĩyagu, Marĩpũre moãboegu, gha merã Jesucristoya kerere buegu ããrĩmi. “Ìgũ Jesúyare buemakù pérã, gũñaturari merã ìgũrê buremunemorãkuma”, ãrĩrã, ìgũrê iriubu.

3 Musã Jesucristore buremurĩ waja gajerã musãrê ñerò iriañurã. Irasirirã, musã Jesúyare neò piribirikõãburo, ãrĩrã, Timoteore musã pũrogu iriubu. Marĩ Jesúre buremurĩ waja gajerã marĩrê ñerò irirãkuma. Irire masĩa musã.

4 Iro dupuyuro gha irogu musã merã ããrĩrã, irire ãsũ ãrĩ weresiabu: “Marĩ Jesúre buremurĩ waja ñerò tarirãkoa”, ãrĩbu. Gha ãrĩderosũta gajerã marĩrê ñerò irirã yãma. Musã irire masĩsiãa.

5 Irasirigu, musãrê: “¿Jesúre gũñaturari merã buremuníkõãkuri?” ãrĩ sêrêña, musãya kerere péduagu bokatĩubirisĩã, Timoteore iriubu. “Gũñaturanerãrê gajipoe irigu wãtĩ ìgũsãrê Jesúya buerire buremuduúmakù irikumi, gha irire ubugora bueyo”, ãrĩ gũñarikubu. Irasirigu Timoteore musã pũrogu iriubu.

6 Daporare, Timoteo, musãrê ìãgũ ejadi òõguere goejasiami. Ìgũ òãrĩ musãyare kerekũ goejami. Musã piriro marĩrò Jesúre òãrò gũñaturari merã buremurĩrê, musã gãme maĩrĩrê, ghare were goejami. Ghare maĩrĩ merã gũñaníkõãyuro. Gha musãrê ìãduarosũta, musãde ghare burò ìãduayuro.

7 Irasirirã, musã Jesúre buremurĩrê pérã, gha ñerò tarikererã, òãrò yjupũrãkuri merã usuyãa.

8 Marĩ Opũ Jesúre musã buremunímakù pérã, dapagueta siuñajãrĩ opãa.

9 Irasirirã musãrê gũñarã, Marĩpũre burò usuyari sĩa. Nasiri usuyari sĩbokatĩumasĩña máa.

10 Æmarĩ, ñamirĩ Marĩpũre: “Gha ìgũsãrê ìãrã waaburire ãmubosaka!” ãrĩ, burò sêrêa. Musãrê Jesúya kerere wereyuwarikurã waaduakoa, ìgũrê òãrò buremunemoburo, ãrĩrã.

11 Marĩpũ ããrĩngũ, marĩ Opũ Jesucristo ghare iritamuburo. Ghare musãrê ìãrã waaburire ãmu, iriuburo.

12 Marĩ Opũ musãrê nemorò gãme maĩwãgãnímakù iriburo. Gha musãrê maĩrõsũta musãde gajerã ããrĩpererãrê gãme maĩnemomakù iriburo.

13 Musãrê ìgũrê piriro marĩrò òãrò gũñaturari merã buremunímakù iriburo. Irasirirã, marĩ Opũ Jesús ããrĩpererã ìgũyarã merã i ùmugue dupaturi aarimakù, Marĩpũ ããrĩngũ ìũrõgue ìgũ iritamurĩ merã ñerĩ marĩrã, waja opamerã ããrĩrãkoa.

4

Pablo Jesúre buremurãrê: “Marĩpũ gããmerĩ direta irika!” ãrĩ gojadea

1 Daporare marĩ Opũ Jesús doreri merã musãrê ãsũ ãrĩ werea: “Gha musãrê: ‘Ãsũ iriro gããmea’, ãrĩ buederosũta irika, Marĩpũ gããmerĩ direta irimurã! Daporare musã ìgũ gããmerĩrê irirã iriayuro. Irasirirã: ‘Irire nemorò irinemoka!’ ” ãrĩ werea.

2 Gha buedeare musã masĩa. Irire buerã, marĩ Opũ Jesús doreri merã musãrê buebu.

3 Marĩpũ musãrê ñerĩ marĩrã ããrĩmakù gããmemi. Irasirirã: marãpo marĩrã, marãpokurã, marãpũ marĩrã, marãpũkurã gãmebirabirikõãka!

⁴ M̄sākũ ñerõ iri ïmurõ marĩrõ goepeyari merã m̄sã marãposã nomerẽ opaka! Gajerã m̄sã irasirimakũ ïãrã: “Õãrõ yãma”, ãrĩ ïãrãkuma.

⁵ Marĩpũre masĩmerã irirosũ, nomerẽ ñerõ iriduari merã ñaribejabirikõãka!

⁶ M̄uyagũ marãpore gãmebirarã, igo marãpũdere ñerõ irikoa. Irinorẽ iribirikõãka! Marĩpũ irasirirãnorẽ bũro wajamoãgũkumi. Gũa m̄sãrẽ irire weresiabu.

⁷ Marĩpũ marĩrẽ ñerĩrẽ iriburo, ãrĩgũ meta beyepĩdi ããrĩmĩ. ïgũ gããmerĩ direta iridoregũ, marĩrẽ beyepĩdi ããrĩmĩ.

⁸ I buerire gããmemerã, gũa direta gããmemerã meta yãma. Marĩpũdere gããmebema. Marĩpũ marĩrẽ ïgũ gããmerĩ direta iridoregũ, Õãgũ deyomarĩgũrẽ iriudi ããrĩmĩ. Õãgũ deyomarĩgũ ñerĩ opabi ããrĩmĩ.

⁹ M̄sã sugũ pũrã irirosũ gãme maĩrĩ tamerãrẽ gojabea. Marĩpũ ïgũ basi m̄sãrẽ gãme maĩdoresiadi ããrĩmĩ.

¹⁰ M̄sã irasũta iriayuro. Marĩpũ m̄sãrẽ dorederosũta ããrĩperero Macedoniague ããrĩpererã Jesũre bũremurãrẽ maĩayuro. M̄sã gãme maĩrĩ merã ããrĩkerepũrũ: “Nemorõ gãme maĩnemoka!” ãrĩ werea.

¹¹ Gãme ïãturiro marĩrõ õãrõ ããrĩrikũka! Gajerãya ããrĩrĩnorẽ gũñarikũ, ïgũsãrẽ werewũabirikõãka! M̄sãyama ããrĩburi gapũre gũña, õãrõ moãrikũ, ããrĩkõãka! Gũa m̄sã pũroque ããrĩrã, ire m̄sãrẽ weresiabu.

¹² M̄sã õãrõ moãrã, gajerãrẽ baari sãrẽbirikoa. M̄sã moãrĩ merã m̄sã baaburire oparãkoa. M̄sã irasirimakũ ïãrã, Jesũre bũremumerã goepeyari merã m̄sãrẽ ïãrãkuma.

Pablo marĩ Opũ dupaturi i ãmũgue aariburire gojadea

¹³ Gũayarã, m̄sãrẽ boanerã waaburire wereduakoa, irire masĩburo, ãrĩgũ. Jesũre bũremurã boarã, ïgũ merã ããrĩnĩrã waarãkuma. M̄sã irire masĩrã, m̄sãyarã Jesũre bũremurã boamakũ, bũro bũjawerebirikoa. Jesũre bũremumerã gapũ, ïgũsãyarã boamakũ, bũro bũjawererãkuma. ïgũsã irirosũ bũro bũjawerebirikoa.

¹⁴ Marĩ ire bũremua. Jesũs boadigue masãdi ããrĩmĩ. ïgũ dupaturi i ãmũgue aarimakũ, ïgũrẽ bũremurã boanerãrẽ Marĩpũ ïgũrẽ masũderosũta ïgũsãrẽ masũgũkumi. Masũ odo, ïgũ ããrĩrõgue ãĩmũrĩagũkumi.

¹⁵ Marĩ Opũ Jesũs weredeare m̄sãrẽ werea. Jesũs dupaturi i ãmũgue aarimakũ, ïgũrẽ bũremurã boanerã masã, ãĩmũrĩãsũrãkuma. ïgũsã pũrũ, marĩ Jesũre bũremurã okarãde ãĩmũrĩãsũrãkoa.

¹⁶ Æsũ waarokoa. Marĩ Opũ Jesũs ïgũ basita ãmũgasigue ããrĩdi bũro tũraro werenĩrĩ merã aarigũkumi. ïgũ aarimakũ, Marĩpũre wereboerã opũde werenĩgũkumi. Marĩpũyaru puridirude bũsũrokoa. Irasũ waamakũ, Jesũre bũremurã boanerã masãpũrorirãkuma.

¹⁷ ïgũsã pũrũ, marĩ okarãde Jesũre bũremurã, ïgũsã merã mikãyeborigue mũrĩã, iroque Jesũre bokatĩrĩrãkoa. Æmũgasigue ïgũ merã ããrĩnĩkõãrãkoa.

¹⁸ M̄sã basi irire gãme werenĩka! Irasirirã gãme gũñaturamakũ irirãkoa.

5

¹ Irinũ, iropã ããrĩmakũ, Jesũs dupaturi aarigũkumi, ãrĩrĩ tamerã masĩña mãa. Irasirigũ iri tamerãrẽ gojabea.

² M̄sã masĩsiãa. Sugũ yajarimasũ ñami merã gũñaña marĩrõ yajagũ ejarosũ, Jesũde marĩ gũñabiriripoe ejagũkumi.

³ Jesũre bũremumerã ïgũ dupaturi aariburi dupuyurogãrẽ: “Gũa gũiro marĩrõ õãrõ ããrĩkõãã”, ãrĩ gũñarãkuma. ïgũsã irasũ gũñaripoere ïgũsãrẽ wãri ñerĩ waarokoa. Sugo nomeõ nijĩpo ããrĩgõ, majĩgũ nijĩwãgũgõ pũrĩsũrõsũ,

Jesúre b̄remumerā irasūta gũñaña marĩrõ b̄ro ñerõ tarirākuma. Neõ sugu taribirikumi.

⁴ Masaka Jesúre b̄remumerā, naĩtĩārõgue ããrĩrã irirosũ ããrĩma. M̄sã gapu ĩgũsã irirosũ ããrĩbea. Irasirirã Jesús dupaturi i ãmũgue aarimakũ, yajarimasũrẽ ĩãgũkarã irirosũ waabirikoa.

⁵ M̄sã ããrĩpererã Jesúyarã ããrã. Irasirirã ãmũ boyorogue ããrĩrã ĩãmasĩrõsũ Jesús aariburire masĩa. Jesúre b̄remumerā gapu naĩtĩārõgue ããrĩrã irirosũ ããrĩma. Irasirirã ñami merã ĩãmasĩberosũ Jesús aariburire masĩbema.

⁶ Irasirirã ñami merã kãrĩrã irirosũ ããrĩbirikõãrã marĩ! Jesús dupaturi aariburire gũñamerã, kãrĩrã irirosũ ããrĩma. Marĩ gapu ĩgũ aariburire p̄emasĩrĩ merã gũñanikõãrã! Mejãrã irirosũ iribirikõãrã! Diayema gapure irirã!

⁷ Masaka ñamirẽ kãrĩkuma. Mejãrĩmasã ñamirẽ mejãkuma.

⁸ Marĩ Jesúyarã gapu ãmũ boyorogue ããrĩrã irirosũ ããrã. Irasirirã õãrõ p̄emasĩrĩ merã diayemarẽ irinikõãrã!

Sugu surara gãmewẽjẽrõgue waabu, ĩgũya koretibire kãmutagu, kõme surĩrore sãñakumi. ĩgũ irirosũta marĩde Jesúre b̄remurĩ merã, marĩ gãme maĩrĩ merã, wãtĩrẽ ĩgũ marĩrẽ irire pirimakũ iriduarire kãmutarã! Surara ĩgũya dipurure kãmutagu, kõme perore peyakumi. ĩgũ irirosũta marĩde, Jesús marĩrẽ taugu aariburire: “Diayeta aarigũkumi”, ãrĩ masĩrĩ merã wãtĩrẽ ĩgũ marĩrẽ: “Irasũ waabirikoa”, ãrĩgatorire kãmutarã!

⁹ Marĩpu marĩrẽ wajamoãbu meta beyepĩdi ããrĩmĩ. Marĩ ñerõ iridea wajare marĩ Opũ Jesucristo merã taubu, marĩrẽ beyepĩdi ããrĩmĩ.

¹⁰ Jesús ĩgũ merã ããrĩnikõãburo, ãrĩgũ, marĩrẽ boabosadi ããrĩmĩ, marĩ ñerõ iridea wajare wajarigu. Irasirirã ĩgũ dupaturi aarimakũ, ĩgũrẽ b̄remurã boanerã, marĩ okarãde ĩgũ merã ããrĩnikõãrãkoa.

¹¹ Irire gũñarã, m̄sã irinĩrõsũ nemorõ gãme iritamũ, gũñaturamakũ irika! Irasirirã Jesúre b̄remunemorãkoa.

Pablo Jesúre b̄remurãrẽ weretũnudea

¹² Gũayarã, m̄sãrẽ turaro merã ãsũ ãrĩ weredũakoa. Marĩ Opũya kerere m̄sãrẽ wererãrẽ goepeyari merã ĩãka! Marĩ Opũ ĩgũsãrẽ m̄sãrẽ õãrõ doreburo, ãrĩgũ, beyepĩdi ããrĩmĩ, m̄sãrẽ õãrõ ããrĩrikũburire, õãrõ iririkũburire buedoregu.

¹³ ĩgũsã m̄sãrẽ irire buerã, marĩ Opũyare õãrõ irirã yãma. ĩgũsã irasirimakũ ĩãrã, ĩgũsãrẽ b̄ro b̄remurĩ merã, b̄ro maĩrĩ merã ĩãka! Gãme turiro marĩrõ õãrõ ããrĩrikũka!

¹⁴ Gũayarã, gajĩ m̄sãrẽ ãsũ ãrĩ weredũakoa doja. Moãdũamerãrẽ moãdoreka! Gũñaturamerãrẽ gũñaturamakũ irika! Jesúre b̄remuturamerãrẽ iritamũka, ĩgũrẽ b̄remunemoburo, ãrĩrã! ããrĩpererã merã guaro marĩrõ bopoñarĩ merã õãrõ irika!

¹⁵ M̄sãrẽ gajerã ñerõ irimakũ, ĩgũsãrẽ gãmibirikoaka! Õãrĩ gapure m̄sãyarãrẽ, ããrĩpererã gajerãdere õãrõ irinikõãka!

¹⁶ M̄sã Jesúyarã ããrĩsĩã, usũyari merã ããrĩnikõãka!

¹⁷ M̄sã noó waaró, m̄sã noó ããrĩrõ, Marĩpũre gũña, ĩgũrẽ m̄sãya ããrĩburire s̄rẽnikõãka!

¹⁸ M̄sãrẽ gajinũ ñerõ waamakũ, õãrõ waamakũdere Marĩpũre usũyari s̄nikõãka! Marĩpu, marĩ Jesucristore b̄remurãrẽ irire irimakũ gããmemi.

¹⁹ Õãgũ deyomarĩgũ, m̄sã gũñarĩgue ĩgũ weremakũ, irire kãmutabirikõãka! ĩgũ dorerire õãrõ yujũka!

²⁰ Sugu Jesúre b̄remugũ Õãgũ deyomarĩgũ masĩrĩ s̄rĩ merã, Marĩpu were-doredeare weremakũ pérã, irire doo b̄ridabirikõãka!

²¹ Ubu gapu ĩgũsã weremakũ, õãrõ pékũĩnú, gũñaka! “¿Diayeta wereri?” ãrĩ masĩduarã, irasirika! Õãrĩ bueri ããrĩmakũ, iri gapure irika!

²² Noó ñerĩ ããrĩmakũ, irire iribirikõãka!

²³ Marĩpu siuñajãrĩ merã ããrĩrikumakũ irigũ musãrẽ õãrõ, ñerĩ marĩrõ, ĩgũ gããmerĩ direta iririkumakũ iriburo. Musã ñerĩ opabirimakũ, musãya gũñarĩgue õãrĩ direta opamakũ, musãya dupuri merã ñerõ iribirimakũ iriburo. Musãrẽ waja opamerã ããrĩmakũ iriburo. ĩgũ irasirimakũ, marĩ Opũ Jesucristo dupaturi aarigú, musãrẽ waja opamerã ããrĩmakũ bokajagakumi.

²⁴ Marĩpu musãrẽ ĩgũyarã ããrĩburo, ãrĩgũ, beyepídi, i ããrĩpereri ĩgũ musãrẽ: “Ãsũ irigũra”, ãrĩdeare diayeta irigagakumi.

Pablo õãdoretũnudea

²⁵ Guayarã, musãde Marĩpure guaya ããrĩburire sërẽbosaka!

²⁶ ããrĩpererã iro marã Jesũre buremurãrẽ, ĩgũ marĩrẽ maĩrõsũta maĩrĩ merã õãdoreka!

²⁷ Marĩ Opũ Jesucristo doreri merã i pũrẽ ããrĩpererã ĩgũrẽ buremurãrẽ siiu neõ, bue ĩmuka!

²⁸ Marĩ Opũ Jesucristo musãrẽ õãrõ iritamuburo.

Iropãta ããrã.

Pablo

2 TESALONICENSES

Pablo Tesalónica marãrê õãdoredea

¹ Y_u Pablo, y_u merãmarã Silvano, Timoteo merã musã Tesalónica marãrê Jesúre b_uremurãrê õãdoredea. Musã Marĩp_uyarã, marĩ Op_u Jesucristoyarã ããrã. Irasirig_u musãrê i papera pũrê gojáa.

² Marĩp_u ããrĩnĩgũ, marĩ Op_u Jesucristo musãrê õãrõ iritamu, siuñajãrĩ merã ããrĩrik_umakũ iriburo.

Pablo, Jesucristo ñerõ irirãrê wajamoãgũ aariburire gojadea

³ G_uayarã, musã Jesucristore b_uremudero nemorõ ãgũrê b_uremunemo, gãme maĩnemo iriayuro. Irasirirã g_ua musãrê gũñarã, diayema irirã Marĩp_ure us_uyari sĩnĩkõãrõ gããmea. G_ua irasirimakũ õãrokoa.

⁴ G_ua noó waaró, musãyamarê gajerãrê Marĩp_uyarãrê ãgũsã nerẽrõgue us_uyari merã werea. Musã Jesúre b_uremurĩ waja masaka musãrê ñerõ irikerep_ur_u, neõ ãgũrê b_uremuduúbea. Musãrê ñerõ waamakũdere gũñaturakõãa. Irire ãgũsãrê werea.

⁵ I merãta marĩ masĩa. Musã Marĩp_uyarã ããrĩrĩ waja gajerã musãrê ñerõ irikerep_ur_u, gũñaturanĩkõãa. Irasirig_u Marĩp_u diayema irig_u musãrê: “Yaarãrê dorerogue aarika! Yaarã, õãrã ããrã”, ãrĩg_ukumi.

⁶ Marĩp_u diayema irig_u ããrĩsĩa, musãrê ñerõ tarimakũ irinerãrê ñerõ tarimakũ irig_ukumi.

⁷⁻⁸ Musãrê ñerõ tarinerãrê, guadere õãrõ siuñajãrĩ bokamakũ irig_ukumi. Marĩ Op_u Jesús aarirĩn_u ããrĩmakũ irasirig_ukumi. Jesús ãmugasigue merã aarigũ, ãgũrê wereboerã turarã merã, peame ãjãrĩ pũrã watopegue dijarig_ukumi. ãgũya kerere péduamerãrê, Marĩp_ure gããmemerãrê b_uro wajamoãgũ aarig_ukumi.

⁹ ãgũsã ñerõ iridea waja perebiri peamegue béosũrãkuma. Irasirirã, marĩ Op_u turag_u ããrĩrõgue neõ waabirikuma. ãgũ gosewasiririre neõ ããrõ marĩrõgue béodijusũrãkuma.

¹⁰ ãgũ aarirĩn_urê ãgũyarã ãgũrê b_uremurã ããrĩpererã ãgũrê ããrãkuma. ãgũrê ããrã: “Diayeta õãtarig_u, turatarig_u, ããrĩpererã oparã nemorõ Op_u ããrĩmi”, ãrĩ, ããgũka, b_uro us_uyarãkuma. Musãde, g_ua musãrê ãgũyare buedeare b_uremusĩa, ãgũsã merã us_uyarãkoa.

¹¹ G_ua irire gũñarã, Marĩp_ure musãya ããrĩburire ãsũ ãrĩ sêrêbosanía: “G_uap_u, m_u ãgũsã y_u gããmerĩ direta irirã ããrĩburo, ãrĩgũ, ãgũsãrê beyepĩdi ããrĩb_u. Irasirig_u ãgũsãrê m_u gããmerõsũta ããrĩrik_umakũ irika! ãgũsã ããrĩpereri murê b_uremurĩ merã õãrõ irid_uarire iriyuwarik_uburo. ãgũsãrê m_u turari merã irasirimakũ irika!” ãrĩ sêrêbosãa.

¹² Musã irire irimakũ ããrã, gajerã, marĩ Op_u Jesúre goepeyari merã ããrãkuma. ãgũ musãrê: “Yaarã ããrĩma, õãrõ yãma”, ãrĩ ããgũkumi. Marĩp_u, marĩ Op_u Jesucristo musãrê iritamu, b_uro maĩmakũ, irasũ waarokoa.

2

Pablo, ñegũ aariburire gojadea

¹ G_uayarã, daporare marĩ Op_u Jesucristo aariburire, ãgũ marĩrê neeõnú, ãgũ p_urogue ãimurĩaburire weregura.

² Gajerã musãrê: “Marĩ Op_u i ãmugue dupaturi aarirĩn_u ejasiãa”, ããrĩmakũ gũñarik_ubirikõãka! Irire péwisibirikõãka! Gajerã: “Irire Õãgũ deyomarĩgũ yure

irasū ārī wereami”, gajerā: “Sugū guare irasū ārī wereami”, gajerā: “Pablosā irasū ārī gojanerā āārīmá”, ārībokuma. Irire pérā, gūñarikubirikōāka!

³ Ārīgatosūbirikōāka! Marī Opū Jesús aariburinū dupuyuro āsū waarokoa. Wārā masaka Marīpū dorerire tarinūgārākuma. Irasiriripoe sugū ñerō iri, tarinūgāgūgora deyoagakumi. Īgūta perebiri peamegue béosūbu āārīgukumi.

⁴ Īgū Marīpūre iāturigū, āārīpereri masaka Marīpūyare būremurīrē ñerō ārī werenīgukumi. Īgū direta būremumakū gāāmegukumi. Irasirigū Īgūrē būremudoregū: “Yūta āārā, ūmūgasiguemū mūsā Opū”, ārīgū, Marīpūya wi-igūe ñajāa, doanagakumi.

⁵ Yū, mūsā pūroque āārīgú, irire mūsārē werebū. ¿Mūsā irire gūñaberi?

⁶ Mūsā Īgū ñegū aariburire kāmūtagūre masā. Īgū aariburire kāmūtanemobirimakū aarīgukumi.

⁷⁻⁸ Īgū wāri ñerī iriburire marī masībirikerepū, ñerī Īgū iririno āārīsīāa. Īgū aariburire kāmūtagū gajerogue āīsūgukumi. Īgūrē āīadero pū, ñegū gapū aarīgukumi. Īgū ñerō iriri masīsūrokoa. Pū marī Opū Jesucristo dupaturi i ūmūgue aarīgú, puriri merā, Īgū turari merā ñegūrē wējēgukumi. Īgū gosewasiriri merā aarīgú, Īgūrē béodediugukumi.

⁹ Ñegū aarīgú, wātēa opū Satanás iritamurī merā ejagakumi. Irasirigū wātī turari merā wāri iri ĩmugukumi. “Ūmūgasiguema turari merā iri ĩmugū yāa”, ārīgatogukumi.

¹⁰ Wāri Īgū ñerō iriri merā perebiri peamegue waamurārē Īgū ārīgatorire būremumakū irīgukumi. Īgūsā Marīpūya diayema āārīrīrē būremubirisīā, iri ārīgatorire būremurākuma. Irasirirā tausūbirikuma.

¹¹ Īgūsā diayema āārīrīrē būremudūabiri waja, Marīpū Īgūsārē irire masībirimakū irīgukumi, ārīgatori gapūre būremuburo, ārīgū.

¹² Irasirirā āārīpererā Īgūsā Marīpūya diayema āārīrīrē būremudūamerā āārīsīā, ñerō iririre būro iridūanemorākuma. Irasirigū Marīpū Īgūsārē wajamoādediugukumi.

Pablo, Marīpū Īgū beyenerārē tauburire gojadea

¹³ Guayarā, mūsā marī Opū Jesús maīrā, Marīpū beyenerā āārā. Irasirirā guā mūsārē gūñarā, Marīpūre usuyari sīnīkōārō gāāmea. Neōgoragueta mūsārē beyedi āārīmī peamegue waabonerārē taugū. Ōāgū deyomarīgū turari merā mūsārē Īgūyarā āārīmakū iribu, mūsā diayema āārīrīrē būremuburo, ārīgū, beyedi āārīmī. Irasirirā tausūmurā āārā.

¹⁴ Marīpū Īgū tauri kerere guā mūsārē buedea merā mūsārē siiudi āārīmī, marī Opū Jesucristo ōārī oparire Īgū merā opaburo, ārīgū.

¹⁵ Irasirirā piriro marīrō gūñaturaka! Guā mūsā pūroque āārīrā buedeare, irasū āārīmakū guā mūsārē gojadeare gūña, irire iritūyaka!

¹⁶⁻¹⁷ Marī Opū Jesucristo basita, irasū āārīmakū Marīpū āārīnīgū mūsārē āārīpereri mūsā werenírī, mūsā iririkurire gūñaturari merā ōārō āārīrikūmakū iriburo. Marīpū marīrē bopoñarī merā maīgū, perebiri gūñaturari opamakū irigū, Īgū ōārī sīburire: “Oparākoa”, ārī masīmakū irigū āārīmi.

3

Pablo: “Guaya āārīburire Marīpūre sērēbosaka!” ārī gojadea

¹ Guayarā, mūsārē āsū ārī gojatūnua. Guaya āārīburire Marīpūre sērēbosaka! Mūsā, guā marī Opūya kerere buedeare pé būremubū. Irasirirā, wārā masaka mūsā iriderosūta guā buerire pé būremuburire, Īgūsā guare ōārō bokatīrīñēāburire Marīpūre sērēbosaka!

² Surāyeri masaka Jesúya kerere buremubema. Irasirirā masaka diayema irimerā ñerā guare ñerō iribirikōāburo, ārīrā, Marīpure serebosaka!

³ Marī Opu: “Āsū irigura”, ārīderosūta musārē gūñaturamakū irigukumi. Ñegūrē, musārē ĩgū ñerō iriduarire kāmuhagukumi.

⁴ Gua musārē iridorederosūta irirā irikoa. “Irire marī Opu iritamurī merā oārō irinikōārākuma”, ārī buremua.

⁵ Marī Opu Jesucristo, Marīpu musārē maĩrĩrē masĩnemomakū iriburo. ĩgū ñerō tarigu gūñaturaderosūta musādere gūñaturamakū iriburo.

Pablo moādoredea

⁶ Guayarā, Jesucristo marī Opu wāi merā ĩgū dorero merā musārē werea. Gajerā Jesúre buremurā moāduamerārē, gua musārē buedeare irituyamerārē wapikunemobirikōāka!

⁷ Musā masā. Musādere gua iriderosūta iriro gāāmea. Gua musā merā āārĩrā, gajino iriro marĩrō āārĩbiribu.

⁸ Neō sugure wajamarĩrō sērē, baabiribu. Musārē gariboduhamerā, umurĩ, ñamirĩ gua baaburire moā wajatabu.

⁹ Gua musārē bueri waja: “Guare baari ejoka!” ārĩbonerā āārĩkererā, neō irasū ārĩbiribu. Musārē: “Āsū iriro gāāmea”, ārĩ ĩmuharā gua basi moā wajata baabu.

¹⁰ Gua musā merā āārĩrā, musārē āsū ārĩbu: “Baaburi moā wajataduhabino baabirikōāburo”, ārĩbu.

¹¹ Gajerā musā iriri kerere guare āsū ārĩ werema: “Surāyeri ĩgūsā merā moāmerā āārĩma. Moābirikererā, wāri irimoāmarĩ merā gajerārē garibogorenarā yāma”, ārĩma.

¹² Gua marī Opu Jesucristo wāi merā ĩgū dorero merā irasirirānorē: “Irimoāmarĩrē iropāta irika! Musā baaburire, musā gāāmerĩnorē moā wajataka!” ārĩ werea.

¹³ Guayarā, gariborero marĩrō oārĩrē irinikōāka!

¹⁴ Gua dorerire i pūgue gojarire tarinugāgūnorē ĩāmasĩ, ĩgūrē gūyasĩūrō tariburo, ārĩrā, wapikubirikōāka!

¹⁵ ĩgūrē wapikubirikererā, musārē ĩaturigure irirosū ĩābirikōāka! Musā pagumarē wererosū ĩgūrē wereka, oārĩrē iriburo, ārĩrā!

Pablo oādotĩnudea

¹⁶ Marī Opu ĩgū basi marĩrē siuñajārĩ merā oārō āārĩrikumakū irigu musārē āsū iriburo. Musā noó waaró, musārē gajerosū waamakū, siuñajārĩ sĩnikōāburo. Musā āārĩpererā merā āārĩburo.

¹⁷ Yu Pablo, yu basita i oādorere gojāa. Yu musārē gojanarōsūta gojāa. Irasirirā musā: “ĩgūta gojañumi”, ārĩ ĩāmasĩrākoa.

¹⁸ Marī Opu Jesucristo musā āārĩpererārē oārō iritamuburo. Irasūta iriburo. Iropāta āārā.

Pablo

1 TIMOTEO

Pablo Timoteore ðãdoredea

¹ Y_H Pablo m_Hrē ðãdoredea. Jesucristo, Marĩ_H marĩrē peamegue waabonerãrē taug_H dorederosũta y_Hre pídi ããrĩmĩ ĩgũyare buedoreg_H. ĩgũrēta, ĩgũ marĩrē ðãrō iriburire yũrã yáa.

² M_H diayeta y_H magũ irirosũ ããrĩgũ ããrã. Irasirig_H m_Hrē ire gojáa. Marĩ_H ããrĩnĩgũ, marĩ Op_H Jesucristo m_Hrē iritamũ, bopoñarĩ merã ĩã, siuñajãrĩ merã ããrĩrik_Hmakũ iriburo.

Pablo ãrĩgatori merã buerire pédorebiridea

³ Y_H Macedonia nikũgue waagũ, m_Hrē Efesogue dujadoreb_H, irore surãyeri ãrĩgatori merã buerãrē: “Iropãta bueka!” ãrĩ weredoreg_H.

⁴ ĩgũsãrē: “Iripoegue marã ĩgũsã basi ĩgũsã gũñarĩ merã kere wereunadeare, m_Hsã ñekũsãmarã iririk_Hunadeare gũñanĩbirikõãka!” ãrĩ wereka! Marĩ irire gũñanĩrã, iri merã gãme guaseo, Marĩ_H marĩrē iridorerire iribea. “Marĩ_H y_Hre iritamug_Hkumi”, ãrĩ b_Hremurĩ merãta ĩgũ marĩrē dorerire irimasãa.

⁵ Marĩ_H marĩrē: ñerĩrē opamerã, ĩgũ ĩũrō waja opamerã ããrã, ãrĩ gũñarã, diaye Jesucristore b_Hremurã ããrĩmakũ gããmemi. Irasirig_H ðãrĩrē doremi. Marĩ irasũ ããrĩrã, ĩgũrē, gajerãdere ðãrō maĩrãkoa.

⁶ Surãyeri irire t_Hyanemobema. Irasirirã gaji ubu ããrĩrĩrē gãme guaseoma.

⁷ Marĩ_H Moisére doreri pídeare gajerãrē buerimasã ããrĩd_Hakererã: “I ãsũ ãrĩd_Haro yáa”, ãrĩ buekererã, ĩgũsã buerire p_Hmasĩbema.

⁸ Marĩ masãa. Marĩ_H Moisére doreri pídeare diaye buemakũ ðãgoráa. Marĩ_H, masakare iri dorerire tarin_Hgãrĩrē masĩdoreg_H, irire pídi ããrĩmĩ.

⁹ Iri dorerire buerã, ire masĩrō gããmea. Marĩ_H iri dorerire píg_H, diayema irirãrē diayema iridoreg_H meta pídi ããrĩmĩ. Iri dorerire irimerã gap_Hre irire pídi ããrĩmĩ, diayema gap_Hre masĩburo, ãrĩgũ. Iri dorerire tarin_Hgãrãrē, ñerãrē, ñerō iririk_Hãrē, ĩgũrē b_Hremumerãrē, ĩgũya buerire gããmemerãrē, ĩgũsã pag_Hsãmarãrē w_Hjãrãrē, masakare w_Hjãbéorãrē,

¹⁰ nome merã ñerō irirãrē, ũma merã ñerō irirã nomerē, ũma seyaro ñerō irirãrē, nome seyaro ñerō irirãrē, masakare ñeã gajerãguere duarãrē, ãrĩgatorik_Hãrē, ãrĩgatori merã: “Ãsũ irirãkoa”, ãrĩdeare irimerãnorē, ããrĩpererã ðãrĩ buerire kãmutad_Harãrē iri dorerire pídi ããrĩmĩ.

¹¹ I ðãrĩ bueri, Marĩ_H masakare tauri kerere wereri ããrã. Marĩ_H ðãtarig_H y_Hre i kerere masakare weredoreg_H pídi ããrĩmĩ.

Pablo, Marĩ_H ĩgũrē bopoñarĩ merã ĩãrĩrē gojadea

¹² Y_H marĩ Op_H Jesucristore _Hs_Hyari sãa. ĩgũ y_Hre: “Õãrō bueg_Hkumi”, ãrĩ gũñagũ ĩgũyarãrē iritamudoreg_H beyepídi ããrĩmĩ. Irasirig_H ĩgũ turarire y_Hre sĩdi ããrĩmĩ.

¹³ Iro dupuyurogue y_H Jesucristore ñerō werenĩ, ĩgũrē b_Hremurãrē ñerō iri: “ĩgũ ðãbemi”, ãrĩnab_H. Y_H ĩgũrē b_Hremubirisĩã, y_H ñerō iririre: “Ñerō irig_H irikoa”, ãrĩ gũñabirisĩã, irasirib_H. Irasirikerep_H, Marĩ_H y_Hre bopoñarĩ merã ĩãgũ, beyedi ããrĩmĩ.

¹⁴ Marĩ Op_H y_Hre b_Hro maĩgũ ðãrō irimi. ĩgũ y_Hre Jesucristore b_Hremumakũ, gajerãdere maĩmakũ irimi. Marĩrē Jesucristo merã ĩgũrē b_Hremumakũ, gajerãdere maĩmakũ irimi.

¹⁵ I yu wereburi diayeta ããrã. Æãrĩpererã irire buremurõ gããmea. Jesucristo ñerõ irirãrẽ ïgũsã ñerĩ iridea wajare taugu, i umugwere aaridi ããrĩmĩ. Yuta ããrĩpererã nemorõ ñerõ iritarinugãdi ããrã.

¹⁶ Yu irasũ ããrĩkerepuru, Marĩpu yure bopoñarĩ merã ïãmi. Irasirigu, Jesucristo yure neõ perebiri bopoñarĩrẽ masĩmakũ irimi. Gajerãrẽ Jesucristore buremurãrẽ ïgũ yure bopoñarõsũta ïgũsãdere bopoñarĩrẽ masĩmakũ irigukumi. Puru ïgũsãrẽ ïgũ puro perebiri okari opamakũ irigukumi.

¹⁷ Irasirirã Marĩpuru: “Õãtarigu, turatarigu ããrã”, ãrĩ, usuyari sĩnĩkõãrã! ïgũta marĩ Opu ããrĩnĩkõãgukumi. ïgũ neõ boabirikumi. ïgũ suguta Marĩpu ããrĩmi. Deyomarĩgũ, masĩtarigu ããrĩmi. Irasũta ããrĩmi.

¹⁸⁻¹⁹ Timoteo, mu yu magũ irirosũ ããrã. Irasirigu yu murẽ: “Æsũ irika!” ãrĩ werea. Iro dupuyuro Marĩpu marĩyarãrẽ mu iriburire murẽ weredoredi ããrĩmĩ. Irasirigu, ïgũsã murẽ: “Marĩpuyare ïgũ turaro merã ãsũ irigukoa”, ãrĩ werederosũta ïgũrẽ buremurĩrẽ piriro marĩrõ gũñaturari merã irika! “Marĩpu ïũrõ ñerõ iridea waja opabea”, ãrĩ, õãrõ gũñagũ ããrĩka! Surãyeri: “Ñerĩrẽ iribirikõãrõ gããmea”, ãrĩ gũñakererã, ñerõ irima. Irasirirã Jesuyare buremurĩrẽ poyanorẽma.

²⁰ I, Himeneorẽ, Alejandrore irasũta waabu. Irasirigu ïgũsã pẽrãrẽ wãtẽa opu Satanás ïgũ gããmerõ iriburo, ãrĩgũ, Jesũre buremurã merã ããrĩnemodobiribu. Marĩpuru ñerõ ãrĩ werenĩnemobirikõãburo, ãrĩgũ, irasiribu.

2

Marĩpuru sërẽrã ãsũ iriro gããmea, ãrĩ gojadea

¹ Musãrẽ ãsũ iridorepuroria. Æãrĩpererãya ããrĩburire Marĩpuru sërẽbosaka! ïgũsãrẽ õãrõ iritamu, bopoñarĩ merã ïãburo, ãrĩrã, ïgũsãrẽ sërẽbosaka! ïgũrẽ: “Mu merã usuyãa”, ãrĩka!

² Oparãya ããrĩburire, masakare dorerã ããrĩpererãya ããrĩburidere Marĩpuru sërẽbosaka, õãrõ doreburo, ãrĩrã! ïgũsã õãrõ doremakũ, gopeyari merã Marĩpuru buremu, ïgũ gããmerĩ direta iri, õãrõ siuñajãrĩ merã ããrĩrikurãkoa.

³ Marĩ gajerãya ããrĩburire Marĩpuru sërẽbosamakũ õãgorãa. Irire marĩ irimakũ ïãgũ, Marĩpu marĩrẽ taugu usuyari merã marĩrẽ ïãmi.

⁴ ïgũta ããrĩpererã masakare perebiri peamegue waabirimakũ gããmemi. Diayema ããrĩrĩdere masĩmakũ gããmemi.

⁵ ïgũ suguta Marĩpu ããrĩmi. Jesucristo, Marĩpu merã marĩ masakare õãrõ ããrĩmakũ ãmubosagu suguta ããrĩmi. ïgũ marĩ irirosũ dupukugũ ããrĩmi.

⁶ ïgũ curusague boari merã ããrĩpererã masakare ïgũsã ñerĩ iridea wajare wajaribosadi ããrĩmĩ ïgũsãrẽ taugu. Irasirigu Marĩpu ïgũ masakare irire masĩmakũ iriripoe ejamakũ, iri kerere wererãrẽ weredoremi ããrĩpererã masĩburo, ãrĩgũ.

⁷ Jesucristo judío masaka ããrĩmerãrẽ iri kerere weredoregu, ïgũsãrẽ ïgũrẽ buremurĩrẽ, ïgũyama diaye ããrĩrĩrẽ yure buedoregu pími. Irire diayeta murẽ werea. Ærĩgatogu meta yãa.

⁸ Yu ããrĩperero marã umarẽ guaro marĩrõ, gãme guaseoro marĩrõ Marĩpuyare õãrõ irirãrẽ mojõrĩ soemu, Marĩpuru sërẽmakũ gããmea.

⁹ Nomerẽ, uma merã ñerõ irirã nome sãñarõsũpero sãñabirimakũ gããmea. Õãrõ keoro ïgũsãrẽ ejari surire sãñaburo. Gajerã ïgũsãrẽ: “Õãrõ deyoma”, ãrĩ gũñamakũ iriduarã, ïgũsãya poañapure wuñapuwea nome ããrĩduari direta gũñarikubirikõãburo. ïgũsãya dupuridere oro merã, perla wãikuri yeri

wajapari yeri merã iridea merã mamubirikõãburo. Wajapari surídere sãñabirikõãburo.

¹⁰ Masaka ìgūsārē: “Õārã ãārĩma”, ãrĩ gũñaburo, ãrĩrã, ãsũ gapu iriburo. Gajerã nome: “Marĩpũre bũremua”, ãrĩrã nome irirosũta õãrĩrē iriburo.

¹¹ Jesúre bũremurã nerērõgue nerērãrē Marĩpũyare buerimasã bueripoere nome werenírõ marĩrõ bũremurĩ merã péburo.

¹² Mũsã nerērõgue nerēmakũ, nome ùmarē buebirikõãburo. Ìgūsārē dorebirikõãburo. Werenírõ marĩrõ buerimasã buerire péburo.

¹³ ãsũ ãārã. Marĩpũ Adãrē iripũroridi ãārĩmĩ. Pũru Evare iridi ãārĩmĩ.

¹⁴ Adán, wãtĩ ãrĩgatosũdi meta ããrĩdi ããrĩmĩ. Eva gapu wãtĩ ãrĩgatorire bũremusĩã, Marĩpũ dorerire tarinũgãdeo ããrĩmó.

¹⁵ Irasũ ããrĩkererũru, igo pũrãkũdea merã* Jesúre bũremu, gajerãrē mã, ñerõ iribiri, diayema gapure irirãno tausũrãkuma.

3

Jesúre bũremurã oparãyamarē gojadea

¹ I yu wereburi diayeta ãārã. Sugu Jesúre bũremurã opu ããrĩduagu, õãrĩ moãrĩrē iriduagu ããrĩmĩ.

² Irasiridũaguno ãsũ ããrĩburo. Masaka: “Ñerõ irigu ããrĩmĩ”, ãrĩsũña marĩgũ, sugoreta marãpokũgu, pémasĩrĩ merã iririkũgu, diayemarē irigu, masaka bũremusũgũ, Ìgũya wii gãmeñajãrã ejarãrē õãrõ bokatĩrĩñeãgũ, gajerãrē õãrõ buegu ããrĩburo.

³ Neõ mejãbi, gãmekẽãduabi, gajerã merã guaseobi, ñerõ iriri merã niyeru wajatadũabi ããrĩburo. Irasirirono irigu: masakare bopoñarĩ merã iritamugũ, niyerure ùaribejabi ããrĩburo.

⁴ Ìgũya wii marãrē õãrõ doremasĩgũ, Ìgũ pũrãrē bũremurĩ merã Ìgũrē õãrõ yũjumakũ irigu ããrĩburo.

⁵ Ìgũya wii marãrē doremasĩbi, Marĩpũre bũremurĩ bumarãrē irota nemorõ koremasĩbirikumi.

⁶ Sugu Jesúre bũremurã opu ããrĩduagu maama bũremunũgãgũ ããrĩbirikõãburo. Maama bũremunũgãgũ gajipoe irigu Ìgũ: “Gajerã nemorõ ãārã yu”, ãrĩ gũñabokumi. Irasũ ãrĩ gũñagũ, wãtĩ gũñaderosũ gũñabokumi. Irasirigu Marĩpũ wãtĩrē wajamoãderosũ Ìgũrē iribokumi.

⁷ Irasirigu Jesúre bũremurã opu ããrĩbu Jesúre bũremumerã: “Õãgũ ããrĩmĩ”, ãrĩsũgũ ããrĩburo. Ìgũ õãrĩrē iribirimakũ ìãrã, Ìgũrē ñerõ werenĩbokuma. Wãtĩ Ìgũrē ñerĩ iridorerire iribokumi.

Jesúre bũremurã oparãrē iritamurãyamarē gojadea

⁸ Jesúre bũremurã oparãrē iritamurãde masaka bũremusũrã ããrĩburo. ãrĩgatori marĩrõ wererã, mejãmerã, ñerõ iriri merã niyerure wajatadũamerã ããrĩburo.

⁹ Jesúya diayema ããrĩrĩrē Marĩpũ marĩrē Ìmudeare piriro marĩrõ bũremurã: “Marĩpũ ìũrõ waja opabea”, ãrĩ gũñarã ããrĩburo.

¹⁰ Ìgūsãrē sóoburi dupuyuro Ìgūsã ããrĩrikũrere õãrõ ìãburo. Pũru Ìgūsã õãrõ ããrĩrikũrere ìã odo: “Waja opabema”, ãrĩ, Ìgūsãrē sóoburo.

* **2:15** Génesis 3.15: Eva Marĩpũ dorerire tarinũgãdero pũru, Marĩpũ ããrĩngũ pĩrũrē ãsũ ãrĩdi ããrĩmĩ: “Igo nomeõ mũrē ìãduabirikumo. Dapagã merã igo parãmerã ããrĩturiarãde mũ parãmerã ããrĩturiarãrē ìãduabirikuma. Mũ, sugu igo parãmerã ããrĩturiagũya gubure kũrĩmakũ, Ìgũ gapu mũya dipurure kũramutũgũkumi”, ãrĩdi ããrĩmĩ. Irasirigu Jesús, Eva pũrãkũdi parãmerã ããrĩturiagũta, marĩ Ìgũrē bũremurãrē taugu ããrĩmĩ.

¹¹ Jesúre b̄remurã oparãrẽ iritamurã nomede irasũta masaka b̄remusũrã ããrĩburo. Gajerãrẽ ñerõ kere ãrĩ weremerã nome, pémasĩrĩ merã irirã nome, õãrĩrẽ irinĩrã nome ããrĩburo.

¹² Sugu Jesúre b̄remurã oparãrẽ iritamugũ sugoreta marãpokugũ, ãgũ pũrãrẽ, gajerãrẽ ãgũya wii marãrẽ õãrõ doremãsigũ ããrĩburo.

¹³ Jesúre b̄remurã oparãrẽ iritamurã õãrõ iritamumakũ ããrã, gajerã ãgũsãrẽ: “Õãrõ yãma”, ãrĩrãkuma. Irasirirã gũiro marĩrõ gũyasĩrĩrĩ marĩrõ gũnaturari merã ãgũsã Jesucristore b̄remurĩrẽ gajerãrẽ wererãkuma.

Jesúyamarẽ gojadea

¹⁴⁻¹⁵ Mata yũ mũ pũroque waadũadãa. Waadũakeregũ, gajipoe irigũ waa-masĩbiribokoa. Irasirigũ i pũ merã mũrẽ: “Marĩpũ pũrã ãsũ iriburo”, ãrĩ were gojáa. Marĩpũ pũrã Jesúre b̄remurĩ bumarã Marĩpũ okanígũyarã ããrĩma. ãgũsãta Marĩpũya diayemarẽ b̄remurã, gajerãrẽ irire buerã ããrĩma.

¹⁶ Marĩ: “I diayeta ããrã”, ãrĩ masĩa. Marĩpũya diayema, marĩ dupuyuro masĩbiridea, ãgũ marĩrẽ ãmudea õãtaria. I ãsũ ããrã:

Marĩpũ magũ marĩ irirosũ dupũkugũ deyoadi ããrĩmĩ. Õãgũ deyomarĩgũ: “ãgũ diayema irigũ ããrĩmĩ”, ãrĩrĩrẽ marĩrẽ masĩmakũ iridi ããrĩmĩ.

Marĩpũre wereboerã ãgũrẽ ããnerã ããrĩmã. ãgũyarã ãgũya kerere ããrĩperero marãrẽ werenerã ããrĩmã. Irasirirã i ãmũguere masaka ãgũrẽ b̄remunerã ããrĩmã. Pũrũ Marĩpũ ãmũgasigue ãgũrẽ ããmũrĩadi ããrĩmĩ.

4

Pablo Timoteore Jesúre b̄remudinerã ãgũrẽ b̄remuduũrãymarẽ gojadea

¹ Õãgũ deyomarĩgũ ire pémasĩma õãrõ marĩrẽ weremi. I ãmũ pereburi dupuyuro surãyeri masaka Jesúre b̄remudinerã ãgũrẽ b̄remuduũrãkuma. Wãtãa ãrĩgatorire, wãtãaya buerire pẽtũyarãkuma.

² Irigatorikũrã irire buemakũ pérã: “Õãrĩ bueri ããrã”, ãrĩ gũñarãkuma. ãrĩgatori merã buekererã, ãgũsã basi: “Ñerõ irirã yãa”, neõ ãrĩ gũñabirikuma.

³ Masakare: “Marãpokũbirikõãka! I baarire baabirikõãka!” ãrĩma. Marĩpũ ããrĩpereri marĩ baaburire iridi ããrĩmĩ. Irasirirã marĩ Jesúre b̄remurã diayemarẽ masĩrã, ãgũrẽ: “Õãa”, ãrĩ, ãmũyari sĩ odo, baarire baamasĩa.

⁴ ããrĩpereri Marĩpũ iridea õãrĩ ããrã. Irasirirã ãgũ irideare: “Gããmebea”, ãrĩbirikõãrã! ãgũrẽ: “Õãa”, ãrĩ, ãmũyari sĩ odo, baaro gããmea.

⁵ Marĩpũ ãgũ irideare: “Õãa”, ãrĩ weresiadi ããrĩmĩ. Irasirirã marĩ baaburi dupuyuro ãgũrẽ: “Õãa”, ãrĩ, ãmũyari sĩmakũ, marĩ baarire õãrĩ waamakũ yãmi.

Pablo Jesúre moãboegũymarẽ werede

⁶ Mũ, i yũ weredeare Jesúre b̄remurãrẽ buegũ, Jesucristore õãrõ moãboegũ ããrĩgũkoa. Irasirigũ Marĩpũya werenĩrĩ marĩ b̄remurĩrẽ, ãgũyare õãrĩ buerire mũ õãrõ iritũyarire gũnaturari merã b̄remunemogũkoa.

⁷ Masaka i ãmũmarẽ ãgũsã basi ãgũsã gũñarĩ merã kere wererire pẽbirikõãka! Iri Marĩpũya ããrĩbea. Marĩpũ gããmerĩ direta iritũyawãgãnĩka!

⁸ Marĩ õãrõ moãpaumakũ õãgorãa. I nemorõ Marĩpũ gããmerĩrẽ õãrõ irimakũ õãtaria. ãgũ gããmerĩrẽ iripaurã, i ãmũguere marĩ ãgũ merã õãrõ ããrã. Pũrũ ãmũgasiguedere ãgũ merã ããrĩrãkoa.

⁹ Iri yũ wereri diayeta ããrã. ããrĩpererã irire: “Diayeta ããrã”, ãrĩ b̄remurõ gããmea.

¹⁰ Irasirirã marĩ gajerãrẽ Marĩpũyare buerã, ñerõ tari, bũro moãa. Marĩpũ okanígũ marĩrẽ õãrõ iriburire ãmũyari merã yúsĩa, irasũ yãa. ãgũ ããrĩpererãrẽ taugũ ããrĩmĩ. Jesúre b̄remurã direta taugũkumi ãgũ pũro ããrĩburo, ãrĩgũ.

11 Jesúre b̄remurārē iri āārīpereri ȳ āārīrē iridore, bueka!

12 Gajerā, m̄ maam̄ āārīmakū ĩārā, m̄rē péduabiribokuma. Irasiriḡ, Jesúre b̄remurārē m̄rē péburo, ārīgū, ōārīrē wereníka! Ōārō iriníka! Gajerārē maíka! Jesúre b̄remut̄yaníkōāka! Marīp̄ ĩūrō ñerī marīgū āārīka! M̄rē ĩākūĩburo, ārīgū, irasirika!

13 Ȳ, m̄ p̄roque ejaburo dupuyuro Jesúre b̄remurā nerērārē Marīp̄yare gojadea p̄rē bue ĩmuka! Ĩgūsārē: “Āsū āārīrikuka!” ārī wereka! Marīp̄yare ōārō bueka, ĩgūsā irire mas̄nemoburo, ārīgū!

14 Iro dupuyuro Marīp̄ Jesúre b̄remurā oparā m̄rārē m̄rē weredoredi āārīmí. Irasiriḡ, ĩgūsāya mojōrī merā m̄rē ñapeomakū, ĩgū turarire s̄di āārīmí, ĩgū weredorederosūta m̄ ĩgūyare irimasīburo, ārīgū. Irasiriḡ, ĩgū m̄rē irimasīrī s̄rīrē k̄tibirikōāka!

15 Irire gūña, iriníka, āārīpererā m̄ Marīp̄yare irimas̄nemowāgārire ĩāburo, ārīgū!

16 “¿Ōārō iriḡ yári?” ārī gūñagū, m̄ iririkurire, gajerārē m̄ buerire gūñaka! Ōārī direta iriníka! Irasirirā m̄, m̄rē pénerāde tausūrākoa.

5

Pablo Timoteore: “Jesúre b̄remurārē āsū irika!” ārī gojadea

1 M̄rārē turibirikōāka! M̄p̄are m̄ ōārō irirosūta m̄rādere ōārō b̄remurī merā wereka! M̄ paḡp̄rārē m̄ ōārō irirosūta maamarādere b̄remurī merā wereka!

2 M̄pore m̄ ōārō irirosūta m̄rā nomedere ōārō b̄remurī merā wereka! M̄ paḡp̄rā nomerē m̄ ōārō irirosūta nóomedere ñerō Ɂaribejaro marīrō ōārō b̄remurī merā wereka!

3 Wapiweyarā nome iritamusūña marīrārē iritamuka!

4 Wapiweyo p̄rāk̄deo āārīmakū, parāmerāk̄deo āārīmakūdere ĩgūsā igore iritamuburo, igo ĩgūsārē masūdea waja. Irasū iritamurā, Marīp̄ ĩgūsāyarārē iritamudorederosūta irirā yáma. ĩgūsā irasiriri merā Marīp̄are ɁɁyari merā ĩāmakū yáma.

5 Bopogo wapiweyo igoyarā marīgō: “Marīp̄ ȳre iritamuḡkumi”, ārī gūñamo. Irasirigo Ɂm̄rī, ñamirī Marīp̄are: “Iritamuka ȳre!” ārī s̄erēníkōāmo.

6 Gajego wapiweyo igo gāāmerī direta irimoāmagō, okago āārīkerego, boadeo irirosū Marīp̄ gāāmerīrē irimas̄beo āārīmo.

7 Iri āārīpereri wapiweyarā nomerē iritamurīmarē ȳ m̄rē gojarire Jesúre b̄remurārē wereka, gajerā ĩgūsārē: “Ñerō yáma, ĩgūsāyarārē iritamubema”, ārī werew̄abiririkōāburo, ārīgū!

8 Sugu ĩgūyarārē, ĩgūya wii marādere ōārō korebi: “Jesúre b̄remubea”, ārīgū irirosū yámi. Jesúre b̄remumerā nemorō ñerō iriḡ āārīmí.

9 Wapiweyarā nomerē iritamuburi dupuyuro, papera p̄gue āsū āārīrā nomerē gojatúka! B̄ro, sesenta bojori nemorō opago, suḡreta marāp̄k̄deo āārīburo.

10 Masaka: “Igo ōārīrē irigo āārīmo”, ārīsūgō, igo p̄rārē ōārō masūdeo, igoya wiire gāmeñajārā ejarārē ōārō bokatīrīñeāgō, moāboego irirosū Jesúre b̄remurārē iritamugō, ñerō tarirārē iritamugō, āārīpererārē bopoñarī merā ĩāgō, gajino ōārīrē irinígō āārīburo.

11 Wapiweyarā nome, nóomeweya nome āārīmakū, i papera p̄gue gojatúbiririkōāka! ĩgūsā Cristoyare iriduaro nemorō Ɂma merā āārīduarā, dupaturi marāp̄k̄duabokuma.

12 Irasū ĩgūsā dupaturi marāp̄kurā, ĩgūsā: “Marāp̄ marīgō, Cristoya direta irigokoa”, ārīdeare iribiribokuma. Irire iribiridea waja, waja opabokuma.

13 Īgūsā dupaturi marāpukamerā, térīkurā, gajerāya wiirigue gāmeñajāgorenarā, gajerārē ñerī kerere werenírā, gajerārē Īgūsāyamarē sērēñarikurā, gajerā Īgūsārē weredorebirideareta masakare weregorenarā dujabokuma.

14 Irasirigu: “Īgūsārē, gajerā wapiweyarā nome murārē iritamurōsū iritamubirikōārō gāāmea”, ārī werea. Dupaturi marāpuku, pūrākaburo doja. Īgūsāya wii marārē ōārō koreburo. Īgūsā irasirimakū, ñegū marīrē iāaturigu masakare Īgūsārē: “Ñerīrē irirā yāma”, ārī werewuamakū iribiribokumi.

15 Surāyeri wapiweyarā nome Cristoyare pirikōā, wātēa opu Satanāya gapure irituyasiamā.

16 Jesúre b̄remurā, Īgūsāyarā wapiweyarā nome āārīmakū Īgūsārē iritamuburo. Jesúre b̄remurī bumarāguere Īgūsārē iritamudorebirikōāburo. Irasirirā Jesúre b̄remurī bumarā gajerā wapiweyarā nome iritamuña marīrā gapure iritamumasīma.

17 Jesúre b̄remurā oparā murā Īgūsāyarārē ōārō dorerārē gajerārē b̄remurō nemorō b̄remurō gāāmea. Īgūsā ōārō moārī waja ōārō wajariburo. Surāyeri Marīpuyare wererā, Īgūsāyarārē buerā āārīma.

18 Marīpuya werenírī gojadea pūgue, sugū moāgūrē marī wajariburire āsū ārī gojasūdero āārībá: “Weku trigo yeri gasirire Īgūya guburi merā kura koro, trigore baadugū baaburo. Īgūya disi túsārī berore túsābirikōāka!” ārī gojasūdero āārībá. Gajero āsū ārī gojasūdero āārībá: “Moāgūrē Īgū moārī wajare wajariro gāāmea”.

19 Sugūta Jesúre b̄remurā opuere: “Ñerīrē iriami”, ārī werewuamakū pébirikōāka! Pērā o urerā Īgū irideare iānerā Īgūrē werewuarire péka!

20 Jesúre b̄remurā nerērōgue āārīpererā péurogue ñerō irigure: “Irire neō irinemobirikōāka!” ārī wereka, gajerā güirā, Īgū irirosū iribirikōāburo, ārīgū!

21 Yu, Marīpu iūrō, Jesucristo iūrō, irasū āārīmakū Marīpure wereboerā Īgū beyenerā iūrōguedere murē āsū ārī weregura. Yu murē dorerire irigu, āārīpererā Jesúre b̄remurārē b̄remurī merā s̄rosū iāka! Musā surāyeri Īgūsārē ōārō irirosū, gajerā Īgūsā watope marādere s̄rosū ōārō irika!

22 Gajerārē Jesúre b̄remurā oparā āārīmurārē m̄ya mojōrī merā ñapeo, Īgūsārē sóoburi dupuyuro Īgūsā āārīkurire ōārō iāpurorika! Ñerīrē irirārē sóogu, Īgūsā irirosūta mude ñerō irigu āārībokoa. Āārīpereri ñerīrē iribita āārīrikuka!

23 Mu paru pūrīrī opagu āārā. Irasirigu irire kúku, deko direta iiribirikōāka! Mérōgā igui deko pāmudeadere iirīka!

24 Mu Jesúre b̄remurā oparā āārīmurārē Īgūsā āārīkurire iāgū, ire ōārō masīka! Marīpu ñerārē wajamoāburi dupuyuro surāyeri masaka Īgūsā ñerīrē iririre marī iāmasīa. Gajerā gapure Īgūsā ñerī iririre iāmasībea. Marīpu āārīpererā ñerārē wajamoārīnu āārīmakū, Īgūsā ñerī irideare masīrākoa.

25 Irasūta masaka Īgūsā ōārī iririre iāmasīsūa. Gajerā Īgūsā ōārīrē iririre daporare iāmasībirikererā, purugue masīrākoa.

6

1 Moārīmasā Jesúre b̄remurā Īgūsā oparā dorerire goepeyari merā iriburo. Īgūsā irasirimakū iārā, gajerā Marīpure, marī bueridere ñerō ārī werenībirikuma.

2 Īgūsā oparā Jesúre b̄remurā āārīmakū: “Īgūsā guare dorebirikōārō gāāmea”, ārī güñabirikōāburo. Irasū güñarōno irirā Īgūsā dorerire b̄remurī merā iriburo. “Marī oparā Jesúre b̄remurā āārīmakū, Īgūsārē maña, irasirirā

Īgūsārē òārō moāboerākoa”, āri gūñaburo. I yu were gojarire Jesúre buremurārē bueka!

Marĩpure buremurĩmarē, òārō āārĩrikurimadere gojadea

³ Masakare āriḡatori merā buerā marĩ Opu Jesucristoya diayema āārĩrĩrē buedeare buremubema. Marĩpuyare marĩ buremurĩrē gāāmemerā āārĩma.

⁴ “Gajerā nemorō masĩa”, āri gūñakererā, diayemarē neō masĩbema. Pémasĩmerā irirosū masaka werenĩrĩrē gāme guaseoduarā āārĩma. Irasirirā gajerārē gāme ĩāturi, gāme ĩaduabiri, ñerō kere gāme āri were, ñerō gāme gūñamakū yāma.

⁵ Diaye gūñamerārē gāme guaseonimakū yāma. Īgūsā diayema āārĩrĩrē masĩmerā āārĩmakū, Īgūsārē: “Marĩpuyare irituyarā, wáro niyerure wajatarākoa”, āri gūñamakū yāma. Īgūsānorē wapikubirikōāka!

⁶ Marĩ, Marĩpuyare buremurĩrē òārō irituyarā, wári òārĩ oparā irirosū āārā. I merā usuyāa.

⁷ Marĩ i umugwere deyoarā, neō gajino merā deyoabiribu. Boarāde neō gajinorē āābirikoa.

⁸ Irasirirā surĩ, baari marĩ dapora opari merāta usuyaro gāāmea.

⁹ Gajerā gapu wári opaduasĩa, ĩgūsā ñerĩ iriduarire pirimerā, pémasĩrĩ marĩrō ñerĩrē haribejarā dujama. Irasirirā iri merā ĩgūsā basita poyanorēsĩa, peamegue béosūrākuma.

¹⁰ Niyeru maĩrĩ, masakare āārĩpereri ñerĩrē irinugāmakū iriri āārā. Surāyeri niyerure buro gāāmerā, Jesúyare buremuadideare piri, ĩgūsā basita buro bujawereri bokama.

Pablo Timoteore: “Mũ Jesúre buremurĩrē neō piribirikōāka!” āri gojadea

¹¹ Mũ tamerā Marĩpuyagu i āārĩpereri ñerĩrē haribejabirikōāka! Diayema irigu, Marĩpu gāāmerĩrē irigu, ĩgüyare: “Diaye āārā”, āri buremugū, gajerārē maĩgū, ñerō tarikeregu gūñaturari merā Marĩpuyare irigu, “Gajerā nemorō āārā”, āri gūñarō marĩrō ĩgūsārē iritamugū āārĩka!

¹² Marĩpu mūrē siiudi āārĩmĩ, ĩgū puo perebiri okari opaburo, āriḡū. Irasirigu Jesucristore mũ buremurĩrē wārā masaka péurogue werebu. Iri okarire opabu, ñerō tarikeregu, ĩgūrē buremurĩrē piribirikōāka!

¹³ Yu, Marĩpu āārĩpererārē okari sīgū ĩūrō, Jesucristo ĩguyamarē Poncio Pilatore diaye weredi ĩūrō ire mūrē iridorea.

¹⁴ Jesucristo i umugwere dupaturi aarimakūguedere ñerĩ marĩḡū, masaka werewuasũña marĩḡū ĩgū doredeare gorawayuro marĩrō irinikōāka!

¹⁵ Marĩpu ĩgū: “Āsū irigura”, āriḡeare iririnu ejamakū, Jesucristore dupaturi iriugukumi. ĩgū suguta òātarigu, turagu, āārĩpererā oparā nemorō Opu, āārĩpererā dorerā nemorō Doregu āārĩmi.

¹⁶ ĩgū suguta neō boabi āārĩmi. Boyorogue neō sugu masakũ ejamasĩberogue āārĩmi. Neō sugu masakũ ĩgūrē ĩādi, ĩgūrē ĩāgūde mámi. Irasirirā neō piriro marĩrō āārĩpererinurĩ ĩgūrē: “Turataria mũ”, āri buremurā! Irasũta irirā!

¹⁷ I umumarē wári oparārē āsū āri wereka: “ ‘Gajerā nemorō āārā’, neō āri gūñabirikōāka! Mũsā opari pereakōārokoa. Irasirirā: ‘Yu wári opari merā òārō āārĩḡukoa’, āri gūñabirikōāka! ‘Marĩpu yure sirĩ merā òārō āārĩḡukoa’, āri gūñaka!’ ārika ĩgūsārē! Marĩpu marĩrē āārĩpereri marĩ oparire sĩmi, iri merā usuyaburo, āriḡū.

¹⁸ Wári oparā òārĩrē iriburo. ĩgūsā wári opari merā opamerārē iritamuburo. ĩgūsārē iritamurā, ĩgūsā oparire òārō merā sĩburo.

¹⁹ ĩgūsā irasirirā, wári umugasimarē opasiarākuma. Irogue āārĩrĩ neō perebirikoa. Irasirirā irogue Marĩpu merā perebiri okari opanikōārākuma.

Pablo Timoteore doretũnudea

²⁰ Timoteo, Marĩpũ mũrẽ weredoregũ pĩdeare piribirikõãka! Marĩpũre gããmemerã i ãmũma ubu ããrĩrĩ werenĩrĩrẽ, ĩgũsã noó gããmerõ werenĩmoãmarĩdere pẽtũyabirikõãka! “Marĩ werenĩrĩ, masĩrĩmasã werenĩrĩ ããrã”, ãrĩkererã, Marĩpũyare masĩrã irirosũ werenĩrã meta yãma.

²¹ Surãyeri ĩgũsã werenĩrĩrẽ pẽtũyarã, Marĩpũyare ĩgũsã bũremuadideare pirinokõãma.

Marĩpũ mũrẽ õãrõ iritamuburo. Irasũta iriburo.

Iropãta ããrã.

Pablo

2 TIMOTEO

Pablo Timoteore òãdoredea

¹ Y_u Pablo m_urē òãdoredea. Marĩp_u g_ããmederosũta Jesucristo y_ure beyepĩdi *ããrĩmĩ*. Marĩp_u: “Jesucristore b_uremur_ã y_u mer_ã òãr_õ *ããrĩr_ãkuma*”, *ãrĩdeare* y_ure masakare buedoreg_u beyepĩdi *ããrĩmĩ*.

² M_u diayeta y_u mag_ũ irirosũ *ããrĩg_ũ ããr_ã*. Irasirig_u m_urē ire goj_ãa. Marĩp_u *ããrĩnĩg_ũ*, marĩ Op_u Jesucristo m_urē iritamu, bopoñarĩ mer_ã ãã, siuñaj_{ãrĩ} mer_ã *ããrĩrik_umak_ũ* iriburo.

Pablo Timoteore: “Masakare Cristoyare wereka!” ãrĩ goj_ãdea

³ Y_u Marĩp_ure s_ẽr_ẽrik_u, m_urē g_ũñ_ãa. Ëm_urik_u, ñamirik_u ãg_ũr_ẽ: “Òãã”, *ãrĩ*, *u*suyari s_ĩ, m_uya *ããrĩburire* s_ẽr_ẽbosanĩk_õãã. Y_u ñek_ũs_ãmar_ã ãg_ũr_ẽ b_uremuderosũta: “Y_u, ãg_ũ ãũr_õ waja opabi *ããr_ã*”, *ãrĩ* masĩrĩ mer_ã y_ude ãg_ũr_ẽ b_uremua.

⁴ Y_u, m_u p_urogue *ããr_ãdi* waamak_ũ m_u oredeare g_ũñ_ãnĩsĩã, m_urē ããd_uakoa doja, m_u mer_ã b_uro *u*suyad_uag_u.

⁵ M_u Jes_ũre diayeta b_uremurĩr_ẽ g_ũñ_ãa. M_u ãg_ũr_ẽ b_uremuburi dupuyuro m_u ñek_õ Loida, m_upo Eunicede Jes_ũre b_uremup_urorima. Daporare y_u òãr_õ masĩã. ãg_ũs_ã ãg_ũr_ẽ b_uremurĩ oparosũta m_ude op_ãa.

⁶ Irasirig_u ire m_urē g_ũñ_ãmak_ũ irid_uãã. Iro dupuyuro yaa moj_õrĩ mer_ã m_urē y_u ñapeomak_ũ, Marĩp_u ãg_ũ turarire m_urē sĩmi, ãg_ũyare irimasĩburo, *ãrĩg_ũ*. Daporare ãg_ũ m_urē iridorederosũta ãg_ũ turari mer_ã ãg_ũyare iriw_ãg_ãnĩka!

⁷ Marĩp_u marĩr_ẽ Òãg_ũ deyomarĩg_ũr_ẽ sĩmi. Òãg_ũ deyomarĩg_ũ marĩr_ẽ g_ũimak_ũ irig_u meta *ããrĩmĩ*. Marĩp_uyare ãg_ũ turari mer_ã irir_ã, masakare maĩr_ã, p_ẽmasĩrĩ mer_ã irir_ã *ããrĩmak_ũ* irig_u *ããrĩmĩ*.

⁸ Irasirig_u marĩ Op_uyare gajer_ãr_ẽ wereg_u, g_uyasĩrĩbirik_õãka! ãg_ũyare gajer_ãr_ẽ y_u weredea waja peresugue *ããrĩmak_ũ*, y_ure g_uyasĩrĩs_ãbirik_õãka! M_u Marĩp_u masakare tauri kerere wereri waja y_u irirosũ ñer_õ tarig_u: “Òãrokoa”, *ãrĩ* g_ũñ_ãka! Marĩp_u m_urē turaro sĩr_õp_ã irasirika!

⁹ Marĩp_u marĩr_ẽ perebiri peamegue waaboner_ãr_ẽ taudi *ããrĩmĩ*. Òãr_ã ãg_ũyar_ã *ããrĩburo*, *ãrĩg_ũ*, marĩr_ẽ siiudi *ããrĩmĩ*. “Òãrĩr_ẽ y_ãma, irasirig_u ãg_ũs_ãr_ẽ siiub_u”, *ãrĩ* g_ũñ_ãg_ũ meta siiudi *ããrĩmĩ*. ãg_ũ marĩr_ẽ Jesucristoyar_ãr_ẽ maĩg_ũ i ãm_u iriburi dupuyuro: “ãg_ũs_ãr_ẽ taug_ura”, *ãrĩ* g_ũñ_ã, marĩr_ẽ beyedi *ããrĩmĩ*.

¹⁰ Irasirig_u Jesucristore marĩr_ẽ taug_ure iriug_u, ãg_ũ marĩr_ẽ diayeta maĩrĩr_ẽ masĩmak_ũ iridi *ããrĩmĩ*. Jesucristo marĩr_ẽ ãg_ũr_ẽ b_uremur_ãr_ẽ perebiri peamegue waamur_ã *ããrĩmak_ũ* ne_õ iribiridi *ããrĩmĩ*. ãg_ũ marĩr_ẽ tauri kerere weredeare b_uremurĩ mer_ã marĩr_ẽ Marĩp_u p_uro ãg_ũ mer_ã *ããrĩnĩburire* masĩmak_ũ iridi *ããrĩmĩ*.

¹¹ Marĩp_u y_ure iri kerere weredoreg_u beyedi *ããrĩmĩ* judío masaka *ããrĩmer_ãr_ẽ* Jesucristoyare buedoreg_u.

¹² Irire bueri waja y_u b_uro ñer_õ taria. Ñer_õ tarikereg_u, Jes_ũre y_u g_ũñ_ãaturari mer_ã b_uremug_ũr_ẽ masĩã. Irasirig_u peresugue *ããrĩkereg_u*, g_uyasĩrĩr_õ marĩr_õ *ããrĩk_õãã*. Jes_ũta turag_u, y_ure ãg_ũyare buedoreg_u pĩdi, y_ure òãr_õ koreg_u *ããrĩmĩ*. Irasirig_u dupaturi aarig_ũ, ãg_ũ y_ure buedoredea mer_ã: “ãs_ũ irig_ura”, *ãrĩdeare* iriyuwarik_ug_ãkumi. Irire masĩã.

¹³ Y_u m_urē diayema buedeare: “ãs_ũ iriro g_ããmea y_ure”, *ãrĩ*, Jes_ũre b_uremurĩ mer_ã, gajer_ãr_ẽ maĩrĩ mer_ã irinĩk_õãka! Marĩ Jes_ũyar_ã *ããrĩsĩã*, irasirimasĩã.

14 Ōāgū deyomarīgū marīguere āārīgū iritamurī merā Marīpū mūrē ĩgūya kerere weredoredeare gorawayuro marīrō wereka!

15 M_u masīsīāa. Y_u peresugue āārīmakū ĩārā, āārīpererā Asia nikū marā Jesúre b_uremurā y_ure béowāgāperekōāma. ĩgūsā watope āārīnerāde Figelo, Hermógenesāde béowāgākōāma.

16 Onesíforo gap_u irasiribirimi. Marī Op_u ĩgūya wii marārē bopoñarī merā ĩāburo. Wári Onesíforo y_ure gūñaturamakū irimi. Y_u peresugue āārīmakū ĩāgū, y_ure g_uyasīrīsābirimi.

17 Irasirig_u Romague ejag_u, y_ure āmaníkōādi āārīmí. Y_ure bokagugue āmuduúmi.

18 Marī Op_u dupaturi aarigú, ĩgūrē bopoñarī merā ĩāburo. Efesoguedere ĩgū marīrē iritamudeare m_u oārō masīsīāa.

2

Pablo Timoteore oārō iridorerimarē gojadea

1 M_u, Jesucristoyag_u diayeta y_u magū irirosū āārīgū āārā. Irasirig_u Jesucristo iritamurī merā ĩgūrē gūñaturari merā b_uremunikōāka!

2 Y_u wārā masaka péurogue buemakū m_u pédeare Jesucristoyare gūñaturarārē bueturiaka! Irasirirā irire gajerārē keoro buemasīrākuma.

3 Surara ñerō tarikereg_u gūñaturakumi. ĩgū irirosū m_u Jesucristoyag_u gajerā ĩgūyarā merā ñerō tarikereg_u gūñaturaka!

4 Surara ĩgū op_u gāāmerōsū doreri direta irikumi. Surara āārībi moārōsū iribirikumí. Irasirig_u m_u ĩgū irirosū marī Op_u doreri direta irika!

5 I irirosū ũma birarimasūde gajerā nemorō ũmakereg_u, oparā dorerire keoro iribi, ĩgūsā ĩgūrē sīboadeare wajatabirikumi. Irasirig_u marī Op_u dorerire oārō irika, ĩgū oārī sīburire wajatabu!

6 Pooere oārō moāgū ĩgū moādea waja iri pooema oteri dukare opap_urorikumí. Irasirig_u ĩgū irirosū marī Op_uyare oārō moāgū, gajerārē ĩgūyare bueri waja ĩgū mūrē sīrīrē opagukoa.

7 Y_u wererire oārō gūñaka! M_u irasirimakū, marī Op_u i āārīpererire masīmakū irig_ukumi.

8 Jesucristore gūñaka! ĩgū, op_u David parāmi āārīturiag_u āārīmí. ĩgūta boadigue masādi āārīmí marīrē peamegue waabonerārē taug_u. Iri marīrē tauri kerereta y_u werea.

9 Iri kerere wereri waja ñerō taria. Masaka y_ure ñerō irig_u irirosū kōme dari merā sia, peresugue biadoboma. ĩgūsā y_ure peresu irikerer_u, Marīp_uya kerere āārīpererogue pēsūrokoa.

10 Irasirig_u y_u ñerō tarikereg_u, gūñaturaníkōā, Marīp_u beyenerā ĩgū merā oārō āārīburo, ārīgū. ĩgūsāde marī irirosūta Jesucristoyarā āārīma. Irasirig_u, ĩgūsāde peamegue waabirikōāburo, ārīgū, irasū yāa.

11 I diayeta āārā:

Marī Jesucristore b_uremurī waja gajerā marīrē wējēmakū, ũmugasigue ĩgū merā āārīnikōārākoa.

12 Marī ñerō tarikererā gūñaturari merā marī ĩgūrē b_uremurīrē pirimerā, ĩgūyarārē dorerogue ĩgū merā dorerā āārīrākoa. Marī Jesúre masīkererā gajerārē: “ĩgūrē masībea”, ārīmakū, ĩgūde marīrē: “Musārē masībea”, ārīgukumi.

13 Marī, ĩgū: “Āsū irig_ura”, ārīdeare b_uremubiriker_u, ĩgū ārīdeare diayeta irig_ukumi. Āārīpereri ĩgū ārīrī, diayeta āārā. Neō ārīgatomasībirikumí.

Pablo Timoteore keoro buerimarē gojadea

14 I yu were gojarire mu bueräre güñanímakü irika! Marí Opu iürörē ĩgüsäre turaro merä äsü äri wereka! Masaka wereníríre masä gäme guaseori wajamáa. Irire péräre diaye güñamerä dujamakü yáa.

15 Mu gapu Marípu iürō ĩgüya direta buro iridugü ääríka! ĩgüya diayema kerere pémasírí merä gajeräre keoro bueka! ĩgü murē: “Öärō yámi”, äri iáburo, äriġü, öärō moägü ĩgü moãdeare gnyasíríberosü ääríbu, irasirika!

16 Masaka i umma ubu äärírí wereníríre pébiriköäka! Irire irasü werenírä nemorō ñeríre iriwägänemorākuma.

17 ĩgüsä bueri, dupure kämíró boawägärō irirosü gajeräre poyanorēa. ĩgüsä watopere Himeneo, Fileto ääríma.

18 ĩgüsä Marípuya diayemarē buebema. “Jesúre buremurä boanerä ĩgüsä dupu merä masä, muríasianerä äärímá, irasirirá i umu peremakü, ĩgüsä dupa-turi masäbirikuma”, äri buema. Irasü ääríä, suräyeri Jesúre buremuräre ĩgüya diayema buerire buremuduúmakü yáa.

19 Marípuya werenírí, ĩgü maríre pídea neō gorawayubea. Wii neō boabiriburi borari merä öärō núdea wii irirosü äärä. Neō perebirikoa. Äsü äri gojasüdero ääríbú: “Marí Opu ĩgüyaräre masími. Äärípererä: ‘ĩgüyarä äärä’, ääríä ñerí iririre piriköáburo”.

20 I keori merä äsü äri weregura. Sugü wári opaguya wiiguere wári soropari ääríkoa. Bosenu äärímakü oro merä irideapari, plata merä irideapari baarogue peokuma. Diari merä irideapari, o kooäre ubu äärírnuríre peokuma.

21 Marí öärí pari irirosü ääríduarä, äärípereri ñeríre opamerä ääríniköärō gäámea. Irasirirá, marí Opuyarä ĩgü irisünerä äärísíä, äärípereri ĩgü iridorerire öärō irirá ääríräkoa.

22 Irasirigü, maamarä ñerí uribejarire iribiriköäka! Diayemarē iriníka! Jesúre buremuníka! Masakadere maíka! Gajerä merä öärō äärírikuka! Irasüta äärípererä ñerí opamerä marí Opure sērénirá merä ääríka!

23 Pémasímerä ubu ääríríre gäme guaseorire pébiriköäka! Mu masía. ĩgüsä irasü gäme guaseo, puru gäme turirākuma.

24 Mu, marí Opure moãboegu äärä. Irasirigü gajerä merä gäme turibiriköäka! Äsü gapu ääríka! Äärípererä merä öärō ääríġü, ĩgüsäre öärō buegu, bopoñaríre opagu ääríka!

25 Gajerä mu buerire gäãmebirimakü, ĩgüsäre buremurí merä öärō wereka! Marípu ĩgüsäre ĩgüsä ñerí iririre bujawere, öärí gapure gorawayumakü irigükumi, äriġü, irasirika! Irasirirá diayema ääríríre masínugärākuma.

26 Irire masíä, pémasíräkuma. Wätí ĩgüsäre ĩgü gäãmeríre iridorerire pirirākuma.

3

Pablo Timoteore i umu pereburi dupuyuro ñerō waaburire gojadea

1 Ire masíka! I umu pereburi dupuyuro wári ñerí aarirokoa.

2 Masaka äsü äärírākuma. ĩgüsäya ääríburi direta güñarä, niyerure uribejarä: “Gajerä nemorō äärä”, äri werenírä, gajeräre ñerō turirá, Marípure ñerō äri werenírä, pagusämaräre tarínugärä, gajerä ĩgüsäre síkererü: “ĩgüsä guare öärō iriabü”, neō äri, usuyari símerä, gopeyari merä Marípuyare buremumerä äärírākuma.

3 Gajeräre maírí merä iritamumerä, bopoñarí merä iãmerä, ñerí kere wererä, ñerí uribejarire pirimasímerä, gajeräre ñerō tarimakü irirá, äärípereri öäríre doorä äärírākuma.

⁴ Īgūsā merāmarārē Īgūsārē ñerō iriduarāguere wiarā, pémasĩrĩ marĩrō Īgūsā noó gāāmerō irirā, “Masĩpeorā āārā”, ārĩ gũñarā āārĩrākuma. Marĩpũre gāāmerōnorē irirā, Īgūsā gāāmerō ñaribejarire iri, usuyarā āārĩrākuma.

⁵ Masaka ĩũrō Marĩpũre bũremurā irirosũ irikererā: “Marĩpũ gāāmerĩrē Īgũ turari merāta irimasĩa”, ārĩ gũñamerā āārĩrākuma. “Yũ basi irire irimasĩa”, ārĩ gũñarākuma.

Īgūsānorē neō wapikũbirikōāka!

⁶ Īgūsāno āsũ yāma. Masakaya wiirigue oārō werenĩgato, ñajāa, pémasĩmerā nomerē Īgūsā ārĩgatorire pé bũremumakũ yāma. Īgūsā nome bũro ñerĩrē irirā nome āārĩsĩā, āārĩpereri ñerĩ ñaribejarire iriduarā āārĩma.

⁷ Gajino buerire buenikererā, Marĩpũya diayema gapũre neō pémasĩbema.

⁸ Iripoegue marā Janes, Jambres yéa āārĩnerā Moisés weredeare péduabiriderosũ, Īgūsā ārĩgatori merā buerā diayemarē neō péduabema. Ñerĩ direta gũñapausĩā, Jesúre bũremumerā āārĩma.

⁹ Irasũ āārĩkererā, wārā masakare Īgūsā ārĩgatori merā buerire pé bũremumakũ irimasĩbirikuma. Moisére péduabirinerā Janes, Jambriere waaderosũ Īgūsādere waarokoa. Irasirirā, Īgūsārē ārĩgatorikurā, pémasĩmerā āārĩrĩrē āārĩpererā ĩāmasĩrākuma.

Pablo Timoteore doretũnudea

¹⁰ Mũ gapũ yũ buedeare oārō irinĩkōāa. Yũ āārĩrikũre, yũ: “Āsũ irigũra”, ārĩ gũñarĩrē, Jesúre yũ bũremurĩrē, masakare bopoñarĩ merā yũ iritamurĩrē, Īgūsārē yũ maĩrĩrē, ñerō tarikeregũ yũ gũñaturarire mũ masĩa.

¹¹ Jesucristoyare yũ iridea waja masaka yũre ñerō irima. Bũro ñerō taribũ. Yũ Antioquĩague, Iconiogue, Listrague āārĩmakũ, āārĩpereri yũre waadeare, iri makārĩ marā yũre ñerō tarimakũ irideare mũ masĩa. Yũ ñerō taririkũ, marĩ Opũ gapũ yũre iritamumi.

¹² I diayeta āārā. Āārĩpererā Jesucristoyarā Marĩpũ gāāmerĩrē irinĩduarānorē gajerā Īgūsārē ñerō tarimakũ irirākuma.

¹³ Ñerā, ārĩgatorikurā, Īgūsā ñerō iridero nemorō ñerō irinemonĩrākuma. Gajerārē Īgūsā ārĩgatorire pé bũremumakũ irirā, Īgūsāde gajerā ārĩgatorire pé bũremurā āārĩma.

¹⁴ Mũ gapũ yũ mũrē buedeare irinĩkōāka! Mũ Marĩpũyare: “Diayeta āārā”, ārĩ bũremudeare piriro marĩrō bũremunĩkōāka! Mũ masĩa mũrē buenerārē.

¹⁵ Mũ majĩgũgueta, Marĩpũya werenĩrĩ gojadeare masĩnũgāyuro. Irasirigũ Īgũyare masĩgũ: “Marĩpũ Jesucristore bũremurārē taumi, perebiri peamegue waabirikōāburo, ārĩgũ”, ārĩ masĩa.

¹⁶ Āārĩpereri Marĩpũya werenĩrĩ gojadea, Īgũ masĩrĩ sĩrĩ merā gojadea āārā. Iri gojadeare buerā, diayemarē marĩ masĩa. Marĩ ñerō irideare: “Ñegorabũ”, ārĩ, “Oārĩ gapũre iriro gāāmea”, ārĩ masĩa. Irasirirā iri pũgue gojadeare buerā, diayemarē irimasĩa.

¹⁷ Marĩpũ Īgũyarārē Īgũyare oārō masĩdoregũ, Īgũya werenĩrĩ gojadeare marĩrē pídi āārĩmĩ, āārĩpereri oārĩrē irimasĩburo, ārĩgũ.

4

¹ Jesucristo āārĩpererā Opũ i ñmũguere dupaturi aarigũkumi. Irasũ aarigũ, masaka okarārē, boanerādere: “¿Niĩsā waja oparā, niĩsā gapũ waja opamerā āārĩrĩ?” ārĩ beyegũkumi, waja oparārē wajamoābu. Irasirigũ Īgũ ĩũrō, Marĩpũ ĩũrōdere turaro merā mũrē dorea.

² Marĩpũya kerere masakare Īgūsā péduamakũ, péduabirimakũdere wereka! Īgūsārē Īgūsā ñerĩ irideare masĩ, piridoregũ, iri kerere wereka,

ōārī gapure iriburo, āriḡū! Buro bopoñarī merā pémasīma ōārō īḡūsārē irire bueka!

³ P_uḡuere masaka Marīp_uya ōārī buerire péduabirikuma. Irasirirā īḡūsā gāāmerīrē irirā, īḡūsā péduari direta buemurārē wārā āmarākuma.

⁴ Marīp_uya diayema āārīrīrē béo, masaka īḡūsā basi īḡūsā ḡūñarī merā wererire péḡyarākuma.

⁵ M_u gap_u pémasīrī merā diayemarē irinīkōōka! Ŋerō tarikereg_u, ḡūñaturaka! Ōārō irid_uari merā Jesús masakare tauri kerere bueka, peamegue waabirikōāburo, āriḡū! Marīp_u m_urē moādoedeare ōārō iri odonūkōōka!

⁶ Y_u Marīp_uyare iridea waja okanemosūbirikoa, y_u boaburo mérō du_yáa, ārī péñáa.

⁷ Y_u Jesucristo y_ure buedoreg_u pídeare ōārō bueyuwarik_ub_u. Īḡū y_ure iridorerire ōārō iri odonúb_u. Ŋerō tarikereg_u, īḡūrē b_uremurīrē neō piribirib_u.

⁸ Irasirig_u dapora y_u diayema iridea waja marī Op_u y_ure y_u wajatadeare sīburire us_yari merā yúa. Īḡūta diayemarē irig_u masakare: “¿Niísā waja oparā, niísā gap_u waja opamerā āārīrī?” ārī beyerin_u āārīmakū, y_u wajatadeare sīḡukumi*. Y_u direta sībirikumi. Āārīpererā īḡū aariburire b_uro iād_uari merā, īḡūrē maīrī merā yúrārē irire sīḡukumi.

Pablo Timoteore iridorenemodea

⁹ M_u aariró bokatīūrō y_ure iāḡū aarika!

¹⁰ Demas i ūm_umarē gāāmesīā, y_ure béo, Tesalónicague waakōāmi. Crescente Galacia nikūgue, Titode Dalmaciague marī Op_uyare buerā waama.

¹¹ Lucas dita y_u merā āārīmi. Irasirig_u Marcore āma, īḡūrē āirika! Īḡū y_ure iritamug_ukumi, marī Op_uyare ōārō moāburo, āriḡū.

¹² Y_u Tíquicore Efesogue iriub_u.

¹³ M_u ōōgue aarigú, y_u weka sāñarī surírore, Troas wāik_uari makā Carpoya wiig_ue y_u pídeañerē āirika! Yaa papera tūrūrīrē āirika! Waim_urāya gasiri merā iridea tūrūrīdere b_uro gāāmea. Irasirig_u iridere āirika!

¹⁴ Alejandro kōme merā moārīmasū y_ure ñetariro irimi. Īḡū y_ure irasiridea waja marī Op_u īḡūrē wajamoāḡukumi.

¹⁵ Īḡū marī buerire neō gāāmebirigorami. Irasirig_u īḡūrē pémasīka!

¹⁶ Oparā y_ure peresugue biadoborā y_u irideare sērēñap_urorimakū, neō sug_u y_ure iritamubirimi. Āārīpererā y_ure béowāḡāperekōāma. Marīp_u īḡūsā y_ure irasirideare kātiburo.

¹⁷ Īḡūsā y_ure béowāḡākerer_uḡ_u, marī Op_u y_ure iritamumi. Y_ure turari sīmi, īḡū masakare tauri kerere ōārō wereburo, āriḡū. Āārīpererā judío masaka āārīmerā iri kerere péburo, āriḡū, irasirimi. Ēōkaye y_ure baabéobodire tariweremakū irirosū ñegū y_ure wējēbéobodire tariweremakū irimi.

¹⁸ Irasū āārīmakū, āārīpereri ñerā y_ure ñerō iriburire y_ure tariweremakū irig_ukumi. Ūm_ugasig_ue īḡūyarārē dorerogue waaburo, āriḡū, y_ure ōārō koreḡukumi. Marī Op_ure: “Ōātarig_u, turatarig_u āārā”, ārī, us_yari sīnīkōārā! Irasūta irirā!

Pablo ōādotētūnudea

¹⁹ Priscila, igo marāp_u Aquila, Onesíforoya wii marāde ōāburo.

* **4:8** Sug_u ūma birarimasū gajirā nemorō ōārō ūmagū, olivo wāik_udima pūrī merā iridea berore wajakumi. Masaka iri berore īḡūya dipurugue peokuma, gajerārē īḡū wajatadeare imumurā. I irirosū, sug_u Jesūre b_uremugū īḡū diayema iridea waja ūm_ugasig_ue perebiri okari wajatag_ukumi. Iri ūm_ugasig_ue perebiri okari wajatari, i berore wajatari irirosū āārā.

²⁰ Erasto Corintogue dujami. Trófimo pũrĩrikuakõãmi. Irasirigu Miletogue ãgũrẽ pĩbũ.

²¹ Mũ puiũ dupuyuro aaripurumuka! Eubulo, Pudente, Lino, Claudia, ããrĩpererã marĩyarã mũrẽ õãdorema.

²² Marĩ Opũ Jesucristo mũ merã ããrĩburo. Marĩpũ ããrĩpererãrẽ mũsãrẽ õãrõ iritamuburo. Irasũta irinĩkõãburo.

Iropãta ããrã.

Pablo

TITO

Pablo Titore òãdoredea

¹ Yũ Pablo, mũrẽ òãdoredea. Yũ Marĩpũre moãboegu ããrã. Jesucristo yũre ìgũya kerere buedoregu pími. Marĩpũ beyenerãrẽ ìgũrẽ òãrõ bũremumakũ gããmegũ, ìgũsãrẽ ìgũyare òãrõ irimakũ gããmegũ, yũre iriumi, ìgũya diayema kerere masĩburo, ãrĩgũ.

² Irasirirã iri kerere masĩrã, ìgũsã ãmũgasigue perebiri okari opaburire masĩma. Marĩpũ i ãmũrẽ iriburo dupuyuro: “Perebiri okari sĩgũra”, ãrĩdi ããrĩmĩ. Ìgũ ãrĩgatobi ããrĩsĩã, ìgũ ãrĩderosũta marĩrẽ sĩgũkumi.

³ Daporare Marĩpũ: “Ãsũ irigũra”, ìgũ ãrĩdeare iriripoe ejasiãã. Irasirigu ìgũya kerere wererãrẽ weredoremi marĩrẽ irire masĩburo, ãrĩgũ. Ìgũ marĩrẽ taugu, yũdere iri kerere weredoregu pími.

⁴ Tito, yũ mũrẽ gojãã. Yũ Jesũyare weremakũ pẽgu, mũ ìgũrẽ bũremunũgãbũ. Irasirigu yũ magũ irirosũ ããrã. Daporare marĩ pẽrãgueta Jesũre bũremurã ããrã. Marĩpũ ããrĩnĩgũ, Jesucristo marĩrẽ taugu mũrẽ òãrõ iritamu, siuñajãrĩ merã ããrĩrikũmakũ iriburo.

Pablo Titore Creta marãrẽ buedoredea

⁵ Yũ mũrẽ Creta wãĩkũri nũgũrõgue píwãgãribũ, mũrẽ Jesũre bũremurãrẽ yũ iripeobirideare òãrõ ãmupeokõãburo, ãrĩgũ. Irasirigu iri nũgũrõma makãrĩrẽ waagorenagũ, iri makãrĩkũ yũ mũrẽ dorederosũta Jesũre bũremurãrẽ ìgũsã oparã ããrĩmurãrẽ sóoka!

⁶ Sugu ìgũsã opu ããrĩbure sóogu, ãsũpero ããrĩgũrẽ sóoka! Masaka: “Ñerõ irigu ããrĩmĩ”, ãrĩ werewũasũña marĩgũrẽ, sugoreta marãpokũdire sóoka! Ìgũ pũrãde Jesũre bũremurãta ããrĩburo. Masaka ìgũ pũrãrẽ: “Ñegorama, ìgũsã pagũsãmarãrẽ tarinũgãgorama”, ãrĩ werewũasũña marĩrã ããrĩburo.

⁷ Sugu Jesũre bũremurã opu Marĩpũre moãboegu ããrĩmĩ. Irasirigu masaka werewũasũña marĩgũ ããrĩburo. Ìgũ gããmerĩ direta gajerãrẽ iridorebino, mata gajerã merã guarikũbi, mejãbi, gãmekẽãduabi, ñerõ iriri merã niyeru wajataduabi ããrĩburo.

⁸ Ãsũ gapũ irigu ããrĩburo. Ìgũya wiigue gãmeñajãrã ejarãrẽ òãrõ bokatĩrĩneãgũ, òãrĩ gapũre gããmegũ, pẽmasĩrĩ merã iririkũgu, diayemarẽ irigu, Marĩpũyagu, noó gããmerõ iridũarire iribi ããrĩburo.

⁹ Marĩpũya diayema kerere, marĩ ìgũrẽ buedea bũremurĩrẽ piribi ããrĩburo. Irasirigu, ìgũde gajerã Jesũre bũremurãrẽ òãrĩ bueri merã ìgũsãrẽ Marĩpũyare gũñatura, òãrõ ããrĩrikũmakũ irigũkumi. Irire buegu, diayema buerire werewũarãrẽ òãrõ yũjũmasĩgũkumi, ìgũsãde diaye gũñanũgãburo, ãrĩgũ.

¹⁰ Wãrã ããrĩma Marĩpũ dorerire tarinũgãrã. Ìgũsã noó gããmerõ werenĩmoãmarĩ merã masakare ìgũsã ãrĩgatorire bũremumakũ yãma. Judío masaka surãyari irasũgora yãma.

¹¹ Niyeru direta wajataduãrã, ìgũsã gããmerõ buemoãmakõãma. Irasirirã wiiri marãrẽ poyanorẽma. Irasirigu mũ ìgũsãrẽ kãmutakõãka! “Irire iropãta buenemoka!” ãrĩka ìgũsãrẽ!

¹² Iripoegue sugu iro Creta nũgũrõmũ òãrõ wererimasũ ãsũ ãrĩ wereyupu iro marãrẽ:

I nũgũrõ marã bũro ãrĩgatorikũma. Makãnúũ marã waimurã bũro goerã irirosũ ããrĩma. Baaparã, baari direta gũñarikũrã, moãduamerã, bũro tãrikũrã ããrĩma, ãrĩyupũ.

13 Īgū irasū āriḡū, diayeta āri werenídi āārīmí. Daporare Creta marā iripoegue iriderosūta yáma. Irasirigū Tito, turaro merā ĭgūsārē wereka, Marīpūya diayema buerire ōārō gūñaturari merā b̄remuburo, āriḡū!

14 Īgūsārē ōārō bueka, judío masaka noó gāāmerō gūñaboka, weremoāmadea kerere, Marīpūya diayema kerere gāāmemerā dorerire p̄nemobirikōāburo, āriḡū!

15 Marīpūyare b̄remurārē ōārī gūñarī oparārē, āārīpereri gajino ĭgūsārē ñerīrē gūñamakū iribirikoa. Marīpūyare b̄remumerā gapure ñerī gūñarī direta oparārē, āārīpereri gajino ĭgūsārē ñerīrē gūñamakū yáa. Irasirirā ñerīrē irirā: “Ñerō iriakubū yū”, neō āri b̄jawerebema.

16 “Marīpūre masīa gūa”, ārikererā, ĭgūrē masībema. ĭgūsā ñerō iriri merā ĭgūrē masībema, āri masīsūa. Gajerārē ĭāturi dooma. Marīpū dorerire tarinūgāgorama. Āārīpereri ōārīrē neō irimasīmerā, ñerāgora āārīma.

2

Keoro buedorerimarē gojadea

1 Irasirigū Marīpūya diayema āārīrīrē masakare keoro bueka!

2 Āsū āri wereka, mūrā ūmarē: “Mūsā p̄emasīrī merā iririkurā, masaka b̄remusūrā, diayemarē irirā, Marīpūre gūñaturari merā b̄remurā, gajerārē maīrā āārīka! Mūsārē ñerō waamakū, gūñaturaníkōāka!” āri wereka ĭgūsārē!

3-4 Mūrā nomedere: “Mūsā Marīpūre gopeyari merā b̄remuka! Gajerārē ñerō āri werewūamerāta, wáro mejārīnorē iirīmerāta āārīka! Maamarā nomerē ōārīrē bueka, ĭgūsārē irire irimasīburo, ārīrā! Mūsā irasū buemakū p̄duripírā, ĭgūsā marāpūsāmarārē, ĭgūsā pūrādere ōārō maīrākuma.

5 Diayemarē irirā, ōārī gūñarī oparā, ĭgūsāya wiirigue āārīrārē ōārō korerā, gajerārē iritamurā, ĭgūsā marāpūsāmarārē tarinūgāmerā āārīrākuma. Irasirirā ĭgūsā maamarā nome irire ōārō irimakū ĭārā, gajerā Marīpūya kerere ñerō werenīmasībirikuma. ‘Iri kerere b̄remurā ñerō yáma’, āri masībirikuma”, āri wereka ĭgūsārē!

6 Maamarā ūmadere: “Mūsāde diayemarē irika!” āri wereka!

7 Mū ōārī direta irika! Mū irasirimakū ĭārā, gajerāde ōārīrē irirākuma. Masakare gopeyari merā diayema āārīrīrē keoro bueka!

8 Ōārō p̄emasīrī merā werenīka, gajerā mūrē werewūabirikōāburo, āriḡū. Mū werenīrīrē p̄erā, mūrē gāāmemerā: “I diaye āārībea”, āri masībirikuma. Irasirirā marīrē werewūanerā gūyasīrīrākuma. Marīrē ñerī werenīrī merā werewūamasībirikuma.

9 Moāboerimasādere: “Mūsā oparā dorerire tarinūgābirikōāka! ĭgūsā doremakū, āārīpereri ĭgūsā dorerire irika! ĭgūsārē mūsā merā usuyamakū irika! ĭgūsā mūsārē doremakū: ‘Iribea’, āribirikōāka!

10 ĭgūsā oparire neō yajabirikōāka! ĭgūsā oparire mūsā ōārō koremakū ĭārā: ‘Ōārō yáma’, ārīrākuma. Gajerāde mūsā ōārō iririre ĭārā, marīrē taugu Marīpūyare buerire: ‘Ōārī āārā’, āri gūñarākuma”, āri wereka ĭgūsārē!

11 Marīpū marīrē maīḡū āārīpererā i ūmū marā ĭgūsā ñerō iridea wajare taudūagu, Jesucristore iriudi āārīmí.

12 Marīrē ĭḡū gāāmebirinorē, i ūmūma ñerō ūaribejarire piriburo, āriḡū, irasiridi āārīmí. Marī i ūmūgue āārīrāde ōārō p̄emasīrī merā diayemarē irirā, Marīpū gāāmerīrē irirā āārīrō gāāmea.

13 Marī Opū turatarigū marīrē taugu Jesucristo dupaturi aariburire usuyari merā yūrā yáa. ĭḡū ārīderosūta aarigukumi marīrē ōārīrē irigū aarigū. Ire marī masīsīā, ĭḡū gāāmerīrē iriro gāāmea.

14 Marĩ ñerõ iridea wajare wajaribosabu, ïgũrẽ wějērārẽ kãmutaro marĩrõ boadi ããrĩmĩ. Irasirigũ ããrĩpereri marĩ ñerõ iridea wajare taudi ããrĩmĩ, marĩrẽ neõ ñerĩrẽ opabirikõãburo, ãrĩgũ. Marĩrẽ ïgũyarã ããrĩburo, õãrĩrẽ õãrõ iriburo, ãrĩgũ, irasiridi ããrĩmĩ.

15 Mũ Jesúre bũremurãrẽ irire õãrõ bueka, õãrĩrẽ usũyari merã iriburo, ãrĩgũ! Marĩpũ murẽ irire weredoredi ããrĩmĩ. Irasirigũ ïgũ dorero merã irire iridũamerãrẽ: “Ãsũ irika!” ãrĩ wereka! Neõ sugũ masakũ, mũ weremakũ, murẽ irasũ ïãbéobirikõãburo.

3

Pablo Jesúre bũremurãrẽ: “Ãsũ irika!” ãrĩ gojadea

1 Irogue marã Jesúre bũremurãrẽ ãsũ ãrĩ wereka: “Mũsã oparãrẽ, mũsãrẽ dorerãrẽ tarinũgãbirikõãka! ïgũsã dorerire õãrõ péka! Õãrõ iririre irirã ããrĩka!

2 Neõ sugũ masakũre ñerõ ãrĩ werewũabirikõãka! Masaka merã gãme turimerãta, ïgũsã merã õãrõ usũyari merã ããrĩrikũka! Gajerãrẽ maĩrĩ merã iritamuka! ããrĩpererãrẽ bũremurĩ merã gũña maĩka!” ãrĩ wereka ïgũsãrẽ!

3 Iripoegue marĩ Jesúre bũremubirisĩã, Marĩpũyare pémasĩbiri, ïgũ dorerire tarinũgã, ãrĩgatorire bũremu, dedirinerã ããrĩbũ. ããrĩpereri noó gããmerõ ãaribejarire, ñerĩ iridũarire pirimasĩbirinerã ããrĩbũ. Gajerãrẽ uburikũrã, ïgũsãrẽ ñerõ irirã ããrĩnerã ããrĩbũ. Gajerã marĩrẽ ïãturi doonerã ããrĩmã. Marĩ baside gãme ïãturi doonerã ããrĩbũ.

4 Marĩ irasũ ããrĩkerepũrũ, Marĩpũ marĩrẽ taugũ gapũ ïgũ marĩrẽ maĩrĩrẽ, ïgũ marĩrẽ iritamudũarire marĩrẽ masĩmakũ iridi ããrĩmĩ.

5 Irasirigũ marĩrẽ taudi ããrĩmĩ. Marĩ õãrĩrẽ neõ iribirikerepũrũ, marĩrẽ bũro bopoñarĩ merã ïãsĩã, marĩrẽ taudi ããrĩmĩ, perebiri peamegue waabirikõãburo, ãrĩgũ. Marĩ ñerĩ oparire koedi ããrĩmĩ, Õãgũ deyomarĩgũ merã marĩrẽ majĩrã maama deyoarã irirosũ ããrĩburo, ãrĩgũ. Irasirigũ marĩrẽ maama okarire sídi ããrĩmĩ ïgũ pũrã ããrĩburo, ãrĩgũ.

6 Õãgũ deyomarĩgũrẽ Jesucristo marĩ ñerõ iridea wajare taugũ merã marĩrẽ iriudi ããrĩmĩ ïgũ turarire opatarikõãburo, ãrĩgũ.

7 Irasirigũ marĩrẽ maĩgũ: “Õãrã, waja opamerã ããrĩma”, ãrĩ ïãdi ããrĩmĩ. Irasirirã gũñaturari merã: “Ïgũ marĩrẽ ïgũ pũrãrẽ: ‘Ëmũgasigue perebiri okarire sígũra’, ãrĩdeare oparãkoa”, ãrĩ masĩa.

8 Iri yũ murẽ wereri, diayema kere ããrã. Irasirigũ Marĩpũre bũremurãrẽ irire õãrõ gũñaturari merã bueka, piriro marĩrõ õãrĩrẽ irinikõãburo, ãrĩgũ! I bueri õãgorãa. Irire péduripĩrãnorẽ õãrõ ããrĩrikũmakũ iriri ããrã.

9 Gajerã merã ubu ããrĩrĩrẽ, gũ ñekũsãmarã iriunadea kerere, Marĩpũ Moisére doreri pídeare: “¿Naásũ ãrĩdũaro yãri?” ãrĩ sërẽñarĩrẽ gãme guaseo-birikõãka! Irire gãme guaseori ñegorãa. Masakare õãrõ ããrĩrikũmakũ iriri ããrĩbea.

10 Sugũ masakũ Jesúre bũremurĩ bumarãrẽ gãme guaseo, dukawarimakũ irigũnorẽ: “Irire iribirikõãka!” ãrĩ wereka! Mũ suñarõ o péa ïgũrẽ wereadero pũrũ ïgũ pébirimakũ ïãgũ, Jesúre bũremurã nerẽrõgue ïgũsã merã ããrĩgũrẽ béowjuka!

11 ïgũsãrẽ gãme guaseo, dukawarimakũ iriri merã: “Ñegũ, waja opagũ ããrĩmĩ”, ãrĩ masĩsũa.

Pablo iritamudoredea

12 Yũ Artemarẽ o Tĩquicore mũ pũrogue iriugũkoa. Mũ pũro ejamakũ, Nicópolis wãikũri makãgue yũre bokatĩrĩgũ waapurumuka! Yũ: “Irogue puibũ tamugũkoa”, ãrĩ gũñãa.

¹³ M_u iritamurō bokatiūrō Zenas masakare wereníbosarimasūrē, Apolodere iritamuka! Īgūsā gajerogue waaburi dupuyuro ĩgūsā gāāmerĩrē sīka, iri āārĩpererire opaburo, ārĩrā!

¹⁴ M_u irasū iritamumakū ĩārā, marĩyarāde ōārĩ iri, ĩgūsā basi gāme iritamurākuma ĩgūsā gāāmerĩrē opamurā. Irasirirā irimoāmamerāta āārĩrākuma.

Pablo ōādoretūnudea

¹⁵ Āārĩpererā y_u merā āārĩrā mūrē ōādorema. Marĩyarā Jesúre buremurārē marĩrē maĩrārē m_u p_uro āārĩrārē ōādoreka! Marĩp_u m_usārē āārĩpererārē ōārō iritamuburo.

Iropāta āārā.

Pablo

FILEMÓN

Pablo Filemórē òãdoredea

¹ Y_u Pablo, Jesucristoya kerere weredeadea waja peresugue ããrã. Marĩyagu Timoteo merã m_urē òãdoreade. Filemón, m_u g_ua maĩgũ, g_ua merã moãgũ ããrã.

² Y_u gajerã Jesúre b_uremurã m_uya wiigue nerērãrē, marĩyago Apia wãĩkugore, irasũ ããrĩmakũ Arquipodere òãdoreade. Arquipo g_ua merã moãmi, gajerã Jesucristoya kerere péburo, ãrĩgũ.

³ Marĩp_u ããrĩnĩgũ, marĩ Op_u Jesucristo m_usãrē òãrõ iritamumu, siuñajãrĩ merã ããrĩrik_umakũ iriburo.

Filemón gajerãrē maĩgũ Jesúre b_uremugũ ããrĩmi, ãrĩ gojadeade

⁴⁻⁵ Y_u Marĩp_ure sērērik_u m_uya ããrĩburire sērēbosáa. Marĩ Op_u Jesúre m_u maĩrĩrē, ãgũrē m_u b_uremurĩrē, gajerã Marĩp_uyarãrē m_u maĩrĩrē péb_u. Irasirig_u Marĩp_ure: “Òãa”, ãrĩ, usuyari sãa.

⁶ M_u Jesúre b_uremusãã, ãgũrē b_uremurĩrē gajerãrē wereade, ãgũsãde ãgũrē b_uremuburo, ãrĩgũ. Irasirig_u y_u Marĩp_ure: “Ìgũsãrē wereg_u, ããrĩpereri Jesucristo marĩrē òãrõ iririre masĩpeog_u waaburo”, ãrĩ sērēa.

⁷ Yaag_u, m_u Marĩp_uyarãrē òãrõ y_ujp_urãk_umakũ irib_u. M_u ãgũsãrē maĩrĩrē pég_u, y_u m_u merã òãrõ y_ujp_urãk_u, usuyáa.

Pablo Filemórē: “Onésimo m_urē moãboegure òãrõ bokatĩrĩneãka!” ãrĩ sērēdeade

⁸ Irasirig_u y_u Jesucristo buedoreg_u pídi ããrĩsãã, m_urē doremasĩkereg_u: “Ásũ iriro gããmeade, irasirig_u irire irika!” ãrĩbirikoa.

⁹ Maĩrĩ merã gap_u m_urē sērēduakoa. Y_u Pablo b_ug_uro ããrã. Jesucristoya kerere weredeade waja peresugue ããrã.

¹⁰ Irasirig_u Onésimõyamarē m_urē sērēduakoa. Ìgũ, y_u peresugue ããrĩgũ p_uro eja, y_u Jesúyare weremakũ pég_u, ãgũrē b_uremunugãmi. Irasirig_u y_u magũ irirosũ ããrĩmi.

¹¹ Jesúre b_uremuburi dupuyuro Onésimo m_urē òãrõ moãboebirisãã, béowãgãdi ããrĩmĩ. Dapora tamerãrē marĩ pērãguereta iritamumi. Y_ure òãrõ iritamugũ yãmi. M_udere òãrõ iritamug_ukumi.

¹² Irasirig_u daporare m_u p_uroque ãgũrē y_u b_uro maĩgũrē iriua. Ìgũrē òãrõ bokatĩrĩneãka!

¹³ Y_u Jesucristoya kerere weredeade waja peresu ããrĩripoe m_u y_ure iritamuboadere iritamudoreg_u, òõgue ãgũrē y_u merã dujamakũ gããmeade.

¹⁴ Ìgũ, y_u merã dujamakũ gããmekereg_u, m_u gããmerĩ direta iriduakoa. Irasirig_u m_u y_ure: “Jãu”, ãrĩmakũ tamerãrē y_u doreri meta ããrĩrokoa. M_u gããmerõsũ waarokoa.

¹⁵ “Gajipoe irig_u Onésimo m_urē béowãgãgũ yoaripoe ããrĩbu meta waakumi. Dupaturi m_u merã òãrõ ããrĩnĩkõãbu irasirikumi”, ãrĩ gũñãa. Irasirig_u ãgũrē y_u merã dujadorebirikoa.

¹⁶ Ìgũ m_urē moãboeg_u ããrĩkereg_u, daporare Jesúre b_uremumi. M_uya wereg_u irirosũ ããrĩmi. Y_u ãgũrē b_uro maĩa. M_u gap_u y_u nemorõ ãgũrē maĩrõ gããmeade. “Y_ure moãboeg_u ããrĩkereg_u, Jesúre b_uremusãã, yaa wereg_u irirosũ ããrĩmi, irasirig_u ãgũrē b_uro maĩa”, ãrĩ gũñarõ gããmeade.

¹⁷ Irasirig_u m_u y_ure: “Y_u merã moãgũ ããrĩmi gajerã Jesúyare péburo, ãrĩgũ”, ãrĩ gũñagũ, y_ure bokatĩrĩneãrõsũta Onésimorē òãrõ bokatĩrĩneãka!

¹⁸ Ìgũ gajino m_uyare poyanorēdi, o m_urē wajamomakũ, y_ure wereka! Y_u m_urē wajarig_ukoa.

¹⁹ Y_u Pablo, y_u basi ire m_urē ā_rī goj_áa: “Y_u w_ujarig_ura”. I_rire iras_u ā_rī gojakereg_u, m_urē g_uji g_uñamak_u irimas_á. Jesúyare y_u m_urē weremak_u pég_u, ĩg_urē b_uremun_ug_uāb_u. Irasirig_u, y_u m_urē werede_ua w_uja y_ure w_uro w_ujamog_u ĩros_u ā_uā_u.

²⁰ Irasirig_u m_urē yaag_ure ās_u ā_rī s_urē_u: “M_u mar_u Op_u Jesucristore b_uremug_u ā_uā_us_u, Onésimorē ō_uā_u bokat_ur_uñe_uāka!” Mar_u Cristoyar_u ā_uā_u. Irasirig_u y_ure ō_uā_u y_ujur_uāk_umak_u irika!

²¹ I y_u m_urē s_urē_urē_u: “Irig_ukumi”, ā_rī mas_á. Irasirig_u ire m_urē goj_áa. Idere mas_á. Y_u s_urē_urē_u nemor_u m_u ō_uā_u irig_uko_u.

²² M_urē gojag_u, g_ujidere s_urē_u. Y_ure wiuadero p_uru, m_us_u p_uroque waad_uko_u. Irasirig_u y_u iroque ejaburi dupuyuro y_u k_ur_ubur_u taribure āmuyuka! Mar_up_u m_us_u ĩg_urē s_urē_urē_u: “J_u”, ā_rīmak_u, m_us_u p_uroque waag_uko_u.

Pablo Filemórē gojat_unudea

²³ Epaf_uras m_urē ō_uā_udoremi. ĩg_u Jesucristoya kerere werede_ua w_uja y_u mer_u peresug_u ā_uā_uīmi.

²⁴ Y_u mer_u mo_uā_u Marcos, Aristarco, Demas, iras_u ā_uā_uīmak_u Lucas m_urē ō_uā_udorema.

²⁵ Mar_u Op_u Jesucristo m_us_urē ō_uā_u iritamuburo. Iras_uta iriburo.

Irop_uā_u ā_uā_u.

Pablo

HEBREOS

Marĩpu ĩgũ magũ Jesucristo merã weredeamarẽ gojadea

¹ Iripoegue Marĩpu ĩgũya kerere weredupiyunerã merã marĩ ñekũsãmarãrẽ werenũgãdi ããrĩmĩ. Yoaripoe wãri ĩgũ turari merã iri ĩmurĩ, ĩgũ weredoreri, kẽrõgue ĩmurĩ merã ĩgũsãrẽ ĩgũyare masĩmakũ iridi ããrĩmĩ.

² Dapagorare i mũmũ pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩpu ĩgũ magũ merã i mũmũrẽ iridi ããrĩmĩ, ããrĩpereri ĩgũ gããmerõsũta ããrĩburo, ãrĩgũ. Irire iriburo dupiyuro ĩgũ magũrẽ pĩdi ããrĩmĩ, iri ããrĩpererire opabure.

³ Jesucristo, Marĩpu gosesiririre opagu, turatarigu, õãtarigu, Marĩpu ããrĩrikũrere opagu ããrĩmĩ. ĩgũ turaro doreri merã ããrĩpereri i mũmũmarẽ ããrĩnĩkõãmakũ yãmi. Marĩ ñerõ iridea wajare tau odo, puũ mũmũgasigue Marĩpu turatarigu diaye gapũ eja doadi ããrĩmĩ, ããrĩpererãrẽ doregu ããrĩbu.

Marĩpu magũ, Marĩpũre wereboerã nemorõ turagu ããrĩmi, ãrĩ gojadea

⁴ Irasirigu Marĩpu magũ Jesucristo, Marĩpũre wereboerã nemorõ turagu ããrĩmi. Marĩpu ĩgũrẽ: “Makũ, mũ yũ magũ ããrã”, ãrĩdi ããrĩmĩ. Ángeles gapũre: “Yũre wereboerã ããrã”, ãrĩdi ããrĩmĩ.

⁵ ĩgũ magũrẽ ãsũ ãrĩdi ããrĩmĩ:
Yũ magũ ããrã mũ. Dapagã merã mũ, yũ magũ ããrĩrĩrẽ masakare masĩmakũ yãa, ãrĩdi ããrĩmĩ.✧

Neõ sugũ ĩgũrẽ wereboegũre irasũ ãrĩbiridi ããrĩmĩ. ĩgũ magũyamarẽ ãsũ ãrĩdi ããrĩmĩ doja:

Yũ, ĩgũ pagũ ããrã. ĩgũ, yũ magũ ããrĩmi, ãrĩdi ããrĩmĩ.✧

Neõ sugũ ĩgũrẽ wereboegũre irasũ ããrĩbiridi ããrĩmĩ.

⁶ ĩgũ magũrẽ sugũ ããrĩgũrẽ i mũmũgue iriugu, ãsũ gapũ ãrĩdi ããrĩmĩ:

Ããrĩpererã yũre wereboerã, yũ magũrẽ ejamejã, bũremuburo, ãrĩdi ããrĩmĩ.✧

⁷ ĩgũrẽ wereboerãamarẽ ãsũ ãrĩdi ããrĩmĩ:

Yũre wereboerãrẽ mirũ wẽjãpu taurosũ, peame mũjũrĩ pũrã irirosũ waamakũ yãa, ãrĩdi ããrĩmĩ.✧

⁸ ĩgũ magũ gapũre ãsũ ãrĩdi ããrĩmĩ:

Mũ ããrĩpererã Opũ ããrĩnĩgũ ããrã. Mũyarãrẽ diayeta dorea.

⁹ Diayema iririre gããmea. Ñerõ iririre dooa. Irasirimakũ ĩãgũ, yũ mũpũ mũrẽ ããrĩpererã Opũ ããrĩbure beyebũ.

Irasirigu mũrẽ ããrĩpererã mũ merãmarã nemorõ mũyari merã ããrĩmakũ iribũ, ãrĩdi ããrĩmĩ.✧

¹⁰ Idere ãrĩdi ããrĩmĩ Marĩpu ĩgũ magũrẽ:

Mũ ããrĩpererã Opũ, neõgoragueta i nikũ, mũmũgasidere iribũ.

¹¹ Gajipoe i mũmũ mũ iridea pereakõãrokoa. Mũ gapũ ããrĩnĩkõãgũkoa. ããrĩpereri mũ iridea gapũ surĩro boarosũ, boapereakõãrokoa.

¹² Irasirigu surĩro bũgũñerẽ túwea béo, gajiñe maamañe gorawayurosũ, ããrĩpereri õãrĩ ditare gorawayugũkoa. Mũ gapũ neõ gorawayubirikoa. Mũrãrõta ããrĩnĩkõãgũkoa, ãrĩdi ããrĩmĩ.✧

¹³ Irasirigu ĩgũ magũrẽ ãsũ ãrĩdi ããrĩmĩ doja:

Yũ diaye gapũ doaka! Mũ doaripoe mũrẽ ĩãturĩrãrẽ mũ dorerire neõ tarĩnũgãnemobirimakũ irĩgũra, ãrĩdi ããrĩmĩ.✧

✧ 1:5 Sal 2.7 ✧ 1:5 2 S 7.14; 1 Cr 17.13 ✧ 1:6 Dt 32.43 ✧ 1:7 Sal 104.4 ✧ 1:9 Sal 45.6-7 ✧ 1:12 Sal 102.25-27 ✧ 1:13 Sal 110.1

Īgūrē wereboerā gapure neō irasū ārībiridi āārīmí.

¹⁴ Āārīpererā Marīp̄re wereboerā deyomarīrā, Īgūrē moāboerā āārīma. Marīp̄u Jesucristo taurārē iritamudoregū Īgūsārē iriumí.

2

Marīp̄u Īgū masakare tauri kerere ōārō pémakū gāāmemi, ārī gojadea

¹ Irasirirā Marīp̄u magū Jesucristoya kerere marī pédeare irasū gūñaníkōārō gāāmea, Īgūrē b̄remurīrē piriri, ārīrā.

² Iripoegue Marīp̄u Īgūrē wereboerārē Īgūya kerere weredoredi āārīmí. Irasirigū: “Ñerō irirānorē, ȳu dorerire tarinūgārārē wajamoāgura”, ārīderosūta Īgūsārē diayeta wajamoādi āārīmí.

³ Marīp̄u masakare tauri kere ōātaria. Marī gap̄u irire pémerā, Īgū wajamoārīrē tausūbirikoa. Marī Op̄u Jesucristo iri kerere werep̄uroridi āārīmí. Īgū weredeare pérā: “Diayeta āārā”, ārī masīnerā āārīmá. Irasirirā marīdere wereturiamā, irire masīburo, ārīrā.

⁴ Marīp̄u gajī irinemodi āārīmí. Iri kerere wererārē Īgū turari merā wári iri ĩmurīrē irimakū iridi āārīmí. Irasū āārīmakū Īgū gāāmederosūta Īgūsārē wári Ōāgū deyomarīgū iritamurī merā irimasīrīrē sīdi āārīmí, iri kerere weremakū pérā: “Diayeta āārā”, ārī masīburo, ārīgū.

Jesucristo, marī irirosū d̄p̄uk̄ḡu deyoadi āārīmi, ārī gojadea

⁵ Marīp̄u Īgūrē wereboerārē: “Ī ũm̄u peredero p̄r̄uḡuere oparā āārīrākoa m̄usā”, ārī, neō p̄biridi āārīmí.

⁶ Īgūyare weredupiyudi āsū gap̄u ārī gojadi āārīmí:

Ḡua Op̄u, masaka ubu āārīrā āārīkeremakū, ¿nasirigū Īgūsārē gūñarī m̄u? Īgūsā boamurā dita āārīkeremakū, ¿nasirigū Īgūsārē iritamurī m̄u?

⁷⁻⁸ Yoabiripoegāta Īgūsārē m̄urē wereboerā doka āārīmakū iridi āārībú. Irasirikeregū, p̄r̄uḡuere Īgūsārē oparā sóogū, m̄u turarire sīb̄u, Īgūsārē āārīpereri opaburo, ārīgū, ārī gojadi āārīmí.*

Marīp̄u masakare irasū sīgū: “Āārīpererire dorerākuma”, ārī pídi āārīmí. Īgūsārē irire píkeremakū, āārīpererire dorebema dapa.

⁹ Marī Jesúyama gap̄ure: “Āārīpererā Op̄u āārīmí”, ārī masīa. Yoabiripoegāta Īgūdere Marīp̄u Īgūrē wereboerā doka pídi āārīmí, āārīpererāya āārīburire boabosabure. Jesús marīrē boabosamakū, Marīp̄u Īgūrē maīgū, ōārō iritamudi āārīmí. Irasirigū Īgū boadigue masādero p̄r̄u, Marīp̄u Īgūrē turarire sī, Op̄u sóodi āārīmí, āārīpererā Īgūrē b̄remuburo, ārīgū.

¹⁰ Marīp̄u Īgū gāāmederosūta āārīpereri i ũm̄umarē iridi āārīmí. Āārīpereri Īgūya dita āārā. Īgū pūrā āārīpererā ũm̄ugasigue Īgū āārīrōgue Īgū merā āārīmakū gāāmemi. Irasirigū Īgū magū Jesúre iriudi āārīmí, marīrē Īgū ñerō tariri merā taubure. Īgūrē iriudi āārīmí, marī Op̄u āārībure, marīrē ũm̄ugasigue āīm̄urīabure.

¹¹ Jesús marīrē tauḡu, Marīp̄uyarā āārīmakū iridi āārīmí. Irasirirā marī Īgūyarā āārīsīā, suḡu pūrā irirosū, Jesús marī tīgū merā Marīp̄u pūrā āārā. Irasirigū Jesús marīrē: “Ȳu paḡupūrā āārīma”, ārīgū, neō ḡuyasīrībemi.

¹² Marīp̄uya werenírī gojadea pūgue Jesús Īgū Paḡure weredeare gojasūdero āārībú. Āsū ārīdi āārīmí Īgūrē:

M̄u āārīrikurire, m̄uyamarē werēḡukoa ȳu paḡupūrāguere. Īgūsā nerēnarōgue nerēmakū, Īgūsā merā: “Ōātaria m̄u”, ārī bayapeoḡukoa m̄urē, ārīdi āārīmí.*

* 2:7-8 Sal 8.4-6 ✦ 2:12 Sal 22.22

13 Gaji ārīdi āārīmí doja:

Yude mūrē yu Opure b̄remuníkōāgura.✧

Idere ārīdi āārīmí doja:

Ōōta āārā Yupu pūrā ĩgū yure pīnerā merā, ārīdi āārīmí.✧

14 Marī, Marīpu pūrā, dupukurā āārā. Irasirigu Jesúde marī irirosūta dupukugu aaridi āārīmí. ĩgū curusague boari merā wātīrē, boarire gūirā opure tarinugā b̄odi āārīmí.

15 Jesús ĩgūrē irasū tarinugāgū, marī boaburire gūiníkōānerārē taudi āārīmí.

16 Āsū āārā. Jesucristo Marīpure wereboerārē iritamugū meta aaridi āārīmí. Marī, Abraham parāmerā gapure ĩgū Marīpure b̄remuderosūta b̄remurārē iritamugū aaridi āārīmí.

17 Irasirigu marī irirosūta dupukugu aaridi āārīmí, ĩgū boari merā marī ñerī iridea wajare wajaribosabu. I merā Marīpure: “Waja opamerā āārīma”, ārī ĩāmakū iridi āārīmí. Paía opu marīya āārīburire Marīpure s̄ērēbosarosū, ĩgūde marīrē ōārō s̄ērēbosami. Irasirigu marīrē bopoñarī merā ĩāgū marīrē ōārō iritamuníkōāmi.

18 Wātī ĩgūrē ñerō iridoremakū, Jesús b̄uro ñerō tarikeregu, ĩgū dorerire iribiridi āārīmí. Irasirigu wātī marīdere ñerī iridoremakū ĩāgū, Jesús marīrē iritamumasīmi, ñerī iribirikōāburo, ārīgū.

3

Jesús, Moisés nemorō āārīmi, ārī gojadea

1 Yaarā, musā Marīpu beyenerā, ĩgūyarā āārā. Irasirirā Jesucristore: “B̄remua mūrē”, ārīnerā āārīsīā, ĩgūrē ōārō gūñaníkōāka! Marīpu ĩgūrē iriudi āārīmí, ĩgūya kerere werebure, paía opu irirosū marīya āārīburire s̄ērēbosabure.

2 Marīpu ĩgūrē beyepīdi āārīmí irire iribure. Irasirigu Moisés, Marīpu ĩgūrē: “Āsū iridoreka yaarārē!” ārī pīdeare ōārō iriderosūta Jesúde Marīpu ĩgūrē pīdeare āārīpererire ōārō iridi āārīmí.

3 Irasirirā Moisére b̄remudero nemorō Jesús gapure b̄remurō gāāmea marīrē. Iri āsū āārā. Wiire: “Ōārī wii āārā”, ārī ĩārō nemorō iri wiire iridi gapure: “Ōātarimi”, ārī b̄remurō gāāmea marīrē.

4 Masaka gapu wiiri irirā āārīma. Marīpu gapu āārīpereri i ūmumarē iridi āārīmí.

5 Moisés gapu Marīpuyarārē doregu, ĩgūsārē ōārō iritamudi āārīmí. “Āsū irika, Marīpure b̄remurā!” ārī weredi āārīmí, purugue marā Marīpuya kerere pémasīburo, ārīgū.

6 Cristo, Marīpu magū gapu Moisés nemorō Marīpuyarārē ōārō doregu āārīmí. Irasirirā marī Marīpuyarā, gūñaturarire pīriro marīrō ĩgū tauburire usuyari merā yúnirā, ĩgūya wii marā āārā.

Marīpu ĩgūyarārē ĩgū merā ōārō siñajāmakū gāāmemi, ārī gojadea

7 Irasirigu Ōāgū deyomarīgū ire āsū ārī weredi āārīmí, Marīpuya werenírī gojadea pūgue:

Dapagārē musā Opu musārē weremakū, péduamerā irirosū āārībirikōāka!

8 Ōārō péka ĩgūrē! Iripogue Israel bumarārē masaka marīrōgue āārīrārē ĩgū werekeremakū, ĩgū dorerire tarinugāma. “Marīrē iritamumasībirikumi”, ārīrā, ĩgūrē b̄remubirima.

9 Irasirigu āsū ārīmi: “Iroguere cuarenta bojorigora yu turaro merā iririre iri ĩmuadibu ĩgūsārē iritamugū. Yu irasirikeremakū: ‘ĩgū marīrē iritamu-masībirikumi’, ārī gūñanama yure.

- 10 Irasirigu ĩgũsã merã gua, ãsũ ãrĩbu: ‘Yaa gapure neõ gũnatuyabema. Yu dorerire iridubema’, ãrĩbu.
- 11 Irasirigu ĩgũsã merã guagu, goepeyaro merã ãsũ ãrĩ werebu: ‘Yu merã õãrõ siñajãrĩ bokabirikoa musã yure buremubiri waja’ ”, ãrĩmi.✧
- 12 Irasirirã yaarã, õãrõ pémasĩka! Neõ sugu musã watopemu ñerõ gũña, buremubi ããrĩbirikõãburo. Irasũ ããrĩgũno, Marĩpu ããrĩnĩgũrẽ béogu iribukumi.
- 13 ãsũ gapu iriro gããmea. Umuriku musã basi Marĩpu yare gãme werenĩka, ñerĩrẽ iriri, ãrĩrã! Dapagã merã Marĩpu yare werenĩrĩ gojadesa pũgue doredersũta gãme werenĩka! “Ñerĩ gapure irirã, usuyãa guã”, ãrĩ gũnarã, musã basita ãrĩkatorã yãa. Ñerĩrẽ irirã, Marĩpu dorerire tarinugãrãkoa.
- 14 Cristore buremunugãdersũta marĩ okaro bokatiũrõ buremunĩkõãrã, ĩgũ ããrĩrõgue ĩgũ merã ããrĩrãkoa.
- 15 Yu wererosũta Marĩpu yare werenĩrĩ gojadesa pũgue ãsũ ãrĩ gojasũdero ããrĩbũ:
Dapagãrẽ Marĩpu musãrẽ weremakũ, ĩgũrẽ õãrõ péka! Iripoegue Israel bu-marã ĩgũ dorerire tarinugãdersũ iribirikõãka! ãrĩ gojasũdero ããrĩbũ.✧
- 16 ĩgũsã Marĩpu yare werenĩrĩrẽ pékererã, ĩgũ dorerire tarinugãnerã ããrĩmã. ããrĩpererã Egiptogue ããrĩrãrẽ Moisés ãĩãsũnerã ããrĩkererã, Marĩpu dorerire tarinugãnerã ããrĩmã.
- 17 ĩgũsã tarinugãdesa waja cuarenta bojorigora Marĩpu ĩgũsã merã guadi ããrĩmĩ. Masaka marĩrõgue ĩgũsãrẽ ããrĩdoredi ããrĩmĩ. Irogueta boanerã ããrĩmã.
- 18 ĩgũ dorerire tarinugãmakũ ĩãgũ, goepeyaro merã ĩgũsãrẽ ãsũ ãrĩ weredi ããrĩmĩ: “Yu merã õãrõ siñajãrĩ bokabirimakũ irigura”, ãrĩdi ããrĩmĩ.
- 19 Irasirirã ire masĩa marĩ. ĩgũsã Marĩpu yare buremubiridea waja ĩgũ merã õãrõ siñajãrĩ bokabirinerã ããrĩmã.

4

- 1 Marĩpu iripoegue marãrẽ: “Yu merã siñajãrĩ bokarãkoa”, ãrĩ pídersũta marĩdere pídi ããrĩmĩ. Irasirirã marĩde goepeyaro merã Marĩpu yare yujuro gããmea, ĩgũ merã õãrõ siñajãrĩ bokamurã.
- 2 Marĩpu masakare tauri kerere iripoegue marã pédersũta marĩde pébu. ĩgũsã gapu iri kerere pékererã, buremurĩ merã pébirinerã ããrĩmã. Irasirirã irire ubugorata péunanerã ããrĩmã.
- 3 Marĩ gapu Marĩpu yare buremurã ĩgũ merã õãrõ siñajãrĩ bokarãkoa. ĩgũrẽ buremumerã gapure ãsũ ãrĩdi ããrĩmĩ:
Yure buremubiri waja ĩgũsã merã guabu. Irasirigu ĩgũsãrẽ goepeyaro merã ãsũ ãrĩ werebu: “Yu merã õãrõ siñajãrĩ bokabirikuma”, ãrĩdi ããrĩmĩ.✧
I umurẽ iri odo, siñajãdi ããrĩmĩ. Irasirigu masakadere ĩgũ merã siñajãburire pídi ããrĩmĩ.
- 4 Gaji ãsũ ãrĩ gojasũdero ããrĩbũ, ĩgũya werenĩrĩ gojadesa pũgue:
I umuma ããrĩpererire iripeo odogu, su mojõma pere gaji mojõ peru pẽrẽbejarinurĩ waarõ merã ĩgũ moãrĩrẽ piri, siñajãdi ããrĩmĩ.✧
- 5 ĩgũrẽ buremumerã gapure ãsũ ãrĩdi ããrĩmĩ doja ĩgũya werenĩrĩ gojadesa pũgue:
Yu merã õãrõ siñajãrĩ bokabirikuma, ãrĩdi ããrĩmĩ.✧
- 6 Iripoegue marã, ĩgũ masakare tauri kerere pépurorinerã, ĩgũ dorerire tarinugãdesa waja ĩgũ merã õãrõ siñajãrĩ bokabirinerã ããrĩmã. Gajirã gapu ĩgũrẽ buremurã ĩgũ merã õãrõ siñajãrĩ bokarãkuma.

⁷ Irasirigu Marĩpu masakare ĩgũ merã siñajãburire pígu: “Dapagorare yure òãrõ péka!” ãrĩdi ããrĩmĩ. Israel bumarã ĩgũ dorerire tarinugãdero puru, yoaripoe puru irire Davire gojadoredi ããrĩmĩ. Irasirigu musãrẽ dupaturi irire weregura doja. Æsũ ãrĩ gojadi ããrĩmĩ David:

Dapagorare Marĩpu musãrẽ weremakũ, òãrõ péka! ĩgũrẽ péduamerã irirosũ ããrĩbirikõãka! ãrĩ gojadi ããrĩmĩ.*

⁸ Iripoegue David irire gojaburi dupiyuro Josué Israel bumarãrẽ Marĩpu ĩgũsãrẽ sídea nikũgue ãñjadi ããrĩmĩ. Iro gapure siñajãrĩ bokabirinerã ããrĩmã. Irasirigu Marĩpu ĩgũyarãrẽ gaji siñajãrĩ sĩburire weredi ããrĩmĩ.

⁹ Irasirirã, Marĩpu i ãmurẽ iri odo, ĩgũ siñajãderosũta marĩ ĩgũyarãde ĩgũ merã òãrõ siñajãrĩ bokarãkoa.

¹⁰ Marĩpu merã siñajãrã, marĩ gããmerõ moãrĩrẽ piri, ĩgũ gããmerĩ gapure iripurorirã, ĩgũ merã òãrõ siñajãnĩkõãrãkoa, ĩgũ i ãmumarẽ iri odo siñajãderosũta.

¹¹ Irasirirã ĩgũrẽ òãrõ buremurõ gããmea, ĩgũ merã siñajãrĩ bokamurã. Iripoegue marã ĩgũrẽ buremubiridea waja ĩgũ merã neõ siñajãrĩ bokabirinerã ããrĩmã. ĩgũsã iriderosũ iribirikõãrõ gããmea marĩrẽ.

¹² Marĩpuya werenĩrĩrẽ pérã, ĩgũ merã òãrõ ããrĩnĩkõãa. Sareri majĩ pe gapu usiri majĩ sareñajãrõ nemorõ Marĩpuya werenĩrĩ marĩya yujupũrãrĩgue, marĩ gũñarĩgue ñajãrokoa. Irasirirã ĩgũya werenĩrĩrẽ pérã, marĩya yujupũrãrĩmarẽ marĩ gũñarĩdere: “I gapu òãgorãa, o i gapu ñegorãa”, ãrĩ masĩrãkoa.

¹³ Marĩ masaka ããrĩpererã Marĩpu irinerã dita ããrã. ĩgũ ããberogue neõ ããrĩbea. ããrĩpereri marĩ ããrĩkũrĩre marĩ iririkũrĩre masĩmi. Irasirirã òãrĩ gũñarĩ oparã òãrõ irirã, ĩgũ ĩũrõ marĩ irideare, marĩ gũñadeare weredoremakũ, gũyasĩrĩrõ marĩrõ weremasĩrãkoa.

Jesús paía opu nemorõ ããrĩmi, ãrĩ gojadea

¹⁴ Jesús, Marĩpu magũ, paía opu nemorõ marĩya ããrĩburire Marĩpure sërẽbosagu ããrĩmi. ĩgũ Marĩpu purogue ããrĩmi. Irasirirã neõ piriro marĩrõ ĩgũrẽ buremunĩkõãrã!

¹⁵ Jesús paía opu nemorõ, marĩ turamerãrẽ bopoñarĩ merã ĩãgũ marĩrẽ iritamugũ ããrĩmi. Wãtĩ marĩrẽ ñerĩrẽ iridorerosũta Jesúdere ããrĩpereri ñerĩrẽ iridoredi ããrĩmĩ. Jesús gapu ñerĩrẽ neõ iribiridi ããrĩmĩ.

¹⁶ ĩgũ marĩya ããrĩburire sërẽbosagu ããrĩmakũ ĩãrã, Marĩpure gũiri marĩrõ marĩ sërẽmasĩa. ĩgũ ããrĩrõgue ĩgũ merã ããrĩrã irirosũ sërẽmasĩa. ĩgũ marĩrẽ maĩgũ, marĩrẽ bopoñarĩ merã ĩãsĩa, marĩ ñerõ tariripoere diayeta iritamugũkumi.

5

¹ Marĩ ire masĩa. Sugũ paía opu, masaka watope Marĩpu beyepĩsũdi ããrĩmi. Masakaya ããrĩburi ããrĩpererire Marĩpure sërẽbosagu ããrĩmi. Irasirigu Marĩpure ĩgũsã síduarire sĩbosagu ããrĩmi. “ĩgũsã ñerĩ iridea waja ĩgũsãrẽ wajamoãbirikõãka!” ãrĩ sërẽgũ, Marĩpu ĩũrõ waibure wẽjẽ soepeobosagu ããrĩmi.

² Paía opu marĩ irirosũta ĩgũ turari merã ĩgũ ñerĩ iriduarire tau kãmutamasĩbemi. Irasirigu pémasĩmerãrẽ, ñerõ irirãrẽ bopoñarĩ merã ĩãmasĩmi.

³ Turabi ããrĩsĩa, gajirãrẽ iribosarosũta ĩgũ basi ñerõ iridea waja Marĩpu ĩũrõ waibure wẽjẽ soepeomi.

⁴ Neõ sugũ ĩgũ gããmerõ paía opu ñajãmasĩbemi. Marĩpu gapu ĩgũrẽ beyepĩmi, iripoeguemu Aarõrẽ ĩgũ beyepĩderosũta.

* 4:7 Sal 95.7-8

⁵ Cristode ĩgũ gããmerõ paía opũ ñajãbiridi ããrĩmĩ. Marĩpu ĩgũrẽ Opũ pídi ããrĩmĩ. Āsũ ãrĩdi ããrĩmĩ ĩgũrẽ:

Yũ magũ ããrã mũ. Dapagã merã mũ, yũ magũ ããrĩrẽ masakare masĩmakũ yáa, ãrĩdi ããrĩmĩ.✠

⁶ Gajirogue ĩgũya werenĩrĩ gojadea pũgue ĩgũ magũrẽ ãsũ ãrĩdi ããrĩmĩ: Melquisedec paí ããrĩderosũta mũ ããrĩníkõãgũkoa, ãrĩdi ããrĩmĩ.✠

⁷ Cristo i ùmũgue ããrĩgũ, bũro oreri gaguinĩrĩ merã Marĩpũre ĩgũ turari merã ĩgũ boaburire taumasĩgũrẽ sërẽdi ããrĩmĩ. ĩgũ, Marĩpu gããmerĩ ditare iridũamakũ ĩãgũ, ĩgũ sërẽrẽ pé, ĩgũrẽ gũñaturamakũ iridi ããrĩmĩ.

⁸ Cristo, Marĩpu magũ ããrĩkeregũ, bũro ñerõ taridi ããrĩmĩ. Ñerõ tarikeregũ, Marĩpu dorerire tarinũgãrõ marĩrõ ĩgũrẽ õãrõ yũjũri merã irire iritariweredi ããrĩmĩ.

⁹ ĩgũ curusague boagũ, ããrĩpereri Marĩpu ĩgũrẽ iridoredeare iripeodi ããrĩmĩ. Irasirigũ ããrĩpererã marĩrẽ ĩgũrẽ yũjũrãrẽ taudi ããrĩmĩ, ĩgũ pũro perebiri okari opaburo, ãrĩgũ.

¹⁰ Irasirigũ Marĩpu ĩgũrẽ: “Melquisedec paí ããrĩderosũta mũ ããrĩníkõãgũkoa”, ãrĩ pídi ããrĩmĩ, marĩya ããrĩburire sërẽbosabure.

Jesucristore bũremurĩrẽ piriri, ãrĩrã, ĩgũrẽ gũñaturaníkõãrõ gããmea, ãrĩ gojadea

¹¹ Cristo paía opũ nemorõ ããrĩrẽ wári werenemodũadãa. Mũsã pémasĩturabirimakũ, irire weremasĩbirikoa.

¹² Mũsã yoaripoe Cristore bũremubũ. Irasirirã dapagoraguere gajirãrẽ Marĩpũyare buerimasã ããrĩbukoa. Mũsã irasũ ããrĩbonerã, dapagoraguedere neõ buepũrorirã irirosũta ããrĩkõãa. Őpĩkũ mirĩrã, baari baagamasĩmerã, majĩrãgã irirosũta ããrĩkõãa. Irasirirã gajirã buerimasã mũsãrẽ buepũrorideare dupaturi buero gããmea.

¹³ Őpĩkũ mirĩrã majĩrãgã irirosũ ããrĩrãno, “I ñerĩ, i gapũ õãrĩ ããrã”, ãrĩ beyemasĩbema.

¹⁴ Baari bũriri gapũ mũrã baari ããrã. Mũrã ããrĩrãno, õãrõ buenerã, õãrĩrẽ, ñerĩrẽ beyemasĩrãgue ããrĩma.

6

¹ Irasirirã mũrã pémasĩrã irirosũ Cristoyamarẽ õãrõ pémasĩrã dujarã, irire buenemorõ gããmea. Neõgorague ĩgũyare buepũrorirã, marĩ ñerõ irideare bũjawere, gũñarĩ gorawayurire buebũ, Marĩpu marĩrẽ perebiri peamegue béori, ãrĩrã. Marĩ ñerõ iririkũdeare piri, Marĩpũre õãrõ bũremurĩdere buebũ.

² Gajidere, deko merã, Őãgũ deyomarĩgũ merã wãĩyerire buebũ. Marĩ oparã ĩgũsãya mojõrĩ merã marĩrẽ: “Marĩpu mũrẽ iritamuburo”, ãrĩ ñapeoridere buebũ. Boanerã masãburire, Marĩpu Cristore bũremumerãrẽ perebiri peamegue wajamoãburidere buebũ.

³ Irasirirã marĩ Cristore bũremurã ĩgũyare buenemowãgãníkõãrãkoa, Marĩpu gããmemakũ ĩgũ iritamurĩ merã masĩnemorã.

⁴ Āsũ ããrã. Masaka Jesucristoya kerere pémasĩkererã, Marĩpu ĩgũyarãrẽ õãrĩ sĩburire masĩkererã, Őãgũ deyomarĩgũrẽ opakrerã,

⁵ Marĩpu õãrĩ werenĩrĩrẽ pékererã, i ùmũ peredero pũru ĩgũ turari merã iriburire masĩkererã,

⁶ iri gapũre gããmemerã, neõ dupaturi ĩgũsã ñerõ irideare bũjowereri merã pirimasĩbirikuma. Neõ dupaturi ĩgũsã gũñarĩrẽ õãrĩ gapũ gorawayu-masĩbirikuma. Irasirirã Marĩpũyare gããmebiri waja, Marĩpu magũ Cristore

buremumerā, ĩgūrē dupaturi curusague pábiatú wějērā irirosū āārīrākuma. Gajirārē ĩgūrē masaka ĩūrōgue buridamakū irirākuma.

⁷ Āsū āārā. Marī, su pooema nikū irirosū āārā. Ōārī nikūrē ũmarikū deko merēmakū, sibi ñajānakoā. Irasiro iri pooe opū otedea ōārō puri dukakukoā. Irasirigū iri pooe opū dukare opakumi ĩgū baaburire. Gajirā iri yebare ōārī dukakumakū ĩārā: “Marīpū ōārō dukakumakū irikumi”, ārīkuma. Irasūta yāmi Marīpū ĩgūyare pérārē. Gajirā ĩgūsā ĩgūyare ōārō irimakū ĩārā: “Marīpū ĩgūsārē ōārō iritamumi, irasirirā ōārō yāma”, ārīrākuma.

⁸ Iri poore pora, ñerī tá dita puri dukakumakū, béokōārō gāāmea. Irasūta yāmi Marīpū ĩgūyare pékererā irimerārē. Perebiri peamegue béogukumi ĩgūsārē wajamoāgū.

Jesucristore buremurīrē piriro marīrō marī ũmugasigue waaburire yūro gāāmea, ārī gojadea

⁹ Yū, Marīpū ĩgūsārē béoburire weregū, mūsārē yū maīrārē: “Īgū béosūmurā āārā”, ārīgū meta yāa. Marīpū mūsārē Cristo merā taudi āārīmī, ĩgūyarā āārīburo, ārīgū. Irasirirā mūsā ōārī yebague otedea ōārō dukakurosūta ōārīrē yāa. Irire yū masīa.

¹⁰ Marīpū diayema irigū āārīmī. Irasirigū ĩgūyare mūsā ōārō iririre kātibirikumi. Mūsā ĩgūrē maīsīā, gajirā ĩgūyarārē iritamurīdere kātibirikumi.

¹¹ Yū, mūsā okaropa ũsuyari merā gajirārē iritamunīmakū gāāmea. Irasirirā Marīpū ĩgūyarārē: “Ōārīrē sīgura”, ārīdeare mūsā yūrīre, pūrugue diayeta oparākoā.

¹² Irasirigū mūsā Marīpūyare téri merā irituyamakū gāāmebea. Gajirā Marīpū Jesucristo merā tauri kerere buremurā ñerō tarikererā, Marīpūre: “Diayeta yūre iritamugukumi”, ārī buremunīkōāma. Īgūsā irasirimakū ĩāgū, Marīpū ĩgūyarārē: “Ōārīrē sīgura”, ārīdeare ĩgūsārē sīgukumi. Irasirirā mūsāde ĩgūsārē ĩākūī, ĩgūsā irirosūta irinīkōāka!

¹³⁻¹⁴ Iripoegue Marīpū Abrahārē āsū ārī pídi āārīmī: “Diayeta mūrē ōārīrē irigura yū ārīderosūta. Mū parāmerā āārīturiarārē wārā āārīmakū irigura”, ārī pídi āārīmī. Irasū ārī pígu, ĩgū wāī merā wāīpeodi āārīmī. Gajigū ĩgū nemorō āārīgú neō marīmakū, ĩgū wāī merā wāīpeodi āārīmī.

¹⁵ Abraham, Marīpū ĩgūrē ārī pídeare ōārō buremurī merā yūdi āārīmī. Irasirigū Marīpū ĩgū ārīderosūta ĩgūrē ōārō iridi āārīmī.

¹⁶ Sugū masakū gajirā péuro: “Diayeta ārīgū yāa”, ārīgū, ĩgū nemorō āārīgúya wāī merā wāīpeokumi. Īgū irasū ārī wāīpeomakū pérā: “Diayeta werekumi”, ārī, ĩgū merā neō guaseomasībirikuma.

¹⁷ Irasirigū Marīpū Abrahārē: “Diayeta mūrē ōārīrē irigura”, ārī pígu, ĩgū wāī merā wāīpeodi āārīmī. Marī ĩgū irasū wāīpeo weredeare pérā: “Īgū ārīderosūta diayeta irigukumi”, ārī masīa. “Īgū ārīdeare neō gorawayubirikumi”, ārī masīa. Irasirigū irire marīrē ōārō masīburo, ārīgū, Abrahārē ārī pídeare weregū, ĩgū wāī merā wāīpeodi āārīmī.

¹⁸ Marīpū neō ārīkatobi āārīmī. Irasirigū ĩgū ārī pídea merā, ĩgū wāīpeodea merā, ĩgū ārīdea neō gorawayubiriburire marīrē masīmakū iridi āārīmī. Marī irasirigūre masīrā, marī ñerō irideare piri, ĩgū marīrē tauburire gūñaturari merā yūa. “Irasūta irigukumi”, ārī masīa.

¹⁹ Irasirigū Marīpū marīrē ĩgū ōārō iriburire yūrārē ũmugasigue ĩgū merā āārīmakū irigukumi. Īgū turatarigū āārīsīā, irire diayeta irigukumi. Irire ōārō masīa marī.

Āsū āārā. Sugu paía opu Marĩpu āārĩrĩ taribu poekague ñajāgū, iri taribu makāpuro kāmūtari gasiro tariñajāmi. Irasū ñajāgū, masakaya āārĩburire sērēbosami Marĩpure.

²⁰ Marĩpu āārĩrĩ taribugorague ñajārōsū Jesús ūmugasigue Marĩpu āārĩrōgue ñajādi āārĩmĩ. Marĩ iroque ñajāburi dupiyuro ñajāsiadi āārĩmĩ, paía opu nemorō Marĩpure marĩya āārĩburire sērēbosaníkōābu. Melquisedec paí āārĩderosūta āārĩnókōāgukumi.

7

Melquisedec paí āārĩderosūta Jesús āārĩmi, ārĩ gojadea

¹ Iripoegue Melquisedec wāikugu Salem* wāikuri makā marā opu āārĩdi āārĩmĩ. Īgū paí āārĩgū, masakaya āārĩburire Marĩpure āārĩpererārē doregure sērēbosagu āārĩdi āārĩmĩ. Abraham gajirā oparārē wējē tarinugāgū ejadi goedujāamakū, Melquisedec ĩgūrē bokatĩrĩgū waadi āārĩmĩ. Īgūrē bokatĩrĩgū, Marĩpure: “Гуапу, ĩrē ōārō irika!” ārĩ sērēbosadi āārĩmĩ.

² Abraham gajirā oparārē wējē tarinugāsĩā, ĩgūsāya āārĩdeare āĩadi āārĩmĩ. Irasirigu ĩgū āĩdeare pe mojōma buri dukawa pí, subu sĩdi āārĩmĩ Melquisedere. “Melquisedec”, ārĩrō: “Opu diayeta irigu”, ārĩduaro yāa. Īgū Salem marārē doregu āārĩdi āārĩmĩ. Īgūyarārē ōārō siñajārĩ merā āārĩmakū iridi āārĩmĩ. Irasiriro: “Salem”, ārĩrō: “Siñajārĩ”, ārĩduaro yāa.

³ Melquisedec pagusāmarārē, ĩgū ñekūsāmarārē ĩgūsā were gojatūdea neō máa. Īgū deyoadeare, ĩgū boadeare, ĩgūrē gorawayubure were gojatūdea neō máa. Irasirigu ĩgū, Marĩpu magū Jesucristo paí āārĩnókōāgū irirosū āārĩdi āārĩmĩ.

⁴ Irasirirā Melquisedere gūñaka! Ubu āārĩgū meta āārĩdi āārĩmĩ. Marĩ ñekū Abraham marĩya bumū āārĩpuroridi āārĩkeremakū, Melquisedec, Abraham nemorō āārĩdi āārĩmĩ. Irasirigu Abraham Melquisedere, gajirā oparārē wējē tarinugāsĩā, ĩgūsāya āārĩdea āĩdeare pe mojōma buri dukawa pí, subu sĩdi āārĩmĩ.

⁵ Āsū āārā. Moisés dorederosūta āārĩpererā gajirā Israel bumarā ĩgūsāyare, Levĩ parāmerā āārĩturiarārē paía āārĩrārē keoro sĩma. Abraham Levĩya bumarā ñekū āārĩdi āārĩmĩ. Īgū āārĩpererā gajirā Israel bumarā ñekū āārĩdi āārĩmĩ. Īgū, ĩgūsā ñekū āārĩdi āārĩkeremakū, ĩgūsā gapu Moisés dorederosūta irirā, Levĩ parāmerā āārĩturiarā ditare sĩma.

⁶ Melquisedec gapu Levĩ parāmi āārĩturiagu āārĩbiridi āārĩmĩ. Abraham gapu Marĩpu: “Ōārō irigura”, ārĩ písũdi āārĩkeregu, Melquisedere sĩdi āārĩmĩ. Irasirigu Melquisedec Abrahārē: “Marĩpu mūrē ōārō iriburo”, ārĩdi āārĩmĩ.

⁷ Irasirirā marĩ ire masĩa. Melquisedec Abrahārē: “Marĩpu mūrē ōārō iriburo”, ārĩgū, Abraham nemorō āārĩdi āārĩmĩ.

⁸ Gajire masĩa. Paía, marĩ watope āārĩrā, marĩ irirosūta masaka āārĩma. Irasirirā boamurāta āārĩma. Moisés dorederosūta irirāno, ĩgūsāyare pe mojōma buri oparire subu sĩma paĩare. Abraham Melquisedere sĩgū, āārĩnĩgū irirosū āārĩgūrē sĩdi āārĩmĩ. Marĩpuya werenĩrĩ gojadea pūgue Melquisedere: “Boakōādi āārĩmĩ”, ārĩ gojadea neō máa.

⁹⁻¹⁰ Masaka Moisés dorederosūta irirā, ĩgūsāyare pe mojōma buri oparire subu sĩma, Levĩ parāmerā āārĩturiarārē paĩare. Iripoegue Levĩ deyoaburi dupiyuro Melquisedec Abrahārē bokatĩrĩgū waadi āārĩmĩ. Īgū bokatĩrĩmakū, Abraham ĩgū āĩdeare pe mojōma buri dukawa pí, subu sĩdi

* 7:1 Salem wāikuri makā, Jerusal'eta āārĩyuro.

ãārĩmĩ Melquisedere. Levĩ, Abraham parãmi ãārĩdi ãārĩmĩ. Īgũ parãmerã ãārĩturiarãde Abraham parãmerãta ãārĩnerã ãārĩmã. Irasirirã, Abraham Melquisedere sĩdea merã ĩgũsãde ĩgũrẽ sĩnerã irirosũ ãārĩnerã ãārĩmã. Irasirigũ Melquisedec ĩgũsã nemorõ ãārĩdi ãārĩmĩ.

¹¹ Marĩpũ Israel bumarãrẽ ĩgũ dorerire pĩgũ, Aarõn parãmerã ãārĩturiarã Levĩya bumarãrẽ: “Paĩa ãārĩma”, ãrĩ pĩdi ãārĩmĩ. Irasirirã ĩgũ dorederosũta paĩa waimurãrẽ wẽjẽ soepeo, Marĩpũre masakaya ãārĩburire sãrẽbosanerã ãārĩmã. Īgũsã irasiridea gapũ masakare Marĩpũ ĩũrõ õãrã waamakũ irimasĩbea. Irasirigũ Marĩpũ ĩgũsãrẽ gorawayubure Cristore iriudi ãārĩmĩ, paĩ ãārĩbure, marĩrẽ õãrã ãārĩmakũ iribure. Cristo gapũ Levĩya bumũ, Aarõn parãmi ãārĩturiagu ãārĩbemi. Melquisedec ãārĩderosũta paĩ ãārĩmĩ.

¹² Irasirigũ Marĩpũ Cristore paĩare gorawayubure iriugũ, ĩgũ iripoegue doredeadere gorawayudi ãārĩmĩ.

¹³⁻¹⁴ Marĩpũ ĩgũ iripoegue dorederosũta Levĩya bumarã ditare paĩa sóounadi ãārĩmĩ. Marĩ Opũ Jesucristo gapũ Israel bumũ ãārĩkeregũ, Levĩya bumũ meta ãārĩmĩ. Judãya bumũ ãārĩmĩ. Marĩpũ Moisẽre ĩgũ dorerire pĩgũ, neõ Judãya bumarãrẽ: “Paĩa ãārĩrãkuma”, ãrĩbiridi ãārĩmĩ. Irire masĩa marĩ.

¹⁵ Irire masĩrã, idere õãrõ pẽmasĩa. Cristo, Marĩpũ paĩ sóodi, gajirã paĩare gorawayugũ, Melquisedec irirosũ ãārĩgũ ãārĩmĩ.

¹⁶ Marĩpũ iripoegue dorederosũta Levĩya bumarã dita paĩa ñajãunanerã ãārĩmã. Jesucristo gapũ Marĩpũ pĩdi gajirã paĩa irirosũ paĩ ñajãbiridi ãārĩmĩ. Marĩpũ turari merã ãārĩnĩgũ ãārĩsĩã, paĩ ñajãdi ãārĩmĩ.

¹⁷ Marĩpũ ĩgũ werenĩrĩ gojãdea pũgue ĩgũ magũrẽ irire ãsũ ãrĩdi ãārĩmĩ: Melquisedec paĩ ãārĩderosũta mũ ãārĩnĩkõãgũkoa, ãrĩdi ãārĩmĩ.✧

¹⁸ Marĩpũ Moisẽre doreri pĩpũroridea marĩrẽ Marĩpũ merã õãrõ ãārĩmakũ irimasĩbea. Irasirigũ Marĩpũ iri dorerire bojepĩkõãdi ãārĩmĩ.

¹⁹ Marĩpũ Moisẽre doreri pĩdea merã marĩ ĩgũ ĩũrõ õãrã neõ ãārĩmasĩbea. Irasirigũ Marĩpũ Jesucristo merã marĩrẽ õãrã ãārĩmakũ iriburire pĩdi ãārĩmĩ. Irasirirã marĩ Cristore bũremurã, Marĩpũ pũrogue ñajãrã irirosũ ĩgũrẽ diayeta sãrẽmasĩa.

²⁰ Marĩpũ Cristore paĩ sóogũ: “Yũ wãĩ merã mũrẽ wãĩpeo pĩa”, ãrĩdi ãārĩmĩ.

²¹ Gajirã paĩa gapũre ĩgũ wãĩ merã wãĩpeo pĩbiridi ãārĩmĩ. Cristo gapũre wãĩpeo, paĩ pĩdi ãārĩmĩ. ãsũ ãrĩ weredi ãārĩmĩ Marĩpũ Cristore:

Yũ, mũ Opũ ããrã. Irasirigũ yũ wãĩ merã mũrẽ wãĩpeogũ, diayeta werẽgũra. Irasirigũ neõ gorawayuro marĩrõ mũrẽ ãsũ ãrĩ werea: “Melquisedec paĩ ãārĩderosũta mũ ãārĩnĩkõãgũkoa”, ãrĩdi ãārĩmĩ Marĩpũ ĩgũ magũrẽ.✧

²² Marĩpũ irasũ ãrĩ werẽgũ, ĩgũ Jesucristo merã marĩrẽ õãrã ãārĩmakũ iriburire pĩdi ãārĩmĩ. Iri ĩgũ Moisẽre doreri pĩpũroridea nemorõ, marĩ õãrõ ãārĩburire pĩdea ããrã.

²³ ããrĩpũrorinerã paĩa boamakũ, gajirã gorawayu ñajãnerã ãārĩmã doja. Irasirirã wãrã paĩa ñajãnanerã ãārĩmã.

²⁴ Jesús gapũ irasũ ãārĩnĩkõãmi. Irasirirã ĩgũrẽ gorawayurã paĩa neõ mãma.

²⁵ Irasirigũ Marĩpũre marĩya ãārĩburire sãrẽbosanĩkõãmi. Marĩpũre masĩrãno, Jesúsre bũremurã ãārĩma. Irasirigũ ãārĩpererã marĩrẽ ĩgũrẽ bũremurãrẽ tau-masĩmi, Marĩpũ merã õãrõ ãārĩnĩkõãburo, ãrĩgũ.

²⁶ Irasirigũ Jesús paĩa opũ nemorõ, ãārĩpereri marĩya ãārĩburire keoro irita-mugũ ãārĩmĩ. ĩgũrẽta marĩ bũro gããmea. ĩgũ õãtarigũ, neõ ñerĩrẽ iribi, ñerĩ opabi ãārĩmĩ. Irasirigũ Marĩpũ ĩgũrẽ ñerã watope ãārĩdire ãĩ, umũgasigue ãārĩpererã gajirã nemorõ Opũ pĩdi ãārĩmĩ.

²⁷ Gajirā paía oparā irirosū āārībemi. Īgūsā gapu ūmuriku waimurārē wējē soepeo sērēbosama, Marīpure masaka ñerī iridea waja Īgūsārē wajamoābirikōāburo, ārīrā. Paíade Īgūsā ñerī iridea waja Marīpu ĩūrō Īgūsā basi waimurārē wējē soepeopurorima. Puru gajirā ñerī Īgūsā iridea waja waimurārē wējē soepeobosama. Ūmuriku irasirinama. Jesús gapu paía opu nemorō āārīgú, marī ñerī iridea waja waimurārē wējē soepeobiridi āārīmí. Suñarōta marī āārīpererārē boabosadi āārīmí, marī ñerī iridea wajare taugu.

²⁸ Marīpu Moisére doreri pídea merā paía oparā sóosūma. Īgūsā irasū sóosūkererā, oārī ditare irimerā āārīma. Iri dorerire pídero puru, Marīpu Īgū magū gapure Īgū wāi merā wāipeo, paía opu nemorō sóodi āārīmí. Irasirigu Īgūrē sóogu, Īgū gāāmerōsūta oārī iripeogu āārīnīmakū iridi āārīmí.

8

Jesús marīya āārīburire Marīpure sērēbosagu āārīmí, ārī gojadea

¹ Āārīpereri yu musārē wererire pérā, ire oārō pémasīka! Jesucristo paía opu nemorō āārīgú ūmugasigue Marīpu turatarigu diaye gapu doami Īgūrē marīya āārīburire sērēbosabu.

² Ūmugasigue marī Opu iridea wii Īgūya wiigora āārā. Iri wii, masaka iridea wii meta āārā. Irasirigu Jesucristo irogue marīya āārīburire Marīpure sērēbosagu, iri wiigueta sērēbosami.

³ Marīpu i nikū marā paía oparārē sóogu, Īgū ĩūrō waimurārē wējē soepeo-murārē, gajino Īgūrē sīmurārē sóomi. Irasirigu Jesucristode Īgūsā Marīpure gajino sīrā irirosū irigu, Īgū basi marīrē boabosadi āārīmí.

⁴ Jesucristo i nikūgue āārīgú, paí āārībiribukumi. Gajirā paía Moisés dorederosūta Marīpu ĩūrō Īgūrē gajinorē sīrā āārīsiama.

⁵ I nikū marā paía Marīpuya wiiguge Īgū ĩūrō moāma. Iri wii i nikūma wii āārā. Marīpuya wiigora ūmugasigue āārā. Irasiriro Marīpuya wii i nikūma wii, ūmugasima wii keori āārā. Moisés i nikūma wiire iriburo dupiyuro Marīpu āsū ārīdi āārīmí Īgūrē: “Yu murē ūtāūgue ĩmuderosūta yaa wiire irigukoa. Yu dorederosūta yaa wiire keoro irika!” ārīdi āārīmí.

⁶ Jesús gapure: “Paía opu nemorō āārā mu”, ārī pídi āārīmí. Irasiriro Jesús ūmugasigue paí moārī, i nikū marā paía moārī nemorō oārī āārā. Iripoegue Marīpu masakare: “Moisére yu doreri pídeare iripeorārē oārō irigura”, ārī werepídi āārīmí. Puru Jesucristore iriugu: “Īgūrē bremurārē yu merā oārā āārīmakū irigura”, ārī werepídi āārīmí. Irasiriro Īgū iripoegue werepídea nemorō oārī āārā. Irasirigu Jesucristo Marīpu merā marī oārō āārīburire āmubosagu āārīsīā, paía opu nemorō āārīmí.

⁷ Moisére Marīpu doreri pídea, marīrē Marīpu merā oārō āārīmakū iribiridero āārībú. Iri doreri marīrē oārō irimakū tamerārē Marīpu dupaturi gajī werepībiribodi āārīmí.

⁸ Īgūyarā, Israel bumarā Īgū doredeare iribiri waja Īgūsārē āsū ārīdi āārīmí Īgūya werenírī gojadea pūgue:

Yu musā Opu, āsū ārā: “Oārō péka! Musā Israel bumarārē, Judáya bumarādere puruguere gajī maama werepīgukoa.

⁹ Iri, yu musā ñekūsāmarārē iripoegue werepídea irirosū neō āārībirikoa. Yu basi Īgūsārē Egipto nikūgue āārīrārē oārō koreri merā wiubu. Wiu: ‘Yu dorerire irimakū, musārē oārō irigura’, ārī werepību. Yu irasū ārīdeare Īgūsā gapu tarinugāma. Īgūsā tarinugārī waja Īgūsārē béobu, Īgūsā gāāmerō iriburo, ārīgū.

- 10 Irasirigu purugwere Israel bumarārē āsū ārī weregura: Yu dorerire ĩgūsārē gũña pémasĩmakũ irigũkoa. Yu dorerire ĩgūsārē iridũamakũ irigũkoa. Irasirigu yu, ĩgūsā Opũ āārĩgũkoa. ĩgūsā, yaarā yu ditare bũremurā āārĩrākũma.
- 11 Neō sugũ ĩgũyarārē ĩgũ merāmarārē, ĩgũ pagupũrārē: ‘Marĩ Opũre masĩka musā!’ ārĩ buebirikũma. Āārĩpererā yure masĩrākũma. Majĩrā, irasũ āārĩmakũ murā yure masĩrā dita āārĩrākũma.
- 12 Irasirigu ĩgūsā ñerĩ irideare kātigũkoa. ĩgūsā ñerĩ irideare neō gũñanemobirikoa. ĩgūsārē wajamoābirikoa”, ārĩdi āārĩmĩ Marĩpũ Israel bumarārē.*
- 13 Irasũ ārĩ weregũ, maama werepĩri merā iripoegue ĩgũ masakare werepĩrũrorideare peremakũ iridi āārĩmĩ. Gajino bũgũre béo gorawayurosũ, maama merā ĩgũ werepĩrũrorideare gorawayudi āārĩmĩ.

9

Marĩpũre bũremurĩ wiimarē gojadea

1 Iripoegue Marĩpũ Moisére ĩgũ dorerire pĩrũrorigu, masaka ĩgũrē bũremuburidere pídi āārĩmĩ. Irasirigu ĩgūsārē ĩgũrē bũremuburi wii i nikũma wiire iridoredi āārĩmĩ.

2 Iri wii waimurā gasiri merā ĩgūsā iridea wii, pe taribu opari wii āārĩdero āārĩbũ. Ñajānũgāpũroriri taribu Marĩpũya taribu wāikũdero āārĩbũ. Iri taribure sĩāgori yukũ peodi, irasũ āārĩmakũ baari peyaro āārĩdero āārĩbũ. Iri peyaro weka Marĩpũ ĩũrō pā duparu peyadero āārĩbũ.

3 Iri taribu korema taribu surĩro gasiro merā kāmũtadea taribu āārĩdero āārĩbũ. Iri taribu Marĩpũ āārĩrĩ taribugora wāikũdero āārĩbũ.

4 Iri taribugue ñajārō pũro sũrōrĩ soemurō oro merā iridero āārĩdero āārĩbũ. Iri taribu poekague oro merā ōmabiadea kũma, Marĩpũ ĩgũ doreri gojadea ũtā majĩrĩ opari kũma āārĩdero āārĩbũ. Gaji soro oro merā iridea soro Marĩpũ masakare ejodea maná wāikũri poga oparisoro, irasũ āārĩmakũ Aarōyagũ tuadi ñasātuadi iri kũmague āārĩdero āārĩbũ.

5 Marĩpũ iri kũma bũhari majĩ weka pērā ĩgũrē wereboerā kēdũpũrikũrā keori weadea merā ĩgũ iri taribugue āārĩrĩrē ĩmudi āārĩmĩ. ĩgūsāya kēdũpũri merā iri kũma bũhari majĩrē sēē kāmũtadero āārĩbũ. Iri bũhari majĩ, Marĩpũ masakare: “ĩgūsā ñerō iridea waja wajamoābirikoa”, ārĩdeare keori āārĩdero āārĩbũ. Dapagorare āārĩpereri iri wiimarē werenemomasĩbirikoa.

6 Iri wiimarē āmu ododero pũrũ, ũmũrikũ paía āārĩpũroriri taribure ñajāunanerā āārĩmā Marĩpũ ĩũrō ĩgūsā moārĩrē irirā.

7 Paía opũ dita gaji taribuguerē ñajāunadi āārĩmĩ. Bojorikũ iri taribuguerē suñarōta waimurā díre āĩ ñajāunadi āārĩmĩ. Dí marĩrō neō ñajābiridi āārĩmĩ. ĩgũ basi ñerĩ iridea waja, irasũ āārĩmakũ masaka ĩgūsā masĩña marĩrō ñerō iridea waja iri díre āĩ ñajādi āārĩmĩ, Marĩpũre: “Wajamoābirikōāka gũare! Gũa ñerō irideare kātika!” ārĩ sērēgũ.

8 I āārĩpereri merā Ōāgũ deyomarĩgũ marĩrē ire pémasĩmakũ yámi. Iri wii āārĩdeapoe masaka Marĩpũre bũremurā, ĩgũ āārĩrĩ taribugue ñajābirinerā āārĩmā.

9 I āārĩpereri Marĩpũ ĩgũrē bũremurĩ wiimarē pídeare marĩ buesĩā: “Dapagoraguerē marĩ ĩgũrē bũremurĩ āsũ ārĩdũaro yáa”, ārĩ pémasĩā. Iro dupiyuro paía gajino Marĩpũre sĩrĩ, waimurārē wējē soepeori, masakare: “Marĩpũ ĩũrō waja opamerā āārā gũa”, neō ārĩ masĩmakũ iribiridero āārĩbũ.

* 8:12 Jer 31.31-34

¹⁰ Āsū āārā. Marīpu Moisére doreri pídea ĩgū masakare baadoreri, iirídoreri, ĩgū ĩūrō koedoreri dita āārā. Īgūsāya yujupūrārīma āārībea. Irasiro iri doreri marīrē ōārā waamakū iribeā. Marīpu iri dorerire masaka ĩgūsā iriburire pídi āārīmí. Irire Jesucristo merā gorawayuburo dupiyuro pídi āārīmí.

¹¹ Cristo gapu paía opu nemorō āārīgū aarisiadi āārīmí. Irasirigu ĩgū boadea merā marīrē ōārō iridi āārīmí. Marīpu ĩūrō marī ñerī iridea wajare peredoregu, Marīpu āārīrōgue ũmugasima wiigue ñajādi āārīmí. I nikūma wiire ñajābiridi āārīmí. Ūmugasima wii, i nikūma wii nemorō ōātariri wii, masaka iridea wii meta āārā.

¹² Irasirigu Cristo, Marīpu āārīrōgue ũmugasima wiigue suñarōta ñajādi āārīmí. Iroque ñajāgū, paía oparā i nikūma wiigue Marīpu āārīrī taribuguerē cabraya díre, wekua majīrāya díre āi ñajāderosū āi ñajābiridi āārīmí. Īgū basi marī ñerī iridea waja boagu, ĩgūya dí merā Marīpu āārīrōgue ñajādi āārīmí, marīrē Marīpu merā ōārō āārīnīkōāburo, ārīgū.

¹³ Paía oparā cabraya, wekūya dí merā, wekūgo majīgōrē ĩgūsā soeđa nitī merā masakare ĩgūsā ñerī iridea waja Marīpūya wiigue ñajāmasīmerārē wēāsiripeoma. Īgūsārē wēāsiripeomakū, Marīpu ĩūrō ñerīrē opamerā duja, Marīpūya wiigue dupaturi ñajāmasīma doja.

¹⁴ Paía oparā wekūya dí merā, cabraya dí merā masakare iritamuma. Cristo gapu ĩgūsā nemorō ĩgūya dí merā marīrē ōārō iritamutarigu yāmi. Īgū ñerī marīgū, Ōāgū deyomarīgū āārīnīgū iritamurī merā ĩgū basi Marīpūre wiadi āārīmí curusague boabu. Paía waimūrā Marīpūre wia, ĩgū ĩūrōrē soepeorosū ĩgū basi irasū wiadi āārīmí. Irasirigu marīrē Marīpu merā neō ōārō āārībonerārē taudi āārīmí, Marīpu okanīgū dorerire ōārō irimasīburo, ārīgū. Irasirigu marī gūñarīgue: “Marīpu guare wajamoāgukumi gua ñerō iridea waja”, ārī gūñarīkūnemobirimakū iridi āārīmí.

¹⁵ Irasirigu Jesucristo, Marīpu ĩgū beyenerārē maama werepíderosūta iridi āārīmí marīrē taubu. Marīrē taugu, Marīpūyarā ĩgū merā ōārō āārīnīmakū iridi āārīmí. Irasirīā Marīpu ĩgūyarārē sībure oparākoa. Moisés doreri dita āārīmakū, marī ñerī iridea waja, waja oparā dita āārībukoa dapa. Cristo marīrē curusague boabosadi āārīmí, marī ñerī iridea waja, waja opabonerārē taubu.

¹⁶⁻¹⁷ Āsū āārā. Sugū masakū ĩgū boaburo dupiyuro ĩgūyarārē: “Yu opari musārē dujarokoa”, ārīkumi. Irasirigu ĩgū boaburo dupiyuro sībirikumi dapa. Īgū boadero puru, ĩgūyarārē: “Musārē dujarokoa”, ārīderosūta ĩgū opadeare āīkuma.

¹⁸ Irasiro Marīpu masakare: “Āsū irīgura”, ārī werepīpuroridea, waimūrārē wējē, ĩgūsāya dí béoro marīrō wajamarīdero āārībú. Waimūrārē wējē, ĩgūsāya díre béodero puru, Marīpu dorerire diayeta irinerā āārīmá.

¹⁹ Irasirigu Moisés, Marīpu ĩgū doreri pídeare masakare werepeodi āārīmí. Puru cabraya díre, wekua majīrāya díre deko merā morēdi āārīmí. Morē odo, hisopo wāīkūdi dupu merā oveja poarire diari merā ñimudea merā tūrādi āārīmí. Iri dupu merā díre yosa, Marīpu dorerire ĩgū gojadea pū weka, āārīpererā masaka wekadere wēāsiripeodi āārīmí.

²⁰ Puru ĩgūsārē āsū ārīdi āārīmí: “Marīpu marīrē ĩgū doreri pídea, i dí merā diaye āārīmakū masīa. I díre ĩārā, diayeta ĩgū ārīderosūta ĩgū marīrē iriburire masīa. Irasirigu Marīpu: ‘Yu dorerire ōārō irika!’ ārīmi”, ārīdi āārīmí Moisés.

²¹ Puru masakare ĩgū iriderosūta Marīpūre buremurī wii wiamūrā gasiri merā ĩgūsā iridea wiire, āārīpereri iri wiigue āārīrīdere wēāsiripeodi āārīmí.

²² Āsū āārā. Īgū dorederosūta Marīpūre buremurī wiimarē dí merā wēāsirimakū, Marīpu irire: “Yu ĩūrō ōārī āārā”, ārī ĩādi āārīmí. Irasū

wěāsiribirimakū: “Ōārī āārā”, ārī iābiribodi āārīmí. Irasirigū dí béoro marīrō, marī ñerī iridea wajare marīrē kātimasībirikumí.

Jesucristo, ĩgū boari merā marī ñerō iridea wajare taudi āārīmí, ārī gojadea

²³ Irasirirā i nikūma wiire, iri wiigue āārīrīdere paía: “Marīpū ĩūrō ōārī āārā”, ārīrā, waimurā dí merā wěāsiripeonerā āārímá. I nikūma wii, ũmugasima wii keori dita āārīdero āārībú. Irasiro ũmugasima wiire, iri wiigue āārīrīdere: “Marīpū ĩūrō ōārī dita āārā”, ārī, waimurā dí nemorō Cristoya dí merā wěāsiripeoro gāāmea.

²⁴ Irasirigū Cristo marīya āārīburire Marīpūre sērēbosagū, Marīpūre bremurī wii masaka iridea wiire ñajābiridi āārīmí. Iri wii, ũmugasima wii keori āārīdero āārībú. Marīpūya wiigora ũmugasigue āārā. Irasirigū Cristo ũmugasima wiigue ñajādi āārīmí, Marīpū ĩūrō marīya āārīburire sērēbosabu.

²⁵ Bojorikū sugū paía opu i nikūma wiigue, Marīpū āārīrī taribugue waimurā dí merā ñajānadi āārīmí. Cristo gapū marīrē boabosagū, suñarōta ũmugasima wiigue, Marīpū āārīrōgue ĩgūya dí merā ñajādi āārīmí.

²⁶ Paía opu dí merā ñajānaderosū irigū, i ũmū āārīnugādeapogueta boa, masādi tamerā irasūta boa, masānikōābodi āārīmí. Suñarōta i ũmū pererinu ejaburi dupiyuro i nikūguere deyoadi āārīmí, ĩgū suñarōta boari merā marī āārīpererā ñerī iridea wajare béobu.

²⁷ Āārīpererā marīde suñarōta boarākoa. Marī boadero purū, Marīpū ĩgū ĩūrōrē marīrē nídoregukumi ĩgūrē bremurārē ōārō iri, ĩgūrē bremubirinerārē wajamoābu.

²⁸ Marī suñarōta boarosū, Cristode suñarōta boadi āārīmí. Irasirigū ĩgū boari merā wārā masaka ñerō iridea wajare béobosadi āārīmí. Irasiri odo, ũmugasigue murīa, purū i nikūgue dupaturi aarigukumi doja. Irasū aarigú, masaka ñerō iridea wajare béogū aarigú meta irigukumi. ĩgūrē usuyari merā yūrārē taugū aarigukumi, ũmugasigue ĩgū merā āārīburo, ārīgū.

10

¹ Marīpū Moisére ĩgū doreri pídea, purūgue ĩgū Cristo merā masakare ōārō iriburi keori dita āārīdero āārībú. Cristo masaka ñerī iridea wajare béodi āārīmí. Marīpū Moisére doreri pídea gapū ĩgūsā ñerī iridea wajare béomakū irimasībiridero āārībú. Irasiro iri dorederosūta paía bojorikū Marīpū ĩūrō waimurārē wējē soepeorire irinakeremakū, masaka ñerī iridea wajare béomakū irimasībiridero āārībú. ĩgūsārē Marīpū ĩūrō ōārā āārīmakū irimasībiridero āārībú.

² Iri doreri masakare ōārā āārīmakū irimasīmakū, suñarōta waimurā wējē soepeori merāta ĩgūsā ñerī iridea wajare béosūbonerā āārímá. “Waja opamerā āārā”, ārī gūñabonerā āārímá. Irasirirā, Marīpū ĩūrō ĩgūsā waimurā wējē soepeorire pirikōābonerā āārímá.

³ Āsū gapū āārīdero āārībú. Marīpū, bojorikū ĩgūsā waimurārē wējē soepeodea merā ĩgūsā ñerō irideare gūñamakū iridi āārīmí.

⁴ Irasirirā wekūaya dí, cabraya dí merā marī ñerī iridea wajare neō béomasībea.

⁵ Irasirigū Cristo i nikūguere aariburo dupiyuro ĩgū Pagure āsū ārīdi āārīmí: Mū ĩūrō ĩgūsā waimurārē wējē soepeorire, gajino ĩgūsā murē sīrīdere gāāmebea. Irasirigū yure dupakugū deyoamakū irigukoa, ĩgūsā ñerō iridea waja ĩgūsārē boabosadogū.

⁶ Masaka ĩgūsā ñerō irideare kātireduarā, mū ĩūrō ĩgūsā waimurārē wējē soepeorire, gajino ĩgūsā murē sīrīdere usuyari merā iābea.

- 7 Irasirigũ yũ ãsũ ãrĩbũ: “Mũ, yũ Opũ ããrã. Irasirigũ mũya werenĩrĩ gojadea pũgue gojaderosũta mũ gããmerĩrẽ irigũ waagũra”, ãrĩdi ããrĩmĩ Cristo ĩgũ Pagure.✠
- 8 Irire ãrĩgũ, ire ãrĩpũroridi ããrĩmĩ Marĩpũre: “Mũ ĩũrũ ĩgũsã waimũrãrẽ wẽjẽ soepeorire, gajino ĩgũsã mũrẽ sĩrĩdere gããmebea. ĩgũsã irasũ iririre usũyari merã ĩãbea”, ãrĩdi ããrĩmĩ Marĩpũ dorederosũ ĩgũsã irikeremakũ.
- 9 Pũrũ ãsũ ãrĩnemodi ããrĩmĩ: “Mũ, yũ Opũ ããrã. Irasirigũ mũ gããmerĩrẽ irigũ waagũra”, ãrĩdi ããrĩmĩ. Irasirigũ Marĩpũ ĩgũ masakare waimũrãrẽ wẽjẽ soepeodoredeare bẽodi ããrĩmĩ. Irire bẽogu: “Cristo boari merã gapũ masakare ĩgũsã ñerĩ iridea wajare taugũra”, ãrĩ werepĩdi ããrĩmĩ.
- 10 Jesucristo, Marĩpũ gããmederosũta ĩgũ basita Marĩpũre wiadi ããrĩmĩ, marĩ ããrĩpererãrẽ suñarõta boabosagũ. Irasirigũ ĩgũ boari merã Marĩpũ marĩrẽ ĩgũyarã õãrã, waja opamerã ããrĩmakũ iridi ããrĩmĩ.
- 11 ããrĩpererinũrĩ Marĩpũ ĩũrũ judĩo masaka paĩa waimũrãrẽ wẽjẽ soepeonĩkõãma. Irasirikeremakũ, marĩ ñerĩ iridea wajare neõ bẽomakũ irimasĩbea.
- 12 Jesucristo gapũ suñarõta marĩrẽ boabosadi ããrĩmĩ, marĩ ñerĩ iridea wajare bẽobu. Irire irasiri odo, ãmũgasigue Marĩpũ diaye gapũ doadi ããrĩmĩ marĩ Opũ ããrĩgũ.
- 13 Iroguere doagũ, ĩgũrẽ ĩãturirãrẽ Marĩpũ tarinũgãbosaburire yũgũ yãmi.
- 14 ĩgũta suñarõta boari merã ĩgũyarãrẽ õãrã, waja opamerã ããrĩnĩmakũ iridi ããrĩmĩ.
- 15 Jesucristo irasũ irideare Õãgũ deyomarĩgũ marĩrẽ: “Irasũta ããrã”, ãrĩ masĩmakũ yãmi. ãsũ ãrĩ weredi ããrĩmĩ:
- 16 Mũsã Opũ ãsũ ãrĩmi: “Pũrũguere yaarãrẽ ãsũ ãrĩ weregũra: ‘Yũ dorerire ĩgũsãrẽ iridũmakũ irigũkoa. Yũ dorerire gũña pẽmasĩmakũ irigũkoa’ ”.✠
- 17 Idere ãrĩnemomi: “Ĩgũsã ñerũ irideare dupaturi neõ gũñanemobirikoa”, ãrĩmi, ãrĩ weredi ããrĩmĩ Õãgũ deyomarĩgũ.✠
- 18 Irasirirã marĩ ñerĩ irideare Marĩpũ kãtisũnerã ããrã. Dupaturi marĩ ñerĩ iridea wajare waimũrã wẽjẽ soepeorire gããmenemobea.

Marĩpũ ããrĩrõgue ñajãrã irirosũ marĩya ããrĩburire ĩgũrẽ sërẽrõ gããmea, ãrĩ gojadea

19 Irasirirã dapagorare marĩ ãmũgasigue Marĩpũya wiigue ĩgũ ããrĩrĩ taribugoragũ ñajãrã irirosũ gũiro marĩrõ ĩgũrẽ diaye sërẽmasĩa. Jesucristo marĩrẽ boabosagũ dí bẽodea merã irasirimasĩa.

20 Jesucristo boaburi dupiyuro Marĩpũ ããrĩrĩ taribugoragũre paĩa opũ dita iri taribu makãpũro kãmutari gasirore tariñajãdi ããrĩmĩ, masakaya ããrĩburire Marĩpũre sërẽbosabu. Jesucristo gapũ ĩgũ boadea merã Marĩpũ merã marĩ õãrõ ããrĩrĩrẽ kãmutadeare bẽodi ããrĩmĩ. Irasirirã dapagorare marĩ Jesucristo marĩrẽ boabosadea merã Marĩpũ ããrĩrõguere ñajãrã irirosũ marĩya ããrĩburire Marĩpũre diaye sërẽmasĩa.

21 Jesucristo paĩa opũ nemorõ paĩ ããrĩgũ Marĩpũ ããrĩrõgue marĩya ããrĩburire sërẽbosagũ ããrĩmi. Iroguere ĩgũ marĩrẽ Marĩpũyarãrẽ õãrõ doregũ ããrĩmi.

22 Irasirirã diaye gũñarĩ merã, bũremurĩrẽ neõ piro marĩrõ merã Marĩpũ ããrĩrõgue ñajãrã irirosũ marĩ ĩgũrẽ diaye sërẽrõ gããmea. Cristo ĩgũ boadea merã marĩrẽ waja opamerã ããrĩmakũ iridi ããrĩmĩ: “Ñerĩ iridea waja, waja oparã ããrã gũ”, ãrĩ neõ gũñarĩkanemobirikõãburo, ãrĩgũ. Irasirirã gũrari marĩrĩ deko merã marĩya dũpũre tũkoenerã irirosũ Marĩpũ ĩũrũ õãrã ããrã.

²³ Marĩpu marĩrẽ: “Taugura”, arĩderosũta irigukumi. Irasirirã marĩrẽ ĩgũ arĩdeare buremuroriderosũta piriro marĩrõ õãrõ usuyari merã buremuwãgãnikõãrã!

²⁴ Gajirã Jesũre buremurãdere gũñarã! Irasirirã gãme iritamurã! Gãme maĩrĩ merã õãrõ irirã!

²⁵ Piriro marĩrõ merã Marĩpuhare nerẽ buerã! Surãyeri marĩ merã nerẽ buemerã irirosũ iribirikõãrã! Marĩ Opu i nikũguere dupaturi aariburo mérõ duyãa. Irasirirã irire masĩrã, gãme iritamurõ gããmea ĩgũrẽ buremunemomurã.

²⁶ Marĩpu marĩrẽ Jesũya kerere: “Diayeta ããrã”, arĩ masĩmakũ iridero purũ, marĩ ñerĩ iriduarire piriro marĩrõ iriwãgãnikõãrã, marĩ ñerõ iridea waja Jesucristo ĩgũ boadea merã marĩrẽ taudeare béobukoa. Irire béomakũ, dupaturi ĩgũ marĩrẽ boabosari neõ máa.

²⁷ Marĩ ĩgũ taudeare béomakũ ĩãgũ, Marĩpu ããrĩpererã ĩgũrẽ ĩaturirãrẽ buru wajamoãgũ, marĩdere ĩgũsã merã perebiri peamegue béogukumi. Irasirirã marĩrẽ gajirã ĩgũhare béonerã merã ĩgũ wajamoãburire buru gũiri merã ããrĩbukoa.

²⁸ Iripoegue marã Moisés dorerire tarinugãgũrẽ wajamoãnerã ããrĩmã. ĩgũ ñerõ irideare pẽrã, o urerã ĩã, ĩgũrẽ weresãdero purũ, Marĩpu dorederosũta neõ bopoñarĩ merã ĩãrõ marĩrõ ĩgũrẽ wẽjẽnerã ããrĩmã.

²⁹ ¿Naásũ gũñarĩ mũsã? ĩgũrẽ wajamoãdero nemorõ Marĩpu magũrẽ ĩaturigunorẽ buru wajamoãgukumi. ĩgũ magũya dí béodea merã Marĩpu marĩrẽ: “Õãrã, waja opamerã ããrĩma”, arĩ ĩãdi ããrĩmĩ. Iripoegue irire werepĩdi ããrĩmĩ. Irasirigũ Jesucristoya dí béodeare: “Wajamãa”, arĩrãrẽ, Õãgũ deyomarĩgũrẽ Marĩpu marĩrẽ maĩrĩrẽ masĩmakũ irigũre ñerõ werenĩrãrẽ buru wajamoãgukumi.

³⁰ Marĩ Opu arĩdeare masĩa marĩ. ãsũ arĩdi ããrĩmĩ: “Yu ããrã, waja oparãrẽ wajamoãbu. ĩgũsã ñerĩ iridea waja ĩgũsãrẽ wajamoãgura”, arĩdi ããrĩmĩ. ãsũ arĩnemodi ããrĩmĩ doja: “Yaarã iririre ĩãgũ, ĩgũsãrẽ diayemarẽ irigũra”, arĩdi ããrĩmĩ.

³¹ Marĩpu okanĩgũ masakare wajamoãrĩ buru goeri ããrã.

³² Mũsã iripoegue ããrĩdeare gũñaka! Marĩpu mũsãrẽ Jesucristoya kerere masĩnugãmakũ iridero purũ, gajirã mũsãrẽ ñerõ tarimakũ irinerã ããrĩmã. Irasirikeremakũ, mũsã gapũ ĩgũrẽ buremurĩrẽ neõ piribirinerã ããrĩbũ.

³³ Masaka ĩũrõ gajirã surãyeri mũsãrẽ ñerõ werenĩ, ñerõ iribiranerã ããrĩmã. Gajipoe mũsã merãmarãrẽ gajirã ñerõ iribiramakũ ĩãrã, ĩgũsãrẽ béobiri, mũsãde ĩgũsã merã ñerõ iribirasũnerã ããrĩbũ.

³⁴ Surãyeri mũsã merãmarã peresugue ããrĩmakũ ĩãrã, bopoñarĩ merã ĩã, ĩgũsãrẽ iritamunerã ããrĩbũ. Gajirã mũsãhare emakeremakũ, usuyari merã: “Õãrokoa”, arĩnerã ããrĩbũ. I nikũma nemorõ õãrĩ perebiriburire umagasiguere mũsã opaburire masĩnerã ããrĩbũ. Irasirirã mũsã oparire ĩgũsã emamakũ, bujawerebirinerã ããrĩbũ.

³⁵ Irasirirã Jesucristore gũñaturanĩkõãka! ĩgũrẽ buremurĩrẽ neõ piribirikõãka! ĩgũrẽ buremurã, wãri õãrĩrẽ wajatarãkoa.

³⁶ Mũsãrẽ õãrõ gũñaturari merã Marĩpu gããmerĩrẽ irinĩkõãrõ gããmea. Irasirirã, ĩgũ: “Õãrĩrẽ sĩgũra”, arĩdeare oparãkoa.

³⁷ Marĩpu ãsũ arĩdi ããrĩmĩ ĩgũya werenĩrĩ gojadea pũgue:

Mérõ duyãa yũ iriudi i umũguere dupaturi aariburo. Yooboro marĩrõ ejagukumi.

38 Īgūrē b̄remurārē: “Ōārō irirā, yaarā āārīma”, ārī iāa. Y_u merā āārīnīkōārākuma. Īgūrē b̄remurīrē pirirā gapare suyubirikoā, ārīdi āārīmī Marīp̄u.*

39 Marī gapu Īgūrē b̄remurīrē pirirā irirosū āārībea. Irasirirā perebiri peamegue waamurā āārībea. Marī Jesucristore b̄remua. Irasirirā Īgū taunerā, Īgū puro waamurā āārā.

11

Marīp̄ure b̄remurīmarē gojadea

1 Marīp̄ure b̄remurā: “Īgū marīrē: ‘Ōārīrē sīgura’, ārīdeare diayeta sīgukumi”, ārī b̄remua. Irire iābirikererā, iārā irirosū: “Diayeta āārā, Īgū ārīdeare oparākoā”, ārī b̄remua.

2 Iripoeguere marī ñekūsāmarā Īgūrē b̄remumakū, Īgūsārē: “Ōārā āārīma”, ārī iādi āārīmī.

3 Marīp̄ure b̄remurī merā: “Īgū werenīrī merā i ūmuma āārīpereri āārīmakū iridi āārīmī. Irasirigū iro dupiyuro neō marīdeare i ūmumarē āārīpereri marī dapagora iārīrē iridi āārīmī”, ārī masīa.

4 Iripoeguemu Abel Marīp̄ure b̄remusīā, Īgū iūrō oveja majīgūrē wējē soepeogu, Īgū tīgū Caín sīdea nemorō sīdi āārīmī. Marīp̄u, Abel Īgūrē b̄remurīrē iāgū, Īgū sīdeare: “Ōāgorāa”, ārīdi āārīmī. Irasirigū Īgūrē: “Ōāgū āārīmī”, ārī iādi āārīmī. Abel iripoegue boadi āārīkeremakū, Īgū Marīp̄ure b̄remurī merā irideare marīde gūñāa. Irasirirā Īgū b̄remuderosūta marīdere Marīp̄ure b̄remurō gāāmea.

5 Enoc Marīp̄ure b̄remusīā, boabiridi āārīmī. Īgū boabirikeremakū, Marīp̄u Īgūrē āimurīākōādi āārīmī. Masaka Īgūrē āmakererā, neō bokabirinerā āārīmā. Marīp̄uya werenīrī gojadea pūgue āsū ārī gojasūdero āārībū: “Marīp̄u Enorē āimurīaburi dupiyuro usuyari merā iādi āārīmī”.

6 Marīp̄ure marī b̄remumerā Īgūrē usuyamakū irimasībea. Īgūrē sērēgūno: “Diayeta Īgū Marīp̄ugora āārīmī”, ārī gūñarō gāāmea. “Marī Īgūrē b̄remurī merā sērērīrē ōārō pémi”, ārī gūñarō gāāmea. Marī irire gūñamerā Īgūrē sērēmasībea.

7 Noé Marīp̄ure b̄remusīā, Marīp̄u Īgūrē: “M_u neō iābirideā merā i nikū marārē Īgūsā y_ure b̄remubiri waja b̄uro wajamoāgura”, ārīdeare b̄remudi āārīmī. Irasirigū, Marīp̄u dorederosūta wādiru doódiru iridi āārīmī, Īgūyarā merā dia mirīburire taribu. Marīp̄ure b̄remusīā, i nikū marārē Īgūsā Īgūrē b̄remubirire masīmakū iridi āārīmī. Marīp̄u, Īgūrē b̄remumakū: “Ōāgū āārīmī”, ārī iādi āārīmī.

8 Abraham Marīp̄ure b̄remusīā: “Gaji nikū y_u mūrē sīburi nikūgue waaka!” ārīmakū pégu, Īgūrē y_ujudi āārīmī. “Irogue waagū irikoā”, ārīmasībirikeregu, Īgūya nikūrē wiriwāgādi āārīmī.

9 Marīp̄u Īgūrē: “Iri nikūrē sīgura”, ārīdeare b̄remugū, iri nikūgue eja, āārīmejājadi āārīmī. Iro āārīmejājakeregu, gaji nikūmu irirosū surī gasiri merā irideā wiiri merā naaunadi āārīmī mūrārō āārībirisīā. Marīp̄u Īgū magū Isaare, Īgū parāmi Jacore: “Iri nikūrē sīgura musādere”, ārīmakū, Īgūsāde Abraham irirosūta iri nikūgue naaunanerā āārīmā.

10 Abraham iri nikūrē naagū, makārī iribiridi āārīmī. Gaji makāgue Marīp̄u āārīrī makāgue ūmugasigue Īgū waaburire yūgu iridi āārīmī. Iri makā Marīp̄u irideā makā neō perebiri makā āārā.

* 10:38 Hab 2.3-4

11 Abraham marāpo Sara pūrā marīdeo Marīp̄ure b̄remusīā, búrogora āārīkeregō: “Marīp̄urē ārīderosūta yare irigukumi”, ārī b̄remurī merā pūrākudeo āārīmó.

12 Irasiriḡu Abraham b̄urogora āārīkereḡu, Sara merā majīgūrē pūrākudi āārīmí. Īgū parāmerā āārīturiarā wārā āārīnerā āārīmá. Neñukārē, ĩmipa yerire keo bokatīũña marīrō irirosū ĩgūsārē keo bokatīũmasīña máa.

13 Āārīpererā, Marīp̄urē ĩgūsārē: “Sīgura”, ārīdeare neō opamerāgue boanerā āārīmá. Irire opabirikererā, gũñaturari merā: “Marīp̄urē ĩgū ārīderosūta p̄urague sīgukumi ḡuare”, ārī, ĩgūrē b̄remuníkōānerā āārīmá. Irasirirā gajirārē: “Gaji nikū marā irirosū i nikūgue naarā dita āārā”, ārī werenerā āārīmá.

14 Īgūsā irirosūta irire ārīrāno, gaji nikū, ĩgūsāya nikū āārīburire āmarā yáma. Irire ōārō masīa marī.

15 Marī ñekūsāmarā: “Gaji nikū marā āārā”, ārīrā, ĩgūsā béowāgādea nikūrē gũñabirinerā āārīmá. Irasū ārī gũñarā, goedujáakōābonerā āārīmá.

16 I nikū nemorō ũmugasiḡue ōārī nikū gap̄ure: “Buro waad̄uakoa”, ārī gũñanerā āārīmá. Irasiriḡu Marīp̄urē ĩgūsā ĩgūrē: “Ḡua Op̄u āārīmi”, ārīmakū pégu, ḡuyasīrīrī marīrō: “Īgūsā Op̄u āārā”, ārīdi āārīmí. Īgū p̄uro ĩgūsāya makā āārīburore āmubosasiadi āārīmí.

17 Marīp̄urē Abrahārē: “¿Diayeta yare b̄remugū yári?” ārī gũñagū, ĩgūrē: “Ȳu ĩūrō m̄u magū Isaare wējē soepeoka!” ārīdi āārīmí. Abraham gap̄u Marīp̄ure b̄remusīā: “Neō ȳu magū sugū āārīgūrē wējē soepeobirikoa”, ārībiridi āārīmí.

18 Iro dupiyurogue Marīp̄urē ĩgūrē: “M̄u magū Isaac merā m̄u parāmerā āārīturiarārē opagukoa”, ārīsūdi āārīkereḡu, Abraham Marīp̄ure: “Ȳu magūrē neō wējē soepeobirikoa”, ārībiridi āārīmí.

19 Abraham: “Marīp̄urē ĩgū turari merā boanerārē masūmasīsīā, ȳu magūrē wējēkeremakū, masūgukumi”, ārī gũñadi āārīmí. Irasiriḡu, Marīp̄urē Abrahārē kām̄utaḡu: “M̄u magūrē wējēbirikōāka!” ārīdi āārīmí. Irasirirā ire masīa. Abraham ĩgū magūrē boadigue masādi irirosū dupaturi opadi āārīmí.

20 Isaac Marīp̄ure b̄remusīā, ĩgū pūrā Jacore, Esaúre: “P̄urague Marīp̄urē m̄usārē ōārō irigukumi”, ārīdi āārīmí.

21 Jacob Marīp̄ure b̄remusīā, ĩgū boaburo dupiyurogā ĩgū tuadi merā tuawāgān̄ugāja, Marīp̄ure sērē b̄remudi āārīmí. Irasiriḡu ĩgū magū José pūrārē: “Marīp̄urē m̄usārē ōārō iritamuburo”, ārīdi āārīmí.

22 José Marīp̄ure b̄remusīā, ĩgū boaburo dupiyurogā ĩgū pūrārē āsū ārī weredi āārīmí: “Marī parāmerā āārīturiarā Egiptogue āārīrā p̄ur̄u wirirākuma”, ārīdi āārīmí. “Irore wirirā, yaa gōārīrē āāburo, ĩgūsā ejari nikūgue yáamurā”, ārīdi āārīmí.

23 Moisés pagusāmarā Marīp̄ure b̄remusīā, Moisés deyoadero p̄ur̄u, ĩgū ōāgū āārīmakū ĩārā, ̄ur̄erā abegora ĩgūrē duripīnerā āārīmá. Egipto marā op̄u: “Israel bumarā majīrā ũmarē wējēburo”, ārī doreḡu āārīdi āārīmí. Moisés pagusāmarā gap̄u: “Marīp̄urē marīrē iritamugukumi”, ārī gũñarā, iri dorerire gūiri marīrō tarin̄ugānerā āārīmá.

24 P̄ur̄u Moisés Egipto marā op̄u magō masūdi āārīkereḡu, Marīp̄ure b̄remusīā: “Igo magū āārīmi”, ĩgūsā ārīmakū péduabiridi āārīmí.

25 Āsū gap̄u irid̄uadi āārīmí. Marīp̄uyarā Israel bumarā merā ñerō tarid̄uadi āārīmí. Egipto marā merā wári opakereḡu, ĩgūsā merā āārīduabiridi āārīmí. Īgūsā ñerī iriri gap̄u irid̄uabiridi āārīmí.

26 Irasiriḡu ñerō tarikereḡu, Egipto marā opari nemorō Cristo Marīp̄urē iriubuyarā merā ñerō tariburire suyudi āārīmí. P̄urague Marīp̄urē ĩgūrē ōārīrē sīburire masīgū, ĩgūsā merā ñerō tarid̄uadi āārīmí.

²⁷ Moisés Marĩpũre bũremusĩã, Egipto marã opũ ĩgũ merã guamakũ ĩãgũ: “Marĩpũ yũre iritamugũkumi”, ãrĩ, irore ããrĩdi gũiri marĩrõ wiridi ããrĩmĩ. Irasirigũ Marĩpũ deyomarĩgũrẽ ĩãgũ irirosũ ĩgũ: “Marĩpũ iritamurĩ merã ãsũ irigũra”, ãrĩrĩrẽ neõ gorawayuro marĩrõ iridi ããrĩmĩ.

²⁸ Moisés Marĩpũre bũremusĩã, Israel bumarãrẽ Egiptogue ããrĩrãrẽ ãĩwiuburi dupiyuro pascua wãikũri bosenu iripũroridi ããrĩmĩ. Irasirigũ Marĩpũ dorederosũta Moisés Israel bumarãrẽ oveja majĩrãrẽ wẽjẽdore, ĩgũsãya dí merã makãpũrorire wũkãdoređi ããrĩmĩ. Irire ĩãgũ, Marĩpũre wereboegũ Egipto marã masã tĩrã ũmarẽ wẽjẽgũ, Israel bumarã masã tĩrã gapũre wẽjẽbiridi ããrĩmĩ.

²⁹ Israel bumarã Marĩpũre bũremusĩã, dia wãdiya deko diadiya deko dukawanugãdea maa bojoñajãri maarẽ taribujanerã ããrĩmã. ĩgũsã irasũ taribujamakũ ĩãrã, Egipto marã gapũ ĩgũsãrẽ tũya taribujanerã, mirĩ boakõãnerã ããrĩmã.

³⁰ Israel bumarã Marĩpũre bũremusĩã, Jericó tũroma sãrĩrõrẽ ũtã majĩrĩ merã iridea sãrĩrõrẽ su mojõma pere gaji mojõ peru pẽrẽbejarinũrĩ iri makãrẽ ĩgũsã gãmegorodero pũrũ, iri sãrĩrõ meemejãdero ããrĩbũ.

³¹ Iro dupiyuro iri makãmo ũma merã ñerõ irideo, Rahab wãikũgo Marĩpũre bũremusĩã, Israel bumarã iri makãrẽ ĩãdurirã ejarãrẽ iritamudeo ããrĩmõ. Irasirigo iri makã marã Marĩpũ dorerire tarinugãrã merã boabirideo ããrĩmõ.

³² ¿Ñeonorẽ werenemogũkuri yũ? Gajirã Marĩpũre bũremurã: Gedeón, Barac, Sansón, Jefte, David, Samuel irideare, irasũ ããrĩmakũ Marĩpũya kerere weredupiyunerã irideare weregũ, werepeobiribukoa.

³³ ĩgũsã Marĩpũre bũremusĩã, gaji nikũgue ããrĩrĩ makãrĩ marãrẽ gãmewẽjẽ, tarinugãnerã ããrĩmã. ĩgũsãyarã masakare diaye dorenerã ããrĩmã. Marĩpũ: “Mũsãrẽ õãrõ iritamugũra”, ãrĩderosũta ĩgũsãrẽ õãrõ iritamudi ããrĩmĩ. Ĕõkayea ĩgũsãrẽ baabonerãrẽ disirire biamakũ irinerã ããrĩmã.

³⁴ Surãyeri peame bũro asirogue béosũkererã, ũjũbirinerã ããrĩmã. Gajirã, sareri majĩrĩ merã sare wẽjẽdũamakũ, tarinerã ããrĩmã. Turamerã ããrĩkererã, Marĩpũre bũremusĩã, turarã waanerã ããrĩmã. Irasirirã gaji nikũ marã ĩgũsãrẽ ĩãturirãrẽ gãmewẽjẽ tarinugãnerã ããrĩmã.

³⁵ Surãyeri nome ĩgũsãyarã boanerãgue dupaturi okamakũ ĩãnerã ããrĩmã.

Gajirã Marĩpũre ĩgũsã bũremurĩrẽ piridũabiri waja peresugue bũro ñerõ iribirari merã boanerã ããrĩmã. ĩgũsã pũrugue masã, Marĩpũ merã ũmũgasigue õãrõ ããrĩburire gããmesĩã, ĩgũrẽ bũremurĩrẽ piridũabirinerã ããrĩmã.

³⁶ Gajirã Marĩpũre bũremurã, bũridari merã bũro tãrãsũnerã ããrĩmã. Gajirã ĩgũsãya guburi, mojõrĩrẽ kõme dari merã sũa, peresugue biadobosũnerã ããrĩmã.

³⁷ Gajirã ũtãyeri merã dea wẽjẽsũnerã ããrĩmã. Gajirã ĩgũsãya dupũre wiiriro merã wiritã wẽjẽsũnerã ããrĩmã. Gajirã sareri majĩrĩ merã wẽjẽsũnerã ããrĩmã. Gajirã surĩ marĩrã, oveja gasiri, cabra gasiri merã surĩkũrã waagorenanerã ããrĩmã. Bũro boporo tarinerã ããrĩmã.

³⁸ I nikũgue ããrĩkererã, i nikũ marã ñerã irirosũ neõ ããrĩbirinerã ããrĩmã. Őãrã ããrĩnerã ããrĩmã. Surãyeri wiiri marĩrã, masaka marĩrõgue, ũtãyukugue waagorenanerã ããrĩmã. ũtãyukugue ããrĩrĩ goberigüe, yebague ããrĩrĩ gob-eriguedere kãrĩgorenanerã ããrĩmã.

³⁹ Marĩpũ ĩgũrẽ bũremurãrẽ ããrĩpererãrẽ: “Õãrõ yãma”, ãrĩ ĩãdi ããrĩmĩ. ĩgũrẽ õãrõ bũremukererã, ĩgũ ããrĩpereri ĩgũsãrẽ: “Ãsũ irigũra”, ãrĩdeare ĩgũsã boaburi dupiyuro bokabirinerã ããrĩmã dapa.

40 Marĩpu ãsũ ãrĩ gũñasiadi ããrĩmĩ: “Ìgũsãrẽ, pũrũgue marã yũre bũremurãdere suro merã yũ merã õãrõ ããrĩmakũ irigũra”, ãrĩdi ããrĩmĩ. Ìgũ ãrĩderosũta irigũkumi. Irasiriro Ìgũ iro dupiyuro iridero nemorõ, Ìgũ Jesucristo merã iridea Ìgũsãrẽ, marĩdere õãtariro ããrĩrokoa.

12

Jesũre ããkũũ gũñãndorerimarẽ gojadea

1 Iripoegue marã wãrã yũ werenerã Ìgũsã iridea merã Ìgũsã Marĩpure bũremurĩrẽ Ìmunerã ããrĩmã. Irasirirã marĩ, Ìgũsã Ìãnĩgãmegorosũrã irirosũ sugũ ãma birarimasũ õãrõ ãmadũagũ ããrĩpereri nãkũrĩrẽ pirirosũ, õãrõ iridũarã ããrĩpereri ñerõ iririre piriro gããmea. Irire pirirã, Marĩpu gããmederosũta õãrĩ gapũre gũñaturari merã iriwãgãnikõãrõ gããmea.

2 Irasirirã Jesũre ããkũũ gũñãnikõãrã! Ìgũta marĩrẽ Marĩpure bũremunũgãmakũ iridi, marĩrẽ piriro marĩrõ Ìgũrẽ bũremuwãgãnikõãmakũ irigũ ããrĩmĩ. Bũro poyari merã ñegũ irirosũ curusague boagũ, gũyasĩrĩbodi ããrĩkeregũ, Ìgũ pũrũgue usũyaburire masĩsĩã, gũyasĩrĩbiridi ããrĩmĩ. Masã mũrĩadero pũrũ, dorebu Marĩpu diaye gapũ doadi ããrĩmĩ.

3 Irasirirã Jesũs waadeare gũñaka! Ñerã Ìgũrẽ bũro ñerõ tarimakũ irinerã ããrĩmã. Irasirirã mũsãde ñerõ tarirã, õãrõ yũjũpũrãkũ, piriro marĩrõ Ìgũrẽ gũñaturãnikõãka!

4 Ñerã ñerĩrẽ iridorerire mũsã tarinũgãdũamakũ ããrã, mũsãrẽ wẽjẽñabema dapa.

5 ¿Marĩpu mũsãrẽ Ìgũ pũrãrẽ weredeare kãtiakõãrĩ? Ìgũya werenĩrĩ gojadea pũgue ãsũ ãrĩdi ããrĩmĩ:

Yũ magũ, yũ mũ Opũ, mũrẽ õãrõ iriburo, ãrĩgũ, wajamoãrĩrẽ pẽmasĩka! Mũrẽ: “Ñerĩrẽ iropata irika!” ãrĩmakũ pẽgũ, bũjawerebirikõãka!

6 ãsũ ããrã. Yũ mãrãrẽ: “Ñerĩrẽ irimerãta!” ãrĩ, pũrĩrõ páro irirosũ werea. Yũ pũrã ããrĩpererãrẽ wajamoãã õãrõ iridoregũ, ãrĩdi ããrĩmĩ.*

7 Marĩpu mũsãrẽ wajamoãmakũ ããrã, Ìgũrẽ õãrõ yũjũka! Sugũ pagũ Ìgũ magũ ñerõ irimakũ ããgũ, Ìgũrẽ wajamoãkumi. Irasũta Marĩpu, marĩ ñerõ irimakũ ããgũ, marĩrẽ Ìgũ pũrãrẽ pũrĩrõ páro irirosũ weregũkumi õãrõ iriburo, ãrĩgũ.

8 Marĩpu ããrĩpererã Ìgũ pũrãrẽ Ìgũsã ñerõ iridea waja pũrĩrõ páro irirosũ weremi. Ìgũ werebirimakũ, mũsã Ìgũ pũrã ããrĩbiribukoa. Pagũ marĩrã, ñerõ irisĩã bokasũnerã irirosũ ããrĩbukoa.

9 Marĩ majĩrã ããrĩmakũ, marĩ pagũsãmarã marĩ ñerõ iriri waja pũrĩrõ páro irirosũ weremakũ, Ìgũsãrẽ bũremubũ. Irasirirã marĩ pagũsãmarãrẽ bũremurĩ merã yũjũro nemorõ, Marĩpu ãmũgasigue ããrĩgũrẽ bũremurĩ merã õãrõ yũjũro gããmea. Ìgũrẽ bũremurã, Ìgũ merã õãrõ ããrĩrãkoa.

10 Marĩ ñerõ irimakũ, marĩ pagũsãmarã Ìgũsã gããmerõsũ yoabiripoe wajamoãma. Marĩpu gapũ diayema merã wajamoãmi, marĩrẽ Ìgũ irirosũ õãrõ ããrĩmakũ irigũ.

11 Diayeta ããrã. Marĩpu marĩrẽ wajamoãmakũ, usũyabea. Marĩ bũjawerekererã, Ìgũ marĩrẽ wajamoãdero pũrũ, marĩ Ìgũrẽ õãrõ yũjũrã, diayema iririre iri, Ìgũ merã siñajãrĩ oparãkoa.

Marĩpu werenĩrĩrẽ pẽdũabirimakũ gogorãã marĩrẽ, ãrĩ gojadea

12 Irasirirã mũsã Marĩpure bũremuturamerã ããrĩbirikõãka! Ìgũrẽ õãrõ gũñaturãnemoka! Ìgũyare piriro marĩrõ õãrõ iritũyaka!

* 12:6 Job 5.17; Pr 3.11-12

13 Ōārō diayema irika! Gajirā Marīpure gūñaturamerā, musā irasirimakū ãkũĩrā, gūñaturari merā ĩgũyare iritũyarākuma.

14 Āārīpererā masaka merā gāmekēārō marīrō ōārō āārīrikuka! Ńerō iriro marīrō āārīka! Ńerī marīrā dita marī Opũ Jesucristore ĩārākuma.

15 Ōārō pémasīka! Marīpũ musārē iritamurīrē: “Gāāmebirikoa”, ārībirikōāka! Ńerī tá puri masā, ōārī oteri gapũre poyanorērokoa. Musāde Ńerīrē irirā, gajirārē poyanorērākoa. Irasirirā Ńerīrē iribirikōāka!

16 Sugũ ĩgũ marāpo āārībeo merā, neō sugo igo marāpũ āārībi merā Ńerō iribirikōāburo. Marīpũyadere gāāmemerā irirosũ neō āārībirikōāka! Iripoeguemu Esau Marīpũyare gāāmebiridi āārīmī. ĩgũ masā tĩgũ āārīsīā, ĩgũ pagũyare ĩgũ boadero pũrũ opabu āārīkeregũ, sunũ burũ uaboa, baari merā ĩgũ pagũmurē ĩgũ opabodeare gorawayudi āārīmī.

17 ĩgũ irasiridero pũrũ waadeare masīa musā. Esau, ĩgũ pagũ ĩgũrē: “Yũ sĩburi merā ōārō āārīgũkoa”, ārīburire péduakeremakũ, ĩgũ pagũ gapũ ĩgũrē: “Mũ pagũmurē sĩsiabu irire”, ārīdi āārīmī. ĩgũ irasũ ārīmakũ pégu, Esau burũ orerī merā ĩgũ pagũre: “Sīka yũre!” ārī sērēkeregũ, ĩgũ pagũ ĩgũrē sĩmakũ neō irimasĩbiridi āārīmī.

18 Marīpũ ĩgũ dorerire Moisére pímakũguere marī Ńekũsāmarā Israel bumarā Marīpũ āārīrōgue ejanugāmakũ goegoradero āārībũ. Dapagorare musā gapũre irasũ āārībea. Marīpũ ĩgũ dorerire Moisére pígu, Sinaí wāĩkũdi ũtāũgue āārīdi āārīmī. Irasiriro irogue ĩgũsā ejanugāburipoe iri ũtāũguere peame burũ ũjũrō, naĩtĩārō, ĩmikāyebori, mirũ burũ wējāpuro āārīdero āārībũ.

19-20 Irogue puriduru burũ busumakũ pénerā āārīmā. Pũrũ Marīpũ ĩgũsārē werenĩmakũ pénerā āārīmā. Marīpũ goero merā āsũ ārīdi āārīmī ĩgũsārē: “Iri ũtāũrē Ńapeorānorē ũtāyeri merā dea wējēka, o sareri majĩ merā sare wējēka!” ārīdi āārīmī. “Waimũrādere irasũta irika!” ārīdi āārīmī. ĩgũ irasũ ārī werenĩmakũ pérā, gũiri merā Moisére: “Iropata guare wereburo”, ārī, burũ sērēnerā āārīmā.

21 Moisés āārīpererire ũtāũguere goero āārīrīrē ĩāgũ: “Burũ gũiri merā naradagu yāa”, ārīdi āārīmī.

22 Musā gapũ iripoegue marā Sinaí wāĩkũdi ũtāũgue ejanugānerā irirosũ āārībea. ũmũgasigue Marīpũ āārīrōgue Sion wāĩkũdi ũtāũgue mũrĩjarosũ diaye ĩgũ merā werenĩmasīa. Irogue Marīpũ okanĩgũya makā, Jerusalén wāĩkũri makā āārā. Irogue Marīpure wereboerā wārāgora āārĩma.

23 ĩgũsā usũyari merā nerērā, Marīpure: “Ōātaria mũ”, ārī bũremuma. Irogue Marīpũ pũrāde ũmũgasima gojadea pũgueta ĩgũsā wāĩrē gojatũsũnerā nerēma. Marīpũ āārīpererā iririre: “I gapũ ōāa, i gapũ ōābea”, ārī weregu āārĩmi. Marīde ĩgũ merā ōārō āārā. Irasirirā irogue marā merā nerērāsũta āārā. Marīpũ ĩgũsārēta Ńerī opamerā āārĩmakũ irisiadi āārīmī.

24 Marī Jesúre bũremurā āārā. Iripoegue Marīpũ marīrē: “Ōārō irigũra”, ārī werepĩdi āārīmī. ĩgũ irasũ ārī werepĩderosũta Jesús iridi āārīmī. ĩgũya díre béo boadea merā marīrē taudi āārīmī. Iripoeguemu Abel ĩgũya dí béodeare ĩāgũ, Marīpũ ĩgũrē wējēdire wajamoādi āārīmī. Jesucristoya dí béodea gapũre ĩāgũ, marīrē waja opamerā āārĩmakũ iridi āārīmī. Irasiriro Cristo dí béodea, Abel dí béodea nemorō wajakũa.

25 Irasirirā ōārō pémasīka! Marīpũyare wereguere péduamerā irirosũ āārībirikōāka! Iripoegue i nikũmũ Moisés Marīpũyare weremakũ pérā, wārā irire péduabirinerā āārīmā. ĩgũsā irire péduabiridea waja Marīpũ ĩgũsārē wajamoādi āārīmī. ĩgũsā nemorō Cristore péduamerā gapũre burũ waja moāgũkumi. Cristo ũmũgasiguemu Marīpũyare weregu āārĩmi.

²⁶ Iripoegue Marĩpũ ĩgũ dorerire Moisére pígu, ĩgũ werenĩrĩ merã níkũ ñomemakũ iridi ããrĩmĩ. Dapagorare ãsũ ãrĩmi: “Sunũ i níkũ ñomemakũ irigu, suñarõta gajino irinemogũra. I níkũ dita ñomemakũ iribi meta ããrĩgũkoa. Ɛmũgasiguedere ñomemakũ irigũra”, ãrĩmi.

²⁷ “Sunũ i níkũ ñomemakũ irigu, suñarõta gajino irinemogũra”, ãrĩgũ: “Ããrĩpereri yũ irideare béogũkoa”, ãrĩgũ yámi. ĩgũyarãrẽ doregu ããrĩrĩ gapũre béobirikumi. Irasiriro ĩgũ irideare béomakũ, ĩgũyarãrẽ doregu ããrĩrĩ dita dujarokoa.

²⁸ Marĩpũ ĩgũyarãrẽ dorerogue marĩrẽ ĩgũ merã ããrĩmakũ irigũkumi. Irasirirã ĩgũyarãrẽ doregu ããrĩrĩrẽ béosũbirimakũ ĩãrã, Marĩpũre: “Mũ merã usũyáa”, ãrĩrõ gããmea. Irasirirã bũremurĩ, goepeyaro merã ĩgũyare iritũyaro gããmea. Irasũ irirã, marĩ ĩgũrẽ usũyamakũ irirãkoa.

²⁹ Peame ãjũrõ goerosũ Marĩpũ goero wajamoãgũ ããrĩmi. Irasirirã ĩgũrẽ goepeyaro merã bũremurã!

13

Marĩpũ suyuri ditare iriro gããmea, ãrĩ gojadea

¹ Marĩ Jesucristore bũremurã sugũ pũrã irirosũ ããrã. Irasirirã gãme maĩrĩrẽ neõ piribirikõãka!

² Mũsã pũro ejarãrẽ õãrõ merã mũsãya wiirigue ñajãridoreka! Irire kãtibirikõãka! Iripoegue gajirã irasirirã, Marĩpũre wereboerãrẽ ĩgũsãya wiiguge ñajãdorenerã ããrĩmã. “Marĩpũre wereboerã ããrĩmã”, ãrĩmasĩbirinerã ããrĩmã.

³ Peresugue ããrĩrãrẽ bopoñarĩ merã gũñaka! ĩgũsã merã peresugue ããrĩrã irirosũ péñaka! Gajirã ñerõ tarirãdere bopoñarĩ merã gũñaka! ĩgũsã merã mũsãde ñerõ tarirã irirosũ péñaka! Iritamuka ĩgũsãrẽ!

⁴ Ããrĩpererã marãpokurã, marãpokurã gãme goepeyari merã ĩãburo. Ɛma ĩgũsã marãposã nome merã õãrõ ããrĩrikũburo. Nomede ĩgũsã marãpusãmarã merã õãrõ ããrĩrikũburo. Marãpũ marĩrã, marãpokurãde gajirã ãma merã ñerõ irimakũ ĩãgũ, marãpo marĩrã, marãpokurãde gajirã nome merã ñerõ irimakũ ĩãgũ, Marĩpũ ĩgũsãrẽ wajamoãgũkumi.

⁵ Niyerure maĩbirikõãka! Mũsã opari merã usũyaka! Marĩpũ ãsũ ãrĩdi ããrĩmĩ: “Mũsãrẽ neõ béobirikoa. Mũsã merã ããrĩnĩgũkoa mũsãrẽ iritamubu”, ãrĩdi ããrĩmĩ.

⁶ Irasirirã gũñaturari merã ãsũ ãrĩ masĩa:
Marĩ Opũ yũre iritamugũ ããrĩmi. Neõ sugũ masakũ yũre ñerõ iridũarire gũibe, ãrĩ masĩa.✠

⁷ Mũsãrẽ õãrõ siiu, Marĩpũya kerere werenerãrẽ gũñaka! ĩgũsã okaro bokatiũrõ õãrõ ããrĩrikũdeare gũñaka! Irasũ gũñarã, Jesucristore ĩgũsã bũremuderosũta mũsãde bũremuka!

⁸ Jesucristo marĩrẽ iritamugũ, neõ gorawayubirikumi. Iripoegue, dapagoradere, pũruguedere ĩgũ ããrĩderosũta ããrĩnĩkõãgũkumi.

⁹ Gajirã gajirosũ buerire pénemobirikõãka, Marĩpũya diayema buerire béori, ãrĩrã! ĩgũsã marĩrẽ: “Ire baaka! I gapũre baabirikõãka!” ãrĩ buemoãmakõãma. Iri buerire tũyamakũ marĩrẽ iritamubea. Marĩpũyare marĩrẽ gũñaturamakũ iribe. Marĩpũ dita ĩgũ marĩrẽ maĩrĩ merã marĩrẽ gũñaturamakũ yámi.

¹⁰ Iripoegue Marĩpũya wiiguge paía waimũrãrẽ wẽjẽ soepeonerã ããrĩmã. Irasirikererã, iri merã masakare ĩgũsã ñerõ iridea wajare neõ taumasĩbirinerã ããrĩmã. Jesucristo gapũ ĩgũ boari merã marĩ ñerõ iridea wajare taudi ããrĩmĩ.

✠ 13:6 Sal 56.3-4, 9-11; 118.6

11 Paía opu waimurã wějě, Marĩpu ããrĩrĩ taribugorague ĩgũsãya díre ãĩ ñajãdi ããrĩmĩ. Irogue Marĩpũre masaka ĩgũsã ñerõ iridea wajare: “Béoka!” ãrĩ sērēbosadi ããrĩmĩ. ĩgũ wějēnerã waimurãya dupuri gapũre makã turogue soebéokõadi ããrĩmĩ.

12 Irire iriderosũta Jesũdere makã turogue wějēbéonerã ããrĩmã. Irasirikere-makũ, ĩgũya dí béori merã marĩrē waja opamerã ããrĩmakũ iridi ããrĩmĩ.

13 Jesũs makã turogue curusague boari: “Gũyasĩũgorãa”, ãrĩsũdero ããrĩbũ. ĩgũ boamakũ, masaka ĩgũrē turi, bũridanerã ããrĩmã. ĩgũrē irasiriderosũta masaka marĩdere turi, bũridakeremakũ, piriro marĩrõ ĩgũrē tũyaro gãamea.

14 I nikũgue marĩ ããrĩburi makã mãa. Gaji makã, marĩ pũrugue ããrĩburi makãrē ãmũgasima makãrē yũrã yãa.

15 Irasirirã Jesucristo iritamurĩ merã Marĩpũre bũremurã, iro dupiyuro ĩgũrē gajino sũnaderosũ, dapagorague ĩgũrē usũyari sĩnĩkõãrã! ĩgũrē: “Gũapũ, õãtarigũ ããrã”, ãrĩ bũremurã!

16 Gajirãrē õãrõ irika! Mũsã oparire opamerãrē guereka! Irire kãtibirikõãka! Mũsã irasirirã, Marĩpũre sĩrã irirosũ irirãkoa. ĩgũrē usũyamakũ irirãkoa.

17 Mũsã oparãrē õãrõ péka! ĩgũsã dorerire bũremurĩ merã iritũyaka! Marĩpu pídi ããrĩmĩ, ĩgũsãrē mũsãrē õãrõ koredoregũ. Irasirirã mũsãrē ĩgũyare õãrõ buenĩkõãma, ĩgũrē bũremurĩrē piribirikõãburo, ãrĩrã. Pũrugue Marĩpu ĩgũsãrē: “Wereka yũre! ¿Naásũ bueri?” ãrĩ sērēñamakũ, ĩgũrē yũjũrãkuma. Irire masĩsĩã, õãrõ buedũama. Irasirirã ĩgũsã buerire mũsã õãrõ pémakũ, usũyari merã moãrãkuma. Mũsã pébirimakũ gapũ bũjawererãkuma. Mũsã ĩgũsãrē tarinũgãrã, õãrõ ããrĩrikũbirikoa.

18 Mũsã Marĩpũre sērērã, gũaya ããrĩburire sērēbosanĩka! Gũa õãrĩ ditare iridũãa. Marĩpu iũrõ: “Õãrĩrē irirã, waja opamerã ããrã”, ãrĩ péñãa.

19 Yũre Marĩpũre sērēbosarã, ãsũ ãrĩ sērēka: “Mérõgã pũrũta ĩgũ gũa pũrogue dupaturi aariburire ãmuka!” ãrĩ sērēka!

Õãdoretũnudea

20 Marĩpu marĩrē ĩgũ merã õãrõ siñajãrĩ sĩgũ marĩ Opũ Jesucristo boadiguere masũdi ããrĩmĩ. Jesucristo ovejare korerimasũ irirosũ marĩrē õãrõ koregũ ããrĩmĩ. Iripoegue Marĩpu marĩrē: “Õãrõ irigũra”, ãrĩ werepĩdi ããrĩmĩ. ĩgũ werepĩdeare Jesũs boagũ ĩgũya dí béodea merã marĩrē iriyuwarikũdi ããrĩmĩ. Irire neõ béobirikumi.

21 Irasirigũ Marĩpũ mũsãrē iritamunĩkõãburo. Iri iritamunĩrĩ merã ããrĩpereri õãrĩrē, ĩgũ gããmerĩ ditare irimakũ iriburo. ĩgũ gããmerõsũta Jesucristo merã marĩ ããrĩpererãrē irasiriburo. Irasirirã Cristore: “Õãtaria mũ”, ãrĩ bũremunĩkõãrã! Irasũta irirã!

22 Yaarã, i pũgue yũ mũsãrē: “Ãsũ irika!” ãrĩ gojarire õãrõ merã péka! Yũ mũsãrē wãrigora gojabodi ããrĩkeregũ, mérĩgã were gojabũ. Irasirirã irire õãrõ bueka!

23 Idere mũsãrē weregũra. Marĩyagũ Timoteore peresugue ããrãdire wĩuañurã. Dapagorare ĩgũ aarimakũ, yũ ĩgũ merã mũsãrē ĩãgũ waagũra.

24 Mũsã oparãrē, gajirã Jesucristore bũremurãrē ããrĩpererã iro ããrĩãrē õãdorea gũa. Gũa merãmarã Italia marã mũsãrē õãdorema.

25 Marĩpu mũsã ããrĩpererãrē õãrõ iritamuburo. Irasũta iriburo. Iropata ããrã.

SANTIAGO

Santiago Marĩpɥarã ããĩpererogue waasirinerãrẽ gojadea

¹ Yɥ Santiago i pũ merã musãrẽ õãdorea. Yɥ Marĩpɥare, irasũ ããĩmakũ marĩ Opɥ Jesucristore moãboegɥ ããrã. Musãrẽ Israel bumarãrẽ pe mojõma pere su gubu peru pẽrẽbejari buri marãrẽ ããĩpererogue waasirinerãrẽ gojáa.

Marĩpɥ masĩrĩ sĩrĩmarẽ gojadea

² Yaarã, musãrẽ wári gajirosũperi ñerĩ waamakũ, gajipoe gũñaña marĩrõ ñerõ tarirã, õãrõ usuyari merã ããĩnkõãka!

³ Musã ire masĩa. Ñerõ tarirã: “Marĩpɥ yɥre iritamugukumi”, ãrĩ bɥremurĩrẽ pirimerã, gũñaturari merã ããĩrẽ bɥremunemorãkoa.

⁴ Musãrẽ Marĩpɥare bɥremurĩrẽ neõ piriro marĩrõ gũñaturanĩkõãrõ gããmea. Gũñaturanĩrã, õãrõ pémasĩrã, Marĩpɥ ããĩrẽ masĩrĩ sĩrĩrẽ oparã ããĩrãkoa.

⁵ Musã masĩrĩrẽ opamerã, Marĩpɥare sërẽka! Musã sërẽmakũ pégu, musãrẽ sĩgukumi. Neõ turiro marĩrõ merã ããĩpererã ããĩrẽ sërẽrãrẽ wári masĩrĩ sĩgukumi.

⁶ Irasirirã irire sërẽrã: “¿Yɥre sĩgukuri?” ãrĩ gũñamerãta bɥremurĩ merã sërẽka! Sugɥ: “¿Yɥre sĩgukuri, o sĩbirikuri?” ãrĩ gũñarikugɥ, dia wádiyama makũrĩ gorawayuro irirosũ ããĩrẽ gũñarĩrẽ gorawayunakumi.

⁷ Irasirigɥ: “¿Yɥre sĩgukuri, o sĩbirikuri?” ãrĩ gũñagũ: “Marĩ Opɥare sërẽrĩrẽ opagukoa”, neõ ãrĩ gũñabirikõãburo.

⁸ Sunɥrẽ gajirosũ, gajinɥrẽ gajirosũ gũñami. Irasirigɥ: “Ãsũ irigura”, ãrĩ gũñabirisĩã, keoro neõ irimasĩbemi.

⁹ Sugɥ ubu ããĩrĩgũ ããĩkeregɥ, Jesúre bɥremusĩã, Marĩpɥ ããĩrõrẽ ubu ããĩrĩgũ meta ããĩrĩmi. ããĩrĩgũ ããĩrĩmi. Irasirigɥ usuyaburo.

¹⁰ Gajigɥ wári doebiri opagɥ, ããĩrĩgũ doebiri peremakũ ããĩkeregɥ, Jesúre bɥremusĩã, usuyaburo. Marĩpɥ ããĩrõrẽ ããĩrĩgũ doebiri ubu ããĩrĩrĩ ããrã. Tá goori irirosũ pererokoa.

¹¹ Abe mɥrĩja, bɥro asimakũ, tá ñaãa, iri gooride ñãĩdijakoa. Iri goori õãrĩ ããĩrĩkerero, perezãããkoa. ããĩrĩrã waakoa doebiri opagɥ. ããĩrĩ moãrĩ merãta boakumi.

Ñerõ taririre, irasũ ããĩmakũ ñerõ iridɥarire gojadea

¹² Jesúre bɥremugũ ñerõ tarikeregɥ: “Marĩpɥ yɥre iritamugukumi”, ãrĩ bɥremurĩrẽ piribi, usuyami. ããĩrĩ gũñaturari merã tariwerederõ pɥrɥ, Marĩpɥ ããĩrĩrẽ: “Õãrõ irimi”, ããĩrĩgukumi. Irasirigɥ ããĩrĩrẽ ããĩrĩgũgũgũ perezããã okari sĩgukumi*. ããĩrĩpererã ããĩrĩrẽ maĩrãrẽ: “Iri okarire sĩgura”, ããĩrĩ ããĩrĩrĩ.

¹³ Sugɥ ñerĩrẽ iridɥagɥ: “Marĩpɥ yɥre ñerõ iridɥamakũ yámi”, ãrĩ gũñabirikõãburo. Marĩpɥ neõ ñerĩrẽ iridɥabemi. Irasũ ããĩrĩmakũ, neõ marĩrẽ ñerõ iridɥamakũ iribemi.

¹⁴ ããĩrĩ gapɥ ããrã. Masaka ããĩrĩ ñerĩ ããĩrĩbejari gũñarĩrẽ piribirĩmakũ, iri gũñarĩ ããĩrĩsãrẽ ñerõ iridɥamakũ yáa.

¹⁵ Irasirirã ããĩrĩ ñerĩ ããĩrĩbejari gũñarĩrẽ pirimerã, pɥrɥ iri ñerĩ ããĩrĩbejarire irirãkuma. Iri ñerĩ iririre pirimerã, pɥrɥ perezããã okari wajatari irirosũ ããrã.

* **1:12** Sugɥ ããĩrĩ birarĩmasũ gajirã nemorõ õãrõ ããĩrĩgũ, olivo wãĩkũdima pũrĩ merã iridea berore wajatakumi. Masaka iri berore ããĩrĩ dipurugue peokuma, gajirãrẽ ããĩrĩ wajatadeare ããĩrĩ. I irirosũ, sugɥ Jesúre bɥremugũ ñerõ tarikeregɥ: “Marĩpɥ yɥre iritamugukumi”, ãrĩ bɥremurĩrẽ piribi, ããĩrĩgũgũgũ perezããã okari wajatakumi. Iri ããĩrĩgũgũgũ perezããã okari wajatari, i berore wajatari irirosũ ããrã.

¹⁶ Yaarã yu maĩrã, diayeta gũñaka! “Marĩpu yure ñerõ iriduamakũ yámi”, neõ arĩ gũñabirikõãka!

¹⁷ Marĩpu ãmũgasigue ããrĩgũ marĩrẽ õãrĩ, diayema ditare sĩmi. Ĩgũ abe ãmũmurẽ, ñamimurẽ, neñukãdere iridi ããrĩmi. Neõ gorawayubemi. Irasirigu Ĩgũ ããrĩderosũta ããrĩnikõãgukumi.

¹⁸ Ĩgũ gããmederosũta Ĩgũya kere diayema ããrĩrĩ merã marĩrẽ Ĩgũyarã ããrĩmakũ iridi ããrĩmĩ, Ĩgũ pũrã ããrĩpũroriburo, arĩgũ.

Marĩpũya kerere pérã, Ĩgũ dorerosũta irika! arĩ gojadea

¹⁹ Yaarã yu maĩrã, ire masĩka! Mũsã ããrĩpererãrẽ Marĩpũya kerere õãrõ péro gããmea. Gajirã mũsãrẽ weremakũ pérã, õãrõ gũña odorãgue Ĩgũsãrẽ wereka! Mata guabirikõãka!

²⁰ Sugũ noõ gããmerõ guagũ, Marĩpu gããmerĩrẽ iribemi.

²¹ Irasirirã ããrĩpereri mũsã ñerõ gũñarĩrẽ, ñerĩ iririre pirikõãka! Marĩpũya kerere mũsã pédeare bũremurĩ merã õãrõ irika! Ĩgũya kerere pémakũ, Ĩgũ turari merã mũsãrẽ peamegue waabonerãrẽ taugakumi.

²² Ĩgũya kere pédeare õãrõ irika! Iri kerere pékererã, irire irimerã, mũsã basi arĩkatori merã: “Õãrõ yáa”, arĩ gũñarãkoa.

²³ Mũsã Marĩpũya kerere pékererã, irire irimerã, sugũ masakũ Ĩgũya diapure diuru merã ãñĩagũ irirosũ ããrã.

²⁴ Ĩgũya diapure ãñĩadero pũru, gajirogue waa, Ĩgũ deyorire mata kãtiakõãkumi. Irasirirã, Ĩgũ kãtiderosũta Marĩpũya kerere péadero pũru, mata kãtikõãa.

²⁵ Gajigu gapũ Marĩpũya kere pédeare gũñanígũ, kãtibirikumi. Irasirirã, Ĩgũ irirosũ irirã, marĩ pédeare kãtibirikoa. Marĩpu dorerire irinĩrãkoa. Irasirigu Marĩpu marĩrẽ marĩ iriri merã mũsũyamakũ irigukumi. Ĩgũ doreri keoro ããrã. Irire marĩrẽ pídi ããrĩmĩ, iri merã Ĩgũ gããmerĩrẽ irimasĩburo, arĩgũ.

²⁶ Sugũ: “Marĩpũre bũremua”, arĩ gũñakeregũ, gajirãrẽ werewũarire, Ĩgũsãrẽ ñerõ werenĩrĩrẽ piribirimakũ, Ĩgũ: “Marĩpũre bũremua”, arĩrĩ wajamáa. Ĩgũ basita arĩkatogu yámi.

²⁷ Marĩ diayeta Marĩpu ããrĩnígũrẽ bũremurã, ãsũ iriro gããmea. Pagũsãmarã marĩrãrẽ, wapiweyarãdere Ĩgũsã ñerõ tarimakũ ĩãrã, Ĩgũsãrẽ iritamurõ gããmea. I ãmũ marã ñerĩ irirã irirosũ iribirikõãrõ gããmea.

2

Masakare surosũ ããka! arĩ gojadea

¹ Yaarã, mũsãrẽ Jesucristo marĩ Opũ õãtarigũre bũremurã masakare surosũ ĩãrõ gããmea. Surãyeri masakare õãrõ irirã, gajirãdere õãrõ irika!

²⁻³ Mũsãrẽ i keori merã weregũra. Wãri doebiri opagũ oro merã iridea mojõsũrĩ túsãrĩ berorĩre opagũ õãrĩ surĩ sãñagũ, mũsã Jesũre bũremurã nerẽrõgue aarimakũ ĩãrã, Ĩgũrẽ õãrõ merã: “Õõ, i õãrĩ doaripẽrõgue doaka!” arĩbukoa. Gajigu bopogu boaro daro surĩro sãñagũ aarimakũ ĩãrã, Ĩgũ gapũre õãrõ bokatĩrĩñeãbiribukoa. Gajipoe irirã Ĩgũrẽ: “Irota dujaka!” o “Õõ yebague doaka!” arĩbukoa.

⁴ Mũsã Ĩgũsãrẽ surosũ ĩãmerã, ñerõ gũñarĩ merã: “Wãri doebiri opagũ, bopogu nemorõ ããrĩmi”, arĩrã yáa.

⁵ Yaarã yu maĩrã, yure péka! Marĩpu i ãmũgue: “Boporã ããrĩma”, masaka arĩrãrẽ beyedi ããrĩmĩ, Ĩgũrẽ wãro bũremurĩ opamurãrẽ. Ĩgũrẽ maĩrãrẽ: “Sĩgũra”, arĩdeare Ĩgũyarãrẽ dorerogue opaburo, arĩgũ, Ĩgũsãrẽ beyedi ããrĩmĩ.

⁶ Marĩpu boporãrẽ beyekeremakũ, musã gapu ãgũsãrẽ buremubea. Doe-biri oparã gapu musãrẽ buro poyari merã moãdorenama. ãgũsãta musãrẽ weresãrĩrẽ beyerimasã purogue weresãmurã ãiwãgãnama.

⁷ Musã: “Jesús oãgũyarã ããrĩma”, ãrĩsũrã ããrã. Doe-biri oparã gapu ãgũyamarẽ ñerõ werenĩrã ããrĩma.

⁸ Marĩpu marĩrẽ doregu ãgũ dorerire gojadea pũgue ãsũ ãrĩdi ããrĩmĩ: “Mu basi maĩrõsũta mu puro ããrĩrãdere maĩka!” Musã i dorerire irirã, õãrĩrẽ irirã yãa.

⁹ Musã gajirãrẽ surosũ ããmerã ñerõ irirã yãa. Marĩpu doreri gojadea pũgue irasirirãrẽ ãsũ ãrĩ gojasũdero ããrĩbũ: “Marĩpu dorerire tarinũgãrã ããrĩma”.

¹⁰ Sugu ããrĩpereri Marĩpu dorerire irikeregu, su wãrẽ tarinũgãgũ, ñerõ iridea wajare opami. Irasirigu ããrĩpereri Marĩpu dorerire tarinũgãgũ irirosũ ããrĩmi.

¹¹ Marĩpu ãsũ ãrĩdi ããrĩmĩ: “Gajigu marãpo merã ñerõ iribirikõãka!” Gajidere ãrĩdi ããrĩmĩ: “Masakare wẽjẽbirikõãka!” Irasirigu sugu, gajigu marãpo merã ñerõ iribirikeregu, masakare wẽjẽgũ, Marĩpu dorerire tarinũgãgũ ããrĩmi. Ñerõ iridea waja, waja opami.

¹² Marĩpu ãgũ dorerire marĩrẽ pídi ããrĩmĩ, iri merã ãgũ gããmerĩrẽ irimasĩburo, ãrĩgũ. ãgũ masakare ãgũsã ñerõ iridea waja, wajamoãgũ ããrĩmi. ãgũ dorerire marĩ irideare: “Õãgorabu”, marĩ iribirideare: “Ñegorabu”, ãrĩ beyegukumi. Irasirirã ãgũ dorerire irika! ãgũ gããmerõsũta werenĩka!

¹³ Marĩpu ãgũ ããrĩpererã ñerãrẽ peamegue wajamoãrĩnu ejamakũ, masakare bopoñarĩ merã ããmerãrẽ bopoñarĩ merã ããbirikumi. Gajirãrẽ bopoñarĩ merã ããrã gapure bopoñarĩ merã ããgukumi. ãgũsãrẽ wajamoãbirikumi.

Jesúre buremurĩrẽ, irasũ ããrĩmakũ õãrĩ iririre gojadea

¹⁴ Yaarã, ire péka! Sugu õãrĩrẽ iribi: “Jesúre buremua”, ãrĩrĩ wajamãa. Irire ãrĩrĩ merã dita tausũbirikumi. Peamegue waagukumi.

¹⁵ Jesúre buremugũ, o Jesúre buremugõ, surĩ gorawayumerã, baari mérõgã opamakũ ããrã, ¿nasirirãkuri musã?

¹⁶ ãgũsãrẽ: “Õãrõ waaburo musãrẽ. Õãrĩ surĩ bokarã, baayapirã waaka!” ãrĩrã, ãgũsã gããmerĩ gapure sĩbirimakũ, musã ãrĩrĩ neõ wajamãa.

¹⁷ I irirosũ ããrã. Sugu: “Jesúre buremua”, ãrĩgũ, õãrĩ gapure iribirimakũ, ãgũ: “Jesúre buremua”, ãrĩrĩ neõ wajamãa.

¹⁸ Gajipoe irigu yu wererire péduabi gapu yure ãsũ ãrĩbukumi: “Sugu Jesúre buremurĩ opami. Gajigu gapu Jesúre buremubirikeregu, õãrĩrẽ yãmi”, ãrĩbukumi. ãgũ irasũ ããrĩmakũ pégu, yu ãgũrẽ ãsũ ãrĩbukoa: “Masaka sugu õãrĩ iririre neõ ããbirikererã, ãgũrẽ: ‘Jesúre buremugũ ããrĩmi’, ããrĩmasĩbirikuma. Gajigu gapu ãgũ õãrĩ iriri merã gajirãrẽ ãgũ Jesúre buremugũ ããrĩrẽ masĩmakũ yãmi”, ãrĩbukoa.

¹⁹ Musã: “Marĩpu suguta ããrĩmi”, ãrĩ buremua. Musã irasũ ãrĩ buremumakũ õãgorãa. Wãtã õãrĩrẽ neõ irimerãde irire buremuma. ãgũsã Marĩpu ããrĩrĩrere masĩma. Irasirirã ãgũrẽ gũirã, naradama.

²⁰ Musã pémasĩmerã ããrã. Irasirigu ire musãrẽ werenemogura, pémasĩdoregu. Sugu: “Jesúre buremua”, ãrĩgũ õãrĩ gapure iribirimakũ, ãgũ: “Jesúre buremua”, ãrĩrĩ neõ wajamãa. Jesúre buremugũ meta ããrĩmi.

²¹ Iripoeguemu marĩ ñekũ Abraham irideare gũñaka! “¿Diayeta ãgũ yure buremurĩ?” ãrĩgũ, Marĩpu ãgũ magũ Isaare ãtãyeri merã iridea soepe-orogue wẽjẽ soepeoredi ããrĩmĩ. Irasirigu Abraham Marĩpu dorederosũta ãgũ magũrẽ ãrĩ wẽjẽbu iridi ããrãdimi. Marĩpu ãgũ dorerire Abraham tarinũgãbirimakũ ããgũ, ãgũrẽ: “Mu magũrẽ wẽjẽbirikõãka!” ãrĩdi ããrĩmĩ. Irasirigu ãgũrẽ: “Diayeta yure buremumi, õãgũ ããrĩmi”, ãrĩ ããdi ããrĩmĩ.

²² Irasirirã müsã ire masĩa. Abraham Marĩpure b̄remusiã, ĩgũ doredeare iridi ããrĩmĩ. Irasũ ããrĩmakũ ĩgũ doredeare irisĩa, Marĩpure b̄remurĩ opatarigũ dujadi ããrĩmĩ.

²³ Irasiriro Marĩpuya werenĩrĩ gojadea pũgue Abraham irideare gojaderosũta waadero ããrĩbũ. Āsũ ãrĩ gojasũdero ããrĩbũ: “Abraham Marĩpure b̄remudi ããrĩmĩ. ĩgũ b̄remumakũ ĩãgũ: Marĩpũ ĩgũrẽ: ‘Õãgũ ããrĩmĩ’, ãrĩ ĩãdi ããrĩmĩ”, ãrĩ gojasũdero ããrĩbũ. Irasũ ããrĩmakũ, Marĩpũ ĩgũrẽ: “Abraham, yũ merãmu ããrĩmĩ”, ãrĩdi ããrĩmĩ.

²⁴ Irasirirã Abrahãyamarẽ gũñarã, müsã ire masĩa. Sugũ: “Marĩpure b̄remua”, ãrĩgũ, õãrĩ gapũre iribirimakũ ĩãgũ, Marĩpũ ĩgũrẽ: “Õãgũ ããrĩmĩ”, ãrĩ ĩãbemi. Gajigũ gapũ diayeta Marĩpure b̄remugũ õãrĩrẽ yãmi. Irasirimakũ ĩãgũ, Marĩpũ ĩgũrẽ: “Õãgũ ããrĩmĩ”, ãrĩ ĩãmi.

²⁵ Gaji iripoeguemo ãma merã ñerõ irideo Rahab wãĩkũgo irideare gũñaka! Josuẽ iriunerã igoya makãgue ĩãdurirã ejamakũ, ĩgũsãrẽ iritamudeo ããrĩmõ. Igoya makã marã ĩgũsãrẽ boka wẽjẽrĩ, ãrĩgõ, igoya wiigũe ĩgũsãrẽ duũdeo ããrĩmõ. Pũrũ ĩgũsã duri dujariri maarẽ ĩmudeo ããrĩmõ. Igo Marĩpũyarãrẽ iritamurĩ merã Marĩpure igo b̄remurĩrẽ ĩmudeo ããrĩmõ. Irasirimakũ ĩãgũ, Marĩpũ igore: “Õãgõ ããrĩmõ”, ãrĩ ĩãdi ããrĩmĩ.

²⁶ Āsũ ããrã. Masakũ yũjũpũrã marĩmakũ, ĩgũya dũpũ okabirikoa. Sugũ: “Marĩpure b̄remua”, ãrĩgũ, õãrĩ gapũre iribi, diayeta Marĩpure b̄remubemi. Irasiriro ĩgũ: “Marĩpure b̄remua”, ãrĩrĩ neõ wajamãa. Yũjũpũrã marĩrĩ dũpũ, boari dũpũ irirosũ ããrã.

3

Marĩya disi wiririre gojadea

¹ Yaarã, ire müsã masĩa. Marĩpũ gũa ĩgũyare buerimasã buerire, gajirã moãrĩmasã iriri nemorõ ĩã beyegũkumi. ĩgũyare keoro buebirimakũ ĩãgũ, gajirã nemorõ gũare wajamoãgũkumi. Irasirirã müsã watopegue ããrĩrã mërãgã dita gajirãrẽ buerimasã ããrĩburo.

² Marĩ ããrĩpererã wãri õãrõ iribirire yãa. Sugũ ñerĩ neõ werenĩbi: õãgũ Marĩpũ gããmerĩ ditare irigũ ããrĩmĩ. Gaji ñerõ iriridere neõ iribemi. ĩgũ ñerĩ werenĩrĩ ĩgũya disi wiririre kãmutamasĩgũ, ããrĩpereri ĩgũya dũpũgue ããrĩrĩ merã gaji ñerõ iriridere kãmutamasĩmi.

³ Marĩ werenĩrĩmarẽ keori merã weremakũ i irirosũ ããrã. Marĩ kõme berore caballuya disire túsãkoa. Irasirirã i berogã merã, ĩgũ wãgũ waibũ ããrĩkeremakũ, tũãgãmenũ, marĩ waadũaro waamakũ irikoa.

⁴ Doódirude irasũta ããrã. Iriro wãdiru ããrĩkeremakũ, mirũ bũro wẽjãpukeremakũ, wejatugũ mërĩ majĩgã merã dita iriro waarõre wejatukumi.

⁵ Marĩ werenĩrĩ irasũta ããrã. Marĩya nediru mẽdirugã ããrĩkeremakũ, marĩya disi wãri: “Masĩtaria”, ãrĩ werenĩrĩ wiria. Āsũ ããrã. Peame marĩ mërĩmegã diiukeremakũ, wãri makãnũurẽ ãjũmakũ irikoa.

⁶ Irasiriro marĩya disi nediru merã ñerĩ werenĩrĩ, i peame irirosũ ããrã. Marĩya dũpũgue, marĩya nediru su wãĩgã ããrĩkeremakũ, marĩ ñerĩ werenĩrĩ marĩrẽ ããrĩpereri gajirosũperi ñerĩrẽ irimakũ irikoa. Irasiriro peame gajinorẽ ãjũwãgã, poyanorẽrõ irirosũ, marĩ ñerĩ werenĩrĩ, marĩ i ãmũgue okarinũrĩrẽ õãrõ ããrĩrĩrẽ poyanorẽmakũ yãa. Marĩ ñerĩ werenĩrã, wãtĩ ñerĩ iridorerire irirã yãa.

⁷ Masaka ĩgũsãyarã ejorãrẽ kãmutarosũ ããrĩpererã makãnũu marã waimũrãrẽ, wũrãrẽ, pĩrũãrẽ, dia marãrẽ kãmutamasĩma. Neõgoraguedere ĩgũsãnorẽ kãmutamasĩsianerã ããrĩmã.

8 Īgūsārē kāmutamasiġeregu, neō sugu masaku ġgū basi ġgū werenírīrē kāmutamasiġbemi. Irasirirā marī ñerírē wereníduabirikererā, ñerī werenía. Āña kūrīmakū ġgūya nima merā masakare wějērō irirosū, marī ñerī werenírī merā gajirārē ñetariro yáa.

9 Marī werenírī merā Marīpu marī Opure: “Ōātaria”, ārī, usuyari sīa. Marī werenírī merāta masakare: “Ñerō waaburo ġgūsārē”, ārī werenía. Marīpu marī masaka āārīpererārē ġgū irirosū āārīmakū irikeremakū, marī gāme ñerō werenía.

10 Su disita ōārī werenírī, irasū āārīmakū ñerī werenírī wiria. Yaará, irasiribirikōārō gāamea.

11 Deko wiriri gobere ōārī wiriro, ñerī wiribirikoa.

12 Yaará, musā ire masīa. Higueraġu, igui dukakubirikoa. Iguigū, higuera dukakubirikoa. Misōrī deko wiriri gobere moākari dekode wiribirikoa. Marīde i irirosū ōārī ditare werenírō gāamea.

Diayema masīrī āsū āārā, ārī gojadea

13 Musā watopegue sugu ōārō masīgū āārīgūno, ōārīrē irinikōāburo. “Gajirā nemorō masītarinugāa”, ārībi, ġgū masīrī merā ōārīrē iriburo. Irasirimakū ġārā, gajirā ġgūrē: “Ōārō masīmi”, ārīrākuma.

14 Musā gajinorē oparārē buro ubu ġāturi, ġgūsā nemorō āārīduarā, musāya āārīburi ditare iriduarā: “Masītarinugāa”, ārī gūñabirikōāka! Musā irasū ārī gūñarā, ārīkatorikurā, diayema āārīrē keoro werenírā meta yáa.

15 Musā: “Masītarinugāa”, ārī gūñarī, Marīpu gūñarī sīrī āārībea. I šmu marā gūñarī, wātīya āārā.

16 Masaka gajirārē ubu ġāturi, ġgūsāya āārīburi ditare iriduarā, gāme guaseonírā āārīma. Āārīpereri gajirosūperi ñerīrē yáma.

17 Marīpu masīrī sīrī oparā gapu ōārā āārīma. Gāme guaseodūamerā, gajirārē iritamurā, gajirā wererire buremurī merā pérā, bopoñarī merā ġārā, ōārīrē irirā, masakare surosū ġārā, irikatoro marīrō irinírā āārīma.

18 Gajirā merā ōārō āārīduarā, gāmekēārō marīrō ōārō siñajārī merā āārīmakū iriduarā, diayema iririre irinírā āārīma.

4

I šmmarē gāamerā, Marīpure gāamebema, ārī gojadea

1 ¿Nasirirā gāme guaseo, gāmekēārī musā? Āsū āārā. Musā gūñarīgue musā ñerīrē iriduari, ōārīrē iriduari merā gāmekēārī irirosū āārā.

2 Gajinorē musā gāamea. Irasirirā irire opabirisīā, masakare wějēa, ġgūsāyare ġmaduarā. Gajigū gajinorē opamakū ġārā, ġgūrē ubu ġāturia. Irasirirā ġgūyare opabirisīā, gāme guaseo, gāmekēāa. Musā Marīpure sērēbirisīā, musā gāamerīrē opabea.

3 Gajipoere gajinorē sērēkererā, ñerō gūñarī merā sērēa. Musā basi musā ñerī uribejari ditare iriduarā sērēa. Irasirigū Marīpu musā sērērīrē sībemi.

4 Musā sugo nomeō marāpukugo āārīkeregō gajigūre gāamegō irirosū āārā. ¿Musā ire masīberi? Sugu i šmu marā ñerīrē irirā irirosū iridugū, Marīpure gāamebemi. I šmu marā ñerīrē irimakū ġāgū: “ġgūsā irirosū irigūra”, ārī gūñagū, Marīpure ġāturiġu dujami.

5 Marīpuya werenírī gojadea pūgue irire āsū ārī gojasūdero āārībú: “Marīpu Ōāgū deyomarīgūrē marīrē pídi āārīmí marī merā āārībure. Ōāgū deyomarīgū marīrē maġgū, marī ñerīrē iridūamakū gāamebemi”, ārī gojasūdero āārībú. Iri gojadea ubu āārīrī meta āārā. Āārīrōma āārā.

⁶ Irasirigu Marĩpu marĩ ñerĩrẽ irinemobirikõãburo, ãrĩgũ, marĩrẽ bopoñarĩ merã ãã, õãrõ iritamumi. Irasiroo ãgũya werenĩrĩ gojadea pũgue ãsũ ãrĩ gojasũdero ããrĩbũ: “ ‘Gajirã nemorõ ããrã’, ãrĩ gũñagũrẽ Marĩpu iritamubemi. ‘Yũ ubu ããrĩgũ ããrã, yũre iritamuka!’ ãrĩgũ gapũre õãrõ iritamumi”, ãrĩ gojasũdero ããrĩbũ.

⁷ Irasirirã Marĩpu dorerire bũremurĩ merã irika! Wãtĩ dorerire iribirikõãka! Mũsã ãgũrẽ pẽbirimakũ ããgũ, mũsãrẽ piri, duriwãgãkõãgũkumi.

⁸ Marĩpu pũrogue ãgũrẽ: “Yũ merã ããrĩka!” ãrĩ ejanũgãrã irirosũ irika, ãgũrẽ masĩnemodũarã! Irasirimakũ ããgũ, mũsã pũrogue ejanũgãgũ irirosũ irigũkumi mũsãrẽ iritamunemobu. Mũsã ñerõ irirã ããrã. Irasirirã ñerõ iririre pirika! Mũsã Marĩpu yare irirã, o i ãmũ marã irirosũ irirã: “Õãgorã”, ãrĩ gũñadãã. Ire irasũ ãrĩ gũñabirikõãka! I ãmũ marã irirosũta ñerĩrẽ irimakũ, ñegorãã. Marĩpu yare ditare irimakũ, õãã.

⁹ Mũsã ñerõ iririre gũñarã, usũyari merã bũrirono irirã, bũjawereri merã oreka! Mũsã ñerõ iririre gũyasĩrĩrĩ merã, bũjawereka!

¹⁰ Marĩ Opũre: “Mũ ãũrõrẽ yũ ñegũ, ubu ããrĩgũ ããrã, irasirigu yũre iritamuka!” ãrĩ sãrẽka! Mũsã irasũ ãrĩ sãrẽmakũ: “Mũrẽ iritamugũra, yaagũ, õãgũ ããrã”, ãrĩ ããgũkumi.

Mũsã Jesũre bũremurã mũsã basi gãme werewũabirikõãka! ãrĩ gojadea

¹¹ Yaarã, mũsã Jesũre bũremurã mũsã basi gãme werewũabirikõãka! Gajirãrẽ ñerĩ werenĩrã, o ãgũsãrẽ werewũarã, Marĩpu marĩrẽ gãme maĩdoredeare tarinũgãrã yãã. Irire tarinũgãrã: “Iri doreri õãbea”, ãrĩrã irirosũ yãã. Irasirirã Marĩpu dorerire: “Õãbea”, ãrĩ werewũarã: “Yũ Marĩpu nemorõ doremasĩã”, ãrĩrã irirosũ yãã.

¹² Marĩpu sugũta masakare ãgũ dorerire pídi ããrĩmĩ. ãgũ sugũta ãgũsã iririre ãã beyemasĩmi. Masakare taumasĩmi, o peamegue bẽomasĩmi. Irasirirã mũsã gapũ: “Gajirã masakare werewũamasĩã”, ãrĩ gũñabirikõãka!

Ñamigãgue marĩ iriburire masĩbirimarẽ gojadea

¹³ Dapagore gajire weremakũ, õãrõ pẽka! Mũsã surãyeri: “Dapagã, o ñamigã gajĩ makãgue su bojori moã, wãro niyeru wajatarãkoa”, ãrĩ werenĩã. Irasũ ãrĩ werenĩrãrẽ ãsũ ãrĩ werẽgũra.

¹⁴ Mũsãrẽ ñamigãgue waaburire neõ masĩbea. Marĩ i ãmũgue okari, ãmũkã boyoripoe duji, mẽrõgã pũrũ perero irirosũ ããrã. Marĩ i ãmũgue ããrĩ, mẽrõgã pũrũ boakõãrãkoa.

¹⁵ Irasirirã mũsãrẽ ãsũ ãrĩ werenĩrõ gããmea: “Marĩpu gããmemakũ, okarãkoa ire, o gajire irimurã”.

¹⁶ Mũsã gapũ: “Marĩ masĩã, irasirirã marĩ gããmerõ ãsũ irirãkoa”, ãrĩ werenĩã. Iri ããrĩpereri mũsã irasũ ãrĩ werenĩrĩ, ñegorãã.

¹⁷ Irasirirã: “Marĩ ãsũ irirã, õãrĩrẽ irirãkoa”, ãrĩ masĩkererã, irire irimerã, ñerĩrẽ irirã yãã.

5

Wãri doebiri oparãrẽ waaburire gojadea

¹ Mũsã wãri doebiri oparã yũre pẽka! Mũsã ñerõ tarirãkoa. Irasirirã ire gũña, bũro bũjawereri merã gaguĩnĩ oreka!

² Mũsãya doebiri boakõãrokoa. Mũsãya surĩre burua baarãkuma.

³ Mũsã niyeru koeri, oro, plata merã iridea koeri mũsã duripĩdea gũrawijiakõãrokoa. Irasũ waamakũ, mũsã niyerure maĩsĩã, duripĩdeare

masĩsũrokoa. I niyeru musã maĩrĩ, peame gajinorẽ soebéorosũ musãrẽ poy-anorẽmakũ irirokoa. Dapagorare musã, i umu pererinu ejaburo dupiyuro, wáro niyerure duripírã yáa. Irire duripíri waja buro wajamoãsũrãkoa.

⁴ Musãya pooerire moãnerãrẽ wajaribea. Irasirirã musãrẽ: “Guare musã arãderosũta wajarika!” arĩ gaguiníma. Igũsã irasũ arĩ gaguinírĩrẽ marĩ Opu igũrẽ wereboerãrẽ doregu pémi.

⁵ Musã i umugue okará, wári doebiri opáa. Musã opari merã musã gãamerĩ ditare yáa. Musã irasiriri waja wajamoãsũrãkoa. Wekure igũsã wějeburi dupiyuro oãrõ baa, diikugu irirosũ aãrã.

⁶ Musã ñerõ irimerãrẽ: “Ñerõ yáma”, arĩ, peresugue aĩwãgã: “Wějeka!” arã, musã igũsãrẽ iririre kãmutamasĩña marĩrõ.

Jesucristo i umugue dupaturi aariburire marĩrẽ oãrõ yúro gããmea, arĩ gojadea

⁷ Irasirirã yaará, marĩ Opu Jesucristo i umugue dupaturi aariburire gũñaturari merã oãrõ yúka! Pooe opu igũ otedea dukakuburire oãrõ yúkumi. Igũya pooere otedero puru, deko merẽburire, irasũ aãrĩmakũ igũ otedea puri, masãburire oãrõ yúkumi.

⁸ Musãde igũ irirosũta oãrõ yúka! Marĩ Opu dupaturi aariburo mérõ duyáa. Irasirirã gũñaturari merã igũrẽ buremurĩrẽ neõ piriro marĩrõ merã igũ aariburire oãrõ yúnikõãka!

⁹ Yaará, Marĩpu musãrẽ wajamoãrĩ, arĩrã, gãme turibirikõãka! Igũ aãrĩpererã ñerãrẽ wajamoãgũ aariburo mérõ duyáa.

¹⁰ Yaará, iripoegue marãrẽ marĩ Opuya kerere weredupiyunerãrẽ gũñaka! Marĩ Opuya weredea waja gajirã igũsãrẽ ñerõ irinerã aãrĩmã. Igũya kerere weredupiyunerã gapu ñerõ tarikererã, igũyare wereduúbirinerã aãrĩmã. Igũsãrẽ ñerõ irirãrẽ ñerõ iribirinerã aãrĩmã. Irasirirã musãde igũsã iriderosũta irika!

¹¹ Ñerõ tarikererã marĩ Opuare buremurĩrẽ neõ piribirinerãrẽ gũñarã: “Marĩ Opu oãrõ iritamunerã, usuyari bokanerã aãrĩma”, arĩ gũñãa. Iripoeguemu Job wãikugu ñerõ taridea kerere musã pébu. Igũ buro ñerõ tarikeregu, marĩ Opuare buremurĩrẽ piribiridi aãrĩmĩ. Irasirigu igũ ñerõ taridero puru, marĩ Opu igũrẽ maĩgũ igũrẽ bopoñarĩ merã iãsã, wári oãrĩrẽ iridi aãrĩmĩ. Irasirirã, igũ marĩdere maĩrĩrẽ, igũ marĩdere bopoñarĩ merã iãrĩrẽ musã masã.

¹² Yaará, gaji yu wererire gopeyari merã oãrõ péka! Musã gajirãrẽ wererã, asũ arĩ werebirikõãka: “Umugasima merã asũ irigura”, o “I nikũma merã asũ irigura”, arĩbirikõãka! Musã gajirãrẽ wererã, arĩkatori marĩrõ su diayeta wereka! Gajinorẽ irianerã: “Iriabu”, arĩka! “Asũ irirãra”, arĩrã, irika! “Asũ iribirikoa”, arĩrã, iribirikõãka! Marĩpu wajamoãbirikõãburo, arĩrã, irasirika!

¹³ Musã ñerõ tarirã, Marĩpure: “Iritamuka yure!” arĩ sërëka! Usuyari merã aãrĩrã, bayapeori merã igũrẽ: “Oãtaria mu”, arĩ, usuyari sĩka!

¹⁴ Sugu pũrĩrikugu, Jesúre buremurã oparãrẽ siiuburo. Igũsã igũrẽ uye merã piupeo, marĩ Opuare: “Jesús, ñi murẽ buremugũrẽ tauka!” arĩ sërëbosarãkuma.

¹⁵ Igũsã marĩ Opuare buremurĩ merã sërëmakũ, marĩ Opu igũrẽ taugukumi. Irasirigu igũrẽ pũrĩrĩ marĩgũ dujamakũ irigukumi. Pũrĩrikuadi ñerõ iridi aãrĩmakũ, Marĩpu igũ ñerõ irideare kãtigukumi.

¹⁶ Irasirirã musã ñerõ irideare gãme weretarika! Irasũ aãrĩmakũ, Marĩpure musãya aãrĩburire gãme sërëbosaka! Irasirika, Marĩpu musãrẽ pũrĩrĩ marĩrã aãrĩburo, arĩrã! Oãrĩrẽ iririkugu buro buremurĩ merã gajirãya aãrĩburire Marĩpure sërëbosamakũ, Marĩpu igũ sërërõsũta irigukumi.

¹⁷ Iripoeguemu Marĩpaya kerere weredupiyudi Elías wãĩkugu marĩsũta masakũ ããĩdi ããĩmĩ. Īgũ ããĩdeapoegue marã ñerõ irimakũ ĩãgũ, Marĩpũre: “Deko merẽbirimakũ irika!” ãĩ, bũro bũremurĩ merã sērēdi ããĩmĩ. Marĩpũ Īgũ sērērĩrē pé, ure bojori gaji bojori dekogora, ĩgũsãya nikũrē deko merẽbirimakũ iridi ããĩmĩ.

¹⁸ Pũrũ Marĩpũre: “Deko merẽmakũ irika doja!” ãĩ sērēdi ããĩmĩ. Īgũ sērẽmakũ, deko merẽdero ããĩbũ. Irasũ waamakũ, ĩgũsãya nikũrē dupaturi oteri puri dukakũdero ããĩbũ.

¹⁹ Yaarã, sugũ mũsã merãmũ diayema ããĩrĩrē irinemobirimakũ ĩãrã, dupaturi Marĩpũyare irimakũ irirã, ĩgũrē õãrõ irirã irikoa.

²⁰ Ire masĩka! Mũsã sugũ ñerõ irigũre ĩgũ ñerõ iririre pirimakũ irirã, ĩgũrē õãrõ irirã irikoa. Marĩpũ ĩgũrē peamegue waabodire taugũkumi. Īgũ wãri ñerĩ irideare kãtigũkumi.

1 SAN PEDRO

Pedro Jesúre bɔremurã waasirinerãrẽ gojadea

¹ Yɔ Pedro mɔsãrẽ õãdorea. Jesucristo yɔre ãgũyare buedoregɔ beyemi. Irasirigɔ mɔsãrẽ, mɔsãya nikũrẽ wiri, gajirogue Ponto, Galacia, Capadocia, Asia, Bitinia wãikuri nikũgue waasirinerãrẽ i pũrẽ gojáa.

² Marĩpɔ ããrĩnĩgũ dupiyurogue mɔsãrẽ: “Yaarã ããrĩma”, ãrĩderosũta beyedi ããrĩmĩ. Õãgũ deyomarĩgũ merã mɔsãrẽ ãgũyarã ããrĩmakũ iridi ããrĩmĩ, Jesucristo gããmerĩrẽ iriburo, ãrĩgũ. Jesucristo dí béori merã ñerĩrẽ koesũnerã ããrĩburo, ãrĩgũ, irasiridi ããrĩmĩ. Mɔsãrẽ õãrõ iritamũ, siñajãrĩ merã ããrĩdero nemorõ ããrĩrikɔmakũ iriburo.

Jesúre bɔremurã Marĩpɔ merã õãrõ ããrĩnĩburire gojadea

³ Marĩpɔre, marĩ Opɔ Jesucristo Pagɔre: “Õãtaria mɔ”, ãrĩ, ɔsɔyari sĩrã! ãgũ marĩrẽ bɔro bopoñasĩã, Jesucristore boadiguere masũrĩ merã marĩrẽ dupaturi deyoarã irirosũ ãgũ pũrã ñajãmakũ iridi ããrĩmĩ. Irasirigɔ ãgũ merã marĩ õãrõ ããrĩnĩkõãburire masĩmakũ yãmi.

⁴ Irasirirã, ãgũyarãrẽ: “Õãrĩrẽ sĩgura”, ãrĩdeare marĩ opaburire ɔsɔyari merã yũrã yãa. ãgũ marĩrẽ sĩburi: ãgũ ãmũgasigue õãrĩ opari, neõ pereburi, boaburi meta ããrã.

⁵ Marĩpɔ marĩrẽ ãgũrẽ bɔremurãrẽ ãgũ turari merã koremi. Irasirigɔ, i ãmɔ peremakũ, ãgũ marĩrẽ peamegue waabonerãrẽ: “Taugɔra, yɔ merã ããrĩnĩkõãrãkuma”, ãrĩdeare iriyuwarikurire masĩmakũ irigukumi.

⁶ Marĩ mérõgã i ãmũgue ããrĩrõpa wãri gajirosũperi ñerõ tarikererã, ãmũgasigue Marĩpɔ marĩrẽ sĩburire gũñarã, bɔro ɔsɔyari merã ããrã.

⁷ Ñerõ tarikererã, marĩ diayeta Marĩpɔre õãrõ bɔremunĩrĩ, oro nemorõ wajakɔa. Oro wajakakerero, pereburi ããrã. Masaka irire peamegue soekuma õãrĩ oro dita dujaburo, ãrĩrã. Irasũta marĩ ñerõ tariri merã diayeta Marĩpɔre õãrõ bɔremunĩrã dujarãkoa. Irasirigɔ, Jesucristo dupaturi aarĩmakũ, Marĩpɔ marĩrẽ: “Õãrõ iribɔ, irasirirã yɔ pɔro yɔ merã ããrĩnĩkõãrãkoa”, ãrĩgukumi.

⁸⁻⁹ Mɔsã Jesucristore ãgũ i ãmũgue ããrĩmakũ ããrĩrinerã ããrĩkererã, ãgũrẽ maãa. Dapagoradere ãgũrẽ ããrĩkererã, gũñaturari merã ãgũrẽ bɔremua. Mɔsã ãgũrẽ irasũ bɔremunĩmakũ, Marĩpɔ mɔsãrẽ peamegue waabonerãrẽ tarĩmakũ irigukumi. Irasirirã mɔsã Marĩpɔ pɔrogue waaburire gũñarã, irogue eja, ɔsɔyarosũ bɔro ɔsɔyãa. I ɔsɔyari oparire werenĩrĩ merã weremasĩña mãa.

¹⁰ Iripoegue Marĩpɔya kerere weredupiyunerã ãgũ mɔsãrẽ õãrõ iritamũgũ tauburire werenerã ããrĩmã. Irire werekererã, pẽmasĩbirinerã ããrĩmã. Irasirirã irire masĩduarã, bue, gũñamanerã ããrĩmã.

¹¹ Õãgũ deyomarĩgũ Cristo ãgũsãrẽ iriudi iritamurĩ merã Cristo ñerõ tari, boadigue masã, ãmũgasigue marĩã, pɔrɔ ããrĩpererã Opɔ ããrĩburire weredupiyunerã ããrĩmã. Irasirirã: “¿Noã irasũ waagukuri, ñaãsũ ããrĩmakũ irasũ waarokuri?” ãrĩ masĩduarã, irire bue, gũñamanerã ããrĩmã.

¹² Marĩpɔ ãgũsã masĩmakũ gããmegũ, ãgũsãrẽ ãsũ ãrĩdi ããrĩmĩ: “Mɔsã ããrĩripoe i irasũ waabirikoa dapa. Pɔrɔ marã gapɔ irire ããrãkuma”, ãrĩdi ããrĩmĩ. Dapagorare Marĩpɔ marĩrẽ tauri kerere wererã ãgũsã iripoegue weredeareta mɔsãrẽ werema. Õãgũ deyomarĩgũ Marĩpɔ ãmũgasigue merã iriudi iritamurĩ merã mɔsãrẽ irire werema. Marĩpɔ Jesucristo iridea merã marĩrẽ taurire Marĩpɔre wereboerãde bɔro masĩduama.

Marĩpɔ marĩrẽ ñerĩ marĩrã ããrĩdoremi, ãrĩ gojadea

¹³ Irasirirā mʉsā iriburire ɔārɔ pémasĩrĩ merā gũñaka! Jesucristo i ũmugue dupaturi aarimakũ, Marĩpũ mʉsārē ɔārɔ iritamugũ mʉsā peamegue waabon-erārē tauburire gũñanĩkɔāka! Irire gũñarā, bũro usuyari merā yũka!

¹⁴ Iripoegue mʉsā Marĩpũre masĩburi dupiyuro ñerɔ ɱaribejarire iriunaderosũta dapagorare neɔ irinemobirikɔāka! Majĩrā ĩgũsā pagusāmarā dorerire tarinugāmerā irirosũ Marĩpũ dorerire tarinugābirikɔāka!

¹⁵ Marĩpũ mʉsārē ĩgũyarā āārĩdoregu siudi, ñerĩ marĩgũ āārĩmi. Irasirirā, ĩgũ irirosũ mʉsāde ñerĩ marĩrāta ɔārĩ ditare irika!

¹⁶ Marĩpũya werenĩrĩ gojadea pũgue irasũta ārĩ gojasũdero āārĩbũ. Āsũ ārĩdi āārĩmĩ: “Yũ ɔāgũ, ñerĩ marĩgũ āārā. Irasirirā mʉsāde ñerĩ marĩrā āārĩka!” ārĩdi āārĩmĩ.

¹⁷ Marĩpũ āārĩpererārē surosũ ĩāgũ, ĩgũsā irideare: “Iri ɔābũ, iri ɔābiribũ”, ārĩ weregu āārĩmi. Irasirirā ĩgũrē: “Gũapũ”, ārĩrā, i ũmugue mʉsā āārĩrɔpa gopeyari merā ĩgũyare irika!

¹⁸ Mʉsā ñekũsāmarā Marĩpũyare iribirinerā āārĩmā. Mʉsā ĩgũsā iriderosũ iriri wajamāa. Irasirigũ Marĩpũ mʉsārē ĩgũsā iriderosũ iriunanerārē taudi āārĩmĩ ĩgũyare iriburo, ārĩgũ. Mʉsā ire masĩa. Marĩpũ marĩrē taugu, marĩ ñerɔ iridea wajare wajaribosadi āārĩmĩ. Irasũ wajaribosagu, niyeru, oro merā wajaribosabiridi āārĩmĩ. Niyeru, oro pereburi āārā.

¹⁹ Irasirigũ iri wajakũro nemorɔ marĩ ñerĩ iridea wajare wajaribosadi āārĩmĩ. ĩgũ magũ Cristo boagu dí béodea merā gapũ marĩ ñerĩ iridea wajare wajaribosadi āārĩmĩ. Oveja majĩgũ masaka Marĩpũre bũremurā wējē soepeobu ɔāgũ āārĩderosũta Cristo ɔāgũ ñerĩ marĩgũ āārĩmi.

²⁰ Marĩpũ i ũmurē ĩgũ iriburo dupiyurogueta Cristo ĩgũ boagu dí béoburire masĩsiadi āārĩmĩ. Ipapoere i ũmũ pereburi dupiyuro Cristore i ũmugue iriudi āārĩmĩ, ĩgũya dí béori merā mʉsārē iritamuburo, ārĩgũ.

²¹ Irasirirā Cristo iritamurĩ merā Marĩpũre bũremua. Marĩpũ Cristore boadiguere masũ, ũmugasigue āĩmarĩa, āārĩpererā Opũ sóodi āārĩmĩ. Irasirirā Marĩpũre: “Gũare ɔārɔ irigu āārĩmi”, ārĩ bũremu, ĩgũ merā ɔārɔ āārĩnĩburire ɔārɔ masĩa.

²² Cristoya diayema kerere pé bũremusĩā, mʉsā ñerĩ iririkũrere pirinerā āārĩbũ. Dapagorare diayeta mʉsāyarārē maĩmasĩa. Irasirirā mʉsāya yũjũpũrārĩ, āārĩpereri mʉsā turari merā gāme maĩka!

²³ Mʉsā Marĩpũya werenĩrĩrē bũremurā, dupaturi deyoarā irirosũ waabũ. Irasirirā ĩgũ pũrā waabũ. Marĩ pagusāmarā merā deyoa, pũru boakɔārākoa. Iri irirosũ āārĩbea Marĩpũ pũrā waamakũ. ĩgũya werenĩrĩ, perebiri werenĩrĩ āārā. Irasirirā iri werenĩrĩ merā ĩgũ pũro ĩgũ merā āārĩnĩkɔārākoa.

²⁴ ĩgũya werenĩrĩ gojadea pũgue āsũ ārĩ gojasũdero āārĩbũ: Āārĩpererā masaka tá irirosũ āārĩma. ĩgũsā ɔārĩ oparide tá goori irirosũ āārā. Tá masā, boakɔāa. Gooride boakɔāa. Iri irirosũta marĩ masakade boarākoa.

²⁵ Marĩ Opũ werenĩrĩ gapũ neɔ perebirikoa. ĩgũ ārĩderosũta waarokoa. Āārĩpereri ĩgũ: “Āsũ irigũra”, ārĩdeare iriyuwarikugũkumi, ārĩ gojasũdero āārĩbũ.✠
Iri ɔārĩ bueri, mʉsārē ĩgũsā weredeā, Jesucristo marĩrē tauri kerere bueri āārā.

2

¹ Irasirirā āārĩpereri gajirosũperi ñerĩ iririre: ārĩkatorire, irikatorire, gajirā gajino opamakũ ĩaturirire, gajirārē ñerɔ ārĩ werewũarire pirika!

✠ 1:25 Is 40.6-8

2-3 Mũsã, marĩ Opũ mũsãrẽ õãrõ iririre sĩrũ masĩsiãa. Irasirirã neõ deyoarãgã õpĩkũrẽ gããmerõsũ mũsãde marĩ Opũyare diayemarẽ bũro gããmekã! Irire gããmerã, ĩgũrẽ bũremunemorãkoa. Mũsã irasirimakũ, mũsãrẽ taugũkumi.

Cristo masakare okari sĩgũ ùtãye irirosũ ããrĩmi, ãrĩ gojadea

4 Cristo marĩrẽ okari sĩgũ suye ùtãye masaka ĩgũsã bẽoadeaye irirosũ ããrĩgũ ããrĩmi. ĩgũsã ĩgũrẽ gããmberikeremakũ, Marĩpu ĩgũ Pagũ gapũ ĩgũrẽ: “Õãtarigũ, ããrĩpererã Opũ ããrĩmi”, ãrĩ beyedi ããrĩmĩ. Irasirirã ĩgũrẽ: “Õãgũ ããrĩmi”, ãrĩ bũremua.

5 Marĩde Cristo merã okari oparã ùtãyeri irirosũ ããrã. Marĩpu, sugũ ùtãyeri merã wii irigũ irirosũ marĩ merã irigũ yãmi. Irasirigũ marĩrẽ ĩgũyarãrẽ ĩgũya wiima irirosũ ããrĩmakũ yãmi. ĩgũyarã paía ĩgũrẽ bũremurã, ĩgũ dorederosũta gajino sĩma. Marĩrẽ ĩgũsã irirosũ ããrĩmakũ yãmi, Jesucristo iritamurĩ merã ĩgũrẽ usũyari sĩburo, ãrĩgũ. Irasirirã ĩgũyare irirã, ĩgũrẽ usũyamakũ irirãkoa.

6 Marĩpu ĩgũya werenĩrĩ gojadea pũgue ãsũ ãrĩdi ããrĩmĩ:
Yũ beyedire yaa wiima weanũpũrorideã ùtãye irirosũ ããrĩgũrẽ Jerusalẽgue rĩgũra. ĩgũ, yũ beyedi õãtarigũ, ããrĩpererã Opũ ããrĩmi. ĩgũrẽ bũremurãno, bũro usũyarãkuma. “Ubugorata ĩgũrẽ bũremukubũ”, ãrĩ gũñabirikuma, ãrĩdi ããrĩmĩ.*

7 Mũsãde ĩgũrẽ bũremurã: “Õãtarigũ ããrĩmi”, ãrĩ ĩãa. ĩgũrẽ bũremumerã gapũre Marĩpũya werenĩrĩ gojadea pũgue ãsũ ãrĩ gojasũdero ããrĩbũ:
Marĩpu beyedi suye ùtãye wii iririmasã bẽoadeaye irirosũ ããrĩkeremakũ, Marĩpu gapũ ĩgũrẽ iri wiima weanũpũrorideã ùtãye irirosũ ããrĩmakũ iridi ããrĩmĩ. Irasirigũ ĩgũrẽ ããrĩpererã Opũ pĩdi ããrĩmĩ, ãrĩ gojasũdero ããrĩbũ.*

8 Gaji Marĩpũya werenĩrĩ gojadea pũgue ãsũ ãrĩ gojasũdero ããrĩbũ:
Marĩpu beyedire bũremumerã, iri ùtãyegũ gubutũameẽmejãnerã irirosũ ããrĩma. Irasirirã Marĩpu pũrogue neõ waabirikuma, ãrĩ gojasũdero ããrĩbũ.*

ĩgũya kerere bũremubiri waja ùtãyegũ gubutũameẽmejãnerã irirosũ ããrĩma. Marĩpu pũrogue ejabirikuma. ĩgũsãrẽ irasũ waaburire Marĩpu iripoegũta: “Irasũ waarokoa”, ãrĩsiadi ããrĩmĩ.

Marĩpũyarã ãsũ ããrĩma, ãrĩ gojadea

9 Mũsã gapũ Marĩpu pũrã ĩgũ beyenerã ããrã. Marĩ Opũyarã paía irirosũ ĩgũyare moãrã, Marĩpũya bumarã ĩgũ ĩũrõ ñerĩ marĩrã ĩgũyarã ããrã. Mũsãrẽ naĩtĩãrõ ããrĩrã irirosũ ĩgũyare neõ masĩbirinerãrẽ masĩdoregũ siudi ããrĩmĩ. Irasirigũ mũsãrẽ boyorogue ããrĩrã irirosũ irire õãrõ masĩrã ããrĩmakũ iridi ããrĩmĩ. Mũsãrẽ ĩgũ õãrõ irideare gajirãrẽ weredoregũ, irasiridi ããrĩmĩ.

10 Mũsã iro dupiyurogue Marĩpu pũrã ããrĩbiribu. Dapagorare Marĩpu pũrã ããrã pama. Mũsã iro dupiyurogue bopoñarĩ merã ĩãsũña marĩbũ. Dapagorare mũsãrẽ Marĩpu bopoñarĩ merã ĩãmi.

Marĩpũyare irirã ããrĩka! ãrĩ gojadea

11 Yaarã yũ maĩrã, mũsã i ùmũrẽ naagorenarĩmasã mũsãya makãgue ããrĩmerã irirosũ, Marĩpu pũro waamurãta ããrã. Irasirigũ mũsãrẽ ire turaro werea. Mũsã ñerĩ ùaribejarire iribirikõãka! Mũsãrẽ ñerõ irimakũ iridũarã irirosũ mũsã ñerĩ ùaribejari mũsãrẽ ñerõ irimakũ iridũaro yãa.

12 Marĩpũre masĩmerã watopegue ããrĩrã õãrõ irirã ããrĩka, mũsãrẽ werewũari, ãrĩrã! Mũsã irasirimakũ mũsãrẽ werewũadũakererã, Marĩpu

Īgūsārē Īgūyare masīmakū iriripoe mūsā ōārō iririre ĩānerā āārīsīā, Īgūrē: “Ōāgū, turagu āārīmi”, ārī b̄remurākuma.

¹³ Marī Opure b̄remusīā, āārīpererā i nikū marā oparārē ōārō merā yujuka! I nikū marā oparā opu āārīgūdere yujuka!

¹⁴ Īgū dokamarā oparādere yujuka! Īgūsārē Īgū doreri tarinugārārē wajamoāmurārē pīdi āārīmī. Īgū dorerire irirārē: “Ōārō iriabū mūsā”, ārīdoregu pīdi āārīmī. Irasirirā Īgūsārē yujuka!

¹⁵ Marīpu, mūsā ōārō irimakū gāāmemi. Mūsā irasirimakū ĩārā, pémasīmerā mūsārē werewuad̄akererā, werewuamasībema.

¹⁶ Mūsā, Marīpu tausūnerā āārīsīā, gajirārē moāboerimasāgora āārībea. Marīpu tausūnerā āārīkererā, “Guare doreri máa. Irasirirā guā gāāmerō űērīrē irirākoa”, ārī gūñabirikōāka! Āsū gapu irika! “Marīpure moāboerā āārā guā”, ārī gūñaka! Irasū ārī gūñarā, Īgū dorerire irika!

¹⁷ Āārīpererā masakare b̄remurī merā ĩāka! Marīyarārē Jesúre b̄remurārē maīka! Marīpure gopeyari merā b̄remuka! I nikū marā opudere b̄remurī merā ĩāka!

Cristo űerō tarigu Īgū bokatīūderosū mūsāde bokatīūka! ārī gojadea

¹⁸ Moāboerimasā, ōārō b̄remurī merā mūsā oparārē yujuka! Mūsārē ōārō irirā ditare yujubirikōāka! Mūsārē turaro merā dorerādere yujuka!

¹⁹ Mūsā űerō iribirikeremakū, mūsā oparā mūsārē wajamoābukuma. Mūsā, Marīpu ĩūrō diayemarē irid̄amakū, Īgūsā wajamoārīrē bokatīūmakū, Marīpu mūsārē: “Ōārō yāma”, ārī ĩāgukumi.

²⁰ Mūsā űerō iriri waja gapu Īgūsā mūsārē wajamoāmakū, irire mūsā bokatīūkeremakū, Marīpu mūsārē: “Ōārō yāma”, ārī ĩābirikumi. Mūsā ōārō irikeremakū Īgūsā mūsārē wajamoāmakū, mūsā ōārō merā guaro marīrō bokatīūmakū, Marīpu mūsārē: “Ōārō yāma”, ārī ĩāgukumi.

²¹ Irasiriburo, ārīgū, Marīpu mūsārē Īgūyarā āārīdoregu siiudi āārīmī. Cristode mūsāya āārīburire űerō tarimi, mūsāde Īgū iriderosū irit̄ayaburo, ārīgū.

²² Īgū neō suñarō űerō iribirimi. Gajirārē ārīkatori merā neō werenībirimi.

²³ Masaka Īgūrē turimakū, Īgūsārē neō turi gāmibirimi. Īgūrē Īgūsā űerō irikeremakū: “Mūsārē űerō irigura”, neō ārībirimi. Īgū Pagu gapure: “Yupu diayemarē irigu, yure űerō irirārē diayeta wajamoāgukumi. Īgūgue āmugukumi”, ārī gūñadi āārīmī. Irasirirā marīdere Īgū ārīderosū ārīrō gāāmea.

²⁴ Cristo, marī irirosū d̄pukugū Īgū basi marī űerī iridea wajare wajari-bosagu curusague boami. Marī okaropa űerī iririre piri, Marīpuya diayema gapure iriburo, ārīgū, boami. Īgū marīrē peamegue waabonerārē taugu, b̄ro kāmiku, b̄ro űerō tarimi.

²⁵ Oveja dederinerā irirosū mūsāde peamegue dederibonerā āārībá. Dapagorare Cristore b̄remusīā, Īgūyarā āārā. Irasirigu ovejare koregu irirosū Cristo mūsārē koremi. Mūsā ōārō āārīrikuburo, ārīgū, mūsārē ōārō koremi.

3

Mojōs̄anerā āsū irika! ārī gojadea

¹⁻² Moāboerimasārē yu werederosūta mūsā marāposā nomerē weregura. Mūsā marāpusāmarārē ōārō merā yujuka! Īgūsā dorerosū irika! Surāyeri mūsā marāpusāmarā Marīpuya kerere b̄remumerā āārīma. Irasirirā Īgūyare mūsā Īgūsārē werebirikererā, Īgūyare ōārō iririkuka! Ōārī ditare irika! Mūsā

marāpusāmarā mūsārē dorerire b̄remurī merā yujuka! Mūsā irasirimakū ĩārā, ĩgūsāde Marīp̄uya kerere b̄remubukuma.

³ Mūsāya d̄p̄ure wári mamarik̄ubirikōāka! Mūsāya d̄p̄ure gajirārē ĩāsuyumakū iribirikōāka! Mūsārē: “Ōārō deyoma”, ārī ĩāmakū iribirikōāka! Irasirirā mūsāya poañapure w̄w̄ap̄uwea mamuanerā nome, oro merā iri-dea dari b̄yanerā nome, wajapari surī sāñanerā nome āārīd̄uari ditare gūñarik̄ubirikōāka!

⁴ Āsū gap̄u āārīka, ōārā, ōārō deyorā nome āārīd̄uarā! Ōārī gūñarī oparā nome, gajirārē turiro marīrō gopeyaro merā weretamurā nome, siñajārī merā āārīrikurā nome āārīka! Ōārō āārīrikuri, d̄p̄ure mamarī ōārō deyori pereburosū neō perebirikoa. Mūsā ōārō āārīrikuri, Marīp̄u ĩūrōrē ōātari ĩārā.

⁵ Iripoeguere Marīp̄uyarā nome āsūta āārīunanerā āārīmá. ĩgūsā nome: “Marīp̄u āārīderosūta yure ōārō irigukumi”, ārī b̄remurā, ĩgūsā marāpusāmarā dorerire ōārō yujunerā āārīmá.

⁶ Āsūta Sara igo marāp̄ure Abrahārē ōārō merā yujudeo āārīmó. Irasirigo ĩgūrē: “Ȳu op̄u”, ārīunadeo āārīmó. Irasirirā mūsā ōārō irirā, güiro marīrō āārīrikurā, Sara āārīderosū āārīrākoa.

⁷ Āsūta mūsā marāpokurāde mūsā marāposā nomerē pémasīrī merā ōārō irika! Nome, marī ũma irirosū turarā āārībema. Irasirirā ĩgūsārē b̄remurī merā iritamuka! Marīp̄u mūsārē bopoña, ĩgū p̄uro perebiri okari s̄iburosūta nomedere bopoña, perebiri okari s̄igukumi. Irasirirā mūsā marāposā nomerē ōārō koreka! Marīp̄u mūsā s̄ērērē yujuburosūta ĩgūsā nomerē ōārō irika!

Ōārō ĩgūsā irikeremakū, gajirā ĩgūsārē ñerō iririre weredeá

⁸ I merā mūsā āārīpererārē weretūnugura. Suro merā ōārō āārīrikuka! Mūsā merāmarārē bopoñarī merā ĩāka! Suḡu pūrā irirosū gāme maīrikuka! Ōārō merā gāme iritamuka! “Ḡua, gajirā nemorō āārībea”, ārī gūñaka!

⁹ Gajirā mūsārē ñerō irimakū, ĩgūsārē gāmbirikōāka! Mūsārē ĩgūsā ñerō ārī werenímakū, ĩgūsārē ñerō ārī gāmbirikōāka! Āsū gap̄u irika! ĩgūsāya āārībure Marīp̄ure s̄ērēbosaka! Marīp̄u mūsārē ōārō iribu, irire irimurārē pídi āārīmí.

¹⁰ Marīp̄uya werenírī gojadea p̄uguere āsūta ārī gojasūdero āārībú: Mūsā okaropa ōārō ũyari merā āārīd̄uarā, neō ñerō wereníbirikōāka! Neō āārīkatobirikōāka!

¹¹ Āārīpereri ñerī iririre pirikōāka! Ōārī gap̄ure irika! Gāme ĩāturiro marīrō siñajārī merā āārīrikuka! Irire b̄uro gāameka!

¹² Diayemarē irirārē marī Op̄u irasū koreníkōāmi. ĩgūsā ĩgūrē s̄ērērē irasū p̄énikōāmi. Ñerō irirā gap̄ure gāamebemi, ārī gojasūdero āārībú.✧

¹³ Ōārī ditare irid̄amakū, ¿noā mūsārē poyanorēbukuri?

¹⁴ Diayemarē mūsā irikeremakū, gajirā mūsārē ñerō irimakū, Marīp̄u gap̄u mūsārē ōārō yámi. Irasirirā ũyáa. Mūsārē ñerō irid̄uarārē güibirikōāka! ĩgūsā mūsārē iriburire gūñarik̄ubirikōāka!

¹⁵ Āsū gap̄u irika! Cristore: “Ḡua Op̄u āārīmí”, ārī b̄remuka! Mūsārē: “¿Nasirirā Cristore b̄remurī?” ārī s̄ērēñarānorē pémasīrī merā ōārō yujuka! ĩgūsā mūsārē s̄ērēñaburo dupiyuro ĩgūsārē yujuburire ōārō gūñayuka! Irasirirā ĩgūsārē Cristo mūsārē tauburire ōārō yujurākoa.

¹⁶ Turiro marīrō ōārō b̄remurī merā ĩgūsārē yujuka! Ōārō irika! Irasirirā: “Marīp̄u ĩūrō waja opabea”, ārī gūñarākoa. Cristore mūsā b̄remurā ĩgūyare ōārō irirā āārīmakū gajirā mūsārē: “Ñerō yáma”, ārī werew̄uanerā ĩgūsā mūsārē werew̄uadea diaye āārībirimakū ĩārā, ḡuyasīrīrākuma.

17 Marĩ ñerõ iriri waja gajirã marĩrẽ ñerõ tarimakũ iribukuma. Marĩpu gããmemakũ, marĩ õãrõ iriri waja gajirã marĩrẽ ñerõ tarimakũ iriri gapu õãgorãa.

18 Irasũta Cristo õãgũ ããrĩkeregũ, ñerõ tarimi. Suñarõta ããrĩpererã ñerĩ iridea wajare boa, wajaribosadi ããrĩmĩ. Marĩ ñerã ããrĩmakũ, marĩya ããrĩburire ñerõ tarimi, marĩrẽ Marĩpuyarã waamakũ iribu. Ìgũ, marĩ irirosũ dupukugũ ããrĩsã, Ìgũya dupugora tamerã boakõãmi. Ìgũ boakeremakũ, Ìgũya yujupũrã merã okakõãdi ããrĩmĩ.

19 Irasirigũ Ìgũya yujupũrã merã boanerã Ìgũsã peresu irisũnerã ããrĩõgue waa, Ìgũsãya yujupũrãrĩrẽ Marĩpuyare weredi ããrĩmĩ.

20 Ìgũsã iripoeguere Marĩpu dorerire tarinugãunanerã ããrĩmã. Noé ããrĩdeapoeguere Ìgũ wádiru doódirure dooripoe Marĩpu Ìgũrẽ buremumakũ gããmedi ããrãdimi. Irasirigũ: “Gajipoe irirã yare buremubukuma”, ãrĩ, Ìgũsãrẽ yoaripoe yúdi ããrãdimi. Ìgũsã gapu neõ buremubiriunanerã ããrĩmã. Irasirigũ Marĩpu Ìgũsãrẽ wajamoãdi ããrĩmĩ. Noé Ìgũya wii marã merã dita: su mojõma pere gaji mojõ ureru pẽrẽbejarã dia mirĩrĩrẽ tariweredi ããrĩmĩ.

21 Marĩpu i nikũrẽ miũgũ Ìgũsãrẽ taudea, marĩrẽ deko merã wãiyeri irirosũ ããrã. Irasiriro marĩ peamegue waabonerãrẽ tauburire ìmua. Deko merã marĩrẽ wãiyemakũ, marĩya dupare gurarire koerosũ ããrĩbea. Marĩ wãiyesũrã, Marĩpure: “Guare mu ìurõ ñerĩ marĩrã ããrĩmakũ irika!” ãrĩ sërẽa. Irasirirã, Jesucristo masãdea merã marĩ peamegue waabonerã tarimurã ããrã.

22 Jesucristo masãdero puru, ùmugasigue murĩadi ããrĩmĩ. Irasirigũ Marĩpu diaye gapu doami Ìgũ merã dorebu. Ìgũ Marĩpure wereboerã nemorõ, ùmarõ marã oparã nemorõ, ããrĩpererã dorerã nemorõ doregũ ããrĩmĩ.

4

Marĩpu iritamurĩ merã Ìgũyare irimasĩrãkoa, ãrĩ weredea

1 Jesucristo, marĩ irirosũ dupukugũ ñerõ tarimi. Irasirirã: “Ìgũ ñerõ tarikeregũ Marĩpu gããmerĩrẽ iriderosũ marĩde ñerõ tarikererã Marĩpu gããmerĩrẽ irirãkoa”, ãrĩ gũñarõ gããmea. Marĩde, Ìgũ ñerõ tariderosũ ñerõ tarirã, ñerõ iririre pirikõãa.

2 Irasũ pirirã, i ùmu marĩ ããrĩõpa dupaturi ñerĩ uribejarire iribirikoa. Marĩpu gããmerĩrẽ irinĩrãkoa.

3 Iripoegue, Marĩpure masĩmerã ñerĩrẽ iriduarire iriderosũta musãde ñerĩrẽ iriunanerã ããrĩbũ. Irasirirã gayasĩrõ marĩrõ ñerĩrẽ iririkurã, ñerĩ uribejarire iririkurã, mejãrikurã, bosenarĩ irirã mejã, gaguinĩrikurã ããrĩnerã ããrĩbũ. Marĩpu dorerire tarinugãrã keori weadeare buremunerã ããrĩbũ. Irasirirã iropata iri ñerĩrẽ irika!

4 Dapagorare irire murãrõta irirã gapu musã iri ñerĩrẽ Ìgũsã merã iribirimakũ Ìãrã, Ìãgukakõãma. Irasirirã musãrẽ Ìãturi, ñerõ werenĩma.

5 Marĩpu Ìgũsãrẽ: “Musã irasũ ñerĩ irideare werepeoka!” ãrĩgukumi. Ìgũta okarãrẽ, boanerãdere: “Ire irimakũ õãgorabu, iri gapure irimakũ õãbiribu”, ãrĩ beyebu ããrĩmĩ.

6 I ùmurẽ ããrĩpererã masaka boamurã dita ããrĩkeremakũ, Marĩpu Ìgũya kerere wererãrẽ Ìgũsãrẽ irire weredoredi ããrĩmĩ, boadero puru Ìgũ irirosũ Ìgũ puro okanĩkõãburo, ãrĩgũ.

7 ããrĩpereri i ùmuma pereburo mérõ dyanugãwãgãrisiãa. Irasirirã õãrõ pẽmasĩrĩ merã diayemarẽ irinĩkõãka! Irasirirã Marĩpure buremurĩ merã sërẽrãkoa.

8 Āārīpereri gajino iriri nemorō diayeta gāme maīka! Neō gāme maīduúbirikōāka! Marī gajirārē maīrā, marīrē ĩgūsā ñerō irikeremakū, mata ĩgūsā ñerō iriadeare kātiakōākoa.

9 Mūsā merāmarā mūsāya wiirigue ejamakū, oārō usuyari merā ĩgūsārē bokatīrīñeāka!

10 Marīpū ĩgūyarākure ĩgūyare irimasīburire pídi āārīmí. Irasirirā iri merā oārō gāme iritamuka! Marīpū mūsākure mūsā ĩgūyare irimasīburire pídea merā ĩgū gāamerōsū gāme iritamurā, oārō gāme iritamurā yāa.

11 Irasirirā Marīpūyare wererā, ĩgū weredorederosūta wereka! Gajirārē iritamurāde ĩgū turari sīrō bokatīūrō iritamuka! Āārīpereri mūsā iririre Marīpūre masaka usuyari sīburosū irika! Jesucristo iritamurī merā irasirika! Marīpūre āārīpererinurī buremuka! Marī āārīpererā ĩgūrē: “Ōātarigū, turatarigū āārā”, ārī, usuyari sīrā! Irasūta irirā!

Jesúre buremurī waja ñerō taririre gojadea

12 Yaará yū maīrā, mūsā Jesúre buremurī waja ñetariro tarirā, diayeta ĩgūrē buremurīrē masīsūa. Irasirirā: “¿Nasiro yure irasū waari? Gajirosū waakoa”, ārī gūkabirikōāka!

13 Āsū gapū irika! Ñerō tarirā: “Cristo ñerō tariderosū guade ñerō taria”, ārī usuyaka! Irasirirā Cristo dupaturi i ũmugue ĩgū gosesiriri merā, ĩgū turari merā aarimakū ĩārā, buro usuyarākoa.

14 Cristoyarā mūsā āārīrī waja gajirā mūsārē ñerō ārī buridamakū, mūsārē ñerō werenímakūdere ire masíka! Marīpūyagū Ōāgū deyomarīgū mūsā merā āārīmi. ĩgū turatarigū mūsārē iritamumi. Irasirirā usuyāa.

15 Masakare wējébéorimasā, yajarimasā, noó waaró ñerō iririmasā, gajirārē ĩgūsāyamarē sērēñarikurā ñerō tarirākuma. ĩgūsā irirosū iribirikōāka! Ōārī iridea waja merā gapū ñerō tarimakū oāgorāa.

16 Cristoyarā mūsā āārīrī waja gajirā mūsārē ñerō tarimakū irirā yāma. ĩgūsā irasirimakū, gūyasīrībirikōāka! Ubu gapū Marīpūre: “Mū guare Jesucristoyarā āārīmakū iridi āārā, irasirirā murē usuyari sīa”, ārīka!

17 Marīpū marīrē ĩgūyarārē marī irideare: “I gapūre irimakū oāgorabu, i gapūre irimakū oābiribu”, ārī beyeripoe ejasiāa. Āārīpererārē marīrē ĩgūyarārē marī irideare irasū ārī beyepurorigukumi. ĩgūyarārē irasū beyepurorigū, ¿nasirigukuri ĩgūyarā āārīmerā gapūre? ĩgūya kerere gāāmebiri waja ĩgūsārē buro wajamoāgukumi.

18 Marīpūya werenírī gojadea pūgue āsū ārī gojasūdero āārībú: “Ōārā Marīpūyarā buro ñerō taridero purū, Marīpū ĩgūsārē tau, ĩgū purō āiagukumi. Ñerā ĩgūrē gāāmemerā gapū ñetariro tarirākuma. Peamegue waadederirākuma”, ārī gojasūdero āārībú.

19 Irasirirā Marīpū gāāmerōsū marī ñerō tarirā, oārī iririre irinikōārō gāāmea. Marīya āārīburire Marīpūre marīrē iridire wiaro gāāmea. Āārīpereri ĩgū: “Mūsārē oārō irigūra”, ārīdeare diayeta irigukumi. Irasirirā ĩgūrē: “Mū gāāmerō yure irika!” ārīrō gāāmea.

5

Pedro, Jesúre buremurā iriburire gojadea

1 Dapagorare mūsārē Jesúre buremurā oparā murārē weregura. Yude Jesúre buremurārē doregū āārā. Cristo ñerō tarimakū ĩābu. ĩgū gosesiri merā, ĩgū turari merā dupaturi i ũmugue aarimakū, yude āārīpererā ĩgūrē buremurā merā ĩāgūkoa.

2 Marĩpu yarã oveja irirosũ aãrĩma. Musã ĩgũyarãrẽ dorerã ovejare korerã irirosũ aãrã. Irasirirã Marĩpu musãrẽ ĩgũ pĩnerãrẽ ĩgũyarãrẽ õãrõ koreka! Marĩpu gããmerõsũ õãrõ yũjũpũrãkuri merã ĩgũsãrẽ koreka! ĩgũsãrẽ korerã: “Niyerure wajatarãkoa”, ãrĩ gũñabirikõãka!

3 ĩgũsãrẽ korerã, pũrĩrõ merã dorebirikõãka! Õãrõ iririkũka! Irasirirã musã iririkũrĩre ĩãkũĩrã, ĩgũsãde õãrõ iririkũrãkuma.

4 Musã irasũ õãrõ iririkũrã, Cristo marĩrẽ aãrĩpererã korerã Opũ dupaturi i ãmũgue aarigũ, musãrẽ: “Õãrõ iribũ”, ãrĩgũkumi. Irasirirã, ĩgũ pũro gos-esirogũ ĩgũ õãtariri sĩburire* wajatarãkoa. Iri neõ perebirikõka.

5 Yũ musã oparãrẽ wererosũ musã maamarãdere weregũra. “Murãrẽ bũremurĩ merã yũjũka!” ãrĩ werea. Irasirirã musã Jesũre bũremurã aãrĩpererã: “Gajirã nemorõ aãrã”, ãrĩ gũñarõ marĩrõ gãme iritamuka! Marĩpu ya werenĩrĩ gojadea pũgue ãsũ ãrĩ gojasũdero aãrĩbũ:

“Gajirã nemorõ aãrã”, ãrĩ gũñagũrẽ Marĩpu iritamubemi. “Yũ ubu aãrĩgũ aãrã, yũre iritamuka!” ãrĩgũ gapũre õãrõ iritamumi, ãrĩ gojasũdero aãrĩbũ.*

6 Irasirirã: “Gajirã nemorõ aãrã”, ãrĩ gũñabirikõãka! Marĩpu turagu musãrẽ doremakũ, yũjũka! Musã irasirimakũ, Marĩpu ĩgũ: “Ãsũ irigũra”, ãrĩrĩnũ eja-makũ, masaka ĩũrõ musãrẽ: “Yũ maĩrã, yũ iritamurã aãrĩma”, ãrĩ ĩmugũkumi.

7 Marĩpu bũro maĩrĩ merã musãrẽ koremi. Irasirirã aãrĩpereri musã gũñarikũrĩre ĩgũrẽ wereka! ĩgũ musãrẽ iritamugũkumi.

8 Õãrõ pémasĩrĩ merã diaye gũñaka! Wãtĩ musãrẽ ĩãturigũ musãrẽ ñerĩ irimakũ iridũagu ãokaye guagu waibũre baadũagu ãmagorenagũ irirosũ musãrẽ poyanorẽdũagu ãmagorenami.

9 Ire masĩa. Musã ñerõ tarirosũta aãrĩpererogũ gajirã Jesũre bũremurã ñerõ tarirã yãma. Irasirirã ñerõ tarikererã, wãtĩrẽ neõ yũjubirikõãka! Jesũs gapũre gũñaturanĩkõãka! ĩgũrẽ bũremurĩrẽ neõ piribirikõãka!

10 Musã i ãmũgue aãrĩrõpa dita ñerõ tarirãkoa. Pũru Marĩpu musãrẽ gũñaturarã, õãrã, turarã aãrĩmakũ irigũkumi. Marĩputa neõ piriro marĩrõ marĩrẽ iritamunĩgũ Jesucristore bũremunũgãdoregũ siudi aãrĩmĩ, marĩrẽ ĩgũ merã ĩgũ gos-esirogũ aãrĩnĩkõãburo, ãrĩgũ.

11 Irasirirã ĩgũrẽ: “Mũ turatarigũ, aãrĩpererã Opũ aãrã”, ãrĩ, usũyari sĩnĩrã! Irasũta irirã!

Pedro õãdoretũnudea

12 Silvano iritamurĩ merã i pũguere yũ musãrẽ mĩrĩgã gojãa. ĩgũ, yũ ĩãmakũ, Jesũre bũremugũ marĩyagu diayemarẽ irigũ aãrĩmi. Irasirigũ ĩgũ iritamurĩ merã musãrẽ gũñatura, usũyamakũ irigũ, Marĩpu marĩrẽ diayeta maĩgũ aãrĩmi, ãrĩgũ, i pũrẽ musãrẽ gojãa. Marĩpu marĩrẽ maĩrĩrẽ masĩrã ĩgũrẽ irasũ bũremunĩkõãka!

13 Babilonia marã Jesũre bũremurã musãrẽ õãdorema. ĩgũsãde, musã irirosũta Marĩpu beyenerã aãrĩma. Marcos yũ magũ irirosũ aãrĩgũde musãrẽ õãdoremi.

14 Musã merãmarãrẽ bokatĩrĩrã, maĩrĩ merã, õãrõ usũyari merã mojõ ñeãka! Marĩpu aãrĩpererã musãrẽ Jesucristoyarãrẽ õãrõ siñajãrĩ merã aãrĩrikũmakũ iriburo. Irasũta iriburo.

Iropata aãrã.

Pedro

* 5:4 Sugũ ũma birarimasũ gajirã nemorõ õãrõ ũmagũ, olivo wãĩkũdima pũrĩ merã iridea berore wajakumi. Masaka iri berore ĩgũya dipurugũ peokuma, gajirãrẽ ĩgũ wajakadeare ĩmurã. I irirosũ, sugũ Jesũre bũremugũ ñerõ tarikeregũ: “Marĩpu yũre iritamugũkumi”, ãrĩ bũremurĩrẽ piribi, ãmũgasigũ perebiri okari wajakagũkumi. Iri ãmũgasigũ perebiri okari wajakari, i berore wajakari irirosũ aãrã.

✧ 5:5 Pr 3.34

2 SAN PEDRO

Pedro Jesúre bɔremurãrê gojadea

¹ Yɔ Simón Pedro, Jesucristore moãboegu, ïgũ buedoregu pídi, mɔsãrê i pũrê gojáa. Marĩ Opɔ Jesucristo marĩrê taugu diayemarê irigu ããrĩmi. Irasirigu Marĩpɔ Jesucristo merã guare iriderosũta mɔsãdere ïgũrê bɔremumakũ iridi ããrĩmĩ. Marĩ Jesucristore bɔremurĩ opamakũ õátaria.

² Mɔsã Marĩpɔre, irasũ ããrĩmakũ marĩ Opɔ Jesúre masĩa. Irasirigu Marĩpɔ ïgũ mɔsãrê õãrõ iritamurĩrê, ïgũ mɔsãrê siñajãrĩ sĩrĩrê masĩnemomakũ iriburo.

Jesucristoyarã ãsũ ããrĩma, ãrĩ gojadea

³ Marĩpɔ marĩrê ïgũrê masĩmakũ iridi ããrĩmĩ. Irasirigu ïgũ turari merã marĩrê ããrĩpereri õãrĩrê sĩdi ããrĩmĩ ïgũ merã õãrõ ããrĩ, ïgũ gããmerĩrê iriburo, ãrĩgũ. ïgũ õátarigu, ããrĩpereri õãrõ irigu marĩrê siiudi ããrĩmĩ, ïgũyarã ããrĩdoregu.

⁴ ïgũ õãgũ, õãrõ irigu ããrĩsĩã, marĩrê: “Yɔ turari merã mɔsãrê wári õátaririre irigura”, ãrĩdi ããrĩmĩ. Irasirigu ïgũ ãrĩderosũta marĩrê yami, ïgũ irirosũ õãrĩrê iriburo, ãrĩgũ. Marĩrê i ãmama ñerĩrê ɔaribejarire piriburo, ãrĩgũ, irasirimi.

⁵ ïgũ marĩrê irasirimakũ ïãrã, mɔsã Jesúre bɔremurã ããrĩpereri mɔsã turari merã ire irinemoka! Õãrĩ irika! Õãrĩ irirã, õãrõ pémasĩrĩ merã irika!

⁶ Pémasĩrĩ merã irirã, mɔsã ñerõ iridɔarire iribirikõãka! Ñerõ iridɔarire irimerã ñerõ tarikererã, Marĩpɔre gũñaturaníkõãka! Irasũ gũñaturanĩrã, Marĩpɔre bɔremurĩ merã ïgũ gããmerĩrê iririkuka!

⁷ ïgũ gããmerĩrê iririkurã, sugɔ pũrã irirosũ mɔsã basi gãme iritamuka! Gãme iritamurã ããrĩpererã gajirãdere maĩ bɔremuka!

⁸ Mɔsã irasiriwãgãrã, õãrõ irirãkoa. Irasirirã marĩ Opɔ Jesucristore masĩrã, ïgũ gããmerĩrê õãrõ irinĩrãkoa. Ubu ããrĩrĩrê iribirikoa.

⁹ Sugɔ õãrõ iriwãgãbi gapɔ koye ïãbi, o koye õãrõ ïãjabi ïgũ waaburire masĩbi irirosũ ããrĩmi. Marĩpɔyare masĩbi: “ïgũyare iriro gããmea”, ãrĩ gũñabemi. ïgũ ñerõ iridea wajare Marĩpɔ koebéodeare gũñabemi.

¹⁰ Yaarã, ire péka! Marĩpɔ mɔsãrê siiu, beyedi ããrĩmĩ, ïgũyarã ããrĩburo, ãrĩgũ. Irasirirã ïgũyarã ããrĩsĩã, ïgũ gããmerĩrê neõ piriro marĩrõ merã iridɔarã ããrĩka! Irasiridɔarã, ïgũyarã ããrĩmerã ñerĩrê iririkurã irirosũ neõ ããrĩbirikoa.

¹¹ Marĩpɔ ïgũ gããmerĩrê marĩ irimakũ ïãgũ, marĩ Opɔ marĩrê taugu Jesucristo ïgũyarãrê perebiri dorerogue marĩrê õãrõ bokatĩrĩneã: “Õõ, yɔ merã õãrõ ããrĩnĩkõãka!” ãrĩ ñajãdoregukumi.

¹² Mɔsã yɔ wererire masĩsiãa. Irasũ ããrĩmakũ, diayema ããrĩrĩrê mɔsã pédeare piriro marĩrõ õãrõ yáa. Mɔsã irire masĩkeremakũ, yɔ wererire kãtiri, ãrĩgũ, gũñanimakũ irigura.

¹³⁻¹⁴ Marĩ Opɔ Jesucristo yɔre: “Mérõgã dɔyãa mɔ boaburo”, ãrĩ weresiãmi. Irasirigu yɔ okaro ejatuario mɔsãrê: “ãsũ irika!” ãrĩ weredeare mɔsãrê gũñamakũ irigura. “Irasiriro gããmekoa yɔre”, ãrĩ gũñãa.

¹⁵ Irasirigu yɔ boadero pɔrɔ, yɔ weredeare neõ kãtibirikõãburo, ãrĩgũ, ããrĩpereri yɔ iridɔaropa merã mɔsãrê irire gojapĩgura.

Gɔa Jesucristo ïgũ turagu ããrĩrĩrê ïãbɔ, ãrĩ gojadea

¹⁶ Gɔa marĩ Opɔ Jesucristo turarire, irasũ ããrĩmakũ ïgũ dupaturi i ãmɔgue aariburire mɔsãrê weresiãbɔ. Irire wererã, sugɔ masakũ ïgũ gããmerõ

gũñaboka weredeare wererã meta iribu. Gua basi İgũ turagu aãrĩrĩrẽ İãbu. İrasirirã ire musãrẽ werebu.

¹⁷ Marĩpu aãrĩnĩgũ Jesucristo turatarigu, gosesirigu aãrĩrĩrẽ guare İmumakũ İãbu. İrire İmugũ, umugasigue merã asũ arĩ werenĩmi: “İ yu magũ, yu maİgũ aãrĩmi. İgũ merã buro usuyãa”, arĩmi.

¹⁸ Umugasigue merã irasũ arĩ werenĩrĩrẽ pãrã, utãũ wekague marĩ Opu Jesús merã aãrĩbũ. İrigugue aãrĩgũta umugasiguema gosesiriri merã İgũ deyomakũ İãbu.

¹⁹ Gua irire İãnerã aãrĩsĩã: “Marĩpuya kerere weredupiyunerã gojadea diayeta aãrã”, arĩ masĩa. İrasirirã musã İgũsã gojadeare õãrõ pãka! İgũsã gojadea musãrẽ sĩãgodiru irirosũ aãrã. Naĩtĩãrõgue sĩãgodiru merã marĩ waarõre sĩãgowãgãrã irirosũ İgũsã gojadea merã Marĩpuyare masĩa. İrasirirã Jesucristo dupaturi aarimakũguedere irire buenĩkõãka! İgũ neñukãmu boyodiru õãrõ boyoro irirosũ aãrĩgũ, marĩrẽ maama umurẽ pĩbu aãrĩmi. İrasirigu aarigũ, marĩrẽ Marĩpuyare masĩbirideare õãrõ masĩmakũ irigukumi.

²⁰ İgapare masĩpurorika! Marĩpuya kerere weredupiyunerã İgũya werenĩrĩ gojadea pũgue İgũyare gojarã, İgũsã masĩrĩ merã İgũsã basi gũñarĩ merã gojarã meta irinerã aãrĩmã.

²¹ İgũsã Marĩpuya kerere weredupiyudea, İgũsã gããmerõ İgũsã gũñarĩ merã werede meta aãrã. İ İgũsã weredupiyudea, Marĩpu İgũsãrẽ weredoredea aãrã. İrasirirã İgũsã Marĩpuyarã, Oãgũ deyomarĩgũ iritamurĩ merã Marĩpuyare were, irire gojanerã aãrĩmã.

2

Arĩkatori merã buerimasãyamarẽ gojadea (Jud 4-13)

¹ İripoegue İsrail bumarã surãyeri: “Marĩpuya kerere weredupiyurimasã aãrã”, arĩkatonerã aãrĩmã. İgũsã iriderosũta dapagoradere arĩkatori merã buerimasã musã puro aarirãkuma. Musãrẽ masĩña marĩrõ diayema aãrĩbirire buerãkuma. Marĩ Opu Jesucristore İgũsã ñerõ iridea waja İgũ boari merã wajaribosadire: “Gua Opu aãrĩbemi”, arĩrãkuma. İgũsã irasiriri waja gũñaña marĩrõ Marĩpu İgũsãrẽ peamegue bẽogukumi.

² İgũsã arĩkatori merã buerire pãrã, İgũsã ñerĩ haribejari iririre İãrã, wãrã musã watopegue aãrĩrã İgũsãrẽ İãkũirãkuma. İgũsãrẽ İãkũĩmakũ İãrã, gajirã musã Jesũre buremurã watopegue aãrĩmerã Jesũyamarẽ ñerõ arĩ werenĩrãkuma.

³ Arĩkatori merã buerimasã niyerure buro gããmesĩã, musãrẽ arĩkatori bueri merã musã İgũsãrẽ niyeru sĩmakũ irirãkuma. İripoegue Marĩpu gapu: “İgũsã irasiriri waja İgũsãrẽ wajamoãgura”, arĩsiadi aãrĩmĩ. İrasirigu İgũ arĩderosũta İgũsãrẽ peamegue bẽogukumi.

⁴ İrasirigu yu musã masĩdeare dupaturi gũñamakũ iridũãã. İripoegue Marĩpu İgũrẽ wereboerã aãrãdinerã İgũsã ñerõ irimakũ peamegue peresu iribẽodi aãrĩmĩ. Naĩtĩãrõgue kõmedari merã siadobobẽodi aãrĩmĩ. Aãrĩpererã ñerãrẽ wajamoãrĩnu ejamakũ, İgũsã ñerõ iridea waja İgũsãrẽ wajamoãgoragukumi.

⁵ Noẽ aãrĩdeapoegue marãrẽ İgũsã ñerõ iridea waja İgũsãrẽ wajamoãdi aãrĩmĩ. İrasirigu i nikũ aãrĩperero miũgũ, İgũsãrẽ mirĩboaperemakũ iridi aãrĩmĩ. Noẽ ditare, marãpo, İgũ pũrã uma urerã, İgũsã marãposã nomerẽ taudi aãrĩmĩ. Noẽ masakare: “Diayemarẽ irika!” arĩ weregu aãrĩdi aãrĩmĩ.

⁶ Marĩpu Sodoma, Gomorra wãĩkuri makãrĩ marãdere wajamoãdi aãrĩmĩ. İgũsã ñetariro iriri waja İgũsãya makãrĩrẽ peame merã soebẽogu, nitĩ poga dita

dujamakū iridi āārīmí. Pwugue gajirā ñerārē wajamoāburire masīburo, āāīgū irasiridi āārīmí.

⁷ Iri makārī marārē wajamoāgū, Lot diayema irigu ditare taudi āārīmí. Lot Sodomam, gajirā īgūya makā marā Marīpw dorerire irimerā ñerī iririkumakū īāgū, buro gariboredi āārīmí.

⁸ Īgū ōāgū, Īgūsā watope āārīgū, umuriku Īgūsā ñerō iririre īāgū, Īgūsā ñerō werenírīrē pégu, Īgūya yujpūrāgue buro bwjowereri merā poyadi āārīmí.

⁹ Irasirirā, iripoegue marā waadeare marī masīsā, idere masā. Marī Opw Īgūrē gāāmerārē ñerō tarimakū taumasīmi. Ñerā gapwe: “Wajamoāgura”, āāīdeare pídi āārīmí. Irasirigu āārīpererā ñerārē wajamoārīnw ejamakū, Īgūsārē wajamoāgukumi.

¹⁰ Gajirā ñerā nemorō ñerī waribejari iririkurārē, Īgū Opw āārīrīrē gāāmemerārē wajamoāgukumi. Īgūsā musārē āāīkatori merā buerā noó gāāmerō yāma. “Gajirā nemorō ōārō masā”, āāī gūñama. Gūiri marīrō turari oparārē ñerō āāī buridama.

¹¹ Marīpwre wereboerā gapw āāīkatori merā buerimasā nemorō turarā āāīkererā, Marīpw īūrō neō ñerō āāī buridari merā turari oparārē: “Ñerā āārīma”, āāī weresābema.

¹² Āāīkatori merā buerimasā gapw waimurā pémasīmerā iririkurosū noó gāāmerō iridwari ditare yāma. Īgūsā pémasībirideare ñerō wereníma. Masaka waimurārē ñeā, wējékuma. Āāīkatori merā buerimasā, waimurā irirosū boamurā dita āārīma. Boadero pwu peamegue béosūrākuma.

¹³ Irasirirā gajirārē ñerō tarimakū iriri waja, ñerō tarirākuma. Umurī, masaka īūrōgue noó gāāmerō Īgūsā ñerī waribejarire iri, usuyama. Musā merā bosebaarā, ñerō gwayasīūrī iririkurā āārīma.

¹⁴ Nomerē īārā, Īgūsā merā ñerō iridwama. Īgūsā merā ñerō iririre neō piribema. Marīpwre gūñaturamerārē Īgūsā irirosū ñerō iridwamakū yāma. Īgūsā buro opadwari: “Āsū irirāra opamurā”, āāī gūñarā āārīma. Irasirirā Marīpw wajamoāsūmurā āārīma.

¹⁵ Diayemarē piri, iripoeguemw Balaam iriderosū ñerō yāma. Balaam, Beor wāīkugw magū āārīdi āārīmí. Īgū ñerī iriri merā niyerure wajatadwagw āārīdi āārīmí.

¹⁶ Īgū irasiribu maague waamakū, Īgūyago burra Īgūrē turideo āārīmó. Marīpw igore masako irirosū werenímakū iridi āārīmí. Igo werenímakū pégu, Balaam Īgū pémasībi irirosū iriboadeare pirikōādi āārīmí.

¹⁷ Masaka deko āārīrī gobegue deko bokarākoa, āāī gūñama. Āāīkatori merā buerimasā gapw deko āārīrī gobegue deko marīrō irirosū āārīma. Īīmikāyebori mirū wējāpuri merā eja, otederogue deko merērō marīrō tariaro irirosū neō masakare iritamubema. Irasirigu Marīpw: “Īgūsārē āsū wajamoāgura”, āāīderosūta gajiro nemorō naītīārōgue āāīrīnīmakū irigukumi.

¹⁸ Āāīkatori merā buerimasā werenírī, Īgūsā: “Masītarinugāa”, āārīrī neō wajamáa. Jesúre bwremunugārārē ñerō iririkurā iririre piriwāgārārē: “Marī noó gāāmerō irimakū ōāgorāa”, āāī buema. Irire irasū āāī buerā, Jesúre bwremunugārārē ñerō waribejarire dupaturi iridwamakū yāma.

¹⁹ Īgūsārē: “Marī noó gāāmerō irimasā”, āāī buema. Irasū āāīkeremakū, Īgūsā ñerō waribejari, Īgūsārē ñerō irimakū yāa. Ñerō iririre neō pirimasībema. Irasirirā ñerō iridoregure moāboerā, Īgū doreri ditare irirā irirosū āārīma.

²⁰ Marī Opw Jesucristore marīrē taugwe masīnugārā i umuma ñerīrē pirikōāma. Iri ñerīrē piridero pwu, dupaturi piriro marīrō irinemomakū,

ñegorakoa. Īgūsā Jesucristore masīburo dupiyuro Īgūsā āārīp̄roridero nemorō ñerō dujama.

²¹ Ñerīrē irasiririk̄rārē diayeta Jesucristoyare diayema iririre masībirimakū ōābukuyo. Marīp̄u doreri Īgūsārē Īgū p̄ideare masīdero p̄uru irire gāāmemerā, ñetariro dujama.

²² Irasirirā dupaturi ñerīrē piriro marīrō irinemorā, masaka ārīnarōsū irirā yāma. Āsū ārīnama: “Diayée doka, p̄uru Īgū dokadeareta baakumi doja. Irasū āārīmakū yesede guua, p̄uru ñerī sóoberogue oyakumi doja”, ārīma.

3

Marī Op̄u Jesucristo dupaturi i ūm̄gue aariburire gojadea

¹ Yaarā yu maīrā, m̄sārē su pū gojasiabu. Yu iri dupiyurogue gojadea pū, irasū āārīmakū i pū merā m̄sārē: “Āsū irika!” ārīrīrē ōārō gūñamakū iriduagu yāa.

² Iripoegue marā ōārā Marīp̄uya kerere weredupiyunerā gojadeare, irasū āārīmakū marī Op̄u marīrē taugu dorerire gūñaka! Iri dorerire gua Īgū buedoregu p̄inerā m̄sārē buebu.

³ Ire gūñap̄rorika! I ūm̄u p̄reburi dupiyuro masaka Marīp̄uyare buridarākuma. Ñerō haribejarire iririk̄rākuma.

⁴ Buridari merā: “Cristo: ‘Dupaturi aariḡura’, Īgū ārīdea, ¿naásū waari? Marī ñekūsāmarā boanerā āārīmā. Neōgorague i ūm̄u āārīnugādero p̄uru, āārīpereri m̄urārōta āārīnīkōāa. Irasirigu Cristo neō aaribirikumi”, ārīrākuma.

⁵ I gap̄ure neō gūñad̄abema. Iripoeguere Marīp̄u i nikū, ūm̄ugasire āārīmakū iridi āārīmī. Īgū werenīrī merā dorederosūta deko āārīrōgue nikū deyoamakū iridi āārīmī. Irasū āārīmakū deko merā i nikū āārīmakū iridi āārīmī.

⁶ P̄uru deko merāta i nikūrē miūdi āārīmī. Irire miūgū, i nikūma āārīdeare peremakū iridi āārīmī.

⁷ Dapagorare Īgū werenīrī merā dorerosūta ūm̄gasi, i nikū āārīnīmakū yāmi. P̄uruguerē āārīpererā ñerārē wajamoārīnu ejamakū, i āārīpererire peame merā peremakū iriḡukumi. Irinu āārīmakū, ñerārē peamegue béoḡukumi Īgūsārē wajamoāgū.

⁸ Yaarā yu maīrā, i gap̄ure gūñaka! Marī: “Mil bojori tariri yoataria”, ārī gūñāa. Marī Op̄u gap̄u gūñamakū, mil bojori tariri, sunu tariro irirosū āārā. Sunu tariride mil bojori tariri irirosū āārā Īgūrē.

⁹ Surāyeri masaka marī Op̄u Īgū: “Dupaturi aariḡukoa”, ārīdeare gūñarā: “Yoobotarimi, aaribiribukumi”, ārī gūñama. Īgūsā irasū gūñarī diaye āārībea. Masakare bopoñarī merā iāsīā, mata aaribirikumi. Neō suḡu masakare peamegue waamakū gāāmebemi. Āārīpererā Īgūsā ñerō iririre bujawere, gūñarīrē gorawayumakū gāāmemi. Irasirigu aaribemi dapa.

¹⁰ Marī Op̄u dupaturi i ūm̄gue aarirīnu āārīmakū, yajarimasū gūñaña marīrō yajagu aariḡu irirosū gūñaña marīrō aariḡukumi. Īgū aarimakū, buro busuro merā ūm̄gasi pereakōārokoa. I ūm̄uma ūjūpereakōārokoa. Nikū, irasū āārīmakū āārīpereri i nikūgue āārīrī ūjūpereakōārokoa.

¹¹ Marīp̄u i āārīpereri peremakū iriburire pérā, marī ñerō iririre piri, Marīp̄u gāāmerī gap̄ure iriro gāāmea marīrē.

¹² Marī Op̄u dupaturi i ūm̄gue aarirīnūrē yūrāta Marīp̄u gāāmerīrē iriri merā Īgū aarimakū iriyuwarik̄purumurā! Irinūrē ūm̄gasima ūjūpereakōārokoa. I ūm̄gue āārīrī ūjū sepepereakōārokoa.

¹³ Marĩ gapu Marĩpu ĩgũ: “Maama umugasi, maama nikũrẽ irigura”, arĩderosũta ĩgũ iriburire yúa. ĩgũ maama dita iriadero puruguerẽ õãrã diayema irirã dita aarĩrãkuma.

¹⁴ Irasirirã musã yu maĩrã, marĩ Opu aariburire yúrãta, buro iridũari merã õãrĩ ditare irika! Irasirimakũ, ĩgũ aarigũ, musãrẽ ĩgũ merã õãrõ siñajãrĩ oparã, Marĩpu ĩũrõ ñerĩ marĩrã, waja opamerãrẽ bokajagakumi.

¹⁵ Musã ire masĩka! Marĩ Opu masakare bopoñarĩ merã ĩãgũ, ĩgũsã peamegue waabirimakũ gããmegũ, mata aaribirikumi. ĩgũsã ñerõ iririre bujawereri merã gũña, ĩgũrẽ buremunugãmakũ yámi. Marĩyagu Pablo marĩ maĩgũ, Marĩpu masĩrĩ sĩrĩ merã ãsũta musãrẽ gojadi aarĩmĩ.

¹⁶ Aarĩpereri ĩgũ gojadea pũgue marĩ Opu dupaturi aariburimarẽ gojadi aarĩmĩ. Irire marĩ pémasĩdũamakũ diasagorãa marĩrẽ. Marĩpũyare masĩmerã, irasũ aarĩmakũ ĩgũyare gũñaturamerã: “Pablo gojadea ãsũ arĩdũaro yáa”, arĩ buerã, keoro buebema. Arĩkatori merã buema. Gaji Marĩpũya werenĩrĩ gojadea pũgue gojadeare buerãde irasũta yáma. Irasiriri waja peamegue béosũrãkuma.

¹⁷ Yaarã yu maĩrã, yu musãrẽ arĩkatori merã buerimasã iririre weresiabu. Irasirirã ñerã musãrẽ arĩkatori merã buerire pémasĩka! ĩgũsã Marĩpu dorerire irimerã irirosũ aarĩbirikõãka! Irasũ aarĩmakũ, musã ĩgũyare gũñaturari merã buremurĩrẽ neõ piribirikõãka!

¹⁸ Marĩ Opu Jesucristo marĩrẽ taugũ gapure, irasũ aarĩmakũ ĩgũ marĩrẽ maĩrĩ gapure masĩnemoka! Dapagorare, puruguedere neõ piriro marĩrõ marĩ ĩgũrẽ buremunikõãrã! “Õãtaria mu”, arĩrã ĩgũrẽ! Irasũta arĩrã!

Iropata aarã.

Pedro

1 SAN JUAN

Juan Jesucristoyamarē gojadea

¹ Gwa musārē Jesucristoyamarē gojáa. Neōgoragueta i ūm̄m̄ āārīburi dupiyuro āārīsiadi āārīmi. I ūm̄gugue deyoadero p̄m̄, ĩgūrē guaya koye merā ĩā, ĩgū werenírīrē péb̄m̄. ĩgū āārīrīrē ĩāmasī, guaya mojōrī merā ĩgūrē moāñab̄m̄. ĩgū marīrē Marīp̄m̄ merā āārīnīm̄akū iriḡm̄ Marīp̄m̄yaya werenírīrē wereḡm̄ āārīmi.

² ĩgū, Marīp̄m̄ merā āārīnīgū, i ūm̄gugue deyoadi āārīmi, marīrē Marīp̄m̄ merā āārīnīm̄akū iribu. ĩgū deyoadero p̄m̄, guare ĩgū Paḡm̄ merā perebiri okarire sīgū āārīrīrē masīm̄akū irimi. Gwa ĩgūrē ĩāsīā, gwa ĩādeare musārē werea.

³ Gwa Marīp̄m̄ merā, irasū āārīm̄akū ĩgū magū Jesucristo merā oārō āārā. Irasirirā gwa ĩā, pédeare musārē werea, musāde gwa irirosūta Marīp̄m̄ merā, Jesucristo merā oārō āārī, gwa merādere oārō āārīburo, ārīrā.

⁴ Irireta gwa musārē gojáa, buro us̄yari opaburo, ārīrā.

Marīp̄m̄ āārīrī, boyorigora āārā, ārī gojadea

⁵ Jesucristo guare ĩgūya kere buedeare musārē werea. Āsū ārīmi: “Marīp̄m̄ āārīrī, boyorigora āārā. ĩgūguere naītīārī neō máa. Irasiriḡm̄ oārī ditare opaḡm̄, ñerīrē neō opabi āārīmi”.

⁶ Ñerīrē irirā naītīārōgue āārīrā irirosū āārīma. Marī, ĩgūsā irirosū ñerīrē iririk̄kererā, “Marīp̄m̄ merā oārō āārī, oārō yáa”, ārīrā, ārīkatorā yáa. Di-ayemarē iribea.

⁷ Marīp̄m̄ oārī ditare iriḡm̄ irirosū marī oārīrē iririk̄urā, boyorogue āārīrā irirosū āārā. Irasirirā, Marīp̄m̄ merā oārō āārīrā, marī baside oārō āārīrā yáa. Jesucristo, Marīp̄m̄ magū curusague boaḡm̄ ĩgūya dí béodea merā marī ñerī opari āārīpererire koenīkōāmi.

⁸ Marī ñerīrē irirā: “Ñerīrē irirā meta āārā”, ārīrā, marī basita ārīkatorā yáa. Diayema āārīrīrē masībea.

⁹ Marī ñerō irideare Marīp̄m̄re weretaripeomakū, ĩgū ārīderosūta diayemarē iriḡm̄ āārīsīā, marī ñerō irideare kātipeokōāḡukumi. Āārīpereri marī ñerī oparire koepeokōāḡukumi.

¹⁰ Marīp̄m̄: “Āārīpererā masaka ñerīrē irirā āārīma”, ārīdi āārīmi. Irasirirā marī: “Neō ñerīrē iribea”, ārīrā: “Marīp̄m̄ ārīkatoḡm̄ āārīmi”, ārīrā irirosū āārā. ĩgū werenírīrē gāāmemerā irirosū āārā.

2

Juan: “Cristo ĩgū Paḡm̄re marīya āārīburi sērēbosami”, ārī gojadea

¹ Yaarā, musā yu pūrā irirosū āārā. Yu musārē ire gojáa, ñerīrē iribirikōāburo, ārīgū. Marī ñerō irimakū, Jesucristo diayemarē iriḡm̄ ĩgū Paḡm̄re marīya āārīburi āsū ārī sērēbosami: “ĩgūsā ñerō irideare kātika, ĩgūsārē wajamoābirikōāka!” ārīmi.

² Jesucristo ĩgū boari merā marī ñerō iridea wajare marīrē wajaribosadi āārīmi. Marī ñerō iridea waja ditare wajaribosabiridi āārīmi. Āārīpererā i ūm̄m̄ marārē ĩgūsā ñerō iridea wajare wajaribosadi āārīmi.

³ Marīp̄m̄ dorerire marī irirā: “Marīp̄m̄re diayeta masīa”, ārī masīa.

⁴ Suḡm̄ Marīp̄m̄ dorerire iribi: “Yude Marīp̄m̄re masīa”, ārīgū, ārīkatoḡm̄ yámi. Diayema āārīrīrē masībemi.

⁵ Marĩpu dorerire irigu gapu Marĩpũre bũro maĩmi. Irasirigu: “Yũ Marĩpu merã õãrõ ããrã”, ãrĩ masĩmi.

⁶ Irasirirã marĩ: “Marĩpu merã õãrõ ããrã”, ãrĩrã, Jesucristo ĩgũ iririkũderosũta iriro gããmea.

Juan, Marĩpu dorerimarẽ gojadea

⁷ Yaarã, yũ musãrẽ dapagora gojari, maama doreri meta ããrã. I doreri, musã Jesũya kerere bũremunũgãdeapoege pẽdeata ããrã. Irasirirã musã iri dorerire pẽsiabu.

⁸ Iri doreri: “Gãme maĩka!” ãrã. Irasiriro iri doreri, iripoeguema doreri ããrĩkerero, maama doreri irirosũ ããrã. Iri dorerire irimerã naĩtĩãrõgue ããrĩrã irirosũ ããrĩma. Iro dupiyuro musã iri dorerire iribirinerã ããrĩbũ. Dapagorare Cristo irirosũ musãde irire irirã yãa. Irasirirã naĩtĩãrõgue ããrĩrã irirosũ ããrĩbea. Boyorogue ããrĩnũgãrã irirosũ irirã yãa.

⁹ Sugu gajigu ĩgũyagure ĩãturi dookeregu: “Marĩpu dorerire irigu ããrã”, ãrĩgũ, naĩtĩãrõgue ããrĩgũ irirosũ ããrĩmi dapa.

¹⁰ Gajirãrẽ ĩgũyarãrẽ maĩgũ gapu boyorogue ããrĩgũ irirosũ ããrĩmi. ĩgũguere neõ ñerĩ opari ĩgũrẽ ñerõ irimakũ iriri mãa.

¹¹ Gajirãrẽ ĩgũyarãrẽ ĩãturi doorikũgu gapu naĩtĩãrõgue waagorenagũ irirosũ ñerĩrẽ iririkũgu ããrĩmi. ĩgũ ñerĩrẽ iririkũri waja, koye ĩãbi ĩgũ waaburore masĩbi irirosũ Marĩpu dorerire neõ masĩbi ããrĩmi.

¹² Yũ musãrẽ yũ pũrã irirosũ ããrĩrãrẽ gojãa. Marĩpu, Jesucristo ĩgũ boari merã musã ñerõ iridea wajare wajaribosari merã musã ñerĩ irideare kãtidi ããrĩmĩ. Irasirigu musãrẽ gojãa.

¹³ Musã pagusãmarã, musã Cristore neõgoragueta ããrĩdire masĩa. Irasirigu musãdere gojãa. Musã maamarã, wãtĩrẽ tarinũgãnerã ããrã. Irasirigu musãrẽ gojãa.

¹⁴ Musã Marĩpũre masĩa. Irasirigu musãrẽ yũ pũrã irirosũ ããrĩrãrẽ gojãa. Musã pagusãmarã, musã Cristore neõgoragueta ããrĩdire masĩa. Irasirigu musãrẽ gojãa. Musã maamarã, Marĩpũre gũñaturarã ĩgũ werenĩrĩrẽ gããmerã, wãtĩrẽ tarinũgãnerã ããrã. Irasirigu musãrẽ gojãa.

¹⁵ I ãmũrẽ, i ãmũma ñerĩrẽ maĩbirikõãka! Sugu i ãmũmarẽ maĩgũno, Marĩpũre maĩbemi.

¹⁶ I ãmũma ãsũ ããrã. Masaka noó gããmerõ ñerĩ ãaribejari, gajinorẽ ĩã bũro gããmerĩ, gajirã nemorõ opari merã usuyari ããrã. Iri Marĩpũyama ããrĩbea. I ããrĩpereri i ãmũma dita ããrã.

¹⁷ I ãmũ pereburo yãa. ããrĩpereri masaka ĩgũsã i ãmũma ñerĩ ãaribejaride pereakõãrokoa. Marĩpũya gapu neõ perebirikoa. Irasirirã, Marĩpu gããmerĩrẽ irirã ĩgũ merã ããrĩnĩkõãrãkuma.

Juan: “Diayema ããrĩrĩ, diayema ããrĩbiri ããrã”, ãrĩ gojadea

¹⁸ Musã yũ pũrã irirosũ ããrĩrã, i ãmũ pereburo mẽrõ dũyãa. I ãmũ pereburo dupiyuro Cristore ĩãturigu aarigũkumi. Musã irire pẽsiabu. Dapagoradere gajirã Cristore ĩãturirã wãrã ããrĩsiama. Irasirirã marĩ i ãmũ pereburo mẽrõ dũyarire masĩa.

¹⁹ ĩgũsã Cristore ĩãturirã marĩ merã ããrĩnerã ããrĩkererã, marĩyarã diaye ããrĩbema. Irasirirã ããrĩpererã marĩrẽ bẽo wiriama. ĩgũsã irasirimakũ ĩãrã, masĩa. ĩgũsã marĩyarã ããrĩnerã, marĩ merã dujabonerã ããrĩmã.

²⁰ Cristo musãrẽ Õãgũ deyomarĩgũrẽ sĩsiadi ããrĩmĩ masĩrĩ opadoregu. Irasirirã musã ããrĩpererã Õãgũ deyomarĩgũ merã Jesucristoya kere diayema ããrĩrĩrẽ masĩa.

²¹ Irasirigũ yũ musârê gojagũ: “Diayema ããrĩrĩrê masĩbea musã”, ãrĩ gojagũ meta yáa. Musã diayema ããrĩrĩrê masĩsĩã: “Jesucristoya kere, diayema ããrĩrĩ, neõ ãrĩkatori kere meta ããrã”, ãrĩ masĩa. Irasirigũ musârê gojáa.

²² Ærĩkatorikurã gapũ ãsũ ãrĩma: “Jesús, Marĩpũ iriudi Cristo ããrĩbemi”, ãrĩma. Irire irasũ ãrĩrã Cristore ãaturirã ããrĩma. Ægũrê Marĩpũ magũ ããrĩrĩrê bũremubirisĩã, Ægũ Pagũdere bũremubema.

²³ Noó: “Jesús, Marĩpũ magũ ããrĩbemi”, ãrĩrãno Ægũ Pagũ merãdere õãrõ ããrĩbema. “Jesús, Marĩpũ magũ Ægũ iriudi Cristo ããrĩmi”, ãrĩrã gapũ Ægũ Pagũ merãdere õãrõ ããrĩma.

²⁴ Irasirirã, Jesucristoya kerere musã bũremunugãdeapogue pédeare õãrõ gũñaduripĩka! Irire gũñaduripĩrã, Jesucristo merã, Ægũ Pagũ merãdere neõ piriro marĩrõ õãrõ ããrĩnikõãrãkoa.

²⁵ Jesucristo marĩrê ãsũ ãrĩ weresiãmi: “Yũpũ merã perebiri okari sĩgũkoa musârê”, ãrĩmi.

²⁶ Gajirã musârê ãrĩkatori merã buedũama. Irasirigũ musârê irire gojáa, Ægũsã ãrĩkatorire péri, ãrĩgũ.

²⁷ Ægũsã musârê irasũ ãrĩkatokeremakũ, Jesucristo gapũ musârê Õãgũ dey-omarĩgũrê sĩsiadi ããrĩmĩ masĩrĩ opadoregũ. Irasirigũ Õãgũ deyomarĩgũ musã merã ããrĩnĩsĩã, neõ ãrĩkatori marĩrõ ããrĩpereri diayema ããrĩrĩrê musârê masĩmakũ yãmi. Irasirimakũ ããrã: “Gajirã gũare diayema ããrĩrĩrê buemakũ gããmea”, ãrĩbirikõãdorea. Irasirirã, Õãgũ deyomarĩgũ musârê buerosũta Cristo merã õãrõ ããrĩnikõãka!

²⁸ Irasirigũ yũ musârê yũ pũrã irirosũ ããrĩrãrê: “Cristo merã õãrõ ããrĩnikõãka!” ãrĩ werea. Marĩ irasirirã, Cristo i ãmũgue dupaturi aarimakũ, neõ gũiri marĩrõ Ægũ ãũrõrê gũyasĩrĩrĩ marĩrõ gũñaturari merã Ægũrê õãrõ bokatĩrĩñeãrãkoa.

²⁹ Jesucristo Marĩpũ magũ diayemarê irigũ ããrĩrĩrê musã masĩa. Irasirirã, ããrĩpererã diayemarê irirãno Marĩpũ pũrã ããrĩma. Idere musã masĩa.

3

Musã Marĩpũ pũrã ããrã, ãrĩ gojadea

¹ Marĩpũ marĩrê maĩtarimi. Irasirigũ marĩrê: “Yũ pũrã ããrĩma”, ãrĩmi. Irasirirã Ægũ pũrã ããrã marĩ. I ãmũ marã ñerã Marĩpũre masĩbema. Irasirirã marĩdere Ægũ pũrãdere masĩbema.

² Yaarã yũ maĩrã, yũ musârê werea. Marĩpũ pũrã ããrã marĩ. Pũrugue marĩ ããrĩburire marĩ õãrõ masĩbea dapa. Cristo dupaturi aarimakũgue diayeta irire masĩrãkoa. Ægũ aarimakũ ããrã: “Ãsũta ããrĩmi”, ãrĩ masĩrãkoa. Irasirirã, Cristo aarimakũgue, marĩ Ægũ irirosũ ããrĩrãkoa.

³ Ægũ irirosũ ããrĩburire gũñarãno: “Ægũ irirosũta õãrĩrê iriro gããmea marĩrê”, ãrĩrã, ñerĩ iririre piri, õãrĩ gapũre irirã yãma.

⁴ Æãrĩpererã ñerĩrê irirã, Marĩpũ dorerire tarinũgãrã ããrĩma. Ñerõ iriri, Marĩpũ dorerire tarinũgãrĩ ããrã.

⁵ Jesucristo marĩ ñerõ iridea wajare peremakũ iribu i ãmũgue aaridi ããrĩmĩ. Ægũrê ñerĩ opari neõ máa. Musã irire masĩa.

⁶ Irasirirã ããrĩpererã Ægũ merã õãrõ ããrĩnĩrã, ñerĩrê irinĩrã meta ããrĩma. Ñerĩrê irinĩrã gapũ Ægũrê neõ masĩbiri, Ægũ ããrĩrikuridere masĩbema.

⁷ Yaarã, yũ pũrã irirosũ ããrĩrã, õãrõ pémasĩka! Gajirã musârê ãrĩkatomakũ, Ægũsãrê pébirikõãka! Sugũ diayemarê irigũno, Jesucristo irirosũ õãgũ ããrĩmi.

⁸ Ñerĩrê irinĩgũ wãtĩyagũ ããrĩmi. Wãtĩ neõgoragueta ñerĩrê irinũgãdi ããrĩmi. Irasirigũ Marĩpũ magũ Jesucristo wãtĩ ñerĩ iririre béogũ i ãmũgue aaridi ããrĩmĩ.

⁹ Marĩpu ĩgũ pũrãrẽ ĩgũ irirosũ ããrĩrikumakũ iridi ããrĩmĩ. Irasirirã ñerĩrẽ irinĩbema. Marĩpu pũrã ããrĩsĩã, ñerĩ ditare irinĩmasĩbema.

¹⁰ Marĩpu pũrãrẽ, wãtĩ pũrãdere ãsũ ĩãmasĩã. Wãtĩ pũrã, Marĩpu pũrã irirosũ ããrĩbema. Diayemarẽ irinĩmerã, gajirã ĩgũsãyarãrẽ maĩmerã, Marĩpu pũrã ããrĩbema.

Gãme maĩdoredea

¹¹ “Marĩrẽ gãme maĩrõ gããmea”, ãrĩ bueri, mũsã Jesúya kerere buremunugãdeapogue pédeata ããrã.

¹² Irasirirã marĩ Caĩn iripoeguemu iriderosũ iribirikõãrã! Caĩn wãtĩyagu ããrĩsĩã, ĩgũ pagumũrẽ wẽjẽbéokõãdi ããrĩmĩ. ¿Nasirigu ĩgũrẽ wẽjẽyuri? ĩgũ ñerĩrẽ irinĩdi ããrĩmĩ. ĩgũ pagumu gapu diayemarẽ irinĩdi ããrĩmĩ. ĩgũ irasũ iriri waja, Caĩn ĩgũrẽ ĩãturi doo, wẽjẽbéokõãdi ããrĩmĩ.

¹³ Yaarã, i mũmu marã ñerõ iririkurã marĩ õãrĩrẽ iriri waja marĩrẽ ĩãturi doomakũ ĩãrã: “¿Nasiriro irasũ waãari yũre?” ãrĩ gũñabirikõãka!

¹⁴ Iripoeguere marĩ peamegue waamurã dita ããrĩnerã ããrãdibu. Dapagora gapure marĩyarãrẽ maĩsĩã: “Marĩpu marĩrẽ ĩgũ ããrĩrõgue waamurã ããrĩmakũ iridi ããrĩmĩ”, ãrĩ masĩã. Sugu gajigu ĩgũyagure maĩbino, peamegue waabu ããrĩmi dapa.

¹⁵ ĩgũsãyarãrẽ ĩãturi doorãno Marĩpu ĩũrõrẽ masakare wẽjẽbéorã irirosũ ããrĩma. Masakare wẽjẽbéorã Marĩpu merã perebiri okari opamerã ããrĩma. Irire mũsã masĩã.

¹⁶ Jesucristo marĩya ããrĩburire marĩrẽ boabosadeare gũñarã, ĩgũ marĩrẽ bure maĩrĩrẽ masĩã. Irasirirã marĩde marĩyarãrẽ maĩrã, ĩgũsãya ããrĩburire boamurã ããrĩkererã, ĩgũsãrẽ iritamurõ gããmea.

¹⁷ Sugu wãri ĩgũ ããrĩburire opagu gapu ĩgũyagure bopogure ĩãkeregũ, ĩgũrẽ bopoña sĩbi, Marĩpu maĩrõsũ maĩbemi.

¹⁸ Yaarã yũ maĩrã: “Marĩ gajirãrẽ maĩa”, ãrĩ werenĩrã, ĩgũsãrẽ iritamurõ gããmea. ĩgũsãrẽ iritamurã, marĩ ĩgũsãrẽ diaye maĩrĩrẽ masĩmakũ yãa.

Marĩpu ĩũrõ gũiro marĩrõ ããrĩrĩrẽ gojadea

¹⁹ Gajirãrẽ maĩrã: “Marĩ diayeta Marĩpu pũrã ããrã”, ãrĩ masĩã. Irasirirã, ĩgũ ĩũrõ gũiro marĩrõ ããrĩmasĩã.

²⁰ Marĩ basi: “Ñerõ iriakubu, irasirigu waja opakoa”, ãrĩ gũñarĩkeremakũ, Marĩpu ããrĩpererire masĩgũ, marĩ nemorõ marĩ ããrĩrikurire masĩmi. Irasirigu marĩrẽ õãrõ ããrĩrikumakũ irimasĩmi.

²¹ Yaarã yũ maĩrã: “Marĩpu ĩũrõ marĩ ñerĩ iridea wajare opabea”, ãrĩ gũñarã, ĩgũ ĩũrõ gũiro marĩrõ gũñaturari merã ããrĩmasĩã.

²² Irasũ ããrĩmakũ ĩgũ dorerire ĩgũ gããmerĩrẽ marĩ irimakũ ĩãgũ, ĩgũrẽ marĩ sërĩrĩrẽ sĩgukumi.

²³ ĩgũ marĩrẽ doregu, ãsũ ãrĩmi: “Yũ magũ Jesucristore buremuka! Irasũ ããrĩmakũ, ĩgũ mũsãrẽ dorederosũta gãme maĩka!” ãrĩmi.

²⁴ Marĩ ĩgũ dorerire irirã, ĩgũ merã õãrõ ããrĩnĩkõãã. ĩgũde marĩguere ããrĩnĩkõãmi. ĩgũ marĩrẽ Õãgũ deyomarĩgũrẽ sĩsiami. Irasirigu ĩgũ marĩguere ããrĩnĩrĩrẽ Õãgũ deyomarĩgũ merã marĩrẽ masĩmakũ yãmi.

4

“Marĩpu weredorederosũta wererã ããrã”, ãrĩrãyamarẽ masĩdorea, ãrĩ gojadea

¹ Yaarã yũ maĩrã, mũsãrẽ werea. Dapagorare i mũmũrẽ wãrã: “Marĩpu weredorederosũta wererã ããrã”, ãrĩkererã, ãrĩkatorã ããrĩma. Irasirirã, ããrĩpererã mũsã masĩmerã mũsã pũroque buerã ejamakũ, mata ĩgũsã buerire

buremubirikōāka! Īgūsā buerire pérā: “¿Diayeta Marīpu buedoreri āārīrī? ¿Ōāgū deyomarīgūrē oparā āārīrī irasū ārī wererā?” ārī gūñaka!

² Ōāgū deyomarīgūrē oparāno, āsū ārīma: “Jesucristo marī irirosū dupukugu i ūmugue aaridi āārīmī”. Mūsā, Īgūsā irire irasū ārīmakū pérā: “Ōāgū deyomarīgūrē oparā, Marīpu dorederosūta werema”, ārī masīrākoa.

³ “Jesús marī irirosū dupukugu i ūmugue aaridi āārīmī”, ārīrīrē buremumerā gapu Ōāgū deyomarīgūrē opabema. Cristore ĩaturigure doreguta ĩgūsādere doremi. Mūsā, Cristore ĩaturigu aariburire pésiabu. Dapagoradere ĩgūrē doreguta i ūmugue āārīsiami.

⁴ Mūsā yu pūrā irirosū āārīrā, Marīpuyarā āārā. Ōāgū deyomarīgū mūsāguere āārīmī. Wātī ĩgūyarārē i ūmugue āārīrārē doregu āārīmī. Ōāgū deyomarīgū gapu, wātī nemorō turagu āārīmī. Irasirirā, ārīkatori merā wererā wererire buremubiri, ĩgūsārē tarinugāsiabu.

⁵ Ārīkatori merā wererā i ūmu marā āārīma. I ūmuma ditare werema. Gajirā i ūmu marā ĩgūsā irirosū āārīrāta ĩgūsā wererire péma.

⁶ Marī gapu Marīpuyarā āārā. Marīpue masīrāno, marī wererire péma. Gajirā ĩgūyarā āārīmerā gapu, marī wererire pébema. Irasirirā marī āsū ārī masīa: “Marīpuyarā āārīrāno, Ōāgū deyomarīgū dorerosūta diayema āārīrīrē wererārē péma. Marīpuyarā āārīmerā gapu, wātī dorerosūta ārīkatori merā wererārē péma”, ārī masīa.

Marīpu diayeta āārīpererārē maīgū āārīmī, ārī gojadea

⁷ Yaarā yu maīrā, mūsārē werea. Marī gāme maīmakū, Marīputa irasirimakū yāmi. Irasirirā marī gāme maīrā! Gajirārē maīrāno, Marīpu pūrā, ĩgūrē masīrā āārīma.

⁸ Marīpu diayeta āārīpererārē maīgū āārīmī. Irasirirā gajirārē maīmerāno ĩgūrē masībema.

⁹ Marīpu ĩgū magū sugu āārīgūrē i ūmugue iriudi āārīmī, marīrē ĩgū merā perebiri okarire opaburo, ārīgū. ĩgūrē iriugu, ĩgū marīrē maīrīrē masīmakū iridi āārīmī.

¹⁰ ĩgū marīrē maīrī, marī ĩgūrē maīrī irirosū meta āārā. ĩgū gapu marīrē diayeta maīsīā, ĩgū magūrē iriudi āārīmī, ĩgū boari merā marī ñerō iridea wajare wajaribosadoregu. Irasirigu iri merā marī ñerō irideare kātimi.

¹¹ Yaarā yu maīrā, mūsārē werea. Marīpu marīrē maīmakū ĩārā, marīde gāme maīrō gāāmea.

¹² Neō sugu masakū Marīpue ĩādi mámi. ĩgūrē ĩābirikeremakū, marī gāme maīmakū, marī merā āārīnīkōāmi. Irasirigu, ĩgū maīrōsūta marīrē gajirārē oārō maīmakū yāmi.

¹³ Marīpu Ōāgū deyomarīgūrē marīrē sīdi āārīmī. Irasirirā, Ōāgū deyomarīgū merā Marīpu marī merā āārīnīrīrē, marīde ĩgū merā āārīnīrīrē masīa.

¹⁴ Gu, Marīpu magūrē ĩānerā āārīsīā, gajirārē: “Marīpu ĩgū magūrē iriudi āārīmī, i ūmu marārē ĩgūsā ñerō iridea wajare taudoregu”, ārī werea.

¹⁵ “Jesús, Marīpu magū āārīmī”, ārīrāno, Marīpu merā āārīnīma. ĩgūde ĩgūsā merā āārīnīkōāmi.

¹⁶ Irasirirā: “Marīpu marīrē maīmi”, ārī masīa. “ĩgūta marīrē maīmi”, ārī buremua. ĩgū diayeta āārīpererārē maīgū āārīmī. Sugu gajirārē maīgūno, Marīpu merā āārīnīmi. Marīpude ĩgū merā āārīnīkōāmi.

¹⁷ Irasirigu ĩgū marī merā āārīnīsīā, ĩgū maīrōsūta marīrē gajirārē oārō maīmakū yāmi. ĩgū āārīpererā ñerārē peamegue wajamoārīnu ejamakū, marīrē

güiri marĩrõ ããrĩburo, ãrĩgũ, irasũ yámi. Marĩ güiri marĩrõ ããrĩrã, Jesucristo i ãmũgue ããrĩgũ Marĩpũ merã õãrõ ããrĩderosũta marĩde ãgũ merã õãrõ ããrã.

¹⁸ Marĩpũre maĩrã, ãgũ marĩrẽ maĩrĩrẽ masĩrã, güiri marĩrõ ããrã. Irita marĩrẽ neõ güibirimakũ yáa. Sugũ: “Marĩpũ yũre wajamoãgũkumi”, ãrĩ güñagũno, güimi. ãgũrẽ õãrõ maĩbi, ãgũ ãgũrẽ burõ maĩrĩrẽ masĩbi ããrĩmi.

¹⁹ Marĩpũ, marĩ ãgũrẽ maĩburi dupiyuro marĩrẽ maĩpũroridi ããrĩmi. Irasirirã marĩde ãgũrẽ maĩa.

²⁰ Sugũ masakũ gajigũre ãgũyagũre ããturi doogu: “Yũde Marĩpũre maĩa”, ãrĩgũ, ãrĩkatogu ããrĩmi. Gajigũre ãgũ ããgũrẽ maĩbi, Marĩpũre ãgũ ããbire maĩmasĩbemi.

²¹ Jesucristo i doreri marĩrẽ pími: “Marĩpũre maĩrã, gajirãdere maĩrõ gããmea”, ãrĩmi.

5

Marĩpũ pũrã ããrĩrã ñerĩ iririre piri, õãrĩ gapũre yáma, ãrĩ gojadea

¹ “Jesús, Marĩpũ magũ ãgũ iriudi Cristo ããrĩmi”, ãrĩ burẽmurãno, Marĩpũ pũrã ããrĩma. Marĩpũre maĩrãno, ãgũ pũrãdere maĩma.

² Marĩ, Marĩpũre maĩrã, ãgũ dorerire irirã, ãgũ pũrãdere maĩa. Iririre marĩ masĩa.

³ Marĩpũre maĩrã, ãgũ dorerire irirã yáa. ãgũ dorerire irimakũ diasãbea. Nũkũrĩrẽ ãũmarõ irirosũ ããrĩbea.

⁴ Irasirirã ããrĩpererã Marĩpũ pũrã i ãmũma ñerĩ iririre piri, irire irinĩbema. Marĩ Jesucristore burẽmurĩ merã i ãmũma ñerĩ iririre piri, õãrĩ gapũre irimasĩa.

⁵ “Jesús, Marĩpũ magũ ããrĩmi”, ãrĩ burẽmurã dita i ãmũma ñerĩ iririre piri, õãrĩ gapũre irimasĩma.

Marĩpũ magũyamarẽ gojadea

⁶ Jesucristo i ãmũgue ããrĩgũ, deko merã wãiyesũmi. Pũrũ boagu, ãgũya dí béomi. Irasirirã marĩ, ãgũ deko merã wãiyesũdeare, ãgũya dí béodeadere masĩrã: “Jesús, Marĩpũ magũ ããrĩmi”, ãrĩ masĩa. ãgũ deko merã wãiyesũdea ditare masĩrĩ merã irire masĩbea. Õãgũ deyomarĩgũ marĩrẽ i Jesucristoyamarẽ masĩmakũ yámi. ãgũta marĩrẽ diayema ããrĩrĩrẽ masĩmakũ irigu ããrĩmi.

⁷ ãmũgasiguedere: “Jesús, Marĩpũ magũ ããrĩmi”, ãrĩ wererã, urerã ããrĩma. Marĩpũ, ãgũ magũ, Õãgũ deyomarĩgũ ããrĩma. ãgũsã urerã ããrĩkererã, sugũta ããrĩmi.

⁸ I nikũguedere Õãgũ deyomarĩgũ marĩrẽ Jesús, Marĩpũ magũ ããrĩrĩrẽ masĩmakũ yámi. Irasũ ããrĩmakũ, marĩ Jesús deko merã wãiyesũdeare, ãgũya dí béodeadere masĩrĩ merã: “Jesús, Marĩpũ magũ ããrĩmi”, ãrĩ masĩa. Iri merã marĩ õãrõ masĩa.

⁹ Masaka marĩrẽ ãgũsã ããdeare weremakũ pérã, ãgũsã wererire burẽmua. Marĩpũ marĩrẽ wereri gapũre, masaka wereri nemorõ burẽmurõ gããmea. Irasirirã, ãgũ magũyamarẽ wererire burẽmurõ gããmea.

¹⁰ Marĩpũ magũrẽ burẽmurãno, ãgũyamarẽ wererire: “Diayeta ããrã”, ãrĩ güñama. ãgũ magũyamarẽ wererire: “Diaye ããrĩbea”, ãrĩ güñarã gapũ: “Marĩpũ ãrĩkatogu ããrĩmi”, ãrĩrã irirosũ ããrĩma.

¹¹ Marĩpũ ãgũ magũyamarẽ ãsũ ãrĩ weredi ããrĩmĩ: “Yũ magũrẽ burẽmurãrẽ yũ pũro perebiri okarire opamurã ããrĩmakũ iribũ”, ãrĩdi ããrĩmĩ.

¹² ãgũ magũrẽ burẽmurĩ oparãno, ãgũ pũro i perebiri okarire oparãkuma. ãgũrẽ burẽmurĩ opamerã gapũ iri okarire opabirikuma.

Juan gojatũnudea

¹³ Y_u m_usārē Marīp_u magūrē b_uremurārē irire gojáa, Marīp_u p_uro perebiri okari opaburire masīburo, āīgū.

¹⁴ Marīp_ure īgū gāāmerōsūta marī sērēmakū, īgū marīrē pémi. Irasirirā irire masīrā, gūiro marīrō gūñaturari merā īgūrē sērēmasīa.

¹⁵ Irasū sērērā, īgū marīrē pērire, marī sērērōsūta īgū sīb_uridere masīa.

¹⁶ M_usā, sug_u m_usāyag_ure ñerī irimakū īārā, īgūya āārīburire Marīp_ure sērēbosaka! “īgū ñerō iridea, īgūrē peamegue béomakū iriri āārībea”, āī masīrā, īgūya āārīburire sērēbosaka! Irasirig_u Marīp_u īgūrē īgū p_uro perebiri okari opabu āārīmakū irigakumi. Gaji ñerō iriri gap_u, masakare peamegue béomakū iriri āārā. Sug_u masak_u irireta irimakū īārā: “īgūya āārīburire Marīp_ure sērēbosaro gāāmea”, āārībea y_u m_usārē.

¹⁷ Āārīpereri ñerō iriri, Marīp_u dorerire tarinugārī āārā. Irasū āārīkerero, āārīpereri ñerī iriri, masakare peamegue béomakū iribea. Marīp_u āārīpereri ñerī iririre: “Neō kātibirikoa”, āārībemi.

¹⁸ Ire marī masīa. Marīp_u magū marīrē īgū Pag_u pūrā āārīrārē ōārō koreri merā iritamumi. Irasirirā marī ñerīrē irinībea. Wātī marīrē ñerō iriduakereg_u, marīrē poyanorēmasībemi.

¹⁹ Marī, Marīp_u pūrā āārā. Wātī āārīpererā i ūm_u marā ñerārē doreg_u āārīmi. Irire masīa marī.

²⁰ Gajidere masīa. Marīp_u magū marīrē pémasīrī sīgū, i ūm_ugue aaridi āārīmi: “Marīp_u diayeta āārīnīgū āārīmi”, āī masīburo, āīgū. Jesucristo merā ōārō āārīnísīā, īgū Pag_u merādere ōārō āārīnīkōārā yāa. Jesucristo diayeta Marīp_u āārīmi. Īgūta marīrē īgū p_uro perebiri okari sīgū āārīmi.

²¹ Irasirig_u m_usārē y_u pūrā irirosū āārīrārē werea. Gajirā masaka b_uremurā keori weadeare b_uremubirikōāka! Marīp_u ditare b_uremuka! Irasūta iriro gāāmea.

Iropata āārā.

Juan

2 SAN JUAN

Juan gãme maĩrĩmarẽ gojadea

¹ Yũ bũguro, mũrẽ Marĩpũ beyedeore mũ pũrãdere i pũrẽ gojãa. Yũ mũsãrẽ diayeta maĩa. Yũ dita mũsãrẽ maĩbea. ããrĩpererã mũsã pũro ããrĩã Jesúya diayema ããrĩrĩrẽ masĩrã mũsãrẽ maĩma.

² Marĩ ãgũya diayema ããrĩrĩrẽ marĩya yũjũpũrãrĩgue masĩa. ãgũ neõ piriro marĩrõ marĩ merã ããrĩnĩsĩã, marĩrẽ irire masĩmakũ yãmi. Irasirirã gũũ mũsãrẽ maĩa.

³ Marĩpũ ããrĩnĩgũ, ãgũ magũ Jesucristo marĩ Opũ merã mũsãrẽ õãrõ iritamu, bopoñarĩ merã ãã, siñajãrĩ merã ããrĩrikũmakũ iriburo. Irire irigũ, diayema ããrĩrĩ, maĩrĩ merã irasiriburo.

⁴ Surãyeri mũ pũrã Marĩpũ marĩrẽ dorederosũta Jesúyare irirã ããrĩma, ãrĩrĩ kerere pégu, bũro usũyabu.

⁵ Dapagora mũrẽ ire gojagũra. Marĩ gãme maĩrõ gããmea. I yũ gojari, maama doreri ããrĩbea. I doreri, marĩ Jesúre bũremunũgãdeapoegue masĩdeata ããrã.

⁶ Marĩ gãme maĩrã, Marĩpũ dorederosũta yãa. I doreri, mũsã Jesúre bũremunũgãdeapoegue pédeata ããrã. ãsũ ãrã. Gajirãrẽ maĩnĩkõãka!

Wãrã ãrĩkatorikũrã ããrĩma, ãrĩ gojadea

⁷ I ãmũguere wãrã ãrĩkatorikũrã waagorenama. “Jesucristo marĩ irirosũ dũpũkũgũ i ãmũguere aaridi ããrĩmĩ’, ãrĩrĩ, diaye ããrĩbea”, ãrĩma. ãgũsãta ãrĩkatorikũrã, Cristore ãaturirã ããrĩma.

⁸ Irasirirã õãrõ pémasĩka mũsã! ãgũsã ãrĩkatorire bũremubirikõãka! ãgũsã ãrĩkatorire bũremurã, mũsã Marĩpũyare iridea waja ãgũ mũsãrẽ wajariburire dedeubukoa. ãgũsã ãrĩkatorire bũremubirimakũ, mũsã ãgũyare iridea waja mũsãrẽ wajariburire sĩpeogũkumi.

⁹ Sugũ Cristo buedeare béo, ãgũ gããmerõ gajire buegũno, Marĩpũ merã õãrõ ããrĩbemi. Cristo buedeare bũremugũ ãgũyare iritũyagũ gapũ Marĩpũ merã õãrõ ããrĩmi. Irasũ ããrĩmakũ, ãgũ magũ Cristo merã õãrõ ããrĩmi.

¹⁰ Irasirirã, sugũ Cristo buedeare buebi, gaji buerire buegũno mũsã pũro ejamakũ, ãgũrẽ bokatĩrĩsẽrẽ, mũsãya wiigue ñajãdorebirikõãka!

¹¹ Mũsã ãgũrẽ bokatĩrĩñeãrã, ãgũrẽ iritamubukoa. Irasirirã ãgũrẽ iritamurã ãgũ irirosũ ñerõ irirã ããrĩbukoa.

Juan gojatũnudea

¹² Yũ gaji wãri mũsãrẽ weredũakeregũ, i pũguere gojabirikoa. Yũ basita mũsã pũroque mũsã merã werenĩgũ waagũkoa. Marĩ basi weretamurã, õãrõ usũyari merã ããrĩrãkoa.

¹³ Mũ pagũmo pũrã mũrẽ õãdorema. Igode Marĩpũ beyedeota ããrĩmo.
Iropata ããrã.
Juan

3 SAN JUAN

Juan, Gayo wāikuguyamarē gojadea

¹ Y_u bu_guro, m_urē Gayore diayeta y_u maīgūrē i pūrē gojāa.

² Ire gojāa m_urē y_u maīgūrē. Y_u m_uya āārīburire Marīp_ure sērēbosāa. M_u Marīp_u merā ōārō āārīrōsūta āārīpereri m_uyare ōārō waaburire, pūrīrī marīrō merā m_u āārīburire sērēbosāa.

³ Gajirā Jesúre b_uremurā y_u p_uro ejarā, m_u āārīk_urire y_ure werema. “Jesúyare irinígū, i diayema āārīrīrē iriwāgāgū yámi”, ārī werema. Īgūsā irire weremakū pégu, bu_gro usuyāa.

⁴ Jesúre b_uremurā y_u buerā ĩgūya diayema āārīrīrē irinírā yáma, ārīrī kerere pégu, usuyataria. Y_u i kerere péri, āārīpereri gajī nemorō y_ure usuyamakū yáa.

⁵ M_u Jesúre b_uremurārē ōārō iritamunígū iriayuro. Gajiro marā m_u ĩamasīmerā āārīkeremakū, ĩgūsārē ōārō iritamugū iriayuro.

⁶ Īgūsā g_uare, Jesúre b_uremurā nerēnarōgue gajirārē m_u maīrīrē werema. Irasirig_u, ĩgūsā m_u p_urogue ejarārē ĩgūsā gajirogue ōārō waaburire iritamuka! M_u ĩgūsārē iritamugū, ōārō irig_ukoa. Marīp_u marīrē irasirimakūta gāāmemi.

⁷ Īgūsā Jesucristoya kerere werewāgārā, Jesúre b_uremumerārē: “G_uare iritamuka!” neō ārī sērēbema.

⁸ Irasirirā marī Jesúre b_uremurā ĩgūsārē iritamurō gāāmea. Īgūsārē iritamurā, marī ĩgūsā merā moārā yáa, gajirā Jesúya diayema āārīrīrē péburo, ārīrā.

Diótrefes ñerō irideare gojadea

⁹ Y_u m_usārē Jesúre b_uremurā irogue āārīrārē su pū gojab_u. Diótrefes gap_u m_usārē dored_uag_u āārīsīā, g_ua m_usārē: “Āsū irika!” ārī weredeare pé_uabirayup_u.

¹⁰ Y_u m_usā p_urogue waagú, ĩgūrē m_usā péurogue ĩgū irideare: ĩgū g_uare ñerō kere ārīdeare, ĩgū ārīkatodeare wereg_ura. Īgū i ditare iribirayup_u. Jesúya kerere wererā waagorenarārē bokatīrīñeābirayup_u. Gajirā m_usā merāmarā ĩgūsārē bokatīrīñeā_umakū ĩāgū: “Bokatīrīñeābirikōāka!” ārāyup_u. Īgūsārē bokatīrīñeārārē Jesúre b_uremurā nerēnarōgue ñajādorebirayup_u.

¹¹ M_u, y_u maīgū, ñerō irirārē ĩākūībirikōāka! Ōārō irirā gap_ure ĩākūīka! Ōārīrē irirā Marīp_uyarā āārīma. Ñerīrē irirā gap_u Marīp_ure masībema.

Demetrio ōārō irideare gojadea

¹² Āārīpererā: “Demetrio ōāgū āārīmi”, ārīma. Irasirirā masaka ĩgū iririre ĩārā: “Marīp_u dorederosūta Jesúyare yámi”, ārīma. G_uade: “Īgū ōārō irig_u āārīmi”, ārā. M_usā masīa. G_ua diayeta werea.

Juan Gayore gojatūnudea

¹³ Y_u gajī wári m_urē wered_uakereg_u, i pūguere gojabirikoa.

¹⁴ Mérōgā p_ug_u m_urē ĩāgū waad_uakoa. Irasirig_u m_u p_urogue waagú, m_u merā wereníg_ukoa.

¹⁵ Ōārō siñajārī opaka! Ōō marā marī merāmarā Jesúre b_uremurā m_urē ōādorema. Āārīpererā irogue āārīrā marī merāmarā ōāburo.

Iropata āārā.

Juan

SAN JUDAS

Judas Jesúre bɔremurãrẽ gojadea

¹ Yɔ Judas*, Santiago pagɔmɔ Jesucristore moãboegɔ mɔsãrẽ i pũrẽ gojáa. Marĩpu mɔsãrẽ maĩgũ beyedi ããrĩmĩ, ĩgũyarã ããrĩburo, ãrĩgũ. Jesucristo mɔsãrẽ koremi, ĩgũrẽ bɔremurĩrẽ piribirikõãburo, ãrĩgũ.

² Marĩpu mɔsãrẽ bɔro bopoña, maĩrĩ merã ĩãburo. Mɔsãrẽ siñajãrĩ sĩburo.

Ãrĩkatori merã buerimasãyamarẽ gojadea

(2 Pe 2.1-17)

³ Marĩpu marĩrẽ peamegue waabonerãrẽ taurire mɔsãrẽ, yɔ maĩrãrẽ bɔro gojadɔadibɔ. Irire gojadɔakeregɔ, dapagorare gaji gapɔre gojaro gããmea, ãrĩ gũñãa. Marĩpu ããrĩpererã ĩgũyarãrẽ Jesucristoya kerere: “Ãsũ ããrã, irire neõ gorawayubirikõãka!” ãrĩ pídi ããrĩmĩ. Marĩ ĩgũyarã iri kerere bɔremua. Gajirã ãrĩkatori merã buerimasã gapɔ iri kerere gorawayudɔama. Irasirigɔ yɔ mɔsãrẽ: “Ĩgũsã ãrĩkatori merã buerire pébirikõãka!” ãrĩ gojáa. ĩgũsãrẽ: “Marĩpu gapɔre pídea diayeta ããrã, mɔsã bueri gapɔ ãrĩkatori merã bueri ããrã”, ãrĩka!

⁴ ĩgũsã ñerã, masĩna marĩrõ mɔsã pɔro ejanerã mɔsã merã ããrĩma. ĩgũsã ãrĩkatori merã: “Marĩpu marĩ ñerõ irideare kãtimi, irasirirã noó gããmerõ irimasã”, ãrĩ buema mɔsã, ĩgũsã ñerĩ iririkurire: “Õãa”, ãrĩ gũñaburo, ãrĩrã. “Jesucristo marĩrẽ doregɔ, marĩ Opɔ sugɔ ããrĩgũ ããrĩbemi”, ãrĩ buema. Iripoegue Marĩpu ĩgũya werenĩrĩ gojadea pũgue ĩgũsã irirosũ ãrĩkatori merã buerãrẽ: “Wajamoãgura”, ãrĩdi ããrĩmĩ.

⁵ Irasirigɔ yɔ mɔsã masĩdeare dupaturi gũñamakũ iridɔãa. Iripoegue Marĩpu gɔ ñekũsãmarã Israel bumarãrẽ Egiptogue ããrĩrãrẽ wiudi ããrĩmĩ. ĩgũsãrẽ wiukeregɔ, ĩgũrẽ bɔremumerã gapɔre wẽjedi ããrĩmĩ.

⁶ Marĩpɔre wereboerã ããrãdinerãdere gũñaka! ĩgũsã Marĩpu doreri pídeare tarinugãnerã ããrĩmã. ĩgũsãrẽ ĩgũ ããrĩdorederore ããrĩdɔabirinerã ããrĩmã. Irasirigɔ Marĩpu ĩgũsãrẽ kõmedari merã naĩtĩãrõgue suapĩkõãdi ããrĩmĩ. ĩgũ ããrĩpererã ñerãrẽ wajamoãrĩnɔ ejamakũ, ĩgũsãrẽ bɔro wajamoãgukumi.

⁷ Iripoegue Sodoma, Gomorra wãikurĩ makãrĩ marã, irasũ ããrĩmakũ iri makãrĩ pɔro ããrĩrĩ makãrĩ marãde, Marĩpɔre wereboerã ããrãdinerã irirosũ ñerõ irinerã ããrĩmã. Őma, nome merã ñerõ irinerã ããrĩmã. Irasũ ããrĩmakũ ũma seyaro ñerõ irinerã ããrĩmã. Nomede irasũta irinerã ããrĩmã. Irasirigɔ, ĩgũsã ñerõ iridea waja Marĩpu ĩgũsãrẽ soebéodi ããrĩmĩ. ããrĩpererã ĩgũsã iriderosũ ĩgũ dorerire tarinugãrã perebiri peamegue wajamoãburire masĩburo, ãrĩgũ, irasiridi ããrĩmĩ.

⁸ ĩgũsã Marĩpu dorerire tarinugãderosũ, ãrĩkatori merã buerimasã mɔsã watope ããrĩrã ñerõ yãma. ĩgũsã kërõgue ĩãrĩ merã ĩgũsã ñerõ iridɔarire: “Õãa”, ãrĩ gũñama. Irasirirã ĩgũsã ñerõ iriri merã ĩgũsãya dupɔre poyanorẽma. Marĩ Opɔ dorerire tarinugãma. Turari oparãrẽ ñerõ werenĩma.

⁹ Marĩpɔre wereboerã opɔ Miguel wãikugɔ iriderosũ iribema. Miguel Moiséya dupɔ darore ããdɔagɔ, wãtĩ merã gãme guaseodi ããrĩmĩ. Irasirikere-makũ, Miguel gapɔ neõ suñarõ ñerõ werenĩrĩ merã wãtĩrẽ: “Iropata irika! Peamegue waaka!” ãrĩ turibiridi ããrĩmĩ. ãsũ gapɔ ãrĩdi ããrĩmĩ: “Yɔ Opɔ mɔrẽ: ‘Iropata irika!’ ãrĩburo”, ãrĩdi ããrĩmĩ.

* 1:1 Mt 13.55; Mr 6.3: I pũ gojadi Judas Iscariote meta ããrĩyupɔ. ĩgũ tĩgũ Santiago wãikuyupɔ. Peamasãya merã gajirã Santiagore “Jacobo” wãiyenerã ããrĩmã.

10 Ārīkatori merā buerimasā mūsā watope āārīrā gapu ĩgūsā masībirideare ñerō werenīrī merā werema. Waimurā pémasīmerā iririkurosū ĩgūsā noó gāāmerō iriduarī ditare yāma. Irasirirā peamegue béosūrākuma.

11 ĩgūsāta neō usuyari bokabirikuma. Caín wāikugū Marīpuyare buremubi, ĩgū pagumurē ĩāturi, wējēderosū ñerō yāma. Balaam wāikugū ĩgū niyeru wajataburire, Marīpuyarāya āārīburi nemorō gūñasīā, ĩgūsārē ārīkatori merā buederosū ñerō yāma. Gajigu Coré wāikugū ĩgūya bumarā oparā Marīpu pīnerārē tarinugādi āārīmī. ĩgū tarinugārī waja Marīpu ĩgūrē wajamoāgū, boamakū iridi āārīmī. Ārīkatori merā buerimasā, Coré iriderosū ñerō yāma. Irasirigu Marīpu ĩgūrē wajamoāderosū ĩgūsādere wajamoāgukumi.

12 Mūsārē ārīkatori merā buerimasā, mūsā Jesúre buremurā nerē, bosebaaripoe buremurī marīrō noó gāāmerō yāma. Mūsā merā baa, iirírā, ĩgūsāyama ditare gūñama. Ñerā oveja korerimasā ovejare baari ejomerā irirosū yāma. ĩmīkāyebori mirū wējāpuri merā otederogue deko merērō marīrō tariaro irirosū neō mūsārē iritamubema. Yuku dukakaripoe bugu yuku dukamarī yuku irirosū yāma. Masaka irigure nugūrīgue merāta duuadero puru ñāīperekōākoa. Irigu irirosū āārīma. Ōārō iririre neō irimasībema.

13 ĩgūsā ñerō gūyasīūrī iririkuri, sūmu gurarikurire makūrī pámujuúpídea irirosū āārā. Neñukā ĩgūsā keoro waanarōgue merā yuridijanerā irirosū āārīrā, gajirārē diaye buerire tuyamakū neō iribema. Irasirigu Marīpu: “ĩgūsārē āsū wajamoāgura”, ārīderosūta gajiro nemorō naītīārōgue āārīnīmakū irigukumi.

14 Iripoeguemu Enoc wāikugū Adán parāmerā āārīturiagu āārīdi āārīmī. Adán merā marī keopurori, Enoguere keotūnumakū, āārīpererā Adán parāmerā āārīturiarā su mojōma pere gajī mojō peru pērēbejari burigora masāporewāgānerā āārīmā. Marīpu ārīkatori merā buerimasārē ĩgū wajamoāburire Enorē weredoredi āārīmī. Irasirigu Enoc āsū ārī weredupiyudi āārīmī: “Péka yare! Marī Opu wārā ĩgūyarā merā aarigukumi.

15 Āārīpererā masaka ĩgūsā irideare ĩā beyegu aarigukumi. Āārīpererā ñerārē āārīpereri ĩgūsā ñerī iridea waja, irasū āārīmakū āārīpereri ĩgūrē ñerō werenīdea waja ĩgūsārē wajamoāgū aarigukumi”, ārīdi āārīmī Enoc iripoeguere.

16 Irasirirā ārīkatori merā buerimasā wajamoāsūrākuma. Āārīpererārē werewuarikurā, gajirā iririre: “Ōābea”, ārī gūñarā āārīma. ĩgūsā ñerī uaribejari ditare yāma. “Masītarinugāa”, ārī weregorenama. ĩgūsāya ditare gāāmesārā, gajirārē ōārō werenīkatoma.

Judas Jesúre buremurārē gojanemodea

17 Mūsā yu maīrā, marī Opu Jesucristo buedoregu pīnerā mūsārē buedeare gūñaka!

18 ĩgūsā mūsārē āsū ārīnerā āārīmā: “I ũmu pereburi dupiyuro masaka noó gāāmerō Marīpuyare buřidarākuma. Marīpure gāāmemerā, ñerī uaribejarire irirākuma”.

19 Irire irasirirā Jesúre buremurārē gāme dukawarimakū yāma. ĩgūsā iriduarire irirā Ōāgū deyomarīgūrē neō opabema.

20 Mūsā yu maīrā gapu, ōārī Jesúyare buremurīrē neō piribirikōāka! Gūñaturanīkōāka! Ōāgū deyomarīgū iritamurī merā Marīpure sērēka!

²¹ Marĩpũ mũsãrẽ maĩgũrẽ piribirikõãka! Marĩ Opũ Jesucristo marĩrẽ bopoñarĩ merã ãgũ ãmũgasigue perebiri okari sĩgũkumi. Irasirirã ãgũ sĩburire: “Oparãkoa”, ãrĩ gũñaturari merã yũka!

²² Gajirã Jesũyare: “¿Diayeta ããrĩrĩ?” ãrĩ bũremuturamerãrẽ bopoñarĩ merã ãka! ãgũsãrẽ Jesũyare: “Diayeta ããrã”, ãrĩ wereka!

²³ Wii ãjũrĩ wii poekague ããrĩrãrẽ taurã irirosũ ãgũsãrẽ iritamuka, peamegue waabonerãrẽ waabirikõãburo, ãrĩrã! Gajirãrẽ ñerõ irimakũ, bopoñarĩ merã ãka! ãgũsã ñerĩ iriri gapũre dooka, ãgũsãrẽ ãkũrĩ, ãrĩrã! Surĩro gũrarikũrore gããmemerã irirosũ ãgũsã ñerĩ iririre gããmebirikõãka, irire pẽrẽrĩ, ãrĩrã!

Judas Marĩpũre bũremurĩmarẽ gojãdea

²⁴⁻²⁵ Marĩpũ sugũ ããrĩgũ, marĩ Opũ Jesucristo merã marĩ peamegue waabonerãrẽ taugũ ããrĩmi. ãgũ turari merã marĩrẽ koremasĩmi, ñerĩrẽ iribirikõãburo, ãrĩgũ. Irasũ ããrĩmakũ ãgũ pũroguere marĩ ñerĩ opamerã õãrõ usũyari merã ããrĩmakũ irimasĩmi. Irasirirã ããrĩpererã ãgũrẽ: “Mũ õãtarigu, turatarigu, ããrĩpererãrẽ doregu, gũ Opũ ããrã”, ãrĩburo. “Neõgoragueta ããrĩnikõãdi ããrĩmĩ. Dapagoradere ããrĩnikõãmi. Pũrũguedere irasũta ããrĩnikõãgũkumi”, ãrĩburo. Marĩde irasũta ããrã!

Iropata ããrã.

Judas

EL APOCALIPSIS

Jesucristo Juārē i ũm waaburire werede

¹ I papera pũ Marĩpũ ĩgũ mērōgã pũrũ iriburire Jesucristore wereri pũ ããrã. Jesucristoyarãrē irire masĩdoregũ ĩgũrē weredi ããrĩmĩ. Jesucristo sugũ Marĩpũre wereboegũre iriudi ããrĩmĩ yũre irire weredoregũ. Yũ Juan, Jesucristore moãboegũ ããrã.

² Irasirigũ i pũguere ããrĩpereri yũ ĩãdeare, yũ pédeare, Marĩpũya kerere, Jesucristo yũre weredeaderẽ gojáa.

³ I pũgue gojaderosũ waaburo, mērō dũyáa. I pũrē gajirãrē buerãno usũyari bokarãkuma. Marĩpũya kerere i pũgue gojadeare buemakũ péduripírãnode usũyari bokarãkuma.

Juan su mojõma pere gaji mojõ peru pẽrẽbejari makãrĩ marãrē Jesucristore bũremurãrē gojadea

⁴ Yũ, mũsã Asiague ããrĩrãrē su mojõma pere gaji mojõ peru pẽrẽbejari makãrĩ marãrē Jesucristore bũremurãrē gojáa. Marĩpũ mũsãrē õãrõ iritamuburo. Mũsãrē ĩgũ siñajãrĩ sĩrĩrē opaka! Marĩpũ neõgoragueta ããrĩsiadi ããrĩmĩ. Dapagoradere ããrĩnĩkõãmi. Pũrũguedere irasũta ããrĩnĩkõãgũkumi. Opũ doarogue doami. ĩgũ diaye, Õãgũ deyomarĩgũ su mojõma pere gaji mojõ peru pẽrẽbejari turari* opagũ ããrĩmĩ. ĩgũde mũsãrē õãrõ iritamuburo.

⁵ Jesucristode mũsãrē õãrõ iritamuburo. ĩgũ Marĩpũya kerere diayeta weregũ ããrĩmĩ. ĩgũ ããrĩpererã boanerã masãburi dupiyuro boadigue masãpũroridi, neõ dupaturi boabi ããrĩmĩ. Irasirigũ, i ũmũgue ããrĩrã ããrĩpererã masaka oparãrē doregũ ããrĩmĩ. Marĩrē maĩgũ ĩgũya dí béori merã marĩ ñerĩ iridea wajare taudi ããrĩmĩ.

⁶ Irasirigũ marĩrē oparã ããrĩmakũ iridi ããrĩmĩ. Irasũ ããrĩmakũ marĩrē paía masakaya ããrĩburire Marĩpũre sērēbosarã ããrĩmakũ iridi ããrĩmĩ, ĩgũ Pagũyare iriburo, ãrĩgũ. Irasirirã ĩgũrē: “Õãtarigũ, ããrĩpererã nemorõ turagũ ããrã mũ”, ãrĩ bũremurã! Irasũta ããrĩburo.

⁷ Mũsã õãrõ pémasĩka! Jesucristo ĩmĩkãyeborigue دچارĩgũkumi. ĩgũ دچارĩmakũ, ããrĩpererã ĩãrãkuma. ĩgũrē curusague pábiatú wẽjẽnerãde ĩãrãkuma. I ũmũ marã ããrĩpereri buri marã, ĩgũ aarimakũ ĩãrã, ĩgũ ĩgũsãrē wajamoãburire gũñarã, orerãkuma. Irasũta waarokoa.

⁸ Marĩpũ marĩ Opũ ããrĩpererã nemorõ turagũ ãsũ ãrĩmĩ: “Yũ neõgoragueta ããrĩpereri i ũmũmarē iridi, pũrũguedere i ããrĩpererire peremakũ iribu ããrã”, ãrĩmĩ. “I ũmũ ããrĩburo dupiyuro ããrĩsiabũ. Dapagoradere irasũta ããrĩnĩkõãa. Pũrũguedere irasũta ããrĩnĩkõãgũkoa”, ãrĩmĩ.

Juan kërõ irirosũ Jesucristore ĩãdea

⁹ Yũ Juan, mũsãyagũ Jesucristore bũremugũ ããrĩsĩã, mũsã irirosũta yũde ñerõ taria. Marĩpũ, marĩ Opũ ããrĩmĩ. Marĩ ñerõ tarimakũ, Jesucristo marĩrē gũñaturamakũ yãmi. Yũ Patmos wãĩkũri nũgũrõgue peresu ããrĩbũ. Marĩpũya kerere Jesucristo weredeare gajirãrē yũ buedea waja iroguẽ ããrĩbũ.

¹⁰ Irinũ siñajãrĩnũ ããrĩmakũ, Õãgũ deyomarĩgũ ĩgũ turaro merã kërõ irirosũ yũre ĩmumi. Irasũ waaripoe yũ pũrũpũ gapũ turaro werenĩrĩ, suru puriduru turaro bũsũro irirosũ bũsamakũ pébũ.

* **1:4** “õãgũ deyomarĩgũ su mojõma pere gaji mojõ peru pẽrẽbejari turari opagũ ããrĩmĩ”, ãrĩrõ: “õãgũ deyomarĩgũ ããrĩpereri turari opagũ ããrĩmĩ”, ãrĩdũaro yáa. Iri pũgue “su mojõma pere gaji mojõ peru pẽrẽbejari”, ãrĩrõ: “ããrĩpereri”, ãrĩdũaro yáa.

11 Turaro werenígũ yare àsũ ãrĩmi:

–Yũ neõgoragueta ããrĩpereri i ãmũmarẽ ããrĩmakũ iridi ããrã. Yũta pũrũguedere i ããrĩpererire peremakũ iribu ããrã. Dapagora ããrĩpereri mũ ããrĩrẽ, papera pũgue gojatúka! Pũrũ iri pũrẽ Asiague ããrĩrãrẽ yare bũremurãrẽ iriuka! Ìgũsã su mojõma pere gaji mojõ peru pẽrẽbejari makãrĩ marã ããrĩma. Efeso marã, Esmirna marã, Pérgamo marã, Tiatira marã, Sardis marã, Filadelfia marã, Laodicea marã ããrĩma, ãrĩmi.

12 Ìgũ werenírĩ bũsũmakũ pégu, gãmenugãbũ ìgũrẽ ìãbu. Irasũ gãmenugã ìãgũ, su mojõma pere gaji mojõ peru pẽrẽbejari sĩagori yukure oro merã iridea yukure ìãbũ.

13 Iri yuku watopegue sugũ masakare ìãbũ. Ìgũ yoaro suríro ìgũya guburigue ããrĩdijimejãrĩnerẽ sãñami. Ìgũya koretibire oro merã iridea yũjũwẽñarĩdare suatúadi ããrĩmĩ.

14 Ìgũya poari õãrõ boreri ããrĩbũ. Ìgũya koye peame ãjũrĩ pũrã irirosũ gosesiribũ.

15 Ìgũya guburi bronze wãikũri kõme tĩmudea irirosũ gosesiribũ. Ìgũ werenírĩ wãri ãtãdupabu irirosũ bũsũbũ.

16 Ìgũya mojõ diayema mojõ gapũ su mojõma pere gaji mojõ peru pẽrẽbejarãgora neñukã opami. Ìgũya disire sareri majĩ pe gapũ õãrõ usiri majĩ wiribũ. Ìgũya diapu abe ãmũmũ kũmijũrõsũ gosesiribũ.

17 Irasirigũ yũ ìgũrẽ ìãgũka, kõmogũ irirosũ ìgũya guburi pũro meémejãbũ. Yũ meémejãmakũ ìãgũ, ìgũya mojõ diayema mojõ merã yare ñapeo, àsũ ãrĩmi:

–Gũibirikõãka! Yũ neõgoragueta ããrĩpereri i ãmũmarẽ ããrĩmakũ iridi, pũrũguedere i ããrĩpererire peremakũ iribu ããrã.

18 Okanígũ ããrã. Iripoegue boabũ. Dapagorare okaníkõãa. Masakare boadoregũ, ìgũsãrẽ boanerã ããrĩrõgue waadoregũ ããrã.

19 Dapagora ããrĩrĩ, pũrũgue waaburidere mũ ããrĩrẽ gojatúka!

20 Yũ masakare neõ dupiyuro werebirideare, mũ ããrĩrẽ weregũra. Ìgũsã su mojõma pere gaji mojõ peru pẽrẽbejarã neñukã, yaa mojõ diayema mojõ gapũ yũ oparã, yare bũremurãrẽ yaare wererã keori irirosũ ããrã. Iri su mojõma pere gaji mojõ peru pẽrẽbejari sĩagori yuku oro merã iridea yuku, yare bũremurĩ buri marã keori irirosũ ããrã, ãrĩmi yare.

2

Jesucristo Juãrẽ Efeso marãrẽ gojadoredea

1 Jesucristo irire ãrĩ odo, àsũ ãrĩnemomi:

–Efeso marã yare bũremurãrẽ, ìgũsãrẽ yaare weregũdere àsũ ãrĩ gojaka!

Yũ, yaa mojõ diayema mojõ gapũ su mojõma pere gaji mojõ peru pẽrẽbejarã neñukãrẽ opagũ, su mojõma pere gaji mojõ peru pẽrẽbejari sĩagori yuku watope waagorenagũ ããrã.

2 Yũ, ããrĩpereri mũsã iririre masĩpeokõãa. Mũsã bũro moãrĩrẽ, ñerõ tarikererã mũsã yare gũñaturarire, ñerãrẽ mũsã ìãdũabirire masĩa. Gajirã ìgũsã basi: “Jesús buadoregũ beyenerã ããrã”, ãrĩkererã, keoro buebema. Mũsã ìgũsã iririre ìãrã: “Ãrĩkatori merã buema”, ãrĩ masĩa.

3 Yaare mũsã moãrĩ waja ñerõ tarikererã, yare neõ piribea. Irire gari-borero marĩrõ yãa.

4 Mũsã õãrõ irikeremakũ, gajire mũsãrẽ àsũ ãrĩ weregũra. Mũsã yare neõgorague maĩnũgãderosũ iribea.

5 Irasirirã dapagorare mũsã ñerõ waadeare gũñaka! Mũsã ñerĩ iririre bũjawereka! Mũsã gũñarĩrẽ gorawayuka! Õãrĩ gapũre irika doja, mũsã

iriparoriderosũta! Musã ñerĩ iririre piribirimakũ ããgũ, musãyagu sããgodire ããkõãgura.

⁶ Musã yũre neõgorague maĩnũgãderosũ iribirikererã, i õãrĩ gapũre iribu. Nicolaita wãĩkuri bumarã ñerõ iririre musã neõ gããmebea. Yũde irire neõ gããmebea.

⁷ Musã gãmpĩrĩ oparã, Õãgũ deyomarĩgũ yũre bũremurĩ buri marãrẽ wererire õãrõ péka! Æsũ ãrĩmi Õãgũ deyomarĩgũ yũre bũremurãrẽ: “Æãrĩpererã Jesũre bũremurĩrẽ pirimerãrẽ ãmũgasigue paraĩso wãĩkurogue Marĩpũya poemũ dukare baadoregũra”, ãrĩmi. Irigũ perebiri okari sĩdi* ããrã. I ããrĩpererire gojaka, yaarã Efesogue ããrĩrãrẽ! ãrĩmi yũre Jesucristo.

Juan Esmirna marãrẽ gojadea

⁸ Jesucristo irire ãrĩ odo, ãsũ ãrĩnemomi:

–Esmirna marã yũre bũremurãrẽ, ãgũsãrẽ yaare weregũdere ãsũ ãrĩ gojaka!

Yũ neõgorague ããrĩpereri i ãmũmarẽ ããrĩmakũ iridi, pũrũguere i ããrĩpererire peremakũ iribu ããrã. Yũ boa, dupaturi masãgũ ããrã.

⁹ Yũ, ããrĩpereri musã ñerõ taririre, boporã ããrĩrĩrẽ masĩpeokõã. Irasũ boporã ããrĩkererã, Marĩpũyare masĩsĩã, wãri ãmũgasima õãrĩrẽ opãã. Gajire yũ masĩã. Gajirã musãrẽ ããturirã musãrẽ ñerĩ kere ãrĩma. ãgũsã: “Gũã judío masaka ããrĩsĩã, Marĩpũyarã ããrã”, ãrĩma. Irasũ ãrĩkererã, ãgũyarã ããrĩbema. Wãtẽã opu Satanãrẽ bũremurĩ bumarã ããrĩma.

¹⁰ Musã ñerõ tariburire gũbirikõãka! Wãtĩ musãrẽ yũre bũremurĩrẽ pirimakũ iridũagu surãyeri musãrẽ peresugue biadobomakũ irigũkumi. Pe mojõma nũrĩta ñerõ tarirãkoa. ãgũrẽ bũremurã musãrẽ wẽjẽkeremakũ, yũre bũremurĩrẽ neõ piribirikõãka! Pũrũ yũ pũrogue musãrẽ yũ merã perebiri okarire sũgũkoa.

¹¹ Musã gãmpĩrĩ oparã, Õãgũ deyomarĩgũ yũre bũremurĩ buri marãrẽ wererire õãrõ péka! Æsũ ãrĩmi Õãgũ deyomarĩgũ yũre bũremurãrẽ: “Æãrĩpererã yũre bũremurĩrẽ pirimerã, perebiri peamegue neõ waabirikuma”, ãrĩmi. Irasirigũ iri ããrĩpererire gojaka, yaarã Esmirnague ããrĩrãrẽ! ãrĩmi yũre.

Juan Pãrgamo marãrẽ gojadea

¹² Jesucristo irire ãrĩ odo, ãsũ ãrĩnemomi doja:

–Pãrgamo marã yũre bũremurãrẽ, ãgũsãrẽ yaare weregũdere ãsũ ãrĩ gojaka!

Yũ sareri majĩ, pe gapũ usiri majĩrẽ opagu ããrã.

¹³ Musã ããrĩrõrẽ masĩpeokõãã. Satanãs musãya makã marã opu ããrĩmi. ãgũsã Satanãrẽ bũremukeremakũ, musã gapũ yũre bũremua. ãgũsã musã merãmũ Antipare Marĩpũya kerere õãrõ weredire wẽjẽma. ãgũrẽ wẽjẽmakũ ããkererã, musã yũre bũremurĩrẽ neõ piribeã.

¹⁴ Musã yũre bũremurĩrẽ piribirikeremakũ, gajino musãrẽ ãsũ ãrĩ weregũra. Surãyeri musã merãmarã Balaãya buedeare iritũyama. Iripoegue Balaam ãsũ ãrĩdi ããrĩmĩ, Israel bumarãrẽ ããturirã opu Balac wãĩkũgũre: “Israel bumarãrẽ tarinũgãduagu, ãgũsãrẽ musã merã gãmesũrimakũ irika, musã irinarĩrẽ iritũyaburo, ãrĩgũ!” ãrĩdi ããrĩmĩ.

* **2:7** Sugũ ãma birarimasũ gajirã nemorõ ãmagũ, olivo wãĩkũdima pũrĩ merã iridea berore wãjatakumi. Masaka iri berore ãgũya dipurugue peokuma, gajirãrẽ ãgũ wãjatakũdeare ãmumũrã. I irirosũ, sugũ Jesũre bũremugũ masaka ãgũrẽ wẽjẽkeremakũ, Jesũre bũremurĩrẽ neõ piribi, ãmũgasigue perebiri okari wãjatakũkumi. Iri ãmũgasigue perebiri okari wãjatarĩ, i berore wãjatarĩ irirosũ ããrã.

Irasirirā Israel bumarā ĩgūsā merā gāmesurirā, keori weadea p̄uro baari p̄ideare baanerā āārīmá. Ñerō gāmebiranerā āārīmá.

15 ĩgūsā irirosūta gajirā m̄usā merāmarā Nicolaita wāik̄uri bumarā buerire iritayama. Iri buerire neō pirid̄uabema. Ȳu gap̄u irire neō gāāmebea.

16 Irasirirā m̄usā ñerī iririre bujawereka! M̄usā gūñarīrē gorawayuka! M̄usā gorawayubirimakū ĩāgū, gūñaña marīrō m̄usā p̄rogue waa, yaa disigue sareri majī opari majī merā m̄usārē wajamoāgura.

17 M̄usā gāmipūrī oparā, Ōāgū deyomarīgū ȳure buremurī buri marārē wererire ōārō péka! Āsū ārīmi Ōāgū deyomarīgū ȳure buremurārē: “Ñerō iridorerānorē tarinugāgūrē maná wāik̄uri ūmugāsima baarire sīgura. Ūtāye boreriyedere sīgura ĩgūrē. I ūtāye maama wāirē ȳu gojatúdeaye āārīrokoa. Gajirā iri wāirē neō masībirikuma. Iri ūtāyere āīgū dita masīgukumi”, ārīmi. Irasiriḡu iri āārīpererire gojaka, yaarā Pérgamogue āārīrārē! ārīmi ȳure.

Juan Tiatira marārē gojadea

18 Jesucristo irire ārī odo, āsū ārīnemomi doja:

–Tiatira marā ȳure buremurārē, ĩgūsārē yaare weregudere āsū ārī gojaka! Ȳu, Marīp̄u magū āārā. Yaa koye peame ūjārī pūrā irirosū gosea. Yaa guburi bronce wāik̄uri kōme t̄imudea irirosū gosea.

19 Ȳu āārīpereri m̄usā iririre masīpeokōāa. M̄usā ȳure maīrī, ȳure buremurī, gajirārē iritamurī, ñerō tarikererā m̄usā ȳure gūñaturarire masīa. Neōgoraguere m̄usā ōārō iridero nemorō dapagorare ōārō irirā yāa.

20 M̄usā ōārō irikeremakū, gajino m̄usārē āsū ārī weregura. Jezabel wāik̄ugo: “Marīp̄uyare werego āārā”, ārīkatogo m̄usā watopegue āārīmo. M̄usārē igo ñerō buemakū pékererā, igore: “Ḡua merā āārībirikōāka!” neō ārībea. Igo ārīkatori merā buego, ȳure moāboerārē ñerō gāmebiramakū yāmo. Keori weadea p̄uro baari p̄ideare ĩgūsārē baamakū yāmo.

21 Irinugue igore, igo ñerō iririre bujawere, gorawayudoreadib̄u. Igo gap̄u neō gorawayud̄uabemo. Igo ñerō gāmebirarire neō pirid̄uabemo.

22 Irasiriḡu igore, igo merā ñerō irinerādere pūrīrik̄umakū irigura. Igo merā ñerō irideare ĩgūsā bujawere, piribirimakū, ĩgūsārē b̄uro ñerō tarimakū irigukoa.

23 Igo pūrādere wējēgura. Ȳu irasū irimakū ĩārā, āārīpererā ȳure buremurā: “ĩgū marī gūñarīrē, marī haribejaridere masīpeokōāmi”, ārīrākuma. “Āārīpereri marī iririk̄urire ĩā, keoro irigukumi. Ñerō irirārē wajamoāgukumi. Ōārō irirā gap̄ure ōārō irigukumi”, ārī masīrākuma.

24 Surāyeri m̄usā Tiatira marā igoya buerire, wātēa op̄u Satanáyama yayeridere gāāmebea. Irasiriḡu ȳu m̄usārē gajino dorenemobirikoa.

25 I ditare dorea m̄usārē. Ȳu buerire m̄usā masīdeare neō mérōgā piribirikōāka! Ȳu m̄usā p̄uro aarimakūguedere ōārō iriníkōāka!

26 Ȳu m̄usā p̄rogue aarigū, ōārīrē irirārē, ȳu dorerire irinírārē i ūm̄u marārē dorerā āārīmakū irigura.

27 Ȳup̄u ȳure, Op̄u sóderosūta, ȳude m̄usārē, oparā sóogura. Irasirirā kōmegū merā, sorori diari merā weadea sororire pámutūrōsū i ūm̄u marārē turaro merā dorerākoa. Irasirirā m̄usā dorerire neō tarinugābirikuma.

28 Ȳu gajidere āsū irigura. Neñukām̄u boyodiru ōārō boyoro irirosū āārīgū, m̄usārē maama perebiri ūm̄u pīgukoa.

29 M̄usā gāmipūrī oparā, Ōāgū deyomarīgū ȳure buremurī buri marārē wererire ōārō péka! ārī gojaka, yaarā Tiatirague āārīrārē! ārīmi ȳure.

3

Juan Sardis marārē gojadea

¹ Jesucristo irire ārī odo, āsū ārīnemomi doja:

–Sardis marā yure buremurārē, ĩgūsārē yaare weregudere āsū ārī gojaka!

Y_u, Ōāgū deyomarīgū su mojōma pere gaji mojō peru pērēbejari turari* opāa. Irasū āārīmakū, su mojōma pere gaji mojō peru pērēbejarā neñukādere opāa. Āārīpereri mūsā iririre masīpeokōāa. Mūsā: “Marīpuyare ōārō yāma”, ārīsūrā āārā. Irasū āārīkererā, boanerā irirosū, ĩgūyare neō koero iribea.

² Irasirirā ōārō pémasīka! Mūsā ōārī iriri dūyarīgārē piriro marīrō ōārō irika! Irire iribirimakū, mūsā ōārī iriri pereakōārokoa. Y_u, mūsā iririre ĩāa. Y_up_u ĩūrōguere ōārō iripeobea.

³ Y_up_uyare gajirā mūsārē buedeare gūñaka! Irireta dupaturi irituyaka doja! Mūsā ñerī iririre pirika! Irasū iribirimakū, gūñaña marīrō yajarimasū aarirósū, gūñaña marīrō mūsārē wajamoāgū aarigukoa.

⁴ Irasū āārīkeremakū, surāyeri mūsā watopere ñerō irirārē ĩākūlbema. Marīpuyare irituyarā āārīsīā, ĩgūsāya surī guraritúmerā irirosū āārīma. Irasirirā ñerō iridea wajare opamerā, boreri surī sāñarā y_u merā waagorenarākuma.

⁵ Āārīpererā piriro marīrō Marīpuyare irirā irasūta surī ōārō boreri sāñarā y_u p_uro āārīrākuma. Y_u merā perebiri okari opamurā wāirē gojatūri pūgue ĩgūsā wāirē gojatúdeare neō koebirikoa. Koeronorē irig_u, Y_up_u, ĩgūrē wereboerā ĩūrōguere: “Yaarā āārīma”, ārīgukoa.

⁶ Mūsā gāmpūrī oparā, Ōāgū deyomarīgū yure buremurī buri marārē wererire ōārō péka! ārī gojaka, yaarā Sardigue āārīrārē! ārīmi yure.

Juan Filadelfia marārē gojadea

⁷ Jesucristo irire ārī odo, āsū ārīnemomi doja:

–Filadelfia marā yure buremurārē, ĩgūsārē yaare weregudere āsū ārī gojaka!

Y_u ñerī opabi, diayeta wereg_u āārā. Y_u, iripoeguemu op_u David dorederosū turari merā doreg_ukoa. Iri turaro merā doreri, sawire opari irirosū āārā. Irasirig_u, y_u tūpāmakū neō gajig_u biamasīberosū, y_u iridoremakū kāmutamasi**mbemi**. Y_u biamakūdere neō gajig_u tūpāmasīberosū, y_u iridorebirimakū irimasī**mbemi**.

⁸ Y_u āārīpereri mūsā iririre masīpeokōāa. Mūsā mérōgā turari opak-ererā, yaa buerire ōārō irituyāa. Gajirā, mūsā yaarā āārīrī waja mūsārē ñerō irid_uakeremakū: “Jesúre masībea”, neō ārībea. Irasirig_u y_u mūsārē su makāp_uro tūpān_umakū, neō sug_u biamasīberosū, y_u mūsārē yaamarē iridoremakū, mūsārē kāmutamasi**mbemi**.

⁹ Gajirā mūsā p_uro āārīrā: “G_ua judío masaka āārīsīā, Marīpuyarā āārā”, ārīkererā, ĩgūyarā āārībema. Ārīkatorimasā, wātēa op_u Satanárē buremurī bumarā āārīma. Irasirig_u ĩgūsārē mūsāya guburi p_uro buremurī merā ejamejājamakū irig_ura. Y_u irasirimakū ĩārā, y_u mūsārē maīrērē ĩāmasīrākuma.

¹⁰ Y_u mūsārē: “Neō piriro marīrō yaare irika!” ārīdeare ōārō irirā yāa. Irasirig_u, āārīpererā i ũmugue āārīrā iririkurire ĩābu, ĩgūsārē ñerō tarimakū irig_u, mūsārē ōārō koreg_ura.

¹¹ Mérō d_uyāa, y_u i ũmugue dupaturi aariburo. Irasirirā yaare mūsā masīdeare neō kātibirikōāka! Piriro marīrō irire irinikōāka, mūsā wajaturire ēmarī, ārīrā!

* **3:1** “ōāgū deyomarīgū su mojōma pere gaji mojō peru pērēbejari turari opag_u āārīmi”, ārīrō: “ōāgū deyomarīgū āārīpereri turari opag_u āārīmi”, ārīd_uaro yāa. Iri pūgue “su mojōma pere gaji mojō peru pērēbejari”, ārīrō: “āārīpereri”, ārīd_uaro yāa.

12 Õārõ yaare iritariwere, irire pirimerānorē Yᵇᵇᵇ pᵇrogue āārīmakū irigᵇra. Īgᵇsā Īgᵇya wiima borari āārīrōsū Īgᵇ pᵇro āārīnīkōārākuma. Yᵇᵇᵇ wāirē Īgᵇsāguere gojagᵇkoa, Īgᵇyarā āārīrīrē ĩmubu. Īgᵇya makā wāidere gojagᵇkoa. Īgᵇya makā, maama makā Jerusalén wāikᵇa. Iri makā ũmᵇgasigue merā dijariri makā āārīrokoa. Yᵇde Īgᵇsārē yᵇ wāi, maama wāirē gojagᵇkoa.

13 Mᵇsā gāmipūrī oparā, Õāgᵇ deyomarīgᵇ yᵇre bᵇremurī buri marārē wererire òārõ péka! ārī gojaka, yaarā Filadelfiague āārīrārē! ārīmi yᵇre.

Juan Laodicea marārē gojadea

14 Jesucristo irire ārī odo, āsū ārīnemomi doja:

–Laodicea marārē yᵇre bᵇremurārē, Īgᵇsārē yaare weregᵇdere āsū ārī gojaka!

Yᵇ ārīrōsūta irigᵇ āārā. Irasirigᵇ diayeta weregᵇ, Yᵇᵇᵇya kerere keoro weregᵇ āārā. Yᵇᵇᵇ, yᵇ merā āārīpereri i ũmᵇmarē iridi āārīmī.

15 Yᵇ āārīpereri mᵇsā iririre masīpeokōāa. Mᵇsā yᵇre bᵇremumerā, òārõ bᵇremurā āārībea. Mérõgā yᵇre bᵇremurī opāa. Irasirigᵇ yᵇ mᵇsārē irasū āārīnemobirimakū gāāmea.

16 Yᵇ, mᵇsā mérõgā bᵇremurī oparire doogorāa. Irasirigᵇ gajino ñerīrē dokabéodᵇagu irirosū mᵇsārē béodᵇagu āārā.

17 Yᵇ mᵇsārē irasū iridᵇakeremakū, mᵇsā gapᵇ āsū ārī werenía: “Wári opāa”, ārā. “Āārīpereri òārõ waāa, āārīpereri gᵇa gāāmerīrē opakōāa”, ārā. Irasū ārīkererā, yᵇ ĩūrõ neõ gajino opamerā, boporā, surí marīrā, koye ĩāmerā irirosū āārā. Mᵇsā bᵇremurī opamerā āārīrīrē masībea.

18 Irasirigᵇ mᵇsārē: “Wári oparā āārā”, ārī péñarārē āsū ārī weregᵇra. Oro peamegue soe āmuadea yᵇ oparire wajarika, wári opamurā! Iri òārī oro oparā irirosū āārīrā, yᵇre òārõ bᵇremurī oparākoa. Surí boreri yᵇ oparidere wajarika, surí marīrõ āārībukoa, ārīrā! Mᵇsā irire sāñarā irirosū āārīrā, mᵇsā ñerī irideare pirirā, gᵇyasīrīrõ marīrõ āārīrākoa. Irasū āārīmakū, koye piuri kúdere wajarika, òārõ ĩāmurā. Mᵇsā irire piuanerā irirosū āārīrā, Marīᵇyare òārõ ĩāmasīrākoa.

19 Mᵇsārē āārīpererā yᵇ maīrārē ñerīrē irinemobirikōāburo, ārīgᵇ, pūrīrõ páro irirosū werea. Irasirirā yaare bᵇro gāāmeaka! Mᵇsā ñerī irideare bᵇjawere, irire pirika!

20 Õārõ péka! Yᵇ mᵇsā merā āārīdᵇagu, sugᵇ makāpᵇro ejanᵇgā oenígᵇ irirosū āārā. Sugᵇ yᵇre pégu, òārõ merā makāpᵇro tᵇpāsóogᵇ irirosū āārīmī. Irasirigᵇ yᵇ Īgᵇ merā òārõ ᵇᵇyaníkōāgᵇkoa. Īgᵇde yᵇ merā ᵇᵇyanígᵇkumi.

21 Õārīrē iritariwererānorē yᵇ doaro tᵇrogue doamakū irigᵇra, yᵇ merā doreburo, ārīgᵇ. Yᵇ òārīrē iritariwere, Yᵇᵇᵇ merā Opᵇ doarogue doarosū, yᵇde òārīrē irirārē irogue doamakū irigᵇra.

22 Mᵇsā gāmipūrī oparā, Õāgᵇ deyomarīgᵇ yᵇre bᵇremurī buri marārē wererire òārõ péka! ārī gojaka, yaarā Laodiceague āārīrārē! ārīmi Jesucristo yᵇre.

4

Juan ũmᵇgasigue Marīᵇre bᵇremurārē ĩādea

1 Pᵇᵇ ũmᵇgasigue ĩāmu, tᵇpādea makāpᵇrore ĩābᵇ. Puriduru turaro bᵇᵇro irirosū werenīpᵇroridi dupaturi turaro werenīrī bᵇᵇrore pébᵇ. Āsū yᵇre ārīmi:

–Õõgue mᵇrīrika! Pᵇᵇgue yᵇ waamakū iriburire mᵇrē ĩmugᵇra. Yᵇ ārīderosūta waarokoa, ārīmi.

² Īgū irasū āri wereadero puru, mata Ōāgū deyomarīgū Īgū turari merā yure ūmugasigue āimurīāmi. Irogue murījagu, sugu Opu doarogue doagure iābu.

³ Īgū, jaspe, cornalina wāikuri yeri ūtayeri goserosū ōārō gosesirigu āārīmi. Ōārō gosesiriri bero, esmeralda wāikuriye irirosū gosesiri bero dekogue doami.

⁴ Īgū doaro tarore su bero veinticuatro oparā doari āārīri berore iābu. Iri doariguere veinticuatro gora oparā murā doama. Boreri suri sānama. Īgūsā peyari beroride oro berori āārībū.

⁵ Opu doarogue merā bupu miā, buro pámi. Iro doaro diaye su mojōma pere gaji mojō peru pērēbejari sīāgori yuku āārībū. Iri yukukuta, Ōāgū deyomarīgū turari keori āārībū.

⁶ Gaji iro doaro diaye dia wādiya diumajī gosesirirosū āārībū. Ōārō deko suridiya irirosū āārībū.

Iro doaro puro gajirā wapikurā okarā āārīmā. Īgūsāya diapure, Īgūsāya purupurire wāri koye opama.

⁷ Yu iāpuroridi, ēōkaye irirosū deyogu āārīmi. Īgū purumu, weku irirosū deyogu āārīmi. Īgū purumu, masakū irirosū diapukugu āārīmi. Īgūsā urerā purumu, gapāu Īgū kēdupuri sēēgū irirosū deyomi.

⁸ Īgūsā wapikurāgueta su mojōma pere gaji mojō suru pērēbejari kēdupuri oparā āārīmā. Īgūsāya kēdupuri pe gapugeta wāri koye opabu. Ūmuriku, űamiriku bayama. Āsū āri bayama:

“Ōāgū, ōāgū, ōāgū Marīpu āārīpererā nemorō turagu, marī Opu āārīmi.✧

Īgū neōgoragueta āārīsiadi āārīmi.

Dapagoradere irasūta āārīnikōāmi.

Puruguedere irasūta āārīnikōāgukumi”, āri bayanama.

⁹ Irasū bayarā, Marīpu turarire bayarā irima. Īgūrē āārīpererinurī āārīnīgūrē: “Buro usuyāa mu merā”, āri bāremurā irima.

¹⁰ Īgūsā irasū baya bāremumakū iārā, veinticuatro oparā murā, Īgū doarogue doagu diaye űadukupuri merā ejamejā, Īgūrē bāremuma. Īgū āārīpererinurī āārīnīgū āārīmi. Irasū bāremurā, Īgūsā peyari berorire Īgū diaye meépeo, āsū ārīma:

¹¹ “Mu, gua Opu turatarigu, ōātarigu āārā. Gua bāremugū āārīkōāgūta yāa.

Mūrē irasūta bāremunikōārō gāāmea. Āārīpererire iridi āārā. Mu gāāmerōsūta i āārīpererire iribu”, ārīma Marīpure.

5

Jesucristo oveja majīgū irirosū āārīgū su papera tūrūrē kuraburi

¹ Marīpure Opu doarogue doagure Īgūya diayema mojō gapu papera tūrūrē opagure iābu. Iri tūrū, pe gapu gojadea tūrū, su mojōma pere gaji mojō peru pērēbejarigora ōārō wītābiadea tūrū āārībū.

² Marīpure wereboegu turagudere iābu. Īgū buro busuro merā āsū āri sērēñami:

—¿Noā āārīri, gajirā nemorō ōāgū i papera tūrū wītābiadeare kurabu? ārīmi.

³ Ūmugasigue, i nikūgue, i nikū poeka boanerā āārīrōguedere neō sugu iri tūrūrē kura, iri tūrūma gojadeare iāgū mami.

⁴ Irasirigu iri tūrūrē kurabure Īgūsā bokabirimakū iāgū, yu buro orebu.

⁵ Yu irasū oremakū iāgū, sugu, oparā murā watopemu āsū ārīmi yure:

–Iropata oreka! Iripoeguemu opu David parāmi āārīturiagu iri tūrūrē su mojōma pere gaji mojō peru pērēbejarigora wītābiadeare kuramasīmi. Īgū Judāya bumu, ēōkaye irirosū turatarigu āārīmi. Īgūrē iāturiarē tarinugādi āārīmi, ārī weremi yure.

⁶ Īgū irasū āārmakū pégu, Opu doarogue doagu diaye Jesucristo oveja majīgū irirosū āārīgú nímakū ĩābu. Īgū wapikurā okarā, oparā murā watopegue ními. Oveja majīgū wējēsūdi dupaturi okagu irirosū deyogu āārīmí. Su mojōma pere gaji mojō peru pērēbejari kúsari, irikuta koyedere opami. Iri kúsari, koye: Ōāgū deyomarīgū turari, Īgū masīpeori keori āārā. Marīpu, Ōāgū deyomarīgūrē āārīperero i nikūguere iriudi āārīmi.

⁷ Jesucristo oveja majīgū irirosū āārīgú, Opu doaro parogue ejaḡu, iro doagure ĩgūya diayema mojō gapu opadea tūrūrē āāmi.

⁸ Īgū irire āāmakū ĩārā, wapikurā okarā, veinticuatro oparā murāde ĩgū oveja majīgū irirosū āārīgú diaye ĩgūsāya ñadukupuri merā ejamejā, ĩgūrē buremuma. Īgūsāku arpa wāikuri buaputērērē, oro merā iridea paridere opama. Iri pari sūrōrī utariripari dita āārībá. Iri sūrōrī Marīpuyarā ĩgūrē sērēdea āārībá.

⁹ Irasū ĩgūrē buremurā, maama bayarire āsū ārī bayapeoma:

Mu wējēsūdi āārā. Boagu, muya dí béori merā masaka ñerī iridea wajare wajaribosabu, ĩgūsā Marīpuyarā āārīburo, ārīgū. Āārīpereri buri marārē, ĩgūsā ya werenírārē, āārīpererogue āārīpereri nikū marārē ĩgūsā ñerō iridea wajare wajaribosabu. Irasirigu iri tūrūrē āi, wītābiadeare kura-masā.

¹⁰ Marīpuyarārē: oparā, paía masakaya āārīburi ĩgūrē sērēbosarā āārīmakū iribu, ĩgū dorerire iriburo, ārīgū. Irasirirā i ũmu āārīpererogue āārīrārē dorerākuma, ārīma.✧

¹¹ Puru ũmugasigue ĩāmu, Marīpure wereboerā wārā werenímakū pébu. Opu doaro, irasū āārīmakū wapikurā okarā, veinticuatro oparā murā turo nígoroama. ĩgūsārē keo bokatīña marībū.

¹² Turaro merā āsū ārī bayapeoma:

Oveja majīgū, ĩgūsā wējēdi, dupaturi okagu, ōātarigu āārīmi. Irasirirā ĩgūrē: “Āārīpererārē doregu, āārīpererire opagu, masīpeogu, turatarigu, marī gopeyari merā buremugū, gosesiriri merā deyogu, ōātarigu āārīmi”, ārī, usuyari sīburo, ārīma.✧

¹³ Puru gajirā bayapeomakū pébu. ĩgūsā āārīpererā Marīpu irinerā āārīmá: ũmugasigue āārīrā, i nikūgue āārīrā, i nikū poeka boanerā āārīrōgue āārīrā, dia wādiyague āārīrā āārīmá. Āārīperero i ũmuguere āārīrā āārīmá. Āsū ārī bayapeoma:

Opu doarogue doagure: “Ōātarigu, marī gopeyari merā buremugū, gosesiriri merā deyogu, turatarigu āārīmi”, ārī buremuburo.

Irasū āārīmakū, oveja majīgū irirosū āārīgúdere irasūta piriro marīrō āārīpererinurī buremuburo, ārīma.

¹⁴ ĩgūsā irasū āārmakū pérā, wapikurā okarā: “Irasūta ārīburo”, ārīma. Irasirirā veinticuatro oparā murā ñadukupuri merā ejamejā, ĩgūrē āārīnīgūrē āārīpererinurī usuyari sīma.

6

Jesucristo oveja majīgū irirosū āārīgú papera tūrū wītābiadeare kurawāḡādea

1 Puru Jesucristo oveja majīgū irirosū āārīgú papera tūrū ĩgū āidea tūrū wītābiapuroriderore kuramakū ĩābū. ĩgū kuradero puru, sugu, wapikurā okarā watopemu yure: “ĩāgū aarika!” ārīmakū pébū. Irasū ārīgū, bupu buro busurosū wereními.

2 ĩgū irasū ārādero puru, caballu boregure ĩābū. ĩgū weka peyagu sīrīturore opami. Marīpu ĩgūrē opu peyari berore sīmi. Irasirigu ĩgūrē ĩāturirārē gāmekēā tarinugāgū āārīsīā, dupaturi gāmekēā tarinugāgū waami doja.

3 Puru Jesucristo oveja majīgū irirosū āārīgú gajiro wītābiaderore kurami doja. ĩgū kuradero puru, gajigu wapikurā okarā watopemu yure: “ĩāgū aarika!” ārīmakū pébū.

4 ĩgū irasū ārādero puru, gajigu caballu diiagu wirimi. Marīpu ĩgū weka peyagure turarire sīmi. Iri turari merā i ũmugue āārīrārē ĩgūsā basi siñajārī opanemobirimakū irimi. Wári majī sareri majīrē ĩgūrē sīmi. Irasirigu ĩgūsārē gāmewējēmakū irimi.

5 Puru Jesucristo oveja majīgū irirosū āārīgú gajiro wītābiaderore kurami doja. ĩgū kuradero puru, gajigu wapikurā okarā watopemu yure: “ĩāgū aarika!” ārīmakū pébū doja. ĩgū irasū ārādero puru, gajigu caballu nīgūrē ĩābū. ĩgū weka peyagu nukūrī keorore opami.

6 Puru wapikurā okarā watopegue sugu āsū ārī werenímakū pébū:

—Baari pereakōārokoa. Irasirirā masaka trigo yerire su kilota, sunu moārī waja merā wajarirākuma. Sunu moārī waja merā cebada yeridere ure kilota wajarirākuma. Uye, igui deko* gapure peremakū iribirikōāburo, ārīmi.

7 Puru Jesucristo oveja majīgū irirosū āārīgú gajiro wītābiaderore kurami. ĩgū kuradero puru, gajigu wapikurā okarā watopemu yure: “ĩāgū aarika!” ārīmakū pébū.

8 ĩgū irasū ārīmakū pégu, diiaweya borewijigu caballure ĩābū. ĩgū weka peyagu masakare boamakū irigu āārīsīā: “Boari” wāikumi. ĩgū puru gajigu “Boanerā āārīrō” wāikugu aarimí. Jesucristo oveja majīgū irirosū āārīgú ĩgūsā pērārē āārīperero i nikūguere surāyeri masakare wējēdoremi. Gāmewējērī merā, ũaboari merā, pūrīkuri merā, waimurā makānū marā guarā merā, surāyeri masakare wējēburire pími. Āārīpererā masaka wapikuri buri dukawa, keomakū, su bumarā keoropa āārīrārē wējēdoremi.

9 Puru Jesucristo oveja majīgū irirosū āārīgú gajiro wītābiaderore kurami doja. ĩgū kuradero puru, Marīpure sīdea soepeoro doka, Jesucristore buremurā wējēsūnerāya yujupūrārīrē ĩābū. ĩgūsā ĩgūya kerere weredeja waja, irasū āārīmakū ĩgūyare piribiridea waja wējēsūnerā āārīmá.

10 ĩgūsā turaro merā Marīpure āsū ārīma:

—Gua Opu, mu oātarigu, ñerī marīgū āārā. Mu: “Āsū irigura”, ārīdeare diayeta irigu āārā. ¿Naásū āārīmakū i ũmu marārē wajamoāgukuri, ĩgūsā guare wējēdea waja? ārīma.

11 Puru ĩgūsārē boreri surí, yoarire sīmi. Āsū ārīmi:

—Siñajāka dapa! Gajirā musāyarā Jesucristore buremurā ĩgūya kere wereri waja musā irirosū wējēsūrākuma. ĩgūsārē wējēpeoburo mérō dūyāa, ārīmi.

12 Puru Jesucristo oveja majīgū irirosū āārīgú gajiro wītābiaderore kuramakū ĩābū doja. Irore kuramakū, nikū buro ñomebū. Abe ũmumu goero nīgū waami.

* 6:6 Masaka olivo wāikudima duka aceitunas wāikuri dukare bipirā, uye opakuma ĩgūsā baaburire. Iguida dukare kurabipirā, igui deko opakuma ĩgūsā iiriburire. Irasirigu sugu wapikurā okarā watopeguemu: “uye, igui deko gapure peremakū iribirikōāburo”, ārīgū: “Olivo wāikuri yuku, iguidarire poyanorēbirikōāburo”, ārī wereními.

Kó suríro ñírō sãñarō irirosũ deyogu waami. Abe ñamimũ goero diiagu, dí irirosũ deyogu waami.

¹³ Neñukãde ãmugasigue ããrãnerã, nikũgue yuridijakõãma. Yukũbũ dukare mirũ bũro wějãpu bura dijurosũ yuridijama.

¹⁴ Irasiriro papera pũrẽ tũrãbéo dedeurosũ, ãmugasi dederiakõãbũ. ããrĩpereri ãtãyuku, nuğũrĩde gajirogue waabu.

¹⁵ Irasũ waamakũ ããrã, i ãmũ marã oparã ãtãyukuma goberigue, ãtãyeri watopegue durirã waama. Gajirã: surara oparã, wãri doebiri oparã, turari merã dorerã, ããrĩpererã moãrĩmasã, moãrĩmasã ããrĩmerãde irogueta duriadima.

¹⁶ Irasũ durirã, ãtãyukure, ãtãyeridere ãsũ ãrãdima:

—Gua weka yuridijarikõãka! Kãmutaka, Opũ doarogue doagu guare bokabirikõãburo. Kãmutaka, oveja majĩgũ irirosũ ããrĩgũ guare bũro wãjamoãbirikõãburo.

¹⁷ Ĩgũ guare wãjamoãrĩnũ ejasiãa. ¿Noã bokatĩũbukuri ire? ãrĩ gaguinĩma.

7

Israel bumarãya diapuserorire Marĩpũ wãĩ tuusũnerãyare weredeã

¹ Pũrũ wapikũrã Marĩpũre wereboerãrẽ ããbũ. Sugũ norte gapũ, gajigu sur gapũ, gajigu abe mũrĩriro gapũ, gajigu abe ñajãrõ gapũ nĩma, mirũ wějãpubirimakũ irimurã. Irasiriro i nikũgue, dia wãdiyaguedere neõ mirũ wějãpubiribũ. Neõ sugũ yukũre mirũ wějãpubiribũ.

² Ĩgũsã i nikũrẽ, dia wãdiyadere poyanorẽdoresũnerã ããrĩmã. Pũrũ gajigu Marĩpũre wereboegure ããbũ doja. Ĩgũ abe mũrĩriro gapũ aarimĩ. Marĩpũ okanĩgũya wãĩ tuuyariñerẽ opami. Gajirã Marĩpũre wereboerã wapikũrãrẽ turaro merã ãsũ ãrĩ werenĩmi:

³ —I nikũ, dia wãdiya, yukure poyanorẽbirikõãka dapa! Marĩ Opũre moãboerãrẽ Ĩgũsãya diapuserorire Ĩgũ wãĩ tuuadero pũrũ, irire poyanorẽka! ããrĩmi.

⁴ Pũrũ Ĩgũ werenĩmakũ pébũ. ãsũ ããrĩmi: “Ciento cuarenta y cuatro mil masaka Israel parãmerã ããrĩturiari buri marã Ĩgũsãya diapuserorire Marĩpũ wãĩ tuusũnerã ããrĩmã”, ããrĩmi.

⁵ Ĩgũsã ããrĩnerã ããrĩmã:

Judãya bumarã doce mil, Rubẽya bumarã doce mil,

Gadya bumarã doce mil,

⁶ Aserya bumarã doce mil,

Neftalĩya bumarã doce mil, Manasẽya bumarã doce mil,

⁷ Simeõya bumarã doce mil, Levĩya bumarã doce mil,

Isacarya bumarã doce mil,

⁸ Zabulõya bumarã doce mil,

Josẽya bumarã doce mil, Benjamĩya bumarã doce mil

ããrĩnerã ããrĩmã.

Wãrã surĩ boreri sãñarãyare weredeã

⁹ Pũrũ wãrã masakare ããbũ. Surãyeri ããrĩpereri buri marã, Ĩgũsã ya werenĩrã, ããrĩpererogue ããrĩpereri nikũ marã ããrĩmã. Ĩgũsã, Marĩpũ, Opũ doarogue doagu diaye, Jesucristo oveja majĩgũ irirosũ ããrĩgũ diaye nĩma. Ĩgũsãrẽ keo bokatĩũña marĩbũ. Surĩ borerire sãñama. Mujĩ pũrĩrẽ opama.

¹⁰ Ĩgũsã ããrĩpererã turaro merã ãsũ ãrĩ gaguinĩma:

Marĩpũ marĩrẽ taugũ ããrĩmi. Ĩgũ, Opũ doarogue doagu ããrĩmi. Jesucristo oveja majĩgũ irirosũ ããrĩgũde marĩrẽ taugũ ããrĩmi, ããrĩma.

11 Āārīpererā Marīpure wereboerā Opu doaro turo, irasū āārīmakū oparā murā, wapikurā okarā turo nígoroama. Marīpure irogue doagure buremurā, ĩgū diaye ñadukupuri merā ejamejā, ĩgūsāya diapurire yebague moomejāma.

12 Āsū ārīma:

Marī Opure: “Ōātarigu, gosesiriri merā deyogu, masīpeogu āārā, gwa mu merā usuyāa”, ārī, usuyari sīrā!

“Mu, gwa gopeyari merā buremugū, turatarigu, āārīpererārē doregu āārā”, ārīrā ĩgūrē!

Āārīpererinurī irasū ārīnīrā! Irasirirā: “Irasūta ārīburo”, ārī buremuma ĩgūrē.

13 Puru sugu, oparā murā watopemu yare sērēñami:

—¿Ñéemarāno āārīrī ĩsā suri boreri sāñarā? ¿Noógue aarayuri? ārīmi.

14 ĩgū irasū ārīmakū pégu, yu gapu ĩgūrē yujubu:

—Yu opu, mu masīkoa, ārību.

Yu irasū ārīmakū pégu, āsū ārīmi:

—I ũmu marā buro ñerō tariripoere ĩgūsāde ñerō tarima. ĩgūsā Jesucristo oveja majĩgū irirosū āārīgūya dí béori merā ĩgūsāya surire koe, boreri suri waamakū irinerā irirosū āārīma. Irasū āārīrā, Jesucristore ĩgūsārē boabosa, ĩgūya dí béodire buremusīā, Marīpu ĩūrōrē ñerīrē opamerā āārīma.

15 Irasirirā, Marīpu, Opu doarogue doagu diaye níma, ĩgū gāāmerōsū irimurā. Ũmarikū, ñamarikū ĩgūya wii ũmugasima wiigue ĩgūrē buremuma. ĩgū, ĩgūsā merā irasū āārīnīkōāmi ĩgūsārē koregu.

16 Irasirirā neō dupaturi ũaboanemobirikuma. Neō ñemesibusūnemobirikuma. Neō abe ũmumu ĩgūsārē buro asinemobirikumi. Gaji asiri ĩgūsārē neō ñerō tarimakū irinemobiriko.

17 Oveja majĩgū irirosū āārīgū, ĩgū doarogue doagu diaye nígū, ovejare korerimasū irirosū ĩgūsārē koregukumi. Perebiri okari sīrī deko* wiriri gobegue āāgukumi. Irasirirā usuyari merā āārīnīkōārākuma. Marīpu āārīpereri ĩgūsā kódeko wiririre niūgukumi. Irasirirā neō dupaturi bajawereri merā āārībirikuma.

8

Papera tūrūrē wītābiatūnudea, sūrōrī soemudiru oro merā irideare werede

1 Jesucristo oveja majĩgū irirosū āārīgū, su mojōma pere gaji mojō suru pērēbejari papera tūrūrē wītābiadeare kura odoadero puru, iri tūrūrē wītābiatūnuderore kurami. Irore kuramakū, āārīperero ũmugasigie gajino neō busubiriakōābu. Su hora deko irasū waabu.

2 Puru su mojōma pere gaji mojō peru pērēbejarā Marīpure wereboerārē ĩgū puro nímakū ĩābu. ĩgūsākure puririduparure sīmi.

3 Puru gajigu Marīpure wereboegu sūrōrī soemudiru oro merā iridirure opagu, Marīpure sīdea soepeoro purogue waa ejanugājami. ĩgū irogue nímakū, wáro sūrōrīrē sīma. Iri sūrōrī, āārīpererā Marīpuyarā ĩgūrē sērēdea merā morē soemuburi āārībú. Irasirigu, Marīpu, Opu doarogue doagu diaye, oro merā iridea soepeorogue irire soemumi.

4 Iri sūrōrī, soepeoro weka poósiri peo soemumakū, Marīpu purogue ĩmīkā, ĩgūyarā ĩgūrē sērēdea merā murīākōābu.

* 7:17 San Juan 11.25: Jesús ārīmi: —Yu boanerārē masāmakū irigu, ĩgūsārē okari sīgū āārā. Yure buremugū boadigie āārīkeregū, okagukumi, ārīmi. San Juan 14.6: Jesús ārīmi doja: —Yu dita Yuru purogue waarī maa irirosū āārā. Yu diayema āārīrīrē masakare masīmakū irigu, ĩgūsārē okamakū irigu āārā. Yu merāta Yuru purogue waarākuma, ārīmi. Irasirigu Jesús deko wiriri gobema perebiri okarire sīrī deko irirosū āārīmi. ĩgū merā ĩgūrē buremurā ĩgū Pagu puro i perebiri okarire opamurā āārīma.

⁵ Puru Marĩpũre wereboegu i soepeoroma peamerẽ ĩgũ soemudirugue añ poosã odo, i nikũgue poómeédijukõãmi. ĩgũ irasũ poómeédijumakũta, bupu miã, bũro pámi. Irasũ ããrĩmakũ, nikũde ñomebu.

Marĩpũre wereboerã puririduparure puridea

⁶ Puru su mojõma pere gaji mojõ peru pẽrẽbejarã Marĩpũre wereboerã ĩgũsãya puririduparure ãmurã irima.

⁷ ããrĩpũrorigũ Marĩpũre wereboegu ĩgũyarure purimi. ĩgũ puriadero purũ, deko yeri yũsari yeri peame merã, dí merã morẽrĩ yeri nikũgue yuribu. Iri yeri yurimakũta, i nikũ ãjũãkõãbu. I nikũ deko ejaburogora ãjũtũnubu. Yukude, tá yasaride iropata ãjũbu.

⁸ Puru gajigu Marĩpũre wereboegu ĩgũyarure purimi doja. ĩgũ purimakũ, wádi ãtãũ irirosũ deyodi, peame merã ãjũnĩdi, dia wádiyague mirũa dijabu. Irasiriro i nikũ ãjũderopata wádiyama deko, dí poyakõãbu.

⁹ Irasirirã ããrĩpererã wádiya marã ure bu dukawamakũ, su bumarã boakõãma. Doóriduparu wádiyague ããrĩrĩde, iropata ãjũbu.

¹⁰ Pẽrã Marĩpũre wereboerã ĩgũsãya puririduparu puriadero purũ, gajigu Marĩpũre wereboegu ĩgũyarure purimi doja. ĩgũ purimakũ, wágu neñukãmu sĩãgori turu ãjũrĩ irirosũ deyogu ãjũ, mutãdi nikũguere dijijami. ĩgũ diariguere, deko wiriri goberiguere deko ejaburogora meémejãmi.

¹¹ ĩgũ: “Sũĩgũ” wãikumi. Deko ĩgũ meémejãdero ejatuaro sũrĩ deko waabu. Irasũ waadero purũ, iri dekore iirirã, wãrã masaka boama.

¹² Urerã Marĩpũre wereboerã ĩgũsãya puririduparu puriadero purũ, gajigu Marĩpũre wereboegu ĩgũyarure purimi doja. ĩgũ purimakũ, abe ãmũmu, ñamimude deko ejaburogora poyanorẽma. Neñukãde iropata poyanorẽma. Irasirigu abe, ãmũrẽ wapikuri horagora neõ boyobirimi. Ñamidere wapikuri horagora abe ñamimũ, neñukã neõ boyobirima.

¹³ Puru ãmarõgue ĩãmugũ, gapáu wáwãgãgũrẽ ĩãbu. ĩgũ turaro merã ãsũ ãrĩ werenĩmakũ pẽbu:

—Ayó! Ayó! Ayó! Gajirã urerã Marĩpũre wereboerã ĩgũsãya puririduparure puribema dapa. ĩgũsã irire puriadero purũ, ñetariro waarokoa i nikũgue ããrĩrãrẽ, ãrĩmi.

9

¹ Puru wapikurã Marĩpũre wereboerã ĩgũsãya puririduparu puriadero purũ, gajigu Marĩpũre wereboegu ĩgũyarure purimi doja. ĩgũ purimakũ, neñukãmu irirosũ deyogu ãmũgasigue ããrãdi i nikũgue yuriadire ĩãbu. Bũro ãkũãrĩ gobema sawire ĩgũrẽ sĩma.

² ĩgũ iri gobere tũpãmakũ, wári peamema ĩĩmikã wiribu. Iri ĩĩmikã abe ãmũmũrẽ tuúbiatobu. Irasiriro ãmarõgue naĩtĩãrõ waabu.

³ Poreroa, ĩĩmikã watopegue ããrãnerã, i nikũgue wádjajarima. Korebaba irirosũ toarã ããrĩmã.

⁴ Marĩpũ ĩgũsãrẽ táre, yukure, gaji otedeare poyanorẽdorebirimi. “Ĩgũsãya diapuserorire yũ wãĩ tuuña marĩrãno ditare ñerõ tarimakũ irirãkoa”, ãrĩmi.

⁵ ĩgũsãrẽ toawẽjẽdorebirimi. Su mojõmarã abegora ĩgũsãrẽ bũro pũrĩmakũ iridoremi. Irasirirã korebaba toari pũrĩrõsũ ĩgũsãrẽ pũrĩmakũ irima.

⁶ ĩgũsãrẽ pũrĩripore masaka bũro boadũadima. ĩgũsã boadũakeremakũ, boamasĩña marĩbu.

⁷ Poreroa, caballua gãmekẽãburi dupiyuro ãmu odoanerã irirosũ deyoma. ĩgũsãya dipure oparã peyari berorí, oro merã iridea berorí irirosũ deyorire peyama. ĩgũsãya diapuri masakaya diapu irirosũ deyobu.

⁸ Īgūsāya poari, nomeya poañapu irirosū āārībú. Īgūsāya guika, ēōkayea guika irirosū āārībú.

⁹ Īgūsāya koretibirire kōme merā iridea kāmūtari suríro sãñanerā irirosū āārímá. Īgūsā wúmakū, Īgūsāya kēdupari buro busubu. Wárā caballua tūrūrīduparure Īgūsā gāmewējērōgue mumurō merā tūāwāgārā irirosū busubu.

¹⁰ Korebaba irirosū Īgūsāya pore merā toarā, masakare su mojōmarā abegora pūrīmakū irima.

¹¹ Poreroa opu, buro ūkūārī gobe opu āārīmi. Īgū Marīpure wereboegu āārīdi āārādimi. Hebreo ya merā “Abadón” wāikumi. Griego ya merā “Apolión” wāikumi. “Apolión”, ārīrō: “Ñerō poyanorērīmasū”, ārīduaro yáa.

¹² Poreroa masakare ñerō pūrīmakū iriadero puru, ñerō taripuroridea pereakōābu. Iri puru, pero ñerō tariri duyáa dapa.

¹³ Puru su mojōmarā Marīpure wereboerā Īgūsāya puririduparu puriadero puru, gajigu Marīpure wereboegu Īgūyarure purimi doja. Īgū purimakū, sugu werenīmakū pébu. Marīpu ĩūrō Īgūsā Īgūrē sīdea soepeoro, oro merā iridea soepeorogue Īgū werenīrī busubu. Iri soepeoroma wapikuri kúsari watopegue Īgū werenīrī busubu.

¹⁴ Irasū werenīgū, puriduru puriadire āsū ārīmi:

–Wapikurā Marīpure wereboerā āārādinerārē wiuka! Īgūsā dia wádiya Eufrates wāikūdiyague suadobosūnerā āārīma, ārīmi.

¹⁵ Irasū ārīmakū pégu, Marīpure wereboegu Īgūsā wapikurārē wiumi, wárā masakare wējēmurārē. Irasirigu Marīpu Īgūsārē: “I hora, inu, ĩi abe, i bojori āārīmakū, wiusūrākuma”, ārīderosūta keoro waabu. Irasirirā āārīpererā i nikūgue masakare ure bu dukawamakū, su bumarārē wējērā waama.

¹⁶ Īgūsā merā wárā surara caballua weka peyarā āārímá. “Īgūsā āārīpererā doscientos millones surara āārīma”, ārīrērē pébu.

¹⁷ Yu kērōsūgue caballuare, Īgūsā weka peyarādere ĩābu. Āsū deyoma: Īgūsāya koretibirire kōme merā iridea kāmūtari suríro sãñanerā āārímá. Iri kāmūtari surí, diari, yasari, boreri surí deyobu. Irasiro peame ūjūrī, ūtāye jacinto wāikuriye, azufre wāikuri poga irirosū deyori āārībú. Caballuaya dipu ēōkayea dipu irirosū deyobu. Īgūsāya disirigue peame, ĩmikā, azufre wāikuri poga ūjūrī ĩmikāde wiribu.

¹⁸ Irasirirā caballua Īgūsāya disi wiriri: peame, ĩmikā, azufre ūjūrī merā āārīpererā masakare ure bu dukawamakū su bumarārē wējēma.

¹⁹ Īgūsāya disi wiriri merā, Īgūsāya pore merā wējēma. Īgūsāya pore yuwari, āña dipu irirosū deyobu. Iri merā masakare kāmítúma.

²⁰ Gajirā masaka peame, ĩmikā, azufre ūjūrī merā boamerā gapu irire waamakū ĩākererā, Īgūsā ñerō iririre neō piribirima. Wātēārē buremurērē neō piribirima. Īgūsā buremurā keori weadea: oro, plata, bronce, ūtāyeri, yuku merā irideare buremurērē neō piribirima. Iri keori weadea neō ĩābiri, neō pébiri, neō naabiri āārīkeremakū, Īgūsā irire soebuima.

²¹ Irasū āārīmakū, Īgūsā masakare wējēdeare, Īgūsā yéa āārīrā irideare, Īgūsā kōābiradeare, Īgūsā yajadeadere neō bujawerebirima. Iri āārīpererire neō piribirima.

10

Marīpure wereboegu papera tūrūgārē opadea

¹ Puru gajigu turagu Marĩpũre wereboegu ũmugasigue merã ĩĩmikãyebo dekogue dijarimakũ ĩãbũ. Ĩgũya dipuru wekare buida ããĩĩbã. Ĩgũya diapu abe ũmũmũ irirosũ goesiribũ. Ĩgũya ñĩgãĩĩ peame irirosũ gosebũ.

² Ĩgũya mojõgue papera pũ kuradea tũrũgãrẽ opami. Ĩgũya diayema gubu merã dia wãdiyague tãpĩmi, kũgapũma gubu merã nikũgue tãpĩmi.

³ Irogue nĩgũ, turaro ãõkaye gaguinĩrõsũ gaguinĩmi. Ĩgũ irasũ gaguinĩmakũ, su mojõma pere gaji mojõ peru pẽrẽbejarã bupua werenĩma.

⁴ Ĩgũsã werenĩadero purũ, ĩgũsã werenĩadeare gojanũgãbũ. Yũ gojanũgãmakũ, sugũ ũmugasigue ããĩĩgũ yũre ãsũ ãĩĩ werenĩmi:

—Bupua werenĩadeare gajirãrẽ werebirikõãka! Irĩre gojabirikõãka! ãĩĩmi.

⁵ Purũ yũ wãdiyague, nikũgue nĩmakũ ĩãdi, ĩgũya diayema mojõrẽ ũmugasigue soemumi.

⁶ Irasũ soemugũ, Marĩpũ okanĩgũ, ũmugasĩ, i nikũ, dia wãdiya ããĩĩpererã irogue ããĩĩrãrẽ iridi wãĩ merã wãĩpeo, ãsũ ãĩĩmi:

—I ũmũ pereakõãa. Iropata ããrã.

⁷ Su mojõma pere gaji mojõ suru pẽrẽbejarã Marĩpũre wereboerã ĩgũsãya purĩriduparure purĩsĩama. Gajigu ĩgũyarure purĩmakũ, Marĩpũ ĩgũ: “Ãsũ irĩgũra”, ãĩĩdeare, irĩpõgue marã masĩbirideare irĩyuwarikũgũkumi. Irasĩriro irĩ, ĩgũrẽ moãboerãrẽ, ĩgũya kerere weredupiyunerãrẽ ĩgũ: “Ãsũ irĩgũra”, ãĩĩdea keoro waarokoa, ãĩĩmi.

⁸ Ĩgũ irasũ ããĩĩdero purũ, ũmugasigue ããĩĩgũ yũre werenĩdi, dupaturi ãsũ ãĩĩ werenĩmi:

—Sĩĩ Marĩpũre wereboegu, wãdiyague, nikũgue nĩgũ purõgue waaka! Ĩgũya mojõgue papera pũ kuradea tũrũgãrẽ opami. Irĩ pũgãrẽ ãĩka! ãĩĩmi.

⁹ Ĩgũ irasũ ãĩĩmakũ pẽgu, ĩgũ purõgue waabũ. Ĩgũrẽ yũ papera pũgãrẽ sẽrẽmakũ pẽgu, ãsũ ãĩĩ yũjũmi yũre:

—Ãĩ, baaka! Mũ baamakũ, mume irirosũ õãrõ misõrokoa. Mũya paru gapũ, purũ burõ sũĩrokoa, ãĩĩmi.

¹⁰ Ĩgũ irasũ ãĩĩmakũ pẽgu, irĩ pũgãrẽ ĩgũrẽ ãĩ, baabũ. Yũ baamakũ, mume irirosũ misõbũ. Baa odoadero purũ, yaa parugũere sũĩrõ pẽĩabũ.

¹¹ Purũ ãsũ ãĩĩmi yũre:

—Dupaturi wãri burĩ marãrẽ, wãri nikũ marãrẽ, ĩgũsã ya werenĩrãrẽ, ĩgũsã oparãdere Marĩpũ ĩgũsãrẽ: “Ãsũ irĩgũra”, ãĩĩdeare weregu waaka! ãĩĩmi.

11

Pẽrã Marĩpũyare wererĩmasã weredea

¹ Purũ Marĩpũ yũre keodi, tuadi irirosũ deyodire sĩmi. Sĩ odo, yũre ãsũ ãĩĩmi:

—Igu merã yaa wiire keogu waaka! Irĩ wiĩmarẽ yũ ĩĩrõ ĩgũsã yũre sĩdea soepeorodere keoka! Irĩ wiĩguere masakare yũre burĩmurãdere: “¿Nĩĩsãkũ ããĩĩĩ?” ãĩĩ keoka!

² Irĩ wiĩ turõma gapũre keobirikõãka! Irĩ gajiro marã masakare wiadea nikũ ããrã. Ĩgũsã cuarenta y dos abegora yaa makãrẽ* poyanorẽgorenarãkuma.

³ Irasĩrigũ yaare weremurãrẽ pẽrã irĩgũra. Yoarĩpõ mil doscientos sesenta nurĩgõra yaare wererãkuma. Ĩgũsã burĩawereri ĩmurã, kó surĩ sãñanerã ããĩĩrãkuma, ãĩĩmi.

⁴ Ĩgũsã pẽrã Marĩpũyare weremurã, pegũ olivo wãĩkũri yuku, irasũ ããĩĩmakũ pegũ sãgõri yuku irirosũ ããĩĩma. Marĩpũ i nikũ Opũ ĩĩrõ nĩma.

* 11:2 Marĩpũya makã, Jerusal'ẽta ããrã.

⁵ Īgūsārē ĭaturirā ĭgūsārē ñerō iriduamakū, ĭgūsāya disigue peame ũjūrī pūrā wiriri merā ĭgūsārē soe wējēpeokōārākuma. Irasirirā āārīpererā ĭgūsārē ñerō iriduārē iri merā boamakū irirākuma.

⁶ Īgūsā Marīp̄yare wereririrē deko merēdorebirimakū merēbirikoa. Irasū āārīmakū dekore dí poyadoremakū dí poyarokoa. I nikū āārīpererogue āārīrārē āārīpereri gajirosūperi ñerō taridorerākuma. Īgūsā iriduaro pa ñerō tarimakū irirākuma.

⁷ Marīp̄yare were odomakū, burō ũkūārī gobegue āārīgū, ñegū gajirosū deyogu wirigakumi, ĭgūsā pērā merā gāmekēābu. Īgūsārē gāmekēā, ĭgūsārē tarinugā, wējēkōāgukumi.

⁸ Īgūsārē wējēadero puru, ĭgūsāya dupuri dari wári makāma maague oyarokoa. Iri makā, marī Op̄re Jesucristore ĭgūsā curusague pábiatú wējēdea makā āārā. Iri makā marā ñerā āārīrā, Sodoma marā, Egipto marā ñerā āārīnerā irirosū āārīma.

⁹ Ũrenu gajinu dekogora ĭgūsāya dupuri dari iri maarē oyarokoa. Āārīpereri nikū marā, āārīpereri buri marā, ĭgūsā ya werenirā ĭgūsāya dupuri darire ĭārākuma. Gajirārē iri dupuri darire yáadorebirikuma.

¹⁰ Īgūsā pērā okarā, i ũmu marā masakare burō ñerō tarimakū irinerā āārīma. Īgūsā boamakū ĭārā, usuyarākuma. Bosenu iri, gajinorē gāme sīrākuma.

¹¹ Īgūsā boadero puru, ũrenu gajinu deko puru, Marīp̄ ĭgūsārē masū, dupaturi okamakū irimi doja. Īgūsā wāgānugāmakū ĭārā, āārīpererā burō güima.

¹² Puru sugu ũmugasigue āārīgū ĭgūsā pērārē turaro merā āsū ārī werenimakū péma:

—Ōogue marīrika musā! ārīmi.

Īgū irasū ārīmakū pérā, ñimikāyebo merā marīākōāma. Īgūsā marīāmakū, ĭgūsārē ĭaturirā ĭāma.

¹³ Īgūsā marīaripoe nikū burō ñomebu. Iri makāma wiiri wári mirūadjabu. Wārā siete mil masaka boama. Gajirā duyará gapu burō güima. “Marīpu ũmugasigue āārīgū turatarigu āārīmi”, ārīma.

¹⁴ I āārīpereri irasū waadero puru, pero ñerō tariri waasiabu. Irasū waakeremakū, mérōgā puru masaka dupaturi ñerō tarirākuma doja.

Marīp̄re wereboegu puriduru puritūnudea

¹⁵ Puru su mojōma pere gaji mojō suru pērēbejarā Marīp̄re wereboerā ĭgūsāya puririduparure puriadero puru, gajigu ĭgūrē wereboegu ĭgūyarure purimi. Īgū purimakū, ũmugasigue āārīrā turaro merā āsū ārī werenīma:

Dapagorare Marīp̄, ĭgū iriudi Cristo merā āārīpererā i ũmu marārē doregu ñajāmi. Īgū doreri neō perebirikoa, ārīma.*

¹⁶ Irasū ārīmakū pérā, Marīp̄ diaye oparā doarigue doarā veinticuatro oparā marā Marīp̄ ĭūrō ñadukupuri merā ejamejāja, ĭgūsāya diapure yebague moomejā, ĭgūrē buremu,

¹⁷ āsū ārīma:

Gua Op̄, āārīpererā nemorō turagu āārā. Mu merā usuyāa. I ũmurē iriburo dupiyuro āārīsiabu. Dapagoradere āārīnikōāa. Puruguedere irasūta āārīnikōāgukoa. Mu turari merā masakare dorenugāa. Irasirirā murē usuyari sīa.

¹⁸ I ũmu marā murē gāāmemerā, mu merā guatarima. Mu ĭgūsārē wajamoārīnu, irasū āārīmakū boanerādere mu wajamoārīpoe ejasiāa. Āārīpererā muyarā gapure oārīrē sīgukoa.*

* 11:15 Ex 15.18; Dn 2.44; 7.14, 27 * 11:18 Sal 2.5; 110.5

Muya kerere weredupiyurimasārē, murē òārō goepeyari merā buremurārē, oparārē, ubu āārīrādere òārīrē sīgukoa. I ūmu marārē poyanorērā gapure béoripoe ejasiáa, ārīma.✠

¹⁹ Īgūsā irasū ārādero puru, Marīpuya wii ūmugasigue āārīrī wii makāpuro tūpāsūbu. Iri wii poekague su kūmarē iābu. Iri kūma, Marīpu masakare werepīri gojadea opari kūma āārībá. Iri kūmarē iāmakāta, bupu miā, buro pámi. Irasū āārīmakū, i nikū ñomebu. Wári deko yeri yusari yeri nikūgue yuribu.

12

Nomeōya, irasū āārīmakū pīrū irirosū deyoguya kerere weredea

¹ Puru ūmugasigue gajirosūperi buro goeri deyoamakū iābu. Irasū waaripoe sugo nomeōrē iābu. Igoya surīro abe ūmumu irirosū gosesiribu. Abe ñamimu weka nímo. Opu peyari berore, pe mojōma pere su gubu peru pērēbejarā neñukā opari berore peyamo.

² Igo pūrākuburo mérōgā dnyabu. Irasirigo igo nijiwāgūgō pūrīrō merā gaguinímo.

³ Puru gaji ūmugasigue deyoamakū iābu. Wāgu pīrū diiagu diakēā irirosū deyogure iābu. Īgū su mojōma pere gaji mojō peru pērēbejari dipu opagu āārīmí. Dipuku, oparā peyari berorire peyami. Pe mojōma kúsari opagu āārīmí.

⁴ Ūmugasigue āārīrā neñukārē ure bu dukawamakū, su bumarārē Īgūya pore merā wējāsiri meédijumi. Īgū, nomeō pūrākubo puro ními, majīgū deyoamakū baabu.

⁵ Mérōgā puru, majīgūrē pūrākumo. Īi majīgūta āārīpereri nikū marā Opu āārību āārīmí. Wári turari merā, opu kōme merā iridea yuku opagu masakare dorebu āārīmí. Puru Marīpu Īgū doaro pūrogu Īgūrē āīmārīāmi.

⁶ Nomeō masaka marīrō Marīpu āmuyuderogue duriwāgākōāmo. Irogu igore mil doscientos sesenta ñarīgora baari sīmi.

⁷ Puru ūmugasigue gāmewējērī waabu. Marīpure wereboerā opu Miguel wāikugu, Īgūyarā Marīpure wereboerā, pīrū merā gāmekēāma. Pīrū, Īgūyarā merā Míguesā merā gāmekēāmi.

⁸ Míguesā pīrūrē tarinugāma. Irasirigu pīrū, Īgūyarā merā ūmugasiguere Īgūsā āārīrō neō bokanemobirimi.

⁹ Irasirigu Marīpu pīrūrē béokōāmi. Īgū wāgu pīrū, neōgoraguere deyoadi, Satanás wāikugu, wātī āārīmi. Īgū āārīpererā i ūmu marā masakare ārīkatorikugu āārīmi. Marīpu Īgūrē, Īgūyarā merā i nikūgue béodijumi.

¹⁰ Puru sugu ūmugasigue āārīgú turaro merā āsū ārī werenímakū pébu:

–Marīpu marīrē tauri, Īgū turari merā marī Opu āārīrī, Īgū iriudi Cristo marīrē doreri ejasiáa. Irasirigu Marīpu wātīrē ūmugasigue āārīdire i nikūgue béodijumi. Ūmuriku, ñamiriku wātī Marīpure, marīyarā Jesúre buremurārē: “Ñerō irirā āārīma”, ārī weresāgū iriadimi.

¹¹ Marīyarā wātīrē tarinugāma. Jesucristo oveja majīgū irirosū āārīgūrē, Īgū dí béori merā Īgūsārē taurire buremusiā, irasirima. Jesúya kerere weredea waja gajirā Īgūsārē wējēduakeremakū, Īgūsā okarire mañbirima. Neō piriro marīrō Īgūya kerere weresiā, wātīrē tarinugāma.

✠ 11:18 Sal 115.13

¹² Irasirirã musã ùmugasigue ããrĩrã ããrĩpererã usuyaka! Wãtĩ nikũgue béodijusũadi ããrĩmi. Musã i nikũ ããrĩrãrẽ, dia wádiyague ããrĩrãrẽ wãtĩ dijamakũ, musãrẽ ñetariro waanugãbu. Ìgũrẽ wajamoãburo mérõ duyáa. Irire masĩmi. Irasirigu guatarikõãmi, ãrĩ weremi.

¹³ Irasirigu pĩrũ, nikũgue béodijumakũ ìãgũ, majĩgũ pagore narũtayawãgãmi.

¹⁴ Marĩpu gapu igore gapãu kèdupurire sĩmi. Iri merã igo, pĩrũrẽ masaka marĩrõgue wú duriwãgãmo. Irogue ure bojori gaji bojori dekogora Marĩpu igore baari sĩmi.

¹⁵ Igo irogue ããrĩmakũ ìãgũ, pĩrũ igore miũduagu, wáro dekore dokabéomi.

¹⁶ Irasirikeremakũ, i nikũ gapu igore iritamubu. Pĩrũya disi wiriri dekore yeteoma, uju ãĩpeokõãbu.

¹⁷ Irasũ waamakũ ìãgũ, pĩrũ igo merã guatarimi. Irasirigu igo parãmerã ããrĩturiarã merã gãmewējẽgũ waami. Ìgũsã, Marĩpu dorerire irirã, Jesucristoya diayema buerire neõ pirimerã ããrĩma.

¹⁸ Pĩrũ dia wádiya turo eja, irogue yúmi.

13

Pẽrã gajirosũ deyorãyare gojadea

¹ Puru gajirosũ deyogu dia wádiyague ããrãdi wãgãpamakũ ìãbu. Ìgũ su mojõma pere gaji mojõ peru pẽrẽbejari dipu, pe mojõma kúsari opagu ããrĩmĩ. Ìgũya kúsarigue oparã peyari berorire peyami. Ìgũya dipure Marĩpure ñerõ doori wãĩ gojatúdea ããrĩbú.

² Ìgũ, yé dorogu guagu irirosũ deyomi. Buguya guburi irirosũ opagu ããrĩmĩ. Ëõkaye irirosũ disikugu ããrĩmĩ. Pĩrũ ìgũ turarire sĩmi ìgũrẽ. Irasũ sīgũ, ìgũrẽ opu doarogue dobomi, ìgũ irirosũta masaka wárãrẽ doreburo, ãrĩgũ.

³ Gajirosũ deyogu dipuru su dipuru kãmirkũri dipurusũ deyobu. Iri kãmirkũ ìgũrẽ wējẽboyadea kãmirkũ, yaridea kãmirkũgue ããrĩbú. Irire ìãrã, i ùmu marã ããrĩpererã ìãgũkakõãma. Irasirirã ìgũrẽ: “Turagu ããrĩmĩ”, ãrĩ, ìgũyare iritayama.

⁴ Pĩrũ ìgũ turarire gajirosũ deyogure sĩmakũ ìãrã, masaka pĩrũrẽ: “Õãtarigu ããrĩmĩ”, ãrĩ bũremuma. Gajirosũ deyogudere ãsũ ãrĩ bũremuma:

—Neõ gajigu mu irirosũ turagu mámi. Gajigu murẽ neõ tarinugãmasĩbemi, ãrĩma.

⁵ Pĩrũ doredersũta gajirosũ deyogu: “Yũ, gajirã nemorõ ããrĩtarinugãgũ ããrã”, ãrĩ weregorenami. Marĩpure ñerõ ãrĩ doogorenami. Masakare cuarenta y dos abegora doremi. Marĩpu ìgũrẽ: “Iropata irika!” ãrĩmakũgue duúmi.

⁶ Irasirigu masakare doregu, ãsũ irimi. Marĩpure, ìgũ wãirẽ, ìgũ ããrĩrõrẽ, ããrĩpererã ìgũ puro ããrĩrãdere ñerõ ãrĩ doomi.

⁷ Marĩpyarã merã gãmewējẽ, ìgũsãrẽ tarinugãmi. ããrĩpererogue ããrĩpereri buri marãrẽ, ìgũsã ya werenĩrãrẽ, ããrĩpereri nikũ marãrẽ doremi. Marĩpu ìgũrẽ: “Iropata irika!” ãrĩbirimi dapa. Irasirigu ñerĩrẽ irimi.

⁸ ããrĩpererã i nikũ marã Marĩpyarã ããrĩmerã gajirosũ deyogure bũremuma. Marĩpu ìgũ i ãmurẽ iriburo dupiyuro ìgũyarã ããrĩmurã ìgũ merã perebiri okari opamurã wãirẽ su papera pũgue gojatúsiadi ããrĩmĩ. Iri pũ Jesucristo oveja majĩgũ irirosũ ããrĩgũ wējẽsũdiya pũ ããrã.

⁹ Gãmipũrĩ oparã, ire péka!

¹⁰ Peresugue waaró gããmea, ãrĩsũnerã irogue waarãkuma. Sareri majĩ merã gajirãrẽ wējẽrã, sareri majĩ merã wējẽsũrãkuma. Iri irasũ waaripoe

Marĩpuyarã ããrĩrã gũñaturari merã ĩgũrẽ bũremurĩrẽ neõ piribirikõãrõ gããmea.

¹¹ Pũrũ gajigũ gajirosũ deyogũre ĩãbũ doja. Nikũ poekague ããrãdi wiri murĩrĩmi. ĩgũ oveja majĩgũ irirosũ pe kũsa opagũ ããrĩmĩ. Irasũ ããrĩkeregũ, pĩrũ irirosũ werenĩmi.

¹² Gajirosũ deyogũ ããrĩpũroriadiya turarire opami. Iri turari merã ããrĩpererã i nikũ marãrẽ gajirosũ deyogũ ããrĩpũroriadiye wẽjẽsũboyadi kãmirõ yarisũadire bũremumakũ irimi.

¹³ Wãri deyoromurĩrẽ iri ĩmumi. Masaka ĩũrõ peame ãmũgasigue ããrãdeare nikũgue dijarimakũ irimi.

¹⁴ ĩgũ, gajirosũ deyogũ ããrĩpũroriadiya turari ĩgũrẽ sĩrĩ merã wãri deyoromurĩrẽ iri ĩmumi. Iri merã masakare ãrĩkatomi: “Ĩĩ mũsã bũremugũ ããrĩmi”, ãrĩgũ. Irasirigũ ĩgũsãrẽ gajirosũ deyogũ ããrĩpũroriadi keorire weadoremi. Gajirõsũ deyogũ ããrĩpũroriadi sareri majĩ merã saresũadi ããrĩkeregũ okami.

¹⁵ Gajirosũ deyogũ pũrũ aaradi, gajirosũ deyogũ ããrĩpũroriadiya turari merã ĩgũ keori weadeare okamakũ irimi. Irasirigũ iri keori weadeare masaku irirosũ werenĩmakũ, ããrĩpererã irire bũremumerãrẽ wẽjẽmakũ irimi.

¹⁶ ããrĩpererãrẽ ĩgũsãya diayema mojõ gapũre, o ĩgũsãya diapuserorire gajino gojatũdoremi. Ubu ããrĩrãrẽ, oparãrẽ, wãri doebiri oparãrẽ, boporãrẽ, moãboerimasãrẽ, moãboerimasã ããrĩmerãrẽ, ããrĩpererãrẽ irasũ gojatũdoremi.

¹⁷ Gojatũsũña marĩrã neõ wajarimasĩbiri, neõ duamasĩbirima. Iri gojatũdea, gajirosũ deyogũ ããrĩpũroriadi wãĩ, o ĩgũ wãĩ keori ããrã.

¹⁸ Irire õãrõ pẽmasĩrõ gããmea. Pẽmasĩrã, gajirosũ deyogũ wãĩ keorire masĩburo. ĩgũ wãĩ keori, masakũ wãĩ keori, seiscientos sesenta y seis ããrã.

14

Marĩpũ taunerã ciento cuarenta y cuatro mil masaka ĩgũrẽ bayadea

¹ Pũrũ Jesucristo oveja majĩgũ irirosũ ããrĩgũrẽ ãtãũ Siõn* wãĩkũdigue nĩgũrẽ ĩãbũ. ĩgũ merã ciento cuarenta y cuatro mil masaka ããrĩmã. ĩgũsã, ĩgũ wãĩrẽ, ĩgũ Pagũ wãĩdere ĩgũsãya diapuserorire gojatũsũnerã ããrĩmã.

² Pũrũ ãmũgasigue merã bũro bũsũdijaririre pẽbũ. Wãdibu ãtãmu irirosũ, bũro bupu páro irirosũ bũsũbũ. Wãrã arpa wãĩkũri bũapũtẽrõ irirosũ bũsũbũ.

³ ĩgũsã ciento cuarenta y cuatro mil masaka, Marĩpũ, Opũ doarogue doagu diaye, irasũ ããrĩmakũ wapĩkũrã okarã, oparã murã ĩũrõ bayama. Maama bayarire bayama. ĩgũsã dita iri bayarire masĩma. ĩgũsã i nikũ marã watopegue ããrĩrã, Marĩpũ tausũnerã ããrĩmã.

⁴ Neõ ĩgũsã suñarõ nome merã ñerõ iribirinerã, neõ sugo nomeõrẽ marãpokũbirinerã ããrĩmã. Jesucristo oveja majĩgũ irirosũ ããrĩgũyare iritũyama. I nikũ marã masaka watopeguere Marĩpũ tausũnerã ããrĩmã. ĩgũsã Marĩpũyarã, irasũ ããrĩmakũ Jesucristo oveja majĩgũ irirosũ ããrĩgũyarã ããrĩpũrorirã ããrĩnerã ããrĩmã.

⁵ ĩgũsã watopere neõ sugũ ãrĩkatogu mámi. Marĩpũ ĩũrõrẽ ñerĩrẽ opamerã ããrĩma.

Urerã Marĩpũre wereboerã weredeã

⁶ Pũrũ gajigũ Marĩpũre wereboegũ ãmarõgue wũgũre ĩãbũ. ĩgũ ããrĩpererã i nikũgue ããrĩrãrẽ Marĩpũ masakare tauri kerere wererimasũ ããrĩmĩ. ããrĩpererogue ããrĩpereri nikũ marãrẽ, ããrĩpereri buri marãrẽ, ĩgũsã ya

* 14:1 Jerusalén, Siõn wãĩkũdigue ããrĩyuro.

werenírārē iri kerere weregũ āārĩmĩ. Iri kere, neõ gorawayubiri, perebiri kere āārā.

⁷ Turaro merā āārĩmi:

—Marĩpũre goepeyari merā āsũ ārĩ bũremuka: “Turatarigũ, õātarigũ āārĩmi”, ārĩka! Īgũ āārĩpererā ñerārē peamegue béoripoe ejasiáa. Īgũ ũmũgasire, i nikũrē, dia wádiyare, āārĩpereri deko wiriri goberidere iridi āārĩmi. Irasirirā ĩgũrē bũremuka! āārĩmi.

⁸ Īgũ pũrũmũ, gajigũ Marĩpũre wereboegũ āsũ ārĩmi doja:

—Wári makā Babilonia wāikũri makā pereakõābũ. Iri makā marā āārĩnerā āārĩpereri nikũ marārē ñerõ irimakũ irima. Masaka ĩgũsārē ĩākũĩrā, mejārikũrā igui deko pāmudeare turaro ƚaribejarosũta ĩgũsā ñerĩ iriridere turaro ƚaribejama, ārĩmi.

⁹⁻¹⁰ Pērā Marĩpũre wereboerā irasũ ārādero pũrũ, gajigũ Marĩpũre wereboegũ turaro merā āsũ ārĩnemomi doja:

—Āārĩpererā gajirosũ deyogũre, ĩgũ keori weadeare ejamejā bũremurārē ĩgũsāya diapuserorire, o ĩgũsāya mojørĩrē ĩgũ wāĩ gojatúsũnerārē Marĩpũ bũro wajamoõgũkumi. Īgũsā merā bũro guagũ, turaro wajamoõnĩgũkumi. Azufre wāikũri poga bũro asiri ũjũrĩ, peame merā ñerõ tarimakũ irigũkumi. Īgũrē wereboerā, Jesucristo oveja majĩgũ irirosũ āārĩgũ ĩũrõ, ĩgũsārē wajamoõgũkumi.

¹¹ Iri peame irasũ ĩmĩkakũnĩkõārokoa. Neõ yaribirikoa. Īgũsārē irasũ pũrĩnĩmakũ irirokoa. Āārĩpererā gajirosũ deyogũre, ĩgũ keori weadeare ejamejā bũremurārē, ĩgũ wāĩ gojatúsũnerārē irasũ pũrĩnĩrokoa. Ƙmũrĩ, ñamirĩ pũrĩnĩkõārokoa, ārĩmi.

¹² Irasirirā mũsā Marĩpũyarā, ĩgũ dorerire irirā, Jesũre bũremurĩrē neõ pirimerā āārĩrā, gũñaturaka!

¹³ Pũrũ sugũ ũmũgasigue āārĩgũ werenĩmakũ pébũ doja. Yũre āsũ ārĩmi:

—Ire gojaka: “Marĩ Opũre bũremurā boadero pũrũguedere ƚũyari bokarākuma”, ārĩmi. Őgũ deyomarĩgũde: “Irasũta āārā”, ārĩmi. “Īgũsā turaro moārĩrē pirikõā, siñajārākuma. Ƙmũgasigue ĩgũsā waamakũ, Marĩpũ ĩgũsā õārõ irideare gũñagũkumi. Irasirigũ ĩgũsārē õārõ irigũkumi”, ārĩmi Őgũ deyomarĩgũ.

I nikũma otedea dũkakũrimarē werede

¹⁴ Pũrũ ĩmĩkãyebo boreri yebore ĩābũ. Iri yebo weka sugũ masakũ doami. Īgũya dipurugue oro merā iridea berore peyami. Dũka diti ārĩ usiri berore opami.

¹⁵ Pũrũ gajigũ Marĩpũre wereboegũ Marĩpũya wiigũre āārādi wirijami. ĩmĩkãyebo weka doagũre turaro merā āsũ ārĩ gaguĩnĩmi:

—Mũya usiri bero merā i nikũma otedea dũkare diti āĩkõāka! Irire diti ārĩpoe ejasiáa. Dũka boresiabũ, ārĩmi.

¹⁶ Irasũ ārĩmakũ pégũ, ĩmĩkãyebo weka doadi ĩgũya usiri bero merā i nikũma otedea dũkare wāĩ āĩmi.

¹⁷ Pũrũ gajigũ Marĩpũre wereboegũ ũmũgasigue āārĩrĩ wii Marĩpũya wiigũre āārādi wirijami. Īgũde dũka diti ārĩ usiri berore opami.

¹⁸ Pũrũ gajigũ Marĩpũre wereboegũ Marĩpũre sĩdea soepeoro pũroguẽ āārādi wirijami. Īgũ peame opu āārĩmĩ. Irasũ wirijagũ, dũka diti ārĩ usiri bero opagũre turaro merā āsũ ārĩmi:

—Mũya usiri bero merā i nikũma igui tõrĩrē diti āĩka! Iri igui ñĩsiabũ, ārĩmi.

¹⁹ Īgũ irasũ ārīmakũ pégu, Īgũya usiri bero merā i nikũma igui tōrīrē wiiritā āīmi. Irire āī, igui k̄rabipiri gobe miēgue sāmi. Iri gobegue k̄rabipiri, Marīpu Īgūrē gāamemerārē b̄uro wajamoārō irirosũ āārā.

²⁰ Makā turogue iri igui k̄rabipisũb̄u. Igui k̄rabipisāripoere iri gobeguerē wáro dí wirib̄u. Iri dí merā wádiya, caballuya disire túsārī berogue mirītuúnjāb̄u. Trescientos kilómetros yoadiya waab̄u.

15

Marīp̄ure wereboerā masakare ñerō tarimakũ iritūnuburire weredea

¹ P̄uru ūmugasigue gajirosũperi b̄uro goeri deyoamakũ ĩāb̄u doja. Su mojōma pere gaji mojō peru p̄rēbejarā Marīp̄ure wereboerārē ĩāb̄u. Marīp̄u Īgūsārē masakare wajamoātūnudoregukumi. Irasirirā, Īgũ wajamoādo regu p̄inerā āārīmá. Iri wajamoārī merā Marīp̄u i ūm̄u marā merā guari pererokoa.

² P̄uru dia wádiyare oārō deko s̄uridiya peame merā morēadiya irirosũ āārīdiyare ĩāb̄u. Iriya turo n̄rārē, gajirosũ deyogu dorerire iribiri, Īgũ keori weadeare b̄uremubirinerārē ĩāb̄u. Īgūsā gajirosũ deyoguya wāirē gojatúdorebirinerā āārīmá. Irogue n̄rā, arpa wāik̄uri b̄uap̄tērīrē opama. Iri b̄uap̄tērī Marīp̄u s̄idea āārīb̄u.

³ Īgūsā Marīp̄ure moāboegu Moiséya bayarire, Jesucristo oveja majīgũ irirosũ āārīgũya bayaridere bayapeoma. Āsũ ārī bayama:

Gua Op̄u, m̄u āārīpererā nemorō turagu āārā. Āārīpereri m̄u iridea oātaria. Irire ĩārā, ĩāgukakōāa. M̄u āārīpererā i nikũ marā Op̄u āārā. Ārīkatori marīrō, diayemarē oārō yáa.

⁴ Āārīpererā m̄urē güirākuma. Āārīpererā m̄urē: “Turatarigu āārīmi”, ārīrākuma. M̄u dita ñerī marīgũ āārā.

Āārīpereri nikũ marā m̄u p̄urogue eja, m̄u ĩūrō ñaduk̄upuri merā ejamejā, m̄urē b̄uremurākuma. M̄u diayema irideare ĩānerā āārīsā, irire irasũ irirākuma, ārī bayama.

⁵ P̄uru Marīp̄uya wii, ūmugasigue āārīrī wii t̄p̄āmakũ ĩāb̄u. Iri wii poekague Marīp̄u āārīrī taribu Īgũ doreri gojadea majīrī ūtā majīrī āārīb̄u.

⁶ Iri wii poekague āārānerā, su mojōma pere gaji mojō peru p̄rēbejarā Marīp̄ure wereboerā wirijama. Īgūsā Marīp̄u wajamoādo regu p̄inerā āārīmá. Īgūsāku masakare ñerō tarimakũ iriburire opama. Īgūsā boreri, garari marīrī surí, b̄uro gosesiriri surí sāñarā āārīmá. Īgūsāya koretibirire oro merā iridea yuj̄wēñarīdarire suatūanerā āārīmá.

⁷ Īgūsā wirijamakũ, wapik̄urā okarā merām̄u Īgūsāku Marīp̄ure wereboerārē oro merā irideaparire s̄imi. Iripari Marīp̄u āārīnīgũ b̄uro wajamoāburi oārō uturib̄u.

⁸ Īgũ iriparire Īgūsārē s̄imakũ, Marīp̄uya wii poekague Īgũ gosesiriri merā, Īgũ turari merā ĩm̄ikākuseyakōāb̄u. Irasũ ĩm̄ikākuseyamakũ, iri wiire neō suḡno ñajāmasībirimi. Marīp̄ure wereboerā Īgũ wajamoādo regu p̄iderosũta Īgūsā masakare wajamoātūnuadero p̄urague dupaturi iri wiire ñajāmasīrākuma doja. Īgũ wajamoāburo dupiyuro ñajāmasīña máa dapa.

16

Juan Marīp̄u masakare wajamoāburire gojadea

¹ P̄uru Marīp̄uya wii ūmugasigue āārīrī wiigue āārīgũ turaro merā werenímakũ péb̄u. Su mojōma pere gaji mojō peru p̄rēbejarā Marīp̄ure wereboerārē āsũ ārīmi:

—Marĩpu wajamoãdoredeare irirã waaka! Irasirirã musãya parimarẽ nikũgue písiridijurã waaka! ãrĩmi.

² Irasũ ãrĩmakũ pégu, ããrĩpurorigu Marĩpure wereboegu ãgũ oparipamarẽ nikũgue písiridijumi. ãgũ irasirimakũ, gajirosũ deyogu wãĩ gojatúsũnerã, ãgũ keori weadeare buremurã ñerõ kãmiku, buru pũrĩsũma.

³ ãgũ irasũ písiridijuadero puru, gajigu Marĩpure wereboegu ãgũ oparipamarẽ dia wádiyague písiridijumi. ãgũ irasirimakũ, deko, dí poyabu. Boadiya dí irirosũ ããrĩbũ. Irasũ waamakũ, wádiyague ããrĩrã boapereakõãma.

⁴ Pẽrã písiridijuadero puru, gajigu Marĩpure wereboegu ãgũ oparipamarẽ diarigue, deko wiriri goberigue písiridijumi. ãgũ irasirimakũ, diari, wiriri goberima deko, dí poyabu.

⁵ Puru gajigu Marĩpure wereboegu ããrĩpererogue dekore doregu ãsũ ãrĩmakũ pébu:

—Gua Opu, mu ñerĩ marĩgũ ããrã. Dapagoradere irasũta ããrĩníkõãa. Iripoeguedere irasũta ããrĩníkõãbu. Irasirigu wajamoãgũ, diayeta irigu yãa.

⁶ Gajirosũ deyoguyarã, muyarãrẽ, muya kerere weredupiyunerãrẽ wẽjẽrã dí béomakũ irima. ãgũsã dí béomakũ iridea waja, deko dí poyamakũ iribu ãgũsãrẽ iirídoregu, ãrĩmi.

⁷ ãgũ irasũ ãrãdero puru, Marĩpure sídea soepeoro purogue sugu werenĩmakũ pébu doja:

—Irasũta ããrã. Gua Opu, mu ããrĩpererã nemorõ turagu ããrã. ãgũsãrẽ keoro wajamoãdoregu, diayeta irigu yãa, ãrĩmi.

⁸ Urerã Marĩpure wereboerã ãgũsã opariparimarẽ písiridijuadero puru, gajigu Marĩpure wereboegu ãgũ oparipamarẽ písiridijumi doja. Abe umumu weka písiridijumi. ãgũ irasirimakũ, abe buru asimi. ãgũ asiri merã masakare soemi.

⁹ ãgũsã buru ujũrĩ merã wajamoãsũkererã, ãgũsã ñerõ iririre bujawerebirima. ãgũsã gũñarĩrẽ neõ gorawayubirima. Irasirirã, Marĩpure ãgũsãrẽ wajamoãgũrẽ ñerõ doo werenĩma. “Õãgũ ããrĩmi”, neõ ãrĩ buremubirima.

¹⁰ Wapikurã Marĩpure wereboerã ãgũsã opariparimarẽ písiridijuadero puru, gajigu Marĩpure wereboegu ãgũ oparipamarẽ písiridijumi doja. Gajirosũ deyogu, opu doarogue písiridijumi. ãgũ irasiriadero puru, gajirosũ deyoguyarã ããrĩrõgue naĩtĩãrõ waabu. Irasirirã ãgũyarã masaka ñerõ pũrĩmakũ, ãgũsãya nedeare buru sĩrĩtu kũrĩdiuma.

¹¹ ãgũsãrẽ ñerõ pũrĩkeremakũ, ñerõ kãmikakererã, Marĩpure umugasigue ããrĩgũrẽ ñerõ doo werenĩma. ãgũsã ñerõ iriri gapure bujawerebirima. Irasirirã ñerĩrẽ neõ piribirima.

¹² Su mojõmarã Marĩpure wereboerã ãgũsã opariparimarẽ písiridijuadero puru, gajigu Marĩpure wereboegu ãgũ oparipamarẽ Eufrates wãikũdiya wádiyague písiridijumi. ãgũ irasirimakũ, iriya bojomejãkõãbu. Abe murĩriro marã oparã ãgũsãyarã surara gãmewẽjẽrã waarã taribujaburore irasũ irimi.

¹³ Puru urerã wãtẽãrẽ tárua irirosũ deyorãrẽ ããbu. Sugu tárui, pĩrũya disigue wirimi. Gajigu, gajirosũ deyoguya disigue wirimi. Gajigu: “Umugasigue marã Opuyare weregu ããrã”, ãrĩkatoguya disigue wirimi.

¹⁴ ãgũsã urerã wãtẽa, tárui irirosũ deyorã deyorumũrẽ iri imuma. Irasirirã ããrĩperero marã oparãrẽ neõma, Marĩpu merã gãmewẽjẽdorerã. ãgũsã gãmewẽjẽrĩnu, Marĩpu ããrĩpererã nemorõ turaguyan * ããrĩrokoa.

* **16:14** “ãgũsã gãmewẽjẽrĩnu, Marĩpuyan”, ãrĩrõ: “Marĩpu ãgũsãrẽ tarinũgãrĩnu, ããrĩpererã ñerãrẽ wajamoãrĩnu ããrĩrokoa”, ãrĩduaro yãa.

15-16 Ʋrerā wātēa āārīperero marā oparārē hebreo ya merā Armagedón wāikurogue siu neeōma. Iro dupiyuro Jesús āsū ārīdi āārīmī: “Ire ōārō pémasīka māsā! Yajarimasū gūñaña marīrō aarirósū yude gūñaña marīrō aarigukoa. Sugū yū aariburore ōārō yúgano, yaare iritayagū, Marīpū iūrō waja opabi usuyagukumi. Ōārō yobegano surīro sāñadi irirosū āārīgukumi. Masaka iūrō surīro marīgū gūyasīrīgū irirosū āārībirikumi”, ārīdi āārīmī.

17 Su mojōma pere gaji mojō suru pērēbejarā Marīpūre wereboerā ĩgūsā opariparimarē pīsiridjuadero pūru, gajigū Marīpūre wereboegū ĩgū opariparimarē ĩmikāyebori wekague pīsiridjumi doja. ĩgū irasiriadero pūru, Marīpūya wii ūmugasigū āārīrī wii poekague ĩgū Opū doarogue doagū turaro merā āsū ārī wereními:

–Iropata āārā. Āārīpereri iri odosiabū, ārīmi.

18 ĩgū irasū ārīmakū, bupu miā, buro busuro, páro, goero nikū ñomebū. I nikūgue masaka ĩgūsā āārīnugādero pūru, i nikū iropa neō ñomebiribū.

19 Irasū ñomemakū, wári makā Babilonia wāikuri makārē urema yeteomakōābū. Paga makārī i nikū āārīrī makārī dijakōābū. Marīpū Babilonia wāikuri makā marārē gūñami ĩgūsārē wajamoābū. ĩgūsā ñerīrē iriri waja ĩgūsā merā buro guami. Irasirigū ĩgūsārē buro wajamoāmi.

20 Āārīpereri nugūrī, ūtāyukude dederidjakōābū.

21 Irasū āārīmakū, masaka weka deko yūsari yeripa dijaribū. Surāyeri deko yeri cuarenta kilo nukūrī yeri āārībú. ĩgūsā weka irasū dujirimakū, Marīpū ĩgūsārē buro wajamoāmakū ĩārā, ĩgūrē ñerō doo wereníma masaka.

17

Ʋma merā kōābirarimasōrē wajamoādea

1 Pūru su mojōma pere gaji mojō peru pērēbejari parire oparā Marīpūre wereboerā merāmū yū pūroque eja, āsū ārīmi:

–Īāgū aarika! Paga diari weka doagore ūma merā kōābirarikugore Marīpū wajamoāburire mūrē ĩmugukoa.

2 I ūmū marā oparā igo merā ñerō gāmebirarikūma. Irasū āārīmakū, i nikū marā, mejārikurā ĩgui deko pāmudeare buro ūaribejarosūta ĩgūsā igo merā ñerō gāmebirarire buro ūaribejama, ārīmi.

3 ĩgū irasū ārādero pūru, Ōāgū deyomarīgū yure kērōgue irirosū gajinorē ĩāmakū irimi. Irasirigū Marīpūre wereboegū masaka marīrōgue yure āĩāmi. Iroque igo nomeōrē ĩābū. Igo gajirosū deyogū diiagū weka peyamo. ĩgūya dupugue wári wāi gojatúsūdero āārībú. Iri wāi, Marīpūre doo werenírī āārībú. Su mojōma pere gaji mojō peru pērēbejari dipukugū, pe mojōmagora kūsarikugū āārīmī.

4 Nomeō diiañiweyari surīrore sāñamo. Igoya surīro oro, wáro wajapari ūtāyeri, perla wāikuri yeri merā mamudeañe āārībú. Igoya mojōgue iirírīpa oro merā irideapare opamo. Iripa igo ñetariro iridea ūturirīpa, igo ūma merā ñerō kōābirari oparīpa āārībú.

5 Igoya diapuserore igo wāi gojatúsūbū. Marī iri wāirē ōārō pémasībea. Āsū ārī gojatúsūbū: “Wári makā Babiloniamō, āārīpererā ūma merā kōābirarīkurā, irasū āārīmakū āārīpereri ñetariro iririkurā pago āārīmo”, ārī gojatúsūbū.

6 Pūru igo mejāmakū ĩābū. Wārā Marīpūyarā Jesúsya kerere wererā wējēsūnerāya dí merā irasū waamo. Mejārā usuyarosū igo ĩīsā wējēsūnerāē ĩāgō, usuyamo. Yū igore ĩāgū, ĩāgukakōābū.

7 Irasirigū Marīpūre wereboegū yure ārīmi:

—¿Nasirigu iāgukari? Mu masibirideare murē masīmakū irigura. Igo nomeōrē, igo peyagudere weregura. Igo peyagu, gajirosū deyogu āārīmi. Su mojō pere gaji mojō peru pērēbejari dipukugu, pe mojōma kúsarikugu āārīmí.

⁸ Īgū gajirosū deyogu mu iādi, dupiyurogue āārīdi āārīmí. Dapagorare mámi. Puru buro ūkūāārī gobegue āārādi wiri, dupaturi deyoagakumi doja. Īgū wiri-adero puru, peamegue béosūgukumi. I ūmu marā Īgū deyoamakū iāgukakōā, Īgūrē buremurākuma. I ūmu āārīburo dupiyuro Marīpu su papera pūgue Īgū merā perebiri okari opamurā wāirē gojatúdi āārīmí. Īgū gojatúbirinerā gajirosū deyogure buremurā āārīma. Gajirosū deyogu dupiyurogue āārīdi, dapagorare mámi. Puru dupaturi deyoagakumi doja. Irasirirā masaka Īgū deyoamakū iārā, iāgukakōārākuma.

⁹ Dapagorare yu wererire oārō masīduarā, oārō pēmasīrī merā gūñarō gāāmea. Gajirosū deyoguya dipu, su mojōma pere gaji mojō peru pērēbejari dipu, ūtāyuku irirosū āārā. Iri ūtāyuku weka peyamo, ūma merā kōābirarikugo.

¹⁰ Iri diputa, oparā irirosū āārā. Su mojōmarā oparā béosūsīama. Gajigu Īgūsā puru āārīgú opu āārīmi dapagorare. Īgū puru gajigu gapu opu űajāgukumi. Īgū yoaweyaripoeta opu āārīgukumi.

¹¹ Irasirigu gajirosū deyogu dupiyuro āārīdi, dapagorare marīgū, Īgūsā su mojōma pere gaji mojō peru pērēbejarā oparā puru opu āārīgukumi. Īgūsā oparā merāmu āārīmi. Puru peamegue béosūgukumi.

¹² Gajirosū deyoguya kúsari, mu iādea, pe mojōmarā oparā irirosū āārā. Īgūsā oparā űajābema dapa. Puru oparā űajārā, yoaweyaripoe oparā āārīrākuma. Irasirirā gajirosū deyogu merā dorerākuma.

¹³ Īgūsā pe mojōmarā oparā surosū gūñarā āārīrākuma. Irasirirā gajirosū deyogure: “Ghare doregu āārīka!” ārī, Īgūsā opu pīrākuma.

¹⁴ Irasirirā Jesucristo oveja majīgū irirosū āārīgú merā gāmewējērā waarākuma. Jesucristo oveja majīgū irirosū āārīgú gapu Īgūsārē tarinugāgukumi. Īgū āārīpererā oparā nemorō Opu, āārīpererā dorerā nemorō Doregu āārīmi. Īgūrē neō béobirinerā Marīpu siiu, beyenerā Īgū merā āārīrākuma, ārīmi Marīpure wereboegu yure.

¹⁵ Puru Marīpure wereboegu ire yure werenemomi doja:

—Igo kōābirarikugo paga diari weka doamo. Iri diari mu iādea: wári makārī marā, wári buri marā, Īgūsā ya werenīrā, wári nikū marā irirosū āārā. Igo, Īgūsā wekamo, Īgūsārē dorego āārīmo.

¹⁶ Gajirosū deyogu, irasū āārīmakū pe mojōmarā oparā, ūma merā kōābirarikugore doo, igoyare ēmapeo, surí marīgō béorākuma. Irasirirā, igoya díire baa, puru dūyarire soebéokōārākuma.

¹⁷ Puru Īgūsā pe mojōmarā oparā surosū gūñarā, gajirosū deyogure Īgūsā opu pīrākuma. Marīpu Īgū gāāmerōsūta Īgūsārē irasirimakū irigukumi. Irasirigu gajirosū deyogu Īgūsā opu āārīgukumi. Marīpu āārīpereri Īgū iripoegue āārīderosūta iriyuwarikadero puru, gajirosū deyogure béogukumi.

¹⁸ Igo, mu iādeo, wári makā Babilonia wāikuri makā irirosū āārīmó. Iri makāta āārīpererā i ūmu marā oparārē doreri makā āārā, ārīmi Marīpure wereboegu yure.

18

Babilonia marārē wajamoādea

¹ Puru gajigu Marīpure wereboegure ūmugasigue merā dijarimakū iābu. Wári turari opami. Īgū gosesiriri āārīperero i nikūguere oārō boyoro waabu.

² Turaro merā āsū ārī gaguiními:

—Babilonia wári makā pereakōōa. Dapagorare wātēa iri makā darore āārīma. Gajirā ñerā deyomerāde, irasū āārīmakū āārīpererā mirā masaka doo, baaya marīrā iri makā darore biadobosūanerā āārīma.

³ Iri makā pereburi dupiyuro āārīpereri nikū marā, mejārikurā igui deko pāmudeare buro ɥaribejarosū i makā marā merā ñerō gāmebirarire buro ɥaribejanerā āārīmá. I ɥmɥ marā oparā, i makā marā merā ñerō gāmebirarikererā āārīmá. I makā marā wári gajinorē wajapari wajarinerā āārīmá. Irasirirā i ɥmɥ marā duarimasā ĩgūsārē dua, wári wajatanerā āārīmá, ārīmi.

⁴ Pɥɥ gajigɥ ɥmɥgasigue āārīgú āsū ārī werenímakū pébɥ:

—Yaarā, iri makā marā merā āārībirikōōka! ĩgūsā ñerō iririre ĩākūībirikōōka! Mɥsā, ĩgūsā merā gāmesurirā, mɥsāde ĩgūsā merā wajamoāsūrākoa.

⁵ ĩgūsā wári ñerō yáma. Marīpɥ ɥmɥgasigue āārīgú, ĩgūsā wári ñerī iririre masīmi.

⁶ Gajirārē ĩgūsā ñerō iridero nemorō ĩgūsārē ñerō iriburo. Gajirārē ĩgūsā ñerō tarimakū iridero nemorō ĩgūsārē ñerō tarimakū iriburo.

⁷ ĩgūsā gajino wajaparire gāāmerā, wajarima. “Gajirā nemorō āārā”, ārī gūñadima. ĩgūsā irasiriropa ĩgūsārē wári ñerō tari, buro ñerō waamakū iriburo. ĩgūsā basi: “Gɥa i ɥmɥ marā oparā āārā. Boporā āārībea. Irasirirā neō ñerō taribirikoa”, ārī gūñadima.

⁸ Irasiriropo sunɥ ĩgūsārē gūñaña marīrō wajamoāburinɥ āārīrokoa. Boari, pūrīrikuri, kó oreri, ɥaboari āārīrokoa. Iri makā soebéosūrokoa. Marīpɥ āārīpererā Opɥ iri makā marārē wajamoāgū turatarigɥ āārīmi.

⁹ Iri makā ɥjū ĩmīkakumakū ĩārā, i ɥmɥ marā oparā buro bujawereri merā orerākuma. ĩgūsā iri makā marā wajaparire opari merā ɥɥaya, ĩgūsā merā ñerō gāmebirarā āārīnerā āārīmá.

¹⁰ Iri makā ɥjūmakū ĩārā, buro güiri merā yoarogue ĩū nírā, āsū ārīrākuma:

—Ayó, bopori makā āārā Babilonia. Wári makā, turari makā āārādabɥ. Gūñaña marīrō merā iro marā wajamoāsūma, ārīrākuma.

¹¹ I ɥmɥ marā doebiri duarimasā iri makā ɥjūmakū ĩārā, buro bujawereri merā orerākuma. Iri makā peremakū ĩārā, ĩgūsāya doebirire wajarirā marīmakū ĩārā, dɥjaritua orerākuma.

¹² ĩgūsā āīwāgā duadɥarire: orore, platare, wajapari ɥtāyerire, perla wāikuri yeridere wajarirā marīrākuma. Gaji ĩgūsā āīwāgā duadɥarire: wáro wajapari surire, oparā sāñarī diiañiweyari surire, seda wāikuri dari merā suadea surire, diiari suridere wajarirā marīrākuma. Gaji ĩgūsā āīwāgā duadɥarire: yukɥ sūrōrī yukure, marfil wāikuri merā irideare, wajapari yukɥ merā irideare, bronce merā irideare, hierro merā irideare, mármol merā irideare wajarirā marīrākuma.

¹³ Gaji ĩgūsā āīwāgā duadɥarire: canela wāikurire, gaji baari ɥsurimakū iririre, incienso, mirra wāikuri sūrōrīrē, gaji sūrōrīdere wajarirā marīrākuma. Gaji: igui deko pāmudeare, ɥyere, trigo pogare, trigo yerire, wekɥare, ovejare, caballuare, ĩgūsā tūārīduparure, moāboerimasā opamurārē wajarirā marīrākuma. Irasirirā doebiri duarimasā buro bujawererākuma.

¹⁴ Irasirirā, iri makā ɥjūadero pɥɥ, āsū ārīrākuma:

—Ñetariro waabɥ ĩgūsārē. Āārīpereri ĩgūsā maīdea, ĩgūsā ōārī wajapari opadea pereakōābɥ. I āārīpereri dupaturi neō marīrokoa, ārīrākuma.

¹⁵ ĩgūsā iri makā marārē doebiri duarimasā wáro wajataunanerā āārīmá. Irasirirā, iri makā marā wajamoāsūmakū ĩārā, buro güiri merā yoarogue ĩū nírākuma. Dɥjaritua ore,

16 āsū ārīrākuma:

—Ayó, ñetariro waabu i makā wári makā. Iri makā marā oārīrē opau-nadima. Nomeō oārī suríro, wajapari diiañiweyariñerē sãñadeo irirosū āārādima. Oro, wajapari ūtāyeri, perla wāikuri yeri mamudea surírore sãñadeo irirosū āārādima.

17 Gũñaña marĩrō wári doebirikuri opadea makā preakōābu, ārīrākuma.

Āārīpererā doóriduparu merā naarā, iri duparu oparā, ĩgūsāyarā ūma, gajirā dia wádiyague moā wajatarāde iri makārē yoarogue ĩū nírākuma.

18 Iri makā ūjū ĩimikakumakū ĩārā, āsū ārī gaguinírākuma:

—I makā irirosū āārīrī makā, neō gaji makā máa, ārīrākuma.

19 Irasū bujawererā, ĩgūsāya dipu weka nikūwera mápeorākuma. Dujaritia ore, āsū ārīrākuma:

—Ayó, ñetariro waabu i makā daro. Oārī makā āārādibu. Āārīpererā marĩ doóriduparu oparā dia wádiyague naarā iri makāma doebiri merā oārō wa-jatadibu. Gũñaña marĩrō iri makā preakōābu, ārīrākuma.

20 Mũsā ūmugasigue āārīrā gapu, iri makā béosūmakū ĩārā, usuyaka! Mũsā Marĩpuyarā, Jesús buedoregu beyenerā, ĩgūyare weredupiyunerā āārīpererā usuyaka! Iri makā marā mūsārē ñerō tarimakū irima. ĩgūsā irasiridea waja, Marĩpu ĩgūsārē wajamoāmi.

21 Puru turagu Marĩpue wereboegu wáriye trigo yeri ĩgūsā oeri ūtāyere āĩwāgū, dia wádiyague meéyo, āsū ārīmi:

—I ye ūtāye meébiaderosūta wári makā Babilonia wāikuri makā béodijusūrokoa. Mũsā iri makārē neō dupaturi ĩābirikoa.

22 Iri makā béodijusūdero puru, neō bayarire péña marĩrokoa. Arpa wāikuri buaputērīrē, tērē duparure, puririduparudere neō dupaturi péña marĩrokoa. Irore moānerā dupaturi neō moānemobirikuma. Trigo yeri ūtāyeri merā ĩgūsā oedeade neō péña marĩrokoa.

23 Iri makārē neō suru sīāgodiru boyobirikoa. Mojōsuarā bosenu irirā usuyari merā ĩgūsā werenírīrē neō dupaturi péña marĩrokoa. Iri makā marā doebiri duarimasā, gajirā i ūmu marā nemorō oparā āārīmá. Iri makā marā yéa iriri merā āārīperero marārē ĩgūsā ārīkatorire buremumakū irima.

24 Marĩpuya kerere weredupiyunerārē, gajirā ĩgūyarādere, irasū āārīmakū i ūmugue āārīpererā masaka wējēsūnerārē i makā marā wējēnerā āārīmá, ārīmi yue turagu Marĩpue wereboegu.

19

1 Babilonia béodijusūdero puru, ūmugasigue wárā turaro merā āsū ārī werenímakū pébu:

Aleluya, Marĩpue usuyari sīrā! ĩgū marĩrē taugu āārīmi. ĩgūrē buremurā! Turatarigu āārīmi.

2 Masakare keoro wajamoāgū, diayeta irigu āārīmi. Iri makā Babilonia, nomeō ūma merā kōābirarikugo irirosū āārībú. Iri makā marārē ĩākūirā, i ūmu marā ñerō irima.

Irasingu Marĩpu, ĩgūrē moāboerārē ĩgūsā wējēdea waja iri makā marārē wajamoāmi, ārīma.✧

3 Dupaturi āsū ārīma doja:

Aleluya, Marĩpue usuyari sīrā! Iri makā neō piriro marĩrō ūjū ĩimikākuníkōārokoa, ārīma.✧

4 Veinticuatro oparā murā, wapikurā okarā merā ejamejāja, ĩgūsāya di-apuserorire yebague moomejā, Marĩpue Opu doarogue doagure āsū ārī buremuma:

—Irasũta ããrã. Aleluya, Marĩpure usuyari sĩrã! ãrĩma.

⁵ Pũru Opũ doaro pũro ããrĩgũ ãsũ ãrĩmi:

Marĩ Opũre usuyari sĩka! ããrĩpererã ãgũrẽ moãboerã goepeyari merã ãgũrẽ bũremurã: oparã, ubu ããrĩrã irasũ irika! ãrĩmi.✠

Jesucristore bũremurã mojõsũari bosenuẽ usũyarãkuma, ãrĩ werede

⁶ Pũru yũ wãrã masaka werenĩmakũ pébũ. ãgũsã wádibu ãtãmu irirosũ, bũro bupu páro irirosũ bũsũma. ãsũ ãrĩma:

Aleluya, Marĩpure usuyari sĩrã! ãgũ marĩ Opũ, turatarigu, dapagorare ããrĩpererãrẽ doregũ ñajãsiami.✠

⁷ Usũyarã! Yũpũrãrĩgue wãri usuyari merã ããrĩrã! Marĩpure: “Õãtaria mũ”, ãrĩ, usuyari sĩrã! Jesucristo oveja majĩgũ irirosũ ããrĩgũ ãgũrẽ bũremurã merã ããrĩnũgãrĩnũ, ãgũ mojõsũari bosenu ejasiã. ãgũrẽ bũremurã, ãgũ merã mojõsũabo, iri bosenuẽ õãrõ ãmuyudeo irirosũ ããrĩma.✠

⁸ ãgũsã õãrĩ surĩ, gũrari marĩrĩ, bũro gosesiriri surĩ Marĩpũ ãgũsãrẽ sĩdea sãñarã ããrĩma. Iri surĩ, Marĩpũyarã õãrĩrẽ iridea irirosũ ããrã, ãrĩma.✠

⁹ Pũru Marĩpure wereboegu yũre ãrĩmi:

—Ire gojaka: “Jesucristo oveja majĩgũ irirosũ ããrĩgũ mojõsũari bosenuẽ ãgũ sũunerã usũyarã ããrĩma”, ãrĩ gojaka! ãrĩmi.

Yũre ãrĩnemomi doja:

—Diayeta ããrã yũ wereri. I Marĩpũya werenĩrĩ ããrã, ãrĩmi.

¹⁰ Irasũ ãrĩmakũ pégũ, ñadũkũpuri merã ejamejã, ãgũrẽ bũremubu iriadibũ. Yũ ejamejãmakũ ããgũ, ãsũ ãrĩmi:

—Irire irasiribirikõãka! Mũ, mũyarã Jesũre bũremurã ãgũ diaye weredeare iritũyarã irirosũta yũde Marĩpure moãboegu ããrã. Irasirigu Marĩpũ gapure ejamejã, bũremuka!

Jesũs diaye weredeare wereturiarã Õãgũ deyomarĩgũ iritamurĩ merã wererosũta, Marĩpũ weredoredeare wereturiarã werema.

Juan, caballu boregũ weka peyagũyare werede

¹¹ Pũru ãmũgasi tũpãmakũ ããbũ. Iro caballu boregũ ããrĩmĩ. ãgũ weka peyagũ* ãsũ wãĩkũmi: “ãgũ ãrĩrõsũta keoro irigũ, diaye irigũ ããrĩmi”. ãgũ masakare ãgũsã ñerõ iriri waja wajamoãgũ, ãgũrẽ ããturirã merã gãmewẽjẽgũ, diayeta yãmi.

¹² ãgũya koye peame ãjũrĩ pũrã irirosũ gosebũ. ãgũya dipurure wãri oparã peyari berorĩ peyami. ãgũ wãrẽ ãgũrẽ gojatũsũdero ããrĩbũ. Iri wãrẽ ãgũ dita masĩmi.

¹³ ãgũ sãñarĩne yoariĩne dí merã dibuadeañe ããrĩbũ. ãgũ ãsũ wãĩkũmi. “Marĩpũya werenĩrĩrẽ weregũ” wãĩkũmi.

¹⁴ ãgũyarã surara ãmũgasigue marã ãgũrẽ tũyama. Caballu borerã weka peyama. Õãrĩ surĩ borerĩ, gũrari marĩrĩ surĩre sãñarã ããrĩmã.

¹⁵ ãgũya disigue sareri majĩ usiri majĩ wiribũ. Iri majĩ merã i nikũ marãrẽ tarinũgãgũkumi. ãgũ turari merã, kõme merã iridea yukũ merã ãgũsãrẽ doremakũ, neõ sugũ ãgũrẽ tarinũgãgũno bokatĩũbirikumi. Marĩpũ ããrĩpererã nemorõ turagu i ãmũ marã ñerã merã guatarimi. Irasirigu caballu boregũ weka peyagũ, sugũ ãgũ turari merã igui kũrabipisãrõsũ ãgũsãrẽ ãgũ turari merã wajamoãgũkumi.

✠ 19:5 Sal 115.13 ✠ 19:6 Sal 93.1; 97.1; 99.1 ✠ 19:7 Ef 5.23-32 ✠ 19:8 Ap 7.14 * 19:11 Caballu boregũ weka peyagũ, Jesucristota ããrĩmi.

¹⁶ Īgūya suríro, Īgūya ñugãdere i wãirẽ gojatúsũdero ããrĩbú: “Īgū ããrĩpererã oparã nemorõ Opũ, ããrĩpererã dorerã nemorõ Doregũ ããrĩmi”, ãrĩ gojatúsũdero ããrĩbú.

¹⁷ Pũũ Marĩpũ wereboegũ abe ãmũmũgue nígũrẽ ĩãbũ. ããrĩpererã mimua ãmarõgue wárãrẽ turaro merã ãsũ ãrĩmi:

—Nerẽrã aarika! Marĩpũ baari ãmurĩrẽ baarã aarika!

¹⁸ Wári nikũ marã oparãya díre baarãkoa. Surara oparã, surara turarã, caballua, ĩgũsã weka peyarãya díre baarãkoa. ããrĩpererãya díre: moãboerã, moãboerã ããrĩmerã, oparã, ubu ããrĩrãya díre baarã aarika! ãrĩmi.

¹⁹ Pũũ gajirosũ deyogũre, i ãmũ marã oparã ĩgũsãyarã surara merã nerẽnerãrẽ ĩãbũ. ĩgũsã nerẽnerã ããrĩmã, caballu boregũ weka peyagũ merã, ĩgũyarã surara merã gãmewẽjẽmurã.

²⁰ Caballu boregũ weka peyagũ gapũ gajirosũ deyogũre peresu irimi. Gajigũ: “Ĕmũgasigue marã Opũyare weregũ ããrã”, ãrĩ ãrĩkatodidere peresu irimi. Īgũ ãrĩkatodi gapũ gajirosũ deyogũ ĩũrõ deyoromurĩrẽ iridi ããrĩmĩ. Īgũ deyoromurĩrẽ iridea merã gajirosũ deyogũ wãĩ gojatúsũnerãrẽ, ĩgũ keori weadeare bũremurãrẽ ĩgũ ãrĩkatorire pémakũ iridi ããrĩmĩ. “Yũ wereri ãmũgasigue marã Opũya ããrã”, ãrĩ ãrĩkatodi ããrĩmĩ. Caballu boregũ weka peyagũ ĩgũsã pẽrãrẽ peresu iriadero pũũ, ĩgũsãrẽ okarãrẽta peamegue béomi. Iri peame dia wádiya irirosũ wári peame azufre wãĩkũri poga merã ãjũrĩme ããrĩbú.

²¹ Pũũ ĩgũsãyarã surara dũyarãrẽ sareri majĩ ĩgũya disigue wiriri majĩ merã wẽjẽmi. Irasũ ĩgũ wẽjẽadero pũũ, mimua ĩgũsãya dũpũrima díre baayapitari-akõãma.

20

Mil bojorigora Cristo ĩgũyarã merã masakare doregũkumi, ãrĩ gojadea

¹ Pũũ gajigũ Marĩpũ wereboegũ ãmũgasigue merã dijarimakũ ĩãbũ. Bũro ãkũãrĩ gobema sawire, wárida kõmedadere opami.

² Irasũ dijarigũ, pĩrũrẽ ñeãmi. Īgũ pĩrũ neõgoraguere deyoadi, Satanás wãĩkũgũ, wãtĩ ããrĩmi. Īgũrẽ ñeã, kõmeda merã suami, mil bojorigora peresu iribu.

³ Sũa odo, bũro ãkũãrĩ gobegue béodijumi, i ãmũ marãrẽ mil bojorigora ãrĩkatobirikõãburo, ãrĩgũ. Irasũ béodiju odo, iri gobema makãpũrore sawi merã bia, wĩtãbiatokõãmi. Irasirigũ mil bojori tariadero pũũ, dupaturi ĩgũrẽ mérĩnũrĩgãta wiugũkumi dapa.

⁴ Pũũ oparã doarigue doarãrẽ ĩãbũ. Marĩpũ ĩgũsãrẽ masaka irideare: “I gapũ oãbũ, i gapũ oãbiribu”, ãrĩ weremurãrẽ pídi ããrĩmĩ. Gajirãdere ĩãbũ. ĩgũsã Jesúya kerere, Marĩpũyare weredea waja ĩgũsãya dipure diti béosũnerã ããrĩmã. Gajirosũ deyogũre, ĩgũ keori weadeadere neõ bũremubirinerã ããrĩmã. ĩgũsãya diapuserorire, o mojõrĩrẽ ĩgũ wãirẽ gojatúdorebirinerã ããrĩmã. Irasirĩã gajirã ĩgũsãrẽ wẽjẽnerã ããrĩmã. ĩgũsãrẽ wẽjẽdero pũũ masã, dupaturi okarã ããrĩnerã ããrĩmã. Mil bojorigora Cristo merã dorenerã ããrĩmã.

⁵⁻⁶ Iri masãrĩ, ããrĩpũroriri masãrĩ ããrã. ããrĩpererã masãpũrorirã, Marĩpũyarã bũro ãsũyarã ããrĩrãkuma. Neõ dupaturi boabiri, p rebiri peamegue waabirikuma. Marĩpũ, irasũ ããrĩmakũ Cristo ĩũrõ paía ããrĩrãkuma. Mil bojorigora Cristo merã masakare dorerã ããrĩrãkuma. Iri mil bojori tariadero pũũ, gajirã boanerã masãrãkuma.

Wãtẽa opũ béosũgũkumi, ãrĩ gojadea

⁷ Iri mil bojori tariadero pũũ, wãtẽa opũ peresugue ããrĩgũ wiusũgũkumi.

⁸ Īgũ wiriadero pũru, ããrĩperero i ùmu marãrẽ ãrĩkatogu waagukumi. “Náka, gãmewējērã”, ãrĩgũ, Gog wãikuro marãrẽ, Magog wãikuro marãdere ãrĩkatogu waagukumi. Irasirirã, Īgũ ãrĩkatorire pérã, Īgũsãyarã surarare siu neeõrãkuma gãmewējẽmurã. Dia wãdiyama ĩmpa yerire keo bokatĩũña marĩrõ irirosũ, Īgũsãyarã surarare keo bokatĩũña marĩrokoa. Wárãgora ããrĩrãkuma.

⁹ Irasirirã i nikũ ããrĩpereroguere ããrĩseyanugã, Marĩpũyarã ããrĩrĩ makã Īgũ maĩrĩ makãrẽ kãmutabianugãjarãkuma. Īgũsã irasũ kãmutabianugãjadero pũru, Marĩpũ Īgũsãrẽ ùmugasima peame merã soepeogukumi.

¹⁰ Irasũ waadero pũru, wãtĩrẽ Īgũsãrẽ ãrĩkatodire perebiri peamegue béogukumi. Iri peame, dia wãdiya irirosũ ããrĩrĩ peame azufre merã ùjũrĩme ããrã. Irogue gajirosũ deyogure, gajigu: “Ûmugasigue marã Opũyare weregu ããrã”, ãrĩkatodire béosiami. Irogue ããrĩrã, ùmũrĩ, ñamirĩ neõ perero marĩrõ bũro pũrĩrikũrãkuma.

Masakare wajamoãtũnurĩmarẽ gojadea

¹¹ Pũru wáro Opũ doaro borerore ĩãbu. Iro doarogue doagũdere ĩãbu. Īgũ ĩũrõrẽ i nikũ, ùmugaside dederipereakõãbu. Neõ deyobiribu.

¹² Pũru boanerã iro doarogue doagu ĩũrõ nímakũ ĩãbu. Ubu ããrĩrã, oparãde ããrĩmã. Irogue Īgũsã níripoeta Marĩpũ Īgũ gojadea pũrĩrẽ tũpãmi. Iri pũrĩgue masaka irideare gojatũdea ããrĩbũ. Gaji pũ Īgũ merã perebiri okari opamurã wãrẽ gojatũdea pũ ããrĩbũ. Irasirigu iri pũrĩgue gojatũdeare ĩã odo, boanerãrẽ Īgũsã irideare keoro wajarimi.

¹³ Dia wãdiyague mirĩnerã, boanerã ããrĩrõgue ããrĩnerãde ĩgũ ĩũrõ ããrĩmã. Irasirigu Marĩpũ, Opũ doarogue doagu ããrĩpererãrẽ Īgũsã irideare keoro wajarimi.

¹⁴ Pũru boarire, boanerã ããrĩrõdere perebiri peamegue béokõãmi. Iri peame, wãdiya irirosũ ããrĩrĩ peame ããrĩbũ. Irasirirã irogue béosũrãno dupaturi boarã irirosũ dujama. Marĩpũ merã neõ ããrĩbirikuma.

¹⁵ Irasirirã ããrĩpererã Marĩpũ merã perebiri okari opamurã wãrẽ gojatũdea pũgue gojatũsũña marĩnerã perebiri peamegue béosũma.

21

Ûmugasĩ, i nikũde maama dita gorawayurimarẽ gojadea

¹ Pũru yũ Juan, ùmugasĩ, i nikũde maama ããrĩrĩrẽ ĩãbu. ããrĩpũroridea dari ùmugasĩ, i nikũ dederidijapereakõãbu. Dia wãdiya marĩbu pama.

² Neõ ñerĩ marĩrĩ makã, ùmugasĩ Marĩpũ pũrogue ããrĩrĩ makã dijarimakũ ĩãbu. Iri makã, maama makã, Jerusalén wãikuri makã ããrĩbũ. Õãrõ deyori makã, mojõsũabo igo marãpũ suyuburo, ãrĩgõ, surĩro õãrõ sãñadeo irirosũ ããrĩbũ. Marĩpũ ãsũta i makãrẽ ãmuyudi ããrĩmĩ.

³ Pũru Opũ doaro pũro ããrĩgũ, turaro merã ãsũ ãrĩ werenĩmakũ pébu:

—Õãrõ péka! Dapagora Marĩpũ masaka watope ããrĩmi. Īgũsã merã ããrĩgukumi. Īgũsã Īgũyarã ããrĩrãkuma. Īgũta Īgũsã merã ããrĩ, Īgũsã Opũ ããrĩgukumi.

⁴ ããrĩpereri Īgũsãya kódeko wiririre niũgukumi. Boari, bujawereri, kó oreri, pũrĩrikũride neõ marĩrokoa. I ùmũma ããrãdea ããrĩpereri pereakõãbu, ãrĩmi.

⁵ Pũru Marĩpũ, Opũ doarogue doagu ãsũ ãrĩmi:

—ããrĩpererire maama dita gorawayumakũ yãa, ãrĩmi.

Pũru ãsũ ãrĩmi doja:

—Yũ ãrĩrĩrẽ gojaka! Yũ ãrĩrĩ diayeta ããrã. Irasiro yũ ãrĩrõsũta waarokoa, ãrĩmi.

⁶ Pũru yũre ãsũ ãrĩmi doja:

—Iropata aārā. Yū neōgoraguere aārīpereri i ūmumarē aārīmakū iridi, i aārīpererire peremakū iribu aārā. Yūre gāamerā, ñemesiburā buro iiriduarā irirosū aārīma. Irasirigu ĩgūsārē perebiri okari sīrī deko*, ūmawiuroma dekore tīāgukoa. Wajamarīrō iri dekore iirīrākuma.

⁷ Aārīpererā ñerō tarikererā yūre buremuduúmerārē aārīpereri yū: “Sīgura”, aārīdeare sīgukoa. ĩgūsā Opū aārīgukoa. ĩgūsā, yū pūrā aārīrākuma.

⁸ Gajirā gapū masakare güisīā, yaare pirirā, yūre buremumerā, ñetariro irirā, wējērīmasā, ūma, nome merā, nome ūma merā ñerō kōābirarikurā, yéa aārīrā iririkurā, keori weadeare buremurā, aārīpererā aārīkatorikurā peamegue waarākuma. Iro dia wádiya irirosū aārīrī peame azufre merā újūrīme aārā. Irogue waarā, yū merā neō aārībirikuma. Irasirirā dupaturi boarā irirosū dujarākuma, aārīmi.

Maama makā Jerusalēmarē weredea

⁹ Pūru sugū Marīpūre wereboegu yū pūrogu ejami. ĩgū su mojōma pere gaji mojō peru pērēbejari pari opanerā merāmū, Marīpū masakare wajamoādoge pīnerā merāmū aārīmī. Āsū aārīmi yūre:

—Īgū aarika! Jesucristo oveja majīgū irirosū aārīgū mojōsabore† ĩmugukoa mūrē, aārīmi.

¹⁰ Irasirigu Ōāgū deyomarīgū, kērō irirosūgue yūre Marīpūya makārē ĩāmakū irimi. Ūmadi ūtāū wekague yūre āimūrīa, irogue Marīpūya makārē Jerusalērē neō ñerī marīrī makārē, Marīpū pūrogu ūmūgasigue merā dijariri makārē ĩmumi.

¹¹ Marīpū gosesiriri merā, jaspe wāikuriye, wajapariye, oārō deko sūririye irirosū deyoriye gosesirirosū gosesiribu.

¹² Iri makā turo wári sārīrō ūmarī sārīrō aārībú. Iri sārīrōrē pe mojōma pere su gubu peru pērēbejarigora makāpūrori aārībú. Iri makāpūrorikū sugū Marīpūre wereboegu koremi. Iri makā makāpūroriguere Israel bumarā pe mojōma pere su gubu peru pērēbejari buri marā wāirē gojatúsūbu.

¹³ Iri sārīrōrē abe mūrīro gapū ure makāpūro aārībú. Sur gapū ure makāpūro, norte gapū ure makāpūro, abe ñajārō gapū ure makāpūro aārībú.

¹⁴ Iri sārīrō pe mojōma pere su gubu peru pērēbejari paga ūtā majīrī weka peyabu. Iri ūtā majīrīkū Jesucristo oveja majīgū irirosū aārīgū buedoregu beyenerā wāirē gojatúsūbu.

¹⁵ Marīpūre wereboegu yūre weregu keodi oro merā iridire opami. Iri makārē, iri makāma makāpūroridere, iri sārīrōdere keobu irimi.

¹⁶ ĩgū keodi merā iri makārē keo odomakū, dos mil doscientos kilómetros yoari makā, iropata eyari makā, iropata ūmarōde aārībú.

¹⁷ Pūru iri makāma sārīrōrē keomi. “Sesenta y cinco metros aārā”, aārīmi. Marī masaka keorosūta keomi.

¹⁸ Iri sārīrō jaspe wāikuri ūtāye merā iridea sārīrō aārībú. Iri makā oro merā iridea makā aārībú. Iri oro gajino morēña marīrī, oārō deko sūriri irirosū deyobu.

¹⁹ Iri sārīrō doka aārīrī ūtā majīrīrē aārīpereri wajapariyeri merā mamudea aārībú. Aārīpūroriri majī jaspe wāikuriye aārībú. Iriye pūruma majī zafiro

* **21:6** San Juan 11.25: Jesús aārīmi: —Yū boanerārē masāmakū irigu, ĩgūsārē okari sīgū aārā. Yūre buremugū boadigue aārīkeregū, okagukumi, aārīmi. San Juan 14.6: Jesús aārīmi doja: —Yū dita Yūpū pūrogu waarī maa irirosū aārā. Yū diayema aārīrīrē masakare masīmakū irigu, ĩgūsārē okamakū irigu aārā. Yū merāta Yūpū pūrogu waarākuma, aārīmi. Irasirigu Jesús perebiri okarire sīrī deko irirosū aārīmi. ĩgūrē buremurā ĩgū Pagū pūro i perebiri okarire opamurā aārīma. † **21:9** Jesucristo oveja majīgū irirosū aārīg'ūrē buremurā maama makā Jerusalén marā aārīmurā ĩgū mojōsabore irirosū aārīma.

wāikuriye āārībú. Peye puruma maji ágata wāikuriye, ureye puruma maji esmeralda wāikuriye āārībú.

²⁰ Wapikuriyeri puruma maji ónice wāikuriye āārībú. Su mojōma puruma maji cornalina wāikuriye, su mojōma pere gaji mojō suru pērēbejari puruma maji crisólito wāikuriye āārībú. Su mojōma pere gaji mojō peru pērēbejari puruma maji berilo wāikuriye āārībú. Su mojōma pere gaji mojō ureru pērēbejari puruma maji topacio wāikuriye āārībú. Su mojōma pere gaji mojō wapikuduru pērēbejari puruma maji crisoprasa wāikuriye āārībú. Pe mojōma puruma maji acinto wāikuriye āārībú. Pe mojōma pere su gubu suru pērēbejari puruma maji amatista wāikuriye āārībú.

²¹ Iri sārīrōrē pe mojōma pere su gubu peru pērēbejari makāpurori, perla merā iridea seri āārībú. Iri seriku suye perlaye merā iridea dita āārībú. Iri makā deko waarí maa, oro gajino morēña marĩ merā iridea maa, ōārō deko suriri irirosū deyori maa āārībú.

²² Iri makārē Marĩpuya wiire ĩābiribu. Iri makā āārīpererogue Marĩpu tatarigū, irasū āārīmakū Jesucristo oveja majīgū irirosū āārīgūde āārīrō āārībú. Irasiriro iri makā āārīperero Marĩpuya wii irirosū āārībú.

²³ Iri makā abe ũmumu, ñamimude boyoro gāāmebea. Marĩpu gosesiriri merā ōārō boyoa. Jesucristo oveja majīgū irirosū āārīgūde iri makārē sīāgoduru irirosū boyomi.

²⁴ Irasirirā i ũmu marā Marĩpu taunerā iri makāma boyori merā āārīrākuma. I ũmu marā oparā iri makāgue ĩgūsā ōārī oparire sīrā āijarosū Marĩpure: “Ōātaria mu”, ārī, usuyari sīrākuma.

²⁵ Ūmurē iri makāma makāpurori tūpādea āārīrokoa. Iroguere neō ñami marīrokoa.

²⁶ Wári nikū marā ĩgūsā ōārī oparire iri makāgue sīrā āijarosū Marĩpure buremurā ejarākuma.

²⁷ Ŋerĩ āārīrĩ gapure iri makāguere neō āĩñajābirikuma. Ŋerō iririkurā, ārīkatorikurāde neō iri makāguere ñajābirikuma. Jesucristo oveja majīgū irirosū āārīgū merā perebiri okari opamurā ĩgūya gojadea pūgue ĩgūsā wāi gojatúsūnerā āārīma. ĩgūsā dita iri makāguere ñajārākuma.

22

¹ Puru Marĩpure wereboegu diare yure ĩmumi. Iriyama deko perebiri okari sīrī deko* āārībú. Ōārō deko suridiya, diumaji irirosū āārībú. Marĩpu, Jesucristo oveja majīgū irirosū āārīgūya doaro doka wiribu.

² Iri makā dekoma maa, wári maague ũmayobu. Iriya pe gapu turorire perebiri okari sīrī yuku níbu. Iri yuku aberiku dukakua. Su bojorire, pe mojōma pere su gubu peru pērēbejarigora dukakua. Iriguma pūrī i ũmu marā masaka pūrīrikurire tauri pūrī āārā.

³ Irasiriro neō pūrīrĩ marīrokoa. Iri makāgue Marĩpu, Jesucristo oveja majīgū irirosū āārīgūya doaro āārīrokoa. ĩgūyarā ĩgūrē buremurākuma.

⁴ ĩgūya diapure ĩārākuma. ĩgūsāya diapuserorire ĩgū wāirē tuuyasūrā āārīrākuma.

* **22:1** San Juan 11.25: Jesús ārīmi: —Yu boanerārē masāmakū irigu, ĩgūsārē okari sīgū āārā. Yure buremugū boadigue āārīkeregū, okagukumi, ārīmi. San Juan 14.6: Jesús ārīmi doja: —Yu dita Yuru purogue waarí maa irirosū āārā. Yu diayemarē masakare masāmakū irigu, ĩgūsārē okamakū irigu āārā. Yu merāta Yuru purogue waarākuma, ārīmi. Irasirigu Jesús perebiri okarire sīrī deko, perebiri okarire sīrī yuku irirosū āārīmi. ĩgū merā ĩgūrē buremurā ĩgū Pagu puro i perebiri okarire opamurā āārīma.

⁵ Iroguere ñami neõ marĩrokoa. Irasirirã iro ããrĩrã sĩagoriduparure, abe boyoridere gããmebirikuma. Marĩpũ boyori merã ããrĩrãkuma. Īgũ merã neõ piriro marĩrõ dorenĩrãkuma.

Jesucristo i ãmũgue dupaturi aariburo mérõ dũyáa, ãrĩ gojadea

⁶ Pũrũ Marĩpũre wereboegu yũre ãrĩmi:

–Yũ wereri diaye ãrĩrĩ ããrã. Irasiriro yũ ãrĩrõsũta waarokoa. Marĩpũ ĩgũya kerere weredupiyurãrẽ ĩgũyare masĩmakũ irigũ ããrĩmi. Īgũrẽ wereboegure iriumi ĩgũrẽ moãboerãrẽ mérõgã pũrũ waaburire masĩdoregũ, ãrĩmi.

⁷ Irasirigũ Jesús ãsũ ãrĩmi:

–Mérõgã pũrũ aarigũkoa. Irasirirã, Yũpũya kere i papera pũgue gojadeare iritũyarã usũyarãkuma, ãrĩmi.

⁸ Yũ Juan, i ããrĩpererire pé, ĩãbũ. Irasirigũ irire pé, ĩãdero pũrũ, yũre ĩmuadi Marĩpũre wereboegũya guburi pũro ñadũkupuri merã ejamejãjabũ ĩgũrẽ bũremubu.

⁹ Yũre ĩgũ gapũ ãrĩmi:

–Irire irasiribirikõãka! Mũ, mũyarã Marĩpũya kerere weredupiyurã, ããrĩpererã i papera pũma dorerire irirã irirosũta yũde Marĩpũre moãboegu ããrã. Irasirigũ Marĩpũ gapũre ñadũkupuri merã ejamejã, bũremuka! ãrĩmi.

¹⁰ Pũrũ yũre ãrĩnemomi:

–I pũgue: “Ãsũ waarokoa”, ãrĩ gojadea keoro waaburo, mérõ dũyáa. Irasirigũ, Marĩpũya kere i pũgue gojadeare duúrogu opabirikõãka! Yayeri ããrĩbea.

¹¹ Irasirirã ñerã i kerere pédũamerã mũrãrõta ĩgũsã gããmerõ irinĩkõãburo. Ñerĩrẽ iririkũrãde mũrãrõta ñerĩrẽ irinĩkõãburo. Õãrõ irirã gapũ mũrãrõta õãrõ irinĩkõãburo. Marĩpũ gããmerĩrẽ iririkũrãde mũrãrõta irire irinĩkõãburo, ãrĩmi.

¹² Pũrũ Jesús ãsũ ãrĩmi:

–Ãsũta ããrã. Gũñaña marĩrõ aarigũra. Masakakũre yũ sĩburire opáa. Īgũsã iriderosũta ĩgũsãrẽ keoro sĩgũra.

¹³ Yũ neõgoraguere ããrĩpereri i ãmũmarẽ ããrĩmakũ iridi, i ããrĩpererire pere-makũ iribu ããrã. Yũ i ãmũrẽ iriburo dupiyuro ããrĩsiabũ. Iri pedReadero pũrũ, ããrĩnĩkõãgũkoa, ãrĩmi.

¹⁴ ããrĩpererã ĩgũsã ñerĩ irideare pirirã usũyarãkuma. Surĩ koe odo, gũrari marĩrĩ sãñanerã irirosũ ããrĩma. Irasirirã iri makãma makãpũrorire tariñajãrãkuma. Iri makãma yukũ perebiri okari sĩrĩ yukũ dukare baarãkuma.

¹⁵ Gajirã ñerõ iririmasã gapũ iri makãgue ñajãbirikuma. Īgũsã yéa ããrĩrã iririkũrã, ãma, nome merã, nome ãma merã ñerõ kõãbirarikũrã, wẽjẽrĩmasã, keori weadeare bũremurã, ãrĩkatorikũrã ããrĩma.

¹⁶ Yũ Jesús, yũre wereboegure iriubũ, mũsã yũre bũremurãrẽ i papera pũmarẽ werebure. Opũ David parãmi ããrĩturiagũ ããrã. Neñukãmũ boyodiru õãrõ boyoro irirosũ ããrĩgũ, maama perebiri ãmũrẽ pígu ããrã, ãrĩmi.

¹⁷ Õãgũ deyomarĩgũ, irasũ ããrĩmakũ Jesucristo oveja majĩgũ irirosũ ããrĩgũyarãde ĩgũ mojõsuabo irirosũ ããrĩrã ĩgũrẽ ãsũ ãrĩma: “Aarika!” ãrĩma. ããrĩpererã irire ãrĩmakũ pérãde: “Aarika!” ãrĩburo. Ñemesiburã iirĩduarã, perebiri okari sĩrĩ dekore iirĩrã aariburo. Wajamarĩrõ iri dekore iirĩrãkuma.

¹⁸ Yũ Juan, ããrĩpererã Marĩpũya kere i pũgue gojadeare pérãrẽ gopepyari merã ãsũ ãrĩ weregũra: “I pũgue gojadeare gaji bueri merã morẽsóo werenemorãrẽ Marĩpũ wajamoãgũkumi. I pũgue wajamoãburire gojaderosũta ĩgũsãrẽ wajamoãgũkumi.

¹⁹ Gajirã Marĩpaya kere i pũgue gojadeare gorawayurãrẽ ãsũ irigukumi. Ñgũsãrẽ perebiri okari sĩrĩ yukũ dukare sĩboadeare sĩbirikumi. Irasirirã Marĩpã merã neõ ñerĩ marĩrĩ makãgue ããrĩnikõãbirikuma. Irire i pũgue gojasũa”, ãrĩmi.

²⁰ Jesús irire weregũ, ãsũ ãrĩmi:

—Irasũta ããrã. Mérõ duyáa yũ aariburo, ãrĩmi.

Irasũta waaburo. Gũa Opũ Jesús aarika!

²¹ Marĩ Opũ Jesús mũsã ããrĩpererãrẽ õãrõ iritamuburo. Irasũta ããrĩburo.